


Juziñamui Ñuera  
Uai



New Testament in Huitoto, Minica

**Juziñamui Ñuera Uai**  
**New Testament in Huitoto, Minica**

copyright © 2011 Wycliffe Bible Translators, Inc.

Language: Minica Huitoto (Huitoto, Minica)

Translation by: Wycliffe Bible Translators, Inc.

**Copyright Information**

© 2011, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

**The New Testament**

in Huitoto, Minica

**© 2011, Wycliffe Bible Translators, Inc. All rights reserved.**

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-08-06

## Contents

SAN MATEO . . . . .	1
SAN MARCOS . . . . .	66
SAN LUCAS . . . . .	106
SAN JUAN . . . . .	174
LOS HECHOS . . . . .	219
ROMANOS . . . . .	278
1 CORINTIOS . . . . .	308
2 CORINTIOS . . . . .	336
GALATAS . . . . .	354
EFESIOS . . . . .	364
FILIPENSES . . . . .	375
COLOSENSES . . . . .	382
1 TESALONICENSES . . . . .	389
2 TESALONICENSES . . . . .	395
1 TIMOTEO . . . . .	399
2 TIMOTEO . . . . .	407
TITO . . . . .	413
FILEMÓN . . . . .	417
HEBREOS . . . . .	419
SANTIAGO . . . . .	445
1 PEDRO . . . . .	452
2 PEDRO . . . . .	461
1 JUAN . . . . .	466
2 JUAN . . . . .	472
3 JUAN . . . . .	473
JUDAS . . . . .	474
APOCALIPSIS . . . . .	477

## JUZÍÑAMUI ÑUEFUE SAN MATEO LLOGAFUE El Santo Evangelio Según San Mateo

### *Jesucristo nánoramaci (Lc 3.23-38)*

<sup>1</sup> Benomo cuega mámeciai Juzíñamui Jitó Jesucristo nánoramaci. Jesucristo jaii illaíma David náiraimona comuídime. Daje izói afémie David nánoramie Abraham náiraimona comuídime.

<sup>2</sup> Afe Abraham Isaac moo, íemo jíái Isaac Jacob moo. Iemo Jacob Judá ie ámatiairi íaiói moo.

<sup>3</sup> Iemo Judá Fares Zara diga íaillinoi moo. Afe íaillinoi ei Tamar. Iemo Fares Esrom moo. Iemo Esrom Aram moo.

<sup>4</sup> Iemo Aram Aminadab moo. Iemo jíái Aminadab Naasón moo. Iemo Naasón Salmón moo.

<sup>5</sup> Iemo Salmón Booz moo. Afe Booz ei Rahab. Iemo Booz Obed moo. Afe Obed ei Rut. Iemo Obed Isái moo.

<sup>6</sup> Iemo Isái illaíma David moo. Iemo illaíma David, Urías tilla mei Urías ai ote. Iemo David íaillinoi jitó Salomón.

<sup>7</sup> Iemo Salomón Roboam moo. Iemo Roboam Abías moo. Iemo Abías Asa moo.

<sup>8</sup> Iemo Asa Josofat moo. Iemo Josofat Joram moo. Iemo Joram Uzías moo.

<sup>9</sup> Iemo Uzías Jotam moo. Iemo Jotam Acáz moo. Iemo Acáz Ezequías moo.

<sup>10</sup> Iemo Ezequías Manasés moo. Iemo Manasés Amón moo. Iemo Amón Josías moo.

<sup>11</sup> Iemo Josías Jeconías naa ie ámatiairi moo. Aféruillaído Israel nairai Babilonia éniemo lláviano uigáiaíoi.

<sup>12</sup> Afe mei Jeconías Salatiel moo. Iemo Salatiel Zorobabel moo.

<sup>13</sup> Iemo Zorobabel Abiud moo. Iemo Abiud Eliaquim moo. Iemo Eliaquim Azor moo.

<sup>14</sup> Iemo Azor Sadoc moo. Iemo Sadoc Aquim moo. Iemo Aquim Eliud moo.

<sup>15</sup> Iemo Eliud Eleazar moo. Iemo Eleazar Matán moo. Iemo Matán Jacob moo.

<sup>16</sup> Iemo Jacob José moo. Afe José, María ini. Aféngomona comuide Jesús. Afémie jíáici Cristo.

<sup>17</sup> Be daíí Abrahámona Davidmo itígima catorce méidígimaíai. Daje izói David illágimamona Israel nairai lláviano Babilonia éniemo uillágimamo catorce méidígimaíai. Iemo jíái afénomona catorce jíáigima Cristo comuíllanomo.

### *Jesucristo comuúllafue (Lc 2.1-7)*

<sup>18</sup> Jesucristo jocoina bie izói joide. Ie ei María ja jícanogango Josemo iníreillena. Nai José diga iñena llezica, María Juzíñamui Ñuera Joreño ríinodo, ja úruereacade.

<sup>19</sup> Ie ini José ñue jaícina itímie, mei íadi uáfodo comini eróicana Maríana oni dotáacañede. Mei jíáfodo báinino buna onóñeno aféngona oni fiéacade.

<sup>20</sup> Bíemo comécilla llezica, ie ínia anado ángel daínámie, Juzíñamui abi ímie íemo cíocaide. Iena daide:

—José, David izíe ímie, meáiruiñeno o iri. María o aiza o oíri, mei afengo jocolle jitó Juzíñamui Ñuera Joreñodo comuúdeza.

<sup>21</sup> Afengo jító jócoite; ie mei Jesuna ie mámecei jítaitio. Afémie daií mámeceireite, mei ie comínina íaioi fiénidifuemona jílloteza, —daide.

<sup>22</sup> Nana bie íficaide, jaijai Juzíñamui uai jino llóraima dáinana ñue ícoimo fúitallena. Afe uai llóraima bie izói daide:

<sup>23</sup> Nai ínínide jitaingo úruereacade; íemona jító cómuite.

Afémie mámecei Emanuel daille.

Afeci daiíacade, Juzíñamui cai diga ite.

<sup>24</sup> José nicáirillamona cazillano Juzíñamui abi ímie íemo ocuilla izói finode. Maríana ie ai izói ote.

<sup>25</sup> Mei íadi María jító jócuano, afe íaillinoi ua ini izói iñédiaillinoi. Jócuanó Jesuna ie mámecei jítade.

## 2

### *Magos daínamaci ucúduaido ráfuenta baitáđino Jesuna méiñuaibitiaioi*

<sup>1</sup> Jesús Belén jófue mo jococa. Afe Belén Judea éniemo ite. Aféruillaido Herodes aféniemo illáimana ite. Iemo dáamaci jítoma billáfene imaci Jerusalemó dúcidiaioi. Afémaci ucúduaido ráfuenta baitáđino.

<sup>2</sup> Dúciillano jicánotiaioi:

—¿Ninomo ite jococa Judíuai illaíma? Mei jítoma billáfenemo ie illano onótate ucúduna ciódicaíza. Afémie cáimadollena benomo biticai, —daídíaioi.

<sup>3</sup> Bífuenta Herodes fídiamona, afémie comeci lícide. Daje izói jíái nana Jerusalemó comini áfemo comeci lícioidiaioi.

<sup>4</sup> Iemona Herodes nana lletáriraini illaini, íemo ocuica uailai llófuetino diga dáanomo jíirillano jicánote. ¿Mei nie jófue mo afe Cristo jécille?

<sup>5</sup> Jira íena daídíaioi:

—Afémie Belén jófue mo jécille, mei jaijai Juzíñamui uai llóraini bie izói dáideza:

<sup>6</sup> Belén jofue Judá éniemo ite.

Afe éniemo ite jamánomoide jófuemona afe Belén dinó dúeñeite;

mei aféno mo cue nairai Israel úiñoite illaíma cómuiteza, —daií daídíaioi.

<sup>7</sup> Afe mei Herodes ucúduaido ráfuenta baitáđinona báinino uáidote. Uáiduano íaioimo jicánote: “¿Nie monado afe ucúduna ciódiomo?”

<sup>8</sup> Íaioi llua méifomo, Belemo íaioina orede. Oriano íaioina daide:

—Aféno mo omoi jai. Jaillano afézana ñue jaícina omoi jicánori. Afeza omoi báíadi, cuemo lluaíbiri, mei afézana cáimaduaiacadícue, —daide.

<sup>9</sup> Afe illaíma daií íaioina daína mei, ucúduaido ráfuenta baitáđino jáidiaioi. Ie mei jítoma billa dibénemona íaioi ciona ucudu, meine abido íaioina ífóicaide. Ífóicaillano afe úrue illánomo mózizaide.

<sup>10</sup> Baitáđino afe ucudu mózizaillana cióillano, íere cáimacaidiaioi.

<sup>11</sup> Iemo afeco eromo jaillano, afézana ie ei María diga cióidiaioi. Iemona afézamo cañici ana dújuillano, íena cáimadotiaioi. Afe mei íaioi atica raa túiñuano, afézamo fecádiaioi. Ua oro, íemo uguci, íemo “mirra” daína ráifide ziórede raa, afézamo fecádiaioi.

<sup>12</sup> Afe méifomo, Juzíñamui nicáirillado íaioimo llote; Herodes illánomo íaioi jáiñeillena íaioina daide. Afemona oni jíáie iodo íaioi éniemo jáidiaioi.

### *Jesús moo íaillinoi Egíptomó bótaja*

<sup>13</sup> Ucúduaido baitáđino meine jailla méifomo, Juzíñamui abi ímie (ángel daínamie) nicai anado Josemo cíocaide. Cíocaillano íena daide:

—¡Náidacai! Náidacaillano úrue ie ei diga Egipto éniemo omoi bota. Aféno mo cue daille dinó omoi iri. Mei Herodes bie úrue fállena jénoiteza, —daide.

<sup>14</sup> Mei jira José náidacaillano, úrue naa ie éioiri naio Egíptomó botádiaioi.

<sup>15</sup> Afénomo ua Herodes tñlle dñno ítaioi. Bie izói íficaide, Juzíñamui uai llóraima jaiia daina uai ñue ícoimo fuitállena. Afe uai be ñue: “Egíptomona cue Jitó uáidotícue.”

### *Herodes nana úruiaina fazítate*

<sup>16</sup> Iemo Herodes ucúduaido baitáðno afémie jifánodoiana fidíillano, afémie jamánomo rícaide. Iemona nana Belemo ite mena fimona fuitade úruiaina fazítate. Afe jofue áinodo ite úruiaina daje izói fazítate. Naui ucúduaido baitáðno úrue jocóinana Heródesmo llua izói, mena fimona fuitade úruiaina fazítate.

<sup>17</sup> Bie izói jaiia Juzíñamui uai llóraima Jeremías lloga uai fuite. Be ñuuai:

<sup>18</sup> Rama jófuemo zúurede uai cácacaite; cáillicailli eia uai cácacaite.

Nairai uzuma Jacob ai Raquel báifene jica ia cómuitaga úruiairi éhena.

Aféngomona jica ia úruiaí cómuitatino eia jaca buna fíranide, mei afengo úruiaí fazílliaioiza, daí Jeremías daide.

<sup>19</sup> Mei afe Herodes tñlla méifodo Juzíñamui abi ímie nicaí anado batí Egíptomona Josemo cíocaide. Cíocaillano íena daide:

<sup>20</sup> —¡Náidacai! Náidacaillano úrue naa ie éioiri abido Israel éniemo omoi jairi, mei nau baie fáiacadino nana ja tíidiaioi, —daide.

<sup>21</sup> Afemona José afe úrue naa ie éioiri abido Israel éniemo jáidiaioi.

<sup>22</sup> Mei íadi Arquelao ie moo Herodes ifomo illáimana íllana fidíillano, José afe Judea éniemo jáillana jacíruite. Iemo Juzíñamui nicaí anado afémieemo llúamona, afémie afénomo jáiñeno Galilea éniemo jaide.

<sup>23</sup> Afe Galiléamo dúcia méifodo, Nazaret jófuemo fíébizaide. Bifue bie izói joide, jaiia Juzíñamui uai llóraima daina uai ñue ícoimo fuitállena. Be ñuuai: “Jesús Nazaret ímie daíirena.”

## 3

### *Juan Bautista táizicimo rafue jino lloste* (Mr 1.1-8; Lc 3.1-9, 15-17; Jn 1.19-28)

<sup>1</sup> Aféruido Juan Bautista Judea éniemo ite táizicimo lletámaizaibite.

<sup>2</sup> Daide:

—Omoi comeci ífuiiaí mai méidori, mei monamo ite Juzíñamui illáimana illirui ja íanori íteza, —daide.

<sup>3</sup> Bie Juan jaiia Juzíñamui uai llóraima Isaias llogámie. Afémie jica ia bie izói Juaado cuete:

Ficire úritimie uai táizicimo cácacaide.

Afémie daide: “Juzíñamui bille io ñue fínua izói, omoi comeci ñue omoi fínori.

Afémieemo io jaícina dénuia izói,

Omoi comeci íaifuiiaí omoi féitari”, —daide.

<sup>4</sup> Aféruillaído Juan jítáogaroí camello itíraiaí nínaroi. Ie círaigi ífe rille igoí fínoina. Afémie jaca fíuuaí rífirede. Daje izói cíiji jírofirede.

<sup>5</sup> Jerusalén comini afémie úrillamo cacáreizaibitiaioi, daje izói nana Judea énie imaci, iemo jái Jordán imani abi comini ie úrillamo cacáreizaibitiaioi.

<sup>6</sup> Iaióimo ite fíenidifuiiaí jino íaioi llua méifomo afe Juan Jordamo íaioina báutizade.

<sup>7</sup> Mei íadi fariséuaímona, jái saducéuaímona aillo comini Juan dñné ie báutizajonomo bitiaioi. Afémaci bíllana Juan cíoillano, íaioina daide:

—¿Titade jaióniamona comuídino izóidiomoi! Ja ánozide duere ze-fuillifue mona omoi botállena ¿bu omoi llua?

<sup>8</sup> Omoi comeci ifue méidoiacanana ñúefuedo uáfodo jino ácatari.

<sup>9</sup> Dani ómoimona “Abrahámona comuídino dicai cai íllamona Juzíñamui íena iticai,” afe izói daiñeno iri, mei táinoza. Mei bie nofíciamona, Juzíñamui jitáyadi Abraham comínina comuítaredeza, daií ómoína daidicue.

<sup>10</sup> Fiénide amena tiéllena jata jicaida jóonia izói, fiénidino duere finoille jae ñue mameca. Nana figo llizíñede amena tíano iraimo zocana uillano jobaica. (Tiéfirega zena izóidiomoi.)

<sup>11</sup> Uáfueña bimaci comeci ifue íaioi méidua jira, jáinoido íaioína báutizadícue. Mei jíáfodo cue méifodo bíitimie, comínina Ñuera Joreño úcaitaite. Daje izói iraimo raa ñue zia izói afémie comínina íainino ñue finoite. Afémie iere cue baimo ríinorede, cue bie jamáimiedicueza afémiena dama ñue jacíruiredícue.

<sup>12</sup> Afe cue méifodo bíitimie arroz biájidimie izói ja ie llocofe llícabite. Afémie arroz bíamona ícuai oni eneno ua izói, ñúemacimona fiénidinona oni eneno óite. Ñúemacina ie illánomo ñue ráiruite, mei jíáfodo fiénidicuai izóidinona jaca dúiñeite iraimo jóbaite, —dinori Juan úrite.

### *Jesús báutizaina*

*(Mr 1.9-11; Lc 3.21-22)*

<sup>13</sup> Jesús Galiléamona imani Jordamo Juan illánomo bite, afe Juan ie báutizallena.

<sup>14</sup> Jesús bítemo Juan íena báutizaacañede. Jira Jesuna daide:

—Cue bie odo báutizaregacue. ¿Ñibái mei cue dinena bitio? —daide.

<sup>15</sup> Jira Jesús íena daide:

—Dama daiítadeza, birui cue daína izói fino, mei nana Juzíñamui jítaina izói finóredicocoza. Afe coco finolle cócomo ñue jóbide, —daide.

Iemona Juan ja fairíote.

<sup>16</sup> Afemona Juan Jesús báutizade. Báutiza mei Jesús jáinoimona jino bite. Afe llezica mona raire túijicaide. Afe dáaruido Jesús Ñuera Joreño fíiciri ana billa izói bíllana ciode. Afémiemo ráinazaibite.

<sup>17</sup> Mei íemona monámona daa úrilla uai cácacaide. Afe úrilla daide:

—Bie iere cue izíruiga Jitó. Afémiemo jamánomo íobioidícue, —daide.

## 4

### *Taife Jesús facátate*

*(Mr 1.12-13; Lc 4.1-13)*

<sup>1</sup> Afe mei Ñuera Joreño Jesús táizicimo uite, afénomo Taife afémie fiени facátallena.

<sup>2</sup> Afénomo Jesús cuarenta dígarui güiñeno ite. Mona naio díga afénomo güiñeno ite. Afe mei afémie iere jamánomo jufínaite.

<sup>3</sup> Ie jufínailla llezica, Taife Jesús facátallena ánozide. Iena daide:

—Ua Juzíñamui Jitona o íadi, mai bie nofíciái paana mei fino, —daide.

<sup>4</sup> Jira Jesús uai ote:

—Jaiái Juzíñamui Cuegáuai daide: “Fia güíllede come ínide, mei jíáfodo nana Juzíñamui lloga uaido írede,” —daide.

<sup>5</sup> Iemo Taife Jesuna ñuera Jerusalén jófuemo uite. Afénomo ite gairíraco emódomo caifo jica Jesuna uite.

<sup>6</sup> Uillano íena daide:

—Ua Juzíñamui Jitona o íadi, benómona ana batí mai ticai, mei Juzíñamui Cuegáuai bie izói dáideza:

Juziñamui ie abi imácina ona uíñotaite.

Iaioi ónoído ona moziñoitiaioi, o éiba noficiaimo íziñeillena, —daide.

<sup>7</sup> Jira Jesús uai ote:

—Jaiái Juziñamui Cuegáuai nane daide: “O ocuide Juziñamui mai facátañeno,” —daide.

<sup>8</sup> Nane dáanomo Taife iere caifónedumo Jesuna uite. Afénomona Taife nana éniemo ite náiraina ie ácatate, naa íaioimo ite ebíredífuiairi.

<sup>9</sup> Iemo nane íena daide:

—Cañícido cue anamo dújuano cuemo o caimátaiadi, nana bie omo ítíticue, —daide.

<sup>10</sup> Mei jira Jesús daide:

—Taife, mai oni jai, mei Juziñamui Cuegáuai dáideza: “Dama ocuide Juziñamuimo caimátairena. Dama afémie ocuífíregamiéna o iri,” —daide.

<sup>11</sup> Afemona Taife Jesús fáicanocaillano oni jaide. Afe mei dáarie Juziñamui abi ímiái Jesuna cánuabite.

### *Jesús Galilea éniemo como fueñe tájizaide*

*(Mr 1.14-15; Lc 4.14-15)*

<sup>12</sup> Jesús Juan Bautista llavéinana fidíillano, oni Galilea éniemo jaide.

<sup>13</sup> Mei íadi Nazaremo fiébiñeno, Capernaum jófue mo jaide. Afe jofue Galilea jorai fuédamo ite. Iemo afe jofue Zabulón éniemo ite. Daje izói Naftalí énie áinomo ite.

<sup>14</sup> Jaiái Juziñamui uai llóraima Isaías lloga uai ñue fuitállena, bie izói íficaide. Afe uai daide:

<sup>15</sup> Zabulón énie, Naftalí énie diga áillue jóraimo jóide io áinori ite.

Afénie Jordán ruicáfellemo ite.

Afénie judíoñedinomo dúide Galilea daina énie.

<sup>16</sup> Aféniaimo ite comini jítinomo itino izói Juziñamuina onóñediaioi.

Mei íadi ja birui afémaci como aillo egáñotena ciódino izói, Juziñamuina uáfodo onódiaioi.

Iemo jái afe tíide izói Juziñamuina ónoñedino jae egáñogaiaioi, Juziñamui zíñona illífuena íaioi maiñóllena.

<sup>17</sup> Afe mei Jesús jino comínimo ie llófuelle uai fueñe tainede. Daide:

—Omoí comeci ífuiaí méidori, mei monamo ite Juziñamui illáimana illirui áinozideza, —daide.

### *Jesús cuatro dígamie facófredino uáidote*

*(Mr 1.16-20; Lc 5.1-11)*

<sup>18</sup> Jesús Galilea jorai fuédado macádemo, mena ama íaillinoína baite. Dámie mámece Simón, afémie jáífodo mameina Pedro. Jáie baigámie mámece Andrés. Afe íaillinoi facóraini. Afe llezica llóiji jóraimo dotádiaillinoi.

<sup>19</sup> Iemo Jesús íaillinoína daide:

—Mai cuedo bi, comini llófuellena íaioi jénoitimiena ómicoína jóoneitícue, —daide.

<sup>20</sup> Íaillinoi llóiji fiénocaillano afémiedo jáidiaillinoi.

<sup>21</sup> Nane afe báfenemo Jesús mena jáie ama íaillinoína cíozaide. Afe íaillinoi Zebedeo jító Santiago Juan diga. Afe íaillinoi áillue nocaemo ie moo diga íaioi llóiji ñue finódiaioi. Jesús íaillinoi uáidote.

<sup>22</sup> Afe llezica, áillue nocaemo íaillinoi moo fiénocaillano, Jesudo jáidiaillinoi.

### *Jesús nágagobiaimo aillo comini llófuete*

*(Lc 6.17-19)*



<sup>23</sup> Afe mei Jesús Galilea éniendo nágafenedo jaide. Nana Juzíñamui uai llófueriracuaimo llófuerite. Afémie Juzíñamui illáimana illirui ñúefuedo jino llócaide. Daje llezica nana jiáifodorie irárede comini jíllotate.

<sup>24</sup> Nana Siria éniemo Jesús finoca ñúefuiai jalleide. Iemona Jesumo jiáiforiede dúicuaimo duere zefuídino atídiaoí. Iemo jiáiforie izi cácadino, íemo fiénide joríaí uícaigamací, íemo chémemo raamo jíridino, íemo tízitaitino, nana bie izóidino Jesumo atídiaoí. Iemo nana afémacina Jesús jíllotate.

<sup>25</sup> Iemona diga jiáinuiaimona bitíaoí Jesudo jáillena. Galilea éniemona bitíaoí, íemo Decapólís jófuiamona bitíaoí, íemo Jerusalén naa Judea éniemona bitíaoí. Daje izói imani Jordán ruicáfellemona Jesudo bitíaoí.

## 5

### *Caifónedumona Jesús lloga are uai*

<sup>1</sup> Jesús afe aillo iedo jáidinona cíoilano, caifónedumo ráinazaide. Iemona ie llófuegamaci afémie abido ofídiaoí.

<sup>2</sup> Afe mei Jesús bie izói como íaioina llófuete:

### *Caímare íobidino (Lc 6.20-23)*

<sup>3</sup> “Comeci dinena dúeredicaí” daiífredino íobidiaoí, mei monamo ite Juzíñamui illáimana illarui afémacimo dúideza.

<sup>4</sup> Comécina zúuredino caímare itíaoí, mei Juzíñamui íaioí fíraiteza.

<sup>5</sup> Comécina mánaidino caímare íobidiaoí, mei Juzíñamui jica ia íaioiena mameca énie máíñoitiaioíza.

<sup>6</sup> Júbiena méinegamie iere güíacana izói, Juzíñamui comece jítaina izói iere íacadino caímare íobidiaoí, mei Juzíñamui afe íaioí íacanana izói íaioí íllena afémacina cánoiteza.

<sup>7</sup> Jiáimacimo dúecaifredino caímare íobidiaoí, mei Juzíñamui íaioimo dúecaiteza.

<sup>8</sup> Comécina íainidino caímare íobidiaoí, mei Juzíñamuina cíoitiaoíza.

<sup>9</sup> Icírafuena oni orédino caímare íobidiaoí, mei Juzíñamui afémacina “Cue jitódiomoi” dáíteza.

<sup>10</sup> Juzíñamui jítaina íaioí fínuari duere zefuídino caímare íobidiaoí, mei monamo ite Juzíñamui illáimana illarui íaioimo dúideza.

<sup>11</sup> Comini omoi báíñua, omoi duere íaioí fínua caímare íobidiomoi. Daje izói cue ícoinia taino uaillaí ómoimo íaioí nitáadi caímare íobidiomoi.

<sup>12</sup> Afena náfueñeno íobicana caímare omoi iri, mei monamo ite áillue ebíredifue jíridoitiomoi. Mei jaiai nai omoi íñena llezica ite Juzíñamui uai llóraini daií duere finóllena racácaiaoí.

### *Sal ñue fínua izói, afe izói comini ñue finódinona itíomoi; daje izói bínie egáiñotinodiomoi (Mr 9.50; Lc 14.34-35)*

<sup>13</sup> Omoi, sal izói, bínie comini ñue finódinona itíomoi. Mei íadi sal ie ríino íñenia güíllena caímáretañede. Afe rínonide sal ¿minícado meine ríiretade? Jaca meine ríiretaninamona jaca ráifíñede. Comini zaizíllena macáranomo dotárega.

<sup>14</sup> Omoi finoca ñúefuiai fínuamona, bínie comini ñue íllena egáiñote raa izóidiomoi. Iemona caifónedumo ite uáfori cíocaide jofue jaca retáidonina izói itíomoi.

15 Uneca mechera nogo eromo retáidollena unéñediomoi. Mei jiáifodo caifo uáfori cíoidinomo uneda ráinafirediomoi, jofo eromo itínomo ñue egáñollena.

16 Afe izói ómoimo Juzíñamui comuítaga omoi finófirega ñúefuiai jino comini eróicana finócana omoi uiri. Daií omoi ñue finócafuiaina ñue íaioi cíuilleza. Uáfori íaioimo cíotari, monamo ite omoi Moomo ñúefuiai íaioi jóonellena.

*Jesús Moisés ocuica uai dibénedo llófuete*

17 “Moisés ocuica uai cáitajaibite,” daií cuemo omoi comécíñeno iri. Daje izói jaiai Juzíñamui uai llóraima llófuia féitajaibiñedicue. Jaca afe uallai féitajaibiñedicue, mei jiáifodo afe uallai ñue ícoimo fúitaibiticue.

18 Uáfueña ómoína dáititucue, mona naa énie diga nai fúíñeille dino bie ocuica uáillaimona daa uai oni ónide. Nana áfemo lloga ífcaitifuiai nai zuíñena llezica, afe uallai jaca íte.

19 Ie jira afe ocuica uáillaimona daa uai iere duere íadi dáamie náfueñenia, monamo ite Juzíñamui illáimana illáruimo afémie jamáimiena jáite. Daje izói afémie náfueñena izói jiáimacina “Cai náfueñeilli” daiíadi, iere jamáimiena jáite. Mei jiáifodo aféuallai náfuetinona íemo jiáimaci afe uaina náfuetadinona, “Bimaci Juzíñamui illáimana illáruimo jamánomoidinona,” daiille.

20 Mei birui ómoína dáititucue: Juzíñamui jitáinana ñue ícoimo fuitállena, ocuica uai llófuetino, fariséuai diga iere áfena nícidotiaioi. Mei íadi íaioi nícidoga baimo omoi fínoñenia, monamo ite Juzíñamui illáimana illáruimo dúciñeitiomoi.

*Jesús comini icírilla dibénedo llófuete  
(Lc 12.57-59)*

21 Omoi jaiáidigimaci dáinana cacádiomoi. Afe daina be ñie: “Jiáimana titáñeno iri, mei jiáima titádimie jicánuano duere finolle.”

22 Mei íadi afe emódomo nane dáititucue. Ninó dáamie ie aino come diga icírria, afémie áferi jicánuano duere finolle. Daje izói ie ámana iaire daidímie Jamánomo Ríillaini afémiemo jicánuano duere finolle. Iemo jiái ie ámana “O abina onóñedimiedio,” daiíadi afémie áferi jaca ninomo dúíñede iraimo orérede.

23 Iemona Juzíñamuimo o úriacana llezica, daje izói afémiemo fia fecáacaga raa o izájiacana llezica, o aino come diga o icírillamo o uibíoicaiaidi,

24 afe o izájiacaga raana izáiñeno iri. Fueñe afémie diga ñue o finori, caimare uái ómicoi íllena. Afe ñue ómicoi fínua méfomo, o izájiacaga raana fecáredio. Ja Juzíñamuimo úriredio.

25 Iemo jiáifuemo omoi cacai. Íaifue omo mamédímie diga raire o úrizairi, afe íaifue záilleza. Jicánoracomo nai ona uiñena llezica, mai jino io anamo ñue ómicoi záitari, jicánoraimamo o ie úíñeilleza. Daií o fínoñenia, afe jicánoraima fiénidino llaitáfiredinomo ona izájite. Iemo afémaci ona llavéracomo íbaitiaioi.

26 Uafue ona dáititucue, o llavétatímie jicaca úcube ie jícaja dieze o íbañenia, afécomona jaca jino bíñeítio, —daidicue.

*Jesús comini fínoca jiruifue dibénedo llófuete*

27 Jaiai daináuai cacádiomoiza. Afe be ñie uai. Jiáie ringo diga jiruídoñeno o iri.

28 Mei íadi ómoína daidicue: Omoimona dáamie ringomo eróicana fiени começi facáadi, afémie jae afengo diga ie comécido jiruifue finode.

29 Mei o ciona raamo o éroillamona fiénidifuemo ona baítaia áfemo eróiñeno o iri. Ua, o uiji nabeji o fítajamona o eróinino o illa izói, afe izói o fiéniruitate

raamo eróiñeno o iri. Afe uíji júbene o fítañenia izói, fiénide raamo éroillano o fáicanocaiñenia o abina nana iraimo dotátaite. Ie jira o abímona daa íeizi iñena izói, nana o abi táinocaille baimo iere ñuera.

<sup>30</sup> Daje izói o finóacanafuiai fiénidifuemo ona baiítaia, aféfuiai finóñeno o iri. O onoi nabezi o jáitajamona aféfuiai o finónino o illa izói, afe o fiéniruitate ráfuiaina o fáicanocairi. O jáitañenia izói, o fáicanocaiñenia, o abina nana iraimo dotátaite. Ie jira o abímona daa onoi iñenia izói, nana o abi táinocaille baimo iere ñue ite.

*Come ai dótafirena dibébedo Jesús llófuete*  
(Mt 19.9; Mr 10.11-12; Lc 16.18)

<sup>31</sup> Daje izói jiáie jaiai daína uai bie izói joide: “Ninó daa come ie ai dotáadi, afe bie ringona benómona óñeiticue daínabe aféngomo írena.”

<sup>32</sup> Mei íadi birui ómoína daidicue: Dáamie ie ai dotáadi, afémie aféngona jiruiretaite. Mei íadi daa ráfuedo dotárede. Afefue be ñie: Afengo inírede ia jiáie iima diga íadi afengo dotárede. Daje izói dotácango aina otímie afe úamona afémie afengo diga jiruifue finode, mei Juzíñamui eróicana, afengo nai fueñeidimie ai.

*Jesús táinona uafue daiíllena Juzíñamui mámece llínuado llófuete*

<sup>33</sup> Daje izói omoi jaiáidigimamona cacádiomoi. Afe be ñie uai: “Juzíñamui eróicana ie mámece o llínuano o daínana ñue ícoimo záitari.”

<sup>34</sup> Mei íadi birui ómoína daidicue: Uafue daiíllena jaca mona mámece llínonidiomoi. Mona Moo Juzíñamui illánoza, áfedo iere uafue daiíñeno iri.

<sup>35</sup> Daje izói énie íbogido uafue daiíñeno iri, mei aféñena Juzíñamuimo jaináideza; fia ie idai jóonera izóideza. Daje izói o llógana uafue daiíllena Jerusalén mámece llíñoñeno iri, mei afe jofue Nahíllaimamo, ua Juzíñamuimo dúideza.

<sup>36</sup> Daje izói dama o ífócido uafue daiíñeno iri, mei o ífótirai úzetiraina méidonidiomoiza, daje izói jítitiraina orénidiomoiza.

<sup>37</sup> Iemona jiáie uaina nabáiñeno “Jii fínoiticue” daiíri. Mei jiáifodo “Jii fínoititicue” daiírena. Uafue daiíllena bie izói o daína baimo jiáie uaina o nabáiadi afe uai Taifémona bite.

*Jiáimamo iba úado Jesús llófuete*  
(Lc 6.29-30)

<sup>38</sup> Daje izói jiáie jaiai nanómona daínana cacádiomoi. Afe daína be ñie uai: “Dáamie jiáimie ui fitáadi afe íbana afémie ui fitárega. Daje izói dáamie jiáimie ízido ditáadi afe íbana afémie ízido ditárega.”

<sup>39</sup> Mei íadi birui ómoína daidicue: Dáamie fiene omoi finóadi, íbana afémiemo riire úriñeno o iri. Mei jiáifodo dáamie o uíeco putáadi daje llezica enéfene putari íena o daiíri.

<sup>40</sup> Dáamie taino omo jítajano, o caifóferoi bairóadi, afe llezica o jinófenemo jítáraroi caifóferoi diga naga afémiemo o fecari.

<sup>41</sup> Daje izói dáamie mei policía izóidimie méere de raana daa kilómetro ríifuedo o abítaiadi, afe baimo mena kilómetros ícíríñeno o uíri.

<sup>42</sup> Nane dáamie raa ómoimo jicáadi, afe íemo o fecari. Jiáimie “Nano íanori cuemo fia fecá” daiíadi, afémiemona oni jíjicaiñeno o iri.

*Cai ícírillamacina izíruiredicai*  
(Lc 6.27-28, 32-36)

<sup>43</sup> Daje izói jaiai nanómona daína uaina cacádiomoi. Afe be ñie uai: “Omo caimare úrifirenamiéna izíruiri, íemo o ícírillamiéna éoiri.”

<sup>44</sup> Mei íadi birui ómoína daidicue: Omoí icířillamiēna omoí izírui. Omoí faidódimiēna caimare íemo omoí finori. Omoína éoidinona ñue omoí finori. Omoí báíñotino, íemo jíái ómoína fiēni finóacadino diga afémaci íēna Juzíñamuimo omoí jicari.

<sup>45</sup> Daí omoí íllemona monamo ite omoí Moo Juzíñamui jítótiaína jáitiomoi. Mei afémie ñuemaci ie jítómana egáíñotadeza, daje izói jíáie fiēnidimaci íēna egáíñotadeza. Iemo, comécina jáicina jóidinomo afémie nocina biítate, daje izói comécina jáicina jóíñedino íēna nocina biítate.

<sup>46</sup> Mei dani ómoína izíruiñona omoí izíruiadi, ¿áfemona minica jirídoitiomoi? Jaca jirídoñeitiomoi. Omoí jámairuiga gobierno raiñoca úcube llínofiredino da afémaci izíruiñona izíruiñoi. Afémaci baímo izíruiñoi.

<sup>47</sup> Dama omoí ámatiaí caimare omoí uáidoiadi, ¿ñie ñúefue finódiomoi? Juzíñamuina onóñedino bie izói illa. Afémaci baímo nana comini caimare uáidorediomoi.

<sup>48</sup> Monamo ite omoí Moo Juzíñamui íaifuenide comécina figomiēna illa izói, afe izói omoí iri.

## 6

### *Jesús cai finófirega ñúefuiaí dibéndo llófuete*

<sup>1</sup> Jesús nai úrite; daide: Omoí finófirega ñúefuiaí comini eróicana afémaci ómoimo cáimacaillena omoí finóñeno iri. Daí omoí finóadi monamo ite omoí Moo Juzíñamui ómoína minicana jirídotañeite.

<sup>2</sup> Ie jira dúeredino o cánua llezica nana comini lloñeno, uái daí omoí canori. Jino omoí macáramo, daje izói Juzíñamui uai llófuēriraco eromo diga táinona abi íñotino bífrediaíoi. Afémaci comeci figóñedimaci illa llezica jino finócafuaiēmona ñuemacina eróidiaíoi. Iaíoi finua izói finóñeno omoí iri. Afémaci daí finofrediaíoi jíaimaci íaíoi ñue úrillena. Mei uafue ómoína dáitícue: Comini íaíoi caimare úrillado, íaíoi jirídoacaga raana jae íaíoi jirídogo.

<sup>3</sup> Mei jíáfodo dúeredinomo daa raa o fecalle llezica o izíruiaga aino cómemo lloñeno uái daí o fecari.

<sup>4</sup> O finófirega ñúefue báinino o finori. Iemona o Moo Juzíñamui o báinino finoca raana cíoiēza. Afemona óiēna mameca raana o jirídotaiēza.

### *Jesús Juzíñamuimo úrillado llófuete (Lc 11.2-4)*

<sup>5</sup> Juzíñamuimo omoí úrilla llezica, abi diné ñue cíoidimaci finua izói finóñeno omoí iri. Afémaci Juzíñamui uai lloraco eromo caífo naidáillano ficírede uaido Juzíñamuimo úrilla izói finódiaíoi. Iemo jofue cígimo ite aillo comini ofíranomo daje izói finófrediaíoi, comini íaíoi cíoiēna. Uáfueña ómoína dáitícue, afe bie comini íaíoi ñue úrillado, íaíoi jirídoacaga raana jae jirídotiaíoi.

<sup>6</sup> Mei jíáfodo Juzíñamuimo o úrilla llezica, o jofu eromo jaillano o naze íbairi; íemo aféno o diga ite Moo Juzíñamuimo o úriri. Afemona o Moo Juzíñamui o báinino úrilla uaina cacáillano, óiēna mameca raana o jirídotaiē.

<sup>7</sup> Juzíñamuimo o úrilla llezica, Juzíñamuina onóñedino finua izói, taino uaillai diga icaiño lloñeno o iri. Afémaci bie izói comécidiaíoi: “Are cue úrillado Juzíñamui níbai cuemo cacáreite,” daídíaíoi.

<sup>8</sup> Afémaci izói íñeno o iri, mei nai o jítaille raa o jícañena llezica o Moo Juzíñamui uícodo onódeza.

<sup>9</sup> Ie jira bie izói afémiēmo omoí úrifireiri: Cai Moo Juzíñamui, monamo itio; o mámeçido ñúefue nitácaza.

10 O illáimana illirui raire bíteza.

Dinomo monamo o comeci jítáillafue íaioi finua izói, afe izói bie éniemo finótaibiteza.

11 Cai nágarui jitaiga güílleniai, birui caimo fecari.

12 Cai finoca fiénidífue iba caimo oñeno iri, mei afe izói jíáimaci fiéni caimo finódiaioi íadi, afémacimo ibana oñédicai.

13 Íaifuemo cai baíñellena caina uíñori.

Iemo afe llezica nana fiénidífuaímona caina jíllotari.

Mei bínie comini jaca o illáimana illa anamo itíaioi.

Afémaci illáimaillena ríno jaca omo ite.

Daje izói jamánomo ñue ébífue jaca omo ite.

Ja daítadeza.

14 Mei uafue, ómoimo fiéni finódino finoca fiénidífueña omoi féitaia, afe izói monamo ite o Moo o finoca fiénidífueña féitaite.

15 Mei íadi aféfuiaí omoi féitañenia, omoi Moo omoi fiénidífuaína féitañeite.

### *Jesús comini fímairilla dibéndo llófuete*

16 Iemo nane Jesús daide: Dama Juzíñamuimo izire omoi comeci facállena güíllena güíñeno omoi fímairilla llezica, omoi uiécona zuure finóñeno omoi iri. Jínofene ñue cíoina mei íadi comécina íáiredino daí finódiaioi. Íaioi fímairilla llezica abina iere zuure finódiaioi, comini íaioina cíoillano “Baie fímairitino,” íaioi daíllena. Uafue ona dáitícue, afe izoide comini íaioina dánado íaioi jíridoacaga raana jae jíridotiaioi.

17 Mei jíáfodo güíñeno o fímairilla llezica o uieco ñue jocori; o ifo ñue júiri,

18 ona comini “Baie fímairitimie” dáíñeillena. Iemona o diga ite báinidena cíofirede Juzíñamui, áfena dama cíoille, íemona afémie áfena ona jíridotaite.

### *Monamo cai jíridollena ofítaredicai*

*(Lc 12.33-34)*

19 Iemo nane Jesús daide: Bínemo aillo ráaniaina ofítañeno o iri, mei bínemo diga raa ícuai güífirgaza, íemo jíáie raana ráataifiredeza, íemo jíái merífirredino merífiredeza.

20 Mei jíáfodo Moo Juzíñamui jítainana o finófireiri; caífo monamo ie illánomo ñúefuiaí o ofítari, mei afénomo ite raana ícuai güíñédeza, íemo jíái afeno raa zabíñede, íemo afénomo merífirredino merínidiaioi.

21 Mei uáfueza, o gaiga raa ofítajanomo dánomo daje izói o comeci íteza.

### *Cai illafue ñue egáñote raa*

*(Lc 11.34-36)*

22 Ñúefuemo o comécilla omo ñue egáñote raa izoide. Jira bobaie egáioinamona o uído cíonana o íóbitaja izói, afe izói ñúefuiaí o jítaígana o comeci ífueña caímare itátaite.

23 Mei íadi ñúefuemo o comécíñenia, fiénidífuedo mácaja izói itio. Nana o comeci ífue zuure íteza. Mei Juzíñamui omo jóonega ñuera comécido dama fiénidífueño o comécía nñi jamánomo jítifomo o illa izoide. ¡Nñi jamánomo jítirena!

### *Juzíñamuimo cai jainaina llezica úcubemo jaináinidicai*

*(Lc 16.13)*

24 Daje llezica mena ocuídímie anamo buna ínide, mei ménamiéde anamo o íadi dáamie éoitio, íemo jíáímie izíruitio. Daje izói dáamiemo ñue tájíitio, mei íadi jíáímiena jámairuitio. Afe izói Juzíñamuina abí o náamataja llezica úcubemo abina náamatanidío.



*Juziñamui ie úruiaina jáid̄inona ñue úiñote  
(Lc 12.22-31)*

<sup>25</sup> Jira ómoina dáit̄icue, nágarui omoi jitaiga güille naa jirolle diga áfemo comeci faiñeno omoi iri. Daje izói daa o jitalle inícuromo comeci faiñeno omoi iri. Cai ñue illafue güille baimo ráifide. Daje izói cai caana abi iniroi baimo ráifide.

<sup>26</sup> Mai monamo feede ófocuizaimo omoi comeciiri. Afémaci güilleniaina riñediaioi. Daje izói llíziena jofo oñediaioi, íemo jiái güille ñue finóranomo ofitañediaioi. Mei íadi monamo ite omoi Moo afémacina ecáfiredo. Omoi bie ófocuizai baimo iere ráifina.

<sup>27</sup> Omoimona, comeci iere fáiamona ¿mei bu ie zairilla caifomo medio metro zairirena? Buna jaca daí ínide. Dama Juziñamui ona d̄inori o zairitaja. Afe izói o güillena ócuite, jira áfemo comeci faiñeno omoi iri.

<sup>28</sup> Iemo jiái ¿nibái mei inícuromo iere comeci fáifirediomo? Jazícimo ite záfiamo omoi comeciiri. Raamo táijíñediaioi, daje izói iníroina niñediaioi. Mei íadi iere ebire cíoidiaioi.

<sup>29</sup> Iemona ómoina dáit̄icue jaiia illaíma Salomón iere ráarede íadi, bie záfia ebirena izói, ebírediroina jítáñede.

<sup>30</sup> Mei Juziñamui ráitiaimo ebire cíoitaiadi, afémie ómoimo jeruíñeno iníroina jítaite, mei afe ráitiai íanori ebire eróideza. Iemo afe jiáiruido ja jobáicaza.

<sup>31</sup> Iemona nana jiáie raamo comeci faiñeno omoi iri. “Cai güille iñédeza, ¿minica güíticai?” daíñeno omoi iri. Daje izói jiái “¿Minica jíroiticai?” daíñeno omoi iri. Iemo jiái, “Iníroinidicaiza, ¿minica jítaiticai?” daíñeno omoi iri.

<sup>32</sup> Mei uafue, biniemo ite Juziñamuimo íinoñede comini bífuiaimo iere comeciidiaioi; mei íadi omoi Moo monamo ite. Afémie bie izoide raana omoi jítáillana onode. Jira ómoimo iñede raamo comeci fáinidiomo.

<sup>33</sup> Mei íemona Juziñamui illáimana illáruimo duide raamo raire uícodo jaritairi. Daje izói jiáie ie ocuícáfue raire uícodo omo finofireiri. Afe mei nana bie omoi jitaiga raana óitiomo.

<sup>34</sup> Uire jiti cómutifuemo comeci faiñeno omoi iri, mei uire aferui dama ie comeci uille ráfueniaí átiite. Nágaruillaído comuide comeci faille ráfuiaí ja figo báiteza, baimo nabáinide.

## 7

*Jiáima jánana fiēni úriñeno o iri  
(Lc 6.37-38, 41-42)*

<sup>1</sup> Juziñamui ómoimo izire jícanoñeillena, mai jiáima jánana fiēni úriñeno o iri.

<sup>2</sup> Mei jiáima jánana riire o úrilla izói, afe izói Juziñamui riire ómoimo jicánoite. Jiáimamo raana fácano omoi feca izói, afe izói afémie ómoimo fácano fécaite.

<sup>3</sup> ¿Mei ñie izói o ama uimo ite jéende ráaruaina cíodio, mei íadi afe dáaruido dama o uimo jéerie rarúnguai íllana náfueñedio? (Afena dáiacade: Aillo fiénidifue omo illa llezica, ¿ñie izói due jiza oni nibéfodo baíd̄imie jánana úriredio? Urinidio.)

<sup>4</sup> Iemo afe jéerie rarúnguai dama o uimo íadi o ámana ¿ñie izói daíredio: “O uimo ite jéende ráaruai cuena otátari”? Daínidio.

<sup>5</sup> ¡Abi dine ñue cíoide comécina íairedimedio! Fueñe dama o uimo ite jéerie rarúnguai oíri. Afe o ua mei, afe o ama uimo ite jéende ráaruaina jino óredioza.

<sup>6</sup> Juziñamui ñue finoca raa, Juziñamuina íairuitinomo fecáñeno iri; fecádiomoiniadi afena jámairuillano afémaci ómoina t̄ib̄itaitiaioi. Daje izói perla izoide ráifidifuiái meróniaí izoide íaifuiáredinomo lloñeno iri; llotíomoiniadi

meróniai ríirifirena izói bimaci ómoína uáitaibitiaioi. Afe izoide ñúefuiai fiendi acadinomo llónide.

*Juzíñamuimo cai jicalle bie izói jóide*

*(Lc 11.9-13; 6.31)*

<sup>7</sup> Mai omoi jicari, ímona Juzíñamui ómoimo fécaite. Mai omoi jenori; báitiomoiza. Nazémona caimare omoi uáidori; ómoimo tuizáibiteza.

<sup>8</sup> Mei jicádimie llínoteza. Daje izói jenódime báiteza; íemo jiái nazémona caimare uáidotimie mo túigaza.

<sup>9</sup> Mei ómoimona dáamie ie jitó pan jícaja llezica ¿meita nofícina írede? ¡Jaca ínide!

<sup>10</sup> Iemo afémie chamu jícaja llezica ¿meita jaiona írede? ¡Inide!

<sup>11</sup> Mei fiénidinodicaí íadi, ñuera raa cai úruiaimo fécajana onódicaí. Mei íadi afe baímo monamo ite omoi Moo, afémiemo jicádinomo jamánomo ñuera raa fécajana onode.

<sup>12</sup> Mei ímona omoi jitailla jiáimaci íaioi ómoimo finua dieze, dájeze afémacimo finórediomoi. Mei Moisés ocuica uai bie izói jóideza. Daje izói jaiaí Juzíñamui uai lloraini cuega uai afe izói jóideza.

*Rillírede monamo duide io rafue*

*(Lc 13.24)*

<sup>13</sup> Mei afe rillírede monamo duide iodo omoi jai. Niné táinocaitaitinomo jóide io iere áilloo. Daje izói áfeo boilla jamánomo áillue. Afeodo aillo comini jailla.

<sup>14</sup> Mei jiáifodo zíñona cai cáaininomo jóide io jaícina jóide íadi rillírede. Daje izói áfeo boilla rillírede. Afeodo jáidino dúemaci.

*Naga amena ie llizíledo onórede*

*(Lc 6.43-44)*

<sup>15</sup> Diga comini “Juzíñamui dibénedo úriticaí” daídíaioi, íadi taino llotíaioi. Afe izoide cominimona abí omoi rairuiri. Afe bimaci ebire jiféidino izói ómoimo bitíaioi. Uáfueza, illáinide ovéjaiaí izói ómoimo bitíaioi, mei íadi comeci dne illáirede jánallari izóidino.

<sup>16</sup> Afémaci finócafuaído íaioina uáfodo ónoitiomoi. Mei jíirede ñecínamona jíricue óñegaza. Daje izói jíirede monáigimona jíficolliaí óñegaza.

<sup>17</sup> Mei daí nana ñuera amena ñue llizide. Daje izói nana fiénide amena fiénidijaína llizide.

<sup>18</sup> Ñuera aménamo fiénide ráajiaí llizínide. Daje izói fiénide aménamo ñuera ráajiaí llizínide.

<sup>19</sup> Nana ñuera ráajiaína llizíñede amena tíano iraimo jobaica.

<sup>20</sup> Bie izói baie ómoimo bitínona íaioi finócaigafuedo uáfodo ónoitiomoi.

*Nana comini monamo ite Juzíñamui illáimana illíruimo jáiñeitiaioi*

*(Lc 13.25-27)*

<sup>21</sup> Nana cuena “Ocuíraima” daífiredino monamo ite Juzíñamui illáimana illánomo jofo jáiñeite. Dani monamo ite cue Moo comeci jitaillana finódino jofo jáirena.

<sup>22</sup> Aféruillaímo dúcia llezica, diga comini cuena dáitiaioi, “Ocuíraima, Ocuíraima, o mámecido úrifiredicaí. Daje izói o mámecido fiénide jóriaina jino orédicaí. Daje izói o mámecido cíorainina raana uaido comuitaticaí.”

<sup>23</sup> Mei íadi afémacina dáitícue: “Jaca ómoína onóñedicue. Diga íaifuiaí comuídiomoiza, cúemona oni ii,” dáitícue.

*Ménade jofo nillano rafue  
(Lc 6.47-49; Mr 1.22)*

<sup>24</sup> Mei afe bie izói joide. Cuenacacádimie íemo cue ocuícana finódimie jofo nillana baitádimie izoide. Afémie mairídinomo ie jofo nite.

<sup>25</sup> Riire noci biide, íemo ille riire renaide, íemo riirede jairifo afécomo jaiñode; mei íadi afeco jainóñede, mei mairide éniemo nígaza.

<sup>26</sup> Mei jáífodo cuenacacádimie mei íadi cue ocuícana finóñedimie jofo nillana figo baitañedimie izoide. Afémie ídiaidinomo ie jofo nite.

<sup>27</sup> Afe mei riire noci biide, íemo ille riire renaide, íemo riirede jairifo jaiñode. Iemona afécona jainode. Nana ana baiíllano due fiébiñeno niné táinocaide. Jesús dinori úrite.

<sup>28</sup> Jesús úrilla méifomo, nana comini ie llófuemarillari caimare fáigacaidiaioi,

<sup>29</sup> mei riinoredimie izói íaioina llófuefeza. Jaiái ocuica uai llófuefiredino riinonide llófuia izói afémie llófueñede.

## 8

*Jesús chíinaitimie jíllotate  
(Mr 1.40-45; Lc 5.12-16)*

<sup>1</sup> Jesús caifónedumona ana billa llezica, diga comini afémiedo jáidiaioi.

<sup>2</sup> Iemo irárede chíinaitimie Jesumo áinozide. Afémie Jesús anamo dújuillano daide:

—Ocuíraima, o jitáidi bie duícana cúemona oréredio. Cúemona oreri, —daide.

<sup>3</sup> Iemona Jesús ie ónoide afémiena jétano daide:

—Jii, ona jíllotaiacadícue. Benómona ja íainitioza, —daide.

Daí daina llezica ie iráretade chiie jacáibicaide.

<sup>4</sup> Iemo Jesús íena daide:

—Cácarei, bifue bumo lloñeno iri. Dama lletáriraimamo o abi o ácatairi. Afe llezica Moisés ocuica o abi ja íainide daítate raa afénomo mai o fecari. Afemona nana comini o chiie ja jacáillana ónoitiaioi, —daide.

*Romano illaíma ocuífíregamiena Jesús jíllotate  
(Lc 7.1-10)*

<sup>5</sup> Capernaum jófuego Jesús jailla llezica, Romano illaíma Jesumo billano izire jícade:

<sup>6</sup> —Ocuíraima, cue ócuífírega jítócome iere irárede. Batí jofomo bíide. Afémie tíziri iere jamánomo izi cácade, —daide.

<sup>7</sup> Jira Jesús íena daide:

—O jofomo jaillano afémiena jíllotaitícue, —daide.

<sup>8</sup> Jira illaíma Jesús uai ote:

—Ocuíraima, cue jofomo o jáillena, cue iere jamáimíedicue. Jicana o uaido o ocuiri, afémie jíllolleza.

<sup>9</sup> Mei dama cue jíáillaíma uai anamo itícue. Daje izói cue anamo cue úiñoga fuiríraini ite. Dámiena “Bi” cue daía, afémie bírede. Jáimiena “Jai” cue daía afémie jaide. Daje izói cue ocuífíregamiena “Bie fino” cue daía, afémie áfena finode, —daide.

<sup>10</sup> Jesús áfena cacáillano, caimare fáigacaillano afémiedo jáidinona daide:

—Uáfueña ómoína daidícue: Nana Israel náiraímo bie izói ínote come jaca baiñédícue.

<sup>11</sup> Omoína daidícue, nágafeniamona aillo oni jícanemaci bíitiaioi. Afémaci monamo ite Juzíñamui illáímana illánomo jofo ráinazaillano, daane Abraham, Isaac, Jacob diga güítiaioi.



12 Mei íadi fueñe jáiredino, jino jítinomo dotálliaioi. Afénomo afémaci iere énaicana murímuritiaioi, —daide.

13 Iemona afe illáimana daide:

—Mai o jofomo jai. O ínuaze íteza, —daide.

Daií daina llezica afe irárede jítócome jíllode.

*Jesús Pedro jifaiño jíllotate*

*(Mr 1.29-31; Lc 4.38-39)*

14 Afe mei Jesús Pedro jofomo jaide. Afénomo Pedro jifaiño abi cuaríllari irare bíinana cióizaide.

15 Iemo Jesús afengo onoi llínua llezica ie abi cuarilla llícaide. Afemona afengo náidacaillano afémaci jitailla bai atide.

*Jesús aillo iráredinuia jíllotate*

*(Mr 1.32-34; Lc 4.40-41)*

16 Aferui jitoma jáimaicidemo diga fiénide jóriai ogano Jesumo atídiaioi. Iemona daade uaido afe fiénide jóriai jino orede. Daje izói nane nana duícotaidinuia afémie jíllotate.

17 Nana bie izói zúide, jaiiai uai lloaíma Isaías lloga uai fuitállena. Be afe uai: “Cai íraniai afémie uite. Daje izói cai duícuaí afémie oni orede.” Daií Isaías llote.

*Jesudo jáiacadino bie izói írediaioi*

*(Lc 9.57-62)*

Afe mei jorai fuédamo illa llezica,

18 diga comini Jesús abido nágafene gairíllana cióillano, afémie “Mai jorai ruicáfenemo cai jai,” daide.

19 Iemo ocuica uai llófueraima Jesumo billano daide:

—Llófueraima, nana o jáiacana diné odo jáiacadicue, —daide.

20 Jira Jesús ie uai ote:

—Nana jazici rílleniai uái ífireillino ite. Daje izói caifodo féedinuia uái íaioi ráíillino ite. Mei íadi Nanoide íma Jitódicueza, dáanori uái cue illino íñede, —daide.

21 Iemo jáiae ie llófuegamacimona dáamie íena daide:

—Odo jáiacadicue, mei íadi fueñe cue ore cue moo tülle dinó cue ílleza, íemo íena ráiacadicue; afe méifomo odo jáitícue, —daide.

22 Jira Jesús ie uai ote:

—Mai cuedo bi. Juzíñamuimo náfueñedino tíide izóidimaci; mai mei jadíe ua tíitímie afémaci ráilleza. O cuedo bi, —daide.

*Jesús jairifo naa jorai bagua diga llícaitate*

*(Mr 4.35-41; Lc 8.22-25)*

23 Ie mei Jesús naa ie llófuegamaci diga áillue nocaedo jáidiaioi.

24 Afe mei jorai ruicáfenemo jáidiaioimo, daa jamánomo rírede jairifo náidacailla. Afe jairífolomona jorai bagua afecae acónillaina íbáiacade izoide. Mei íadi afe llezica Jesús inide.

25 Iemona ie llófuegamaci ie cazítatiaioi. Cazítajano íena daidíaioi:

—¡Ocuíraima, cai jíllota! ¡Ja buízaidicaiza! —daidíaioi.

26 Jira afémie uai ote:

—¿Níbái mei iere jacínaitiomoi? ¡Omoi nai figo ínoñediomoi! —daide.

Iemona afémie náidacaillano jairifo naa jorai diga lletade. Daií ie daina llezica jorai bagóñeno uái ite.

27 Iemona afécaemo ítímiaí caímare fáigacaidiaioi. Fáigacaillano daidíaioi:

—Bie mei, ¿nñie come? ¡Bímie daina uaina jairifo naa jorai diga ¡note! —daidíai.

*Gerasa éniemo ite fiénide joríaí úicaiga íaillinoí rafue*  
(Mr 5.1-20; Lc 8.26-39)

<sup>28</sup> Afe mei Jesús jorai enéfenemo Gerasa éniemo dúcidemo, mena ima raiáfuaímona Jesús diné bite. Afe íaillinoí fiénide joríaí úicaiga. Afe íaillinoí jamánomo jacire illáirede. Afedo jóide iodo buna jáinide.

<sup>29</sup> Jesús afe íaillinoí lleta llezica caillíoidiaillinoí:  
—Jesús, Juzíñamui Jitódioza. ¿Níbái mei cócomo jírcaidío? ¿Nai aferui dúciñedemo benó coco duere fínuaíbitio? —daidíaiillinoí.

<sup>30</sup> Afe llezica afe áinori tóica meróniaí güitíaí.

<sup>31</sup> Jira afe fiénide joríaí Jesumo izire jicádiaí:  
—Bie come íaillinoímona jino cai o oréadi, táinomo oréñeno baie meróniaímo cai oreri, —daidíai.

<sup>32</sup> Jira Jesús íaioina daide:  
—Mai afénomo omoi jai, —daide.

Afe fiénide joríaí afe íaillinoímona jino billano meróniaímo jaide. Afe mei afe meróniaí jorai arimo ite íconido jabida jóraimo cocídiaí. Afénomo coróbaizidiaí.

<sup>33</sup> Iemona afe meróniaí úiñotino jacínaillano botádiaí. Jófuemo dúcillano nana aféfuiaí llotíaí. Daje izói fiénide joríaí úicaiga íaillinoímo finócafue llotíaí.

<sup>34</sup> Iemona nana afe jofue comini Jesús illánomo jáidiaí. Afémiena cíoillano, afe íaí éniemona oni jáillena izire jicádiaí.

## 9

*Jesús tízitaitimie jllotate*  
(Mr 2.1-12; Lc 5.17-26)

<sup>1</sup> Afe mei Jesús áillue nocaemo ana jaillano jorai enéferaimo ruica jaide. Iemo dama ie jófuemo dúcide.

<sup>2</sup> Afénomo tízitaitimie Jesumo atídiaí, naa ie bírallu diga. Afémaci ínuana Jesús cíoillano, iráredimiena daide:

—Cue izíruigamie, mai caimare ii, mei omo ite fiénidífuiaí jae dógaza, —daide.

<sup>3</sup> Jira ocuica uai llófuetinomona dáarie comeci anado daidíai: “Bímie baie jiámie fiénidífuiaí dóina dáinado Juzíñamuina icíritade.”

<sup>4</sup> Jesús afémaci comécido dáinana onóillano daide:

—¿Níbái mei fieni omoi comeci facádiomoi?

<sup>5</sup> Mei daí daina ménade uáimona ¿nñie uai iere llotáinina? Afe ménade uai be nñie: O fiénidí fue muiñócaza. Iemo jiáie uai bie izói daina: Náidacaillano, maca. (Iraie uai jamánomo llotáirede, mei omoi eróicana íficaideza.)

<sup>6</sup> Ie jira Nanoide Hima Jitódicueza, bíniemo cue illa llezica, comínimo ite fiénidí fue cue muiñolle ríino jino ómoímo cíotaiticue, —daide.

Afemona afe tízitaitimiena Jesús daide:

—Mai náidacai, náidacaillano o bírallu llínota o jofomo jai, —daide.

<sup>7</sup> Afemona tízitaitimie náidacaillano, ie jofomo jaide.

<sup>8</sup> Nana comini áfena cíoillano iere jacínaitiaí. Afemona Juzíñamuimo ñúefuena nitádiaí: “Mei Juzíñamui áillue ríino bie cómemo fecádeza,” daidíai.

*Jesús Mateo uáidote*  
(Mr 2.13-17; Lc 5.27-32)

<sup>9</sup> Jesús afénomona oni jaide. Jaillano Mateo dainámiena ciode. Afémie gobierno íbátaga úcube llínoraíma. Ie jira afe úcube oránomo ráide. Jesús íena daide:

—Mai cuedo bi, —daide.

Ie jira afe Mateo náidacaillano iedo jaide.

<sup>10</sup> Afe jíáiruido Jesús naa ie llófuegamaciri jofo eromo íaioi güilla llezica, aillo jíáie úcube llínofiredino naa jíáie fiénidino dáanomo güitíaioi.

<sup>11</sup> Mei íadi Fariséuai áfena cíoillano afémie llófueganomo jíacánotiaioi:

—¿Nibái mei omoi llófuetimie úcube llínofiredino diga naa fiénidinori güite? —jíacánotiaioi.

<sup>12</sup> Afena Jesús cacáillano, íaioina daide:

—Iociredino iránidino daje izói manóriraimana jítaiñediaioi, mei jíáfodo iráredino manóriraimana jitailla.

<sup>13</sup> Bie jaiai Juzíñamui Cuegáuai dainana omoi onóizairi. Afe be níuui: “Conímana omoi duéruillena daje izói cuena omoi duéruillena jítáidicue. Mei íadi omoi fatá cuemo fia fecaca rílleniai jítáiñedicue,” daide. Ie jira dani ñúemacina abi mamédinona uáiduaibiñedicue, mei jíáfodo fiénidino íaioi comeci ífue méidollena biticue, —daide Jesús.

*Íaioi fímairillena Jesumo jíacánotiaioi  
(Mr 2.18-22; Lc 5.33-39)*

<sup>14</sup> Afe mei Juan Bautístado jáidino Jesumo dúcillano jíacánotiaioi:

—Mei cai bie fariséuai diga ¿nibái fímairitagacai, mei íadi o llófuegamaci fímairiñediaioi? —daidíaioi.

<sup>15</sup> Jira Jesús uai ote:

—¿Airena rafue llezica áfemo uáidogano, meita zúurenari güíndiaioi? Daíí íñédeza; ringo otímie íaioi cígimo illa llezica caimare güitíaioi. Mei íadi ringo otímie íaioimona báiruaibillirui dúcite. Aféruido comeci zúurenari güíñeitiaioi. Ringo otímie izói birui cuedo jáicadino cígiri itícueza, —daide.

<sup>16</sup> Jesús nane jíáie onótatífue llote:

—Jaca ninomo dáamie tífoñegaraimona jaitada jácaie inícuirromo nitáñediaioi. Daíí nitáadi afe cómoroi jácaroína fiéni finode; mei nai jócoñega cómoroi jofo jainánuamona jácaroimo ite cúaidinona aillo oni cuatácana jaide.

<sup>17</sup> Daje izói comue vino jácara igorai finoina iciru izoide raamo totánide. Dámie daíí totáadi afe comue vino afe jácara iciruna eroide raana cúataite. Afemona afe iciru naa vino diga táinomo fáifite. Iemona comue vino comue igorai finoina iciruna eróidemo jóonefirega. Iemona afe naga ñue éenoga. (Afe bie dainado Jesús ie comue llófueinafue, íemo íaioi jaiai llófuegafue dáanomo ínonide, dáanomo náfuenide, íaioimo llófuete.)

*Jairo jiza íemo jíáingo Jesús iniroi jétaibitíngo Jesús jíllotate  
(Mr 5.21-43; Lc 8.40-56)*

<sup>18</sup> Jesús bífuiaido úrilla llezica, judío illaíma Jesumo dúcide. Dúcillano, afémie anamo fueco dine bíjicaillano daide:

—Cue jiza ja tíide, mei íadi o bíllaza, mei aféngomo o onoi bítaibiri afengo jílloillega, —daide.

<sup>19</sup> Afe jira, Jesús náidacaillano afémie diné jaide naa ie llófuegamaciri.

<sup>20</sup> Afémie iodo jailla llezica, jíáie iráredíngo afémiemo bite. Afengo afe irárenamona doce diga fimona dícotaita. Jesús comini cígido rillire jailla llezica, afengo Jesús jinófene dinena ie iniroi fueda jétaibite.

21 Mei afengo comécido daide: “Daa ie iniroi cue jetáadi jílloiticue,” daide.

22 Iemona Jesús meine abido gírecaillano aféngona cíoillano daide:

—Íziruigango, caimare o iri. O ínuamona ja jílloioza, —daide.

Daí daina llezica afengo jílloide. Afemona afengo ja íocirede.

23 Jesús illaíma jofomo dúcia llezica, aillo comini come tíllari cáillicailli éediaioi. Afe llezica jíáimaci toticai zuure fúudiaioi.

24 Jesús áfena cíoillano daide:

—Benómona oni omoí jai. Afeza tíñedeza fia inide, —daide.

Afémie dáinari comini íemo zadáidiaioi.

25 Mei íadi Jesús afémacina jino orede. Oriano jofo jaide. Jofo jaillano afe tídingo ónoído líinote. Líinua llezica afengo caífo náidacaide.

26 Iemona Jesús finócafue nana afe éniemo itígobiaído jica jalleide.

### *Jesús mena uínidimie jílloate*

27 Afénomona Jesús jáidemo, mena uínidimie ie óodana caillícana bite. Daidíallinoi:

—Davidmona comuidimie Juzíñamui oreca Mesía ímie, mai cócomo dúecai, —daidíallinoi.

28 Afe mei Jesús jofo eromo jáidemo, afe íaillinoi Jesumo dúcide. Iemo Jesús íaillinoína daide:

—Cuemo ómicoí jíacáfuena finóredicueza ¿meita ínotiomicoí? —daide.

Jira afe íaillinoi daide:

—Ocuíraíma, jíí ínoticoco, —daidíallinoi.

29 Iemona Jesús íaillinoi ui jetánota daide:

—Ómicoí ínua dieze, ómicoímo cómuíteza, —daide.

30 Daí ie daina llezica, íaillinoi ui ñue cíoide. Afe mei Jesús íaillinoína riire daide: “Bie ómicoímo cue finócafue bumo lloñeno ómicoí iri,” daide.

31 Afena afémie rairuide íadi, afe íaillinoi jino billano, nana afénomo Jesús ui mánuana llócadiaillinoi.

### *Jesús uáinidimie jílloate*

32 Afe mei Jesús afénomona jáidemo, fiénide joríaí úicaiga uáinidimie, Jesumo atídiaioi.

33 Iemona Jesús afe fiénide joríaí jino orede. Afemona uáinidimie ja úrite. Aferi comini caimare fáigacaillano daidíaoi:

—Bie izóidífueña jaca Israel nairai cígímo cíóñedicai, —daidíaoi.

34 Mei íadi fariséuai daidíaoi:

—Jesús dama fiénide joríaí illaíma ríinodo afe úicaigamie fiénide joríaína jino orede, —daidíaoi.

### *Jesús comínimo dúecaide*

35 Afe mei Jesús nana aféniemo ite jófuaímo naa onífedo itícuaído llófuaíde. Afénuaímo ite Juzíñamui uai llófueriracuaído llófuete. Afémie Juzíñamui illáimana illarui ñuera rafue llocana uite. Iemo nana jíáíforiedemo izi cácade iráredinona jílloate.

36 Meita nana daí itínona cíoillano, afémacimo Jesús dúecaide, mei úiñoñegano izóidiaioi. Ie jira oni ráide ovéjaíai izóidiaioíza. Afémaci duere finócaíaoi, daje izóí duere zefuide buna ráiruiñegano izóí itíaoi.

37 Afemona Jesús ie llófuegamacina daide:

—Uáfueza, jacáfaimo ite raa ailla llezica jofo óitino íñena izóí, birui Juzíñamui illáimana illánomo jofo órega comini aillo ite. Mei íadi afémaci jofo óitino figo íñede. (Afe jofo óitino jíáímacimo ñúefue llóitino.)

<sup>38</sup> Ie jira jacafai Naama izóidimie mo jiaie ñúefue llóitimacina omoi jicari, afémaci afémie oréllena.

## 10

*Jesús doce dígamie ie oni oréllino nizede*  
(Mr 3.13-19; Lc 6.12-16)

<sup>1</sup> Afe mei Jesús doce dígade ie llófuegamaci uáidote. Uáiduno fiénide jóriaí comínimona oni orelle ríino íaioimo fecade. Daje izói nana jiaíforiede duico ogano jíllotalle ríino afémacimo fecade.

<sup>2</sup> Be afe doce dígadimaci oni oréllino mámeciai: Nánoramie Simón, dáamiena Pedro daína, íemo ie ama Andrés, íemo Zebedeo jító íaillinoí Santiago Juan diga,

<sup>3</sup> íemo Felipe, íemo Bartolomé, íemo Tomás, íemo gobierno íbátaga úcube llínoraima Mateo, íemo Alfeo jító Santiago, íemo Lebeo dáamie mámecei Tadeo,

<sup>4</sup> íemo Iere Járidotimacimo jaináidimie Simón, íemo uire Jesús fécaitimie Judas Iscariote.

*Jesús ie llófuegamaci jiaígobiamo llófuellena orede*  
(Mr 6.7-13; Lc 9.1-6)

<sup>5</sup> Jesús bie doce dígamiena ie oréacana llezica íaioí táijille izói llote. Daide: —Judíoñedino éniemo omoi jáiñeno iri. Daje izói Samaria éniemo ite jófuiaimo jáiñeno iri.

<sup>6</sup> Mei jiaífodo Israel náiraimo ovejai féiraila izói féiraitinomo omoi jairi.

<sup>7</sup> Monamo ite Juziñamui illáimana illirui áinozillana llocana omoi uiri.

<sup>8</sup> Iráredinuiái omoi jíllotairi. Tíidinuiái meine abido omoi cáatari. Daje izói íaire chíñaitimíaina ñue omoi finori. Daje izói comínimo ite fiénide jóriaí jino oreri. Bie izói omoi táijille ríinona raiñoñoeno ómoimo fecádicue, íemona áfedo jiaímacina raiñoñoeno omoi canori.

<sup>9</sup> Jabe omoi jaille llezica úcubena uiñeno iri.

<sup>10</sup> Omoi cirítico uiñeno iri. Jaca daa o abimo jíidiroi diga jairi. Daje izói ídai icona uiñeno iri, íemo jái macara jigüida uiñeno iri. Mei jiaímacina omoi cánua jira, áfemo táijiraima jaca raiñoñoeno écafíregaza.

<sup>11</sup> Omoi jáillinomo ite comini jófue mo omoi dúcia llezica, ñue ínofíregamie illano omoi jeno. Afénomo nai oni omoi jáiñeille dño uái omoi iri.

<sup>12</sup> Jofo jaillano, afémaci ñue daí uáidori. “Caimare uái omoi iri,” afémacina daíri.

<sup>13</sup> Afe jofo comini caimare omoi llínoyadi, omoi afémaci ie ñue mameca uai afémacimo fiébiteza. Mei íadi omoi daína uaina afémaci náfueñenia, afémacimo omoi mameca ñue uai abido ómoimo bíteza.

<sup>14</sup> Mei íadi afémaci ómoína llínoacañenia, daje izói omoi llógamo cacáreacañenia, afe jofómona, daje izói afe jófue mona oni omoi jai. Omoi jailla llezica omoi éibamo ite íaie afémacimo teténocairi. Afedo íaioí comécimo ite íaifue nai íaioimo íllana ónoitiaioí.

<sup>15</sup> Mei ua ómoína daíticue, íraicaiño riire jicánolliruimo dúcina llezica, bie ómoína ruifruite comini, Sodoma Gomorra diga jofue comini duere zefuilla baimo, iere duere finólliaioí.

*Cristo ícoínia duere cai zefuillifue*

<sup>16</sup> Omoi cacai. Ovejai illáirede jazici jico cígimo ória izói ómoína orédicue. Jaio abi rairuilla onona izói abi omoi onoiri. Mei íadi afe llezica fíiciri illáienina izói omoi iri.



17 Ñue abí omoi rairuiri, mei comini jabóidillainimo ómoína fécaitiaioiza. Juzíñamui uai lloraco eromo omoi fáitiaioiza.

18 Iemo riillainimo, daje izói jamánomo ocuídillainimo cue ícoinia ómoína uitíaioiza. Iemo afe omoi íaioi úilledo afe illáinimo cuedo úritiomoi. Daje izói afe judíoñedinomo cuedo úritiomoi.

19 Mei íadi illáicomínimo omoi íaioi uille llezica, “¿Ñie izói úriticai?” dainamo comeci faiñeno iri; daje izói “¿Ñie uaillai llóiticai?” daiñeno iri. Mei omoi úrille llezica, Juzíñamui ómoína úritaiteza.

20 Afe llezica dani omoi comeci izói úriñeitiomoi. Moo Juzíñamui Ñuera Joreño ómoido úrilleza.

21 Afe llezica comini dani íaioi nahí ámana Crístomo ñnotimiena illa jira, jiáimacimo íena fállena fécaitiaioi. Daje izói móotiai dani íaioi Crístomo ñnote jitótiai fállena fécaitiaioi. Iemo jiái jitótiai dani íaioi móotiaido éoicana eróitiaioi, íemo íaioína titátaitaioi.

22 Nana comini cue ícoinia ómoido éoicana eróitiaioi. Mei íadi fuillínomo fáicanocaiñeno ñue ñnoicaitimie dama jíllote.

23 Daa jofue comini omoi duere finóadi, jiáie jófuego omoi jairi. Mei ua ómoína dáitícue, nana Israel jófuiado nai omoi jáiñenia úcodo raire dúciitícueza; mei Nanoide Hima Jitó Crístodicue.

24 Llófuegamacimona llófuetimie baímo jamánomoidimie ñede. Daje izói ocuífregamie ie ocuídime baímo ocuínide.

25 Llófuegamie ie llófuetimie illa izói írede. Daje izói ocuífregamie ie ocuídime illa izói írede. Jofo naama izóidícueza, Beelzebú daina Taife mámece cuemo íaioi jitáadi, jofo ero úruiai mámece dájena jítaitaioi. Iemo afe úruiaína cue baímo fiene úritiaioiza.

*¿Ñimiena jacíruiñeno iri?  
(Lc 12.2-7)*

26 Ie jira comínina jacíruiñeno iri. Mei nana báinino daina uaillai jino uáfodo cíozite. Daje izói nana báinino itífuiaina jino uáfodo onuille.

27 Birui jítifomo úrilla izói báinino ómoímo cue llógana, uire uáfodo monari comínimo omoi lloiri. Daje izói ómoína báinino cue daina uai, comini dánomo uáidota ficire lloiri.

28 Omoi íeizi titáitnona jacíruiñeno iri; mei omoi joréñona titánidiaioiza. Mei jiáifo boode iraimo cai íeizi naa cai joreño duere finótaitimiena omoi jacírui.

29 Onódiomoiza mena duera ófocuzai duera úcubedo íbárega. Mei daí íaioi ráifiñede íadi, afémacimona omoi Moo Juzíñamui daiñenia dácuño tíide izói ana báíñeite.

30 Mei uafue, omoi ífócimo ífótiraiai illa dígatiraí facádoga.

31 Mei daítadeza jacíruiñeno omoi iri. Omoi, aillo ófocuiñuai baímo ráifidiomoi.

*Comini eróicana Jesuna jiéruitino  
(Lc 12.8-9)*

32 Comini eróicana nana cuena jiéruitinona monamo ite cue Moo eróicana jiéruiticue.

33 Mei íadi comini eróicana cuena jáanotinona, afe izói monamo ite cue Moo uiécori afémacina jáanoitícue.

*Comini conímana ruifruitatallena bitícue  
(Lc 12.51-53; 14.26-27)*

<sup>34</sup> Comini dájena uái illifue biniemo lluaíbiticueza daíñoeno iri. Mei jíáfodo dájena uái illifue lluaíbiñoeno, fuirilla izoide lluaíbiticue.

<sup>35</sup> Cuemo ínuamona dáamie ie moo dinena íena ruifíruicaite. Afe daí cue bíllamona dájena uái íñeitiaillinoi. Daje izói ei cuemo ínua jira afengo jiza dinena ruifíruibicaite. Afe daí cue bíllamona dájena uái íñeitiainguai, íemo jíái cuemo ínuamona mio ie jífaiño dinena ruifíruibicaite. Afe daí cue bíllamona dájena uái íñeitiainguai.

<sup>36</sup> Iemona illa dígamie dama ie jofe ero comini dinena éoigamierna mámeitiaioi.

<sup>37</sup> Ninó daa come ie moo, ie eina cue baímo izíruia, afémie cuemo dúinide. Daje izói ninó daa come ie jítone, níbai ie jízana cue baímo ie izíruia, afémie cuemo dúinide.

<sup>38</sup> Iemo jíái, comini dama afémie titácanamo náfuiano cuedo jáiacañedimie afémie cuemo dúinide.

<sup>39</sup> Ie jira ie cáanano rairuíacadimie áfena táinomo fáífitaitaite. Mei jíáfodo cue ícoínia ie cáanano táinomo fáífitimie afe fáífidena baímo ziiño illínona máíñoite.

*Jirídua izóidífuiaí*  
(Mr 9.41)

<sup>40</sup> Iemo Jesús nai úrillano daíde: Omoína caímare uáidotino, daje izói cuena caímare uáidote. Iemo cuena caímare uáidotino daje izói cuena orédimiena caímare uáidote.

<sup>41</sup> Juzíñamui uai jino llóraima Juzíñamui dibénedo bíllado afémiena caímare uáidotimie, dájeze afémie jirídua izói jirídoite. Daje izói ñuemiena caímare uáidotimie afe jíáimie ñue íllado, afémie jirídua izói jirídoite.

<sup>42</sup> Daje izói ninó daa come cue llófuegamacimona jabóidimie daa due jiza mánaide jáinoina jirótaadi, afémie cuedo jailla jira, afe jirótatimie uáfuenta íeiena mameca raana jirídoite, —dinori Jesús ie oréllimacimo llófue.

## 11

*Juan Bautista orécano*  
(Lc 7.18-35)

<sup>1</sup> Jesús ie doce dígade llófuegamaci íaioi táijille izói llófuiana fuilla méifomo, Jesús oni afe éniemo ite jófuiamo jaide, afénomo ite comini llófuellena.

<sup>2</sup> Aféruido Juan Bautista llavéracomo illa llezica afémie Jesús finócafuiaina fídide. Ie jira iedo jáidinomona dáarie Jesumo jícanuaitate.

<sup>3</sup> Jesumo dúciillano jícanotiaioi:  
—¿Meita o biite Cristo daínámiedio? ¿Níbai nai jíáie bítimie úíñoredicaí? — daídíaioi.

<sup>4</sup> Jira Jesús afémacina daíde:  
—Omoí ciona, omoí cacana izói Juaamo omoí llujiri.

<sup>5</sup> Bífuiaí afémiemo llujiri: Uínidino ñue ciódiaioi, macáñedino macádiaioi, íaire chíñaitino íaioi chíemona ñue jacáitagaiaioi. Iemo jefona cacáñedino ñue cacádiaioi, íemo dáarie tíidino meine abido cáadinona jáidiaioi. Daje izói dúeredino jíllona uaina llogáiaioi.

<sup>6</sup> Cuemo ínoñeilli uaina baíñedimie íóbite.  
<sup>7</sup> Juan orécano meine abido jailla méifomo, Jesús Juaado comínimo úrite; daíde:

—Mei táizicimo ¿minícana cióizaidiomoi? Níbai dáamie ie daína uaina méidofiredimiena cióizaifirediomoi.

<sup>8</sup> Afe izóidimiena omoi cíozaiñenia, ¿mei ñe izóidena cíozaidiomoí? ¿Meita ñibai ñue cíode ráifide ñiroí jítáoidimie cíozaidiomoí? Onódiomoíza ráifide ñúecuíroi jítáoífredino jaca illaini jofomo ífrediaíoi.

<sup>9</sup> Mei írainomo ¿minícana cíozaidiomoí? ¿Ñibai Juzíñamui uai jino llórainmana cíozaidiomoí? Jii. Uáfueza. Juzíñamui uai llórainma baimo jamánomoidimiena cíozaidiomoí.

<sup>10</sup> Juan baie Cuegáuai ñainámie. Jaiái uícodo ñai cue biñena llezica, aféuaimo Juzíñamui, afémie ñibénédo cuena ñaíde:

O bille io ñue finóllena izóí, comini íaíoi comécido ñue omo jíeruillena, cue llúajitimie o uícodo orédicue.

<sup>11</sup> Uáfena ómoína dáitícue, nana cominimona ite Juzíñamui uai llórainimona Juan Bautista baimo jamánomoidimiena ññede. Mei jíáífo do Juzíñamui illáimana illánomona jabóidimie Juan baimo jamánomoi.

<sup>12</sup> Mei íadi Juan Bautista bíllamona ua biruimo aillo comini ríífuedo raa báirua izóí, monamo ite Juzíñamui illáimana illánomo iere izire jofo jáiacadiaíoi. Afe ríífuedo afénomo jofo jáiacadino bie izóí comécidiaíoi: “Afe illánona anáfenuano jofo jáiticaí,” ñaí comeci facádiaíoi.

<sup>13</sup> Nana Juan uícodo ite Juzíñamui uai llóraini naa Moisés lloga ocuica uai ñiga Juzíñamui illáimana illáruído úritiaíoi. Iaiói úrilla méífo do Juan bite.

<sup>14</sup> Iemo jíáífoe ómoímo llóitícue. Omoi ñnoiacaniadi, bífuena ñnorediomoí. Naui lloga bíite Elías be ñámie Juan; mei Juan Elías ñainámiena bíteza.

<sup>15</sup> Maí cacáreacadino, omoi cacai.

<sup>16</sup> Iemo Jesús ñai úrillano ñaíde: Biruíllaído itínona, ¿ññe izóí íaíoiña mámeitícue?

<sup>17</sup> Jofue cigi íbírimo jífanote úrue izóidiaíoi. Afémaci conímamo ebírede rúado caimátaiacadiaíoi, mei íadi áfena fairíoñediaíoi. Daje izóí conímama zúurede rúado fíraacadiaíoi, mei íadi daje izóí áfemo cacáreicañediaíoi.

<sup>18</sup> Afe bie izóí ómoímo ite. Mei Juan Bautista billa llezica afémie fímarillano fígo güíñede, daje izóí ríiji jíroñede. Ie jira “Fíénide jóriai úcaigamíedio” íena ñaídiomoí.

<sup>19</sup> Afe mei cue, afe Nanoide íima Jitó ñainámiedicue bitícue. Billano, jíáímaci izóí güitícue, íemo jíródicue. Afemona nane bie izóí cuena ñaídiomoí: “Bímie iere güilláredimie, jéerie jíroífredimie. Fíénidino nabáidimie. Daje izóí gobierno íbátaga úcube llínoraini nabáífredimie.” ñaí cuedo úritiomoí. Comini Juzíñamui orécana bie izóí fieni ñaídiaíoi íadi, Juzíñamui baítacafue dama ie finócafuaído jino cíozite, —ñinori Jesús ñaíde.

*Jófuiaimona ñaírie Jesús uaina cacáreicañediaíoi  
(Lc 10.13-15)*

<sup>20</sup> Iemona Jesús jíáíe jófuiaí comini íaíoi ñnoñena jira fueñe lletade. Mei afémie uaido ñaina comuide cíorainina ráamona nabene afémaci cigímo finódeza. Mei íadi afeno comini íaíoi comeci ífuena ñai méidoñediaíoi. Afémie ñaíde:

<sup>21</sup> —¡Corazín jofue comini ññi dúerena! ¡Daje izóí Betsaida jofue comini ññi ñuere zefuilla! Mei íaíoi cigíri cue finoca cíorainina raa, áfena Tiro comini daje izóí Sidón comini cigímo nauí finódicuena, ñibai raíre jaiái uícodo íaíoi comeci ífuena méidotiaíoi. Uafue íaíoi comeci ífuena méiduamona, ja ñiga fímona jaíde. Afe llezica zúunaia jítaífirega jítiroi jítaícadiaíoi. Daje izóí aféruimo íaíoi zúunailla jino ácatallena jízefo ífomo jutáacadiaíoi.



<sup>22</sup> Mei jiáifodo ómoína dáitícue, íraicaiño riire jicánolliruimo Tiro Sidón diga duere finóbina baimo Corazín íemo Betsaida comini duere finólliaioi, — daí daide.

<sup>23</sup> Iemo Capernaum jofue comini Jesús lletade. Afémaci dibénedo daide:

—¿Meita íaioi íinoga jofue monamo úirede? ¿Daí comeci facádiaioi, ero ua? Mei jiáifodo íaioína daidícue, tíidino illánomo ana dotaca izói niné táinocaitalliaioi. Mei íaioi cígimo cue finoca cíórainina raa nauí Sodoma jófuego finódicuenia, afe jofue nai biruimo nia ite.

<sup>24</sup> Mei íadi jiáifodo Capernaum comínina dáitícue, íraicaiño riire jicánolliruimo Sodoma comini baimo jicánolliaioi, —aquíe izói Jesús íaioína lletade.

*Cuomo billano omoi ocózinairi  
(Lc 10.21-22)*

<sup>25</sup> Aféruillaído Jesús daide:

—Mona Ocuíraíma Moo Juzíñamui, omo ñúefue jóoneitícue, mei Juzíñamui dibénedo onóigafuiai úrue izoide, comécina nífuenide jamai comínimo jino cíotatioza; mei íadi bínie ráfueña baitádinomona aféfuiai o retáidoga.

<sup>26</sup> Jíi, Moo, mei o daí jítáidízoa.

<sup>27</sup> Jesús nai úrioido: Cue Moo, nana uafue onóigafuiai ja cuemo llotio. Moo Juzíñamui, o Jitódícue, mei íadi buna uáfodo cuena ñue onóñena. O cue Móodioza, dama o ñue cuena onódio. Daje izói buna uáfodo ona ñue onóñena. Cue, o Jitódícueza, dama ona ñue onódícue. Iemo jíái daje izói o Jitó onótaacagano ñue ona ónoítiaioi.

<sup>28</sup> Iemo comínina daide: Omoi ñúefuiai finóacanamona zefuínaitino cue diné omoi bí; íemo jíái fiénidífue ábiana méeruitino daje izói cue diné omoi bí. Omoína ocózinaitaitícueza.

<sup>29</sup> Mai cue diga táijífírena izói ñúefuíaína finóllena omoi onoiri; mei omoi diga táijífíredícueza. Afe dájena táijinana cúemona omoi onoiri. Mei comécina járidoñedicueza. Daje izói comécina mánaidícueza. Afemona omoi comeci uái ocózinaillinona báitíomoi.

<sup>30</sup> Omoi diga cue táijinana féinide. Daje izói ómoimo cue ocuállafue jaca ómoína zéfuitañeite, —dinori úrite Jesús.

## 12

*Jesús llófuegamaci ocózinaillarui mo trigo ímoiaí dícoiano otá güitíaioi  
(Mr 2.23-28; Lc 6.1-5)*

<sup>1</sup> Aféruído Jesús naa íe llófuegamaciri ocózinaillaruido trigo ritino jacafai cígido macade. Afe llezica íe llófuegamaci íere jufínaillano, trigo ímoiaí otá güitíaioi.

<sup>2</sup> Afena fariséuai cíoillano Jesuna daidíaioi:

—Ero, o llófuegamaci ocózinaillarui mo rairuírede táijinamo táijidiaioi.

<sup>3</sup> Mei íadi Jesús íaioína daide:

—¿Omoi íco jaiái illaíma David finócafue cúegana facádoñediomoi? Afémié naa íe nabáíñiaíri íere jufínaitiaioi.

<sup>4</sup> Afe llezica Juzíñamuimo gairíracomo jofo jaillano rairuica panes otá güitíaioi. Mei íadi afe páaniaí afémiemona rairuírede, daje izói íe nabáíñiaímona rairuírede. Afe pan dama lletáriraini güirede.

<sup>5</sup> ¿Mei nane jíáie Moisés ocuica uai cúegana facádoñediomoi? Afénomo daína: Juzíñamui gairíracomo táijide lletáriraini, ocózinaillarui mo ocózinaíñediaioi, mei daí íaioi illa fiénidífueñede.

<sup>6</sup> Mei ómoina dáitícue, birui benomo afe gairíraco baimo jamánomoidimie ite.

<sup>7</sup> Bie jiáie Juzíñamui Cuegáuai llógana nai onóñediomoi. Afe be níuui: “Fata fia fecaca rille baimo cuena izíruillena jitáidícue.” Bíuaina omoi onóadi níifuena finóñedinona “Duere cai finótalli” dáíñeitiomoi za.

<sup>8</sup> Mei uáfueza, ocózinaillarui Nanoide fima Jitó Cristo daínámie ocuilla uai anamo ite.

*Onoína llirídimie rafue*

(Mr 3.1-6; Lc 6.6-11)

<sup>9</sup> Afe mei Jesús afénomona jaide. Jaillano Juzíñamui uai llorácomo jofu jaide.

<sup>10</sup> Afeco eromo ónoína llirídimie ite. Afe comini Jesumo fiénidífue jitállena jenódiaioi. Iemona afémiena jicánodoidiaioi:

—¿Meita iráredimie ocózinaillaruimo jíllotarede? —daidíaioi.

<sup>11</sup> Jira Jesús afémaci uai ote:

—Omoimona daa cómemo oveja íadi, afe oveja ocózinaillaruimo ifomo baíadi ¿meita caífo óñega?

<sup>12</sup> Mei uafue, daa come oveja baimo jamánomo ráifide. Afemona ñúefue finuana ocózinaillaruimo rairuíñega.

<sup>13</sup> Iemona Jesús afe iráredimiena daide:

—O onoi jino zúita, —daide.

Jira ie onoi zúitamona, enéfene izói ñuera.

<sup>14</sup> Iemona fariséuui jino jaillano, Jesús fállena mamérizaidiaioi.

*Jaiái uai llóraima Jesudo daína uai como zuilla*

<sup>15</sup> Aféfuena Jesús fidíllano, afénomona oni jaide. Ie jailla llezica aillo comini afémiedo jaide. Iemo Jesús nana iráredino jíllotate.

<sup>16</sup> Afe llezica afémie íaioína llotátañede: “Cue bie izói íllana bummo lloñoeno iri,” íaioína daide.

<sup>17</sup> Bie izói zuide jaiái uai llóraima Isaías lloga uai ñue ícoimo fuitállena. Afe uai be ñie:

<sup>18</sup> Bímie ñizada cue oga ocuífíregamie.

Afémiena iere izíruitícue, íemo afémieri iere íóbidícue.

Cue Ñuera Joréñoa afémie úicaitaitícue.

Afémie cue mameca jaícina jódifuiaina náiraímo jino llóite.

<sup>19</sup> Afémie ríífuedo llóñeite.

Daje izói cáillicailli úriñeite.

Iemo jiái jofue cigi macáraodo ie uaina cácaíñeille.

<sup>20</sup> Comécina náinidinona ruifíruíñede. Afémie íaioi comécina náiretaite.

Daje izói dúiacade uillide mechera meine abido omoi boota izói, afe izói jabo ínote comini afémie fáicanocaiñeite. Fáicanocaiñoeno ñue íaioína ínotaite.

Afe ícoimo nana duéredinona fáicanocaiñeitemo afémie jaícina illáimana illíruimo dúciite.

<sup>21</sup> Iemona nana náiraíai afémiemo ocuíritiaioi.

*Taife ríino Jesumo illa afémiemo jitádiaioi*

(Mr 3.19-30; Lc 11.14-23; 12.10)

<sup>22</sup> Afe mei uínidimie Jesús diné atídiaioi. Afémie fiénide jóriai uícaiga úrinidimie. Afémiena Jesús jíllotate. Iemona afémie ja ciode, daje izói ñue úrite.

<sup>23</sup> Ie jira nana comini áferi caimare fáigacaillano daidíaioi:

—¿Meita afe be níimie jaiái illaíma Davidmona comuítagamie? —daidíaioi.

<sup>24</sup> Fariséuui áfena cacáillano daidíaioi:

—Bímie fiénide jóríai illaíma Belzebú dainámie ríinodo afémacina jino oréfírede, —daidíaiói.

<sup>25</sup> Jesús daí íaiói comécido dainana onóillano íaióina daide:

—Ninó daje náiraina ite comini conima diga fuiríadi, afe nairai ráidoizillano niné táinocaite. Daje izói daje jofue comini eneno ráidoiziadi, afe jofue are íñeite. Iemo jíai daaco ero comini eneno ráidoiziadi, afémaci are íñeite.

<sup>26</sup> Iemo daje izói, mei Satanás dama íemo jaináidino jino oréadi, dani Satanás mairídino oni énenorie jáitiaíói. Mei íemona afémie ocuille ríino íñeite.

<sup>27</sup> Omoi cuena: “Belzbumo ite ríinodo fiénide jóríai jino oréadio,” daidíomoi. Afe omoi daina uáfuedenia, jíaífue ómoimo jicánoíticue. ¿Mei bu ómoído jáidino fiénide jóríai jino orelle ríino iga? Ie jira dani afémaci ñue onóñeno taino omoi llua jino cíotatiaíói.

<sup>28</sup> Mei jíaífodo Juzíñamui Ñuera Joréñodo afe fiénide jóríaina jino orédicue. Iemo bifue bie izói daílacana: Juzíñamui illáimana illarui ja ómoimo dúcide.

<sup>29</sup> Mei uáfueza, ríiredimiena fueñe o máíñenia, ¿ñie izói dáamie ie jofomo jaillano ie jofo ero ráaiena bairóredio? Bairónidío. Nano fueñe afémie máirede. Ie mei ie ráaiena bairórede. (Afe daí Cristo Taífena jaca anáfenorede.)

<sup>30</sup> Cue dibénemo íacañedimie cuena uáitate. Cue diga dájena táijiñedimie, cue raana oni jutádimie izoide, mei afémie jíaimaci cuena ínotañedeza.

<sup>31</sup> Ie jira ómoína dáitícue, naga come ie finoca fiénidífue, Juzíñamuimo jicáadi dórede; daje izói nana ie úrilla fiénidífue dórede. Mei íadi ninó dáamie Juzíñamui Ñuera Joréñona íaire dáíadi, afe uai jaca dónide.

<sup>32</sup> Iemo jíai ninó dáamie Nanoide Hima Jitó Crístona íaire dáíadi, afe afémiemo ie lloia dórede. Mei íadi Juzíñamui Ñuera Joreño jánana fieni úritimie afe ie úrilla íaífue birui dónide. Daje izói uire jaca ninomo dónide.

*Naga amena ie llizíllajido onórena izói, daje izói naga come ie úrillafuíaído ónorede*

*(Lc 6.43-45)*

<sup>33</sup> Ñuera aménamona ñuera ráajina llizide. Daje izói fiénide amena jaca fieni llizide. Mei uáfueza naga amena ie llizíllado ónorede.

<sup>34</sup> Jaio izóidinodíomoi. Ja fiénidinodíomoiza ¿ñie izói ñue úriredíomoi? Mei uáfueza, cai fue cai comécimo jebuide raado úrite.

<sup>35</sup> Ñuera come ñúfuedo úrite, mei ie comécimo ñúfue íllaza. Daje izói fiénidimie fieni úrite, mei ie comécimo fiénidífue íllaza.

<sup>36</sup> Iemo nane ómoína dáitícue, íraicaiño Juzíñamui caimo riire jicánolliruimo, nana ráiruiñega fieni cai úrilla uai, daje izói abí cai rairuíñena úrilla uai diga, jáanoñeno “jí” daíredícai.

<sup>37</sup> Mei uafue, o úrilla dieze Juzíñamui omo izire jicánoíteza. Jíaimiena “O nífuenidimiedío” dáíte; ie mei jíaimiena “Dama o ícoínia daí ítio,” dáíte.

*Fiénide comini cíorainina raa finóllena Jesumo jicádiaíoi*

*(Mr 8.12; Lc 11.29-32)*

<sup>38</sup> Afe mei fariséuaimona dáamierie Jesuna daidíaiói, daje izói Ocuica Uai llófufíredino diga:

—Llófueraima, cíorainina raa o fínuana cíóacadícai, —daidíaiói.

<sup>39</sup> Jira Jesús afémaci uai ote:

—Bigíma fiénidino botade jiruíredingo izoide ja Juzíñamuina zóofetiaíói. Iemo cíorainina raa cuemo jicádiaíoi. Mei íadi nauí Juzíñamui uai llóraíma Jonás onótagafue baímo jíaífueña llóñeílliaíói.

<sup>40</sup> Mei Jonás daaruiámani íemo daámani naio afe áillue chamu eromo illa izói, afe izói Nanoide íima Jitó Cristo énie anamo daaruiámani íite, daje izói daámani naio.

<sup>41</sup> Jaiai Nínive jófuemo ite comini bigima comínimo riire jicánolliruimo bimácimo fiénidífue jítaitiaioi. Mei Nínivemo ite comini Jonás Juzíñamui uai íaioimo llua llezica íaioi comeci ífuena méidotiaioiza. Mei íadi birui benomo Jonás baimo jamánomoidimie ite.

<sup>42</sup> Daje izói sur dibénemo jica ite nairai illaingo, bigima comínimo riire jicánolliruimo, bimácimo fiénidífue jítaite, mei afengo jica énie fuédamona Salomón comeci onóigafuemo cacáreizaíbiteza. Mei íadi birui benomo Salomón baimo jamánomo baitádimie illa.

*Jino oreca fiénide joríaí meine dáamíemo bite  
(Lc 11.24-26)*

<sup>43</sup> Jesús nai llícaíñeno úrite: Fiénide joríaí cómemona jino jáiadi, táziciaido ie uái illino jenócana uite. Ie uái illino baiñenamona bie izói comeci facade:

<sup>44</sup> “Meine abido cue billa cómemo jáitícue,” daide. Afe joríaí meine afe cómemo bítemo, jofo taico izoide baizáíbite. Daje izói rafode ñue finócaco izói baizáíbite.

<sup>45</sup> Iemona afémie siete diga jamánomo afémie baimo fiénide joríaí uájide. Afémaci nana afe cómemo jofo jáidiaioi. Afemona afe come nauti ie fiénina baimo birui jamánomo fiénide. Afémiemo illa izói, afe izói ómoimo íficaite, mei bigima fiénidígimaza.

*Jesús ei naa ie ámatiaíri  
(Mr 3.31-35; Lc 8.19-21)*

<sup>46</sup> Jesús nai comínimo úritemo, ie ei naa ie ámatiaíri dúcide. Afémaci jofo jinófecomó itíaioi. Afémie diga úriacadiaioi.

<sup>47</sup> Afe llezica dáamie Jesuna daide:

—O ei, o ámatiaíri jino benomo itíaioi. Afémaci o diga úriacadiaioi, —daide.

<sup>48</sup> Mei íadi Jesús afe lluíbitimiena daide:

—¿Mei bu cue eina? Daje izói ¿mei bu cue ámatiaína? —daide.

<sup>49</sup> Dai dáinamona afémie llófuegamacina fuedo uidánote. Uidánuano daide:

—Bimaci cue eina, daje izói bimaci cue ámatiaína.

<sup>50</sup> Mei ninó dáamie monamo ite cue Moo comeci jitailla izói finódimie bie come cue ámana, daje izói cue miríngona, daje izói cue eina, —dai Jesús afémacina daide.

## 13

*Afémaci onótaité ríjifíredimie rafue  
(Mr 4.1-9; Lc 8.4-8)*

<sup>1</sup> Afe monado Jesús jofómona jino jaillano, jorai fuédamo ráinazaide.

<sup>2</sup> Iemo afémie illánomo aillo comini ofilla jira, afémie bai nocaemo ráizaide. Afe llezica nana comini fuédamo fiébidiaioi.

<sup>3</sup> Mei áfemona diga ráfuaína afémaci llófuete. Afémaci onoiga izóidedo afémie íaioi llófuete. Daide:

—Jacáfaimo rífiredimie rizájilla.

<sup>4</sup> Ricana ie uilla llezica, afe júdaica íjiaímona dáarie iomo baide. Bailla mei ófocuíñuai güizáibitiaioi.

<sup>5</sup> Ie mei jáijiaí énie figo íñena noficiaímo baide. Aféjiaí raire zicode, mei afe énie llíaideza.

<sup>6</sup> Iemo jáinaonideza jitoma egáíñuamona, zafénaillano tíidiaioi.

<sup>7</sup> Ie mei nane jiáijiai éegiai cigiri cocídino. Afe éegiai móonaillamona aféjiai íracotaillano tíidiaioi.

<sup>8</sup> Mei íadi jiáijiai ñuera éniemo baiide. Aféjiai ñue ailla. Dáaride cien diga llizíllajiai comúitate. Jiáiri sesenta diga llizíllajiai comúitate. Iemo jiáirimo treinta dígaji comuide.

<sup>9</sup> Bíemo cacáiacadino mai cacai.

*Ñibái mei bie comini onoiga izóidedo úrilla, Jesús jino lote  
(Mr 4.10-12; Lc 8.9-10)*

<sup>10</sup> Iemona ie llófuegamaci billano Jesumo jicánotiaioi:

—¿Ñibái mei cominimo íaioi onoiga izóidedo úritio? —daidíaiioi.

<sup>11</sup> Jira Jesús uai ote:

—Monamo Juzíñamui illáimana illirui uáfodo ónoñega ráfuiaina, afémie ómoína onótate. Mei íadi baie comini áfeniaina ónotanidiaioi.

<sup>12</sup> Mei ua, Juzíñamuina iere onóacadimiemo ie báitaja baimo jiáiena írede. Iemona afémiemo aillo íite. Mei íadi Juzíñamui dibénedo onóacañedimiemona íemo ite due jiza onónana bairórede.

<sup>13</sup> Ie jira afémacimo íaioi onoiga izóidedo úriticue. Mei afémaci ñúefuena ciódiaioi, mei íadi nai cíoiñedino izói itíaiioiza. Daje izói cacádiaioi, mei íadi nai cacáñedino izói itíaiioi.

<sup>14</sup> Mei áfemona Juzíñamui uai llóraima Isaías afémacina jicana daína uai ñue ícoimo fuilla. Be níuui:

Omoi uáfodo cácaitiomoi mei íadi afe dáinana ónoñeitiomoi.

<sup>15</sup> Mei bimaci comeci riiredinona abido jaide.

Daje izói afémaci figo cacáacañediaioi.

Afémaci ui ibaica izói ite. Daí itíaiioi íaioi uído cíoiñeillena, íemo jiái íaioi jefodo cácañeillena; daje izói íaioi comécido ñúefuiái ónoñeillena.

Iemona íaioi cue jíllotallena abido cuemo bínidiaioi, daí Isaías daide.

<sup>16</sup> Mei íadi dani omoi uído omoi ciónamona, daje izói dani omoi jefodo omoi cacánamona íóbidinodiomoi.

<sup>17</sup> Uáfueña ómoína dáitícue, diga Juzíñamui uai llóraini bie omoi ciónana cióacadiaioi, naa aillo jiáie ñue cominiri. Mei íadi áfena cióñediaioi. Daje izói bie omoi cacánana cacáacadiaioi, mei íadi cacáñediaioi.

*Jesús ríjifredimie rigájjai rafue ñue jino lote  
(Mr 4.13-20; Lc 8.11-15)*

<sup>18</sup> Jira bíemo omoi cacáreiri. Ríifredimie rafue bie izói jino daide.

<sup>19</sup> Monamo ite Juzíñamui illáimana illarui uaina dámie cacáadi, mei íadi afémie áfena ínoñeniadi, afémie comeci afe bie io izoide. Ji, afe rigájjai iomo baídino izoide. Afe izói comécido jabo ie onoiga ñuera uaina Taife báiruabite.

<sup>20</sup> Afe rigájjai nii afe noficiai emódomo cocídino jana, ñúefuiaina raire cacáillano caimare otino coméciai.

<sup>21</sup> Mei íadi afémaci raire zicode raa riire jaináñena izói, Juzíñamuimo afémaci figo jaináñenamona are íñediaioi. Mei íadi ñuera uai ícoinia jacire facátafuiái, íemo duere finóllena rácafuiái afémacimo comuíadi, ñúefuena fáicanocaitiaioi.

<sup>22</sup> Afe éegiai illano jana Juzíñamui ñúefuena cacádiaioi ia, bínie ráaniaimo comécina fáifiredino. Iere ráanaiacana afémacina jífuate. Nana aféfuái Juzíñamui ñúefuena íracotailla izói ínotañede. Iemona afe uai afémiemo ñue áide izói íñede.

<sup>23</sup> Mei íadi afe rigájjai nii afe ñuera éniemo baídino jana bie izói ite. Bimaci Juzíñamui ñúefuena cacáillano afe uaina jeire otíaiioi, mei áfena ñue onódiaioiza. Uamona iere aite rigájjai izói afémaci aillo ñúefuiái finófirediaioi.



Afémacimona dáarie jamánomo aillo ñúefue finódiaioi, Iemo jiáimaci aillo ñúefue finódiaioi. Iemo nane jiáie fia jabo aillo ñúefue finódiaioi.

*Riga trigo cígimo fiénide raróciai zícua rafue*

<sup>24</sup> Iemo nane Jesús bie íaioi onoiga izóidifue llote:

—Monamo ite Juzíñamui illáimana illarui bie izoide. Dáamie ñuera íjiaie ie jacáfaimo rite. (Aféruillaído comini diga ráania daane riñeno énenorie ritíaioi.) Bímie ie jacáfaimo jiáiena jaicuíñeno daa trigo rite.

<sup>25</sup> Mei íadi naama ínia mei ie diga icíritimie trigo cígimo fiénide raróciai rizábite. Rillano oni jaide.

<sup>26</sup> Afe trigo mónaillamona ímoiaie comuilla llezica riga fiénide raróciai cíozite.

<sup>27</sup> Afemona táijitafiregano jacafai náamamo lluájide: “Ocuíraima, o ritátaga cai ríganíai nibai ñuera. Mei afe cígimo fiénide ráitiai ¿ninómona comuide?”

<sup>28</sup> Jira afefai naama daide: “Nibai ninó cue diga icíritimie bie rizábiga.” Mei jira afe táijitafiregamaci íena daide: “¿Afe fiénide ráitiai cai áiruailleza meita airótatio?”

<sup>29</sup> Mei afémie íaioina daide: “Dama íteza, aiñóñeno iri, mei afe fiénide ráitiai aiñódiomoinia naa trigo diga aiñódiomoiza.

<sup>30</sup> Dama trigo diga daane mónaiteza, aíñoñegania ñuera. Afe mei jofo ollíruimo, cue táijitafiregano óreitícue fueñe afe fiénide ráitiai óllena. Afe uano afe ráitiai jobaille eneno icútuaina maitátaitícue. Afe mei cue trígona éenoracomo éenotaitícue.”

*Mostaza daína riga raa íjiaie rafue*

(Mr 4.30-32; Lc 13.18-19)

<sup>31</sup> Iemo nane Jesús bie jiáie onótaitifue llote:

—Monamo ite Juzíñamui illáimana illarui mostaza daína riga raa íjiaie izoide. Dáamie afe íjiaie ie jacáfaimo rite.

<sup>32</sup> Uáfueza, afe íjiaie nana jiáie rífiregajiaie jofomo jéenide. Mei íadi mónailla llezica nana juzítotíai caifomo are zairide. Afe llezica caifo amena dínori aillo zairide. Afemona áfena ícairuaimo feede ófocuíñuai jillaina nizáibitiaioi, —daide. (Afe izói Juzíñamuimo ínotino dúemaci íadi, jamánomo aillomacina jébuiocaitiaioi.)

*Levadura daína pan fáitara rafue*

(Lc 13.20-21)

<sup>33</sup> Iemo nane Jesús bie jiáie onoiga izóidifue llote:

—Monamo ite Juzíñamui illáimana illarui pan aillo fáitara levadura izoide. Daa ríngo daámani julleco harínana oruítajano, áfemo due jiza levadúrana tamede. Iemona nana afe iféllana mullétano oni aillo fáitara, —daide. (Afe izói diga jiáimaci Jesumo ínuamona, Juzíñamuimo jaináidino aillo jébuitiaioi.)

*Jaiiaie daínauai fuitállena Jesús íaioi onoiga izóidifuaído comínimo úrite*

(Mr 4.33-34)

<sup>34</sup> Nana bífuiaie Jesús íaioi onoiga izóidifuaído comínimo llote. Onótaitifue afémie llóñenia comínina nñie izói daíñede.

<sup>35</sup> Jaiiaie Juzíñamui uai llóraima daína uai ñue ícoimo fuitállena, afémie daí llófuete. Afe be níuuaie: Onótatífuaído jino úritícue.

Juzíñamui énie fínua llezicamona figo óñoñegafuaie jino llóitícue.

*Trigo cígimo comuide fiénide ráitiaie ífue Jesús jino llote*

<sup>36</sup> Afe mei Jesús nana comini jino fiano jofo eromo jaide. Afécomo Jesús llófuegamaci afémiemo jicánuaibitiaioi:

—Jacáfaimo comuide fiénide ráitiai rafue caimo jino ñue llóiri, —daidíaiioi.

<sup>37</sup> Jira Jesús íaioina daide:

—Afe ñuera íjiaí ritímie jana Nanoide íima Jitó Cristo.

<sup>38</sup> Afe jacafai jana bie énie. Afe ñuera rigájiaí jana Juzíñamui illáimana illáruimo jaináidino. Afe fiénide ráitiai jana Taífemo jaináidino.

<sup>39</sup> Afe fiénide ráitiai rizáibitimie dama Taífe. Afe llizíllajiaí jofo otá éenua jana énie fuillírui. Iemo afe llizíllajiaí jofo otino jana Juzíñamui abi imaci.

<sup>40</sup> Ie mei afe fiénide ráitiai jobáillena oni eneno jóonia izói, afe izói énie fuillíruimo fiénidinomo zúite.

<sup>41</sup> Aféruimo Nanoide íima Jitó Cristo ie abi imaci óreite, jíáimana fiénidífue finótatino eneno óllena, naa fiénidífue finódinori.

<sup>42</sup> Afémacina iraimo dótaite. Afénomo iere éenaitiaioi; iere izi cácaillamona murímuritiaioi.

<sup>43</sup> Ie mei Juzíñamui jitailla izói finóidino íaioi Moo illáimana illíruimo jitoma uieco meáire egáñua izói íaioi maiñoca Juzíñamui ebíredifuena jino ciótaitiaioi. Omoi cacáacania, cacai.

#### *Retáidoga ráifide raa jino onótaitífue*

<sup>44</sup> Monamo ite Juzíñamui illáimaitagamacina íacadino bie izói fínoitiaioi. Enie anamo ónonino retáidoga ráifide raa jénua izói fínoitiaioi. Níie monado daa come afe retáidoga ráifide raa baite. Bailla mei, abido dáanomo áfena retáidote. Afe mei jofomo íóbicana jaillano nana íemo ite raa fécajide. Raa fécajano oga úcubedo afe retáidua énie íbajide.

#### *Perla daína iere ráifide zíríji jino onótaitífue*

<sup>45</sup> Nane daje izói monamo ite Juzíñamui illáimaitagamacina íacadino perla jenoda fécafiredimie izói fínoitiaioi. Afémie jicado jenode.

<sup>46</sup> Iere ráifide perla daa ie baía, nana íemo ite ráaniaí fécajano, ie ciona ráifidíji íbajide.

#### *Chamu ora llóiji onótaitífue*

<sup>47</sup> Daje izói nane monamo ite Juzíñamui illáimana illarui, jóraimo dótafirega chamu ora llóiji izoide. Afe llóiji nana jíáiforiede chámuna ote.

<sup>48</sup> Afe llóiji oruilla llezica, facóidino oni fuédamo jainácana uite. Afénomo raináillano, ñuera chamu diga nizédiaioi. Fiénidino oni dótano ñuera chamu íaioi cirígaimo iráidíaiioi.

<sup>49</sup> Afe izói énie fuillíruimo comínimo íite. Juzíñamui abi imaci billano ñuémaci fiénidímacimona oni eneno ofítaite.

<sup>50</sup> Iemo fiénidinona iraimo óreite. Afénomo iere éenaitiaioi. Izi cácanamona murímuritiaioi.

#### *Comue ráifide raa naa jácaie diga*

<sup>51</sup> Afe mei Jesús íaioina jicánote:

—¿Meita omoi nana bífuiaína onódiomoi? —daide.

Jira afémaci daidíaiioi:

—Jíi, Ocuíraíma onódicai, —daidíaiioi.

<sup>52</sup> Iemona Jesús íaioina daide:

—Cue ocuica uaina ñue llófuefiredimie, monamo ite Juzíñamui illáimana illírui dibénedo llófua llezica bie izói íficaide. Aillue jofo naama ie éenoga ráamona comue raa jino úana onode. Iemo jíáíruido jácara raa mei íadi nai ñuera raa, jino úana onode. Afe izói afe ñue llófuefiredimie nana ie

onógafuiaimona cue cómfue naa jaiái lloga jácafue diga jino llúana onode, — daide.

*Jesús Nazaret jófuego jaide*

*(Mr 6.1-6; Lc 4.16-30)*

<sup>53</sup> Jesús nana bie jino ñue onótatífuiái llua méifomo dama ie éniemo jaide.

<sup>54</sup> Dúciçailano afénomo ite Juzíñamui uai llorácomo llófuete. Aferi comini caimare fáigacaidiaioi. Daidíaioi:

—Bímie ¿ninómona diga ráfuiaina onode? Bie ciórainina raa ¿ñie izói finode?

<sup>55</sup> Bímie baie rabíçiamo táijifiredimie jitó. Ie ei María. Daje izói afémie ámatiaí Santiago, José, Simón, Judas benomo cairi ite.

<sup>56</sup> Daje izói ie miríngotiaí cai cígimo itíaioi. ¿Mei ninómona nana bífuena onode? —daidíaioi.

<sup>57</sup> Iemona afémie llógamo náfueacañediaioi. Mei jira Jesús íaioina daide:

—Nana jiáimaciaí Juzíñamui uai llóraimana jiéruitiaioi, mei íadi dama ie comuillano comini íena jámairuitiaioi, daje izói naa ie jofo ero comíniri, —daide.

<sup>58</sup> Ie jira afénomo ciórainina raana aillo finóñede, mei afémaci afémiemo íinoñediaoiza.

## 14

*Juan Bautista tílla*

*(Mr 6.14-29; Lc 9.7-9)*

<sup>1</sup> Aféruillaido Galilea énie ocuídillaíma Herodes, Jesús jalléinana fidide.

<sup>2</sup> Fídiano ie diga itínona daide:

—Bímie tíllamona meine abido cáadimie Juan Bautista. Iemona afémiemo ciórainina raa finolle ríno ite, —daide.

<sup>3</sup> Mei jaiái nano Herodes Juaana maítá llavéracomo uitátate. Mei nauí Herodes ie ama Felipe ai Herodías daínango aina ote. Ua mei, Juan Heródesna ríire lletádeza. Ie lleta jira íena llavétate.

<sup>4</sup> Juan daína uai be ñie:

—O bie ríngo o ai izói uícainidio, —daide.

<sup>5</sup> Daií daína jira Herodes Juaana fáiacade. Mei íadi comínina jacíruite, mei “Afe Juan Juzíñamui dibénedo úrifiredeza,” daidíaioi.

<sup>6</sup> Afe méifodo, Herodes ie jocóinamona jiáie fimona fuilláruimo dúcide. Aféruído ie cumpleaños rafue fínua llezica, iráizillena llogano eróicana Herodías jiza bai zaizáijide. Afengo záillana Herodes iere ebíruite.

<sup>7</sup> Afena iere gáinamona Herodes rírede uaido daide:

—Nínó o jicáacanana rairuíñeno íredicue, —daide.

<sup>8</sup> Iemona afengo ei uícodo llua izói Heródena daide:

—Juan Bautista ífoci plátomo jóneta cuemo ati, —daide.

<sup>9</sup> Aferi ocuídillaíma Herodes zúucaide. Mei íadi uícodo rírede uaido daínana nana iráizillena llogano cacádiaioi. Jira jiáfodo méidoñeno nano fueñe ie daína izói ocuide.

<sup>10</sup> Iemona llavéracomo llaveca Juan ífócina jaitátate.

<sup>11</sup> Afe mei jáitano plátomo jóniano aféngomo izájidiaioi. Afe méifodo afengo afe ífócina ie eimo ite, afengo Juan ua tíllana onóillena.

<sup>12</sup> Afe mei afe Juan diga jáicadino uillano ie abi raíájidiaioi. Afe mei Jesumo lluájidiaioi.

*Jesús cinco mil comini ecade*

*(Mr 6.30-44; Lc 9.10-17; Jn 6.1-14)*



<sup>13</sup> Jesús Juan fáajana fidíillano dama ruica táinomo nocaedo jaide. Mei íadi comini ie jáillana fidíillano naga jófuiaimona ie illánomo arido jáidiaioi.

<sup>14</sup> Iemo Jesús afe nocáemona ari jailla lezica, diga comini ofíllana ciode. Cíoillano íaioimo dúecaide. Afémiemo atica iráredinuiaina jíllotate.

<sup>15</sup> Ja nauízaila lezica ie llófuegamaci afémiena daiízaibitiaioi:

—Ja nauide. Benomo buna iñede. Nana comínina mai jófueмо oreri, afe áinori ite dúegobiaimo íaioi güille íaioi íbajillena, —daidiaioi.

<sup>16</sup> Jira Jesús afémacina daide:

—Afémaci nai jáinidiaioi. Afémaci dani omoi eca, —daide.

<sup>17</sup> Jira afémaci uai otíaioi:

—Cinco diga páaniai, íemo mena chamu afe baimo jáiiena caimo iñede, —daidiaioi.

<sup>18</sup> Jira Jesús íaioina daide:

—Mai áfena cuemo ati, —daide.

<sup>19</sup> Afe mei nana comínina daide: “Ráitiai emódomo ana omoi ráii,” daide. Afe lezica Jesús cinco diga páaniai mena chamu diga llínnota, monamo érocaillano Juzíñamuina “Figora” daide. Daií daina méifodo Jesús afe pan ditada ie llófuegamacimo ite, afémaci nana comínimo fecállena.

<sup>20</sup> Afe güillano nana comini ñue jeírediaioi. Íaioi güilla mei, güiga állana ie llófuegamaci doce cirigai oruítatiaioi.

<sup>21</sup> Afe güitino cinco mil diga íñiaí. Iemo afe baimo ringóniaí naa úruiairi fácadoñega.

### *Jesús jainoi emódodo macade*

*(Mr 6.45-52; Jn 6.16-21)*

<sup>22</sup> Afe mei Jesús ie llófuegamacina daide: “Mai ífódino ruica enéferaimo nocaedo omoi jairi. Afe lezica bie comini ráinoiticueza,” daide.

<sup>23</sup> Comini ráinua mei Jesús caifónedumo dama Juzíñamuimo úrizaide. Nauízaila lezica Jesús afénomo dama ite.

<sup>24</sup> Afe lezica íaioi jailla nocáe bai dáaferaimo ite. Mei íadi jorai bagua meine íaioina ñuitáñuitade. Afe lezica jairifo meine íaioina fúuoide.

<sup>25</sup> Como monáioicaidemo Jesús jainoi emódodo afémaci diné macácana jaide.

<sup>26</sup> Afe jainoi emódodo jáillana cíoillano, caillíoidiaioi. “Janaba billa,” dainano iere jacínaitiaioi.

<sup>27</sup> Mei íadi Jesús íaioina daide:

—Cueza, jacínaiñeno omoi iri. Abí omoi mame, —daide.

<sup>28</sup> Jira Pedro afémiena daide:

—Ocuíraima, mei ónia, o illánomo mai jainoi emódodo cue mácata, —daide.

<sup>29</sup> Jira Jesús íena daide:

—Mai mei bi, —daide.

Iemona Pedro nocáemona ana jaillano jainoi emódodo Jesús diné macácana jaide.

<sup>30</sup> Mei íadi jairifo riire jáiñua cacáillano abi jácidote. Afe lezica afémie ja anábaiacade. Anábaioicailla lezica afémie caillide:

—¡Ocuíraima, íñédicueza, cue llíno! —daide.

<sup>31</sup> Daií daina lezica, Jesús ónoido llínnota daide:

—¡Ñii o due íinua! ¿Ñibái mei o íinogafuena fáicanocaidio? —daide.

<sup>32</sup> Nocaemo caifo íaillínoi jailla lezica, afe jairifo llícaide.

<sup>33</sup> Iemona afécaemo itino, Jesús anamo dújuillano íena daide:

—Uáfuena, Juzíñamui Jitódioza, —daidiaioi.

*Jesús Genesaret éniemo ite iráredino jállotote*  
(Mr 6.53-56)

<sup>34</sup> Jorai ruica jáitajano Genesaret éniemo dúcidiaioi. (Afe énie jáífodo mameina Galilea.)

<sup>35</sup> Iemo afeno comini ñue afémiena onónamona, nana afénomo itígobiaimo conímána fidítatiaioi. Afemona afénomo ite iráredinuiaína Jesumo atídiaioi.

<sup>36</sup> Daa afémie inícuero fueda jetánollena izire jicádiaioi. Iemona nana ie inícuero fueda jetáдино jállodiaioi.

## 15

*Cómena iaire finode raa*  
(Mr 7.1-23)

<sup>1</sup> Afe mei dáarie Jerusalémóna bite fariséuai naa ocuica uai llófuefiredinori Jesumo jicánuaibitiaioi:

<sup>2</sup> —¿Nibái mei o llófuegamaci cai uzútiai daina uaina oni caitáfirediaioi? Mei afémaci fiénidífue múiñua jana, nai güiñena llezica onoi jócuana finóñediaioiza, —daídíaioi.

<sup>3</sup> Mei afe ibana Jesús íaioimo jicánote:

—¿Mei nibái omoi Juziñamui riire ocuica uai oni caitáfirediomoí dani omoi jaiái daina uaimo náfuellena?

<sup>4</sup> Mei Juziñamui caina daide: “O moo o ei diga caimare omoi uícari. Dámie ie moona ie ei diga iaire dáia, afémie títeza,” daide.

<sup>5</sup> Mei jáífodo daífirediomoí. Dámie ie moona ie ei diga bie izói daírena daífirediomoí: “Moo, ona canónidícue, mei nana cuemo ite raa Juziñamuimo fecállena cue mamécaza.”

<sup>6</sup> Iemo ninó dámie daí dáiiadi, ie moo ie ei diga canolle afémiemo dúiñede, daí daífirediomoí. Daí omoi dáinamona Juziñamui ocuica uai jámairuitadiomoí, dani omoi jaiái daina uáillaímo náfuellena.

<sup>7</sup> ¡Comeci diné ráatailla mei, abina ñue cíoidinodiomoí! Jaiái Juziñamui uai llóraíma Isaías ie cuegánicomo omoi dibénedo uáfodo úrite. Be afe uai:

<sup>8</sup> Bie comini fia fuedo cuemo ñúefue mamédiaioi, mei íadi íaioi comececi diné iáiredeza, cuemo jaináñede.

<sup>9</sup> Diga ebírede ráfuiaido cuemo caimátaidiaioi íadi, afe caimátailla ráifiñede, mei afémaci jáímaci llófuia jamai come ocuica uáillaiza.

Isaías Juziñamui daínauai bie izói cuete.

<sup>10</sup> Afe mei comini uáidota Jesús íaioína daide:

—Cacáillano ñue omoi onoiri.

<sup>11</sup> Come fuedo jofo jaide raa afémiena iáiretañede. Mei jáífodo come fuémóna bite uai, afémiena iáiretate, —daide.

<sup>12</sup> Afe jira ie llófuegamaci Jesuna daízaibitiaioi:

—¿Meita onódioza, o daina uáillaína cacáillano fariséuai icíritiaioi? —daídíaioi.

<sup>13</sup> Mei íadi Jesús jáífodo uai ote:

—Naga Juziñamuimo uáfuena jaináñedímie monamo ite cue Moo ríñega raa izóidiaioi. Afémaci come gáñega riga raa naa jáinaori aiñólle izói táinocaitalliaioi.

<sup>14</sup> Afe baie fariséuai dama daítadiaioiza; áfemo lloñeno. Mei afémaci uínidino izóidino. Iemo afe llezica jáíe uínidino ifódiaioi. Uínidímie jáíe uínidímie ifóadi, nágaillinoi dáafomo báitiaillinoi, —daide.

<sup>15</sup> Jira Pedro Jesuna daide:

—Bie uai jino caimo féinino llone, —daide.

<sup>16</sup> Jira Jesús jicánote:

—¿Omoi jiái nai onóñediomoi?

<sup>17</sup> ¿Onóñediomoiza, fuerdo jofu jaide raa jébeñoimo jaide; afe mei abímona jino faiga?

<sup>18</sup> Mei íadi come fuémona jino bite uaillai ana comécimona comuide. Afe bie uaillai dama afémiena íáiruitade.

<sup>19</sup> Mei diga íaifuiai come comécimona comuide. Fieni comeci fácafuiai comuide. Daje izói daje comécimona jiáima fáiacanafuiai comuide. Iemo jiáima ai diga íacanafue come comécimona comuide, naa jiáie iere jiruírenafuiai. Iemo jiái merírillafuiai come comécimona comuide. Daje izói táinona úrilla uaillai, naa jiáimana íaire daináuaillai come comécimona comuide.

<sup>20</sup> Afe bífuiai cómena iere íáiruitanona orede. Mei íadi fiénidifue múiñua jana onoi jócuana finóñeno dáamie güíadi, áfena cómena íaifueredimiena oréñede, —daide.

### *Jicánemaci ringo Jesuna ñnote*

*(Mr 7.24-30)*

<sup>21</sup> Afénomona Jesús oni jiáie éniemo jaide. Afénomo Tiro jofue Sidón jofue diga ite.

<sup>22</sup> Afénomo Canaán énie ingo Jesús diné caillícana bite:

—Cai ocuífiredé jaiai illaíma David comuítagamie, cuemo dúecai. Cue jiza fiénide joríaí uícaigaza, iere duere zefuide, —daide.

<sup>23</sup> Mei íadi Jesús aféngona ñie izói daiñede. Mei jira ie llófuegamaci íemo izire jícaibitiaíoi:

—Mai ie uai fáirio, mei cai méifodo duere caillícana bíteza, —daídaíoi.

<sup>24</sup> Jira Jesús daide:

—Juzíñamui dani Israel náiraimona oni féiraité ovejai izóidino mamedada cuena orede, mei afémaci Juzíñamui lloga uaillai jeire oñediaíoi, —daide.

<sup>25</sup> Mei íadi afengo Jesús diné billano afémie anamo dújude. Dújuillano aféniemo jicade:

—¡Ocuíraíma, mai cue cano! —daide.

<sup>26</sup> Jira Jesús aféngona daide:

—Uruiai izoide Judíuai ónoimona pan bairoda jicóniai izoide jicánemacimo illa fiénide, —daide.

<sup>27</sup> Mei afengo jaca nai daide:

—Cai Ocuíraíma, jii uáfueza, mei íadi jicóniai naama güígamona ana baide íruaina güífirediaíoi, —daide.

<sup>28</sup> Mei jira Jesús aféngona daide:

—O íco iere ñnotioza. Cuemo o jícaze, daí íteza, —daide.

Daí daina llezica afengo jiza jíllode.

### *Jesús aillo iráredinuiai jíllotate*

<sup>29</sup> Afénomona Jesús oni jaillano Galilea jorai fuédado jaide. Afe mei caifónedu ícoimo ráizaide.

<sup>30</sup> Iemo afémie illánomo aillo comini gairilla. Afe jáidino diga jiáiforie iráredino uitiaíoi. Aféniemo ídainidino atidiaíoi, íemo uínidinuiai, íemo uáinidino, íemo ónoinidinuiai, íemo diga jiáie iráredino aféniemo atidiaíoi. Dieze átiano Jesús anamo jónetiaíoi. Iemona afémie nana afémacina jíllotate.

<sup>31</sup> Afe afémie finuari comini caimare fáigacaidiaíoi, mei eróidiaíoi uáinidino úritiaíoi. Iemo ónoinidino ñue jíllodiaíoi. Iemo ídainidino ñue macádiaíoi. Iemo uínidino ñue ciódiaíoi. Iemona Israel náirai Juzíñamuimo ñúefue nitádiaíoi.

*Jesús cuatro mil dígade comini ecade  
(Mr 8.1-10)*

<sup>32</sup> Afe llezica Jesús ie llófuegamaci uáiduano daide:

—Bie comínimo dúecaidicue. Ja daruiámani benó cue diga itíaiõiza. Iemo íaiõ güüllena ja ñede. Afémacina íaiõ jofomo ecáñeno oréacañedicue, io anamo íaiõ zafénaiza dáii, —daide.

<sup>33</sup> Iemo ie llófuegamaci íena daidíaiõ:

—Mei benomo comini jofue ñédeza, bie aillo comini ecállena ¿ninómona óiticaí? —daidíaiõ.

<sup>34</sup> Jira Jesús afémacimo jicánote:

—¿Omoimo niga páaniai ite? —daide.

Jira afémaci daidíaiõ:

—Siete diga pan ite íemo due chámuna ite, —daidíaiõ.

<sup>35</sup> Afe mei nana comínina: “Ana omoí ráii,” daide.

<sup>36</sup> Daí daina méfomo siete dígade panes naa chamu diga llínota, Juzíñamuina “Iere figura” daide. Afe mei ditada, ie llófuegamacimo ite, afémaci nana comínido fecállena.

<sup>37</sup> Afena nana güitíaiõ. Iaiõ güilla mei nana ñue jeírediaíõ. Afe mei íaiõ güiga állana siete diga cirigai oruitatíaiõ.

<sup>38</sup> Afe güitino cuatro mil dígadimaci. Afe baimo ringóniaí naa úruiaíri fácadoñega.

<sup>39</sup> Afe mei Jesús afe gairide comini rainode. Ráinua mei ana nocaemo jaillano oni Magdala éniemo jaide.

## 16

*Fariséuai naa saducéuai diga ciórainina raa finóllena jicádiaíõ  
(Mr 8.11-13; Lc 12.54-56)*

<sup>1</sup> Fariséuai naa saducéuai diga Jesumo eróizaidiaíõ. Iemo afémie fienui facátallena monámona comuide ciórainina raana finótaacadiaíõ.

<sup>2</sup> Mei íadi afe llezica afémie jíáfodo uai ote:

—Nauíacana llezica mona jáirenia uire jiti ñue mónaite daífirediõmoí.

<sup>3</sup> Iemo jítiramo dibénemo mona jáire nairíadi, bie mona fiénite, daífirediõmoí. ¡Comeci jáirena mei, jino abi diné ñue cíoidinodiõmoí! Uire jítiramo ñue mona monaille lloite raana ñue onódiõmoí. Mei íadi birui omoí cigimo cue finoca onótatífuaína onóñediõmoí.

<sup>4</sup> Biruido ite ñinoñede fiénidino ciórainina raana finóllena jicáfirediaíõ. Mei íadi nauí Juzíñamui uai llóraíma Jonásmo zúidífue íaiõ onótatífue. Afefue baimo jíáifuena llóñeilliaíõ, —daide.

Daí daina mei, afémacina fáicanocaillano Jesús oni jíáinomo jaide.

*Fariséuai taino llófrenafue levadura daina pan aillo fáitate raa izoide  
(Mr 8.14-21)*

<sup>5</sup> Jesús llófuegamaci jorai ruícafenemo jailla llezica, pan féideza uiñédiaíõ.

<sup>6</sup> Afe mei Jesús íaiõina daide:

—Ero, fariséuai naa saducéuaimo ite levadura daina pan aillo fáitate raa izóidemoná abí omoí rairuiri, —daide.

<sup>7</sup> Mei jira llófuegamaci dani conímána daidíaiõ:

—Ñibaí pan caí atíñena jira afémie daí daide, —daidíaiõ.

<sup>8</sup> Jesús áfena comécido onóillano daide:

—¿Ñibaí mei páanidicaí daidíõmoí? ¡Omoí ico nai figo ñinoñediõmoí!

<sup>9</sup> ¿Nauí cinco páaniai ditada cinco mil comini cue écamo jaca uíbicañediomoi? ¿Nai áfena ñue onóñediomoi? Aféruido fiébidinona ¿niga cirigai oruítatiomoi?

<sup>10</sup> Iemo daje izói siete dígade páaniai cuatro mil comínimo cue feca mei ¿niga cirigai fiébidinona iráidiomoi? ¿Afemo jiái daje izói uíbicañediomoi?

<sup>11</sup> ¿Minicamo jizídiomoi levadúrado cue úrillana nai onóñena? Nauí fariséuai, naa saducéuaimo ite levadúramona abí omoi rairuiri cue daina uaina jamai paando úriñedicue; jiáifue lloticue.

<sup>12</sup> Afemona ie llófuegamaci ie dainana ñue onódiaioi. Pan aillo fáitate levadúramona abi rairuillana lloñédeza. Mei jiáifodo fariséuai naa saducéuai jino lloga taino llófuimona abí rairuíredeza.

### *Pedro Jesús Crístona jino jaícina llote*

*(Mr 8.27-30; Lc 9.18-21)*

<sup>13</sup> Afe mei Filípomo dúide Cesarea éniemo Jesús dúcina llezica, ie llófuegamacimo jicánote:

—Cue Nanoide íima Jitódicueza. Afe dibénena ¿ñie izói comini daidíai? —daide.

<sup>14</sup> Jira afémaci daidíai:

—Dáamierie “Bie Juan Bautista” daidíai, jiáimaci “Bie Elías” daidíai, íemo nai jiáimaci “Ñibai Jeremías, ñibai jiáie Juzíñamui uai llóraima,” —daidíai.

<sup>15</sup> Mei jira Jesús daide:

—Omoi ¿mei ñie izói cuena daidíomoi? —daide.

<sup>16</sup> Jira Simón Pedro uai ote:

—Juzíñamui ñizeca Cristo dainámiedio. Daje izói caade Juzíñamui Jitódio, —daide.

<sup>17</sup> Jira Jesús afémie uai ote:

—Jonás jitó Simón, o iere ióbidio. Mei ailli o daina uai cómemona omo lloñegaza. Mei jiáifodo monamo ite cue Moo Juzíñamui omo lloga.

<sup>18</sup> Ona Pédrodio dáitíicue. Mei jae cuena o daina uai riírede oni dotánide nofici izóideza. Iemona afe bie riírede nofici izoide uáitanide dainamo cuemo ínotinona comuítaitíicue. Iemona titáfirede riino cuemo ínotinona anáfenõeite.

<sup>19</sup> Iemo jiái monamo ite Juzíñamui illáimana illano naze zuitáfirena llave izoide raa omo ítíicue. Iemona bíniemo o rairuícafuena, daje izói monamo ráiruiteza. Afe izói bíniemo o ráiruiñegafuena monamo ráiruiñelle, —dinori Jesús daide.

<sup>20</sup> Afe mei Jesús ie llófuegamacina Crístona ie íllana bumo jino llotátañede.

### *Jesús ie tílle llote*

*(Mr 8.31-9.1; Lc 9.22-27)*

<sup>21</sup> Aféruimona Jesús Jerusalemo ie jáizaillena ie llófuegamacimo jino uáfodo llote. Iaioina daide: “Jerusalemo cue dúcille mei ocuífiredede éicomini, naa lletáriraini illáiniri, íemo jiái ocuica uai llófuefiredinori nana iere cuena duere fínoitiaioi. Omoimo llotíicueza cuena titaitiaioi, mei íadi daruíamani íllemona meine abido cáadimiena ítíicue,” daide.

<sup>22</sup> Afe jira Pedro Jesús bai uillano íena lletade. Daide:

—Ocuíraima cacai, Juzíñamui afe izói gáñede. ¡Aféfuiai jaca omo zúíñeiteza! —daide.

<sup>23</sup> Mei jira Jesús oni gírecaillano afémiena daide:

—Satanás uícaigaoza. Cúemona oni jai; cue llótaidotioza. Juzíñamui comeci faca izói o comécina facáñedio. Jamai come comeci faca izói o comécina facádio, —daide.

<sup>24</sup> Afe jira Jesús ie llófuegamacina daide:



—Ninó dáamie cuedo jáiacania dama ie comeci jitáillana féitarede. Féitano cuedo jáirede. Afémie cuedo jailla ícoinia tíidena, afémie áfena izire ónide.

<sup>25</sup> Mei ninó dáamie ie cáananona rairuíacadimie áfena táinomo fáifitaite. Mei jáífodo cue ícoinia ie cáananona táinomo fáifitimie afe fáifidena abido máíñoite, jaca ninomo zííñona ie íllena.

<sup>26</sup> Mei daa come nana bínie ráaniai aillo náamataadi, íemo afe llezica dama ie comeci afémie táinocaitaiadi, nana ie maiñoca ráaniai afémiena jíllotañeite. Mei daa come ie comécina ¿nieze ibárede?

<sup>27</sup> Mei uáfueza, Nanoide íima Jitódicueza. Cue Moomo ite ebíredinuiái naa ie abi imáçiri uire bíiticue. Iemona illa dígamie íaioi finócaza fécaiticue.

<sup>28</sup> Uáfueña ómoína dáitícue, benó cue diga itínomona dáarie nai tíñeitiaioimo illáimana cue bíllana cíoitiaioi, —daide.

## 17

*Jesús abi jáífo méidoficaide  
(Mr 9.2-13; Lc 9.28-36)*

<sup>1</sup> Seis dígarui jailla mei, Jesús Pedro, Santiago, Juan diga uite. Dígamie dani eneno iere caifónedumo uite.

<sup>2</sup> Afénomo íaioi eróicana ie abi jáífo méidoficaide. Ie uíeco jitoma izói queníreficaide. Daje llezica ie ínçuiro jamánomo úzereficaide. Luz egáíñua izói úzere.

<sup>3</sup> Afe llezica, Moisés, Elías, Jesús diga úrillana cíódiaioi.

<sup>4</sup> Jira Pedro Jesuna daide:

—Cai Ocuíraíma, nñi cai benó caimare cai illa. O jitáiaidi daámani jofóchupi benó cai nilli; daa óochupi, jáíe Moisés ie, íemo jáíe Elías ichupi, —daí daide.

<sup>5</sup> Daí Pedro úrioína llezica, iere quenírede mona ero uíllie, íaioi ferínocaide. Afe uílliemona da uai cácaicaide. Afe uai daide:

—Bie iere cue izíruiga Jitó. Afémiemo omoi cacáreiri, —daide.

<sup>6</sup> Afe uaina cacáillano ie llófuegamaci éniemo fueco diné bíjicaidiaioi. Afémaci iere jacínaitiaioi.

<sup>7</sup> Afe méifomo Jesús íaioína jetánota daide:

—Jacíruiñeno caifo omoi náidacai, —daide.

<sup>8</sup> Afemona érocaidiaioimo, ja buna cíóñena. Dama Jesús cíódiaioi.

<sup>9</sup> Afe íduaimona fei íaioi billa llezica, Jesús afémaci ocuide:

—Bie omoi ciona rafue bummo lloñeno iri. Nanoide íima Jitódicueza, tíllamona nai meine abido cue cáañeille dinó lloñeno omoi iri, —daide.

<sup>10</sup> Iemona ie llófuegamaci Jesumo jicánotiaioi:

—¿Níbái mei ocuilla uai llófueraini Elías raire uícodo bírena, daífirediaioi? —jicánotiaioi.

<sup>11</sup> Jira Jesús uai ote:

—Uáfueña Elías fueñe bille. Billano naga ráaniaína ñue fínoite.

<sup>12</sup> Mei íadi: “Elías ja bite” ómoína daidícue. Mei bimaci afémiena onóñediaioi. Afémiena onóñenamona afémaci comeci óiacana izói afémiena finódiaioi. Iemo birui Nanoide íima Jitódicueza, afe izói cuena duere zefuítaitiaioi, —daide.

<sup>13</sup> Iemona ie llófuegamaci, Jesús Juan Bautístado íaioimo úrite, comécido daidíaioi.

*Jesús fíenide jóriaí uícaiga jitócomena jíllotate  
(Mr 9.14-29; Lc 9.37-43)*

<sup>14</sup> Idumona ana comini illánomo bitíaioimo, dámie Jesús anamo dújuzaibite. Dújuzaibillano daide:

15 —Cai Ocuíraima, mai cue jitomo dúecai. Fiénide jóriai íena naillíafirede. Aferi afémie iere duere zefuide. Afémie diga ícaiño iraimo baiífiredede; jiáiruido illemo baiífiredede.

16 Benomo o llófuegamacimo cue atica, mei íadi afémaci afémiena jíllotanidiaioi, —daide.

17 Jira Jesús uai ote:

—¡Aiii! ¡Ñiëna jamánomo íinofinidiomoi! Ñúfueña jámairuitiomoi. Omoi ñue cue rairuúllena, ¿nië dinó omoi cígimo íredicue? Afe jitócome cuemo ati, —daide.

18 Atia mei, Jesús afémiemo ite fiénide jóriai izire rairuide. Rairuúllano jino orede. Afe daí daina llezica, afe jitócome jíllobicaide.

19 Afe mei Jesús llófuegamaci bai eneno Jesús diga úrite; jicánotiaioi:

—¿Mei nibái cai afe fiénide jóriai orénidicai? —daidíaioi.

20 Jira Jesús íaioina daide:

—Omoi nai figo íinoñediomoiza, afe fiénide jóriai nai jino orénidiomoiza. Uáfueña ómoína dáitícue, ua due omoi ínoiadi iere juáredifueña finórediomoi. Omoi ínogafue mostaza íji jamánomo dúena izoide íadi, áfedo iere juáredifueña fínoitiomoi. Bie áillue caifóneduna “Oni jai” o daííadi, afedu oni jíáinomo jáite. Uáfueña omoi ínoiadi, jánaideza finónide raa ómoimo íñeite.

21 Mei íadi bie izoide fiénide jóriai dama cai güíllena güíñeno fímairillado íemo jíái Juziñamuimo cai úrillado jino orérede.

*Jesús nane ie tílle dáanomo jino llote  
(Mr 9.30-32; Lc 9.43-45)*

22 Galilea éniëdo íaioi macácailla llezica, Jesús ie llófuegamacimo ie tíllifueña íaioimo llote; daide:

—Nanoide íima Jitódicueza, nairai duere finóllena uillícue.

23 Afe mei cuena títaítiaioi. Mei íadi daruíámani íllamona meine abido cáadimiena íitícue, —daide. Aféfuena cacáillano iere zúucaidiaioi.

*Juziñamuimo gairíracomo dúide úcube Jesús íbade*

24 Jesús naa ie llófuegamaciri Capernaum jófuemo dúcidiaioi. Dúcina llezica, Juziñamuimo gairíracomo dúide úcube jicáfiredino Pédro mo jícanuaidiaioi:

—¿Omoi llófueraima afe raiñoca úcubena íbaiñete? —jicánotiaioi.

25 Jira Pedro:

—Jí, íbaite, —daide. Afe mei Pedro jofa jailla llezica, Jesús fueñe Pédróna daide:

—Simón, ¿ómona nië izói cíoide? Bínie illaini ¿nië comínimo úcube jícafirediaioi? ¿Meita dani ie comínimo? ¿Mei jíáfodo jícanemacimo? ¿Nië comínimo? —daide.

26 Jira Pedro:

—Jicánemacimo, —daide.

Iemo Jesús íena daide:

—Íe jira dani ie comini íbánidiaioi. Iemona afe ailli omo íaioi jícala raiñoca úcube íbánidicue, ¿ero ua? Jí, íbánidicue.

27 Mei íadi bu cai íciñeíllena, áfena íbaitícue. Ie jira jóraimo jaillano fácuai. Fueñe riáibite chamu o oíri. Otá ie fue eromo daa úcubetuni báitioza. Afe úcubetuni cócomo jícala úcube záitaiteza. Afétuni uano afémacimo o íbari, —daide.

## 18

*¿Nñe come iere jamánomoina?*

*(Mr 9.33-37; Lc 9.46-48)*

<sup>1</sup> Aféruido ie llófuegamaci dáanomo gairíllano Jesumo jicánotiaioi:

— Monamo ite Juzíñamui illáimana illáruimo ¿nñe come iere jamánomoina? — daidíaioi.

<sup>2</sup> Afemona Jesús daa jíza uáiduano íaioi cigiri naidánete.

<sup>3</sup> Daií ñiano daide:

— Uáfueña ómoína daidícue, omoi illafue jamai comécina mánairede úrue illa izói méidorediomoí. Afe izói omoi íñenia jaca monamo ite Juzíñamui illáimana illánomo jofó jáiñeitiomoí.

<sup>4</sup> Mei íadi bie úrue izoide dama ie abi jacire maméñedimie monamo ite Juzíñamui illáimana illáruimo jamánomoidimie. Iemo daje izói bie nífuenide úrue illáfueña dama ie illáfueña méidotimie, afémie jamánomoina.

<sup>5</sup> Daa come cue mámeçido bie izoide dúeza llínoiadi afémie ja dáaruido cuena llínote.

*Fiénidifuomo come baiílla iere jacírede*

*(Mr 9.42-48; Lc 17.1-2)*

<sup>6</sup> Nñe come daa bie izoide cuemo ínote dúeza fiénidifuomo baiítaiadi, afémie jamánomo duere finórede. Monáillaji iere afóredinomo ie cimoímo áillue nofici cuinada dotalle baimo ñuera.

<sup>7</sup> Jiáie comínina fiene finótaoicaidino ¡nii dúerena! Oni nibéfodo fiénidifuomo baiítifuiái jaca ífirede; mei íadi afémie afémaci fiénidifuomo baiíta ícoínia afémie ¡nii dúerena!

<sup>8</sup> Iemona, o finócafuedo oni nibéfodo fiénidifuomo o baiíadi, dama o onoi jáitaja izói, afefue finuana fáicanocairi. Daje izói ninó o jáillado fiénidifuomo o baiíadi, dama o idai jáitaja izói, afénomo jáillana fáicanocairi. Mei júbene onoi dígá daje izói júbene idai dígá izói o íllana zííñona illínomo o jáiadi iere ñuera, mei íadi nágafezi dígá, comíni duere finólliraimo o baiíadi iere figóñede.

<sup>9</sup> Daje izói minícamo o eróillamona fiénidifuomo o baiíadi, dama o uíji cuerónota oni ¡ca dota izói, áfeniaímo eróillana fáicanocairi. Mei júbene uina fíidimie zííñona illínomo o jáiadi jamánomo ñuera. Mei íadi mena ui dígá comíni duere finólliraimo o dotábiadi iere figóñede.

*Oveja oni féiraila izoide rafue*

*(Lc 15.3-7)*

<sup>10</sup> Bie úruiaímona daaza jamairuíñeno omoi iri. Mei ómoína daidícueza, afémacimo uíñote Juzíñamui abi imaci, monamo ite cue Moo uíécomo jaca ífirediaíoiiza.

<sup>11</sup> Mei Nanoide íima Jitódícueza, oni nibéfodo féiraitino jílloaíbitícue.

<sup>12</sup> Omoímona ¿nñe izói comeci facádiomoí? Daa cómemo cien dígá ovéjaíai ía, íemo afémacimona daa oveja féiraiadi, afémie afe noventa y nueve dígá ovéjaíai íe cirínoracomo fiénocaite, afe féiraite oveja jénuaillena.

<sup>13</sup> Afe féiraite oveja bailla llezica, áferi afémie jamánomo íóbide. Ua nana jiáie noventa y nueve dígá féiraiñede ovéjaíai baimo, afe baiga féiraitimieri jamánomo íóbide.

<sup>14</sup> Afe izói monamo ite Moo Juzíñamui bie dúezaíamona jaca daa féiraitacañede.

*Cai ámatiaímona dámie omo fiene íadi, afémiena caimare uáidorediomoí*

*(Lc 17.3)*



<sup>15</sup> O ama omo fieni úriadi, uái daií jaillano dama afémiemo úrizairi; afémié fieni illa afémiemo ñue lloiri. Afémié áfena náfuéiadi, ja afémiena ñue cáimacaitadio. Afémié diga ñue nabáiritio.

<sup>16</sup> Mei íadi afémié áfena náfuéñeniadi o uai ná baitena mena come jíriri. Afe mei afémiemo úrizairi, mei afémiemo nana nitácafuiai mena come nibai daámani come uai nabáifirenado záitarede.

<sup>17</sup> Mei íadi afémié afémacimo cácareacañenia, Juzíñamuina ínote aillo dáanomo gairídinomo lloiri. Iemo afémié afémacina nai náfuéñenia mai afémié Juzíñamuimo ínoñedimiena omoi mameri. Daje izói gobierno raiñoca úcube íáirede jicáfiredinona omoi jámairuia izói afémiena omoi jámairuigamiena mameri.

<sup>18</sup> Uáfueña ómoína dáitícue, bíniemo nana omoi féitañega jíáimaci fiénidifuiái, daje izói monamo féitañega. Iemo jíáfodo bíniemo omoi féitaga jíáimaci fiénidifuiái, afe izói monamo féitaga.

<sup>19</sup> Nane dáanomo ómoína dáitícue, ómoímona ménamié bie éniemo dájena mameda Juzíñamuimo jicáadi, monamo ite cue Moo ómicoi jica izói fínoiteza.

<sup>20</sup> Mei mena come, nibai daámani come cue mámevido dáanomo gairíadi, aféno mo afémaci cígimo itícue, —daíde.

<sup>21</sup> Iemo Pedro Jesumo jícánote:

—Cai Ocuíraíma, cue ama cuemo fieni ítena ¿nigacaiño caímare íena uáidoredícue? ¿Meita siete dígacaiño caímare íena uáidoredícue? —daíde.

<sup>22</sup> Jira Jesús uai ote:

—Siete dígacaiño daiíñedicue. Mei jíáfodo jamánomo aillo dígacaiño íena caímare uáidoredí. Uafue jaca ninomo o ámana caímare uáidoredí, —daíde.

### *Caímare uáidoiacañede táijitafiregamie izoide rafue*

<sup>23</sup> Jesús nai úrioicaide; daíde:

—Ie jira monamo ite Juzíñamui illáimana illírui bíniemo ite illaíma finócafue izoide. Aféllaíma nana íe táijitafiregano íemo íbáacaga raana záitaiacade.

<sup>24</sup> Afe záitalle táinia mei daa táijitafiregamie illáimamo atídíai. Afémiemo jamánomo aillo íballe ite.

<sup>25</sup> Mei íadi afémié úcubenide. Ie jira íe ocuídímie daíde: “Mai bímie, íe aí naa íe úruiai riire ocuífírellinona feca, cuemo dúide íe íbárega raa záitalleza,” —daíde.

<sup>26</sup> Iemona afe táijitafiregamie íe ocuífíredímie anamo dújullano íemo izire jícade: “Cue Ocuídímie, cuemo járitaño. Fíaicana nana omo íbaitícue,” daíde.

<sup>27</sup> Iemo afe ocuídímie afémiemo dúecaide. Dúecaillano afémié íbárega raa íbátañede. Afe llezica ja afémiena rairuíño macátate.

<sup>28</sup> Mei íadi afe táijitafiregamie oni jailla llezica, jíáie afémié izói táijitafiregamie baizájide. Afe táijitafiregamie fuéñeidímie íbállena due íte. Ie jira íe cimoi llínota íena títaite izói finode. Afe llezica daíde: “Mai cuemo íbárega raa íba,” daíde.

<sup>29</sup> Iemona íe llaitádimie anamo dújullano íemo izire jícade: “Cuemo raíre járitaño. Fíaicana nana omo íbaitícue,” daíde.

<sup>30</sup> Mei íadi afémié áfena náfuéño llavéracomo íena llavétate, íe íbárega íbañelle díno.

<sup>31</sup> Jíáie táijitagano áfena cíoillano, íere zúucaidíai. Iemona nana afe llezica íficaíllafueña íaíoi ocuídímie llujídiái.

<sup>32</sup> Iemona ocuídime nanóidimiena jírítade. Jírillano íena daide: “Iere fieni tájítafiregamiedio. Mei izire cuemo jicádioza, nana cuemo o íbárega raana dinó fáicanocaidicue.

<sup>33</sup> Omo cue dúecailla izói, daje izói o nabaimo dúecairedio,” daide.

<sup>34</sup> Afe jira afe ocuídime iere rícaide. Rícaillano ie nabaimo dúecañedimiena ríire duere finótate, nana ie íbárega íbañelle dino.

<sup>35</sup> Bie izói dánado Jesús ie úrillana záitate. Daide:

—Illa dígamie comécido ñue ie ámana uáidoñenia monamo ite cue Moo afe izói ómoína duere fínoite, —daide.

## 19

### *Fima ie ai dótajado Jesús lletade*

*(Mr 10.1-12)*

<sup>1</sup> Jesús bie uaido úrilla méifomo Galilea éniemona jaide. Jaillano Jordán imani ruícafellemo ite Judea éniemo dúcide.

<sup>2</sup> Diga comini Jesudo jailla, íemo afénomo aillo iráredinuiaina jílloate.

<sup>3</sup> Afe mei fariséuaimona dámerie Jesús zanóllena facátaíbitiaíoi. Afémiemo jicánotiaíoi:

—¿Meita daa come ie áina fia come comeci dánamona dotárede? Afe izoide ¿meita rairuírede? —daidíaíoi.

<sup>4</sup> Jira Jesús uai ote:

—¿Jaiai Juzíñamui Cuegáuaina facádoñediómoi? Afénicomo bie izói llote. Fueñe comini comútatimie ringo iima diga finode.

<sup>5</sup> Nane dáanomona daide: “Bie izóidemona dáamie ie moo ie ei diga fáicanocaite, afe ie ai diga dájena íaillinoi íllena. Iemona afe íaillinoi daade come izói íite.”

<sup>6</sup> Afemona ménañedeza, daade come izoide. Ie jira jae Juzíñamui daade come finócaza, comini oni eneno dotánide, —daide.

<sup>7</sup> Mei jira jicánotiaíoi:

—¿Iemo nibái mei Moisés lloga uaimo áina dotárede daide? Dótaitimie ie dotaca aimo cuegábena írena. Afébena aféngomo íllano, afémie aféngona dotárede, —daide.

<sup>8</sup> Jira Jesús íaíoína daide:

—Mei afe omoi comeci íinoacañenamona Moisés omoi ai dotállena rairuíñede. Mei íadi nanómona daíí mámeñega.

<sup>9</sup> Cue ómoína dáitícue, daa come ai jiruíreiñeniadi dotáadi, jíaie ringo óiadi afémie fiénide jiruifue finode. Daje izói oni dotácango otímie jiruifue finode, —daide.

<sup>10</sup> Iemona ie llófuegamaci íena daidíaíoi:

—Mei o lloga ringo iima nabaina jaca íadi, ua ráfueza, ¿meita áireiñeno fia cai jáicaille iere baimo ñuera? —daidíaíoi.

<sup>11</sup> Jira Jesús íaíoína daide:

—Nana comini bífuena ónonidiaíoi. Dama Juzíñamui onótallino bífuena ónoite.

<sup>12</sup> Ííñiaimona dámerie áina ónidiaíoi. Dáarie fieni jocóinamona áina ónidiaíoi. Jíáimíai comínimona finócari áina ónidiaíoi. Iemo jíáimíai Juzíñamui illáimana uai llócaillena jaca áina oñediaíoi. Bie uai jeire óredimie jeire óiteza, —dinori Jesús úrite.

### *Jesús úruiai ñue íllena finode*

*(Mr 10.13-16; Lc 18.15-17)*

<sup>13</sup> Afe mei úruiai Jesumo atidiaíoi, ie onoi afézaímo bítano afémie Juzíñamuimo afémacido úrillena. Mei íadi ie llófuegamaci úruiai atídino rairuide.

14 Mei jiáifodo Jesús daide:

—Dama úruiai cue dine bíteza; afémaci rairuñño omoi iri. Mei monamo ite Juzíñamui illáimana illáruimo jáitino bie úruiai izóidiaioi, —daide.

15 Jesús afe úruiaimo onoi bítano íaioina ézicite. Eziciano oni jiáigobemo jaide.

*Ráarede jitócome Jesús diga úrilla*

*(Mr 10.17-31; Lc 18.18-30)*

16 Iemo jiáiruido daa jitócome Jesumo úrizabite. Dúciillano íemo jicánote:

—Ñuera Llófueraima, ziiñona cue illino cue maiñóllena ¿nie ñúefue fínoiticue? —daide.

17 Jesús íena daide:

—¿Nibái mei cuena ñúemiedio daidio? Dama Juzíñamui ñuena. Abi diné jiáie ñúemiena ñede. Mei jiáifodo ziiñona illinomo o jáiacania, Juzíñamui cai ocuilla uai jeire o oíri, —daide.

18 Jira afe jitócome íena daide:

—¿Nee mei aféuai? —daide.

Jira Jesús afémiena daide:

—Jiáimana titáñeno iri. Jiruíreñeno iri. Meríreñeno iri. Jiáie cómemo taino lloñeno iri.

19 O moo o ei diga caimare jacírui. O abina o izíruilla izói, o jiáie cómena o izírui, —daide.

20 Jira afe jitócome íena daide:

—Nana bífuiaina jízananomona jeire oticue. ¿Afe baimo ñifue nai cuemo fiébilla? —daide.

21 Jira Jesús íena daide:

—Nífuenino comécina jaícina jóidime o íacania, mai jaillano omo ite ráaniai o fecari. Fécano afe iba úcube dúredinodo fecari. Afemona monamo ite ziiñona ráifide raa óiena íteza. Afe nana o fecalle mei, mai cuedo bi, —daide.

22 Mei íadi afe jitócome Jesús daí dáiñana cacáillano abido zuure jaide, mei afémie iere ráaredeza.

23 Iemona Jesús ie llófuegamacina daide:

—Uáfueña ómoína dáititue, iere aillo ráaredime mei íadi ie ráaniaina cue baimo afémie izíruiadi, iere féirede Juzíñamui illáimana illáruimo jáillena.

24 Nane dánomo dáititue, caméllona mameide áillue rille eedo uífodo enéfemo jailla juánide, mei jiáifodo aillo ráaredime Juzíñamui illáimana illáruimo jaille iere Juárezde, mei ie ráaniai cue baimo afémie izíruiteza, —daide.

25 Ie llófuegamaci áfena cacáillano iere fáigacaidiaioi. Iemo dani jofo conímaiaimo jicánotiaioi:

—Iemona ¿ñimie jíllorede? —daidiaioi.

26 Jesús íaioimo eróicana daide:

—Comínimona bie izóidifue finónide, mei íadi Juzíñamui mona nana finórede.

27 Iemona Pedro íena daide:

—Cai Ocuíraima, caimo ite raana nana fiénocaillano odo ja jáidicaí. Iemona mei ¿minica máñoiticaí? —daide.

28 Jesús íaioina daide:

—Uáfueña dáititue, uire jiáiruido naga ráfuiái cómofuiaina jáite. Aféruimo Nanoide Ima Jitódicueza ebírede illaíma ráíiranomo ráititue. Afe llezica omoi cue diga jáicana jira, doce dígade illaíma ráíiranomo ráitíomoi. Afénamona doce dígade Israel náiraíai ñue jaícina jicánoitíomoi.

29 Iemo cue ícoinia naga jofona fiénocaidimie, daje izói ámatiai naa ie móotiaiiri fiénocaidimie, daje izói naa úruiaiiri fiénocaidimie, íemo jiái ie illano zóofenocaidimie, afémaci cien dígacaiño íbálliaioi. Daje llezica afémaci zíiñona illínona máiñoitiaioi.

30 Mei íadi birui aillo uícoficaidino aféruimo óodaficaite. Daje izói birui aillo óodaficaidino uícoficaitiaioi.

## 20

### *Jírícoremo oreca táijiraini izoide rafue*

1 Monamo ite Juzíñamui illáimana illírui jírícore naama finoca izoide. Afémie jítiramo raire ie táijiramaci jénuaide, ie jírícue óllena.

2 Afémie ie táijiramaci íbállena afémacimo jaícina llote: “Daarui táijina íba dieze úcube illa dígamie íbaiticue,” daide. Daí dainano ie jacáfaimo táijillena orede.

3 Afe mei jitoma nuévemo ítemo oni gairíranomo jiáie táijitino jénuaide. Afe gairíranomo dáarie táijíñeno itino baite.

4 Iaioina daide: “Mai batí cue jacáfaimo táijizairi. Nauife dibénemo ómoimo ñue íbaiticue,” daide. Iemo afémaci dinomo táijizaidiaioi.

5 Afe jacafai naama jitoma jaíciri ítemo meine nane jiáie táijitino jénuaide. Daje izói nane nauife dibénemo jénuaide.

6 Iemo nane ja nauízaidemo ocuídime gairíranomo jiáie táijitino jénuaide. Dinomo jiáie táijíñedino baizájide. Iaioina daide: “¿Nibái mei omoi nágarui táijíñeno benó ífirediomo?” daide.

7 Jira afémaci íena daidiaioi: “Mei bu caina táijitañede,” daidiaioi. Iemona afémie íaioina daide: “Omoi daje izói cue jacáfaimo táijizairi. Iemona ómoimo dúide dieze ñue íbaiticue,” daide.

8 Ja nauídimo, jacafai naama táijitagano úiñotimiena daide: “Mai tájidino dáanomo uáiduano íba. Iiraínomo jáidino fueñe íbari, íemo nano fueñe jáidino méifodo íbari,” daide.

9 Iemona nauízaiacademo jáidino dúcidiaioi. Afémacimona illa dígamie ñue íaioi táijina íba llínotiaioi. Daa denario daina úcube illa dígamie llínotiaioi.

10 Afe mei nano fueñe táijizaidino ducina llezica, “Jíaimaci baímo aillo úcubena llínoiticaí,” daí comécido facádiaioi. Mei íadi nana illa dígamie dájerize daarui táijina íba dieze úcube llínotiaioi.

11 Ucube llínua llezica, ocuídime ríicaidiaioi.

12 Iena daidiaioi: “Bie íraínomo dúcidino daa hora tájidicaí,” daidiaioi. Cai o íbaze íaioina íbáidio. Cai náamonaze uzíredemo tájidicaí,” daidiaioi.

13 Mei íadi afe ocuídime íaioina daide: “Omoi cacai. Ómoimo fienu íñédicue. Fueñe cai úrilla llezica ¿ómoimo dáaruina táijina íba dieze úcube íbaiticue daíñédicue? Jii, daidicue. ¿Afe llezica áfena jíeruñediomo? Uáfueza, jíeruitiomo.”

14 O táijina íba llínota, mai jai. Bie íraínomo dúcidinona daa o cue íbaze íbáacadicue.

15 ¿Meita cue úcube cue dotáacana dieze dotánidicue? ¿Meita jíaimie cue dúecaillano aillo cue fécarí úradoidio?” dinori ocuídime úrite.

16 Afe izói fueñedino óodaficaitiaioi, íemo jiái óodaidino uícoficaitiaioi. Mei uafue, jíirigano aillo ite, mei íadi nizécano dúemaci, —dinori Jesús daide.

*Jesús nane dáanomo ie tílle llote  
(Mr 10.32-34; Lc 18.31-34)*

17 Jerusalén iodo Jesús jailla llezica, doce dígade ie llófuegamaci bai eneno uillano daide:

18 —Birui omoi ciona izói Jerusalemo jáidicai. Daje izói Nanoide fima Jitódicueza onódiomoi. Afénomo lletáriraini illaíma, naa ocuica uai llófueraini cue titállena mámeitiaioi.

19 Mámiano onínemacimo cuena fécaitiaioi, cue íaioi jifánodoillena. Daje izói ráziaido cuena fáitiaioi. Afe mei cuena cruzmo córaitiaioi. Mei íadi daruíamani illemona meine abido cáadimiena jáiticue, —daide.

*Santiago Juan díga íaillinoi ei Jesús diné daa rafue jicánuaibite  
(Mr 10.35-45)*

20 Afe mei Santiago Juan díga íaillinoi ei Jesuna daízaibite. “Mai cuemo dúcairi,” daide. Bíailinoi moo Zebedeo. Afengo naa afe íaillinoiri Jesús anamo dújuzaibitiaioi.

21 Jira afémie aféngona jicánote:

—¿Minica óiacadio? —daide.

Jira afengo daide:

—Ílláimana o illíruimo dúcille llezica, cue jitó íaillinoimona dáamie o nabézimo rainari, íemo jíaimie o jarífezimo rainari, —daide.

22 Jira Jesús íaioina daide:

—Omoi cuemo jicaca raana nai figo onóñediomoi. ¿Meita duere cue zefuille izói zefuirediomicoi? Cue duere íaioi finolle izói ¿meita ocuirediomicoi? —daide.

Jira afe íaillinoi: —Jii, —daide.

23 Iemona íaillinoina daide:

—Iere uáfueza. Duere cue zefuilla izói duere zéfuitiomicoi. Daje izói cue duere íaioi fínua izói afe izói duere finólliomicoi. Mei íadi cue nabezi, cue jarífezimo ómicoi ráinaille cue daínidicue. Dama cue Moo uícodo mamécamié ráirena, —daide.

24 Jáie diez dígade ie llófuegamaci afe jicánuana cacáillano, afe íaillinoimo ráicaidiaioi.

25 Iemona Jesús dáanomo nana íaioi uáiduano daide:

—Onódiomoi za náiraiaí illaini íaioi úiñoganona ocuíoifirediaioi. Iemo íaioimona iere ocuídillaini afémacimo ite rínodo iere jacire ocuífirediaioi.

26 Mei íadi omoi cígiri daí íñeite. Mei jíáfodo ómoimona jamánomoidimiena íacadimie, omoi anamo tájidimie izói írede.

27 Daje izói ómoimona uícofiacadimie omoi riire ocuícamié izói írede.

28 Afe izói Nanoide fima Jitó omoi cígimo ite. Mei jii, jíaimaci cuena canóllena biñédicue, mei jíáfodo nana comini cánuaibiticue. Uafue aillo comini íaioimo ite fiénidifuaí oni dóllena tíizaibiticue, —dinori Jesús úrite.

*Jesús mena únidimie jíllotate  
(Mr 10.46-52; Lc 18.35-43)*

29 Jesús naa ie llófuegamaciri Jericó jófueмона jino jailla llezica, díga comini afémiedo jáidiaioi.

30 Jáidiaioimo afe io abimo mena únidimie ráidiaillinoi. Ja Jesús afe íaillinoi abido jáizaillana cacádiaillinoi; cacáillano riire daidiaillinoi:

—Ocuíraíma, jaiaí illaíma Davidmona comuitagamie mai cócomo dúcaí, —daidiaillinoi.

31 Jira comini íaillinoina rairuídiaioi. Afe íaillinoina, “Uriñeno, llúcai,” daidiaioi. Mei íadi afe íaillinoi llúcaíñeno jamánomo caillíoidiaillinoi:



—Ocuíraima, jaiái illaíma Davidmona comuítagamíe, mai cócomo dúecai, — daidíaiillinoi.

<sup>32</sup> Jira Jesús mózide. Mózillano afe íaillinoi jírrillano jicánote:

—¿Nie izói jitáidiomícoi afe izói ómícoi cue finóllena? —daide.

<sup>33</sup> Jira afe íaillinoi uai ote:

—Ocuíraima, cióacadícoo, —daidíaiillinoi.

<sup>34</sup> Jira Jesús afe íaillinoímo dúecaillano, íaillinoi ui jetade. Jeta llezica ñue ciódiaillinoi. Afe mei Jesúoíri jáidiaillinoi.

## 21

### *Jesús Jerusalemo jofo jaide*

*(Mr 11.1-11; Lc 19.28-40; Jn 12.12-19)*

<sup>1</sup> Ja Jerusalemo áinozidiaíomímo, Betfagé duera jófuemo dúcidiaíoi. Afe jofue Olivo daína idu áinori ite. Afénomona Jesús ie llófuegamacimona ménamíe orede.

<sup>2</sup> Oriano íaillinoína daide:

—Baíe ómícoi uícomo ite duera jófuemo ómícoi jai. Afénomo cuinaca búrrana cíotiomícoi, naa ie úrue díga. Afe zuitada cuemo atiri.

<sup>3</sup> Afénomo comíni jáífodo dáíadi, “Caí Ocuíraima jitáillano jicácaza; bie búrrana raíre abído omo óreite,” daíri, —Jesús daide.

<sup>4</sup> Bífuaí íficaide jaiái Juzíñamui uai llórainí cuega uai ñue ícoímo fuitállena. Afe uai daide:

<sup>5</sup> Jerusalena mameide jofue comínina daíri:

“Ero, o illaíma comécina mánaídímíe izói billa.

Burra emódomo ráicabite.

Afe méere de raa abífire de burra úrue emódodo bite,” —daide.

<sup>6</sup> Afe mei ie llófuega íaillinoi jaillano Jesús íaillinoi ocuilla izói finódiaillinoi.

<sup>7</sup> Afe burra naa ie úrue atídiaillinoi. Atiano íaíoi inícuirona afe búrrana jobédaíoi. Afe mei Jesús afe emódomo ráinazaide.

<sup>8</sup> Afe llezica aillo comíni Jesús jáillao inícuirona jobédaíoi. Jáímací rafóruai jáitajano íemo jobédaíoi.

<sup>9</sup> Dáarie Jesús uícodo jáidiaíoi; jáímací óodana jáidiaíoi. Nana daje izói riire úritiaíoi:

—Jaiái illaíma Davidmona comuítagamíemo ñúefue mai caí daílli. Juzíñamui mámecido bitímíe caímare íiteza. Juzíñamuímo ebíredí fue caí mamelli, — daidíaiíoi.

<sup>10</sup> Jesús Jerusalemo jofo jailla llezica afe jofue comíni díga rafue júfidotiaíoi. Díga comíni afémíe dibénedo jicánotiaíoi:

—¿Bie bu? —daízitiaíoi.

<sup>11</sup> Jira jáímací daidíaiíoi:

—Bímíe Galiléamo ite Nazaret jofue ímíe. Afémíe Jesús, Juzíñamui uai jino llóraíma, —daidíaiíoi.

### *Jesús Juzíñamuímo gairíraco ráfua izói ñue fínode*

*(Mr 11.15-19; Lc 19.45-48; Jn 2.13-22)*

<sup>12</sup> Afe mei Jesús Juzíñamuímo gairíracomo jofo jaillano, afeco eromo ite ráaniaí fecáđino naa íbároidínori jino jiude. Afénomo ite úcube méído fíredino táíjinabani Jesús oni cáicoíde. Daje izói fíicirillai fecáđino íaíoi ráíiracuai Jesús oni cáicoíde.

<sup>13</sup> Afémacina daide:

—Juzíñamui Cuegáuai daide: “Cue jofo daa cuemo úrifireracona íite.” Mei íadi bicona merírifíredino jofo izói finódiomíoi, —daide.



14 Afe Juziñamuimo gairíracomo Jesús illa llezica dáarie uínidimíai, naa ídainidino Jesumo bitíai. Afémie afémacina jíllotate.

15 Mei íadi lletáriraini illaini, naa ocuica uai llófuetinori Jesús uaido dáinamona comuídena cíoillano ríicaidiaí. Daje izói afe gairíraco eromo ite úruiai Juziñamuimo caimátailla uai cacáillano bimaci iere ríicaidiaí. Mei afe úruiai daidíai: “Jaiiai illaíma Davidmona comuítagamie iere ebíredeza,” daidíaiiza.

16 Jira bimaci ríicaillano Jesuna daidíai:

—¿Baie úruiai úrillana cacáñedio? —daidíai.

Jira Jesús íai uai ote:

—Cacádícue. ¿Bie rafue úrilla cúeina uaina facádoñediomo? Afe jaiiai David dáina uai Juziñamuina bie izói daide:

Uruiabi ebire ñúefuena óiena jae rotátatio, —afe daí Jesús íaiomo llote.

17 Afe mei ie jicánotinona fáicanocaillano Jesús oni Jerusalémona Betania jófuemo íniaide.

*Jesús lliziñede higuera dáina amena faidode  
(Mr 11.12-14, 20-26)*

18 Afe jítiramo Jesús meine Jerusalemo bítemo iere jufínaite.

19 Afe io abiri higuera dáina aménana cíode. Jesús afénomo áinozide, afena llizilla riéllena. Mei íadi llizíllajiaína íñédeza, daa ie íbiaina cíode. Mei jira Jesús afe higuérana daide:

—Jaca benómona llíziñeitio, —daide.

Daí dáina llezica afe higuera dúide.

20 Ie llófuegamaci áfena cíoillano fáigacaidiaí. Iemo Jesumo jicánotiaí:

—¿Nie izói ite bie higuera amena raíre dúilla? —daidíai.

21 Jesús íai uai ote:

—Uáfueña ómoína daidícue, ua o ínoiadi daa bie aménamo cue fínua izói finóredíomo, íemo jíai afe baímo aillo finóredíomo. Bie caifóneduna “Caífo áíjicaillano oni monáillaimo báízai” o dáíadi, afe bie caifónedu o uai jeire uano, oni díno mo baízaité.

22 Juziñamuimo omoi úrilla llezica, ua o ínoia nana omoi jicácana ñue llínoitíomo, —daide.

*Illáicomini Jesús ocuífírena ríino jicánotiaí  
(Mr 11.27-33; Lc 20.1-8)*

23 Afe mei Jesús Juziñamuimo gairíracomo jofó jaide. Jaillano afénomo llófuemarite. Afe llezica lletáriraini illaini naa judíuai eicomíniri Jesumo jicánuaídiaí:

—¿Níe ríinodo o raana finófíredí? ¿Afe ríino bu mei omo fecaca? —daidíai.

24 Jira Jesús íai uai ote:

—Cuemo omoi jicánua izói, ómoímo daafue jicánoítícue. Cue jicánolle uai ñue omoi óiadi, bie raa cue fínua ríino ómoímo llóítícue.

25 Mei Juan ¿bu comíni báutizallena ocuica? ¿Meita Juziñamui ocuica? ¿Mei níbai comíni ocuica? —daide.

Mei íadi uai oñeno, áfena dáni conímamo júfidotiaí; daidíai:

—Juziñamui ocuica caí daíadi, Jesús caina dáíte: “¿Níbai mei afémiena íinoñediomo?”

26 Mei jíáfodo, comíni ocuica, caí daíadi, comínina jacíruitícaí; mei nana comíni “Juan Juziñamui díbénedo úrifírede” daidíaiiza.

27 Iemona bie izói Jesuna daidíaiói:

—O jicánoga jaca onóñedicaí, —daidíaiói.

Jira Jesús íaióina daide:

—Daje izói bie raa cue fínua ríino ómoimo llóñeiticue, —daide.

### *Mena jitó iaillinoi illa izoide rafue*

28 Daií daína mei, Jesús íaióina daide:

—Bíena ¿nie izói daidíomoi? Daa iima mena jitórede. Iaillinoi moo dámienna daide: “Cue jitó, mai cue jírícore illánomo táijizairi,” daide.

29 Afe jitó uai ote: “Jáiacañedicue.” Mei íadi afe mei ie comeci jíáfodo fácano, afénomo táijizaide.

30 Afe mei afe moo jíáie jitomo úrizaide. Daje izói íena daide. Iemo bie jíáito íena daide: “Jíi, táijizaiticue.” Mei íadi afémie táijizaiñede.

31 Meita bie ménaillinoimona ¿nie jitó ie moo jitáinana fínua? —daide.

Jira íena daidíaiói:

—Nanóidimie, —daidíaiói.

Jira Jesús íaióina daide:

—Uáfuenta dáititícue, gobierno jicátafirega úcube llínotino, naa ímamo jiruífiredede ringóniari naa jíáie afe izoide fiénidino Juzíñamui illáimana illánomo raíre omoi uícodo jáitíaiói.

32 Mei nauí Juan Bautista ñue omoi íllena llófuiaibite, mei íadi áfena íñoñediomoi. Mei jíáfodo afe úcube llínoraini naa jiruífiredingotiari ie dáinana ínotíaiói. Mei íadi omoi baimaci comeci ífue méiduana ciódiomoi íadi, afémiemo ínollena omoi comeci itífuiaina méidoñediomoi, —daide.

### *Fiénide táijnamací izoide rafue*

*(Mr 12.1-12; Lc 20.9-19)*

33 Mai bie jíáie ráfuego omoi cácarei. Jacafai naama jírícojiaí éroide úvaiaí rillino finode. Fínuaño afeno nágafene cirínote. Cirínuaño afe úvaiaí zaizíllico finode. Afe llezica caífo jica tígicaco nite nana afe rigániaimo ñue rairuíllena.

Afe mei afémie afécaie ie úiñotimacimo fecade, ie biñena dino. Afe dígamona íemo íbádiaí. Daií fécano afémie jíáie éniemo jaide.

34 Afe mei úvaiaí llizille llezica, ie ocuífíregano orede, náamamo dúide díbene jicállena.

35 Mei íadi afe táijidino jacafai naama orécano llaitádiaí. Lláitano dáamienna rázido fatíaiói. Jáímienna titádiaí, íemo jíáimíenna nófienna níjidiaí.

36 Ie mei jacafai naama nane jíáie ocuífíregano orede. Nano fueñe ória baimo orede. Mei íadi afénomo táijidino daje izói nane nana afémacina fiéni finódiaí.

37 Iirainomo afe jacafai naama ie jitó orede. “Afémíenna níbaí caimare náfueítíaiói,” daide.

38 Mei íadi naama jitó bíllana cíoillano afe táijidino conímana daidíaiói: “Bímie bie énie uire máíñoitimie. Mai caí fallí. Afe mei bie énie daní cáieíteza,” daidíaiói.

39 Afe mei afe jitó llaitádiaí. Lláitano jacafai baimo uillano íena titádiaí.

40 Mei jira Jesús jicánote:

—Afe jacafai naama billa llezica, afénomo táijidinona ¿nie izói níbaite? —daide.

41 Jira íena daidíaiói:

—Afémie afe táijitatinomo dúecaiñeno íaioina títaite. Afe mei jíáie ñue táijidinomo ie énie nano íanori fécaite, mei náamamo dúina dieze lizíllají raíre afémiemo izájifireitiaioiza, —daidíaiói.

<sup>42</sup> Jira Jesús daide:

—¿Cue dibénedo Juzíñamui Cuegáuaina jaca facádoñediomoi? Aféuai bie izói daide:  
Jofo níraini jámairuillano oni fádoica jáillirai ja ñuera jáillirai izóidena jaide.  
(Bie daíacade comíni jámairuillano ruifíruigamie ja ñuera jica jalleide illáimana jaide.)

Bie cai Moo Juzíñamui finoca.

Afefue iere caimo ebire cacaide.

<sup>43</sup> Mei íadi ómoína dáitícue, Juzíñamui illáimana ómoimona oni baírolle. Afe mei Juzíñamuimo duide dibene ízaifiredinomo ie illáimana fécaite.

<sup>44</sup> Iemo afe nofici daínámiemo éicitaitimie niné tibérotaitaite. Iemo afe nofici jíáimie baíadi jízefo izói afémiena fínoite, —daide.

<sup>45</sup> Lletáriraini illaini naa fariséuairi Jesús afe izoide ráfuiá llúana cacáillano daidíaiói, “Afémie ico caido úrite,” daidíaiói.

<sup>46</sup> Iemona afe Jesuna llaitáacadiaioi, mei íadi comínina jacíruillano llaitáñediaioi. Mei nana comíni, “Jesús Juzíñamui dibénedo úrite,” daidíaióiza.

## 22

### *Airena llezica finoca ráfuego mameca uai*

<sup>1</sup> Jesús nane dáanomo úrizaide. Afémie jíáifuemo mameca uaido úrizaide. Íaioina daide:

<sup>2</sup> —Monamo ite Juzíñamui illáimana illírui bie izoide. Illaíma ie jitó áirena llezica rafue finua izoide.

<sup>3</sup> Ie ocuífregano orede, nauí uícodo llogano jíirillena. Mei íadi afe uáidogano bíacañediaioi.

<sup>4</sup> Ie jira afémie jíáie ocuífregano dáanomo orede. Uáidoganona bie izói daíiri daide: “Íráiziñi güille ja nana ñue uédeza. Farede juráreto fatícueza. Ja nana ñue finócaza. Airena ráfuego mai nana omói biri.”

<sup>5</sup> Mei íadi áfemo íráizillena llogano náfueñediaioi. Afémacimona dáamie ie jacáfaimo jáizaide. Jáimie ie ráaie oni fécajide.

<sup>6</sup> Jáimaci illaíma oreca jíirizaidino llaitádiaioi. Lláitano íaioina duere finoda titádiaioi.

<sup>7</sup> Jira afe illaíma iere rícaide. Rícaillano ie úiñote fuíríraini orede, ie orécano fatino titállena; afe llezica afémaci jofue jobáillena.

<sup>8</sup> Afe mei nane jíáie ie ocuífreganona daide: “Airenafue nana ñue finoca. Mei íadi fueñe uáidogano fieni itíaióiza bínidiaioi.

<sup>9</sup> Iemona jofue cígido macáraomo omói jai. Afénomo nana o cíoillimacina íráizizaíbiri o daíiri,” daide.

<sup>10</sup> Iemona afe ocuífregano jino macáraomo jáidiaioi. Jaillano nana íaioi ciónamacina: “Íráizizaíbiri,” daidíaiói. Fíenidino naa ñuémacíri nana dáanomo íaioina gairitate. Afemona íráizillico ja comínina oruide.

<sup>11</sup> Afe mei afe illaíma ie jíiriganona onóillena jofo jaide. Íaioímo eroilla llezica daa áirena ráfuego jítafíregaroi jítaoíñedimiena cíode.

<sup>12</sup> Jira íena daide: “O áirena ráfuego jítafíregaroina jítañeno ¿o ñie izói jofo bitío?” daide. Mei íadi afémie uai ollíuai íñede.

<sup>13</sup> Ie jira illaíma güirábanimo táijidinona daide: “Bímie riire omói maíri; maíano afémie jino jítifomo dotari. Afénomo afémie duere éheiteza, daje izói izírenari murímuriteza,” daíí afe illaíma ocuide.

14 Iemo Jesús nai úrillano daide: Uáidogamací iere aillo ite, mei íadi eneno nizécano dúemaci, —daide.

*Gobierno ibátaga úcube rafue  
(Mr 12.13-17; Lc 20.20-26)*

15 Iemona fariséuai Jesús úrilla uai féitaiacadiaioi. Féitajano fiénidifue afémiemo jóoneacadiaioi. Afe izói finóllena dáanomo maméritiaioi.

16 Iemona afémacimo jaináidino, daje izói naa Heródesmo jaináidinori Jesuna daiíllena orédiaioi:

—Llófueraíma, onódicaíza ua rafue daiífiredio. Daje izói Juzíñamui diné cai jáillio uáfueña llófuefiredio. Afe llezica comíni daináuaimo náfuefinidio. Iemo jino cíoidifuiaina comínimo riire jicánoñedio.

17 Ie jira o comeci dainafue jino caimo lloiri: ¿Romano jamánomoidillaíma ibátaga úcube ibádicaínia ñuera? ¿Ñibai fiénide? —daidíaioi.

18 Mei íadi Jesús afémaci facátamarillana onode. Jira íaioina daide:

—Comeci íairena mei abina ñue cíoidinodiomoí. ¿Ñibái mei cuena jíitaiacadiomoí?

19 Afe ibátafirega úcubetuni cuemo ácata, —daide.

Iemona daa denario daina úcubetuni atídiaioi.

20 Afena cíoillano Jesús íaioimo jicánote:

—Afétunimo ¿bu uíeco jana illa? Iemo afétunimo ¿nie come mámecei cúeina? —daide.

21 Ie uai otíaioi:

—Romano jamánomoidillaíma mámecei illa, —daidíaioi.

Jira Jesús íaioina daide:

—Jamánomoidillaímamo dúide diga mai íemo fecari. Daje izói Juzíñamuimo dúide diga Juzíñamuimo fecari, —daide.

22 Afena afémaci cacáillano iere fáigacaidiaioi. Iena zóofiano oni jáidiaioi.

*Tíide comíni meine abido cáaillena jicánotiaioi  
(Mr 12.18-27; Lc 20.27-40)*

23 Aféruido saducéuaimona dáarie Jesumo úrizaidiaioi. Saducéuai: “Tíidino meine abido cáaiñeite,” daiífirediaioi. Afe daí Jesús jicánuaíbitiaioi:

24—Llófueraíma, Moisés caimo cuetá fiécabemo daide: “Daa come tíia, afémie ama ie fecíngona órede, afémie úruiaí ie tíide ama méifomo comuíllena.”

25 Mei nauí cai cígimo siete diga ámaredimíiaína ite. Nanóidímie áireillano nai úruenidemo tíide. Tíillano ie méifoide ama afe fecíngo ote.

26 Iemo daje izói afémieri íficaide. Afe mei nane jíáímie daango ote. Afémiemo daje izói íficaide. Daí fiébiñeno nana fuitíaioi.

27 Afémaci nana tíilla méifomo afengo nane tíide.

28 Iemona tíidino meine abido cáailliruimo, mei siete dígamie daango óteza, ¿afengo nie íima aína mámeite? —daidíaioi.

29 Jira Jesús íaioi uai ote:

—Juzíñamui Cuegáuai naa afémiemo ite ríinori omoí onóñenamona fieni úritiomoí.

30 Tíidino meine abido cáaillano ánitiaioi. Daje izói jíáínomo íaioi jízaníai ínreitañeítiaioi. Mei jíáífodo monamo ite Juzíñamui abi imaci ízoítiaioi.

31 Mei íadi tíidino meine abido caana dibénedo ¿afe Juzíñamui ómoímo Cuegáuaina facádoñediomoí? Afémie bie izói daide:

32 “Dáaruído Abraham Juzíñamuidicue, naa Isaac, Jacob diga,” mei afémaci Juzíñamui illánomo cáadiaioíza. Mei uáfueza, Juzíñamui tíidino íeñede mei jíáífodo cáadino ie, —daide.

<sup>33</sup> Daií Jesús dáinana cacáillano comini ie llófuemarillari fáigacaidiaioi.

*Iere jamánomo ñnorega caimo ocuina uai*  
(Mr 12.28-34)

<sup>34</sup> Fariséuai Jesús saducéuai llícaitajana cacáillano, dáanomo gairídiaioi.

<sup>35</sup> Afémacimona daa ocuica uai llófueraima Jesús facátaiacade. Jira íemo jicánote:

<sup>36</sup> —Llófueraima, nana ocuica uáillaïmona ¿ñíuaina jamánomoina? —daide.

<sup>37</sup> Jira Jesús daide:

—“O Juzíñamui nana o comécido izírui, naa o joréñori, íemo o ifoci úrillado.”

<sup>38</sup> Aquíe uai nana ocuica uáillaïmona jamánomoina. Afe uai raire uícodo ñnorede.

<sup>39</sup> Afe méifoide uai daje izoide. Aféuai daide: “Dama o abina o izíruilla izói, afe izói o jíáie cómena izírui.”

<sup>40</sup> Bie ménade ocuilla uai nana Moisés ocuilla uailai jillaci. Daje izói Juzíñamui uai jino llóraini llócaiga uai bíemona comuide, —daide.

*¿Mei bu jitó Cristo?*  
(Mr 12.35-37; Lc 20.41-44)

<sup>41</sup> Afe fariséuai nai dáanomo itíaiomimo,

<sup>42</sup> Jesús íaiomimo jicánote:

—¿Cristomo nie izói comécido daidíomoi? Afémie nano ie comútatimie ¿mei bu? —daide.

Jira íena daidíaioi:

—Afémie Davidmona comútagamie, —daidíaioi.

<sup>43</sup> Iemona Jesús íaioina daide:

—Mei ¿nie izói David, Juzíñamui Ñuera Joreño llúado afémie jitona “Cue Ocuíraima” daírede? David daií daína uai cúeina:

<sup>44</sup> Monamo ite cai Moo Juzíñamui cue Ocuíraimana daide:

“Bené cue nabézimo o ráiri, o éoigamací cue anáfenolle dino.”

<sup>45</sup> Mei David afémiena “Cue Ocuíraima” dáíadi, ¿nie izói Cristo Davidmona comúdimiena maméirede? —daide.

<sup>46</sup> Daií daína uai buna ónide. Iemo aféruimona jíáie facátalle jicánua uai maméñediaioi.

## 23

*Jesús fariséuaimo naa ocuica uai llófuetinori íaioi fíenidifue lloste*  
(Mr 12.38-40; Lc 11.37-54; 20.45-47)

<sup>1</sup> Afe jira Jesús nana comínina naa ie llófuegamaciri daide:

<sup>2</sup> —Ocuica uai llófuefiredino naa fariséuairi Moisés ocuica uai jino llóllena mamécaiaioi.

<sup>3</sup> Afemona afémaci llógana jeire omoi oíri. Daje izói nana afémaci ómoina dáinana náfuere. Mei íadi afémaci illa izói ññeno iri. Mei comínimo íaioi úrilla izói ññediaioiza.

<sup>4</sup> Afémaci comínina iere riire ocuide. Afe íaioi ocuica uaina comini finónide. Mei íadi daní afémaci afe ocuica uaina due jiza jetáacañediaioi.

<sup>5</sup> Ñúemaci daíllena nana íaioi finócafuii comini eróicana taino finófirediaioi. Daje izói ñúemaci daíllena Juzíñamui uai cúeina ozócimo jítajana gáidiaioi. Afe izói afe uai jíámaci ie ónoimo maítá úcaillena gáidiaioi. Iemo jíái íaioi jíatáfrega árerói fuemo ite ebire cíoullena jíámaci baïmo finórifirediaioi.

<sup>6</sup> Iemo ráfueño íaioi güizájadi afémaci ñuera ráillinuai jenófirediaioi. Daje izói Juzíñamui uai llorácomo íaioi jíadi illaini ráiranuai jenódiaioi.



7 Afe izói jino jofue cígimo ite macáraodo íaioi jáiadi, comini caimare íaioi uáiduana gáidiaioi. Daje izói “Cai Llófueraimadio” dáiñana gáidiaioi.

8 Mei íadi “Cai Llófueraimadio” daí daiñaño iri. Mei nana omoi ámatiai; íemo jái omoi Llófueraima jaca daade; afémie Cristo.

9 Afe izói bie éniemo buna cue Móodio daiñaño iri. Mei omoi Moo dáadeza. Afémie monamo ite.

10 Daje izói jáimacina “O cai Illáimadio” daiñaño iri. Mei o Ocuídimie dáadeza. Afémie Cristo.

11 Omoimona jamánomoidimiena jáimana canófiredimie.

12 Mei uáfueza, jamánomo abí jacire mamédimie jamámiena jáite. Mei jáifodo abí íñoño jiba cómedicue daidimie jamánomoidimiena jáite.

13 Ocuica uai llófuetino naa fariséuairi, comécina íairena mei abina ñue cíoidiomoiza, ¡ñi omoi dúerena! Mei comini jofo jáiñeillena, monamo ite Juzíñamui illáimana illano nazena íbáifrediomoí. Mei diga Juzíñamui ñue ocuicafuiai lluno, aféfuiaina abido náfueñediomoiza, dani o illafue ñue jaícina jóiña jira. O lloga iodo uáfueña jáiñedioza. Afe llezica afénojofo omoi jáiacañediomoí. Daje izói afénojofo jáiacadino rairuídimoí.

14 Ocuica uai llófuetino naa fariséuairi, comécina íairena mei abina ñue cíoidiomoiza, ¡ñi omoi dúerena! Fecíngotiai jofóniai bairófirediomoí. Afe llezica ñuemaci daiñena comini eróicana Juzíñamuimo are úrifrediomoí. Ie jira omoi jáimaci duere zefuille baimo duere finóllimoí.

15 Ocuica uai llófuetino naa fariséuairi, comécina íairena mei abina ñue cíoidiomoiza, ¡ñi omoi dúerena! Nágagobiaido jáidimoí daa come omoi ínoga uai dibénemo omoi itátallena. Itata mei, afe come omoi baimo fiénidimiena orédiomoí. Iemona omoi afémieoíri, comini duere finolle iraimo zíiña duere zefuillena mamécaomoí.

16 Uina cíoiñede ío ífódino izóidimoíza, ¡ñi omoi dúerena! Comínina bie izói daiñirediomoí: “Daa come íere uafue daiñena, Juzíñamui íco mámeceí llínoiadi afefue ráañede. Mei íadi afémie afécomo nitaca oro mámeceí llínoiadi íe daína uai jeire órede,” daidíomoí.

17 ¡Abina onóñede únidino izóidimoí! ¿Ñie mei jamánomoina? ¿Meita afe jamai oro? Ieñedeza. Mei afe oro Juzíñamui ícomo jóoniamona ñuera raana jáideza.

18 Nane jáifue daiñirediomoí: “Daa come íere uafue daiñena, altar daína Juzíñamui íena rille fecárabani mámeceí llínoiadi afefue ráañede. Mei íadi afémie afénojofo fecaca raa mámeceí llínoiadi íe daína uai jeire órede,” daidíomoí.

19 ¡Abina onóñede únidino izóidimoí! ¿Ñie mei jamánomoina? ¿Meita afe fecaca rille? Ieñede. Afe Juzíñamuimo fecárabani afénojofo fecaca raana ñue finode.

20 Mei ¡ñi, Juzíñamui íena rille fecárabani mámeceí llínotimie daa afe íbani llínoñede, mei jáifodo nana afébanimo fecaca raana llínote.

21 Daje izói Juzíñamuimo gairíraco mámeceí llínotimie daa afe gairíraco llínoñede, mei jáifodo afeco ite Juzíñamui mámeceí llínote.

22 Nane daje izói íere uafue daiñena mona mámeceí llínotimie, Juzíñamui illáimana ráirano mámeceí llínote. Daí llínua llezica Juzíñamui mámeceí llínote, mei afe Juzíñamui afénojofo ráideza.

23 Ocuica uai llófuetino naa fariséuairi, comécina nai íairena mei abina ñue cíoidiomoiza, ¡ñi omoi dúerena! Nana omoi ríganiamona jamánomo jéenide rábiaina Juzíñamui íena oni jónefirediomoí. Menta daína jéenide rábiai, naa anis daína dúebiai diga, íemo jái comino daína rábiai facádota



oni eneno jóonetiomoi. Mei íadi ocuica uáimona jamánomo jitáiredifuiaina náfueñediomoi. Afe jitáirediúi be ñie: come comeci jaícina jóoinana, íemo jiáimaci dúecaifirena, íemo Juzíñamui inofirena. Nai afe jiáifuiái omoi zóofeñena llezica, afe bífuiái raire fueñe jeire órediomoi.

<sup>24</sup> Táino omoi llúamona uina cíoiñedino io ífódino izóidiomoi. Ráañede uáillaimo iere izire nícidofirediomoi, mei íadi jamánomoide ñuera uaimo náfueñediomoi.

<sup>25</sup> Ocuica uai llófuetino naa fariséuairi comécina nai íáirena mei abina ñue cíoidiomoi, ñii omoi dúerena! Mei jiróraco naa plato diga jinófene ñue jocódiomoi, mei íadi afe ero ñinena íáirede. Daje izói comini cíocana abi ñue finódiomoi, mei íadi omoi comeci ñine merírilla, naa jiáie comini raa báruamona ógana oruide.

<sup>26</sup> Uina cíoiñede fariseo ímie: Mai jiróraco naa plato diga ero jócua izói omoi illafue ñue méidori. Iemona omoi comeci ñúefuiaina oruíbicaite. Afemona afe jiróraco jinófene íainina izói, afe izói omoi jinófene íainiteza.

<sup>27</sup> Ocuica uai llófuetino naa fariséuairi, comécina nai íáirena mei abina ñue cíoidiomoi, ñii omoi dúerena! Uzeredena biga ñue cíoide tíidino ráillena nigaco izóidiomoi. Jinófene ebire cíoide mei íadi ero ñine tíidino ícuruaina oruide, nana jiáifoide íáiredinuiaí diga.

<sup>28</sup> Omoi comeci ñine afe izóidiomoi. Comini eróicana jinófenena ñue cíoidinodiomoi. Mei íadi comeci ñine jiáimacina fieni jífuefirenana oruide, íemo jiáie fiénide uáillaina oruide.

<sup>29</sup> Ocuica uai llófuetino naa fariséuairi, comécina nai íáirena mei abina ñue cíoidiomoi, ñii omoi dúerena! Mei jiaí Juzíñamui uai jino llóraini raífo ebire finóirediomoi. Daje izói jiaí ñue itino emódomo jónega noíbicina ebire finódiomoi.

<sup>30</sup> Daí ínuano daíirediomoi: “Cai jáiaigima illáruillaído itícaínia, afe Juzíñamui uai jino llórainina fatáañedicaí,” daíirediomoi.

<sup>31</sup> Daí ñainado afe Juzíñamui uai jino llóraini fatino erófene igímadicaí daídiomoi, —daíde. Jira Jesús afémaci diga ícírillano bie izói ñaina:

<sup>32</sup> —¡Omoi jáiaigima taineca fiénidífue ñue ícoimo omoi fuitari! —daíde.

<sup>33</sup> Jesús nai afémacimo úrite:

—¡Jaióniaí izóidiomoi! ¡Omoi ñairaí titade jaizaí izoide! ¿Mei ñie izói duere finóbille iráimona jíllaitiomoi?

<sup>34</sup> Afe jira Juzíñamui uai llóraini, íemo iere baitáidino naa llófuefireñinori ómoimo óreitíue. Mei íadi afémacimona dámerie tíitaitiomoi. Daje izói jiáimacina córaitiomoi. Iemo jiáimacina Juzíñamui uai lloraco eromo rázido fáitiomoi. Iemo jiáimacina naga jófuiáído rácaítiomoi.

<sup>35</sup> Daí omoi íllamona nana jiaí ñúemaci tíáfírena ícoiniadi ómoimo daí íficaite. Uáfueza, jiaí Abel fáinamona benomo Berequíás jíto Zacarías omoi faja llezica, nana afémaci ícoínia duere zéfuitiomoi. Juzíñamui gairíraco íemo Juzíñamui rille fecárabani dáafenedo afe Zacaríana fatíomoi.

<sup>36</sup> Uáfueña ómoína dáitíue, nana bie fagano ícoínia birui itino duere zéfuitiaíoi.

*Jerusalén jófueri Jesús eede  
(Lc 13.34-35)*

<sup>37</sup> Jerusalén comínimo dúecaidicue. Juzíñamui uai llórainina fáfirediaioi. Daje izói Juzíñamui orécanona nófiena níjidiaioi. Diga icaiño átava ie úruiai íaicona bícuia izói íaioina ríidoiacadicue. Mei íadi íaioi cue ríiduana gáíñediaioi.

<sup>38</sup> Cacai, Juzíñamui ómoína zóofeiteza.

<sup>39</sup> Mei ómoína daidicue, meine abido cuena cíõeitiomoi. “Juzíñamui mámecido bitímie ñue finóbilleza,” omoi daiille dino cuena cíõeitiomoi, —dino Jesús úrite.

## 24

### *Juzíñamuimo gairíracu júdaizille Jesús llote*

*(Mr 13.1-2; Lc 21.5-6)*

<sup>1</sup> Daií daina mei Jesús Juzíñamuimo gairíracomona jino jaide. Jino jailla llezica ie llófuegamaci: “Bie ebire finoca gairíracomo éroi,” Jesuna daidíaioi.

<sup>2</sup> Mei íadi Jesús íaioi uai ote:

—¿Bie nana cíodiomoi? Uáfueña ómoimo llóiticue. Bie niroca nófie daa fiebíñeno nana niné jújicaite. Afeno jofue nana niné táinocaite, —daide.

### *Enie fúiacana cai onuille rafue*

*(Mr 13.3-23; Lc 21.7-24; 17.22-24)*

<sup>3</sup> Iemona Olivo daina ídumo jáidiaioi. Afénomo Jesús ráinana mei ie llófuegamaci báinino íemo jicánotiaioi:

—O daina jofue niné táinocaillifue, ¿ñiruído daií zúite? Afena cai llone. O meine bíllena cai onótaite raa, ¿nie izói eroide? Daje izói énie fúillena ¿nie izói onóiticaí? —daidíaioi.

<sup>4</sup> Jira Jesús íaioina daide:

—Comini omoi jífueiza abí rairuiri.

<sup>5</sup> Mei diga comini cue mámecido billano “Cristodicue” dáitiaioi. Afémaci aillo comínina jífueitiaioi.

<sup>6</sup> Aillo jobáirillana fíditiomoi. Dáarie áinori cácaitiomoi, íemo jáiiena jica cácaitiomoi. Mei íadi áferi jacínaiñeno omoi iri, mei daií íficairedeza. Mei íadi énie fuillíruíñede.

<sup>7</sup> Mei jii daa nairai jáie nairai diga fúirite. Iemo daa énie jáie énie comini diga jobáiritiaioi. Afe llezica aillo náiraiaí júbietaitiaioi, íemo aillo dúicuai íite, íemo ñuizaingo diga ígobaiña ñúite.

<sup>8</sup> Comini duere zefuillemona nana bífuiái como tainéinafue.

<sup>9</sup> Afe llezica ómoína duere finóllena fécaitiaioi. Duere finoda ómoína títaitiaioi. Cue ícoína nana comini ómoína éoitiaioi.

<sup>10</sup> Aféruillaído aillo comini Juzíñamuimo ínuana féitaitiaioi. Dani conímana éoitiaioi. Daje izói conímana fállena fécaitiaioi.

<sup>11</sup> Afe llezica taino llotino iere íite. Afémaci: “Cai bie Juzíñamui dibénedo úriticaí,” dáitiaioi. Afémaci aillo comínina jífuecana uite.

<sup>12</sup> Aféruimo diga fiénidífuiaí comuillamona, aillo comini conímana izíruillana féitaitiaioi.

<sup>13</sup> Mei íadi fuitálinomo ñue nífuenino íitimie jílloite.

<sup>14</sup> Iemo afe bie Juzíñamui illáimana illano ñuera rafue nágagobiaído llóitiaioi, nana náiraiaí áfena onóillena. Afe mei énie fuillíruimo dúciite.

<sup>15</sup> Jaiai Juzíñamui uai jino llóraima Daniel, íirairuimo biite iaire fínuaibitímiedo úrite. Afe bitímie diga ráaniaina táinocaitaite. Afe fieni fínuaibitímie Juzíñamui gairíracu eromo ite rairuírede ñúenomo jáillana o cíoadi, jica botárediomoi. Bíuai facádotímie afe uaina ñue onoiri. Onóillano abi rairuiri.

16 Afemona Judea éniemo itino oni caifóneduaimo botárede.

17 Daje izói daa come ie jofo caifófebanimo íadi, ie jofo eromo ite raana jofo jaillano bairóñeno afénomona bótaiteza.

18 Daje izói jacáfaimo itímie abido ie jofomo ite inícuiruaina uáibiñeite.

19 Aféruillaído namócingotiaina, jñi dúerena! Daje izói monoi jirode úrue lláidingotiaina, jñi dúerena!

20 Nocíruillaído jino o bótañeillena, Juzíñamuimo jicari. Daje izói ocózinaiillaruimo o bótañeillena o jicari.

21 Mei aféruimo iere aillo duere zefuillifuiái íiteza. Enie comuíllanomona bené afe izóidena íñede. Iemo jíái afe méifomo afe izói íñeite.

22 Mei jñi, aféruillai Juzíñamui due mozíñoñedenia buna jíllóñena. Mei íadi ie nizécanona izíruillano, aféruillaina afémie nano íanori mozíñoite.

23 Iemona dáamie ómoína: “Be Cristo,” daííadi, daje izói: “Cristo batí ite,” daííadi afémiemo íñoñeno omoi iri.

24 Mei Crístona abi mamede jífueridino bíteza. Daje izói afémaci: “Cai bie Juzíñamui dibénedo úriticai,” dáíítiaíoi. Afémaci uaido dáinamona áillue comuídena fñoitiaíoi, naa fáigacaitade ráaniaíri. Afedo comínina jífueiacadiaíoi. Dama Juzíñamui nizécanona jífuefillena facátaitiaíoi, mei íadi jífuetañeitiaíoi.

25 Ja nana bífuiái uícodo ómoimo llotícueza.

26 Ie jira: “Ero bai batí táizicimo Cristo ite,” afémaci daííadi afénomo jáiñeno omoi iri. Daje izói: “Ero, bico eromo Cristo ite,” daííadi afémiemo íñoñeno omoi iri.

27 Mei ameo fuiri llairilla llezica jica afáifene ícoimo cíocaila izói, afe izói cue billirui jica cíocazaíbite; Nanoide Ima Jitódicueza.

28 Iemo inóniaí gairízaífirenamona rille rifáillanona ñue omoi onona izói, afe izói abido cue cíocaillemona raire ómoína duere finóllena uáfuenta ónoitiomoi.

*Nanoide Ima Jitó Cristo billirui ñe izoite*

*(Mr 13.24-37; Lc 21.25-33; 17.26-30, 34-36)*

29 Afe duere zefuillirui záailla méifomo, jitoma dúite. Daje izói fñi égaiñoñeite, íemo jíái ucúduai monámona ana cócítiaíoi. Afe llezica nana monamo itínuaí riire mozóide ráaniaí niráíricaite.

30 Afe mei Nanoide Ima Jitó Cristo bille jana monamo cíocaita. Afena cíóillano nana énie nairai éenaitiaíoi. Nanoide Ima Jitó Cristo ana bíllana cíoitiaíoi. Afémie mona ero uílliedo bite, naa íemo ite ríino naa ebíredino diga.

31 Afe mei ie abi imaci óreite, afémaci riire bainada fúullemona nana Juzíñamui eneno nizécano nágafeniamona dáanomo jíirillena. Iemona jica énie fuédaíaimona, íemo énie enéfeniamona bíítiaíoi.

32 Higuera daína aménamo mamécáfuenta omoi onoiri. Ie onócairo como fueñe zícua llezica, ja fimona ánozide, daídíomoi. Daje izói afe amena rábiaí jino firuilla llezica, ja fimona ánozide daíífiredíomoi.

33 Afe izói jitoma dúilla, íemo afémonado nana jíáie zuide raa omoi cíóíadi, íirairui ánozillana ónoitiomoi. “Ja dúciacade,” daííredíomoi.

34 Uáfuenta ómoimo llotícue, bigíma nai tííñeille llezica nana bie raa jino zúite.

35 Mona énie diga fuite, mei íadi cue uailai jaca fúíñeite. Cue lloga raa nana zúite.

36 Mei íadi cue billirui ónoñega. Daje izói cue bille hora buna onóñena. Juzíñamui abi imaci onóñediaíoi. Daje izói Juzíñamui Jitó áfena onóñede. Dama Moo Juzíñamui ónoiga.

<sup>37</sup> Noé illáigimamo comini fiēni illa izói, afe izói Nanoide fima Jitó billíruimo comini daíí íttiaíoi.

<sup>38</sup> Aféruillaido aillo noci nai biñēna uícodo, comini Noé llogáuaimo náfueñeno daa güilla llotiaíoi. Güillano jirófrediaíoi. Afe llezica íaíoi fiēni illafue meídoñeno, áireoidiaíoi, íemo íaíoi jízaniai iníreitaoidiaíoi. Jaca daíí itíaíoi abina Noé áillue nocáe eromo jaide.

<sup>39</sup> Iaíoi duere zefuíllemo due jiza comeciñediaíoi mo áillue noci íaíoi mo bíide; áferi coróbaizidiaíoi. Nanoide fima Jitó billírui afe izói íite.

<sup>40</sup> Aféruimo mena iima jacáfaimo illa llezica, afe íaillinoimona dáamie Juziñamui mo ínotimie caifo monamo uille, ie mei jíámie fiébicaite.

<sup>41</sup> Daje izói mena ringo trigo lláia llezica, daango caifo uiga, jíáingo fiébicaite.

<sup>42</sup> Caade izói abí omoi onoiri, mei cai Ocuíraima billírui ónoñegaza.

<sup>43</sup> Mei íadi bífuenta onódiomoiza; jofo naama merírizaibitímie bíllana onóadi, afémie ie jofo rairuillano iníñeno cáaite. Daíí afémie merírizaibitímie ie jofona tuiñotañeite ie raa meríllena.

<sup>44</sup> Ie jira jica ia abí ñue omoi finori. Mei due jiza comeci fácañeitíomoi mo, Nanoide fima Jitó bíiteza.

*Ínofirede ocuífiregamie naa ínofinidimie diga  
(Lc 12.41-48)*

<sup>45</sup> Ínofirede ocuífiregamie mo omoi comeciiri. Afémie ñúefue baitádimie. Ie ocuídimie nana jofo ero comínina uíñotaite. Güille hóramo dúcia llezica afémie afémacina écaite.

<sup>46</sup> Naga ie naama ocuícana ñue finófiredimie afémie billíruimo caimare ite, mei ie ocuica ñue finuana cíozabiteza.

<sup>47</sup> Uáfuenta ómoína daííticue. Afemona jofo naama nana ie jofo eromo ite ráaniaina afémiena uíñotaite.

<sup>48</sup> Mei íadi ocuífiregamie fiénidimiena jáiadi, íemo afe llezica: “Cue ocuídimie are bíñeite,” comécido dáíiadi, afe ocuífiregamie jaca ínofinide.

<sup>49</sup> Daíí daína mei afémie jíáie ócuifiregano duere fínoite. Afe llezica afémie jífáidino diga güizájite.

<sup>50</sup> Iemo ie ocuídimie billíruimo afémie comeciñeitemo, ie naama dúciite. Daje izói ocuífiregamie ónoñega hóramo dúciite.

<sup>51</sup> Dúciillano afémiena jamánomo duere fínoite. Afe mei comeci diné nai íairena mei abina ñue cíoidino iere duere zefuilla izói, afe izói afémiena duere zefuítate. Afemona afémie iere éite. Eiano izírenari murímurite, —dinori Jesús úrite.

## 25

*Diez dígade jitaíngomo mamécafue*

<sup>1</sup> Jesús nane jíáfue llote:

—Monamo ite Juziñamui illáimana illírui diez dígade jitaíngo izoide. Aféngotiaí iníreille ráfue mo jáidiaíoi. Jailla llezica íaíoi mechéraiaí uitíaíoi. Ringo otímie íaíoi uáidollena afénomo jáidiaíoi.

<sup>2</sup> Afénguaimona cinco dígango finóbiñeno ebena jaide. Iemo jíáie cinco dígango ñue finóbillano jáidiaíoi.

<sup>3</sup> Afe finóbiñeno ebena jáidingotiaí íaíoi mechéraiaí fuilla mei méidolle íjina uíñediaíoi.

<sup>4</sup> Mei jíáfodo afe ñue finóbingotiaí íaíoi méidolle íjina botéllado uitíaíoi jíái íaíoi mechéraiaíri.

5 Mei afe ringo otímie are biñenamona, nana jitáingotiai ja iníacadiaioi. Iemona ua íniaidiaioi.

6 Afe mei dáaferui llezica riire uáidua uai cácaide: “Ringo otímie ja bíteza. Raire afémie omoi uáiduari,” daide.

7 Afemona nana afe jitáingotiai náidacaillano íaioi mecheraiai unédiaioi.

8 Afe llezica afe cinco diga finóbiñeno ebena bitínguai, jíaie cinco diga ñue finóbidingotiaina daide: “Cai mecheraiai ja bóoñedeza. Omoimo ite eneno atica íjmona cai ine,” daidiaioi.

9 Mei íadi afe ñue finóbidingotiai finóbiñedingotiaina daide: “Omoimo fecánidicai. Mei ómoimo fecádicainia caimo fiébiñede. Afe izói ómoimo fiébiñede. Batí fecáriracomo dani jenuaidiomoinia ñuera.” Jira aféngotiai jáidiaioi.

10 Mei íadi finóbiñedingotiai oni aceite íbajilla llezica, ringo otímie dúcide. Afe ñue finóbidingotiai afémie diga áirena ráfuemo jofo jáidiaioi. Afe mei afémie naze ibaide.

11 Ibailla mei aceite íbajidingotiai dúcidiaioi. Dúciillano daidiaioi: “Ocuíraima, naze caimo tuiño,” daidiaioi.

12 Mei íadi afémie jofona uai ote: “Uáfuena ómoina onóñedicue,” daide.

13 Iemo Jesús nai úrillano daide: Nanoide Hima Jitó Cristo billirui ónonideza, iníñeno abí omoi rairuiri. Ie bille mona ónonideza. Daje izói ie dúcille hora buna ónoñega, —daide.

### *Talenta daína ráifide úcubemo mamécafue*

14 Jesús nane jíaífue llote:

—Monamo ite Juzíñamui illáimana illarui bie izoide. Daa ocuífiredimie oni jíaígobemo jáiacana llezica, ie ocuífirregano uáidota íemo ite úcube afémacina úiñotade.

15 Ocuídímie afémacimona daa cómemo cinco mil úcubetuni fecade. Iemo jíaimiemo mena mil dígatuni fecade. Iemo nane jíaimiemo daa milna fecade. Afémacimona illa dígamie ie ifoci onona dieze fecade. Daí fécajano oni jíaie éniemo jaide.

16 Cinco mil dígatuni igámie, afe úcubena afémie níciduamona, afe baímo cinco mil áfemo bai nabaide.

17 Daje izói mena mil dígatuni igámie afe baímo jíaie mena mil áfemo bai nabaide.

18 Mei íadi daa milna igámie ie ocuídímie úcube oni énie ifomo retáidote.

19 Afe mei, are íllamona afe ocuídímie ocuífirregamiai diné meine bite. Billano íaioi úiñoga úcube onóillena afémacimo jicánote.

20 Cinco milna igámie fueñe billa. Billano afe baímo ie nabaica jíaie cinco mil ie ocuídímie izáibite. Izájillano daide: “Cue Ocuídímie, o cuemo iga cinco milna baímo jíaie cinco milna nabáidicueza. Be o diez mil dígatuni,” daide.

21 Jira ie ocuídímie íena daide: “Cue ocuícana iere ínofiredio. Cue ñuera ocuícamedio. Due omo cue fecácana ñue ínotio. Afemona afe baímo jíaiena ona úiñotaiticue. Cue illáimana illánomo mai caímare coco jai,” daide.

22 Afe mei nane mena milna iga ocuífirregamie dúcide. Afémie daide: “Cue Ocuídímie, mena milna cue itio. Afe bai nane jíaie mena milna nabáidicue. Be o cuatro mil dígatuni,” daide.

23 Jira ie ocuídímie íena daide: “Cue ocuícana iere ínofiredio. Cue ñuera ocuícamedio. Due omo cue fecácana ñue ínotio. Afemona afe baímo jíaiena ona úiñotaiticue. Cue illáimana illánomo mai caímare coco jai,” daide.



24 Mei íadi afe mei, daa mil dígatuni iga ocuífíregamie dúciillano ie ocuídímiena daide: “Cue Ocuídímie, o iere ríimienana onódicueza. O ríñeganomona jaca ófiredio. Daje izói trigo tuiránomo táijiñeno afénomona trigo ófiredio.

25 Ie jira ona jacíruillano o cuemo iga úcube éniemo cue retáidoga. Mei íadi o úcube meine cue atícaza. Be nñie,” daide.

26 Iemona ocuídímie íena daide: “Fiénide ocuífíregamiedio. Daje izói ráiraierede ocuífíregamiedio. Cue rírenana onódio ia, ¿nibái mei bie izói itio? Cue ríñeganomona cue ófírenana onódio. Daje izói trigo tuiránomo táijiñeno, afénomona cue ófírenana onódio.

27 Afemona cue úcube jóoneranomo fecáredio. Iemo meine cue bíllemo afe úcubena naa jiáie baimo nabáicatuni diga llínoredicue,” daide.

28 Iemona ocuídímie afénomo itínona daide: “Bímiemo ite mil dígatuni otá, afe diez mil dígatuni ofítatimiemo ine.

29 Igámie nane baimo írega. Afemona afémiemo baimo aillo íite. Mei íadi íñegamiemo due íemo ite meine bairórega.

30 Iemo bie ráifiñede ocuífíregamie jino jíitífono dota. Afénomo éeheiteza. Afe llezica izírenari murímuriteza,” daide. Daií daide Jesús.

### *Nana náiraiamo izire jicánollirui*

31 Jesús nai úrioides: Mei Nanoide Hima Jitó Crístodicueza, illáimana ana cue bille llezica, nana cue abi imáiciai diga bíticue. Billano ebire finoca illaíma ráirranomo ráiizaibíticue.

32 Nana náirai comini cue uícomo gairítalliaioi. Afe íaioi bille llezica, ovejai úiñoraíma chívuaimona ovéjaiaina oni eneno nízia izói, afe izói Nahí Illáimana cue íllemona nana náiraiaina oni enénorie jóoneitícue.

33 Cue nabézimo ovejai izóidino jóoneitícue. Iemo chívuai izóidino cue jarífezimo jóoneitícue.

34 Afe mei cue nabézimo itínona dáitícue: “Cue Moo ñue finócamaci, mai omoi bi. Juzíñamui énie comuítaja llezica ómoi ena mameca illáimana illínomo jofo jai.

35 Mei cue jufíruilla llezica, cuena ecádio. Daje izói cue jiróacana llezica cuena jirótatio. Iemo jiái jífocinino cue mácaja llezica cuena jofo inítatiomoi.

36 Iemo cue inícuironina llezica cue itíomoi. Daje izói cue dúicotaila llezica cuena uáidotiomoi. Daje izói llavéracomo cue illa llezica, cuena méiñuaidítomoi,” daide.

37 Iemona cue nabézimo ite nífuenidino cuena dáitíiaioi: “Cai Ocuíraíma, ¿mei náirui o jufíruillana cióillano ona ecádicaí? Daje izói ¿mei náiruído o jiróacana llezica ona jirótaticai?

38 Iemo jiái, ¿mei náiruído o jífocinino o mácaja llezica ona inítaticai? Iemo jiái ¿náiruído o inícuironina llezica o itícaí?

39 Iemo jiáie ¿náiruído o dúicotaila llezica o méiñuaidícaí? Daje izói llavéracomo o illa llezica ¿náiruído o méiñuaidícaí?” daidíiaioi.

40 Jira Illaíma cue íllamona uai óitícue: “Uáfúena ona dáitícue, nana afe bie comécina mánaide cue ámatiaímo omoi finócafúiaí, aféfúiaí ja cuemo finódiomoi,” dáitícue.

41 Afe mei cue Illáimana cue ráirano ie jarífezimo itínona dáitícue: “Cúemona oni omoi jai. Omoi fiéni faidócanodiomoíza. Comini zíiñona duere finolle iraimo omoi jai. Afe irai Taífe, nana ie abi imaci diga íena finoca.



<sup>42</sup> Mei cue jufíruilla llezica cuena ecáñediomoi. Cue jiróacana llezica cuena jirótañediomoi.

<sup>43</sup> Afe izói jífocinino cue jáicana llezica cuena jofo inítañediomoi. Cue inícuiro iñena llezica cuena iñédiomoi. Duico cue ua llezica, daje izói llavéracomo cue illa llezica cuena uáiduaibifinidiomoi,” daide.

<sup>44</sup> Jira afémaci cuena dáitiao: “Cai Ocuíraima, mei nñruí o jufíruillana ciódica, daje izói o jiróacanana, íemo jífocinino o macácana, íemo o inícuiro iñénana, íemo o irárenana, íemo llavéracomo o íllana, ¿mei nñruído daí o íllana ciódica ia, ona canóñedica?” dáitiao.

<sup>45</sup> Iemona afe llezica íaioina dáitiecue: “Uáfuenta ómoina dáitiecue, bie comécina mánaide cuemo jaináidinomona dáamiemo omoi fínoñegafuíaia, aféfuíaia ja cuemo finóñediomoi,” dáitiecue.

<sup>46</sup> Afe mei afémaci zíiñona duere finolle iraimo jáitiao. Iemo Juzíñamui jóonega comécina nñfuenidino, caimare zíiñona cáallinomo jáitiao, —dinori Jesús úrite.

## 26

### *Jesús llaitállena maméritiao*

(Mr 14.1-2; Lc 22.1-2; Jn 11.45-53)

<sup>1</sup> Jesús nana bífuiaí llua méifodo, ie llófuegamacina daide:

<sup>2</sup> —Onódiomoiza benómona ménarui íllamona pascua rafue íteza. Aféruido Nanoide íma Jitó Crístodicueza cruzmo coráíllena cuena fécaítiao, —daide.

<sup>3</sup> Afe llezica lletáriraini illaini, daje izói ocuica uai llófueraini, naa judúuai eicomíniri dáanomo gairídiaoi. Lletáriraini caifóidillaíma Caifás ñúeco ibírímo gairídiaoi.

<sup>4</sup> Afénomo Jesús jífuiano llaitállena maméritiao. Afe llezica afémie titállena maméritiao.

<sup>5</sup> Mei íadi afémaci daidíao:

—Nana comini áferi fáillifaíllinañeíllena, rafue ana íena lláitañeíticai, —daidíao.

### *Ringo zióredijina Jesús ífo jillaide*

(Mr 14.3-9; Jn 12.1-8)

<sup>6</sup> Jesús Betania jófuego ite. Afémie, chíñaitimiena maméidímie Simón jofomo ite.

<sup>7</sup> Afe llezica, afénomo daa ringo alabastro daína nofici finoina icítirudo ziórediji uite. Afeji íere ráifide. Jesús güirábanimo ráina llezica, afengo afe ziórede cáirediji Jesús ífomo totade.

<sup>8</sup> Ie llófuegamaci áfena cióíllano ríicaidiaoi. Dani conímana daidíao:

—¿Ñibái mei áfeji táinomo fáífitaga?

<sup>9</sup> Afeji aillo úcube óllena fecárede. Afedo oga úcube, dúeredinomo írede, —daidíao.

<sup>10</sup> Jesús daí íaioi úrillana cacáíllano íaioina daide:

—¿Ñibái mei bie ringo jifánodoídiomoi? Bie ringo cuemo finoca raa íere ñuera.

<sup>11</sup> Omoi cígimo dúeredino jaca ífirede, mei íadi omoi cígimo are íñeíticue.

<sup>12</sup> Bie ringo cue abímo totaca ziórede cáiredijina, cue raíllinomo dúide. Afedo afengo ñue cuena finode.

<sup>13</sup> Uáfuenta ómoina dáitiecue, náganomo bie éniemo bie jílloille uai jino llóíadi, bie ringo cuemo finócana jino llóítiaoíza, afémaci aféngomo uíbicaífireíllena, —daide.

*Judas Jesuna ie éoidinomo fecade*  
(Mr 14.10-11; Lc 22.3-6)

<sup>14</sup> Afe mei doce dígade llófuegamacimona Judas Iscariote lletáriraini illáimamo úrizaide.

<sup>15</sup> Afémacina daide:

—Jesús ómoimo cue fecálleza, ¿nieze cuemo íbaitiomoí? —daide.

Jira “cuatro fiui táijina iba dieze, omo íbaiticai” dainano, treinta diga ráifide úcubetunillai afémiemo fecádiaíoi.

<sup>16</sup> Iemo afemona afe Judas Jesús íaíoi mo ñue fecállino jenode.

*Jesús páscuamo íraicaiño güillafue*  
(Mr 14.12-25; Lc 22.7-23; Jn 13.21-30; 1 Co 11.23-26)

<sup>17</sup> Afe rafue nanóidiruimo fáitañega pan güífirediaíoi. Afe llezica Jesús llófuegamaci billano jicánotiaíoi:

—¿Pascua rafue llezica güillena, uícodo ninomo cai finuaille? —daidíaíoi.

<sup>18</sup> Afémie íaíoi na daide:

—Batí jófuego jaillano, cue dainámie jofomo jai. Afémiena daiíri: “Cai Llófueraíma ona daide: Cúeiena mamécaruimo ja dúciizaideza. Pascua rafue güífirenana o jofomo cue llófuegamaciri güíticue,” —daide.

<sup>19</sup> Iemona ie llófuegamaci ie ocuilla izói pascua ráfuego güillena finuaidiaíoi.

<sup>20</sup> Ja nauilla llezica, Jesús ie doce dígade llófuegamaciri afénomo güizájidiaíoi.

<sup>21</sup> Afénomo íaíoi güilla llezica Jesús daide:

—Uáfueña dáitiecúeza, ómoimona dáamie cuena fécaite, —daide.

<sup>22</sup> Iemona afémaci iere zúucaidiaíoi. Zúucaillano illa dígamierie Jesumo jicánotiaíoi:

—Cai Ocuíraíma, ¿meita cue? —daidíaíoi.

<sup>23</sup> Jesús íaíoi uai ote:

—Birui cue diga daje plátomona güítimie, ñi cue fécaitimie.

<sup>24</sup> Nanoide íima Jitó Crístodícue; jaijai Juzíñamui Cuegáuaimo lloga iodo jáitícue. Mei íadi cue fecádimie ñi dúerena! Afémie nanómona jaca jéicíñegania figura, —daide.

<sup>25</sup> Iemona afe fécaitimie Judas Jesuna daide:

—Llófueraíma ¿meita cue? —daide.

Jira Jesús uai ote:

—Jí, o. O cue fecalle.

<sup>26</sup> Ie güilla llezica, Jesús pan llínota, Juzíñamuina “Íere figura” daide. Daina mei díxada, ie llófuegamacimo fecade. Fécajano daide:

—Bie güi. Bie cue abíza, —daide.

<sup>27</sup> Afe mei jiróraco llínota, Juzíñamuina “Íere figura” daide. Dainano ie llófuegamacimo fecade. Feca mei íaíoi na daide:

—Nana bicúrimona omoí jirori.

<sup>28</sup> Mei bie cue díeza. Cue die, dájemo Juzíñamui llínoga comue uai uáfueña daítate. Aillo comini íaífue muiñóllena cue die totalle.

<sup>29</sup> Mei íadi dáanomo bie uva íjina meine jíroñeítícue. Cue Moo illáimana illirui nai dúciñeille dino aféjina jíroñeítícue. Afe bille llezica cómojina omoí diga jíroítícue, —daide.

*Pedro Jesús jáanollena Jesús uícodo llote*  
(Mr 14.26-31; Lc 22.31-34; Jn 13.36-38)

<sup>30</sup> Juzíñamuimo íaíoi rua fuilla mei, jino Olivo daina ídumo jáidiaíoi.

<sup>31</sup> Afénomo Jesús íaíoi na daide:

—Bie naio cueri méaicaillano nana omoi cuena fíeitiomoi. Mei jaiái Juzíñamui Cuegáuaimo omoi dibénedo bie izói daide: “Ovejái úiñoraíma cue fáitícue, íemona afe ovéjaíai rainólliaíoi,” daide.

<sup>32</sup> Jesús nai úrite: Mei íadi meine abído cue cáaille mei omoi uícodo Galiléamo jáitícue, —daide.

<sup>33</sup> Jira Pedro uai ote:

—Nana comini ona fáicanocaitiaíoi ía, cue ona fáicanocaiñeítícue, —daide.

<sup>34</sup> Jira Jesús afémiena daide:

—Uáfúena ona dáitícueza. Bie naio átava nai úriñenia, daámani dígacaiño cuena jáanoitioza, —daide.

<sup>35</sup> Pedro íena daide:

—O díga cue tíllena íere jitáirede ía, ona jáanoñeítícue, —daide.

Afe llezica nana llófuegamaci Pedro daina izói daidíaíoi.

*Getsemanímo Jesús Juzíñamuimo úrite*

*(Mr 14.32-42; Lc 22.39-46)*

<sup>36</sup> Afe mei Jesús naa íe llófuegamaciri Getsemaní mámeçiredinomo dúcide. Afénomo íaíoiína daide:

—Bai batí Juzíñamuimo cue úrizaiílla llezica benomo omoi ráíiri, —daide.

<sup>37</sup> Daí daina mei Pedro, naa Zebedeo jitó íaillinoíri Jesús bai uite. Afe llezica Jesús íere zúucaide. Zúucaílla llezica comécimo duere zefuilla izói cácaide.

<sup>38</sup> Iemona íaíoiína daide:

—Cue comeci íere zúurede. Afe zuufue cuena titade izói finode. Benó omoi fiébiri. Iníñeno cue omoi úiñori, —daide.

<sup>39</sup> Daí daina mei afe baimo íanori jaide. Afénomo éniemo fueco dine bíjicaillano Juzíñamuimo úrite; daide:

—Cue Moo, o finórenia bie duere finóllinomona cue jíllotari. Mei íadi cue comeci jítaina izói finóñeno iri. O comeci jítaina izói finori, —daide.

<sup>40</sup> Afe mei daámani íe llófuegamaci illánomo meine bite. Inídiaíoiína cíoiízaíbite. Iemo Pédróna daide:

—¿Nano íanori omoi cue díga iníñeno cáadino izói inídiomoi?

<sup>41</sup> Fíenidífueмо omoi báíiñelleza, iníñeno abí omoi rairuiri. Daje izói Juzíñamuimo comécido omoi úriri. Uáfúena omoi joreño jíéredeza, mei íadi omoi abí náinide, —daide.

<sup>42</sup> Afe mei nane Jesús Juzíñamuimo úrizaide. Bie izói daide:

—Cue Moo, bie duere cue íaíoií facátallemona cue o jíllotareñenia o comeci jítaina izói fino, —daide.

<sup>43</sup> Afe mei nane meine bite. Bítemo íe llófuegamaci inídena cíoiízaíbite, mei íaíoií uimo ínie íere íllaza.

<sup>44</sup> Iemona nane afémacina fiénocaillano bai Juzíñamuimo úrizaide. Ja daámani dígacaiño úrizaide. Íe mei nane daje uaido úrite.

<sup>45</sup> Afe mei nane íe llófuegamaci illánomo jaide. Afémacina daide:

—¿Nai inídiomoi? ¿Nai ocózinaidiomoi? ¡Cacai! Nanoide íima Jitódicueza, ja cuena fiénidinomo fecalle hóramo dúcidez.

<sup>46</sup> Omoi náidacai; jáiticaíza. Cue fécaítimie ja dúcidez, —daide.

*Jesús ja llaitada uitíaíoi*

*(Mr 14.43-50; Lc 22.47-53; Jn 18.2-11)*

<sup>47</sup> Daí Jesús nai úrioiína llezica Judas dúcide. Afémie doce dígade llófuegamacimona dáamie. Afémie aillo comini díga bite. Lloéfaíllaií naa bigíniáiri atídiaíoi. Afémaci lletáriraini illaini orécaiaíoi. Daje izói judúuai éicomini orécaiaíoi.

48 Fécaitimie Judas Jesús íaioi onóillena llaitalle uai uícodo íaioimo llote:

—Níimie cacai ñítaiticueza; afémie llaitada omoi uiri, —daide.

49 Afemona Jesumo áinozillano daide:

—Llófueraima, caimare itio, —daide.

Afe emódomo Jesuna ñítade.

50 Jira Jesús ie uai ote:

—Cue nabai, ¿minícamo bitio? —daide.

Daí daina mei, comini billano Jesús llaitádiaioi. Llaitada llavéllena uitíaioi.

51 Afe llezica Jesús nabáíñaímona dáamie ie lloefai otá, lletáriraini illaíma ocuífíregamie jefo cotade.

52 Jira Jesús íena daide:

—Jadí o lloefai oni joone. Mei nana lloéfaido fuirídino, afe lloéfaido títiaioi.

53 ¿Onóñedioza cue Móomona doce dígazie ríduaíbitinona jicáredicue? Daí jicádicuena afémie biruimo raire cuemo orérede. ¿Afena onóñedio?

54 Mei íadi birui afémaci cue llaitáñediaioinia, ¿nie izóí Juzíñamui Cuegáuai daina ñue ícoimo zúite? Aféuai bie íficaidífuiaí ie zuílle llote, —daide.

55 Afe mei Jesús comínina daide:

—¿Níbái mei merírifiredimie izóí cue lláitaíbitiomoi? Mei lloéfaillairi íemo bigíniairi cuemo bitíomoi. Nágaruillaído Juzíñamuimo gairíracomo ráicana ómoína llófuefiredicue. Afénomo jaca cuena llaitáñediomoi.

56 Mei íadi nana bie íficaide, jaiaí Juzíñamui uai jino llóraini lloga ñue ícoimo fuitállena, —daide.

Afe llezica nana Jesús llófuegamaci afémie fáicanocaillano botádiaioi.

*Jesús jamánomoidillaini uícomo uitíaioi*

*(Mr 14.53-65; Lc 22.54-55, 63-71; Jn 18.12-14, 19-24)*

57 Afe Jesús llaitada oni uitino Caifás uícomo uitíaioi. Afémie lletáriraini caifóidillaíma. Afénomo ocuica uai llófuefiredino naa eicomíniri dáanomo ofídiaioi.

58 Mei íadi afe llezica Pedro Jesús uilla óodana caifóidillaíma jofu íbírímo jaide. Afénomo dúcillano jofu jaide. Jaillano afeco úíñotino díga ráide. Afémie dínomo ráide Jesús llaitaja ñue ícoimo fúillana cíoillena.

59 Lletáriraini naa eicomíniri, íemo nana jamánomoidillainiri Jesumo fieni jónellifue jenódiaioi. Uafue jónellifue íaioi báíñenia “Táínofue nitaiticai,” daidíaioi, “áfedo afémie cai titátalleza.” Afe llezica aillo comini billano taino uailai afémiemo jónetiaioi.

60 Mei íadi afémiemo íaioi jónellena baiñediaioi. Afe mei írainomo ménamie taino llófiredino íaillinoi dúcide.

61 Afe íaillinoi daide:

—Baie Jesús bie izóí daífírede: “Juzíñamuimo gairíracona júdairedicue. Afe mei daaruíamani íllamona meine caífo níredicue,” —daidíaillinoi.

62 Jira lletáriraini caifóidillaíma náidacaillano Jesuna daide:

—¿Níbái mei uai oñedio? Bie omo íaioi jóonegafue ¿nie izoide? —daide.

63 Mei íadi afe llezica Jesús jaca uaina oñede. Ie jira lletáriraini illaíma íena daide:

—Caade Juzíñamui mámeçido o úritadicueza, uri. Uáfueña daíllena riire o ocuídícue. O, Juzíñamui Jitó Crístona o illa caímo lloiri, —daide.

64 Jira Jesús daide:

—Jíi, o daina izóí nímmiedicue. Nane ómoína dáitícue, Nanoide íma Jitó Crístodícueza, rínoide Juzíñamui nabézimo cue ráillana cíoitíomoi. Afe llezica mona uílliedo ana monámona cue bíllana cíoitíomoi, —daí daide.

65 Afena cacáillano lletáriraini caifóidillaíma jamánomo ráicaide. Daií ráicaillana ácatallena ie jitáoigaroi cuatade. Afe mei daide:

—Bie íima ie daina uáillaído Juzíñamuina íaire úrite. ¿Nibái mei nai jíáie uai nábitino jitáidicai? Omoi dani ie fiénide dáinana cacádiomoi.

66 ¿Minica afémiemo dúina? —daide.

Jira afémaci daidíaiói:

—Dama ie ícoinia tíirede, —daidíaiói.

67 Afe mei ie uiécona tuádiaíói. Rázido íena fatíaiói. Jíáimaci ie uiéco púcoidiaíói.

68 Daií ñiano íena daidíaiói:

—Mei Crístodioza, ¿níimie o faja? Jino llone, —daidíaiói.

*Pedro Jesús onode íadi jáanote*

*(Mr 14.66-72; Lc 22.56-62; Jn 18.15-18, 25-27)*

69 Afe llezica Pedro jinófeco ibírimo ráide. Afénomo ie illa llezica ocuífregango afémiemo billano daide:

—O daje izói Galilea ímie Jesús diga macáfiredio, —daide.

70 Mei íadi Pedro comini eróicana afémiena jáanote; daide:

—O dáinana onóñedicue. ¿Minica llotio? —daide.

71 Afe mei Pedro jofo nazemo jáidemo jíáingo íena ciode. Cíoillano afénomo itínona daide:

—Bímie daje izói Nazaret ímie Jesús diga macáfiredio, —daide.

72 Afengo daií daina llezica, Pedro nane íena jáanote. Ríirede uaido daide:

—Afe íimana jaca onóñedicue, —daide.

73 Afe mei íanori íllamona afénomo itino Pédro mo áinozillano daidíaiói:

—Uáfueza, afémaci ímiedio, mei dama o úrillado onódicaiza, —daidíaiói.

74 Afe jira Pedro uafue daiíllena Juzíñamui mámecei llínota riire daide:

—Afe báimiena jaca onóñedicue, —daide.

Daií ie daina llezica íitava úrite.

75 Afemona Pedro Jesús uícodo íena dáinamo úbicaide. Afe be níuui: “Atava nai úriñena llezica, daámani dígacaiño cuena jáanoitioza.” Afemo úbicaillano Pedro jino iere zuure écana jaide.

## 27

*Pilátomo Jesús izájidiaíói*

*(Mr 15.1; Lc 23.1-2; Jn 18.28-32)*

1 Mona monáizailla llezica, nana lletáriraini illaini, naa judíuai eicomíniri, dáanomo gairíllano Jesús titállena nana daje izói maméritiaíói.

2 Afe mei Jesús maíáno, afe énie úiñote illaíma Poncio Pilátomo izájidiaíói.

*Judas tíillafue*

3 Judas, Jesús fecádimie, Jesuna íaiói coráiaillana cíoillano comecei ifue méidote. Iemona treinta diga úcubetuni meine lletáriraini illáinimo izájide, ocuide eicomínimo diga.

4 Izájillano daide:

—Iere fiénidifue finódicue; nífuenidimie titállena fecádicueza, —daide.

Jira afémaci uai otíaíói:

—¿Afefue caimo mei nibái? Dama ófue, —daidíaiói.

5 Ie jira Judas afe úcube gairíracomo ana jutade. Afe mei afémie jaillano dama cimoi cúinajano aménamo ágüicaide. Daií afémie tíide.

6 Lletáriraini illaini, afe jutaca úcube iráiano daidíaiói:



—Juzíñamuimo fia iga úcube jóoneracomu bie úcube jóonenidicai, mei come títaja úcubeza, —daidíai.

<sup>7</sup> Afe mei afémaci afe úcubedo énie ibállena dájena comécidíai. Iai ibaca énie mámece Nógora Orano. Afébiri ibádiai jicánemaci tíadi afénomo ráillena.

<sup>8</sup> Afe jira nai biruimo afébiri Diébirina daiífirina.

<sup>9</sup> Dai íai finuamona jiai uai llórama Jeremías lloga uai ñue ícoimo fuite. Be níuui: “Israel nairai cue íai fécaja úcube abido llínotiaí.

<sup>10</sup> Llínuano Nógora Orano ibádiai. Dai Juzíñamui cue ocuide.”

*Jesús Pilato uícomo jóonetaí*  
(Mr 15.2-5; Lc 23.3-5; Jn 18.33-38)

<sup>11</sup> Afe mei énie úñotillaima uícomo Jesús uitíai. Afénomo afémie Jesumo jicánote:

—¿O meita judíuai illaima? —daide.

Jira Jesús daide:

—O daina izói nímedicue, —daide.

<sup>12</sup> Iemo lletáriraini illaini naa ocuide eicomíniri Jesumo fiénide uailai jóonia llezica, afémie jaca uai oñede.

<sup>13</sup> Jira Pilato íena daide:

—¿Aquie omo íai jóonegafuiai cacáñedio? —daide.

<sup>14</sup> Mei íadi Jesús jaca afe llezica uai oñede. Iemona uai ie oñénari énie úñotillaima fáigacaide. Ie daille uai onóñede.

*Jesús titállena mameca*  
(Mr 15.6-20; Lc 23.13-25; Jn 18.38-19.16)

<sup>15</sup> Aféruillaido afe rafue ana, llaveca fiénidinomona dáamie Pilato zuitáfirede. Afémie comini uaido zuitácamie.

<sup>16</sup> Mei afénomo íte mámeceina jica jalleide fiénide maigámie. Afémie mámece Barrabás.

<sup>17</sup> Illáicomini dáanomo gairilla llezica Pilato afémacimo jicánote:

—Bíailinoimona ¿nímie ómoimo jino zúitaiticue? ¿Barrabás, mei níbai Cristo daina Jesús? —daide.

<sup>18</sup> Mei Pilato, comini úradoillamona Cristo íai fécajana ñue onode.

<sup>19</sup> Pilato, riire jicánofiredimie ráiranomo ráina llezica, Pilato ai uai orede. Afe be níuui: “Afe jadímie nífuenidímieza afémiemo jíricañeno iri. Mei ja nai afémiena cue nicáirilla llezica iere duere zefuídicue,” daide.

<sup>20</sup> Mei íadi lletáriraini illaini naa ocuide eicomíniri, nana jíaie comini Pilátoma daiílluai riire llotíai. Barrabás zuitállena Pilátomo jicátataí. Daje llezica Jesús titállena jicátataí.

<sup>21</sup> Afe énie úñotillaima nane dáanomo jicánote:

—Bíailinoimona ¿nímiena cue zuitátatímoi? —daide.

Jira: —Barrabás zuita, —daidíai.

<sup>22</sup> Iemo Pilato íaiimo jicánote:

—Iemona bie Crístona mámeceiredimie Jesús ¿nie izói níbaíticue? —daide.

Jira nana uai otíai:

—¡Cruzmo corai! —daidíai.

<sup>23</sup> Iemona Pilato íaiina daide:

—¿Níbai mei? ¿Nie fiénidífue afémie finode? —daide.

Mei íadi comini dáanomo riire daidíai:

—Cruzmo corai, —daidíai.



24 Pilato ie uaina íaioi ínoñenana ciode. Daje izói nana comini aféfuiairi jamánomo cáilliana cacade. Ie jírari “Onoi cue jocólleza jainoi ati” daide. Jócua llezica daide:

—Afe bie nífuenidímie tulle cuemo jíiñede. Dani ómoifueza, —daide.

25 Iemona nana comini uai otíaioi:

—Afémie tulle caimo jíite, daje izói cai úruiaimo, —daidíaioi.

26 Afe jira Pilato Barrabás zuitade. Afe mei Pilato Jesús rázido fatátate. Fatata mei Jesuna afémacina coráitate.

27 Afe mei énie úiñotillaíma fuiríraini áillue gairíracomo Jesús uitíaioi. Afénomo nana jáie fuirírainiaí afémie onífenedo gairídiaioi.

28 Afe mei ie iniroi dúiñuano, illaíma jitáfírega jáicuiro afémiemo jitádiaioi.

29 Afe llezica ifo icuifoí eegi nínacuífoina afémiemo jitádiaioi. Iemo jáí illaíma llíifírega bigina íena llínotadiaioi. Daí ñiano afémie anamo dújudiaioi. Dújuillano jífánodoiano íena daidíaioi:

—Judíuai Illaíma are ítioza, —daidíaioi.

30 Afe llezica afémaci ie túallaitiaioi. Afe dánomo ie llíiga bigi báiruano, ie ifoci púcoidiaioi.

31 Daí ie íaioi jífánodoia mei, afémiemo íaioi jitaca jáicuiro dúiñuano, dama ie iníroina jitádiaioi. Afe mei afémie coráiaidiaioi.

*Jesús cruzmo coráidiaioi*

*(Mr 15.21-32; Lc 23.26-43; Jn 19.17-27)*

32 Jofue jinomo íaioi coráiailla llezica, Cirene énie ímie baitíaioi. Baillano Jesús uiga cruzna rocátatiaioi.

33 Daí Gólgata mámeciredinomo dúcidiaioi. Gólgata daína “come ifócorai illano.”

34 Afénomo eriredena jaicuica vínona Jesús jirótatiaioi. Mei íadi Jesús áfena due fácano, jiróacañede.

35 Jesús ja íaioi coraia méifodo, fuiríraini Jesús iniroi illa dígamie íaioi máiñuana onoíllena, onótaraji dotádiaioi. Daí jaiaí uai llóraini lloga uai ñue ícoimo fuite. Afe be níuai: “Onótaraji dótajano, cue iniroi conímaíaimo fecádiaioi.”

36 Afe mei afémiedo éroillena afénomo ráiiediaioi.

37 Ie ifo acónimo ciegábici netádiaioi. Afébicimo níifue ícoina duere finoca daína cúeina. Afébicimo cuela bie izói daide: “Bie Jesús, Judíuai illaíma.”

38 Afe llezica afénomo mena merírifiredímie coráidiaioi. Dáamie Jesús nabézimo coráidiaioi. Jáímie ie jarífezimo coráidiaioi.

39 Afe llezica áfeodo jaide comini Jesuna íaire úritiaioi. Uaido iere riire íena táigoidiaioi.

40 Daí fiene ie táigoiano íena daidíaioi:

—Juzíñamuimo gairíraco júdaiano daaruíamani ille mei meine níitícue daíífredioza; mai, o abi jíllota. Daje izói Juzíñamui Jitona o íadi, jadíe cruzmona ana bi, —daidíaioi.

41 Daje izói lletáriraini illaini, íemo ocuica uai llófuetino, íemo fariséuai naa ocuífírede eicomíniri íena áifeduardo conímana daidíaioi:

42 —Díga jáímaciaína afémie jíllotafírede, mei íadi dama ie abina jíllotanide. “Uafue Israel Illaíma o ia, jadíe crúzmona ana bii, áfemona omo cai ínolleza,” íena daidíaioi.

43 Nai ie áifeduardo íena úritiaioi:

—Mei afémie Juzíñamuimo ínoteza, mai mei birui Juzíñamui ie jíllota, Juzíñamui ie jíllotaíacania. Afémie caína “Juzíñamui Jitódícue” daide, —daidíaioi.

44 Daje izói ie diga coraica meririfirede íaillinoi íena íaire úritiaillinoi.

*Jesús tiilla*

(Mr 15.33-41; Lc 23.44-49; Jn 19.28-30)

45 Afe llezica nániena jítireficaide. Jitoma jaíciri íllamona batí ana ítemo jítireficaide.

46 Ja jitoma arífemona ana ítemo Jesús riire caillide:

—Elí, Elí, ¿lama sabactani? —daide. Afe uai daíacana: “Cue Juzíñamui, cue Juzíñamui, ¿nibái mei cue zóofetio?”

47 Afénomo itínomona dáarie áfena cacáillano daidíaiói:

—Bímie jaiai Juzíñamui uai llórama Elías jírrite, —daidíaiói.

48 Daí daina llezica afémacimona dáamie aizida esponja daina fíllicide raa uájide. Erírede vínomo riátano Jesús jiróllena caifo rázido ñuitádiaíói.

49 Mei íadi jíaimaci daidíaiói:

—Dama íteza. Jetáñeno, Elías ie jíllotaibiadi, cai cíoilleza, —daidíaiói.

50 Afe mei Jesús dáanomo riire caillide. Daí cáillia méifodo ja tiide.

51 Ie tiilla llezica Juzíñamui gairíraco eromo fetácaroi caifona ana eróicana atóroido oni cúajicaide. Afe llezica énie docaide, íemo jíái jéerie nofíciái bócoizite.

52 Iemo daje llezica, comini raíáfuai túicoizite. Afe llezica aillo tiide Juzíñamuimo ínotinuiái meine abido cáadimacina jáidiaíói.

53 Afe bimaci íaiói raíáfuaímona jino bitíaiói. Iemo Jesús abido caana mei, ñuera Jerusalén jófuemo jáidiaíói. Afénomo aillo comini bie como meine abido cáadimacina cíodiaíói.

54 Iemona fuiríraini illaíma naa afémie diga Jesús úíñotinori, énie docailla, naa jíáie comuídfuaína cíoillano, iere jacínaitiaíói. Jacínaillano daidíaiói:

—Uáfueza bie Juzíñamui Jitó, —daidíaiói.

55 Afénomo diga ringóniaí jícana eróiediaíói. Aféngotiaí Galiléamona Jesudo jáidiaíói. Aféngotiaí Jesuna canófrediaíói.

56 Aféngotiaí cígimo, Magdalena énie ingo María ite. Iemo jíáie María, Santiago José íaillinoi ei ite. Iemo jíái Zebedeo ai ite. Afengo mena jitórede.

*Jesús raitíaiói*

(Mr 15.42-47; Lc 23.50-56; Jn 19.38-42)

57 Ja nauilla llezica Arimatea énie ímie José bite. Afémie ráaredímie, íemo jíái afémie Jesudo jáicaifirede.

58 Afe jira Pilátomo Jesús abi jícajide. Iemona Pilato Josemo afémiena ite.

59 Iemo José Jesús abi ana uano ñuera áilloroina junide.

60 Juníllano dama ie comue raiafomo jóonete. Afe raiafo nofícimo finoca. Raia mei áillue nofícina naze íbáillano jaide.

61 Afénomo Magdalena énie ingo María naa jíáie María diga raiafo uícori ráiidiainguai.

*Jesús raíáfo uíñoitinona jóonetiaíói*

62 Afe jíáiruido, ocózinaiillaruimo jitaica raa fínua mei, lletáriraini illaini, naa fariséuairi Pilátomo úrizaidiaíói:

63 —Ocuídímie, afe taino llórama Jesús dáinamo úbicaídicaí. Afémie caana llezica, “Daruíamani ille mei, tíllanomona meine abido cáaiticue,” daíífiredé.

64 Ie jira afe raiafo daruíamani fídi riire o finori, ie llófuegamaci ie abi naio mériaibiñelleza. Mériano comínina “Ja Cristo tiide meine abido caade,”

dáitiao. Ie llófuegamaci daií finóadi, íaioi íirainomo lloga táinofue, fueñe lloga táinofuai baimo fiénite, —daií daidíaoi.

<sup>65</sup> Jira Pilato daide:

—Batí omoi úiñote fuiríraini ite. Afémacido afe raiafo omoi onona izói riire omoi finori, —daide.

<sup>66</sup> Iemona raiafomo jaillano, afénona riire finódiao. Afe mei afe raiafo emodo ibaila nofícimo túiñoñeillena jana finódiao. Afe mei jóneoida fuiríraini afénomo fíano oni jáidiao.

## 28

### *Jesús tíillanomona meine abido cáadimiena jaide*

(Mr 16.1-8; Lc 24.1-12; Jn 20.1-10)

<sup>1</sup> Ocózinaillarui jáiruido, semana fueñediruimo mona monáiacana llezica, Magdalena énie ingo María, jáie María diga raiafo méiñuaidiainguai.

<sup>2</sup> Afe llezica énie riire docáiricaide. Juzíñamui abi ímie ángel daínámie monámona ana billa énie níraidua. Afémie Jesús raiafomo dúcillano afe ibaila nofici oni tuiñode. Tuiñuano afébicimo ráide.

<sup>3</sup> Afémie abi mona borilla izói quenire cioide. Iemo afémie iniroi jaillici izói iere úzere.

<sup>4</sup> Afémiena cíocillano, jónete fuiríraini iere jacínaitiao. Cuidíridiao. Afe llezica tíidino izói jáidiao.

<sup>5</sup> Afe mei Juzíñamui abi ímie afénomo jaide ringóniaina daide:

—Jacínaiñeno. Onódicueza, coraica Jesús jénuaibitio.

<sup>6</sup> Afémie ja benó iñede. Omoína ie daína izói, ja meine abido caade. Ie íaioi raiano eróizaibi.

<sup>7</sup> Afe mei ie llófuegamacimo omoi llujáiri. Bie izói lloiri: “Ja afémie tíide íadi meine abido cáadimiena jáideza. Afémie ja omoi úcomo Galiléamo jaide. Afénomo íena cíoitio.” Be ómoimo cue llóiacagafue, —daií daide.

<sup>8</sup> Iemona ringóniai afe raiafomona raire abido jáidiao. Aféngotiai iere ióbicaidiaioi íadi, nai jacíruoidimaci.

<sup>9</sup> Iodo íaioi jailla llezica Jesús íaioimo cíocaiide. Cíocailano íaioina uáidote. Aféngotiai íemo ánozillano íemo cáimadotiao. Ie ídai meníñotiao.

<sup>10</sup> Jira íaioina daide:

—Omoi jacíruíñeno. Cue ámatiaimo llujáiri, Galiléamo raire íaioi jáilleza. Dinomo cuena cíoitiao, —daide.

### *Raiafona úiñotaga fuiríraini llogafue*

<sup>11</sup> Ringóniai jailla llezica, raiafo jónete fuirírainimona dáarie jófue mo jáidiao. Afénomo dúcillano lletáiraini illáinimo nana íaioi cíonana llotíao.

<sup>12</sup> Aféllaini ocuide eicomínimo ñue íaioi onóillena llujáidiaio. Ie jira aillo úcubena afe fuirírainimo itíao.

<sup>13</sup> Illano íaioina daide:

—Bie izói omoi daíri: “Naio cai ínia llezica ie llófuegamaci mériano ie abina uitíao.”

<sup>14</sup> Iemo énie úiñotillaima aféfuena fidíadi, omoi ñue íllena dani cai afémie mo úrizaiticai. Afemona afémie ómoína duere fínoñeite, —daií daidíao.

<sup>15</sup> Iemona afe fuiríraini úcube llínotiao. Llínota íaioina daína izói fínuaidiao. Iemona judúuai nai biruimo Jesús meine abido cáanana uáitadiaio; uáitano bie izói daífirediao.

*Jesús ie orécamacimo jóonega uai  
(Mr 16.14-18; Lc 24.36-49; Jn 20.19-23)*

<sup>16</sup> Afemona Jesús once dígade llófuegamaci Galiléamo jáidiaioi. Uícodo Jesús íaioimo lloga ídumo jáidiaioi.

<sup>17</sup> Afénomomo Jesuna íaioi cíoillano, afémiemo cáimadotiaioi. Mei íadi dáamierie nai figo íinoñede.

<sup>18</sup> Jira Jesús afémacimo áinozillano daide:

—Nana monamo ite ocuilla ríino, naa éniemo ite ríino diga ja cuemo fecaca.

<sup>19</sup> Ie jira nana éniemo ite comínimo omoí jairi. Afémacina cue llófuegamacina oreri. Afe mei Moo Juzíñamui mámecido, daje izói ie Jitó mámecido, naa ie Ñuera Joreño mámecido íaioina báutizari.

<sup>20</sup> Nana omoí cue ocuilla uáillaina afémaci jeire omoí otátari. Afe llezica bíena omoí onoiri, cue nágarui omoí diga íifreíticueza. Jaca omoí diga ííticuemo énie fuillíruimo dúciite. Daítadeza; ja ñie.

## JUZÍÑAMUI ÑUEFUE SAN MARCOS LLOGAFUE El Santo Evangelio Según San Marcos

*Juan Bautista táizicimo lluáibite*  
(Mt 3.1-12; Lc 3.1-9, 15-17; Jn 1.19-28)

<sup>1</sup> Juzíñamui Jitó Jesucristo lloga ñúefue bie izói tainede.

<sup>2</sup> Jaiai uícodo Juzíñamui uai jino llóraima Isaías cuete:

Mai cacai, o uíecodo cue rafue llotímie orédicue, o jáille io ñue ifóllena.

<sup>3</sup> Táizicimo caillídímie uai ñue cacaide; daide:

Mai omoi Ocuíraima jaille io ñue finori; ie macalle io jaícina tuiñori, —daide.

<sup>4</sup> Afe izói báutizaraima Juan táizicimo cíocaizaibite. Dinomo comini jitáirede báutizaillena afémie ñue lluáibite. Iaioina daide:

—Omoi comeci ifue ñúefuena méidorediomi. Ie mei báutizarediomi. Iemona Juzíñamui omoi comeci fiénidifuiái dóite, —daide.

<sup>5</sup> Iemona nana Judea énie imaci, Jerusalen comini diga, Juan llógamo cacáreizaidiaioi. Cacáillano íaioi comécimo ite fiénidifuiái uáfodo jino llotíaioi. Daí íaioi llua méifomo imani Jordámo Juan báutizagaiaioi.

<sup>6</sup> Juan jitaca iniroi camello itíraiaí finoina. Ie ciraigi llaitáinafe igoraí finoina. Fíuaí rite; jazici ie cíiji jirófirede.

<sup>7</sup> Comínimo llócaillano daide:

—Fui cue méifodo bíitimie, iere cue baímo ríire ocuífireitimie. Iemona ie idai ico igai zuitánidicue, mei jofófene jamáimiedicueza.

<sup>8</sup> Jae jáinoido ómoína báutizadicue, ñuera iodo omoi jáiacana jino llóllena; mei íadi afe bíitimie Ñuera Joreñodo ómoína uícaitaite, ñuera iodo éicitaiñeno ñue omoi jáillena, —daí daide Juan.

*Jesús báutizainafue*  
(Mt 3.13-17; Lc 3.21-22)

<sup>9</sup> Aféruillaído Jesús Nazarétmona bite. Afe Nazaret jofue Galilea éniemo ite. Billano Juan illánomo dúcide. Afénomo Juan íena Jordámo báutizade.

<sup>10</sup> Jáinoimona jino billa llezica Jesús mona tújjicaillana ciode. Daje llezica Ñuera Joreño fíiciri izói Jesumo ana billana Jesús ciode.

<sup>11</sup> Afe llezica monámona uai cácaide; daide:

—O iere cue izíruiga Jitódio. Ori iere caimare iticue, —daide.

*Taife Jesús facátate*  
(Mt 4.1-11; Lc 4.1-13)

<sup>12</sup> Afe méifodo raire Ñuera Joreño Jesuna táizicimo orede.

<sup>13</sup> Dinomo tóíñega rílleniaí cígimo Jesús cuarenta dígarui ite. Afénomo Satanás (Taife jáífodo mámeciredímie) Jesús facátate. Aféruillaído Juzíñamui abi imaci ángeles daínámaci Jesús cánuaibitiaioi.

*Jesús Galiléamo llófuiáfue táiniaide*  
(Mt 4.12-17; Lc 4.14-15)

<sup>14</sup> Ie mei illaíma Herodes Báutizaraima Juan llavétate. Juan llavébilla mei, Jesús Galilea éniemo jaide. Jáillano Jesús, Juzíñamui ñuera rafue lluájide.

<sup>15</sup> Jesús bie izói daide:

—Ja aféruimo dúcide. Ianori íllamona Juzíñamui nana íemo jaináidimaci dáaziena caimare íllena gairítaibiteza. Iemona jíllonafue omoí ínuano, omoí comeci ífuiái méidori afémacimo dájena omoí jaináillena, —daide.

*Jesús cuatro dígamie facóramaci uáidote*  
(Mt 4.18-22; Lc 5.1-11)

<sup>16</sup> Jesús Galilea jorai fuédado mácajide. Jaillano Simona ciode ie ama Andrés diga. Facórama íaillinoí. Llóiji jóraimo dotáfirediaillinoí.

<sup>17</sup> Jesús íaillinoína daide:

—Mai cuedo ómicoí bi. Chámuniaí ómicoí jenófirena izóí, afe izóí comini jenórainina ómicoína jóneiticue, —daide.

<sup>18</sup> Raire íemona íaillinoí llóiji fíanona, afémiedo jáidiaillinoí.

<sup>19</sup> Ie mei Jesús bai jabo jaillano Zebedeo jitó, Santiágonona ciode, ie ama Juan diga. Iaióí llóiji cúaidino, nocáero ráicana niródiaillinoí.

<sup>20</sup> Jesús íaillinoí jíríte. Iaillinoí moo Zebedeo nocaemo fiénocaillano ie canóramaci diga, Jesudo jáidiaillinoí.

*Capernaumo fiénide jóriaredimie Jesús jíllotaqa*  
(Lc 4.31-37)

<sup>21</sup> Ja Capernaumo dúcidiaíóí. Ie mei ocózinaiillaruimo Jesús Juzíñamui uai llófueracomo jofu íllófuiaide.

<sup>22</sup> Afémie llogáfueri fáigacaidiaíóí. Ua nibai ríimie izóí ñue llófullofuede. Ocuícafue llófueraini afe daíí llófueñediaíóí.

<sup>23</sup> Afe llezica Juzíñamui uai llófueracomo fiénidena jóriaredimie ite.

<sup>24</sup> Afémie ja Jesumo caillide; daide:

—Nazaret ímie, Jesús, ¿nífue cócomo illa? ¿Cai fatátaibitio? Ona onódicue. Juzíñamui íaífuenidimedio; afémie rafue ñue lluaíbitimedio, —daide.

<sup>25</sup> Iemo Jesús fiénide jóriaimo riire úrite; daide:

—¡Líicai! Bímie fáicanocaillano oni jai, —daide.

<sup>26</sup> Iemo fiénide jóriai afémiena izire docáitate. Ie mei jamánomo caillídemo afémie mona oni jaide.

<sup>27</sup> Ie jira nana nairai jacínaitiaíóí. Jira conímamo jicánotiaíóí:

—¿Bie minica? ¿Minica bie como llófueinafue? Bie Jesumo riire ocuíllafue ite, fiénide jóriai oréllena. Afe fiénide jóriai afémiena ínofirediaíóí, —daidíaíóí.

<sup>28</sup> Ie jira Jesús mámece nana Galilea énie fuédado raire jica jalleide.

*Jesús Simón Pedro jifaiño jíllotate*  
(Mt 8.14-15; Lc 4.38-39)

<sup>29</sup> Juzíñamui uai llófueracomona jino billano, Jesús, Simón ie ama Andrés íaillinoí icomo jaide, Santiago, Juan diga.

<sup>30</sup> Dinomo Simón jifaiño abi cuaríllamona íniranomo bíide. Afengo irárenana Jesumo llotíaíóí.

<sup>31</sup> Iemona aféngomo ánozillano, Jesús afengo onoi llíinota, íena caifo naidánete. Afe llezica afengo abi cuarilla aféngomona llíicaide. Daje llezica jarire íaíóí jitailla güille afengo bai íaíóimo atide.

*Jesús aillo iráredino jíllotate*  
(Mt 8.16-17; Lc 4.40-41)

<sup>32</sup> Aféruído, jítoma ana zójicaidemo, ja nauíoicailla llezica, nana afénoimo ite iráredino, fiénidena jóriaredino diga, Jesumo atidiaíóí.

<sup>33</sup> Nana dino jofue nairai afeco naze fue ibírímo gairízitiaíóí.



<sup>34</sup> Jesús aillo íaioimo ite diga ie duico jíllotate. Afe llezica aillo fiénide jóriaiai Jesús jino comínimona orede, mei íadi Jesús afe jóriai úriñeillena íaioimona rairuide, mei afémiena onódiaioiza.

*Jesús Galiléamo llujjide*  
(Lc 4.42-44)

<sup>35</sup> Ja monáioicaidemo, nai jítreoidemo, Jesús cazíllano jino jófuemona oni tí daidínomo jaide, dinomo Juzíñamuimo úrillena.

<sup>36</sup> Afe mei Simón ie nabáiñiairi Jesús jenuaidiaioi.

<sup>37</sup> Baillánona íena daidíaioi:

—Nana o jenódiaioi, —daidíaioi.

<sup>38</sup> Iemo Jesús íaioina daide:

—Ainori itícuaimo mai cai jai, dinomo daje izói ñúefue cai llujjillena; mei afe jira jino bitícueza, —daide.

<sup>39</sup> Daií Jesús nana Galiléado macade. Naga illánuaimo Juzíñamui uai llófueriracomo llócaide. Afe llezica comínimona fiénide jóriai jino orede.

*Chínaite izóidimie Jesús jíllotate*  
(Mt 8.1-4; Lc 5.12-16)

<sup>40</sup> Jesumo chínaite izóidimie ánozide. Ana dújuano daide:

—Cue o jíllotaiacaniadi cuena jíllotaredio, —daide.

<sup>41</sup> Ie jira Jesús afémiemo dúecaide. Jira ónoído jétano daide:

—Jíi, ona jíllotaiacadícue. Mai o abi jácaiteza, —daide.

<sup>42</sup> Daií dáinamona afe duico iráredimiemona cióbicaiñena. Jae ñúemie.

<sup>43</sup> Iemo Jesús afémie orede. Daje llezica riire ocuállano daide:

<sup>44</sup> —¡Cacai! Bumo lloñeno iri. Dama lletáriraima sacerdote dainámie mo jaillano, o abi ácatari. Dáaruído Moisés jaiái ocuica abi duafue ráana, mai afémiemo izájiri. Iemona comini o abi jíllotana fídítiaioi, —daide.

<sup>45</sup> Mei íadi afémie jaillano nana comínimo afe ie jíllonafue llujjide. Iemo aillo comini Jesumo izire gairíodiaioi. Ie jira ja Jesús bu jófue mo uáfodo jáinide; mei íadi jino jofue iñenanomo mácajide. Mei íadi nágagobiaimona bizájidiaioi afémiena cíoillena.

## 2

*Jesús tízitaitimie jíllotate*  
(Mt 9.1-8; Lc 5.17-26)

<sup>1</sup> Ie méifodo nano nígarui íllamona Jesús meine abido Capernaumo jaide. Afémie jofomo íllana ja fídítiaioi.

<sup>2</sup> Iemo aillo nairaí ie jofomo gairídiaioi. Jofo comínina oruállamona iere rillírede; ja naze fuemo íaioi illino iñede. Iaioimo Juzíñamui úrillafue Jesús jino llote.

<sup>3</sup> Iemo cuatro dígamie tízitaitimie atídiaioi.

<sup>4</sup> Iere comini íllaza, Jesús illánomo dúcinide. Ie jira jofo emódomo caifo jaillano, Jesús illa llezícamo jofo emodo ibáicano cúcoidiaioi. Cúcoianona aféfodo tízitaitimie ana agüínetiaioi, naa afémie bírallu diga.

<sup>5</sup> Afémaci comeci ínuana cíoillano, Jesús tízitaitimiena daide:

—Jító, o fiénidífue jae ñue dófide, —daide.

<sup>6</sup> Dáarie ocuícáfue llófueraini, dinomo ráaidino, íaioi comeci facáoidiaioi:

<sup>7</sup> “¿Níbái mei bímie daií úrite? Juzíñamuina fiéni úrite. Dama Juzíñamui fiénidífue na dua. Abi dine bu Juzíñamui izói fiénidífue na doñena.”

8 Mei íadi dama Jesús ie comécido afémaci comeci úrillafuena onode. Jira daide:

—¿Ñibái mei omoi comeci daií facádiomoi?

9 ¿Ñie iere júanina iráredimiena daiíllena: “O fiénidífue dófite,” ñibai jiáifodo daina: “Náidacai, o bíira llínnota ui, mai maca”? ¿Ñie iere júanina?

10 Ie jira jiáifuena óomimo fidítaiticue. Biniemo comini fiénidifuiaina oni muiñolle ríino cuemo ite. Nanoide ñima Jitódicueza, —daide. Iemo tízitaitimiena juare daináfueña daide:

11 —Ona daidicue: Caifo náidacai. O bíirallu llínnota mai o jofomo jairi, —daide.

12 Ja iráredimie raire náidacaillano ie bíirallu llínnote. Llínnuano dinómona jino jaide. Ie jáillana nana comini ciódiaioi. Jira áferi fáigacaidiaioi. Daje llezica Juziñamuina cáimadotiaioi. Daidíaioi:

—Jaca daiítadifueña ciórainidicai, Juziñamui o iere jamánomoidimedio. Mai Juziñamuimo cai ióbilli, —daidíaioi.

### *Jesús Leví uáidote*

*(Mt 9.9-13; Lc 5.27-32)*

13 Ie mei Jesús meine abido jorai fuédamo jaide. Nana comini íemo áinozidiaioimo, afémie íaioina llófuete.

14 Jesús mácajilla llezica, Levína ciode. Leví Alfeo jitó. Afémie gobierno íbátaga úcube llínoranomo ráide afe úcube llínollena. Iemo Jesús íena daide: —Cuedo bi, —daide. Jira Leví náidacaillano afémiedo jaide.

15 Afe méifomo Jesús Leví jofomo güizájide. Dinomo aillo jiáie gobierno íbátaga úcube llínoramaci Jesús dáanomo güirábanimo ráiediaioi naa fiénidimaciri. Mei iere áillomaci afe izóidino afémiedo jáidino. Afe dáanomo Jesús llófuegamaci ráidiaioi.

16 Mei íadi dáarie ocuícáfue llófueraini fariséuai diga, Jesús nana afe fiénidimaci diga naa íáiruiga íbátaga úcube llínoramaciri dáanomo güíllana ciódiaioi. Iemona Jesús llófuegamacina daidíaioi:

—¿Ñibái mei omoi llófueraima afe íáiruiga íbátaga úcube llínoramaci diga güífiredede, jirófredede? Daje izói, ¿ñibái mei jiáie fiénidino diga güífiredede? —daidíaioi.

17 Aféfuena Jesús cacáillanona duera ráfuedo íaioina daide, nie ícoinia mei íáiruigamacaci diga ie güífrenana íaioi onóillena. Be ñifue:

—Íranidimaci manóriraimana jitáíñediaioi; dani duícotaidino da manóriraimana jítaina. Mei ñúemacimo cue uáiduaibiñedicue. Fiénidino uáiduaibiticue afémaci jíllloillena, —daide.

### *Daa mona güíllena fímairillena Jesumo jicánotiaioi*

*(Mt 9.14-17; Lc 5.33-39)*

18 Jiáiruideo Bántizaraima Juaado jáidino fariséuaido jáidino diga nana güíñeno fímairitiaioi. Aféruimo dámierie Jesumo jicánuaibitiaioi:

—¿Ñibái mei Juaado jáidino fariséuaido jáidino diga nana güíñeno fímairitiaioi, mei íadi o llófuegamaci fímairiñediaioi? —daidíaioi.

19 Jesús uai uano ráfueño mámico íaioi llófuete, afémiedo jáidino finócana jiáimaci féinino onótallena. Daide:

—Airenafueño uáidogamacaci ringo otímie íaioimo illa llezica ¿meita fímairirediaioi? ¿Ñibai fímairinidiaioi? Ringo otímie íaioimo illa llezica jaca fímainidiaioi.

20 Mei íadi ringo otímie íaioimona bairóbicailliruimo dúciite; aféruimo uáfueña fímairitiaioi.

21 Iemo daje izói ñue onótallena jíaie ráfueño mámiano íaioi llófuete; daide:

—Buna jaiáicuiro inícuero cúaidinomo comue jofo gáijicaiñede iniroi nitácapu dájemo jofo jillíñede, mei comue gáijicaiñede nitácapu afe jaiáicuiroña onífenedo nane ráataitade. Iemona cúaidino jae iere aillóite.

22 Daje izói comue vino jácara igoraie ie finoína botéllamo jóonenide. Jácara botéllamo comue vino jóoneadi, afétella bójicaide. Iemo nana vino táinomo tójicaide. Daje izói afe igoraie finoína botella bójicaillano meine finónide. Ie jira comue vino comue igoraie finoína botéllamo jóonerede, —daide.

*Jesús llófuegamaci ocózinaillaruimo trigo llizíllaticiaie tícoídiaioi  
(Mt 12.1-8; Lc 6.1-5)*

23 Daa mona ocózinaillaruimo Jesús ríganíai cígido mácajide ie llófuegamaci diga. Afénodo jaillano ie llófuegamaci arrozna eroide trigo llizíllaticiaie ja tícoídiaioi.

24 Iemo fariséuai íena daidíaioi:

—¡Erocaí! ¿Ñibái mei o llófuegamaci rairuírede jetádiaioi? Afena ocózinaillaruimo rairuírede, —daidíaioi.

25-26 Mei íadi afémie íaioína daide:

—¿Jaca ñibái David finócana facadoñediomoí? Afémie naa ie nabáiñiairi güille íñena llezica, júbietaillano Juziñamui jofomo jaide. Ua Abiatar lletáriraini illáimana illáruído, David jofo jaide. Afe jofo eromo Juziñamuimo eneno mameca rairuírede panes ite. Dani Juziñamui lletáriraini áfena güirena; jíaimacimona afe rairuírede. Afe panes David uánona güite; ie mei ie nabáiñiaimo fecade.

27 Iemo nane Jesús íaioína daide:

—Íma ocózinaillarui íena fínoñega, mei íadi ocózinaillarui íma íena mameca.

28 Jira Nanoide Íma Jitona cue íllamona, ocózinaillaruina ocuíredicue. Aferui Náamadícue, —daide.

### 3

*Jesús ónoína llirídímie jíllotate  
(Mt 12.9-14; Lc 6.6-11)*

1 Jesús dáanomo Juziñamui uai llófueriracomo jofo jaide. Afénomo ónoína llirídímie ite.

2 Afénomo itínomona Jesumo iere eróioidiaioi, ocózinaillaruimo Jesús bímierna jíllotajana onóillena, áfedo Jesumo fiénidífue jíállena.

3 Ie jira ónoína llirídímiena Jesús daide:

—Náidacai; jofo bené cígimo bi, —daide.

4 Dáanomo jíaimacimo jícanote:

—¿Minícana ocózinaillaruimo ómoiri finóredicue? ¿Ñibái fiénidífue fínoiticue, ñibái ñúefue fínoiticue? ¿Ñibái omoi jíllotaiticue, ñibái omoi títaíticue? —daide Jesús.

Mei íadi afémaci ja uai oñédiaioi.

5 Jira Jesús íaioiri rícaide. Daje izói zuure íaioimo eroide, mei íaioi onóiacañena jira. Iemo afe íimana daide:

—Mai, o onoi zúitacai, —daide.

Ie jira ie onoi zuitácaide. Iemona ja ie onoi ñuera.

6 Afe mei fariséuai, naa Herodes imaci diga jino jaillano, Jesús fallífue raíre mamédiaioi.

*Aillo nairai jorai fuédamo gairídiaioi*

<sup>7</sup> Jesús ie llófuegamaci diga, jorai fuédamo jaide. Iemo aillo nairai Galilea imaci, íedo jáidiaioi.

<sup>8</sup> Mei áillue ráfuena, afémie finócafuiaina, fidíillano aillo Judea énie imaci bite, Jerusalen imaci diga. Daje izói Idumea énie imaci bite; Jordán imani ruicáfelle imaci bite; Tiro, Sidón diga áinori itímaci bite. Nana dáanomo bitíaiói; Jesús eróizabitíaiói.

<sup>9</sup> Ie jira Jesús ie llófuegamaci ocuide nocáe atíllena, aillo nairai iere rillire íemo íñeillena.

<sup>10</sup> Mei iere aillo nairai jíllotote. Iemona nana jiáie iráredino rillire afémiemo gairídiaioi, ie jetánollena.

<sup>11</sup> Iemo aféno mo itínomona dáarie fieni jóriairediaioi. Afémiena cióillanona, afémie uiécomo ana dújudiaioi. Dújuillano caillíoicaidiaioi:

—O Juzíñamui Jitódio, —daide.

<sup>12</sup> Mei íadi Jesús fiénide jóriaina izire rairuide; daide:

—Juzíñamui Jitona cue íllana daiñño iri, —daide.

*Jesús doce dígamie nizede, oni íaiói óriano afémaci ie ñúefue llujilla*  
(Mt 10.1-4; Lc 6.12-16)

<sup>13</sup> Ie mei Jesús ídumo caifo jaide. Dinomo jaillano Jesús comeci óiacagamie dígamie nizede. Afémiemo bitíaiói.

<sup>14</sup> Doce dígamie Jesús níziano ote. Afémaci ie oréllimacina Jesús mamede. Ua íaioina ote ie abimo íllena, ie uai llóitínona jáillena.

<sup>15</sup> Dáanomo ríinona igáiaioi iráredino jíllotallena, íemo jiáí fiénide jóriai jino oréllena.

<sup>16</sup> Afe nizécamací doce dígamie. Afémaci mámeciaí: Simón, nímiemo Jesús jiáie mámecina jítaca, Pedro;

<sup>17</sup> Ie mei Zebedeo jító íaillinoi Santiago ie ama Juan diga. Afe íaillinoimo Jesús jiáie mámecí jítade, Boanerges. Afe mámecí daína: Iocimie íaillinoi.

<sup>18</sup> Ie emódomo jiáie nizécamací mámeciaí: Andrés, Felipe, Bartolomé, Mateo, Tomás, Alfeo jító Jacobo, Tadeo, íemo íere Járidotímacímo jaináidimie Simón,

<sup>19</sup> Ie mei Judas Iscariote. Afémie méifodo Jesús ie éoidinomo fécaitimie.

*Fiénide jóriai ríino Jesumo ite táinona daiñfirediaioi*  
(Mt 12.22-32; Lc 11.14-23; 12.10)

Afe méifomo Jesús ie llófuegamaci diga jofomo jofa jaide.

<sup>20</sup> Nane dáanomo aillo nairai gairízitiaioi. Iemona Cristo ie nizécano diga ja güínidiaioi.

<sup>21</sup> Afefue fidíillano ie onoiga nabáñiaí bitíaiói ie oni uíllena, mei afémie uáiritaide daidíaiói.

<sup>22</sup> Daje llezica Jerusalémona bite ocuícáfue llófueraini, bie izói íeri úritiaioi; daidíaiói:

—Bímie Beelzebumo jaináidimie. Afe Beelzebú fiénide jóriai illaíma, (jiáici ie mámecí Taife). Afe Beelzebú ríinodo fiénide jóriai afémie jino jiude, —daidíaiói.

<sup>23</sup> Ie jira Jesús íaiói jíirite. Jírilla mei, onoiga ráfuiaí íaioímo llote:

—¿Nie izói afe Taifedo Taife jíúrede? jíúñide!

<sup>24</sup> Daa nairai énenorie jiáiziena oni bójicaillano are íñeitiaioi, mei nágazie conima diga fuiríñfirediaioiza.

<sup>25</sup> Daje izói eneno dani jofóredino íaiói bójicaíadi, are íñeitiaioi.

<sup>26</sup> Mei jira Taife dama ie diga fuiríadi, íemona dama ie bójicaíadi, afémie are íñeite. Ua áfedo fúibicaite.

27 ‘Máirimie jofomo, buna jofo jáinide, ie ráaie bairóllena. Dama afémie máia méifomo jofo jaillano bairórega.

28 ‘Uáfueña ómoimo lloticue. Comini fiénidifuiái nana dórede, daje izói nana íaioi fue borefue diga dórede.

29 Mei íadi Juzíñamui Ñuera Joréñomo fiéni úritimie ie fiénidifuiái jaca ua oni dónide. Dama ie ícoinia jaca íemo jíite, —daide.

30 Daií daide, mei afémie fiénidena jóriarede daidíai.

*Jesús ei ie ámatiai diga Jesuna uáiduaibitiaioi  
(Mt 12.46-50; Lc 8.19-21)*

31 Iemo Jesús ei ie ámatiai diga dúcidiaioi, mei íadi jino fiébidiaioi. Dinómona jofo gairídinona daidíai:

—Mai ie jírizai, —daidíai.

32 Jesús abido ráiedino íena daidíai:

—O ei, o ámatiai diga jino ite. O jénuaibitiaioi, —daidíai.

33 Mei afémie daide:

—¿Buoí cue eina? ¿Buoí cue ámatiaina? —daide.

34 Afe mei ie abido ráiedinomo eróillano daide:

—Be mei cue éitiai. Be mei cue ámatiai.

35 Mei Juzíñamui ocuífueña jeire otínona bie cue ama, bie cue miringo, bie cue ei, —daide.

## 4

*Ríjiraíma ie ífue  
(Mt 13.1-9; Lc 8.4-8)*

1 Meine dáanomo jorai fuédamo Jesús llófuete. Ie illánomo aillo nairai gairídiaioi. Jamánomo aillo comini illa jira, Jesús jóraimo ite nocaemo ráizaide. Nana comini guamáemo fiébicaidiaioi.

2 Iemo diga ráfuiái íaioimo llófuete. Ua íaioi onóigafuiáido llote. Ie llogáuái daide:

3 —Bíemo cácarei: Ríjiraíma ríjizaide.

4 Ricana jailla llezica dáarie rillájiaí iodo cocide. Iemo ófocuizai áfena güizáibitiaioi.

5 Jiáie rillájiaí noficiaímo énie iñéñanomo cocide. Afe rigájiaí raire zocade, mei afe énie figo iñédeza.

6 Mei íadi jitoma billa llezica uzídiaioi. Jáinao iñéñamona dúidiaioi.

7 Jiáie rillájiaí éegiaí cígimo cocide. Afe éegiaí zoca anamo itábicaidiaioi. Meita jaca llizíñediaioi.

8 Mei íadi jiáie rillájiaí ñuera éniemo baíde. Zocádiaioi; ie mei ñue comuídiaioi. Mei ñue llizídiaioi. Dají rígamona zocano aillo llizide; jíáijiaí afe baimo llizide; jíáijiaí ie baimo ua aillo jamánomo llizide.

9 Ie mei íaioina daide:

—Omoímona cacáacadino cacai, —daide.

*Afémie nibai íaioi onóigafuiái cígido llófuefirede  
(Mt 13.10-17; Lc 8.9-10)*

10 Afe mei Jesús dama fiébilla llezica, afémie áinori itino ie doce llófuegamaci diga íemo jícanotiaioi:

—Bie onóigafue ¿nie izói daiíacade? —daidíai.

11 Jira íaioina daide:



—Juzíñamui ie uáfodo onóñega illáimana illirui rafue ómoimo llóiacade. Afedo ja llolliómoi. Mei íadi jino ite íemo jaináñedino jaca íaioi onóigafuaido llogáiaioi.

<sup>12</sup> Daíí cue llófuegaiaioi, íaioi cióillano nai uina cióñedimaci izóí íaioi fiébicaillena. Afe izóí cácaitiaioi íadi ónoñeitiaioi. Daíí llófuegaiaioi íaioi comeci ífue méidoñeillena; íemo jiái íaioi comeci fiénidifuaiaí dóficaiñeillena.

*Jesús afe ríjiraima onóigafue ja ua jino llote*

*(Mt 13.18-23; Lc 8.11-15)*

<sup>13</sup> Dáanomo Jesús jicánote:

—¿Omoi bie onóigafue onóñediómoi? ¿Nie izóí daíí mei jiáiena ónoitiómoi?

<sup>14</sup> Afe riraima Juzíñamui ñuefue lloraima izóidime.

<sup>15</sup> Dáarie comini afe iodo cocide rigájiaí izóidiaioi. Afémaci afe cue llogáfuemo cacáreidiaioi. Mei íadi áfena cacáillanona, Taife íaioi comécimo lloga ráfuenta raire báiruabite.

<sup>16</sup> Jiáie comini afe noficiaimo énie iñénanomo cocide rigájiaí izóidiaioi. Afe cue lloga uaina cacáillano raire caimare línotiaioi.

<sup>17</sup> Mei íadi figo jáinaonide rigájiaí izóidiaioiza, dama íanori íllado ñue itíaioi. Afe mei lloga uai ícoinia facátafuaiaí bíadi, nibaí duere íaioi zefuíaí, íaioi íinoñenamona íaioimo lloga uaina raire meine abido zóofetiaioi.

<sup>18</sup> Jiáie comini afe éegiaí cígiri cocide rigájiaí izóidiaioi. Lloga uaina cacáidiaioi,

<sup>19</sup> mei íadi bie éniemo ite raamo comécillano aféfuiaimo iere járitaitiaioi. Bínie raa íaioina jífuete. Iemona jamánomo aillo ráaniaina óiacadiaioi. Nana bie jofo comeci óiacaigafue íaioimo lloga uaina niné féitate. Ja mei féitagaza; ja ie comécimo llizilla izóí iñede.

<sup>20</sup> Mei íadi dámierie lloga uaina cacáillano áfena ñue jeire otíaioi. Afémaci ñuera éniemo cocide rigájiaí izóidiaioi. Afe izóí íaioi íllamona, ñuefuiaina ñue aite izóí finóidiaioi. Afémacimona dáarie afe daji rígamona zocano aillo llizilla izóidiaioi. Íaioimona jiáimaci afe baímo llizilla izóidiaioi. Jiáimaci afe ie baímo aillo jamánomo llizilla izóidiaioi.

*Mechera iedo cai onóigafue*

*(Lc 8.16-18)*

<sup>21</sup> Jesús nai úrite; íaioina daide:

—¿Nogo anamo jóonellena mechera meita atica? ¡Atiñega! ¿Daje izóí inírabani anamo rainállena mechera atícaza? ¡Atiñega! Naga mechera caifo jica raináfírega, ñue egáiñollena.

<sup>22</sup> Mei ja nana báinino ite raa jino uáfodo ciócaitate. Daje izóí nana jáanoga rafue ñue onóigafuena jáite.

<sup>23</sup> Omoimona cacáacadino cácarei.

<sup>24</sup> Afe emódomo íaioina daide:

—Omoi cacánafuena ñue omoi onoiri. Naga raa omoi faca izóí, afe izóí Juzíñamui íbana ómoimo fácaiteza. Ie mei afe baímo afémie jamánomo aillo ómoimo íite, mei ñue cacádiómoiza.

<sup>25</sup> Mei iéredimiemo jiáiena ille; mei íadi iénidimiemona, íemo due ite raa meine bairolle.

*Eniemo rigají zócajamo mameca rafue*

<sup>26</sup> Nane dáanomo daide Jesús:

—Juzíñamui illáimana illirui bie izoide. Daa íima éniemo rigájiaí júdaia izoide.



<sup>27</sup> Rillano afémie abina íniaide. Ie mei cazide. Nairo mona diga jaide. Afe llezica rigájiai zocade; zócano ñue zairide, mei íadi nie izói comuídeza afémie onóñede.

<sup>28</sup> Mei ñuera éniemo rigájiai énie zocataga. Nano fueñe ie ina jino billa, ie mei llizíllachecoi comuide, ie mei afe llizíllachecoi íjiaina oruide.

<sup>29</sup> Ja ie jeia llezica, riraíma afe llizíllajiaina uájide. Mei afe jofo uáruimo ja dúcidez.

*Mostaza llizíllaji iedo onoiga rafue*

*(Mt 13.31-32; Lc 13.18-19)*

<sup>30</sup> Jesús nane daide:

—Juzíñamui illáimana illarui, ¿nie izoide? ¿Ñie onóigafuedo daje izói fácaiticaí?

<sup>31</sup> Juzíñamui illáimana illarui mostaza llizíllajiai rilla izoide. Afe íjiai nana énie llizíllajiaimona da jaca iere jéjinide.

<sup>32</sup> Mei íadi rígamona, nana raróciai ie baímo áillo nana jaide. Ie ícairuai áarie. Iemona féedino ófocuizai ie ícairuaimo ráinazaidiaíoi. Afe jánamo uái ráiiediaíoi, —daíí Jesús daide.

*Jesús jaca onoiga ráfuiaímo mámano llófuefirede*

*(Mt 13.34-35)*

<sup>33</sup> Daíí Jesús ie jino llóiacagafuiai aillo bie izói onóigafuiaído jóonecana uite. Iaiíoi onóillinomo daíí llócaide.

<sup>34</sup> Onóigafue llóñeniadi, afémacina llófueñede. Mei íadi Jesús ie llófuegamaci diga oni eneno dani íaiíoi illa llezica nana áfena jino íaiíoiimo llote.

*Jesús jairifo naa jorai bagua diga llícaitate*

*(Mt 8.23-27; Lc 8.22-25)*

<sup>35</sup> Aferui nauídemo Jesús ie llófuegamacina daide:

—Jorai ruícafenemo mai cai jai, —daide.

<sup>36</sup> Ie mei comini fíiano, Jesús uitíaiíoi. Afémie illácaedo jáidiaíoi. Daje llezica jáícaieído afémiedo jáidiaíoi.

<sup>37</sup> Iemo iere rírede jairifo náidacaide. Iemona jorai bagua nocáe eromo cocide. Uafue, nocáe jáinoína oruíbicaide.

<sup>38</sup> Afe llezica Jesús moífecaemo ífo jobéracadamo bícana inide. Afémie cazítajano íena daídíaíoi:

—¡Llófueraíma! ¿O caina ráiruiñedio? ¡Buízaidicaí! —daídíaíoi.

<sup>39</sup> Iemo Jesús náidacaillano jairifo lletade. Lletajano jóraina daide:

—¡Llícaí! ¡Uái ii! —daide. Iemona jairifo llícaide. Nana ñue jáfuéricaide.

<sup>40</sup> Ie mei ie llófuegamacina daide:

—¿Ñibái mei iere jacíruitíomoi? ¿Ñibai nai Juzíñamuimo íñoñediomoi? —daide.

<sup>41</sup> Iadi jairifo ie llícaitari iere jacínaitiaíoi. Dani conímamo úritiaíoi:

—¿Bie níimie? ¡Jairifo jorai diga, afémie uaina jeire ote! —daídíaíoi.

*Gerasa éniemo fíenidena jóriairedimie Jesús jíllotate*

*(Mt 8.28-34; Lc 8.26-39)*

## 5

<sup>1</sup> Jae jorai ruicáfellemo ite Gadara éniemo dúcidiaíoi.

<sup>2</sup> Jesús nocáemona jino jáidemo, raíáfuai illánomo ífirede fíenidena jóriairedimie Jesumo bite.

<sup>3</sup> Afémie raíáfuai illánomo ífirede. Aféruillaído afémie jaca buna llójeodo cuinánide.

<sup>4</sup> Diga ícaño llójeodo idai onoi diga íena cuinádíai, mei íadi afémie afe llójeona titada jaca jéeninno titúbite. Jaca buna afémiena anáfenonide.

<sup>5</sup> Mona naio diga afémie afénomo macáfírede. Iduaido caillícana jaide naa raiáfuaído. Daje llezica nofíciáido ie abi bofécade.

<sup>6</sup> Iadi Jesuna jicana ciode; cíóillano, aizícana bite. Billano Jesús anamo afémie ie caiñícido ana dújude.

<sup>7</sup> Jesumo riire lléjecaide:

—¿Níbái cuemo jíricaidío? O Jesúdi; jamánomo caifoide Juziñamui Jitódío. Juziñamui mámecido omo jícadícue duere cue zéfuiñellena, —daide.

<sup>8</sup> Daí lléjecaide, mei nano fueñe Jesús íena dáideza:

—¡Fiénide jóríai, bie ímamona oni jai! —daide.

<sup>9</sup> Jesús íemo jícanote:

—¿O mei búdió? —daide. Uai ote:

—Cue mámece Aillo Dáanomo Íraicano, mei áillomacídicaiza, —daide.

<sup>10</sup> Iemo fiénide jóríai Jesumo izire jícade, afe éniemona jica íaióina oni óreiñeillena.

<sup>11</sup> Afe íduai áinomo aillo tóica meróníai güífírede.

<sup>12</sup> Ie jira fiénide jóríai Jesumo jícade:

—Afe meróníaimo cai oreri, díonomo cai ílleza, —daídíai.

<sup>13</sup> Ie mei Jesús fairíote. Iemo fiénide jóríai ímamona jino meróníaimo jáidíai. Mena mil tóiníai ite. Nana afe tóiníai jorai ígodado aizida cocídíai. Iemona jóríaimo coróbaitíai.

<sup>14</sup> Ie jira meróníai úiñoraímaci jacínaillano botádíai. Afe rafue íaió jófúemo llujídiái naa jínoidímaci diga. Ie jira afe finócafúemo comíni eróizaíbitíai.

<sup>15</sup> Jesús illánomo dúcúillano nauí fiénidena jóríairedimíena cíódíai. Mei íadi ja biruí afémie ñue uái ráide. Ja ínícuirona jítaíde. Ja ñue abina onode. Nana comíni jacírúitíai.

<sup>16</sup> Ie mei cíódino nauí fiénidena jóríairedimíemo finócafúena llujídiái. Daje izói meróníaimo finócafue llotíai.

<sup>17</sup> Ie mei Jesumo izire jícajídíai íaió éniemona afémie oni jáillena.

<sup>18</sup> Jesús meine nocáe eromo jailla llezica, nauí fiénidena jóríaina ogámie Jesús diga íllena izire jícade.

<sup>19</sup> Mei íadi Jesús fairíoñede. Afémiena daide:

—Mai o jofomo jai. O comínimo nana omo cue finócafue o llujíri. O Ocuíraímadícueza. Omo cue dúcaíllafue llujíri, —daide Jesús.

<sup>20</sup> Ie jira afémie jaillano nana Jesús afémíemo finócafue llujíde. Uafue nana Decápolis éniemo llujíde. Nana comíni aféfueri fáigacáidíai.

### *Jairo jiza jíllotafue*

*(Mt 9.18-26; Lc 8.40-56)*

<sup>21</sup> Jesús meine jorai ruícafénemo nocaedo jáidemo, aillo comíni Jesús illánomo garízaíbitíai. Afémie díno jorai fuédamo fiébide.

<sup>22</sup> Iemo Juziñamui uai llófueriraco illáinimona dáme dúcide. Afémie mámece Jairo. Jesuna cíóillano ie ídaímo bíjicaide.

<sup>23</sup> Daje llezica izire jícade:

—Cue jiza tíacade. O onoi cue jízamo bítaíbi, ie jíllóilleza, ie tííñelleza, —daide.

<sup>24</sup> Iemona Jesús afémie diga jaide. Ie llezica aillo comíni afémíedo ríllire jáidíai.

<sup>25</sup> Afémaci cígímo daa ringo íráredíngo ite. Doce diga fimona dícotaite.

26 Aillo manórirainimona duere zéfuide. Afe manórirainimo afengo úcube nana fuite. Iadi jaca íñoñede, mei íadi jamánomo irárede. Ua iere ana jaide.

27 Naui jíamaci Jesudo úrillafuena cacáillano, afe ringo óodana comini cígido Jesumo ánozide. Iemo afémie inícuiro jetánuaide.

28 Afe uícori afengo comeci anado daide; “Ie inícuiro cue jetáadi jílloiticue,” daide.

29 Ie mei inícuiro jetaa llezica afengo die tótaja líicaide. Afe llezica ie irárena jílluamona afengo abi ñue cacaide.

30 Ie mei Jesús onóbicaide. Uafue, ie rínodo da come jíllotaga afémie raire fídide. Ie jira comini cígido jino éroicaillano jícanote:

—¿Mei bu cue inícuiro jetaca? —daide.

31 Iemo ie llófuegamaci afémiena daide:

—¿Aillo comini rillire fínuana cióñedio? ¿Ñibái mei bu o inícuiro jetaa jícanotio? —daidíai.

32 Mei íadi Jesús nágafene erórfide afémie inícuiro jetádingona cióillena.

33 Ie mei afengo jágeri cuidírite. Aféngomo finócafueña onóillano, Jesús uiécomo ana bíjicaizaibite. Afengo rafue nana afémiemo uáfueña jino llote.

34 Jira Jesús daide:

—Eicango, o comécido ñue ínotio, jira jíllodio. Mai jai. Jaillano uái o iri. O irárenamona ja jíllodioza, —daide.

35 Jesús nai úritemo, dáarie comini illaíma Jairo jofómona bitíai. Dúengo moomo lluáibitiai:

—O jiza ja tíide. ¿Ñibái mei are llófuerai ma ifoci daidódio? —daidíai.

36 Mei íadi Jesús íai uai jeire oñeno, llófueriraco illaíma Jáirona daide:

—Jacíruiñeno iri. Dama o comécido ínori, —daide.

37 Iemo Jesús nana comini íedo jáíñellena rairuide. Dama Pedro, Santiago, ie ama Juan díga uite.

38 Llófueriraco illaíma jofomo dúciillano, Jesús aillo comini faillíñainana cacade; nana cáillicailli énaillana cacade.

39 Jofo jaillano Jesús daide:

—¿Ñibái mei iere faillíñaidiomoi? ¿Ñibái mei iere éediomoi? Afeza tíñedeza; fia inide, —daide.

40 Iemona afémieri tadáidiai. Ie mei Jesús nana íai jino orede. Dama jiza moo, afengo ei, íedo bitímaci díga jofo uite. Jiza illácomo jofo jáidiai.

41 Jiza onoi líinuano daide:

—Talita, cumi—. Aféuai dobáicana llote: “Jiza, ona daidicue, náidacai.”

42 Daií dáinamona afengo raire náidacaide. Náidacaillano macade; mei afengo doce díga fimona íteza. Aferi comini iere fágacaidiaí.

43 Mei íadi Jesús:

—Afefue bumo lloñeno iri, —daide. Daií ocuide. Afe llezica afe ringoza ecállena íai ina ocuide.

## 6

### *Jesús Nazaremo jailla*

(Mt 13.53-58; Lc 4.16-30)

1 Dinómona Jesús ie éniemo jaide. Ie llófuegamaci íedo jáidiai.

2 Ocózinaillarui mo dúciillanona Juzíñamui uai llófueriracomo llófuiaide. Aillo comini íena cacáreidiai. Iemona íena jacíruihana fágacaidiaí. Daidíai:

—¿Ñinómona bímie nana bie ráfui í onode? ¿Mínica bie onónafue íemo ite? ¿Ñie izói afémie bie aillo uaido dáinamona comúitaga raa comúitarede?

<sup>3</sup> Mei bímie afe aménado táijraima, ¿ero ua? Afémie María jitoza onódicai, ¿ero ua? Daje izói afémie ámatiai Santiago, José, Judas, Simón dígadeza onódicai. Iemo ie miríngotiai nai cai cígimo íllana onódicai, —daidíai.

Iemona afémaci Jesús uaina náfueacañediai.

<sup>4</sup> Iemo Jesús íaiõina daide:

—Nana jiáie comini, Juzíñamui uai jino llóramana ñue jiéruitiaí. Mei íadi afe llóraima énie imaci, íezie imaci diga, figo íena jiéruíñediaí. Daje izói ie jofo imaci íena jiéruíñediaí, —daide.

<sup>5</sup> Ie jira afénomo jamánomo aillo fia uaido dáinamona comuítaga ráfuiaina comuítanide. Due iráredinomo ie onoi bítanona jíllotata.

<sup>6</sup> Mei íadi nabémaci íñoñenari afémie fáigacaide. Ie mei Jesús áinori ite jófuedo llófuecana uite.

*Jesús ie doce dígamie oni jiáinomo óriano llotátate  
(Mt 10.5-15; Lc 9.1-6)*

<sup>7</sup> Jesús ie doce dígade llófuegamaci uáidote. Uáiduanó ménamierie íaiõ orede. Afe llezica Jesús afe íaiõimo ie ríino iga, fiénide jóríai jino oréllena.

<sup>8</sup> Ie llófuegamacina ocuide:

—Omoi jaille iodo ráiñuai jiáie minícana uíñeno iri. Daa omoi jigüida diga jairi. Tura uíñeno iri. Pan úcube diga uíñeno iri.

<sup>9</sup> Omoi idai ico jitada jairi. Mena caifófecuiro uíñeno iri, dama o jitáoigacuiro uiri, —daide.

<sup>10</sup> Iemo nane íaiõina daide:

—Nícomo o jáiadi, dinó o fiébiri; ua afe éniemona jiáinomo o jáiacana llezica dinó o fiébiri.

<sup>11</sup> Jiáicomo omoi jáiadi, ómoína íaiõí llíñoñeniadi, afénomona jairi. Daje izói o uai cacáacañenomona jairi. Jaillano, o idai ico ite eníchoma jino íaiõimo teténori, daí íaiõí finócafueo o jiéruíñenana jino llóitio. Uáfuea omoi lloticue: Uire duere finóbilliruimo dúcia llezica, ómoína llíñoñedino jamánomo duere finóbitiaí. Mei íadi Sodoma comini Gomorra comini diga figo duere finóbiñeitiaí, —daide.

<sup>12</sup> Iemo ie llófuegamaci jino jáidiaí. Jaillano comini llotíaí:

—Mai omoi comeci ifue meídori, —daidíai.

<sup>13</sup> Daje llezica aillo fiénide jóríai jino orédiaí. Iráredinomo cáiredijina due jóonetiaí; íemona jíllodiaí.

*Juan Bautista tíllafue  
(Mt 14.1-12; Lc 9.7-9)*

<sup>14</sup> Illaíma Herodes aféfuiaina como fidide. Mei nana comini Jesús jalléinana onódiaíõiza. Dáarie daidíai:

—Juan Bautista tíide íadi meine abido cáadimiena jaide. Iemona bie ríino afémiemo ite, —daidíai.

<sup>15</sup> Jiáimaci daidíai:

—Bie Juzíñamui uai llóraíma Elías, —daidíai.

Nane jiáimaci daidíai:

—Jaiái Juzíñamui uai jino llóraini izoide bímie jiáie Juzíñamui uai llóraíma, —daidíai.

<sup>16</sup> Herodes áfena cacáillano daide:

—Bímie ifona cue jaitátagamie Juan. Ja birui tíllanomona meine abido caade, —daide.

17 Herodes ama Felipe; ie ofaiño Herodías, mei íadi Herodes afengo ie aina ote. Afe Herodías ícoinia Herodes Juan jae llavétate. Afe llezica íena llavéracomo maitátate.

18 Mei nauí Juan Heródemo llógaza:

—O ofaiño o aina ónidio; áfena rairuírede, —daide.

19 Ie jira Herodías Juamo éoicana eroide. Iena fáiacade, íadi íena fánide.

20 Herodes afémie comécina jáicina ñue jóidimienana onode; iere ñuemienana onode. Ñúfuedo íena jacíruite. Ie jira afengo íena fieni finótañede. Herodes Juan llogafue nai figo onóñede, íadi camare íemo cacáreide.

21 Mei íadi Herodías jáífueмо uíbicaide. Herodes jocóinamona jáíe fimona fuilláruimo dúcide. Jira aféruido Herodes cumpleaños rafue finode. Nana ie illaini, jabóllaini, Galilea ocúraini diga afénomo gairídiaioi, mei Herodes uáidogaiaioiza.

22 Dinomo Herodías jiza jofo jaillano zaite. Afengo záillari Herodes íóbide; daje izói nana ie diga güizábitino íóbidiaioi. Iemona illaíma Herodes aféngona daide:

—O jicáacaiga raa cuemo jica. Omo ííticue, —daide.

23 Riírede uaido nana afengo jicalle raa ie fecállena íaioi uiécomo llote: “Nana cuemo jainaide éniemona júbene o jitailla dieze omo llóíticue,” daide.

24 Afengo jaillano ie eina daide:

—¿Minica jícaiticue? —daide.

Afengo daide:

—Mai, Juan Bautista ífoci jica, —daide.

25 Afe ringoza jarire illaíma illánomo jofo jaide; íena daide:

—Raire plato eromo Juan Bautista ífoci jóoneta cuemo ine, —daide.

26 Iemona illaíma iere zúureficaide. Mei ja riírede uaido llógaza afengo jicácana afémie jáanoiacañede. Daje llezica nana ie uáidogamací cacádiaioi. Ie jira jáanoiacañede.

27 Ie jira afe llezica ie abí úíñoraíma raire llavériracomo orede, Juan ífoci atíllena.

28 Afe abí úíñoraíma llavériracomo jaillano, Juan ífoci jáitano plátomo jóoneta atíde. Afémie aféngomo izáibite. Iemo ie eimo afengo izájide.

29 Juaado jáidino, fídíillano, ie abí uájidiaioi, ráillena.

*Jesús cinco mil dígade úñiaí ecade  
(Mt 14.13-21; Lc 9.10-17; Jn 6.1-14)*

30 Afe mei Jesús nauí oni jino orécamaci meine Jesumo gairíllano, nana íaioi finócafue afémiemo llotíaioi. Afe íaioi llogafue llotíaioi.

31 Iemona Jesús íaioina daide:

—Mai bí, oni báinino cai ocózinaili, —daide.

Aillo comíni dúcioidiaioi, jáioidiaioi; ie jira Jesús ie imaci diga, güínidiaioi.

32 Ie mei Jesús ie imaci diga nocaedo oni eneno tíi daidínomo jáidiaioi.

33 Mei íadi aillo nairai íaioi jáillana ciode. Jesuna onóillano nana jófuemona batínomo aizícana jáidiaioi. Uafue, Jesús ie imaci diga uícomo dúcidiaioi.

34 Jesús dúcia mei nocáemona jino jaillano aillo comínina ciode. Cióillano afémacimo dúecaide. Iaioina izíruite nibai úíñoraímanide ovéjaiaí izói itíaioi. Ie jira diga ráfuiaina íaioimo llote.

35 Ja nauídemo ie llófuegamaci afémiena daízaibitiaioi:

—Ja nauízaide. Afe benomo comíni jofona íñede.

36 Mai comíni oni ore áinori itícuaímo jáíe jofue diga, dinomo íaioi güille íbajillena. Mei íaioi güíllena benomo íñédeza, —daidíaioi.



- 37 Jira Jesús uai ote:  
 —Mai omoi íaioi eca, —daide.  
 Afémiena daidíaioi:  
 —¿Cai meita jaillano ibáredicai, doscientos dígabe fidi pan bimaci ecállena?  
 —daidíaioi.
- 38 Jira Jesús daide:  
 —¿Níga pan ómoimo ite? Eroizai, —daide.  
 Afe fidíillano daidíaioi:  
 —Jubécuiro díga panes ite, mena chamu díga, —daidíaioi.
- 39 Ie jira mócorede raitíremo Jesús comini énenorie dázierie raízitate.
- 40 Iemona cincuenta íemo jíái cien dígamierie raízidaitiaioi.
- 41 Iemona Jesús afe jubeba panes mena chamu díga llínote. Llínuno caifo monamo érocaillano:  
 —Iere figura, —daide. Daií dainano afe pan ditade. Dítajano ie llófuegamacimo fecade. Llófuegamaci ja comínimo oni fecádiaioi. Daje izói mena chamu nana comínido fecádiaioi.
- 42 Nana comini güitíaioi. Ua ñue jeírediaioi.
- 43 Güilla mei panes chamu díga fiébidinona doce dígagai cirigai oruítatiaioi.
- 44 Afe Jesús fecaca panes güitímaci cinco mil dígamíai.

*Jesús jainoi emódodo macade*  
 (Mt 14.22-27; Jn 6.16-21)

- 45 Raire méifodo Jesús ie llófuegamaci nocaedo jorai ruícafenemo orede. Afe llezica íaioina ie uícomo Betsáidamo orede. Dinomo íaioi jailla. Daií ñeta llezica mei Jesús nana comini díga rainode.
- 46 Íaioi ráinua méifodo Jesús idu emódomo Juzíñamuimo úrizaide.
- 47 Ja naiomo nocáe jorai cígimo ite. Jesús dama éniemo fiébricaide.
- 48 Jesús íaioi taino jáiana ciode. Taino jaitíaioi, mei jairifo meine íaioi fúuoideza. Iemo ja monáizaidemo Jesús íaioimo ánozide. Jainoi emódodo macade. Ánozide, íadi jícado fíiaide izói macade.
- 49 Ie jainoi emódodo mácajana íaioi cióillano comeci jacíruiocana facádiaioi: “¡Níbai janaba!” daidíaioi. Jira caillíoidiaioi.
- 50 Nana áfena cióillano iere jacínaitiaioi. Mei íadi Jesús raire íaioimo úrite; daide:  
 —¡Abi omoi mame! ¡Cueza! ¡Jacíruiño omoi iri! —daide.
- 51 Íaioimo itícaemo jofo jaide. Jofo jáidemo jairifo llícaide. Iemo jacíruiocana áferi iere fáigacaidiaioi.
- 52 Ua afe daií fáigacaidiaioi, mei afe duera pan fia uáimona jamánomo aillo comútatena comécido onóñediaioiza; íaioi comeci nai ríirena jira.

*Genesaret éniemo ite iráredino Jesús jíllotote*  
 (Mt 14.34-36)

- 53 Jorai ruicáfellemo jáitanona Genesaret éniemo dúcidiaioi. Zíjillano nocáe ari cuinádiaioi.
- 54 Nocáemona jino jailla llezica, afénomo ite comini raire Jesuna onódiaioi.
- 55 Iemona afémaci nana afe éniemo raire aizícana lluájidiaioi. Iemona Jesús illánona fidíillano, afe dinomo iráredimaci duera inírabanido atídiaioi.
- 56 Nágagobiaido ie jáiacana izói afe jofue cígimo ite ocózinairanomo iráredino jónefirediaioi. Aillue jofue diné ie jáiadi, dúera jofue diné ie jáiadi, fia jofo inénallegoído ie jáiadi, daje izói iráredino iomo jónetiaioi. Afe llezica Jesús



inícuiro fueda íai*o*i jetánollena daa bie dáarie izire íemo jicádia*o*i. Nana áfena jetánotino jíllobicaidia*o*i.

## 7

*¿Minica caina iaire finode?*  
(Mt 15.1-20)

<sup>1</sup> Iemo fariséuai Jesumo áinozidia*o*i, dáarie ocuícafue llófueraini diga. Afe llófueraini Jerusalémona bitía*o*i.

<sup>2</sup> Nana bimaci Jesús llófuegamacimona dámerie ciódia*o*i. Afe llófuegamaci onoi jocóñeno güitía*o*i, fariséuai afémacina daí daide, mei bimaci onoi jócua ocuica níciduafuemo dúcitaiñedia*o*iza. Afe ícoinia íai*o*i jánana úritia*o*i.

<sup>3</sup> Daí daidía*o*i mei fariséuai nana judíuai diga íai*o*i jaiáigima uai nai uícadia*o*iza. Aféfuia daide, comini nai bie izó*o*i íai*o*i onoi diga icaiño jócoñenia güinidia*o*i.

<sup>4</sup> Daje izó*o*i güille fecáracomona meine billano, onoi jócua ocuica níciduafue nai fuitáñenia güinidia*o*i. Nai aillo ite afémaci jíáie uícaigafuia. Uafue, íai*o*i jiróracuai diga icaiño jocófredia*o*i. Daje izó*o*i íai*o*i icíruai, cadéruai, jamánomo diga ícaiño jocódia*o*i íai*o*i inírabanilla diga.

<sup>5</sup> Iemona fariséuai, ocuícafue llófueraini diga Jesumo jicánotia*o*i:  
—¿Nibái mei o llófuegamaci cai jaiáigima daináfua uícaíñedia*o*i? Daí onoi íáirededo güitía*o*i, —daidía*o*i.

<sup>6</sup> Jesús uai ote:  
—Juzíñamui uai lloraima Isaías ñue llote. Nana omoi abina ñúemaci, íadi comécina íáirediomoi. Ie cuia llezica ómoimo llote:

Bie comini fuedo ñúefue cuemo jítdia*o*i.

Mei íadi íai*o*i comeci cuemo jaináñede.

<sup>7</sup> Cue ñúefuedo úrillena cuemo gairífredia*o*i, mei íadi íai*o*i úrillafue ráifíñede.

Íai*o*i llófuega Juzíñamui daináuai, fia jamai comini ocuícafua.

Juzíñamui uáñede, daí íai*o*i daina íadi, daide.

<sup>8</sup> Mei Juzíñamui ocuícafue féitatomoi, fia comini daináfua jeire omoi óllena. Aféfuia daide: icíruai jocóllena, jiróracuai jocóllena, aillo jíáie afe izóidífuia omoi finóllena.

<sup>9</sup> Iemo afe emódomo bie izó*o*i zanoda íai*o*ina daide:

—Juzíñamui ocuícauai iere ebire oni eneno omoi fáicanocaiga, dani omoi daináfua uícaillena.

<sup>10</sup> Mei Moisés daide: “Ñue jacíruioicana o moo canori, o ei diga. Ie ei ie moo diga fiénina úritimie uáfueña titáredeza,” daide.

<sup>11</sup> Mei íadi jíáfodo daidíomoi:

—Dámie ie moo íaillinona bie daírede, “Ona canónidícue, mei nana cuemo ite rááie jae ‘Corbán’ itía*o*iza”. (Afe uai dobáicana daina Juzíñamui íena mamécaza.)

<sup>12</sup> Dámie daí daííadi, ja mei ie ei ie moo diga canónide náfuetiomoi.

<sup>13</sup> Afe ícoinia Juzíñamui ocuica uaina jámairuitiomoi. Uafue, comini llocana jaide llogafue ínota ñúefueña jámairuitiomoi. Aillo afe izóidífuia finófrediomoi.

<sup>14</sup> Nane dáanomo Jesús comini jírite; jírrillano íai*o*ina daide:

—Nana omoi cácarei, comeci onoiri.

<sup>15</sup> Nana güíllemo comécina íáirenafue ñede. Mei íadi comécimona jino bití fue comecei íáiretate.

<sup>16</sup> Omoimona cacáreiacadino cacai, —daide.

<sup>17</sup> Jesús comini fíiano jofomo jaide. Dinomo ie llófuegamaci afe onóigafuedo íemo jicánotiai*oi*.

<sup>18-19</sup> Iemo íaioina daide:

—¿Daií jaca ónoñeitiomoi? Nana jinona güiga raa comécimo jáiñede. Jébegimo jaide. Ie jira cómena íáiruitañede. Jébegimo jailla mei, abímona oni dotácaza. ¿Aféfuena fidíñediomoi?

Afedo Jesús daiíacade nana güille ñuera.

<sup>20</sup> Nane daide:

—Íima comécimona jino bitifue dama afémiena íáiruitade.

<sup>21</sup> Mei afémie erómona, ua ie comécimona jino fieni uibíllafue bite; íemo jiruírenafue bite, naa jíáie jiruífui*ai* diga; íemo jíáima méiniafue bite,

<sup>22</sup> merírillafue diga; íemo jíáima raa bairóacanafue bite, jíáie fiénidifui*ai* diga; ie mei jíáima jífuiafue bite, nana íáiredifui*ai* diga. Iemo úradoillafue bite, naa táinona úrillafue diga. Iemo táinona abi ínuafue bite, naa abina onóñenafue diga.

<sup>23</sup> Nana bie figóñedifui*ai* come erómona bite; billano cómena íaire finode.

### *Jíáizie ingo Jesumo ínote*

*(Mt 15.21-28)*

<sup>24</sup> Dinómona Jesús Tiro éniemo jaide, Sidón énie diga. Daa jofomo jaide. Buna ónoñeillena báinino jaide. Mei íadi afémie retáirinide.

<sup>25</sup> Iemo fiénidena jóriairedingo ei, ie íllana raire fidide. Billano Jesús anamo dújude.

<sup>26</sup> Afengo judío ingóñede; jíáizie ingo. Afengo énie máme*ci* Sirofenicia. Afengo jízamo ite fiénide jóri*ai* óllena Jesumo jicade.

<sup>27</sup> Mei íadi Jesús daide:

—Juzíñamui úru*ai* raire nano fueñe güilleza. Juzíñamui úru*ai* güille bairoda tóica jico izoide comínimo ígadenia figóñede.

<sup>28</sup> Afengo uai ote:

—Uafue Ocuíraima; mei íadi úru*ai* güíllamona, ana cocídij*ai*, güirábani anamo ite jicótiru*ai* güífiredia*oi*, —daide.

<sup>29</sup> Ie mei Jesús daide:

—Ua llotio. Iemona ja jáiredio, o jízamo ite fiénide jóri*ai* jae oni jáideza, —daide.

<sup>30</sup> Afengo jofomo dúcina llezica, iníramo bíide jízana cide. Fiénide jóri*ai* ja ua aféngomona ñue oni jaide.

### *Jefona cacáñede gogódimie Jesús jíllotate*

<sup>31</sup> Nano íanori íllano Jesús ja Tiro éniemona billano, Sidón énie dibénedo jaide. Afe mei Decápolis éniemo ite jófui*ai* dínedo jaide. Aféniedo jaillano, meine abido Galilea jóraimo dúcide.

<sup>32</sup> Afénomo jefona cacáñede uaina jino figo baiíñedimie Jesumo atídia*oi*. Iemo izire jicádia*oi* Jesús afémiemo onoi bitállena.

<sup>33</sup> Ie jira Jesús náiraimona oni báinino íena uite. Dinomo Jesús dama ie onocai jefona cacáñedimie jefomo dutade. Ie mei Jesús dama ie onócaimo tuánuano afe úriñedimie iife jetánote.

<sup>34</sup> Afe mei Jesús monamo érocaillanona comeci zúurenaimona zegóricaide. Zegóricaillano íena daide:

—¡Efata! —daide. Afe uai jino dobáiñuano daína: túijicai.

<sup>35</sup> Afe llezica jefona cacáñedimie jefo túijicaide; ie iife ñue jíllode. Iemona afémie ja ñue úrite.

<sup>36</sup> Iemona Jesús íaioina rairuide:

—Jiáimacimo lloñeno iri, —daide. Jesús afe daí dígacaiño íaioina rairuide. Mei íadi Jesús iere rairuide íadi, áfena náfueñeno aféfuena baimo jino llócaidiaioi.

<sup>37</sup> Iemo nana comini iere jamánomo fáigacaidiaioi. Daidíaioi:

—Nana ñue finode. Afémie jefona cacáñedimie cacáitate; uaina jino figo baiñnedimiena ñue úritade, —daidíaioi.

## 8

### *Jesús cuatro mil díga comini ecade*

(Mt 15.32-39)

<sup>1</sup> Aféruillaído aillo comini meine dáanomo gairídiaioi. Iaiói güille ñede. Ie jira Jesús ie llófuegamaci jírita, íaioina daide:

<sup>2</sup> —Bie náirairi dúcaidicue. Ja daruiámani benó cue díga itíaioi. Iaiói güille jae ñede.

<sup>3</sup> Güiñeno íaioi jofomo orédicuenia, iodo báicana jáitiaioi. Dáarie jicana bitíaioiza, —daide Jesús.

<sup>4</sup> Ie llófuegamaci uai otíaioi:

—Benó bu iñénanoza ¿minícana íaioi ecáredicai?

<sup>5</sup> Jesús íaioimo jicánote:

—¿Níga panes ómoimo ite? —daide.

Jira afémaci daidíaioi:

—Siete panes caimo ite, —daidíaioi.

<sup>6</sup> Ie jira nana comini ana éniemo ráitate. Iemo Jesús afe siete panes llínuano, Juzíñamuina “Figora” daide. Daina mei, afe panes ditade. Daí ñeta, ie llófuegamacimo ite. Afe mei llófuegamaci comínido oni fecádiaioi.

<sup>7</sup> Afémacimo due jiza chamu ite. Jesús Juzíñamuina “Figora” dainano afe chamu fecátate.

<sup>8</sup> Nana güitíaioi. Iemona ñue jeírediaioi. Ie mei güillamona fiébidino siete díga cirigai iráidiaioi.

<sup>9</sup> Afe güitino cuatro milmo ánoziacade. Afe mei Jesús nana íaioi rainode.

<sup>10</sup> Ráinua mei afémie raire ie llófuegamaci díga nocaemo jofo jaide. Iemo Dalmanuta éniemo jaide.

### *Fariséuai uai dáinamona comuide onótate raa jicádiaioi*

(Mt 16.1-4; Lc 12.54-56)

<sup>11</sup> Iemona fariséuai Jesumo júfiduaibitiaioi. Ie facátaiacadiaioi. Iemona: “Monámona uaido comuide onótate raa caimo ácatari,” daidíaioi.

<sup>12</sup> Iemo Jesús comeci zúurenamona izire zegóricailano daide:

—¿Níbai mei bie nairai uáimona comuide onótate raa jicádiaioi? Uáfuenta ómoimo lloticue, jaca onótate raana bu ómoimo fínoñeite, —daide.

<sup>13</sup> Jira Jesús íaioi fíano meine nocaemo jaide. Iemo jorai enéfenemo jaide.

### *Fariséuaimo ite pan aillo fáitate raa izóidifuedo Jesús llote*

(Mt 16.5-12)

<sup>14</sup> Jesús ie llófuegamaci díga íaioi jailla llezica, íaioi ráiñuai féitatiaioi. Dinó nocaemo fia daa pan íaioimo ite.

<sup>15</sup> Iemo Jesús íaioi ocuide:

—Omoí cacai. Fariséuaimo ite pan aillo fáitate raa izóidifuemona abí omoí rairuiri. Daje izói Heródesmo ite pan fáitate raa izóidifuemona abí omoí rairuiri, —daide.

<sup>16</sup> Iemo llófuegamaci dani conímamo llotíaioi:

—Níbai cai pan ñena jírrari, Jesús caina daí riire daide, —daidíaioi.

<sup>17</sup> Jesús dani íaioi úrillana onóillano daide:

—¿Nibái mei, “caimo pan iñede” dani jofu conímamo daiífirediomi? ¿Nai fidíñediomi? ¿Nai omoi comécimo déiñede? ¿Omoi comeci nai iere riñede?

<sup>18</sup> ¿Omoi uído cióñediomi? ¿Omoi jefodo cacáñediomi? ¿Nai cue finócafueña onóñediomi?

<sup>19</sup> Naui cinco mil íñiaí dígamiedemo afe cinco panes cue fecácamo, ¿niga cirigai fiébidinona iráidiomi? —daide.

Iemo daidíaíoi:

—Doce dígagai cirigai, —daidíaíoi.

<sup>20</sup> Jesús nane daide:

—Daje izói cuatro mil íñiaí dígamiedemo afe siete panes cue fecácamo, ¿niga oruide cirigai iráidiomi? —daide.

Iemo daidíaíoi:

—Siete dígagai cirigai, —daidíaíoi.

<sup>21</sup> Iemo íaioina daide:

—¿Nai omoi comécimo jaca déiñede? —daide.

### *Betsaida jófuego ite uina cióñedimie Jesús jílolate*

<sup>22</sup> Ja Betsaida jófuego dúcidiaíoi. Iemo uina cióñedimie Jesumo comini atídiaíoi. Iena jetánollena izire jicádiaíoi.

<sup>23</sup> Uina cióñedimie ónoído llínota, jofue jinomo Jesús ie uite. Iemo fue fáicido ie uimo bitade. Afe llezica afémiemo onoi bitade. Afe mei íemo jicánote:

—¿Ja baca o ui cioide? —daide.

<sup>24</sup> Jira uina cióñedimie érocaillano daide:

—Jii, comini mácana ciódicue, mei íadi uáfodo íaioina cióñedicue. Afémaci aménaíai izói cióidiaíoi, —daide.

<sup>25</sup> Ie jira Jesús nane dáanomo ie uimo ie onoi jóonete. Afe mei afémie riire eroide. Iemo ie ui ja jílode; ja afémie naga raana uáfodo ñue ciode.

<sup>26</sup> Ie mei Jesús ie jofomo ie orede. Iena daide:

—Jófuego jáiñeno iri. Afénomo ite comínimo, buna lloñeno iri, —daide.

### *Pedro Jesús Crístona maméinafue jino ñue llote*

*(Mt 16.13-20; Lc 9.18-21)*

<sup>27</sup> Afe mei Jesús ie llófuegamaci diga, Cesarea Filipo éniemo jaide. Afénomo ite jéenide jófuiái dinedo jáidiaíoi. Afe iodo íaíoi jáillanomo, Jesús ie llófuegamacimo jicánote:

—Comini cuena ¿nie izói daidíaíoi? —daide.

<sup>28</sup> Afémaci uai otíaíoi:

—Dáamierie Juan Bautístadio daide. Jiáimíai Elíasdio daidíaíoi. Ie jiáimíai jiáie uai lloráimadio daidíaíoi, —daí uai otíaíoi.

<sup>29</sup> Iemo íaioina jicánote:

—Omoimona, ¿cuena bu daidíomi? —daide.

Ie jira Pedro íena daide:

—O Crístodio, —daide.

<sup>30</sup> Iemo Jesús íaioina ocuide, aféfuena bumo llóñeillena.

### *Jesús ie tíllifue fíditate*

*(Mt 16.21-28; Lc 9.22-27)*

<sup>31</sup> Iemo Jesús dama ie duere finóllifue como fueñe íaioimo llote. Lluano daide:

—Nanoide íima Jitódicueza íadi iere duere zefuítallicue. Eicomini cuena ruifíruitiaíoi. Daje izói lletáriraini illaini, ocuícáfue llófueraini diga cuena ruifíruitiaíoi. Omoína daidicue, afémaci cuena méineitiaíoi. Mei íadi daruíamani íllamona tíllanomona meine abido caífo náidacaiticue.

<sup>32</sup> Afefue íaioimo ñue jino llote. Ie jira Pedro eneno oni Jesuna uite. Uillano Pedro Jesús íena lletade.

<sup>33</sup> Mei íadi Jesús meine gírecaillano ie llófuegamacimo eroide. Jesús Pedro llétano daide:

—¡Mai cúemona oni jai! Satanás izóidimiedioza. O comeci Juzíñamui mamécana ónoñede. Dama bie éniemo dúidino úrilla izói úritio, —daide.

<sup>34</sup> Dáanomono nane Jesús ie llófuegamaci jírite, nana jíaie comini diga. Iaioina daide:

—Cuedo jáiacadimie mai dama ie comeci jítaina féitari. Féitano cuedo biri. Daií cuedo bíllamona nibai afémie tíadi áfemo comeci fáinide; cuedo bírede.

<sup>35</sup> Jaca ninomo íllena, dama ie abi rairuíacadimie dinó jaca raire llícaite. Mei íadi cue ícoinia abi rairuíacañedimie meine jílluano llícaíte; daje izói, cue lloga ñúefue ícoinia abi rairuíacañedimie zíñona íite.

<sup>36</sup> Mei jíáfodo nana éniemo ite raa cai óiadi, mei íadi afe llezica cai zíñona illifue niné féiadi, ¿nieze canócacai? ¿Canóñegacai!

<sup>37</sup> ¿Nieze íbárede da come ie zíñona illafue abido óllena? Ibánide.

<sup>38</sup> Mei jíi, dáamie cuena meáiruiadi, abido afémiena meáruiticue. Daje izói bie minícana ínoñede fiénidimaci uiécomo cue lloga uaina meáruitimie, íena meáruiticue. Mei Nanoide íima Jitódicueza. Uire cue Moo aillo ñue máriedo bíiticue. Nana ie ñuera abi imaci diga bíiticue. Aféruimo bie éniemo ite cuena meáruitinona, daje izói íaioina meáruiticue.

## 9

<sup>1</sup> Nane Jesús íaioina daide:

—Uáfueña ómoimo lloticue. Benomo itímacimona dáarie nai íaioi tíñenia Juzíñamui aillo ie ríinodo ie illáimana íllana cíotiaioi, —daide.

*Jesús abi jíáfodo méidoficaide  
(Mt 17.1-13; Lc 9.28-36)*

<sup>2</sup> Seis dígarui íllamona, Jesús Pedro, Santiago, Juan diga uite. Dani dígamie eneno caifónedumo afémie uite. Ja dinomo íaioi eróicana afémie abi jíáfodo méidoficaide.

<sup>3</sup> Ie inícuero quénicuirona jaide, ua iere úzerede jaillíci izói. Bie éniemo finódino iníroina afe izói úzeretanidiaioi.

<sup>4</sup> Afe llezica Elías, Moisés diga Jesumo úrillana cíodiaioi.

<sup>5</sup> Jira Pedro Jesuna daide:

—Llófueraíma, níi cai benomo ñue illa. Daámani jofóchupi ómoiena cai finolli, daa óchupi, jíaie Moisés ichupi, jíaie Elías ichupi, —daide.

<sup>6</sup> Afe dáanomono ie llófuegamaci iere jacínaificaidiaioi; jacínaillano Pedro nie izói dáinana onóñenano daií daide.

<sup>7</sup> Afe llezica íaioimo mona uíllie ana bite. Billano afémacina ferínote. Afe mona uílliemona daa uaina cacádiaioi. Llote:

—Bie cue izíruiga Jitó. Afémiemo cácarei, —daide.

<sup>8</sup> Afe llezica, nágafene eróroidiaioi íadi íaioi diga buna cíóñena, dama Jesús.

<sup>9</sup> Idumona ana bitíaioimo Jesús afe íaioimo cíónafue jíáimacimo llúana rairuide. Iaioina daide:

—Nanoide íima Jitódicue. Uire cue tíillinomona meine abido cáadimiena cue illíruimo afe omoi cíónafueña llóreitíomoi, —daide.

<sup>10</sup> Ie jira aféfuemo dani comécidiaioi. Mei íadi afémie tíillinomona abido cáadimiena illífuena jícánofirediaioi:

—¿Minícana íite? —conímana dani daidíaioi.

<sup>11</sup> Ie mei Jesumo jícánotiaioi:



—¿Nibái mei ocuícáfue llófueraini daiífirediaíoi, caina illáimaite Mesías dainámie uícodo Elías raire biite? —jicánotiaíoi.

<sup>12</sup> Afémie uai ote:

—Iere uafue Elías raire cue uícodo bite. Ua billano nana meine ñue jaícina fínuaibite. Iemo, mei Nanoide fima Jitódicueza, cue billáfuedo ¿nie izói Juzíñamui Cuegáuai daide? Aféuui bie izói daide: “duere zéfuiticue” daide. Daje izói “comini cuena jámairuitiaíoi” daide.

<sup>13</sup> Mei íadi ómoína daidicue, Elías ja bite. Dani afémaci óiacana izói afémiemo finódiaíoi. Mei Cuegáuai uícomo daina izói, afe izói ja afémiemo zuíde, —daide.

*Jesús fiénidena jóríairede dúemie jíllotate*

*(Mt 17.14-21; Lc 9.37-43)*

<sup>14</sup> Ie mei ja jáíie llófuegamaci illánomo Jesús daámani caifónedumo uigámaci diga meine bitiaíoi. Billano aillo comini íaíoimo gairíllana ciódiaíoi. Ocuica uai llófueraini dáanomo ite. Afe llezica afémaci Jesús llófuegamacimo júfidotiaíoi.

<sup>15</sup> Ie mei Jesuna cióillano iere fáigacaidiaíoi. Afémiemo aizícana uáiduaidiaíoi.

<sup>16</sup> Ie jira Jesús ie llófuegamacimo jicánote:

—¿Minica afe ocuica uai llófuerainimo júfidotiómoi? —daide.

<sup>17</sup> Afénomo itímacimona daa uai ote:

—Llófueraima, benó omo cue jitó atídicue. Fiénide jóríai afémie uáinino finode.

<sup>18</sup> Náganomo ie jáiadi afe jóríai ie uánona ana dotáfirede. Ja dinomo fuedo mulléfirede; afe llezica ízie mutúricaide. Iemona ie abi iere naillíbicaide. O llófuegamacimo fiénide jóríai jino óllena jicádicue, íadi afémaci ónidiaíoi, —daide.

<sup>19</sup> Jira Jesús uai ote:

—¡Aiii, Juzíñamuimo ínoñedimaci! ¿Nie dinó ómoiri íitíicue? ¿Nie dinó ómoína mozóitíicue? Bené dúemie ati, —daide.

<sup>20</sup> Jira atídiaíoi. Afe jóríai Jesuna cióillano, afe dúemie abi meine cuidítate. Cúidiamona afémie éniemo baíide. Dinomo jabíoicaide. Fuedo mulléoi.

<sup>21</sup> Jira Jesús ie moomo jicánote:

—¿Ja níe dino daíi ite? —daide.

Jira moo daide:

—Jaca ie dúenamona.

<sup>22</sup> Diga ícaiño fiénide jóríai afémie iraimo dotáfirede. Daje izói illemo dotade ie titállena. Minícana cairi o finórenia, mai cairi fino. Cairi dúecairi. Cai cano, —daide.

<sup>23</sup> Jesús íena daide:

—¿Nibái mei “O finóreniadi cai cano” cuena daíio? Daíi daííñoeno iri, mei Juzíñamuimo ínotímiemo naga raa finóredeza, —daide.

<sup>24</sup> Ie jira afe úrue moo caillíoicaide:

—¡ínotíicue! Cue cano jamánomo cue ínolleza, —daide.

<sup>25</sup> Jesús aillo comini ofíllana cióillano, fiénide jóríai riire lletade. Daide:

—Uáinitade jóríai, cacáitañede jóríai, o jino jáillena ja ocuídíicueza, ¡jai! ¡Bie úrue fáinocai! Meine abido íena oñeno iri, —daide.

<sup>26</sup> Iemona jóríai caillide; cáilliano dúemie meine nane riire cuidítate. Cuidítajano oni jaide, íadi afe dúemiema tíide izói finode. Jira aillo comini:

—Ja tíide, —daídíaíoi.

<sup>27</sup> Mei íadi Jesús ónoído llíinota caífo dúemiema naidánete. Iemona afémie ñue jílloda náidacaide.



28 Ie mei Jesús daa jofomo jofo jaide. Afe mei ie llófuegamaci eneno íemo jicánotiaioi:

—¿Nibái mei fiénide jóriaina ónidicai? —daidíaioi.

29 Jira Jesús daide:

—Bie izói jóriai dama Juzíñamuimo úrillado, íemo fímairillado jino orérede, —daide.

*Jesús ie tíillifue meine fíditate*

*(Mt 17.22-23; Lc 9.43-45)*

30 Afénomona íaioi jaillano Galilea éniédo jáidiaioi. Jesús báinino jáiacade bu ónoñeillena.

31 Mei aféruillaído Jesús ie llófuegamacimo llófullofuedeza. Afémiemo zúillifue íaioumo llote. Lluano íaiouina daide:

—Nanoide fima Jitódicueza íadi uire náiraímo izájillicueza, cue íaioi fállena.

Mei íadi daruiámani cue tíillanomona meine abido cáadimiena íiticue, —daide.

32 Mei íadi afémaci ie dáinana onóñediaioi. Daje izói íemo jicánuana jacíruitiaioi.

*¿Bu iere jamánomo áillomiena?*

*(Mt 18.1-5; Lc 9.46-48)*

33 Iemo afémaci Capernaumo dúcidiaioi. Jofomo íaioi illa llezica, Jesús íaiouimo jicánote:

—¿Minícafue iomo júfidotiomi? —daide.

34 Mei íadi jaca uaina oñediaioi. Mei jae iodo júfidotiaioi, ¿bu cáimona jamánomo áillomiena illa?

35 Ie jira Jesús ana ráinaillano, ie doce diga llófuegamaci jíirite; daide:

—Dámie raire uieécodo áillomiena jáiacaniadi, nano fueñe iere jamáimiena írede; daje izói nana comini canóraimana írede, —daide.

36 Iemona Jesús daa úrue llínvano íaioi cígimo jóonete. Ie mei ie ónoído íena llirínvano comínina daide:

37 —Bie úrue cue mámecido llínnotimie dájena cuena llínnote. Daje izói cuena llínnotimie dama cue llínoñede, mei íadi cue orédimiena cue abido llínnote, —daide.

*Caina éoñedimie cai dibénemo ite*

*(Mt 10.42; Lc 9.49-50)*

38 Iemo Juan Jesuna daide:

—Llófueraíma, dámie ciódicai o mámecido fiénide jóriai jino orede. Mei íadi caído jáiñena jira íena rairuídicai.

39 Mei Jesús daide:

—Rairuíñeno iri. Mei daií cue mámecido ciórainina raa finódimie ñúemie. Daií finódimie afe fínua méifomo raire cuédo fiéni úrinide.

40 Mei caina éoñedimie ua cai dibéfodo íitimie.

41 Jáíe come cue mámecido omoi jirótaadi, mei Crístomo omoi jainaina jira, afe jirótatimie uáfueña ie jirírolle raa llínoite, —daide.

*Fiénidifueмо baiñllena iere jacírede*

*(Mt 18.6-9; Lc 17.1-2)*

42 Jáíe come, bie cuena ínote dúemie fiénidifueмо baiñtaiadi, afe come fiénide. Baiñtatimiemona figura, cimoumo áillue nofícina cúinano monáillaimo dotárede.

43 Dama o onoi fiénidifueмо o baiñtaiadi, afe o jaitari. Júbezi onoi diga ziiño ñue illafue Juzíñamuimona o maiñóadi, iere ñuera. Mei nágafezi onoi íadi

“comini duere finolle iraimo” o dotábicaiaidi, iere figóñede. Afénomo ite irai dúitanide.

<sup>44</sup> Afénomo ite aigíroiaí tiiñediaioi; afe aigíroi, afeno itímacina ziiñona duere fínoitiaioi. Afe irai jaca dúiñede.

<sup>45</sup> Daje izói o idai fiénidifuelmo o baiítaiadi, áfena jaita. Júbene ídainide o illa llezica ziiño ñue illafue Juziñamuimona o maiñóadi, jamánomo ñuera. Mei jíáfodo iraimo o dotábicaiaidi ñue mena ídairedimie o íadi, iere figóñede. Afénomo ite irai dúitanide.

<sup>46</sup> Afénomo ite aigíroiaí tiiñediaioi; afe aigíroi, afeno itímacina ziiñona duere fínoitiaioi. Afe irai jaca dúiñeiteza.

<sup>47</sup> Daje izói o uiji ona íadaitaiadi, mai afeji cuerónori. Ua júbene fíidimie Juziñamui illáimana illánomo o jáiadi, jamánomo ñuera. Mei íadi nágaillinoi uíjiredimie o illa llezica, iraimo o dotábicaiaidi iere figóñede.

<sup>48</sup> Afénomo ite aigíroiaí tiiñeitiaioi; afe aigíroi afeno itímacina ziiñona duere fínoitiaioi. Afe irai jaca dúiñede.

<sup>49</sup> Mei nana fia fecaca Juziñamui ióbitalle jobaica rílleniamo salna jónefirediaioi, afe fecaca rille ñue íllena. Daje izói nana raamo cai jírinafuiado ñue íredicaí. Aféfuiái irai come uzilla izírena izói caina izi cácataite, Juziñamui anamo ñue cai íllena.

<sup>50</sup> Sal ñuera; mei íadi afe sal ie cáimana féiadi, ¿minícado afe sal meine abido cáimacaitarede? Mai dani conímaiaina caimátaillafue dibénemo omoi iri. Afe llezica comeci caimare uái illáfuemo dani conímaiaina ífireiri.

## 10

*Jesús, naga come ie aina oni dótana rairuide*

*(Mt 19.1-12; Lc 16.18)*

<sup>1</sup> Jesús ja Capernaúmona oni Judea éniemo jaide. Ua Jordán ruicáfellemo ite éniemo jaide. Iemo aillo comini ie illano dinó meine abido garizaititiaioi. Iemona Jesús ie ífírena izói íaioina llófuete.

<sup>2</sup> Iemo fariséuaimona dáarie Jesuna fiéni facátaibitiaioi. Jesumo jícanotiaioi: —¿Mei nibai dáamie ie aina oni dótajana rairuírede, nibai ráiruiñega? — daidíaioi.

<sup>3</sup> Iemona Jesús uai ote:

—¿Ñie izói Moisés ómoina ocuide? —daide.

<sup>4</sup> Jira íena daidíaioi:

—Moisés llote, dáamie ie aina oni dotáacanamona, afémie dinena aféngona “jae ai oni dotaina rabe” cúerede. Ie mei daí oni dotárede, —daidíaioi.

<sup>5</sup> Iemo Jesús íaioina daide:

—Moisés afe uaina ómoimo llote, mei omoi comeci ifue iere ríredeza.

<sup>6</sup> Mei íadi nano fueñe, Juziñamui nana ráaniaina comúitaja llezica, “afémie iima ringo diga íaillinoina comúitate.”

<sup>7</sup> “Ie jira naga iima, ie ai úamona, ie moo ei diga fiénocaillano, oni dáanomo íitiaillinoi.

<sup>8</sup> Daí ie ai onónamona afe íaillinoi daa come izóidena jáitiaillinoi.” Ja mena cómeñediaillinoi, dama daa cómedeza.

<sup>9</sup> Ie jira Juziñamui dáanomo jónegaiillinoi, comini oni dotánide, —dinori Jesús daide.

<sup>10</sup> Ja jofomo Jesús naa ie llófuegamaciri dúcinamo, ie llófuegamaci aféfuena Jesumo meine abido jícanotiaioi.

<sup>11</sup> Jesús íaioina daide:

—Afe ai oni dotádimie jíáie ai óllena, dotaca ringo dibénemo afémie jiruifue finode.

<sup>12</sup> Daje izói ini oni dotádingo jíáimiemo iníreillena, afengo jiruifue finode.

*Jesús úruiai ñue íllena finode*

*(Mt 19.13-15; Lc 18.15-17)*

<sup>13</sup> Ie mei Jesumo úruiai atídíaiói, íaióimo ie onói bitállena. Mei íadi llófuegamaci atídínona rairuide, íaiói átíñeillena.

<sup>14</sup> Jesús áfena cióillano ráicaide; jira íaióina daide:

—Rairuíñeno iri. Fáinocai úruiai cuemo billez. Íaióina llótaidoñeno iri. Juzíñamui jaináidino ua afe bie úruiai izói itíaióiza.

<sup>15</sup> Uáfueña ómoína daidícue, Juzíñamui illáimana íllana jíeruiredícai. Uruiai áfena jíeruilla izói jíeruiredícai. Mei íadi nana afe izói jíeruinedínona Juzíñamui ie caimare illínomo jofo óreñeite.

<sup>16</sup> Iemo úruiaína llirínuano, ie onói íaióimo bítano íaióina ñue finode.

*Ráarede jitócome Jesús diga úrizabite*

*(Mt 19.16-30; Lc 18.18-30)*

<sup>17</sup> Jesús meine abido jáizaidemo, dáamie aizícana Jesús anamo dújuzabite. Dújuillano jicánote:

—Ñue Llófueráima, ¿nie izói íitícue zíñona cue illino cue óllena? —daide.

<sup>18</sup> Jira Jesús daide:

—¿Nibái mei cuena figomie daidío? Ímamona buna figomíena íñede. Dama Juzíñamui figomie.

<sup>19</sup> Ocuícafuiaina onódío:

“Jiáima ai diga íñeno iri;

come fañeno iri;

meríriñeno iri;

bumo taino lloñeno iri;

jíáima jífueñeno iri;

o moo, o ei diga ñue cacáreiri,” —Jesús daide.

<sup>20</sup> Afémie uai ote:

—Llófueráima, nana aféfuiaína cue jitócomenamona jeire ófiredícue.

<sup>21</sup> Jesús afémiemo éroicaillano íena izíruite; daide:

—O dafue nai jeire oñédío. Mai nana omo ite raa fécajiri. Fécajano afe íba dúeredímacímo ine. Iemona jamánomo jirírdolle izoide raa monamo omo ite. Daí o finolle mei, cuedo bii. Mei cuedo o bíllamona o tíadi, áfena náfueñeno benó biri. Coco jai, —daide.

<sup>22</sup> Mei íadi áfena cacáillano, afe íima zúucaide. Ua zuure oni jaide, aillo ie ráaniai illa jira.

<sup>23</sup> Ie mei Jesús abido comínimo éroicaillano, ie llófuegamacina daide:

—¡Níí féirena ráaredímie Juzíñamui illáimana illáruimo jofo jáillena! —daide.

<sup>24</sup> Jira llófuegamaci aféuairi iere fáigacaidíaiói. Jesús meine nane daide:

—¡Uruiai, níí féirena úcubena ínotino Juzíñamui illáimana illáruimo jofo jáillena!

<sup>25</sup> Camello eedo uífodo jailla jamánomo juánide, mei íadi ráaredímie Juzíñamui illáimana illáruimo jailla iere juárede, —daide.

<sup>26</sup> Afena cacáillano, jacínaifcaidíaiói. Dani conímamo jicánotíaiói:

—¿Mei bu jíllóille? —daidíaiói.

<sup>27</sup> Jesús íaióimo eróillano daide:

—Afena comínimo finónide; mei íadi Juzíñamuimo finórede. Juzíñamuimo finónide raana ñede, —daide.

<sup>28</sup> Jira Pedro íena daide:

—Ocuíraima, nana caimo ite raana fiénocaidicaí o diga cai jáillena, —daide.

<sup>29-30</sup> Jira Jesús uai ote:

—Uáfueña ómoína dáitícue, naga come cue ícoínia íemo cue lloga jíllonafue ícoínia diga, ie jofo, ie ámatíai, ie mirínguai, ie moo, ie ei, ie jitótíai, ie jacáfaíai dieze afémie fiénocaiadi, uáfueña meine llínoite. Ja bie éniemo cien dígacaiño afe baimo jofue, ámatíai, mirínguai, éitíai, jitótíai, jacáfaíai llínoite. Uafue, dieze llínoite duere zefuíllafue diga íadi. Ie mei monamo zíñona illíno llínoite.

<sup>31</sup> Aillo biruíllaido nánoraímaci uire ódaídímacina jáitíai. Daje izóí aillo biruíllaido ódaídímaci uire nánoraímacina jáitíai, —daide.

### *Dáanomo Jesús ie tíllifue llote*

*(Mt 20.17-19; Lc 18.31-34)*

<sup>32</sup> Ja Jerusalén iodo jáizaidíai. Jesús ie llófuegamaci uícodo jaide. Comeci iere facábicaídíai. Jáíe íedo jáidíno jacíruioicana afémiedo jáidíai. Jira Jesús doce diga llófuegamaci eneno uáidote. Ianori íllamona íemo finóllifueña abido íaióimo llote.

<sup>33</sup> Daide:

—Mai omoí cacai. Nanoide íima Jitódícueza. Jerusalemo jáizaidícaí. Mei íadi dínomo lletáriráini illáíniaimo izájillicue. Daje llezica ocuica uai llófueráinimo izájillicue. Iemo afémaci cue titállena ócuitíai. Onínemacimo cuena izájitíai.

<sup>34</sup> Cueri jífánodoítíai. Cuena tícoítíai. Cue túallaitíai. Cue títaítíai. Mei íadi daruíamáni íllamona tíllanomona meine abido cáadímiena ítícue, —daide.

### *Santiago Juan diga uire uícoínafue Jesumo jícadíai llínoí*

*(Mt 20.20-28)*

<sup>35</sup> Afe mei Zebedeo jíto íaillínoí Santiago Juan diga, Jesumo jícajídíai llínoí; daídíai llínoí:

—Llófueráima, coco jícalles jítaigafueña cócomo lloiri, —daídíai llínoí.

<sup>36</sup> Iemona Jesús íaillínoína daide:

—¿Mínica mei ómícoímo cue finóllena jítaídíomícoí? —daide.

<sup>37</sup> Iemo íena daídíai llínoí:

—Uire o ebírede illáimana illíruido, cócomona dáamie o nabézimo, jíáímie o jarífezimo cócona o ráinatari, —daídíai llínoí.

<sup>38</sup> Iemona Jesús íaillínoína daide:

—Dai jícadíomícoí íadi abína onóñediómícoí. Cue duere zefuíllifue izóí, ua erírede jírolle jírua izóí, ¿zéfúredíomícoí? Daje izóí cue izire tízai llifue izóí, ¿tízai redíomícoí? —daide.

<sup>39</sup> Iemo uai otíai llínoí:

—¡Ie mei! Afena ocuédícoí, —daídíai llínoí.

Jira Jesús íaillínoína daide:

—Uáfueña dáitícue, cue duere zefuíllifue izóí, duere zéfúitíomícoí. Cue izire tílle izóí, tíitíomícoí.

<sup>40</sup> Mei íadi cue nabéfenemo, cue jarífenemo ómícoí ráinallena, cúemona llónide. Afe ráinallíno dama Juzíñamui maméinamacimo dúide, —daide.

<sup>41</sup> Jáíe diez diga llófuegamaci afefue cacáillano, Santiago Juan dígamo ícítíai.

<sup>42</sup> Iemo Jesús íaínoína jíirillano, íaínoína daide:

—Onódiomoi za, náiraiaimo illáimaifiredino riire ocuúidillaini dani jáidiaioi, comínina náamatallena. Aféllaini cígiri ite ríimaci, íaioi ríinona izire comínimo cácatatiaioi.

<sup>43</sup> Mei íadi omoi cígiri afe daí íñeitiomoi. Mei jiáifodo omoi dibénemo illáimana íacadimie, omoi canófiredimiena jáirede.

<sup>44</sup> Daje izói ómoimona ocuúacadimiena íacadimie, nana jiáimaci anamo íaioi táijitagamiena írede.

<sup>45</sup> Mei jii, Juzíñamui oreca Nanoide íima Jitódicueza. Mei íadi jiáimaci cuena canóllena biñédicue. Mei jiáifodo nana comínina cánuaibiticue. Uafue áillomaci íaioi fiénidifuemona zuitalle izói, íaioina cue jíllotallena tízaibiticue, —dinori Jesús llote.

*Jesús uínidimie Bartimeo jíllotate*  
(Mt 20.29-34; Lc 18.35-43)

<sup>46</sup> Jae Jericomo dúcidiaioi. Afe jófuemona Jesús jino jáidemo ie llófuegamaci díga, naa aillo comíniri, uínidimie io fuemo ráide. Afémie Timeo jitó, Bartimeo. Dino afémie úcube jicáfirede.

<sup>47</sup> Nazaret ímie Jesús ánozillano fidíillano, uínidimie jíriioicaide:  
—¡Jesús, jaiai illaíma David Jitó, cuemo dúecai! —daide.

<sup>48</sup> Aillo comíní íena rairuúidiaioi ie líicaillena; íadi jaca nai jamánomo jíriioide:  
—¡David Jitó, cuemo dúecai! —daide.

<sup>49</sup> Ie jira Jesús uái náidaillano daide:  
—Afémie uaido, —daide.

Jira uínidimie uáiduano íena daídíaioi:  
—Abi mame. Náidacai. O uáidoteza, —daídíaioi.

<sup>50</sup> Jira ie emódodiroi duíñuano iere raire náidacaillano Jesumo bite.

<sup>51</sup> Jira Jesús íemo jicánote:  
—¿Mínica omo cue finóllena jitáidio? —daide.

Jira uínidimie uai ote:  
—Llófueraíma, cue úreacadicue, cue eróillena, —daide.

<sup>52</sup> Jesús íena daide:  
—Mai o jairi. O ínuamona jae jíllodioza, —daide.  
Afe llezica uínidimie cide. Iemona Jesús jáillado afémie jaide.

## 11

*Jesús illáimana Jerusalemo jofo jaide*  
(Mt 21.1-11; Lc 19.28-40; Jn 12.12-19)

<sup>1</sup> Jerusalemo ánozillamona, Jesús mena llófuega íaillinoi uícomo orede. Jae Betfagé jofue, íemo jiái Betania jofue díga áinomo itíaioi. Dáanori Olivo dáina ídumo itíaioi. Íaillinoi óriano daide:

<sup>2</sup> —Uícomo ite duera jófue mo ómicoi jai. Omicoi dúcille llezica cuinaca duera búrrona cíoitíomicoi. Nai áfedo buna ráiñena. Zúitajano cuemo ati.

<sup>3</sup> Bu ómicoímo jicánoiadi ¿nibái ómicoi zuitaca? Íena dáitio: “Ocuúraíma Jesús jitailla jira. Ie mei raire meine omo atille,” —daide.

<sup>4</sup> Afe íaillinoi jaillano jino naze fue iori cuinaca búrrona baizájidiaillinoi. Afe zuitádiaillinoi.

<sup>5</sup> Dáamie dino itínomona íaillinoina daide:  
—¿Mínica ñetiomicoi? ¿Nibái burro zuitádiomicoi? —daide.

<sup>6</sup> Jira uai otíaillinoi Jesús íaillinoina dáina izói. Ie jira:  
—Jii, mai ui, —daídíaioi.

7 Iemona búrrona Jesumo izájidiaillinoi. Izájillano íaiói inícuirona burro emodo jobédiaioi. Ie mei dinomo Jesús caifo ráinade.

8 Aillo comini íaiói iniroi iomo jobédiaioi. Jiáimaci íbiairede amena rábaillai otá iomo jóonetiaioi.

9 Uícoidimaci ódaidimaci diga jíirioicaidiaioi:

—¡Ebírede! ¡Juzíñamui mámecido bitímie caimáreficairi!

10 ¡Como íacade illáimana illino caimare comuiri! ¡Ua cai jaiáigima comuídimie David illáimana illino ñue móonairi! ¡Juzíñamui ebírede rafue daíri! —daidíaioi.

11 Ja daí Jesús Jerusalemo jofo jaide. Jaillano Juzíñamuimo gairíracomo jaide. Nágafenemo eróirioicaillano jino Betániamo jaide, naa ie doce diga llófuegamaciri, mei ja nauídeza.

*Jesús llizíñede higuera daina amena faidode  
(Mt 21.18-19)*

12 Afe jiáiruido Betániamona jino abido billano, Jesús jufíruite.

13 Macádiaoimo ñue íbiairede higuera aménana Jesús jicana ciode. Iemona dinomo jaide afénamona nibai ie llizíllajiaina óllena. Mei íadi Jesús dúcillano, hígojiaina baiñede. Afe amena táinona fia íbiairede, mei aféruimo hígonino nai dúciñedeza.

14 Iemo Jesús afe aménana fáiduanos daide:

—Jaca benómona buna bie amena llizíñenamona ie llizíllajiaina ríeñeiteza, —daide.

Daí ie dáinana ie llófuegamaci cacádiaioi.

*Juzíñamui gairíracomo Jesús duano ñue finode  
(Mt 21.12-17; Lc 19.45-48; Jn 2.13-22)*

15 Ie mei Jerusalemo meine dúcidiaioi. Juzíñamui gairíracomo Jesús jofo jaillánona, dinomo ráaie fecádino íbárioidino diga jino júuaide. Ucube méidoraini ibani Jesús caitade, fíicirillai fecádino ráiraniai diga.

16 Afe gairíracomo buna minícana úiñellena afémie rairuide.

17 Iaiói llófuete:

—Juzíñamui Cuegáuai daide: “Cue jofo ua nana náiraímo Juzíñamuimo úrille illácona mameide,” mei íadi meríritino illano jae afénona finódiomoi, —daide.

18 Lletáiraini illaini, ocuícáfue llófueraini diga afe ie finócafueña fidídiaioi. Iemona afémie fállena jenódiaioi. Iena jacíruitiaioi, afémie llófueinafueri nana nairai iere fáigacaideza.

19 Ja nauízaidemo Jesús afe jófueмона jino jaide, naa ie llófuegamaciri.

*Nauí ciona higuera amena jae zaférede duíraína jaide  
(Mt 21.20-22)*

20 Afe jiáiruido, jítramo meine abido Jerusalemo íaiói billano, nauí ciona higúerana abido ciódiaioi, mei íadi birui afe amena nana ie jáinauairi zaférede duíraína ja jaide.

21 Iemo Pedro comeci uíbicaillano, Jesuna daide:

—¡Llófueraima, erói! O faidoca higúerana ja duíraína zaféreficaide, —daide.

22 Jesús íaioimo uai ote:

—Juzíñamuimo mai omoi ínofireiri.

23 Uáfueña ómoína dáitícue, dáamie jizíñeno nana ie comécido ínuamona, bie caifóneduna ocuícana daíadi, “Benómona oni ii; jóraímo dotábicairi,” afe ie dáinana ua zúite; afémie jeire ua llezica, afefue daí afémiemo íficaite.



<sup>24</sup> Ie jira ómoína dáitícue, Juzíñamuimo omoi úrillano jicaca raa, ja nibai o llínoga, áfena mai o ínofireiri. Iemona afe jicaca raa ótíomoi.

<sup>25</sup> Nágaruido Juzíñamuimo o úriadi, jíáimiena o éoiadi, mai íemo o comécimo ite íaifue féitari. Daí o finori, monamo ite omoi Moo Juzíñamui ómoimo ite íaifuiái dólleña.

<sup>26</sup> Iadi o abí ímie iba omoi óiadi, monamo ite omoi Moo Juzíñamui, ómoimo ite íaifuiaina dóñeite.

*Jesumo ocuille uai ite*  
(Mt 21.23-27; Lc 20.1-8)

<sup>27</sup> Iemo Jerusalemo abido bitíaiói. Jesús gairíracomo maca llezica, lletáriraini illaini íemo ánozidiaíói. Afe llezica ocuica uai llófuetino afémiemo gairídiaíói, éicomini díga.

<sup>28</sup> Nana íemo jicánotiaíói:

—¿Bífuiai fínuana, bu o ocuilla? ¿Bu ríinodo bie raa finódio? —daí daidíaíói.

<sup>29</sup> Jesús íaiói uai ote:

—Omoimo daa rafue jicánoitícue. Cuemo uafue omoi llóyadi, bífuiai cue finoca ríino ómoimo llóitícue.

<sup>30</sup> ¿Bu mei ocuica báutizallena Juan? ¿Juzíñamui nibai ocuica, nibai comini? Mai fáirio, —daide Jesús.

<sup>31</sup> Ie mei afémaci dani júfidotiaíói; daidíaíói:

—Juzíñamui ocuica cai daííadi, Jesús caina fairíoite: “Iemona ¿nibái mei íemo ínoñediomoi?”

<sup>32</sup> Mei íadi comini ocuica, daínidicai, —daidíaíói.

Comínina jacíruillano daí úritiaíói. Ja onódiaíoiza, nana comini Juamo ñue coméidiaíói: “Ua Juzíñamui uaido Juan úrite,” daidíaíói.

<sup>33</sup> Iemona Jesuna daidíaíói:

—Onóñedicaí, —daidíaíói.

Ie mei Jesús íaíoína daide:

—Ñie ríinodo bie raa finódicue, daje izói ómoimo llóñeiticue, —daide.

## 12

*Comini fáfirede tájidino jíáifuena caina onótate*  
(Mt 21.33-46; Lc 20.9-19)

<sup>1</sup> Iemona Jesús íaiói onóigafuiaido íaíoimo úrizaide; íaíoína daide:

—Nauí dáamie jíriconai izoide raa rizájide. (Afe jíricue izoide raa ríinano viñédona mameina.) Afémie afe rillano ie abí cirínora finode. Ie mei afe jíricona eroide úvaíai zaíziraco finode, afe llizilla iji íaiói óllena. Nane are caifo jacafai cigi úiñoraco afémie nite, afe rigano ñue úiñollena.

‘Ie mei afe énie naama dáarie tájítaganomo ie rigano fecade, áfena íaiói úiñollena. Afémie daí fécano oni jica jíáie éniemo jaide.

<sup>2</sup> Jíriconino llezica, ritímie ie ocuícamié afe tájítagamacimo orede, íeiena mameide llizillajiai díeze óllena.

<sup>3</sup> Mei íadi afe uáibitimiéna llaitádiaíói; lláitano íaiói faga. Daí ñeta ria íemo fecáñeno oni íena orédiaíói.

<sup>4</sup> Ie jira afe naama nane jíáie ocuícamié orede. Mei íadi afe orécamiéna nófiedo níjdiaíói. Níjiano ie ifona íaiói bofeca. Iemo fieni íena úritiaíói.

<sup>5</sup> Daje izói nane jíáimie orede. Afémie íaiói titaca tíide. Afe mei díga icaiño aillo jíáie ocuícamiái dínomo oréoide. Afe orécamacimona dámierie fia faga; jíáimaci tícoizitiaíói.

6 ‘Nai dáamie naama dibénemo ite. Daa afe naama jitona fiébite; iere ie izíruigamie. Iiraicaiño ie jító orede. Comeci facade: “Afémaci ñue íemo comécillano íena ñue ínoitiaioi; ie daina uaina jeire óitiaioi,” daide.

7 Mei íadi táijitagano dani afémaci úritiaioi: “Bímie nibai ie moo feci raa máiñoitimie. Mai ie cai faa, ie mei cai náamatallena.”

8 Ie jira íaioi llaitaca; íaioi titaca tíide. Ie mei ie abi raiñoeno afénomona oni dotaca.

9 Ie mei Jesús jicánote:

—¿Ñie izói bie énie naama afe fiénidinona fínoite? Billano afe táijitaganona títaite. Ie mei afe jírícóre izóidino jíáie úíñoraimacimo fécaite.

10 ‘¿Jaiái Cuegáuaina nai facadóñediomoi? Afe uai bie izói daide:

Jofo níraíni oni fádoica nófie, ja ñuera jíailliraina jaide.

11 Bie cai Ocuíraíma finoca.

Iere jamánomo ebire caimo cíoide.

Dinori Jesús úrite.

12 Iemona Jesuna llaitáacadiaioi, llavéllena. Mei ja onódiaioiza, Jesús bie onógafuedo íaioina uáitate. Mei íadi comínina jacíruillano, Jesús jetáñoeno íena fiédiaioi. Fíiano oni jíáinomo jáidiaioi.

### *Gobierno íbátaga úcube cai íbállena Jesús llote*

*(Mt 22.15-22; Lc 20.20-26)*

13 Afe mei fariseo illáicomíni afémacimona dáarie Jesumo orédiaioi. Daje izói Heródemo jaináidinomona orédiaioi, Jesuna úritallena, afe ie uaido taino íeri nitállena.

14 Bimaci billano íena daidíaioi:

—Llófueraíma, onódicaiza jíáimaci ie lloga uai ínoñoeno, o jaca uáfueña úrifiredio. Comíni jínofene ciona izói riire jicánoñedio. Mei jíáfodo Juzíñamui lloga cai ñue illafue jífueñoeno jino llófuetio. ¿Mei iere riiredillaíma ocuica úcube íemo fecáredicaí, nibai fecánidicaí? ¿Afe cai fecállifue figora, nibai figóñede? —daidíaioi.

15 Mei íadi Jesús íaioi uáfodo úriñenafueña onode. Ie jira íaioina daide:

—¿Níbái mei cue jánari táinona úritiomoi, cue llaitállena? Daa úcubetuni cuemo atí, cue eróillena, —daide.

16 Afétuni atidiaioi. Afe eróillano Jesús íaioimo jicánote:

—Bie uíeco jana, ¿bu ie? Benomo cuega mámecei ¿bu ie? —daide.

Afémaci fairíotiaioi:

—Riiredillaíma ie, —daidíaioi.

17 Iemo Jesús íaioina daide:

—Ríillaíma ie raa íemo abido ine. Daje izói Juzíñamui ie raa íemo abido ine, —daide.

Afémacina ie dáinari iere comecei jíáfoficaidiaioi.

### *Tíidino meine abido cáadena íllena jicánotiaioi*

*(Mt 22.23-33; Lc 20.27-40)*

18 Ie mei saduceo imaci dáarie Jesumo úrizaidiaioi. Bimaci tíidino meine abido cáallena lloñédiaioi. Ie jira bie taino lloga rafue Jesumo jicánotiaioi. Nai jícanoñenia fueñe daidíaioi:

19 —Llófueraíma, Moisés jaiáimona caimo cuegáuai daide: Daa íima áiredimie ie úrue nai íñena llezica tíiadi, ie ama afe ofaiño óite. Aféngomona daa jító comuírede ie ama tíidimie íena. Daí daina mei jícanotiaioi:

20 ‘Mei nauí siete dígade ámatiaí cai cígímo ite. Nanóidimie áirede. Afémie jítonino tíide.

21 Nanóidimie emodo ímie ie ama fecingo ote. Daje izói jitónino tíide. Daje izói nanóidiaillinoi emodo ímie afe fecingo uano jitónino tíide.

22 Nana afe siete dígamiai nanóidimie fecingo otíaioi. Afémacimona daa jitona comuíñede. Afe ícoimo afe fecingo tíide.

23 Ie jira meine abido cáailiriuimo ¿bumo afengo dúide? Mei siete dígamie daango otíaioiza, —daídíaioi.

24 Mei jira Jesús fairíote:

—Omoi onóñeno fieni comeci facádotiomoi, mei Juzíñamui Cuegáuaina onóñediomoiza. Daje izói ie ríinona onóñediomoiza.

25 Mei tíidino meine abido cáaille llezica aina óñeitíaoi. Afe izói íaioi jízaníaina iníretatañeitíaoi, mei monamo ite Juzíñamui abi imáciai izóitíaoiza.

26 Mei íadi tíidino meine abido cáailífue dibénedo llogáfueña ¿nai facádoñediomoí? Afefue Moisés cuegánicomo ite. Aféruimo Juzíñamui Moise moode raroci cígido úrite. Bie izói íena daide: “Dáanomo Abraham íinoga Juzíñamuidicue, Isaac, Jacob díga, mei birui afémaci cue illánomo cue díga cáadiaoiza,” daí Juzíñamui daide.

27 Iemo Jesús nai daífoide: Mei ua íñédino Juzíñamuiñedeza; mei íadi jíáfodo cáadimaci ie Juzíñamui. Daí bífueña omoi baitáñenia iere féiraitiomoi, —Jesús ja dínomo daide.

*Iere jamánomo íñorede caimo ocuica uai*

*(Mt 22.34-40)*

28 Afe dáaruído ocuica uai llófuerainimona dáamie Jesumo dúcide. Jesumo gairídino nana Jesús díga úrilla uaina afémie cacade. Daje izói Jesús ñue íaioi uaina fairíuana afémie cacade. Afe uai fairíuana fidíillano Jesumo jícánote:

—Nana ocuica uáimona, ¿nie iere jamánomo íñorena? —daide.

29 Jesús ie uai ote:

—Nana ocuica uáimona bie iere íñorede nánora uai: “Israel, mai omoi cácarei. Cai Ocuíraíma Juzíñamui jaca daade.

30 Mei jira nana o comécido o Ocuíraíma Juzíñamuina izírui. Daje izói o comécimo ite joreño díga izírui. Daje izói nana o ífo úrilla uaido íena izírui. Daje izói nana omo ite ríinodo íena izírui.” Be ñie nánora ocuica uai.

31 Afe méifoide ocuica uai daje izói jóide. Afe uai daide: “Dama o abi o izíruilla izói, afe izói o aino ímiena mai izírui.” Jíáie ocuica uai izoide bie baímo íñede, —daide.

32 Iemona Ocuica uai llófueráima daide:

—¡Ie mei! Llófueráima, ñue daídío. O dáina uafue. Uáfueña Juzíñamui daade. Afémie baímo jíáimiena íñede.

33 Daje izói afémiena nana cai comécido izíruillena ñuera. Ie llezica nana cai ífoci úrilla uaido íena izíruillena ñuera. Ie llezica nana cai comécimo itífuiaido íena izíruilla ñuera. Ie llezica nana caimo ite ríinodo íena izíruillena ñuera. Daje izói cai abi ímiena daní cai abi izíruilla izói, afe izói íena izíruilla jítaírede. Bie izói cai izíruilla, aillo ráífide. Ua, nana fatá Juzíñamuimo fia fecaca rílleníai baímo ráífide, nana Juzíñamui íóbitallena jobaíca rílleníai díga, —daide.

34 Iemona baitádimie izói afémie ie fairíua uaina cacáillano, Jesús íena daide:

—Juzíñamuimo dúillena ímiena íanori itío, —daide.

Afe mei jacíruillano buna jíáfueña Jesumo jícánoñediaioi.

*¿Bu jíto Cristo? Jesús dama jícánote*

*(Mt 22.41-46; Lc 20.41-44)*

<sup>35</sup> Jesús gairíracomo llófullofuena llezica, comínimo jicánote:  
 —Onódiomoiza ocuica uai llófueraini “Cristo David jitó” daiífrediaioi. ¿Nie izói daiírede?

<sup>36</sup> Mei dama David Juzíñamui Joréñodo úrite; daide:  
 —Monamo ite cai Moo Juzíñamui cue Ocuíraimana daide: “Cue nabézimo rainai, o éoigamacina cue anáfenolliruimo,” daií David daide.

<sup>37</sup> David Crístona “cue Ocuíraima” daiíadi, ¿nie izói afe llezica Cristo ie jítóna írede? —daide Jesús. (David emodo imácimona Cristo cómuide.)

Aféruido aillo comini, caimare Jesús úrilla cacáreizaibitiaioi.

*Ocuica uai llófueraini fieni illafue Jesús jino comínimo llote*

*(Mt 23.1-36; Lc 11.37-54; 20.45-47)*

<sup>38</sup> Jesús llófullofuena llezica íaioina daide:

—Ocuica uai llófuerainimona abí omoi rairuiri. Afémaci árera ñuera inícuiro jítano comini uiécómo mácafirenana gáidiaioi. Afe llezica íaioi anamo comini fecáracuaimo ñue jacíruiocana íaioi uáiduana gáidiaioi. (Daje izói comini íaioi daínauai jiéruillena gáidiaioi.)

<sup>39</sup> Afémaci Juzíñamui uai llófueracomo ite ñuera ráiiranona raire jiáimaci uiécodo jenófrediaioi. Afe izói comini iráiziracomo iráiziadi, afémaci iere ñuera ráiirano uiécodo maiñófrediaioi.

<sup>40</sup> Afémaci fecínguai jofue naa íaioi raari bairófrediaioi; mei íadi comínimo jiáifodo afémiai cíuillena, are Juzíñamuimo úrioidiaioi, comini éoilla llezica. Afémaci iere jamánomo duere finócamacina jáitiaioi, —daide Jesús.

*Dúerede fecíngo fecaca úcube jamánomo ñuera*

*(Lc 21.1-4)*

<sup>41</sup> Iemo Jesús Juzíñamuimo gairíracomo ráicana eroide. Ucube dotáranu uiécómo ráiide. Comini afénomo úcube dótajillamo eroide. Iere ráaredino aillo úcubena dotádiaioi.

<sup>42</sup> Bie llezica fecíngo dúeredíngo mena úcubetuni dótaibite. Bituni íaínguai ‘cobre’ ie; iere due ráifide centavo izoide.

<sup>43</sup> Ie mei Jesús ie llófuegamaci jíirillano íaioina daide:

—Uáfueña ómoimo lloticue. Bie dúerede fecíngo úcube jóoneracojimo dotaca úcube, iere jamánomo jiáimaci afénomo dotaca úcube baímo jaide.

<sup>44</sup> Nana jiáimaci úcube fiébide államona dotádiaioi, mei íadi afengo duéredíngo íadi, nana aféngomo ite úcube ie iga. Afengo güille óllena úcubena nana afengo ja dotaca, —Jesús daide.

## 13

*Gairíracu uire júdaillena Jesús ie llófuegamacimo llote*

*(Mt 24.1-2; Lc 21.5-6)*

<sup>1</sup> Jesús gairíracomona jino billa llezica, ie llófuegamacimona dáamie íena daide:

—Llófueraima, ¡bie iere ñuera nófiemo eroi! ¡Daje izói bie jofo áilluemo eroi! —daide.

<sup>2</sup> Iemo Jesús uai ote:

—Mai bie áillue jófuemo ñue omoi eroi. Benomo daje emódomo nófienna fiebiñeite. Nana oni júdaille, —daide.

*Iirairui úcodo útifuiái*

*(Mt 24.3-28; Lc 21.7-24; 17.22-24)*

<sup>3</sup> Afe mei Olívona mameide ídumo jáidiaioi. Gairíracó uieco dibénemo ite. Afénomo Jesús ráidemo, Pedro, Jacobo, Juan, íemo Andrés báinino íena daidiaioi:

<sup>4</sup> —Nana bífuiaí o daína júdaille zuíllaruina onóiacadicaí. Mai caímo llone. Nana bífuiaí fúiacana ¿nie izóí caina onótaite? —daidiaioi.

<sup>5</sup> Jesús uai ote:

—Bu omoi jífueñeíllena, ñue abí omoi rairuiri.

<sup>6</sup> Aillo cue mámecido imaci abí jítano bíitiaioi. “Crístodicue” daínano bíitiaioi. Afémaci aillo comínina jífueitiaioi.

<sup>7</sup> ‘Mei íadi aillo áinori ite fuiríllafuena, íemo jica ite fuiríllafue diga omoi fidíadi, omoi jacínaiñeno iri, mei afe daí íredeza. Mei íadi nai íraíruiñedeza.

<sup>8</sup> Mei aféruimo daa nairai jáí nairaimo fuirízaité. Afe llezica dáazie jáíziemo jobáirizaité. Aféruillaido diga illánomo énie riire dócaite. Dáaruído aillo júbie diga éniáido iite. Be aféfuiaí comíni duere zefuille táinia raa.

<sup>9</sup> ‘Mei jira abí ñue omoi rairuiri, mei riire ocuídímaci gairíllanomo omoi uítiaioiza; Juzíñamui uai llófueriracomo ómoína fáziitiaioi. Cue ícoínia ríillaini uícomo ómoína óreitiaioi, jamánomo riiredillaini diga. Afe daí cue dibénedo íaíomimo úritiomoi.

<sup>10</sup> Mei íraírui nai dúciñena llezica, caí jíllonafue uai nana nairaimo jino llóredeza.

<sup>11</sup> Riiredillainimo omoi oreille llezica, omoi úrillífue mo raíre uícomo comécido facáñeno omoi iri. Daje izóí omoi comécillífue mo raíre uícomo uibíñoñeno iri. Aféruimo Juzíñamui omoi ífomo úrilla izóí, mai omoi daíri, mei daní omoi úriñeitiomoi; omoi comécimona Juzíñamui íe Ñuera Joreño úrite.

<sup>12</sup> Afe llezica dáamie nahí íe ámamo fiénidífue nítano jáímiena íe fatátaite. Daje izóí móotiaí nahí íe jítótiaína fiénidífuedo izájitaitiaioi, íaíoi titállena. Afe íbana íaíoi jítótiaí, nahí íe móotiaímo fiénidífue nítano íaíoi fáite titállena.

<sup>13</sup> Cue ícoínia, nana comíni ómoína éoíllano íere íáíruiitiaioi. Mei íadi íraíruiimo jaícina Juzíñamuimo íere féitañeno ínotímie jíllobicaite.

<sup>14</sup> ‘Jaiái Juzíñamui uai jino llóraíma Daniel daa íere íáíruiiga raa dibénedo cuete. Afe íáíruiitaite raa nabene jofue júdaítaite. Afe fiénidífue na oruide raa Juzíñamuimo gairíracomo ite jeruícacomo jóonia llezica, Judea éniemo itino, árrera íduaimo botárediaioi. (Bibe facádimie mai ñue onoiri.)

<sup>15</sup> Aféruimo o jofo jinófene ídamo omoi íadi, jofo eromo ite ráaniaína omoi uájiñeno iri; raíre botari.

<sup>16</sup> Jacáfaimo tájídímie abído jofomo biñeno iri, íe ínícuiruai óllena.

<sup>17</sup> Aféruimo ite ringóniaí namóciredino íere duere zéfuitiaioi, aizinidiaioiza. Daje izóí monoi jirode duera úrue llíidíngotiaí duere zéfuitiaioi.

<sup>18</sup> Íe jira Juzíñamuimo omoi jícarí, “Nóci illáruillaído caina botátañeno iri.”

<sup>19</sup> Bie izóí duere zefuíllaruina jaca jaiái ífinide. Ua, Juzíñamui bíníe fínuamona benomo afe izóidena íñede. Aféruillaí méífomo afe izóí íñeite.

<sup>20</sup> Juzíñamui afe zúuredíruí are jóoneadí buna jíllóñeille. Mei íadi afémie nízécanona izíruíllano íanori afe zúuredíruína afémie jóoneite. Are íñeite.

<sup>21</sup> ‘Iemona aféruimo dámie ómoína daíadi: “¡Erocaí, benomo ite Cristo!” áemo íñoñeno iri. Daje izóí jáímie daíadi: “Eroi, batínomo ite Cristo,” áfena íñoñeno iri.

<sup>22</sup> Mei uafue, aféruído aillo jífueritino bíitiaioi. “Crístodicue” dáitiaioi. Daje izóí “Juzíñamui dibénedo úriticaí” daínano comínina jífueitiaioi. Afémaci



ciórainina ráaniai fínoitiaioi, jáie jacíredifúiaí díga, comini jífuellena. Uafue, daje izói dama Juzíñamui nizécanona jífueacadiaioi, afémaci daí jífuetareniadi.

<sup>23</sup> Mei íadi mai ñue omoi comeci facáoiri; mei nana bífuiaína jae uícodo ómoimo llotícueza.

*Monámona bite Nanoide Ima Jitó, Cristo meine bíllena Jesús llote*  
(Mt 24.29-35, 42-44; Lc 21.25-36)

<sup>24</sup> ‘Te mei aféruillaído, zúurediruillaí méifomo, jitoma duíbicaite. Fíui égaiñoñeite.

<sup>25</sup> Monamo ite úcuai cócítiaioi. Afe llezica mona eromo ite ríino mozídino, mairíñeno jaillano dócaítiaioi.

<sup>26</sup> Iemo nauí monámona bite Nanoide Ima Jitó Cristo meine abído cíocaite. Uíllie cígído biíte; aillo ríino díga. Jamánomo ebírenafuedo biíte.

<sup>27</sup> Afe mei ie abi imácina óreite, nana ie nizécamaci nana mona fuédamona gairítallena. Ua jamánomo jica ite ígobíai imácimona nizécano nana dáanomo atille. Daje izói énie fueda imácimona nizécano nana dáanomo atílliaioi.

Nai ie llófuegamacimo llófuiano, íaioína daíde:

<sup>28</sup> ‘Mai bie higuera amena rafue omoi onoiri. Afe higuera íbiaí fíruilla llezica fimona ánozillana onódiomoiza.

<sup>29</sup> Daje izói nana bie zúurediruillaí zuíllana omoi cíoiadi, íraírui ánozillana onótiomoi. Jae iere íanori ite.

<sup>30</sup> Uáfueña ómoína dáíticue, afe illáruido itino comini nai tíñenia, nana bifue zúite.

<sup>31</sup> Nana mona énie díga fúite, mei íadi cue daína uai jaca ninomo méidonide. Cue llua izói zúite.

<sup>32</sup> ‘Mei íadi afe illíruina buna onóñena. Daje izói Juzíñamui abi imaci onóñediaioi. Ua afe izói Juzíñamui Jitó aféruina onóñede. Dama cai Moo Juzíñamui onoiga.

<sup>33</sup> ‘Te jira, aferui dúcinana onóñediomoiza, mai ñue figo abína omoi onoiri. Afe llezica mai ñue omoi uíñori. Daje izói Juzíñamuimo úrifireiri.

<sup>34</sup> Cue meine billífue dámie jica jailla izoide. Afémie nai jáiñenia íemo táijidínona ie jofo uíñotade. Illa dígamie dáarie táijillena igáiaioi. Iemo naze uíñoraíma jóoniano, íena riire ocuide, jofo uíñollena.

<sup>35</sup> Afe izói mai omoi abi onóicana uíñori, mei jofo naama billírui ónoñegaza. Níbai nauíoilla llezica biíte, níbai dáaferuimo, ónoñega. Níbai atava úrilla llezica, níbai jítiramo afémie biíte; ónoñega.

<sup>36</sup> Mai abi omoi onoiri, afémie raíre bíadi, omoi iníllena ie cíoñeillena.

<sup>37</sup> Omoína cue daína izói nana comínina daídicue:

–Cue bíllemo abi omoi onoiri, –daíde Jesús.

## 14

*Comini Jesús llaitállena maméritiaioi*  
(Mt 26.1-5; Lc 22.1-2; Jn 11.45-53)

<sup>1</sup> Nai ménarui ite pascua ráfueño. Afe rafue llezica afénomo ite comini íaioi pan fáitara jóoneño guífirediaioi, mei aféruillaí fáitañega pan guífírenafue. Lletáriraini illaini ocuícáfue llóraini díga Jesús jífuiado llaitállena jenódiaioi, ie titállena.

<sup>2</sup> Iadi daídíaioi:

–Íráizie ana íena llaitánide; afemo comini ficire júfidoñeilleza, –daídíaioi.

*Ringo zióredijido Jesús ifona jillaide*  
(Mt 26.6-13; Jn 12.1-8)



<sup>3</sup> Jesús Betániamo ite. Simón jofomo ite. Afe Simón chíñaitimiena mameide. Güirácomo íaioi ráina llezica, daa ringo jamánomo ráfide ziórediji Jesumo jilláizaibite. Afe ziórediji duera alabastro daína nofici finoina icítirumo ite. Afe ziórediji mámeçi nardo. Afeji jiáiena fáinega. Afengo afe icítiru llaillano, Jesús ifomo áfeji totade.

<sup>4</sup> Afénomo itínomona dámerie áferi riicaidiaioi. Dani conímana riire daidiaioi:

—¿Nibái mei bie ziórediji táinomo dotade?

<sup>5</sup> Afeji trescientos romano úcubetuni baímo fecárede, duéredimacina canóllena, —daidiaioi. Aféngomo riicaillano íairuitiaioi.

<sup>6</sup> Mei íemo Jesús daide:

—Mai aféngona fáicanocai. ¿Nibái mei aféngona áfedodiomo? Bie cuemo afengo finócafue ñuera.

<sup>7</sup> Mei jii, duéredino jaca omoí cígimo íitiaioi. Omoí jitáidi afémacina canórediomoi. Mei íadi cue omoí cígimo are íñeiticue.

<sup>8</sup> Afengo ñue cuemo finórede raa cuemo finuaibite. Jiáimaci cue raíájiñenia cue abímo zióredijina afengo cuemo jóniaibite.

<sup>9</sup> Uáfueña ómoína dáiticue, náganomo bie éniemo comini jílloille uai jino llóadi, bie ringo cuemo finócafue jino llóitiaioiza, áfemona aféngomo úbicaifireillena.

*Judas Jesús íena éoidimacimo izájide  
(Mt 26.14-16; Lc 22.3-6)*

<sup>10</sup> Ie mei Judas Iscariote lletáriraini illaini dine úrizaide, Jesús afémacimo izájillena. Afe Judas, doce dígamie Jesús llófuega ímie.

<sup>11</sup> Afe illaini Judas dáinana cacáillano, íóbidaioi. Afe jira íena daidiaioi: “Jesús caímo o atíadi, úcubena omo íbaiticai.” Iemona Judas nie izói Jesús íaioímo fecállena jenode.

*Jesús íraifuena güillafue  
(Mt 26.17-29; Lc 22.7-23; Jn 13.21-30; 1 Co 11.23-26)*

<sup>12</sup> Fáitañega pan rafue nanódiruimo oveja jiza fáfirediaioi, pascua ráfueño ríllena. Aféruimo jae dúcide. Aféruído Jesús llófuegamaci íemo jicánotiaioi:

—¿Ninomo pascua rafue uícodo cai finuaillena óiacadio, afénomo pascua ráfueño mameide güille cai güillena? —daidiaioi.

<sup>13</sup> Ie jira ie llófuegamacimona ménaillinoi óriano daide:

—Jófuemo jai. Dinomo jainoi icírudo úitimiena báitíomicoi. Iedo jairi.

<sup>14</sup> Afémie jofo jáillanomo, afeco náamana daíri: “Llófueraíma daide, ¿Ninomo ite cue güillino cue llófuegamaci díga? Dinomo pascua rafue llezica güíticai daide.”

<sup>15</sup> Jira afécona ómicoímo ácatajite, áiloco. Caifóidícomo iite. Ja fuífide. Dinomo cáiena finori, —daide.

<sup>16</sup> Jira llófuega íaillinoi oni jaillano jófuemo dúcidiaillinoi. Dúcillano uícodo Jesús íaillinoína daína izói baizájidiaillinoi. Pascua rafue ja finódiaillinoi.

<sup>17</sup> Nauzáilla llezica, Jesús doce díga ie llófuegamaciri dúcidiaioi.

<sup>18</sup> Güirábanimo güítiaioímo Jesús íaioína daide:

—Uáfueña ómoína dáiticue, daa ómoímona, cue díga güitínomona cuena fécaite, —daide.

<sup>19</sup> Jira afémaci zúucaidiaioi. Afe llezica dáamerie Jesumo jicánotiaioi:

—¿Nibái cue? —daide.

Jiáimie daje izói daide:

—¿Ñibai cue? —daide.

<sup>20</sup> Jira Jesús uai ote:

—Afémie daa ómoimona, bie doce dígamiedemona; ua cue birui diga dáajemona güitímacimona.

<sup>21</sup> Nanoide ñima Jitódicueza Cuegáuai lloga iodo jáidicue; ua cue tíllinomo jáidicue. Mei íadi cue fecádimie, ñii iere dúerena! Afe ñima jócoñegana baimo ñue jaide, íadi jae comuide, —daide.

<sup>22</sup> Güitíaiomio, Jesús pan llínnota daide:

—Iere figura, —daide. Daina mei ditade. Ditada íaiomio fécajano daide:

—Mai omoi güi. Bie cue abi, —daide.

<sup>23</sup> Iemo Jesús jiróracuri llínnote. Afécuri vónona oruítaga. Ie mei:

—Iere figura, —dainano íaiomio ite. Nana afécurimona áfeji jiródiaioi.

<sup>24</sup> Iemo daide:

—Bie cue die; áfedo comue dájemo llínoga uai uáfuenta daiñllena. Aillo nairai jíllollena cue die tóite.

<sup>25</sup> Uáfuenta ómoina daidicue, ja biruímona afe uva rao llizilla iji jíroñeiticue. Ua nágaruillaído Juzíñamui illáimana illirui nai biñena llezica jíroñeiticue. Aféruimo comóicana áfeji nane meine dáanomio jíroiticue, —daide.

*Pedro Jesuna jáanuana Jesús uícodo llote  
(Mt 26.30-35; Lc 22.31-34; Jn 13.36-38)*

<sup>26</sup> Juzíñamui rua íaioi rua mei, jino Olivo dainádumo jáidiaioi.

<sup>27</sup> Iemo Jesús daide:

—Bie naio, iomo come éicitaila izói, méaicaillamona nana omoi cuena zóofeitiomoi. Cuegáuai daide: “Ovejai úñoraimana fáiticue; fállemona ovejai oni ráijicaitiaioi.”

<sup>28</sup> Mei íadi cáadimiena meine abido cue ille méifodo, omoi uiécomo Galiléamo jáiticue, —daide.

<sup>29</sup> Jira Pedro daide:

—Nana ona fáicanocaitiaioimio, jaca o fáicanocaiñeiticue, —daide.

<sup>30</sup> Iemo Jesús uai ote:

—Uáfuenta dáiticue, bie naio atava ménacaiño nai úriñeniadi dacaiñoámani cuena jáanoitio, —daide.

<sup>31</sup> Mei íadi afémie iere afe íeñede úricana daide:

—O diga cue tíllena jitáiadí, nai ona jáanoñeiticue, —daide.

Nana daje izói daidíaioi.

*Jesús Getsemanimo Juzíñamuimo úrizaide  
(Mt 26.36-46; Lc 22.39-46)*

<sup>32</sup> Iemo güirácomona jino billano Getsemaní ibírismo dúcidiaioi. Dinomio Jesús ie llófuegamacina daide:

—Bai bené Juzíñamuimo cue úrizaila llezica, benó omoi ráiri, —daide.

<sup>33</sup> Iemo Pedro, Santiago, Juan diga uite. Jesús ja zuure cácaide; afémie aillo jaci cácade.

<sup>34</sup> Jira daide:

—Cue joreño iere zúureficaide; afe zuufue tílla izói cue orede. Benó omoi fiebi. Abí omoi onoiri, —daide.

<sup>35</sup> Iemo Jesús jabo baife jaide. Dinomio éniemo bíjicaillano Juzíñamuimo jicade:

—Nana bie cuemo jíriacade raa cúemona oni o oréreadí, mai oni oreri, —daide.

<sup>36</sup> Nai Juzíñamuimo úrioicana daide:

—Cue Moo, ómona nana finórede. Bie iere zuure facállinomona cue zuitari. Mei íadi cue oíacana izóí finóñeno iri, mei jíáfodo o oíacana izóí finori, —daide.

<sup>37</sup> Iemo daámani llófuegamaci diné jaide. Inídiaioimo dúcide. Pédrona daide:

—Simón, ¿ja o inídio? ¿Jaca due jiza abí onóoicana uíñonidio?

<sup>38</sup> Abí omoi uíñori. Juzíñamuimo úriri, fiénidifue mo omoi báíñeillena. Uáfueña o joreño iere jíerede, mei íadi o abí náinide, —daide.

<sup>39</sup> Iemona dáanomo nane, Juzíñamuimo úrizaide. Daje uáillaina daide.

<sup>40</sup> Ie mei nane bítemo, ie llófuegamaci meine dáanomo inídiaioi. Daí afémaci íniamo, Jesús íaioina cíozabite, mei íaioi uíjínie ibáicaza. Íaioi uai ollino íñede.

<sup>41</sup> Ja dacaiñoámani Juzíñamuimo úrillano bite. Billano íaioina daide:

—¿Mei nai birui inídiomoi? ¿Nai ocózinaidiomoi? Jae mai. Nanoide íma Jitódicueza, mei íadi fiénidimacimo cue itábicaillaruimo ja dúcide.

<sup>42</sup> Náidacai. Mai cai jai. Cue fecádimie ja bite.

### *Jesús llaitádiaoi*

*(Mt 26.47-56; Lc 22.47-53; Jn 18.2-11)*

<sup>43</sup> Ie llezica Jesús nai úritemo Judas dúcizabite. Afémie doce dígadimacimona. Afémieoiri aillo comini bitíaoi. Lloefai bigíniai diga bitíaoi. Lletáriraini illáinimona bitíaoi. Dáarie bie comini ocuícáfue llófueraimona éicomini diga bitíaoi.

<sup>44</sup> Fecádimie Judas bimácimo ónoitara nau lloga. Daide:

—Cue ñitállimie nímieite. Ie llaitari. Ñue maiano, ui, —daide.

<sup>45</sup> Iemo Judas billano, Jesumo ánozillano uáidote:

—¡Llófueraima! ¡Llófueraima!

Daí daiano ñitade.

<sup>46</sup> Iemo Jesús llaitada, maiano, bitino íena uitíaoi.

<sup>47</sup> Afe llezica dinomo itinomona dáamie lloefai otá daa bitímie jefo ñetade. Afe jefona ñetacámie lletáriraini illaíma jaiénici.

<sup>48</sup> Iemo Jesús comínina daide:

—¿Meita meríriraímadicue izóí lloéfaillairi bigíniai diga cuena lláitaíbitiomoi maiano cue uíllena?

<sup>49</sup> Nágarui ómoiri Juzíñamuimo gairíracomo llófuencana iticue; íadi jaca cuena llaitáñediomoi. Mei íadi bifue íficaide Cuegáuallai fuitállena, —daide.

<sup>50</sup> Iemona nana llófuegamaci íena fáicanocaillano botádiaoi.

### *Da Jesudo jáicaide jitócome botade*

<sup>51</sup> Mei íadi da jitócome dama áillue iniroi jitada nai Jesús óodana jáicaide. Ie mei bitino íena llaitádiaoi.

<sup>52</sup> Mei íadi afémie jarire duíñuano aferoi íaioimo fainóicaide. Daí ñeta emuíroma jarire botade.

### *Jesús jicánodoillinomo uiga*

*(Mt 26.57-68; Lc 22.54-55, 63-71; Jn 18.12-14, 19-24)*

<sup>53</sup> Iemo judíuai lletáriraini caifóidillaímamo Jesús uitíaoi. Afe llezica nana lletáriraini illaini, íemo éicomini, íemo ocuica uai llófueraíni diga, dáanomo gairídiaoi.

<sup>54</sup> Pedro, afe jamánomoidillaíma jofo abí ibírímo, óodana jicado jaide. Dinomo llazíriraini diga ráide; irai fue mo agaide abí uzíreillena.

<sup>55</sup> Nana lletáriraini illaini jamánomo ocuídímaci diga Jesumo fiéni íaioi facátallena uai nabáidino jenódiaoi, áfedo íena titállena. Mei íadi áfena baiñédiaoi.

<sup>56</sup> Aillo íemo taino llotíaoi. Iadi íaioi táinofuíai jáicina jóobiñede.

57 Iemo dáarie caifo náidacaillano, afémiemo taino fiénidifue nitádiaioi. Daidíaiioi:

58 —Afémie dáinana cacádicaí: “Bie comini finoca gairíracó júdaiticue, íemo daruíamani íllemona jái gairíracó comini finóñegaco abido níiticue,” daide, — daidíaiioi.

59 Mei íadi nane íaiioi lloga uai nabáillafuiai jáicina jóobiñede.

60 Iemo lletáriraini illaíma íaiioi cígimona jino náidacaillano Jesumo jicánote: —¿O uai óñeitio? ¿Minica bie omo nitádiaioi? —daide.

61 Mei íadi daa uai oñede. Iemona lletáriraini illaíma nane dáanomo jicánote: —¿O Crístodio? ¿Afe cai ñúfueña nitaca Juzíñamui Jitódioza? —daide.

62 Jira Jesús daide:

—Jii, ie mei. Nanoide íima Jitódicue. Uire uáfueña cuena cíoitioioi. Ua rírede Juzíñamui nabézimo dinomo cue ráinaillana cíoitioioi. Aféruillaído mona ero úilliedo cue bíllana cíoitioioi, —daide.

63 Lletáriraini illaíma jamánomo ríicaillano icírillaíma ie iniroi cúatajano daide:

—¿Nibái mei jáiie uai nabáiraíma jítaíticaí?

64 Ja Jesús ie uáillaído Juzíñamui dibénemo fiéni úrillaíma cacádiomoi. ¿Omoi, nie izói íena daidíomoi? —daide.

Iemona nana íena titállena daidíaiioi.

65 Iemo dámerie afémiemo túallaitiaioi. Afe llezica ie uiéco iníroina íbáillano, íena fatíaioi. Fájano daidíaiioi:

—¡Mai bai! ¿Bu o faja? —daidíaiioi.

Iemo llaitáдино ie uiéco túcoidiaioi.

*Pedro Jesús jáanote*

*(Mt 26.69-75; Lc 22.56-62; Jn 18.15-18, 25-29)*

66 Pedro ana jofo íbírímo ite. Iemo daa lletáriraini illaíma canóraíngo afénomo dúcide.

67 Pedro irai fue agáillana cíóillano, afengo afémiemo riire eroide. Iemona daide:

—O daje izói Nazarena ímie Jesús diga macáfiredio, —daide.

68 Mei íadi Pedro jáanuano daide:

—Aféfuena fidíñedicue. Minícado úritio onóñedicue, —daide. Daina mei afémie naze fuemo jino jaide. Iemo ítava úrite.

69 Iemona canóriraíngo íena nane cíóillano afénomo itínona daide:

—Afe íima Jesudo jáidímacimona, —daide.

70 Mei íadi Pedro meine jáanote. Ja baído afénomo itino Pédróna nane daidíaiioi:

—Uáfueña. O Jesús imaci iédio. Galilea ímiedio. O úrilla afémaci úrilla izói jóoide, —daidíaiioi.

71 Ie jira Pedro: “Uáfueña cue llóñenia Juzíñamui cue fáidoiteza,” daide. Dáanomo Pedro ie daina uai nabáillena Juzíñamui mámeçido riire mámano daide:

—Afe omoi úrillaíma onóñedicue, —daide.

72 Daií daina llezica atava dáanomo nane úrite. Iemona Jesús íena daínáfuemo Pedro uíbicaide. Nano uícomo íena daide Jesús: “Atava ménacaíño nai úriñenia dacaíñoámani cuena jáanoitio.” Afemo comeci fácajano éeiaide.

## 15

*Jesús onínelláíma Pilátomo uitíaioi*

*(Mt 27.1-2, 11-14; Lc 23.1-5; Jn 18.28-38)*

<sup>1</sup> Afe jítiramo lletáriraini illaini íemo eicomíniri gairízaidiaioi, ocuica uai llófueraini diga; ie emódomo naa jíáie jamánomoidillainiri. Gairíllano Jesumo íaioi finóllifueri daní úritiaioi. Maíga Jesús Pilátomo izájidiaioi.

<sup>2</sup> Jira Pilato jicánote:

—¿O meita judío illáimadio? —daide.

Iemo Jesús uai ote:

—¡Ie mei! Daí jaca o daina izói, —daide.

<sup>3</sup> Iemo lletáriraini illaini aillo fiénidifuai afémiemo nitade.

<sup>4</sup> Jira Pilato dáanomo jicánuano daide:

—¿O uai oñedio? ¡Cacai! Diga fiénidifue omo nitádiaioi, —daide.

<sup>5</sup> Mei íadi Jesús uaina oñede. Afémié uai oñenamona Pilato fáigacaide.

*Jesús ie tíllena uáfodo maméritiaioi*

*(Mt 27.15-31; Lc 23.13-25; Jn 18.38-19.16)*

<sup>6</sup> Afe rafue ana naga fimónado comínimona llogámie llaitácamiéna Pilato zuitáfirede.

<sup>7</sup> Come fatímie Barrabás jae llavéracomo ite, jíáie come fatímaci diga. Nano jíáiruido illaíma dotátaruimo comíni fatíaioi.

<sup>8</sup> Ja birui comíni Pilátomo jícaíbitiaioi. Billano Pilato íaioimo finófirena izói ie finóllena jícádiaioi.

<sup>9</sup> Pilato uai ote:

—¿Judíuai Illaíma ómoímo cue zuitállena jítaídiomoi? —daide.

<sup>10</sup> Pilato ja lletáriraini illaini Jesús úradoillafuedo fécajana fidide.

<sup>11</sup> Mei íadi lletáriraini illaini nana comíni jeire otímaci. Iaioi úamona iere caillídímaci. Iaióina llófuetiaioi:

—Jesús ífomo maí Barrabás caímo zuitállena izire omoi jícarí, —daídíaioi.

<sup>12</sup> Jira Pilato jicánote:

—¿Nie izói oíacadiomoi omoi mamécamié Judío Illaíma cue finóllena? —daide.

<sup>13</sup> Iemo caillíoicana uai otíaioi:

—¡Cruzmo íena coraí! —daídíaioi.

<sup>14</sup> Jira Pilato daide:

—¿Níbaí mei? ¿Afémié nie fiénidifue finode? —daide.

Nane dáanomo baímo caillíoicana daídíaioi:

—¡Cruzmo íena coraí! —daídíaioi.

<sup>15</sup> Iemona Pilato nairaí uíécomo ñue íacanamona, Barrabás zuitada orede. Iemo Jesús zechétajano llazíritinomo izájide íena coráíllena.

<sup>16</sup> Ie mei afe onínellaíma áiloco jofo ibírímo íena uitíaioi. Afénoimo nana fuíríraini gairítatiaioi.

<sup>17</sup> Iemo ñue jíairede ínícuro, illaíma íena, afémiemo jítaídiaioi. Aferoi uállaiíma jítafiregaroi. Afe llezica ifo icuífoi eegi nínacuífoina íemo jítaídiaioi.

<sup>18</sup> Jítajano janónaioicana riire íena uáidotiaioi; daídíaioi:

—¡Fígo o iri, Judíuai Illaíma! —daídíaioi.

<sup>19</sup> Iemo rázido diga icaiño ie ifo butíaioi. Ie túallaitiaioi. Afémiemo caíñici ana dújullano jífánodoicana íena ebíruítiaioi.

<sup>20</sup> Daí ie íaioi áífedua méifodo, afe illaíma jítaícaroi íemona duiñódiaioi. Dúíñuano dama íecuirona ie jítaídiaioi. Ie mei afénoimo jino íaioi uiga íena coráíallena.

*Jesús coráína*

*(Mt 27.32-44; Lc 23.26-43; Jn 19.17-27)*

<sup>21</sup> Jesuna coráíaidiaioimo Cirene ímie Simón jinona jófueimo bite. Afémié Alejandro Rufo íaillinoi moo. Bítemo Jesús coráíllibicina rocátatiaioi.



22 Iemo Jesús Gólgota maméidinomo uitíai. Afe Gólgota jiáimaci uaido ffócorai Illánona mameide.

23 Afénomo vino erírediji diga jóonegana Jesús jirótatai. Mei íadi áfena afémie jiróñede.

24 Afe mei ja Jesuna coráidiai. Iemo fuiríraini onótaraji dotáidiai, Jesús inícuero íai máníuana onóillena. Iemona dájerize illa dígamie ie inícuero uite.

25 Jae jitoma caifo illa llezica Jesús coráidiai.

26 Jesús coráigabicimo jiáie uai llotíbicina netáidiai. Afébicimo nie íaifue ie fínua jira coraica, daí íai cuega. Bibícimo cuetíai: “Bímie Judíuai Illaíma.”

27 Afémie diga mena meríriraíma íaillinoi coráidiai, dámie ie nabénemo, jiáimie ie jarífenemo.

28 Jaiai Cuegáuai daí fúibicaide. Aféuai daide: “Afémie fiénidimacimo jaináitaga.”

29 Afe iodo jáidino Jesumo fiéni úritiaí. Fuena iere riire íena zanódiaí. Daidíaí:

—Mai, cacai. O Juzíñamui gairíraco ana júdaitimiedioza. Daje izói daruíamani íllado abido afeco níitimiedioza.

30 ¡Mai dama o abí jíllota! ¡Crúzmona ana bi! —daidíaí.

31 Daí daje izói lletáriraini illaini, ocuica uai llófueraini diga, Jesuna janónaitiaí. Dani conímána daidíaí:

—Afémie jiáimaci jíllotate, íadi afémie dama ie abina jíllotande.

32 Mei birui Cristo, Israel Illaíma ana crúzmona bíadi, áfena cai ciónamona afémie uaina ja uáfueña ínoiticaí, —daidíaí.

Daje izói afémie diga coráicaiaillinoi fiéni Jesumo úritiaí.

### *Jesús tílla*

(Mt 27.45-56; Lc 23.44-49; Jn 19.28-30)

33 Jaíciri illa llezica nana énie jítireficaide. Dahoraámani fidi monáñede.

34 Afe llezica Jesús riire cáilliano daide:

—Eloí, Eloí, ¿lma sabachtani? —afe uai dobáíñuana daide: ¡Cue Moo Juzíñamui, Cue Moo Juzíñamui! ¿Níbái cue zóofetio? —daide.

35 Dámierie afénomo itínomona áfena cacáillano daide:

—Cacarei, afémie Juzíñamui uai jino llóraíma Elías jírite, —daidíaí.

36 Iemona afémacimona dámie aizida fíllicide raa uájide. Erírede vínona riáitano, áfena ragüizi ícoímo jóonete, áfedo Jesús jirótallena. Daí ñeta, íemo ñuitade. Afe llezica jiáimaci íena daide:

—Ína jabe. Mai cai éroi, neca afémie Elías ana ólleza, —daide.

37 Ie mei Jesús riire caillida tíide.

38 Afe llezica Juzíñamui gairíracomo zebica jédaciede iniroi, dáfenedo caifófenemona ana cuáijicaide.

39 Jesús anamo romano jabóidillaíma uíeco dibénemo naidaide. Ie cáilliana cacade. Ie tílla izóidena ciode. Cíuano daide:

—Uafue, bie íma Juzíñamui Jító, —daide.

40 Dáanomo dáarie ringóniaí jicana eróiediaí. Íai cígimo ite Magdalena jofue ingo María, íemo Salomé, íemo jiáie María. Afengo Santiago José ei. Afe Santiago jofófene ímiena mameide.

41 Bie ringóniaí Jesudo jáicadino. Naui Galiléamo ie illa llezica, afémaci íena canódiaí. Mei íadi bimaci baímo aillo jiáingotiána, Galilea ingóniaí afémiedo Jerusalemo bitíaí.



*Jesús abi raiáfomo jóoniaidiaioi*  
(Mt 27.57-61; Lc 23.50-56; Jn 19.38-42)

<sup>42</sup> Ja nauízaide. Mei aferui ocózinairui uícodirui íllaza, comini íaioi jitaille raa finófirediaioi.

<sup>43</sup> Jira José Pilátomo Jesús abi jícajide. Afe bie José Arimatea jofue ímie. Afémie caifóidillaímaíaimo iere jaináideza, ie mámece jíca jalleide. Afémie Juzíñamui illáimana illíruina ñue uíñote. Afémie abi mámano jícaíñeno Pilato illánomo jaide. Dinomo Pilátomona Jesús abi jícade.

<sup>44</sup> Pilato ja ie raíre tíllari fáigacaide. Jira jabóidillaíma uáidote íemo jícanollena meita uafue daíllena.

<sup>45</sup> Jabóidillaíma “JH” dáinamona Pilato fairíote Jesús abi José uíllena.

<sup>46</sup> Jira José iere ñuera iniroi ibade. Iemo Jesús abi ana uáno, aféroido junide. Iemona idu ana nofici ero raigácomo ite raiáfomo íena jóoniaide. Jóoniano raigaco áillue nofícina ibaide.

<sup>47</sup> Magdalena ingo María, José ei María diga, afe raíanona ciódianguai.

## 16

*Jesús tíidemona meine abido cáadimiena jaide*  
(Mt 28.1-10; Lc 24.1-12; Jn 20.1-10)

<sup>1</sup> Ocózinairui méifomo Magdalena énie ingo María, Santiago ei María, Salomé diga zíoji ibádiaioi, Jesús abi recuíllena.

<sup>2</sup> Jira semana nanóidirui jítiramo raiáfomo jáidiaioi. Afe llezica jitoma ja ciode.

<sup>3</sup> Iemo ringóniai dúciillano conímana daidíaioi:

—¿Bu mei raiafo uíeco ibaina nofici cairi oni ñuitalle? mei afeci iere áillueza, —daidíaioi.

<sup>4</sup> Mei íadi érocaillano raiafo uíeco ibaina áillue nofici oni jóoniana ciódiaioi.

<sup>5</sup> Iemo raiafo ico eromo íaioi jáillanomo jíto come nabézimo ráinana ciódiaioi. Afémie árecuiro úzerói jítaoide. Ieri iere jacínaitiaioi.

<sup>6</sup> Jira ringóniaina daide:

—Omoí jacínaiño iiri. Omoí Jesús, Nazaret ímie nauí coráicamie jenódiomoi. Mei íadi ja tíidemona meine abido cáadimiena jaide. Benomo íñede. Afémie íaioi jóoniano omoí eroi.

<sup>7</sup> Ie mei Pédro mo naa jíáie llófuegamaciri llujiri. Afe bifue daíri: “Omoí uícomo Galiléamo jaide. Dinomo ie daina izói íena cíoitomoi,” —daide.

<sup>8</sup> Jira ringóniai raiáfomona botádiaioi. Fáigacaillano cuidíritiaioi. Iere íaioi jacíruillamona bumo lloñediaioi.

*Magdalena énie ingo Maríamo Jesús cíocailla*  
(Jn 20.11-18)

<sup>9</sup> Semana nanóidirui monáiacana llezica, Jesús meine abido cáadimiena jaide. Afe mei fueñe Magdalena énie ingo Maríamo afémie cíocaide. Nauí afémie aféngomona siete diga fiénide jóriai oni orede.

<sup>10</sup> Iena ciona mei, afengo Jesús diga nauí jáicadinomo llujide; afémaci nai zuure éenaitiaioi.

<sup>11</sup> Afe Jesús meine caade íllana María íaioimo llote, mei íadi aféfuena cacáillano, áfena nai íñoñediaioi. Daje izói afengo “Iena ciódicue” daina uaina íñoñediaioi.

*Jesús llófuegamacimona ménaillinoimo afémie cíocailla*  
(Lc 24.13-35)

<sup>12</sup> Bie mei, Jesús llófuegamacimona ménailinoi jofue onimo mácajidiaillinoi. Mácajilla llezica Jesús jiáifodo íaillinomo cíocaide.

<sup>13</sup> Afe íaillinoi jiáie llófuegamacimo abido lluájidiaillinoi, mei íadi daje izói íaillinoina ínoñediaioi.

*Jesús ie uai oni llólleña orécamacimo ie uai jóonenocai*  
(Mt 28.16-20; Lc 24.36-49; Jn 20.19-23)

<sup>14</sup> Afe jiáiruideo once diga llófuegamaci íaioi güiránomo ráidiaioimo Jesús cíocaide. Íaioi comeci ríirena jira, íaioina lletade. Dáanomo íaioi ínoñena jira, íaioina lletade, mei afe íena ciódino íaioimo llógana ínoñediaioiza.

<sup>15</sup> Ie mei íaioina daide:

—Mai nágagobiaido bie jílloille uai nana comínimo jino omoi llujiri.

<sup>16</sup> Afe uaina ínoitimie íemo báutizagamie jíllobicaite. Mei íadi afe uaina ínoñeitimie jílloñeno duere finócamiena jáite.

<sup>17</sup> Cuemo ínoitino bie onótarafuaii finoitiaioi, afe lloga uai uafue daiíllena. Cue mámecido fiénide joríairedimie ite fiénide joríaí oni óreitiaoí. Uícodo ónoñega jiáie uáillaído úritiaoí.

<sup>18</sup> Daje izói titade jaio íaioi llaitada íaioina ainíadi, tíñeitiaoí. Jucúrediji íaioi jiróadi, iránitañeite. Afe emódomo, iráredimacimo íaioi onoi bitáadi, afe iráredino jílloitiaioi.

*Jesús monamo jailla*  
(Lc 24.50-53)

<sup>19</sup> Afémacimo úrilla mei, cai Ocuíraima Jesús fiaicana caifo monamo uiga. Iemo Juzíñamui nabézimo ráinazaide.

<sup>20</sup> Ie mei ie llófuegamaci nágagobiaimo comini jílloña uai llocana uitíaoí. Afe dáamie, cai Ocuíraima, íaioina canode. Afe llezica afémie íaioi lloga uaina cíofinina íaioi finócafuiado uáfueña daiítate; daje izói diga onótatifuiado uáfueña daiítate. Jae niie.

## JUZÍÑAMUI ÑUEFUE SAN LUCAS LLOGAFUE El Santo Evangelio Según San Lucas

### *Rafue uiécodo llogáuai*

<sup>1</sup> Cue ama izóidimie Teófilomo cueticue. Diga comini caimo comuide ráfuiyai ñue jaícina cúellena facádiaioi.

<sup>2</sup> Afe comuídfuiyai táiniamona, áfena ciódino caimo llua izói, cuetíaioi. Afeniaina ciódino ñúefuiyai jino llóllena canódiaioi.

<sup>3</sup> Afe izói nana bífuiaina ñue jicánofiredicue. Uáfueza, bífuiyai táiniana iere jicánofiredicue. Ie jira omo cueticue. Iemona bífuiyai jaícina omo cue cúellena cuedo ñue jaide, mei ñúefuiairedimie Teófilodioza.

<sup>4</sup> Bífuiyai omo cúeiacadicue, afémaci omo llogafue uáfueza o onóllena.

### *Juzíñamui abi ímie Juan Bautista jocoille lloite*

<sup>5</sup> Herodes Judea éniemo illáimana illa llezica, afénomo Zacaríasna mámeciredimie ite. Afémie Juzíñamuimo comini dibénedo úriraima. Afe Zacarías jaiyai ímie Aarón jitó, Abías iziémo dúidimie. Ie ai mámece Elisabet. Afengo daje izói Aarón iziémona comuídingo. Afe Aarón nánora Juzíñamuimo úriraima.

<sup>6</sup> Afe íaillinoi Juzíñamui eróicana ñue jaícina itíaillinoi. Juzíñamui ocuica uai jeire ófirediaillinoi. Ie jira afe íaillinoimo buna fiénidena jitánidiaioi.

<sup>7</sup> Mei íadi úruenidiaillinoi, mei Elisabet úrueninide. Iemo jíaí jae iere jionaitiaillinoi.

<sup>8</sup> Iemo daarui Abías izíe táijinaruillaimo dúcina llezica, Zacarías Juzíñamuimo úriraimana íllena afémiemo dúcide.

<sup>9</sup> Iemo afémaci fínofirena izói, íaioi níziamona, uguci uillítallena Zacaríasmo baite. Ie jira afémie Juzíñamuimo gairíraco rairuíredinomo jofa jaide, afénomo uguci uillítallena.

<sup>10</sup> Afémie uillítaa llezica, nana comini jinófenemo Juzíñamuimo úritiaioi.

<sup>11</sup> Iemo Juzíñamui abi ímie, ángel daínámie Zacaríasmo cíocaide. Afémie uillítarano nabéfenemo cíocaide.

<sup>12</sup> Juzíñamui abi ímie cíoillano Zacarías iere jacínaillano ie finóacaigana onóñede.

<sup>13</sup> Iemo Juzíñamui abi ímie íena daide:

—Zacarías, jacíruiñeno iri, mei Juzíñamuimo o jícafirenana afémie cacádeza. O ai Elisabet jitóreite. Afémie mámece Juaana o jítalle.

<sup>14</sup> O íóbito, daje izói aillo comini o úrue jocólleri íóbitimaciza,

<sup>15</sup> mei o jitó Juzíñamui uiécomo iere uai ínotimiena mámeiteza. O jitó comini jifáitaraji vino diga jaca jíroñeite. Afémie nai jócoñenia Juzíñamui Ñuera Joreño úicaite.

<sup>16</sup> Afémie Israel náiraimona diga comini comeci ífuiyai méidotaite, afémaci ócuifirede Juzíñamui uaimo meine ñue íaioi jíeruillena.

<sup>17</sup> Bie Juan Ocuíraima Cristo uiécodo biite. Afémie jaiyai Juzíñamui uai lloraima Elías comécifirena izói coméciite. Daje izói Elías riire ocuilla izói riire ócuite, ie uaido móotiai íaioi úruiai diga caimare íaioi itátallena. Daje izói uaina náfueñedino afémie afe uaina jeire otátate. Bie izói afémie comini ñúemacina íaioi fínoite, Ocuíraima Jesús ñue llínollena.

<sup>18</sup> Juzíñamui abi ímie úrilla llícailla mei Zacarías jicánote:

—¿Nie izói bífuena uáfuenta onóredicue? mei ja iere jónaiticue, cue ai diga.

<sup>19</sup> Juzíñamui abi ímie uai ote:

—Gabriéldicue. Juzíñamui ócuifiregamiedicue. Ie orécamiedicue omo úrillena, bie ñúefuiai omo llóllena.

<sup>20</sup> Mei íadi birui omo cue dainana o íinoñenamona uáinitio. Benómona úriñeítio o jitó jocóllinomo. Bie Juzíñamui mamécaruimo zúite.

<sup>21</sup> Afe llezica comini jino itíaiói; Zacarías úiñotíaiói. Afémie are jino gairíracomona biñena jira jacinaíoidíaiói.

<sup>22</sup> Iemo Zacarías jino bítemo ja úrinide. Afemona afémie gairíraco eromo rairuícanomo nicáirilla izói ñibai ciode daídíaiói. Afémie onói níraídua izói afémacimo úrite, mei afémie úrinideza.

<sup>23</sup> Juzíñamui gairíracomo Zacarías táijinaruillai fúillamona, ie jofomo jaide.

<sup>24</sup> Bie mei ie ai Elisabet ja úruereacade. Afengo jofómona cinco diga fíui uáfori jino cióñede. Afengo comécido daide:

<sup>25</sup> “Juzíñamui ja bie izói cuena úrueretade, íemona comini cuena jámairuíñeítíaiói,” daide.

### *Juzíñamui abi ímie Jesús jocoille llote*

<sup>26</sup> Ja seis diga fíui Juan comuállamona, Juzíñamui ie abi ímie Gabriel, Galilea éniemo ite Nazaret mámecirede jófuemo orede, daa ringo méiñollena.

<sup>27</sup> Afengo nai ínínide jitaingo. Ie mámece María. Afengo ja jicánogango Josemo iníreillena. Afe José illáima David izíemona comuídimie.

<sup>28</sup> Juzíñamui abi ímie afengo illánomo jofo jaillano daide:

—¡Ona uáidotícue, Juzíñamui ñue finócangodio! Ocuifirede Juzíñamui o diga ite. Nana ringóníai baímo Juzíñamui caimare omo eroide, —daide.

<sup>29</sup> Mei íadi afengo Juzíñamui abi ímie cióillano, afe ie uáimona iere fáigacaide. Iemo afengo comeci anado jicánote, “¿Ñibái cuena daí uáidote?”

<sup>30</sup> Ie jira Juzíñamui abi ímie íena daide:

—María, jacíruiñeno, mei Juzíñamui caimare omo eroide.

<sup>31</sup> Benómona úruereítio, íemona o jitó jócoítio. Afémie mámece Jesuna jítaitio.

<sup>32</sup> Afémie ñúefuena iere jálleite. Afémie caífo monamo ite Juzíñamui jítóite. Nái Juzíñamui bíníe jáíaidígíma David illáimana ória izói, bie Jesuna Juzíñamui illáimana óreite,

<sup>33</sup> jaca ninomo Israel náiraímo illáimana íllena. Ie illáimana íllana jaca ninomo fúíñeite, —daide.

<sup>34</sup> Ie jira María Juzíñamui abi ímiemo jicánote:

—¿Nie izói bie mei ite, mei cue íima diga íñédicueza? —daide.

<sup>35</sup> Juzíñamui abi ímie uai ote:

—Juzíñamui Ñuera Joreño omo itábicaite. Iemo caífo monamo ite Juzíñamui ie ríinodo ona ráiruite. Ie jira o jocolle jitó jaca Juzíñamui mamécamiéna ite. Iemona comini íena Juzíñamui Jitó dáítíaiói.

<sup>36</sup> ‘Iemo jíai o onógango Elisabet úruereite, jamánomo ei ringo íadi. Ie jira úruenítíngo íaiói daínango íadi, seis diga fíui íllamona ja úruereacade.

<sup>37</sup> Juzíñamui mona jaca finónide raana íñede, —daide.

<sup>38</sup> Ie jira María daide:

—Juzíñamui ócuifiregangodicue. Mai mei Juzíñamui cuena ie daína izói cuemo fínoíteza, —daide.

Afemona Juzíñamui abi ímie oni jaide.

### *María ie onógango Elisabet uáiduaide*

<sup>39</sup> Aféruillaído María Judea íduai cígíri ite jófuemo raíre jaide.

<sup>40</sup> Dúciillano Zacarías jofomo jaide. Daí ñeta Elisabet uáidote.

41 Elisabet daíí uáidua cacáillano eromo ite úrue niráiricaide. Afe llezica afengo Juzíñamui Ñuera Joréñodo úicaitaga.

42 Ie jira iere ficírede uaido úrite:

—Nana jíáingotiai baimo Juzíñamui iere caimare omo eroide, ñúefue omo finóllena. Daje izói o jitomo iere caimare eroide.

43 Iere jamáingodicue, mei íadi cue Ocuíraima ei cue eróizaibite.

44 Mei ua, o cue uáidua cacáillano cue eromo ite jitó iere ióbillano niráiricaide.

45 Juzíñamui ona daína o ínuado iere ióbinangodio, mei Juzíñamui ona daína ñue zúiteza.

46 Ie jira María daide:

—Cue joréñodo cai Ocuíraimamo ñúefue lloticue.

47 Cue Jíllotaraíma Juzíñamuimo cue comeci ióbicaide.

48 Mei Juzíñamui ie dúerede ocuícaingona uibíoicaideza.

Biruímona nana uire íite comíni “Iere Juzíñamui ióbitagangodio” cuena daíitiaioi.

49 Mei jamánomo ríinorede Juzíñamui iere ñúefuiai cuemo finódeza.

Afémie mámecei ñúefuiaido jacíruieregaci.

50 Nana íena ñue jacíruitinona afémie jaca dúecaite.

51 Finónide ráfuiai afémie finode.

Fiénidena abi ínotinona afémie jae anáfenode.

52 Ríillainina jamáimacina Juzíñamui finode.

Mei jíáfodo comécina mánaidino illáinina orede.

53 Jufíruitinona afémie ñúefuiaido imaci jeíritade.

Mei jíáfodo ráaredinona fia duere imácina orede.

54 Ie ócuifiregamaci Israel nairai afémie canode.

Iaioina duéruillena féitañede.

55 Naui cai móotiaina daína izói jaca duérufireite.

Ua, Abrahana ie daína izói, íemo ie náiraina daína izói afémie jaca caina duéruite.

Bie izói María úrilla fuite.

56 María daámani diga fiui Elisabet diga ite. Afe mei meine ie jofomo jaide.

### *Juan Bautista jocóinafue*

57 Afe mei Elisabet úrue jocólliruimo dúcinamo, jitó jocode.

58 Juzíñamui ñue aféngomo érocaillano fidíillano, afengo abi imaci naa onógamaciri afengo uáiduidiaioi.

59 Ocho dígarui íllamona, judíuai finofirena izói, gairíracomo jáidiaioi úrue bacano icoi quetállena. Afe llezica ie moo mámeceina Zacaríasna jítacadiaioi.

60 Mei íadi ie ei daide:

—Ieñeite. Afémie mámecei Juaana jítalle, —daide.

61 Aféngona daidiaioi:

—¿Ñibái mei? O comínimo afe bie mámecei íñede, —daidiaioi.

62 Ie jira onoi níraíduado úrue moomo jicánotiaioi, nie izói mámecei jóoneacade.

63 Ie jira afémie daa cuerábici jicade áfemo cúellena. Línuano cuete: “Ie mámecei Juan.” Aferi nana comíni jacínaitiaioi.

64 Afe cuia llezica Zacarías meine nane úrerede. Jira raire Juzíñamuimo ñúefuiai llote.

65 Béri nana abi imaci jacínaoidiaioi. Iemo nana Judea íduai éniemo bifue llócadiaioi.

66 Nana áfena fidídino áfemo iere comécidiaioi. Daní íaioi nabáitiai jicánotiaioi.

—¿Bie úrue minícamiena jáite? Mei uafue, Juzíñamui afémiemo iere caimare eróideza, —daidíaiói.

### *Zacarías ñue llocana dañafue*

<sup>67</sup> Iemo ie moo Zacarías Juzíñamui Ñuera Joreño úicaillamona úrite; Juzíñamui íemo lloga uaido afémie daide:

<sup>68</sup> Israel nairai cai ócuifirede Juzíñamuimo ñúefue nitárede, mei afémie caimo éroizaibiteza.

Ja ie comínidicai, íemo afémie ja cai jíllotaibiteza.

<sup>69</sup> Jaiai ie ocuifiregamie David izíemona, daa rínorede cai Jíllotaraima caimo orede.

<sup>70</sup> Jaiai ñúefuiairede ie uai llórainido úicodo ie daña izói afémie cai Jíllotaraimana orede.

<sup>71</sup> Afémie cai fairíconimona caina jíllotaite. Daje izói cai éoidimacimona cai jíllotaite.

<sup>72</sup> Cai nánoramacina duéruite, afe izói ie íaióina ñúefuiairede daña uai féitañede.

<sup>73</sup> Jaiai cai uzuma Abrahana úicodo daña uai Juzíñamui uáfueña daña.

Afe uai bie izói daide:

<sup>74</sup> Juzíñamui cai fairíconimona caina báiroite, jacíruiñeno ie ócuifiregamacina cai maméillena,

<sup>75</sup> Iemo jái ñúefuiaido ie jaícinaidimacina cai íllena, íemo daje izói nana cai illáruillaido afémiemo ñue cai jaínáillena.

<sup>76</sup> Ie mei cue duera jító, caifo monamo ite Juzíñamui uai llóraimana o mámeitiaíoi, mei Ocuíraima úicodo jáitioza, ñuera uai llocana uíllena, comini íemo íinollena.

<sup>77</sup> Daje izói afémie bíllado ie comini íaifuiái féitallena fidítaitio.

Afémaci fiénidifuiái féitalledo afémaci jíllotiaíoi.

<sup>78</sup> Mei ua, cai Juzíñamui caina izíruillano caimo dúecaide.

Dúecaillano cáimaci jíaimaci íemo íinollirui caimo ite.

<sup>79</sup> Afedo tíiacade jítinodo macádino Juzíñamuina onóitiaíoi.

Daje izói comeci uái illáfuiáimo joide io afémie cai ífoite.

Benomo Zacarías úrilla fuite.

<sup>80</sup> Iemo afe úrue móonaicana jaide. Afe llezica joreño dibénedo onóicana jaide. Comini íñénanomo ífirede. Israel náiraimo abí ie onónanomo afémie dinomo fiébide.

## 2

### *Jesús jocóinafue*

(Mt 1.18-25)

<sup>1</sup> Aféruillaido énie jamánomoidillaíma Augusto nana comini mámeiciai cuiájillena ocuide.

<sup>2</sup> Siria éniemo Cirenio illáimana illa llezica, bie nánora mámeiciai cuiájillena ocuica.

<sup>3</sup> Naga come ie móotiai illánomo ie mámeici cuiájirediaíoi.

<sup>4</sup> Ie jira José Galilea éniemo ite Nazaret jófuemona jaide Judea éniemo. Afémie David izíemona comuídeza, David jocóinanomo Belemo jaide.

<sup>5</sup> Móotiai illánomo José María diga mámeicina cuiájidiaillinoi. Afengo jae jícanogango Josemo ínreillena, íemo ja úruereacade.

<sup>6</sup> Iemo Belemo íaillinoi illa llezica afengo úrue jocólliruimo dúcide.



<sup>7</sup> Dinomo afengo nánora jitó llíide. Jócua mei iníroido ferínote. Iemo juráreto ecáranomo ralla; jóbiano ie bitade, mei afe íaillino;mo comini dúciranomo illino iñédeza.

*Juzíñamui abí imaci ovejai úiñorai;macimo cíocaide*

<sup>8</sup> Belén jofue onimo dáarie ovéjaiai úiñoraini naiona íai;oi ovéjaiai úiñofiredia;oi.

<sup>9</sup> Uái daí; itíai;oi;mo raire Juzíñamui abí ímie ángel dainámie íai;oi;mo cíocaide. Afe llezica Juzíñamui quenírie íai;oi; ábiedo egáiñozide. Aferi iere jacínaitia;oi.

<sup>10</sup> Mei íadi Juzíñamui abí ímie íai;oi;na daide:

—Jacíruiñeno iri, mei ñuera rafue ómo;mo lluáibiticeza. Bie ráfueri nana comini iere ióbitia;oi.

<sup>11</sup> Birui jai;ai illa;ima David jófue;mo o;oi; Jíllotara;ima jae jococa. Afémie cai Ocuíra;ima Cristo.

<sup>12</sup> Afémiena o;oi; onóillena afe úrue iníroido ferínoga, íemo juráreto ecáranomo bitaca báiti;oi;mo, —daide.

<sup>13</sup> Afe llezica Juzíñamui abí ímiemo aillo jái;ie mona imaci ofíoide. Afémaci Juzíñamuimo aillo ñúefuia; llotía;oi;:

<sup>14</sup> —Caifoide Juzíñamuimo ite ebírenafuia; o;oi; lloiri.

Afe dáaru;ido afémie caimare eróinamacimo comécina uái illafue íteza, —da;í;ia;oi;.

<sup>15</sup> Iemona, Juzíñamui abí imaci abido monamo jailla mei, ovéjaiai úiñoraini dani conímana da;ízitíai;oi;:

—Mai mei Belemo cai jai; bie Juzíñamui caimo lloga ie jocóinafue mai cai méiñuai, —da;í;ia;oi;.

<sup>16</sup> Jira jarire jáidia;oi;. María José diga ciódia;oi;. Iemo jái; juráreto ecáranomo bitaca úruena ciódia;oi;.

<sup>17</sup> Afena cióillano, Juzíñamui abí imaci afe úrue ífue;na íai;oi;mo llúana jino llotía;oi;.

<sup>18</sup> Nana afefue cacá;ino afe dáinari iere caimare fágacaidia;oi;.

<sup>19</sup> Mei íadi María nana aféfuia; comécimo jóniano áfemo uibíoicaide.

<sup>20</sup> Iemo ovéjaiai úiñoraini dinena meine abido jaide. Jailla llezica nana íai;oi; cacana, íemo íai;oi; ciónado Juzíñamuimo ñúefue llotía;oi;. Iemo daje izói ebírenafue Juzíñamuimo nitá;ia;oi;. Mei nana íai;oi;mo daina izói íteza.

*Dúemie Jesús Juzíñamui gairíracomo ácataga*

<sup>21</sup> Jócua;mona ocho dígarui íllamona, dúemie bacano icoi; quetátatia;oi;. Afe llezica Jesuna ie máme;ci; jitá;iaillino;, mei afeci; nano María nai; úruenina llezica Juzíñamui abí ímie aféngomo llóteza.

<sup>22</sup> Iemo diga irui íllamona, Moisés ocuica uai lua izói, María abí íainina da;íllena ní;iduafue fúillamo, úruena Jerusalemo uití;iaillino;. Afé;no;mo ite Juzíñamui gairíracomo úruena Juzíñamui íena íllena acátajidiaillino;.

<sup>23</sup> Daí; fínó;diaillino; Juzíñamui ocuica uaimo da;í; cúeina jira. Afe uai daide: “Nana nánora jococa iza Juzíñamui íena mamérede.”

<sup>24</sup> Jira já;idiaillino; Juzíñamui daina fecalle raa fecállena. “Mena úcugi, nibai mena fí;iciri fatá Juzíñamuimo o;oi; fecari,” aféu;ai da;í; daide.

<sup>25</sup> Aféruilla;ido Jerusalemo Simeóna máme;ci;redimie illa. Afémie iere ñúemie; Juzíñamuimo í;nofirede. Israel naira;í fairí;conimona bairolle úiñote. Simeón Juzíñamui Ñuera Joréñodo úicaigamie.

<sup>26</sup> Afe Ñuera Joreño, Simeón nai; tí;ñenia Juzíñamui orelle Crí;stona cí;oite, da;í; ie fidítate.

27 Ie jira Jesús móotiai íaillinoi, gairíracomo Jesuna uilla uícodo, Juzíñamui Ñuera Joreño afe Simeón gairíracomo jáillena ifode. Iemona José María diga, jai ai ocuica fínofirena izói Jesuna íaillinoi fínuaibilla llezica, Simeón Jesús ie ónoimo llínote.

28 Simeón íena llínua llezica Juzíñamuimo ñúefue llocana daide:

29 —Juzíñamui, mai birui caimare tíredicue, mei o ocuífíregamiedicue, o cuena daína izói nana ñue fuitá dio.

30 Dama cue uído cai Jíllotaraimana ciódicue.

31 Afémie jae nana comini erócana o jónegamie.

32 Afémie judíuainédino ñúefuina onótaitimie.

Iemo jíai afémie o comini Israelmo ñúefuina nítaite,  
—daí daide Simeón.

33 Jira José María diga Simeón úruena daí ie dáinari fáigacaidiaillinoi.

34 Ie jira Simeón uáillaído íaioina cáimacaitade. Iemo Mariana, Jesús eina daide:

—Eroi, bie úrue Juzíñamui mamécamie. Diga Israel comini íena ruifíruillamona táinoficaitiaioi. Iemo jíai aillo comini íemo ínuamona ñúemacina jáitiaioi. Afémie onótate raa ízoite, íemo aillo comini íena íairuitiaioi.

35 Afedo illa dígamie ie comeci ifue onuille. Mei íadi ómona bie nana, jáirede lloefai izoide, dango o comeci izire fínoite, —daí Simeón daide.

36 Afénori daa ringo illa. Afengo Juzíñamuimona ie oga uai llófuefírede. Afengo mámece Ana; Fanuel jiza. Iemo jíai Aser náiraimona comuídingo. Afengo iere éirogi. Afengo jítaíngona illa llezica ínírede. Afengo siete diga fimona afémie diga ite. Afe mei afengo fecíngona jaide.

37 Iemo birui aféngomo ochenta y cuatro diga fimona fecíngona ite. Afengo Juzíñamui gairíracomo jaca ífírede, mei afénomo mona naio diga Juzíñamui ocuífíregangona ite. Afengo iere Juzíñamuimo úrifírede, íemo jíai iere fímairite Juzíñamui íóbitallena.

38 Simeón Jesudo úrilla llezica afengo afénomo bite. Iemo úrue dibéfodo Juzíñamuina “Figora” daína mei, afengo nana Jerusalemo ite jíllollena uíñotínoimo úrite. Dúemie Jesús ñúefuina afengo íaioimo llote.

### *Nazaremo meine jáillafue*

39 Iemona, nana Juzíñamui ocuica ualla íaioi fuita mei meine Galilea éniemo jáidiaioi. Afénomo daní íaioi jofue Nazaremo fiébizaide.

40 Afénomo afe úrue iere íocire móonaite, íemo jíai ráfuena baitádimiena móonaite. Afe llezica Juzíñamui afézamo caimare eroide.

### *Juzíñamui gairíracomo úrue Jesús fínócafue*

41 Jesús moo íaillinoi naga fimónaiaído Jerusalemo pascua ráfue mo jáifírede.

42 Jesús doce diga fimona fuita mei, íaioi fínofirena izói afe ráfue mo nana jáidiaioi.

43 Afe rafue záillamona, jofomo meine íaioi jailla llezica, afe úrue Jesús Jerusalemo fiébicaide. Afeza fiébicaillana ie ei, José diga onóñediaillinoi.

44 Nibaí cai onóigamací diga bite, daidíaillinoi. Daa mona daí iodo comécidiaillinoi. Mei íadi íaillinoi onóigamací cígido jenódiaillinoimo

45 afézana cióñediaillinoi. Jira meine Jerusalemo íemo jénuaidiaillinoi.

46 Afe mei daruíamani íllamona Juzíñamui gairíracomo eromo afézana baitíaillinoi. Ocuica uai llófuetíno cígimo ráidena baizájidiaillinoi. Afeza afémaci úrillamo cacáreide. Afe llezica afeza afémacimo jícanofírede.

<sup>47</sup> Nana afeza íaioi uaillai úana cacáidino fáigacaidiaioi; daje izói ie ráfuenta baitari.

<sup>48</sup> Ie moo íaillinoi éna cíozaiilla llezica íaillinoina jacínaitade. Ie ei éna daide:

—Cue jito ¿nibái cócori bifue finódio? Cue o moo diga iere coco comécina llícitatio, ona iere zuure jenódicocoza, —daide.

<sup>49</sup> Mei jira Jesús íaillinoi uai ote:

—¿Mei nibái cue jenódiomicoi? Cue Moo llogáfuemo cue járitaiticue; ¿áfena onóñediomicoi? —daide.

<sup>50</sup> Mei íadi afe íaillinoina afeza dáinana onóñediaillinoi.

<sup>51</sup> Afe mei afeza ie moo íaillinoi diga abido Nazaremo jaide. Iemo íaillinoi ocuillana jeire ófirede. Ie ei nana bífuiai comécimo jóonete.

<sup>52</sup> Afe llezica Jesús ñue zairíoicaide, íemo onócana jaca jaide. Afe llezica Juziñamui naa comíniri afémiemo jíeruitiaioi.

### 3

#### *Juan Bautista táizicimo rafue jino llote*

(Mt 3.1-12; Mr 1.1-8; Jn 1.19-28)

<sup>1</sup> Romano jamánomoidillaíma Tiberio illáimana illa llezica, Poncio Pilato Judea énie illaíma. Iemo Herodes Galilea énie illaíma. Iemo ie ama Felipe mena énie illáimana ite. Be ñie: Iturea, íemo Traconite. Afe llezica Lisánias Abilinia énie illaíma.

<sup>2</sup> Afe llezica Jerusalemo jamánomoide lletáriráima íaillinoi Anás Caifás diga. Aféruillaído Juziñamui Zacarías jito Juaamo táizicimo úrite.

<sup>3</sup> Iemona Jordán abi comini illágobiaído Juan llócaide. Afémacina bie izói daícade: Omoi comeci ífuiai méidori; áfemona omoi fiénidífuiai dólleza. Iemona omoi báutizatari.

<sup>4</sup> Jaiaí uai lloráima Isaías uícodo cuega uai izói bífuiai íficaide. Be afe uai:

Ficire úritimie uai táizicimo cácaide. Afémie daide:

“Juziñamui bille io ñue finua izói omoi comeci ñue fino.

Afémiemo io jaícina dénuia izói, omoi comeci íaífuiai féitari.

<sup>5</sup> Nana ana jica ite ítaicoiaí ñue jaícina oruíziite.

Nana caifóneduai ana dájena jaícina jóbite.

Jullícana joide io, jaícina tuiñolle.

Daje llezica ñede io, daje llezica jóbite.

<sup>6</sup> Iemona nana nairai Juziñamui caímo orelle jíllloillífuemo comécidiaioi.”

<sup>7</sup> Comini Juan dine íaioi báutizailla llezica, afémie íaioina daide:

—Titade jaióniaímona comúidino izóidíomoi! Ja ánozide duere ze-fuíllífuemona omoi botállena, ¿bu omoi llua?

<sup>8</sup> Omoi comeci ífue méidoiacanana ñúfuedo uáfodo jino ácatari. Dani ómoímona táinona “Abrahámona comúidinodicaí” daíñeno iri. Mei bie noficiaímona Juziñamui jitáíadi, Abraham comínina comúitaredeza, daíí ómoína daídícue.

<sup>9</sup> Fiénide amena tiéllena jata jicaída jóonia izói fiénidino duere finoille jae ñue mameca. Nana figo llizíñede amena iraimo zocana uillano jobaica. (Tiéfirega izóidíomoi.)

<sup>10</sup> Jira comini afémiemo jícanotiaioi:

—¿Mei bie ñie izói íredicaí? —daídíaioi.

<sup>11</sup> Jira Juan uai ote:

—Mena caifóferoiredimie, caifófenidímiemo daa írede. Iemo güílleredimie güíllenidímiemo güíllena fecárede, —daide.

12 Afénomomo dáarie gobierno ibátaga úcube llínoraini báutizaillena Juaamo jícaibitiaioi. Afémiemo jicánotiaioi:

—Llófueraima, ¿mei bie cai nñie izói íticai? —daidíai.

13 Jira Juan íaioina daide:

—Ocuica uai daina baimo dama raiñoñoeno iri, —daide.

14 Iemo dáarie “soldado” daina nairai úiñotino Juaamo jicánuaibitiaioi:

—¿Mei bie cai nñie izói íticai? —daidíai.

Jira Juan íaioi uai ote:

—Jácidota, jíámamona minícana bairóñoeno iri. Daje izói jácidoñoeno jíámamomo ie fínoñegafue táinona íaioimo jítañoeno iri. Nano omoi táijina iba dieze uái omoi iri, —daide.

15 Nana comini Juaamo coméci idiaioi. “Ñibai bímie Crístona,” comécido daidíai.

16 Mei íadi Juan nana afémacina daide: Mei uáfueza, cue jáinoina omoi báutizadicue.

—Mei jíámie ja bite. Afémie Juziñamui Ñuera Joréño do ómoína úicaite. Daje izói iraimo raa ñue zia izói, afémie ómoína íáinino ñue fínoite. Afémie cue baimo ríinorede. Cue bie jamáimiedicueza, afémiena dama jacíruiredicue.

17 Jabe bítimie arroz bíaidimie izói ja ie llocofe llícabite. Afémie arroz bíamona ícuai oni eneno ua izói, ñúemacimona fiénidinona oni eneno óite. Ñúemacina ie illánomo ñue énoite. Mei jíáifodo fiénidicuai izóidino zíiñoa dúiñeite iraimo jóbaite, —daide Juan.

18 Afe bíemona naa aillo jíáie llófuiado Juan ñúefuiai jino comínimo llote.

19 Afe emódomo Juan illaíma Heródesna riire lletade, mei ie ama Felipe ai Herodías ie aina ua jira. Daje llezica ie finoca fiénidifuiari Juan íena lletade.

20 Mei íadi Juan llétajana ínoñoeno afe baimo jíáie íaifuenta nabaide: Herodes Juan llavéracomo ibaide.

### *Jesús báutizaga*

(Mt 3.13-17; Mr 1.9-11)

21 Afe uícodo, Juan nana comini báutizaja llezica, Jesús jíái báutizaga. Afe Jesús báutizaja llezica afémie Juziñamuimo úrite. Urilla llezica mona tújicaide.

22 Afemona Ñuera Joreño fíiciri baizáibilla izói, afémiemo comini cíocana baizáibite. Afe llezica monámona daa úrilla cácaide. Afe úrilla daide:

—Cue izíruiga Jitódio. Ori iere íobioidicue, —daide.

### *Jesucristo uzútaí*

(Mr 1.1-17)

23 Ja Jesús treinta fimona íllamona Jesús comínina canóllena ie táijina como tainede. Comini comécilla izói Jesús José jító.

Iemo afe José Elí jító.

24 Iemo daje izói Elí Matat jító.

Iemo afe Matat Leví jító.

Iemo afe Leví Melqui jító.

Iemo afe Melqui Jana jító.

Iemo afe Jana José jító.

25 Iemo afe José Matatías jító.

Iemo afe Matatías Amos jító.

Iemo afe Amos Nahum jító.

Iemo afe Nahum Esli jító.

Iemo afe Esli Nagai jító.

26 Iemo afe Nagai Maat jító.

Iemo afe Maat Matatías jító.  
Iemo afe Matatías Semei jító.  
Iemo afe Semei Josec jító.  
Iemo afe Josec Judá jító.  
<sup>27</sup> Iemo afe Judá Joanán jító.  
Iemo afe Joanán Resa jító.  
Iemo afe Resa Zorobabel jító.  
Iemo afe Zorobabel Salatiel jító.  
Iemo afe Salatiel Neri jító.  
<sup>28</sup> Iemo afe Neri Melqui jító.  
Iemo afe Melqui Adi jító.  
Iemo afe Adi Cosam jító.  
Iemo afe Cosam Elmadam jító.  
Iemo afe Elmadam Er jító.  
<sup>29</sup> Iemo afe Er Josué jító.  
Iemo afe Josué Eliezer jító.  
Iemo afe Eliezer Jorim jító.  
Iemo afe Jorim Matat jító.  
<sup>30</sup> Iemo afe Matat Leví jító.  
Iemo afe Leví Simeón jító.  
Iemo afe Simeón Judá jító.  
Iemo afe Judá José jító.  
Iemo afe José Jonam jító.  
Iemo afe Jonam Eliaquim jító.  
<sup>31</sup> Iemo afe Eliaquim Melea jító.  
Iemo afe Melea Mena jító.  
Iemo afe Mena Matata jító.  
Iemo afe Matata Natán jító.  
<sup>32</sup> Iemo afe Natán David jító.  
Iemo afe David Isai jító.  
Iemo afe Isai Obed jító.  
Iemo afe Obed Booz jító.  
Iemo afe Booz Sala jító.  
Iemo afe Sala Naasón jító.  
<sup>33</sup> Iemo afe Naasón Aminadab jító.  
Iemo afe Aminadab Admin jító.  
Iemo afe Admin Arni jító.  
Iemo afe Arni Esrom jító.  
Iemo afe Esrom Fares jító.  
Iemo afe Fares Judá jító.  
<sup>34</sup> Iemo afe Judá Jacob jító.  
Iemo afe Jacob Isaac jító.  
Iemo afe Isaac Abraham jító.  
Iemo afe Abraham Taré jító.  
Iemo afe Taré Nacor jító.  
<sup>35</sup> Iemo afe Nacor Serug jító.  
Iemo afe Serug Ragau jító.  
Iemo afe Ragau Peleg jító.  
Iemo afe Peleg Heber jító.  
Iemo afe Heber Sala jító.  
<sup>36</sup> Iemo afe Sala Cainán jító.

Iemo afe Cainán Arfaxad jító.  
 Iemo afe Arfaxad Sem jító.  
 Iemo afe Sem Noé jító.  
 Iemo afe Noé Lamec jító.  
<sup>37</sup> Iemo afe Lamec Matusalén jító.  
 Iemo afe Matusalén Enoc jító.  
 Iemo afe Enoc Jared jító.  
 Iemo afe Jared Mahalaleel jító.  
 Iemo afe Mahalaleel Cainán jító.  
<sup>38</sup> Iemo afe Cainán Enós jító.  
 Iemo afe Enós Set jító.  
 Iemo afe Set Adán jító.  
 Iemo afe Adán Juzíñamui jító;  
 ua, Juzíñamui nano finócamie.

## 4

*Taife Jesús facátate*  
 (Mt 4.1-11; Mr 1.12-13)

<sup>1</sup> Jesús diga Ñuera Joreño uaido íllamona imani Jordámona oni jaide. Afe llezica Ñuera Joreño táizicimo ie uite.

<sup>2</sup> Afénomo afémie cuarenta dígarui ite. Afe dinomo Taife íena fiени facátate. Aféruillaído Jesús jaca due jiza güiñede. Afe mei iere jamánomo jufínaite.

<sup>3</sup> Mei jira Taife íena daide:

—Ua Juzíñamui Jitona o íadi, bie noficiai güíllena fino, —daide.

<sup>4</sup> Jira Jesús uai ote:

—Juzíñamui Cuegáuai daide: “Fia güíllado come ínide, mei jíáifodo nana Juzíñamui lloga uaido írede,” —daide.

<sup>5</sup> Afe mei Taife caifónedumo ie uite. Dinómona nana éniemo ite náiraiaí dáruído íena ácatate.

<sup>6</sup> Iemo Taife íena daide:

—Nana bie náiraiaí ríino naa ie ebíredinuiari omo ííticue. Mei nana bie cúeieza. Iemona cue fecáacana díeze jíáímamo íredicueza.

<sup>7</sup> Cue anamo o dújuillano cuemo o caimátaia nana bie óieiteza.

<sup>8</sup> Mei jira Jesús uai ote:

—Taife, mai cúemona oni jai, mei Juzíñamui Cuegáuai dáideza: “Dama Ocuide Juzíñamuimo caimátairena. Dama afémie ocuífregamiena o iri,” —daide.

<sup>9</sup> Nane afe mei Taife Jerusalén jófuego Jesús uite. Afénomo ite gairíracó emódomo caifo jica uite. Uillano íena daide:

—Ua Juzíñamui Jitona o íadi, mai benómona ana batí ticai,

<sup>10</sup> mei Juzíñamui Cuegáuai bie izói dáideza:

Juzíñamui ie abi imácina ona uíñotaite.

<sup>11</sup> Iaioi ónoído ona mozíñoitiaioi, o eiba noficiaimo íziñeillena.

<sup>12</sup> Jira Jesús uai ote:

—Juzíñamui Cuegáuai nane daide: “O ocuide Juzíñamui mai facátañeno,” —daide.

<sup>13</sup> Ja Taife Jesuna jíáie facátaja raana baiñenamona nano íanori afémiemona fáicanocaillano oni jaide.

*Jesús Galilea éniemo fueñe táijizaide*  
 (Mr 4.12-17; Mt 1.14-15)



14 Jesús Galilea éniemo abido bite. Juziñamui Ñuera Joreño afémiena ñue úicade. Nana afe énie fuédado afémiedo úritiaioi.

15 Nágagobiaimo ite Juziñamui uai llorácuaido Jesús llófuecaide. Iemona nana comini ñúefuiai aféniemo mamédiaioi.

*Jesús Nazaremo mácajide*

*(Mt 13.53-58; Mr 6.1-6)*

16 Mei íemo Jesús ie móonaila Nazaret jófuego abido mácajide. Iemo ocózinaillaruiamo Juziñamui uai llorácomo ie finofirena izói, jofu jaide. Jaillano Juziñamui Cuegáuai facádollena caifo naidaide.

17 Iemona jaiiai uai llóraima Isaías Cuegáuai illabe Jesumo itíaioi. Afémie afénico túiñuano afe bie uai illano baite. Afe be níuiai:

18 “Cai ocuide Juziñamui Ñuera Joreño cue diga jáicade.

Mei dúeredinomo ñúefue cue llóllena cuena ñue mamédeza.

Comécina dúeredinona cue jíllotallena ocuícacue.

Daje izói llavécanona zuitalle uai llóllena orécacue.

Iemo jiái uina cíoiñedino uina cíoitallena orécacue.

Iemo duere finócanona zuitállena orécacue.

19 Daje izói Juziñamui caimo jamánomo caimare érocaillirui llóllena orécacue.”

20 Iemona Jesús afénico íbáillano, Juziñamui uai lloraco ero canófredimie abido ite. Afe mei Jesús ana ráinade. Iemo nana afe llorácomo itino Jesumo riire eróiediaioi.

21 Iemona Jesús íaioina daide:

—Ja birui omoí eróicana bie Cuegáuai ñue ícoimo fuite, —daide.

22 Nana Jesudo ñue úritiaioi. Afémie íaioimo lloga ebírede uáillairi caimare fáigacaidiaioi. Mei jira jicánotiaioi:

—¿Mei bie afe José jitóñede? —daidíaioi.

23 Jira Jesús íaioina daide:

—Uáfueza bie omoí daiífirena uai cuemo mámeitiomoi: “¡Íraredinona manóriacadimie, fueñe dama o abina jíllota!” (Comini Jesús Juziñamui oreca ua Crístona íaioí daiíñenamona, Jesús bie izói daide. Mei afémie fia José jitó íadi, jiáimana jíllotanideza.) Daje izói níbaí cuena dáitiomoi: “Nauí cai cacana Capernaumo ebire o finócafue mai birui dama bie o jófuego finori.”

24 Iemo Jesús ie úrillana moziñoñoeno nai jiái uai llote:

—Mei uáfueña ómoína daidicue, naga uai jino llóraima dama ie comini cígiri jaca figo íñoñega.

25 Omoimo jino uáfodo llóiticue, nauí Elías illáruillaído Israel nairai cígimo diga fecíngotiai ite. Aféruillaído daámami fimona átuedo noci bíñede. Afemona afeno nairai jamánomo júbietaidiaioi.

26 Mei íadi Elías Israelmo ite aillo fecíngotiaimona daingo mamede óreñega. Mei jiáifodo jica Sarepta jófuego ite fecíngo mamede Elías oreca daingo canóllena. Afe Sarepta jofue Sidón jofue áinori ite.

27 Daje izói uai llóraima Eliseo illáruillaído Israel náiraímo aillo chíñaitinuiiai ite. Mei íadi afémacimona dáamie jaca jíllotañega. Mei jiáifodo jica Siria énie ímie Naamán jíllotaina, —daide.

28 Afe uaina cacáillano nana llorácomo itino afe Jesumo iere ríicaidiaioi.

29 Náidacaillano afe jófue mona jino ie jíúdiaioi. Afe mei afe jofue idu ícoimo íena uitíaioi, afénomona ana ie dotállena.

30 Mei íadi Jesús afedu ícoimona gírecaillano íaioí cígido abido jaide.

*Fiénide joriai úicaigamie Jesús jíllotate*

*(Mr 1.21-28)*

<sup>31</sup> Afe mei Jesús Galilea éniemo ite Capernaum jófuemo jaide. Afénomo ocózinairuimo nane como comini llófuiaide.

<sup>32</sup> Riire ocuilla uaido ie íaiói llófuiari caimare fáigacaidiaíoi.

<sup>33</sup> Afe Juzíñamui uai llófueraco eromo fiénide jóriai úcaigamie ite. Afémie Jesuna cióillanona riire caillide:

<sup>34</sup> —Cai fáicanocai. Nazaret ímie Jesús, ¿nibái mei caimo jíricaidio? ¿Caina niné táinocaitaíbitio? Ona ónodicue Juzíñamui ñúefuiaido jacíruiregamiedio, —daide.

<sup>35</sup> Jira Jesús fiénide jóriai uai ote:

—¡Uriño! ¡Bímie fáicanocai! —daide.

Mei áfemona afe ímana fiénide jóriai comini eróicana ana éniemo dotade. Daí fínuano afe jóriai afe ímana ízitaño oni jáidiaíoi.

<sup>36</sup> Aferi nana jacínaillano jofo conímaíaina daidíaíoi:

—¡Bímie uailai ñi mei ríinorena! Afe bímie riírede uaido fiénide jóriaina orede. Iemo afémaci áfemona jáidiaíoi, —daidíaíoi.

<sup>37</sup> Afe énie comini nágagobiaido Jesudo úritiaíoi.

*Jesús Simón Pedro jifaiño jílloate*

*(Mt 8.14-15; Mr 1.29-31)*

<sup>38</sup> Afe mei Jesús Juzíñamui uai llófueracomona jino billano, Simón jofomo jaide. Afénomo Simón jifaiño ie abi cuaríllari iere irárede. Jira afengo jílloallena Jesumo izire jicádiaíoi.

<sup>39</sup> Iemo Jesús aféngomo ana áinozillano ie onoi llínote. Afe llezica ie abi cuarilla llícaide. Iemona afengo jíllobicaide. Daí daina llezica afengo náidacaillano afémaci jitaica raa bai atide.

*Jesús diga iráredino jílloate*

*(Mt 8.16-17; Mr 1.32-34)*

<sup>40</sup> Ja jítoma jímaicaidemo, diga jíáiforiede duico ogánuiaína Jesumo atidiaíoi. Afémacimona illa dígamieemo Jesús ie onoi bitade. Bítajamona afémaci jíllozitiaíoi.

<sup>41</sup> Iaiói atica iráredinuiaimona diga fiénide jóriai jino jaide. Jaillano afémaci riire caillíoidiaíoi:

—O Juzíñamui Jitódio, —daidíaíoi. Mei íadi, como úrizaidiaíoiemo Jesús íaióina úritañede. Mei afémaci afémie Crístona íllana onódiaíoiiza.

*Jesús Galilea éniemo uai jino llote*

*(Mr 1.35-39)*

<sup>42</sup> Afe jítiramo Jesús jofue baímo buna iñénanomo jaide. Mei íadi comini íena jenódiaíoi; ie illánona baizájidiaíoi. Afémaci afémiena iere jeruídiaíoi oni jíáinomo afémie jáíñeillena.

<sup>43</sup> Jira Jesús íaióina daide:

—Jíáie jófuiamo Juzíñamui illáimana illíruimo ja áinozideza áfena llujíredicue, mei afe jira orécacueza, —daide.

<sup>44</sup> Afemona daí Jesús Galilea éniemo ite Juzíñamui uai llorácomo llófuecana uite.

## 5

*Jesús uaido dánamona jamánomo aillo chamuniai oga*

*(Mt 4.18-22; Mr 1.16-20)*

<sup>1</sup> Afe mei jíáiruido Jesús Genesaret jorai fuédamo ite. (Afe jorai jíáfodo mameina Galilea.) Afénomo ie illa llezica diga comíniai afénomo dúcina.

Afémiena jamánomo rillíretadiaioi, mei afémaci Juzíñamui uáillaimo iere cacáacadiaioiza.

<sup>2</sup> Afe jorai fueda áinori mena nocáe táicaena Jesús ciode. Mei afécaemona facóraini oni jaillano íaiioi chamu ora llóiji jocódiaioiza.

<sup>3</sup> Iemona Jesús Simón icaemo jaide. Afécaemo jáillano íena daide:

—Bicae fuédamona bai batí due ñuita, —daide. Afe mei Jesús afécaemo ráinaillano nane como bai afénomona comini llófuete.

<sup>4</sup> Ie llófuia fúillamo, Simona daide:

—Bie nocáe bai batí afóredinomo ui. Afénomo chamu ólleza omoí llóiji dota, —daide.

<sup>5</sup> Jira Simón uai ote:

—Llófueraíma, jae naio náamonana facódicaiza, íadi jaca daa oñédicaí. Mei íadi o daina izóí mei o ocuícaza llóiji dótaiticue, —daide.

<sup>6</sup> Daíí dotádemo, jamánomo aillo chámuniaí jíideza, llóijina cuatáacade.

<sup>7</sup> Afe jira oni jíáicaemo ite íaiioi nabáitiaí ónoído jíiritiaioi, ie íaiioi cánuaibillena. Jira afémaci cánuaibitiaioi. Afe íaiioi jíitaga chámuniaí íaiioi ménacae áillocaemo oruítatiaioi. Jamánomo oruillamona afe ménacae buíacade.

<sup>8</sup> Afena Simón cíoilano Jesús ana dújullano daide:

—Cue Ocuíraíma, cúemona oni ii. Cue bie fiénidífue finódimiedicueza, —daide.

<sup>9</sup> Mei ua, afe aillo chamu jíillari Simón naa ie nabáíñiaíri jacínaitiaioi.

<sup>10</sup> Iemo jíái Zebedeo jitó íaillinoí Santiago Juan díga, Simón nabai daje izóí jacínaitiaioi. Mei íadi Jesús nane Simona daide:

—Jacíruiñeno. Benómona chamu fácuá izóí comínina jénoítioza, cuemo íaiioi íinollena, —daide.

<sup>11</sup> Iemona afe ménacae oni fuédamo zítajano, dinomo nana fíiano Jesudo jáidiaioi.

*Jesús chíinaitimie jíllotate*

*(Mt 8.1-4; Mr 1.40-45)*

<sup>12</sup> Iemo jíáíruido, Jesús jófuemo illa llezica chíinaitimie Jesumo dúcide. Jesuna cíoilano ana dújuillano uiéco dinena ana éniemo bíjicaide. Daíí ñiano Jesumo izire jicade:

—Cue Ocuíraíma o jitáiaídi bie duícóna cúemona oréredio. Cúemona oreri, —daide.

<sup>13</sup> Iemona Jesús ie ónoído jétano daide:

—Jíí, ona jíllotaiacadicue. Benómona ja íainítioza, —daide.

Daíí daina llezica ie irárena chiie jacáibicaide.

<sup>14</sup> Afemona Jesús afémiena “Bie bumo lloñeno iri” daide. Afe emódomo nane daide:

—Mai lletáriraimamo o abi ácatari. Afe llezica Moisés ocuica o abi ja íainide daítaite raa, mai fecari. Afemona nana comini o chiie ja jacáillana ónoítiaioi, —daide.

<sup>15</sup> Jesús izire íena rairuide íadi Jesús mámecei jamánomo bai jica jalléicaide. Iemona aillo comini ie uaimo cacáreizaibitiaioi. Daje izóí íaiommo ite duícomona ie jíllotallena aillo bitiaioi.

<sup>16</sup> Mei íadi Jesús bai comini íñénanomo jaide, afénomo ie Moo Juzíñamuimo úrillena.

*Jesús tízitaitimie jíllotate*

*(Mt 9.1-8; Mr 2.1-12)*

17 Nane afe jiáiruido Jesús llófuemaritemo, fariséuaimona dáarie afénomo ráiiede. Afe llezica oni jicana bite ocuica uai llófueraini dáanomo ite. Dáarie Galilea ígobaiimona bitíaiói. Daje izói jiáimaci Judea éniemona, íemo Jerusalén dinena jiái bitíaiói. Aféruimo Juzíñamui riino aillo iráredino jilluamona jino ácataga.

18 Afe dáaruido diga ímie tízitaitímie naa ie bíralludo atídíaiói. Jofo Jesús uícomo ie uíacadiáiói.

19 Mei íadi iere comínina oruídeza jofo íaiói jáillino íñede. Ie jira caifo jofo emódomo uitíaiói. Uillano afeno tuiñódíaiói. Afeno túiñuano afe iráredímie naa ie bírallu diga ana comini cígimo Jesús uícomo agüínetíaiói.

20 Jesús ñue íaiói ínuana cíoillano, iráredímiena daide:

—Mii, nana o fiénidífuíai ja muiñócaza, —daide.

21 Iemona ocuica uai llófueraini naa fariséuairi, como comeci anado daidíaiói:

—¿Mei bie bu? baie jiáimie fiénidífuíai dóficailla dáinado Juzíñamuina icíritaja. Jaca bu comini fiénidífué muiñóña; dama Juzíñamui fiénidífuena múiñua, —daidíaiói.

22 Mei íadi Jesús comeci íaiói fácajana onóillano daide:

—¿Ñibái mei bie izói comeci facádiomoi?

23 Mei daí daina ménade uáimona ¿nie uai iere llotáinina? Afe ménade uai be ñie: O fiénidífué muiñócaza. Iemo jiáie uai bie izói joide: Mai náidacaillano maca. Iraie uai jamánomo llotáirede, mei omoi eróicana íteza.

24 Mei jira, Nanoide íima Jitódícueza bíniemo cue illa llezica comínimo ite fiénidífué cue muiñolle riino jino ómoimo cíotaitícue, —daide.

Mei jira Jesús tízitaitímiena daide:

—Ona dáitícue náidacai; náidacaillano o bírallu llínota o jofomo jai, —daide.

25 Daí daina llezica, afe tízitaitímie comini eróicana caifo náidacaide. Náidacaillano, ie bírallu llínota, Juzíñamuimo caimátaicana ie jofomo jaide.

26 Aferi nana comini caimare fágacaidíaiói, íemo Juzíñamuimo caimátaidíaiói. Afe mei jacíruioicana daide:

—Ñii birui cai iere ebíredífuíaina ciona, —daidíaiói.

### *Jesús Leví jíríte*

*(Mt 9.9-13; Mr 2.13-17)*

27 Nane bie méifomo Jesús jofue cígido mácaja llezica, gobierno íbátaga úcube llínoraimamo riire éroicaide. Afémie mámecei Leví. Afe úcube íbafírenanomo afémie ráiiede. Jesús íena daide:

—Mai cuedo bi, —daide.

28 Iemona Leví náidacaillano nana ie táijina fáicanocaillano Jesudo jaide.

29 Afe mei Leví áillue rafue ie jofomo Jesús íena finode. Afe Leví izoide aillo úcube llínoraini naa jiáimaciri güirábanimo ráizaíbitíaiói.

30 Mei íadi fariséuai naa ocuica uai llófuetinori Jesús llófuegamacimo como meine fiéni úritíaiói. Íaióina daide:

—¿Ñibái mei baie úcube llínofírede fiénidínori güitíomoi? —daidíaiói.

31 Jira Jesús íaiói uai ote:

—Íocíredímie mánuamo dúíñede. Iráredino manórena.

32 Dani ñuemacina abi mamédinona uáiduaíbiñedicue, mei jiáifodo fiénidífuíairedino comeci ífué méiduaíbitícue, —daide.

### *Íaiói ímairillena Jesumo jíacánotíaiói*

*(Mt 9.14-17; Mr 2.18-22)*

<sup>33</sup> Iemona afémaci Jesumo jicánotiaioi:

—¿Nibái mei Juan dibénedo jáidino, íemo jiái fariséodo jáidino, diga ícaíño riire fímaifirediaioi? Iaioi fímairilla llezica Juzíñamuimo jamánomo jicáfirediaioi. Mei jiáifodo o llófuegamaci jaca güífirediaioi, jirófirediaioi. ¿Nibái mei daí itíaioi?

<sup>34</sup> Jira Jesús íaioi uai ote:

—Mai cuena omoi daí: ¿Airena rafue llezica áfemo uáidogano meita zúurenari güinidiaioi? Daítañede; ringo otímie íaioi cígimo illa llezica caimare güitíaioi.

<sup>35</sup> Mei íadi ringo otímie íaiomona báiruaibilliruimo dúciite. Aféruído comeci zúurenari güíñeitiaioi. Ringo otímie izói birui cuedo jáicaidino cígiri itícueza.

<sup>36</sup> Ie emódomo jiáie onótate rafue llote:

—Jaca nino dáamie comue iníroimona jáitano, jácaroimo nitáñede. Daí nitáadi cómoroina fiene cíoitate. Iemo jiái jácaroimo nitaca cómoroi figo cíoiñede.

<sup>37</sup> Iemo nane jiáifue llote. Daje izói comue vino jácara igorai finoína iciru izoide raamo totánide. Dáamie daí totáadi afe comue vino afe jácara icíruna eroide raana cuatade. Afemona afe iciru naa vino diga táinomo fáifite.

<sup>38</sup> Iemona comue vino comue igorai finoína icíruna eróidemo jónerede. Iemona afe naga ñue éenoga.

<sup>39</sup> Daje izói jácara vino jiródinomona, buna cómojina jicáñena. Mei afémie “Jácaji jamánomo caimárena,” dáideza. (Afe bie dáinado Jesús ie comue llófueinafue íemo íaioi jaiái llófuegafue dánomo ínonide íaiomo llote.)

## 6

*Jesús llófuegamaci ocózinallaruiimo trigo ímoiaí dícoiano otá güitíaioi  
(Mt 12.1-8; Mr 2.23-28)*

<sup>1</sup> Daa ocózinallaruido Jesús naa ie llófuegamaci jacáfaiaí cígido íaioi maca llezica, ie llófuegamaci trigo ímoiaí dícoiano otíaioi. Uano íaioi ónoído lléguano aféjaína güitíaioi.

<sup>2</sup> Mei jira fariséuaimona dáamierie jicánotiaioi:

—¿Nibái mei ocózinallaruiimo rairuicamo táijidiomoi? —daidiaioi.

<sup>3</sup> Jira Jesús íaioi uai ote:

—¿Omoi jaiái illaíma David finócafue cúeinana facadoñediomoi? Afémie naa ie nabáñiaíri jufínaitiaioi.

<sup>4</sup> Afe llezica Juzíñamui jofomo jofo jaillano rairuica pániaí ote. Uano güite. Afe mei afémiedo jáidinomo fecade. Mei íadi afe pan daní lletárirainí güiga. Abí díne jamái comíni güínide.

<sup>5</sup> Nane dánomo íaioína daide:

—Nanoide fima Jitódicueza, ocózinallarui, cue ocuille ríino ite, —daide.

*Onoína jofo naillídimie rafue  
(Mt 12.9-14; Mr 3.1-6)*

<sup>6</sup> Nane jiáie ocózinallaruiimo Jesús Juzíñamui uai llorácomo jofo jaide. Jaillano llófuete. Afécomo onoi nabézina jofo naillídimie ite.

<sup>7</sup> Afe llezica ocuica uai llófuetino naa fariséuairi Jesumo báinino éroiediaioi, ocózinallaruido afe ónoína jofo naillídimie jíllotajana cíoilena. Afémie jíllotaíaí áfede fiénidífue íemo jítaíticai, comeci anado daidiaioi.

<sup>8</sup> Mei íadi Jesús íaioi comeci fácajana onode; jira ónoína jofo naillídimiena daide:

—Náidacaillano baí caí cígimo bí, —daide.



Iemona afémie náidacaillano bai náidazaide.

<sup>9</sup> Afe mei Jesús jiáimacina daide:

—Omoimo dafue jicánoiticue. ¿Ocózinaillaruimo nñie táijina rairuínina? ¿Cai finoca fiénidifue, mei nibai cai finoca ñúefue? ¿Cómena jíllotaiticai, mei nibai méineiticai? —daide.

<sup>10</sup> Iemona Jesús nana ie onífenedo gairide comínimo eroide. Afemaci ie uai oñena jira, ónoina jofo naillídimiēna daide:

—O onoi jino zuita, —daide.

Jira afémie zuitade. Zuitádemo ñue jíllode.

<sup>11</sup> Mei íadi afemona afe jiáimaci jamánomo ríicaidiaioi. Dani jofo conímamo jicánotiaioi, ¿Mei nñie izói baie Jesús uáitaredicai?

*Jesús doce diga oni oréllimacina nizede*

*(Mt 10.1-4; Mr 3.13-19)*

<sup>12</sup> Aféruillaído Jesús caifónedumo Moo Juziñamuimo úrizaide. Afénomo afémie Juziñamuimo úritemo monaide.

<sup>13</sup> Ja monáidemo nana ie llófuegamaci jíirite. Jíirillano afémacimona doce dígamie nizede. “Oni oréllino” íaioina mamede.

<sup>14</sup> Afe be níimaci: Simón, afémie jiáie mámece jítaina Pedro, íemo Simón ama Andrés, íemo Santiago, íemo Juan, íemo Felipe, íemo Bartolomé,

<sup>15</sup> íemo Mateo, íemo Tomás, íemo Alfeo jíto Santiago, íemo Iere Járidotimacimo jaináidimie Simón,

<sup>16</sup> íemo Santiago ama Judas, íemo uire Jesús fécaitimie Judas Iscariote.

*Jesús aillo nairai llófuete*

*(Mt 4.23-25)*

<sup>17</sup> Jesús caifónedumona naa afémaciri ana bitíaioi. Billano ñúenomo nano íanori naidáiediaioi. Afénomo aillo jicánemaci Judea éniemona bitino gairídiaioi. Daje llezica Jerusalémona, íemo jiái Tiro, Sidón diga jica itíniemona bitíaioi. Bimaci nana Jesús úrillamo cacáreizaibitiaioi. Daje izói afémaci íaioimo ite dúicomona Jesús jíllotallena bitíaioi.

<sup>18</sup> Daje izói fiénide joríaí uícaigano jíllotagaiaioi.

<sup>19</sup> Afe llezica nana comini Jesuna jetáacadiaioi, mei afémie íemo ite ríinodo nana íaioina jíllotateza.

*Cáimafue zuufue diga*

*(Mt 5.1-12)*

<sup>20</sup> Iemona Jesús ie llófuegamacimo érocaillano íaioina daide:

—“Comeci dinena dúeredicai,” dáifiredino omoi íadi, dúerede íadi íóbidiomoi; mei ómoimo Juziñamui illáimana illano dúideza.

<sup>21</sup> Júbiena méinegamie iere güícana izói, Juziñamui comece jítaina izói iere íacadino omoi íadi, caimare íóbidiomoi, mei Juziñamui afe omoi íacana izói omoi íllena ómoina cánoiteza.

Birui duere éediomoi íadi caimare itíomoi, mei uire zádaitiomoi.

<sup>22</sup> Nanoide íima Jitódicueza cue ícoina comini ómoina éoina llezica caimare itíomoi.

Daje izói cue ícoina ómoina jino íaioi jíuadi íóbidiomoi. Iemo jiái cue ícoina ómoina íaire íaioi daííadi, daje izói o mámeceina íairede raa izói íaioi jámairuia, íóbidiomoi.

<sup>23</sup> Aféruído iere omoi íobiocairi. Jamánomo caimare omoi iri, monamo áillue omoi jíridolle raa íteza. Mei afe izói bimaci nánoidigima Juziñamui uai llórainina iere duere finódiaioi.



24 Mei jiáifodo omoi ráanaitino nii dúerena, mei omoi caimátailla raana jae otíomoiza.

25 Daje izói omoi jeírede izói itino nii dúerena, mei uire iere jufíruitíomoiza. Afe izói birui ómoimona zadáidino nii dúerena, mei uire dúerenari éeitiomoiza.

26 Daje izói nana comini ómoído ñue íaioi úrilla llezica, nii omoi dúerena. Mei afe izói afémaci jaiáigima taino uai llórainimo caimare úritiaioiza.

*Caína éoidinona izíruiredicai*  
(Mt 5.38-48; 7.12)

27 Mei íadi cue úrillamo cacáreidiomoína dáitícue: Omoi bacáuai imaci izói dino, nii omoi diga icíritinona mai omoi izírui. Daje izói omoi éoidinona mai ñue omoi finori.

28 Omoi faidódinona mai omoi cáimadori. Daje izói ómoína fieni finóacadino, ñue íaioi ílleza, mai Juzíñamui omoi jicari.

29 Daa come o uíeco putáadi, daje llezica enéfenena ie fállena mai o fecari. Daje izói dáamie táinona omo jítajano, o emódoidiroi bairóadi, daje llezica o caifóferoina mai o uitátari.

30 Ninó dáamie raana omo jicáadi mai afémiemo jeruíñoeno o fecari. Omona bairoca raana abido jicánoñoeno o iri.

31 Jira jiáimacimo uícodo bie izói finóredíomoí. Jiáima omo finóllena o óiacana dieze, áfeze afémiemo mai o finori.

32 Daa ómoína izíruitinona omoi izírui, ¿Mei nñe ñúefue finódiomoí? Mei fiénidino afe izói fínuaza.

33 Daje izói daa omoi ñue finódino ñue omoi finóadi, ¿néemei omoi finoca ñúefue? Mei fiénide comini afe izói fínuaza.

34 Afe izói daa “meine abido cue méidolle cue comécillamiemo” o fecáadi, ¿néemei o finoca ñúefue? Mei afe izói, fiénidino jiáie fiénidinomo méidollena fecádiaioiza.

35 Mei íadi ómoína éoidinona izíruiredíomoí. Abido méidollemo comécíñoeno, fia fecáredíomoí, afémacimo ñue finóllena. Afe izói omoi íllemona áillue ñúefuiai máíñoitíomoí. Afe llezica caifoide Juzíñamui jítótaiña jaitíomoí. Mei afémie daje izói jeruífinidímie. Figora daiífinidinomo, daje izói fiénidinomo afémie jeruíñoeno dájerize fecade.

36 Omoi Moo comínimo dúecaifiredeza, afe dieze jiáimacimo mai omoi dúecaifireiri.

*Jiáima jánana fieni úriñoeno iri*  
(Mt 7.1-5)

37 Jiáima jánana mai fieni úriñoeno omoi iri, áfemona Juzíñamui riire ómoímo jicánoiza. Mai jiáimana duere finótañoeno omoi iri, afe izói Juzíñamui duere omoi fínoiza. Jiáima ómoímo finoca fiénidífue mai omoi féitari, afe izói Juzíñamui omoi fiénidífue féitaiteza.

38 Jiámamo mai omoi ífireiri, íemona Juzíñamui ómoímo ífireiteza. Afémie raa omoi ofítara cirígaimo iere ñue fácajano afégaimo jóoneite. Afémie afégaina ñue riire jílloicíteza. Iemo jiái afégaina caifo jica ebena óruitaita. Afémie afegaí jamánomo orútajamona ana abido cóciite. Jiámamo cai facáfírena izói Juzíñamui caímo fácaite.

39 Jesús bie onótatífue afémacimo llote:

¿Meita uínidímie jiáie uínidímie iodo ifórede? Nibai afe íaillinoi jáidiaillinoína ¿meita dáafomo báitíiaillinoí?

40 Llófuegamacimona dáamie ie llófuetímie baímo onóñede. Mei íadi ie llófueina fuilla mei ie llófuetímie illa izói iite.

<sup>41</sup> ¿Mei ñie izói o ama uimo ite jéenide ráaruaina eróiredio, mei íadi dama o uimo ite jéerie rarúnguaina náfueñedio? (Afena daiíacade: Aillo fiénidifue omo illa llezica; ¿ñie izói due jiza oni nibéfodo baídimie jánana úriredio? Urinidio.)

<sup>42</sup> Mei o uimo ite jéerie rarúnguaina o náfueñenia, ¿ñie izói o ámana “o uimo ite jéenide ráaruaina cue otata,” dáitio? Daiñidio. ¡Comeci dine íairena mei jínofene ñue cíoidimiedio! Fueñe o uimo ite áillue rarúnguai mai o oíri; afe mei o ama uimo ite jéenide ráaruai óllena ñue cíoitioza.

*Nana amena ie llíziedo ónoredé*  
(Mt 7.17-20; 12.34-35)

<sup>43</sup> Ñuera amena fiénide ráajiaina llizínide. Daje izói fiénide amena ñuera ráajiaina llizínide.

<sup>44</sup> Mei naga amena ie llizíllajido onoiga. Jaca jírede monáigimona jíficollina jofo óñenaza. Daje izói “zarza” daína íanoride rarócimona jíricue jofo óñega.

<sup>45</sup> Ñuera come ñúfuedo úrite, mei ie comécimo ñúfue íllaza. Daje izói fiénidimie fiéni úrite, mei ie comécimo fiénidifue íllaza. Mei uáfueza o comécimo aillo jebuide raa o fuedo úrillaza.

*Mena jofo nillino rafue*  
(Mt 7.24-27)

<sup>46</sup> Cue dáinana íinoñediomoí ia ¿nibái mei, “cai Ocuíraíma, cai Ocuíraíma” daidíomoí?

<sup>47</sup> Cuemo cacáreizaíbitimie, íemo cue daína finófiredimie illa izói ómoímo llóiticue.

<sup>48</sup> Afémie jofo nállana baitádimie izoide. Afe ñue nífiredimie fueñe ana jica jáaílliraina raite; ana mairídinomo jóonete. Afe mei ille renailla llezica afécomo jainoi riire dúcide. Mei íadi afe jofona jainóñede, mei afeco mozíoidillirai mairídinomo jóideza.

<sup>49</sup> Mei jíáfodo, cuemo cacáreizaíbitimie mei íadi cue dáinana finóñedimie, bie jíáfó jofo nitímie izoide. Bímie riire llíiñede éniemo jofo nite. Afe mei ille renailla llezica afécomo jainoi riire dúcide. Afemona afeco jainode. Iemona afeco due fiébiñeno nine táinocaide.

## 7

*Romano illaíma ocuífíregamie Jesús jíllotate*  
(Mt 8.5-13)

<sup>1</sup> Jesús comínimo úrilla fuilla mei Capernaumo jaide.

<sup>2</sup> Afénomo daa romano illaíma ite. Afémie ie ocuífíregamiena iere izíruite, mei íadi afe ocuífíregamie iere irárede, tíllanomo dúcide.

<sup>3</sup> Afe illaíma comíni Jesudo úrillana cacáillano, judíuaimona ocuífírede éicomíni orede, Jesumo izire jicállena, ie ocuífíregamie jíllotaíbillena.

<sup>4</sup> Afémaci Jesumo dúcillano iere izire jicádiaíoi:

—Baie illaíma iere canórede,

<sup>5</sup> mei afémie cai náiraímo caimare coméiífirede. Daa afémie cai Juzíñamui uai lloraco nitátate, —daidíaíoi.

<sup>6</sup> Iemona Jesús afémaciri jaide. Mei íadi ja afe jofomo ánozilla llezica afe illaíma dáarie ónoigamíai Jesumo orede. Illaíma daína izói Jesuna daidíaíoi:

—Ocuíraíma, ona áfedoacañedicue. Cue jofomo o bíllena dúiñede, mei jamáimiedicue.

<sup>7</sup> Ie jira dama omo úrizabiñedicue. Jicana o uaido o daiíri, áfemona cue ocuífíregamie jílloteza.

<sup>8</sup> Mei cue jíáie illaíma uai anamo itícue. Afe izóí cue úíñoga fuíríraíni cue uai anamo ite. Afémacimona dáamiéna “Mai jai” cue daííadi, afémie jaide. Iemo jíáimíéna “Bi” cue daííadi, afémie bite. Cue ocuífíregamíéna “Bíemo o táíjírí” cue daííadi, afémie áfena finode, —daide.

<sup>9</sup> Jesús áfena cacáillano, afémie dáinari caimare fáigacaide. Iemo Jesús afémiedo jáidinomo érocaillano daide:

—Uáfúena ómoína dáítícue: Nana Israel náíraímo bie izóí ínote come jaca baíñédícue, —daide.

<sup>10</sup> Afe orécáno meíne jofomo jáidiaíóímo, afe irárede ocuífíregamíe ja jíllodena cíozaidiaíóí.

### *Jesús daa fecingo jitó tílla abído cáadímíéna jaitate*

<sup>11</sup> Bie méífomo Jesús Naína dáina jófúemo jaide. Ie llófuegamaci naa aillo jíáímacírí íedo jáidiaíóí.

<sup>12</sup> Afe jófúemo ja ánozidiaíóímo, Jesús tídímie íaíóí raíájillana cíode. Afe tídímie íe éímona daade jitó. Afe llezica afengo jae fecingo. Aféruido afe jofue comínimona aillo aféngona nabáidiaíóí.

<sup>13</sup> Ocuíraíma Jesús aféngona cíoillano íemo dúecaide. Dúecaillano daide:

—Mai ééñeno, —daide.

<sup>14</sup> Afe llezica Jesús “ataúd” dáina tídímie illácojimo ánozillano afécojijetade. Jira afécojijitino mozíñotiaíóí. Iemona Jesús tídímie dáide:

—Jitócome, maí náídacai ona daídícue, —daide.

<sup>15</sup> Mei daíí dáina llezica, afe tídímie raínáicaillano úrite. Afe mei Jesús íe eina daide, “Be, o jitó; maí ómícoí jai; uái ómícoí íri,” daide.

<sup>16</sup> Nana comíni áfena cíoillano jacínaitiaíóí. Juzíñamuímo aillo ñúéfue jóoniano daídíaíóí:

—Biruí caí cígírí jamánomoíde uai llóraíma cíocaílla, —daídíaíóí.

Nane jíáífodo daídíaíóí:

—Juzíñamuí íe naíraí cánuaíbilla, —daídíaíóí.

<sup>17</sup> Iemona afe bie Jesús finócafue jica jalleide; ua nana Judea éníemo naa afe onífenemo itígobiaído jalleide.

### *Juan Bautista orécáno (Mt 11.2-19)*

<sup>18</sup> Juan nana afe Jesús finócano fidíde, mei íedo jáídino afémíemo llógaza.

<sup>19</sup> Mei íemona afémacimona ménamíe uáídota Jesús díne orede. Oriano, bie meíta ua bite Cristo dáinana ónoíllena jícánótade. Daje izóí, meíta níbaí naí jíáíe bíítímíe uíñoítícaí, afémíe daíí jícánótade.

<sup>20</sup> Afemona Juan orécáno Jesumo dúcillano íéna daídíaíóí:

—O meíta ua bite Cristo daínámíedio áfena ñue onóíllena Juan caí jícánótade. Daje izóí meíta níbaí naí jíáíe bíítímíe uíñoítícaí dáinana ónoíllena caí jícánótade, —daídíaíllínoí.

<sup>21</sup> Afe íaíllínoí dúcína llezica, Jesús díga comíni íaíóí íraníaímona jíllótate; daje izóí dáaruído íaíóí ote dúícuaimona jíllótate. Daje izóí fíéníde jóríai úícaígamacína jíllótate. Iemo jíái díga uínídínuaí uína cíóítate.

<sup>22</sup> Afe llezica Jesús íaíllínoína daide:

—Ómícoí cíónafue, naa ómícoí cacánafue díga maí Juaamo llúaíjírí. Bie izóí afémíemo llúaíjírí: Uínídino uí ja cíóíde, íemo macáñedíno ja macádeza, íemo chíínaitíno ja ñúemacína jaide, íemo jefona cacáíñedíno ja ñue cacádiaíóí, íemo

dáarie tíidino meine abido cáadiaioi, íemo dúeredinomo jílona uai llógaza. Nana bífuiai mai afémiemo llujáiri.

<sup>23</sup> Cuemo ínoñeilliuaina baiñédime íóbite.

<sup>24</sup> Juan orécano meine abido jailla mei, Jesús Juaado comínimo úrite; daide: —¿Mei táizicimo minícana cíozaidiomoí? Nibai dáamie ie daína uaina méidofiredimiena cíozaidiomoí.

<sup>25</sup> Afe izóidena omoi cíozaiñenia, ¿mei minícana cíozaidiomoí? ¿Meita nibai ñue cíode ráifide iniroi jítáoidimiena cíozaidiomoí? Onódiomoiza, ñúecuiroi jítáoifiredino illaini jofomo ífirediaioi naa dani íaioi comeci jitaina izói itínori.

<sup>26</sup> Mei írainomo, ¿minícana cíozaidiomoí? ¿Nibai Juzíñamui uai jino llórainmana cíozaidiomoí? Jii, ua, Juzíñamui uai llórainma baimo jamánomoidimiena cíozaidiomoí.

<sup>27</sup> Juan baie Cuegáuai daínámie. Jaiai úicodo nai cue biñena llezica, afe uaimo Juzíñamui afémie dibenedo cuena daide:

O bille io ñue finóllena izói, comini íaioi comécido ñue omo jíeruillena cue llujáitimie o uícodo óreiticue.

<sup>28</sup> Nana comínimona ite Juzíñamui uai llórainimona Juan Bautista baimo jamánomoidimiena iñede. Mei jíáfodo, Juzíñamui illáimana illánomona jabóidimie Juan baimo jamánomoide.

<sup>29</sup> Afena cacáillano, Juan báutizaga gobierno íbátaga úcube llínoraini, naa jíáie báutizaiganori, “Juzíñamui nífuenidena finódimie,” daidíaioi.

<sup>30</sup> Mei jíáfodo Juan báutizañega fariséuai naa báutizañega ocuica uai llófuetinori Juzíñamui íaioiena mameca ñúefuiai jámairuillano táinomo fáífitatiaioi.

<sup>31</sup> Iemo Ocuíraima Jesús daide:

—Bie monado itínona ¿ñie izói íaioina mámeiticue? ¿Mei ñie izói cíoitiaioi?

<sup>32</sup> Jofue cigi íbírimo jífanote úrue izóidiaioi. Afémaci conímamo ebírede rúado caimátaiacadiaioi, mei íadi áfena fairioñediaioi. Daje izói conímama zúurede rúado fíraacadiaioi, mei íadi daje izói áfemo cacáreacañediaioi. Afémaci jaca caimátaitanidiaioi.

<sup>33</sup> Afe bie izói ómoimo ite. Mei Juan Bautista billa llezica afémie fimairillano gülleniai figo güiñede, daje izói vínona jíróñede. Iemona “fiénide jóriaí uícaigamiedio” íena daidíomoí.

<sup>34</sup> Afe mei cue, afe Nanoide íima jíto daínámiedicue biticue. Billano, jíáimaci izói güiticue, íemo jíródicue. Afemona bie izói nane cuena daidíomoí: “Bímie iere güilláredimie; jéerie jírófiredimie. Fiénidifuiaredino nabáidimie; daje izói gobierno íbátaga úcube llínoraini nabáifiredimie,” cuena dáifirediomoí.

<sup>35</sup> Comini Juzíñamui orécanona fiéni daidíaioi íadi, Juzíñamui baitaca rafue jíeruitinodo jino comínimo ñue cíotaga.

### *Fariseo Simón jofomo Jesús güizájide*

<sup>36</sup> Fariséuaimona dáamie Jesús güizájillena llote. Iemona Jesús afécomo güizájide. Jaillano afeco eromo güirábanimo ráinazaide.

<sup>37</sup> Afe llezica, afe jófuego ite fiénide ringo, fariseo Simón Jesús güizáibillana fidíillano afécomo bite. Afengo “alabastro” daína nofici finoína duera iciru atide. Aferu ziore cáiredijina oruide.

<sup>38</sup> Eebicaillano Jesús ídai abimo ráinazaide. Afe llezica ie ui jémedo Jesús ídai jocode. Afe mei ie ífótidio dote. Duano ñítade; ñítajano ie uiga ziore cáiredijina afémie ídaímo totade.

<sup>39</sup> Afe Jesús güllena uáidote fariseo, afengo finócafuena cíoillano, comécido daide: “Bímie ua uai llóramania, bie ringo fiéninana ónoite. Afémie abina nibai aféngona jétatañeite. Mei afengo fiénidíngo íllaza afémie aféngomona abí ráiruite,” daí comeci facade.

<sup>40</sup> Afe jira Jesús fariséona daide:

—Simón, cue daa uai omo llóiacadicue, —daide.

Mei jira fariseo uai ote:

—Llófueraima, mei daíni, —daide.

<sup>41</sup> Jira Jesús daide:

—Mena come úcomo íaillinoimo iga úcube daje izói meine fecádimiemo írediaillinoi. Dáamie quinientos dieze meine írede, íemo jíáimie cincuenta dieze meine írede.

<sup>42</sup> Mei íadi nágaillinoi afe úcube fecádimiemo íaillinoi méidolle íñena jira, afe fecádimie afe íaillinoi abido írede úcubena féitate. Mei birui cuena daíni, mei bíaillinoimona ¿nímie fecádimiena jamánomo izíruirena? —daide.

<sup>43</sup> Jira Simón uai ote:

—Cúemona, jamánomo aillo illano féitagamie aillo izíruilla, —daide.

Jira Jesús íena daide:

—Ñue onódio, —daide.

<sup>44</sup> Afe mei, Jesús ringomo érocaillano Simona daide:

—¿Bíngona cíodio? O jofomo cue billa llezica, cue ídaína jocóñedio, mei jíáfodo bie ringo ie ui jémedo cue ídaína jocode. Jócuano ie ífótido zafénaitade.

<sup>45</sup> Iemo o jofomo biticue íadi cuena ñítáñedio, mei íadi afengo jofo cue billa llezica cue idai ñítajana jaca fáicanocaiñede.

<sup>46</sup> Daje izói o jofomo cue dúcina mei cue ífomo cáiredijina totáñedio, mei jíáfodo afengo ziore cáiredijina cue ídaímo totade.

<sup>47</sup> Ie jira ona daidicue, bie ringo aillo cuena izíruillamona, afengo finoca aillo fiénidífue dóinana ácatate. Mei jíáfodo jabo cuena izíruitimie íemo ite íaífue jabo dogá.

<sup>48</sup> Mei afe mei Jesús aféngona daide:

—O finoca fiénidífue jae dófideza, —daide.

<sup>49</sup> Afénomo afémie díga ráide daane güllena uáidogano daní conímana daidíaioi:

—Mei bie ¿níie come; comínimo ite fiénidífuiaina dóteza? —daidíaioi.

<sup>50</sup> Afe mei Jesús afe ringona daide:

—Mei daíngo o ínuado jae jíllodio; maí uái daí o jairi, —daide.

## 8

### *Jesús canófredíngoniai*

<sup>1</sup> Bie méifodo, Jesús díga jófuiáido macácaide, naa due illánuiáiri. Afénuiáido Juzíñamui illáimana illa rafue jino llocana uite. Afe llezica ie nízecca doce dígade oréllino afémiedo jáidiaioi.

<sup>2</sup> Afe dáaruido dáarie duícuaímona ie jíllotaga ringóniai afémiedo jáidiaioi. Iemo jíái dáarie íaioi úcaide fiénide jóriamona jíllotaga ringóniai íedo jáidiaioi. Afémacimona Magdalena énie ingo Maríana mámeciredíngo ite. Aféngomona siete dígade fiénide jóriai nauí jino oreca.

<sup>3</sup> Iemo jíáie canódingo Cuza ai Juana. Afe Cuza illaíma Herodes jabóidillaíma. Iemo jíáíngo Susana. Iemo jíái aillo jíáie ringóniai, íaioímo ite ráaniaína Jesús canódingotiai.



*Ríjifredimie rafue**(Mt 13.1-9; Mr 4.1-9)*

<sup>4</sup> Afe jófuiamona aillo comini Jesuna cióillena bitíai. Aillo comini dáanomo ofilla lezica, íai. onóigafuedo Jesús jíáfue íai. oimo llófuete. Íai. ina daide:

<sup>5</sup> —Ríjifredimie ie rilliji rizájide. Rizájilla lezica, ie rigájiamona dáarie iomo baiide. Afe iomo baiídijiai zaizíbide; jíáijiai ófocuizai güiga.

<sup>6</sup> Jíáie rigájiai noficiai emódomo baiide. Aféjiai zícua lezica jainoi iñénari dúizite.

<sup>7</sup> Ie mei jíáijiai éegiai cígimo baiide. Afe éegiai jéerie zícua mona aféjiaina íratitano titade.

<sup>8</sup> Mei íadi jíáie rigájiai ñuera éniemo baiide. Ñue zícua mei, jamánomo aite. Dáajidemono cien dígaji llizide.

Bie izói úrillano, Jesús ficire daide:

—Cacáacadimie cacai, —daide.

*Cacáacaiñedino jánaillena Jesús comini onóigado úrite**(Mt 13.10-17; Mr 4.10-12)*

<sup>9</sup> Iemona ie llófuegamaci afémiemo jícanotia.:

—Afe llogafue ¿ñie izói daíacade? —daidíai.

<sup>10</sup> Jira afémie íai. ina daide:

—Juzíñamui ie illáimana illa rafue ónonidifui. ómo. ina onótate. Mei íadi jíáimacimo afémaci jánaillena comini onóigado úriticue. Iemona uina cíóñedino izói íitiai. Daje izói afe uai afémaci cacana lezica, onóñedino izói íitiai.

*Ríjifredimie rafue Jesús jino uáfodo llote**(Mt 13.18-23; Mr 4.13-20)*

<sup>11</sup> Ríjifredimiedo lloga rafue bie izói daíacade: Afe rigájiai daína Juzíñamui lloga ñuera uai.

<sup>12</sup> Afe iomo baiídijiai daína ñuera uaina cacádino. Mei íadi cacana mei, Taife billano afe ñuera uaina comini íai. comécimona féitate. Afémaci jílloneillena, Taife afémaci afe uaina ínotañede.

<sup>13</sup> Afe noficiaimo baiídijiai daína jíáfodo jóide ñuera uaina cacádino. Afe uaina cacáillano caimare otíai. Mei íadi afémaci raire zicode raa riire jaináñena izói, Juzíñamuimo afémaci figo jaináñenamona are iñédia. Nano íanori ínotia. Mei íadi izire íai. facátalliruimo dúcina lezica ñúefuena fáicanocaitia.

<sup>14</sup> Iemo afe éegiai cígimo baiídijiai daína, jíáie ñuera uai cacádino. Mei íadi cacana lezica daní íai. comeci jitaína diné jáiacadia. Iemona afémaci comeci oni jíáinomo uilláfuiado, nocáe builla izói féiraitia. Daje izói iere íai. ráareiacanado, íemo jíái bíniemo ite caimare cai itátafuiado anáfenogaia. izóidia. Iemona figo llizíñede itia.

<sup>15</sup> Mei jíáfodo afe ñuera éniemo baiídijiai daína ñuera uaina cacáreacadino. Afémaci ñuera comécido cacáillano afe uaina ñue náfuetia. Iemona áfena fáicanocaiñeno ñue aite izói jáidia.

*Boode mechera jánaide izóidifue**(Mr 4.21-25)*

<sup>16</sup> Buna boode mechera retáidoñede. Daje izói buna boode mechera bíira anamo raináñede. Mei íadi jíáfodo boode mechera caifo uáfori cíoidinomo raináfírega, jofo jáidino ñue cíoillena.

<sup>17</sup> Mei uáfueza, nana retáidoga ráania uáfori jino cíotaibille. Daje izói nana báinide ráfui. jino uáfori llócailleza.



18 Aquíe izóideza ñue omoi cacáreiri: Iere Juzíñamuina onóacadimiemo ie báitaja báimo jamánomo írede, mei íadi Juzíñamui dibénedo figo onóacañedimie, due ie onógafue féitalle.

*Jesús ei naa ie ámatiairi*  
(Mt 12.46-50; Mr 3.31-35)

19 Iemona Jesús ei naa ie ámatiairi ie illánomo dúcidiaioi. Aféno aillo comini íllaza, afémiemo áinozinidiaioi.

20 Jira dáamie Jesumo llujide:

—O ei, naa o ámatiairi jino benó itíaioi. O diga úriacadiaioi, —daide.

21 Jira Jesús comínina daide:

—Juzíñamui lloga uaina cacáillano afe uai jeire otino cue eina, cue ámatiaina, —daide.

*Jesús jorai bagua naa jairifo diga llícaitate*  
(Mt 8.23-27; Mr 4.35-41)

22 Afe mei jíáiruido, Jesús ie llófuegamaciri áillocaemo ana jaillano Jesús daide:

—Mai jorai ruícaferaimo cai jai, —daide.

Iemona jáidiaioi.

23 Ruica íaioi jáitaja llezica, Jesús inide. Afe llezica riírede jairifo jóraimo ónonino raire bite. Riire jáíñuamona afe nocáe buíacade. Afécaena jacire anábaitacade.

24 Mei jira Jesús cazítatiaioi. Cazítajano íena daidíaioi:

—Llófueraima, Llófueraima, ¡ja buízaidicai! —daidíaioi.

Iemona Jesús náidacaillano jairifo naa jorai bagua diga llícaitate. Afemona nana llícaide; níifuenino jorai uái ite.

25 Afe mei Jesús ie llófuegamacina daide:

—¿Ico nai Juzíñamuimo íñoñediomoi? —daide.

Mei íadi afémaci jacínaitiaioi. Afémiemo caimare fáigacaillano conímamo jicánotiaioi:

—¿Mei bie ñie cómeita? Afémie jairífona ocuide, daje izói jáinoina ocuide.

Iemo afémie uaina ínotiaioi, —daidíaioi.

*Gerasa éniemo ite fiénide jóriai úcaigamie*  
(Mt 8.28-34; Mr 5.1-20)

26 Jailla ícoimo Gerasa éniemo dúcidiaioi. Aféni Galilea énie ruícaferaimo ite.

27 Como ari aféniemo jáidiaioimo, afe jófueмона dáamie Jesús diné bite. Ja diga fimónaiaí afémie fiénide jóriai úcaiga. Afémie inícuero jaca jítáñede. Daje jofomo uái íñede, mei jíáifodo raiáfuaína jofórede.

28 Jesuna cíoillano afémie anamo dújuzaibite. Dújuzaibillano ficire daide:

—Caifoide Juzíñamui Jitó Jesús, ¿ñibái mei cuemo jíricaidio? Duere cue o fínoñeillena izire jicádícue, —daide.

29 Afémie bie izói daide, mei Jesús afémiemo ite fiénide jóriai jino oréllena ocuícaza. Diga ícaíño afémiena fiénide jóriai riire uícade. Afe llezica comini afémie onoi ídai diga llojéodo máifirediaioi. Jáímaci fiéni fínoñeillena izire íena rairuítiaioi. Mei íadi afémie afe maía llójeina titáfírede, ie mei afe ie uícaide fiénide jóriai afémiena táizicimo botátáírede.

30 Jira Jesús afémiemo jicánote:

—¿O mámece bu? —daide.

Jira afémie uai ote:

—Legiona mámeçiredicue, —daide. Afe “Legiona” daına uai, aillo comini, daıacana.

Afémie bie izói daide mei aillo fiénide jóriaıai íena uıcaideza.

<sup>31</sup> Afe bie fiénide jóriaıai Jesumo izire jicádiaııi duere finótalle ibáırafomo afémaci óreiñellena.

<sup>32</sup> Mei afe llezica afénomo ite íconido aillo merónıai güıcaıdiaıııza, fiénide jóriaıi afe merónıaıımo jáillena Jesumo izire jicádiaııı. Iemona Jesús áfena fairıote.

<sup>33</sup> Iemona afe fiénide jóriaıai ímamona jino billano merónıaıımo jáidiaııı. Afe mei afe merónıai árera íconido jabıcana jóraıımo cocızıtıaııı. Dinomo coróbaitıaııı.

<sup>34</sup> Merónıai úiñotıno áfena cíoıllano jacınaitıaııı. Aferi jacınaıllano botádiaııı. Iemona jófuemo llujıdiaııı; daje izói oni fuédamo itıcuıımo llotıaııı.

<sup>35</sup> Iemona jofue comini afe comuidıfuemo acárızaidıaııı. Jesús illánomo íaııı dúcina llezica fiénide jóriaına jino orécamié Jesús anarı uái ráıınana cíıızaidıaııı. Afe íıma ja inıroi jıtáıııde; daje izói ie abına ñue onode. Afena cíoıllano iere jacırıtıaııı.

<sup>36</sup> Afena cíıdıno nauı fiénide jóriaıi uıcaıgamıe jıllotaja oni jíáınomo llujıdiaııı.

<sup>37</sup> Mei bıemona nana afe Gerasa éııe comini, afénomona Jesús oni jíáınomo jáillena izire jicádiaııı, mei áfena iere jacırıtıaııııza. Iemona Jesús ana áıllıcaemo jáızaide, ruıca abıdo jáillena.

<sup>38</sup> Afe llezica afe fiénide jóriaına jino orécamié Jesús dıga jáillena izire jıcade. Mei íadı Jesús áfena fairııñede; afémıena afénomo fiébitade. Iena daide:

<sup>39</sup> —Mai meine o jofomo jai. Jaıllano nana Juzıñamui omo finócafuıına jino lloiri, —daide.

Iemona afémıe jaıllano, nana jofue comııımo Juzıñamui íemo finócafuııı jino llujııde.

*Jairo jiza íemo jíáııgo Jesús inıcuıro jéıaıbitııgo Jesús jıllotate*

*(Mt 9.18-26; Mr 5.21-43)*

<sup>40</sup> Jesús meine jorai ruıcáfenemona dúcina llezica, comini afémıena iere caıııare llıınotıaııı. Mei nana afémıemo ocuırıdiaııııza.

<sup>41</sup> Afe llezica Jáırona mámeçiredııııe dúcıde. Afémıe Juzıñamui uai lloraco illaıııa. Afémıe Jesús anamo fueco dıne ana bıjıcaıde. Bıjıcaıllamo izire daide,

<sup>42</sup> “Cue jofomo biri; mei daıde cue jiza tíıızaidıeza,” daıde. Afengo ja doce fımona ite. Iemona Jesús afémıedo jaıde. Jaılla llezica dıga comini íedo jaıde; iere rıllıre jáidiaııı.

<sup>43</sup> Afémaci cígıımo iráredııgo ite. Afengo doce fımona dıe dícıtaılları irárede. Nana aféııgomo ite úcube manó fıredıııımo fııte; mei íadı afémaci aféııgona jíllotanıdiaıııı.

<sup>44</sup> Afe rıııgo jıııófene dıııena Jesumo billano ie inıcuıro fııeda jetáıııte. Ie jetánua llezica afengo dıe llııcaıde.

<sup>45</sup> Iemona Jesús jıcáıııte:

—¿Meı bu cue inıcuıro jetánııga? —daıde.

Iemo nana comini jáanıano “Ona bu jetáñena,” daıdıaııı. Jıra Pedro naa ie nabáıñıarı daıde:

—Lló fıeraıııa, nana comini rıllırenarı o ñııtadıaıııı. ¿Nıbáı mei, “Bu cue jeta,” daıdııı?

<sup>46</sup> Mei íadı Jesús daıde:

—Ja onódıcuıeza daa come cuena jetade. Mei cue rıııno afe come jíllotajana onódıcuıe, —daıde.

47 Afe jétaibitingo ja ie báillana onóillano cuidíricana Jesús anamo dújuzaibite. Iemona afengo jino nana comini eróicana jáanoñeno ie inícuero jetáacana rafue llote. Iemo jáí afémie inícuero jeta llezica ie jílona llote.

48 Mei jira Jesús aféngona daide:

—Cue jiza, cuemo o ínuamona ja jíllodioza. Jaillano caimare uái o iri, —daide.

49 Jesús nai úrioidemo, daa come Jairo jofómona Jesús diné bite. Afe Jairo Juzíñamui uai lloraco illaíma. Afe lluaíbitimie Jáirona daide:

—O jiza ja tíideza. Mai Llófueraimana úridoiñeno iri, —daide.

50 Mei Jesús áfena cacáillano daide:

—O jacíruiñeno iri. Dama Juzíñamuimo ínofireiri. Afemona o jiza jílloiteza, —daide.

51 Afe jofomo íaioi dúcina llezica, nana comini afe jofo eromo afémie oréñede. Afe jiza moo, ei diga, íemo jáí: Pedro, Santiago, Juan diga jofo uite.

52 Nana comini afengo tíllari fíçirerie éenaitiaioi. Mei íadi Jesús íaioina daide:

—Omoi éeñeno. Afengo tíñedeza, fia inide, —daide.

53 Daií afémie dáinari zadáidiaioi, mei afengo tíllana onódiaioiza.

54 Iemona Jesús afengo onoi líinota ficire daide:

—Jitaingo, mai náidacai, —daide.

55 Afemona afengo meine abido caade. Iemo afe daína llezica caifo náidacaide. Afe mei Jesús, “Mai afengo ecari” daide.

56 Afe llezica ie moo íaillinoi iere caimare fáigacaidiaillinoi. Mei íadi Jesús íaillinoina afe ie finócafue bumo llotátañede.

## 9

### *Jesús doce dígade ie llófuegamacina oni orede (Mt 10.5-15; Mr 6.7-13)*

1 Jesús doce dígade ie llófuegamacina dáanomo gairítate. Gairítanona afémieimo ite ríino íaioimo fecade, nana jáíforiede fiénide joría jino oréllena. Daje izói nana iráredino jíllotalena ríino afémacimo fecade.

2 Iemo Juzíñamui illáimana illarui rafue íaioina oni lluaítate. Daje izói iráredinona jíllotate.

3 Íaioina daide:

—Omoi jaille llezica minícana uiñeno, fia omoi jairi. Macara jigüida uiñeno iri, daje izói ciríticoi, íemo güíllena, íemo úcube uiñeno iri. Mena caifóferoi uiñeno, daa uiri.

4 Ninó daa jofomo omoi dúcia, afécomo uái iri, afénomona oni omoi jáíñeille dino.

5 Niie jofue comini ómoína líinoacañenia afénomona oni omoi jairi. Omoi jaille llezica, omoi eiba íaie afémacimo teténocairi. Afedo íaioi comécimo ite íaifue nai íaioimo íllana onótaitiomo.

6 Afemona ja oni nana dúegobiaido jáidiaioi. Jaillano ñuera jíllona uai llocana uitíaioi. Daje izói iráredinona jíllotacana uitíaioi.

### *Juan Bautista tílla rafue (Mt 14.1-12; Mr 6.14-29)*

7 Ocuídillaíma Herodes nana Jesús finócafuiaina fidide. Iemona Herodes comeci uibílluai íñede, mei dáarie “Juan tíide meine abido cáadimiena jaide,” daidiaioi.

8 Jiáimaci, “Juzíñamui uai llóraima Elías meine cíocaizaibilla,” daidíai. Iemo jiáimaci, “Jaiái ninomo tíide jiáie Juzíñamui uai llóraima meine abido cáadimiena jailla,” —daí llotíai.

9 Mei jira Herodes daide:

—Nauí cue Juan ifoci jaitátaticue. Iemona ¿mei bie nímie? Afémiedo diga ráfuiái cacáfiredicue, —daide.

Afe llezica Herodes iere Jesuna cíocade.

*Jesús cinco mil comini ecade*

(Mt 14.13-21; Mr 6.30-44; Jn 6.1-14)

10 Ie orécano abido dúcina mei, nana íai. Finócafuiái Jesumo llotíai. Afe mei Jesús afémacina oni eneno Betsaida jofue áinomo uite.

11 Mei íadi áfena fidíillano comini afénomo jáidiai. Afénomo Jesús caimare afémaci llínote. Juzíñamui illáimana illirui rafue íaiimo llote. Daje izói afénomo iráredinona jíllotate.

12 Iemo ja nauízaiilla llezica, doce dígamie orécano Jesumo billano daidíai:  
—Mai, comini íai. Ocozinaillena oni ore, áinori ite jófuiáido güille íai. Jenólleza. Mei benomo cai illánomo güille iñédeza, —daidíai.

13 Mei jiáifodo Jesús íaiina daide:

—Afémaci omoi eca, —daide.

Jira ie uai otíai:

—Benomo caimo cinco pániai íemo mena chamu ite. Afe baímo iñédeza. ¿Meita nana bie comini ecállena íbajiredicai? —daidíai.

14 Mei afénomo cinco mil comini gairídiaoiza. Mei íadi Jesús llófuegamacina daide:

—Nana bie comini cincuenta dígamierie ana raiziri, —daide.

15 Daí finua méifodo nana ana raizidaitiaí.

16 Afe llezica Jesús cinco dígade pániai, íemo mena chamu llínote. Llínuano monamo eróillanona Juzíñamuina afe güíleri “Iere figora,” daide. Daí daína méifodo, afe ditada, ie llófuegamacimo fecade, afémaci comínimo fecállena.

17 Iemona nana áferi ñue jeírediaí. Afe mei llófuegamaci güígamona fiébidino doce cirígai oruítatiaí.

*Pedro Jesús Crístona uáfodo jino llote*

(Mt 16.13-19; Mr 8.27-29)

18 Afe mei jiáiruido Jesús oni eneno Juzíñamuimo úrizaide. Afénomo ie llófuegamaciri ite. Afémacimo afémie jicánote:

—¿Comini níie izói cuena daidíai?

19 Jira uai otíai:

—Dáamierie “Bie Juan Bautista,” daidíai, jiáimaci “Bie Elías” daidíai, íemo nai jiáimaci “Jaiái Juzíñamui uai llóraima meine abido cáilla” daidíai.

20 Jira Jesús jicánote:

¿Omoi níie izói cuena daidíomoi?

Jira Pedro daide:

—Juzíñamui nizeca Cristo daínámiedo, —daide.

*Jesús ie tíille rafue jino llote*

(Mt 16.20-28; Mr 8.30-9.1)

21 Iemo afe Pedro llógana afémie jiáie comínimo iere rairuillano ie llófuegamacina áfena bumo llotátañede.

22 Íaiina daide:

—Nanoide Híma Jitó Crístodícueza, iere duere finóllícue. Ocuide éinamací cuena ruifíruitiaíoi. Daje izóí lletáriraini illaini cuena ruifíruitiaíoi, íemo jíái ocuica uai llófuefiredino cuena íáíruitiaíoi. Cuena títaítiaíoi, mei íadí daaruíámani íllemona meine abído cáaitícue, —daíde.

<sup>23</sup> Afe méífodo nana afémacina daíde:

—Nínó dáamie cuedo jáiacania dama ie comeci jítaíllana féítarede. Féítano cuedo jáirede. Afémie cuedo jailla ícoínia tíidena afémie áfena izire ónide.

<sup>24</sup> Mei ie caana rairuíacadímie áfena táinomo fáífitáite. Mei jíáífodo cue ícoínia ie caana táinomo fáífitímie afe fáífidena baimo ziiño illínona máíñoite.

<sup>25</sup> Mei daa come nana bíníe ráaniai aillo náamataadi, mei íadí afe llezica dama ie comeci afémie táinocaitaiadi, nana ie maiñoca ráaniai afémiena jíllotañeite.

<sup>26</sup> Nínó daa come cuena meáiruia, daje izóí cue uaina meáiruia, afe íbana uire illáimana ana cue billíruimo afémiena meáíruitícue. Nanoide Híma Jitódícueza, aféruimo Moo Juzíñamui ebírededo bíítícue naa níífuenide Juzíñamui abí ímáciri.

<sup>27</sup> Uáfúena ómoína dáíítícue: Birui benó itínomona, dáarie nai íaíoi tííñena llezica Juzíñamui illáimana illarui cíoitiaíoi, —daíde.

*Jesús abí jíáífodo méidoficailla*  
(Mt 17.1-8; Mr 9.2-8)

<sup>28</sup> Daíí dáina mei ocho dígarui jailla mei, Jesús Juzíñamuimo úrillena caifónedumo jaide. Afémie Pedro, Santiago, Juan dígamie uite.

<sup>29</sup> Nai Juzíñamuimo Jesús úríoina llezica, afémie uíeco jíáífodo méidoficaide. Daje llezica ie ínícuro jamánomo úzere quenire jaide.

<sup>30</sup> Afe llezica mena come ie abímo cíocaide. Afe íaíllinoi afémie díga úrite. Afe bíáíllinoi Moisés Elías díga.

<sup>31</sup> Daje llezica ñue ebire quenire cíoide raa afe íaíllinoína onífenedo féricaide. Afe íaíllinoi Jesús Jerusalemo duere zefuíllano tííllífuedo úritiaíoi.

<sup>32</sup> Afe llezica Pedro naa ie nabáíñiaíiri iere ínie méinegaiaíoi ía, ocuíaíoi. Afémaci Jesumo ite ebire cíoidena cíodiaíoi; daje izóí afémie díga itíáíllinoína cíodiaíoi.

<sup>33</sup> Afe íaíllinoi Jesúmona oni jáíoicailla llezica, Pedro daíde:

—Llófueraíma, ¡nii benomo caímare caí illa! Mai daámani jofóchupina caí nii. Daaco óie, jíáico Moisés ie, íemo jíáico Elías ie, —daíde.

Mei íadí Pedro ie daííacana ónoñede. Jira comeci facáñeno ebena daíí daíde.

<sup>34</sup> Nai ie úríoina llezica, mona ero uíllie íaíoína ferínocaide. Mona ero uíllie eromo íaíoi íficailla llezica iere jacínaitiaíoi.

<sup>35</sup> Afe llezica afe uíllíemona daa uaina cacádiaíoi:

—Bie iere cue izíruiga Jitoza, afémiemo omói cacáreiri, —daíde.

<sup>36</sup> Daíí dáina méífodo Jesumo érocaidiaíoi, ja dama ite. Afe mei afémaci afe íaíoi cíónana bumo lloñédiaíoi.

*Jesús fiénide joríaí uícaiga jítócome jíllotate*  
(Mt 17.14-21; Mr 9.14-29)

<sup>37</sup> Afe jíáíruido afe ídumona ana íaíoi bílla llezica, aillo comíni ío anamo Jesús úíñotiaíoi.

<sup>38</sup> Iemona comínimona dáamie ficire lléjecaide:

—Llófueraíma, dúecaillano daade cue jítomó érocaí.

<sup>39</sup> Fiénide joríaí ríire íena uícade. Afe joríaí íena caíllítacaide, afémiena nano íanori títaífiredo. Afe llezica ie fuémóna múllecíai bífiredo. Iena duere finode; afémiena fáicanocaiñede.



<sup>40</sup> O llófuegamacimo afe jóriai jino oréllena izire jicádícue, mei íadi orénidiaioi, —daide.

<sup>41</sup> Jira Jesús uai ote:

—¡Nii jamánomo ínofinidiomoi! Iemo daje izói ñúefuena iere uáitafirediomoi. ¿Niié dinó omoi cígimo íredícue omoi cue ríidollena? O jitó benomo ati, —daide.

<sup>42</sup> Mei íadi afe jitócome Jesumo ánozilla llezica, fiénide jóriai afémie ana éniemo dotade. Afe llezica afe jitócome íanori titade. Mei íadi Jesús afe fiénide jóriaina riire dainano oni orede. Afemona Jesús afe jitócome jíllotata. Iemona jíllotano ie moomo abído ite.

<sup>43</sup> Iemona nana comini Juzíñamuimo ite áillue ríinori caimare fáigacaidiaioi.

*Jesús ie tílle rafue meine nane llote*

*(Mt 17.22-23; Mr 9.30-32)*

Nana comini Jesús finócari caimare fáigacaila llezica, afémie ie llófuegamacina daide:

<sup>44</sup> Bíemo ñue omoi cácarei. Afena omoi féitaño iri. Nanoide Iima Jitódícueza, duere cue íaioi finóllena comínimo fécajillícue, —daide.

<sup>45</sup> Mei íadi ie llófuegamaci afe ie dáinana ñue onóñediaioi. Mei afe fue afémacimona rairuica. Iemo afe llezica afefue aféniemo jicánuana jacíruitiaioi.

*¿Mei niié come jamánomoina?*

*(Mt 18.1-5; Mr 9.33-37)*

<sup>46</sup> Afe méifomo ie llofúegamaci dani jofo eróicana conímana “cáimona níimie iere jamánomoina” daína júfidotiaioi.

<sup>47</sup> Mei íadi Jesús íaioi comeci úrillana onode. Iemona daa úrue uáidota ie abimo naidánete.

<sup>48</sup> Daií naidániano afémacina daide:

—Bie úrue cue mámecido llínotimie cuena llínote. Iemo cuena llínotimie, ana cue orédimiena llínote. Mei uafue, omoi cígiri jabóidimie Juzíñamui eróicana iere jamánomoidimie, —daide Jesús.

*Caina uáitañedimie cai dibénemo ite*

*(Mr 9.38-40)*

<sup>49</sup> Ie jira Juan Jesuna daide:

—Llófueraíma nauí o mámecido fiénide jóriai orédimiena ciódicaí. Afémie cai díga macáñena jira afémiena rairuídicaí, —daide.

<sup>50</sup> Mei jira Jesús íena daide:

—Afe izói finódimie rairuíño iri. Mei caina uáitañedimie cai dibénemo íteza, —daide.

*Jesús Sanatiago Juan díga lletade*

<sup>51</sup> Jesús monamo jáiacanarui ánozilla llezica, afémie Jerusalemo jáillena riire mamérite.

<sup>52</sup> Daií mamérrillano uícodo raire uai llóitino orede. Afémaci Samaria éniemo ite duera jófue mo jáidiaioi íaioi dúcillíco raire báillena.

<sup>53</sup> Mei íadi afeno itímaci Jesús naa uícodo orécanori Jerusalén diné íaioi jáiacana jira, íaioina llínoacañediaioi.

<sup>54</sup> Ie llofúegamacimona Santiago, Juan díga áfena cióillano Jesuna daide:

—Ocuíraíma, jaíai uai llóraíma Elías fínua izói, bimaci fúilleza monámona iraina cai jírriredicaí ¿meita jítáidío? —daide.

<sup>55</sup> Iemona Jesús íaillinoímo éroillano llétajano daide:



—Omicoi jainaina joréñona onóñediomicoi.

<sup>56</sup> Mei uafue, Nanoide fima Jitódicueza comini niné táinocaitallena biñédicue, mei jiáifodo cominina jállotaibiticue, —daide.

Iemona oni jiáigobiaimo jáidiaioi.

*Jesudo jáiacadino bie izói írediaioi*  
(Mt 8.19-22)

<sup>57</sup> Iodo íaioi jailla lezica dáamie Jesuna daide:

—Ocuíraima, o jáiacana diné o diga jáiacadicue, —daide.

<sup>58</sup> Jira Jesús afémiena daide:

—Nana jazici rílleniai uái ífireillino ite. Daje izói caifodo féedinuiai uái íaioi ráillino ite. Mei íadi Nanoide fima Jitódicueza dáanori uái cue illino íñede, —daide.

<sup>59</sup> Jesús jiáimiena daide:

—Mai cuedo bi, —daide.

Mei íadi afémie daide:

—Fueñe cue moo tílla ráiaiticueza cue ore, —daide.

<sup>60</sup> Jira Jesús ie uai ote:

—Juzíñamuina jieruiñedino tíide izóidino; mai mei afémaci jádie ua tíitimiena ráilleza, mei o cuedo bi, billano Juzíñamui illáimana illirui llujáiri, —daide.

<sup>61</sup> Afe mei jiáimie Jesuna daide:

—Ocuíraima, odo bíacadicue, mei íadi fueñe cue jofo ero comini jáillena facáduaiticueza cue ore, —daide.

<sup>62</sup> Jira Jesús íena daide:

—Daa come ie táijina ja táinia mei, jiáinomo comeci fácaya fiénide. Ie jira bie izóidimie Juzíñamui illáimana illiruimo táijillena ráifiñede, —daide.

## 10

*Jesús setenta dígamie ñúefue llujáillena orede*

<sup>1</sup> Bie méifodo, Ocuíraima Jesús nane setenta dígamie nizede. Níziano ménamierie ie uícodo orede. Nana ie jáiacanagobiaimo íaioina orede.

<sup>2</sup> Íaioina daide:

—Uáfueza, jacáfaimo ite raa ailla lezica jofo óitino íñena izói, birui Juzíñamui illáimana illiruimo jofo órede comini aillo ite. Mei íadi afémaci jofo óitino figo íñede. (Afe jofo óitino jiáimacimo ñúefue llóitino.) Ie jira cai Ocuíraimamo, jacafai Naama izóidimiemo jiáie ñúefue llóitimacina omoi jicari, afémacina afémie oréllena.

<sup>3</sup> Jira omoi jai. Jaillano bie uaimo omoi coméciri: illáirede jazici jicóniai cígimo ovejai jiza ória izói, ómoína orédicue.

<sup>4</sup> Omoi jailla lezica cirítico uíñeno iri, daje izói úcubena uíñeno iri. O eiba icona uíñeno iri. Io anamo jiáimaci diga are naidáicana úhuriñeno iri.

<sup>5</sup> Ninó daa jofomo jofo o jáiadi afeco cominina fueñe bie izói omoi daíri: “Caimare uái illifue bie jofomo íteza.”

<sup>6</sup> Afécomo comécina caimare uái itino ia, afe uai afémaci íaioieite. Mei íadi afe izoide comini afénomo íñena, omoi daí uáidua uai abido ómoimo bíteza.

<sup>7</sup> Oni omoi jáiñeille dinó dáacomo uái iri. Omoi íaioi ecálleze güítimoiza. Omoi jirótalleze jirori. Mei jiáimacina omoi cánua jira, nana áfemo táijiraíma ie táijinado íbaredeza. Ie jira naga jófuedo güícaíñeno iri.

<sup>8</sup> Ninó jófueo omoi dúcia caimare omoi íaioi llínoia, güíllena omoi íaioi ecaa afe omoi güiri.

<sup>9</sup> Daje izói afénomo iráredinuiaina omoi jíllovari. Afe llezica afémacina daiíri, “Juzíñamui illáimana illarui ómoimo ja ánozideza,” daiíri.

<sup>10</sup> Mei íadi jíáie jófue omoi dúcia afeno comini ómoína llínoiacañeniadi, jino jofue cígimo ite macáraodo jairi. Jaillano daiíri:

<sup>11</sup> “Cai eíbamo aífide omoi jofue íaie ómoimo teténoiticaí. Daií finódicaí, fieni caimo omoi fínuana uáitallena. Mei íadi bíena omoi onoiri: Juzíñamui illáimana illarui ja ómoimo ánozideza.”

<sup>12</sup> Omoína dáitícue, íraicaiño izire jicánolliruimo bie jofue comini Sodoma comini duere finóbina baímo duere finólliaíoi.

### *Náfuefinide jófuaí comini*

*(Mt 11.20-24)*

<sup>13</sup> ¡Corazín jofue comini, nii dúerena! ¡Daje izói Betsaida jofue comini nii dúerena! Mei íaíoi cígiri cue finoca ciórainina raa, áfena Tiro jofue comini naa Sidón jofue comini cígimo nauí finódicuenia nibai jaiái uícodo íaíoi comeci ífueña méidotiaíoi. Uafue íaíoi comeci ífueña méiduamona ja díga fimona jailla. Afe llezica zúunaia jítáfirega jítiroi jítáacadiaíoi. Daje izói aféruimo íaíoi zúunailla jino ácatallena jízefo ífomo jutáacadiaíoi.

<sup>14</sup> Mei íadi íraicaiño izire jicánolliruimo Tiro Sidón díga duere finóbina baímo Corazín íemo Betsaida comini duere finólliaíoi.

<sup>15</sup> Daje izói Jesús Capernaum jofue comini lletade; íaíoi dibénedo daíde: ¿Meita íaíoi íinoga jofue monamo úrede? ¿Daií comeci facádiaíoi, ero ua? Mei jíáfodo íaíoi dáitícue, tíidino illánomo ana dotaca izói niné táinocaitalliaíoi.

<sup>16</sup> Iemo ie setenta nizécamacina daíde:

—Omoína cacáreidimie cuemo cacáreide. Iemo jíái ómoína ruifíruitimie cuena ruifíruite. Daje izói cuena ruifíruitimie cue ana orédimiena ruifíruite, —daíde.

### *Oreca setenta dígado abido dáanomo dúcina*

<sup>17</sup> Nauí oreca setenta dígado meine abido caimare dúcidiaíoi. Jesuna daídíaíoi:

—Ocuíraíma, nana cai llógamo cacáreidiaíoi, ua daje izói fiénide jóriaí o mámeçido daína uaimo cacáreidiaíoi, —daídíaíoi.

<sup>18</sup> Jira Jesús daíde:

—Jíi, Satanás monamona ameo izói baíllana ciódicue.

<sup>19</sup> Daje izói jaióniaí naa acáduai ómoína izi cácatañelle ríino nauí ómoimo cue iga. Daií nana cai bacáuai izóidimie Taífe ríinona izi cácañeno anáfenodiómoi.

<sup>20</sup> Mei íadi fiénide jóriaí jino ória ríino ómoimo íllado figo coméçiño iri. Mei jíáfodo omoi mámeçiaí monamo cúeinari omoi íóbiri, —daíde.

### *Dama Jesús cáimacailla*

*(Mt 11.25-27; 13.16-17)*

<sup>21</sup> Afe llezica, Ñuera Joreño Jesuna íóbitade. Íóbicaillano Jesús daíde:

—Cue Moo, mona énie díga Ocuíraímadío, omo ñúefue mámeíticue, mei ráfueña baitádinomona o dibénedo retáidoga onóigafuaí onótañedio. Mei jíáfodo coméçina níifuenide úrue izoide jamai comínimo aféfuiaína jino cíotatio. Jíi, Moo, mei o daií jítaídíoza, —daíde.

<sup>22</sup> Jesús nai úrioido: “Cue Moo, nana ráaniaí cuemo fecádio. Moo Juzíñamui, o Jitódicue, mei íadi buna uáfodo cuena ñue ónoñena. O cue Móodioza, dama o ñue cuena onona. Daje izói buna uáfodo ona ñue ónoñena. Cue, o Jitódicueza, dama cue ñue ona onona. Iemo jíái daje izói o Jitó onótaacagano ñue ona ónoítiaíoi, —daíde.

23 Iemona ie llófuegamacimo érocaillano, dani íaioina daide:

—Omoi ciona raana cionamona jñi íóbirediomoi!

24 Mei ómoina daidicue, diga Juzíñamui uai llóraini naa illáimaiairi omoi ciona raana cióacadiaioi mei íadi jaca cióñediaioi. Daje izói omoi cacana uai cacáacadiaioi, mei íadi jaca cacáñediaioi, —daide.

### *Samaria ímie rafue*

25 Afe mei ocuica uai llófuefiredimie Jesumo úrizaide, afémie facátallena. Afémiemo jicánote:

—Llófueraima; ziiñona cue íllena ¿ñie izói íredicue? —daide.

26 Jira Jesús uai ote:

—Ocuica uaimo ¿mei ñie uai cúeina? Afena ¿ñie izói facádotio? —daide.

27 Jira ocuica uai llófuefiredimie uai ote:

—Afe uai bie izói daide: Nana o comécido o Ocuide Juzíñamuina izíruiri. Daje izói nana o joréñodo, íemo nana o máiriedo, íemo nana o ífoci úrillado íena izíruiri. Afe llezica dama o abina o izíruilla izói afe izói o aino cómena izíruiri, —daide.

28 Mei jira Jesús daide:

—Ñue fairíotio. Bie izói o finóadi nia are cáaitio, —daide.

29 Mei íadi Ocuica Uai llófuefiredimie ie facátalle uai baiñenamona, ñue jicánotimie daiíllena jíáie uai Jesumo jicánote:

—¿Ñie come cue abi ímiena jóoneiticue? —daide.

30 Jira Jesús uai ote:

—Dáamie Jerusalémona oni Jericomo jaide. Ie jailla llezica merírifiredino afémie fatíaiói. Fájano ie ráaniai bairódiaioi naa inícuiruaimo. Afémiena iere íitátiaioi; jabo ie títano íena fiénocaidiaioi.

31 Afe méifodo lletáriraima ónonino daje llezica afe iodo jaide. Mei íadi fagámiena cíoillano onido jaide.

32 Afe mei Leví nairai ímie afénomo dúcide. Daje izói afémiemo fia érocaillano onido jaide.

33 Afe méifodo Samaria ímie daje iodo jaide. Fagámiena cíoillano afémiemo zúucaillano iere dúecaide.

34 Mei íemona fagámie billano, cáirediji naa vino diga ie boáfiai manode. Afe mei afe boáfiai maite. Maia méifomo dama ie búrromo caifo rainada dúciracomo uite. Uillano afécomo afémiena uíñote.

35 Afe jáíruido, afe Samaria ímie ja jáizailla llezica, mena úcube uano afeco naama ibade. Ibajano daide: “Bie iráredimie ñue o uíñori. Bímiemo omo cue iga úcube baimo o dotáadi, uire meine cue bia omoi cue íbálleza,” daide.

36 Mei íemona birui cuemo llone: Bie daámanidemona ¿ñimie ñue finoca bie merírifiredino fagámie aino come finófirena izói? —daide Jesús.

37 Jira ocuica uai llófuefiredimie daide:

—Mei afémiemo dúcaidimie fagámie aino cómena, —daide.

Iemona Jesús íena daide:

—Jaillano bímie fínua izói o finori, —daide.

### *Jesús Marta María íainguai jofomo dúcide*

38 Jesús iodo jaillano duera jófuemo dúcide. Afénomo ite Marta daínango ie jofomo Jesuna caimare líñnote.

39 Marta ebuño María Jesús anamo ráizaibite ie daínana ñue cáaillena.

40 Mei íadi Marta diga jetáacaganiaimo comeci lícibite. Iemona Jesumo billano daide:

—Ocuíraima, cue ebuño nana táijina cuemo fiénocaide, ¿aferi coméciñedio? Cue dine ore, afengo cue cánuabilleza, —daide.

<sup>41</sup> Mei jiáifodo Jesús afengo uai ote:

—Marta, iere o jetáacaga raamo o comeci llícitaitio. Afe táijinamo iere duere zefuídio.

<sup>42</sup> Mei íadi daa jitáirede raana nai omo iñede. Ie mei María afe baimo ñuera raa jae nizede. Afengo nizeda oga raa bu báiroñeite, —daide.

## 11

*Juzíñamuimo cai úrifireillena Jesús llote*  
(Mt 6.9-15; 7.7-11)

<sup>1</sup> Afe mei jiáiruido Jesús bai táinomo Juzíñamuimo úrite. Juzíñamuimo ie úrilla llícaillamona ie llófuegamacimona dáamie daide:

—Nauí Juan ie llófuegamacimo ie llua izói, Juzíñamuimo cai úrilla cai llofue, —daide.

<sup>2</sup> Jira Jesús íaioina daide:

—Juzíñamuimo omoi úria bie izói daiíri:

Cai Moo Juzíñamui, monamo itio; o mámeçido ñúefue nitácaza.

O illáimana illirui raire bíteza.

Dinomo monamo o comeci jitáillafue íaioi fínua izói, afe izói bie éñemo finótaibiteza.

<sup>3</sup> Cai nágarui jitailla gülleniai, birui caimo fecari.

<sup>4</sup> Cai finoca fiénidifue iba caimo oñeno iri, mei afe izói jiáimaci fiñi caimo finódiaioi íadi, afémacimo ibana oñédicai.

Iaifueмо cai báññellena caina úññori.

Iemo afe llezica nana fiénidifuiaimona caina jíllotari.

<sup>5</sup> Iemo nane Jesús daide:

—Bie fia cue dañlle ráfueмо omoi coméçiri. Omoi mona dáamie ie onóigamie ite. Afe o onóigamie dáaferui o jofomo jaillano ona daide: “Daámani páañiaí fia cuemo feca,

<sup>6</sup> mei cue onóigamie aillí cue jofomo dúçideza. Mei íadi afémie cue ecállena iñede,” daide.

<sup>7</sup> Ie jira níbaí jofona bie izói uai óredio. “Cue úrue diga inídicueza, cuena áifedoñeno iri. Naze íbáicaza, o jicaca raa omo fecállena jino bínidicue.”

<sup>8</sup> Mei íadi ómoína dáñticue, afe jícaíbitimie o nabaina jira fécaññeítio, mei íadi afémie are ona áifedoñellena nana ie jitaica ráañiaína jeruñño fécaítio.

<sup>9</sup> Afe jira ómoína dáñticue: Juzíñamuimo jicari, afémie fécaíteza. Jenori, báítioza. Nazémona jíñriri, íemona afémie tuizáibiteza.

<sup>10</sup> Mei uáfueza, jíçádimie jaca llíñnote; jenódime jaca baite; nazémona uáidotimieмо naze tuiñoca.

<sup>11</sup> Omoi mona úrueredimie ie jito güllena jíçáadi ¿meita noñçina iga? Jaca íniga. Daje izói chamu jíçáadi, ¿meita jaiona iga? Iniga.

<sup>12</sup> Iemo jíai jíçí jíçáadi ¿meita acáidona iga? Iniga.

<sup>13</sup> Mei fiénidíomoi íadi, ñuera ráañiaína omoi úruiaimo fécajana onódiomoi. Mei íadi afe baimo monamo ite omoi Moo afémie Ñuera Joréñona jícaítinomo fécaite, —daide.

*Fiénide jóriai ríino Jesumo illa aféñemo jíñdiaioi*  
(Mt 12.22-30; Mr 3.20-27)

<sup>14</sup> Afe mei Jesús uáñidimieмо ite fiénide jóriai jino orede. Afe jáillamona afe uáñidimie ja ñue úrite. Aferi comini caimare fáigacaidiaioi.

<sup>15</sup> Mei íadi dáarie dañdiaioi:

—Bímie Beelzebú daina fiénide jóriai illaima ríinodo, afe fiénide jóriaina jino orede, —daidíaiói.

<sup>16</sup> Jiámaci ie facátallena, “Monámona uai dáinamona comuide ciórainina raa fino,” daidíaiói.

<sup>17</sup> Mei íadi Jesús afémaci comeci úrillana onóillano daide:

—Ninó daje náiraina ite comini bozíetaillano conima diga fuiríadi, afe nairai niné táinocaite. Daje izói daaco ero comini bozíetaia, afémaci daje izói are iñeno niné táinocaitiaíoi.

<sup>18</sup> Afe izói, mei Satanás dama íemo jaináidinona, dani abina uáitaiadi, ¿mei nñe izói ie ócuifirena ríino are ite? Bie ómoimo llóiticue, mei cuena “Fiénide jóriaina Beelzebú ríinodo jino oréidío,” daidíomoiiza.

<sup>19</sup> Mei íadi daítadena, jiáiuaina ómoimo jicánoticue, Omoido jáidinomo ite fiénide jóriai orelle ríino, ¿bu mei fecaca? Ie jira dani afémaci ñue onóñeno taino omoi llua jino cíotatiaíoi.

<sup>20</sup> Mei jiáfodo uáfueza, Juzíñamui ríinodo fiénide jóriaina jino oréfiredicue. Iemo bifue bie izói ómoina dáiacade: Juzíñamui illáimana illirui ja ómoimo dúcide.

<sup>21</sup> Mei daa mairide cómemo ie ñue fuirira raa ia, ie jofona ñue úiñofirede. Afedo ie uíñuamona buna ie raana bairónide.

<sup>22</sup> Mei afémie baimo ríiredimie bíadi, nñbai íena anáfenoite. Anáfenuano ie íinoga abi ríidua raana báiroite. Afe mei afe báiruaíbitimie nana íemo ite ráaniaina úite.

<sup>23</sup> Cuena ruifíruitimie cuena uáitate. Daje izói cue diga dájena táijiñedimie, cue ráaie oni jutádimie izoide, mei afémie jiámaci cuemo ínotañedeza, —daide Jesús.

*Jino oreca fiénide jóriai meine dáamiemo bite  
(Mt 12.43-45)*

<sup>24</sup> Jesús nai llícaíñeno úrite:

—Fiénide jóriai cómemona jino jáiadi, táiziciaído ie uái illino jenócana uite. Ie uái illino baiñenamona bie izói comeci facade. “Meine abido cue billa cómemo jáitícue,” daide.

<sup>25</sup> Afe jóriai meine afe cómemo bítemo, ñue rafoda finócaco izói baizáibite.

<sup>26</sup> Iemona afémie baimo siete diga jamánomo fiénide jóriai uájide. Afémaci nana afe cómemo jofu jaillano itíaiói. Afemona afe come nauí ie fiénina baimo birui jamánomo fiénide, —daide.

*Uáfueña íobidino*

<sup>27</sup> Mei Jesús nai bífuiado úrioina llezica, comínimona daa ringo ficire Jesudo úrite:

—O jocódíngo nñ caimare érocaillangona. Daje izói o comuítatíngo nñ caimare íobillangona, —daide.

<sup>28</sup> Mei jira Jesús jiáfodo daide:

—Juzíñamui llógamo cacáfiredino, daje izói áfena ñue ínotino o dainango baimo jamánomo caimare itíaiói, —daide.

*Fiénide comini ciórainina raa finóllena Jesumo jicádiaíoi  
(Mt 12.38-42; Mr 8.12)*

<sup>29</sup> Comini Jesús onífenedo ofídiaíoi. Jesús íaioina daide:

—Biruiamo ite comini iere fiénidino. Afémaci ciórainina raana finóllena jicáfirediaíoi, mei íadi nauí Juzíñamui uai llóraima Jonás onótagafue baimo jiáfueña llóñeilliaíoi.



<sup>30</sup> Mei Nínive jófuemo ite comínimo Jonás Juzíñamui orécamiena áioi onóillena afémie jóonega raa izóidimie. Afémie illa izói, biruúllaido ite comínimo Nanoide Hima Jitó Cristo afe bie comini onóillena jóonellimiena íte.

<sup>31</sup> Íirairuimo bigímaiaia izire jicánolle llezica sur dibénemo jica ite nairai illaingo bigímaiaimo fiénidifuaia nítaite. Mei afengo jica énie fuédamona Salomón comeci onóigafuemo cacáreizaibiteza. Mei íadi birui benomo Salomón baimo baitádimie illa.

<sup>32</sup> Daje izói bigímaiaimo íirairuimo izire jicánolle llezica, Nínivemo ite comini bimácimo fiénidifuaia nítaite. Mei Nínivemo ite comini Jonás Juzíñamui uai íaioimo llua llezica, íaioi comeci itífuenta méidotiaioi. Mei íadi birui benomo Jonás baimo jamánomoidimie ite.

*Cai illafue ñue egáñote raa  
(Mt 5.15; 6.22-23)*

<sup>33</sup> Uneca mechera bu báinino jóoneñede. Daje izói cajón anamo buna mechera retáidoñena. Mei jiáifodo uneda caifo jica rainaca, jofo eromo jáitino ñue cíoillena.

<sup>34</sup> Ñúefuemo o comécilla omo ñue egáñote raa izoide. Jira mechera egáioinamona o úido ciónana o íóbitaja izói, afe izói ñúefuaia o jítaigana o comeci ífuenta caimare itátaite. Iemona ñúefuemo o comécillado nana o illafue jaícina ñue joide. Mei íadi ñúefuemo o comécíñeniadi, jítifodo mácaja izói itio; nana o comeci ífue zuure íteza.

<sup>35</sup> Mei jira omo ite mechera egáioina izoide raa, dúide izói meídoñellena ñue rairuiri.

<sup>36</sup> Mei nágarui ñúefuaiaimo féitañeno o comécia, mechera egáñuamo uáfori cíoina izói, nana o illáfuenta ñue uáfodo cíoitio, —dinori Jesús úrite.

*Fariséuai daje izói ocuica uai llófuetñori imaci fiénidifue Jesús jino llote  
(Mt 23.1-36; Mr 12.38-40; Lc 20.45-47)*

<sup>37</sup> Jesús ie úrilla llícaillamona daa fariseo ímie ie diga güizájillena Jesumo llote. Jesús jofo jaillano güiránomo ráinazaide.

<sup>38</sup> Afémie afémaci finofirena izói finóñede, mei afémie íaifue múiñua joreño onoi jócua, finóñeno güíteza. Aferi afe Jesús uitímie fáigacaide.

<sup>39</sup> Mei íadi Ocuíraima Jesús íena daide:

—Omoi fariséuai jiróraco naa plato diga jócua izói jinófene ñue jocódiomoi, mei íadi jofo erófenena jocóñediomoi. Afe izói nana omoi jinófenena ñue rairuídíomoi, mei íadi jofo comeci dinena, merírillado omoi oga raa ite; daje izói fieni omoi íllado omoi oga raa ite.

<sup>40</sup> ¡Comécina úriñedinodiomoi! ¿Onóñediomoiza comini jinófene finódimie, íemo íaioi ero diné comeci finódimie dáamie?

<sup>41</sup> Ñúefuaia comécido omoi onónamona ómoimo ite raana jeruíñeno dúeredinomo fia fecari. Afemona nana ráaniaia ja ómoimo íáinino íitiaioi.

<sup>42</sup> Fariséuai, ¡ñii omoi dúerena! Omoi riga ráamona diez dígademonaa daa Juzíñamuimo dúide raana afémiemo ñue fecáfiredíomoi. Omoimo ite “menta” daína rarócimona afémiemo fecáfiredíomoi. Daje izói “ruda” daína rarócimona daa fecáfiredíomoi. Iemo jiái omoi porótooduaimona due Juzíñamui íena máme-firedíomoi. Mei íadi comécina jaícina jóidifuemo naa Juzíñamuina izíruillana náfueñediomoi. Aquíe izói írediomoi. Afe llezica omoi jiáie finóacaigafuenta féitañeno finori.



<sup>43</sup> Fariséuai, ¡nii omoi dúerena! Juziñamui uai lloraco eromo jamánomo ñue ráiraniaina jicáfirediomoí. Daje izói jofue cígido macáraodo omoi jáia, comini jacírede illaíma uáidua izói omoi íaioí uáidollena iere gáidiomoí.

<sup>44</sup> Ocuica uai llófuefiredino naa fariséuairi, ¡nii omoi dúerena! Jínofene ñue cíoina mei jofona comeci ñue ráataitiomoí. Cíóñena énie anamo tíidino ráigano izóidiomoí. Comini afe acónido ónonino macádiaioí.

<sup>45</sup> Iemona ocuica uai llófuefiredinomona dáamie afe uai ote:

—Llófueraíma, jadíe izói o ñaína nane caina ríicaitade, —daide.

<sup>46</sup> Jira Jesús daide:

—Ocuica uai llófuetino, daje izói ¡nii jamánomo omoi dúerena! Mei ocuínide méere ñue raa izoide jíámamo jaca llonódacafirediomoíza. Aféfuiaína buna ocuínide. Afe omoi riire ocuicanona canófinidiomoí.

<sup>47</sup> ¡Nii omoi dúerena! Mei jaiaí omoi nánoragíma faga Juziñamui uai llóraini raírafo izoide tíidimie jóoniacona ébirerie finódiomoíza.

<sup>48</sup> Daí omoi fínuado jaiaí afémaci finócafueña jíeruitiomoí. Mei afémaci afe uai llóraini titádiaioí, íemo birui afémaci raírafo izoide jóoniacona meine abido nitátatiomoí.

<sup>49</sup> Ie jira Juziñamui nana ráfuiaí onóillano, bie izói daide: “Afémacimo cue uai llóraini óreitícue. Daje izói jíáie cue nízcáno íaioímo óreitícue. Afémacimona dáarie tíaitiaioí. Jíáimacina duere finóllena rácaitiaioí,” daide.

<sup>50</sup> Mei uáfueza, birui itínomo, nana jaiaí faga uai llóraini íbana óite. Uafue, énie fínuamona biruimo nana tíidino íbana óite.

<sup>51</sup> Faga Abel igímamona Zacarías tíillaruiamo íbana óite. Afe Zacaríasna Juziñamui gairíraco eromo ite altar áinori fatíaioí. Jira ómoína dáitícue, biruimo itínomo Juziñamui afe titácano íbana óite.

<sup>52</sup> Ocuica uai llófuetino, ¡nii omoi dúerena! Mei nauí Juziñamui ómoímo fecaca ie ñue báitaja uai ie illáimana illánomo jofo omoi jáillena, áfena ñue náfueñediomoíza. Iemo afe llezica onóiacadinomona áfena rairuídiomoíza, — ñinori Jesús úrite.

<sup>53</sup> Jesús bie izói íaioína ñaína llezica, ocuica uai llófuetino naa fariséuairi afémiemo jamánomo ríicaidiaioí. Iemona díga jicánoiacaga uáillaído afémiena áifedodiaioí.

<sup>54</sup> Irebaí izóidena afémie óllena jífánodoídiaioí. Daí finódiaioí, ie ñaína uáillaído fiénidífuiaí afémiemo nitállena.

## 12

### *Comécina íáirena mei jinófenena ñue cíoidino Jesús lletade*

<sup>1</sup> Afe dáaruído díga náiraiaí dáanomo iere gairídiaioí. Gairíllamona conímaiaína zaizídiaioí. Iemo Jesús ie llófuegamacina nano fueñe daide:

—Fariséuaimona díga comini comécina íáirena mei abina ñue cíoidino ite. Afémaci daí íllamona abí omoi rairuiri, mei afe íaioímo ite íaífue pan fáitara “levadura” izóideza. Due jiza jóonega ía, nana afe erona maíñode.

<sup>2</sup> Nana báinino ñaína uai jino uáfodo cíozite. Daje izói nana báinino retáidoga raa uáfomo báifite.

<sup>3</sup> Mei íemona, nana jíitífono omoi báinino úrilla uallaí jino úzefomo cacaille. Daje izói jofo eromo báinino omoi ñaína uai comini dáanomo uáidota afémaci cacáicana ficire llole.

*¿Ñue cómena jacíruiredicaí?  
(Mt 10.28-31)*

4 Omoi cue nabáñiaidiomoi, jira bie izói ómoína dáitícue. Fia abí íeizi titáfírede comínina jacíruiño iri. Afe mei afémaci ómoimo íaioi finolle jiáifuena iñede.

5 Mei jiáifodo omoi jacíruillimie llóitícue. Abí íeizi títaja méifomo boode jóraimo comeci dotáfíredimiena omoi jacíruiiri.

6 Onódiomoiiza, cinco diga ófocuiño mena úcubetunido ibárede. Mei íadi afémacimona Juzíñamui dáamienna féitañede.

7 Iemo jiái ómoimo ite ífótirai illa dígatirai facádoga. Daiítadeza jacíruiño iri. Mei omoi, aillo ófocuizai baimo ráifidiomoiiza.

*Comini eróicana Jesuna jiéruitino  
(Mt 10.32-33; 12.32; 10.19-20)*

8 Omoína dáitícue: Nanoide fima Jitódícueza, comini eróicana nana cuena jiéruitinona afe izói Juzíñamui abí imaci eróicana jiéruitícue.

9 Iemo daje izói comini eróicana cuena jáanoitínona, afe izói Juzíñamui abí imaci eróicana jáanoitícue.

10 Iemo nane jiáifue, ninó daa come Nanoide fima Jitona íaire dáia, afémie daina íaifue dórede. Mei íadi ninó dáamie Ñuera Joreño íaire dáia, afe jaca dónide.

11 Iemo ninó jiáiruido Juzíñamui uai llorácomo afémaci omoi uíadi áfemo comeci llícitaiño iri. Daje izói izire jicánofíredinomo, naa ocuidillaini diga, afémacimo omoi íaioi uia, omoi daiíacana uaimo comeci llícitaiño iri.

12 Mei omoi úriacanamo dúcille llezica, Juzíñamui Ñuera Joreño omoi daiíllifueña ómoimo llóiteza, —daide.

*Comini ráarena jacírede*

13 Comínimona dáamie Jesuna daide:

—Llófueraíma, cócomo fiébide feci ráamona, cuemo dúina dieze cue ama cuemo ílleza, o lloiri, —daide.

14 Jira Jesús afémiena daide:

—Ebe, omoi cígimo izire jicánofíreitimiena, daje izói fécafíreitimiena ¿bu cue jóonia? Jóoneñegacue, —daide.

15 Jesús nane dáanomomo daide:

—Nana úradoillafuiaimona caade come izói, abí omoi rairuiri. Mei come ñue illafue, aillo ráarenamona óñega.

16 Afe mei bie jino onótate raafue llote:

—Nauí iere ráaredimie ite. Afémie jacáfaiaí iere áillamona jofu olle llízie iere ite.

17 Afemona iere ráaredimie comeci facade: “¿Mei ñie izói íitícue? Afe áillue llízie éenollino iñede.”

18 Nane dáanomomo comeci facade: “Cue finóllemo ja uíbicaidícue. Cuemo ite éenoracuai júdaiano jamánomomo áillocuaina nitátitícue. Afécuaímo nana jofu cue olle llíziena éenoitícue. Daje izói nana cuemo ite raana afécuaímo jóoneitícue.

19 Afe mei dama cue abina dáitícue, ‘Ja aillo raa jofu ofítatícue; áfedo diga fimona cáaitícue. Nágarui táijiño fia güitícue. Iemona fia uái íitícue. Aillo vino jíruano, áferi caimare ífíreitícue,’ ” daide.

20 Mei íadi Juzíñamui íena daide: “Comécina onóñedimedio. Fui naio tíitio. Afe mei o ofítaga ráaniaí ¿bu náamatalle?” daide.

21 Mei dama ie abi íena aillo raana ofítaitimie daií íteza, mei daií afémie ofítaja llezica, Juzíñamui jítainamo coméciñede. Coméciñeno, afémie Juzíñamui eróicana iere dúeredimiena jaide, —Jesús daide.

*Juzíñamui ie úruiaina ñue rairuide*

(Mt 6.25-34)

22 Afe méifomo Jesús ie llófuegamacina daide:

—Jira ómoína dáitícue, omoi güíacaga güíllemo comeci omoi llícítaiñeno iri. Daje izói omoi jítáacaga inícuirromo comeci llícítaiñeno iri.

23 Cai ñue illafue cai güille baímo ráífide. Iemo jíái cai abi cai inícuíro baímo ráífide.

24 Mai “cuervo” daina cháafona eróidemo coméciiri. Afémaci jaca riñédiaioi; daje izói llizíllaniai jofo oñédiaioi. Daje izói afémaci güille éenoraco iñede, naa íaioi ofítaranori. Mei íadi Juzíñamui afémacina ecade. Ie mei omoi afe ófocuizai baímo jamánomo ráífidiomoi.

25 Omoimona, comeci iere llíciamona, ¿mei bu ie zairilla dinori baímo mediio metro zairírena?

26 Mei duera raana finónidiomoi ia, ¿nibái mei jíáie raa fínuamo iere coméciidiomoi?

27 Raroci záfia zeríllamo omoi coméciiri. Afémaci táijíñediaioi; daje izói raana niñédiaioi. Mei íadi jíáifodo ómoína dáitícue, jaiái illaíma Salomón ñue cíoide raana jamánomo ráarede íadi, bie záfia ebírena izói, ebírediroina jítáñede.

28 Mei Juzíñamui daií raroci ebire cíotaiadi, afémie jeruíñeno ómoína iníroina jítaite, jabo inotinodiomoi íadi.

29 Afe jira benómona o güíacaga raa, o jirole diga zuure jenóñeno iri; daa áfemo comeci llícítaiñeno iri.

30 Mei bíníe comini daa afe izóidemo járitaidiaioi. Mei íadi omoi Móorediomoi. Afe omoi Moo Juzíñamui nana afe ráaniaina omoi jítáillana onódeza.

31 Iemona Juzíñamui illáimana illáruimo dúide raamo raíre áfemo omoi comécioiri. Iemo afémie nana bie raana ómoímo fécaiteza.

*Monamo cai jirídollena ofítaredicai*

(Mt 6.19-21)

32 Cue izíruiga ovejai izóidiomoiiza, jacíruiñeno iri. Dúemacidiomoi íadi, o Moo ie illaímana illano ómoiena maméacade.

33 Omoímo íte raa fecari. Fécajano raana jítáidinomo ine. Daií omoi finóadi, Moo Juzíñamui comeci jítainana fínóitiomoi. Iemona monamo ie illánomo ñúefuiai ofítaitiomoi. Daje izói jaca ninomo fúíñeite ñúefuiai ómoiena monamo ómoímo íte. Afénomo merírifiredimie jaca jáinide. Daje izói afénomo ícuai güíñeite.

34 Mei uáfueza, omoi ofítaga raa illánomo, afénomo jíái o comeci íte.

*Nágarui ñue finóbiredicai*

35 Benómona jaca nágarui ñue omoi finóbifireiri. Nauíllamona comini mechera unéfirena izói, abí omoi rairuiri.

36 Jofo naama ocuífregano, áirena ráfueмона meine ie dúciacana uícomo íaioi afémiemo ocuírina izói, afe izói cue billíruimo omoi ocuíriri. Afémaci ñue ocuíridiaioi, afe jofo naama nazémoma uáidoia raíre íemo túíñuabillena.

37 Afe izoide ocuífregano jaca iníñeno íaioi naama bíllemo ñue ocuíridiaioi. Daií íaioi illa afémie cíoizaibilla llezica, afémaci ja ñue íaioi finóbillari íóbicaidiaioi. Uáfueña ómoína dáitícue: Afe íaioi naama afémacina güiránomo ráinaite. Raina mei dama afémie íaioi güíllena bai ráiziite.

<sup>38</sup> Mei nibai dáaferui llezica afémie dúciadi, nibai monáiacademo afémie dúcia, afémaci uícomo iníñeno ocuírídaiioi. Iemona afémaci ióbicaítaiioi.

<sup>39</sup> Iemo jiáifue dibénedo bie izói omoi onoiri: jofo naama merírizaibitímie bille monana onóia, afémie iníñeno ocuíríte. Iemona jofo naama merírizaibitinona ie jofona tuiñotañeite, ie raa íaioi mériñeillena.

<sup>40</sup> Afe izói ñue omoi mamériri, mei Nanoide íima Jitó comini coméciñeilliruimo ónonino déizaibite, —daide Jesús.

*Raire ínofirede ocuífíregamie, íemo jiái ínofirede ocuífíregamie  
(Mt 24.45-51)*

<sup>41</sup> Mei jira Pedro Jesumo jicánote:

—Ocuíraíma, bífuena, ¿ñie comínimo llotio? ¿Dani caímo, nibai nana comini íena llotio? —daide.

<sup>42</sup> Jira Ocuíraíma daide:

—Mei daa jofo naama ie ocuífírega jabóidillaíma eneno mamede. Jofo naama jica jáiacana uícomo, ie jofo ero raana afe jabóidillaímamo llonódacaide. Afe llezica nana jofo ero táijidino ecállena afémiemo jóonenocaide. Daí jóonega jabóidillaíma jaca nágarui ñue ínofiregamiena írede. Daje izói afémie ñue onódimiena írede.

<sup>43</sup> Afe izóidímie nana íemo llonódacaiga raa nágarui ñue finófirede. Ie jira jofo naama meine bille llezica, daí ie íllana cíozabite. Iemona afe jabóidillaíma iere cáimacaite, mei nana ie ocuica raana ñue ícoímo fuitádeza.

<sup>44</sup> Uáfueña ómoína daidícue, jofo naama afe ínofirega ocuífíregamíemo nana íemo ite raa, llonódacaite.

<sup>45</sup> Mei jiáifodo, afe jabóidillaíma jofo naama are bíñeite daínano, jiáie jofo eromo táijidinona duere finóadi, afe jabóidillaíma iere cacáfinidímiena jaide. Mei afe llezica afémie jofo ero táijitatingo fieni finódeza. Iemo aillo güíteza, aillo jiródeza. Jírua mei jífáitateza.

<sup>46</sup> Daí ie illa llezica, afémie due jiza coméciñeitemo jofo naama dénuabite. Onóñeilliruimo dúciite. Dúciillano afe jabóidillaímana jofo naama jamánomo duere finoite. Nana jiáie ínofiredinono duere zefuilla izói, afémie íena duere finótaitaite.

<sup>47</sup> Ninó daa ocuífíregamie ie naama comeci jitailla táijnana onode íadi, áfemo jaca ñue finóbiñede, daje izói áfemo cacáreacañede, afe ocuífíregamie duere finoda iere izi cácatalle.

<sup>48</sup> Mei jiáie ocuífíregamie ie naama jitaillana onóñede íadi, dama fieni ia, afémie jabo izi cácatalle. Bie jiáie uaimo omoi cácarei. Aillo igámíemona aillo jícaítaiioi. Daje izói ñue ínogamíemo díga ñúefue jóonefírediaioi. Ie jira afe aillo jóonefíregamíemona aillo ócuitiaioi.

*Comini énenorie ráinuaibitícue  
(Mt 10.34-36)*

<sup>49</sup> Cue bie éniemo irai izói bónuaibitícue. Aferai raire bóollena iere oíacadícue.

<sup>50</sup> Ja bautismo izoide, izi cácanafuedo facátallicue. Aféno nái dúciñedemo raire uícomo aferui dúciñenari duere zéfufíredícue.

<sup>51</sup> ¿Níbai bíniemo caimare dájena uái illífue atídío, cuena daidíomoi? Omoína daíitícue, afe izói biñédícueza; comini énenorie ráinuaibitícue.

<sup>52</sup> Mei benómona dáacomo ite cinco dígadímie cue ícoínia eneno ráidoizítiaioi. Afémacimona daámani cuemo ínóitíaiioi; íemo jadíe enéfenemo ménade ínóñedímaci ráidoizíllanona conima díga fúiritiaioi.

<sup>53</sup> Cuemo ínuamona da jító ie moo ðinena ruifíruille. Daje izói jító ie moo cuemo ínua jira dájena uái íñeno íena ruifíruillano éoite. Iemo jíái, ei jiza cuemo ínuamona ei ðinena ruifíruille. Dájena uái íñeitiainguai. Daje izói jífaiño cuemo ínua jira mio ðinena ruifíruille. Afe íbana mio ie jífaiño ðiga dájena uái íñeitiainguai, —ðaide Jesús.

*Iirairuillaí dúciacana onótaité raa*  
(Mt 16.1-4; Mr 8.11-13)

<sup>54</sup> Afe mei nane comínina Jesús ðaide:

—Fuirina nairíadi “noci bíite” ðaíðiomoi. Afe mei ua bíide.

<sup>55</sup> Daje izói ñue mona monáillado “fímona baizájilla” ðaíðiomoi. Iemona jaca fímónana jaide.

<sup>56</sup> ¡Omoi comécina íáirena mei abina ñue cíodinodíomoi! Noci bíillana onodíomoi, íemo fímona baizájillana onodíomoi, mei íadi birui omoi cígímo cue fínoca onótaitífuaína onóñedíomoi.

*O ðiga ícírítimie raíre manánaitari*  
(Mt 5.25-26)

<sup>57</sup> ‘¿Ñibái mei comeci jácina jóina izói, ðani conímamo jícanoñedíomoi?

<sup>58</sup> Daa come o llógidoiacania, ríimacimo ómicoi úrizaila llezica, nai ómicoi dúciñena llezica io anamo afefue ñue o záitari, riire jícanoraímamo o ie izájíñeillena. Izire jícanoraímamo o ie izájíadi, afe izire jícanoraíma fiénidíno llaitáfiredínomo o izájite. Iemo afémaci ona llavéracomo íbaitiaíoi.

<sup>59</sup> Uafue ona dáíticue o llavétatímie jícala úcube ie jícaja ðeze o íbaiñenia afécomona jaca jino bíñeítio, —Jesús ðinori ðaide.

## 13

*Cai comeci ífue íere raíre méidoredícai*

<sup>1</sup> Aféruillaído comínimona dáarie Jesumo Pilato jíáimaci fiéni faaja lluáíbitiaíoi. Naui Galilea imácimona dáarie Juzíñamui íóbillena faga rille fécajilla llezica, Pilato afémacina fate. Fáajano íaíoi ðie íaíoi fecaca rille ðie ðiga Pilato tamede. Daíí ie fínuana jñí íaire cíoina!

<sup>2</sup> Jira Jesús ðaide:

—Omoi bie Galilea comínimo ¿ñie izói coméciíomoi? ¿Meita afémaci jíáie Galilea comíni baímo fiénidíno, jira afémaci raamo jíridiaíoi?

<sup>3</sup> Afe izóiñede, ómoína dáíticue. Mei jira omoi comeci ífue omoi méidoñenia, nana daje izói niné táinocaitíomoi.

<sup>4</sup> Iemo jíáífuemo omoi coméciíri. Naui Jerusalemo íere caífo jíca caifóídico íte. Afe íere caifóídico, Siloéna mámeçirede. Afeco díllamona ðiecíocho ðiga comíni jíitafidiaíoi. ¿Meita afémaci Jerusalemo íte jíáimaci baímo fiénidíno? ¿Meita jira daíí zefuíaíoi?

<sup>5</sup> Omoína ðaíðicueza, afe izóiñede. Mei jira omoi comeci ífue omoi méidoñenia nana omoi niné táinocaitíomoi, —ðaide.

*Higuera ðaina llizíñede amena rafue*

<sup>6</sup> Afe mei Jesús bie jíáie íaíoi onóíafue afémacimo llote:

—Da come higuera ðaina amena íe jacáfaimo rite. Afe mei afena llizíadi daíí eróizaide. Eróizaidemo jaca llizíñede.

<sup>7</sup> Íe jira afémie jacafai uíñotímiena ðaide: “Ero, ðámani fímona bie amena llizíadi daíí eróizaíbífiredícuemo jaca llizíñede. Llizíñedeza, maí o tieri. Fia cue jacafai llótaíðoteza.”



<sup>8</sup> Jira afe jacafai úiñotimie uai ote: “Naama, bie fimónamo mai nai cai tieñeilli. Afe amena moi ñue finuano júnaiticue.

<sup>9</sup> Nibai áfemona llíziteza. Mei íadi áfemona llíziñenia tielle,” –daide.

*Jesús ocózinallarumo abina ana jícadingona jllotata*

<sup>10</sup> Jiáie ocózinallarumo Jesús Juziñamui uai llorácomo llófuete.

<sup>11</sup> Afe llezica afénomo dieciocho fimónamo abina ana jícailari iráredingo illa. Naui fiénide joríaí aféngona daií finoca. Afengo caifo jaícina jaca náidacainide.

<sup>12</sup> Jesús aféngona cíoillano ie jíirite. Daide:

–Ringo, o irárenamona ja jíllotio, –daide.

<sup>13</sup> Daií dainano Jesús ie onoi aféngomo bitade. Bitá llezica afengo ñue jaícina náidacaide. Afe dáaruído afengo ñúefue Juziñamuimo llote.

<sup>14</sup> Mei íadi áferi Juziñamui uai lloraco illaíma rícaide, ocózinallarumo Jesús afengo jíllotaja jira. Afémie comínina daide:

–Seis diga mona tájiredicai, aféruillaído omoi jílloilena bíredíomoi. Mei íadi ocózinallarumo omoi abina jíllotaibiñeno iri, –daide.

<sup>15</sup> Jira Jesús ie uai ote:

–Comécina íáirena mei abina ñue cíoidinodíomoi. Omoi cuinaca burro, íemo juráreto ocózinallaruido ¿meita jainoi ie jíruaillena zuitáñediomoi? ¿Zuitáfiredíomoi!

<sup>16</sup> Afe izói bie Abrahámona comuídingo ie irárenamona ¿meita ocózinallarumo zuitánidicue? Mei aféngona Taife dieciocho diga fimona ja cuinaca izói duere finódeza, –daide.

<sup>17</sup> Jesús daií daina cacáillano, ie éoidino méaicaidiaíoi. Mei íadi nana comini afe Jesús finoca áillue ñúefuiaíri íóbidiaíoi.

*Mostaza daina raroci jéenide íji rafue*

*(Mt 13.31-32; Mr 4.30-32)*

<sup>18</sup> Iemona Jesús daide:

–Juziñamui illáimana illáruina omoi ónoillena ¿mei ñie izói jino cíotaiticue? ¿Ñie izói afénona mámeiticue?

<sup>19</sup> Afe illarui mostaza daina raroci jéenide íjiaí izoide. Daa come aféjiaína ie jacáfaimo rite. Afe jéenide íjiaí ríllamona afe jéejinide zícua caifo amena dinori aillo zairide. Afe ícairuaimo feede ófocuizai jíllaína nitíaíoi.

*Levadura rafue*

*(Mt 13.33)*

<sup>20</sup> Nane Jesús daide:

–¿Ñie izói Juziñamui illáimana illáruina mámeiticue?

<sup>21</sup> Afe illáruina “levadura” daina pan aillo fáitate raa izoide. Daa ringo daámani julleco harínana oruítajano áfemo due jiza fáitarana tamede. Iemona nana afe iféllana mulleda oni aillo móonaitade, –daide.

*Rillírede naze izoide rafue*

*(Mt 7.13-14, 21-23)*

<sup>22</sup> Jesús Jerusalemo jailla llezica, áfemo ite jofue comínina llófuete, naa jéenidigobaiimo.

<sup>23</sup> Afénomo dáamie Jesumo jicánote:

–Ocuíraíma, ¿meita jíllotino dúemaci, ero ua? –daide.

Jira Jesús afémie uai ote:



24—Juzíñamui illáimana illánomo jofo jáirao rillírede naze izoide. Afe rillírede naze izóidedo jofo omoi jáillena riire omoi mamériri. Mei ómoína dáitícueza, aillo comíni afénomo jofo jáiacaitiaioi, mei íadi jáinitiaioiza.

25 Mei jofo naama náidacaillano naze ibaille mei, omoi ja jinófenemo fiébitiomoí. Afe llezica nazémona jíjiritiomoí: “Ocuíraíma, naze caímo tuiño” dáitiomoí. Afe llezica afémie jofona uai óite: “Omoi ninó comínidiomoíza, ómoína onóñedicue,” dáite.

26 Iemona omoi bie izóí dáitiomoí: “Cai, o díga güitícaí, daje izóí o díga jiródicaí. Cai jofue cigi iomo caína llófuefiredio,” dáitiomoí.

27 Mei íadi nane afémie uai óite: “Jae ómoína daídícue, ninó comínidiomoíza ómoína onóñedicue. Omoi nana fiénidífue finófirediomoíza cúemona oni jai,” dáite.

28 Iemona afénomo jino éenaitiomoí. Daje izóí zúurenamona murímuritiomoí. Mei Juzíñamui illáimana illánomo Abraham, íemo Isaac, íemo Jacob jofo jáillana cíoitíomoíza, naa Juzíñamui uai jino llórainíri. Mei íadi afe llezica omoi ja jino dotálliomoíza.

29 Mei uáfueza, nágafeniaímona billano, díga ínotino Juzíñamui illáimana illánomo jofo jáillano güizáibitiaioí.

30 Mei afe llezica dámerie óodaficaidino uícoficaitiaioí. Daje izóí dáarie uícoficaidino óodaficaitiaioí, —daíde Jesús

### *Jesús Jerusalén comíniri eede*

*(Mt 23.37-39)*

31 Aféruído fariséuaímona dámerie dúcillano Jesuna daídíaioí:

—Herodes o fáiacadeza, benómona oni jairi, —daídíaioí.

32 Jira Jesús uai ote:

—Mai afe íere abí ráiruíde egai izoide Herodes omoi lluájiri: “Cacai. Bímonado íemo daje izóí uire jiti, fiénide joríaína jino óreitícue. Daje izóí iráredínona jíllotaitícue. Iemo bai íe uire afemo cue tájina fúitaitícueza,” daí omoi lluájiri.

33 Mei íadi biruí bie cue bíllaodo nai jáiredícue. Daje izóí uire jiti nai jáiredícue, íemo bai íe uire nai jáiredícue. Mei Juzíñamui uai llórainmadícueza, Jerusalén jinomo oni jica tínidícueza, —daíde.

34 Iemo Jesús éecana daíde: “¡Jerusalén comíni! ¡Níí íaioí dúerena! Juzíñamui uai llórainína fáfirediaioí. Daje izóí Juzíñamui íaioímo oreca uai lluájitino nófíena níjifirediaioí. ¡Díga ícaíño íaioína átava íe átavachíngo íaico anamo bícua izóí, íaioína cue anamo bícóacadícue! Mei íadi afena jíeruíñediaioí.

35 Íe jira omoi cacai, uire jíáiruído omoi jofue zóofegacona mámeite. Omoína daídícue, afénomona are cuena cíóñeitiomoí. Mei cuena “Juzíñamui mámecido bitímie caímare íóbidímie” omoi dáíñelle díno cuena cíóñeitiomoí, —díno Jesús daíde.

## 14

### *Abí fáillari duere zefuídímie Jesús jíllotate*

1 Íe mei jíáíe ocózinaíllaruímo Jesús fariséuai ílláíma díne güizájíde. Afe llezica jíáíe fariséuai Jesumo janónaíocana eróidiaioí.

2 Afénomo Jesús uíécori daa abína fáillari duere zefuídímie ílláí.

3 Mei jira Jesús ocuica uai llófuefiredínomo jícánote naa fariséuairi.

—Ocózinaíllaruído ¿meíta iráredímie jíllotarede? ¿Níbai jíllotanide? —daíde.

4 Mei íadi afémaci uai óñeno tíí daí ítíaioí. Iemona afe iráredímie bai uáídota jíllotate. Jíllotajano, “Mai o jairi,” daíde.

5 Afe mei Jesús fariséuána daíde:

—Omoimona bu ocózinai llaruimo íemo ite burro, nibai juráreto, ifomo baiía ¿meita raire naado óñega? ¡Ocózinai llaruí íadi jaca raire caífo ófirediomoí! — daide.

<sup>6</sup> Afemona afe uaina jaca ónidiaíoi.

*Airena ráfuemo uáidoga comini*

<sup>7</sup> Afe güilláfuemo bite lloga comini illáicomini ráira izóidino ráillena izire jenódiaíoi. Nana uícoficaicadiaíoi. Jesús áfena cíoillano bie izói íaíoi na llófuete:

<sup>8</sup> —Ninó dáamie áirena fuemo omoi uáidoia, illaíma ráiranomo ráiñeno iri. Mei o baímo jamánomoidimie nibai dúciíteza.

<sup>9</sup> Iemona omoi uáidote rafue naama omo lluaíbite. “O ráirano mai bímiemo feca,” ona dáíte. Afemona íraíe ráiranomo meáire ráizaitio.

<sup>10</sup> Mei jíáfodo ninó dáamie irázillena o jíria, bai ícoímo ite ráiranomo o ráiri. Afe mei o uáidote rafue naama billa llezica, afémie ona dáíte: “Cue onógamie, bai benó ñuera ráiranomo bi,” dáíte. Afe daí nana güiránomo o díga ráiedino eróicana afe rafue naama ñúefue omo jóoneíteza.

<sup>11</sup> Mei jira naga come dama ie abina jamánomoidena fínoitimie, jamáimiena óreite. Daje izói “Jiba cómedicue” daidímie, jamánomoidimiena jáitaita, —daide.

<sup>12</sup> Afe dáaruido, Jesús ie uáidotimiena daide:

—Güilla rafue o fínoa o onógamaci uáidoñeno iri, naa o ámatiairi. Daje izói o comini uáidoñeno iri, naa o ánnori ite ráanaitimaciri. Mei afe íbana ona uáidoitiaíoi. Afe daí íbaja izói máíñoitio.

<sup>13</sup> Mei jíáfodo güilla rafue o fínoa dúredino uáidori naa aidáimaciri. Daje izói júbene ídainidino uáidori naa uina cíoñedinori.

<sup>14</sup> Afemona iere caímare ítíoza. Mei afémaci afe íbana omo finónidiaíoi, Mei íadi tíide comécina jaícina jóidino nífuenidino meine abido cáalliruimo o íbaja ízoide raa máíñoitioza.

*Aillue güilla ráfuedo jíáfuenta ñue cai onótaita*

<sup>15</sup> Afe güilla ráfuemo Jesús díga ráiedinomona bífuena cacáillano dáamie Jesuna daide:

—Juzíñamui illáimana illíruimo nabáiritimie caímare ite, —daide.

<sup>16</sup> Mei jira Jesús íena daide:

—Daa come áillue güilla rafue fínode. Afe ráfuemo gaírilla aillo comini jíiritade.

<sup>17</sup> Ja rafue mámiarui mo táijina ñue fuilla llezica, ie ocuífregamie ie uáidoganomo lluaítate, bie izói daíllena: “Ja nana raa ñue finócaza, mai omoi biri.”

<sup>18</sup> Mei íadi afe llezica illa dígamie: “Iere cue jétalle íllaza, bínidicue,” daide. Nanóidimie daide: “Como cue íbaca cue jacafai méíñuacadicueza; bínidicueza. Cuena ícíñeno iri,” daide.

<sup>19</sup> Iemo jíámie daide: “Ja cinco díga juráreto naa íaíoi nabai díga íbádicueza. Aféretuai fueñe fácajacadicueza. Bínidicueza, cuena ícíñeno iri,” daide.

<sup>20</sup> Iemo nane jíámie daide: “Como fueñe ringo otícueza, bínidicue. Eróíñeno iri.”

<sup>21</sup> Iemona afe ocuífregamie meine jofomo jaillano ie orédimie mo bie izói íaíoi daízia lluaítate. Aferi rafue naama iere rícaide. Afe jira ie ocuífregamiena daide: “Jofue cígimo ite áillue macáraodo naa duera iodo mai raire jai. Aféuaimona dúredino naa aidáimaci díga bené atiri. Daje llezica júbene ídainidino naa uínidinori benomo atiri,” daide.

<sup>22</sup> Afe méifodo íanori íllamona afe ocuífíregamie billano daide: “Cue naama, o ocuilla izói ja finódicueza. Mei íadi nai ñue oruíñede. Nai ráíillinona ite,” daide.

<sup>23</sup> Iemona afe naama ocuífíregamiena daide: “Mai jofue jinómona joide íuaido, áillue iodo naa dúeodo o jairi. Aféuaimona cue jofu íaíoi oruítaibilleza riire oreri.

<sup>24</sup> Mei uáfueña ómoína dáitícue: Cue diga güizáibillena fueñe cue uáidogamona buna cue finoca güíllena güíñeítiaíoi,” daide.

### *Crístodo cai jaille Juárezde*

<sup>25</sup> Aféruillaído diga comíni Jesudo jáidiaíoi. Afe llezica afémie meine gírecaillano íedo jáidinona daide:

<sup>26</sup> —Dáamie cuedo jáiacana llezica, ie móotíaina cue baimo izíruiadi cue llófuegamiena ínide. Daje izói dáamie ie aina, ie úruiaína, ie ámatiaína, daje izói dama ie abina cue baimo izíruiá, afémie cuedo bínide.

<sup>27</sup> Daje izói dáamie cuedo jailla ícoínia ie tílla izire oía afémie cue llófuegamiena ínide.

<sup>28</sup> Bífueño comeci facari: ómoimona dáamie jofu níacana uícodo, fueñe comeci facade. Daí comeci facárede ie ofítaga raa ñue níllana fuite dáinana onóíllena.

<sup>29</sup> Dáamie daí comeci fácañenia, jofu jáíllirai ie naidánia mei, figo ofíñena jira ñue fuitáñeno zoofeite. Iemona afe mei áfena cíoitino afémiena zánoítiaíoi.

<sup>30</sup> “Bímie jofu níacade íadi fuitánide,” dáítiaíoi.

<sup>31</sup> Daje izói daa illaíma jóbairiacana uícodo fueñe comeci ñue facárede. “¿Meita cuemo ite diez mil fuíríraíni, baie cai diga fuírízaíbite veinte mil fuíríraínina, níbaí anáfenoredícaí? ¿Níbaí nai anáfenonidícaí?” daí comeci raíre uícodo facárede.

<sup>32</sup> Afémie ñue comeci fácano: “Baie bitíno anáfenonidícaí” daííadi, afémie afe fuírízaíbitíno nai dúcíñena llezica, manánaíllena llujítinona óreite, ícíríñeno dájena illífue jícanollena.

<sup>33</sup> Afe izói ómoimona níno dáamie nana íemo ite raana zóofeacañenia, cue llófuegamiena jáinide.

### *Sal íe ríino íñenia jaca ráííñede* (Mt 5.13; Mr 9.50)

<sup>34</sup> Sal jaca ñuera, mei íadi íe ríino íñenia jaca jíáíe raamo jóonenide.

<sup>35</sup> Jacafai éniemo jóonegana canóñede. Daje izói riga raa junáíllena fiénide. Jaca éenoñeno oni dotárede. Aquíe izóideza cacáacadino maí omoí cacai, — daide.

## 15

### *Oveja oni féiraila rafue* (Mt 18.10-14)

<sup>1</sup> Afe mei nana gobierno íbátaga úcube llíinoraímaci naa fiénidífuaíaredínori Jesús úrillamo cacárezaíbitiaíoi.

<sup>2</sup> Iemona fariséuai naa ocuica uai llófuefiredino Jesús zanódiaíoi; daídíaíoi: —Bímie fiénidífuaíaredínona caímare uáidota afémacírí güite, —daídíaíoi.

<sup>3</sup> Afemona Jesús bie onótatífue llote:

<sup>4</sup> —Omoimona dáamie cien diga ovéjaíai ía, afe ovéjaíaimona daa féiraía, áfena riire jénoite. Mei uáfueza, afémiemo fiébide noventa y nueve ovéjaíai ííiano afe daa féiraitena afémie baílle díno riire jénoite.

<sup>5</sup> Afe mei afe féiraitímie baíllano caímare íe fecábemo bíitano jofomo uite.

<sup>6</sup> Jofomo dúciillano ie onóigamacina naa ie aino comíniri dáanomo gairítajano íaioina dáite: “Ja féiraite oveja cue báigaza. Mai cue diga caimare omoi iri.”

<sup>7</sup> Mei jira ómoína daidicue: “Afe daje izói daa fiénidifuiaredimie ie comeci ifue méiduari monamo itino jamánomo ióbidiaioi. Mei íadi noventa y nueve diga comeci ifue méidonide Juzíñamuimona oni nibéfedo jáiñedinori jofófemo ióbidiaioi.

### *Ucubetuni niné baiilla rafue*

<sup>8</sup> Bie jáie ñúefuemo omoi cacarei. Daa ringomo diez diga úcubetuni ite. Afemona dáatuni baiide. Afe jenóllena mechera unede. Afe llezica jofuero rafode. Afe bie izóidedo afe úcubetuni jenócana uite ie baille dinó.

<sup>9</sup> Afétuni ie báillamona ie onóigangotiai naa ie aino imáciri dáanomo íaioi gairítano íaioina daide: “Jae niné baiide úcubetuni ja cue báigaza, mai cue diga caimare omoi iri.”

<sup>10</sup> Nane ómoína dáiticue: “Afe izói fiénidifuiaredimie ie comeci ifue méiduari Juzíñamui abi imaci iere ióbidiaioi,” –daidicue.

### *Moo anámona oni botade jitó rafue*

<sup>11</sup> Jesús nane jáifue llote:

–Daa come mena jitórede.

<sup>12</sup> Afe íaillinoimona íiraimie ie moona daide: “O fecalle ráamona cuemo duide dibene cuemo ine,” daide. Iemona afe íaillinoi moo íemo ite ráaniai íaillinoimo fecade.

<sup>13</sup> Afe méifodo íanori íllamona íiraimie íemo duide ráaniai jáimamo fecade. Fécajano afe iba úcube llínnota jica jáie éniemo jaide. Afénomo afémie iere fieni illáfuemo jaillano, nana ie llínoga úcube táinomo dótajide.

<sup>14</sup> Iemo ie uiga úcube fuite. Afe llezica afe éniemo aillo júbietaidimaci. Aféruillaído afémie iere jufíruite.

<sup>15</sup> Iemona afeno itímiemo táijina jénuaide. Iemona afe énie ímie ie tóica meróniai uíñollena orede.

<sup>16</sup> Afémie iere júbie méiniamona meróniai ecáinamona güíacade, íadi ninó buna ie ecáñena.

<sup>17</sup> Afemona afénomo dama comeci facade: “Cue moo jofomo ñue ecaca táijitagano jni aillo illa! Iaioi jeíillamona fiébifirede. ¡Cue nibai benomo júbieri títicue!

<sup>18</sup> Meine cue moo illánomo jáiticue. Dúciillano íena dáiticue: Moo, omo fiénidifue finódicue. Daje izói Juzíñamuimo fiénidifue finódicue.

<sup>19</sup> Cuena cue jitó dáiiñeitioza. Fia o táijitagamiéna mai cue mameri, dáiticue,” afémie comeci facade.

<sup>20</sup> Daíí ie comeci faca mei, iodo ie moo diné jaide.

Afémie nai jica ítemo ie moo íena ciode. Cíoillano afémieri iere dúecaide. Iemona moo ie jitó dine aizícana jaide. Dúciillano ie jitona iere caimare llínnote. Llínuano íena ñitade.

<sup>21</sup> Afe mei jitó ie moona daide: “Moo, Juzíñamuimo fiénidifue finódicue, daje izói omo finódicue. Cuena nibai cue jitó dáiiñeitioza,” daide.

<sup>22</sup> Mei jáifodo afémie moo ie ocuífiregamacina daide: “Mai raire jamánomo ñúecuero jenoda atiri, afémie jitálleza. Daje izói ebírede onocai icuifoí jítari. Daje llezica ie eiba ico jítari.

<sup>23</sup> Afe dáaruido farede juráreto jiza fatá atiri. Afe ritá cai irázilleza.

<sup>24</sup> Mei bie cue jitó tíilla izóidinomona meine cáadeza. Daje izói ja niné féiraite baitícaiza,” daide. Afemona caimare irázitiaioi.

<sup>25</sup> Bie féiraitimie dúcina llezica, ie ama nánoramie jino jacáfaimo ite. Afénomona bítemo, jofu áinomo dúcidemo íaioi irázilla naa íaioi rúaniai cacaina.

<sup>26</sup> Ie jira jofómona daa táijitafiregamie jitócome uáidota jicánote: ¿Minica rafue finódiaioi?

<sup>27</sup> Afe jitócome íena daide: “O ama dúcina. Afe jira o moo farede juráreto jiza fatátate, mei ie jitó ñue iránino meine dúcina jira,” daide.

<sup>28</sup> Mei áfena fidíillano ie ama nánoramie iere rícaide. Rícaillano jofu afénomo jáiacañede. Afe jira ie moo afémie diné lluájide. Jofu bíllena caimare íena bífuiaide.

<sup>29</sup> Afe llezica ie moonna daide: “Onódioza diga fimona o diga ñue táijifiredicue. Jaca o uaina oni caitáfinidicue. Mei íadi jaca ninó daa duera cabrito cuemo fecáñedio, cue nabáñiairi cue irázillena.

<sup>30</sup> Mei íadi birui bie o úcube jiruiredingotiamo dotádimie bíllamo afémie íena farede juráreto fatátatio,” daide.

<sup>31</sup> Jira ie moo afémiena daide: “Cue jitó, o jaca cue diga ífiredio. Cuemo ite raana nana omo dúideza.

<sup>32</sup> Mei íadi bie ráfuena cai fínuana ñue jaícina joide, caimare cai íllena, mei o ama tílla izóidinomona meine bíteza. Daje izói ja niné féiraite baitícaiza,” daide.

## 16

### *Aillue jofu jabóidillaima izoide rafue*

<sup>1</sup> Jesús nane ie llófuegamacina daide:

—Daa aillo ráaredimie ite. Afémiemo ie táijirainina ócuifirede jabóidillaima ite. Jiáimaci afe ráaredimiena lluáibitiaioi: “O jabóidillaima omo ite ñuera ráaniaina táinomo dotádeza. Afémie figo ocuínede,” daidíaioi.

<sup>2</sup> Ie jira ráaredimie jabóidillaima uáiduano daide: “O finócafueña cue cacana ¿ñie izói joide? Omo cue iga cue jofu rafue rábiai cuemo izábiri, mei cue jabóidillaimana íñeitiaza. Nana omo cue jóonegafue o záitalleza.

<sup>3</sup> Iemona afe jabóidillaima comeci facade: “Cue ocuídime ja oni cue dotádeza ¿ñie izói fínoiticue? Mairíñedicueza, jacafai tiédimiena ínidicue. Comínimo úcube fia jícana meáruiticue.

<sup>4</sup> Cue táijina fuille mei jiáie comini cue íaioi llínollena, cue finóllifue ja onódicue.”

<sup>5</sup> Ie jira nana ie ocuídime omo íbáredena ítmiaí dámierie dáanomo jírrillano daide: “O íbáredena cue ocuídime ¿ñieze ite?” fueñeidime jicánote.

<sup>6</sup> Afémie uai ote: “Cien diga látaniai cáirediji afémiemo cue íballe ite,” daide. Iemo jabóidillaima daide: “Benó o íbállibe ite. Mai benó raire ráillano, cincuéntana llotíbena cúeiri,” daide.

<sup>7</sup> Afe mei jiáima uáiduano jicánote: “O íbállena ¿ñieze ite?” daide. Jira afémie íena daide: “Cien diga costales trigo afémiemo cue íbáredena ite,” daide. Jira jabóidillaima íena daide: “Benó o íbállibe ite. Cómobemo ochenta diga costales cúeiri,” daide.

<sup>8</sup> Ocuídime áfena fidíillano, afe íbállibe táinona méidotime iere báitafue nitade. Iemona ja onógaza, bñie comini dani íaioi nícdogafuina Juzíñamuimo ínotino baímo iere baitádiaioi.

<sup>9</sup> Bie izói omoi íllena llóiticue. Bie fiénide énie ráaniaido, mai omoi nabáñiaina maiñori, ráaniai fuilla méifodo ómoína jofu íaioi llínolleza. Mei ómoimo ite ráaniai ñue omoi uíñuado omoi ñue ínofirenana jino comínimo



ácataitiomoi za. Afe izói Juziñamui omoi ñue ñnofirenamona Juziñamui ie ziiñona illánomo ómoína lliñoiteza.

<sup>10</sup> Due jiza ite raana ñue úiñotimie daje izói aillo raa íemo íadi áfena afémie ñue úiñoite. Mei jiáifodo due jiza ite raana figo úiñoñedimie daje izói aillo raa íemo íadi afémie áfeniai figo úiñoñeite.

<sup>11</sup> Ie jira bie fiénide éniemo ite ráaniai figo omoi úiñoñenia, ¿bu mei ziiñona ráifide ráaniai ómoimo fecalle?

<sup>12</sup> Daje izói jiáimacimo jainaide raana figo omoi úiñoñenia, ¿bu mei ómoimo dúide raa ómoimo fecalle?

<sup>13</sup> Dáaruído buna mena ocuídimiemo jaináinide. Iaillinoimo o jaináyadi dáamiena éoitio, jiáimana izíruitio. Daje izói dáamie ñue ñnoitio, jiáimana jámairuitio. Mei jira onóigaza: Juziñamui o náamataja llezica úcubemo abimo náamatanidío, —dinó Jesús úrite. Daí Jesús úrilla llezica fariséuai ímíai cacáreidiaíoi.

<sup>14</sup> Afe fariséuai úcubena gáidino Jesús úrillana cacáillano uáitano íeri zadáidiaíoi.

<sup>15</sup> Mei jira Jesús daide:

—Comini eróicana ñúemacina abi maméiomoi, mei íadi omoi comeci ífuenta Juziñamui ñue onode. Mei jii, comini mameca jamánomoidimíaina Juziñamui éoide.

*Juziñamui illáimana illarui llua uai naa jaii Moisés ocuica uai diga*

<sup>16</sup> Jaiáimona Juan Bautista illágimamo, comini Moisés ocuica uaimo dúidiaíoi. Daje izói Juziñamui uai jino llóraini llógamo dúidiaíoi. Iemo aféruimona bené Juziñamui illáimana illarui ñuera uai llócaiga. Iemo afénomo jofó íaiíoi jáillena izire nícidotiaíoi.

<sup>17</sup> Mei bíníe naa mona diga niné táinocaiadi, illa diga ocuica uailai táinomo faiñeno ñue ícoimo fuitárede.

*Jesús ima ie ai dotajado úrite*

*(Mt 19.1-12; Mr 10.1-12)*

<sup>18</sup> Daa come ie ai dotáadi, íemo dótano jiáie ringo óiadi, afémie ja jiruífue finode. Daje izói afe dotácango aina otímie ja jiruífue mo baíide.

*Aillo ráaredimie íemo Lázaron mámeciredimie diga*

<sup>19</sup> Daa iere ráaredimie ite. Afémie iere ñúecuiruai jirófirede; illaíma jítáoi garoillai jítáfirede. Afémie nágarui ñue finóbilla rafue finófirede.

<sup>20</sup> Daje llezica afénomo dúeredimie Lázaron mámeciredimie ite. Afémie abi mallízaina oruide. Ráaredimie naze fuemo ráizafirede.

<sup>21</sup> Bie dúeredimie ráaredimie güirábanimona dótafirega güille alla güífiredé. Ie ráina llezica, jicóniai ie mállie miábifiredé.

<sup>22</sup> Afe mei diga irui íllamona dúeredimie tíide. Afémie Juziñamui abi imaci monamo ite paraiso daína ñúenomo uiga. Afeno afémie Abraham abimo ite. Afe mei jiái, ráaredimie tíilla raitíaíoi.

<sup>23</sup> Ráaredimie comini duere finólliraimo duere zefuilla llezica, caífo érocaide. Erocaide íadi Lázaro Abraham diga ráinana jicana cide.

<sup>24</sup> Iemona afe ráaredimie caillide: “Cai jaii Moo Abraham, cuemo dúecai. Lázaro bené ore, iere due jiza jáinoína cue jirótáibilleza, cue íife manánaitallena. Mei bie iraimo iere duere zefuídícueza,” daide.

<sup>25</sup> Mei íadi Abraham íena daide: “Nauí o illáfuemo comeci faca. Aféruillaído iere ñue itio. Mei íadi aféruído bie Lázaro iere duere ite. Mei jiáifodo birui afémie benó iere caimare ite. Afe llezica o duere zefuídío.

<sup>26</sup> Bie baimo, coco cigiri jiáie iere afóredino ite, jira benó itino jáiacade ia, jáinide. Daje izói o illánomo itino caífo benó bíacadiaíoi ia, bínidiaíoi.”



27 Mei jira ráaredimie íena daide: “Cai jaiái Moo Abraham, Lázaro batí cue moo jofomo o oréllena izire jicádícue.

28 Cue cinco dígade ama benomo bie duere zefuállanomo íaiói bíñeillena llotátari,” daide.

29 Mei íadi Abraham íena daide: “Afémacimo Moisés naa Juzíñamui uai llóraini díga cúegana ite. Afe uáillaimo náfueitiaioiza,” daide.

30 Jira afe ráaredimie uai ote: “Cai jaiái Moo Abraham, jii, mei íadi tíidinomona dáamie íaióimo llujájadi, íaiói comeci ífueña méidoitiaioi,” daide.

31 Mei íadi Abraham íena daide, “Afémaci Moisés naa Juzíñamui uai llóraini uaina náfueñenia, daje izói tíidinomona jáidino uaina íinoñeitiaioi,” daide.

## 17

### *Fiénidifue como bailla iere jacírede* (Mt 18.6-7, 21-22; Mr 9.42)

1 Jesús ie llófuegamacina daide:

—Jaca nágarui comini fiénidifueo baiítafue íteza. Jiáimana fiénidifueo baiítatimie jnií dúerena!

2 Trigo llaiéra áillue nofícina afémie cimoimo ícoínota monáillaimo dotácana baimo ñuera; úrue izói como ínotinomona dáamie fiénidifueo báitañelleza.

3 Afe izóidemona abí omoi rairuiri.

O ama omo fiénidifueo finóadi, afémiena lletari. Afemona afémie illafue ie méidoia, caimare íena uáidori.

4 Mei dáaruido afémie siete dígacaiño o fiéni finóadi, íemo siete dígacaiño ona “Ja daíí omo íneitícue” afémie daíízaíbiadi, jaca ninomo íena caimare uáidoitio, —daide.

### *Juzíñamuimo cai ínua ríinorede*

5 Jesús orécano íaiói Ocuíraimana daide:

—Jamánomo cai ínotari, —daide.

6 Mei jira afe Ocuíraima íaióina daide:

—Due uáfueña o ínoiadi rírede raana finóredio. O ínogafue díójina eroide mostaza íjaií jéenina izoide íadi, bie sicómoro daina aménana bie izói daííredio: “Caifo áijicaillano monáillajimo zójozai,” daidíonia afe amena o uaina ínoite.

### *Táijitafíregamieo dúidifue*

7 Omoimona daa cómemo ie táijitagamie íadi, afe táijitagamie jacáfaimona táijiano meine bíadi ¿Meita “Mai ráízaíbi, o écaítícue” dáítio?

8 Daíínide. Mei jíáifodo afémiena ñue dáítio: “Mai cue güille finori. Güillano cue jirole llezica nana cue jitailla raa díga bai atíllena, mamériri. Afe méífomo güillano jíroitoza.”

9 ¿Meita nana afémiemo ocuállana fínuana ocuídímie íena “Fígora” daíírede? Daííñede.

10 Afe daje izói, nana Juzíñamui ómoimo ocuica omoi fínua fuilla mei, bie izói daíírediomoi: “Ñue táijiraimacíñedicai. ‘Iere fígomaci’ caina daíínide. Mei dani caimo duide raa finódicaiza. Baimo jíáie finóñedicai.”

### *Jesús diez díga chíñaitino jíllotate*

11 Jesús Jerusalemo jailla llezica, Galilea énie fuédamo ite duera jófueo dúcide. Afe jofue daje izói Samaria énie fuédamo ite.

12 Afe jófueo dúciacana llezica, diez díga chíñaitino jino bai Jesús díne bitíaiói. Mei íadi afémaci Jesúmona bai jica fiébidiaioi.

13 Afénomona riire íena daidíai:oi:  
—Llófueraíma Jesús, caímo dúecai, —daidíai:oi.

14 Jesús afémacina cíoillano daide:  
—Batí lletárirainímo omoi abí ácataji, —daide.  
Afénomo íai:oi jailla llezica íai:oi mo ite duícuai jacáibicaide.

15 Iemo afémacimona dáamie ie abímo ite duico jacáillana cíoillano, Jesús diné abído bite. Billa llezica Juzíñamuimo riire cáimadote.

16 Jesumo dúciillano afémie ana éniemo fueco diné bíjicaide, Jesuna figura daíllena. Afe bie izói daidímie Samaria ímie.

17 Jira Jesús daide:  
—¿Afe duícomona jíllotaga diez dígamieñede? ¿Néemei jíáie nueve dígamie?

18 ¿Meita dama bie jícanemiéna Juzíñamuina abído cáimaduaibilla? —daide.

19 Iemona Jesús afe ímana daide:  
—Náidacaillano mai jai. O ínuamona o duícomona ja jíllodioza, —daide.

*Juzíñamui illáimana illirui bíllana nie izói ónoiticaí*  
(Mt 24.23-28, 36-41)

20 Fariséuai Jesumo jícanotíai:oi, “¿Níruí Juzíñamui illáimana illirui bíite?” Afémie uai ote:

—Juzíñamui illáimana billirui jaca cíoñena.

21 Afena “Ba nie” daínide. Daje izói “Baí batí ite” daínide. Mei Juzíñamui illáimana illino omoi cígimo ite, —daide.

22 Afe mei ie llófuegamacina daide:

—Uire jíáiruido daa birui cue illa izóidíruina cíocaitíomoi, mei íadi cíoñeítíomoi.

23 Jíáimaci ómoina dáitíai:oi, “Be nie,” íemo níbai “Batí ite” dáitíai:oi. Mei íadi afénomo jáiñeno iri. Daje izói afémacido jáiñeno iri.

24 Mei ameo llairilla mona enéfemona jica jíáinomo cíoina izói, Nanoide íima Jitó billirui afe izói cíocaizaibite.

25 Mei íadi aferui nai dúciñeille llezica, afémie fueñe jamánomo duere zéfuite. Daje izói bigímaíai íena ruifíruitíai:oi.

26 Noé illágimamo comíni iere fiéni illa izói, afe izói cue billíruimo comíni fiéni íitíai:oi.

27 Noé ie finoca áillue nocaemo jáiñena llezica, nana comíni ie lloga uaina náfueñeno ía güoidíai:oi. Güillano jírófíredíai:oi. Afe llezica íai:oi fiéni illafue méidoñeno áireoidíai:oi; íemo íai:oi jízaníai ínreitaoidíai:oi. Jaca daí ítíai:oi abina Noé jofo áillue nocaemo jaide. Iemo aillo noci bíide. Jamánomo bíllamona nana afémaci coróbaitíai:oi.

28 Iemo Lot illágimamo afe izói ite. Juzíñamuimo coméciñeno güoidíai:oi. Güillano jírófíredíai:oi; íbajano fécafíredíai:oi. Jacáfaiána ritíai:oi, íemo jofóníaiána níocaidíai:oi.

29 Mei íadi afe Lot Sodoma jófuemona jino bítemo, monámona réicíai noci bíilla izói cocide. Afe llezica iere uzire boode ‘azufre’ daína raa cócia. Afemona nana tímádimaci.

30 Cue Nanoide íima Jitódícueza, cue cíocaizaibillirui afe izoite.

31 Aféruimo daa come ie jofo caifófecomo íadi, ie jofo eromo ite ráaníaiána jofo jaillano báiruainide, afénomona botádeza. Daje izói dáamie jino jacáfaiimo íadi, abído ie jofomo bínde.

32 Lot aímo omoi uíbicai.

33 Ie caana rairuíacadímie áfena afémiemona féite. Mei íadi ie cáanana lloñédímíemona afe féiraiñeno, áfena báimo ziiño illínona máíñoite.

<sup>34</sup> Iemo nane ómoína dáitícue, cue dúcille naio, mena come dájena ína llezica, íaillinoimona dáamie oni uille. Jiáimie fiébicaite.

<sup>35</sup> Daje izói mena ringo daane trigo lláia llezica, íainguaimona dango oni uille, jiáingo fiébicaite.

<sup>36</sup> Daje izói mena íma jino jacáfaimo táijina llezica, íaillinoimona dáamie oni uille jiáimie fiébicaite, —daide.

<sup>37</sup> Daí ie dáinana cacáillano, ie llófuegamaci íemo jicánotiaioi:

—Cai Ocuíraima, ¿mei ninomo?

Jira afémie uai ote:

—Inóniaí dáanomo gairízaifirenmona, rille rifáillanona ñue onódiomoi. Afe izói fiéni finódino oni íaioi úillemona dani íaioi duere finóllinona uáfuenta onóigaza.

## 18

### *Daa fecingo comínimo riire jicánoraimamo jicajifrede*

<sup>1</sup> Afe mei Jesús ie llófuegamacimo daa rafue mamede, nágaruillai fáicanocaiño Juzíñamuimo íaioi jicafireillena.

<sup>2</sup> Íaioína daide:

—Jófuemo daa Juzíñamuina náfuefinide comínimo riire jicánoraima ite. Daje izói jiáimacina lloñede.

<sup>3</sup> Afe daje jófuemo daa fecingo ite. Afengo afe jicánoraimamo úrizabite. “Cue diga ícíríacadimiena mai ñue jaícina jicánori,” daide.

<sup>4</sup> Diga ícaiño afengo afémiemo jáidemo, afémie afengo uai jeire oñede. Mei íadi méifomo afémie comeci facade: “Juzíñamuina jacíruiñedicuena, daje izói comini uaina náfueñedicuena,

<sup>5</sup> mei íadi bie fecingo diga ícaiño cuemo zefuire bíbidez, aféngona ríidoitícue. Afemona afengo cue dine bíñeilleza. Daí afengo are cue zéfuinaitañeilleza,” daí comeci facade.

<sup>6</sup> Jira Ocuíraima daide:

—Daí bie fiénide comínimo riire jicánoraima daide.

<sup>7</sup> ¿Meita Juzíñamui ie nizécanona, afe ie mona naio diga íemo izire jicádinona ríidoñeite? ¿Raíre íaioína ríidoiteza! ¿Meita “Fui ómoimo llóitícue” íaioína dáite? Dáiñeite.

<sup>8</sup> Omoina daidícue, afémie juare dibáñeno raíre íaioína ríidoite. Mei íadi Nanoide íma Jitódícueza meine cue bíadi, ¿meita cuemo ínotino íite? ¿Meita íñeite?

### *Fariseo, íemo gobierno íbátaga úcube llínoraima izoide rafue*

<sup>9</sup> Jesús nane jiáifue lote, abí ínuana jiáimaci jámairuitinona ñue llófuellena. Daide:

<sup>10</sup> —Mena íma íaillinoi Juzíñamui jofomo Juzíñamuimo úrizaide. Dáamie fariseo ímie; jiáima gobierno íbátaga úcube llínoraima.

<sup>11</sup> Fariseo ímie naídácana bie izói Juzíñamuimo úrite. “Moo Juzíñamui, ona figora daidícue, mei cue bie jiáie fiénidino izoíñedicueza. Jaca merírifinidícue, jiáimaci jífuefinidícue, daje izói jiruínidícue. Afe baímo bie gobierno íbátaga úcube llínoraima izoíñedicue.

<sup>12</sup> Naga semánamo ménacaiño güñeno ífiredícue Juzíñamui íóbitallena. Nágarui cue oga úcubemona, Juzíñamuimo dúide raamo afémiemo fecáfiredícue,” daide.

<sup>13</sup> ‘Mei íadi afe gobierno íbátaga úcube llínoraima monamo érocáñeno oni jica fiébite. Dinó ie illa llezica, íere dúredícue, daínano ie abí íere

zuure finode. Finuano daide: “Aii, Juziñamui mai cuemo dúecai. ¡tere fiénidifuiaredimiedicueza!” daide.

<sup>14</sup> Omoína dáiticue, afe úcube llinoraíma Juziñamui anamo ñue illano jofomo jaide, mei íadi afe fariseo ímie ñue finoñega jailla. Mei uáfueza, abí ñnota jamánomoiacadimie anáfeficaide. Mei íadi abí ñnoñoeno comécina mánaidimie daidímie jamánomoidimiena jailla, —daide.

*Jesús úruiaí ñue illena finode*  
(Mt 19.13-15; Mr 10.13-16)

<sup>15</sup> Afe llezica comini íaioi jézainidino Jesumo atídiaioi, afémacimo onoi bitállena. Mei íadi áfena ie llófuegamaci cíoilano afe atídnona rairuídiaioi.

<sup>16</sup> Mei jiáifodo Jesús ie llófuegamaci uáiduano daide:  
—Afe úruiaí dama cue diné bitíaioiza. Afémacina rairuíñoeno iri. Mei Juziñamui illáimana illíruimo jáitino bie úruiaí izóidiaioi.

<sup>17</sup> Uáfueña ómoína dáiticue, fia comécina mánaide úrue izóíñedimie Juziñamui illáimana illíruimo jaca jofó jáiñeite, —daide.

*Ráarede jitócome Jesús diga úrilla*  
(Mt 19.16-30; Mr 10.17-31)

<sup>18</sup> Illáicomimona dáamie Jesumo jicánote:

—Ñuera Llófueraíma, ziiñoena cue illena ¿nie izóí íredicue? —daide.

<sup>19</sup> Jesús íena daide:

—¿Ñibái mei cuena “Fígomiedio” daidio? Abi dine jiáie ñúemiena iñede. Dama Juziñamui ñuena.

<sup>20</sup> Cai ocuúina uáillaina cacáioza: “Jiruífueña finóñoeno iri, jiáimana fañoeno iri, meríriñoeno iri, jiámamo taino lloñoeno iri, o moo o ei diga ñue jacíruiiri,” —daide.

<sup>21</sup> Jira afémie Jesuna daide:

—Bíuailaina cue dúemieniadi jaca nai biruido jeire ófiredicue, —daide.

<sup>22</sup> Afena cacáillano Jesús daide:

—Mei íadi omo nai daafue fiébide. Nana omo ite ráaniaí fécano, afe iba dúeredinomo ine. Afemona monamo ite ziiñoena ráifide raa óiena íteza. Afe o ráaniaí fecalle mei, mai puedo bi, —daide.

<sup>23</sup> Mei íadi áfena cacáillano iere zúucaide, mei afémie iere ráaredeza.

<sup>24</sup> Jesús ie zúucaillana cíoilano daide:

—Iere ráaredimie mei íadi ie ráaniaína cue baímo afémie izíruiadi, Juziñamui illáimana illíruimo jofó jáillena ¡nií juárena!

<sup>25</sup> Camello mámecirede áillue rille eedo uífodo enéfenemo jailla juánide, mei jiáifodo iere ráaredimie Juziñamui illáimana illíruimo jaille iere juárede, —daide.

<sup>26</sup> Aféfuena cacádino íena daidíaioi:

—Iemona ¿nímie jílloille? —daidíaioi.

<sup>27</sup> Jira Jesús íaioína daide:

—Comimimona finónide raa Juziñamui finórede, —daide.

<sup>28</sup> Afe mei Pedro íena daide:

—Ocuíraíma, odo bíllena caímo ite raana fiénocaidicai, —daide.

<sup>29</sup> Jira afémie uai ote:

—Uáfueña ómoína dáiticue, Juziñamui illáimana illano ícoínia jofó fiénocaitimie, daje izóí ie móotíai naa ie ámatíairi fiénocaitimie, daje izóí ie aí naa úruiaíri fiénocaitimie

<sup>30</sup> nai bíniemo ie illa llezica aillo baímo líñoite. Afe mei monamo ziiñoena illino máínoite, —daide.

*Jesús nane dáanomo ie tíillifue llote*  
(Mt 20.17-19; Mr 10.32-34)

<sup>31</sup> Jesús oni eneno doce dígade ie llófuegamaci uillano daide:

—Ja birui Jerusalemo jáiticaiza. Afénomo nana jaiái Juzíñamui uai llóraini Nanoide ñima Jitó cuega uai jino zúilleza. Nanoide ñima Jitódicueza.

<sup>32</sup> Afeno jicánemacimo cue fécaítiaíoi, íemo cuena jifánodoítiaíoi, íemo cuena báññoítiaíoi, íemo cuena túallaítiaíoi.

<sup>33</sup> Iemo cuena rázido fáitíaiíoi. Afe mei cuena títaítiaíoi. Mei íadi daaruíamani íllemona tíidinomona meine abido cáadimíena ííticue.

<sup>34</sup> Afe bífuiaína afémaci jaca onóñediaíoi. Daje izói nímiedo úriteza onóñediaíoi, mei aféfuiaí afémaci baitánide.

*Jesús Jericó ímie uínidímie jíllotote*  
(Mt 20.29-34; Mr 10.46-52)

<sup>35</sup> Jesús Jericó jófueмо áinozilla llezica daa uínidímie io fuemo ráide. Afémie ñia úcube jicáfiredo.

<sup>36</sup> Aillo comíñiaí jáillana cacáillano afémie, “¿Ñíifue comuilla?” daide.

<sup>37</sup> Jira afémieмо llotíaíoi, “Nazaret ímie bíedo jailla,” daidíaíoi.

<sup>38</sup> Jira afémie jíirioicaide:

—Davidmona comuídímie Jesús, Mesía daínámie mai cuemo dúecai, —daide.

<sup>39</sup> Uícodo jáidino afémieña “Uriñeno líicai,” daidíaíoi. Mei íadi afémie ñaí riire caillide:

—Davidmona comuídímie, Mesía ímie mai cuemo dúecai, —daide.

<sup>40</sup> Iemona Jesús náidade. “Afémie cue díne omoi uaji,” daide. Afémie dúcizaíbilla llezica Jesús jicánote:

<sup>41</sup> ¿Mínícana jítaidío, omo cue finólleza?

Jira uínidímie uai ote:

—Ocuíraíma, meine úido cíóacadicue, —daide.

<sup>42</sup> Jira Jesús íena daide:

—Mai érocai. O íñnua ícoíñia ja jíllodio, —daide.

<sup>43</sup> Daíí daína llezica, uínidímie ñue cíode. Afe mei afémie Juzíñamuimo caimátaicana Jesudo jaide. Daje izói nana afe uínidímie jíllonana cíódino Juzíñamuimo caimátaoidiaíoi.

## 19

*Jesús Zaqueo uáiduaide*

<sup>1</sup> Afe mei Jesús Jericó jófueмо dúcillano, afe jofue cígido jaide.

<sup>2</sup> Afénomo daa ráaredímie ite. Afémie mámeçi Zaqueo. Afémie gobierno íbátaga úcube líñnoraimaci illaíma.

<sup>3</sup> Bie Zaqueo Jesuna cíóiacade ie ónoillena. Ua Jesuna cíóacade mei íadi íena cíónide, aillo comíñi íllaza, íemo jíái afémie íere íámieza.

<sup>4</sup> Ie jira Jesús uícomo aizíicaillano, sicómoro daína aménamo caifo lííode Jesuna cíoillena. Afe amena Jesús jáillino áñnori ite.

<sup>5</sup> Jesús áfedo jailla llezica, caifo íemo érocaide. Iena daide:

—Zaqueo, raíre ana bí. Birui o jofomo fiébiticueza, —daide.

<sup>6</sup> Ie mei Zaqueo raíre ana billano Jesuna caimare líñnote. Ua Zaqueo jofomo jáidiaillinoí.

<sup>7</sup> Comíñi áfena cíoillano, nana áferi úrizidiaíoi. Daidíaíoi:

—Jesús fiénidímie jofomo fiébizaide.

<sup>8</sup> Iemo Zaqueo náidacaillano Jesuna daide:



—¡Ocuíraima, ero! Cuemo ite ráaniaimona dúeredimacimo átuedo fécaiticue. Daa come jífuiano naui merídícuenia áfena afémiemo meine abido izájiticue. Nane afe emódomo dacaiñoámani afémiemo íiticue, —daide.

<sup>9</sup> Jira Jesús íena daide:

—Daií o fínuamona Juziñamui lloga jíllonafue birui jeire o úana ja onódicai. Naui féiraitio, mei íadi birui ja jíllotagao. Ja Abraham comútagamiedio.

<sup>10</sup> Mei jii, o izoide ja oni baiízaidino jenoda jíllotaibiticue. Nanoide íima Jitódicueza, —daide.

### *Diez dígade úcubetunimo mameca rafue*

<sup>11</sup> Jesús bífuiado úrillana comini cacana llezica, afémie daa rafue íaioimo llote. Mei Jerusalem afémie áinozioicaidemo, afémaci comécido “Juziñamui illáimana illírui ja raire dúciacade,” daidíaiioiza.

<sup>12</sup> Jira Jesús íaioina daide:

—Daa íima ñúemacimona comúdimie. Afémie oni jica jíáiniemo jaide, afémaci illáimana afémie íaioi jóoneacadiaioiza. Afe mei afémie nane abido biite.

<sup>13</sup> Nai ie jáiñena llezica, ie táijitaganomona diez dígamie uáidote. Uáiduano illa dígamie daa iere ráifide úcubetuni fecade. Feca llezica íaioina daide: “Bie úcubetunido nai cue bíñeille dinó ráaniai oíri. Ua mei, afe fécamo aillo úcubena oni jóoneri,” daide.

<sup>14</sup> Mei íadi dama ie illano comini afémiena éoidiaioi. Eoillano afémie óodana llóitino orédiaioi. Llotíaioi: “Cai illáimana o íllena jítañedícai,” daidíaiioi.

<sup>15</sup> Mei íadi afémie illáimana jónega. Jónia mei dama ie éniemo jaide. Dúciillano úcubetunillaina igámiaí bai uáidote. Uáiduano illa dígamie jicánote: “¿Ja nieze úcubena ofítatio?” daide.

<sup>16</sup> Nano jírigamie íena daide: “Ocuíraima, o úcubemona diez díga baimo óiena nabáidicue,” daide.

<sup>17</sup> Ie jira aféllaíma uai ote: “Iere figora. Ñuera ocuífiregamiedio. Omo due cue ígari ñue ínotioza, diez dígade comini jofue illáimana o jóoneitícue,” daide.

<sup>18</sup> Afe mei nane jíáimie jírite. Afémie billano daide: “Ocuíraima, o úcubemona cinco díga baimo óiena nabáidicue,” daide.

<sup>19</sup> Nane daje izói bímiemo uai ote: “O cinco dígade comini jofue lláimana o jóoneitícue,” daide.

<sup>20</sup> Afe mei nane jíáimie jírite. Afémie daide: “Ocuíraima, be o úcubetuni. Ñue jacíruiocana cue éenogaza.

<sup>21</sup> Mei iere ríimiedioza, ona jacíruitícue. O jóoneñegamona jaca ófiredio. Daje izói o ríñeganomona jaca ófiredio,” daide.

<sup>22</sup> Afe jira aféllaíma íena daide: “Fíénide cue ocuífiregamiedio. Dama o daina uaido riire omo jicánoitícue. Cue riirenana onódio íadi, ¿ñibái mei cue úcubena baimo nabáñedio? Daje izói cue jóoneñegamona cue ófirenana onódio íadi, íemo jíái cue ríñeganomona jaca cue ófirenana onódio íadi,

<sup>23</sup> ¿ñibái mei cue úcubena jíáie úcubena iránomo jóoneñedio, abido cue jofomo cue billa llezica afe úcubena íemo afe baimo jíáie úcubena díga cue llínollena?”

<sup>24</sup> Iemona afénomo itínona daide: “Bímiemo ite dáatuni uano, diez dígatuni otímiemo feca,” daide.

<sup>25</sup> Mei íadi afémaci aféllaímana daide: “Illáima ero, bímiemo ja diez dígatuni ite. ¿Ñibái mei jíáie úcubena iga?” daide.

<sup>26</sup> Jira afe illáima uai ote: “Mei uáfueza ómoína dáitícue, igámie baimo aillo írede. Mei íadi ínegamie due ite bairórede.

27 Iemo afe baie cue illaïma ïllana óiacañedino, mai bai bené ati. Atiano cue eróicana afémaci tita,” daïde.

*Jesús Jerusalén jófuego jofo jaide*

(Mt 21.1-11; Mr 11.1-11; Jn 12.12-19)

28 Bie izói daina méifodo Jesús nai Jerusalén diné jaide.

29 Ja Betfagé jófuego, íemo Betania jofue diga, afénomo Jesús dúciacade. Afe jofue Olivo idu áinori ite. Afénomo illa llezica ie llófuegamacimona ménamie orede. Iaillinoïna daïde:

30 –Batí áinori ite duera jófuego ómicoï jai. Dúciillano afénomo cuinaca búrrona cíoitíomícoï. Afe búrrono nai buna ráiïñena. Zúitano cuemo atiri.

31 Daa come ómicoïmo jicánoïa “Ñibái mei uiga” daiíadi, “Cai Ocuíraïma jitaïllano jicaca” ómicoï daiíri, –daïde.

32 Afe llófuegamaci íaillinoï jaillano nana Jesús íaillinoïna daina izói cíozaidiaillinoï.

33 Afe burro íaillinoï zúitaja llezica burro naama jicánote:

–¿Ñibái mei búrrona zuitádiomícoï? –daïde.

34 Jira afe íaillinoï uai ote:

–Cai Ocuíraïma jitaïlla, –daïde.

35 Afe mei ja Jesumo uitíiaillinoï. Dúciillano afe burro emodo íaioï iníroïna jobédiaioï. Jóbiano afe emódomo Jesús rainádiaioï.

36 Afe búrrodo Jesús jailla llezica, ie jáillao comíni íaioï iníroïllaina jobédiaioï.

37 Olivo daina ídumona ana íaioï jailla llezica, nana afémiedo jaide Juziñamuïmo ínotino íóbillano caillíoidiaioï. Daje llezica Juziñamuïmo iere caimátaïdiaioï, mei diga Jesús uaido daina comúidena nauï uícodo cíodiaioïza.

38 Daïdíaioï:

–Ocuíraïma mámeçido bite illaïma caïmare iri. Caïmare uái illafue monamo íteza. Daje izói Juziñamuïmo ebire ñúefuïaina nitáfireiri, –daïdíaioï.

39 Iemo afénomo ite comíni cígímo fariseo ímíaina ite. Afémaci Jesuna daïdíaioï:

–Llófueráïma, odo jáidinona “Uriñeno” o daiíri, –daïdíaioï.

40 Mei íadi Jesús uai ote:

–Omoïna dáitícue, bimaci úriñenia nofíciái riire úrille, –daïde.

41 Afe mei afe Jerusalemo ánozilla llezica, afe jófueña cíoïllano Jesús eede.

42 Eïano cómemo úrilla izói afe jófueña daïde:

–Nífuenino uái o illífuena iere o onótaacadícue. Birui ñue o illarui. Mei birui afefue ómoïmona báinino íteza, aféfuena onónidíomícoï.

43 Mei uáfueza fiénjiruïllai ómoïmo biite. Aféruïmo omoï éoidímaci omoï illa onido nágafeniaï nofíbaníllaina izói ómoïna cirínoítiaioï. Afe mei ómoïri riire fúiritiaioï.

44 Iemo ana éniemo ona dótaitiaioï. Dótano afe jófuego ite comínina fáitíiaioï. Afe llezica nana afe jofue finoïna nofíciái ana dócoítiaioï; mei Juziñamui ómoïna caïmare uáiduaïbillarui onóñediomoïza, –daïde.

*Jesús Juziñamuïmo gairíraco ráfua izói ñue fínode*

(Mt 21.12-17; Mr 11.15-19; Jn 2.13-22)

45 Jerusalemo ie jofo jailla méifomo, Jesús Juziñamuïmo gairíracomo jofo jaillano afeco eromo ite ráaniaï fecáðino naa íbároidinori jino jiude.

46 Iaioïna daïde:

–Jaïai Cuegáuaimo daïde: “Cue jofo cuemo úrifireillico.” Mei íadi afécona merírifiredino jofo izói finódiomícoï, –daïde.

47 Nágaruïllai Jesús afécomo llófuefirede. Mei íadi afe llezica lletáriraini illaini, daje izói ocuica uai llófuetino, naa jofue illáiniri ie íaioï fallino jenódiaioï.

<sup>48</sup> Mei íadi afémie fállena baiñediaioi, mei nana comini afémie uai iere cacáreidiaioiza.

## 20

*Illáicomini Jesús ócufirena ríino jicánotiaioi*

*(Mt 21.23-27; Mr 11.27-33)*

<sup>1</sup> Afe mei jiáiruido Jesús Juzíñamui gairíracomo comini llófuete. Afe llezica ñuera jílona uai afémacimo llote. Dai llua llezica lletáriraini illaini, íemo ocuica uai llófuetino, naa ocuide eicomíniri, afénomo dúcidiaioi.

<sup>2</sup> Dúciillano Jesuna daidíaioi:

—Nie ríinodo bie ráaniaina finódio áfena cai lloiri. Afe omo ite ríino ¿bu mei omo fecaca? —daidíaioi.

<sup>3</sup> Jira Jesús íaioina daide:

—Cuemo omoi jicánua izói ómoimo daafue jicánoiticue. Nee mei cue uai omoi ólleza.

<sup>4</sup> Mei Juan ¿bu comini báutizallena ocuica? ¿Meita Juzíñamui ocuica? ¿Mei nibai comini ocuica? —daide.

<sup>5</sup> Mei íadi uai oñeno, áfena dani conímamo júfidotiaioi; daidíaioi:

—¿Nie izói mei dáiticaí? “Juzíñamui ocuica” cai daiíadi, Jesús cai uai óite, “¿Nibái mei afémiemo ínoñediomo?”

<sup>6</sup> Mei jiáifodo “Comínimona ocuica” cai daiíadi, nana comini nófiena cai níjitiaioi. Mei afémaci “Juan Juzíñamui dibénedo úrifirede” jaca daiífrediaioi.

<sup>7</sup> Iemona afe illáicomini Jesuna daidíaioi:

—Juan báutizabillena ocuídímiena onóñedicaí, —daidíaioi.

<sup>8</sup> Afe jira Jesús íaioina daide:

—Daje izói bie ráaniai cue fínofirena ríino ómoimo llóñeiticue, —daide.

*Fiénide táijidino rafue*

*(Mt 21.33-44; Mr 12.1-11)*

<sup>9</sup> Afe mei Jesús comínimo úrilla llezica bifue íaioimo llote:

—Daa come jírícuaena eroide úvaiaí rillino finode. Afe mei afemo táijitino nano íanori iba llínollena fecade. Fécano oni jiáinomo are íllena jaide.

<sup>10</sup> Afe úvaiaí llizilla llezica, ie ocuífregamie orede, náamamo dúide dibene afénomo táijidinomona jicállena. Mei íadi afémiemo íñeno fájano ie orédiaioi.

<sup>11</sup> Ie jira jacafai naama nane jiáie ocuífregamie orede. Mei íadi nane afémiena icida fatíaioi. Fájano íñeno fia meine orédiaioi.

<sup>12</sup> Nane afe mei jacafai naama jiáimie orede, mei íadi afe táijidino afémiena bófiano jino orédiaioi.

<sup>13</sup> Iiraínomo jacafai naama daide: “¿Nie izói fínoiticue? Cue izíruiga jító óreiticue. Afémaci afémiena cíoillano, nibai afémiena caimare jacíruitiaioi,” daide.

<sup>14</sup> Mei íadi táijidino afémiena cíoillano, jofu conímama daidíaioi: “Bímie uire bie énie máíñoitimie. Mai cai falli. Afe mei bímie cáiena jáiteza,” daidíaioi.

<sup>15</sup> Afe mei jacafai jinomo uillano íena titádiaioi.

Jira Jesús jicánote:

—Afe jacafai naama bimácina ¿nie izói fínoite?

<sup>16</sup> Afémie billano afémacimo dúecaíñeno titaite. Afe mei afénie jiáimacimo fécaite, —daide.

Afena cacáillano daidíaioi:

—¿Afe izói cai ílleza Juzíñamui rairuiri! —daidíaioi.

<sup>17</sup> Mei íadi Jesús íaioimo érocaillano daide:

—Iemona, afe Juziñamui Cuegáuaina ¿nie izói llóiacade? Afe uai bie izói daide: Jofo níraini jámairuillano oni fádoica jáillirai ja nahí jáilliraina jaide. Bie daina daíacade, comini jámairuillano ruifruigamie ja ñuera jica jalleide illáimana jaide.

18 Afe jámairuiga nofici maméidimiemo éicitaitimie niné tibérotaité. Iemo jái afe nofici anamo jíitafitino jízefo izói jáitiaioi, —daí Jesús daide.

*Gobierno ibátaga úcube rafue*

(Mt 21.45-46; 22.15-22; Mr 12.12-17)

19 Afe llezica lletáiraini illaini naa ocuica uai llófuerainiri Jesuna llaitáacadaioi, mei afémacido bie rafue afémie llúana onódiaioiza. Mei íadi afémaci comínina jacíruitiaioi.

20 Ie jira ñuemaci izói macádino Jesumo báinino orédaioi. Jesuna comeci féillamona fiéni úritallena orécaiaioi. Afe fiéni ie úrillana cacáillano afémie romano caifóidillaímamo fécaite.

21 Jira afémaci Jesumo bie izói jícanotiaioi:

—Llófueraima, onódicaiza jaca ñue illifue llófuefiredio. Daje izói jaícina ñue úrifiredio. Iemo jino cíoidifuiado izire jícanoñedio. Mei jáífodo Juziñamuimo cai jáilliodo uáfueña úrifiredio.

22 Caimo llone: ¿Romano jamánomoidillaíma ibátaga úcube ibádicainia ñuera? ¿Ñibai fiénide? —daídaioi.

23 Mei íadi íaioi ie facátaacanana Jesús onode. Jira íaioina daide:

—¿Ñibái mei jíitaja izói cue finódiomo?

24 Daa úcubetuni cuemo ácataibi. Afétunimo ite uíeco jana ¿bu ie? Iemo afétunimo ¿nie come mámecei cúeina? —daide.

Jira ie uai otíaioi:

—Romano jamánomoidillaíma uíeco illa, naa ie mámecei diga, —daídaioi.

25 Jira Jesús íaioina daide:

—Mei íemona romano jamánomoidillaímamo dúide afémiemo fecari. Iemo daje izói Juziñamuimo dúide Juziñamuimo fecari, —daide.

26 Nana afémaci comini cacáicana daina uáillaído ja Jesuna jaca jíitanidiaioi. Mei jáífodo ie uai úana cacáillano fáigacaidiaioi. Afe mei íaioi uai ollifue ínédeza úriñediaioi.

*Tíide comini meine abido cáaille jícanotiaioi*

(Mt 22.23-33; Mr 12.18-27)

27 Afe mei saduceo ímíai Jesús diné jaide. Afe saduceuai tíidino meine abido cáañeite daífirediaioi. Jira bimaci Jesuna bie izói daídaioi:

28 —Llófueraima, Moisés caimo cuetá fiécabemo daide: Daa come ie ai nai úruenide abina tíia, afémie ama ie fecíngona órede, afémie úruiaí ie tíide ama méifomo comuállena.

29 Mei nauí cai cígimo siete diga ámaredimíaina ite. Nanóidimie áireillano nai úruenino tíide.

30 Afe méifoidimie afe fecíngo ote. Ie mei afémie daje izói úruenino tíide.

31 Afe mei nane jáímie daango ote. Uano nai úruenino tíide. Daje izói nana afémie ámatiaí daango uano úruenino tíidiaioi.

32 Íirainomo ja afengo tíilla.

33 Iemona comini tíillano meine abido cáalliruimo, mei siete dígamie afengo óteza, afengo ¿nie íima aina mámeite? —daídaioi.

34 Ie jira Jesús uai ote:

—Bie éniemo ííñiaí áirediaioi. Daje izói ringóniaí ínirediaioi.

<sup>35</sup> Mei íadi uire monamo jáitena mamécano, daje izói tíidinomona meine abido cáaitena mamécano jaca áinitiaioi. Daje izói afénomo íaioi jízatiana jáimamo iníreitañeitiaioi.

<sup>36</sup> Mei afénomo buna tíinideza. Iemona afémaci Juzíñamui abí imáciai izóidiaioi. Tíillanomona meine abido cáilledo Juzíñamui jitótiana ja mamécaiaioi.

<sup>37</sup> Jaiaí Moisés illafue ciegánicomo Juzíñamui tíidino meine abido cáallana caina onótate. Moisés boode rarócina ciona llezica afe bóodemona Juzíñamui daide: “Dáaruido Abraham Juzíñamuidicue naa Isaac Jacob diga,” mei afémaci Juzíñamui illánomo cáadiaoiza.

<sup>38</sup> Mei uáfueza, Juzíñamui tíidino íeñede, mei jáífodo cáadino ie. Mei uáfueza, Juzíñamui eróicana nana cáadiaoiza, —daide.

<sup>39</sup> Iemona ocuica uai llófuerañimona dáarie daidíaioi:  
—Llófueraima, ¡ñue daidio! —daidíaioi.

<sup>40</sup> Afe baímo Jesús facátalle uaina baiñediaioi.

*Cristo ie nano comúidime ¿bu?*

*(Mt 22.41-46; Mr 12.35-37)*

<sup>41</sup> Afe mei Jesús íaioina daide:

—¿Nibái mei Crístona David jitó dáifirena?

<sup>42</sup> Mei afe David Salmos rabénicomo dáideza:  
Monamo ite cai Moo Juzíñamui cue Ocuíraimana daide:

“Bené cue nabézimo ráii;

<sup>43</sup> ona éoidino cue anáfenolle dino.”

<sup>44</sup> ¿Mei nie izói Cristo David jitó? Mei afe David afémiena ie Ocuífredimiena mamédeza, —daide.

*Jesús ocuica uai llófuefiredinomo fénidifue nitade*

*(Mt 23.1-36; Mr 12.38-40; Lc 11.37-54)*

<sup>45</sup> Nana comini cacáicana Jesús ie llófuegamacina daide:

<sup>46</sup> —Ocuica uai llófuefiredinomona abí omoí rairuri. Afémaci “jáimacidicaí” daíllena áreroi jitáfirediaioi. Afémaci gairíranomo jáiadí, iere caimare uáiduana gáidiaioi. Afe izói Juzíñamuimo llófueriracomo ñuera ráirranuai jénofirediaioi. Daje izói irázillafue finua llezica jénofirediaioi.

<sup>47</sup> Daje llezica fecíngotiaí jofona bárofirediaioi. Afémaci comini cíocana ñúemacina daíllena, are Juzíñamuimo úrifirediaioi. Afémaci jáímaci duere finolle baímo duere finólliaioi, —daide.

## 21

*Dúerede fecíngo Juzíñamuimo úcube fecade*

*(Mr 12.41-44)*

<sup>1</sup> Jesús Juzíñamuimo gairíracomo illa llezica, aillo ráaredino Juzíñamuimo dúide úcube jóneranomo úcube dótana ciode.

<sup>2</sup> Afe llezica dúerede fecíngo cobre finoina mena úcubetuni dótajana Jesús ciode.

<sup>3</sup> Cíoillano daide:

—Uáfueña ómoína dáiticue, bie dúerede fecíngo nana jáímaci baímo dotade.

<sup>4</sup> Mei nana afémaci íaioimo fiébide úcubemona dotádiaioi. Mei íadi bie fecíngo dúerede íadi nana aféngomo ite güille íballe úcube dotade, —daide.

*Jesús Juzíñamuimo gairíraco niné táinocaite, daide*

*(Mt 24.1-2; Mr 13.1-2)*



<sup>5</sup> Comínimona dáarie Juzíñamuimo gairíraco ero ebire cíoina llotíai. Daje izói afécomo ite nofíciai finoína ebire cíoina llotíai. Afe izói afécomo fia fecaca ebírede ráaniai llotíai. Afe jira Jesús daide:

<sup>6</sup> —Nana bie omoi ciona ebire eróidnuiai uire dáaruido niné táinoficaite. Bico ero ñuera nofítofiaí illa dígatofiaí oni eneno júdaizite, —daide.

*Enie fúiacana cai onóillena lloga uai*  
(Mt 24.3-28; Mr 13.3-23)

<sup>7</sup> Jira Jesumo jicánotíai:

—Llófueraíma, o lloga bífuiaí ¿ñiruído íite? Bífue zúille uícodo cai onóille raa, ¿nie izói íite? —daídaíai.

<sup>8</sup> Jira Jesús daide:

—Omoi jífuefiza abí omoi rairuiri. Mei afe llezica díga “Cue bie Crístodícue” dáitino bíitíai. Afe izói “Ja birui aferui” dáitíai. Mei íadi afémaci llógamo ínoñoeno iri.

<sup>9</sup> Comíni jóbairillana omoi cacáiaí áferi jacínaiñoeno iri. Daje izói jíáie comíni íai. Illaíma uáitano jíáimíena méidoiacanari jacínaiñoeno iri. Mei uícodo daí íredeza, mei íadi íirairui nai dúciñedeza.

<sup>10</sup> Iemo Jesús nai úrioicaide:

—Daa nairai jíáie nairai díga fúiritíai. Daje izói daa zie jíáizie díga jóbairitíai.

<sup>11</sup> Afe llezica díga ígobiaído énie íere riire docáirite. Daje izói aillo nairai júbietaitíai, íemo jíái aillo comíni dáagoberiedo dúicotaitíai. Aféruído monamo aillo cai jacínaitaite raa cíocaite, naa énie fuille joréñuairi.

<sup>12</sup> Mei íadi nana bífuiaí jino déiacana uícodo, fiéni finóllena ómoína lláitaitíai. Daje izói ómoína rácaítíai. Iemo Juzíñamui uai llorácomo ómoína uillano riire jicánodoitíai. Iemo ómoína llavéracomo íbaitíai. Afe llezica cuemo omoi jainaina jira, jamánomoidillaini naa jabóidillaini uícodo ómoína úitíai.

<sup>13</sup> Daí omoi íai uilla llezica cuédo afémacimo ñue úritíai.

<sup>14</sup> Abí omoi ríidolle uaimo uícodo omoi comécillena riire mamériñoeno iri;

<sup>15</sup> mei aféruímo afémaci uillaí omoi olle uaina ómoímo llóitícueza. Afe llezica ómoína ráfuena ñue baitátaitícue. Afemona omoi éoidíno ómoína jaca uáitanidiaí.

<sup>16</sup> Mei íadi aféruímo omoi onóigamaci Crístomo omoi ínua jira ómoína duere finóllena jíáimacimo izájitíai. Daje izói omoi ámatíai Crístomo omoi ínua jira ómoína fécaítíai, íemo omoi móotíai dáafuedo ómoína fécaítíai, daje izói jíái omoi nabáíñiaí dáafuedo ómoína fécaítíai. Omoímona dáarie títaitíai.

<sup>17</sup> Aféruído nana nairai cue ícoíniadi ómoína éoitíai.

<sup>18</sup> Mei íadi omoi ífótiraíaimona, daa táinomo báíñeite.

<sup>19</sup> Iemo fáicanocaiñoeno omoi ínoiadi, zíñona cáallinona máíñoitíai.

<sup>20</sup> Jerusalén jofue fuíríraini nágafene afeno cirínoia, áfena cíoillano, áfedo raire táinocaillena ónoitíai.

<sup>21</sup> Afe jira afe llezica Judea éniemo itínuiaí caifóneduaímo botárediaí. Daje llezica Jerusalemó itínuiaí afénomona oni jica jáirediaí. Iemo jacáfaimo itino meine abído afe jófuemo jáinidiaí.

<sup>22</sup> Mei afe comíni duere finólliruimo ja dúcideza. Aféruillaído nana jaiaí Juzíñamui Cuegáuáí ícoímo ñue fuitárede.

<sup>23</sup> Afe llezica namóciredíngotíaina ¡Ní dúerena! Daje izói monoi jirode úruena llíidíngotíaina ¡Ní dúerena! Mei aféruillaído afénoimo aillo izi cácaítíai. Afe énie comíni jamánomo duere finólliaí.

<sup>24</sup> Afémacimona jíáimaci jóbairillanomo tíitíai. Iemo jíáimaci nana nairai illánomo íaióna llavétaitíai. Juzíñamui mamécaruillai dieze, jicánemaci Jerusalén anáfenuano júdaitíai. Afe mamécaruillai fuille dino afe jófuena fieni fínoítíai.

*Nanoide Ima Jitó Cristo billirui ñie izoite*  
(Mt 24.29-35, 42-44; Mr 13.24-37)

<sup>25</sup> Afe mei jitómamo, fiuimo, naa úcuairi jacírede raa jánaniai cíocaite. Afe llezica náiraii comeci faca mamérilla uallai niné féite. Iemo monáillaji ficire báguari jacínaitíai.

<sup>26</sup> Biniemo comuízaide raamo comécillano iere jacínaitíai. Ie jacínaillamona tíidino izói ífcaítíai. Mei afe llezica nana monamo itínuiai riire mozíoide ráaniai niráiricaiteza.

<sup>27</sup> Afe mei Nanoide Ima Jitó Crístona cíoitíai. Afémie íemo ite ríino naa dama íemo ite ebíredífuiari uílliedo ana bite.

<sup>28</sup> Bífuii jino zuille llezica, ñue omoi mamériri; íocire omoi érocairi. Mei íanori íllamona omoi jíllotallíomoi, —daide.

<sup>29</sup> Daje izói nane bie aménamo mamécáfue Jesús íaióimo llote:

—Higuera daina aménamo comeci omoi facari. Daje izói nana jíáie aménamo omoi comécíiri.

<sup>30</sup> Íaiói íbiai firuállana omoi cíónia, “Ja fimona áinozide” daíífredíomoi.

<sup>31</sup> Afe izói bífuii zuállana omoi cíónamona, “Juzíñamui illáimana billirui ja áinozide,” daííredíomoi.

<sup>32</sup> Uáfueña ómoína dáitícue, bigímaiai nai tíñeille llezica nana bie raa jino zúite.

<sup>33</sup> Mona énie diga fúite, mei íadi cue uallai jaca fúíñeite. Cue lloga raa nana zúite.

<sup>34</sup> Omoi comeci rírelleza abí omoi rairuiri. Mei iere aillo güíacanamona come comeci riire jáite, daje izói jífáífirenamona. Daje izói dani omoi abi ifue níciduamona come comeci riire jáite. Jira cue billíruimo omoi jácínaiñelleza áfena abí omoi rairuiri.

<sup>35</sup> Mei rille jíitáfírena raa ónonino jíitaja izói, afe izói aferui nana énie comínina jíitáiteza.

<sup>36</sup> Jica ía mai ñue omoi finóbiri. Jaca fáicanocaiñeno Juzíñamuimo omoi úrifíreiri, afe nana bie zúitífuiamona omoi jíllóillena. Daje izói Nanoide Ima Jitó uícomo meáiruíñeno omoi náidáillena, jaca Juzíñamuimo úrifíreillano, jica ía ñue omoi finóbiri, —daide.

<sup>37</sup> Jesús monari Juzíñamuimo gairíracomo llófuefírede. Afe mei naio, Olivos daina ídumo íniaíírede.

<sup>38</sup> Nana comíni afémie llófuiana cacáreillena nágarui raire jíitíramo bífíredíai.

## 22

*Jesús llaitállena maméritíai*  
(Mt 26.1-5, 14-16; Mr 14.1-2, 10-11; Jn 11.45-53)

<sup>1</sup> Fáitañeno pan güífírena rafue ja áinozide. Afe rafue jíáífoto mameina pascua rafue.

<sup>2</sup> Iemo lletáriraini illaini naa ocuica uai llófuetinori Jesús fállena jenódíai, mei afe llezica comínina jacíruitíai.

<sup>3</sup> Iemo aféruido Taife Judas Iscariótemo jofo jaide. Afe Judas doce dígade Jesús orécamacimona dáamie.

<sup>4</sup> Afe bímie lletáriraini illáinimo naa gairíraco ocuídinomo Jesús íaioimo fecállena llujáide.

<sup>5</sup> Afena cacáillano íobidiaioi. Iemona, “Ucubena o íbaiticaí” daidíaioi.

<sup>6</sup> Iemona ie íaioi íbaja úcube llínote. Iemo Judas aféruimona comini figo iñena llezica Jesús íaioimo izájillena jenode.

*Cai Ocuíraima íraicaiño güillafue*

*(Mt 26.17-29; Mr 14.12-25; Jn 13.21-30; 1 Co 11.23-26)*

<sup>7</sup> Ja fáitañega pan güilláruimo dúcide. Afe llezica aféruimo pascua íena ovejai fáfirega.

<sup>8</sup> Jira Jesús Pedro, Juan íaillinoína ocuide; daide:

—Mai pascuamo güífirera izói uícomo ómicoi finori, —daide.

<sup>9</sup> Jira afémiemo jicánotiailinoi:

—Afena ¿ninomo finuaitcoco? ¿Ninomo áfena güíacadio? —daide.

<sup>10</sup> Jesús íaillinoína daide:

—Batí jófuego ómicoi jaille llezica, ícírudo jainoi uitímie cíotiomicoi. Afémiedo jairi. Afe mei afémie jofo jáillcomo jofo ómicoi jai.

<sup>11</sup> Afénomo afe jofo náamana ómicoi daíri, “Cai Ocuíraima ona daide: Cue güillico ¿ninomo ite? Afécomo cue llófuegamaciri páscuamo güífirera izói güíticue.”

<sup>12</sup> Afe mei afémie caifóidibanimo ite áillocona ácatate. Afeco ero ja ñue finóbide, afécomo cai güille finori, —daide.

<sup>13</sup> Iemona afe íaillinoi jaillano, nana Jesús íaillinoína daína cíozaidiaillinoi. Iemona afénomo pascua rafue ana güífirera izói, güille finódiaillinoi.

<sup>14</sup> Ja nauízaidemo güizájilla llezica Jesús naa ie oréllinori dáanomo ráizitiaioi.

<sup>15</sup> Afe llezica Jesús íaioína daide:

—Nai cue tíñena llezica bie pascua ana güífirera izói omoi diga iere güíacadicue.

<sup>16</sup> Mei ómoína dáitícue, bie ie rafue dáanomo meine güíñeitícue. Bie rafue Juzíñamui illáimana illíruimo bíñeille dino güíñeitícue, —daide.

<sup>17</sup> Daí daína mei jiróraco llínota Juzíñamuina “Iere figura” daide. Afe mei íaioína daide:

—Bie llínota, conímamo omoi fecari,

<sup>18</sup> mei ómoína dáitícue, Juzíñamui illáimana illirui nai dúciñena dino, nane dáanomo uva íjina jaca jíroñeitícue, —daide.

<sup>19</sup> Afe mei pan llínota, Juzíñamuina “Iere figura” daide. Daí daínano afe pan dídade. Pan díitano afémacido fecade. Afe llezica daide:

—Bie cue abiza. Tíillinomo fecállícue omoi ñue íllena. Cuemo omoi uíbicaífirreillena bie izói omoi finófireiri.

<sup>20</sup> Daje izói güilla fuilla mei jiróraco llínota, íaioimo fécajano daide:

—Bie jiróraco eromo ite iji Juzíñamui ómoína mameca cómue uai ómoína onótaite. Afe ie mameca cómue uai, uafue daíllena cue die totálleza, mei cue die omoi ñue íllena totálleza.

<sup>21</sup> Mei íadi cue fécaitimie birui benó cue diga güite.

<sup>22</sup> Mei jii, Nanoide íima Jitó Crístodicueza, jaiái uícodo cuemo mameca iodo jáitícue. Mei íadi cue fécaitimie, jnií dúerena! —daide.

<sup>23</sup> Afe jira conímama daidíaioi:

—¿Cáimona bu mei ie fecalle? —daidíaioi.

*Conímamo jamánomoidímie júfidotiaioi*

24 Afe mei dani afémaci cígimona nímie jamánomoidimiena daina júfidotiai*oi*.

25 Mei íadi Jesús íai*oi*na daide:

—Nairai illaini íai*oi* anamo itínona riire ocuífiredia*oi*. Daje izói íai*oi* ocuúdinona, jíamaci “Omoi ñue finódino” daiífiredia*oi*.

26 Mei íadi omoi afe izói iñeno iri. Mei jíáfodo omoi cígimo ite jamánomoidimie, afémie jíamaci baímo jamáimiena írede. Daje izói ómoimona ocuífiredimie jíamacina canófredimiena írede.

27 Bífuego omoi coméciri. Dámie güirábanimo güíllena ráina llezica, jíamie güille bai atífrede. Afe íaillinoimona ¿bu mei iere jamánomoina? Mei uáfueza, güirábanimo ráidimie jamánomoina. Mei íadi cue omoi cígiri ocuífrega táijifredimie izói iticue.

28 Comini fiene cue facátafirena llezica jaca cue diga ífredi*oi*.

29 Ie jira cue Moo illáimana illánona cuemo illa izói, afe izói ómoimo íiticue.

30 Afena ómoimo íiticue, cue illáimana illánomo cue diga omoi güíllena. Daje izói afe llezica afénomo illaíma ráiranomo ómoína ráinaiticue, doce dígade Israel náiraímo izire omoi jícanollena, —daide.

*Jesús Pedro ie jáanollena uícodo lote*  
(Mt 26.31-35; Mr 14.27-31; Jn 13.36-38)

31 Ocuíraíma Jesús nane daide:

—Simón cácarei. Taife ona facátaiacade. Comini magai izilla izói ona izíacade.

32 Mei íadi Juzíñamuimo ja jícadicue Juzíñamuimo o íñua féitañeíllena. Iemo afe facátainamona abido o bille méifodo, o ámatiai canori, íai*oi* íñogafuena íai*oi* fáicanocaiñeíllena, —daide.

33 Iemona Simón Jesuna daide:

—Cue Ocuíraíma, llavéracomo o diga cue jáíllena ja finóbidicue. Daje izói afénomo o diga cue tíllena ja mamériticue, —daide.

34 Jira Jesús íena daide:

—Pedro, birui ona dáititcue, átava nai úriñena llezica daacaiñoámani, cuena jáanoitio, —daide.

*Jesús facátalle hora ja ánozide*

35 Afe mei Jesús ie llófuegamacimo jícanote:

—Nauí ómoína cue ória llezica, ipécona uíñeno, daje izói úcubena uíñeno, íemo jíai eiba icona uíñeno, fia omoi jáiri, daidicue. Aféruimo ¿minica ómoimo nai íñena? —daide.

Jira afémaci daidía*oi*:

—Aféruimo ja nana ñue ite, —daidía*oi*.

36 Iemona Jesús íai*oi*na daide:

—Mei birui jíáfodo daidicue. Ipécoredimie mai áfena ui. Daje izói úcuberedimie úcubena ui. Iemo jíai lloéfainidimie íemo ite iniroi fécajano afe íbado lloefai oíri.

37 Mei Juzíñamui Cuegáuaimo lloga cuemo ñue ícoimo fuitáredeza. Be níuui: “Fiénidimaci cígimo cuena mamédia*oi*.” Mei uáfueza, nana cue dibénedo cúegana ñue ícoimo fuitárede, —daide.

38 Iemona afémaci daidía*oi*:

—Cai Ocuíraíma, caímo mena lloefai ite, —daidía*oi*.

Afémie uai ote:

—Jadie ja figo baite, —daide.

*Jesús Getsemanímo Juzíñamuimo úrite*  
(Mt 26.36-46; Mr 14.32-42)

<sup>39</sup> Afe mei Jesús oni jaide. Ie jáifirena izói Olivos ídumo jaide. Afe llezica ie llófuegamaci afémie diga jáidiaioi.

<sup>40</sup> Ie jáillanomo dúciillano daide:

—Fiénidifueмо omoi báiiñeilleza Juzíñamuimo úrifireiri, —daide.

<sup>41</sup> Afe mei Jesús comini nofici bai nitáfirena dino afémacimona oni jaide. Afénomo Juzíñamuimo jicállena ana dújude.

<sup>42</sup> Daide:

—Moo, o comeci jítaiadi, bie duere cue zefuállifueмона cue jíllotari. Mei íadi cue comeci jítaina izói finóñeno iri, mei jáifodo o comeci daína izói finori, —daide.

<sup>43</sup> Afe llezica Juzíñamui abi ímie monámona Jesumo cíocaide; afémie Jesuna mairítaibite.

<sup>44</sup> Iemo Jesús ie comeci jamánomo zúurena llezica, afémie Juzíñamuimo iere ríire jicade. Afemona iere uzínailla izói ie abi úllie iere jino bite. Afe jino bite úllie ie die izoide. Afeji ana éniemo llocode.

<sup>45</sup> Juzíñamuimo ie jícaja fuilla mei, afémie ie llófuegamaci diné jaide. Inídiaioina cíozaibite, mei zuufue inítagaiaioi.

<sup>46</sup> Jira íaioina daide:

—¿Nibái mei inídiomoi? Fiénidifueмо omoi báiiñelleza cazíllano Juzíñamuimo úrifireiri, —daide.

*Jesús llaitada uitáioi*

(Mt 26.47-56; Mr 14.43-50; Jn 18.2-11)

<sup>47</sup> Jesús nai úrioidemo aillo comini dúcidiaioi. Afe doce dígadínomona Júdasna mámeciredimie bitino ifode. Ainozillano afémie Jesús ñitade.

<sup>48</sup> Jira Jesús afémiena daide:

—Judas, ¿Nanoide Hima Jitó o ñítafuedo fécaibitio? —daide.

<sup>49</sup> Jesús abimo itino áfena cíóillano jicánotiaioi:

—Cai Ocuíraima, ¿bimaci diga lloéfaido fúiriticai? —daide.

<sup>50</sup> Afe llezica afémacimona dáamie lletáriraini caifóidillaíma ocuífíregamie bofede. Ie jefo nabefo ñetade.

<sup>51</sup> Jira Jesús daide:

—Dama íteza. Mai fáicanocai, —daide.

Iemona Jesús afe jefona ñetácamié jefo jetánote. Afena afémie jacáitate.

<sup>52</sup> Afe mei Jesús lletáriraini illaini naa gairíraco ocuídino, naa ie lláitaibite éinamacina daide:

—¿Mei nibái merírifiredimiedicue izói lloéfaillairi, naa bigíniáiri cuena lláitaibitioi?

<sup>53</sup> Naui nágaruillaído Juzíñamuimo gairíracomo omoi cue llófuefirena llezica, jaca cuena jetáñediomoi. Mei íadi birui omoi jitaica raa finóllirui. Naio comini íbailla izói, ja birui Taife bínie náamatade, —daide.

*Pedro Jesuna jáanote*

(Mt 26.57-58, 69-75; Mr 14.53-54, 66-72; Jn 18.12-18, 25-27)

<sup>54</sup> Iemona Jesús llaitada, lletáriraini caifóidillaíma jofomo uitáioi. Afe llezica Pedro bai jicado jaide.

<sup>55</sup> Afénomo afeco cigi íbirimo irai bonódiaioi. Aféramo agáidiaioi. Iemo Pedro afémaci cigimo agáizaide.

<sup>56</sup> Iemo afénomo ite ócuífíregango irai fueмо Pedro ráinana ciode. Afe mei afengo daide:



—Bímie jaca Jesús diga ífirede, —daide.

<sup>57</sup> Mei íadi Pedro jáanuano daide:

—Afémiena onóñedicue, —daide.

<sup>58</sup> Afe mei íanori íllamona jíáimie íena cióillano daide:

—O bie afémaci iéδιο, —daide.

Mei íadi Pedro daide:

—Íeñede; cue bie afémaci ímieñedicue, —daide.

<sup>59</sup> Afe mei jabo are íllamona da hora fidi jíáimie riire daide:

—Uáfueza. Bímie afémie diga ífirede mei afémie daje izói Galilea ímieza, —daide.

<sup>60</sup> Jira Pedro daide:

—O úrillana onóñedicue. ¿Minica llotio? —daide.

Ja Pedro úrioidemo átava úrite.

<sup>61</sup> Iemona Jesús Pédro mo érocaide. Afe llezica Pedro afémiena daináfue mo uíbicaide. Be níuui: “Atava nai úriñena llezica dacaiñoámani cuena jáanoitio.”

<sup>62</sup> Afemona Pedro jino jaillano zuure eede.

*Jesús jífánodoídiaíoi*

*(Mt 26.67-68; Mr 14.65)*

<sup>63</sup> Jesús llaitada úiñotino afémiena jífánodoiano razido íena fatíaíoi.

<sup>64</sup> Daje llezica ie ui íbáillano, ie uiéco fátano daidíaíoi:

—¿Bu o faaja? ¿Onóillano jino llone! —daidíaíoi.

<sup>65</sup> Afe llezica diga jíáfuiáido íena báíñotiaíoi.

*Dáanomo gairide illáicomini uícomo Jesús uitíaíoi*

*(Mt 26.59-66; Mr 14.55-64; Jn 18.19-24)*

<sup>66</sup> Ja mona monáidemo judíuui éicomini, naa lletáriraini illaini, naa ocuica uai llófuetinori dáanomo gairídiaíoi. Afe gairítaga illáicomini “Junta Suprema” dainámaci. Afénomo Jesús uillano, jícanotiaíoi:

<sup>67</sup> —Caimo llone, ¿o meita Crístodio? —daidíaíoi.

Jira afémie uai ote:

—Afena jíi daidícuenia, cuemo íinoñeitíomoi.

<sup>68</sup> Daje izói jíáfue ómoimo cue jícanoia, íbana uai óñeitíomoi. Afe izói cuena zúitañeitíomoi.

<sup>69</sup> Mei íadi benómona Nanoide Íima Jitó Cristo jamánomo ríinorede Juzíñamui nabézimo ráinaite, —daide.

<sup>70</sup> Afe mei nane afémiemo jícanotiaíoi:

—¿Meita o Juzíñamui Jitódio? —daidíaíoi.

Jira Jesús íaíoi uai ote:

—Jíi, dani omoi daina izói nímiedicue, —daide.

<sup>71</sup> Iemona afémaci daidíaíoi:

—Ja jíáie uai nábatinona jítaíñedicaí. Cai bie dama ie fuémoma ie fiéni úrillana cacádicaí, —daidíaíoi.

## 23

*Pilato uícomo Jesús uitíaíoi*

*(Mt 27.1-2, 11-14; Mr 15.1-5; Jn 18.28-38)*

<sup>1</sup> Iemona nana náidacaillano Jesús Pilátomo uitíaíoi.

<sup>2</sup> Afénomo diga fiénidífuiaí íemo jóonetiaíoi. Daidíaíoi:

—Bímie cai comínimo ícírufue comúitajana ciódicaí. Iemona comini áferi faillíñaicaidiaíoi. Afémie “Romano jamánomoidíllaíma íbátaga úcube íbánidicaí,” daide. Afe llezica afémie “Íllaíma Crístodicue” daíífirede, —daidíaíoi.

<sup>3</sup> Jira Pilato afémiemo jícanote:

—¿Meita o judíuai Illáimana? —daide.

Jira Jesús uai ote:

—O daina izói, jii níimiedicue, —daide.

<sup>4</sup> Iemona Pilato lletáriraini illáinina, naa comíniri daide:

—Bie cómemo fiénidifuenta baiñédicue, —daide.

<sup>5</sup> Mei íadi dáanomo riire daidíaiói:

—Nana Judea comínimo ie llófueinafuiaido icírafue íaioimo comuítate. Fueñe Galilea éniemo daí finode, íemo birui cai éniemo nágagobiaido daje izói finode, —daidíaiói.

### *Herodes uícomo Jesús uitíaiói*

<sup>6</sup> Jesús naui Galiléamo llófueoinafuena Pilato cacáillano, jicánote:

—¿Bie iima Galilea ímie? —daide.

<sup>7</sup> Comini daí daidíaióimo, Heródesmo íena orede, mei afémie Galilea illáimana. Aféruillaído Herodes Jerusalemo ite.

<sup>8</sup> Herodes Jesuna cióillano iere ióbicaide. Jaiai ninomo íena cióiacade. Comini Jesudo dáinana Herodes cacáfirede. Iemona Jesús daa ciórainina raa finuana Herodes cióiacade.

<sup>9</sup> Iemo Herodes diga icaiño diga ráfuiaí íemo jicájicanode. Mei íadi Jesús jaca uaina oñede.

<sup>10</sup> Dáanomo lletáriraini illaini ocúicafue llófuerainiri itíaiói. Bimaci Jesumo fiénidifuiái riire jóonetiaíói.

<sup>11</sup> Iemona Herodes ie fuiríraini diga Jesuna ja jámairuitiaíói; iere íena áifedotiaíói. Afe mei ebírede illaíma iníroina íemo jítadíaiói; jítamona daí afémie jifánodoídiaíói. Afe meífomo Herodes dáanomo Jesuna Pilátomo orede.

<sup>12</sup> Aféruído Pilato Herodes diga daje nabaina mameide. Jaiai uícode are conímana éoidiaillinoi.

### *Jesús titállena mamé diaíói*

*(Mt 27.15-26; Mr 15.6-15; Jn 18.39-19.16)*

<sup>13</sup> Afe jira Pilato lletáriraini illaini, íemo riímaci naa comini dáanomo gairítano daide:

<sup>14</sup> —Bie omoi lloga comínimo icírafue comuítatímie. Mei íadi omoi cacáicana izire íena jicánoticue. Jicánuamona ie fieni finócafuenta baiñédicue. Afena cacádiomoi. Daje izói afémiemo omoi nitaca fiénidifuiái cióñedicue.

<sup>15</sup> Daje izói Herodes níifuena cióñenano afémie abido cuemo orede. Ja ciódiomoiza, bímie titállena íñede.

<sup>16</sup> Afémiena zechétaiticue. Afe mei afémiena zuitada jino óreiticue, —daide.

<sup>17</sup> Afe rafue ana comini cáimacaitallena, Pilato daa llavécamierna zuitáfirede.

<sup>18</sup> Mei íadi nana comini dájena riire daidíaiói:

—Bie Cristo oni jica titálleza. Barrabás caimo zuitari, —daidíaiói.

<sup>19</sup> Naui afe Barrabás llavéracomo llavé diaíói, mei afémie jofue comini uáitajano jíáie illaíma jóoneacade. Afe llezica afémie jíáimana ie tita ícoinia llavé diaíói.

<sup>20</sup> Pilato Jesuna zuitáacade. Iemona dane dáanomo íaioimo úrite.

<sup>21</sup> Mei íadi afémaci riire daidíaiói:

—¡Cruzmo ie coraí! ¡Cruzmo ie coraí! —daidíaiói.

<sup>22</sup> Ja dacaiñoámani Pilato íaioina daide:

—¿Nibái mei ie titaiticue? ¿Afémie níé fiénidifue finode? Ie cue titalle fiénidifuenta íemo baiñédicue. Afémiena zechétaiticue. Afe mei afémiena zuitada jino óreiticue, —daide.

<sup>23</sup> Mei íadi afémaci Jesús coráillena ríirerie jicádiaioi. Jamánomo ríirerie íaioi jícajamona, íaioi jitaica otíaioi.

<sup>24</sup> Íaioi jícajana are illa ícoinia Pilato fairíote.

<sup>25</sup> Afe jira nana llavécanuiaimona afe nizeca Barrabás Pilato zuitade. Afe Barrabás illaíma uáitano jíáillaíma jóoneacana ícoinia íena llavédiaioi. Afe izói jíáíma ie tita ícoinia, llavédiaioi. Mei íadi Pilato afe comini jitailla izói Jesuna fecade.

*Jesús cruzmo coráidiaioi*

*(Mt 27.32-44; Mr 15.21-32; Jn 19.17-27)*

<sup>26</sup> Jesús íaioi coráiailla llezica Cirene énie ímie Simona llaítadiaioi; Jesús uiga cruz íena uitátatiaioi. Afémie jino jacáfaimona jófuego bite. Jira Jesús rocaca cruz Jesús óodana uitátatiaioi.

<sup>27</sup> Afe llezica diga comini afémie óodana jáidiaioi. Daje izói diga ringóniai afémieri zúucaillano éecana jáidiaioi.

<sup>28</sup> Mei íadi Jesús aféngotaimo érocaillano daide:

—Jerusalén ringóniai, mai cueri éeñeno iri. Mei jíáfodo dani omoi abiri eeri. Daje izói dani omoi úruiaimo eeri.

<sup>29</sup> Mei jamánomo zúuredirullaímo dúcítiaioiza. Aféruimo bie izói dáítiaioi: “Uruena comuítanedingotiai, ¡nii caimare illa! Daje izói úruenidingotiai, ¡nii caimare illa! Afe izói úrue mónoina jirótañedingotiai, nii caimare itíaioi.”

<sup>30</sup> Aféruimo comini caifóneduaina dáítiaioi: “Cai emódomo jaíri,” dáítiaioi. Afe izói duera íduaina dáítiaioi: “Cai retáidori” dáítiaioi.

<sup>31</sup> Mei birui nífuenedimedicue ia bie izói duere cuena finódiaioi. Iemona jíáíruido fiénidino cue duere zefuilla baímo duere finólliaioi, —daide.

<sup>32</sup> Afe llezica mena come, comini fáfiredino Jesús diga daane coráillena uitíaioi.

<sup>33</sup> Calavera maméidinomo dúcillano Jesús coráidiaioi. Daje llezica afe mena fiénidimie íaillinoi, dáamie Jesús nabézimo, jíáimie ie jarífezimo coráidiaioi.

<sup>34</sup> Ie íaioi coraína llezica Jesús daide:

—Moo, íaioi fieni finócafue iba oñeno iri; abina onóñediaioi daí ñíaza, —daide. Afe mei fuiríraíni onótaraji dotádiaioi Jesús iniroi áfedo dani íaioi maiñóllena.

<sup>35</sup> Afénomo ite comini acáritiaioi. Afémaci naa nairai imaci illáicomini afémie áfeduano daidíaioi:

—Jíáimana jíllotafiredioza, ua o Cristo o íadi, daje izói Juzíñamui nizécamiena o íadi, daje izói Juzíñamui mai o abi jíllota, —daidíaioi.

<sup>36</sup> Daje izói fuiríraíni íena áfedodiaioi. Ainozillano rochíredijina, figóñede vino íena jirótatiaioi.

<sup>37</sup> Jirótano daidíaioi:

—Judíuai Illaíma o íadi o abi jíllota, —daidíaioi.

<sup>38</sup> Ie ifo acónimo cuezábici jae jóonega. Afébici dazieámani uai cúeina: griego, íemo latín, íemo hebreo diga. Afébicimo daide:

“Bímie Judíuai Illaíma.”

<sup>39</sup> Coraíca fiénide íaillinoimona dáamie Jesús uáitano daide:

—Crístona o íadi, mai o abi jíllota coco diga, —daide.

<sup>40</sup> Mei íadi jíáimie ie nabáimie llétajano daide:

—¿Nibái mei Juzíñamuina o jacíruiñedio? Daje duere finóinafue anamo itíoza.

<sup>41</sup> Coco aillo finócafue ite. Jira dúere finóbídico. Coco finoca fiénidifue iba ua otíaioi. Mei íadi bie íima fiénidifue finóñede.

<sup>42</sup> Jira uáitañedimie Jesuna daide:

—Jesús, o illáimana illíruimo o dúciadi cuemo uíbicaíri, —daide.

43 Jira Jesús uai ote:

—Uáfueña ona dáitice, ja birui cue diga ñue ebíredinomo íitio, —daide.

*Jesús tíilla*

*(Mt 27.45-56; Mr 15.33-41; Jn 19.28-30)*

44 Ja jitoma jaíciri illa llezica nániena nauíbicaide. Afe nauilla are ite. Ua jitoma arífemona ana ítemo llícaide.

45 Afe llezica jitoma ui duide. Jítireficaide. Daje llezica gairíracomo fetácaroi caifona ana eróicana dáafenedo daingo cúajicaide.

46 Afe mei Jesús ficire caillide:

—Moo, cue joreño omo cue ígaza, —daide.

Daií dainano tíide.

47 Romano illaíma afe íficaidífue cióillanona Juzíñamuimo caimátaide. Daide:

—Uáfueza. Bímie jaca níifuenidímie, —daide.

48 Daje izói nana afénomo ite comini bie íficaidífueña cióillano afénomona íaioi jófuego jamánomo zuure jáidiaioi.

49 Mei íadi nana Jesús onóigamací aféfuiaimo jicana acáritiaioi. Daje izói Galiléamona Jesudo jaide ringóniaí jicana acáritiaioi.

*Jesús raítiaioi*

*(Mt 27.57-61; Mr 15.42-47; Jn 19.38-42)*

50 Judea éniemo ite Arimatea jofue ímie José afénomo ite. Afémie ñue comeci jaícina jóidímie. Afe José judíuai ocuide illáicomínimo jainaide.

51 Afe bie José Juzíñamui illáimana illíruimo ocuirífiredede. Afe jira afémie jáíie judíuai ocuide illáicomini finócana jíeruiñede.

52 Ie jira afémie Jesús abí Pilátomo jícajide.

53 Afémie Jesús abí crúzmona ana uano áillue iníroina junide. Junilla mei, idu anamo nofícimo finócaojimo afémie Jesús raite. Aféfomo nai buna ráíñena.

54 Nana bífuiaí viernes nauife dibénedo zuíde. Jaca uícodo víernemo ocózinaillaruiimo jitaica raana finofirediaioi.

55 Afe Galiléamona Jesudo bite ringóniaí Jesús ráinano érozaidiaioi. Afe llezica ie abí tíide bínana ciódiaioi.

56 Aféngotiaí meine jofomo jaillano, ziórediji, naa abí bíraniaíri finódiaioi. Afe mei ocózinaillaruiimo ocuica uai daína izói ocózinaidiaioi.

## 24

*Jesús tíillanomona meine cáadimiena jaide*

*(Mt 28.1-10; Mr 16.1-8; Jn 20.1-10)*

1 Semana nanóidíruido afe ringóniaí raire jítiramo Jesús raírafo érozaidiaioi. Iaiói finoca zióredijillai uitíaioi. Iemo jáíie ringóniaí íaioina nabáidiaioi.

2 Afe ringóniaí afénomo dúcidiaioimo, raírafo íbaila nofici nano illa izói iñede. Oni eneno jóonega.

3 Aféfomo jofo jáidiaioi, mei íadi jofo jáidiaioimo cai Ocuíraíma Jesús abí cióñediaioi.

4 Afemona íere jacínaitiaioi. “¿Ñíie izói íiticaí?” daidíaioi. Daií íaioi daína llezica mena íima aféngotiaí áinori naidáinana ciódiaioi. Afe íaillinoi quenírede iníroi jítádiaillinoi.

5 Afe íaillinoína cióillano, íere jacínaitiaioi. Jacínaillamona ana éniemo bíjicaidiaioi. Iaiói bíjicailla llezica afe íaillinoi aféngotiaína daide:

—¿Ñibái mei cáadímie tíidino cígido jenódiomoi?

<sup>6</sup> Afémie ja benó iñede. Ja meine cáadimiena jáideza. Naui Galiléamo ie illa llezica, ómoina ie daina uaimo uíbicairi.

<sup>7</sup> Afénomo afémie bie izói ómoina daide: “Nanoide fima Jitó Cristo fiénide comínimo fecalle. Afémiena cruzmo córaitiaioi. Iemo daruiámani íllemona meine abido cáadimiena jáite,” —daidiaillinoi.

<sup>8</sup> Afemona aféngotiai Jesús íaioina daiífirena uaimo uíbicaidiaioi.

<sup>9</sup> Afe mei raiáfomona meine bitiaioi. Billano nana bífuiái once dígade llófuegamacimo llotiaioi. Daje izói jáímacimo llotiaioi.

<sup>10</sup> Bífuiái llocana uitíngotiai mámeciai be ñie: Magdalena énie ingo María, íemo Juana, íemo Santiago ei María, naa jáíie ringóniairi.

<sup>11</sup> Mei íadi aféngotiai íaioina dánana uáiritaidino úrilla izói cacaide. Jira aféngotiai llógana íñoñediaioi.

<sup>12</sup> Iemo Pedro íñoñede íadi, Jesús raiáfomo aizícana jaide. Jofo eromo érocaidemo dama ie juníllaroi dinomo jóidena cíozaide. Afe mei Pedro afénomo íficaidemo fáigacaillano meine jofomo jaide.

### *Emaús jofue iomo Jesús cíocaide*

*(Mr 16.12-13)*

<sup>13</sup> Aféruído afémacimona ménamie Emaús jofue iodo jaide. Afe jofue Jerusalémona once kilómetros dinó jino ite.

<sup>14</sup> Afeodo jailla llezica, nana aféruillaído itífuiái júfidocana jáidiaillinoi.

<sup>15</sup> Iaillinoi úrilla llezica Jesús íaillinoimo áinozide. Dúciillano afe íaillinoi diga jaide.

<sup>16</sup> Afémiena ciódiaillinoi mei íadi afémiena onóñediaillinoi.

<sup>17</sup> Jira Jesús afe íaillinoimo jicánote:

—Íodo ómicoi jailla llezica, ¿ñifue júfidotiomoicoi? ¿Ñibái mei iere zuure itíomicoi? —daide.

<sup>18</sup> Afe íaillinoimona, Cleofas mámeciredimie uai ote:

—Nana comini biruillaído Jerusalem finócafuiaina fidídiaioi.

Afeno ímiedio íadi ¿meita aféfuiaina jaca nai fidíñedio? —daide.

<sup>19</sup> Iemona afémie íaillinoina daide:

—¿Ñifue finódiaioi?

Jira íena daidiaillinoi:

—Nazaret ímie, Jesús ñue riire uai llóraima aillo ebírede raana uaido finode.

Afena Juzíñamui eróicana finode, daje izói nana comini ui cíocana finode.

<sup>20</sup> Mei íadi lletáriraini illaini naa cai ocuídillaini diga afémiena coráiano titállena fecádiaioi.

<sup>21</sup> Afe llezica íemo ocuírídicaí, ua Israel Nairai anáfenodinomona cai jíllotallena. Ja afefue záillamona ja daruiámani íteza.

<sup>22</sup> Ie emódomo cáimona ringóniaí ja caina jacínaitade. Aféngotiai raiáfomo nai jíñiredemo jaillano íaioi ciónana meine caimo lluáibitiaioi.

<sup>23</sup> Ie abina cióñediaioi. Mei íadi Juzíñamui abi imaci ángeles dainámacina jae ciódiaioi, daidiaioi. Afe ángeles ringóniaina daide: “Jesús caade.”

<sup>24</sup> Iemona cáimona raiáfomo jáidiaioi. Dinomo ringóniaiaí llua izói baitiaioi. Mei íadi Jesuna cióñediaioi.

<sup>25</sup> Jira Jesús daide:

—¡Iere féitafirediomoí! Nana uai llóraini daináuaina iere rairuóicana íñotiomoí.

<sup>26</sup> ¿Uáfueñede Cristo ie ebíredinomo nai jáíñena llezica, afémiemo bie duere finóbillafue jíñairedede?



27 Ie mei nana Cuegáuaimo afémiedo dáinana ñue jino llote. Moisés cuegánicuaiimo ite afémiedo úrilla uai ñue jino llote. Daje izói nana jáie uai jino llóraini llogánicomo itino jino ñue llote.

28 Jófue mo dúcidiaioimo, Jesús iodo nai jáiacadena éroide.

29 Mei íadi afémiena jeruúdiaillinoi. Daidíallinoi:

—Jae nauízaideza, mai benó coco diga fiebi, mei ua jítireoicaideza, —daide. Jira Jesús jofo jaide íaillinoi diga íllena.

30 Jae íaioiri jofo güirábanimo ráillano pan llínote. Llínuno Juzíñamuina: —Iere figura, —daide.

Dai dáinano dítajano íaillinoimo ite.

31 Afe llezica íaillinoi ui tújicaillamona íena onódiaillinoi. Afe mei afémie cióbicaíñena.

32 Conímana daidíallinoi:

—¿Uáfueñede iodo cai úricana jailla llezica, afémie caimo Cuegáuai jino llua llezica coco comeci náicaitade? ¡Afe uáfueza!

33 Iemo afénomo are íñeno meine Jerusalemo abido jáizaidiaillinoi. Dinomo once orécamací naa íaioi nabáñiairi dáanomo gairide baizájidiaillinoi.

34 Afénomo itino íaillinoina daide:

—Uáfueza cai Ocuíraima ja meine abido caade, Simón Pedro ja íena ciode.

35 Iemo afe íaillinoi afémacimo nana iomo íaioi úrillafuena llotíaillinoi. Afemona Jesús pan díxada íllamona afémiena íaillinoi onónana gairídinomo llotíaillinoi.

### *Jesús ie llófuegamacimo cíozite*

*(Mt 28.16-20; Mr 16.14-18; Jn 20.19-23)*

36 Afe íaillinoi dáinamo úritiaioimo, Jesús íaioi cígimo náidazaide. Náidacaillano íaioi uáidote; daide:

—Jacíruiñeno, uái omoi iri, —daide.

37 Afémiena cíollano, “¡Come joreño caimo billa!” daínano iere jacínaitiaioi; cuidíridiaioi.

38 Mei íadi Jesús íaioina daide:

—¿Ñibái mei jacínaitiomo? ¿Ñibái jizíreocana cue ínotiomo?

39 Bené cue ónoimo érocái. Daje izói cue ídaimo eroi. Níimiedicue. Cue abi jeta. Cómedicueza ónoi. Ja cue abina ciódiomoiza. ¡Minica joreño ícurunideza; íeizinide! —daide.

40 Dai dáina llezica ie onoi ie idai diga afémacimo ácatate.

41 Mei íadi afémaci íóbidiaioi ía, iere uáinificaidiaioi. Ie jira afémie uáfueña íllana nai figo íñoñediaioi. Jira Jesús íaioina daide:

—¿Benó ómoimo due güíllena ite? —daide.

42 Ie jira ruica chamu íemo itíaioi, naa due ciifo íji diga.

43 Afe llínota íaioi eróicana güite.

44 Afe mei íaioina daide:

—Nana nauí cuemo íficaidifuaí, nauí omoi cígimo cue illa llezica, ómoina cue dáina be ñie. Nana cue dibénedo uícodo cuegáuai dáina ñue ícoimo fuitárede: Moisés cuegánicomo cue dibénedo úrite; daje izói jaiaí uai jino llóraini cue dibénedo úrite; íemo jáí Salmos cuetímie cue dibénedo úrite. Nana afémaci cue dibénedo úrilla uai ñue ícoimo fuitárede, —daide.

45 Iemona Juzíñamui Cuegáuaimo dáinana Jesús afémacina ñue onótate.

46 Íaioina daide:

—Cuegáuaimo dáina izói Cristo jaca tírede. Daje izói daruíamani íllamona afémie tíllanomona meine cáadimiena jáirede.

<sup>47</sup> Daje izói Jerusalémona oni nana jíáie náraiaimo comini comeci ífuiái íaioi méidollena cue mámeçido llórede. Daje izói comeci íaioi méidua mona íaioimo ite fiénidífue múiñua cue mámeçido llórede.

<sup>48</sup> Nana bie cuemo comuídifuiái uai nabáirainidiomoi.

<sup>49</sup> Ie jira cácarei, cue Moo uícodo lloga fecáacaga Ñuera Joreño ómoimo óreiticue. Afe caifona bille ríino omoi nai líinoñeille dino, benó Jerusalén jófuego omoi iri, –daide.

*Jesús ja caifo monamo jaide*

*(Mr 16.19-20)*

<sup>50</sup> Afe mei Jesús afémacina jofue jinomo uite. Betania áinomo jáidiaioi. Afénomo Jesús onoi caifo ñúitajano íaioi ñue íllena llote.

<sup>51</sup> Daií ie daína llezica afémacimona oni jírecaillano afémie ja caifo monamo uiga.

<sup>52</sup> Afémiemo íaioi caimátailla mei, abido Jerusalemo iere íóbicana jáidiaioi.

<sup>53</sup> Afemona afémaci Juzíñamuimo gairíracomo ífirediaioi. Afe llezica aillo ñúefuiái Juzíñamuimo nitáfirediaioi. Daiítadeza. Jae ñie.

## JUZÍÑAMUI ÑUEFUE SAN JUAN LLOGAFUE El Santo Evangelio Según San Juan

*Juzíñamui Uaina maméidimie ífcaide*

<sup>1</sup> Naga raa táinia uícomo afe Uai dainámie Cristo jaca ite. Afe Uai jaca Juzíñamuimo ite. Afémie Juzíñamui.

<sup>2</sup> Ua nanódiruimo afémie Juzíñamuimo ite.

<sup>3</sup> Afémiedo Juzíñamui bínie naa ráaniairi finode. Minícana iñede afémie finóñegana.

<sup>4</sup> Afémiemo cáallino ite. Afe cáallino nana comini egáñote.

<sup>5</sup> Afe egáñotino jaca jítiredinomo egáñote; íadi afe jítiredino afe egáñotinona jaca dúitanide.

<sup>6</sup> Daa Juzíñamui orécamié biniemo bite. Afémie mámece Juan.

<sup>7</sup> Afémie uai nabáiraimana bite egáñotinodo ñue úrilla. Daí úrizabite, afémie daináfuedo nana comini ñnollena.

<sup>8</sup> Juan dama egáñotimieñede. Fia afémie orécamié egáñotimie uai nabáiraimana úrizabite.

<sup>9</sup> Afe egáñotimie uáfueña ñue egáñotimie. Bie egáñotimie nana caimo egáñote. Afe egáñotimie biniemo dúcizabite.

<sup>10</sup> Afe Uai dainámie biniemo ite; Juzíñamui afe Uai dainámiedo bínie finode, íadi biniemo itino afémiena onóñediaioi.

<sup>11</sup> Afémie ie éniemo bite, íadi ie comini afémiena llínoñediaioi.

<sup>12</sup> Mei íadi dáarie mei afémiena llínotiaioi; afémiena ñnotiaioi. Afe ñnotino rínorediuaína igáiaioi, Juzíñamui úruiaína íaioi jáillena.

<sup>13</sup> Afe úruiaí come móotiaí úruiaí izóí cómuítañega. Come móotiaí bie énie comuilla izóí, comuítatiaioi. Afémaci íaioi comeci jítainafuedo comuítatiaioi, íadi Juzíñamui úruiaí dama Juzíñamuimona comuide.

<sup>14</sup> Afe Uaina maméidimie cai come abi izóí dama ífcaide. Ie mei cai cígiri nano nié dino ite. Afémie comécimo ñúefuiaí illa, ua nana izíruillafue uafue diga. Ie jira afémiemo ite ñue ebírenafue caimo cíocaide; afe ebíredifue dama Moo Juzíñamui daade Jitó ie.

<sup>15</sup> Juan afémieri jéerie ñúefuedo úrite. Daide:

—Baie cue úrillamie, ómoimo cue llogámie, cue óodana bitímie. Afémie jae cue uíeco dibénemo jaide, cue iñeniadi íteza, —daide Juan.

<sup>16</sup> Afémie aillo ñuera ráfuiamona caimo ñue ézicigafuiaina llínoticai. Ua nana fáicanocaiño llínoticai.

<sup>17</sup> Juzíñamui caimo ocuícáfue Moisedo oreca, íadi izíruinafue uáfuaí diga Jesucristodo bite.

<sup>18</sup> Buna jaca Juzíñamuina cióñena; mei íadi dama daade ie Jitó, ua Moo comeci áinomo itímie, baie Juzíñamui ífueña cai onótatimie.

*Báutizaraima Juan Jesucristodo ñue úrite*

*(Mt 3.11-12; Mr 1.7-8; Lc 3.15-17)*

<sup>19</sup> Jerusalemo ite judíuaí, dárie lletáraini Levítaniaí diga Juaamo orédiaioi. Daí íaioína orede báimiemo jicánollena, “Búdio” daíllena.

<sup>20</sup> Afémie jáanoño lloste. Daide:

—Cue Crístoñedicue, —daide.

<sup>21</sup> Nane dáanomo íemo jicánotiaioi:

—¿Búdio mei? ¿O Juzíñamui uai llóraima, Elíadio? —daidíai*oi*.

Juan: —Éñedicue, —daide.

Iemo nane jicánotia*oi*:

—¿Nii Juzíñamui uai llóraima bille daínamedio? —daidíai*oi*.

Jira uai ote: —Éñedicue, —daide.

<sup>22</sup> Ie jira íena daidíai*oi*:

—¿Mei búdio? cai orédinomo fairíogafuena cai uíllena. ¿Mei nie izói caina o abi ífuena dáitio? —daidíai*oi*.

<sup>23</sup> Juan íai*oi* uai ote:

—Cue dama jofue iñénanomo caillide uáidimediecue. Bai Juzíñamui io jaícina zitari, jaiai Juzíñamui uai llóraima Isaías daina izói, —daide.

<sup>24</sup> Juan diga úrizabitino jae Fariséuaimona orécaia*oi*.

<sup>25</sup> Ie mei Juaamo jicánote:

—Mei Crístoñedio, Elíañedio, Juzíñamui uai jino llóraimañedio, ¿nibái mei báutizaibifiredio? —daidíai*oi*.

<sup>26</sup> Juan íaioina daide:

—Fia jáinoido báutizadiecue. Mei íadi omoi cigimo daa omoi onóñegamie ite.

<sup>27</sup> Cue óodana afémie bite, íadi cue jinomo baitade. Afémie eiba ico igai zuitánidiecue, mei jamáimiediecueza, —daide.

<sup>28</sup> Nana afe Juaamo jicánollena Betábaramo úritia*oi*. Betábara énie Jordán imani ruicáfellemo ite. Ja dinomo nauí Juan comini báutizafirede.

### *Jesús, Juzíñamui Cordero*

<sup>29</sup> Afe meifo iruido Juan ja Jesúna ciode. Jesús Juaamo áinozide. Ainozidemo Juan daide:

—¡Eroi! Juzíñamui Cordero daina ie Ovějana mamécamie. Ua, afémie nana comini fiénidifue oni dóraima.

<sup>30</sup> Nauí afémie cue llogámie “Cue óodana daa ima bite. Ua óodana bitímie cue baimo baitade, mei afémie cue jinófenemo íteza; daje izói cue íñenia afémie jae nano itímieza.” Daí nauí afémiedo úriticue.

<sup>31</sup> Dama afémiena onóñedicueza, búdimieza. Iadi jáinoido comini báutizaibiticue, Israel nairai afémiena ñue onóillena, —daide.

<sup>32</sup> Ie emódomo daide Juan:

—Ja Juzíñamui Ñuera Joreño, Espíritu Santo, bímiemo monámona ana bíllana ciódiecue. Fíicirina eroide. Iemo afémiemo fiébide.

<sup>33</sup> Jaca nanómona onóñedicue nibai bu. Mei íadi jáinoido comini báutizallena daí cuena ocuídímie cuena daide: “Ñuera Joreño daa ímamo ana bíllana íemo afémiemo fiébillana o cióadi, afémiena ónoitio. Afémie Ñuera Joréñona itátatímie.” Daí cuena daide.

<sup>34</sup> Ja íena ciódiecue. Ie jira ñue llóraimadiecue. Uáfuena llotiecue. Afémie Juzíñamui Jitó, —daide Juan.

### *Jesús nano fueñe ie llófuegamaci*

<sup>35</sup> Afe meifo iruido Juan mena ie llófuegamie íaillinoi diga, meine batí dánomo ite.

<sup>36</sup> Jesús mácajana cióillano, Juan daide:

—Eroi bímie Juzíñamui Cordero daina ie Ovějana mamécamie, —daide.

<sup>37</sup> Iemo Juan llófuegamie íaillinoi ie daínafuena cacáillanona oni Jesumo jáizaidiaillinoi.

<sup>38</sup> Ie mei Jesús jino érocaidemo, afémiemo íaillinoi jáizaillana ciode. Iaillinoina daide:

—¿Bu mei jenódiomicoi? —daide. Afe íaillinoi afémiena daide:

—Llófueraima, ¿ninomo itio? —daide.

<sup>39</sup> Jira Jesús fairíote:

—Eróizaibi, —daide.

Iemona iedo jáidiaillinoi. Afémie illánona cíozaidiaillinoi. Ie mei, nibai jitoma ana ítemo, afémieoiri iruido fiébidiaillinoi.

<sup>40</sup> Daa afe íaillinoimona ua Juan llogáfuea cacádinomona, Jesús diné jáidimie Andrés.

<sup>41</sup> Afémie Simón Pedro ama. Afe Andrés, nano fueñe abido ie ama Simón baizaide. Baizájillano íena daide:

—Mesiana, Juzíñamui mámecigamiena jae baiticai. Cristo jíáfodo mamécamié, —daide.

<sup>42</sup> Ie mei Andrés Jesús illánomo Simona uite. Dúcidemo Jesús íena cíóillano daide:

—O Simona, Jonás jitódio. Iadi biruímona Céfana mámeitio. Pedro jíáfodo mameina.

### *Jesús Felipe uáidote Natanael diga*

<sup>43</sup> Afe meifo iruido Jesús Galilea éniemo jáiacade. Jaillano Felipe baizájide. Afémiena daide:

—Cuedo bi, —daide Jesús.

<sup>44</sup> Afe Felipe Betsaida jofue ímie. Andrés Pedro diga daano imaci.

<sup>45</sup> Ie mei Felipe dinena Natanael baizájide. Baizájillano daide:

—Moisés ocuica uai ciegánicomo llogámie ja cíódicai. Ua Juzíñamui uai jino llóraini llua izói, afe íaioi llogámiena cíódicai. Afémie Jesús, José jitó, Nazaret jofue ímie, —daide Felipe.

<sup>46</sup> Natanael dinena daide:

—¿Níga ñúefue jadí Nazarémoma fídítio? —daide.

Felipe uai ote:

—Eróizaibi, —daide.

<sup>47</sup> Jesús Natanael ánozillana cíóillano daide:

—Benomo bite nahí israelita ímie; jífuiafue afémiemo iñede, —daide.

<sup>48</sup> Ie jira Natanael Jesumo jicánote:

—¿Nie izói cuena onódio? —daide.

Iemo Jesús íena daide:

—Felipe nai ona uáidoñenia, ona cíódicue. Ua higuera anamo o íllana cíódicue, —daí Jesús daide.

<sup>49</sup> Iemo Natanael daide:

—Llófueraíma, O Juzíñamui Jitódio. Israel Illáimadio, —daide.

<sup>50</sup> Jesús ie uai ote:

—¿Dama cue dáinana higuera anamo ona cíódicue iedo daí cuena ínotio? —jicánote Jesús. Afe emódomo Jesús íena daide:

—Bie rafue jinomo jíáie áillue ráfuea cíóitio, —daide.

<sup>51</sup> Iemo afe emódomo Jesús afémacina daide:

—Uáfuea ómoímo llóitícue. Mona túíñuana cíóitímoí. Iemona Juzíñamui abi imaci, ángeles daínámaci, cuemo ana bíitíaoí, caífo cúemona jáitíaoí. Mei Nanoide íma Jitódicueza. Afena cíóitímoí, —daide.

## 2

### *Galilea éniemo Caná jófueмо áirenafue*

<sup>1</sup> Daruíamani íllamona, jadí Caná jófueмо, Galilea éniemo, áirenamona írázillafue finódino. Jesús ei afénomo ite.

<sup>2</sup> Jesús naa ie llófuegamaciri ja afe áireina ráfueмо uáidogamací.

<sup>3</sup> Afe írázillafueмо jirórai, vinoi fuilla. Ie ei Jesuna daide:



—Ja vino iñede.

<sup>4</sup> Jesús uai ote:

—Ei, ¿nibái cuena daií daidío? Cue jieruillaruimo nai dúciñede, —daide.

<sup>5</sup> Mei íadi afengo afénomo ite jiroлле atírainina daide:

—Mai, nana afémie daina diga fino, —daide.

<sup>6</sup> Dinomo seis diga icírui, nofirui ráiide. Judíui afe icírui oruítajano jiáimaci ñue oréllena nícidofirediaioi, íaioi abi fiénidífue dóllena. Naga icírumo ochenta o cien litros oruízite.

<sup>7</sup> Iemo Jesús atírainina daide:

—Jadíe icírui jáinoina oruítari, —daide.

Iemona fuemo jibíezidiaioi.

<sup>8</sup> Iemo Jesús íaioina daide:

—Due uano rafue náamamo uiri, —daide. Daií finódiaioi.

<sup>9</sup> Iemo afe rafue naama jainoi facádemo, jáinoiñede. Jae vino. Rafue naama onóñedemo icírui jáinoina oruízite. Dani atídino áfena onona. Afe vino nimánuanona, rafue naama ringo óiacadimie uáidote.

<sup>10</sup> Iena daide:

—Nágamiái ñújei nano fueñe atífrediaioi. Ie mei nana uáidogamací aillo jiroлле mei, jamai vino atífrediaioi. Mei íadi nai biruido ñújei ja o éenoga, —daide.

<sup>11</sup> Afe vino méiduafue ua Jesús nanoide uaido daingo comútaga raa; afefue Galilea éniemo, Caná jófuemo finoca. Bie uaido comútaga raado afémie ie ebírede ríino jino cíotate. Iemona ie llófuegamaci ñue íena ínotiaioi.

<sup>12</sup> Ie meífodo Capernaúmo, Jesús jaide ie ei diga, ie ámatiaí diga, ie llófuegamaciri. Dinomo ja bai niga mona itíaioi.

*Jesús Juziñamui gairíraco ñue duafue*

*(Mt 21.12-13; Mr 11.15-18; Lc 19.45-46)*

<sup>13</sup> Aféruillaído Judíui pascua rafue ánozide. Iemona Jesús Jerusalemo jaide.

<sup>14</sup> Afe dinomo gairíraco eromo juráriaí, ovejai, íemo fíicirillaí dieze fecáriraimacina Jesús cíode. Dáanomó úcube méidoraini ráiidiaioi.

<sup>15</sup> Afena cíoillano Jesús ñécigaí móillano jiura finode. Afedo gairíraco erómóna nana fecáriraini íaioi juráriaí ovejai diga jino jiude. Daje llezica úcube méidoraini úcubetunillaí Jesús ana jutade. Iaioi úcube facádorabani Jesús oni caitade.

<sup>16</sup> Fíiciri fecárainina daide:

—Bie raa benómóna oni ui. ¡Cue Moo jofo fecáriracona mamériñeno iri! —daide.

<sup>17</sup> Ie mei afémie llófuegamaci jaiái cuezáuai úbicaidiaioi. Afe uai llote: “O jofo cue ríiduamóna cue abi iñeite izoide,” daide.

<sup>18</sup> Iemona Judíui afémiemo jicánote:

—¿Minícado o ríinóna cai ácatatio? ¿Bie raa o fínuana bu o ocuilla? —daidíaioi.

<sup>19</sup> Jesús íaioi uai ote:

—Cue ríino ómoímo bie izóí ácataitícue. Bie gairíraco omoí júdaí, ie mei daruíamani íllemona meine nane caifo cue raiñolle, —daide.

<sup>20</sup> Jae judíui Jesuna daidíaioi:

—Cuarenta y seis fimóna niga gairíracoca; ¿íeca daruíamani íllamóna meine abido caifo o ráiñoiti? —daidíaioi.

<sup>21</sup> Iadi afémie daina uai gairíraco, dama ie abi llote.

<sup>22</sup> Iemona Jesús tíidinomona meine abido cáaillano ie llófuegamaci bie daina uaimo uibíoidiaioi. Daje llezica Cuegáuaina ínotiaioi nana Jesús íaioina daina uai diga.

*Jesús nana comini comécina onode*

<sup>23</sup> Jesús Jerusalemo illano, pascua rafue llezica, aillo comini afémiena ñue ínotiaioi. Ua íaioi ciófinina afémie uaido fínuana ciódiaioi. Afena cíoillano afémiena ínotiaioi.

<sup>24</sup> Mei íadi Jesús afe comínimo ie abina nai rairuide. Mei nana imaci comécina onódeza.

<sup>25</sup> Jíái come afémiemo comini ífuenta llónide. Dama afémie dinena íaioi comeci ífuenta onode.

### 3

*Nicodemo Jesumo úrillafue*

<sup>1</sup> Daa Judíuai illaíma mámece Nicodemo. Afémie fariseo.

<sup>2</sup> Afe bie Nicodemo nai Jesumo úrizabite. Jesuna daide:

—Llófueraíma, Juzíñamui orécao cai llófuellena onódicaí. Juzíñamui cómemo íñeniadi bu bie ríirede ciófinina fínuana ácatanide. Ua o fínua izói buna fínónide, —daide.

<sup>3</sup> Ie jira Jesús íena daide:

—Uáfuenta dáitícue: meine nane jéiciñegamie jaca Juzíñamui illáimana illánona cíõeite, —daide.

<sup>4</sup> Jira Nicodemo jicánote:

—¡Jae éicomedicaí! ¿Ñie izói meine jocóllicaí? ¿Meine nane ei eromo come jáirede, dáanomo abido jécillena? —daide.

<sup>5</sup> Ie jira Jesús uai ote:

—Uáfuenta dáitícue: meine nane jáinoina jéiciñegamie, Moo Joréñomona jéiciñegamie diga, ua Juzíñamui illáimana illánomo jofo jáinide.

<sup>6</sup> Come móomona jécigamie jaca come. Iadi Juzíñamui Joréñomona jécigamie jaca joreño.

<sup>7</sup> Cue ona daináfueri jacínaiñeno iri. Uáfuenta nágamie comue jéciafue, ua caifona jéciafue jaca jitáirede.

<sup>8</sup> Jairifo náganomo ebena jaiñófirede. Ie jáiñuana cacádio, mei íadi ninena bite, niné jaide, onóñedio. Daje izói nana Juzíñamui Joréñomona jécigano, afe jairifo izói ítiaioi, —daide.

<sup>9</sup> Jira meine nane Nicodemo jicánote:

—¿Ñie izói bie íite? —daide.

<sup>10</sup> Jesús uai ote:

—¿Nibái mei jicánotio? O iere aillo Israel llófueraimana o íadi ¿bie ráfuenta onóñedio?

<sup>11</sup> Uáfuenta dáitícue: cai onógafuedo úriticaí. Cai cíonafuenta féinino lloticaí. Mei íadi cai ómoímo llogáfuenta íñoñediomoi.

<sup>12</sup> Bie énie raado ómoímo cue úriadi nai íñoñeniadi, ¿nie izói cuena ínoítio mona ero ráfuedo cue úriadi?

<sup>13</sup> Buna mona eromo jáíñede. Dama monámona ana bitímie, Nanoide íima Jitó, monamo jáirena; mei nauí monamo ítímieza. Dámiedicue.

<sup>14</sup> Nauí jaiái Moisés jofue íñénazicimo jaio caifo ráíñua izói ua afe izói caifo ráíñobicaíticue. Nanoide íima Jitódicueza.

<sup>15</sup> Ua afe cue ráíñua jitáirede nana cuemo ínotino fíénidífue mo báíñeillena. Mei íadi ínotino zííñona ítiaioi.

### *Juziñamui nana comínina izíruillafue*

<sup>16</sup> Jesús nai úrillano daide: Juziñamui nana comínina iere izíruite. Afe iere izíruillamona Juziñamui ie daade Jitó caimo ite. Ua, afémie ie caimo ite, nana afémiemo ínotino jaca ninomo féiraiñeillena; mei jáiáfodo ñue zíñona íaiói íllena.

<sup>17</sup> Comíni fiénidifue iba otátaraimana Juziñamui ie Jitona oréñede, mei íadi ie Jitona orede afémiedo comíni jíllobicaillena.

<sup>18</sup> Juziñamui Jitomo ñue ínotimie duere finóbiñede. Ínoñedimie jae duere finóbide, Juziñamui daade Jitomo ínoñena jira.

<sup>19</sup> Ínoñedino jae duere finóbidiaíoi. Mei ua ñue egáiñotimie ana bie éniemo bítemo, jítinona jamánomo gáidiaíozza, fiénidifue finódinona íaiói illa jira.

<sup>20</sup> Nana fiénidifue finóraini úzefona éoidiaíoi. Jaca úzefomo áinoziñede. Ua íemo áinoziñediaíoi íaiói fiéni finócafueña ónoñellena.

<sup>21</sup> Uáfueño comeci facáidino úzefomo áinozifirediaíoi. Íaiói finócafueña jaca Juziñamui cacáidino íaiói illa izói finódiaíoi. Uzefo íaiói finócafueña jaca daí ñue cíoitate, —daide Jesús.

### *Báutizaraima Juan Jesudo meine úrizabite*

<sup>22</sup> Ie meífomo Jesús Judea éniemo jaide, ie llófuegamaci diga. Dinó diga irui itiaíoi. Dinomo comíni báutizadiaíoi.

<sup>23</sup> Daje llezica Juan, Enón éniemo báutizade. Enón Salim áinomo ite. Dinomo báutizade, aillo jainoi illa jira. Iemona comíni báutizabítiaíoi.

<sup>24</sup> Bifue finódiaíoi Juan nai llavéracomo úiñena.

<sup>25</sup> Juan llófuegamacimona dáarie judíuaimo úrizaide. Comíni íaifue oni dollínodo úritiaíoi.

<sup>26</sup> Juaana daízabítiaíoi:

—Llófueraima, nauí o diga itímie, Jordán ruicáfellemo itímie, caimo o llogámie, ja comíni báutizade. Nana comíni afémie diné jáidiaíoi, —daidíaíoi.

<sup>27</sup> Iemo Juan afémacina daide:

—Juziñamui cómemo ífue fécañena, bumo ráfueña íñeite.

<sup>28</sup> Cue nauí uáfuedo daínafue dani cacáidimoi. “Crístoñedicue” daidicue. Afémie uícodo orécamiedicue.

<sup>29</sup> Airenafueño ringo otímie ua ringo óite. Otímie nabai afe dinó itímie ie úrillana cacade. Cacáillanona íeri iere íóbite. Daje izói biruido cue íóbidicue.

<sup>30</sup> Nágarui afémie jamánomo illáimana jáizaide. Ie llezica cue jabómieiticue. Daí jítáirede, —daide.

### *Caifona ana bitímie*

<sup>31</sup> Juan nai úrite; daide:

—Caifona bitímie nana cai jaináinamie. Bie énie ímie ja bíniemo jainaide. Enie ífueña úrite. Mei íadi monámona bitímie nana cai baímo jamánomoidímie.

<sup>32</sup> Afémie cacánafuedo úrite ie cíonafue diga. Íadi afémie dáinana buna ínoñena.

<sup>33</sup> Da come ie dáinana ínoiadi daí Juziñamui fairíote. Ua daí Juziñamui uáfueña daínafue uáfueñaite.

<sup>34</sup> Juziñamui orécamie Juziñamui uáillaído úrite, mei Juziñamui ie Joreño afe orécamieño facáñeno nana íteza.

<sup>35</sup> Moo ie Jitona izíruite. Naga itínuiaina afémiemo fecade.

<sup>36</sup> Iemo ie Jitona ínotimieño fúñeite illánona íemo ite. Mei íadi Jitona ínoiacañedimieño afe fúñedínona íñeite. Juziñamui afémiena iere duere fínoite.

## 4

*Jesús Samaria ingomo úrite*

<sup>1</sup> Fariséuai Jesús Juan baimo aillo comini jáillana fidídiaioi. Daje izói Jesús Juan baimo báutizafirenana fidídiaioi.

<sup>2</sup> Mei íadi Jesús báutizañede; dama ie llófuegamaci báutizaja.

<sup>3</sup> Afena Jesús fidíllanona Judéamona meine abido Galilea éniemo jaide.

<sup>4</sup> Jesús jailla llezica Samaria énie cígido jáirede.

<sup>5</sup> Ie mei Samaria jófuego dúcide. Afe jofue mámecei Sicar. Sicar áinori Jacob feci énie ite. Afe éniena ie jitó Josemo maiñótate.

<sup>6</sup> Dáanori Jacob jainoi orano ite. Jesús iodo mácajamona zegónaite. Ie jira jainoi orano abimo ránade ocózinaillena. Jae jaíciri íacadero.

<sup>7-8</sup> Ie llófuegamaci jófuego güille jae íbajidiaioi. Iemo Samaria ringo dúcide. Jainoi uáibite. Iena Jesús daide:

—Jáinoina cue jírota, —daide.

<sup>9</sup> Ie jira Samaria ringo Jesuna daide:

—¿Nibái mei jainoi cuemo jicádío? Odi judíodio. Cue Samaria ingódicue, —daide. (Ua jaiái dínómona judíuai samarítanuaimo nabáirirainide.)

<sup>10</sup> Ie jira Jesús uai ote:

—Juzíñamui fia fecalli raa o onóadi, ua áfena raire cuemo jícaítio. Daje izói omo jainoi jicádímiena, o onóadi ua raire cuemo jícaítio; íemona ua cáadijina o íiticue, —daide.

<sup>11</sup> Afengo afémiena daide:

—Íima, o jainoi olle raa iñede. Jainoi orano afórede. ¿Nínómona cáadijina cue íitio?

<sup>12</sup> Cai jaiáigimie Jacob bie jainoi orano caimo iga. Benómona afémie jíruaide ie úruiai diga. Ua dájemona afémie tóniaí jíruaide. ¿O iere afémie báimoidio? —daide.

<sup>13</sup> Jesús uai ote:

—Nana bie jáinoimona jiródimaci nane meine abido jirócaítiaioi.

<sup>14</sup> Mei íadi cue jiróttagano jaca meine abido jirócañeítiaioi. Omo cue ille jainoi ua zíiñona íitiji. Nágarui caimare o itátaite. Illánona fúíñeítinona omo íficaitaite, —daide.

<sup>15</sup> Ie mei ringo afémiena daide:

—Íima, jadíe jáinoina cue ine; ja cue jíroacañeilleza, ua nane meine bie jainoi oránomo cue bíñeilleza, —daide.

<sup>16</sup> Jesús aféngona daide:

—O ini jírízairi ie mei bené bi, —daide.

<sup>17</sup> Ringo uai ote:

—Ínínidicue, —daide.

Ie jira Jesús aféngona daide:

—Uáfuena daídío. Ínínidío.

<sup>18</sup> Jae cinco dígacaiño ínreídío; birui o illámie o íníñede, —daide.

<sup>19</sup> Afena cacáillano ringo afémiena daide:

—Íima, Juzíñamui uai llóramiedío ja onódicueza.

<sup>20</sup> Cai jáiaimaci Samarítanuai bie ídumo Juzíñamuina íóbitadiaioi; ñúfuedo íemo úrizabítiaioi. Mei íadi o íemo naa judíuairi jíáfodo daídíomoi. Jerusalemo cai gairíllano Juzíñamuina cai íóbitallena daídíomoi, —daí afengo daide.

<sup>21</sup> Jesús uai ote:

—Ringo, cuena ñno. Jiáiruimo ja dúciizaide. Aféruimo bídumo biñeno, Juzíñamuina ióbitaitiomoí. Daje izói Jerusalemo jáiñeno, Juzíñamuina ióbitaitiomoí.

<sup>22</sup> Omoi ióbitagamiena onóñediomoí. Iadi cai ióbitagamiena onódicai, nibai jílloñafue judíuaimona bíteza.

<sup>23</sup> Jae como cue llogáruimo dúcide. Jae birui aferui. Naga Moo Juzíñamuina uáfueña ióbitaacadimie afe o joreñodo uáfueña afémiena ióbitaite. Daií Moo Juzíñamui cai íena ióbitallena jítaide; ua nana afémiena ióbitaacadino daií bíllana Moo jítaide.

<sup>24</sup> Juzíñamui ua Joreño. Afémiena ióbitadino íaioi joreñodo uáfueña ióbitaitiaioí, —daide.

<sup>25</sup> Iemona afengo íena daide:

—Cue onódicueza Mesías biite. Afe Mesías daína Cristo. Afémie bia nana ñue rafue caimo jino llóite, —daide.

<sup>26</sup> Jesús daide:

—Níimiedicue, ori úrilla, —daide.

<sup>27</sup> Iemo ie llófuegamaci dúcide. Dúciillano Jesús ringomo úrillari fáigacaidiaioí. Mei íadi buna jicánoñena áfena. Ua afémiemo afengo jitáillana jicánoñediaioí; “¿Minícafuedo úritiomicoi?” íena daiíñediaioí.

<sup>28</sup> Ie mei afengo iciru fiénocaillano, jófueño jaide. Dinomo comínimo llujáide:

<sup>29</sup> —Nana cue finócafue jino llotímiemo omoi éroizaibi. ¿Bie afe Crístofede? —daide.

<sup>30</sup> Ie jira jófueño Jesús illánomo jáidiaioí.

<sup>31</sup> Afémaci bitiaioimo ie llófuegamaci afémiena jicade:

—Llófueraima, due güi, —daidiaioí.

<sup>32</sup> Ie jira afémie daide:

—Cuemo ite güíllena omoi onóñediomoí, —daide.

<sup>33</sup> Ie jira ie llófuegamaci como fueñe conímamo jicánotiaioí:

—¿Jiáie come afémie écaibite? —daidiaioí.

<sup>34</sup> Ie jira Jesús afémacina daide:

—Cue orédimie comeci jítaina izói cue finóadi bie cue güíllena. Daje izói ie táijina cue fuitáadi, güíticue izoide.

<sup>35</sup> Omoi llua: “Nai riga raa ollíruimo cuatro diga fiui ite” daidíomoí. Mei íadi daíticue: Erocai. Ja rigánuemo eroi. Ja jéiaruimo áinozide.

<sup>36</sup> Olleño táijidimie iba llínote. Afe oga llízienai jaca ninomo fiébite; ua fúñeite illánomo fiébite. Ua ríjiraíma óraíma diga dáanomo camátailena daií ite.

<sup>37</sup> Omoi jaiái daína uáfueña llote: “Ríjiraímie dáamie íadi otímie jiáimie.”

<sup>38</sup> Jae omoi riñeganomo ómoína orédicue. Jiáimaci táijidiaioí íemo íaioi táijina caimare ñnotiomoí, —daide.

<sup>39</sup> Aillo Samaria jofue imaci Jesumo ñnotiaioí. Ua uafue ringo llogáuaido Jesuna ñnotiaioí. Afengo daínauai, be ñie: “Nana cue finócafueña cuemo llote.”

<sup>40</sup> Ie jira Samaritánuaí Jesumo billano jicádiaioí:

—Cai diga iri, —daidiaioí. Ie jira Jesús ménarui íaioi diga ite.

<sup>41</sup> Afémie daínana cacáillano aillo jiáimaci ñnotiaioí.

<sup>42</sup> Ie jira aféngona daidiaioí:

—Nauí dama o daínado jabo ñnoticai, mei íadi birui ja cai dani afémiena cacáillano áfedo como ñue ñnoticai. Ja onódicai bie ua Cristo, nana nairai jílloñaraíma, —daidiaioí.

*Jesús gobiérnomo táijiraíma jitó jílloñate*

<sup>43</sup> Mé narui íllamona Jesús Samá riamona jáizaide Galilea énie iodo jáillena.

<sup>44</sup> Jae dama Jesús llote:

—Juzíñamui uai jino lloraima dama ie éniemo jaca jámairuiga, —daide.

<sup>45</sup> Galiléamo dúcidemo afénomo itino íena ñue llínotiaioi. Ua caimare íena llínotiaioi, ñibai pascua ráfuemo Jerusalemo nauí Jesús illa llezica jáidiaioi. Iemo aféfuemo nana ie finócafuiaina ciódiaioiza.

<sup>46</sup> Ie mei Jesús meine Caná jófuemo, Galilea éniemo jaide. Ua jainoi vínona meíduanomo jaide. Afe llezica Capernaum jófuemo gobierno illaima tájiraíma jító iere irárede.

<sup>47</sup> Afe tájiraíma Jesús Judéamona Galiléamo dúciana fídiano, afémiemo éroizaide. Ua ie jító jílloaíbillena jícajide; mei ja ie jító tíizaide.

<sup>48</sup> Iemo Jesús íena daide:

—Onótate ráaniai íemo cíofinina finócafuiái diga omoi cíóñeniadi íinoñediomoi, —daide.

<sup>49</sup> Iadi gobierno tájiraíma Jesuna daide:

—Ocuíraíma, raíre bi cue jító nai tíñena llezica, —daide.

<sup>50</sup> Ie mei Jesús íena daide:

—Meine o jofomo jai. O jító jílloiteza, —daide. Afémié Jesús íena daina uaina íinote, jira jaide.

<sup>51</sup> Ie jofomo dúcizaidemo ie jaiénizai jino íemo bitíaioi. Dúciillano daidíaioi:

—O jító jae jíllode, —daidíaioi.

<sup>52</sup> Iemo, —¿Nie hóramo jíllode? —Íaioimo jícanote. Jira daidíaioi:

—Nauiri jáiciri illa mei ie abi bóua llícaide, —daidíaioi.

<sup>53</sup> Iedo moo bie daje hora Jesús íena daina hora uúbicaide. Ua “O jító jílloite” daina hóramo afeza jíllode. Iemona afémié Jesumo íinote, naa ie comini diga.

<sup>54</sup> Daí Jesús Judéamona Galiléamo billano mena onótate raa finode. Bie jíllo tafue ua ie meífoto finoca cíofininafue.

## 5

### *Jesús Betzátamo ite tízitaitimie jíllo tate*

<sup>1</sup> Ie meífoto judíuai rafue ite; jira Jesús meine Jerusalemo jaide.

<sup>2</sup> Afe jófuemo, ovejai naze áinori jainoi ofillano ite. Afeno hebreo imaci uaido mameca Betzata. Nane dinomo cinco diga gairíranos ite.

<sup>3</sup> Bie gairira macáranuíaímo aillo iráredimaci bíiede: uínidimíai, aídáimíai, tízitaitimíai diga. Bimaci jainoi bagua úiñotiaioi.

<sup>4</sup> Daí úiñotiaioi mei dáruinarie Juzíñamui abi ímie ana billano jainoi bagótafiredeza. Bagota mei nanoide come jáinoimo ana jáidimie, ie irárenamona ja jíllobicaífirede.

<sup>5</sup> Dinomo iráredimie ite. Ua treinta y ocho diga fimona irárede.

<sup>6</sup> Jesús billano ie bíinana ciode. Afémié are jaíai ninómona daí dinomo íllana onóillano, Jesús íena daide:

—¿Jíllobicaíacadio? —daide.

<sup>7</sup> Iráredimie uai ote:

—Ocuíraíma, cue cánoitimie íñede, jainoi bagua meífoto jáinoimo cuena ñuitállena. Nágarui cue jáiacana llezica jáíimie nano fueñe jáinoimo dúcide, —daide.

<sup>8</sup> Jesús íena daide:

—Caifo náidacai. O bírallu llíno. Mai maca, —daide.



<sup>9</sup> Afe llezica afémie jíllobicaide. Iemo ie bíirallu llíinuano macáoicaide. Aferui ocózinaillarui.

<sup>10</sup> Jira judíuai jíllotagamiena daide:

—Birui jae ocózinaillarui. O bíirallu rocánollena omo rairuírede, —daídíaiói.

<sup>11</sup> Afémie uai ote:

—Cue jíllotatímie cuena daide: “O bíirallu llíino; mai maca,” —daide.

<sup>12</sup> Iemo íena jícánotíaiói:

—¿Bu ona “o bíirallu llíino, mai maca” daína? —daídíaiói.

<sup>13</sup> Mei íadi afémie ie jíllotatímiena onóñede, aillo comini dinomo íllaza. Ua Jesús jae jáideza.

<sup>14</sup> Afe mei Jesús gairíraco eromo íena baizájillano daide:

—Mai eroi. Birui jae jíllodio. Meine fiénidífueña finóñeno iri, jamánomo figóñede raa omo jíriñeillena, —daide.

<sup>15</sup> Iemo afémie judíuaimo Jesús íena jíllotatímie llujáide.

<sup>16</sup> Ie jira judíuai Jesuna duere finóllena racádíaiói; íena fáiacadíaiói, ocózinaillarui aféfuiai fínua jírari.

<sup>17</sup> Mei Jesús íaióina daide:

—Cue Moo Juzíñamui jaca nanómona biruimo táijide, jira cue nane táijidícue, —daide.

<sup>18</sup> Iemona judíuai jamánomo íena fáiacadíaiói; níbai ocózinaillarui ocuícáfue afémie jáanote. Ie emódomo afémie Juzíñamui izóidímiena dama finótate, “Juzíñamui cue Moo” ie daína jira.

### *Juzíñamui Jitó ríino*

<sup>19</sup> Ie mei Jesús íaióina daide:

—Uáfueña ómoína dáitícue, mei Juzíñamui Jitódícueza, dama cue jítaina izói minícana finónidícue. Dama cue Moo Juzíñamui finócafue cue ciona izói birui finódícue. Nana cue Moo finócafue afe izói nana fínofiredícue; ie Jitódícueza.

<sup>20</sup> Ua Moo Juzíñamui nana ie fínua fue ie Jitomo ácatate, Moo ie Jitó izíruilla jira. Ie emódomo jamánomo áillue finóllí fue íemo ácataite, omoi fáigacaillena.

<sup>21</sup> Mei Moo Juzíñamui tíidino cáadinona itátateza, ua cáallinona íaióimo ite; daje izói ie Jitó nana afémie oíacaiganomo cáallinona ite.

<sup>22</sup> Moo Juzíñamui buna jícanoñede íena duere finótallena, mei íadi nana afe jícanolle ríino ie Jitomo iga.

<sup>23</sup> Daíí nana comini Moo ñue jacíruilla izói, afe izói ie Jitona ñue jacíruitíaiói.

<sup>24</sup> Uáfueña ómoína dáitícue: cue uaina cacádímíemo, dáanomo cuena orédímiena ínotímíemo ja ziiño cáatatinona ite. Afémie duere finóbiñeite, tíillanomona ja bai finona jira; jae cáananomo dúcíde.

<sup>25</sup> Uáfueña ómoína dáitícue: tíidino meine cáallíruí áinozioicaide. Aferui birui. Ua tíidino Juzíñamui Jitó úrillana cácaítíaiói; íemona nana áfena náfuefiredíno cáaitíaiói.

<sup>26</sup> Mei Moo Juzíñamuimo cáatalle ríino íteza, daje izói afe cáatalle ríino ie Jitomo afémie itátate.

<sup>27</sup> Dáanomo comini duere finóllena jícanua ríino íemo iga, afémie Nanoide íima Jitona jira. Afe Jitódícue.

<sup>28</sup> Afemo fáigacaiñeno iri. Nana tíidino cue úrillana cacáillíruimo dúcíiteza.

<sup>29</sup> Aféruido raíáfuaímona jino bíitíaiói. Ñúfue finódímíaci meine cáadinona íitíaiói zíiñona íaiói íllena; mei íadi fiénidífue finódímíaci meine cáadinona íitíaiói, duere íaiói finóbillena.

### *Jesús ríino uáfueña dáitíatífuiai*

<sup>30</sup> Dama cue começi izói minícana finónidicue. Moo cue ocuilla izói comini finuafuiai riire jicánoticue. Cue jicánuafue jaícina ñue joide; cue jitaina izói jicánoñedicueza, mei íadi cue orédimie, cue Moo jitaina izói jicánoticue, afe izói finóllena.

<sup>31</sup> Dama cueri uai cue nabáiadi, cue dainana figo uáfueña daiñede.

<sup>32</sup> Mei íadi jíaimie cueri uai nabáiraima ite. Afémie cueri dainafue ñue uáfueña facátate. Afena onódicue.

<sup>33</sup> Juamo jicánuaidiomoí. Afémie ie uai úana jaca uafue.

<sup>34</sup> Mei íadi ímamona cueri uai nabáillana jicáñedicue. Daa bíena dáiticue omoí jíllobicaillena.

<sup>35</sup> Juan egáñora izóidimie. Afe egáñora bóocabillamona egáñofirede. Ie egáñuanomo nano íanori íllamona íóbicaidiomoí.

<sup>36</sup> Mei íadi jíaie cueri uáfueña facátafue ite. Afefue Juan cueri dainafue baimo ite. Afe uáfueña facátafue cue finócafuiái. Aféfuái cue Moo cue finóllena ocuicafuiai daje izói jóoideza. Afe jira afe cue finócafuiái Moo orécacue uáfueña facátate.

<sup>37</sup> Ie dánomoo Moo, cue orédimie cueri uai nabaide, mei íadi omoí ie uaina jaca cacáñediomoí; ie abi cíocaillana jaca cíóñediomoí.

<sup>38</sup> Ie uaillai omoí ífócimo déiñede, afe Moo orécamiéna omoí íñoñena jira.

<sup>39</sup> Juzíñamui Cuegáuailai izire jenoda facádotiomoí; dinomoo “Zíñona illino báiticaí” comécimo facáoidiomoíza. Uafue, Cuegáuailai cueri ñue úritiaíoi,

<sup>40</sup> mei íadi cuemo bíacañediomoí afe ómoímo zíñona íllena.

<sup>41</sup> Comini cuemo nitáacaga jalléinafuiai náfueñedicue.

<sup>42</sup> Mei íadi ómoína onódicue. Juzíñamuina izíruiñediomoí onódicueza.

<sup>43</sup> Cue Moo cue ória jira biticue, íadi cuena llínoñediomoí. Jíaimie dama ie ória izói bíadi afe ímana ñue llínoitiomoí.

<sup>44</sup> ¿Omoí nie izói ínotiomoí? Dani ómoímona cáimadua uaillai llínofirediomoí; mei íadi daade Juzíñamuimona bitíuai, ie cáimadua uai jenóñediomoí. Jira ínonidiomoí.

<sup>45</sup> Cue Moo uíecori ómoímo fiénidifue cue nitalle comécido facáoiñeno iri. Uáfueña Moisés ómoímo fiénidifue nítaite, ñi omoí úiñogamie.

<sup>46</sup> Moisés daináuai omoí ínoiadi daje izói cuemo ínoitiomoí, mei Moisés cueri ñue cúeteza.

<sup>47</sup> Mei íadi afémie cuegáuai omoí íñoñeniadi ¿nie izói ómoína cue daináfueña ínoitiomoí? ¡íñoñeitiomoí! —daide.

## 6

### *Jesús cinco mil íñiaí ecade*

*(Mt 14.13-21; Mr 6.30-44; Lc 9.10-17)*

<sup>1</sup> Afe meífodo Galilea jorai ruícaferaimo jaide. Afe jorai jíaífodo mameina: Tiberias.

<sup>2</sup> Aillo comini íedo jáidiaíoi, cíofinina ráaniaí ie finuana íaíoi cíónamona. Ua iráredino jíllotana cíódiaíoi.

<sup>3</sup> Ie mei Jesús ídumo ráizaide ie llófuegamaci diga.

<sup>4</sup> Ja judíuai rafue páscuafue áinozide.

<sup>5</sup> Jesús érocaillano aillo afémie ódana bitínona ciode. Jira Felípena daide:

—¿Ninómona nana bimaci ecállena íbaiticaí? —daide.

<sup>6</sup> Afe daí jicánote, Felipe uai úana onóillena. Jesús dama ie finóllifue ñue onode.

<sup>7</sup> Iemo Felipe uai ote:

—Doscientos dígabe fidi pan dúciñeite naga come jéenino óllena, —daide.

<sup>8</sup> Ie jira jáie llófuegamie Andrés, Simón Pedro ama, Jesuna daide:

<sup>9</sup> —Benó daa dúemiemo cinco diga panes ite mena chamu diga. (Bie pan cebada finoína.) Mei íadi iere duera; aillo comini íllaza, —daide.

<sup>10</sup> Ie mei Jesús daide:

—Nana íaioi ráilleza afémacina omoi daíri, —daide.

Afénomo aillo raitire ite. Iemo cinco mil íñiaí raizídaitiaioi.

<sup>11</sup> Ie mei Jesús pan llínota Juzíñamuina “Iere figura” daide.

Dáinamona llófuegamacimo fecade. Afemona llófuegamaci nana ráiedinodo fecade. Jesús daje izói finode mena chámuna, ua nana ríiacadinodo fecade.

<sup>12</sup> Jae íaioi jeírilla mei ie llófuegamacina daide:

—Fiébidinuaí nana iráiri, daa báíñelleza, —daide.

<sup>13</sup> Fiébidinuaí doce diga cirigai iráica. Ua cinco diga panes fiébidinomona diga cirigai oruítaga.

<sup>14</sup> Ie mei comini bie cíofinina raa Jesús finua cíonamona daidíaioi:

—Uafue bímie afe jaiaí nanómoma lloga ana éniemo bíacade uai lloraima, —daidíaioi.

<sup>15</sup> Mei íadi comini íena riire lláitana illáimana jóoneacana Jesús fidílicaide. Fidíllanona Jesús dama meine idu caifónedumo jaide.

### *Jesús jainoi emódodo macade*

(Mt 14.22-27; Mr 6.45-52)

<sup>16</sup> Ja nauídemo Jesús llófuegamaci ana jóraimo jáidiaioi.

<sup>17</sup> Dúciillano nocaemo jaillano, jorai ruícaferaimo Capernaúmo jaitádiaioi. Jae jítiredemo, mei íadi nai Jesús meine abido biñede.

<sup>18</sup> Iemo aillo jairifo daingo náidacaide. Iemona bagua móonaioicaide.

<sup>19</sup> Due bai jáidiaioimo Jesús nocaemo ánozillana cíodiaioi. Jainoi emódodo macade. Iemo jacíruitiaioi.

<sup>20</sup> Mei jira íaioína daide:

—Cueza, omoi jacíruiño, —daide.

<sup>21</sup> Iemona caimare nocaemo íena llínotiaioi. Iemona íaioi jáillinomo nitaca izói jarire dúcidiaioi.

### *Comini Jesús jénua*

<sup>22</sup> Jáírui meífodo jorai enéferaimo fiébidimaci, llófuegamaci daa ite nocaedo jáillana fidídiaioi. Iadi Jesús afémaciri jáíñede.

<sup>23</sup> Mei íadi biruícana jáie nocáiaí Tiberias jófuemona dúcizaide. Ua pan güilla áinori Ocuíraima Jesús “Iere figura” dáinamona, ua afénomo dúcizaidiaioi.

<sup>24</sup> Daí Jesús dinomo íñénana cíóillano ie llófuegamaci diga, afécaiamo jofo jáidiaioi. Iemona Capernaúmo íena jénuaidiaioi.

### *Jesús, zíñona cáaille paana maméidmie*

<sup>25</sup> Jorai ruícaferaimo dúciillano, Jesús baitíaioi. Baillano íena jicánotiaioi:

—Llófueraima ¿niruido benomo dúcidio? —daidíaioi.

<sup>26</sup> Jira Jesús daide:

—Uáfueña ómoína dáitícue, güíllena omoi jeírillamona cuena jénuaibitíomoi. Cue finoca cíofinina raa omoi onónamona cuena jenóñediomoi.

<sup>27</sup> Fúifrede güíllemo táijíñeno iri. Mei íadi fúíñeite güíllemo táijíri. Afe güille ómoína zíñona itátaite. Afe bie güille ómoimo íitícue mei Nanoide íima Jitódícueza. Mei ua, omoi uáfueña ínogamiena jae Moo Juzíñamui jóonegacueza.

<sup>28</sup> Jira jicánotiaioi:

—¿Minícana finoiticaí Juzíñamui jitaile raa cai fuitállena? —daídíaioi.

<sup>29</sup> Jesús uai ote:

—Juzíñamui orécamiēna omoi ñnollena jitairede, —daide.

<sup>30</sup> Iemo jicánotiaioi:

—¿Minica onótaite raa caimo ácataredio, afe cióillano ona cai ñnollena? ¿Minicafue finoitio?

<sup>31</sup> Cai jaiáidigima zaféredizicimo maná güitíaioi; Juzíñamui Cuegáuai daina izói: “Juzíñamui monámona ana baiitaga güilleniai áfena íaioi güitátate,” —daide.

<sup>32</sup> Jesús uai ote:

—Uáfueña dáiticue: monámona baiide güilleniai fecárama Moiséñede. Mei íadi uáfueña monámona baiide güilleniai fecárama cue Moo.

<sup>33</sup> Juzíñamui fecaca güilleniai, monámona ana bitímie. Afémie cáaille paana maméidímie. Afémie énie itímacimo zíñona cáallinona itátaite, —daide.

<sup>34</sup> Iemo íena daídíaioi:

—Ocuíraima, bie güilleniai nágarui cai ine, —daídíaioi.

<sup>35</sup> Jira Jesús daide:

—Cue cáatate güilledicue. Cuemo bitímie jaca júfiruiñeite. Cuemo ñnotímie jaca ninomo jíroacañeite.

<sup>36</sup> Mei íadi ómoína cue daina izói, cuemo ñnoñediomoi nai cuena ciódiomoi íadi.

<sup>37</sup> Nana Juzíñamui cuemo fecácamaci cuemo bífireitiaioi. Cuemo bífireitinona jino dótañeiticue.

<sup>38</sup> Uafue, cue comeci jitaina izói finóllena, monámona ana biñédicue, mei íadi cue orédímie comeci jitaina izói ana finuaibiticue.

<sup>39</sup> Cue Moo, ua cue orédímie, nana cuemo igánomona buna oni ninó báiiñeillena jitaide. Ua nana afémaci írairuido cáadinona itátaiticue.

<sup>40</sup> Cue orédímie nana Juzíñamui Jitona ciódimaci íena ñnollena jitaide. Daí íaioi ñnuamona zíñona cáallinona íaioimo íllana cue orédímie daje izói jitaide; ie mei írairuido cáadinona íaioína itátaiticue, —daide.

<sup>41</sup> Iemona judíuai Jesuri gugúritiaioi. Ua ie daináfueri: “Monámona ana baiide güilleniaina maméidímiedicue” íeri gugúritiaioi.

<sup>42</sup> Daídíaioi:

—¿Bímie José jitó Jesúñede? Ie moona onódicaí ie ei diga. ¿Nie izói “Monámona ana bitímiedicue” daírede? —daídíaioi.

<sup>43</sup> Jira Jesús íaioína daide:

—Gugúriño.

<sup>44</sup> Buna cuemo bínide, cue Moo, cue orédímie nai átiñenia. Ie mei írairuido afémiena cáadimiena itátaiticue.

<sup>45</sup> Uai lloraini cuegánicuai llote: “Nana afémaci Juzíñamui llófuegamaciza íitiaioi.” Daí nana Moomo cacádino, afémie mona fibítagamaci cuemo bitíaioi.

<sup>46</sup> Bie izói cue daina dáarie Moo Juzíñamuina ciona daíacañede. Dama Juzíñamuimona bitímie Moona ciona.

<sup>47</sup> Uáfueña ómoína dáiticue: cuemo ñnotímieemo zíñona cáallinona ite.

<sup>48</sup> Cue cáatate güilledicue.

<sup>49</sup> Omoi jáiairagima zaféredizicimo manana güitíaioi, mei íadi nana jae tíidimaci.

<sup>50</sup> Íadi cue daina monámona ana bite güilledicue güitino tíñeitiaioi.

<sup>51</sup> Cue dama afe bie monámona ana bite cáatate güilledicue. Bie güille güitímie zíñona iite. Bie cue ille güille dama cue íeizi. Afena íiticue nana énie imaci cáallena, —daide.

<sup>52</sup> Iemona judíuai dani íaioiri júfidotiaioi. Daidíaioi:

—¿Nie izói bímie dama ie íeizina caina écaite? —daidíaioi.

<sup>53</sup> Jesús íaioina daide:

—Uáfuenta ómoína dáitícue: Nanoide fima Jitódícueza; cue íeizi omoi ríñeniadi, daje izói cue die omoi jíroñeniadi nai omoi cáaillinona íñede, dájena cuemo jaináñena jira.

<sup>54</sup> Cue íeizi ritímíemo, daje izói cue die jiródímíemo comeci zíñona cáaillinona ite; ie mei íraíruido afémiena cáadímiena itátitícue.

<sup>55</sup> Cue abi uafue güille. Cue die uafue jirólli.

<sup>56</sup> Cue íeizi ritímie, jái cue die jiródímie ja cuemo dájena ite. Daje izói afémíemo dájena itícue.

<sup>57</sup> Cue caade Moo orécacue, jira afémiedo cáadícue; daje izói cue ríitímie cuedo cáate.

<sup>58</sup> Monámona ana bite gülleri úritícue. Bie güille omoi jaiáidígima güiga maná izóíñede. Nana afémaci tídímaci; mei íadi bie güille güitímie zíñona íite, —daide.

<sup>59</sup> Jesús Capernaúmo ite Juzíñamui uai llófueriracomo nana bífuiái íaioímo llófuete.

### *Zíñona cáatate uailai*

<sup>60</sup> Bie llófuiana cacáillamona, aillo Jesudo jáidímaci daidíaioi:

—Bie afémie daina afe jeire ollíuai iere féirede. ¿Bu áfena jeire órena? —daidíaioi.

<sup>61</sup> Iemona Jesús íaioi gugúrillana onóbicaide. Onóillano jicánote:

—¿Aféfuiai ómoína íáiruificaitade?

<sup>62</sup> Ie mei Nanoide fima Jitó nano ie illánomo caifo ie jáillana omoi cióadi, ¿nie izói íitíomoi?

<sup>63</sup> Cai joreño cai cáatate. Íeizi cáatañede. Omoína cue daináuailai joreño izoide uafue uailai. Cáataitíaoi.

<sup>64</sup> Mei íadi ómoímona dámíerie nai íñoñediaioi, —daide.

Jesús afe íñoñedímaci nanómona onode. Afe llezica íena éoidímácimo fécaitimíena onode.

<sup>65</sup> Ie mei daide:

—Iemona ómoína dáitícue, Moo átiñenia buna cuedo bínide, —daide.

<sup>66</sup> Aféruimona aillo Jesudo jáidíno íena fiénocaidiaioi. Ja íedo macáñediaioi.

<sup>67</sup> Ie jira ie doce díga llófuegamácimo jicánote:

—¿Omoi daje izói jáiacadiomoi? —daide.

<sup>68</sup> Mei íadi Simón Pedro uai ote:

—Ocuíraíma, ¿bumo jáiredícai? Zíñona cáatate uailai omo ite.

<sup>69</sup> Ja cai ínotícaíza. Onódícai caade Juzíñamui Jitódíza. Crístodio, —daide.

<sup>70</sup> Jesús íaioina daide:

—Jae doce dígamie nizédícue; mei íadi omoi cígímona dámie Taífe izoide, —daide.

<sup>71</sup> Afe dáínado Jesús Júdari úrite. Judas Iscariote Simón jító. Afémie Jesuna éoidímácimo fécaitimie, mei íadi afémie doce dígademoná.

## 7

### *Jesús ámatíai íena íñoñediaioi*

<sup>1</sup> Afe méifodo, Jesús Galilea éníedo macade. Judéamo íacañede, dínomo judíuai ie íaioi fáiacana jira.

<sup>2</sup> Ja bizáinilláimo íráizillafue ánozide. Afefue judíuai rafue.

<sup>3</sup> Aínozillamona ie ámatíai íena daide:



—Benó fiébiñeno. Judéamo o jairi, dinomo ite odo jáidino o finócafuenta cíoullena.

<sup>4</sup> Dáamie nana comini íena íaioi onóillena jitáidi, ie raana báinino finóñede. Afe áillofuiái o finóadi nana comini uícomo finori, —daidíaiói.

<sup>5</sup> Bie izói daidíaiói, mei nai ie ámatiai íena ínoñediaoiza.

<sup>6</sup> Jira Jesús daide:

—Cue ñue illíruimo nai dúciñede. Mei íadi ómoimona nano nígarui ñuera.

<sup>7</sup> Enie imaci ómoína éoinide, mei íadi cuena éoidiaioi, nibai íaioi fieni finócafuiái uai nabáiraímadicueza.

<sup>8</sup> Mai ráfuego omoi jai. Nai jáiñeiticue, cue ñue illíruimo nai dúciñede.

<sup>9</sup> Daí daína mei Galiléamo fiébide.

*Jesús bizáinillaí irázillafuemo jaide*

<sup>10</sup> Ie ámatiai jailla mei, Jesús daje izói ráfuego jaide, mei íadi uáfodo jáiñede. Jabo báinino jaide.

<sup>11</sup> Judíuai afe rafue ana íena jenódiaioi. Daidíaiói:

—¿Ninomo mei afe íima ite? —daidíaiói.

<sup>12</sup> Comini cigiedo aillo afémieri úritiaioi. Dáarie, “Ñúemie,” daidíaiói. Jáimaci, “Fiénidímie; mei comínina jífujeteza,” daidíaiói.

<sup>13</sup> Mei íadi judíuaina jacíruillano buna afémieri uáfodo úriñede.

<sup>14</sup> Ja rafue cigi iruido Jesús Juzíñamui gairíracomo jofo jaide. Jaillano dinomo llófuellena tainede.

<sup>15</sup> Iemona judíuai fáigacaillano daidíaiói:

—¿Nie izói bie íima diga ráfuiaina onode, afémie nai llófueñegamo? —daidíaiói.

<sup>16</sup> Jira Jesús uai ote:

—Cue llófuegauai cúeieñede; mei íadi cue orédímie ie.

<sup>17</sup> Dáamie Juzíñamui jitailla izói finóacania, afémie cue llófuegauai Juzíñamuimona bitíuaina ónoite. Afe llezica dama cue jitailla izói llófueñedicuena ónoite.

<sup>18</sup> Dama ie comeci jitailla izói úritímie, comini íemo ñúefuena nitállena úrite. Mei íadi íena orédímíemo ñuera ráfueña nitáacadímie uáfueña dáíte. Afémíemo jífuiafueña íñede.

<sup>19</sup> ¿Omoímo ocuica uailai Moisedo ómoímo iga? ¿Ero ua? Mei íadi buna ómoimona aféuai jeire oñena. Aféuai jeire oñédímiedicue izói, ¿nibái mei cue fáiacadiómoi? —daide.

<sup>20</sup> Jira comini uai ote:

—Omo fiénide joríaí illa. ¿Bu o fáiacana? —daidíaiói.

<sup>21</sup> Jira Jesús daide:

—Daa raa ocózinaillarui cue fínuari nana fáigacaidíómoi.

<sup>22</sup> Mei íadi úrue bacano ícoi quétajana facátafue Moisés ómoímo iga. Jira íiza bacano ícoi quétadíómoi ocózinaillaruido íadi. (Moisés afefue táineñegaza; jáiairagímaci taineca.)

<sup>23</sup> Mei jira Moisés ocuica uailai nana ñue fuizáillena, íiza bacano ícoi omoi quetáadi ocózinaillarui íadi, ¿nibái ríicaidíómoi íima abí námiena cue jíllotaia ocózinaillarui?

<sup>24</sup> Mai jinófene éroillano comini ífue nitátañeno. Omoi nitáadi jáícina uáfueña nitari.

*Jesús ie comuñllanodo úrite*

<sup>25</sup> Ie mei Jerusalemo dáarie itínomona jícánuaidiaioi:

—¿Bímie íaioi fáiacagamieñede?



26 Mei íadi batínomo comini cígimo úrite íadi buna nie izói daiñena. ¿Uáfuenta caifóidimaci bímie Crístoza ínotiaíoi?

27 Mei íadi cai, afémie ninómona ie bíllana onódicaí. Iadi ibana Cristo bíadi, buna ninómona ie bíllana ónoñeite, —daídíaíoi.

28 Afena cacáillano Jesús nai gairíracomo llófuia llezica riire daide:

—¿Cuena onódiomoi? ¿Ninómona bitícueza onódiomoi? Mei íadi dama cue comeci izói biñédicue, íadi caade cue orédimiemona biticue. Afémie jaca itímie. Afémiena onóñediomoi.

29 Afémiena onódicue, afémiemona bitícueza, ie orécacueza, —daide.

30 Iemona íena lláviano úiacadiaíoi. Mei íadi nai buna íena llaitáñede, nai ie llaitáilliruimo dúciñedeza.

31 Mei íadi aillo comini íemo ínotiaíoi; daídíaíoi:

—Cristo bíadi ¿bímie finoca cíofinina onótafuiaí baímo fínoite? —daídíaíoi.

### *Fariséuai llazíriraini orede, Jesús lláviano úillena*

32 Fariséuai comini Jesuna dáinana cacádiaíoi. Jira lletáriraini illaini, gairíraco jabóidillaímaíai orede Jesús llaitada úillena.

33 Jira Jesús uai ote:

—Omoi cígiri dama íanori nié dino íiticue. Ie méifodo cue orédimie diné jáiticue.

34 Cuena jénoitiomoi mei íadi cuena báíñeitiomoi, cue illínomo jáinidiomoi, —daide.

35 Ie mei judúuai daní íaíoiimo jicánuaidiaíoi:

—¿Bímie ninomo jáite, íena cai báíñeillena? ¿Judúuai júdaicamací griego éniemo afémie jáite, griego imaci llófuellena?

36 Ie dáinana, “Cuena jénoitiomoi mei íadi cuena báíñeitiomoi, cue illínomo jáinidiomoi, —¿nie izói daide? —daídíaíoi.

### *Jesús, jainoi izói cómena cáatate*

37 Rafue íirairuimo jamánomoidirui. Aféruido Jesús naidáillanona como aillo uaido úrite:

—Nana jiróacadimie cuemo bi; jíruiabi.

38 Cugáuai daína izói, cuena ínotimie ie comécimona áillue imani tua izói aillo ñue cáataitífuiaí biite, —daide.

39 Aféfuedo nana afémiena ínotino Ñuera Joreño llínoitiaíoi daide. Ua mei, Ñuera Joreño nai biñede, Jesús ie cáimafue ebíredifue diga nai llínoñena jira.

### *Comini Jesuna daínafuiaí jáífodorie jóide*

40 Dáarie comini cígimona aféfuenta cacáillano daide:

—Uáfuenta bímie uai llóraíma, jaíai ninomo bíacadimie, —daide.

41 Jáíimaci daídíaíoi:

—Bie ua Cristo.

Mei íadi jáíimaci daídíaíoi:

—¿Nie izói Cristo dino Galilea ímieite?

42 Cugáuai llote: “Jáíaidillaíma David, ie izíe ímieina Cristo iite. Ua Belén ímieina iite, afe jófuemo nauí David íteza,” —daídíaíoi.

43 Daií nana comini Jesús ícoínia dázierie bózietaidiaíoi.

44 Dámierie Jesús maíáno úiacadiaíoi, mei íadi buna daií ñeñena.

### *Caifoide ríiredino Jesuna ínoñediaíoi*

45 Gairíraco jabóllaini abido fariséuai illánomo, daje izói lletáriraini illaini illánomo bitíaíoi. Afémaci íaíoiimo jicánote:

—¿Nibái mei íena atíñediomoi? —daide.

46 Jira jabóllaini (jiáifodo mameina llavériraini) uai otíaioi:

—Jaca ninomo buna afémie úrilla izói úriñede, —daidíaioi.

47 Jira fariséuai daidíaioi:

—¿Omoi daje izói ja jífuegamacidiomoi?

48 ¿Cai illáicomini dáarie íena ja ínotiaioi fariséuai diga? ¡Jaca ínoñediaioi!

49 Mei íadi bie comini ocuífueiaí onóñediaioi, ja faidócaiaioiza, —daidíaioi.

50 Nicodemo, naino Jesumo eróizabitimie daa fariseo imácimona. Iaioina daide:

51 —Cai ocuífue daína izói buna duere finónidicai, nano fueñe íena cai cácañeniadi, ie finócafuea cai ónoillena, —daide.

52 Mei jira uai otíaioi:

—¿O jiái daje izói Galilea ímedioza? Cuegúuai fácado. Dinomo cíoitio buna uai llóraima Galiléamona biñede, —daidíaioi.

### *Jirúredingo Jesumo atídiaioi*

53 Mei íemona naga come íaioi jofomo jaide.

## 8

1 Mei íadi Jesús Olivo daína ídumo jaide.

2 Ie jítiramo monáillamona, abido gairíracomo bite. Nana comini íemo áinozidiaioi. Afémie ráinaillano íaioina llófuiaide.

3 Ie mei ocuífue llófueraini fariséuai diga jirúredingo Jesumo atídiaioi. Daíí ñécade afengo baitíaioi. Afe gairíracomo ítimaci cígimo aféngona jóonetiaioi.

4 Jóoniano Jesuna daidíaioi:

—Llófueraima, bie ringo afe jirúrenafue finócade baiticai.

5 Afe izoide ringona Moisés ocuífue cai ocuide nofíciado fállena. ¿O nie izói daidío? —daidíaioi.

6 Daíí daidíaioi Jesús facátallena. Bie facátamona fiénidifue íemo nitácadiaioi. Iemona Jesús jíjicaillano éniemo onócaido cuete.

7 Mei íadi diga icaiño jícanotiaioimo Jesús meine jaícina rainade. Ráinaillanona daide:

—Omoimona dáamie fiénidifuea íñédimie, mai nanoide nofici aféngomo nitari, —daide.

8 Dáanomomo nane jíjicaillano éniemo cuete.

9 Mei íadi aféfuena cacáillano, nana íaioi comeci úrilla uaido méaicaidiaioi. Méaicallano oni nana dáarie jáioidiaioi. Ua iere éicomédimie uícodo oni jailla. Nana ja íaioi jailla mei, Jesús dama dinó fiébide afe atícango diga.

10 Iemo Jesús jaícina meine rainade. Afe ringo baimo buna cióñenano aféngona daide:

—Ringo, ¿ninomo omo fiénidifue jítádino ite? ¿Buna omo nofícina nitáñena? —daide.

11 Jira afengo daide:

—Ocuíraima, ua buna nitáñede, —daide.

Mei jira Jesús daide:

—Cue ona daíí nítaiñeiticue. Mai o jairi. Fieni meine abido daíí ñeñeno iri, —daide.

### *Jesús, bie énie comini egáiñoraima*

12 Jesús dáanomomo nane comínimo úrite; daide:

—Cue bínie comini egáiñoramadicue; cuedo jáitimie mo cáataite egáiñua iite. Jaca nino jítifodo mácañeite, —daide.

13 Ie jira fariséuai íena daidíaioi:

—Dama o uai nabáidío. Afe uai ráifiñede, —daide.

<sup>14</sup> Jira Jesús uai ote:

—Cue daina uáfueña ráifide, afe dama cuemo uai nabáidícue íadi. Cue ninómona bitícue, daje izói cue jáillinona onódícueza. Mei íadi ninómona bitícueza onóñediómoi, cue jáillinona diga.

<sup>15</sup> Bie énie facárado jenócana facádiómoi; cue buna jenócana facáñedicue.

<sup>16</sup> Mei íadi cue facádi, cue facállifue jáicina ñue jóide. Dama facáñedicueza. Moo, cue orédímie diga dáanomo jenoda facádíco.

<sup>17</sup> Omoi ocuica ciegáuai daide: “Mena uai nabáiraíma dáanomo daííadi, aféfuena íinoitíómoi.”

<sup>18</sup> Cue dama cueri uai nabáiraímadícue. Cue Moo, cue orédímie jáíe cueri uai nabáiraíma, —daide.

<sup>19</sup> Jira jicánotiaíoi:

—¿Ninomo mei o Moo ite? —daídíaíoi.

Jira Jesús uai ote:

—Omoi cuena onóñediómoi. Daje izói cue Moona onóñediómoi. Cuena onódiómoi nia, daje izói cue Moona onódiómoiza, —daide.

<sup>20</sup> Gairíracomo llófua llezica, afe búuai daide; ua fia fecaca úcube jóneraco illánomo dinomo llófuete. Mei íadi buna íena lláviano uiñede, ie llaitáilliruimo nai dúciñena jira.

### *Cue jáillinomo jáinidíómoi*

<sup>21</sup> Jesús nane dáanomo íaíoiña daide:

—Cue jáitícue. Cuena jénoitíómoi, íadi omoi fiénidífue nai doñégamo tíitíómoi. Mei jii cue jáillinomo omoi jáinidíómoiza, —daide.

<sup>22</sup> Jira judíuai dani conímana daídíaíoi:

—¿Mei nibai afémie dama abi títaite, mei “Cue jáillinomo jáinidíómoi” afémie caina dáideza? —daídíaíoi.

<sup>23</sup> Jira Jesús íaíoiña daide:

—Omoi ana bebeco iédiómoi, mei íadi cue caifófeco ímiedícue. Omoi bie énie iédiómoi, mei íadi cue bie énie ímieñedicue.

<sup>24</sup> Ie jira omoi fiénidífue nai doñégamo tíitíómoi daídícue. Cue daina izói itímiedícuena omoi ínoñeniadi, omoi fiénidífue nai doñégamo tíitíómoi, —daide.

<sup>25</sup> Jira jicánotiaíoi:

—Mei ¿o búdio? —daídíaíoi.

Jira Jesús uai ote:

—Jaíai nanómona ómoímo llotícue.

<sup>26</sup> Cuemo aillo ómoíña cue daííllifuaí ite. Daje izói aillo ómoíña cue jenoda facállifuaí ite. Cue orédímie uáfueña daide. Afémiemona cue cacana izói bie énie comínina áfedo daídícue, —daide.

<sup>27</sup> Mei íadi Moodo íaíoiño Jesús úrillana figo cacáñediaíoi.

<sup>28</sup> Jira Jesús íaíoiña daide:

—Enie acónimo cuena caífo omoi raiñóadi cue daina izói itímiena ónoitíómoi, mei Nanoide hima Jitódícueza. Afe llezica dama cue comeci izói finófinidícueza ónoitíómoi. Dama cue Moo cuemo llogáfuaí daídícue.

<sup>29</sup> Cue orédímie jaca cue diga ite. Cue Moo dama cuena fiéñede, afémie ióbitadífuaína fínofiredícueza, —daide.

<sup>30</sup> Jesús daíí dánamona, aillo íena ínotiaíoi.

### *Juzíñamui jítóniaí fiénidífuedo jeruícamací baímo ñue itíaíoi*

<sup>31</sup> Afemona judíuaímona íena ínotínona Jesús daide:

—Cue ómoína dáinana omoi jaícina jeire oíadi, cue llófuegamacina uáfueña jáitiomoi.

<sup>32</sup> Ie mei uáfueña ónoitiomoi. Afe uáfuedo jéruiñegamacina íitiomoi, —daide.

<sup>33</sup> Afémaci ie uai otíaioi:

—Abraham iziedicai. Jaca ninomo buna jéruiñegamacidicai. ¿Nie izói, jéruiñegamacina íiticai, daidio? —daidíaioi.

<sup>34</sup> Jira Jesús daide:

—Uáfueña ómoína dáitiecue, nana fiénidifue finódimaci fiénidifuedo jeruícamaci.

<sup>35</sup> Jeruícamié ie naama izié diga jaca ínide. Mei íadi naama jitó aféziemo jaca jainaide.

<sup>36</sup> Daií mei Juziñamui Jitó jeruiñenafue ómoimo fecáadi, uáfueña jéruiñelliomoi.

<sup>37</sup> Abraham izié iédiomoi za ja onódicue; mei íadi cuena fáiacadiomoi, ómoína cue daínáfueña omoi llínoñena jira.

<sup>38</sup> Cue Moo cuemo ácataga raado úriticue. Omoi moo daína izói finófirediomoi, —daide.

<sup>39</sup> Jira uai otíaioi:

—Cai moo Abraham, —daidíaioi.

Mei íadi Jesús daide:

—Uáfueña Abraham jitóniaina omoi íadi, afémie finua izói fínoitiomoi.

<sup>40</sup> Mei íadi Moo Juziñamui cuemo lloga uáfueña ómoína cue daína íadi, nai cuena fáiacadiomoi. Abraham jaca daií finóñede.

<sup>41</sup> Omoi moo finua izói finódiomoi, —daide.

Jira afémaci daidíaioi:

—Jaca jiruírenamona jócoñegacai. Caimo daade moo illa, Juziñamui, —daidíaioi.

<sup>42</sup> Jira mei Jesús daide:

—Juziñamui uáfueña omoi módenia, cuena izíruitomoi, mei Juziñamuimona cue billa jira. Ua ie jira benó itiecue. Dama cue comeci izói biñédicue, mei íadi Juziñamui orécacue.

<sup>43</sup> ¿Nibái mei cue dáinana cacánidiomoi? Cue úrilla uaina cacáacañediomoi, jira onóñediomoi.

<sup>44</sup> Omoi moo Taife. Ie jira afémie iédiomoi. Afémie jitaina izói finóacadiomoi. Taife jaca nanómona fáfiredimie. Jaca uáfueño jaináñede. Jaca uafue daiñede. Táinofuiái afémie lloíadi, ie illa izói úrite. Afémie táinofuiáirede, ua táinofuiái moo.

<sup>45</sup> Mei íadi uafue daidícuemo cuena ínoñediomoi.

<sup>46</sup> ¿Omoimona bu cue fiénidifue jino due cíotarede? Uáfueña cue daíadi ¿nibái mei cuena ínoñediomoi?

<sup>47</sup> Juziñamui iédimie Juziñamui uáillaina cácafiredede. Mei íadi Juziñamui íeñediomoi, ie jira íena cacáacañediomoi, —daide.

### *Cristo Abraham nano jae itímie*

<sup>48</sup> Jira judíuai íena daidíaioi:

—Omo fiénide joreño íllana onódicaiza; íemo Samaria ímiena o íllana, onódicaiza, —daidíaioi.

<sup>49</sup> Jesús uai ote:

—Cuemo fiénide joreño jaca íñede. Cue finócafue cue Moomo ñúefueña nitade. Omoi cuemo ñúefueña nitáñediomoi.

<sup>50</sup> Cuemo ñúefueña nitállena jenóñedicue, íadi jíaimie ite cuemo ñúefueña nitállena. Afémie jenoda facade.

<sup>51</sup> Uáfuenta ómoína dáitícue, cue daínáfuenta jeire otímie jaca ninomo tíñeite, —daide.

<sup>52</sup> Jira judíuai uai otíaiói:

—Fiénide joríaí omo íllana ja uáfuenta onódicaí. Abraham jaiái tíide naa uai llóraini diga, niadi jíáfodo daidío: “Cue daínana jeire otímie jaca ninomo tíñeite.”

<sup>53</sup> ¿Uáfuenta caí moo Abraham baimo jáidío? Afémie tíide. Ua uai llóraini daje izói tíidiaíói. ¿O comécimo bu o íllana facádío? —daidíaíói.

<sup>54</sup> Jesús dinena íaíoi mo uai ote:

—Dama cuemo ñúefuena cue nitáadi, cue ñúefuena minícana ráifiñede. Mei íadi ñúefuena cuemo nitádimie cue Moo. Dáamiena omoi Juzíñamui daidíoi.

<sup>55</sup> Mei íadi íena onóñedi moi. Cue íena ua onódicue. Afémiena onóñedicue cue daíadi, omoi izói táinofuíairedimiena íitícue. Mei íadi íena uáfuenta onódicue. Ie daínana jeire otícue.

<sup>56</sup> O jaiáidígima Abraham cue illíruina cióacade áfemona ióbillena; áfena cióillano afémie iere ióbicaide, —daide.

<sup>57</sup> Jira judíuai Jesuna daidíaíói:

—Nai cincuenta fimona iñédío, ¿Nie izói “Abraham cuena ciode” daidío? —daidíaíói.

<sup>58</sup> Jesús uai ote:

—Uáfuenta ómoína dáitícue: Abraham nai iñeniadi cue itícue, —daide.

<sup>59</sup> Iemona nofíciaí llínota Jesumo nitáacadaíoi. Mei íadi afémie retáirillano gairíracomona jino jaide. Afémaci cigido jaillano finocaide.

## 9

### *Jesús uina cíoiñede jocócamie jíllotate*

<sup>1</sup> Afénodo jaillano, Jesús uina cíoiñede jocócamiena ciode.

<sup>2</sup> Ie llófuegamaci íemo jícanote:

—Llófueraíma, ¿nibái mei bie íima uina cíoiñede jococa? Nibái ie moo fiénidífuiaí ícoínia daí jococa. Nibái dama ie fiénidí fue finua ícoínia daí jococa. ¿Bífuiaímona ní fue uáfuenta? —daidíaíói.

<sup>3</sup> Jira Jesús daide:

—Dama ie ícoíniañedeza, jíái ie moo ícoíniañedeza. Mei íadi afémiemo Juzíñamui finóllí fue ñue jino ácatallena, daí íficaide.

<sup>4</sup> Nai monana llezica cue orédímie táijina fue cue finua jítaíredeza. Ja nauilla llezica buna táijinide.

<sup>5</sup> Nai bie éniemo cue illa llezica, énie comíni egáíñotímiedicueza, —daide.

<sup>6</sup> Afe daína méifodo, Jesús éniemo tuánote. Tuánogamona ja énie ídiaide. Afe tuánua ídiaidemonna ota, uina cíoiñedímie uimo bitade.

<sup>7</sup> Ie mei íena daide:

—Siloé jainoi ofillanomo jócuai, —daide. Afe Siloé mámece jino dobáiñua dibénedo “Orécanona” mameide.

Iemona uina cíoiñedímie ui jócuaide. Meine bítemo ja cíoiide.

<sup>8</sup> Iemo ie abi comíni, daje izói nauí uina ie cíoiñenana ciódino diga daidíaíói:

—¿Bímieñede, ní ráicana úcube jícafiredimíñede?

<sup>9</sup> Dáarje daidíaíói:

—Jíí, níimie.

Jíáimaci dinena daide:

—Ieñede, mei íadi afémiena eroide, —daidíaíói.

Mei íadi afémie dinena dama daí daide:

—Jii, niimedicue, —daide.

<sup>10</sup> Jira íemo jicánotiaioi:

—¿Nie izói ja ciódio? —daidíaioi.

<sup>11</sup> Jira afémie uai ote:

—Afe iima, Jesuna mámeciredimie, ídiaidino finuano cue uimo bitade. Bítanona daide: “Siloé jainoi ofíllanomo o ui jócuai.” Jócuaidicue. Iemona cue jócuaillamona ciódicue, —daide.

<sup>12</sup> Jira íemo jicánotiaioi:

—¿Ninomo afe iima ite? —daidíaioi.

Iaioina daide:

—Íco mei, —daide.

*Fariséuai jíllotaga uina cíoiñedimie mo jicánodoi diaioi*

<sup>13</sup> Iemo fariséuaimo nauí uina cíoiñedimiena uitíaioi.

<sup>14</sup> Jesús ídiaidino finuarui, afe ocózinaillarui. Aféruimo Jesús uina cíoiñedimie jíllotate.

<sup>15</sup> Fariséuai afe ímana nie izói afémie ui cíoinafue meine abido jicánotiaioi. Iemo afémie íaioina daide:

—Cue ui ídiaidínona bitade. Jira jócuaidicue. Iemona ja ciódicue, —daide.

<sup>16</sup> Jira fariséuaimona dáarie íena daidíaioi:

—Afefue finódimie, Juzíñamui ímieñede, ocózinaillaruína íñoñena jira.

Mei íadi jíaimíai daide:

—Afémie fiénidifue finóraima íadi, ¿nie izói bie cíofinina finócafue finoite? —daidíaioi.

Comini bózietaillamona

<sup>17</sup> meine nauí uina cíoiñedimie mo jicánuaidiaioi:

—¿O afémiena nie izói daidíoi, o ui cíotatimiena? —daidíaioi.

Jira afémie daide:

—Afémiena uai llóraima daidicue, —daide.

<sup>18</sup> Mei íadi judíuai afe uina cíoiñedimie mo finócafue na ínoiacañediaioi. Ie ja cíonafue na ínoiacañediaioi. Ie jira jíllotagamie móotíaina uáidotiaioi.

<sup>19</sup> Iemo jicánotiaioi:

—¿Afe nii be o jitó uina cíoiñede jocócamie ómicoi daína? ¿Nie izói mei birui ciode? —daidíaioi.

<sup>20</sup> Ie móotíai uai ote:

—Onódicaiza bie cai jitó; uina cíoiñede jococa.

<sup>21</sup> Mei íadi nie izói afémie como cíonana onóñedicaí. Daje izói bu ie ui jíllotana onóñedicaí. Afémie mo jícano. Jae eicómeza. Aféfuena onódeza. Afemona uai óite, —daidíailinoi.

<sup>22</sup> Ie móotíai daí íritiaillinoi judíuai jacínaillamona. Judíuai jae nana comini onótatíaioi. Daidíaioi:

—Nágamíai Jesús ua Cristo daínámiena mámeitimie Juzíñamui uai llófueriracomona jino jíuiticaí, —daidíaioi.

<sup>23</sup> Iemona móotíai daidíaioi, “Afémie mo jícano. Jae eicómeza.”

<sup>24</sup> Ie mei judíuai meine nauí uina cíoiñedimiena uáiduano daidíaioi:

—Juzíñamui uíécomo uáfue na caína daíri. Onódicaiza, bímie fiénidifuiaredimie, —daidíaioi.

<sup>25</sup> Afémie uai ote:

—Afémie nibai figora, nibai fiénidifuiaredimie onóñedicueza. Daa cue onóigafue. Nano fueñe uina cíoiñedimiedicue, mei íadi birui ciódicue, —daide.

<sup>26</sup> Nane dánomo íemo jicánuaidiaioi:



—¿Ñie izói ona ñete? ¿Ñie izói o finode o ui cíoilena? —daídíai.

<sup>27</sup> Jira uai ote:

—Jae omoi llotícue, íadi cuena íñoñediomoi. ¿Ñibái mei dáanomo omoi llotícue? ¿Omoi jái daje izói iedo jáiacadiomoi? —daide.

<sup>28</sup> Báíñuano íena daide:

—O bímiado jáidí, mei íadi Moisedo jáidícaí.

<sup>29</sup> Juzíñamui Moisedo úrillana onódícaí, mei íadi bie Jesús ninómona bite onóñedícaí, —daídíai.

<sup>30</sup> Jira afe íima uai ote:

—¡Bífue ñí cácafinina raa! Ie billánona onóñediomoi, íadi cuena ñue cíoitae.

<sup>31</sup> Fiéni dí fue fínofiredímacimo Juzíñamui cacáñede ñue onódícaíza. Iemo afémiemo íóbicaítadínomo cacáfírede, ie jítaínafue fínódímací díga.

<sup>32</sup> Jaca nanómona uina cíoiñede jocócamíe jíllotatímíe dáinana cacáñena.

<sup>33</sup> Bímie Juzíñamuimona bíñedeniadi, mínícana ñénide, —daide.

<sup>34</sup> Jira daídíai:

—O fiénidífuiamona jocócamíedio. ¿O caina llófueacadio? —daídíai. Ie jira íena jino jíúnotíai.

### *Joreño díbéfuiaina onóñedímací*

<sup>35</sup> Jesús uina cíoiñedímíe jino íai jíúnuana fídíde. Ie baillano íena daide:

—¿Juzíñamui Jitomo ínotío?

<sup>36</sup> Jira afémíe daide:

—Ocuíraíma, cuemo llone bu afémíena íemo cue íinolleza, —daide.

<sup>37</sup> Jira Jesús uai ote:

—Ja cíódíoa. Nímíedicue, o díga úrilla, —daide.

<sup>38</sup> Iemona afémíe Jesús anari ana dújuillanona daide:

—Ocuíraíma, ínotícue, —daide.

<sup>39</sup> Ie méifomo Jesús daide:

—Bie éniemo bitícue, jáícina jenoda facállena. Ua bitícue uina cíoiñedímíe eróillena. Dáanomo bitícue eróidíno uina cíoiñellena.

<sup>40</sup> Ie mei fariséuamona, Jesús díga ítínomona, dáamíerie afefue cacáillano íena jícánótíai:

—¿Meita caí uina cíoiñedínodícaí? —daídíai.

<sup>41</sup> Jira Jesús uai ote:

—Omoi uina cíoiñeniadi, omoi fiénidífuiái ícoí ííñeite. Mei íadi “Cíódícaí” daídíomoi jira omoi fiénidífuiái ícoí íte, mei joreño díbéfuiaina onóñediomoi za, —daide.

## 10

### *Ovejái cirínoraco caí onótate*

<sup>1</sup> Uáfueña ómoina dáítícue, ovejái cirínoraco nazedo jáíñedímíe ua meríriraíma. Enéfenemo táífodo tícaillano jofo jáídímíe ua merírífiredímíe.

<sup>2</sup> Mei íadi nazedo jofo jáídímíe ua úíñoraíma. Nímíe íe ovéjaína ñue uíñote.

<sup>3</sup> Naze tuiñóraíma naze tuiñode afémíe jofo jáíllena. Ie uaina ovejái onódíai. Ie ovéjaíai íai mámecido jírite. Daí cirínoracomona jino ófíregaiái.

<sup>4</sup> Nana íe ovejái jino óinana méifodo, íai uícode ífóicaide. Ovéjaíai íe óodana jáioicaíai mei íe uaina onódíai za.

<sup>5</sup> Mei íadi onóñegamíemo jáioicaíñedíai. Mei jíáfodo afémíemona níne botadíai, ónoñegamací uaina onóñena jira.

<sup>6</sup> Bie daje izoide ráfuedo Jesús íaioimo llófuete. Mei íadi daí daíacana uáina onóñediaioi.

*Jesús ñue ovéjaiai úiñoraíma*

<sup>7</sup> Iemona Jesús meine dáanomomo daízaide:

—Uáfuenta ómoína daíticue: Cue bie ovéjaiai jofo jaira nazédicue.

<sup>8</sup> Nana cue uícomo bitímaci meríriraíni daje izói bairóriraini. Mei íadi ovéjaiai afémacina náfueñediaioi.

<sup>9</sup> Cue nazénaza. Cuedo jofo jáidímie jíllobicaite. Afémie cirínoracomo jofo jaide, meine jino bite. Afe jofo jáitímie oveja izóidímiena iite. Ie güille raana báifrede.

<sup>10</sup> Meríriraíma fia merírizaíbite; fájaíbite, táinocaitajaíbite. Mei íadi cue biticue íaioi cáatallena, ua jamánomo íocire íaioi íllena biticue.

<sup>11</sup> Ñue ovéjaiai úiñoraímadicue. Afe ñue ovéjaiai úiñoraíma ovéjaiaímo ie cáallinona itátaite.

<sup>12</sup> Mei íadi fia íbaca úiñoraíma dama úcube llínollena tájide. Jico izoide bíllana afémie cióillano, ovéjaiai fíianona botade. Afémie botade uáfuenta úiñoraímañena jira; daje izói ovéjaiai íeieñena jira. Iemona jico izoide ovéjaiaína llaitade. Iemona nana jíáie ovéjaiai júdaízitiaioi.

<sup>13</sup> Bie íima botáfirede, daa fia íbállena tájideza. Ovéjaiaína nai lloñede. Iaioína duéruíñede.

<sup>14-15</sup> Cue bie ñue úiñoraímadicue. Cue Moo cuena onona izói daje izói cue Moona onódicue. Afe izói cue ovéjaiaína onódicue, ie izói afémaci cuena onódiaioi. Cue cáallino ovéjaiaímo íiticue.

<sup>16</sup> Jíáie ovéjaiai cuemo ite. Bie cirínoraco íeñede. Cue uaina cacáillanona jeire óitiaioi. Iemona daa cirínoraco íite, daje izói daa úiñoraíma íite.

<sup>17</sup> Cue Moo cuena izíruite, cue abí fécaillano meine cue llínua jira.

<sup>18</sup> Buna cue abí báiroñeite, mei íadi dama cue comeci izói fécaíticue. Cue áfena fecáredicue, ie mei meine áfena llínoredicue. Afe bie cue Moo cue ocuilla dieze, —daide.

<sup>19</sup> Judíuai afe uaina cacáillano bócoízitiaioi.

<sup>20</sup> Afémacimona aillo daidíaioi:

—¿Níbái mei uai jeire otíomoi? Afémiemo fiénide joríaí íllaza, íemo uáíritaide, —daidíaioi.

<sup>21</sup> Mei íadi jíáimaci daidíaioi:

—Fiénidena joríaíredímie jaca afe izói úrinide, —daidíaioi. Fiénide joreño uina cíoiñedímie uina cíoitánide.

*Judíuai Jesús llínoacañeno íena ruifíruitiaioi*

<sup>22</sup> Jae rozíruillarullai. Afe llezica Jerusalemo irázillafue finódiaioi, gairíraco Juzíñamuimo oni íficaillarui uibíñoicaillena.

<sup>23</sup> Jesús Salomón macáranodo gairíracomo macade.

<sup>24</sup> Judíuai Jesumo ífoina gairíllano daidíaioi:

—¿Nie dinó caina figo onótañeítio? O Crístodio raíre uáfodo caímo llone, —daidíaioi.

<sup>25</sup> Jira Jesús uai ote:

—Jae lloticue íadi cuena íñoñediomoi. Cue finócafuaí cue Moo ríinodo finódicue. Afedo ñue jino ácatagacue.

<sup>26</sup> Mei íadi cuena íñoñediomoi, cue ovéjaiaíñediomoíza. Afena nauí ómoína daidíicue.

<sup>27</sup> Cue ovéjaiai cue uaina onode. Iaioína onódicue, jira cuedo bitíaioi.

28 Zíiñona cáailino íaiommo fecádícue. Jaca afémacimona dáamie niné báizaiñeite. Buna cúemona íaiomona daa báiroñeite.

29 Afémaci cue Moo cuemo iga. Afémie jamánomoidimie. Nana baimo jáidimie. Buna cue Moo Juzíñamuimona afémacina bairónide.

30 Cue, cue Moo diga dáamiedicoco, —daide.

31 Iemona judíuai meine íena nofíciaina nitáacadiai.

32 Jira Jesús daide:

—Omoi eróicana diga ñúefuiaina cue Moo ríinodo finódícue. ¿Nifue ícoínia nofíciado cue níjitiomoi? —daide.

33 Jira judíuai uai otíai:

—Ñúefuiái o fínuamona ona níjiiñeíticai; mei íadi o uáillado Juzíñamuina báíñotio. Fia ímadío, mei íadi Juzíñamuina o abí maméacadio, —daidíai.

34 Jira Jesús daide:

—Omoi ocuínafuiaimo Juzíñamui daína jae cuega. Be níuai: “Omoi juzíñamuilladiomoi.”

35 Cuegáuai dáiñana jaca jáanonide, onódicaíza. Juzíñamui, ie uallai llínotimíiaina juzíñamuillaina mameide.

36 Juzíñamui jae cuena oni ífícaítajano bie éniemo cuena orede. Ua ie orécamedícue. Jira ¿nie izói dáítio “Juzíñamuina báíñotio” cue daíadi “Juzíñamui Jitódícue”?

37 Cue Moo finoca izói cue finóñenia, mai cuena omoi íinoñeno.

38 Mei íadi ie finócafue izói cue finóadi, mai aféfuíaina íno, omoi nai cuena íinoñenia. Afemona cue Moo cuemo íllana, jabe ónoítomoi. Daje izói cue, cue Moomo itícueza, ónoítomoi, —daide.

39 Meine maíáno íena uíacadiai, mei íadi Jesús oni fínocáide.

40 Ie mei Jesús Jordán ruicáfellemo meine jaide. Dinomo fiébide. Ua nauí Juan báutizonomo íte.

41 Aillo comíni íena eróizaidíai. Daidíai:

—Uáfuena, Juan cíofinina onótalle raa finóñede, mei íadi nana Juan bímieri daínafuiái uáfuiái, —daidíai.

42 Dinomo aillo comíni Jesuna ínotíai.

## 11

### *Lázaro tíide meine cáadimíena jaide*

1 Daa íima Lázaro íere irárena. Betania ímie. María ie ebuño Marta diga daje jófue mo itíai.

2 Afe María iráredimie Lázaro miríngo. Afe María nauí Jesús ídaimo ziórede cáiredíji totade. Tótanona ie ífóitido zafénaitade.

3 Ja biruí afe miríngo íaínguái uai Jesumo orede, Lázaro íere tíiacana jira: llote:

—Ocuíraíma, o nabai Lázaro irárede, —daide.

4 Jesús cacáillano daide:

—Afe duico títañeite, mei íadi jamánomo ñue Juzíñamui ebírenafue ácataite. Ie llezica afe duico Juzíñamui Jitó ebírenafue ácataite.

5 Marta ie ebuño ie íio Lázaro diga Jesús íaióna íere izíruite;

6 mei íadi Lázaro irárenafuena fidíillanona, Jesús raíre jáíñede; nai ménaruí ie illánomo íte.

7 Ie mei ie llófuegamacina daide:

—Meine Judéamo cai jai, —daide.

8 Jira llófuegamaci daidíai:oi:

—Llófueraíma, nano cómoicana Judíuai dino nofíciado o fáiacadiai:oi. ¿Nane meine afe diné jáiacadio? —daidíai:oi.

9 Jira Jesús ie tíllirui nai áinoziñenana onóillano, íai:oina onótatiuaido daide:

—¿Uáfueñede, naga mona doce horas ite? Come monari macáadi éicitaiñede. Bie éniemo ite egáíñuana ciode.

10 Iadi come naio macáadi éicitaide; aféniemo egáíñotinona iñédeza.

11 Ie mei Jesús nai úrite; íai:oina daide:

—Cai nabai Lázaro inídeza, mei íadi cazítaiticue, —daide.

12 Jira llófuegamaci daidíai:oi:

—Ocuíraíma, afémie iníadi ja jíllocaite, —daidíai:oi.

13 Mei íadi Jesús jíáifodo daiíacade, Lázaro tíide. Llófuegamaci comeci facade Jesús dánana fia ínia llote.

14 Jira Jesús jino uáfodo íai:oina daide:

—Lázaro ja tíide.

15 Ióbídicue afémie tíllanomo iñédicueza. Daií ómoimona ñuera, omoi íinollena. Mei íadi cai éroizailli, —daide.

16 Iemo Tomás, Guarámie maméidimie, jíáie llófuegamacina daide:

—Mai cai jai, afémie diga dáanomo cai tíilleza, —daide.

17 Jesús dúciillano como fidide Lázaro ja cuatro dígarui énie anamo ite.

18 Betania iere Jerusalén áinori ite, mena kilómetro átuedo izói.

19 Aillo judíuai jáidimaci Marta María diga uáiduaidiai:oi, íainguai íio tíllari. Iainguaimo fíraíbitia:oi.

20 Marta Jesús dúciana fidíillano afémiena jino cióizaide. Mei íadi María jofomo fiébide.

21 Marta Jesúna daide:

—Ocuíraíma, o nibai benó itíoniadi cue íio tííñede.

22 Mei íadi onódicue naga raa Juzíñamuimona o jícaadi afémie omo iite, —daide.

23 Jira Jesús daide:

—O íio meine cáaite.

24 Iemo Marta daide:

—Jíi, cue onódicueza tíidino cáadinona illíruimo, énie íirairuimo afémie meine cáaite, —daide.

25 Jira Jesús daide:

—Cue tíidino meine abido náidataraimadicue; cáadinona abido itátaraimadicue. Cuená íinotimie ie tíiadi meine cáaite.

26 Nana nai cáadino cuena íinoiadi jaca ninomo tííñeitia:oi. ¿O afefue íinotio? —daide.

27 Jira afengo daide:

—Jíi, Ocuíraíma, o Crístodio íinoticue. Juzíñamui Jitó ana éniemo bitímiedioza. Afena íinoticue, —daide.

28 Daií dáina méifodo, Marta ie ebuño María uáiduaide. Báinino aféngona daide:

—Llófueraíma benó ite. O jíiritade, —daide.

29 Afena cacáillano María raire náidacaillano Jesumo eróizaide.

30 Nai Jesús afe jófuego jofó jáíñede. Marta ie baizájillanomo nai ite.

31 Jofo ite judíuái afengo fíraidiaioi. Afengo náidacaillano, raíre jino jáillana judíuái cíoillano, aféngodo jáidiaioi. Afémaci comeci facádiaioi, afengo raiafo dínomo éeiaide.

32 Ie mei María Jesús illánomo dúcide. Dúciano afémie eiba abímo caíñícido dújuillano daide:

—Ocuíraíma, o níbaí benó itíonia cue íio tíñede, —daide.

33 Jesús María éeiana, naa aféngodo bitino judíuairi éeiana cíode. Cíuano afémie iere zúureficaide. Ie comeci docaide.

34 Jira jicánote:

—¿Nínomo omoi raíga?

Jira daidíaioi:

—Ocuíraíma, eróizaíbi, —daidíaioi.

35 Jesús eede.

36 Jira mei judíuái daidíaioi:

—¡Ero, níí afémiena izíruilla! —daidíaioi.

37 Iadi afémacimona dámie daide:

—Bímie uina cíoiñedimiena meine cíoitaraíma. ¿Nai afémiemo íñede ríino Lázaro tíitañeillena? —daide.

*Lázaro tíillamona meine abído cáadimiena jaide*

38 Jesús comeci meine iere docaide. Raíáfomo áínozide. Raiafo idu ana ifo. Ie jofo jáirano daa nofícina ibaica.

39 Jira Jesús daide:

—Nofici oni ono, —daide.

Tíidímie miríngo, Marta daide:

—Ocuíraíma, jae íáire jallede. Ráíamona cuatro dígarui íteza, —daide.

40 Jira Jesús daide:

—¿Nai ona daíñedícue, o íñoiadi Juzíñamui ebírenafuena cíoitio? —daide.

41 Iemona nofici oni otíaioi. Ie mei Jesús monamo érocaillano daide:

—Moo Juzíñamui, iere figora cuemo cacáreífiredio.

42 Onódícueza cuemo jaca cacáreídio. Mei íadi daí daídícue benó ite comíni ñúeillena, dajé izóí bimaci o cue óriana íñollena, —daide.

43 Daí dáina méífoto jírite:

—¡Lázaro, dínomona jino bí! —daide.

44 Tíidímie jino bite; ua onoi idai díga ferínoraroido maíáno jino bite. Uíeco íníroina ibaica díga bite. Jira Jesús íaíoiina daide:

—Zuíta, zúítanona íe ore, —daide.

*Jesús llaitállena jáícina maméritiaioi  
(Mt 26.1-5; Mr 14.1-2; Lc 22.1-2)*

45 Afedo aillo judíuáimona Jesuna íñotiaioi. Afémaci, María ícoínia bitino, Jesús finócafuena cíódímaci.

46 Mei íadi afémacimona dáamíerie fariséuáimo úrizaide. Ua Jesús finócafuíai íaíoiimo llujáide.

47 Iemona fariséuái, lletáriraini illaini díga gairídíaioi naa caifóidíllainiri. Daidíaioi:

—¿Níe izóí ñéitícaí? Bie íima aillo cíofínina onótalle raana finode.

48 Fia daí íena caí fáicanocaiadi nana íena íñoitiaioi. Iemona romano ríimaci caí gairíracó tánocaitaitiaioi naa caí náirairi, —daidíaioi.

49 Dáamíe íaíoiimona Caifás mámeciredímie. Afémie afe fimónamo lletáriraini illaíma. Afémie íaíoiina daide:

—Omoi minícana onóñediomoi.

<sup>50</sup> Daa iima comíniri tíia baimo jamánomo ñuera, nana nairai tíñeillena. Afefue nai figo fidíñediomoi, —daide.

<sup>51</sup> Mei íadi Caifás afefue dama ie comécido lloñede; mei jíáfodo afe fimónamo afémie lletáriraini illáimana illamona, Juzíñamui Joreño daináfuedo afemie daide: “Jesús judío náirairi tíizaite.”

<sup>52</sup> Ua dani afe náirairi tíñeite, mei íadi nana júdaizite Juzíñamui jitóniai dáanomo meine gairíllena tíizaite.

<sup>53</sup> Daií aféruimona judíuai ríimaci Jesús fállena maméritiaioi.

<sup>54</sup> Jira Jesús ja judíuai cígido uáfodo macáñede. Judea éñemona oni jaillano, táizici áinori ite jófuego mámece Efraín. Dinomo ie llófuegamaci diga fiébide.

<sup>55</sup> Judíuai pascua rafue áinozidemo aillo jofue comini Jerusalemo jáidiaioi, pascua uícomo comeci duáfuiái finóllena.

<sup>56</sup> Jaillano Jesús jénuaidiaioi. Gairíracomo íaioi illano conímamo jicánoidiaioi: —¿O nie izói daidio? ¿Afémie ráfuego biite? ¿Ñibai bíñeite? —daidiaioi.

<sup>57</sup> Fariséuai lletáriraini illaini diga jae ocuídiaioi: “Daa come Jesús illánona onóyadi lloíri,” ie cai llaitálleza, —daidiaioi.

## 12

### *Ringo Jesús jillaide*

(Mt 26.6-13; Mr 14.3-9)

<sup>1</sup> Pascua uícomo seis dígarui ítemo, Jesús Betániamo jaide, Lázaro illánomo. Lázaro ua tíidimacimona Jesús abido cáatagamie.

<sup>2</sup> Dinomo nauife güillafue finódiaioi Jesumo ñúefuiaina nitállena. Marta güille raizífirede. Güirábanimo ráicana Jesús diga güitino, Lázaro afémacimona dáamie.

<sup>3</sup> Iemo María litro átuedo zíoji cáiredena fáñegaji atide. Afeji jamánomo ráifide. (Afeji mámece nardo.) Atiano Jesús eiba emodo jillaide. Daií ñiano ifótido zafénaitade. Nana afece ero zúena oruíbicaide.

<sup>4</sup> Dinomo Judas Iscariote ráide. (Judas Simón jitó Jesús llófuegamacimona. Afémie Jesús éoidimacimo fécaitimie.) Afémie daide:

<sup>5</sup> —¿Ñibái mei trescientos dígabe fidi bie cáirediji fécañega, duéredino cai canoi daií? —daide.

<sup>6</sup> Mei íadi duéredimaci izíruillamona daií daiíñede. Mei íadi afémie meríriraíma. Nane íaioi úcubellu uícaifirede. Aféllumo jónega raana merífirede.

<sup>7</sup> Ie jira Jesús íena daide:

—Aféngona fáicanocai. Raiáfomo cue raillíruimo aféjina afengo éenote.

<sup>8</sup> Duéredimaci jaca omoi diga ífirede, mei íadi cue jaca omoi diga are íñeiticue, —daide.

### *Lázaro fállena maméritiaioi*

<sup>9</sup> Aillo judíuai Jesús Betániamo íllana fidídiaioi. Jira dinomo jáidiaioi dama Jesumo éroiñellena, mei íadi daje izói Lázaronna cíoillena, tíidimacimona Jesús abido cáatagamiena jira.

<sup>10</sup> Iemona lletáriraini illaini Lázaro fállena mamédiaioi.

<sup>11</sup> Ua Lázaro ícoiniadi aillo judíuai illáicomínimona jirecaillano Jesuna ínotiaioi.



*Jesús Jerusalemo ebire jofo jáillafue  
(Mt 21.1-11; Mr 11.1-11; Lc 19.28-40)*

<sup>12</sup> Pascua ráfue mo aillo comini Jerusalemo jáidiaioi. Ie méidiruido Jesús jófue mo dúcizaillana fididiaioi.

<sup>13</sup> Amena rafóruai jaitada jino Jesús uáiduidiaioi. Caillícana daidiaioi:  
—¡Juzíñamuina ebífue na daíri! ¡Juzíñamui mámece do bitímie caimare comuiri! ¡Israel Illaíma caimare comuiri! —daidiaioi.

<sup>14</sup> Iemo Jesús burro baillano afe emódomo ránade, jaíai Cuegáuai daína izói; be níuui:

<sup>15</sup> “Sión comini omoi jacíruiñeno.

Erocái, o Illaíma búrrodo ráicabite.”

<sup>16</sup> Nanómona ie llófuegamaci aféfuiaína cacáñediaioi. Ie méifodo ebírenafue Moo íemo nitaca mei, ie tíllanomoná meíne abido cáatalliruimo, nana afémieri Cuegáuaimo uíbicaidiaioi. Daje izói íemo daí finócafue mo uíbicaidiaioi.

<sup>17</sup> Lázaro jino raíáfomoná uáiduaruido aillo comini Jesúsóiri ite. Ua Lázaro tídimacimona abido cáanana ciódino afe íaioi ciónafue na llujidiaioi.

<sup>18</sup> Ie jira comini Jesuna caimare baizájidiaioi, afe cíofinina ie finócafue íaioi fidina jira.

<sup>19</sup> Jira fariséuai dani daidiaioi:

—Ja ciódiomoi, jaca nie izói ñénide. Erocái, nana comini íedo jáidiaioi, —daidiaioi.

*Dáarie griego imaci Jesús jenódiaioi*

<sup>20</sup> Rafue illa dino acádoillena Jerusalemo bitímaci cígimo dáarie griego ímiái ite.

<sup>21</sup> Afémaci Felípemo áinozidiaioi. (Felipe Galilea ímie; Betsaida jofue ímie.) Ainozillano íemo izire jicánotiaioi:

—O onógamie Jesuna cióiacadicaí, —daide.

<sup>22</sup> Jira Felipe Andrena daízaide. Iemo afe íaillinoi Jesumo llujjide.

<sup>23</sup> Ie jira Jesús ie abina úrillano daide:

—Nanoide Iima Jitomo ebírenafue na nitálliruimo ja dúcide.

<sup>24</sup> Uáfue na ómoína dáitícue, daa güiga raa ido éniemo ríñenia, tíñenia, jaca nai dáajina jóoide; mei íadi afeji ríllamoná tídena eroide zícua mona aillo aite.

<sup>25</sup> Daje izói dáamie ie cáaillinona dama íeiena rairuíadi, áfena féitaitaite, mei íadi dáamie ie cáaillinona bie éniemo jámairuíadi, áfena zíñona cáaillinomo éenoite.

<sup>26</sup> Dáamie cuemo jaináiacadímie cuedo jáirede. Cue illínomo dáanomo cuena jaináidímie iite. Dáamie cuemo jaináia, cue Moo afémiemo ñúefue na nítaite, —daide.

*Jesús ie tíllifue na jino llote*

<sup>27</sup> Jesús nai úrillano daide: Birui cue comeci iere llícitáide. ¿Nie izói cue daíri? ¿Nibai bie izói dáitícue: “Moo birui cuemo zuídífue mona cue jállota”? Mei íadi cue afe jira bitícue.

<sup>28</sup> Moo, o mámece mo ebírenafue na jóoneri, —daide.

Iemona monámona daa uai cácaide. Daide:

—Afena jae ebire ífícaitadícue. Iemo meíne dáanomo ebire ífícaitaitícue, —daide.

<sup>29</sup> Aféno mo ite comini áfena cacáillano daidiaioi:

—Mona giria, —daidiaioi.

Iemo jíáimaci:

—Juzíñamui abi ímie íemo úrite, —daidiaioi.

<sup>30</sup> Mei jira Jesús daide:

—Afe uai cuemo cácacaiñede. Omoimo cácacaide.

<sup>31</sup> Ja biruimo bie énie comini jenoda facátalliaioi. Jabe bie énie ocuídime jino dotácana iite.

<sup>32</sup> Enie acónimo titállena cue íaioi raiñolle llezica, nana dama cuemo cue atille, —daide.

<sup>33</sup> Afe dánamona, ie tílla izói onótate.

<sup>34</sup> Jira comini uai otíaioi:

—Cai ocuilla uai ciegánicodo caimo llófuega: “Cristo ziiñona iite.” ¿Nie izói daidio: Nanoide Hima Jitó titállena caifo raiñóbicaite? ¿Bu mei bie Nanoide Hima Jitona? —daidiaioi.

<sup>35</sup> Jira Jesús daide:

—Nai omoi cígiri egáiñotimiena izói nano íanori iticue. Bie cue egáiñuana ómoimo illa dino, mai cue llua izói omoi macari, jítiredino raire omoi éidafiñeillena. Jítinodo macádimie ie jáillana onóñede.

<sup>36</sup> Uzefomo ñno, nai ómoimo illa dino, egáiñogamacina daí omoi jáillena, —daide.

Afefue daína méifodo, Jesús afémacimona retáirizaide.

### *Judíuai Jesuna íñoñediaioi*

<sup>37</sup> Jesús íaioimo eróicana diga cíofininafuiaina finode. Mei íadi íena íñoñediaioi.

<sup>38</sup> Ua íñoñediaioi, jaiai uai llóraima Isaías Cuegáuai fuitállena. Isaías daide:

Ocuíraima, ¿bu cai úrillafue ínua?

¿Bumo Ocuíraima ie ríinona ácatate? daide.

<sup>39</sup> Daiítana jira ínonidiaioi. Ie emódomo jíáfodo Isaías cuete:

<sup>40</sup> Juzíñamui uina cíoiñedimacina íaioina finode.

Iaioi ifoci jáiaitate.

Daí finode uído cíoiñeillena,

daje izói ifócido ónoiñeillena.

Jira cuemo bínidimaci, íaioi cue jíllotallena.

<sup>41</sup> Isaías aféfuiai llote, mei afémie Jesús ebírenafuena cíodeza. Jira afémiedo úrite.

<sup>42</sup> Mei íadi aillo judíuaimona Jesuna ínotiaioi, illáicomini mona jíái dáarie. Mei íadi uáfodo lloñediaioi, fariséuaina jacíruillano gairíracomona jino íaioi óreñeillena.

<sup>43</sup> Comini ñúefuena íaioimo nítajana jamánomo gáidiaioi. Mei íadi Juzíñamui ñúefuena íaioimo nítajana jámairuitiaioi.

### *Jesús uaillai cominimo riire jicánoite*

<sup>44</sup> Jesús aillo uaido daide:

—Cuena ínotimie, dama cuena íñoñede, mei íadi daje izói cue orédimiena ínote. Ua cue Moona ínote.

<sup>45</sup> Cuena cíodimie daje izói cue orédimiena ciode.

<sup>46</sup> Cue egáiñotimiedicue. Ana bie éniemo biticue, cuena ínotino jítiredifomo fiébiñeillena.

<sup>47</sup> Dámierie cue uaina cacáadi íadi jeire ie óñeniadi, ie jicánoraimana íñeiticue. Cue bie énie cominina duere fínuaibiñedicue, mei íadi afémacina jíllotaibiticue.

<sup>48</sup> Cuena jámairuitimie, cue uaina jeire oñédimie ja ie duere fínoitimie ite. Cue daína uaillai íirairuillaido duere íena finótaite.

<sup>49</sup> Dama cue comeci izói úriñedicue. Moo Juzíñamui, cue orédimie cue dáinana llófuellena jae ocuide.

<sup>50</sup> Moo cuemo ocuícáfue ziiñona itátate. Afena onódicue. Jira mei, cue daina, jaca cue Moo cue ocuilla izói.

## 13

### *Jesús ie llófuegamaci idai jocode*

<sup>1</sup> Jae pascua rafue uicodirui. Jesús bie éniena ie fiénocaillana, ie Moo dine jáillirui áinozillana fidide. Ieiena éniemo itínona izíruite. Ua jaca fáicanocaiñeno íaióina izíruite.

<sup>2-4</sup> Taife jae Judas Iscariote comécimo Jesús fecállena lloste. Judas Simón jitó. Afe llezica Jesús Juziñamuimona bitimiena fidide. Daje izói Juziñamuimo meine jáillana fidide. Juziñamui nana rinona íemo fécajana Jesús onode. Ie mei güillano, güirábanimona náidacaillano jinóidicuiro duiñode. Dúñuano daa abi doraroi ciráigimo maitade.

<sup>5</sup> Ie mei jainoi icáifemo tótajano, ie llófuegamaci idai jócuaide. Daí ñiano, afe ciraiçi maitaca abi dorároido íaiói idai zafénaitade.

<sup>6</sup> Simón Pedro idai ie jócuilla llezica afémie Jesuna daide:

—Ocuíraima, ¿cue ídaina jócoitio?

<sup>7</sup> Jira Jesús uai ote:

—Birui cue finócafueña onóñedio, mei íadi fui ónoitio, —daide.

<sup>8</sup> Mei ie jira Pedro daide:

—Jaca ninomo cue ídaina jócoñeitio, —daide.

Jira Jesús íena daide:

—Ona cue jocóñeniadi, cuemo jáinaiñeitio, —daide.

<sup>9</sup> Jira Simón Pedro íena daide:

—Mai mei, Ocuíraima, daa cue idai jocóñeno, mei cue onoi, cue ifo diga jocori, —daide.

<sup>10</sup> Jira Jesús daide:

—Como nódimie daa ie idai jócuana dúide, abi nana dóina jira. Ja dogáomoi, mei íadi nánañede, —daide.

<sup>11</sup> Iena fécaitimiena onona jira, Jesús jae daide “Nana dóñegaomoi.”

<sup>12</sup> Íaiói idai jócua méifodo, Jesús ie jinóidicuiro meine jitade. Güirábani abimo ráinaillanona daide:

—¿Omoimo cue finócafueña onódiomoi?

<sup>13</sup> Omoi jae Llófueraimana, Ocuíraimana cue mamédiomoi. Daí ñue daidíomoi, níimiedicueza.

<sup>14</sup> Jae omoi Llófueraimadicue; jae omoi Ocuíraimadicue mei íadi omoi idai jocódicue. Afe izói dani conima idai omoi jocolle jitáirede.

<sup>15</sup> Jae ómoína finócafueña onótaticue, cue finua izói omoi finóllena.

<sup>16</sup> Uáfueña dáititue: Tájitatimie baimo jaide jaiénicina iñede. Daje izói orédimie baimo jaide orécamierna iñede.

<sup>17</sup> Aféfuiai omoi onóadi, íemona afe izói ñiano, íóbificaitiomoi.

<sup>18</sup> Omoiri nana úriñedicue. Cue nizécamacina onódicue. Mei íadi Cuegáuai daina ñue fuitállena jitáirede. Cuegáuai daide: “Cue diga güitímie jae cue ícidote.”

<sup>19</sup> Afefue uícomo ómoimo lloticue afe íficailliruimo Crístodicue cuemo omoi íinollena.

<sup>20</sup> Uáfueña ómoína dáititue, cue orécamierna líinotimie afe izói cuena líinote. Cuena líinotimie afe izói cue orédimienena líinote, —daide.

### *Jesús Judas ie fecállifue jino lloste*

(Mt 26.20-25; Mr 14.17-21; Lc 22.21-23)

- 21 Daií daina méifodo, Jesús jamánomo comeci zúucaide. Uáfodo jino llote:  
—Uáfuena ómoína dáitícue, ómoimona dáamie cue fécaite, —daide.
- 22 Ie jira llófuegamaci jiáimamo eróricaidiaioi, onóñegaza budo úrite.
- 23 Llófuegamacimona dáamie Jesús iere izíruigamie. Afe güilláruido Jesús abimo ráiide.
- 24 Simón Pedro íemo onócaido llote:  
—Mai Jesumo jícano, ¿budo úrite? —daide.
- 25 Jira jofo áinozillano Jesumo jícanote:  
—Ocuíraima, ¿bu llotio? —daide.
- 26 Jira Jesús uai ote:  
—Daa pánllicina cue riáitano afémiemo íitícue. Afe níimie, —daide.  
Iemona pánllicina riáitano Judas Iscariote, Simón jitomo fecade.
- 27 Afe pan Judas llínuamona, Taife ie comécimo jofo jaide. Mei jira Jesús daide:  
—O finóllifuenta raire fino, —daide.
- 28 Júdasna daií daináfuenta güirábanimo güitínomona buna aféfuena onóñena.
- 29 Ucubellu Judas uícaiga jira dáamierie comeci facádiaioi: Jesús daiíacade ráfuego jitailla raana íbajitade. Jiáimaci comeci facádiaioi, nibai duéredino úcube afémie íllena.
- 30 Afe pan güilla méifomo Judas jino jaide. Ja naiona.

### *Comue ocuúllafue*

- 31 Judas jino jailla méifomo, Jesús daide:  
—Jabe Nanoide íima Jitó ebírenafue ácatalle. Afe dainámiedicue. Iemo jiái jabe Juzíñamui ebírenafue iedo ácatalle.
- 32 Nanoide íima Jitó Juzíñamui ebírenafue ácataiadi, íbana ie Jitó ebírenafue Juzíñamui ácataite. Afena raire fínoite.
- 33 Cue izíruigamací, omoí diga ja are íñeitícue. Cuena jénoitiomoi. Mei íadi nauí judíuaina cue daina izóí biruí ómoína dáitícue: cue jáillinomo jáinidiomoi.
- 34 Bie comue ocuúcafue ómoímo llotícue: conímana omoí izíruiri. Cue omoí izíruilla izóí afe izóí conímana omoí izíruillana jitáirede.
- 35 Nana conímana omoí izíruia, nana comini cue llófuegamacidiomoi fídiitiaioi, —daide.

### *Pedro Jesuna jáanollifue Jesús uícomo llote (Mt 26.31-35; Mr 14.27-31; Lc 22.31-34)*

- 36 Ie mei Simón Pedro Jesuna jícanote:  
—Ocuíraima, ¿niné jáidío? —daide.  
Jira Jesús uai ote:  
—Cue jáillinomo biruí bínidío; mei íadi méifoidiruido cuedo bítío, —daide.
- 37 Mei ie jira Pedro daide:  
—Ocuíraima, ¿nibái mei biruí odo bínidícue? Ja finóbidícue o diga cue tíllena, —daide.
- 38 Jira Jesús uai ote:  
—¿Uáfuenta meita finóbidío cue diga o tíllena? Uáfuenta ona dáitícue: nai átava úriñeniadi, dacaiñoámani cuena jáanoitío, —daide.

## 14

### *Jesús, Moo Juzíñamuimo jaira io*

- 1 Omoí comeci zúucaíñeno. Juzíñamuimo ñno; daje izóí cuemo ñno.

<sup>2</sup> Cue Moo jofomo aillo illánuiái ite. Bifue táinofue íadi, raire ómoimo llóiticue; íadi jaca uafue. Mei jira omoi illino fínuaidicue.

<sup>3</sup> Omoi illino cue fínuailla mei, abido ómoína uáibitícue, cue illínomo dáanomo omoi íllena.

<sup>4</sup> Cue jáillinona onódiomoi afe io diga, —daide.

<sup>5</sup> Jira Tomás daide:

—Ocuíraíma, o jáillinona onóñedicaí. ¿Nie izói afe iona ónoiticaí? —daide.

<sup>6</sup> Jira Jesús uai ote:

—Cue iódicue. Cue uáfuedicue. Daje izói cue cáatatinodicue. Ie jira daa cuedo Moo illánomo dúcirediomoi.

<sup>7</sup> Cuena omoi onóíadi, daje izói cue Moona ónoitiomoi. Ja biruimo íena onódiomoi. Ja íena ciódiomoíza, —daide.

<sup>8</sup> Jira Felipe daide:

—Ocuíraíma, Moo Juziñamui caimo cíota. Afedo figo baite, —daide.

<sup>9</sup> Jira Jesús uai ote:

—Felipe, ja are omoi diga iticue, ¿nai cuena onóñedio? Cuena ciódimie daje izói cue Moona ja ciode. ¿Nibái mei Moona cíotalle cuemo jicádío?

<sup>10</sup> ¿Moomo cue íllana nai íinoñedio? ¿Daje izói cue Moo cuemo íllana íinoñedio? Nana cue daínáfuíai dama cue comeci izói daíñedicue. Cuemo ite Moo dama ie táijina finode.

<sup>11</sup> Cue Moomo cue íllana íno; afe izói Moo cuemo íllana íno. Ménaillinoi dáanomo itícocoza. Daí omoi ínoiacañenia cue finócafue íno.

<sup>12</sup> Uáfueña dáitícue: cuena ínotimie cue finócafue izói fínoite. Nane afe baimo aillo jíáfue fínoite, cue Moo illánomo cue jailla jira.

<sup>13</sup> Nana omoi cue mámecido jicaca raa fínoiticue, Moo ebírenafue ie Jitó ácatallena.

<sup>14</sup> Naga cue mámecido jicalle raana fínoiticue, —daide.

### *Jesús Ñuera Joreño oréllena uafue llote*

<sup>15</sup> Cuena omoi izíruia, mai cue ocuícáfuiái cacáfireiri.

<sup>16</sup> Iemo omoi canóraíma, omoi fíraraíma jícaíticue. Moo ómoimo íena oréllena íemo izire jícaíticue. Bítimie uafue Joreño. Afe Ñuera Joréñona jícaíticue omoi diga ninomo íllena.

<sup>17</sup> Enie imaci íena llínonidiaíoi, afémiena ciónidimaci jira; daje izói afémiemona ónoñedimaci jira. Mei íadi íena ja onódiomoi, omoi diga illa jira. Ua uire jaca ómoiri dájena íite.

<sup>18</sup> Omoína zóofeñeíticue. Abido bíticue omoi diga íllena.

<sup>19</sup> Nano nígarui íanori íllamona comini ja cuena cíoñeítiaíoi, mei íadi cuena cíoitomoi. Afe jira omoi cáaitiomoi, cue caana jira.

<sup>20</sup> Aféruído cue Moomo cue íllana ónoitiomoi. Daje izói cuemo omoi íllana ónoitiomoi; daje izói ómoimo cue íllana ónoitiomoi.

<sup>21</sup> Cue uaina onódimie, íemo jíái afe uaina jeire otímie uáfueña cuena izíruillana cíotote. Jira cuena izíruitimie cue Moo daje izói izíruite. Cue daje izói íena izíruiticue; ie mei afémiemo cuena cíotaiticue, —daide.

<sup>22</sup> Iemo Judas (íadi Iscarióteñedimie) íena daide:

—Ocuíraíma, ¿nibái énie comínimo ácatañeno, dani caimo o abina ácataitío? —daide.

<sup>23</sup> Jira Jesús uai ote:

—Cuena izíruitimie cue daínafue jeire ote, ie jira cue Moo íena izíruite. Afe llezica cue Moo cue diga bíticoco afémie diga íllena.

<sup>24</sup> Cuena izíruiñediñie cue dañafue jeire oñede. Omoi cacana úrillafue dama cúeiñede. Afefue Moo Juzíñamui, cue orédime ifue.

<sup>25</sup> Omoiri cue illa dino aféfuiaina ómoimo lloticue.

<sup>26</sup> Mei íadi Moo cue mámeçido Ñuera Joreño óreite, ómoína canóllena, ómoína fírallena. Nágañuaina omoi llófueite. Nana ómoína cue dañana úbicaitaite.

<sup>27</sup> Começi caimare uái illifue ómoimo fiédicue cue jailla jira. Cue começi caimare uái illifue ómoimo iticue, mei íadi énie comini começi illifue izóñede. Omoi começi zúucañeno. Jacíruiñeno.

<sup>28</sup> Jáiticue, cue dañana cacadiomoi. Daje izói meine bíiticue ómoiri cue íllena. Uáfueña omoi cuena izíruiña, cue Moomo cue jáillifue omoi fidínamona cáimacaitiomoi, mei afémie cue baímo illa jira.

<sup>29</sup> Jira áfena uícodo ómoimo lloticue, afefue fínuaruimo omoi íñollena.

<sup>30</sup> Omoiri ja aillo úriñeiticue, bie éniemo ocuídime ja billa jira.

<sup>31</sup> Mei íadi afémie cuena ocuínide. Daí írede, énie comini Moona cue izíruiñana íaiói onóllena. Daje izói Moo cue ocuilla raana cue fínuana ónoitaiói. Mai náidacai. Benómona cai jáilleza, —daide.

## 15

### *'Vid' daña jíricono izoide rao ícairuai rafue*

<sup>1</sup> Afe mei nane Jesús úrite; daide:

—Uafue 'vid' daña jírícue llizítate rao izóidicue. Cue Moo afe rao úiñotime.

<sup>2</sup> Llízíacañede rao ícairo jaitade. Nana llízíacade ícairo ie ícoi jáicoide, áfemona jamánomo llizíllena.

<sup>3</sup> Omoi cue llófuiafuedo jae ñue dóficaidiomoi.

<sup>4</sup> Mai cuemo dáanomo omoi jainairi ómoimo cue jainaina izói. Daa ícairo fia daingo llizínide. Daje izói cuemo dáanomo omoi jaináñenia, ñúefuiai omoi comécimona comúitanidiomoi.

<sup>5</sup> 'Vid' daña jírícue llizítate rao izóidicue; afe rao zitaca ícairuai izóidiomoi. Cuemo dáanomo jaináidime, íemo dáanomo cue jainaila llezica, ua jamánomo aite. Mei íadi cue iñédicuenia minícana finónidiomoi.

<sup>6</sup> Cuemo jaináñediñie jino faille. Fáiamona zafénaite, rao rábiai izói. Afémacina iraida iraimo jobaica.

<sup>7</sup> Cuemo ñue omoi jaináíadi, daje izói cue llogáfueña omoi féitañenia, o jitaiga raana jicari. Iemona áfena ómoimo íiticeza.

<sup>8</sup> Aillo llizilla izoide ñúefue omoi finóadi, cue Moomo ñúefueña nítaitio. Afedo cue uáfueña llófuegamacina omoi íllana ácataitiomoi.

<sup>9</sup> Cue Moo cuena izíruiña izói, afe izói ómoína izíruiticue. Omoína cue izíruiticeza; áfedo dñonomo omoi jairi.

<sup>10</sup> Cue ocuícafuina jeire omoi óiadi, daí cuedo izíruiñiomoi. Daje izói cue Moo ocuícafuina jeire oticue. Iemona afémiedo izíruiñicue.

<sup>11</sup> Cue daí úriticue cue dibéñedo caimare omoi íllena. Daí íóbillafueña orúbicaitiomoi.

<sup>12</sup> Bie cue ocuícafue: Omoína cue izíruiña izói naga come ie conímana izíruiñi.

<sup>13</sup> Dáame jamánomo izíruiñafuedo ie abi ie nabáñiaimo fecárede. Afe baímo iere izíruiñafue ñede.

<sup>14</sup> Cue ocuícafue omoi finóadi cue nabáñiaidiomoi.

<sup>15</sup> Ja jaiénicína ómoína mámeñeiticue, jaiénici ie ocuídime fínuafueña ónoñena jira. Cue nabáñiaína ómoína mamédicue, nana cue Moo cuena dañafuiai omoi cue onota jira.

<sup>16</sup> Omoi cuena nizéñediñie, mei íadi cue nizécamacidiomoi. Iemona ómoína ocuídicue, aillo llízíe izoide ñúefuina omoi finóllena. Afe llízíe are íllana



ocuídícue. Ie jira daí nana cue mámedido omoi jicaca raana cue Moo ómoimo fécaite.

<sup>17</sup> Jira bifue ómoína cue ocuállafue: Naga come ie conímana izírui, —daide.

*Enie comini Jesuna éoide ie comini diga*

Jesús nai úrillano daide:

<sup>18</sup> —Enie comini ómoína éoiadi, nano fueñe cuena íaiói éoillamo omoi uíbicaire.

<sup>19</sup> Enie comínina omoi íadi, afémaci íaiói comínina izíruilla izói ómoína izíruiíaiói. Mei íadi énie imácimona ómoína nizédícue. Ie jira énie imaci ómoína éoidiaíói, éniemo íaiói jainaina jira.

<sup>20</sup> Ómoína cue daináfue mo uíbicaire: “Nie jaiénici ocuídímie baimo iñede.” Cue duere finóllena íaiói racáoiadi, daje izói ómoína rácaitiaíói. Cue llófueinafue na jeire íaiói oiadi, ómoína jeire óitiaíói.

<sup>21</sup> Nana aféfuiaí cue ícoína ómoimo fínoitiaíói, cue orédímiena onóñena jira.

<sup>22</sup> Iaióimo úrizabiñedícuena íaiói ícoína iñede. Mei íadi birui íaiói fiénidí fue ícoína jae ite.

<sup>23</sup> Cuena éoidímie daje izói cue Moona éoide.

<sup>24</sup> Jaca bu jiáimie íaiói cígiri cue fínua izói finóñede; mei íadi afe jiáimie finófinide raana ja íaiói cígiri finódícue. Ie jira íaiói ícoína íteza. Mei uáfue na aféfuiaína ja cíodiaíói. Mei íadi afe emódomo cuena éoidiaíói. Afe izói cue Moona éoidiaíói.

<sup>25</sup> Afefue daí jaide, íaiói cuega ocuícáfuaí uai fuitállena. Afe Cuegáuai daide: “Nífueninanomona cuena éoidiaíói.”

<sup>26</sup> Mei íadi Móomona cue oréllímie, afe Ñuera Joreño bíadi, cueri úrite. Afe llezica ómoína cánuano náirecaítaite.

<sup>27</sup> Omoi daje izói cueri úritiomoí, nanómona cue diga omoi illa jira.

## 16

<sup>1</sup> Aféfuiaí ómoimo llotícue, fiénidífuemo omoi báiiñellena.

<sup>2</sup> Juzíñamui uai llófueriracomona ómoína jino dótaitiaíói. Ua uire jamánomo fiene illíruimo dúciite. Aféruillaído ómoína fáitimaci, “Ómoína fallífuedo Juzíñamui tájinana fínoíticai” daí daína ínoitiaíói.

<sup>3</sup> Aféfuiaína fínoitiaíói Moona jaca ninomo onóñena jira, daje izói cuena onóñena jira.

<sup>4</sup> Afena ómoína dáitícue, aféruillaí dúcillemo, cue daináfue mo omoi uíbicaillena, —daide Jesús.

*Ñuera Joreño finóllífuiaí*

Jesús nai úrillano daide:

—Aféfuena nanómona ómoimo lloñédícue, omoi diga cue illa jira.

<sup>5</sup> Mei íadi biruímona cue orédímie dinomo jáitícue. Ómoimona buna cue jáillinona jicánoñediomoí.

<sup>6</sup> Mei íadi bie cue ómoína daináfue iere zúucaidiomoí.

<sup>7</sup> Íadi uáfue na dáitícue: cue jaille ómoimona iere ñuera. Cue jáiñenia, ómoína canoda firaraima bíñeite omoi diga íllena. Mei íadi cue jaía íena óreitícue.

<sup>8</sup> Ie billíruído éniemo itino íaiói fiénidífuiaína uáfue na onótaite. Daje izói dama daa jaícina ñúefuedo cai jáilliona onótaite. Daje izói Juzíñamui íaióina duere finóllena onótaite.

<sup>9</sup> Afémaci fiénidífuiaíredímaci, cuena ínoñena jira.

<sup>10</sup> Afe jaícina jáilliona ónoitiaíói, Moo illánomo cue jailla jira. Afe cue jailla mei cuena cíñoñetiomoí.

11 Juzíñamui facátallifuenta ónoitiaioi, bie éniemo ocuídime jae duere finóbilla jira.

12 Cue ómoimo lloífuiiai nai aillo ite; mei íadi nai onónidiomoi, náinidiomoi.

13 Uafue Joreño bille llezica ómoimo nana uáfuiaina afémie llóite. Dama ie comeci jitaina izói úriñeite, mei íadi ie cacana izói dáite. Uire íitífuiaina ómoina onótaite.

14 Cúeiemona llínuano ómoina onótaite; onótamona ñúefuena cuemo nítaite.

15 Nana Moomo ite raa daje izói cueie. Ie jira dáitícue: Ñuera Joreño cúeiemona llínoite, áfedo aféfuena ómoina onótaite.

### *Zúurenafue cáimafuena méidolle*

16 Nano íanori íllemona cuena cíoiñeitiomoi. Mei íadi jabo bai diga iruillai íllamona, nane meine cuena cíoiñeitiomoi, mei cue Moo illa dine cue jáillaza, — daide.

17 Iemona ie llófuegamacimona dáarie jofo conímamo jicánote:

—¿Afe nie izói daináuai? Caina daide nano nie dino íllamona íena cíoiñeíticai. Ie mei nane caina daide, báifenemo diga iruí íllemona meine íena cíoiñeíticai, mei ie Moo illánomo ie jáillaza.

18 ¿Nie izói aféuai daide: “Nie dino íllamona?” Afémie nífuedo úriteza onóñeíticai, —daidíai.

19 Jesús íaioi íemo jicánoiacagafuena onóillano daide:

—Cue daidícue níe dino íllemona cuena cíoiñeitiomoi. Nane ie baimo diga iruí íllemona meine cuena cíoiñeitiomoi. ¿Afefue conímamo jicánotiomoi?

20 Uáfue dáitícue: omoi éeitiomoi. Zuure íitiomoi; mei afe llezica énie comini caimare íitiaioi. Mei íadi omoi zúunaillafue cáimafuena méidoficaite.

21 Ringo úrue jocóacania izínaillari zúucaite, afengo izínaillaruimo dúcida. Mei íadi úrue jócu méifodo afe izírenamo uíbicañede, úrue éniemo jocóinari ie ióbilla jira.

22 Daí birui omoi izire zúucaitiomoi. Mei íadi ómoimo cíozaiñeíticue. Iemona omoi coméciai cáimafuena óruite. Afe cáimafuiiai bu ómoimona báiroñeite.

23 Aféruído minícana cuemo jicanoñeitiomoi. Uáfue ómoina dáitícue, nana cue mámecido omoi jicaca raa, cue Moo ómoimo fécaite.

24 Biruimo cue mámecido minícana nai jicáñediomoi. Mai jica omoi llínollena, áferi comeci cáimafuena oruíbicaillena.

### *Jesucristo, Juzíñamuina éoidinona anáfenodime*

25 Bífuiiai aillo daje izóidífuiaido ómoimo llotícue, mei íadi daruina daje izóidífuiaido ómoimo úriñeíticue. Aféruimo ja ánozide. Aféruído uáfodo Moodo ómoimo úritícue.

26 Aféruillaído omoi cue mámecido jicaitiomoi. Moomo ómoiri izire cue jicállena daíñeíticue,

27 mei dama Moo ómoina izíruilla jira. Iemo jíai cuena omoi izíruilla jira, ómoina izíruite. Moo dinena cue bíllana omoi ínua jira, afémie ómoina izíruite.

28 Moo illánomona billano bie éniemo bitícue. Birui énie fiénocaillano meine Moo diné abido jáitícue, —daide.

29 Jira ie llófuegamaci daide:

—Ja birui daje izóidíuaido daíñeno, jino uáfodo úritio.

30 Birui naga rafue o onóigana onódicai. Ja jíaimie omo llúana jitáñede. Mei jira Juzíñamuimona o bíllana ínnoticai, —daidíai.

31 Jira Jesús uai ote:

—¿Birui cuemo ja daí ínnotiomoi?

<sup>32</sup> Omoi enénorie júdaizilliruimo áinozide. Ja birui aferui. Omoimona nágamie oni eneno júdaizite. Dama cuena fiénocaitiomoí. Mei íadi damañedicue, cue Moo cue diga illa jira.

<sup>33</sup> Nana bífuiaí ómoimo llóitícue, cuemo ínuano omoi comeci uái íllena. Afe bie éniemo duere zéfuitiomoí. Mei íadi, jabí omoi mameri! Ja Juzíñamuina éoidinona anáfenodimiedicueza, —daide.

## 17

### *Jesús ie llófuegamaciri Juzíñamuimo jicade*

<sup>1</sup> Aféfuiaí daína méifomo, Jesús caifo monamo érocaillano daide:

—Moo, cue írairuimo ja dúcide. O Jitomo ñúfuena nitari, afe izóí o Jitó omo ñúfuena nítaiteza.

<sup>2</sup> Aillo ríino o Jitomo jae o iga, nana comini náamatalena; daje izóí nana cuemo igámacimo zíiñona cáaillinona íaioimo cue íllena.

<sup>3</sup> Zíiñona cáaillino comini ona íaioí onónamona llínotiaioí. O dama uafue Juzíñamuidio. Daje izóí zíiñona cáaillino, o orécamié Jesucristo íena onónamona llínotiaioí.

<sup>4</sup> Bie éniemo cue illa llezica ebírenafue jae omo nitádicue. Cuemo o ocuícáfue jae fuitádicue.

<sup>5</sup> Moo, nauí o diga cue illáruimo cue ebírenafue dájena birui o uícori meine cuemo ine. Afe ebírenafue nai énie íñena llezica nauí cuemo ite.

<sup>6</sup> Enie imácimona doce dígamie otio cuemo íllena. Afémacina búdioza jae onótaticue. Afémaci óie. Cuemo o igano. O úrilla uaina ínotiaioí.

<sup>7</sup> O nana cuemo igáfuiáí ómona bitífuiaina onódiaioí.

<sup>8</sup> Jira o cuemo iga úrilla uai bimácimo llotícue. Aféfuena jeire otíaioí. Uáfuenta ómona cue bíllana onódiaioí. Daje izóí o cue óriana ínotiaioí.

<sup>9</sup> Afe cuemo o igámaciri izire jicádicue. Enie imáciri izire jicáñedicue. Dama cuemo o igámaciri izire jicádicue, ómacina jira.

<sup>10</sup> Nana cueie óie diga. Afe íbana nana óie cueie. Afémacimona cue ebírenano ácataficaide.

<sup>11</sup> Cue ja éniemo fiébiñeiticue; mei íadi afémaci afe éniemo fiébitiaioí. Cue o diga íllena jáitícue. Jamánomo ñuera Moo, cuemo o igano o ríinodo uíñori, nana dájena cuemo ñue jaináillena, omo cue jainaina izóí.

<sup>12</sup> Bie éniemo afémaciri cue illa llezica, o ríinodo íaioina úiñoidicue. Iaioí abi ríidotícue. Iaioimona buna féiraiñede. Mei íadi dáamie jaca féiraitimie, Cuegáuai fuitállena. Afémie nanómona féiraitimie.

<sup>13</sup> Jabe o illánomo jáitícue. Mei íadi nai éniemo cue illa dino aféfuiaína llóllodícue, cuemo ite íóbillafue afe izóí afémaci ñue íóbicaillena.

<sup>14</sup> O úrilla uai íaioimo iticue, mei íadi énie imaci íaioina éoidiaioí, énie imáciñena jira. Daje izóí cue jíai énie ímieñedicue.

<sup>15</sup> Eniemona íaioí o óllena jicáñedicue, mei íadi Taifémona íaioí ríidollena jicádicue.

<sup>16</sup> Enie ímieñedicue; afe izóí énie ímaciñediaioí.

<sup>17</sup> Iaioina uáfuedo dama óiena rairuiri. O úrilla uai uafue.

<sup>18</sup> Enie imaci cígimo cue o ória izóí, daje izóí énie imaci cígimo íaioina orédicue.

<sup>19</sup> Afémaci ícoina cue dama abi rairuídícue. Daíí finódicue, uafue uaido afémaci daje izóí íaioí rairuíllena.

<sup>20</sup> Daa afémacimo omo izire jicáñedicueza, mei íadi bimaci úrilla uaina cacáillano cuemo ínotinomo izire jicádicue.

<sup>21</sup> Nana afémaci dájena jaináillena omo jicádicue. Ua Moo, afémaci dájena cócomo jaináillena jicádicue. Uáfuenta o cuemo itio, nane uáfuenta cue omo iticue. Afe izói íaioi cócomo íllena jicádicue. Afémaci dájena jainaille jitáirede, énie comini cue o óriana íinollena.

<sup>22</sup> Cuemo o iga ebíredifue izói, afémacimo jae cue iga, dájena íaioi íllena, o diga dájena cue illa izói.

<sup>23</sup> Afémacimo cue íllena jicádicue, nane o cuemo íllena jicádicue, nana afémaci dájena íficaillena. Daií íaioi íllena jitáirede, énie comini cue o óriana fidíillena. Nane áfedo énie comini cuena o izíruilla izói, bimácina o izíruillana ónoitiaioi.

<sup>24</sup> Moo, bimaci cuemo itio. Cue illínomo cúeoiri íaioi íllena jitáidicue, cuemo o iga ebíredifuenta íaioi cíoillena. Nai énie fínoñenia uícomo cuena izíruitio.

<sup>25</sup> Moo, jaícina ñue jónetimiedio. Enie comini ona onóñediaioi, mei íadi cue ona onódicue. Bimaci cue o óriana onódiaioi.

<sup>26</sup> Búdio, jae íaioina onótaticue; íemo nai onótaoicaiticue, o cuena izíruilla íaioi comécimo fiébillena; daje izói cue dama afémacimo fiébillena, —daide.

## 18

*Jesús maiano úinafue*

*(Mt 26.47-56; Mr 14.43-50; Lc 22.47-53)*

<sup>1</sup> Aféfuiai daína méifodo, Jesús ie llófuegamaci diga jino jaillano Cedrón illétue ruica jáidiaioi. Dinomo ite ocózinairabirimo jofa jáidiaioi.

<sup>2</sup> Judas afébirina onode, Jesús ie llófuegamaciri, diga ícaño afénomo gáirifirena jira.

<sup>3</sup> Jira dinomo Judas fuiríraini diga dúcide. Afe llezica dáarie gairíraco llaizíraini Judas jicácamací bitíaioi. Afémaci fariséuaimona lletáiriraini illáinimona oreca. Lloéfaillai diga jacire abi mamédiaioi. Unéraruairi bitíaioi, daje izói lámparaiairi.

<sup>4</sup> Mei íadi Jesús afémiemo fínuailifuena onóillano, jino billano íaioimo jicánote:

—¿Bu jenódiomoi? —daide.

<sup>5</sup> Jira afémaci uai ote:

—Jesús, Nazaret ímie jenódicaí, —daidíaioi.

Jesús uai ote:

—Níimiedicue, —daide.

Afe llezica éoidimacimo fecádimie, Judas dinomo afémaciri ite.

<sup>6</sup> Jesús “Níimiedicue” daína llezica, jinófecaíñona éniemo baíidiaioi.

<sup>7</sup> Ie mei Jesús dáanomo nane jicánote:

—¿Bu jenódiomoi? —daide.

Jira afémaci:

—Nazaret ímie, Jesús, —daidíaioi.

<sup>8</sup> Mei jira Jesús daide:

—Jae níimiedicue daidicue. Cue omoi jenóadi, bie jiáimaci fáicanocai íaioi jáilleza, —daide.

<sup>9</sup> Afe daií daide Jesús dama ie dainafue fuitállena. Afe dainafue llote: “Cue Moo cuemo igámacimona buna dáamie féiraiñede.”

<sup>10</sup> Iemo Simón Pédro daa lloefai ite. Otá Malco daínámie jefo nabefo ñetade. Malco lletáiriraini illaíma jaíénici.

<sup>11</sup> Jira Jesús Pédrone daide:

—O lloefai ie icomo abido meine joone. ¿Cue Moo cue duere zefuítajana llínoñeiticueza, daií o comeci facádio? —daide.

*Lletáriraini illaíma uícomo Jesús uitíaiói*  
(Mt 26.57-58; Mr 14.53-54; Lc 22.54)

<sup>12</sup> Ie mei fuiríraini íaiói ocuíraíma diga Jesuna llaítádiaíói. Nana bimaci judíuai llaízíraini diga Jesús maíáno oni uitíaiói.

<sup>13</sup> Ie meífomo Anás jofomo íena uitíaiói. Anás Caifás jífai. Afe fimona llezica Caifás lletáriraini caifóidillaíma.

<sup>14</sup> Bie Caifás nauí judíuaina bie izói daidímie: “Daa come nana cai nairai ícoínia tíllena cai baimo ñue jaide.”

*Pedro Jesuna jáanote*  
(Mt 26.69-70; Mr 14.66-68; Lc 22.55-57)

<sup>15</sup> Simón Pedro jíáie llófuegamie diga nai Jesudo jaide. Jíáie llófuegamie lletáriraini caifóidillaíma onóigamie. Jira caifóidillaíma jofó íbírimo afémie jofó jaide Jesús diga.

<sup>16</sup> Mei íadi Pedro jino naze fuemo fiébicaide. Ie jira lletáriraini caifóidillaíma onoíga llófuegamie jino jaillano, naze úíñoraímamo jícanuaide Pedro jofó oréllena.

<sup>17</sup> Iemo naze úíñoraíma Pédro mo jícanote:

—¿O báimie llófuegamieñedio? —daide.

Pedro uai ote:

—Jíí, cúñede, —daide.

<sup>18</sup> Aféruído rozírena jira, jaiénizai llaízíraini diga irai bonódiaíói. Díno mo naidáillano irai fuemo agáidiaíói.

*Lletáriraini caifóidillaíma Jesumo izire jícanote*  
(Mt 26.59-66; Mr 14.55-64; Lc 22.66-71)

<sup>19</sup> Lletáriraini caifóidillaíma Jesumo jícanuailano daide:

—¿Nímaci o llófuegamacina? ¿Nífuíaina llófuetío?

<sup>20</sup> Jira Jesús daide:

—Cue nana comíni uícomo uáfodo úritícue. Juzíñamui uai llófueriracuaimo jaca llófuefiredícue. Daje izói Juzíñamuimo gairíracomo llófuefiredícue. Jaca afénomo judíuai gairífirediaíói. Daí báníno nífuena lloñédícue.

<sup>21</sup> ¿Níbái mei cuemo jícanotíomoi? Cue uaimo cacádnomo jícano. Afémacimo cue dáinana jícano. Cue íaíoiina dáinana onódiaíoiiza, —daide.

<sup>22</sup> Jesús daí dáina llezica, daa díno ite gairíracó llaízíriraíma Jesús uieco pútanona daide:

—¿Níbái daí lletáriraini caifóidillaíma uai otío? —daide.

<sup>23</sup> Jira Jesús uai ote:

—Fíénidífue cue lloía, áfena cuemo llone; mei íadi cue dáina uai ñuera íadi, ¿níbái mei cuena putáío? —daide.

<sup>24</sup> Iemona Anás Caifamo íena maitá orede. Caifás lletáriraini caifóidillaíma.

*Pedro nane dáanomo Jesús jáanote*  
(Mt 26.71-75; Mr 14.69-72; Lc 22.58-62)

<sup>25</sup> Due jiza bai jáidemo, Pedro nai náidaillano irai fuemo agaide. Afénomo itino íena daidíaíói:

—¿O báimie llófuegamaci iéñedio? —daide.

Pedro jáanuano daide:

—Jíí, iéñedicue, —daide.

<sup>26</sup> Díno mo Pedro jefona jaitácamié come ite. Afémie jíáie lletáriraini illaíma jaiénici. Afe íima Pédro mo jícanote:

—¿Báimie diga díno mo ocózinairabírimo ona cíóñedicue? —daide.

<sup>27</sup> Pedro dáanomo nane jáanote. Afe llezica átava úrite.

*Jesús Pilato uícomo uiga**(Mt 27.1-2, 11-14; Mr 15.1-5; Lc 23.1-5)*

<sup>28</sup> Iemona Caifás jofómona oni romano jabóidillaíma áillocomo Jesuna uitíaíoi. Ja monáiacademo. Judíuai jofo afécomo jáiñediaíoi, íaiíoi íaicaiñellena. Mei íaicagamací páscuamo güilláfuena güínidiaíoi.

<sup>29</sup> Ie jira Pilato jino íaiíoi mo úrizailano daíde:

—¿Mínica ícoínia bímiemo nitáíoi moí? —daíde.

<sup>30</sup> Jira afémaci uai otíaíoi:

—Afémie fiénidímiñedena omo izájíñedícaí, —daídíaíoi.

<sup>31</sup> Jira Pilato daíde:

—Iena omoí úí. Omoí ocuícáfue izóí afémie omoí ríire jicánori, —daíde.

Judíuai ie uai otíaíoi:

—Cai judíuaidícaí, daní buna titánidícaí, —daídíaíoi.

<sup>32</sup> Daí Jesús ie tízaillinona daína izóíduai fuitade.

<sup>33</sup> Pilato áillocomo jofo meine jaide. Jaillano Jesús jírrillano jicánote:

—¿O nñi judíuai illáimana? —daíde.

<sup>34</sup> Jira Jesús daíde:

—¿Afefue dama o comeci jítaina izóí jicánotío? ¿Níbai jíáimaci cueri ona daína jicánotío? —daíde.

<sup>35</sup> Jira Pilato úrite:

—¿Cuena judío daídío? O náiraimona lletáriraini illaini cuemo ona fecádiaíoi. ¿Mínica ñetío? —daíde.

<sup>36</sup> Jira Jesús uai ote:

—Cue illáimana illano bie énie íeñede. Daí ítenia cuedo jáicadino nia fuirídiaíoi, cuena judíuaimo fécañellena. Mei íadí cue illáimana illano benó íeñede, —daíde.

<sup>37</sup> Jira Pilato daíde:

—¿Jñi, o daí illáimadío? —daíde.

Jira Jesús uai ote:

—Illáimadicue, o daína izóí. Cue, bie éniemo jéiciaíbigacue uafue uai llóllena. Nana uáfue mo cacáfiredino, cue dánana cacádiaíoi, —daíde.

<sup>38</sup> Jira Pilato jicánote:

—¿Mínica uafue uaina? —daíde.

*Jesús tíllinomo maméritiaíoi**(Mt 27.15-31; Mr 15.6-20; Lc 23.13-25)*

Afe jicánua meífodo, Pilato meine jino judíuaimo jaillano úrizaide. Iaiíoi na daíde:

—Jaca nífuena bie ímamo baiñédicue.

<sup>39</sup> Mei íadí ómoímo cue fínofíregafue ite. Naga pascua ráfue mo ómoíri daa maígámie zuitáfiredicue; mei jira ¿judíuai illáimana ómoíri cue zuitállena jítaíoi moí? —daíde.

<sup>40</sup> Iemona nana meine caillíoidiaíoi:

—¡Afémiena zuitáñeno iri! ¡Barrabás zuitari! —daídíaíoi. Afe Barrabás meríriraíma.

**19**

<sup>1</sup> Ie mei Pilato Jesús llínuano zechétatade.

<sup>2</sup> Iemo fuiríraini ífo icuífoí eegi nínacuífoí Jesumo jítaíoi. Afe llezica ráfide illaíma iníroi na íemo jítaíoi.

<sup>3</sup> Daí ñiano íemo ánozillano, báíñuano daídíaíoi:

—¡Judíuai illaíma, are íi! —daídíaíoi.



Iemona ie uíeco fácoidiaioi.

<sup>4</sup> Pilato meine jino billano daide:

—¡Bímiemo eroi! Afémiemo nífuena baiñédicue. Ie jira jino bené cue ógaza, aféfuena omoi onóillena, —daide.

<sup>5</sup> Jesús eegi icuifoí ifomo jíinari jino bite. Ráifide illaíma iníroina jitaca naari jino bite. Jira Pilato daide:

—¡Benó afe íima ite! —daide.

<sup>6</sup> Afémie cióillano, lletáriraini illaini, llaíziraini diga caillíoidiaioi:

—¡Ie corai! ¡Ie corai! —daidíaioi.

Iemo Pilato daide:

—Mai íena uillánona omoi corai, mei íadi afémiemo fiénidífueña baiñédicueza, —daide.

<sup>7</sup> Mei ie jira judíuai uai otíaioi:

—Caimo ite daa ocuica uai. Afedo afémie tíllena jitáirede, dama “Juzíñamui Jitódicue” ie daina jira, —daidíaioi.

<sup>8</sup> Afena cacáillano Pilato jamánomo jacínaifcaide.

<sup>9</sup> Aillocomo nane jofo jaillano Jesumo jicánote:

—¿O ninó ímiedio? —daide.

Mei íadi Jesús jaca uaina oñede.

<sup>10</sup> Jira Pilato daide:

—¿Cue uaina fairíoñedio? ¿Cuemo ite o tílle ríino onóñedio? ¿Cuemo ite o zuitalle ríino onóñedio? —daide.

<sup>11</sup> Jira Jesús uai ote:

—Juzíñamui omo íñenia, o cue ocuille ríino íñede. Ie jira omo cue fecádino o jinomo afémaci íaifueredino, —daide.

<sup>12</sup> Afe llezícama Pilato, “Nie izóí Jesús cue zuitalle” dainano, áfena jenode; mei íadi judíuai caillíoidiaioi:

—Afémie o zuitáadi, romano jamánomoidillaímamo nábairiñeitio. Naga illáimana íacadímie caifóidillaíma dibénedo éoidimíena jáite, —daidíaioi.

<sup>13</sup> Mei jira áfena cacáillano, Pilato Jesuna otátate. Ie mei comíni riire jicánoranomo Pilato ráinazaide. Afeno hebreo imaci uaido Gabátana mameide. Jiáimaci daina Empedrado, mei nófiaí ie finoina macáranona íllaza.

<sup>14</sup> Jae pascua uícodirui jaíciri ítemo. Jira Pilato judíuaina daide:

—¡Benomo o illaíma ite! —daide.

<sup>15</sup> Mei íadi afémaci caillíoidiaioi:

—¡Dama tíideza, oni ui! ¡Iena corai! —daidíaioi.

Jira Pilato íaioina daide:

—¿Omoi illáimana córaiticue? —daide.

Jira lletáriraini illáicomíni uai otíaioi:

—Jíáie illáimana caimo íñede; dama romano jamánomoidillaíma, —daidíaioi.

<sup>16</sup> Afemona Pilato íena íaioimo ite, afémíena coráillena. Mei jira íena uitíaioi.

### *Coráinafue*

*(Mt 27.32-44; Mr 15.21-32; Lc 23.26-43)*

<sup>17</sup> Iemo Jesús jino jaide. Ie coráillibíci rocáoicaide Calavéramo; afe daiíacade come ifócorai. Hebreo imaci uaido daina Gólgota.

<sup>18</sup> Afénomo íena coráidiaioi. Afe llezica nágafene jíáimie íaillinoi coráidiaioi; Jesuna cígiide.

<sup>19</sup> Pilato afémie mámece íbícimo cuetá ie coráinabícimo jóonetade. Afébicimo cuega daide: “Jesús Nazaret Imie, Judíuai Illaíma.”

<sup>20</sup> Aillo judíuái afe cuegábici facádotiaioi, Jesús coráinano jofue áinori illa jira. Afébicí daámani comíni uáillaído cuega, hebreo, griego, latín diga.

<sup>21</sup> Ie jira judíuái lletáriraini illaini Pilátona daide:

—Judíuái illaíma daíí cueñoeno. Mei íadi “Judíuái illáímadicue daídímie” daíí cúeiri, —daídíaioi.

<sup>22</sup> Jira Pilato uai ote:

—Jae cue cuegáuai, dama daíí ite, —daide.

<sup>23</sup> Fuiríraini Jesús coraía mei, ie inícuíro llínuano cuatro fidi tizáruano fecádiaioi. Afe izói ie caifóferoi llínuano “Iere ñúeraroi,” daídíaioi. Ua aferoi dájena tifoca, zotáinanona iñede. Caifona aná fuizájide.

<sup>24</sup> Jira fuiríraini conímana daídíaioi:

—Dama ite, cúatañeíticai. Bai ñue onótarají cai dotalle bumo júiteza, —daídíaioi.

Daíí Cuegáuai daina fuitátatiaioi. Aféuái daide: “Cue inícuíro daní fecádiaioi. Afemo onótarají dotádiaioi.” Jira mei fuiríraini daíí finódiaioi.

<sup>25</sup> Jesús coráinabicí áinomo ie ei ite afengo ebuño diga. Dáanomo Cleofas ai, María ite, María Magdalena ingo diga.

<sup>26</sup> Jesús ie eina cióillano, iere izíruíga llófuegamie diga, ie eina daide:

—Ei, batí o jítóna como maméidímie ite.

<sup>27</sup> Iemo afe llófuegamiena íbana daide:

—Afénomo o eina como maméidíngo ite, —daide.

Mei aféruíllaido afe llófuegamie afengo ie jofomo ñue llínote.

### *Jesús tíllafue*

*(Mt 27.45-56; Mr 15.33-41; Lc 23.44-49)*

<sup>28</sup> Afe mei Jesús naga rafue fuitáinana fidide. Fídiano Cuegáuai fuitállena daide:

—Jiróacadicue.

<sup>29</sup> Afe dinomo íciru rochírede vínona oruítaga rainaca. Ie jira jainoi fíllícide raa afe rochíredijina riáitátiaioi. Iemo razi ícoímo jóniano ie fuemo dutádiaioi.

<sup>30</sup> Jesús afe rochíredíi jirode. Jíruano daide:

—Nana ja fuite, —daide.

Daina mei, ífo ana jíjicailla llezica tíide.

### *Fuirírainie ie ducírirado Jesús ciraigí faitade*

<sup>31</sup> Ja pascua uícodírui. Judíuái ocózinaillarui coráicano íaioi abi coráinabicímo fiébillana jítaíñediaioi. Bie ocózinaillarui iere áillue. Ie jira Pilátomo jicádiaioi coráicano ídaí ditátallena. Iemona íaioi abi dinómona oni óllena jicádiaioi.

<sup>32</sup> Jira fuiríraini jaillano nánoramie ídaí ditádiaioi. Jíáímie, Jesús diga coráícamie daje izói íena finódiaioi.

<sup>33</sup> Ie mei Jesumo ánozillano jae tíidena ciódiaioi. Ie jira ie ídaina ditáñediaioi.

<sup>34</sup> Mei íadi fuirírainimona dáamie ducírirado ie ciraigí faitade. Iemona jainoi die diga tóide.

<sup>35</sup> Bífue llotímie áfena ciódimie. Uáfueña daide. Afe uáfueño uai nabaide, omoí daje izói ínollena.

<sup>36</sup> Aféfuíai daíí íficaide Cuegáuai daina ñue fuitállena. Afe uai daide: “Bu ie ícuruna dítáñeítiaioi.”

<sup>37</sup> Jíáínomo Cuegáuai daide: “Íaioi bofécamieño éroitiaioi.”

*Jesús raiáfomo jóonetiaioi*

*(Mt 27.57-61; Mr 15.42-47; Lc 23.50-56)*

<sup>38</sup> Afe meífodo José, Arimatea jofue ímie, Jesús abi uíllena Pilátomo jicade. Afe José Jesudo jáicadimacimona, mei íadi judíuaina jacíruillano báinino jaide. Iemo Pilato fairíote; íemona José jaillano Jesús abi uite.

<sup>39</sup> Daje llezica nauí Jesumo naióna úrizabitímie, Nicodemo dúcide. Afémie treinta kilos dieze mérede zíochoa atide. Aféchoma mena zióredena ímuica.

<sup>40</sup> Daií José Nicodemo diga Jesús abi uillano, ároni iníroido ie abi junide. Aferoi ziórena, mei diga zióredena fáigaza. Daií tíidino judíuai ráifrediaioi.

<sup>41</sup> Jesús coraia áinori ocózinairabiri ite. Dinomo daa comue raiáfo, come nai ráiñenafo ite.

<sup>42</sup> Aféfomo Jesuna jóoneaidiaillinoi, áinori illa jira. Ua dinomo íena jóonetiaillinoi, judíuai ocózinaillarui tainéacana jira.

## 20

*Jesús meine abido cáadimiena jaide*

*(Mt 28.1-10; Mr 16.1-8; Lc 24.1-12)*

<sup>1</sup> Semana nanóidiruido Magdalena ingo María jítiramoicana raiáfomo jaide, ua nai jítireoidemo. Dúciillano raiáfo íbaina nofici íñénana ciode.

<sup>2</sup> Ie jira aizícana jaide Simón Pedro illánomo. Dinomo jíáie llófuegamie Juan ite. Afémie iere Jesús izíruigamie. Iaillinoina daide:

—Jae raiáfomona cai Ocuíraima comini bairódiaioi. Ie íaioi jóoniano onóñedicaí.

<sup>3</sup> Iemona Pedro jíáie llófuegamie diga jino jaillano raiáfo dine jáidiaillinoi.

<sup>4</sup> Dájena aizídiaillinoi, íadi jíáimie Pedro baimo iere rairedede; jira uícomo raiáfomo dúcide.

<sup>5</sup> Ie abi ana jíjillano raiáfo eromo eroide. Eróillano juníllaroina ciode, mei íadi jofó jáiñede.

<sup>6</sup> Iemo Simón Pedro afémie óodana dúcide. Dúciillano raiáfomo jofó jaide. Abi juníllaroi dino jóoinana nane ciode.

<sup>7</sup> Iadi Jesús ífo íbáinaroi ie juníllaroi dáanomo jóoiñede. Afe ífo íbáinaroi jabínota oni eneno jóonega.

<sup>8</sup> Iemo jíáie llófuegamie, raiáfomo uícodo dúcidimie, jofó jaide. Afe finócafuenta ciode. Cióillanona áfemona ínote.

<sup>9</sup> Mei Cuegáuai dainana nai figo onóñediaioi. Aféuai daide: “Jesús tíllanomona meine abido cáadimiena jáite.”

<sup>10</sup> Iemona afe llófuega íaillinoi jofomo jaide.

*Jesús Magdalena ingo Maríamo cíocaide*

*(Mr 16.9-11)*

<sup>11</sup> Mei íadi María jino raiáfo áinomo éecana ráide. Eeia llezica abi jíjide raiáfo eromo éroillena.

<sup>12</sup> Dinomo mena Juzíñamui abi ímie íaillinoi ángeles dainámaci úzeroi jítádena ciode. Ua nauí Jesús abi illánori ráidiaillinoi; dáamie ífo illánori, jíáimie idai illánori.

<sup>13</sup> Iemo Juzíñamui abi ímie íaillinoi jicánote:

—Ringo, ¿nibái éedio? —daide.

Jira afengo daide:

—Cue Ocuíraima oni ninomo íaioi uilla jira. Íaioi jóonianona onóñedicueza, —daide.

<sup>14</sup> Afe daina llezica afengo gírecaillano Jesuna ciode; íadi íena onóñede.

<sup>15</sup> Jira Jesús jicánote:

—Ringo, ¿nibái éacadio? ¿Bu jenodio? —daide.

Afengo comeci facade, afémie afébiri úiñoraima; jira íena daide:

—Iima, afémie oni jiánomo jae o úiadi cuemo llone, meine cue uájilleza, —daide.

<sup>16</sup> Jira Jesús aféngona daide:

—¡María! —daide.

Afengo ñue gírecaillano hebreo uaido daide:

—¡Raboni! —daide. Afe uai dobáicana daide, Llófueraima.

<sup>17</sup> Iemo Jesús daide:

—Cue abi jetáñeno iri. Cue Moo illánomo nai caifo jáiñedicueza. Mei íadi cue ámatiaimo llujiri: “Cue Moo illánomo, daje izói omoi Moo illánomo caifo jáitícue. Ua cue Juziñamui, omoi Juziñamui ñine jáitícue.” Daií íaioimo lloiri, —daide.

<sup>18</sup> Ie jira Magdalena ingo María llófuegamacimo llujide. Afengo Ocuíraimana cíoilana llote, nana bie afémie aféngona ñaináuai diga.

### *Jesús ie llófuegamacimo cíocai*

(Mt 28.16-20; Mr 16.14-18; Lc 24.36-49)

<sup>19</sup> Aféruído, semana nanóidíruído afe ñaio llófuegamaci gairídíai. Naze íbáillano judíuaina jacíruillamona itíai. Iemo Jesús jofo eromo cíocai. Iai. Cígimo náidazaide. Iai. Uáiduano daide:

—Omoimo comeci caimare uái iri, —daide.

<sup>20</sup> Daií ñainano, ie onoi, ie ciraigi diga íaioimo ácatate. Llófuegamaci íaioi Ocuíraimana cíoilano íóbicaíai.

<sup>21</sup> Iemo Jesús dáanomo íaioina daide:

—Omoimo comeci caimare uái iri. Moo cue ória izói daje izói ómoina óreitícue, —daide.

<sup>22</sup> Afe mei íaioimo jágílli fúunuano daide:

—Ñuera Joréñona mai omoi ono.

<sup>23</sup> Naga come ie fiénidino omoi fáicanocaiadi fáicanocai; mei íadi omoi fáicanocaiñeniadi dóñega izói fiébite, —daide.

### *Tomás meine abido caade Ocuíraimana cíode*

<sup>24</sup> Iadi Tomás, guarámiena maméidíme, doce dígamiedemona, Jesús cíocai llujide.

<sup>25</sup> Ie mei jáie llófuegamaci íena daide:

—Ocuíraimana ja cíodíai, —daíai.

Mei íadi Tomás íaioina daide:

—Ie ónoimo ite boafe, puntilla meifo, cue cíóñenia, cue onocai aféfodo ñuitáñenia, cue onoi ie ciraigi méifodo ñuitáñenia, íñoñeitícue, —daide.

<sup>26</sup> Ocho dígamona íllamona llófuegamaci meine gairídíai. Afe llezica Tomás afémaciri ite. Iemo jaca naze ibaica íadi, Jesús jofo eromo cíocai. Iai. Cígimo náidajano uáiduano íaioina daide:

—Omoimo comeci caimare uái iri, —daide.

<sup>27</sup> Iemo Tomásna daide:

—Benomo o onocai ñuitaíbi. Cue ónoimo éroi. O onoi cue ciráigimo ñuitaíbi. Jáanocaiñeno iri. Ínori, —daide.

<sup>28</sup> Jira Tomás uai ote:

—¡Cue Ocuíraima! ¡Cue Juziñamui! —daide.

<sup>29</sup> Jira Jesús daide:

—Tomás, ja cuena cíonamona ínotio. Jamánomo íóbidino cuena cíóñedino íadi ínotiaíai, —daide.

*Bibénico nibái mei cuega*

<sup>30</sup> Bífuiái baímo Jesús aillo jiáie cíofinina raa ie llófuegamaci uícori finode. Aféfuíai bibénicomo cúeñega.

<sup>31</sup> Mei íadi ja bie llogáuai cuega, Jesús Crístonana omoi ñnollena; daje izói afémie Juzíñamui Jitona omoi ñnollena. Ua jae cuega, omoi ñnuamona cáaillino ómoimo ie mámecido íllena.

## 21

*Jesús siete diga ie llófuegamacimo cíocaide*

<sup>1</sup> Afe mei Tiberias jorai fuédamo Jesús ie llófuegamacimo meine cíobicaide. Bie izói cíocaide.

<sup>2</sup> Ie llófuegamaci dáanomo itíaioi. Dinó ite Simón Pedro, Tomás nímie jiáifodo mameina Guarámie, Galilea jofue Caná ímie Natanael, Zebedeo jitó íaillinoi, jiái mena llófuegamie diga.

<sup>3</sup> Simón Pedro íaioina daide:

—Fácuaidicue, —daide.

Jira daidíaioi:

—Mai nana cai fácuaili, —daidíaioi.

Iemo nocáe eromo caífo jáidiaioi. Afe naio chámuniaina oñédiaioi.

<sup>4</sup> Jítiramo monáiacademo, Jesús ja jorai fuédamo náidaide. Mei íadi “Jesús” daiñediaioi, llófuegamaci íena íaioi onóñena jira.

<sup>5</sup> Iemo Jesús daide:

—Omoi, ¿chamuna oñédiomoi? —daide.

Uai otíaioi:

—Jíi, oñédicai, —daidíaioi.

<sup>6</sup> Jira Jesús afémacina daide:

—Nocáe nabézimo llóiji omoi dota, afe llóijimo jíiteza, —daide.

Jira daí finódiaioi. Ie finuamona llóijina jáinoimona caífo zonónidiaioi, iere aillo chámuniái íllaza.

<sup>7</sup> Iemo Jesús izíruiga llófuegamie Pédrona daide:

—¡Baie cai Ocuíraima! —daide.

Simón Pedro, Jesús ite dánana cacáillano, ie jínofecuiro jitade, nauí duiñooca jira. Jítanona jóraimo tícacaide Jesumo jaillena.

<sup>8</sup> Jiái llófuegamaci chámuna oruítaga llóijina oni zocana nocaedo uitíaioi. Afe mei afémaci jorai fuédamo dúcidiaioi, nai are íaioi íñena jira. Afémaci cien metros dinó bai itíaioi.

<sup>9</sup> Eniemo dúcillano, chamu pan diga iraimo ruícana cíodiaioi.

<sup>10</sup> Jesús íaioina daide:

—Jae omoi oga chámuniaimona atiri, —daide.

<sup>11</sup> Simón Pedro nocaemo jaillano, afe llóijina ari guamáemo zote. Ja ciento cincuenta y tres jéerie chámuniaina oruítaga, mei íadi afe llóiji cuáiñede, nñ aillo chámuniái illa íadi.

<sup>12</sup> Iemo Jesús íaioina daide:

—Mai omoi güizábiri, —daide.

Llófuegamacimona buna ¿Búdio? daíñide. Afémie Ocuíraimana onódiaioiza.

<sup>13</sup> Ie mei Jesús ánozillano afe pan llíinota íaioimo fecade. Daje izói chámuna fecade.

<sup>14</sup> Daí Jesús tíllanomona meine abido cáadimiena jáillamona dacaiñoámani ie llófuegamacimo cíocaide.

*Jesús Simón Pédro mo úrite*

<sup>15</sup> Güilla méifodo, Jesús Pédro mo jicánote:

—Jonás jító, Simón, ¿baimaci baimo cuena izíruitio? —daide.

Pedro uai ote:

—Jii, Ocuíraima, ona cue gáinana onódio, —daide.

Jesús íena daide:

—Mei jira cue ovéjatiruai o ecari, —daide.

<sup>16</sup> Jesús meine dáanomo íemo jicánote:

—Jonás jító Simón, ¿cuena izíruitio? —daide.

Pedro uai ote:

—Jii, Ocuíraima, ona cue gáinana onódio, —daide.

Jesús daide:

—Mei jira cue ovéjaiaí uíñori, —daide.

<sup>17</sup> Ja dacaiñoámani Jesús meine abido íemo jicánote:

—Jonás jító Simón, ¿cuena gáidíio? —daide.

Pedro jae zúucaide, Jesús bie íraicaiño íena gáinana jicánua jira. Jira íena daide:

—Ocuíraima, o nana onódioza. Ona cue gáinana onódio, —daide.

Jesús íena daide:

—Mei jira cue ovéjaiaí o ecari.

<sup>18</sup> Uáfuenta ona dáitícue, iere o jítócomena llezica, jaca o comeci jítaina izói iníroina jítafiredio. Daje izói nana o jáiacananomo jáifiredio. Mei íadi o eímalle llezica o onoi oni zítaitio, jáímie o inícuero jítátallena, daje izói jáímie o uíllena o jáiacañenanomo, —daide.

<sup>19</sup> Afe dáinado Pedro nie izói tíitena Jesús daí onótate. Afe ie tíilledo Juzíñamuimo ñue ebírenafue nítaite. Ie méifodo íena daide:

—Cuedo biri, —daide.

### *Izíruiga llófuegamie*

<sup>20</sup> Pedro gírecaillano Jesús iere izíruiga llófuegamie Juaana ciode. Afémie óodana bíllana ciode. Afémie nauí íraicaiño güilláruido Jesús abimo ráidímie. Afémie, “Ocuíraima, ¿bu o fecalle?” daidímie.

<sup>21</sup> Pedro Juaana ciona llezica Jesumo jicánote:

—Ocuíraima, ¿báímie nie izói iite? —daide.

<sup>22</sup> Jira Jesús uai ote:

—Afémie cue billíruimo caadi cue óiacaia ¿ómona mei nibai? O cuedo bi, —daide.

<sup>23</sup> Jira Jesús jaináidinori taino daínáfuenta fidíbicaidiaioi. Afefue daide, “Bie llófuegamie tíñeite.” Mei íadi Jesús afémie tíñeiteza daíñede. Fia dáideza, “Afémie cue billíruimo caadi cue óiacaia ¿ómona mei nibai?”

<sup>24</sup> Bímie llófuegamacimona aféfuiái uáfuenta llotímie. Aféfuiái cuetímie. Afémie daína uai uáfuenta onódicaiza.

<sup>25</sup> Jesús jíáie finócafuiái nai aillo ite. Nana aféfuiái dámerie cúeíadi jamánomo aillo rabénicuaina zúite. Ua nibai afe rabénicuái jóonellino nániena báíñeite. Jae ñie.



## JESÚS ORÉCAMACĪ FINÓCAFUIAĪ

### Los Hechos de los Apóstoles

*Ñuera Joreño billifue úcodo llogáuai*

<sup>1</sup> Cue izíruiga Teófilomo nane omo cueticue. Cue nánoidibemo nana Jesús bie éniemo illa llezica nanómona ie llogáfuiái ie finócafuiái diga omo cueticue.

<sup>2</sup> Ua ie monamo jáillarui mo finócafuiái cueticue. Nai monamo ie jáiñena llezica ie orécamacina nize de. Níziano Ñuera Joreño do íaioina llote nie izói finóllena.

<sup>3</sup> Ie tílla meífodo, Jesús dáamie cómena íaioimo cíocade. Cuarenta dígarui uáfori cíocafirede. Afe ciónanuedo ie cáanano ñue uáfue na daítate. Afe llezica Juzíñamui illáimana illíruido íaioimo úrite.

<sup>4</sup> Orécamaciri illa llezica, Jesús íaioina rairuide Jerusalémona oni jáiñeillena. Íaioina daide:

—Cue Moo uafue uai llote: “Ie Ñuera Joreño ómoimo fecáacade.” Afe fecállirui omoí úiñori, nauí ómoimo cue llua izói.

<sup>5</sup> Uáfue na Juan fia jáinoído bautézade. Mei íadi íanori íllamona Ñuera Joreño ótiomoí, —daide.

*Jesús caifo monamo jáillafue*

<sup>6</sup> Jesumo gairíllano jicánotiaioí:

—Ocuíraíma, ¿ua birui Israel nairai illáimaillena meine caimo itátaitio?

<sup>7</sup> Jira Jesús uai ote:

—Moo afefue finóllirui ómoimo ónonide. Dama aféniemo ríno afefue finóllena ite.

<sup>8</sup> Mei íadi Ñuera Joreño ómoimo bíadi, ríno ótiomoí. Iemona cuedo úrizaitioimoí, ua Jerusalemo, nana Judea éniemo Samaria énie diga. Ua jamánomo jica ite itínuiamoí llujáitioimoí, —daide.

<sup>9</sup> Daí daína meífodo, nana íaioí éroillamo, aféniemo caifo ráiñuano monamo uiga. Iemona ero úillie íena ferínote. Iemona jaca íena cíóñediaioí.

<sup>10</sup> Jesús caifo jáidemo monamo eróioidiaioí. Afe llezica mena come úzecuiro jitada íaioí abimo cíocade. Juzíñamui abi íaillinoí.

<sup>11</sup> Daídaíllinoí:

—Galilea íñiaí, ¿nibái mei monamo eróioidiomoí? Dámie Jesús, afe ómoimona caifo úilliedo jáidimie, aféniemo ie jáillana omoí ciona izói daje izói meine ana biite, —daide.

*Judas meifo méidollena Matías nizédiaioí*

<sup>12</sup> Ie mei Olivo ídumona oni jáillano abido Jerusalemo bitíaioí. Jerusalén áinori afe idu ite. Ua ocózinaillaruido macácana jailla daa kilómetro dieze izói ite.

<sup>13</sup> Afe jófue mo dúcillano caifófecomo íaioí ífirenenomo jáidiaioí. Bie íaioí mámeciaí: Pedro, Santiago, Juan, Andrés, Felipe, Tomás, Bartolomé, Mateo, Alfeo jító Santiago, Iere Járidotimacimo dúidimie Simón, Santiago ama Judas.

<sup>14</sup> Nana afémaci dáanomo gairífirediaioí Juzíñamuimo úrillena. Aféno mo Jesús ámatiaí gairífirediaioí, ie ei María diga naa jáie ringóniaíri.

<sup>15</sup> Aféruillaído Pedro afe ámatiaí daínámaci cígiri caifo náidaillano úrite. Afe ámatiaí ciento veinte dígamiede. Afémacina daide:

16 —Amatiai, Ñuera Joreño Cuegáuaimo Davido llote: “Judas meifo cai cígiri méidolle jitáirede,” daide. David cuegáuai uícodo llote: “Judas Jesús lláitaitimaci ífoite.”

17-18 Mei jii, afe Judas dani cáimona. Bie cai táijina afémie dibénemo ite. Mei íadi afe meifodo cimoi cúinano ágüicaillano caifona ifo dinena éniemo baíde. Baiíllamona ie jebe bójicaide. Afemona nana ie eromo itínuiái jino cocide. Afe mei ie fiénidifue iba úcubedo ja ie raillíbiri ibádiaioi.

19 Jerusalén itímaci áfena íaioi fídiano, afébirina “Acéldama” jitádiaioi. Afe mámecei íaioi uaido dibénedo “Die illábiri” dáiacade.

20 Mei jírari Salmos ibénicomo daí daide:

Daí o jofo zóofefiteza

Buna afécomo íñeilleza.

Jíáfuedo daide:

Afémie táijina jíáima ólleza,

—daide.

21 Cai Ocuíraima Jesús nana cai díga illáruillaído cairi macádino birui cai cígimo itíaioi.

22 Jesús báutizaruimona, ie monamo jáillarui mo cairi jáicadiaioi. Mei jira afémacimona dáamie cai dájellena jitáirede, Jesús meine abido cáaillafuemo uai nabáillena.

23 Jira daínamacimona mena come oni naidánetiaioi. Dáamie daámani mámeceirede: José Barsabás Justo. Jíáimie Matías.

24 Ie mei Juzíñamuimo úritiaioi; daidíaioi:

—Cai Ocuíraima Juzíñamui, nana comini comeci onódimedioza. Bíallinoimona o nizécamie caimo onótari orécamie táijina finóllena.

25 Afe táijinamona Judas ie fiénidifue ícoinia oni baíde. Baiíllano dama ie zefuinaillinomo jaide.

26 Iemo onótaraji dotádiaioi. Jae Matíasmo níjide. Afe llezícamona afémie once orécamiaimo dájena jaináicaide.

## 2

### *Ñuera Joreño billafue*

1 Pentecostés irui ráfuemo jae dúcide. (Afefue güille jofo óinarui rafue.) Afe rafue dúcidemo jae nana dáanomo gairídiaioi.

2 Ie mei rairéfeicana minica izói ficire monámona cácaicaide. Jairifo riire jáiñua izói cácaicaide. Nana íaioi ráinaco eromo cácaizaibite.

3 Iemona ííflai izói iráiciai íaioimo cíocaide. Nana illa dígamierie íaioimo níjizaibitiaioi.

4 Afe llezica nana Ñuera Joreño úcaigaiaioi. Iemona jíáie náiraiaí uáillaído como úritiaioi; mei afe Ñuera Joreño íaioi úritade.

5 Aféruillaído Jerusalemo aillo judíuai náganuiaimona bitíaioi. Ua íaioi Juzíñamuimo jitáirede finóllifuaí finuaibitiaioi.

6 Afe riire ficirenana cacáillano comini dáanomo ofídiaioi. Níie izói comeci fácana onóñediaioi nágazie dani íaioi uáillaído íaioi cacana jira.

7 Abi fáigacaidiaioi; daidíaioi:

—¿Nana bie úriraini Galiléamona bitímaci; uáfueñede?

8 Nágamierie dani cai uaido íaioi úrillana ¿níie izói cacáfiredicai?

9 Benomo nágaziaí ite: Partía imaci, Media imaci, Elam imaci, Mesopotamia imaci, Judea imaci, Capadocia imaci, Ponto imaci, Asia énie imaci,

10 Frigia imaci, Pamfilia imaci, Egipto imaci, Africa illánie Cirene batífenemona bitímaci diga. Afe dáanomo áinori ite romano imaci gairídiaioi. Bie románomana dáarie judíona jococa. Jáí romano imaci judíuai Juzíñamuimo ínuafuena jeire otíaioi.

11 Afe llezica Creta imaci bitíaioi Arabia imaci diga. “Mei íadi Juzíñamui caimare llogáfuiái ñue finócafuiái diga, nágamierie dani cai uáillaído cacádicaí,” daídíaioi.

12 Nana fáigacaidiaioi. Iaiói comeci fácana onóñediaioi; jira jicánotiaioi:

—Nana bie caimo comuídifue, ¿ñie izói caina daííacade? —daídíaioi.

13 Mei íadi jáíimaci íaiói uai áífeduano daídíaioi:

—Bimaci jifáidiaioi, —daídíaioi.

### *Comínina Pedro daínafue*

14 Ie mei Pedro once diga orécamaciri náidaillano comínimo riire úrite; daide:

—Judea comini naa Jerusalemo itínuiari cácarei. Bie ráfuena omoi onoiri. Dáitícueza ñue omoi cacáreiri.

15 Bie ííñiai jifáíñedimaci omoi comeci faca ízoi. Jitoma nai fuiri dáidemo. Jítiramo dibénemo comini jaca jifáífnidiaioi.

16 Bifue jáíífoto ite. Afe bifue uai lloráima Joel jaiái uícodo llogáuái. Afémie daide:

17 Juzíñamui ómoína daide:

“Iirairuillaído cue Joreño nana náraiaína, jainoi tua izói fáicanocaiñeno íaioína úicaitaicue.

Omoi jítótiai jízatiai diga cuedo úritiaioi.

Jitócomini nicaído ciónafuiái izói cíotiaioi.

Einamací ñuera nicaído nicáiritiaioi.

18 Aféruillaído cue Joreño cue táijítagamaiaína naa cue táijítaga ringóniari ñue úicaitaicue.

Iemona cuedo úritiaioi.

19 Caifo monamo jacínaitadinona cíotaiticue;

Aféruimo ana éniemo onótajafuena fínoiticue.

Afe onótajafue díena cíotaite; iraina cíotaite, jamánomo irai úilliena cíotaite.

20 Afe monado jitoma jítireficaite, fíui die izói jáite.

Daí iite cai Ocuíraíma Jesucristo billíruimo nai dúciñenia.

Afémie billirui iere ebíreitirui.

21 Nana Juzíñamuimo íaiói canóllena íemo jicádino jíllobicaitiaioi.”

Aquíe izói Juzíñamui Joeldo daide.

Iemo Pedro nai úrillano daide:

22 ‘Mei jii, Israel nairai cue daííllifueмо cácarei. Nazaret ímie Jesús omoi uícori Juzíñamui ñue facácamié. Uafue aillo fáigatate ráaniaído ñue facátaga. Daí Juzíñamui omoi cígiri afémiedo finode. Aféfuiaína ñue fidídiomoiza.

23 Mei íadi afémie omoi fecálliruimo maiano uitá fatíomoi, Juzíñamui jaiái uícodo comécitífuiái onótafuiái diga daína izói. Uafue fiénidimacido íena coráitaiomoi.

24 Mei íadi Juzíñamui afe tíilla cuinaca raa zuita izói, zúitano íena meine cáatate. Mei tíillafue jaca íena anáfenonide.

25 Mei illaíma David Jesudo úrillano daide:

Ocuíraimana cue uíecori cíofiredicue.

Afémie cue nabézimo izói ite, minícana cue jáicaiticue.

26 Ie jira cue comeci cáimafuena iere ite, afe llezica cue fueмо ite cáimafuiaído úriticue.

Afe jira daje izói cue íeizi ñue ocózinaitaiticue, mei tíllamona meine cue abina cáataitio.

27 Mei jii cue joréñona tíidinomo fiénocaiñeítio.

Afe izói o izíruiga táijitagamie abi rifáillana ráiruitio.

28 Cáatatinomo jóoide io cue llófuetio.

Cue diga o íllado, cáimafuena cue orúitaitio, —daí daide David.

29 ‘Amatiai, cácarei. Cai jáiairagima David tíide raiga uáfodo onórede. Afe raiafo nai cai diga íteza.

30 Mei afe David uai llóraima. Jaiai Juzíñamui uícodo uafue llóllena ríifuedo íena daide:

—O emódidiziemona dáamie Cristoite. Afémie o illáimana illánomo ráinaite, —daide.

31 Jira daí David, uícodo ciona izói Cristo meine abido cáaillafuedo úrite. Afe izói daide:

—Cristo joreño tíidinomo fiébiñeite. Ie íeizi rifáillana rairuícaza, —daide.

32 Mei jii Juzíñamui afe Jesuna meine abido cáatate. Aféfuemo nana cai uai nabáiraimacidiícaí.

33 Daí Juzíñamui nabézimo Jesús naidánega; naidánia meífodo Móomona uícodo lloga Ñuera Joreño fecállifue llínote. Llínuana nana bie omoi ciona, omoi cacana raa finode. Nana aféfuiaí afémiemona bite.

34-35 Mei David monamo jáíñedimie, mei íadi dama David daí daina:

“Caifoide Ocuíraima cue Ocuíraimana daide:

—Cue nabézimo rainai, o éoidino cue anáfenolliruimo, —daide.”

36 ‘Nana Israel nairai, mai comeci jizíñeno omoi onoiri: bie omoi coraica Jesús Juzíñamui Ocuíraimana itátate: Crístona itátate, —aci dinó Pedro daide.

37 Aféfuena cacáillano, iere comeci llícitagaiaioi. Afemona Pédro mo jicánotiaioi jáie orécamaci diga:

—Amatiai, ¿ñie izói ñéiticaí?

—daidíaioi.

38 Ie jira Pedro uai ote:

—Omoi illafue Juzíñamui uiécomo meídori. Omoi nágamierie Jesucristo mámeçido báutizatari. Omoi íaífuiaí oni dófilleza. Daí Juzíñamui ie Ñuera Joreño ómoína úicaiteza.

39 Afe bie uícodo llogáuai ómoie. Daje izói o jitótiaí ie. Daje izói nana jácarie itino ie; ua aféuai nana cai Ocuíraima Juzíñamui uáidogamací íena, —daide.

40 Aféuailaído dáanomo jáie uáillaído Pedro íaioi lluno daide:

—Bie duere finóbitimacimona omoi jílloiri, —daide.

41 Mei daí afémie úrilla uaina jeire otino diga báutizagaiaioi. Aféruído Jesumo ínotimacimo tres mil dígamiaí dáaziena jánacaidiaioi.

42 Nana bimaci orécamaci llófuiafuemo jáicina jáidiaioi. Afe daí conímamo ñue coméçidiaioi. Afe llezica Juzíñamuimo úrifirediaioi, ie mei gairíllano Jesús jae íraicaiño güilla izói finódiaioi.

### *Nano fueñe ínotino illafue*

43 Aféruillaído nana jáicaidiaioi; mei aillo cíóraininafuiaí naa onótate raa diga orécamaci finódiaioiza.

44 Jae nana ínotino ñue dájena itíaioi, íemona íaioi ráaniaí conímamo jeruíñeno ífirediaioi.

45 Mei jii íaioi illábiri jáie ráifide raa diga fecádiaioi. Fécanona afe úcube nágamiaí imaci jitailla izói jofu conímamo fecáfirediaioi.

46 Nágaruillaído gairíracomo gairídiaioi. Iaioi jófuemo pan fécano dáanomo cáimafuedo, comeci mánainafuedo güitíaioi.

<sup>47</sup> Juziñamui ióbitaoidiaioi. Afe llezica nana comini afémacimo ñue comécidiaioi. Afe daií cai Ocuíraima nágaruido afe ínotimacimo jáie jílloizabitimaci dáamacina itátate.

### 3

#### *Aidaima jllotate*

<sup>1</sup> Jáiruido jitoma ana ítemo Pedro Juan diga gairíracomo jáidiaillinoi. Afe Juziñamuimo comécido úrioína llezica.

<sup>2</sup> Nágaruillaído jocóinamona aidaima dinomo ífirede. Ie comini gairíracomo íena úifirediaioi. Uillano afémiena nazemo ie ráinaifirediaioi, jofo jáioidinomona dúecaillano fecaca úcube jicállena. Afe naze mámece Ebíredize.

<sup>3</sup> Aidaima Pedro Juan diga gairíracomo jofo jáillana cíoillano dúecaillano fecaca úcube íaillinoimona jicade.

<sup>4</sup> Mei jira Pedro Juan diga íemo érocaidiaillinoi. Pedro íena daide:

—¡Caimo érocail!

<sup>5</sup> Iemona afémie náicaide. Comece anado daide: “Ñibai minícana cue iite.”

<sup>6</sup> Iemo Pedro íena daide:

—Cue úcubenidicue; óronidicue; mei íadi cuemo íena o íiticue. Nazaret ímie Jesucristo mámeceido náidacai. Maca, —daide.

<sup>7</sup> Iemo Pedro onoi nabézido íena naidánete. Afe daií finua llezica ie idai mairíbicaide, ie idácoiñuai diga.

<sup>8</sup> Iemona aidaima caifo tícacai. Caifo náidallano macade. Afémie íaillinoído ja jofo gairíracomo jaide. Tícatíacana jaide. Juziñamuimo ióbitaoidie.

<sup>9</sup> Nana comini ie mácana cíodiaioi.

<sup>10</sup> Aferi iere jacinaificaidiaioi naa abi fáigacaillafue diga, afémie daií náidacaillari. Afémiena onódiaioiza. Afémie Ebíredize mámece redizemo ráifiredimie, gairíracomo úcube jicáfiredimie.

#### *Pedro cominimo Salomón jinófenemo macáranomo llófuete*

<sup>11</sup> Jllotaga aidaima Pedro Juan diga íaillinoído níjinijicaide. Aféfuere fáigacaillano nana comini gairíraco dibénemo jáidiaioi. Salomón jinófenemo macáranomo Pedro, Juan, aidaima diga illánomo afe comini aizícana jáidiaioi.

<sup>12</sup> Pedro áfena cíoillano comínina daide:

—Israel nairai, cácarei. ¿Omoi minícari fáigacaidiomo? ¿Ñibai mei cócomo eróizaibitiomo? Bie íima dama coco ríinodo jllotano macátaticoco, ñibai daií comécido daidíomo. Daje izói coco Juziñamuimo ñue comécinafuedo afefue finódicoco, daií ñibai cócona comécido daidíomo. Iadi aféfuiaído finóñedicoco.

<sup>13</sup> Mei íadi jíáfodo joide. Cai jáiairagíma Abraham, Isaac, Jacob diga, íaioi Moo Juziñamui ie Jitó Jesumo baímo ñúefuena nitade. Afe Jesús ríimacimo omoi fecácami. Pilato ie zuitáacana llezica áfena ráiruitiomoiza.

<sup>14</sup> Aféruído jaícina nífuenidimie zuitátajana jicáñediomo, mei íadi jíáfodo jicádiomo. Come fatímie zuitátatiomo.

<sup>15</sup> Afe daií cáatino fecádimie titádiomo. Mei íadi Juziñamui afémiena tíllanomona meine abido cáatate. Aféfuemo uai nabáiraimadicoco.

<sup>16</sup> Bie dáamie Jesús mámeceido, ie mámeceimo ínuafuedo omoi ciona, omoi onoiga aidaima jae mairíbicaide. Afe Jesumo ínuafue íena ñue jaícina jllotate, omoi uíecomo cíocaidimie illa izói.

<sup>17</sup> ‘Amatíai, onódicueza, mei omoi naa omoi illáiniri Jesuna fáiacana llezica omoi finócafueña onóñeno íena fatíomo. Uáfueña omoi finócafueña onóñenano finódiomo.



18 Mei íadi Juzíñamui ie uai lloráimado uícodo daina uai bie izói fuitade. Aféuai daide: “Ie Cristo duere zefuállifue jitáirede.”

19 Mei ie jira omoi mácafuiai méidori. Omoi illafue Juzíñamuimo ñue jaícina jóneri. Omoi íaifuiasi oni muiñólleza. Iemona cai Ocuíraima Jesús caina cánuafuiasi mánainaruillai izói caimo orérede.

20 Aféruimo nano uíecodo ómoiena mamécamié Jesucristo Juzíñamui óreite.

21 Mei íadi birui Jesucristo monamo fiébirede, Juzíñamui naga rafue jaícina nai jóneiñeilleza. Afe daí jaiáidiruillaimo ite ñuera uai lloraini daidíaiói.

22 Mei daí Moisés cai jáiáiragimana daide: “Cai Ocuíraima Juzíñamui omoi ámatiaimona nahí uai lloráimana ómoimo óreite, Juzíñamui cue ória izói. Afémie ómoína nana daináfuiasi jeire omoi oíri.

23 Mei afe uai lloraima dainana jeire oñédino Israel náiraímona oni táinocaite. Uáfuenta íficaite.” Daí daide Moisés.

24 ‘Mei daí nana uai lloraini, Samuélmona batine ite lloraini diga bie íirairuillaido úrite.

25 Juzíñamui ie uai lloráinido uícodo daináuailai ja birui ómoiri jino llotátaga. Juzíñamui cai jáiáiragimacimo ibana ñuera raa finóllifue llote ñue omoi íllena. Afefue Abrahamo llote. Daide, “Nana énie nairai o emódomo comuídinodo ñue caimare íficaitiaíói,” daide.

26 Mei Juzíñamui ie Jitó caata meífodo nano fueñe ie Jitó ómoimo orede caimare omoi íllena, ómoimona nágamiaí ie íaifue fáicanocaillena, —daide.

## 4

### *Pedro Juan diga ríiredino uíecomo uiga*

1 Pedro Juan diga nai comínimo úrioidemo, lletáriraini gairíraco úiñotino illaíma diga bitíaiói. Daje llezica saduceo comini bitíaiói.

2 Pedro Juan diga comini llófuetiaíllinoi. Iaióina daide: “Comini tíllanomona cáatafue Jesudo ácataga.” Daí llófuiari como bitímaci ríicaidiaíói.

3 Iemona íaíllinoína llaitádiaíói. Lláitano íaíllinoína llavéracomo jítiramoidiruimo íbáidiaíói, ja nauízaiilla jira.

4 Mei íadi aillo afe úrillauai cacáidino íñotiaíói. Afena íñotimaci dani ííñiai facádua cinco mil áinomo dúcide.

5 Afe jáíruimo Jerusalem judíuai illaini, éinamaci, naa ocuícáfue llófuerainiri gairídiaíói.

6 Afe llezica afénomo lletáriraini illaíma Anás ite. Afe dáanomo ite Caifás, Juan, Alejandro naa lletáriraini illaini comíniri.

7 Iemo Pedro Juan diga atítatiaíói. Atiano íaiói cígimo naidáneta jicánotiaíói: —¿Ñie ríinodo bífuiai finódiomícoi? ¿Bu mámecido bífuiai finódiomícoi?

8 Mei jira Pedro, Ñuera Joreño úicaigamienaza daide: —Nairai illaini, Israel éicomini, omoi cácarei.

9 Mei afe baie íráredimíemo como finoca ñúefuena jicánotiómoi. Mei ñie izói afémie jíllotaga daí daidíómoi.

10 Mei jira omoi uíecomo jino uáfodo llóiticoco, nana Israel nairai fidíillena. Afémie omoi uíecori Nazaret ímie Jesucristo mámecido, omoi coráicamié mámecido íocire ite. Afe coráicamié (Jesucristo) tíllanomona Juzíñamui meine abido cáatate.

11 Bie Jesús omoi jofo níraini oni dotaca jofocai izóidimie. Mei íadi afecai uálliraina jáizaide.



<sup>12</sup> Nie jiáimie mo jíllo nafue iñede. Jesucristo jiáie daiítade jíllo taraimana caimo iñede, afémiedo cai jíllo illena. Ua nana éniemo daiítade jíllo taraimana iñede, — jaca dinori Pedro daide.

<sup>13</sup> Iemona ríimaci Pedro Juan diga méaicaiñeno úrillafue cacáillano, íaillinoi llófueñegaiaillinoi íllana fídia llezica, iere fáigacaidiaioi, jamáimieillinoi illa jira. Iemona ríimaci bíiaillinoi Jesudo macádino daií íaillinoimo úbicaidiaioi.

<sup>14</sup> Afe emódomo jíllo taga aidaima dinomo íaillinoi abiri naidaide. Ie jira aféfueña jáanoicana daiínide.

<sup>15</sup> Mei jira gairídinomona íaillinoina oni oré diaioi, dani jofu conímamo íaioi úriacana jira.

<sup>16</sup> Daidíaioi:

—¿Bie iima íaillinoina nie izói ñéiticaí? Mei jii, nana Jerusalemo bitino bie ciórainina onótate raa íaillinoi fínua fuenta onódiaioi; mei aféfueña jáanonidicaí.

<sup>17</sup> Mei íadi mai íaillinoi cai jácidolle, afefue comínido jamánomo jalléiñellena. Afedo íaillinoina ráiruiticaí, Jesús máme cido ja benómona batine úriñe illena, — daidíaioi.

<sup>18</sup> Mei jira íaillinoina jírítiaioi. Iaillinoi dúcidemo ocú diaioi:

—Jesús máme cido jii mai due jiza úriñeno iri. Afe daií llófueñeno iri, — daidíaioi.

<sup>19</sup> Mei íadi Pedro Juan diga uai ote:

—Juziñamui uíe como ní fue baimo ñuena comeci omoi faca: omoína ñue cai cacárellena, nibai jiáifo Juziñamuina ñue cai cacárellena.

<sup>20</sup> Mei jii cai cionafue cai cacánafue diga afé fuemo úrillana fáicanidicaí, — daide.

<sup>21</sup> Mei jira ríimaci íaillinoina jácidotiaioi. Ie mei íaillinoina zuitá diaioi. Iaillinoi duere finóllifue baiñediaioi; nana comini afe fínua jira Juziñamuimo ióbioidiaioiza.

<sup>22</sup> Afe cióraininafuedo jíllo taga aidaima, afémiemo cuarenta fimona baimo ite.

*ñotino méaicaiñenafue comeci ríino diga jicá diaioi*

<sup>23</sup> Pedro Juan diga íaillinoi zuitaina mei íaillinoi nabáiñiaí illánomo jáidiaillinoi. Dinomo afémacimo nana lletáriraini illaini éinamaci diga íaillinoina dainana llotíaillinoi.

<sup>24</sup> Aféfueña cacáillano nana dánomo Juziñamuimo úritiaioi. Daidíaioi:

—Cai Ocuíraima, O Juziñamuina; mona, énie, monaillai naga ráaniairi finódimiedio.

<sup>25</sup> O Ñuera Joréñodo, o táijitagamie Davido daidio:

¿Nibái mei náiraiaí caillíoidiaioi?

¿Nibái mei comini táinofuiaimo comeci facá diaioi?

<sup>26</sup> Enie illaini Juziñamuina ie Cristo diga anáfenuaibitiaioi.

Daje izói jofue illaini Juziñamuimo ofí diaioi ie Cristo diga áfedo afémiemo fuiríllena, — daide.

<sup>27</sup> Uafue bie jó fuemo Herodes, Ponico Pilato diga o ní fuenide Jitomo fiени gairí diaioi. Afénomo jicánemaci Israel comíniri fiени gairí diaioi, mei íadi omo jaináidimie Jitó illámana ja jáitatio.

<sup>28</sup> Afe fiени íaioi gairíllafuedo nana o uí como uaido finócafuaímo dainana finódiaioi. Afe daií íficaillena jítáiretadio.

<sup>29</sup> Cai Ocuíraima Juziñamui, mai birui cai íaioi jáciduamo eroi. Jae o táijitagamacidicaí. Afemona ñue méaicaiñenafue caimo fecari, o úrillauai jino jáicaiñeno cai llóllena.

<sup>30</sup> Afe llezica omo ite ríinodo comini íaioi dúicomona ñue jíllotari. Afe izói o níifuenide Jitó mámeçido ciórainina onótate raa finori, —dinori daidíaiioi.

<sup>31</sup> Juzíñamuimo íaioi úrilla fúillamona afe íaioi gairíllano docáiricaide. Afe llezica nana Ñuera Joreño úcaigaiaioi. Iemona Juzíñamui úrillauai méaicaiñeno jino llotíaioi.

*ñnotimaci íaioi ráaniaina jeruñeno “Nana caie” daidíaiioi*

<sup>32</sup> Afe aillo iraiça ñnotimaci dáaziena nana ñue jaináidiaioi. Ua daje izói dájemo comeci facáoidiaioi; daje comeci jitailla uai íaioimo ite. Buna afémie ráaniaina “Dama cueie” daiñede, mei íadi nana comini íaioi ráaniaina “Nana caie” daidíaiioi.

<sup>33</sup> Orécamaci Ocuíraima Jesús cáanafuemo aillo ríinodo uai nabáioidiaioi. Juzíñamui nana comínina iere caimátaitade.

<sup>34</sup> Iaiioi cígiri jitáiredena ráanidimie ñede. Nana íbácana éñieredino jofóredino diga áfeniai fécano afe oga úcube atídiaioi.

<sup>35</sup> Atiano orécamacimo izájidiaioi. Iemona orécamaci nágamieriemo íaioi jítaina dieze fecádiaioi.

<sup>36</sup> Afe izói íaioi cígiri Leví izie ímie finode. Afémie mámeçi José. Monáillai zafedu Chípreno jocócamie. Orécamaci íena jíáie mámeçina jitádiaioi. Afe mámeçi Bernabé daina Fíradimie.

<sup>37</sup> Afémie ie illánie fecade, fécano afe íba úcube orécamacimo izáibite.

## 5

*Ananías Safira diga ñnoca íaifue*

<sup>1</sup> Mei jíáimie Ananías, ie ai Safira diga, daa illánie fecádiaillinoi.

<sup>2</sup> Bímie nano baa ñeze úcubena jeruide. Jíáie dájeze úcubena nana ñue ite izoi orécamacimo izájide. Aféfuena ie ai nana ñue onode.

<sup>3</sup> Jira Pedro íena daide:

—Ananías, ¿ñibái mei Taife o coméçina féitate, Ñuera Joreño taino o llóllena? ¿Ñibái mei o illánie nano ñeze feca íba úcubena abimo maiñódio, daí jífueridio?

<sup>4</sup> ¿Nano fueñe afe énie óieñede? Jii, óie. ¿Afe o fécaja mei afe úcube óieñede? Jii, óie. ¿Ñibái mei daí afe finóllena comeci facádio? Comínimo taino lloñedio, mei íadi Juzíñamuimo taino llotio, —daide.

<sup>5</sup> Ie jira áfena cacáillano, Ananías éniemo baíllano tíbicaide. Nana afefue fídiaibitino iere jacínaitiaioi.

<sup>6</sup> Mei jira nano ba ñiga jitócomini bite. Ie abi jabínota ie raíájidiaioi.

<sup>7</sup> Afe mei tres horas íllamona Ananías ai jofo bite. Nai ie ini tíllana fídiñede.

<sup>8</sup> Jira Pedro jicánote:

—Cuemo llone, ¿afe ómicoi daina dieze afe énie fecádiomico?

Jira afengo daide:

—Jii, áfeze.

<sup>9</sup> Jira Pedro daide:

—¿Ñibái mei dáafueritiomico, Juzíñamui Ñuera Joreño o íco facátallena? Jino batí o ini raíájdino bitíaioi. Jabe daje izói ona úitiaioi.

<sup>10</sup> Afe llezica afengo Pedro anamo baíllano tíbicaide. Jitócomini jofo billano afengo tíllana cíoizaibitiaioi. Mei jira jino uillano ie ini abimo íena raíájidiaioi.

<sup>11</sup> Nana Juzíñamuimo ñnotino nana aféfuiaina fídídímaciri iere jacínaitiaioi.

*Aillo ciórainina raaniai onótate raa diga*

12 Aféruillaído comini cígiri orécamaci aillo onótate raa, ciórainina ráaniai diga finódiaioi. Nana Salomón jinófenemo macáranomo gairídiaioi.

13 Buna jiáimacimona íaioi diga daane gairíllana jacírúitiaioi; mei íadi comini íaioimo ñue izire comécidiaioi.

14 Aillo comini íñiaí ringóniaí dájeze Ocuíraíma Jesucrístomo ínuaíbitiaioi.

15 Uafue jamánomo ínótiaioi. Mei jira iráredino jofo abi íuemo, naa íaioi bíralluaíri jino bíródiaioi. Aféno Pedro áfedo jaille llezica afémacimona nano dámerie, Pedro jana anamo itábicaítiaioi. Afedo jíllóztiaioi.

16 Afe llezica aillo áinomo ite jofue comini Jerusalemo bitíaioi. Íaioi iráredinuaí atídiaioi fiénide jóriaído áifedogamací diga. Nana jíllotagaíiaioi.

*Ríimaci illaini Pedro Juan diga duere finóllena llaitátatiaioi*

17 Iemona lletáriraini illaíma, afémieoiri ite saduceo imaci iere úradoizaidiaioi.

18 Ie jira orécamacina llaitada afe jófuemo ite llavéracomo íbaízaidiaioi.

19 Mei íadi Juzíñamui abi ímie naio llavéraco naze tuizáibite. Jino íaioi uánona daide:

20 —Gairíracomo omoi jai. Dinomo naidáillano comínimo nana bie comece cáataite uáillaído úrizairi, —daide.

21 Aféfuena cacáillano, afe jiáírui monáídacademo jofo gairíracomo jáidiaioi. Jáillano llófuaíde.

Afe llezica lletáriraini illaíma afémiemo itínori, Nahíllaini gairíranomo gairídiaioi. Afe Nahíllaini Israel nairai éicomini. Gairíllano llaveca orécamaci atítatiaioi.

22 Mei íadi llavérraini llavéracomo dúcillano orécamacina baiñédiaioi. Daa fia afefue abído lluáíbitiaioi. Daídíaioi:

23 —Llavéraco ñue riire ibaíde naa naze jinófene úíñotínori eróediaioi baizájidicai. Mei íadi cai zuitádicaimo afeco eromo buna íñena, —daídíaioi.

24 Aféfuena cacáillano lletáriraini illaíma, gairíraco úíñoraini illaíma, íemo nanoide lletárirainiri ifo júdaízite; jicánótiaioi:

—¿Bífuiaí ñinomo jica jálleite?

25 Afe llezica daa íima daízaibite; íaioina daide:

—Llavéracomo omoi íbaicogamíiaí jae gairíracomo comini llófuetiaioi, —daide.

26 Iemona úíñoraini illaíma naa llavérrainiri íaillinoi uájidiaioi. Mei íadi duere finóñeno íaillinoina atídiaioi, “Comínina nófiena cai níjíte” daínano jacírúitiaioi.

27 Íaillinoi átianona, Nahíllaini uícomo íaillinoina naidánetaioi. Iemo lletáriraini illaíma íaillinoina daide:

28 —Afe mámedido ómicoi llófueñellena jamánomo riire rairuídicaí. ¿Ja minica finódiómico? Nana Jerusalén comínimo ómicoi llófuaífuiaí jica jálleide. Afe llezica afe íima tílla ícoínia caímo nitáacadíómico, —daide.

29 Mei jira Pedro jiáíe orécamaci diga uai ote:

—Juzíñamui uai jeire cai olle comini llogáuai baímo ñuera.

30 Cai jáíairagíma Juzíñamui Jesuna tíllamona cáatate. Bie Jesús coráírabícimo agúínetá omoi fagámie.

31 Juzíñamui caífo monamo uano nabézimo íena rainade. Afe llezica aféno Illáimana jónete. Dáanomo Jíllotaraimana jónete. Daí Juzíñamui Israel náiraímo íaioi illafue méidollirui jónete, íaioi íaífuiaí dóllena.

32 Aféfuemo uai nabáiraímadicai. Daje izói Ñuera Joreño aféfuemo uai nabaíde. Nana ñue cacáredimacimo afe Ñuera Joreño Juzíñamui iga, —daide.

<sup>33</sup> Aféfuena cacana llezica, ríicaidiaioi. Iaillinoina fáiacadiaioi.

<sup>34</sup> Mei íadi ríimaci cígiri fariseo ímie ite. Afémie mámecei Gamaliel. Afémie ocuícáfue llófueraíma. Nana comíni íemo ñue coméciidiaioi. Afémie náidaillano ocuide:

—Nano dáallegoi bimaci oni jíáinomo ui, —daide.

<sup>35</sup> Afe ifodo ríimacina daide:

—Israel comíni, cacai. Baimácimo omoi finóllifue abí omoi rairuiri.

<sup>36</sup> Jíáifuemo omoi úibicairi. Naui nígarui íllamona Teudas dúcizaíbite. Dúciillano daide: “Jamánomoidimedicue. Illáimaiticue,” daide. Iemona cuatrocientos dígamie afémiedo jáidiaioi. Mei íadi íena fatíaioi. Nana afémiedo jáidino ráidozinaidiaioi. Iemona afefue niné táinocaide.

<sup>37</sup> Afe mei comíni mámecei cuiájillaruímo, Galilea ímie Judas dúcizaíbite. Aillo comíni íedo jáidiaioi. Daje izói íena fatíaioi. Afe izói nana íedo jáidino ráidozinaidiaioi.

<sup>38</sup> Ie jira bimácina omoi fáicanocai; afémacina áfedoñeno. Mei bifue ííñiai íeza, fuizájite.

<sup>39</sup> Mei íadi Juzíñamui ifue, táinocaitanidíomoi. Abí omoi rairuiri, Juzíñamui díga omoi fuirízaiñelleza, —daide.

<sup>40</sup> Nana jae jíeruificaidiaioi. Mei jira orécamaci jíiritiaioi. Iaiói dúcinamona íaioina zechénotiaioi. Afe meífodo Jesús mámeceido úrillana íaioina rairuídiaioi. Afe mei íaioina fáicanocaidiaioi.

<sup>41</sup> Orécamaci ríimaci uícomona jino jáidiaioi. Íobioicaidiaioi, mei Juzíñamui íaioimo ñue comeci facáoillaza. Jesudo jaináinamona méaifuedo duere ze-fuídiaioi.

<sup>42</sup> Ie mei nágaruido Jesudo úritiaioi. Afe izói llófueoidiaioi. Gairíracomo, comíni jófuedo daje izói llófuiaidiaioi.

## 6

### *Juzíñamui uai llotino canórainina siete dígamie mámecega*

<sup>1</sup> Aféruillaído ínotino aillo jebuíoidiaioi. Griego imaci judío imácina zúucaillafuedo jítáidiaioi:

—Nágarui güille fécanomo cai fecínguai figo íñégaiaioi, —daidíaioi.

<sup>2</sup> Mei íemo doce díga orécamaci nana ínotinori dáanomo iráidiaioi. Iaioina daide:

—Juzíñamui úrilla uai jino llófueredícaí. Afena cai fáicanocaillena dani omoi güille cai fecállena figóñede.

<sup>3</sup> Mei jira, ámatiaí, omoi cígimona siete dígamie nize. Nana comínimona ñue comécidímie izóidena jitaide. Ñue onódimiena jitaide. Ñuera Joreño úicaigamiena daje izói jitaide. Ie mei daítadímiaí güille fecárainina mai jóneri.

<sup>4</sup> Mei cai dani Juzíñamuimo comeci facáoiticaí. Afe llezica Juzíñamui úrilla uaido llófueiticaí.

<sup>5</sup> Nana aféfuemo ñue coméciidiaioi. Iemona Ñuera Joreño úicaigamie Esteban nizédiaioi. Afémie Juzíñamui uaina iere ínofiredímie. Daje llezica jíáimíai nizédiaioi: Felipe, Prócoro, Nicanor, Timón, Parmenas, Antioquía ímie Nicolás, naui nano afémie judíuai íaioi íinoga uaimo dáafueriacadímie.

<sup>6</sup> Ie mei orécamaci illánomo afémacina atíidiaioi. Atía mei orécamaci íaioimo onoi bítano Juzíñamuimo úritiaioi. Afedo güille fecárainina mamécaiaioi.

7 Iemo Ocuíraima Jesucristo úrilla uai comínido oni mónaioicaide. Jerusalemo ínotino aillo jebuídíai. Afe llezica aillo judíuai lletáriraini aféfuemo ínotíai.

### *Esteban llaitádiai*

8 Esteban Juzíñamui izói ríinoredimie Juzíñamui ézicigamie. Ie jira comini cígimo aillo ciórainina raa onótate raa díga finode.

9 Ie jira Rairuíñegamací llófueriraco ímíai mona dáarie Estébamo como fueñe ie finócafue júfiduaidíai. Afe llezica Cirénemona dáamierie, daje izói Alejandro, daje izói Asia éniemo ite Cilíciamona: nana afémaci Estébamo afefue júfiduaidíai.

10 Mei íadi íena anáfenonidíai. Ñuera Joreño íemo iga úrillana fibíllafuedo úriteza.

11 Ie jira taino lloraini íbajidíai. Afémacina llotíai:

—Mai omoi daíri: “Esteban Moisená Juzíñamui díga fiénidíuaina dái nana cacádícaí,” —daí daítatíai.

12 Aféfuodo comínina énamaci díga fáillifaiñeitadíai, daje izói ocuífue llófueraini. Iemona cirínuano íena llaitádiai. Llái tano Caifóidíllaini uíe como íena uítíai.

13 Afe izói taino uailai nabáiraini jenódíai. Afémaci daide:

—Bímie caí ñue rairuírede gairíracomo báíñuano fáicanocaitañede. Jaca báíñofírede, daje izói ocuífue.

14 Afémie dái nana cacádícaí. Afe daína daide: “Baie Nazaret ímie Jesús afe gairíracomo júdaítaite. Moisés caímo iga finóllífuíai meídotaite,” —daí daídíai.

15 Iemona ríimaci naa díno ráiedínori, Estébamo eróillano, ie uíe como Juzíñamui abí ímie uíe cona eróidena cíodíai.

## 7

### *Esteban abí íe ríiduaíue llote*

1 Mei jira lletáriraini illaíma Estébamo jícanote:

—¿Meita nana bífuíai uáfúai?

2 Jira afémie uai ote:

—Ñue coméide ámatíai, móotíai díga, cue úrillamo cácarei. Caí ebíredínoredimie Juzíñamui caí jaií nanóidímie Abrahamo cíocaide. Ua Abraham Mesopotamia éniemo illa llezica, afémie naí Haramo jaiáñíena llezica,

3 Juzíñamui íena daide: “O illánie fiénocai naa o comíniri. Afemona omo cue lolle éniemo o jairi.”

4 Mei jira Abraham Caldea éniemona oni jaide; jáillano, Harán jófue nano nie díno ite. Díno ie moo tílla. Iemona Juzíñamui Abraham afe bie omoi illíniemo atide. Ja birui aféniemo itímo.

5 Mei íadi ñie fecí raana naí afémie Juzíñamui íena íñede. Afe izói due jiza íe macállíníena íemo fecáñede. Mei íadi Juzíñamui uí como uáfúena daide: “Bie énie óieite. O tílla meífomo o jítoítíai íeite.” Mei íadi aféruíllado Abraham naí jítonide.

6 Nane dáanomo Juzíñamui íena daide: “O uícoidígíma jíáimaci éniemo onínemaci izói íítíai. Díno afémaci rairuícamaci izói íítíai. Díno cuatrocientos fimona duere finóllíai,” daide.

7 Mei íadi nane dáanomo Juzíñamui daide: “Omoi rairuícamacina finódizíe íai fiénidífuíai cue jícanolle meí, afémacina duere zefuítatíe. Ie meífomo



o comini afénomona oni jáitiaioi. Oni jaillano, bíniemo cuemo ñue caimare táijizaibitiaioi,” daide.

<sup>8</sup> Juziñamui Abrahamo daináuai ibana finóllifue llote. Afe llezica ie jitótiai bacano icoi quetállena ocuillado afe finóllifue uáfuenta onótate. Ie jira ie jitó Isaac jócua mei ocho dígarui íllamona, Abraham ie jitó bacano icoi quetade. Daje izói Isaac ie jitó Jacobona finode. Afe izói Jacob nana ie jitótiaina finode. Afe jitótiai Israel doce diga nairai moona jáidiaioi.

<sup>9</sup> ‘Bie Jacob jitótiai cai nánoragimaciai. Afémaci ie ama Josemo úradoidiaioi. Afemona afémiena fecádiaioi, Egipto éniemo úillena. Mei íadi Juziñamui Joseri ite ie canóllena.

<sup>10</sup> Nana ie zefuinaillamona zuitade. Ñue úrillana fibíllafue íemo ite. Faraón uíecomo ñue comécidimiena Juziñamui Josena itátate. Afe Faraón Egipto nahíllaima. Afe Faraón Josena Egipto jabóllaimana mamede. Afe llezica daje izói dama Faraón jofo illáimana mameca.

<sup>11</sup> ‘Iemona júbietàillafue nana Egipto éniemo baite aillo zefuinaillafue diga. Daje izói Canaán éniemo ite. Ie jira cai móotiai güllenidiaioi.

<sup>12</sup> Mei íadi Jacob Egiptomomo trigo íllana fídiano afénomo ie jitótiai orede. Afémaci cai jáiiragima. Bifue íaioi fueñe güille uájillafue.

<sup>13</sup> Ie mei dánomo nane jáidiaioimo, José ie ámatiai ie abina onótate. Afe llezica José ie ámatiai Faraómo cíotate afémie íaioina onóillena.

<sup>14</sup> Iemona José ie moo Jacob naa ie cominiri atítate. Afémaci setenta y cinco dígamiede.

<sup>15</sup> Afe daií íaioimo íficaide Jacob Egiptomomo jaiánillena. Dinomo afémie tíide; daje izói afénomo cai jáiiragimamona dáríe tíide.

<sup>16</sup> Afe meífodo íaioi ícuruai Siquém illánomo uitá raiájidiaioi. Afe dinomo Hamor jitótiaimona Abraham ie comini ícuruai raillínuaí ibade. Jira afénomo raiájidiaioi.

<sup>17</sup> ‘Jaii ninomo Juziñamui Abrahamo uire ñue íaioi íllena riírede uaido uáfuenta llote. Afe uícodo daináuai fuizáillirui ánoziacademo, Israel nairai Egiptomomo ñue jebuídiaioi; ua iere áillue náiraina jáidiaioi.

<sup>18</sup> Afe llezica Egiptomomo jáie Faraón illáimaizaide. Afémie Josena onóñede.

<sup>19</sup> Aféllaíma cai náiraina jífujete; cai jáiiragimacina duere finode. Cai como jococa úruiaina zóofetade íaioi tíillena.

<sup>20</sup> Aféruillaído Moisés jococa. Afémie ie dúeza illáruimona Juziñamuina ióbitade. Afe izói ie moona ie ei diga ióbitade. Afe íaillinoi daámani fíui jofomo íena móonaitadiaillinoi.

<sup>21</sup> Mei íena zóofetarui dúcinamona Egipto illaíma nahí jiza íena abímo ote. Afengo jitó izói afézana comuítate.

<sup>22</sup> Ie jira afe Moisés Egipto comini nana onóigafuena llófuegamie. Iemona ie daináuallai riírede. Afe izói afémie finócafuiai jamánomoide.

<sup>23</sup> Ja afe mei cuarenta fimona illa llezica, Moisés ie nairai israelita comini méiñuacade.

<sup>24</sup> Afénomo Egipto ímie Israel náiraimona dámie duere finóinana Moisés cíozaide. Ie jira Moisés ie nairai ímie riíduaíbillano Egipto ímie fate afe íba óllena.

<sup>25</sup> Moisés comécido daide: “Cue ámatiai israelita comini Egiptomona fáicanocaillifue onódiaioi. Ua Juziñamui íaioi cuedo fáicanocaitafuena fidídiaioi,” daide. Mei íadi áfena fidiñediaioi.



<sup>26</sup> Afe jítiramoidiruido Moisés Israel ímíiaillinoi fúirienaillana ciode. Iaillinoi fuiríllafuena llícaitaacanano íaillinoina daide: “Omícoi daje ámadiomícoi. ¿Níbái conímana duere finódiomícoi?” daide.

<sup>27</sup> Ie jira nabai duere finódimie Moisés oni ñuitade. Oni ñuita mei íaillinoimona dámie Moisenadaide: “¿Bu o cai cígimo illáimana jónegao? ¿Bu cai fiénidífue jicánoraimana jónegao?”

<sup>28</sup> ¿Nauri Egipto ímie o faaja izói birui cuena fáiacadio?” daide.

<sup>29</sup> Daií dáinana cacáillano, Moisés botade. Bótano Madián éniemo jaide. Dinomo jicánemie izói ite. Aféno me na jítorede.

<sup>30</sup> ‘Cuarenta fimona méifomo, Moisés amena figo iñénazicimo mácajide. Sinaí idu áinomo ite. Aféno me Juziñamui abi ímie boode íazafedínamo cíocaide. Afe irai bóoidinomo cíocaide.

<sup>31</sup> Afena ciónamona Moisés jabo fáigacaide. Afena ñue cíoillena áfemo jofu áinozide. Áinozillano Ocuíraima Juziñamui úrillana cacade. Afe uai daide:

<sup>32</sup> “O nánoidimaci Juziñamuidicue. Ua Abraham, Isaac, Jacob dieze Juziñamuidicue,” daide. Jira Moisés jágieri cuidíricaide. Iemona dáanomo áfemo eróillana jacíruite.

<sup>33</sup> Iemona Ocuíraima Juziñamui íena daide: “O eiba ico duiño, benó o naidáillano cue íllaza jamánomo ñúenoza.

<sup>34</sup> Cue comíni Egíptomu duere zefuíllana cíódicue. Iaiói eehe cáilliana cacádíicue. Jira ana íaióina zúitaíbiticue. Jira cue dáinana cacai. Egíptomu ona óreitíicueza,” daide.

<sup>35</sup> ‘Ja nano fueñe nana comíni Moisenada jámairuitiaíoi. Iena jaiái daiízaidiaíoi: “¿Bu illáimana mamécao, caimo jicánoraimana o íllena?” Mei íadi bóodinomo ciode Juziñamui abi ímiedo Juziñamui Moisenada zúitaitimíena orede, íaiói illáimana.

<sup>36</sup> Jira Moisés cai jáiairagimaci Egíptomu jino bairódimie. Afémie bie éniemo cíorainina raa onótate raa díga finódimie. Afe izói Jiáirede Monáillaimo cíorainina dáinamona comuide raa finode. Afe izói cuarenta fimona íllamona zaféredízicimo íaiói illa llezica cíorainina raa finófirede.

<sup>37</sup> Afe dáamie Moisés Israel comínina daidímie: “Juziñamui daní omoi ámatiaimona uai llóramana ómoimo óreite, cue ie ória izói. Aféniemo jeire omoi óri.”

<sup>38</sup> Afe Moisés zaféredízicimo comíniri ítimie. Afe Moisés Sinaí ídumo ítimie. Dinomo Juziñamui abi ímie íemo úrizáibite. Afemona Moisés cai jáiairagimamo aféuai jino llotímie. Afe Moisés cáatatuailai llínote, afe uáillaina caimo fiénocaillena.

<sup>39</sup> ‘Mei cai jáiairagimaci íemo cacáreacañediaíoi. Iena ruifíruillano, meine Egíptomu jáiacadiaíoi.

<sup>40</sup> Jira Aarona daidíaíoi: “Cai uícodo ífoite juziñamuillaina caimo finóllena jítáidícai. Baie Moisés Egípto éniemona cai otímie, íemo ítifuena onóñedícai,” daidíaíoi.

<sup>41</sup> Ie jira juráreto jiza jana finódiaíoi; jáie rílleniai fatíaíoi afe jízato jánaraina finócamo fia fecállena íena íóbitallena. Mei íaiói ónoído finoca raamo caimátaíoidiaíoi.

<sup>42</sup> Ie jira Juziñamui íaióimona oni jaide. Afemona Juziñamui íaióina fiénocaidemona úcuaimo íaiói comeci facáoillena. Mei daií uai llóraini rabénicomu cuezáuai daide:

¡Israel comíni, omoi cacai!

¿Cuarenta díga fimona íllamona zaféredízicimo rílleniai fatíomoi cuemo fia fecállena?

<sup>43</sup> Ieñede. Jiáifodo finódiomoi.

Taino juziñamui Moloc ráicaillacoji abimo máinuano úioicaidiomoi.

Afe llezica jiáie taino juziñamui Renfán ucúduna eroide jánaraimo jeire otíomoi.

Afe jánarai dani omoi finoca ióbitalle jánarai.

Ie jira omoi éniemona omoi otá Babilonia batífenemo ómoina óreiticue, daide.

<sup>44</sup> ‘Cai jáiairagimamo Juziñamui gairíracó ite. Afénomo nofícomo cuega ocuica uaillai énotiaioi. Afe gairíracó Juziñamui Moisémo ocuilla izói niga. Nano fueñe Juziñamui íena daide: “O ciónaco omo cue ácata izói o nitátari,” daide.

<sup>45</sup> Cai jáiairagimaci afe gairíracó feci raa izói llínotiaioi. Ie mei Josué diga bitino jiáie nairai énie báirua llezica afeco atídiaioi. Afe éniemo itínuiyai Juziñamui oni jiude, íaioi meífomo ie comini illino finóllena. Afeco daií dinomo ite David illáruillaido.

<sup>46</sup> Illaíma David Juziñamuina ióbitade. Iemona Juziñamui afe Davidna canófirede. Aféruillaido ie jáiairagima Jacob ínoga Juziñamui illico nitátaiacade.

<sup>47</sup> Mei íadi ie jitó Salomón Juziñamui jofo ua nitátatimie.

<sup>48</sup> Mei íadi jamánomo caifoide Juziñamui, comini ónoído niga gairíracuaimo ífinide. Afe izói uai lloraima daide:

<sup>49</sup> Caifo bie mona ua cue illáimana ráirano izoide.

Ie mei bie énie cue idai bitáoinanie izoide.

¿Ñie izóidico cúdeena nitátaitio?

¿Nee cue ocózinairano?

<sup>50</sup> ¿Ua meita nana bie ráaniaina cue ónoído finódicue?

Jii finódicue, —daií Ocuíraima Juziñamui daide.

<sup>51</sup> Nai Esteban afémacimo úrioicaide. Daide:

—Mei íadi omoi comeci jaca Juziñamuina rairuífirede. Juziñamuina onóñedimaci izói jefónidiomoi. Juziñamuimo comeciñedimacidiomoi. Ñuera Joreño llétafue jaca jeire oñédiomoi. Omoi jáiairagima izóidimacidiomoi.

<sup>52</sup> ¿Ua meita omoi jáiairagima ñii uai llórainina duere finódiaioi? Nana íaioina duere finódiaioi. Ñii fígomie bíllana uícodo llotínona titádiaioi. Afe fígomie jae dúcide. Iena fécano fatíomoi.

<sup>53</sup> Omoi Juziñamui abi ímiaido llogámacidiomoi, mei íadi ñue cacáreñediomoi, —daií dinori Esteban daide.

### *Esteban tíllafue*

<sup>54</sup> Aféfuiaina cacáillamona, ráicaidiaioi. Estébamo fuedo gugúricaidiaioi.

<sup>55</sup> Mei íadi Esteban Ñuera Joreño úicaigamie. Afe llezica monamo érocaide. Dinomo Juziñamui ebírenafuena ciode. Afe llezica Jesús Juziñamui nabézimo naidáinana ciode.

<sup>56</sup> Ie jira daide:

—¡Ero! Mona túinana ciódicue. Nanoide íima Jitó Jesús Juziñamui nabézimo naidaide, —daide.

<sup>57</sup> Mei íadi afémaci jefo íbáidiaioi. Ríirerie caillíoicana illíñana íemo caízaidiaioi.

<sup>58</sup> Jófuemona oni uitá nófiena ie níjidiaioi. Níjidino íaioi emódodiroillai jitócome Sáulona maméidimiéna úiñotadiaioi.

<sup>59</sup> Nai ie íaioi níjia llezica, Esteban Juziñamuimo úrillano daide:

—Ocuíraima Jesús, cue joreño oni llino, —daide.

<sup>60</sup> Ie mei ana dújullano, riire caillide. Daide:

—¡Ocuíraima! Bie fiénidífue ícoinia bimácimo jitáñeno iri, —daide.

Daií daina meífodo tíibicaide.

## 8

*Saulo Jesudo gairírani racade*

<sup>1</sup> Fatímaci izói Saulo afémacimo comécioide.

Aféruimona Jerusalemite Jesudo gairírani duere finóllena como fueñe judíuai jénuaidiaioi. Ie jira nana ínotímaci Judea énie fuédado ráidoizitiaioi; daje izói Samaria éniédo. Dani doce dígamie orécamaci Jerusalemite fiébitiaioi.

<sup>2</sup> Iemona Juzíñamui raana duéruitímaci Esteban raíájidiaioi. Ieri aillo éedíaiOi.

<sup>3</sup> Afe llezica, Saulo gairíramacina nai racáide. Nágacuaído jenode. Afécuaimona íñiaí ringóniaí diga jino zónuano íaiOina llavétate.

*Jesucristo ñuera uai Samáriamo lluájidiaioi*

<sup>4</sup> Ja birui Jerusalemite oni jáiredino, Cristo jíllonafue íaiOi jáillanuaímo lluájidiaioi.

<sup>5</sup> Afémacimona dámie Felipe Samaria jófuego jaide. Dinomo Cristo ráfuedo íaiOímo úrizaide.

<sup>6</sup> Afe comini gairíllano Felipe dáinamo ñue cacáreidiaioi. Felipe finoca cíorainina onótate ráaniaí cíodiaioi.

<sup>7</sup> Mei jira aillo fiénide jóriaímona jíllotagaiaioi. Afémacimona fiénide jóriaí caillícana oni jaide. Afe llezica aillo tízitaitímiaí aidáimaiaí diga jíllotagaiaioi.

<sup>8</sup> Aferi afe jofue comini iere caimátaioidiaioi.

<sup>9</sup> Mei íadi dámie Simona mámeciredímie afénomo ite. Afémie úcoidiruillaído aimana jaide. Afe jofue comini jífujete. “Jamánomoidímiedicue” daíífredímie.

<sup>10</sup> Nana comini jabóidinomona ua nahíllaimamo dieze íemo iere cacáreidiaioi. Daídíaioi:

—Bímie caifoide Juzíñamui ríinona igámie, —daídíaioi.

<sup>11</sup> Iere are ie aimánafuedo afémacina jífujete; ie jira íemo jeire otíaioi.

<sup>12</sup> Mei íadi Felipe Juzíñamui illáimana illírui uai Jesucristo mámecei diga, íaiOímo llote. Aféuailaina cacáillano áfemo ñue ínotiaioi. Íñiaí ringóniaíri dájerize ínotiaioi. Ínuano báutizagaiaioi.

<sup>13</sup> Afe dama Simón ínuano báutizaga. Iemona afémie Felipe nabaina jaide. Afémie Felipe finoca áillue cíorainina raa onótate raa diga, áferi fáigacaide.

<sup>14</sup> Jae Samaria comini Juzíñamui úrillauai jeire otíaioi. Afe íaiOi jeire uáfueña Jerusalemite orécamaci fidídiaioi. Fídiano afénomo Pedro Juan diga orédiaioi.

<sup>15</sup> Dúciillano Samáriamo ite ínotinori Juzíñamuímo jícadíaioi, Ñuera Joreño íaiOi llínollena.

<sup>16</sup> Mei afémacimona nímiemo Ñuera Joreño nai biñede. Dama Ocuíraíma Jesús mámeceido báutizaga.

<sup>17</sup> Afemona Pedro Juan diga íaiOímo onoi bitade. Iemona daíí Ñuera Joreño úicaigaiaioi.

<sup>18</sup> Orécamaci bimácimo onoi bitamona Ñuera Joreño bíllana Simón cíode. Cíonamona úcube orécamie íaillinoímo íoicana

<sup>19</sup> daide:

—Jadíe ríino cuemo ine. Afe izói nie cómemo cue onoi cue jóoneadi Ñuera Joreño íemo bílleza, —daide.

<sup>20</sup> Jira Pedro íena daide:

—¡Naa o úcube diga o táinocairi! Juzíñamui fecaca raa úcubedo íbárede daídio; daíí comeci facádio.

<sup>21</sup> Bífuego o dúíñedio. Bie coco táijinafuego jaináíñedio, o comeci jaícina Juzíñamuímo jóoiñena jira.

22 Bie o fiénidifue o fáicanocai. Juzíñamuimo izire o jicari o fiени comécido dainafue iba omo óñeilleza.

23 Ja onódicueza o comeci filliru izói eríredeza. Afe íaifuiaido cuinácamie izói itíoza.

24 Jira Simón uai ote:

—Ocuíraimamo cuedo jicari, nana o cuena daináfuiaimona dafue cuemo níjiñeillena, —daide.

25 Aféno mo Crístomo ñúefue nitádiaioi. Daje izói Juzíñamui uáillaido úritiaioi. Ie meífodo, orécamie íaillinoi Juzíñamui jílloilluiai aillo Samaria duera jófuiaimo llófuiaidaillinoi. Ie mei Jerusalemome meine bitíaillinoi.

### *Felipe Etiopía ímie úrite*

26 Afefue meífodo Juzíñamui abi ímie Felípena daiízaibite:

—Náidacaillano, fuiri batí Jerusalemome Gaza jófue mo jóidido o jairi, —daide. Afeo zaféredizicido jóidio.

27 Iemona Felipe náidacaillano áfeodo jaide. Dinomo uiécodo jaide Etiopía ímie éidajide. Afémie illaingo abi ríimie. Afémie Etiopía illaingo Candace úcube úñoraíma. Afe llezica afémie ónima. Naui uícodo afémie Jerusalemome Juzíñamuimo cáimaduaide.

28 Afémie abido ie éniemo jáizaide. Ie caballo zonóicaiga ráiralloicimo ráicana Juzíñamui uai lloaíma Isaías cuegáuai facádote.

29 Afe llezica Ñuera Joreño Felípena daide:

—Jadílloicimo ánozillano aféno mo nabairi, —daide.

30 Anozillano, Felipe afémie Isaías cuegáuailai facáduana cacade. Iemona íemo jicánote:

—¿O facádoga uaina meita onódio? —daide.

31 Jira afémie uai ote:

—Cuemo jino llóitimie iñédeza, ¿niie izói ónoiticue? —daide.

Iemona Felípemo caífo ie diga dáanomo ráillena jicade.

32 Juzíñamui Cuegáuaimona afémie facádoga uai áfena daide:

Oveja izói tíizaillinomo uiga.

Oveja jiza abi cuidódino uiécomo úriñedimie izói táide,

afe izói afémie jaca nífuedo úriñede.

33 Afémie iere jámairuigamie; jaícinaidifuena íemo rairuíaiaioi.

¿Ie ñue illáfuedo mei bu úrille?

Mei ie cájano bie éniemona niné táinocaide, —daide.

34 Jira illaingo abi ríimie Felípemo jicánote:

—Cuemo llone, ¿bumo úrite uai lloaíma? ¿Ñibai dama íemo úrite? ¿Ñibai jiáimíemo úrite? —daide.

35 Jira Felipe afémie facádoga Cuegáuaimona Jesús úrillauai íemo jino llote.

36 Jainoi illánodo jailla llezica ríimie daide:

—Benomo ite jainoi. ¿Birui áfejido cue báutizanidicue? —daide.

37 Jira Felipe daide:

—Nana o comécido o ínoiadi báutizarellio, —daide.

Jira afémie uai ote:

—Jesucristo Juzíñamui Jitoza áfemo ínoticue, —daide.

38 Iemona jáiralloici moziñota ille diné jáidiaillinoi. Dinomo Felipe ie báutizade.

39 Illémoma ari abido jáidiaillinoimo, Juzíñamui Ñuera Joreño Felípena oni uite. Iemona ríimie íena jaca nane cíñede. Mei dama ie éniemo caímare jaide.

<sup>40</sup> Felipe nane Azoto jófuego cíocaizaide. Dinómona naga jófuedo jíllonauai llócade. Ua ba Cesarea jófuego fuizájide.

## 9

*Saulo comeci jíáifodo méiduafue  
(Hch 22.6-16; 26.12-18)*

<sup>1</sup> Afe llezica Saulo Jesumo ínotinona fáiacanafuedo úrioido. Ie jira lletáriraini illáimamo jícanuaide.

<sup>2</sup> Daide:

—Llavétallibiaina cue ine, Damasco jofue gairíracomo cue jáilleza, Jesús uaimo ínotino cue jénuailleza. Afemona íñiai naa ringóniari maitá Jerusalemo cue atílleza, —daide.

<sup>3</sup> Mei nai iodo jailla llezica, Damasco jófuego áinozidemo, monámona bite úzefo nágafene ie abimo úzere egáñoocaido.

<sup>4</sup> Iemona Saulo éniemo baiíde; baiílla llezica Jesús íena dáinana cacade:

—Saulo, Saulo, ¿nibái mei cue racáño? —daide.

<sup>5</sup> Mei jira Saulo uai otá jícanote:

—Ocuíraima, mei o ¿búño? —daide.

Jira aféuai ote:

—Cue Jesúsícue. Dama o racácamiedícue. Aillue juráreto zaitáacademo jáiredizimo jíide. Afe izói ízitagamedíno.

<sup>6</sup> Mei íemona Saulo jágieri cuidíde; daide:

—Ocuíraima, ¿ona nie izói finóredícue? —daide.

Jira Ocuíraima uai ote:

—Náidacaillano baie jófuego mai jofu jai. Dinomo o finóllifueno omo llóitiaioiza, —daide.

<sup>7</sup> Sáulodo jaide comini aféuaina cacádiaioi íadi mei buna cíñoñediaioi. Aferi iere jacínaitiaioi.

<sup>8</sup> Ie meífodo Saulo éniemona caifo ráinacaillano, érocaide. Mei ui botáicaide íadi éroinide. Mei jira daí ónoído jáinátacana Damasco jófuego íena uitíaioi.

<sup>9</sup> Dinomo daruíamani uina cíñoñede. Aféno mo minícana güiñede, jíróñede.

<sup>10</sup> Afe Damasco jófuego ínotimie Ananías illa, nímiemo Ocuíraima nicáirilla izóidedo cíocaide. Iena daide:

—¡Ananías! —daide.

Afémie uai ote:

—Ocuíraima, benó itícue, —daide.

<sup>11</sup> Jira Ocuíraima íena daide:

—Náidacaillano, Deréchana mámecirede iodo jairi. Dinomo Judas jofomo jícanori: “¿Ninomo ite Sáulona mámeciredimie, Tarso jofue ímie?” O dúcina llezica afémie Juzíñamuimo úrite

<sup>12</sup> Ie úrioina llezica nicáirilla izóidedo ie uimo onoi bítaíbitimie, Ananías mámeciredimiena cíode; afemona nane ie ui ñue cíoite, —daide.

<sup>13</sup> Afe uaina cacáillano Ananías daide:

—Aillo comini baie ímana cuemo llotíaioi. Afe llezica omo ínotinuiamo nana Jerusalemo ie fieni finócafuii cuemo llotíaioi.

<sup>14</sup> Ja birui afémie benomo bite. Lletáriraini illaini llavétallibiai diga bite nana o mámecido jícafiredino maitá úillena, —daide.

<sup>15</sup> Jira Ocuíraima daide:

—¡Mai jai! Afe ímana jae cue nizeca jíáie náiraímo cuedo úrillena naa íaioi illáiniri.



<sup>16</sup> Afémie aillo cue náiraimo llóite. Afémie aillo cue ícoinia duere zefuállana íemo ácataitícue, —daide.

<sup>17</sup> Iemona Ananías Saulo illácomo jaide. Jofo jáillano íemo onoi bítajano daide:

—Ama Saulo, Ocuíraima Jesús o billa iomo omo cíocaidimie cue o ui meine abido cíoillena ocuide. Afe dáanomo afémie Ñuera Joreño ona cue úicaitallena cuena daide, —daide.

<sup>18</sup> Afe daí dáinamona, chamu icogí izoide ie uímona cúcoizite. Iemona nane ie ui meine cíoide. Afemona Saulo náidacaillano báutizatate.

<sup>19</sup> Afe meífodo güillano, ie ríino meine comúitate. Afe mei nano nígarui Damáscomo ite ínotinori fiévide.

### *Saulo Damasco jófuego jino llófuerite*

<sup>20</sup> Ie meífodo Saulo garíracomo jino llófuerizaide. Afénomo daide: “Jesús Juzíñamui Jitó.”

<sup>21</sup> Nana afémiemo cacádino fáigacaillano daidíaioi:

—¿Ua meita bie nímiede, nauí Jerusalemo Jesús mámevido jicáfiredino racádimie? ¿Ñíe nauí benomo bitímie lletáriraini illáinimo cai maitá úillena? —daidíaioi.

<sup>22</sup> Mei íadi Saulo jamánomo riire jino llófuerite. Jesús Crístonana jino uafodo cíotate. Mei jira Damáscomo ite judíuai Saulo ifona íritagaiaioi.

### *Saulo judíuaímona jillode*

<sup>23</sup> Diga iruillai jailla meífomo, judíuai dáanomo comeceí fácana Saulo fállena maméritiaioi.

<sup>24</sup> Mei íadi aféfuena afémie fidide. Naa mona naio diga jofue jino jáirazemo úiñoidiaioi ie fállena.

<sup>25</sup> Mei íadi ínotimaci áillue cirígaimo íena jóonetiaioi. Jóniano afe jofue jinófene cirínuailla jinomo naio íena agüinetiaioi. Afe daí afémie botade.

### *Saulo Jerusalemo illafue*

<sup>26</sup> Saulo Jerusalemo dúcillano, Juzíñamuimo ínotinori gairíacade, mei íadi nana afémiena jacíruitiaioi. Afémie ínogafuena nai jeire oñediaioi.

<sup>27</sup> Mei íadi Bernabé íena uáidote. Iemona orécamiáimo íena ácatajide. Afemona Saulo iomo Ocuíraimana cíonafue íaioimo llote. Ie mei Saulo Damasco comínimo méaicaiñeno Jesús mámevido úrillafue íaioimo llote.

<sup>28</sup> Jira Saulo Jerusalemo diga irui ite. Dinomo ínotimaci diga macácaide.

<sup>29</sup> Ocuíraima mámevido méaicaiñeno úrite. Griego uaido úritino judíuaímo úrite. Conímamo jicánua uai ua daí úrite. Iemona ie fállena mamédiaioi.

<sup>30</sup> Jiáie ámatiaí afefue fídiano, Saulo Cesaréamo uitíaioi. Dinómona Társomo íena orédiaioi.

<sup>31</sup> Ie meífomo nana Judea éniemo ite Jesús mámevido gairídino fírazitiaioi. Ja íaioi ínogafuemo caímare náireoicaidiaioi. Afe izói Galilea éniemo Samaria énie diga ite ínotino fírazillamona riire náireoicaidiaioi. Ocuíraima Jesús ñúefueri jáicaidiaioi. Ñuera Joreño íaioi cánuamona jebuíoicaidiaioi.

### *Eneas jae jíllotaga*

<sup>32</sup> Pedro jiáie ámatiaí uáiduailla llezica, daje izói Lida jófuego ite ínotino éroizaide.

<sup>33</sup> Dinomo Enéasna maméidimiena cíoizaide. Afémie ocho diga fimona bíramo bíide ie tízitailla jira.

<sup>34</sup> Iena Pedro daízaide:



—Eneas, Jesucristo ona jállotaiteza. Náidacaillano o bíira ñue fino, —daide.  
Afemona Eneas raire jállobicaide.

<sup>35</sup> Lida jofue nairai aféfuena nana cíodiaioi naa Sarón náirairi. Iemona jaiiai nano íaioi ñnogafuiai fáicanocaillano Ocuíraima llogáfue mo ñnotiaioi.

### *Dorcas tíide meine abido cáanafue*

<sup>36</sup> Aféruillaído Jope jófue mo ite ñnotingo. Afengo mámeçi Tabita. Afe mámeçi griego uaido Dorcas. Afe ringo ñúefuedo jáicade. Jitáidinona canófirede.

<sup>37</sup> Aféruillaído afe Dorcas iráreizaide. Iemona tíide. Ie abi jócua meífodo oni caifóidicomo jónetiaioi.

<sup>38</sup> Lida áinori ite Jope. Aféruimo Pedro afénomo nai ite. ñnotino afénomo íllana fídiamona, ménamie oré diaioi íena daiíllena:

—Jópemo jizíñeno raire biri, —daide.

<sup>39</sup> Iemona Pedro afémie íaillinoído jaide. Pedro dúcinamona, Tabita abi jóoinanomo íena uitíaioi. Nana fecíngotiai abido ífoina naidározillano éediaioi. Afe llezica nana Dorcas nauí ie caana llezica tifócacuiruai íemo ácatatiaioi. Emodo íroillai naa jiáie íñiroillairi íemo ácatatiaioi.

<sup>40</sup> Afécomona Pedro nana jino íaioi orede. Ie mei caiñici ífodo dújuillano Juzíñamuimo úrite. Tídingomo eróillano daide:

—Tabita, mai caifo náidacai, —daide.

Iemona afengo ui botáicaide. Pédro mo érocaillanona caifo ráinade.

<sup>41</sup> Onoído llínota ie caifo naidánete. Afe mei ailli jino oreca fecíngotiai íemo ámatiai daínamaci diga abido jírute. Iemona afengo caade íaioimo izájide.

<sup>42</sup> Afefue nana Jope jófue mo jállecaide. Iemona aillo comíni Ocuíraimamo ñnotiaioi.

<sup>43</sup> Afe mei Pedro diga irui afe jófue mo fié bide. Igorai ídiai jinítaraima Simón jofomo ífirede.

## 10

### *Pedro Cornelio uáiduafue*

<sup>1</sup> Afe Cesarea jófue mo Cornéliona maméidímie ite. Afémie fuíríraíni áillogüelli illaíma. Afe áillogüelli mámeçi Italiano.

<sup>2</sup> Afémie naa dama ie comíniri Juzíñamuimo começi fácajano caimare úrite. Afe llezica Juzíñamuimo ñue jacíruioides. Daje izói aillo úcubena judíuaimo fecáfirede íaioi canóllena. Iemo Juzíñamuimo nágarui úrifirede.

<sup>3</sup> Ie mei daarui jitoma ana ítemo nicáirilla izói cíode. Afe nicai anado Juzíñamui abi ímie uáfodo cíode. Afe abi ímie jofu Cornelio illánomo jaide; jáillano íena daide:

—¡Cornelio! —daide.

<sup>4</sup> Cornelio afe Juzíñamui abi ímiemo jacíruiocana érocaillano jicánote:

—Ocuíraima, ¿bie minica?

Iemona abi ímie íena daide:

—O jicánua Juzíñamui jae jeire ote. Daje izói jitáidino o cánua fuiaína jeire ote.

<sup>5</sup> Mei jira Jope jófue mo íñiaí ore, Simón jírizaillena. Afémie jiáfodo mameína Pedro.

<sup>6</sup> Afe Pedro jíai Simón igorai ídiai jinítaraima. Afémie jofu monáillai fuédamo ite. Afe Simón Pedro o finóllifue omo llóite, —daí daide.

<sup>7</sup> Afe íemo úrite Juzíñamui abi ímie jáidemo, Cornelio mena táijitagamie jírute. Ie mei ie abi ímiiaimona daa ñúefue mo ñnofirede fuíríraíma jírute.

<sup>8</sup> Nana Juzíñamui abi ímie íemo llogafue llua meífomo Jópemo íaioína orede.

9 Afe jítiramoidiruimo, nai afémaci iodo jailla llezica, Jópemo áinozidiaioimo, Pedro jaíciri illa llezica jofo emodo ibánimo Juzíñamuimo úrizaide.

10 Aillo jufinaillamona güíacade. Mei íadi nai güille íaioi finua llezica, nicáirilla izoide ciode.

11 Afe nicai anado mona tújicaillana ciode. Afénomona áillue iniroi izóidena nágafene zicai ícoinoga ana éniemo agúinana ciode.

12 Afe agüínega iníroimo naga táide ríllenai ite, jaióniai féedinuiai diga.

13 Iemona daa uai dánana cacade:

—Pedro, náidacaillano fatá rii, —daide.

14 Jira Pedro uai ote:

—Jii, Ocuíraima, ríñeiticue. Bácaca ríllena jaca riñédicue. Daje izói íáirede ríllena riñédicue naa rairuica rille diga, —daide.

15 Afe uai nane dánomo íena daide:

—Naga Juzíñamui dogá izói finoca rílleza íáire maméñeno iri, —daide.

16 Afefue dacaiñoámani íemo íficaide. Ie meífomo afe iniroi meine abido monamo jaide.

17 Nai Pedro afe nicáirillafuemo comeci facáoides. “Afe cue cionafue nie izói daíacade,” dáidemo, Cornéliomona orécamiiai nazemo náidazaíbitiaioi. Simón jofo jicánotiaioi.

18 Dúciillano aillo uaido jicánotiaioi:

—¿Simóndimie bicomio ite? Afémie jíáfodo mameina Pedro, —daídiaioi.

19 Nai Pedro nicáirillamo comeci facáoidemo, Ñuera Joreño íena daide:

—Cacai, damieámani o jenódiaioi.

20 Náidacaillano ana billano jizire úriñeno íaioido jai, mei cue omo orécamiiaiza, —daide.

21 Mei jira Pedro jofo emódobanimona ana billano Cornelio orécamaci, nazemo náidaidinona daide:

—Cue omoi jenócamiedicue. ¿Nibái mei bitíomoi? —daide.

22 Jira afémaci uai otíaioi:

—Illaíma Cornelio cai ória jira biticai. Afémie ñúefuena nitácamié. Afémie Juzíñamuimo ñue jacíruioide. Nana judíuai íena ñue llínotiaioi. Iena iere izíruitiaioi. Juzíñamui abi ímie íena daide: “Jópemo comini oreri Pedro uáidollena, afe mei o jofomo Pedro bílleza.” Jira o uáíbiticai. Dinomo Cornelio íena o daíacallífueña cácaite, —daídiaioi.

23 Ie jira Pedro jofo íaioina ote. Afe naio ie diga fiébidiaioi. Afe jíáiruido Pedro afémaci diga jaide. Afe llezica Jópemo ite ámatiaimona íena nabáioicaidiaioi.

24 Afe jíáiruido Cesaréamo dúcidiaioi. Dinomo Cornelio íaioina úiñote. Afénomona bíllena ie llogámaci ie comínimona, ie gaiga nabáíñiaimona dáanomo gairídiaioi.

25 Afécomo Pedro dúcia llezica, Cornelio jino íena llínuaibite. Jino billano Pedro anamo dújude, ie cáimadollena.

26 Mei íadi Pedro íena náidacaitano íena daide:

—Náidacai. Cue o izói énie ímiedicue, —daide.

27 Nai afémie diga úrioina llezica, jofo jaide. Jáillano aillo gairídinona cíoizaide.

28 Jira Pedro daide:

—Jae onódiomoi, judío ímie ie ínuaíuaíido jíáizie ímie diga nabáirinide. Daje izói ie jofomo jaille rairuírede. Mei íadi Juzíñamui jae cuena llófue. Buna jíáimana comécina íáiredimie daínide. Daje izói rofóciredimie jíáimana daínide.

<sup>29</sup> Ie jira orécamiái cue jírilla llezica nie izóí daiñño jarire bitícueza. Mei jira nibái mei cue uáidotioza onóacadícue, —daíde.

<sup>30</sup> Ie jira Cornelio uai ote:

—Jae nagaámarui jáidemo, afe bie daje hórano, benó cue jofomo güiñño iticue. Aféruimo jítoma ja ana ítemo Juzíñamui comeci faiticue. Comeci faiano quenírede inícuero jítáoidímie cuemo cíocaide.

<sup>31</sup> Afémie cuena daíde: “Cornelio, o jicánogafuíaína Juzíñamui cacade. Afe llezica jítáiredinomo o cánuafuíaímo Juzíñamui comécide.

<sup>32</sup> Jope jófuego ore Simón uájillena. Afémie jiáifodo mameina Pedro. Afémie jiáie Simón jofomo biruido ite. Jiáie Simón igoraí ídiaí jinítaraíma. Ie jofomonaillai fuédamo ite. Pedro dúcia o diga úrizate,” daíde.

<sup>33</sup> Daíraire ona jenótaticue. Jira o bille ñuera. Birui nana benomo Juzíñamui uíecomo iticái. Nana Juzíñamui omo llotátgauai caímo o daiñña cacáacadícaí, —daíde.

### *Pedro Cornelio jofomo llófuezeza*

<sup>34</sup> Jira Pedro ja úrillano daíde:

—Ja birui Juzíñamui jiáimana daa úradotatañedeza onódicue.

<sup>35</sup> Mei íadí nizíemo itino íeri jácicaillano ñúefuedo úritinona Juzíñamui íaíoína llínofirede.

<sup>36</sup> Israel cómogimacimo Juzíñamui úrite. Jesucristodo comeci caímare uái illafue íaíoímo llotte. Afémie nana nairaí Ocuíraíma.

<sup>37</sup> Nana judío éniemo comuidífueña ñue onódiomoi. Juan Bautista jino llujilla mei, comini báutizailla meífodo afefue Galiléamo como fueñe taíneca.

<sup>38</sup> Nazaret ímie Jesumo Ñuera Joreño ríino Juzíñamui ígaza onódiomoi. Afe Jesús ñúefue finócana jáillana onódiomoi. Afe izóí nana Taífe ríino anamo duere zefuídínona ie jíllotafuíaína onódiomoi. Aféfuíaína daí finode Juzíñamui ie diga jáicana jira.

<sup>39</sup> Nana Jesús judío éniemo finócafuiái uai nabáiraímacidícaí. Daje izóí Jerusalén jófuego ie finócafuiái uai nabáiraímacidícaí. Ie méfomo cruzmo íena coráiano íena titádiaíoi.

<sup>40</sup> Mei íadí Juzíñamui daruíamani íllamona abido íena cáatate. Ie mei afémiena caímo cíocaitade.

<sup>41</sup> Nana comínido cíocaitañede mei íadí dani caímo cíocaide, Juzíñamui uícomo nizeca uai nabáiraímacidícaíza. Afe mei afémie tíllanomona meine abido cáanamona ie meífomo, afémie diga güiticaí; ie diga jiródicaí.

<sup>42</sup> Afémie Jesucristo rafue jino comínimo caína llotátate. Afe izóí jiáífue caína ua nabáiritade. Afefue daíde: “Juzíñamui afe Jesús tíidino cáadino diga íaíoí fiénidífuiái jicánoitimiena ocuide. Cai aféfuemo uaina nabáitagamacidícaí.”

<sup>43</sup> Daje izóí jaíai ninómona nana uai lloraíni Jesudo úritiaíoi. Daídíaíoi: “Nana afémiemo ínotino íaíoí íáiredífueñona ie mámedido ñue dóficaitiaíoi,” daídíaíoi, —daíde.

### *Judíuainédino Ñuera Joreño como fueñe úicaigaíoi*

<sup>44</sup> Nai Pedro úrioína llezica, ie úrillauaimo cacáreidímacimo Ñuera Joreño nana íaíoímo ana bite.

<sup>45</sup> Jira Pédrodo bite ínote judíuai fáigacaidiaíoi. Ñuera Joreño judíuainédinomo daje izóí úicaigafueri fáigacaidiaíoi.

<sup>46</sup> Jae jiáizie uáillaído íaíoí úrillana cacádiaíoi. Afe llezica Juzíñamui íaíoí íóbjoínana cacádiaíoi.

<sup>47</sup> Mei jira Pedro daíde:

—¿Birui bu mei ráiruille bimaci báutizallena; mei daa cai izói Ñuera Joreño úicaigaiaioi? —daide.

<sup>48</sup> Iemona Jesucristo mámeçido íaioi báutizazigaiaioi. Ie meífodo Pédro me izire jicádiaioi: “Nano nígarui cai diga iri,” daidíaioi. Daí íena jeruídiaioi, nano nígarui íaioi diga íllena.

## 11

### *Pedro Jerusalemo ite ínotinomo llogafue*

<sup>1</sup> Judéamo ite orécamaci ámatiai diga, cómoicana jíáifuena fidídiaioi. Afefue daide: Judíoñedimaci Juzíñamui úrillauaina jae jeire otíaioi.

<sup>2</sup> Pedro meine Jerusalemo jáidemo, judúuaimona dámerie ínotino Pédrone zanódiaioi.

<sup>3</sup> Zánvano daidíaioi:

—¿Níbái judíoñedino uáiduidio? ¿Níbái íaioi diga güitio? —daide.

<sup>4</sup> Ie jira Pedro afefue nanómona nana ie finócafuiai llote; daide:

<sup>5</sup> —Jope jófuemo cue íadi, Juzíñamuimo úrifiredicue. Afe llezica nicai anado ciódicue. Afe nicai anado áillue iniroi izóidena monámona ana bíllana ciódicue. Aferoi nágafene zícaino ícoínoga. Daí cue illánomo dúcide.

<sup>6</sup> Afemo ñue eróidicue ie eromo itínuiaina onóillena. Iemona afe eromo ite táicaide rílleniaina ciódicue. Afe dánomo jacírede rílleniaina ciódicue. Daje izói afénomo jáizai, íemo féedínuiiai diga íllana ciódicue. Nana afe ciona rílleniiai bácaziga.

<sup>7</sup> Iemo daa uai cuena dáinana cacádicue. Daide: “Pedro, náidacaillano afe ríllemona fatá rii.”

<sup>8</sup> Mei jira daidicue, “Ocuíraima, dama ite. Jaca nanómona cue fúedo íáiredena riñédicue bácaie diga.”

<sup>9</sup> Ie mei afe monámona cacaide uai dánomo cuena daide: “Juzíñamui dogarílleza íáirede daíñeno o iri.”

<sup>10</sup> Afefue dacaiñoámani meine íficaide. Afe meífomo dánomo nana monamo meine jaide.

<sup>11</sup> Afe llezica daameámani cue illánomo dúcide. Afémaci Cesaréamona cue jenóllena orécamaci.

<sup>12</sup> Ñuera Joreño afémacido cuena orede: “Due jiza jizíñeno afémacido jairi,” cuena daide. Daje izói baie seis ámatiai cuedo jáidiaioi. Nana cai daaco jofomo jáidicai.

<sup>13</sup> Afémie Juzíñamui abi ímiena ie jofe eromo ie ciónafue caino llote. Afe Juzíñamui abi ímie náidaillano íena daide: “Jope jófuemo nano nígamie ore, Simón jírizaillena. Dáamie jíáfodo mameina Pedro.

<sup>14</sup> Afémie ona dáíteza, nie izói o nana o comini diga jíllotioza,” daide.

<sup>15</sup> Cue fueñe íaioimo úrizaiilla llezica, Ñuera Joreño imaci acónimo bite, nano fueñe cai acónimo billa izói.

<sup>16</sup> Mei íemona Ocuíraima daínáfuemo úibicaidicue. Afefue daide: “Uáfuena Juan ía jáinoido báutizade, mei íadi Ñuera Joreño úicaigamacina ítiomoi.”

<sup>17</sup> Mei jí Ocuíraima Jesucristomo cai ínuano Juzíñamui caino iga Joreño, bimácimo Juzíñamui íacade. Afena fidíillano Juzíñamuido jarífeicana úriacañedicue. Jamai cómedicueza, —Pedro daí daide.

<sup>18</sup> Mei ie jira Jerusalemo ite ámatiai aféfuiaina fídia llezica, líicaidiaioi. Líicaillano Juzíñamuimo caimátaidiaioi. Daidíaioi:

—Ua afe izói judíoñedimacimo íaioimo fieni itifue méidollena jae Juzíñamui íaioimo fecade. Afemona daí jaca zíñona cáaillinona íaioimo ite.

### *Antioquíamo ite Juzíñamuimo ñnote gairídino*

<sup>19</sup> Esteban íaioi faa llezica, jiáie ñnotimacimo duere finótatíaoi. Dáarie Feni-  
cia éniemo botádiaioi; jiáimaci Chípreno Antioquía diga botádiaioi. Dinomo afe  
ñúefue dani judíuai namácimo llotíaioi. Jiáimacimo llónega.

<sup>20</sup> Mei íadi dáarie Chipre imaci, Cirene imaci diga ñnotino Antioquía jófuego  
dúcidiaioi. Dúciillano judíoñedinomo úritiaioi. Afemona Ocuíraima Jesús  
úrillauai íaioimo llote íaioi jíllloillena.

<sup>21</sup> Afe llezica Ocuíraima ríino íaioimo ite. Mei daí aillo comini nano íaioi  
jaiái ñnogafuiai fáicanocaillano Ocuíraima Jesumo ñnotiaioi.

<sup>22</sup> Afefue Jerusalem ite ñnotinomo jállecaide. Iemona afémaci Bernabé  
Antioquíamo orédiaioi.

<sup>23</sup> Bernabé dúciillano, Juzíñamui cámadogamací izói ciode. Aferi afémie  
iere ióbicaide. Nana íaioi llófuete; daide:

—Nana cai Ocuíraimana fáicanocaiño ie llogáfuego jaícina omoi  
coméciiri, —daide.

<sup>24</sup> Afe Bernabé comécina fígome, Ñuera Joreño úicaigame. Afémie Je-  
sucristomo izire ñnofiredimie. Daí aillo comini Ocuíraima Jesucristo íena  
náamatade.

<sup>25</sup> Afe meífodo Bernabé Társomo Saulo jénuaide. Baillano Antioquíamo íena  
úite.

<sup>26</sup> Dinomo daa fimona namónaze ñnotino cígimo ñue fuitádiaillinoi. Afénomo  
aillo comini llófuete. Afe Antioquíamo ñnotino como fueñe Crístomo  
jaináidinona ja mamécaiaioi.

<sup>27</sup> Aféruillaido dámerie Juzíñamuimona llínoga uailai lloráimaci  
Jerusalémona Antioquíamo jáizaide.

<sup>28</sup> Afémacimona dáme Agábona mámeciredimie. Nana ñnotino cígiri  
náidaillano daide:

—Nana bie éniemo aillo jamánomo júbie biite, —daide.

Ñuera Joreño ie comécimo llúamona afefue jino llote. Afe júbie daí bite  
Claudio illáimana illáruillaido.

<sup>29</sup> Ie jira Antioquíamo ite ñnotino comeci facádiaioi Judéamo ite ámatiai  
canóllena. Naga come íaioimo ite úcube díerize bai jóonetiaioi.

<sup>30</sup> Afe daí ñeta, Bernabé Saulo íaillinoído afe íraica úcube Judéamo ite  
ñnotino illáicomínimo orédiaioi.

## 12

### *Santiago tíllafue Pedro llavéinafue diga*

<sup>1</sup> Aféruillaido Juzíñamuimo jaináidino duere finóllena illaíma Herodes nane  
jénuaide.

<sup>2</sup> Iemo Herodes Juan ama Santiago lloéfaido titátate.

<sup>3</sup> Afémie titátari judíuai iere ióbidiaioi. Aféfuena Herodes fidnamona nane  
Pedro lláitajide. Ja birui irázillarullai. Afe irázillarullaido fáitañega pan  
gütíaioi.

<sup>4</sup> Pedro lláitada mei Herodes llavéracomo íena íbaicuaide. Dinomo cuatro  
díagüelli íena úiñotiaioi. Naga afe güéllimona cuatro dígamírie llazíriraíni  
ite. Herodes comeci facade pascua rafue meífodo Pédrona jino comínimo  
cíotallena.

<sup>5</sup> Ie jira Pedro llavéracomo llaveda ñue úiñoga. Mei íadi Juzíñamuimo gairídino  
íemo izire Juzíñamuimo jícaoidiaioi.



*Juziñamui Pédróna llavéracomona jino oreca*

<sup>6</sup> Herodes Pedro jino comini uíecomo óiacanarui uícodo, afe naio Pedro llavéracomo inide ñue úiñoga. Nágafene onoi llóejina maiga úiñoraima íaillinoi jaináoigari inide. Afe llezica jiáie úiñoraima íaillinoi jino llavéraco naze úiñoide.

<sup>7</sup> Iemo Juziñamui abi ímie raire cíocaizaibite. Afe llezica llavéraco ero úzerecaide. Juziñamui abi ímie Pedro ciraigi teténote íena cazítate. Cazítano íena daide:

—Mai raire náidacai, —daide.

Iemona llóejillaí Pedro ónoimona ana cocide.

<sup>8</sup> Afe Juziñamui abi ímie íena daide:

—Mai o ciraigi tirínorafe jofo riire tirino.

O éiba ico jita, —daide.

Pedro daíí abi fínua llezica Juziñamui abi ímie íena daide:

—O emodo jitaca árerói jitada, cuedo bi, —daide.

<sup>9</sup> Iemona Juziñamui abi ímie óodana Pedro jaide. Afe abi ímie finócafue Pedro onóñedeza; nibai uafue nibai tánofue. Comeci facáoide: “Nícaí anado ciona izóidifuenta cíódicue.”

<sup>10</sup> Mei íadi fuéñeide jóonetimimona bai jújicaillano báifeicana jóonetimie mo dúcidiailinoi. Ie mei afémiemona jújicaillano bai nazemo dúczaidiaillinoi. Afe naze ibaira lloébani. Dúcidiailinoimo afe naze ibaira daingo tújicaide. Jino jáillano bai iodo daallu macádiaillinoi. Ie mei Juziñamui abi ímie ie fiénocaid.

<sup>11</sup> Iemona Pedro ñue onócaillano daide:

—Ico iere uáfueza. Juziñamui abi ímie cuemo orede Herodes cue llavéinamona cue zuitállena. Afe izói nana judíuai cue duere finóacanafuemona cuena zúitaibite, —daide.

<sup>12</sup> Aféfuemo comécaillano Juan ei María jofomo jaide. Afe Juan jiáfodo mameide Marcos. Afécomo aillo comini Juziñamuimo iere úrillena gairídiaioi.

<sup>13</sup> Pedro afeco abi ibiri llaveca nazemo náidazaide. Náidaillano jofo ero imaci jíirite. Iemona Ródena mámeçirede ringoza bu billa daííllena eróizaide.

<sup>14</sup> Mei íadi Pédróna uáimona onóillano, nazena tuiñoño, ióbicaillano meine jofo aizida lluájide:

—Pedro nazemo dúcina, —daíízaide.

<sup>15</sup> Jira íena daidíaioi:

—¡Uáiritaidio!

Mei íadi afengo daide:

—Uáfueña ñue lloticue; uáfueña Pedro dinomo ite, —afengo daííoide. Mei íadi afémaci íinoño daidíaioi:

—Pédroñedeza; fia ie joreño, —daidíaioi.

<sup>16</sup> Mei íaioi úrioina llezica, Pedro nazemo nai jíirioide. Afe meífomo naze tuiñoda íemo érocaidiaioi. Erocaillano jacínaitiaioi:

—Ua meita Pédrodio, —daidíaioi.

<sup>17</sup> Mei íadi ónoido:

—Mai omoi úriño, líicai, —daide. Iemona Juziñamui llavéracomona ie zúitafue llote. Iemo íaioina daide:

—Bífue Santiágo mo lluájiri nana jiáie ámatiairi, —daide.

Ie meífodo jino jaillano oni jiáinomo jaide.

<sup>18</sup> Jae monáizaidemo, llavécano úiñorainimo aillo riire júfidotiaioi, mei onóñediaioiza; daidíaioi:

—Benó cai úiñoga Pedro ¿niné jaide? —daidíaioi.



19 Herodes Pédróna íaioina jenótate. Iena íaioi baiñenamona, nana úiñorainimo jicájanode. Ie mei Herodes afeúñoraini fatátate, Pedro íaioi botata jira. Afe mei Herodes Judéamona jae oni Cesaréamo jaiánite.

### *Herodes tíllafue*

20 Jae Herodes Tiro comini Sidón comini diga íaioiri icírioides. Mei íadi afémaci dani comeci facádiaioi ie uiécomo cíozabillena. Illaíma Herodes jabóidillaíma Blasto. Afémiena fairíotarediaioi íaioiri ñue nabáirillena. Afémiedo ñue caimare illifue Heródemo jicádiaioi. Ua izire jicádiaioi, íaioi güílleniai, illaíma Herodes éniemona íaioi ófirena jira.

21 Ie jira Herodes íaioimo úrizailirui íaioimo llote. Aféruimo ebírede illaíma iniroi jítano illaíma ráiranomo ráinade. Daí ñiano are íaioimo úrite.

22 Mei íemona comini caillíoicana íena daidíaioi:

—Bie úritimie fia cómeñedeza, afémie juzíñamui, —daidíaioi.

23 Afe llezica Juzíñamui abi ímie Heródena iráretade Juzíñamuimo ñúefuena nitátañena jírari. Iemona afe Herodes aiáide tílla.

24 Iadi Juzíñamui lloga uai oni jalléicaide. Afe jalléinamona náganerie fidídiaioi.

25 Bernabé Saulo diga íaillinoi afe úcube fíiaillano meine abido Jerusalémóna bitíaillinoi. Aféillinoi do bite dáamie, Juan dainámie. Dáamie mámece Márcona.

## 13

### *Bernabé Saulo diga como fueñe nágaboiáí llócaidiaillinoi*

1 Antioquíamo ite gairíracomo nano niga uai jino llóraini ite naa llófueraniri. Afémaci mámeceai: Bernabé, Simón, Cirene ímie Lucio, Manaén, Saulo dígamiediaioi. Simón jíáifo mameina Negro. Galilea illaíma Herodes Manaén diga, dáanomo comuíaillinoi.

2 Aféruillaído afémaci güíñeno Juzíñamuimo caimátaidiaioi. Iemo Juzíñamui Ñuera Joreño íaioina daide:

—Bernabé Saulo diga oni eneno nizeri, cue ocuica raa íaillinoi jetállena.

3 Güíñeno Juzíñamuimo úrilla meífoto éinamaci íaillinoina ónoído ézicita, daidíaioi:

—Mai, ómicoi jairi, —daidíaioi.

### *Orécamaci Chipre éniemo llófuaidiaioi*

4 Ie mei daí Ñuera Joreño íaillinoimo llujáillamona oni Antioquíamona Selúciamona jáidiaillinoi. Dinómona áillocaedo monaillai cigi záfedu Chipremo jáidiaillinoi.

5 Salamina ígobemo dúcizaidiaillinoimo judío llófueriracomo Juzíñamui uailai jino llotíaillinoi. Afe llezica Juan íaillinoi canócana nabáizaide.

6 Nana Chipre éniemo llócadiaioi. Iirainomo Pafó jófuemo dúcidiaioi. Dinomo judío aima Barjesuna mámece redimie baizájidiaioi. Afe aima táinona llófuefiredimie. Afémie daífiredie:

—Juzíñamui dibéno úriticue, —daide.

7 Afe aima ocuídillaíma Sergio Paulo dígamie dáanomo itíaillinoi. Afe Sergio ráfuena ñue onódimie. Aféllaíma Bernabé Saulo diga jíiritade Juzíñamui uailai cacáillena.

8 Mei íadi afe aima Bernabé Saulo diga llogáuai uáitano zanode. Ocuídillaíma íinuana aima rairuácade. Afe aima jíáfodo mameina, Elimas.

9 Saulo jíáfodo mameina Pablo. Afe Pablo Ñuera Joreño úicaigamie. Aima dainana cacáillano íemo riire érocaillano

10 daide:

—¡Jiáima jífuetimedio! Íaiba Taife jitódio. Nana ñúefuiaina uáitaraimadio. ¿Ñibái mei ñuera Juzíñamui lloga uai oni cáitano féitaacadío? ¿Ñibái mei o táinofuiaina fáicanocaiñeno jino llóllodio?

11 Mei jabe Ocuíraima Jesucristo riire ona duere fínoite. O ui nírite. Nano nígarui jitoma egáíñuana cióñeitío, —daide.

Daí daínamona ie ui niríbicaide. Jae jitídine taino mellécade. Dáamie íena ónoído jainátacana úite, ie ui cióñena jira.

12 Ocuídillaima Sergio Paulo áfena cióillano, llogáuaina ñue íñote, mei Juzíñamui llófueinamo jacíruiocana aféuaimo ñue eroide.

*Pablo Bernabé diga Pisidia éniemo ite Antioquía jófuego jáidiaillinoi*

13 Pablo ie nabáiñiai diga nocaedo Pafo jófueмона jáidiaioi. Dinómona Panfilia éniemo ite Perge jófuego jáidiaioi. Afénono Juan íaioina fiénocaillano abido Jerusalemo jaide.

14 Pablo ie nabáiñiai diga afe Pérgemo dúcillano, Pisidia éniemo ite Antioquía jófuego arido jaícina jáidiaioi. Dinomo ocózinaiillaruimo llófueriraco eromo ráinazaidiaioi.

15 Ocuícafuiai illánicomona fueñe facádotiaioi. Ie mei Juzíñamui uai jino lloránicuaimona facádotiaioi. Afe facádua fúillamona llófueriraco illaini íaillinoina daidíaioi:

—Amatiai, ómicoi cacai. Omicoi llóicaigafuiai íadi comíni cacáilleza jino ómicoi llóoiri, —daide.

16 Mei íemona Pablo náidacaillano, ónoído comínina llícaitate. Afe mei íaioina daide:

—Israel nairai, omoi cácarei. Daje izói Juzíñamuina jacíruioidino, omoi cácarei.

17 Israel nairai Juzíñamui cai jáiiragíma nana íaioina nizede. Iemona Egipto éniemo ónoñegamacina íaioi illa llezica, aillo náiraina afémie jebuitate. Afe mei aféniemona dama íemo ite ie ríinodo íaioina oni ote.

18 Ua mei Juzíñamui comeci jitáinafue nai figo fuitáñediaioi, mei íadi afe táizicimo cuarenta diga fimona Juzíñamui íaioina zófeñeno úiñote.

19 Afe mei Canaán éniemo ite siete nairai Juzíñamui niné táinocaitaga, afe énie cai jáiiragíma maiñóllena.

20 Afe meífodo diga riire jicánoraini cuatrocientos cincuenta fimona ocuícaciaioi. Ua ocuícaciaioi uai llóraima Samuel illáruimo.

21 Ie mei íaioina ócuite ríillaima jicádiaioi. Jira Juzíñamui Saúl cuarenta fimona afémaci illáimana jónete. Afe Saúl Cis jitó, Benjamín nairai ímie.

22 Afe mei Juzíñamui Saúlna oni orede. Oni óriano David illáimana ie meífomo jónete. David ífuedo Juzíñamui úrite; daide: “Cuena íóbitadímie David baiticue. Afémie Isaí jitó. Nana cue jitaiga raana jetáfiredé,” daide.

23 Afe David cómogíamona Jesús jococa. Afe Jesús Juzíñamui uícomo daináuai izói Israel nairai jíllotaitimíena íaioi cígiconi Juzíñamui comúitate.

24 Jesús comínimo nai abi báifitañenia Juan nana Israel náiraímo jino llote; daide: “Nana omoi báutizaredíomoi. Omoi comeci ífuiai mai ñúefuena méidoziri.”

25 Juan uícodo llófuiailafue fúiacademo, daide: “Omoi comeci fácamieñedicue. Jamáimiedicue. Mei íadi cue meífodo bitímie cue baímo baitadímie. Afémie ídai íco igaina zuitánidicue, (jiba jamáimiedicueza),” daí Juan daide.

26 ‘Cáimaci, omoi cácarei. Abraham nairai urúcidíomoi; mai cácarei. Omoimona Juzíñamuina jacíruioidino, omoi cácarei. Bie ñue jíllotaitíuai ómoie.

27 Mei Jerusalemo itino íai*oi* illáiniri Jesús nahí ífue*na* fidíñedia*oi*. Daje izói naga ocózinai*llu*imo facádoga uai llóraini llogáuaillaina cacádia*oi*, mei íadi aféuai daínafue*na* onóñedia*oi*. Aféuaillaina íai*oi* onóñenado Jesús duere finótatia*oi*. Daí jai*ai* ninomo mamécafui*ai* afémiemo fuitádia*oi*.

28 Afe Jesús fatátallifue*na* due jiza jaca baiñedia*oi*; mei íadi Pilátomo ie fatátallena jicádia*oi*.

29 Afe mei nana afémiedo Cuegáuaillaimo jai*ai* ninomo lloga uail*ai* fuitádia*oi*mo, crúzmona íena ana otá íena raiájidia*oi*.

30 Mei íadi Juzíñamui tíllanomona íena meine cáatate.

31 Afe mei diga irui íllamona Galiléamona Jerusalemo ie diga jáicadinomo Jesús íai*oi*mo cíocai*de*. Afe iedo jáicadino ja birui comínimo afémie llócaigafue llotí*ai*oi.

32 ‘Juzíñamui cai jái*ai*ragimamo uícomo llogáuaido úrite. Núefuedo úrite. Ja birui afe núefue ómo*imo* llotí*ai*.

33 Ja cai bie afémaci cómogimadica*ai*. Ie jira afémie uícodo llogáuai ja caimo fuilla. Afe uai daide: “Jesucristo tídena meine abido cáataití*ai*.” Daí rúanicomo cuega; segundo ruamo cuega; llote: “Cue jitódio. Birui ona cáataití*ai*.”

34 Diga ícaíño Juzíñamui ie cáailifue*na* llote. Ua tíllanomona íena cáataite, ie íeizi jaca ninomo rífaíñeilla*na*. Juzíñamui aféfuena jai*ai* ninomo Cuegáuaillaido daide. Afe uai ie jitó Jesuna daide: “Davidmo uícodo cue uafue lloga ñue cáimafui*ai* nahí omo jainaide.”

35 Ie jira rúanicomo jíáiruado daide: “O izíruiga ñue canódimie íeizi ráiruitio ie rífaíñeilla*na*,” daide.

36 Afe David ie llezica igímana ñue canode, Juzíñamui ie ocuilla izói. Afe meífomo David tíllano ie uzútia*ai* cígimo íena raiájidia*oi*. Iemo ie íeizi rifaide.

37 Mei íadi Juzíñamui cáatagamie íeizi rífaíñede.

38 Cáimaci, omo*oi* cacai. Afe bie rífaítañeno cáatagamie Jesudo omo*oi* fiénidifui*ai* iba óñeillí*ai*fue ja ómo*imo* jino lloga.

39 Afémiedo nana íena ínotino nana íai*oi* fiénidifui*ai*mona dóficaitia*oi*. Mei íadi Moisés ocuícafui*ai* cai fiénidifui*ai*mona caí*na* zuitáñede, mei cuinaca izói jaináidica*ai*.

40 Ñue abi omo*oi* rairuiri uai jino llóraini cuega mamécafui*ai* ómo*imo* báíñeilla*na*. Afe mamécafue daide:

41 Ínoñeno uáitaoidino, omo*oi* cácarei; cacáillano áferi omo*oi* jacínaificairi.

Iemona niné táinocaitio*mo*iza, aféruillaido jamánomo ñue jácifue cue fínua jí*rari*.

Aféfuena dámie ómo*imo* lloía, íadi áfena ínoñeiti*o*moiza, —daide.

42 Pablo ie nabáíñia*ari* judío garíracomona jino jáidia*oi*. Jáidia*oi*mo judíoñedino jocócaia*oi* íai*oi*mo aféfuena meine abido íai*oi*mo lluáibilla*na* jicádia*oi*. Afe úireite ocózinai*llu*imo meine lluáibilla*na* jicádia*oi*.

43 Afe llófueriracomo íai*oi* gairilla záillamona aillo judíuai Pablo llogafue jíeruítia*oi*. Iemona Pablo Bernabé diga íaillino*ido* jáidia*oi*. Daje izói aillo judío onóigafue*na* jeire otino íaillino*ido* jáidia*oi*. Pablo, Bernabé diga íai*oi*mo llote:

—Mai Juzíñamui caí*na* izíruillafue*mo* nágarui aféfuemo ñue omo*oi* coméciri, —daide.

44 Siete dígarui íllamona ocózinai*llu*imo, nana jofue comíni dáanomo gairídia*oi*, Juzíñamui uail*ai* cacáreilla*na*.

45 Mei aféno*mo* aillo comíni gairíllana judíuai cíóillano, úrioina izói ití*ai*oi. Aféno*mo* Pablo uail*ai* uáitano íena báíñotia*oi*.

46 Ie mei Pablo Bernabé diga abi mámano íaioina daide:

—Judíuai, bie Juzíñamui uai fueñe ómoimo lolle iere jitáirede; mei íadi ja aféfuena óiacañediomoi; afe ícoinia zíñona cáallinona llíñoñeitiomoi. Ie jira ja birui judíoñedinomo jáiticaí.

47 Mei jira Juzíñamui daí caina llotátate; Juzíñamui daide:

Cuedo náiraina fidítaraimana o mamédicue.

Nana énie íraíno imaci ñuera jíllonafue llóraimana ítío.

48 Aféfuena cacáillano judíoñedino ióbicaidiaioi. Iaioi úrilla fueñe táinia llezica:

—Juzíñamui uáillaina jamánomo ñuera, —daídiaioi.

Afémacimona aféfuena ínotino aillo ite. Zíñona cáatatínona llínoítinona mamécaiaioi.

49 Iemona Juzíñamui uailai nana afe énie náiraido jae ñue jalleide.

50 Afe jófuemo Moo Juzíñamuimo izire jaináiacade ringóniaimona dáingorie ite. Afe ringóniaí illaingo izóidingotiaí. Judíuai afe ringóniaimo úrite, Pablo afe jófuemona oni oréllena. Daje llezica judíuai afe jofue illáinimo daje izói úrizaidiaioi. Iaioi comeci fiéni finua jira, jáie Páblona duere finóacanafue comuízailla, Bernabé diga. Afe jófuemona oni íaillinoi orédiaioi.

51 Afe ória meífodo afe íaillinoi eiba ico íaie íaioimo teténote; afe teténuafue baimaci comeci íaifuaímo íteza, daíacade.

Daí ñiano Iconio jófuemo jáidiaillinoi.

52 Mei íadi Jesús llogáfuemo ínotino iere ióboidiaioi. Afe llezica Ñuera Joreño úicaigaiaioi.

## 14

### *Pablo Bernabé diga Icóniomo itíaillinoi*

1 Icóniomo dúcillano judío llófueriracomo daane jofo jáidiaillinoi. Dinomo jamánomo ñue úritiaillinoi. Afemona aillo judíuai Jesumo ínotiaioi; judíoñedinomona daje izói aillo afefue ínotiaioi.

2 Mei íadi ínoacañede judíuai jáie judíoñedino comeci íaire finódiaioi. Daí Páblona Bernabé diga éoicana eróidiaioi.

3 Ie jira dinomo diga irui ñue jáicina jacíruiñeno Ocuíraíma Jesús mámeçido llófuetiaillinoi. Afe llezica Juzíñamui dama ie ñue ríino íaillinoimo fecade. Afemona onótate ráaniaí cíoraínina ráaniaí diga finódiaillinoi. Aféniaido íaillinoi lloga Juzíñamui caina izíruillafue Juzíñamui ñue comínimo fidítate.

4 Mei íadi jofue comini bózietaidiaioi. Dáarie judíuai dibénemo jaináiacadiaioi. Jáímaci Pablo Bernabé diga dibénemo jaináiacadiaioi.

5 Afe meífodo ínoacañede judíuai jáie judíoñedino diga naa íaioi illáiniri nofíciaina íaillinoi níjiacadiaioi. Daí íaillinoína duere finóacadiaioi.

6 Mei íadi aféfuena orécamaci uícodo fidídiaioi. Fídiano Pablo Bernabé diga Licaónia éniemo botádiaillinoi. Dinomo ménagobemo macáoidiaillinoi, Listra Derbe diga naa afe áinori itíniaido.

7 Dinomo ñue jíllonafue llotíaillinoi.

### *Lístramo Pablo nofíciaina níjidiaioi*

8 Iemo Lístramo macáñede aidaima ite. Ie jocóinanomona tízitaite izói macáñede. Jaca ie macánina jira dinomo ráide.

9 Afémie Pablo daínáfuemo ñue cacáreide. Iemona Pablo íemo érocaillamona, tízitaitímie ñue ínuana Pablo coméçido fidíde. Ie ínuamona afémie jíllorede.

10 Iemona Pablo íena riire daide:

—O ídaido caifo jaícina naidai, —daide.

Afénomona afémie tícacaillano náidacaide; náidacaillano como fueñe mácajide.

11 Daí Pablo finócafueña cíollano, nana comini Licaónia uáillaido caillíoicana daidíaioi:

—¡Juzíñamuillai jamai comini izói ana cai cigimo billa! —daidíaioi.

12 Bernabena Júpiter juzíñamui daidíaioi; Páblona Mercurio juzíñamui daidíaioi, jamánomo ráfuiai llotímiena jira.

13 Júpiter gairíraco naze fueri ite. Afeco úiñotimie juráretuai atide naa amena záfiaiai diga. Afémie naa comini íaillinoimo cámodoacadiaioi. Juráreto fáillemona íaillinoína íóbtaacadiaioi.

14 Mei íadi orécamaci Pablo Bernabé diga fidídiailinoi. Aféfuena fidínamona, inícuero cúatacaillano, comini cigimo jáidiaillinoi. (Afe iniroi cuata daíacade íaillinoi comeci jamánomo ríicaide.) Jaillano caillíoicana daidíaillinoi:

15 —¡Nana omoi, cácarei! ¿Nibái bie izói finódiomoi? Coco omoi izói jiba cómedicoco. Nñufue ómoimo atídicoco. Afe bie táinofuiai omoi fáicanocaillena lluaíbiticoco. Fáicanocaillano, ua caade Juzíñamui dine omoi jáillena daí lluaíbiticoco. Afémie mona, bie énie, monáillai dieze finode naa íaioimo itínuaiairi.

16 Jáiairagima illa llezica nana nairai íaioi comeci jítáillafodo macáoidiaioi. Aféruillaido Juzíñamui íaioína lletáñede.

17 Mei íadi Juzíñamui ñúemie ífueña ñue ómoimo finócafuiado ómoína fidítafirede. Ua ñue nocina ómoimo bítafirede. Nana aménaiai llizíllajiaína ómoiri llizítate. Afedo omoi güille ñue ite, omoi comeci íóbillena, —daí úrite Pablo.

18 Mei nana afe daínauaillai daína íadi, nana comini íaillinoiri juráretuai nai fáiacadiaioi. Iadi ícoimo afétuai íaioi faana féitatadiaillinoi.

19 Afe mei Antioquíamona Icóniomona dáarie judúuai dúcizaide. Lистра comínimo júfiduano Pablo fállena mamédiaioi. Iemona Páblona nofíciaina níjdiaioi. Níjiano jofue jinófenemo íena zonócaidiaioi. Comécido daidíaioi: “Nibai tíide,” daide.

20 Mei íadi ínotino íemo gairírdiaioimo Pablo náidacaillano meine jófuemo jaide. Afe jítiramoidiruido afémie Bernabé diga Dérbemo jáidiaillinoi.

21 Dinomo jíllona uaillai jino llotíaillinoi. Afe jófuemo aillo comini Jesumo ínotiaioi. Afe mei meine abido Lístramo, Icóniomo íemo Antioquíamo dieze jáidiaillinoi.

22 Nana afénuaiai jofue ínotinuaiai ñue caimare íociretadiaillinoi. Ñue jaícina ínuafuedo íaioi jáillena llófuetiaillinoi. Iemo íaioína daidíaillinoi:

—Juzíñamui illáimana illíruimo cai jáillena, aillo afe facátafuiai iere caimo jítáirede, —daide.

23 Afe llezica naga gairíracuaimo ócuite illáinina mamédiaillinoi. Afe mei güiñeno Juzíñamuimo iere úrilla meífomo nana como ocuídillainina mamécamiiai Juzíñamui úiñuamo jónetiaillinoi, Juzíñamuimo ñue íaioi ínua jira.

*Pablo Bernabé diga íaillinoi nano billánomo abido jáidiaillinoi*

24 Afe meífodo Pisidia éniemona jaillano Panfilia éniemo dúcidiaillinoi.

25 Perge jófuemo jíllonafue llotíaillinoi. Afe llua meífomo Atalia jófuemo jáidiaillinoi.



<sup>26</sup> Dinómona Siria éniemo ite Antioquía jófuego nocaedo ruica jáidiaillinoi. Naui afe jófuego ite ínotino íaillinoina Juzíñamui jónetiaioi. Daí finódiaioi jáie nairai ñúefuena llófuiaillena. Ja birui afe táijina fuilla.

<sup>27</sup> Antioquíamo dúcidiaillinoimo, nana ínotino Juzíñamui garíracomo gairídiaioi. Gairídiaioimo Pablo nana Juzíñamui íaillinoido finócafuiái jino íaioimo llote. Afe llezica judíoñedinomo Juzíñamui ñue jílloille io como túñua llotíaillinoi. Afe izói áfemo afémaci ínorediaioi.

<sup>28</sup> Afe meífomo Pablo Bernabé diga ínotino cígimo are diga irui itíaillinoi.

## 15

### *Ínotino illaini Jerusalemo gairídiaioi orécamaci diga*

<sup>1</sup> Aféruillaído dáarie íñiaí Judea éniemona Antioquíamo ite ínotino llófuiaibite. Iaioina daidíaioi:

—Moisés ocuica íza bacano icoi quétafuena omoi finóñenia, jílloñeitioi, — daidíaioi.

<sup>2</sup> Ie jira Pablo Bernabé diga íaioimo riírede uáillaído úritiaillinoi aillo júfiduafuiái diga. Iemona Antioquíamo ite ínotino Pablo, Bernabé, jáímaci diga nizédiaioi, Jerusalemo ite orécamacimo aféfuena jicánuaillena; daje izói Jerusalemo ite Juzíñamui gairídino illáinimo jicánuaítiaioi.

<sup>3</sup> Mei daí nízia mei Antioquía ínotino afe nizécanona orédiaioi. Afe orénamona, Fenicia éniendo Samaria énie diga jáidiaioi. Jaillano judíoñedino íaioi jaiaí llóinauailai féitano Juzíñamui dibéno jáillafue llotíaioi. Nana ámatiaí aféfuena cacáillano iere íóbidiaioi.

<sup>4</sup> Pablo Bernabé diga Jerusalemo dúcidiaillinoimo, Juzíñamui gairídino camare uáidogaiaillinoi. Daje izói orécamaci naa gairídino illáiniri íaillinoina camare uáidotiaioi. Dinomo Juzíñamui íaioiri finócafuiái íaioimo jino llotíaillinoi.

<sup>5</sup> Mei íadi fariséuaimona dáarie ínotino caifo naidáillano íaioina daide:

—Ínote judíoñedinomo afe cai izói quetaínafue jitáirede. Afe emódomo Moisés ocuicafue ñue ínollena jitáirede, — daidíaioi.

<sup>6</sup> Iemona orécamaci naa ínotino illáiniri aféfuena ñue onóillena gairídiaioi.

<sup>7</sup> Aféfuai are íaioi júfidua meífomo, Pedro caifo náidaillano daide:

—Amatiaí, omoi cácarei. Naui Juzíñamui cuemo finócafue onódiomo. Juzíñamui omoi cígimona cue nizeda judíoñedino cígimo orede. Ua cuena nizede afémacimo ñue jílloafue uailai cue llujáillena; áfemona afémaci aféfuai ínotiaioi.

<sup>8</sup> Cai comécina onode Juzíñamui cuemo llote: “Afe judíoñedinona ñue llínoitícue,” daide. Afemona Ñuera Joreño íaioimo fecade caimo ie feca ízoí.

<sup>9</sup> Juzíñamui cáimona afémacimo jáífodo finóñede. Iaiói ínuado íaioi comeci íafue Juzíñamui oni dote caie ie dua ízoí.

<sup>10</sup> Mei birui ¿ñibái mei Juzíñamui finócafue jeire oñédioi? ¿Ñibái mei baie ínotino jamánomo riire ocuicadio? Afe ocuínafue cai, cai jáiairagima diga finónidicai.

<sup>11</sup> Mei íadi jáífodo ínoticai, cai jílloillena. Ocuíraima Jesús caimo dúecaide. Afemo cai ínuamona íbáñeno jíllobicaidicai. Afe izói judíoñedino Jesumo ínuamona íbáñeno jíllobicaidiaioi, — daide.

<sup>12</sup> Mei jira afémaci llícaidiaioi, Bernabé Pablo diga llogáfuego cacáreillena. Nana judíoñedino cígimo Juzíñamui finócafuiái llotíaillinoi. Dinomo íaillinoido



uaido finoca onótate raa ciórainina raa diga Juzíñamui finode. Aféfuiai jino llotíañillinoi.

<sup>13</sup> Iañillinoi llogafue fúillamona, Santiago daide:

—Amatiai, cue dáinamo cácarei.

<sup>14</sup> Simón Pedro jae Juzíñamui judíoñedinona como fueñe íaiñoia izire canóinafue caimo jino llote. Juzíñamui jae judíoñedimacimona dáazie como níziaibite dama ie náiraina.

<sup>15</sup> Afefue ua Juzíñamui jaiiai uai llóraini cuegáfuiamo jaícina dájena jóobide. Afe Cuegáuai daide:

<sup>16</sup> Bifue mei, meine bíitícue.

Ua David jaiiai nairai, júdaizitaga íadi, meine dáaziena jofo gairítaitícue.

Aféziemona due fiébidino jaiiai íaiñoi ízaina izói meine jebuitaitícue.

Ríinidimaci jofo dáanomo otátaitícue, ñue ríirediziena íaiñoi íllena.

<sup>17</sup> Afe daíí fínuaibitícue nana jíáimaciai Juzíñamuimo comeci fácajano íaiñoi íñollena.

Daíí fínoitícue nana cuena náamarede judíoñede náiraiiai cuemo comeci facada íñollena.

<sup>18</sup> Ua jaiiai nínómona aféfuiai onótate Juzíñamui daíí daide.

<sup>19</sup> Te jira bifue llotícue. Afe como Juzíñamuido jáiacade judíoñedino mai, cai íaiñoia áifedoñeitícai. Jae íaiñoi jaiiai íñoga táinofuiiai fáicanocaidiaioi Juzíñamui llogáuaina íaiñoi íñollena.

<sup>20</sup> Due llétafue íaiñoimo cai cúellena ja dieze figo baite. Afe bífuiiai íaiñoimo llóitícai. Mai jánaraimo fia fecaca güíllena omoí jetáñeno iri. Mai jiruífuemona abi omoí rairuiri. Dama áiredimie ie ai diga illa ñuena. Mai cimoina cigínoga rílleniai ríñeno iri. Afe izói coróbaitaga rílleniai ríñeno iri. Daje izói díena omoí jíroñeno iri.

<sup>21</sup> Daíí judíoñede como íñotimacimo lletádicaiza, níbai nanómona nana jófue mo Moisés ocuícáfue llófueraini ite. Naga ocózinaillaruido llófueriracomo afe Cuegáuai jino facádotiaioi. Aci dino Santiago llote.

<sup>22</sup> Iemo orécamaci gairídímaci, nana íaiñoi illaini diga, “Jii,” daidíaioi. Iemona íaiñoi cigímona dámierie nizéllena maméritiaioi, Antioquíamo oréllena Pablo Bernabé diga íañillinoi nabáillena. Judas daínámie nizédiaioi; afémie jíáfodo mameina Barsabás. Daje lezica Sílasna nizédiaioi. Afe íañillinoi ámatiai cigíri illaíma izóidiaillinoi.

<sup>23</sup> Iañillinoi do cuegabe orédiaioi. Afébemo daide:

“Cai Antioquíamo ite judíoñede ámatiaimo uai orédicaí. Afe izói Siria éniemo ite ámatiaimo, Cilicia éniemo ite ámatiai dieze nana ómoimo uai orédicaí. Nana orécamaci, Juzíñamuimo gairídino illaini, benó ite ámatiai diga, ómoimo uai orédicaí.

<sup>24</sup> Cáimona ómoimo nauí bitino finócafue jae fidídicaí. Caimo lloñeno oni jáidiaioi. Cai óreñegaiaioi. Dani imaci uáillaído jae omoí ifoci írinuaidiaioi. Daíí ómoína áifeduaidiaioi. Omoí bacano icoí quetállifuiiai llujáidiaioi; jíáie Moisés llogáuailai ómoimo ocuízaidiaioi.

<sup>25</sup> Te jira cai comécido ñue jaide cai cigímona mena come mamede ómoimo oréllena. Aféfuena nana jíeruitícai. Bie nizécaillinoi Pablo Bernabé diga omoí éroizaibitiaioi. Pablo Bernabé diga cai iere izíruiga amaillinoi.

<sup>26</sup> Cai Ocuíraíma Jesucristo ñúefue íañillinoi llua ícoínia, jaci cácatagaillinoi.

<sup>27</sup> Daíí Judas Silas diga ómoimo orédicaí. Aféillinoi ómoimo jofo úritiaillinoi nana bífuiiai jino ñue llóllena.

<sup>28</sup> Mei cáimona ñue cioide; afe izói Ñuera Joréñomona ñue cioide riírede rafue ómoimo cai mámeñeilla. Dama jitáiredifue mámeiticaí.

<sup>29</sup> Jánaraimo fia fecaca ríllenaína omoí riñeno iri. Daje izói díena jiróñeno iri; cimoina cigínoga ríllena omoí riñeno iri. Nana jiruífueмона abi omoí rairuiri. Dama áredimie ie ai diga illa ñuena. Bífuiaimona abi omoí rairuadi, ñue ítiomoi. Jae niie.”

<sup>30</sup> Daí Jerusalemo ite ínotino íaioina Antioquíamo orédaioi. Antioquíamo dúcidiaino, dinomo ite ínotino dánomo gairítatiaoí afe rabe fecállena.

<sup>31</sup> Afebe ámatiai facáduamona iere ióbidiaoí. Ua afe caimare llétafueri ióbidiaoí.

<sup>32</sup> Judas Silas diga Juzíñamuimona oga rafue jino llórediaillinoí. Ie jira íaillinoí uáillaído afe ámatiai ñue náirecaitadiaillinoí. Afe llezica íaioina ñue comeci firazitadiaillinoí íaioí caimare íllena.

<sup>33</sup> Dinomo diga irui íllamona, Antioquíamo ite ámatiai comeci jacínaiñenafuedo íaioina jáitataioí. Daí íaioina uáidonocaidiaoí meine íaioí orécamací diné jáillena.

<sup>34</sup> Mei íadi Silas Antioquíamo fiébicaillena mamérite.

<sup>35</sup> Afe izói Pablo Bernabé diga Antioquíamo fiébidiaillinoí. Afe meífodo, aillo jíaie llóraini diga, llófueritiaoí. Cai Ocuíraima Jesucristo uailai jino llotíaoí.

### *Pablo dánomo nane jáizaide ñúefue llujáillena*

<sup>36</sup> Diga irui illa meífomo Pablo Bernabena daide:

—Mai dánomo meine coco jai, nauí coco llófuegano coco uáiduailli. Nana íaioí jófuedo Jesucristo uailai llófueticoco, ie jira afémaci nie izói itíaoíza coco eróizai, —daide.

<sup>37</sup> Bernabé Marcos úiacade íaillinoí jaille dine. (Marcos jíáfodo mameina Juan.)

<sup>38</sup> Mei íadi Pablo íena úiacañede, nauí Panfilia éniemo íaioina fiénocaila jira. Iemo íaillinoí táijicando jáiñede.

<sup>39</sup> Afefue jamánomo íaillinoí riire júfídua meífodo, dárie enénorie oni jáidiaillinoí. Ie mei Bernabé Marcos uite. Daí ñiano, nocaedo Chípremo jáidiaillinoí.

<sup>40</sup> Afe llezica Pablo dama íeiena Silas nízeda ote. Nízia mei, afénomo ite ámatiai Juzíñamui íaillinoí izíruillena caimare jicádiaioí, daje izói Juzíñamui íaillinoína nabáirillena. Daí jica meífomo, oni jíainomo jáidiaillinoí.

<sup>41</sup> Siria énie, Cilicia éniédo jáidiaillinoí. Afénomo Juzíñamuimo gairide ámatiai náicaitadiaillinoí.

## 16

### *Timoteo Pablo Silas diga nabáizaide*

<sup>1</sup> Derbe, Lystra jofue diga dinomo Pablo, Silas diga dúcidiainoí. Afénomo daa Juzíñamuimo ínotimie baizájidiaillinoí. Ie ei judúuaimona Juzíñamuimo ínotingo. Mei íadi ie moo griego ímie.

<sup>2</sup> Lystramo ite ámatiai afémiedo ñue úritiaoí naa Icóniomo ite ámatiaíri.

<sup>3</sup> Pablo Timotéona ie nabaina úiacade. Ie jira ie bacano ícoí quetátate, íaioí jáillinomo ite judúuai afémiedo comeci fiéni fácañeilla. Mei afémaci ie moo griego ímienana ñue onódiaioíza.

<sup>4</sup> Nana íaioí jáillado ite jófuedo lletáinafue llotíaoí. Afe lletáinafue Jerusalemo ite orécamací ocuide éinamací diga llotátataioí.

<sup>5</sup> Daí Juzíñamuimo garídímaci íaioí ínuafue ñue oni mónaioicaide. Afemona nágarui aillo jebuíoicaidiaioí.

*Pablo Macedonia ímiena nicaí anado ciona izói ciodo*

<sup>6</sup> Asia éniemo Ñuera Joreño ñúefue íaioi llujillana ráiruide. Ie jira Frigia énie, Galacia énie diga afe éniemo oni llujidiaioi.

<sup>7</sup> Ie mei Misia énie fuédamo dúcidiaioi. Dinómona Bitinia éniemo jáillana comeci facádiaioi, mei íadi Jesús Joreño dinomo íaioi jáillana rairuide.

<sup>8</sup> Ie jira jica Misia énie fuédado jáidiaioi. Dinómona Troas ígobemo jáidiaioi.

<sup>9</sup> Dinomo afe naio Pablo nicáirilla izói ciodo. Afe nicáirilla izói Macedonia énie ímiena ciodo. Afémie náidaicana Páblona izire jicade; daide: “Bené Macedóniamo cai cánuabi,” —daide.

<sup>10</sup> Daí Pablo nicaí anado izói cionamona Macedóniamo cai jáillena mamériticaí. Jae Juzíñamui cai jírillaza ua onódicaí dinomo ñúefue cai llujillena.

*Pablo Silas diga Filipos jófuego illafue*

<sup>11</sup> Iemona Tróasmona nocaedo monaillai cigi idu Samotráciamo jaícina jáidicaí. Ie jítiramo Neápolismo dúcidicaí.

<sup>12</sup> Dinómona Filipos jófuego jáidicaí. Afe Macedonia fueda Filipos jamánomo jalléidigobe. Romano comini afe jofue nauí nitátatino. Dinomo nano nígarui iticaí.

<sup>13</sup> Afe ocózinaillaruimo afe jofue jinomo jáidicaí. Ua imani fuemo íaioi Juzíñamuimo iere úrizairenanomo jáidicaí. Dinomo ráinaillano ñúefuedo gairíngotiaimo úriticaí.

<sup>14</sup> Aféngotiaimona daango Lidia mámeciredingo. Afengo Tiatira jofue ingo. Afengo jáire jítirede ñuera iniroi fecáraingo. Afe ringo Juzíñamuimo áinozioidingo Juzíñamuimo camare úrillena. Iemona afengo afe ñúefuena cacáreacade. Jae Juzíñamui afengo comécina tuiñode, Pablo llogáuailai jeire óllena.

<sup>15</sup> Afengo naa ie comíniri báutizagaiaioi. Báutiza mei izire jicada caina daide: —Comeci anado omoi daíadi, Juzíñamuimo ua ínotingodicue, mai cue jofomo omoi bi, —daide.

Iemona aféngodo jáidicaí.

<sup>16</sup> Afe Juzíñamuimo úrizairanomo cai jailla llezica, fiénidena jóriairede ringoza baizájidicaí. Afe fiénide jóriaído come óñoñega éicina raire onófirede. Afengo izire jeruícango. Afe eici báillado aillo úcubena ie náamatiai íena ófirediaioi.

<sup>17</sup> Afe ringoza Pablo diga caído jáizaide. Caillícana jaide; daide:

—Bimaci caifoide Juzíñamuimo dúidiaioi. Omoi jílloille io ómoimo llotíaioi, —daide.

<sup>18</sup> Diga iruillai daí afengo caillide. Are ie caillícana ícoimo, Pablo zefuínaite. Meine gírecaillano aféngomo ite fiénide joriaína daide:

—Jesucristo mámecido aféngomona ona oni orédicue, —daide.

Daí daina llezicamona afe fiénide joriaí aféngona fáicanocaillano jaide.

<sup>19</sup> Afe ringoza náamatiai daí ie finóinana ciódiaioi. Iemona:

—Jae aféngodo úcubena óñeiticaí, —daídiaioi.

Daí dainano Pablo Silas diga llaitada ríimaci uícomo aillo gairírabirimo uitíaioi.

<sup>20</sup> Riire jicánorainimo íaillinoína izájidiaioi. Daídiaioi:

—Bíaillinoi, judío ímíai cai jófuego comínina ríicaitaíbite.

<sup>21</sup> Caimo llujábigafuina jeire ónidicaí. Afe izói cai ínidicaí, cai bie románodicaiza, —daídiaioi.

<sup>22</sup> Iemona afeno comini íaillinoimo ríicaidiaioi. Riire jicánoraini íaillinoi ínícuirona duiñoda rázido íaillinoína fatátate.

<sup>23</sup> Iaillinoi aillo fáina meífomo, llavéracomo íaillinoina lláviaidiaioi. Afe llavéraco úiñoraíma riire ocuúdiaioi íaillinoina ñue rairuúllena.

<sup>24</sup> Afe riire ocuúnafuena cacánamona llavéraco úiñotimie llavéraco jamánomo jofóidicomo íaillinoina orede. Dinomo come idai jíitara íredamo íaillinoina jíitate.

<sup>25</sup> Afe naio dáaferuimo Pablo Silas diga Juzíñamuimo úrillano Juzíñamui ruai rotíiaillinoi. Afécomo jíáie llavécamiiai afe rúana cacádiaioi.

<sup>26</sup> Iaillinoi rua llezica afe énie raire iere riire docáiricaide. Nana afe llavéraco jíaillirai izói riire mozide noficiai jaidínocaiga izói íficaide. Afe llezicamona llavéraco náziai túicoizite. Afemona nana llavécamiiai llójeuai tícoizite.

<sup>27</sup> Iemona llavéraco úiñoraíma cazide. Cazídemo jae nana náziai túienana ciode. Comeci anado daide: “Nana llavécamaci jae nibai botádiaioi.” Ie jira lloefai ota ie abi faitáacade.

<sup>28</sup> Mei íadi Pablo íemo caillide:

—¡Dama o abina fiene finóñeno iri; nana benó itícaiza! —daide.

<sup>29</sup> Mei jira llavéraco úiñoraíma bobaie jicade. Iemona Pablo diné aizícana bite. Dinomo afe jágieri abi cuidírioicana, Pablo Silas diga íaillinoi anamo dújude.

<sup>30</sup> Ie meífomo íaillinoina jino jíáinomo uillano, jicánote:

—Pablo, ¿cuemo ite fiénidífuemona cue jíllloillena nie izói íiticue? —daide.

<sup>31</sup> Jira aféillinoi uai ote:

—O jíllloillena cai Ocuúraíma Jesucrístomo ñno. Iemona o dama jílllobicaitio. Daje izói o ai nana o úruiai diga íñuamona jílllobicaitiaioi, —daide.

<sup>32</sup> Iemona Juzíñamui uailai íemo llotíiaillinoi naa ie jofo ero itínuáiri.

<sup>33</sup> Mei íadi daje naio llavérraíma íaillinoi fáina boáfiai jocode. Afemona afémie naa íaillinoi úruiairi báutizaigaiaioi.

<sup>34</sup> Afe mei aféillinoina ie jofomo uillano ecade. Afémie naa ie comini diga Juzíñamuimo íñuari caimare íóbidiaioi.

<sup>35</sup> Afe jítiramo riire jicánoraini jíáie llavérraini llavéracomo orede, Pablo íaillinoi zuitállena.

<sup>36</sup> Iemona llavéraco úiñoraíma Páblona daide:

—Riire jicánoraini ómicoina cuena zuitátate. Mei ja birui ómicoi nífuenino uái íllena jino jáirediomicoi, —daide.

<sup>37</sup> Mei íadi Pablo llavérrainina daide:

—Romano ímiédicoco, mei íadi cócomo jicánoñeno razido cócona fatíomoi. Faano cócona llavétatiomoi. ¿Mei íadi ja birui báinino cócona zuitátatiomoi? Mei íeñedeza. Coco llavétatino mai coco zúitaíbiri, —daidíiaillinoi.

<sup>38</sup> Afefue llavérraini jicánorainimo llujide. Lluájillamona jicánoraini jacinaitiaioi, aféillinoi romano ímienari.

<sup>39</sup> Ie jira Pablo Silas diga íaillinoimo jícajidiaioi:

—Caimo ómicoi dúecai, —daízaidiaioi.

Iemona íaillinoi jino uano, íaioi jófuemona oni jáillana izire jicádiaioi.

<sup>40</sup> Afe llavéracomo jino billano, Lidia jofomo jáidiaillinoi. Amatiaina cíoillano íaioina ñue náicaitadiaillinoi. Daí ñiano jíáinomo oni jáidiaillinoi.

## 17

### *Tesalónicamo comuide aillo úrioínafue*

<sup>1</sup> Pablo Silas diga íaillinoi jaillano Anfípólís jófuedo jáidiaillinoi. Ie mei Apolonia jófuedo jáidiaillinoi. Afe mei Tesalónica jófueмо dúcidiaillinoi. Aféno mo ite judíuai llófueriraco.

<sup>2</sup> Pablo ie fibilla izói, afe llófueriracomo jofu llófuerizaide. Daámani ocózinairuido íaioimo úrite.

<sup>3</sup> Juzíñamui jaiái Cuegáuái jino íaioimo llóollode. Aféuaimona Cristo duere finóinafue jitáirede, daíí íaioimo jino llote. Daje izói Cristo tíida meine cáallena jitáirede daíí jino íaioimo llote. Iaioina daide:

—Be ómoimo cue llogámie Jesús dámie Crístona, —daide.

<sup>4</sup> Mei íemona judíuaimona dámierie aféfuemo ínotiaioi. Afemona Pablo Silas íaillinoi dibénemo itábicaidiaioi. Afe izói aillo Juzíñamuimo jaináiacade griego ímíai iere ñue ínotiaioi. Afe izói aillo illaingo izóidingotiai aféuaina ínotiaioi.

<sup>5</sup> Mei íadi ínoñede judíuái aféfuerei úradoilla izói itíaioi. Iemona cállemo ite fiénide ráiraiedinomo gairídiaioi. Ie mei judíuái cállemo ite itínori aillo úrioinafue finódiaioi. Daíí jofue comini comeci fiéni icíritadiaioi. Jasón jofomo ite Pablo Silas diga llaitállena, afeco cirínotiaioi, aféillinoi llaitada afeno comínimo izájillena.

<sup>6</sup> Mei íadi íaillinoína baiñediaioi. Ie jira Jasón zocana uitíaioi, jíaie ámatiai diga. Jofue illaini uiécomo íaioína uitíaioi. Daíí caillídiaioi:

—Bíaillinoi náragobiaido fiéni faillíñeinafuíai finódino ja benomo dúcia.

<sup>7</sup> Ie mei Jasón ie jofomo íaioína llínote. Nana afe bie bitino cai caifoide romano illaíma ocuícáfuaí uáitaocana daide: “Jíaie ua cai illaíma ite, Jesús,” —daíídiaioi.

<sup>8</sup> Aféfuena cacáillano ríimaci naa comíniri faillíñeidiaioi.

<sup>9</sup> Jasonmo daidíaioi:

—Cai o jífueñellena uícomo o úcube caimo ine. Uire aféillinoi o oréadi o úcube meine omo íitícaí, —daíídiaioi. Ie jira afe úcube íaioimo fécamona ja Jasón jíaí ámatiai diga zuitádiaioi.

### *Pablo Silas diga Berea jófuemo dúcide*

<sup>10</sup> Afemona afe naio ámatiai Pablo Silas diga Beréamo raire orédiaioi. Dinomo dúciillano judíuái llófueriracomo jáidiaillinoi.

<sup>11</sup> Bie judíuái Tesalónicamo ite judíuái baímo fígomaci. Caimare afe úrillauaina jeire otíaioi. Nágarui Juzíñamui Cuegáuailaímo jénofirediaioi, íaioimo llogáuailaína uafue daííllena.

<sup>12</sup> Afemona aillo afémacimona ínotiaioi. Daje izói griéguaímona ínotiaioi. Dájerize íñíai íemo jíaí ñue caimare jacíruigangotiai ínotiaioi.

<sup>13</sup> Mei íadi Tesalónicamo ite judíuái Pablo Beréamo Juzíñamui llogáuái llófueillana fidíillano, dinomo nane comini fiéni faillíñaitaitaioi.

<sup>14</sup> Mei íadi ámatiai dama Páblona raire aféruido monáillai fuédamo orédiaioi. Ie mei Silas Timoteo diga Beréamo fiébicaide.

<sup>15</sup> Pablo nabaina jáidino Atenas jófuemo íena izáíjdiaioi. Iaiói meine jáidinodo Silas Timoteo diga Pablo íaillinoimo uai orede. Daide: “Cue diné iere raire ómicoi biri, dánomo cai gairílleza,” daide.

### *Pablo Aténasmo illafue*

<sup>16</sup> Nai Pablo Aténasmo Silas, Timoteo diga úíñua llezica, afe jófuedo macade. Macádemo aillo íaioi jánaraiái cióizaide. Aferui Pablo comeci iere zúucaide.

<sup>17</sup> Mei jira llófueriracomo judíuairi úrite; daje izói jíaie Juzíñamuimo jaináiacadinori. Nágarui jofue gairírabirimo itínuaímo llote.

<sup>18</sup> Dárie “epicuro” daína llófueinafue facádotino como Pablo diga úrizaidiaioi. Daje izói, dárie “estoicos” daína llogáfuaí facádotino Pablo diga úrizaidiaioi. Dámierie daidíaioi:

—Bie aillo úrifiredimie, ¿nífue caimo llóite? —daíídiaioi.



Mei íadi jíáimaci daidíaiói:

—Níbai jíáie juzíñamuillai llotímie, —daidíaiói.

Daií úritiaíoi, Pablo Jesús úrillauai, ie meine cáanafue diga íaióimo llóiacana jira.

<sup>19</sup> Ie mei Areópago daina illánomo íena uitíaiói. Dinomo gairífrediaíoi llófueinafuena cacáillena. Dinomo íena jicánotiaíoi:

—O atica cómue llófueinafuena cai onóacadícai.

<sup>20</sup> Mei ónoñegafuiai caímo llotío. Afe bífuiai dánana onóacadícai, —daidíaiói.

<sup>21</sup> Nana Atenas imaci naa afénomo ite onínemaciri, cómue ráfuiaina cacáillena járitaitiaíoi. Afe izói cómofuiai llóllena járitaitiaíoi. Jíáie táijnamo járitañediaíoi.

<sup>22</sup> Ie jira Pablo Areópago comini cígimo náidaillano daide:

—Atenas imaci, omoi cácarei. Aillo juzíñamuillaido iere jaináidinodíomoi. Daií omoi íllana ciódícue.

<sup>23</sup> Omoi juzíñamuillai ánozillena finócafuiái illánuiáido éroicaidícue. Dinomo daa omoi juzíñamuillaimo comeci facáranó ciódícue. Afénomo cueda uailai daide: “Bie cai ónoñega juzíñamui ie.” Bie omoi onóño jaináiacana Juzíñamui, ua birui ómoímo cue lluáibigamie.

<sup>24</sup> ‘Afe énie finode Juzíñamui naa éniemo itínuiári, afémie bie énie Naama, mona diga. Afémie comini nigácomo íñede.

<sup>25</sup> Afémiemo cai nífuena finónidícai. Nífuena llónidícai. Mei jira dama afémie nana comínimo cáatatinona fecáfiredé; daje izói afémie jáfaicina cai ite. Ie emódomo nana ite ráaniaina afémie caímo iga.

<sup>26</sup> ‘Naga náiraíai fueñe dáziemona Juzíñamui comuítaga, naga illa dígano íaiói éniemo íllena. Iemona dájena diédícai. Nana íaiói illínuiái mamede. Daje izói nano nie dino íaiói illíruillai mamede.

<sup>27</sup> Daií afémie finoca afe Juzíñamui íaiói jenóllena, níbai are illa ícoínia ie íaiói báillena. Mei íadi uáfuena Juzíñamui cai illa dígamíemona jica íñede.

<sup>28</sup> Mei Juzíñamuido cáadícai. Afémiedo cai jetáacaga raana jetádícai. Afe izói afémiedo itícai. Afe daje izói ómoímona dárie rua fínua izoide llote: “Juzíñamui comuítagamacidícai; ie izíedícai.”

<sup>29</sup> Iemona afe Juzíñamuina fia oro finoína jánarai daií comeci omoi facáñoeno iri, mei Juzíñamui comuítagamacidícaíza. Afe izói afémiena plata finoína jánarai, ebírede nofíci finoína jánarai, daií comécido omoi daíñoeno iri. Nana bie jánaraiaina dani comini comeci faca izói finódiaíoi.

<sup>30</sup> Naui jaiáidiruillaido comini abina onóñediaíoi; daií íllaza Juzíñamui íaióimo nai íbana oñede. Mei íadi birui náganomo itímiaína Juzíñamui ocuícana daide: “Omoímo fieni itífuiaina méidori,” —daide.

<sup>31</sup> ‘Nana comínimo itífuiái izire jicánollirui Juzíñamui jae mamede. Aféruillaido afémie nizécamiédo jáicina caímo izire jicánoite. Juzíñamui afe nizécamiéna nana comínimo ñue jino uáfuena onótate; tíllanomona íena meine abido cáatanado nana comínina uáfodo jino fidítate, —daií Pablo llote.

<sup>32</sup> Afe tíidimaci meine cáanafuena cacáillano, dárie itínomona Pablo jifánodoídiaíoi. Jíáimaci íena daidíaiói:

—Íco jíáiruido aféfuena meine nane dánomo ómona cácaítícai, —daidíaiói.

<sup>33</sup> Iemo Pablo íaiói cígimona oni jaide.

<sup>34</sup> Mei íadi dáarie iedo jáidiaíoi. Jaillano ínotiaíoi. Afe ínotímacimona dámie Dionísio. Afémie Areópago nímaíranímo jaináidímie. Afe ínotímacimona Dámaris mámeciredíngo ite, nai bai jíáimaciri.



## 18

*Pablo Coríntomo illafue*

<sup>1</sup> Afe meífodo Pablo Aténasmona oni Corinto jófue mo jáizaide.

<sup>2</sup> Dinomo dúcia meífomo Aquila mámecirede judío ímie baizájide. Afémie Ponto énie ímie. Afe Aquila ai Priscila. Afe íaillinoi cómoicana Itáliamona botádiaillinoi; romano caifóidillaíma Claudio nana judíuai Roma jófue mona oni íaioi oréina jira. Dinomo Pablo Aquila uáiduaide.

<sup>3</sup> Aquila ie ai diga jédaciede iniroi tífuano bizáinicai fe nitíai. Afe íaioi nillado úcube otíai. Pablo afe tájinana fibídímie. Ie jira Pablo afe íaillinoiri fiébicaide, dájena íaioi tájillena.

<sup>4</sup> Naga ocózinaillarumo llófueriracomo Pablo llófuiaifirede. Afemona judíuaimona dáarie ínotiaioi. Afe dájerize judíoñedímacimona ja ínotiaioi.

<sup>5</sup> Jae Macedonia éniemona Silas Timoteo diga dúcidiailinoimo, Pablo ie bizáinillai nilla fáicanocailano, dama Juzíñamui ñúefue jino llóllena iere izire llocana uite. Judíuaina uáfodo daide:

—Jesús omoi úiñogamie Cristo, —daide.

<sup>6</sup> Mei íadi judíuai íena uáitaoidiaioi. Iemo fiénide uallai nitádiaioi. Ie jira Pablo ie ínícuro íaioimo faiánote. Afe faiánua daide: Iaioi íaire finócafue ícoinia afémie ícoiniañedeza, daní íaioi ícoinia.

Pablo íaioina daide:

—Daní omoi ícoinia tímáritiomoi. Jae ómoiri nífuenidímedícue. Biruímona judíoñedímacimo llúajítícue, —daide.

<sup>7</sup> Llófueriracomona jino jaillano, Justo maméidímie jofomo jaide. Justo Juzíñamuimo ánozillano caimare úritímie. Afémie jofu llófueriraco abímo ite.

<sup>8</sup> Afe llófueriraco illaíma Crispo. Afémie naa ie comíniri Ocuíraíma Jesucrístomo ínotiaioi. Afe llezica aillo Corinto jófue mo itino, Pablo lloga ñúefuina cacáillano áfemo ínotiaioi. Inuamona báutizagaiaioi.

<sup>9</sup> Afe mei Juzíñamui Páblona nícaí anado daide:

—Jacíruiñoeno iri. Mai ñúefue llícaíñoeno lloíri, mei o diga itícueza.

<sup>10</sup> Fiénidífue na bu omo jíritanide. Nai bie jófue mo aillo cuemo ínoitínona ite, —daide.

<sup>11</sup> Iemona Pablo Coríntomo nai daa fimona átuedo Juzíñamui uallai comínimo llófullofuede.

<sup>12</sup> Mei íadi Galióna mámeciredímie, Acaya éniemo illáimana illáruido nana judíuai Páblona uáitaocana gairídíaioi. Iemona íena llátano, ríimaci uíécomo uitíaioi.

<sup>13</sup> Illáimana daidíaioi:

—Bímie comíni cígido llófuericaide. Jáífodo Juzíñamuimo ánozilli uallai llófuecaide. Iemona afe uáillaímo cacáreidiaioi. Mei íadi afefue caímo ocuica uallai uáitaocaide, —daidíaioi.

<sup>14</sup> Pablo como úrizaidemo, illaíma Galión judíuaina daide:

—¡Judíuai, cue omoi áfedeñoeno iri! Bímie mo aillo fiénidífue ícoinia íadi, cómena fájafue izóí, come merírinafue izóí, ua afémie daí íadi ómoímo cacáreitícue.

<sup>15</sup> Mei íadi fia omoi uáillaído, omoi mámeciaído júfidotiomoi, ómoímo judíuai ocuífuaíai diga. ¡Mai daní jaícina omoi finori! Aféfuiaímo izire jícanoraímana íacañedícue, —daide.

<sup>16</sup> Ie mei afémie nana íaioina jino jícanoracomona orede.

17 Iemona nana griéguaí Sóstenes maméidimie llaitádiaioi. Sóstenes llófueriraco illaíma. Iena lláitano, ríillaíma Galión uíécomo íena fáfadiaioi. Mei íadi Galión afe finócafuiaina raa daiñede.

*Pablo Antioquíamo meine jaide dinómona ja dacaiñoámani nane llujide*

18 Dino Coríntomo Pablo diga iruillaí ite. Ie jáiacanaruimo, ámatiaí íraicaiño íena facádonocaidiaioi. Afe mei Pablo nocaedo Siria éniemo ruica jáizaide. Aquila ie ai Priscila diga Pábloiri jáizaidiaioi. Nai Cencrea ígobemona nai jáiñediaioimo, Pablo ie ifo cuidode. Daií finode, jae ie nauí Juziñamuimo llogáuui fuilla jira.

19 Ruica jáillano jae Efeso jófueмо dúcidiaioi. Dinomo Pablo, Aquila Priscila diga fiénocaillano, llófueriracomo jaide. Afénomo gairide judíuaimo Pablo úrizaide.

20 Afémaci ie íaioi diga are íllena izire jicádiaioi, mei íadi Pablo fairíoñede.

21 Íraicaiño íaioina uáidonocaillano íaioina daide:

—Ja Jerusalemo íacade íráizillafuemo raire jáiacadicue, mei íadi Juziñamui óiacania dáanomo abído ómoína éroizaíbiticue, —daide.

Iemona nocaedo Efésomona oni monáillaido jaide.

22 Cesarea jófueмо dúcillano, Pablo arido Jerusalemo jaide, dinomo ite Juziñamuimo gairídino uáidollena. Afe mei oni Antioquíamo jaide.

23 Diga iruillaí dinomo illa meífomo, meine nane nana Galacia jófueмо Pablo oni jáizaide, Frigia jofue diga. Naga jófueмо dágoberie llófuecade. Daií Pablo nana Juziñamuimo ínotimaci comécina ñue náirecaítade.

*Apolos Efésomo ñúefue jino llote*

24 Aféruillaido judío ímie, Apólona maméidimie Efésomo dúcizaide. Afémie Alejandría jofue ímie. Afe íima uai jino llúana ñue fibídimie. Afémie Juziñamui Cuegáuaina ñue onode.

25 Ocuíraíma Jesucristo llogáuailaina afémie llófuegamie. Aféfuiaí jino llúana íere méaicaiñoeno caimare llote. Jino uáfodo Jesús ífuiaído llófuerite. Mei íadi dama Juan íaioi báutizafuena onode. Afe izói Juan Jesudo llogáfuena Apolos onode.

26 Apolos llófueriracomo comeci jáicaiñenado úrizaide. Mei jira Priscila Aquila diga Apolos llófueillana cacáillano, ie eneno uítiaíllinoi, Juziñamui uailaí baímo ñue jino jaícina llóllena.

27 Afe mei Apolos Acaya éniemo jáiacade. Iemona ámatiaí ie abina jafue oñeno, ñue íena náicaitadiaioi. Daje llezica uícomo rabe afénomo ite ínotinomo cuetíaioi, íaioi afémiena ñue llínollena. Afémie Acáyamo dúcillano, afénomo ite ínotinona ñue canode. Juziñamui jae íaioimo dúecaillano íaioina ínotade.

28 Nana comíni eróicana judíuui lloga taino uai Apolos íaioimo cíotate. Afémaci Apolos jamánomo ñue jaícina jóidiuaina jáanonidiaioi. Afémie Juziñamui Cuegáuailaido ñi íaioi úiñoga Cristo dámie Jesuna jino íaioimo uáfodo llóteza.

## 19

*Pablo Efésomo meine dúcinafue*

1 Apolos nai Coríntomo illa llezica, Pablo Galacia éniemo jaillano, íduai íllado jaide. Jáillano Efeso jófueмо dúcide. Dinomo ite Juziñamuimo ínotimacina cíoizaide.

2 Íaioimo jicánote:

—¿Meita omoi ínuamona Ñuera Joreño úicaigamoi? —daide.

Jira afémaci uai otíaioi:

—Afe Ñuera Joreño íllana, jaca due cacáñedicai, —daidíai.

<sup>3</sup> Mei jira Pablo nane jicánote:

—¿Mei bu mámeçido báutizagaomoi? —daide.

Jira afémaci uai otíai:

—Juan mámeçido báutizagacai, —daidíai.

<sup>4</sup> Jira Pablo íaioina daide:

—Juan lloga báutizainafue comini comécimo ite fiénidifuiái méiduana jino náiraímo ciótate. Mei íadi Juan meífodo bitímie mo ínnorediomoí ómoína daidícue. Afe bitímie Jesús; afe Jesús Juzíñamui Nizécamié Cristo, —daide.

<sup>5</sup> Aféfuena cacáillano cai Ocuídímie Jesús mámeçido báutizagaíai.

<sup>6</sup> Pablo íaiomoi onoí bitamona, Ñuera Joreño íaiomoi bite. Iemona afémaci jíáimaci uáillaído úritiaí. Juzíñamuimona oga úrilla uallaí jino llotíaí.

<sup>7</sup> Afémaci nibai doce dígamiediaí.

<sup>8</sup> Pablo afe llófueriracomo daámani fiui jáicade. Dinomo comeci jáicaiñeno jino íaiomoi llófuerite. Juzíñamui illáimana illáfuedo izire íaiomoi jino llote íaioi íinollena.

<sup>9</sup> Mei íadi dámerie comeci rairuillano aféfuena ínoacañede. Comini eróicana Juzíñamui ñúefuíaído fiene úritiaí. Iemona Pablo íaioi cígimona oni jíáicomo jaide. Jaillano Pablo afe Juzíñamuimo ínotinona jíáie comini llófueracomo uite. Afe llófueraco naama Tiranno. Dinomo Pablo nágaruillaído llófuaide.

<sup>10</sup> Daií dinomo mena fimona llófuerite. Iemona nana Asia énie nairaí Ocuíraíma Jesús llogáfuaímo cacáreidiaí. Judíuaimona nano díga ímíai íinotiaí. Afe dájerize judíoñedinomona ínotiaí.

<sup>11</sup> Juzíñamui díga áillue ciórainina ráaniaí Páblodo finode.

<sup>12</sup> Uiéco dóraroillai Páblomo atídiaí jinófene jitáaroillai díga. Aféroillai Pablo jétanona iráredimacimo uitiaí. Afe jetácaroi íaioi llínuamona jíllobicaidiaí. Daje izói jíáimacimo ite fiénide jóriaí oni jáizitiaí.

<sup>13</sup> Afe mei macáraini judíuai dárie dúcidiaí. Afémaci:

—Fiénide jóriaíai comínimona oréredicai, —daidíai. Ja Ocuíraíma Jesús mámeçido afe fiénide jóriaíai jino oréacadiaí. Jíáimacimo ite jóriaíaina daidíai:

—Pablo lloga Jesús mámeçido ja birui ómoína jino orédicai, —daidíai.

<sup>14</sup> Afe izói judío ímie Esceva siete díga jitótiaí daidíai. Afe Esceva lletáiraini illaíma.

<sup>15</sup> Afémie jitótiaí daií dáinamona afe fiénide jóriaí íaioi uai ote:

—Cue Jesuna onódícue. Daje izói Páblona onódícue; mei íadi omoi mei ¿búdiomoi? —daide.

<sup>16</sup> Daií daína mei, fiénidena jóriaíredímie riire íaioina llaitade. Nana íaioina anáfenuano iere duere íaioina finode. Ja iere jamánomo duere íaioi finóinamona, afécomona émuíromaíai naa boáfiaíri jino botádiaí.

<sup>17</sup> Nana Efésomo ite comini, judíuai naa judíoñedinori aféfuena fidíillano iere jacíruitiaí. Iemona Ocuíraíma Jesús mámeçina jamánomoideza daidíai. Afemona aillo ñúefue Jesumo nitádiaí.

<sup>18</sup> Aillo áfemo ínotinamacimona jaiái íaioi finoca fiénidifuiái uáfodo jino llotíaí.

<sup>19</sup> Daje llezica aillo nauí aiñíniaí uaimo fibídino, íaiomoi ite fiénino úrilla rabénicuai átiano nairaí eróicana jobáidiaí. Afe jobáicanicuai comécido facádiaímo, jamánomo ráífide izoide, daidíai. “Cincuenta mil úcubetunillai dieze ráífide,” daidíai.

<sup>20</sup> Daií Juziñamui lloga uailai jamánomo oni mónaioicaide. Afedo Juziñamui rino jino ciotaicaide.

<sup>21</sup> Afe meifodo Macedonia éniemo Acaya énie diga dino comini uáiduallena Pablo mamérite. Afeno comini uáidua meifomo, abido Jerusalemo jáizallena Pablo comécido daide. Afe emódomo daide:

—Jerusalemo cue jaille mei, dinómona Rómamo jáiacadicue, —daide.

<sup>22</sup> Mei jira Macedóniamo mena ie canórama Timoteo Erasto diga uícodo orede. Mei íadi Pablo nai Asiama nano nígarui fiébide.

*Efésomo fiénidifuedo faillíñeidiaioi*

<sup>23</sup> Aféruillaido Jesús lloga ñúefuairi aillo fiéni faillíñeidiaioi.

<sup>24</sup> Afe faillíñeinafue Demetrio como fueñe taineca. Afémie aillo ebírede ráaniai plátamona finórama. Juziñamuina íaioi mamécango Artemisa, nofici finoina jánarai. Aféngomo gairíracó izói, plátamona ráiracojina finoda, Demetrio fecáfirede. Afedo afémie ie diga táijiraimaci íena aillo úcube otíaioi.

<sup>25</sup> Iemo Demetrio naa jáie daje izói táijinana fibídinori dánomo gairídiaioi. Dinomo íaioina daide:

—Cáimaci, omoi cácarei. Bie cai táijinado ñue ráaredicai, onódiomoi.

<sup>26</sup> Mei íadi baie Pablo llócaigafuena cacádiomoiiza. Afémie daide: “Comini finoca juziñamuillaina íeñede,” daide. Ie llogáfuemo Pablo aillo comínina ínotade. Daa benó Efésomoñede daií ínotade, mei íadi nana Asia éniédo ínotaacade.

<sup>27</sup> Afefue iere jacire cacaide. Afedo cai fecácaiganiana táinocaitaíbite. Daje izói cai áillue juziñamui cai dainango Artemisa gairíracó jalléinafuena féitaite. Afe izói bie juziñamui dainango jamánomo ebírenafuena jámairuitaíbite. Nana Asia énie naa jáie éniairi aféngomo ánozifirediaioi, —daií Demetrio daide.

<sup>28</sup> Aféfuena cacáillano, iere comécido rícaidiaioi. Iemona caillíoicana daidíaioi:

—¡Cai Efeso imaci juziñamui cai dainango Diana, jaca ninomo záíñeno iri! —daidíaioi.

<sup>29</sup> Iemona nana afeno jófuedo aféfuiai iere riire júfidotiaioi. Aillo afeno comini ifo irínote. Afe llezica mena Pablo nabaide íaillinoi llaitádiaioi. Afe íaillinoi mámecei Gayo Aristarco diga; Macedonia ímie íaillinoi. Íaioi llaita mei afémaci nairai uícomo íaioi gairíracó como íaillinoina zocana uitíaioi.

<sup>30</sup> Pablo afeco jofomo comínimo úrizaiacade, mei íadi ñúefuena ínotino afe jofó jáillena rairuídiaioi.

<sup>31</sup> Afe llezica Asia ríimaci Pablo diga caimare úriraini, Pablo afeco jofó jáíñeillena uai íemo orédiaioi.

<sup>32</sup> Íaioi gairilla llezica, dáríe jáífodo llotíaioi; jáímíai jáífodo jíríoicana llotíaioi. Mei aféfuairi jamánomo fiéni faillíñeidiaioi. Ja nabénairai aféfuena onóñediaioi, nífuerei gairídiaioiza.

<sup>33</sup> Mei íadi gairídino cígimona dámerie jino Alejándromo aféfuiai llotíaioi. Afe Alejándrona judíuai, afeno comini uícomo judíuai abi ríduafuedo úrillena, bai íena naidánetiaioi. Bai náidaillano ie ónoído íaioina, “Mai omoi llícai,” daide.

<sup>34</sup> Mei íadi afémie judío ímienana íaioi comécido onónamona, mena hora nana caillíoicana daidíaioi:

—¡Cai Efeso nairai naango Artemisa, jaca ninomo záíñeno iri! —daidíaioi.

<sup>35</sup> Iemona afeno jofue jabóllama ícoínia comini llícaitate. Llícaitano íaioina daide:

—Efeso nairai, omoi cácarei. Naga énie náiraiai cai iere jalleide juziñamui dainango Artemísamo gairíracona úínotagamacidicai, afe cai úíñuafuena

onódiaioi. Afe daje izói aféngona mameca monámona ana baiíde jánaraina úiñotagamacidicaiza onódiaioi.

<sup>36</sup> Mei bifue buna jaca jáanonideza, mai omoi llícaí. Comeci facáñeno níífueña lloñeno iri.

<sup>37</sup> Mei bie omoi atica íaillinoi, omoi juzíñamui dainango Artemísari fiénidifuena úriñediaillinoi. Aféngona rícaitañediaillinoi.

<sup>38</sup> Demetrio zúucaillafue níimiemo íadi, mai jicánoraímamo llujáiri. Daje izói afémieri táijiraini zúucaillafue íadi llujáiri. Jaca ríimaci uícomo meine abido óllena afémaci llórediaioi.

<sup>39</sup> Mei jíáfodo omoi jicánoi acaniadi, mai ríimaci daina izói omoi gairiri.

<sup>40</sup> Ja birui jácifueño baiízaidicaiza. Birui omoi finócafue ícoínia, illaíma anáfenuafueña caímo nítaítiaioi. Bie omoi faillíñeinafue caímo íaioi jicánoiadi, íaioi uai caí ollifue jaca due íñede, —daide.

<sup>41</sup> Daí daina meífodo, aféno gairídino oni rainode.

## 20

### *Pablo Macedóniamo Grecia diga dine jáillafue*

<sup>1</sup> Afe íaioi faillíñeinafue llícailla meífomo, Pablo Juzíñamuimo ínotino ñue llófuellena jíiritade. Daí íaioi llófuia meífomo íaioi llínuano íraicaiño uáidonocaide. Uáidonocaillano Macedóniamo jáizaide.

<sup>2</sup> Nana aféno itígobí comini uáiduaide. Ie uáillaído aféno ite ámatiaí náicaítade. Afe mei Pablo ja Grecia éniemo dúcide.

<sup>3</sup> Dinomo daámani fíui llófuete. Dinómona nocaedo Síriamo jáizaidemo, judíuai íena llaitácanafueña fidide. Ie jira ari éniédo Macedóniamo abido jáillena comece facade.

<sup>4</sup> Dinómona ie nabáidino: Berea ímie Sópater; Tesalónica ímie íaillinoi Aristarco Segundo diga; Derbe ímie íaillinoi Gayo Timoteo diga; jíaie Asia énie íaillinoi Tíquico Trófimo diga.

<sup>5</sup> Afe bie ámatiaí uícomo Troas jófueño caina uíñuaidiaioi.

<sup>6</sup> Fáitara jóneñega pan güilla irázilla meífomo, Filípomona nocaedo ruica jáidicaí. Ja cinco dígarui íllamona Tróasmo dúcidicaí. Dinomo daa semana íticaí.

### *Pablo Troas comini uáiduaíue*

<sup>7</sup> Semana nanóidíruído gairídicaí pan ditada fecállena. (Afe pan ditada güillamona Jesucristo íraicaiño güillamo úibicaídicaí.) Güilla mei Pablo Jesumo ínotino llófuete. Afe jítiramo afémie ja jáiacade. Ie jira úrioidemo ja dáaferui ite.

<sup>8</sup> Caífo jica ite caifóneco ero ícomo gairídicaí. Afe dinomo aillo unérachecoí bóotatiaioi.

<sup>9</sup> Dinomo ite daa jítócome, Eutícona maméidímie. Afémie jino eróirafomo ráide. Pablo íere are úrillamona, afe jítócome jamánomo ínietaide. Ícoínia izire íniamona, caífona ana baiíde. Afécomo dabaniámani ite. Dinómona ana éniemo baiíde. Tíide caífo llínotiaioi.

<sup>10</sup> Mei jira Pablo ana aféniemo jáillano, íe acónimo dújuillano íena meníñote. Afe mei ámatiaína daide:

—Cáadeza, omoi jacinaíñeno, —daide.

<sup>11</sup> Daí daina mei Pablo meine caífo jaide. Caífo meine dúcillano, pan ditada güillano nai íaioímo nane úrite. Da úritemo monaide. Monáillamo oni jaide.

<sup>12</sup> Afe baiídímiena ñue caade uítiaioi. Iemona nana comini ñue caímare íficaídiaioi.



*Pablo Tróasmona Milétomo jáillafue*

<sup>13</sup> Ie meífomo Pablo Asonmo iodo jáiacade. Ie jira cai jáímaci nocaedo uícomo Asonmo jáidicai dinomo Pablo otá cai úillena.

<sup>14</sup> Afémiena Asonmo cai báillamona, dinómona cai nocaedo nana Mitilénemo jáidicai.

<sup>15</sup> Dinómona jáillano jítiramoidiruido Quío jofue áinodo jáidicai. Afe jáíruido Samos ígobemo zíjidicai. Dinómona Trogíliomo ocózinaidicai. Afe jáíruido Milétomo dúcidicai.

<sup>16</sup> Pablo Asia éniemo are íacañede. Ie jira Efésomo meine jáiacañede. Mei íadi Pablo raire Jerusalemo dúciacade, afénomo íacade Pentecostés ráfuenta cíoullena, íadi nibai cíoiñeite.

*Pablo Efeso éinamacimo úrillafue*

<sup>17</sup> Nai Mileto jófuego cai illa llezica, Efésomo Juzíñamuimo gairíraini éinamací jíritate.

<sup>18</sup> Iaiói dúcinamona Pablo íaióina daide:

—Nano fueñe Asiamo cue dúcinamona cue ífrenana ñue onódiomoi.

<sup>19</sup> Nágaruillaído comeci mánainafuedo éeíafuedo omoi cígiri iticue. Daií cai Ocuíraíma Jesumo tájifiredicue. Afe llezica judíuai iere aillo duere cuena finóacadaíoi. Afedo aillo facátafuiai cuemo nitádiaíoi.

<sup>20</sup> Mei íadi fáicanocaiñeno nana ómoímo ñue illífuena llófuefiredicue. Daií uáfodo omoi gairíracomo ómoímo llófueritícue. Daje izói naga omoi jofomo llófuefiredicue.

<sup>21</sup> Judíuaimo llotícue; daje izói judíoñedinomo llotícue. Nana íaióina daidícue: “Omoi fiénidífuiai ñúefuíaína Juzíñamui comeci jitailla izói omoi meídori. Iemona cai Ocuíraíma Jesucrístomo omoi íinori,” daií íaióina daidícue.

<sup>22</sup> Mei birui benómona Jerusalemo jáitícue; afénomo cue jaille Juzíñamui Ñuera Joreño cue ocuilla izói. Dinomo cuemo cómuitífuenta ónoñedicue.

<sup>23</sup> Dama dafue cue comécido onóigafue: nana cue jailla jófuedo Ñuera Joreño cue llavébillífue aillo duere cue finóbillífue diga cuena fidítate.

<sup>24</sup> Mei íadi aféfuena due lloñedicue. Ocuíraíma Jesús cuemo jónega tájinafuenta ñue ícoímo cue fuitáadi cue cáanano cúemona ráifiñede. Afe tájinafue Juzíñamui ñue caina izíruillafue comínimo llócadícue. Ua comíni áizia izóidinomona cue tájina ícoímo caimare ñue dúcitaiacadícue.

<sup>25</sup> ‘Omoi cígido Juzíñamui illáimana illafue llócaidícue; mei birui ua onódicueza, ómoímacimona buna cuena meine cíoiñeite.

<sup>26</sup> Ie jira biruido daiíacadícue, ja ómoímona nífuenidímedícue.

<sup>27</sup> Mei jira nana Juzíñamui caimo llófuegafuiai ómoímo uáfodo llotícue. Nífuena báinino lloñedicue.

<sup>28</sup> Ie jira afe izói daní abi omo rairuiri. (Jae einamácídiomoi:za.) Daje izói nana Juzíñamuimo gairídina úiñori, mei jira Ñuera Joreño íaióina úiñotade. Ua Ocuíraíma Jesumo gairídino úiñotagaomoi. Afe gairídina Jesús dama ie tíllado, ie die tóillamona dama ie comínina meine maiñode.

<sup>29</sup> Cue jailla mei jáímaci Juzíñamuimo gairídina jífueridino bíitiaíoi. Ua rírede jicóniai ovéjaina fázia izói Juzíñamuimo omoi íinogafuenta féitatabítiaíoi.

<sup>30</sup> Daje izói omoi cígiri táinofuiai llóitina iite. Afémaci uáfuenta féitajano táinofuiai ómoímo llóitiaíoi, íinotino afe uai jeire otátallena.

<sup>31</sup> Mei jira abi omoi rairuiri. Naui omoi diga cue illáfuego omoi uibíoiri. Dafimonaámani, mona naio diga ébicaillano izire ómoímona nágamiaímo fáicanocaiñeno ómoímo jino llotícue.

<sup>32</sup> ‘Mei cue ámatiai, ja birui Juzíñamuimo ómoína jóoneiticue, omoi úiñollena. Daje izói Juzíñamui caina izíruilla uaimo omoi comeci uibíoillena jitáidicue. Afe uai ómoína náirecaitaite. Afe daje llezica, aféuaido Juzíñamui dibénemo ñue rairuícamacina ja itíomoi naa jíáie ie rairuícamaciri. Mei afe rairuícamací Juzíñamuido ñue finócamacidiomoi.

<sup>33</sup> Jíáimemo ite úcubiaiiri íaioimo ite iníroillairi dama cúeiena jaca úradoiñedicue.

<sup>34</sup> Mei íadi jíáifodo, dama cue jitailla raa óllena dama cue ónoído táijidicue. Daje izói cue diga itino íena oticue.

<sup>35</sup> Daí omoi táijillena lloticue. Afe izói raana jitáidino omoi canóllena ómoína llófueticue, Ocuíraíma Jesús daina uaimo comeci omoi facáoicaillena. Afémie daina uai daí daide: “Fia iga raa llínnotimie baímo, fecáfiredimie jamánomo ióbide,” —daide.

<sup>36</sup> Daí íaioína daina meífodo, Pablo cañici ana dújuillano Moo Juzíñamuimo nana afémaciri úritiaioi.

<sup>37</sup> Iemona nana éenaitiaioi. Afe llezica Páblona meníñuano ñitada cáimadotiaioi.

<sup>38</sup> Afe llezica Pablo “Ja meine abido cuena cíoñeitíomoi” dáinari iere zúucaidiaioi. Afe mei fei nocaemo íraicaiño íena nabáidiaioi.

## 21

### *Pablo Jerusalemo jáillafue*

<sup>1</sup> Amatiai fuénocaillano, Cos jófuemo nocaedo jáicina jáidicai. Afe jítiramo Rodas jófuemo jáidicai. Dinómona Pátara jófuemo jáidicai.

<sup>2</sup> Afe Pátaramo Feníciamo jáiacade nocáe baiticai. Dinómona afécaedo jáidicai.

<sup>3</sup> Jaillano, monaillai cigi idu Chíprena jicana ciódicai. Afe éniena jarífezi dibénemo fíianona Siria éniemo jáidicai. Afe cai jáillacaemo Tíromo fielle ráaniai illa jira afégobemo zíjidicai.

<sup>4</sup> Afégobemo ite Juzíñamuimo ínotinona cióizaidicai. Dinomo siete dígarui íaioi diga iticai. Dinomo Ñuera Joreño llogáiaioi. Ie jira Páblona daidíaioi:

—Benómona Jerusalemo jáiñeno iri, —daidíaioi.

<sup>5</sup> Mei íadi afe siete dígarui illa meífodo jáidicai. Cai jáizailla llezica nana Juzíñamuimo ínotino, íaioi ringóniai naa úruiairi jofue féimo caina nabáidiaioi. Dinomo ite guamácimo ana dújuillano Juzíñamuimo iere úriticai.

<sup>6</sup> Ie mei meníñota íraicaiño íaioi facádonocaidicai. Daí ñiano nocaemo caifo jáidicai. Afémaci íaioi jófuemo meine jáidiaioi.

<sup>7</sup> Tíromona biticai Tolemáidamo dúcina. Dinomo ite ámatiai uáidollena darui nabáidicai.

<sup>8</sup> Afe jítiramo Pablo naa íedo jáidinori dinómona Cesarea jófuemo dúcidicai. Dinomo ite ñúefue llóraíma Felipe jofomo jáidicai. Afémie siete dígamiede güille fecárainimona Juzíñamuimo gairíraco táijiraíma. Dinomo afémie jofomo iticai.

<sup>9</sup> Afe Felipe jiza nagaámazade. Nai inínidiaioi. Aféngotiai Juzíñamuimona cacana uaillai jino llotíaioi.

<sup>10</sup> Aféno mo diga irui itícaímo, uai jino llóraíma Agabo Judéamona cai uáiduaíbite.

<sup>11</sup> Afémie Pablo ciraigi ife zuitáicaillano dama ie idai onoi diga maíáno daide: —Ñuera Joreño daide: “Jerusalemo judíuai bie ciraigi ife náamana bie izói maíite. Maíáno íena jicánemacimo fécaítiaioi,” daide, —daí Agabo lluaíbite.

<sup>12</sup> Aféfuena cacáillano, Cesarea imaci naa cairi, Pablo Jerusalemo jáiñeillena íemo izire jicádicai.

13 Mei jira Pablo uai ote:

—¿Ñibái cuena zúucaitaiomoi? ¿Minícarí éediomoi? Cue íaiói maille baimo comécido mamériticue. Juzíñamui jítáiadi Jerusalemo cai Ocuíraima ícoínia tíiticueza, —daide.

14 Afémie mámiafueña jáanonidicai. Ie jira afefue fáicanocaillano daidicai:

—Juzíñamui começi jitailla izói omo íficaiteza, —daidicai.

15 Afe meífodo, Jerusalemo jáillana finóbidicai.

16 Cesaréamona dárie Juzíñamuimo ínotino caina nabaide. Afémaci cígimona daa Chipre ímie Mnasón ite. Afémie jae diga fimona Juzíñamuimo ínote. Afémiemo ite Jerusalemo dúciracomo jáidicai.

### *Pablo Sanatiago uáiduafue*

17 Jerusalemo dúcidicaimo dinomo ite ámatiai caimare caina llínotiaíoi.

18 Afe jítiramo Pablo naa cairi Santiago uáiduaidicai. Daje izói nana illáicomini afénomo itíaiói.

19 Pablo íaiói uáidote. Uáiduano Pablo nana iedo judíoñedinomo Juzíñamui finócafuiái jino illa dígafuiái íaióimo llote.

20 Iemona aféfuiaína cacáillano Juzíñamuimo caimátaioidiaíoi. Jira Páblona daidíaíoi:

—Mii, o llogáfuiái iere ñuera, mei íadi judíuaimona diga mil comini afe ñúefuemo ínotiaíoi ciódioza. Nana afémaci Moisés ocuica uai izói cai íllena iere jítáirede daidíaíoi.

21 Mei íadi dáarie o nana jica jáínomo ite judíuaimo llogáfueña lluáibitiaíoi. Afe íaiói cacánafue daide: “Moisés ocuica uaina jeire omoi oñeno iri.” Afe izói íaiói jítótiai bacano ícoi quetátañedio, daidíaíoi. Ie emódomo cai fibíllafuiaina finótañedio, daidíaíoi.

22 Iemo bífuiaína cai dibénedo ¿nie izói llóitio? ¿nie izói ñéiticaí? O billáfueña comini fidíillano ua dáanomo gáiritiaíoi, —daide. Iemo Santiago nai úrillano íena daide:

23 —Cai daínauai jeire o úamona aféuai izói o finolle jítáirede. Cairi benomo ite nagaámamie. Afémiaí uícomo Juzíñamuimo nauí íaiói llogáuai fuitáacadiaíoi.

24 Bimaci o uíri. Uillano nana omoi comécimo íaífue múiñuafue mai omoi fínuairi. O úcubemona omoi ífue cuidótalle íbari. Iemona dani cuidótaitiaíoiza. Afe daí o fínuamona, benó ite ínote judíuai, o ñue ífírena izói ónoitiaíoi. Moisés ocuícáfue jeire o úana fidítiaíoi. Daje izói ja ónoitiaíoi nana o rafue benó comínimo jáíimaci lluáibiga táinofuiái.

25 Mei íadi ínote judíoñedinomo jáífodo jae cueticaí. Aillo judíuai finócafuiáimo íaiói jíruiñeillena lloticaí. Daa bífue íaióimo lloticaí: “Jánarai izóidemo fecaca líciaina omoi riñeno iri. Díena jiróñeno iri, daje izói cimoina cigínoga rílleniaina riñeno iri. Mai nana jíruiífuiaímona abí omoi rairuirí; dama áiredimie ie ai diga illa ñuena,” —dínóride Santiago llogafue fuilla.

### *Pablo gairíracomo llaitáinafue*

26 Ie mei Pablo afe nagaámamie uite; uillano afe jítiramo, íaiói comécimo ite íaífuiái múiñuafue finódiaíoi. Afe meífodo jofu Juzíñamuimo gairíracomo jáidiaíoi. Dinomo íaiói comécimo ite íaífuiái muiñóilliruillaí fuillírui lluájidiaíoi. Afe daí íaiói llúamona illa dígamierie íaiói raa fia íaiói fecállirui llotiaíoi.

27 Afe siete dígarui ja fúiacademo Asia éniemona bite judúuai Páblona Juzíñamuimo gairíracomo cíozabítiaioi. Iena cíozabillano nana afeno comínina fienu faillíñaitadiaioi. Iemona Pablo llaitádiaioi.

28 Lláitano caillíoidiaioi:

—¡Israel nairai, cai cano! Bímie nágagobiaido nana comíniamo cai nairai uáitaoicana llófuecaide. Daje izói Moisés ocuífuecaide. Bie cai Juzíñamuimo gairíracona uáitaoide. Ie emódomo jae mena griego ímie íaillinoi jofo uite. Daí bie Juzíñamuido ñue finócaco ero bácajaibite, —daidíaioi.

29 Naui Pablo afe jófuedo judíoñedímie Trófimo diga nabáirillana íaioi cíonamona daí daidíaioi. Afe Trófimo Efeso ímie. Afémaci comeci facádiaioi, nibai Pablo Trófimona gairíraco eromo jofo uite, daidíaioi.

30 Iemona nana afeno comini aféfuiai júfidotiaioi; aféfuerei fienu faillíñaidiaioi. Afe llezica nana comini áiziazí bitíaioi. Billano Pablo llaitádiaioi. Lláitano gairíraco jinomo zocana íena uitíaioi. Daí ñiano afe llezica gairíraco náziai íbáidiaioi.

31 Ja íena titáacadiaioimo, soldados igüelli illaíma ja afe aillo comini fienu faillíñainana fidide. Daje izói Pablo ja íaioi titáacanafuena fidide.

32 Mei jira afe illaíma ie jabóidillaímaíai naa ie llazírainiri jírrite. Jírillano afe comini illánomo aizícana jáidiaioi. Iemona nana comini llazíraini illaíma naa ie llazírainiri bíllana cíollano, Pablo fáajana fáicanocaidiaioi.

33 Afe mei afe illaíma Páblomo áinozide. Ainozillano Pablo llaitádiaioi. Lláitano mena llóejina íena maitátate. Afe mei illaíma íena daide:

—O mei ¿búdio? ¿Níifue finódio? —daide.

34 Mei íadi comini jamánomo jíáfodo caillíoidiaioi. Jíáimíai jíáfodo daidíaioi. Illaíma ifona jamánomo írinote. Jaca jefomo uibíñede, jamánomo íaioi úrioinaza. Jira illaíma llazíraini gairíracomo íena uitátate.

35 Afeco caífo jáirabicímo íaioi dúcina llezica, llazíraini Páblona caífodo rocádiaioi, comini íena llaitada íaioi fáiacana jira.

36 Afémie uilla óodana caillícana daidíaioi:

—¡Pablo dama tíideza! —daidíaioi.

### *Pablo ie abi ríidollifue comini uiécomo llote*

37 Afécomo íena uizájidiaioimo, Pablo afe llazíraini illáimamo griego uáillaído jicánote:

—¿Meita comínimo úrredicue? —daide.

Jira aféllaíma uai ote:

—¿O griego uai úrillana ónodio?

38 ¿Mei o egipcio ímieñedio? Afémie naui jíáie illáimana benó jóoneacade. Táizicímo cuatro mil come fáraini uite, —daide.

39 Jira Pablo íena daide:

—Tarso jófue mo jococa judíodicue. Cilicia éniemo ite ñue onórede jofue ímiedicue. Comínimo cue úrilleza cuemo izire cácarei, —daide.

40 Iemona afe illaíma Páblona fáiríote. Iemo Pablo afe caífo jáirabicímo náidaillano comínina ónoído llícaítate. Íaioi úrioina llícaíllamona Pablo afémaci uáillaído íaioimo úrite. (Afémaci úrilla uai ‘hebreo’ daína.) Íaioina daide:

## 22

1 —Cai comini naa illáicomini diga, omoi cácarei. Cue abi ríiduafue jino llóiticueza, —daide.

<sup>2</sup> Hebreo uaido íaioina dáinana cacáillano, iere tii daidíai. Iemona Pablo íaioina daide:

<sup>3</sup> —Cue judíodicue. Cilicia éniemo ite Tarso jófuego jocócacue. Mei íadi benó Jerusalemocomuítacue. Afe mei Gamaliel llófuegacue. Cai jaiáidigima ocuícáfuiailúana iere áfemo jíeruiticue. Jaca Juzíñamuimo táijinafuego comeci cue facai izói naa cue ríinodo iere járitaifíredicue. Ua ja birui Juzíñamui ocuícáfuego omoi járitailla izói jaijai daí járitaifíredicue.

<sup>4</sup> Jaijai Jesumo ínotinona daje izói fállena racádicue. Afe dáruido íñiaí ringóniaíri llavéracomo llavíaidicue.

<sup>5</sup> Lletáriraini illaini nauí comini cue llavíafuego uai nabáiraini itíai. Daje izói nana illáicomini rábiaí cue fécamo uai nabáiraini. Afe rábiaído Damáscómo ite cai ámatiaí judíuai jénuaidicue. Dinomo ite Jesumo ínotino jénuaidicue, atída Jerusalemó íaioina duere cue finótallena.

*Pablo íemo ite fíenidífue méidua jino llote  
(Hch 9.1-19; 26.12-18)*

<sup>6</sup> ‘Mei íadi Damasco iodo jáidicue, ja jáiciri ítemo afe jófuego dúciacadicue. Afe llezica monámona jamánomo riire cuemo egáñocaide.

<sup>7</sup> Iemona éniemo baídicue. Afe llezica monámona cuena dáina uai cacádicue; aféuai cuena daide: “Saulo, Saulo ¿nibái mei cue racádio?”

<sup>8</sup> Mei jira jicánoticue: “¿O mei búdio?” Jira afémie cuena daide: “Nazaret ímie Jesúsicue. Daa o racácamiedicue,” daide.

<sup>9</sup> Cuedo jáidino afe egáñuana cióillano jacínaitiaí; mei íadi cuemo úrite uaina cacáñediaí.

<sup>10</sup> Jira íena daidicue: “Ocuíraíma, ¿mei ñie izói íitíicue?” Jira afémie cuena daide: “Náidacaillano o jailla Damasco jófuego jai. Dinomo o finóllífuiaina omo llóitiaí,” daide.

<sup>11</sup> Afe riire egáñua cue ui dúitaga. Ie jira cue nabáñiaí Damáscómo ónoído jainátaoicaigacue.

<sup>12</sup> ‘Aféno ite Ananíasna mámeciredimie. Afémie iere Moisés ocuícáfuego ínofirede. Nana Damáscómo ite judíuai ñúfueña íemo nitáfirediaí.

<sup>13</sup> Iemo afe Ananías cue uáiduaíbite. Billano cuena daide: “Cue ama Saulo, o ui meine nane cíoteza,” daide. Daí dáina llezica meine cue ui ñue cíode. Afémiena cíodicue.

<sup>14</sup> Mei jira afémie cuena daide: “Cai jáiaíragima Moo Juzíñamui nizécamiedio. Afémie jaijai ninómona ona nizede íemo o táijillífuiái jino omo llóllena. Ua dama Jesús fuémona ie úrilla uáillaina cácaítio. Afe llezica jáicina ñue finófiredimiena Jesuna cíoitio.

<sup>15</sup> Mei o cacánafuiái o cíónafuiái díga nana comini uícomo jino llóitio.

<sup>16</sup> Mei birui ¿minícarí jízidío? Náidacaillano o báutizatari. Ocuíraíma Jesús mámecimo ñue ínorí. Afedo o fíenidífue jae muiñócaza,” dinorí Ananías daide.

*Pablo Judíoñedíno ite orécafue jino llote*

<sup>17</sup> Pablo nai úrite. Iaioina daide:

—Jerusalemó meine cue billa llezica, Juzíñamuimo gairíracomo úrizaidicue. Dinomo nicaí anado cíodicue.

<sup>18</sup> Cai Ocuíraíma Jesuna cíodicue. Afémie cuena daide:

—Jerusalémona mai raíre oni jai. Afémaci cuedo o úrillana jíeruiñeítiaí, — daide.

<sup>19</sup> Jira Ocuíraímana daidicue:

—Nana afémaci omo ínotinona llófueriracomo cue lláitainafueña onódiaí. Llavéracomo íaioina fácana cue uilláfuego uibíoidiaí.



20 Esteban o mámecido úrite táijitagamie. Afémie tíide die tota llezica afénomo iticue. Aféfuemo “Jii” daidímiedicue. Ie emódomo Esteban fatímie inícuirona oni llíidicue, —daidicue.

21 Mei íadi Ocuíraíma cuena daide:

—Mai jai. Judíoñedino cígimo jica ona óreiticue, —daide.

*Pablo llazíraini illaíma anamo illafue*

22 Afe dinó afeno comini íanori tii daidíaioi. Mei íadi dánomo nane caillíoicana daidíaioi:

—¡Bie íima dama tíideza! ¡Afémie cáaillinona íñeite! —daidíaioi.

23 Nai are caillíoidiaioi. Iere icírillano dani íaioi inícuiruai cúacoidiaioi. Afe llezica eníchomaíai caifo táinomo júcoidiaioi.

24 Ie jira llazíraini illaíma Páblona íaioi gairíracomo orede. Oriano dinomo zechénotade ie finócafue jino llóllena, comini riire íemo fieni caillíoinafuea onóillena.

25 Ja maitá fállena naidánega, íemo Pablo dinomo ite jabóllaimana daide:

—¿Jicánoñeno romano ímiena fáredíomoi? —daide.

26 Afena cacáillano jabóllaima llazíraini illáímamo llujáide; llujáillano daide:

—Bímiemo o duere finóacanafue o jírcaiñeno iri; afémie romano ímieza, —daide.

27 Jira afe llazíraini illaíma Páblomo jicánuaíbite; daide:

—¿Ua romano ímiedio?

Jira Pablo:

—Ie mei, —daide.

28 Jira afe illaíma daide:

—Aillo cue úcube baílla baímo romano ímiena jáidicue, —daide.

Iemo Pablo daide:

—Cue jaca romano ímiena jocócacue, —daide.

29 Afe daí ie dáinamona, ie zechénotino afémiemona oni raíidiaioi. Nana afémaci naa aféllaimaoiri jacínaitiaioi ie íaioi llaitari; afémie romano ímienana íaioi fidínamona.

*Pablo judíuai Nahí Ríillaini uícomo naidánetaioi*

30 Afe jáíruido afe llazíraini illaíma Páblomo íaioi jitácafuiaina ñue jaícina onóiacade. Ie jira lletáriraini illaini naa íaioi ríillainiri dánomo gairítate. Afe mei Pablo llaveina llóejí zúitano íaioi uícomo baí naidánete.

## 23

1 Dinomo Pablo Nahí Ríillainimo éroicaillano daide:

—Cue ámatiai, cácarei. Jaca birui comeci mánainafuedo Juzíñamui uícori caimare iticue, —daide.

2 Ie jira lletáriraini illaíma Ananías Pablo abímo itino fúena putátate.

3 Jira Pablo íena daide:

—¡Afe izói Juzíñamui ona fátaite! Jae jinóidíuaido ñue úritio, o comeci fiénide íadi. ¿Jadí ráidíu ocuica uai daina izói cuemo jicánollena? Iemona ¿ñibái mei ocuícáfue uáitano cue fúena putátatio? —daide.

4 Iemona afénori itino íena daidíaioi:

—¿Ñibái daí Juzíñamui caifoide lletáriraimana báíñotio? —daidíaioi.

5 Jira Pablo daide:

—Amatiai, afémie caifoide lletáriraima ie íllana onóñedicue. Onódicueza Cuegúauillai daide: “O jofue ríimacina báíñoñeno iri,” —daide.

<sup>6</sup> Iemona Pablo Nahí Ríillaini cígimo itinona fidide. Afémacimona dárie fariséuaimo jaináidiaioi. Jiáimaci saducéuaimo jaináidiaioi. Ie jira íaioina riire daide:

—Amatiai, cue fariséodicue. Afe emódomo fariseo ímie jitódicue. Ja birui cuemo jicánotiaioi, mei tíidimaci meine abido cáailliruimo cue úiñua jira, —daide.

<sup>7</sup> Daií daína meífomo, fariséuai saducéuai diga conímamo jofu afefue riire júfidotiaioi. Iemona afénomo gairídino dázierie bozíetaidiaioi.

<sup>8</sup> Afe saducéuai tíidinona meine cáañeite daidiaioi. Afe emódomo Juzíñamui abi imácina iñede, daje izói jóriaína iñede daidiaioi. Mei íadi fariséuai nana aféfuiaimo ínotiaioi.

<sup>9</sup> Nana caillidiaioi. Ie mei dárie ocuícauai llófueraini naidáidiaioi. Afémaci fariséuai dibénemo jaináidiaioi. Caífo naidáillano daide:

—Bímie fiénidifuiaina caido llócañede. Nibai joreño íemo úrilla; nibai Juzíñamui dibénedo úaitañeiticai, —daidiaioi.

<sup>10</sup> Afe júfiduafue riire anado jaide. Iemo llaizíraini illaíma Pablo íaioi tibéruari jacínaite. Ie jira aféllaíma íaioi cígimona Páblona llaizírainina oni uitátate. Uillano meine íaioi gairíracomo íena orétate.

<sup>11</sup> Afe jiáie naio Ocuíraíma Jesús Páblomo cíocaillano daide:

—Pablo, jacíruiñeno, abi mame. Benó Jerusalem cuedo o úrilla izói, daje izói Rómamo úrizaito, —daide.

### *Pablo fállena mámiafue*

<sup>12</sup> Afe jiáiruido judíuaimona dáarie Pablo fállena maméritiaioi. Dani íaioi abi faidódiaioi. Jira fiénide uáillaído daidiaioi:

—Páblona nai cai fáñeille dino güñeiticai, jiroñeiticai, —daidiaioi.

<sup>13</sup> Afe daií úritimíai cuarenta baímo jaide.

<sup>14</sup> Iemona afémaci lletáriraini illáinimo naa judíuai éinamaciri jáidiaioi. Dinomo daiízaidiaioi:

—Dani cai abi fiéni daináfuedo faidódicai. Pablo cai fáñeille dino güñeiticai, jiroñeiticai.

<sup>15</sup> Mai omoi naa jiáie Nahí Ríillainiri llaizíraini illáimamo Pablo uire jiti atíllifue jica. Fia daií íemo lloíri, meine nane íemo itifue izire omoi jicánollena. Afémie nai dúciñeite, afe atica llaítada íena títaíticai, —daidiaioi.

<sup>16</sup> Mei íadi Pablo comoma afe Páblona íaioi fáiacanafuena fidízabite. Iemona afémie llaizíraini gairíracomo Páblona lluájide.

<sup>17</sup> Mei jira Pablo jabóllaíma jírillano daide:

—Bie jitócome llaizíraini illáimamo úi. Afémiemo lloífue íteza, —daide.

<sup>18</sup> Afe jabóllaíma íena uillano, llaizíraini illáimana daide:

—Afe llaveca Pablo cue jírillano bie jitócome benó cue atíllena jicade, afémiemo da lloífue íteza, —daide.

<sup>19</sup> Afe llaizíraini illaíma afémie ónoído oni eneno jicánollena uite; daide:

—¿Níifue cuemo llóiacadio? —daide.

<sup>20</sup> Jira afémie daide:

—Judíuai jae nana dáfuerrillano meine comeci facádiaioi. Uire jiti Pablo Nahí Ríillaini uícomo meine o atíllifue jicaitiaioi, meine íemo izire íaioi jicánollena.

<sup>21</sup> Mei íadi íaioi jicállifue ínoñeno iri. Afémacimona cuarenta baímo dígamie báinino Pablo fállena jónetiaioi. Afe fáiacadino dani íaioi abi faidódiaioi. “Pablo nai cai fáñeille dino, güñeiticai; daje izói jiroñeiticai,”

daidíai. Ja birui afémie fállena ñue finóbidiaí. Mei íadi o uai ollífuemo nai úñoidiaí, —daide.

<sup>22</sup> Iemona afe llaizíraini illaíma afe jitócomena:

—Mai o jairi, —daide. Afe íemo ie lluaíbigafuena jiáimacimo “Lloñoeno iri,” daide.

*Caifóidillaíma Félixmo Páblona orédiaí*

<sup>23</sup> Mei jira afe llaizíraini illaíma mena jabóidillaíma uáidote. Uáiduanu íaillinoína daide:

—Mai doscientos díga llaizíraini mácaitinona finóbitari. Afe llezica setenta dígamie cabállodo jáitínona finóbitari. Afe emódomo doscientos dígamie zídaiari jáitínona finóbitari. Nana afémaci nauilla baído Cesaréamo jáitiaí, —daide.

<sup>24</sup> Afe llezica Pablo jaille cabállona finóbitade. Daje llezica Pablo ñue fañoeno cáanori caifóidillaíma Félixmo uitátate.

<sup>25</sup> Afémacido cuegabe orede. Afe cuegabe daide:

<sup>26</sup> “Cue Claudio Lisias mamécacue. Jamánomo cáimafuerede caifóidillaíma Félix, o uáidotícue.

<sup>27</sup> Judíuai bímie lláitano duere finótaacadiaí. Iena fáiacadiaí. Mei ie romano ímie íllana cue fidínamona cue llaizírainido íena ríduaidícue.

<sup>28</sup> Iemo íaíoi jitácafue onócadícue. Ie jira judío Ríllaini uícomo íena uitátaticue.

<sup>29</sup> Ie mei aillo íemo júfidogafue záilla meífomo íemo nífuena baiñédícue. Dani íaíoi ocaica uai ie jeire ie oñena íemo nitádiaí. Mei íadi ie cue fallífuena íñede. Daje izóí ie cue llavéllífuena íñede.

<sup>30</sup> Dani afémie íaíoi nane fáiacanafue cue fidínamona, íena omo orédícue. Afe llezica nana íemo fiénidífuiaí nitádinona daidícue: Mai Páblomo nífue o nitáadi caifóidillaíma Félix uícomo o daízairi. Mai, jae níie.”

<sup>31</sup> Mei jira nana llaizíraini íaíoi illaíma ocuilla izóí Pablo uitíaí. Afe naío Antípatris jófuemo íena uitíaí.

<sup>32</sup> Afe jítiramo eíbado jaide llaizíraini meine íaíoi íniracomo bitíaí. Ie mei cabállodo jáidino Pábloíri nai Cesaréamo jáidiaí.

<sup>33</sup> Dinomo afe Cesaréamo dúcillano, afémaci uiga cuegabe caifóidillaímamo izájidiaí. Daje izóí Pablo íemo fecádiaí.

<sup>34</sup> Afebe facádua meífodo, caifóidillaíma jicánote:

—¿O nino ímiedo?

Pablo uai ote:

—Cilicia énie ímiedícue, —daide.

<sup>35</sup> Ie jira íena daide:

—Omo fiénidífuena nitáдино bíadi ona cácaítícue, —daide.

Afe mei Félix Páblona Herodes illaíma illaco áillocomo rairuítatínona uitátate, afécomo íena íaíoi ñue rairuíllena.

## 24

*Félix uícomo Pablo abi ríduafue*

<sup>1</sup> Jubécuero dígarui illa meífodo lletáiraini illaíma Ananías Cesaréamo bite. Afémiedo dárie énamaci bitíaí. Dáruido, caifóidillaíma uícomo raíre úritímie bite. Afémie mámecei Tértulo. Nana afémaci caifóidillaíma Félix uícomo Páblomo jitácafuaí nítaíbitiaí.

<sup>2</sup> Pablo íaíoi átia llezica, Tértulo íemo jíidífuere riire nítade. Félixna daide:

—Cai izíruiga caifóidillaíma, ori íóbiacáicaí. Ñue záillafue caímo ite; íemo caímare llícaillafuemo iticaí. O fibíllafuedo nana ñue ocuícacaí.

<sup>3</sup> Nana bífuiairi nágagobiaido ióbioidicai. Félix o iere jamánomo fígomiedio.

<sup>4</sup> Mei íadi are o cue áifedoñeilleza cai úrillamo o cacáreillena omo izire jicádicue.

<sup>5</sup> Bímie fiénide duico billa izói bíllana ciódicai. Naga éniiaido llócaide judíuai oni énenorie bozíetaillena. Afémie Nazaret ímie Jesumo ínotino ífódímie.

<sup>6</sup> Ícoimo cai Juzíñamuimo gairíraco ero bácajide. Ie llaitádicai ñue afémiemo cai ocuina uai daína izói jicánollena.

<sup>7</sup> Mei íadi llazíraini illaíma Lisias aféfuemona caina rairuide. Iemona cai anámona íena riífuedo oni bairode.

<sup>8</sup> Afe emódomo caina daide: “Bie cómemo bifue jítádino odo bírediaíoi.” Dama o afémiemo jicánorena, nana íemo cai jítacafue uáfueiteza. Daí ífena uáfuea onóitio, —daide.

<sup>9</sup> Afénomo jaide judíuai nana aféfuiaína uáfuiái daidíaíoi.

<sup>10</sup> Jira Pablo úrillena caifóidillaíma ónoído llote. Jira Pablo daide:

—O úicori cue abi riíduafue jino caimare llóitícue. Jaíai díga fimona bie nairai o jicánoraímana o íllana onódicueza.

<sup>11</sup> Ja doce dígarui íllamona Jerusalemo Juzíñamuimo áinozillano íemo caimare úrillena dúcidícue. Aféfuena dama o jicánorena, ñue o ónoillena.

<sup>12</sup> Bumo riire cue úrillana cacáñediaíoi. Daje izói Juzíñamui gairíracomo comínina fiéni faillíñaitañedicue. Iemo jíai Juzíñamui llófueriracomo daje izói júfidogafuiái finótañedicue. Daje izói nairai jófuedo nífuena lloñedicue.

<sup>13</sup> Nana bimaci cuena nitácafuiaina bu ífena uafue daínina.

<sup>14</sup> Mei íadi dafue jino llóitícue. Judíuai fiéni mameca fiénidíodo jáidícue. Afe como Jesús lloga iodo cue jáillamona cai uzútiaí Moo Juzíñamuimo táijidícue. Mei nana cuega ocuica uáillaina ínotícueza. Afe daje izói nana uai jino lloraini Cuegánicuaímo ite uáillaina ínotícue.

<sup>15</sup> Íaíoi Juzíñamuimo úiñoínafue daide: “Tíidino ñúemaci fiénidímaci díga meine abído cáaitiaíoi.”

<sup>16</sup> Ie jira Juzíñamui uíécomo nífuenedimíena cue íllena jaca nágarui cue comeci ñue finófiredícue. Afe izói comíni uícomo nífuenedimíena íacadícue.

<sup>17</sup> Ja díga fimona jáínuaímo cue maca meífomo, meine cue éniemo Juzíñamuimo fia fecaca úcube izáibitícue. Afe izói dúeredímacímo dúecaíllano úcubena fécaibitícue.

<sup>18</sup> Afe daíí cue fecallezica, cue comécímo ite íaífuiái cue múiñuafuemo nícidotícue. Daíí cue comeci nícidua meífodo afe úcube cue fecalle llezica, dárie Asia énie judíuai Juzíñamuimo gairíracomo cuena baitíaíoi. Afénomo nai comínina figo íñena llezica itícue. Afénomo ite comínina jaca buna faillíñaitañedicue.

<sup>19</sup> Afénomo cuena ciódino benomo cuemo jítaíbirediaíoi, cuemo nífué íaíoi nitáadi.

<sup>20</sup> Mei jíáfodo nauí judíuai Nahí Ríillaini uíécomo cue illa llezica fiénidífue cuemo nauí íaíoi báíadi, benomo ite aféfuena cacáidino maí jino lloiri.

<sup>21</sup> Aféruíllaido íaíoi cígiri cue illa llezica dafue riire íaíoi mo llotícue. Daídícue: “Ja birui cuemo jicánotíomoi tíidímaci meine abído cáailífuemo cue ínua jira.” Díno Pablo úrite.

<sup>22</sup> Félix Pablo daíí daínana cacáíllano, aféfuena díno fiénocaide. Afe Jesucrístomo díbenemo itino finócafuiaina Félix ñue fibídímie. Ie jira aféfuena díno fiénocaide. Fiénocaíllano daide:

—Fui llazíraini illaíma Lisias dúciadi bie ómoímo itífue afémie cuemo ñue jino llóite, —daide.

<sup>23</sup> Iemona Félix, jabóidillaimana ocuúde Páblona nai zuitátañellena. Mei íadi ie comini ie uáiduaibillena rairuñede. Afe izói ie íaioi cánuuibillena jeruñede. Afe daí Félix Pablo figo riire llavétañede.

<sup>24</sup> Afemona afe mei dígarui íllamona, Félix meine dúcide ie ai Drusila diga. Afengo judío ingo. Félix Pablo jíiritade Jesucristomo ínuafuedo úrillena.

<sup>25</sup> Afe ínuafuedo úrilla llezica Pablo ñue jáicina jáillifuedo úrite. Afe daje izói ñue comini íllena abi rairuínafuiai llote. Ie émodomo írairuimo comini jicánollifue jino llote. Aféfuiaina cacáillano, Félix jacínaite. Jacínaillano daide:

—Mai birui jai, uire cue jitáilliruido nane ona jíiriticueza, —daide.

<sup>26</sup> Afe jáífue Félix, Pablo ie zuitalle úcube fecalle úiñote. Ie jira diga ícaíño Félix íena jíjiride ie diga úrillena.

<sup>27</sup> Mena fimona daí íhidiaioi. Afe mei Félix ie illáimana illano fáicanocaide. Ie meífomo Porcio Festo illáimana jóonetiaioi. Félix judíuai uícori ñue íacanamona llavécamie Páblona zuitáñeno oni jaide.

## 25

### *Pablo Festo uícori abi ríidua fue*

<sup>1</sup> Ie meífomo Festo ja illáimana bite. Afe mei daruíamani íllamona Cesaréamona Jerusalemo jaide.

<sup>2</sup> Dinomo lletáriraini illaini naa judíuai ríimaciri Páblomo íaioi nitácafuiiai nane Féstomo llotíaioi.

<sup>3</sup> Jerusalemo abido Pablo oréllena izire jicádiaioi. Pablo io anamo íaioi fallífueña maméritiaioi.

<sup>4</sup> Mei íadi Festo íaioi uaimo daide: Pablo nai Cesaréamo llaveca. Nano íanori íllamona afénomo nane jáiticue.”

<sup>5</sup> Jira íaioina daide:

—Ie jira omoi cígiri ite ríimaci mai cuedo Cesaréamo jairi. Afémiemo ní fue íadi dinomo íemo nitajirediomo, —daide.

<sup>6</sup> Festo afe Jerusalemo nano ocho níbai diez dígarui illa meífodo meine Cesaréamo bite. Afe jáíruido ie riire jicánoranomo ráinazaide. Páblona atítate.

<sup>7</sup> Pablo afénomo jofo jáidemo, Jerusalémoma como dúcide judíuai íemo ánozidiaioi. Anozillano aillo fiénide ráfuiiai íemo nitádiaioi. Mei íadi aféfuiaimo ínollifueña íñede.

<sup>8</sup> Mei jira Pablo ie abi ríidua fueña daide:

—Cue nie fiénidifueña finóñedicue. Judíuai ocuícafuiiai uáitaoiñedicue. Íaioi gairíraco ero bácañedicue. Daje izói romano caifóidillaíma uáillaina uáitaoiñedicue, —daide.

<sup>9</sup> Mei íadi Festo judíuai cígiri ñue íacade. Jira Páblomo jicánote:

—¿Jerusalemo abido jáiacadio omoi nitácafuiiai dinomo cue jicánolleza? —daide.

<sup>10</sup> Jira Pablo uai ote:

—Ja birui romano illaíma uícomo náidadicue. Ja benomo cuemo nitácafuiiai jicánorede. Mei judíuaimo ní fuenidimedicueza ñue onódio.

<sup>11</sup> Cue títate fiénidifue cuemo íadi, afemona abi jáanoñeiticue, mei íadi nana cuemo íaioi nitácafuiiai tánofue íadi, buna íaioimo cuena ríifuedo izájinide. Dama romano jamánomo ocuídillaíma cuemo jícana daidicue, —daide.

<sup>12</sup> Iemo ie fidítatimíaimo úrilla meífomo, Festo daide:

—Mei “Jamánomo ocuídillaíma cuemo jícana” daidíoza, ie jira afe jamánomo ocuídillaímamo ona óreiticue, —daide.

### *Pablo illaíma Agripa uícomo illa fue*



<sup>13</sup> Diga irui illa meífomo illaïma Agripa ie ai Berenice diga Cesaréamo Festo uáiduaide.

<sup>14</sup> Afénomo diga irui itíañinoïmona, Festo Pablo rafue Agrípamo llote. Iena daide:

—Félix fiénocaiga llavécamië nai benomo ite.

<sup>15</sup> Naui Jerusalemo cue jailla llezica, lletáriraini illaini, naa judíuai éicominiñi íemo íaioï nitácafuiái cuemo llotíaioï. Ie duere cue finótallena cuemo jicádiaioï.

<sup>16</sup> Jira íaioï uai oticue. Iaioïna daidicue: Romano ríimaci íaioï fibilla izói, afefue nitádimie íemo nitácamie uíecomo conímamo jofo eróicana nai úriñenia, nitácamiena fañediaioï. Afe daíí táinofue nitácamie ie abi ríiduafuena finórede.

<sup>17</sup> Ie jira afémaci benomo billa llezica, raire afe jáiruido cue jicánoranomo ráinazaidicue. Ráinazaillano afe cómena atítaticue.

<sup>18</sup> Mei íadi afémiemo nitáдино cue comeci daïna izói nitáñediaioï.

<sup>19</sup> Daa íemo íaioï nitácafue fia íaioï ñnogafuiaïmo jaináidifue. Daje izói da Jesudo úritiaioï. Afémiena tíide daidíaioï; mei íadi Pablo “Caade” daide.

<sup>20</sup> Mei aféfuena onóñedicueza. Nie izói aféfuena níbaíticue, daidicue. Jira Páblomo jicánoticue: ¿Jerusalemo meine jáiacadio ðinomo omo nitácafuiái ñue jicánollena?

<sup>21</sup> Mei íadi afémie jamánomo ocuídillaïma Augusto íemo jicánollena jicade. Ie jira nai íena zuitáñedicue. Iena rairuídicue jáiruido afe caifóidillaïmamo ie cue oréllena, —daide.

<sup>22</sup> Jira Agripa Féstona daide:

—Cue jáíi daje izói afe ñma uaimo cacáreacadicue, —daide.

Jira Festo uai ote:

—Uire jiti cácaítio, —daide.

<sup>23</sup> Afe jítiramo, Agripa Berenice diga dúciillano, áillue gairíraco nana jofo jáidiaioï, naa llazíraini illáiniri, naa jofue ríimaciri. Ua aillo ebire finóbillano jofo jáidiaioï. Dinomo Festo Pablo jírítade.

<sup>24</sup> Afe mei Festo illaïma Agrípama daide:

—Illaïma Agripa, nana cairi benó gairíðinori, omoï cácarei. Bímiemo omoï eroi. Aillo judíuai afémiedo cuemo úritiaioï. Benó Cesaréamo cuemo úritiaioï; daje izói Jerusalemo izire cuemo jicádiaioï. Jaca fáinocaiñeno ie titáacanafuena cuemo llotíaioï.

<sup>25</sup> Mei íadi afémiemo comeci facádicue, íadi ie cue titállifuena ññede. Mei caifóidillaïma Augusto íemo jicánollena dama jicade. Jira afémiemo íena oréllena mamédicue.

<sup>26</sup> Mei caifóidillaïmamo afémie rafue cue cuellífuena ññede, ¿ñíifue mei cúeíticue? Ie jira, Agripa, bímie o uíecomo atídicue íemo omoï jicánollena. Afedo caifóidillaïmamo cue cuellífuena ónoíticue.

<sup>27</sup> Mei cue comeci daide: Da llavécamië cue oréadi, íemo íaioï nitácafueña ónoñenia, ñibai afefue táinofue, —daide.

## 26

### *Illaïma Agripa uícori Pablo abi ríiduafue llote*

<sup>1</sup> Jira afe Agripa Páblona daide:

—O dama o abi ríiduafuena llórena, —daide.

Iemona Pablo como fueñe íaioïmo úrite; daide:

<sup>2</sup> —Illaïma Agripa, cue abi ríidollifue o uícomo cue llólleri íóbidicue. Nana judíuai cuemo nitaca táinofuiái jino jáicina llóíticue.

<sup>3</sup> Nana judíu*ai* fibíllafu*ia*ina ñue onódioza. Daje izó*i* conímamo cai úrillafuena onódio. Aferi iere ióbíd*icue*. Ie jira fáicana cue úrillamo o cacáreillena jicád*icue*.

*Pablo íemo ití *fue méiduafue uícomo fñócafui*ai***

<sup>4</sup> ‘Nai cue úruenamona dama cue éniemo, daje izó*i* Jerusalemo ía*ioi* cígiri nana judíu*ai* cue illáfuena onódia*ioi*.

<sup>5</sup> Daje izó*i* cue jítócomenanomona fariseo ímiena cue íllana onódia*ioi*. Afémaci jitaia aféfuena jino llóred*icue*. Cai ínogafu*ia*imo afe fariséu*ai* jamánomo riire jaináidino.

<sup>6</sup> Ia*ioi* ínogafue izó*i* Juzíñamui tíidino meine abido cáatallifuemo ínot*icue*. Juzíñamui daje afe cáallifue cai jáairagimamo llote. Afefue ícoinia birui bie jicánollifuemo cuena atídia*ioi*.

<sup>7</sup> Cai Israel doce nairai afe uícomo llogáu*ai* fuizájillinomo úiñoidia*ioi*. Ie jira mona naio diga Juzíñamuimo ánozillano caimare úritia*ioi*. Afe izó*i* íemo táijidia*ioi*. Illaíma Agripa, afe bie daje úiñogafue ícoinia, judíu*ai* fiénidifui*ai* birui cuemo nitádia*ioi*.

<sup>8</sup> ¿Ñibái mei daí comeci facádiomoi? ¿Ñibái mei afe Juzíñamui tíidino meine abido cáatallifuemo buna ínonide, daidíomoi?

*Pablo nau*i* Jesucrístomo ínotino rácafue*

<sup>9</sup> ‘Nazaret ímie Jesús mámecimo jaináidino duere cue finótallena, nau*i* aféfuemo comeci facáoid*icue*.

<sup>10</sup> Iemona Jerusalén imácina duere finótaticue. Lletáriraini illaini ríibiaido aillo Jesumo ínotinona llavéracomo íbaicotad*icue*. Comini afe llavécamaci titáacana llezica aféfuena fairíot*icue*.

<sup>11</sup> Diga icaiño íaioina duere finód*icue*, ía*ioi* ínogafue féitallena. Afe duere finótafue naga llófueriracuaido daí finód*icue*. Afe ínotinona jamánomo fiéniruid*icue*. Ie jira afémacina onínemaci jófuemo racád*icue*.

*Pablo íemo ití *fue méidoinafue nane llote**

*(Hch 9.1-19; 22.6-16)*

<sup>12</sup> ‘Bie daí comeci mamérillafuedo Damasco jófuemo jáid*icue*. Lletáriraini illaini ríibiaido comini llaitállena orécacue.

<sup>13</sup> Mei íadi jáiciri ia iodo jáidicuemo, jamánomo monámona riire cuemo egáiñoaide. Afe egáiñua jítoma egáiñua baimo meáirede. Cue abimo egáiñoaide naa cuodo jáidinori.

<sup>14</sup> Iemona nana éniemo baiídica*i*. Hebreo uáillaido monámona cuena daínana cacád*icue*; cuena daide: “Saulo, Saulo, ¿ñibái mei cue racádi*o*? O dama o abi fi*eni* finódio. Aillue juráreto jíúrainomo ite jáirede razi. Afe rázimo juráreto záitacailla jilla izó*i*, afe izó*i* dama abi daí finódio” daide.

<sup>15</sup> Jira uai oticue: “Ocuíraíma, ¿mei o búdi*o*?” Jira afémie cuena daide: “O racácamie Jesúdicue.

<sup>16</sup> Mai náidacaillano macácana jai. Jae cuodo o táijillena omo cíocaid*icue*. Afemona birui o cíonafuemo uai nabáiraimana ít*io*. Ie meífomo jíáiruido jíáifui*ai* omo ácataiticue. Aféfu*ia*imo nane uai nabáiraimana ít*io*.

<sup>17</sup> Ja judíu*ai*mona jíáie jicáneziemo ona oréd*icue*. Dinomo ona lláitaitia*ioi* íadi ona jíllotaiticue.

<sup>18</sup> Dinó afeno imácimo ona oréd*icue*, ía*ioi* comeci o zuitállena. Afemona, jítifodo ía*ioi* macáñeno úzefodo ía*ioi* macállena o oréd*icue*. Daje izó*i* nana íaioimo ona oréd*icue* Taife ía*ioi* náamatañellena, mei íadi Juzíñamui dibéfomo

íaiói jaináillena. Afe izói íaióimo ona orédicue cuemo íaiói ñnollena. Iemona íaióimo ite fiénidifuiái dóficaite. Afe fiénidifuiáina dóficaidino íaiói feci raa máiñoitiaíoi naa jíáie Juzíñamui ñue finócamaciri,” daí Jesús cue ocuide.

*Nicai anado Jesús íemo ocuícuaui Pablo jeire ote*

<sup>19</sup> ‘Mei jira, illaíma Agripa, monámona cue cacánafuena jámairuiñedicue; mei íadi áfena jeire uano fueñe Damasco imácimo afe úrilla uai jino lloticue.

<sup>20</sup> Afe meífomo Jerusalén comínimo daje izói nana judea éniédo llócaidicue. Afe izói jíái judíoñedinomo llócaidicue. Nana íaióimo itífuiái íaiói meídollena riire lloticue. Iemona Juzíñamui dibénemo íaiói íficaillena íaiói llófueticue. Ñúfuiáido íaiói macállena lloticue íaióimo ite meídogafue jino ácatallena.

<sup>21</sup> Afe bífuiái cue llua ícoínia, judíuai Juzíñamuimo gairíracomo cuena llaitada fáiacadíaíoi.

<sup>22</sup> Mei íadi Juzíñamui cue cánuado nai biruimo ñue jáicadicue. Naga cómemo, illáicomíni naa jamai comíniri Juzíñamuido úricaidicue. Moisés llua izói lloticue. Jaiai uai jino llóraini llua izói llófueticue. Nana íaiói lloga caímo ífcaitífuiái jino lloticue.

<sup>23</sup> Jaiai ninomo uícomo llotíaíoi: “Cristo duere finólleza,” daidíaíoi. “Afe meífomo tíite; tíllano meine abído cáate. Afe daí fueñe tíidimíemona meine abído cáaitimíena maméllimíeite.” Daí aféfuena daidíaíoi. Afe emódomo jíáfue daide: “Cristo cáaillemona, comíni jíllóillífue jino llóite. Ua cai náiraímo llóite. Daje izói jíáie náiraíaina fidítaite,” —díno Pablo úrite.

*Pablo Agripa Jesucristo dibénemo jaináillena llote*

<sup>24</sup> Daí Pablo afe abí ríiduafue llua llezica, Festo caillíoicana daide:

—¡Pablo, o uáiritaidio! Aillo rábiai o facáduamona o ífoci uáiritaide, —daide.

<sup>25</sup> Jira Pablo uai ote:

—Fígomie Festo, cue uáiricoíñedicue. Mei jíáfodo cue daináuai ñue comécido facádorede. Aféfuái uafue.

<sup>26</sup> Benori illaíma Agripa ite, bífuiáina ñue onódimíe. Ie jira comeci mánainafuedo afémíe uíécori úriticue. Afémíe nana bífuiáina ie onónana ñue onódicue. Afémíe nana bífuiái báinino izúgumo lloñégaza onode.

<sup>27</sup> Illaíma Agripa, ¿uai jino llóraini llogáuaimo ínotio? O ínuana onódicue, —daide Pablo.

<sup>28</sup> Jira Agripa daide:

—¿Jesucristomo afe dibénemo cue jaináillena raíre cuena ífcaitaacadio? —daide.

<sup>29</sup> Jira Pablo íena daide:

—Raíre Crístomo jaináidimíena o ífciaíadi, o are íllamona Crístomo jaináidimíena o ífciaíadi, nai birui Juzíñamui uallaí ñue jeire o ollífue jícadicue. Afe izói dama óieñedeza mei íadi cue Jesucristomo ínuua izói nana cue úrillamo cacáreidino Crístomo ñue ínotinona jítaídicue. Mei íadi llójeina cue máina izói ómoína maitáacañedicue, —daide.

<sup>30</sup> Pablo aféfuái llua meífomo, illaíma Agripa caífo náidacaide, afe caífoídillaíma Festo díga. Afe llezica ie ai Berenice nana díno ráiedino díga caífo náidacaidíaíoi.

<sup>31</sup> Náidacaillano bai eneno jáidiaíoi aféfuáido úrilla. Dínomo jofo conímana daidíaíoi:

—Baie cómemo ie títállífueña íñede. Daje izói llavéracomo ie llavéíllinona íñede, —daidíaíoi.

<sup>32</sup> Jira Agripa Féstona daide:

—Bímie naui jamánomo ocuídillaíma íemo jicánollena jicáñeniadi ja birui zuitárede, mei íadi báillaímamo jicádeza zuitánide, —daide.

## 27

### *Pablo Rómamo oréinafue*

<sup>1</sup> Pablo Itáliamo oréillifuemo maméritiaioi. Iemona Pablo naa jiáie llavécamiari jabóidillaíma Júliomo izájidiaioi. Afémie Augusto llaizíraini igüéllimo jainaide.

<sup>2</sup> Iemona Adramitio ígobemona áillue nocaedo jáizaidicai. Afecae nana Asia énie ígobiaido zíjicana ja jáizaide. Daje llezica Tesalónica ímie Aristarco caido jaide. Tesalónica Macedonia énie jofue.

<sup>3</sup> Afe jítiramoidiruido Sidón ígobemo dúcidicai. Afégobemo Julio íere caimare Páblomo úrite. Iemona Páblona rairuíñeno ie onóigamiaina uáiduajitade. Afe daí ie onóigamiaina Pablo jitaica raana fecárediaioi.

<sup>4</sup> Sidón ígobemona jáidicai. Jaillano monáillai cigi idu Chipre jarífezimo fiéocaidicai, mei jairifo jáífodo cai ñuitáicaillamona.

<sup>5</sup> Dinómona Cilicia énie áinodo Panflia énie diga baido monaillai cigido jaitádicai. Afe mei Licia éniemo ite Mira ígobemo zíjidicai.

<sup>6</sup> Dinomo llaizíraini illaíma Alejandriamona bite, Itáliamo jáizaide áillue nocaena cíozaide. Afécaemo afémie caina nana jofo orede, afénomona afécaedo cai jáillena.

<sup>7</sup> Dinómona diga irui fiaicana juare jáidicai. Icoímo Gnido jofue féifenemo dúcidicai. Mei jairifo nai jáífodo oni cai ñuitáicaillamona monaillai cigi idu Salmón féifenedo jáidicai. Ie jira monaillai cigi idu Creta onido neficana jáidicai.

<sup>8</sup> Afe monaillai fue áinodo fiaicana juare jáidicai. Icoímo Buenos Puertos mámeciredinomo dúcidicai. Afégobe Lasas jofue áinori ite.

<sup>9</sup> Jae diga iruillai fia fiaicana jáidicai. Iemo ja uáicimo áinozidicai. Iemona monaillai cigido cai jaitalle jamánomo jacírede. Ie jira Pablo íaíoína izire llote;

<sup>10</sup> daide:

—Cuemo úrillamo omoi cácarei. Bie cai ruica cai jaille onódicueza íere jacíreite. Cai uiga ráaniai niné táinocaite. Cai jaille nocáe daje izói táinocaite. Daje izói cai nibai coróbaizaiticai, —daide.

<sup>11</sup> Mei íadi llaizíraini illaíma nocáe naama jáiacanafue Pablo daínafue baimo jeire ote. Daje izói afecae illaíma daína uai llaizíraini illaíma jeire ote.

<sup>12</sup> Afégobe uáiciai úiñollena figo jinoñede. Ie jira nana comécido daidíaioi: “Nibai Fenice ígobemo jáidicaina figura izoide,” daidíaioi. Afégobe Creta énie mona ícoi dibénemo ite. “Afe dinomo uáici záillena úiñoiticai,” daidíaioi.

### *Monáillaimo jamánomo riírede jairifo noci diga jáiñuafue*

<sup>13</sup> Afe jáíruido mona átue dinena jairifo fiaicana fúuoide. Jira afemo ínotiaioi ruica íaioi jáitallena. Afemona jáizaidicai. Afe Creta énie áinodo jáidicai.

<sup>14</sup> Mei íadi due afe meífodo riírede jairifo cai jailla nocáe riire ñúitaíbite. Ua afecae riire aiñóicaide.

<sup>15</sup> Mei cai jáiacananomo jáinina jira, “Dama jairifo niné uigacai,” daidíaioi.

<sup>16</sup> Iemona duera monaillai cigi idu Claudia jinófenado jáidicai. Dinomo jairifo caina riire fúuoñede. Ie jira cai abido uiga dúecae, fiaicana juare caifo bitádicai.

<sup>17</sup> Dúecae bita meífomo, áillocae jéerie ñécigaido riire jofo mozidicai. Afe mei guamáeaimo íaioi bíjizai dáii jacírúitíai. Afe guamáeai mámecei Sirte. Afe jágiedo íaioi ñuite vela daina áillue iniroi ana zúicoidiaioi, cai nocáe fia jairifo fáicana úillena.

<sup>18</sup> Afe jáíruido afe jairifo riire jaiñode. Ie jira íaioi uiga ráaie como fueñe afécaemona monáillaimo dócoidiaioi.

<sup>19</sup> Ja daruíamani íllamo nocáe ero tájina ráaniai dani cai ónoído monáillaimo fádoídicaí.

<sup>20</sup> Aféruillaído diga irui jitoma naa úcuai diga cióñena. Dinomo afe riírede jairifo llavécamiiai izói duere cai finode. Iemona nana jíllloillena cai comécinafuiiai niné táinocaide.

<sup>21</sup> Ja diga iruillai güiñeno iticai. Ie jira Pablo íaioi cígimo naidáillano daide:

—Nana omoi cácarei. Naui Crétamona jáiñeíticai cue daina uaina jeire oñédiomoi. Afe cue daina uaina ñue inotiomoinia bie izói duere zefuñedicaí. Daje izói nana cai atíca ráaniai niné táinocaiñede.

<sup>22</sup> Mei íadi, birui omoi jacíruiñeno iri. Bie nocaena niné táinocaite mei íadi ómoimona buna tíiñeite.

<sup>23</sup> Mei ja naio Juzíñamui oreca ie abi ímie cuemo daízaibite. Afe Juzíñamuimo jaináidimiedicue. Afe izói íemo tájidimiedicue.

<sup>24</sup> Afe oreca abi ímie cuena daide: “Pablo, jacínaiñeno iri. Romano jamánomo ocuídillaíma uícomo náidazaitioza. Ie jira o illa ícoinia nana no-caedo odo jáidinona Juzíñamui tíllinomona jíllotaite.” Dinó Juzíñamui oreca ie abi ímie cuena daide.

<sup>25</sup> Ie jira abí omoi mameri. Juzíñamui uaimo inotícueza. Ie oreca ie abi ímie cuena daina izói bie cai duere zefuúllafuemona ñue jino jáiticaíza. Afe bífuenta ñue onódicue.

<sup>26</sup> Mei íadi benómona daa monaillai cigi ídumo jairifo caína nétaite, —daide Pablo.

<sup>27</sup> Mena semana cai jailla meífodo daa naio Adria monaillai cai illa llezica, riírede jairifo meine abido caína úioicaide. Iemo dáaferui illa llezica, marinéruai éniemo cai áinozillana comécido onódiaioi.

<sup>28</sup> Jira nie dinó afórede dainano facádiaioi. Facádiaioimo treinta y seis metros afórede. Nane afe baimo dáanomo facádiaioi. Ja veintisiete metros afórede.

<sup>29</sup> Noñiciaimo íaioi ñáijizaillana jacíruillano moi dibécaemona cuatro diga nocáe cuinara lloéloici monaillai anamo dotádiaioi. Afe mei comeci jacíruioicana mona monaílle úiñotiaioi.

<sup>30</sup> Afe llezica afecae marinéruai “Bie áillocuemona mai cai botalli” dani conímana daídíaioi. Afe daí íaioi botácanamona emódomo bitaca dúecae ana jáinoimo agúínetiaioi. Afe llezica jáímacina jífueacana daídíaioi: “Bie dúecaedo áillocae ifo dibécaemo jáíe cuinara lloéloici dótaíticai,” daídíaioi. Daí afe nocáe ana agúíniado jífuercadiaioi.

<sup>31</sup> Mei jira Pablo llaízíraini illáimamo naa ie llaízírainiri llvano daide:

—Baimaci bie nocaemo fiébiñeno botáadi ómoimona buna jíllloñeilleza, —daide.

<sup>32</sup> Ie jira llaízíraini dúecae agüina ñécigai jaitádiaioi, afecae illemo baíllena.

<sup>33</sup> Afe monáidemo Pablo íaioina daide:

—Mai omoi güiri. Ja mena semana güiñédiomoi; iníñédiomoi.

<sup>34</sup> Izire ómoína güitátaticue. Afe omoi güille jítaírede ñue omoi jíllloillena. Uafue ómoimona buna córobaiñeite. Daje izói omoi abímona minícana due jiza báíiñeite.



<sup>35</sup> Daií daínano, Pablo daa pan llínuano nana comini eróicana Juzíñamuina “Iere figura” daide. Daií ñiano afe pan ditade güite.

<sup>36</sup> Afemona nana náireficaidiaioi. Afe daje llezica jáino güitíaioi.

<sup>37</sup> Afe áillocamo doscientos setenta y seis dígamiedicai.

<sup>38</sup> Ja íaioi güíacaga güille güilla meífodo, fiébide trigo illemo dotádiaioi, afecae féecocailena.

### *Afecae buíllafue*

<sup>39</sup> Jae monáidemo, afe éniena onóñediaioi, mei íadi guamai diga ñue itízuguaina ciódiaioi. Onóñegaza afénomo íaioi zízizaillena maméritiaioi.

<sup>40</sup> Iemona afecae cuinaina lloéloici igai jaitádiaioi. Afe lloéloici monáillai anamo fiébicaide. Afecae datara jairábiai zuitádiaioi. Afe mei afecae uite iniroi ifófecaemo caifo jairífomo jóonetiaioi. Iemona afecae oni guamáemo áinozioicaide.

<sup>41</sup> Mei íadi mena meine ábiedo totínuaimo dúcidiaioi. Iemona afecae afénori ite guamáemo bíjide. Ifófecae afe guamáemo jamánomo riire bíjide. Mei íadi móifecae nai ñue fairídemo, monaillai bagua niné llaizéraga.

<sup>42</sup> Jira afécaemo ite llaizíraini llavécamiiai fáiacadiaioi, “íhíi bótaitiaioi” daínano.

<sup>43</sup> Mei íadi afe llaizíraini illaíma Julio Páblona jílloacade. Mei jira íaioina fatátañede. Jáífodo ocuide nana íiana onódino illedo ícana raire uícomo dúcillena.

<sup>44</sup> Jáímaci íiana onóñedino afe nocáe lláicoizillabici emódodo jáitate. Daií nana oni fuédamo dúcidiaioi. Afe daií ñue jíllodiaioi.

## 28

### *Pablo monaillai cigi idu Máltamo dúcinafue*

<sup>1</sup> Nana ari éniemo ñue jíllobicaidicaimo, afe monaillai cigi idu, comini cai llúamona Máltana mámecirenana onódicai.

<sup>2</sup> Afedu nairai ñue caína llínotiaioi. Aillue irai bonódiaioi noci jáíñua rozírena jira. Aferai bónuana nana caína: “Mai omoí agáizaibi” daide.

<sup>3</sup> Afe llezica Pablo záfegai llínota aféraimo jóoniaide. Aferai uzire cácanamona titade jaio jino billano Pablo onoi ainide.

<sup>4</sup> Afedu nairai afe jaio ie ónoimo agüínana cióillano, conímamo llotíaioi:

—Ñibai baie íima come fáfiredimie. Meiti monáillaimona ñue jillode íadi, Juzíñamui jaícina jóidifue nana comínimo onótaiacanamona íena raamo jíritate ie jíllóiñeillena, —daií daidíaioi.

<sup>5</sup> Mei íadi Pablo afe jaio iraimo jaidínota dotade; íena ñie izói ñibáñede.

<sup>6</sup> Nirui íena fáitaite daínano afemo nana ocuírídiaioi. Jáífodo nino llezica íena ana dotada títaite daidíaioi. Mei íadi íena ja are úíñodiaioimo ñie izói íena ñibáñede. Ie jira nano comécido íaioi daínauai jáífodo meídotiaioi. Iemona bie Pablo Juzíñamui izóidimie daidíaioi.

<sup>7</sup> Afe áinori afedu illaíma Publio illánuaí ite. Dinomo daruíamani afe Publio caína ñue llínote. Cai jitaica raana ñue caimo fecade.

<sup>8</sup> Aféruillaído afe Publio moo irárede. Bírallumo diga irui bífirede, ie abi cuaríllari. Iemo jamánomo lluide. Afénomo Pablo íena uáiduaide. Dinomo Juzíñamuimo íena jicade. Daií ie jica mei Pablo onoi íemo bitade. Iemona afémie jíllobicaide.

<sup>9</sup> Afena íaioi fidínamona nana afédumo ite iráredínuaí Páblomo atídiaioi. Iemona nana jíllozítiaioi.

<sup>10</sup> Aferi ióbillano aillo ñúefuiai caimo nitádiaioi. Afe mei nane dánomo cai jáiacanaruimo, nana cai jitaica ráaniai caimo atídiaioi.

### *Pablo Rómamo dúcinafue*

<sup>11</sup> Afe monaillai cigi ídumo dauíamani iticai. Afe meífodo, jiáie nocaena cióizaidicai. Afecae nauí bie ídumo uáici zaille dino úiñote. Dinómona afecae jáillado ruica jáidicai. Afecae Alejandría jófue mona bite. Afecae ifomo mena taino juzíñamui uiécona cuega. Afe íaillinoi mámece Castór Pólux. Afecae aféillinoina náamaredena mameide.

<sup>12</sup> Dinómona Siracusa ígobemo dúcidicai. Afégobemo daruíamani iticai.

<sup>13</sup> Dinómona fueda áinodo Regio ígobemo jáidicai. Afe jiáiruido jairifo mona átue dinena bíllamona Régiomona jáidicai. Ja ménarui íllamona Puteoli ígobemo dúcidicai.

<sup>14</sup> Afénomo ite ámatiai cióizaidicai. Iaiói diga da semana cai íllena jicádiaioi. Afe mei ja Rómamo jáidicai.

<sup>15</sup> Jae Rómamo ite ámatiai cai billáfueña uícodo fidídiaioi. Ie jira io anamo conímamo caimo dúcillena uícomo bitíaiói. Conímamo íaiói dúcinano “Foro de Apiona” mameide. Jiáifodo daina, Apio iomo ite fecáriraco. Jiáino mámece “Tres Tabernas.” (Afe mámece dobáíñuano daina Daámani Dúcirachupi.) Afénuiaimo Pablo éroicaillano Juzíñamuimo “Iere figora” daide. Iemona Pablo comece caimare íficaide.

<sup>16</sup> Ie mei Rómamo dúcidicaimo llaiúziraíni illaíma Julio ie uiga llavécano rairuídino illáimamo izájide. Mei íadi Pablo oni eneno dama ícomo uiga. Afénomo daa llaiúziraíma íena rairuide.

### *Pablo Rómamo Juzíñamui uai jino llote*

<sup>17</sup> Rómamo íaiói dúcinamona daruíamani íllamona Pablo Roma judíuai illaíni jíiritade. Iaiói gairilla llezica Pablo íaioína daide:

–Amatai, judíuaimo fiénidífue lloñédicue. Afe izói cai jaiáidigíma fibíllafueña uáitaoíñédicue. Mei íadi Jerusalemo romano comínimo lláitano izájigacue.

<sup>18</sup> Dinomo cuemo íaiói jicánua mei, cuena zuitáacadiaioi cue íaiói titállifue íñena jira.

<sup>19</sup> Mei íadi judíuai jiáifodo cuena zuitáañediaioi. Ie jira romano jamánomo ocuídillaíma cuemo jicánoreña daidicue. Mei íadi afe llezica cue náiraímo cue jítállifueña íñede.

<sup>20</sup> Mei jira omoi diga cue úrillena jíiriticue. Mei cai bie daje Israel náiraídicaí. Daje cai Mesías billífuemo comécidicaí; daje izói meine abido cai cáaillífuemo úiñoidicaí. Afe cai úiñoigafue ícoiniadi birui benó llavécame cue llavéinana ja ciódiomoiza.

<sup>21</sup> Jira íena daidíaioi:

–Jaca daabe o finócafuiái lluabe caimo dúciñede. Daje izói afénomona bite ámatiai judíuai o mámeceido fiénidífuiaina nítaíbiñediaioi.

<sup>22</sup> O comece fácafuiaimo cacáreacadicaí. Mei náganíaimo afe bie comue Jesumo jaináidinona onódicaíza uáitaoídiaioi, –daí íena daidíaioi.

<sup>23</sup> Ie jira meine íaiói cacáillirui mamédiaioi. Afe maméinaruimo aillo nairai Pablo illácomo nane gairizaíbitiaioi. Jítiramona ua nauízaidemo Pablo Juzíñamui illáimana illafue íaioímo llote. Moisés ocuica uáillaido Pablo Jesús dibénemo íaioína ínotaacade. Afe llezica Juzíñamui uai jino llóraíni cuega uáillaido Jesumo íaioína ínotade.

<sup>24</sup> Dárie Pablo llogáfuemo ínuaidiaioi, ie mei jiáímaci ínoiacañediaioi.

<sup>25</sup> Mei íadi nana dáafuemo coméiñenamona raízitiaioi. Como raíacadiaioimo Pablo íaioina daide:

—Ñuera Joreño cai jaiáidigimacimo uai jino lloraima Isaíado ñue úrite. Afémie daide:

<sup>26</sup> Baimácimo bifue llujiri, daide:

Omoi uafue aféfuena cácaitiomoi íadi áfena ónoñeitiomoi.

Omoi uáfueña cíoitomoi íadi ñue fidiñeitiomoi.

<sup>27</sup> Mei bie comini comeci meine fiene riirenamona bie ñúefuena óiacañediaioi. Iaiói ifoci jáianamona fiene cacádiaioi.

Iaiói uíjiai nitáoidiaioi dani íaioi uído áfena íaioi cíoi dáii.

Daje izói íaioi jefodo cácañeilla jefo íbáidiaioi.

Afe izói comecido cacáacañediaioi.

Daje izói meine cuemo bíacañediaioi, íaioi cue jíllotallena, —daíi Isaías daide.

<sup>28</sup> Bifue omói onoiri: biruímona bie Juzíñamui lloga jíllloillifue judíoñedimacimo llujiga. Aféfuemo afémaci ñue cacáreitiaoí, —daide.

<sup>29</sup> Pablo daíi dáinamona, judíuai aillo conímamo úricana jáidiaioi.

<sup>30</sup> Afénomo Pablo ie íbaca jofomo mena fimona fuitade. Nana íemo ráfuiai jicánuaibifiredinona ñue caimare llínofirede.

<sup>31</sup> Aféruillaído Pablo Juzíñamui illáimana illafue jino uáfodo comínimo llote. Afefue ie jino llole rairuide cómena iñede. Daje izói Ocuíraima Jesucristodo diga irui llófuerite. Aféruillaído ie llófuerilla buna llótaidoñede. Mai. Jae ñie.

## ROMA COMINIMO SAN PABLO ORECABE La Carta del Apóstol San Pablo a los Romanos

### *Pablo Rómamo ite Jesumo ñnotinomo cuete*

<sup>1</sup> Cue Páblodicue; Jesucristo ocuífirgamiedicue. Juzíñamui cuena uáiduano eneno cuena nizede ie jíllona uai jino llóllena. Ua afémie orécacue; Juzíñamui mamécamedicue.

<sup>2</sup> Afe bie jíllonafue Juzíñamui jaiiai ninomo uícodo ñuera Cuegáuaimo, ie uai llórainido jino llotátate.

<sup>3</sup> Afe jíllonafue cai Ocuíraima Jesucristodo úrite. Afémie Juzíñamui Jitó. Iemo jái afémie cai come izóidimie. Afe Jesucristo jaiiai illaíma David méifoidigimamona jocócamie.

<sup>4</sup> Mei íadi Ñuera Joreño dibénemo afe Cristo uáfodo ríinorede Juzíñamui Jitona cíotaga, mei dama tíllanomona afémie meine cáatateza.

<sup>5</sup> Juzíñamui Jesucristodo, ñúefuena cuemo itátate. Aferi iere ióbidicue. Afefue cuemo illano, iere cuena canode, ie mámeçido oni jáinomo ie orécamiena cue íllena. Bie cue ióbillafue ie mámeçido oni jáinomo cue oréllena. Afe cue oréinamona naga náiraiaido aillo Jesumo ñnotinona iite. Daje izói ie uaina jíeruitinona iite.

<sup>6</sup> Afémacimona Crístomo ñnotinona itíomoiiza. Ie jira Jesucristo íeiena omoi íllena, Juzíñamui eneno omoi nizede.

<sup>7</sup> Mei jira nana ómoimo cueticue Roma jófuego itínodiomoi. Juzíñamui izíruigamacidiomoi. Afémiemo omoi ñue jáináíllena eneno uáidogamacidiomoi. Iemo ite caimátaíllafue, naa comeci caimare uái illafue diga ómoimo fécaíteza. Nana bífuiái cai Moo Juzíñamui cai Ocuíraima Jesucristo diga, ómoimo mámeíteza.

### *Pablo Rómamo macáacade*

<sup>8</sup> Nana ómoiri fueñe Jesucristodo “Iere figora,” cai Juzíñamuina daiífiredicue. Ua daií daidicue mei náagobiaido ómoimo ite ñuera ñnogafuedo úritiaíoi.

<sup>9</sup> Jaca nana cue comécido Juzíñamuimo tájídídicue, ie Jitó ñuera uai jino comínimo llóllena. Nane daje izói Juzíñamuimo comécido cue úriadi, ómoimo uibíoi-firedicue. Aferi Juzíñamui cue uai nabáidimie.

<sup>10</sup> Bie icoi iruimo ómoimo cue jáíllena Juzíñamuimo jícáfiredicue. Ua Juzíñamui comeci jitaia, nıbai nıbéfodo ñue cuena óreite, ómoimo cue mácajillena.

<sup>11</sup> Mei ómoına cíóacadicue, Crístomo omoi ñnogafuiái cue cánuamona, ñue riire jaícina omoi íllena.

<sup>12</sup> Ua bie ñnogafue cuemo íteza ja ómoimo ite. Afe Juzíñamuimo cai ñnogafuedo conímamo cai úrillamona, conímaíaina comécina caimare náiretaítai.

<sup>13</sup> Juzíñamuimo ñnote ámatiaí, diga icaiño omoi diné cue jáiacanafue ómoına cue cíóíllena, ómoimo fídítaacadídicue; mei íadi nai jaca jáinidídicue. Omoi diné jáiacadídicue ómoimona jáímacina Jesumo jáináítallena. Ua jeede ria llízie jofu ua izói, afe izói Jesús uaimo ñnotinona itátaacadídicue. Oni jáígobiaimona dáarie cue itata izói, daje izói, ómoimona itátaacadídicue.

<sup>14</sup> Mei cue naga cómemo ñúefuena cue llóllena iere jítaírede. Ua iere baitádinomo llóredídicue; daje izói abina onóñedinomo daa fiéñeno llóredídicue.

15 Iemona afe izói cue dibénedo nana afe jílloilluiai ómoimo jino ñue llúaibiacadicue, jica Rómamo itíomoi íadi.

*Ñúefue rírede*

16 Bie ñúefue uai jino cue llóleri méairuiñeiticue, mei aféuaimo ite Juzíñamui ríino nana áfemo ínotino jílloillena. Nano fueñe judíuaina jílloitaite, ie mei daje izói judíuainédinona jílloitaite.

17 Bie jílloñauai Juzíñamui anamo ñue jaícina cai íllena caina fidítate. Dama Jesumo cai ínogafuiaido Juzíñamui anamo ñue jaícina íticai. (Abi diné jíaiena íñede.) Jaiái Cuegáuai daí daide: “Ínogafuedo Juzíñamui anamo ñue jaícina ítimie, ziiñona cáate.”

*Nana énie nairai íaiói fiénidífuiai ícoinia ite*

18 Mei monámona bite Juzíñamui iere izire duere fínuafue nana fiénidíno, naa comécina jaícinaíñedinomo jaiái zúillana, ja birui fidídicaí. Dani íaióimo ite íaifuedo ua ráfuenta ónuana rairuícaíaiói. Daje izói afémaci jíáimacina ua ráfuenta onóillena jeruíaíaiói.

19 Cai onoíga Juzíñamui dibénemo itífuena daje izói ñue onódiaíaiói; mei dama afémie íemo itífuena nana caimo cíotateza.

20 Juzíñamuimo ite ie cíónena raa, ie finócafuiado caimo ónorede. Jaca énie fínuaruimona afémie nahí Juzíñamui nana uáfodo ónorede. Daje izói afémie jaca ríinoredeza uáfodo ónorede. Bífuiaína comíni náfueñediaíaiói; íemona dani íaiói ícoinia daí ite.

21 Mei Juzíñamuina onódiaíaiói íadi, íemo nitárede ñúefuiaína íemo nitáñediaíaiói. Daje izói íena “Figora” daíífinidiaíaiói. Mei jíáfodo ráífiñede raamo comécídiaíaiói. Íaiói abina onótatañede comeci jíitífono fiébicaide.

22 “Nimáirainídicaí” daíífrediaíaiói íadi, abina onóñedinona jáidiaíaiói.

23 Ziiño Juzíñamuimo ite ebíredífuena ziiñoñede come jánaraina méidotiaíaiói. Afe baímo figóñede jánaraina finódiaíaiói. Féedínuiaí jánaraina finódiaíaiói. Jáizai jánaraina finódiaíaiói. Táicaide rille jánaraina finoda jeire otíaíaiói.

24 Ie jira Juzíñamui íaióimo ite fiení comeci óiacanafuemo íaióina zóofete. Daíí afémaci dani jofo conímamo méaífuiaí finódiaíaiói.

25 Juzíñamuimo ite ua ráfuenta ínoñeno tánofuiaí jeire otíaíaiói. Afe emódomo ie finoca raamo ñúefue nitádiaíaiói, mei íadi fueñe afe finode Juzíñamuimo ñúefue nitáñediaíaiói. Daje izói ie finoca raamo caímare ánozioidiaíaiói, mei íadi nahí Juzíñamuimo cáimadoñediaíaiói. Bie Juzíñamuina jaca ninomo cáimadoaredicaí. Daíí íteza.

26 Mei jira Juzíñamui jíáie meáire comeci óiacanafuemo íaióina zóofete. Ringóniaí daa íaiói íni díga íllana féitatiaíaiói; féitano aillo méaífuiaí jíáinori otímaci. Juzíñamui ringóniaí jóonia izói íacañeno afe jóoniafuena uáitatiaíaiói.

27 Daje izói íñiaí daa ringo díga ñue íllana féitatiaíaiói. Féitano fiení illáfuedo íaiói abi bóobicaide, conímaíaimo fiení finóllena. Afe íñiaí conímamo méaífuiaí finódiaíaiói, íemona dani afémaci abímona comuídífuerei duere zefuíaíaiói. Bie izói Juzíñamui íaióina duere finótate, dani íaiói comeci ífue jaícina jóiñena ícoinia.

28 Ja mei Juzíñamuina onóacañediaíaiói, jira íaiói comeci jaícina jóiñenafuemo Juzíñamui zóofegaíaiói, Juzíñamui rairuícafuiái finódímaci íaiói íllena.

29 Afémaci naga íaífuiaíaimo itíaíaiói; comeci jaícinaíñenafuemo itíaíaiói. Daje izói jíruírenafuemo itíaíaiói; fiení jítainafuiaíaimo itíaíaiói; naga ráaniaína óiacanafuemo naa fiénidífuiaí díga itíaíaiói. Daje izói afémaci úradoríredino; come titáfiredino.



Fuiríllafuedo úritiaioi. Jífuemarifirediaioi; ñúeodo jáiñedino. Táinona conímamo fieni úrifiredino.

<sup>30</sup> Afémaci jáiáma jánana fieni úritiaioi. Juziñamuina éoidiaioi. Daje izói ríimacimo náfueñediaioi. Táinofuiaimo comécidino. Daje izói fieni abi ínotino. Fiénidifuiamo comeci facada finófirediaioi. Iaiói úruiai móotiai ocuícafuena jeire oñediaioi.

<sup>31</sup> Afémaci abina onóacañediaioi. Iaiói daina izói finófinidiaioi. Buna duéruiñediaioi. Caimare uáiduano iba oñellena onóñediaioi. Daje izói afémaci jáimamo dúecañediaioi.

<sup>32</sup> Juziñamui ocuállana ñue onódiaioi, íadi óiacañediaioi. Afe nana bie fiénidifuiamo itino jaca ziiñona duere finólliaioiza, áfena jái onódiaioi. Onódiaioi íadi aféfuiaina féitañeno nai uícadiaioi. Nane bie emódomo jáimaci afe fiénidifuiái fínua llezica, íaioina: “Caimare bie izói cai illi,” daidíaioi.

## 2

### *Juziñamui nahí uafue daina izói comínimo riire jicánote*

<sup>1</sup> Jáiama fieni illafue riire o jicánollena iñede. Naga come “Cue nífuenidícue” daíñidiaioi. Nana omoi dáafuemo itíomoi. Mei jáimamo ite fieni illafue riire o jicánua llezica, dama o abi duere finótaitio. Aféfuena riire jicánotio íadi, o jái dáafuiamo itio.

<sup>2</sup> Mei jii, bífuiamo itino Juziñamui duere finótaja llezica, afémie nahí uafue daina izói riire jicánoteza, áfena onódicaí.

<sup>3</sup> Mei o, jáiama fieni illafue riire o jicánua llezica, o jái daje izói dáafuiamo itio. Daí o illa llezica “Juziñamui ie duere finóllifuemona níbaí cuena jílloite,” ¿daídío? ¡jílloñeitio!

<sup>4</sup> ¿Juziñamui omo ziiñona fuiñede dúecaillafuena jámairuitio, naa omo ie járitañenafue díga? Afe bie Juziñamui omo dúecaillafuedo, afémie o comeci ífuena ñúefue dibénemo méidotaacadeza, ¿afe jaca o comécimo úbicaiñedeza, ero ua?

<sup>5</sup> Mei o, comécina iere riiredioza. O comeci ífuena méidoacañedio. Iemona o duere finóllifuiaina aillo ofítaoicaídío. Ua Juziñamui cíocaizaíbilliruimo o jaícina jóoide duere fínuaufue jino omo llóite.

<sup>6</sup> Aféruido naga come dani íaioi finócafuiái izói, íaioimo íbátaite.

<sup>7</sup> Aféruido ebíredí fue jenódinomo, ziiñona cáataitino íaioimo iite. Daje llezica, nana Juziñamui íaioimo ñúefue nitállena jenódinomo, naa ziiñona illa raa jenódino díga, Juziñamui ziiñona cáataitino íaioimo fécaite. Aféfuiaina jenódiaioi, mei nágarui féitañeno ñúefue dibénemo ífirediaioi.

<sup>8</sup> Mei íadi aféruillaído nana fieni abi ínotinona, Juziñamui duere fínoite. Daje izói nana ua ráfuena jeire óiacañedinona Juziñamui ie ríífuedo duere fínoite, fiénidifuiái jeire íaioi ua jira.

<sup>9</sup> Nana fieni mácafiredinomo aillo duere zefuállifue iite, naa jamánomo íaioi comeci zúunaillifue díga. Nano fueñe daí judíuaimo iite; ie mei jái daje izói judíuaiñedinomo cómuite.

<sup>10</sup> Mei jáíifodo ñúefuiái finódinomo, Juziñamui íemo ite ebírenafue íaioimo iite, naa comeci caimare uái illafue díga. Daje llezica Juziñamui íaioimo ñúefue nítaite. Nano fueñe daí judíuaimo iite, ie mei jái daje izói judíuaiñedinomo cómuite.

<sup>11</sup> Comínimona dámie jáie come baímo Juziñamui gáigamie iñede.

<sup>12</sup> Nana fieni itino Moisés ocuícafuena nai onóñena llezica, íco nine táinocaitiaioi, aféfuena nai onóñenano. Daje izói nana jáie fieni itino Moisés ocuícafuena onódiaioi íadi, afe daje bie ocuícafuedo riire jicánolliaioi.

13 Mei ocuífafuena táinona cacádino Juzíñamui anamo ñue jaícina iñédiaioi, mei íadi ocuífafuena jeire otino Juzíñamui anamo ñue jaícina itíaioi.

14 Dáarie ocuífafuena onóñede judíuaiñedino afe ocuilla daina izói dani íaioi comécido jeire otíaioi. Iemona afémaci dani abi lletádinona itíaioi.

15 Mei jii, íaioi ñue mácafuedo íaioi comécimo ocuica uai cúeinana ácatafirediaioi. Afe llezica íaioi comeci úrilla uai ñue íaioi uaina nabaide. Daje llezica íaioi ifoci úrillafue fiénidifue íaioi finóadi, áfena íaioimo llóite. Fiénidifue nai íaioi finóñenia,

16 Juzíñamui comínimo riire jicánolliruimo íaioi ifoci úrillafue íaioina ráiruite. Aféruillaído naga comini báinino finoca raana Jesucristodo Juzíñamui riire jicánoite, cue lloga jílloilluiai daina izói.

### *Judíuai Moisés ocuífafuemo figo náfueñediaioi*

17 Mei ja birui, “Judío ímiedicue” daidío. O jílloillena, Moisés ocuífafuemo ínotio; o Juzíñamui dibénemo fiendi abina ínotio.

18 Juzíñamui comeci jitáinafue onódio; afe ocuífafue omo llote: “Nana o nícidogafuemo ñuera diga o nizeri”.

19 “Uínidino izóidino ifóllena, ñue uáfueña onódicue,” daidío. “Daje izói jítifodo macádinona ñue egáiñollena onódicue,” daidío.

20 “Abina onóñedinona llófueredicue,” daidío. Daje izói, “Urue izóidinona jaícina llófueredicue,” daidío. “Ua nahí ráfueña onótate uai afe cai ocuífafuemo ite,” daifiredio. Afe izói, “Nana ifócido onóigafue caimo ite,” daidío.

21 Mei jiáimana llófuetio íadi, ¿nibái mei dama o abina lletáñedio? Omoi meríriñeno iri daícadío íadi, ¿nibái mei merírifiredio?

22 Omoi jiruíreñeno iri, dama daícadío íadi, ¿nibái mei jiruiredio? Jánaraiaina éoidio íadi, ¿nibái mei íaioi illácomo ite ráifide ráaniai o mériano ráaredimiena jáidío?

23 Ocuilla uai dibéfodo iere abi ínotio; mei íadi Juzíñamuina jámairuitio, afe daje ocuífafuena jeire o oñena ícoinia.

24 Meita Cuegáuai ñue daide: “Judíuaiñedino omoi ícoinia Juzíñamuina fiendi úritiaioi.”

25 Moisés ocuífafue jeire o oíadi omoi finófirena bacano ícoi quétafue uáfueña omo ráifite. Mei íadi afe uai figo o íñoñeniadi, jaca quétañegamie izói íitio.

26 Mei jiáifodo, daa bacano ícoi quétañegamie ocuífafue daina izói jeire oíadi, afémie bacano ícoi quetácamié izói facádoga, quétañega íadi.

27 Afe bacano ícoi quétañegamie, mei íadi ocuífafue jeire otímie, ona riire jicánoite, bacano ícoi quetácamiéna o íadi, daje izói cuega ocuífafue omo ite íadi, mei áfena jeire oñedioza.

28 Judíona jáillena dama jinófenemo cíoide ráaiñede. Daje izói bacano ícoi quetácamiéna jáillena fia abimo cíoide ráaiñede.

29 Mei íadi nahí ráfuiái jiáifodo jóide. Nahí jáidimie ie comécimo áfena jaide. Daje izói nahí bacano ícoi quétafue comécimo dúide. Cuega ocuilla uaimo jaináiñede; mei íadi come joréñodo ie comécimo ite. Bie izói ítimie comínimona jiéruíñegaza, mei íadi Juzíñamui jiéruiga.

## 3

1 Judío ímiéna cue íllemona ¿mínica mei baimo óiticue? ¿Bacan quétafue mei nibénemo ráifide?

2 Judío ímiéna cue íllamona áillofuiái ícoinia ñue íiticue. Daje izói quétafue aillo ráifinafue ite. Nano fueñe Juzíñamui ie comeci úrilla uai Judíuaimo orede.

<sup>3</sup> Iai*oi* mona dáarie íai*oi* ñnogafuena féitai*oi*. Féitai*oi* íadi, Juzíñamui lloga uai jáanonide, mei afe Juzíñamui jaca féitafinidimie.

<sup>4</sup> Ie íai*oi* féitaja íena nie izói nibáñede. Mei jiáifodo íteza: nana comini taino llófredino ille llezica, Juzíñamui nana ie jetáacaigafuena nai uáfuena jaícina finode. Daií Cuegáu*ai* úrite:

O daina uáillaimona jaícinaidimiena o íllana ónoitai*oi*.

Riire o jicánua mei, comini ñue ñnogamiena ítío.

<sup>5</sup> Mei caimo ite fiénidifuedo Juzíñamui jaícinaidimie illáfuena jino uáfomo cíotaiadi ¿nie izói dáitica*í*? ¿Mei Juzíñamui cai duere finóllena jaícinañedimie? (Jamai come úrilla izói úriticue.)

<sup>6</sup> Mei íeñedeza. Mei Juzíñamui comécina jaícina íñeniadi, ¿nie izói nana énie comini riire jicánoite? Afémie jaca ninomo comécina jaícina jóidimienamona, nana náiraina riire jicánorede.

<sup>7</sup> Mei cue táinofui*ai*do Juzíñamui uafue nai jamánomo cue ebíruiadi, ¿nibái mei fiénidimiedicue izói Juzíñamui riire cuemo jicánote?

<sup>8</sup> Bie uáfuena, ñúefue bíllena nibái mei fiénidifuena finóñedica*í*. Afe bie izóidifue llófuiana dáarie caimo jitádia*oi*. Bifue caimo jitáдино come*í* fieni jítainafuedo úritai*oi*. Bie izói itino duere finóllia*oi*.

### *Nana caimo ite fiénidifue ícoinia*

<sup>9</sup> ¿Mei níifue? ¿Cai bie judú*ai* jiáie comini baimo ñuera? Mei ua íeñede. Ja como fidítatica*í* judú*ai* naa jiáie comini diga riírede fiénidifue anamo itíai*oi*.

<sup>10</sup> Jai*ai* Cuegáu*ai* daií daide:

Buna jaca íaifuenidimiena iñede.

Jaca ninó daa ñúemi*ena* iñede.

<sup>11</sup> Daje izói jaca ninó ñúefuena onóacadimiena iñede.

Daje izói Juzíñamui daa jenódimiena iñede, ie diga íllena.

<sup>12</sup> Nana Juzíñamuimona onido jáidia*oi*.

Afémaci dan*í* fiénidimacina jáidia*oi*. Buna ninó ñúefue finóñena.

Jaca ninó daa iñede.

<sup>13</sup> Iai*oi* úriragoi íbaiñega rai*fo* izoide, mei iere íaire úritai*oi*za.

Iai*oi* fuedo jífuemarifredia*oi*.

Iai*oi* fuemo ite úrilla jai*o* a*ífo* izoide, mei jiáima jánana iere fieni úritai*oi*za.

<sup>14</sup> Afémaci daa faidórafui*ai*do úritai*oi*, naa íairede uáilla*ido*.

<sup>15</sup> Come titállena jarire áizicaidia*oi*.

<sup>16</sup> Iai*oi* fieni illáfuedo aillo jiáimaci táinocaitadia*oi*.

Daje izói comínina zúnaitadia*oi*.

<sup>17</sup> Afémaci come*í* caimare uái illáfuena onóñedia*oi*.

<sup>18</sup> Daje izói afémaci Juzíñamui ñue jacírenafuemo due jiza come*í* facáñedia*oi*, —daií jai*ai* Cuegáu*ai* daide.

<sup>19</sup> Nana jai*ai* ocuícáfue daina uaina, afe ocuícáfue anamo itínomo dúide. Bífuena ñue onódicaiza. Daií Juzíñamui mamérite, nana comini úrillana llícaitallena; daje izói naga nairai Juzíñamui riire jicánollifue anamo íai*oi* itábicaillena.

<sup>20</sup> Ocuíca uai jeire cai úado, buna Juzíñamui anamo ñue jaícina íñeite. Ocuícáfue caina jíllotañeite; daa caimo ite fiénidifui*ai*na caina onótate.

*Jíllloillifue cai ñnogafuedo comuide*

21 Mei birui, jácara ocuífue oni eneno fíano, Juzíñamui anamo ñue jaícina cai íllena afémie cómfuena caimo onótate. Bie cómfuena uai lloraini ciegánico facádoiadi ónorede. Daje izói ocuilla uai cúeinanicomona jái ónorede.

22 Juzíñamui anamo ñue jaícina cai illifue bífuedo ite. Dama Jesucristomo cai ínuado bie izói íticai. Nana ie uaimo ínotinona afémie daje izói fínoite; dáamie jáimie baimo gáñeno nana dájerize jaícina jóoneite.

23 Mei naga come fiénidifuiarede; jílloite Juzíñamuimona nana jica itíai.

24 Mei íadi Juzíñamui caimo dúecaillanona, fia íbátáñeno ie anamo ñue jaícina caina itátate. Mei dama ie jító Jesucristodo caina jílloite.

25 Cai finoca fiénidifue íbana Juzíñamui Jesucristo tíllamo dane ote. Iemona íafuena dogá izói iticaí. Bie múíñuafue cai ínogafuedo caimo dúcite. Bifue daí íficaide Juzíñamuina jaícinaidimie daíllena. Mei jaii finoca fiénidifuiái íbana raire otátáñede; afémie comécina járidoñedimie.

26 Daje izói daí íficaide birui Juzíñamui jaícinaidimie daíllena. Nana Jesumo ínotinona Juzíñamui nai birui afémie anamo ñue jaícina itátate. Iemona Juzíñamui nai jaícinaidimiená íoicaite.

27 Ie mei ¿come abí ínuafue mei nie izói ite? Afe abí ínuafue oni eneno fiébicaite. Ocuícafuiaí jeire íai ó uado nai fiéni abí ínuafuemo itíai. Mei íadi Jesucristomo ínogafuemo fiéni abí ínollifueña íñede.

28 Nana cai llogáfuiamona bifue jino llúana ñue baite. Dama Jesumo ínotimie Juzíñamui anamo ñue jaícina írena. Ocuica uailaí afémie jeire ua oni jáíifodo joide. Afena Juzíñamui náfuéñede, dama íemo ínuana náfuete.

29 ¿Meita Juzíñamui dama judíuai íena? Iéñede. Daje izói afe Juzíñamui judíuaiñedíno ie.

30 Mei jii Juzíñamui damade. Afémie baimo jáíena íñede. Afémie nana íemo ínotinona ie anamo ñue jaícina itátate. Afémaci bacano ícoi íai quétajana náfuéñede. Daje izói quetáñenana náfuéñede.

31 Ie mei níbai dámie jicánoite. ¿Meita cai ínogafuedo ocuilla uaina uáitaiticaí? Iéñedeza; úaitaíneíticaí. Mei jáíifodo Jesuna cai ínuado afe ocuilla uaina uáfueña jíeruiticaí.

## 4

### *Abraham Juzíñamuimo ínuá izói cai ínollena cai onótate*

1 Mei áfemona cai jáíídigíma Abraham díbenemo jáíifue jicánoíticaí. ¿Afe Abraham mei nie ñúefue ote? Daína uai jeire ie ófirenamona abí díne nífuena oñede.

2 Mei Abraham ie finócafuiáido Juzíñamui anamo ñue jaícina ie itábicaíadi, afémie abí ínorede. Mei íadi Juzíñamui uícori afémie abí ínonide. Ie finócafuiáido Juzíñamui anamo ñue jaícina itátáñega.

3 Mei jáíifodo Ciegáuai daína izói, “Abraham Juzíñamuimo ínote.” Iemona Juzíñamuimo ie ínuado Juzíñamui íena “Íafuenidimiedíno” daíde.

4 Da come táijadi, afe táijina íba fia íemo dúecaillano íñega; afe táijitatimie íena íbárede. Mei íadi cai jíllloillifue cai táijicanado íba llínuá izói llínonide.

5 Mei jáíifodo, dámie jíllona táijina finóñeno, ie jíllloillena dama Juzíñamuimo ínorede; mei Juzíñamui íemo ínote íafuiáredimiená llínofíredeza. Mei íemo Juzíñamuimo ie ínuado, Juzíñamui íena: “Íafuenidimiedíno,” dáíte.

<sup>6</sup> Dama David come cáimafuiaido úrite. Dámie ie uícodo finócafuiaina Juzíñamui náfueñede. Ua náfueñede, mei íadi íemo ie ínuado Juzíñamui íaifuiainide dainámiena afe ínotimie jaide. Afe daiítadimie iere caimare ite.

<sup>7</sup> David daináuai daide:

Iaioimo ite fiénidifuiaina Juzíñamui dogánona iere íobidiaioi.

Daje izói íaifuiaina oni féitagamíai iere íobidiaioi.

<sup>8</sup> Daje izói íaioimo ite fiénidifuena náfueñegano iere caimare itíaiioi.

<sup>9</sup> ¿Meita bie cáimafuiái dama bacano icoi quetaca judíuaimo duide? Ieñedeza; nana comini íena mameide. Jira bacano icoi quétañega judíuaiñedímacimo daje izói afe cáimafue íaioimo duide. Jae llotícueza Abraham Juzíñamuimo ínuado Juzíñamui íena: “Íaifuiainidímiedio,” daide.

<sup>10</sup> Mei íadi ¿níruido daí íena daina? ¿Bacano icoi quetaa mei daí daina? ¿Ñibai quétañenia daí daina? Jíi, uáfueza, nai quétañena llezica daí íena daina.

<sup>11</sup> Afe: “Íaifuenidímiedio,” daina méifodo, Abraham bacano icoi quétafuena Juzíñamui ocuide. Bie quetaínafue onóillena jóonega raa izoide, Juzíñamui ja bímie ie ínuafuedo íaifuenidímie daíllena. Daí Abraham nai quétañena llezica Juzíñamuimo ie ínuamona, nana judíuaiñede ínotino moona jaide. Iemona Juzíñamui daje izói nana afémacina: “Íaifuenidíomoi,” daide.

<sup>12</sup> Uáfueza. Abraham nana afémie dama ie ínua izói ínote quetácano moo. Mei nanoide cai moo Abraham ie bacano icoi nai quétañega ia, ñue Juzíñamuimo ínoteza.

### *Juzíñamui jica ia raire llogáuai comini ínuamona ñue ícoimo fuitaca*

<sup>13</sup> Mei jíi, Juzíñamui Abrahana ñuera jica ia raire fidítauai daide. Aféuai llote: “O nana o erófene ígímaíari nana éniena máíñoitiomoi.” Abraham Juzíñamuimo jaiai uícodo ínua jira, Juzíñamui bíuai íemo llote. Fia ocuilla uai ie jeire úado Juzíñamui daí íena daíñede. Ua, dama Juzíñamuimo ie ínuado Juzíñamui íena: “Íaifuenidímiedio,” daide.

<sup>14</sup> Mei dani ocuilla uai jeire otino ñúefuena íaioi maíñoadi, íemona ínogafue comínimo figo jínóñede. Daje llezica Juzíñamui jica ia raire llogáuai ráifinano niné feide. Mei íadi daítañedeza jíáfodo joide. Juzíñamuimo cai ínuafuedo ie caimo lloga ñúefuena maíñooredicai.

<sup>15</sup> Ocuilla uai llóina méifodo aféuai jeire oñédino duere finótalliaioi. Mei íadi ocuilla uai nai lloñena llezica, aféuai náfuenide.

<sup>16</sup> Afe Juzíñamui Abrahamo jica ia raire llogáuai, Juzíñamui ñue riire mamede, nana ie erófene ígímaíai afe ñúefue jeire íaioi óllena. Mei jira, afe Juzíñamui lloga ñúefue, fia fecaca raa izói comini Juzíñamuimo ínuado íaioimo írede, mei áfena íaioi ñéfina cígímona ónidiaioiza. Bifue daíacade, Juzíñamui uícodo raire llogáuai daa ocuilla uai jeire otino íeñedeza, mei íadi nana Abraham ínua izói ínotino ie.

<sup>17</sup> Iemona Abraham Juzíñamui eróicana nana cai moona jaide. Abraham afe Juzíñamuimo ñue ínote. Jaiai Cuegáuaido Juzíñamui Abrahana daí daide: “Aillo náiraíai moona ona jóneticue.” Afémie daí daírede, mei Juzíñamui tídinona meine abido caátaitaredeza. Daje izói íñede ráaniaina Juzíñamui itátarede.

<sup>18</sup> Aféfuiaimo Abraham fáicanocaiñeno ínoide. Ua comini daina izói Abraham jamánomo jónaiteza, ja úruenide. Abraham daí úruereillinona úiñonina llezica nai Juzíñamuimo ínuano úiñoide. Afe daí Juzíñamui íena daina izói,



Abraham “aillo náirai ai moona” jaide. Juzíñamui bie izói íena daide: “O úicoide erófene igímaiai aillo jébutiaíoi,” daide.

<sup>19</sup> Abraham cien fimónamo ánozide íadi, ie ínogafue jaca féiñede. Afémie jónailla izói ie ai jónaillana onode. Ua afengo iere jónaillamona tíacade. Jae úruena comúitanide.

<sup>20</sup> Mei íadi afe llezica Abraham jizíñeno Juzíñamuimo ínofirede. Juzíñamui jica ia raire llogáuaina ruifíruiñeno nai íemo ínoicaide. Mei jíáfodo Abraham áfena féitañeno iere izire ínote. Jaca comeci rairuíñeno Juzíñamuimo úrioicaide. Juzíñamuimo íóbioicana úrite.

<sup>21</sup> Afémie daide:

—Nana jaiai Juzíñamui jica ia raire cuemo lloga rafue Juzíñamui uáfuenta cuemo zúitaite, —d-aide.

<sup>22</sup> Iemona, íemo ie ínuado Juzíñamui íena daide: “Íafuenidímiedio,” daide.

<sup>23</sup> Bie Juzíñamui Abrahamana daína “Cuemo o ínuado jae íafuenidímiedio” daa Abrahamo cúeñegaza,

<sup>24</sup> mei íadi nana caimo cuega cai ínollena. Mei jira tíllanomona cai Ocuíraima Jesús cáatate Juzíñamuimo birui ínoticaí. Iemo cai ínuado caina: “Íafuenidínodíomoi,” daíte.

<sup>25</sup> Afe Jesús caimo ite fiénidífue ícoínia duere finótagamiéna jaide. Afe mei Juzíñamui anamo ñue jaícina nífuenino cai íllena afémie cáataga.

## 5

### *Juzíñamui “Nífuenidímiedio” daína méífomo ñue cai illífue*

<sup>1</sup> Mei afe jira, dácaíño Juzíñamui anamo ñue jaícina nífuenino cai illa mei, meine abído Juzíñamuina jáciruíñeiticaí. Afe comeci caimare uái illafue cai Ocuíraima Jesucristo ie tíllado cáiena ote.

<sup>2</sup> Mei jíi, cai ínuado bie afémie cai cánuafue díbénemo jóonegacaí. Aferi izire jaináidícaí. Iemona íóbífredícaí, mei Juzíñamuimo ite ebíredemona cáiena oni máíñoitícaíza. Afemo ocuírítícaí.

<sup>3</sup> Daa bie cai ocuírillamo íobiñeitícaí, mei daje izói duere cai zefuúllífue mo íóbítícaí. Mei onódícaíza duere cai zefuúllífue cai comeci járitañenafue caimo comuide.

<sup>4</sup> Iemo afe comeci fígómie dáinana caina jáítate. Iemo fígómie dáinana mei Juzíñamui cáimafue mo úíñoifíreitícaí.

<sup>5</sup> Iemo bie úíñoínafue caina zúucaítañeite, mei Juzíñamui caina ie izíruillafue ñue caimo llóteza. Bie caina ie izíruillafuena ie oreca Ñuera Joréñodo onódícaí.

<sup>6</sup> Dani cai ñéfina cígimona jíllonidícaí. Daíí cai illa llezica, Juzíñamui jica ia mamécaruimo, Jesucristo nana fiénidíno ífomo tízaíbite.

<sup>7</sup> Bíníemo comécina jaícina jódímie tíilla ífomo tíítimíena íñede. Mei níbai jamánomo fígómie ífomo, daa tíirede.

<sup>8</sup> Mei jíáfodo cai fiéni illa llezica, Cristo cai ífomo cai jíllóillena tízaíbite. Afedo Juzíñamui caina ie izíruillafue caimo cíotate.

<sup>9</sup> Iemona ja birui Cristo tíllamona Juzíñamui anamo ñue jaícina itícaíza, ie jira íirairuimo ite duere fínuafuemona, Cristo cai rairuúllado, jamánomo oni eneno íredícaí.

<sup>10</sup> Nai afémie bacáuai imácina cai illa llezica, ie Jító cai ícoínia tíide. Daíí ie tíllamona, Moo Juzíñamui comécina jáciruítañegacaí. Ja birui cai comeci íena jáciruíñenamona, birui ie cáanado jamánomo ñue jíllóredícaí. (Ua caade

Cristo Juzíñamui uícomo caído úrite. Afe daíí ie úrioinado, íco bite duere cai finóllifuemona jílloticaí).

<sup>11</sup> Daa bífueñedeza, nane bie emódomo cai Ocuíraíma Jesucristodo Juzíñamuimo íobioiticaí, mei afe Crístodo Juzíñamuina cai jacíruiñenafuena otícaíza.

*Nanoide Adán caímo comuítagafuemona Juzíñamui caína éoícaide; mei jíáífodo Crísto caímo comuítagafuedo Juzíñamui caímare caído eróícaide*

<sup>12</sup> Mei onóigaza, dáamiemona fiénidífue nana comínido jaide. Ie mei afe fiénidífuemona tíllafue daje izóí naga cómemo comuide, mei naga come fiénidífuiaredeza.

<sup>13</sup> Moisés ocuilla uai nai iñena llezica, fiénidífue jaca comínido ite. Mei íadi ocuilla uai nai iñena llezica, afe fiénidífue comínimo nítañega.

<sup>14</sup> Mei íadi jaíai Adán illáíamamona Moisés illáíamamo fiénidífuiái finódino tícoizifirediaíoi, mei tídade ríino anamo itíaiíoi. Juzíñamui jónega íaiíoi comeí ñue úrilla uaimo náfueñediaíoi. Daíí náfueñenamona íaiíoi fiénidífue comuide. Mei jíáífodo Adán fiénidífue Juzíñamui uáfodo lloga rairuica uai jeire ie oñenamona comuide. Mei íadi bie Moisés uícodo itino fiénidífue jíainodo comuide. Adán finoca fiénidífue izóí comuíñede. Afe Adán uire bíite Cristo jana.

<sup>15</sup> Adán náfueñegafue Juzíñamui caímo fia iga cáimafue izóíñede. Mei dama Adán náfueñegafuedo nana comíní tímáritiaíoi. Mei íadi Juzíñamui raiñóñeno caímo fecaca jíllonafue jamánomo baímo ñuera. Dama Jesucristodo aillo comíní canócaiaíoi.

<sup>16</sup> Dáamiede finoca fiénidífue jaca Juzíñamui caímo fecaca jíllonafue izóíñede. Mei afe daade Adán náfueñegafuemona cai duere finóbillífue zúide, mei jíáífodo Juzíñamuimona caímo lloga jíllonafuedo, Juzíñamui raiñóñeno aillo comínina ie dibénemo ñue jaícina itábicaítate, aillo íaiíoi náfueñegafuiái íaiíoi mo ite íadi.

<sup>17</sup> Mei jíí, daa come náfueñenamona tíáfírede ríino anamo nana comíní are nínomo itíaiíoi. Mei jíáífodo dáamiede Jesucristodo nana Juzíñamui anamo raiñóñeno ñue jaícina jónegano, jamánomo baímo ñuera zííñona íaiíoi ille ríino óítiaíoi.

<sup>18</sup> Mei dáíi Adana náfueñegafuemona duere finóbillafue nana comínimo comuide. Daje izóí Jesucristo nífuenide comécimona tízaíbillafuemona, duere finóbiñenafue nana comínimo zuide. Daje llezica zííñona cai illífue caímo comuide.

<sup>19</sup> Bie daíde: dáamiede jeire óñegafuemona nana comíní fiénidífuiáiredinona jáidiaíoi. Mei íadi dáamiede Jesucristo jeire ogáfuemona aillo comíní Juzíñamui anamo nífuenidinona ñue jónegaiíoi.

<sup>20</sup> Mei jaíai Juzíñamui cai ocuilla uai caímo lloga, caímo ite fiénidífue jino uáfodo cai onóillena. Ua, ocuilla uai llua mei caímo ite fiénidífuiái aillo jebuide. Mei íadi daje llezica Juzíñamui caímo dúecaillafuiái daje izóí afe fiénidífuiái baímo aillo jamánomo jebuide.

<sup>21</sup> Iemona, fiénidífue caímo íllamona afe ríírede fiénidífue caína títarede. Daje izóí Juzíñamui caímo izire dúecaillano, Juzíñamui anamo nífuenino ñue jaícina cai illa llezica, cai Ocuíraíma Jesucristodo, afémie caína zííñona cáatarede.

## 6

*Comíní fiénidífuiáímo íllamona tíídino izóidiaíoi, mei íadi daje llezica afémaci Crístomo ínuamona cáadiaíoi*

1 Nana bie caimo llógamona ¿nie izói dáiticaí? ¿Mei nibai fiénidifue finócana uiticaí, Juziñamui jamánomo caimo ie dúecaillafue caimo ácatallena?

2 ¡Mei ieñedeza! Cai bie ja fiénidifue dibénemo tíidinodicaíza ¿mei nie izói, fiénidifuemo nai íocaiticaí?

3 ¿Nai bífuena onóñediomoí? Nana cai ie báutizaillarui mona Jesucristomo uáfueña jainaina llezica, dáaruido afe Cristo tíilla dibénemo jaináitagacai.

4 Mei jii, cai báutizaillarui mona Cristo diga dáafomo raigacai izóidicaí. Iemona aféruimo tíidinona maméidicaí. Ua tíidinona mamécacai, áfemona Cristo ie tíillanomona meine abido cáadimiéna jailla izói, birui cáadena cai jáillena. Daí cai jaillano cómfuemo íocairedicaí. Mei jii, Cristo ie Moomo ite jamánomo ñuera rínodo meine cáadimiéna jáitaga, íemo daje izói afe daje rínodo cómfuemo íocairedicaí.

5 Uáfueña dáiticaí, Cristo tíilla izói tíidinona jae mamécacai. Iemona daje izói ie meine abido cáadimiéna jailla izói, dani cai tíillanomona meine cáataga izói cómfuíaímo íredicaí.

6 Cristo cruzmo coraíca llezica nauí fueñe cai illafue dáanomo titácaza onódicaí. Uafue, afefue titaca, nanómona cai comécimo ite fiéni gáinano caina anáfeñoñeilla. Iemona fiénidifue dibénemo rairuícana íñeíticaí. Daje izói riire tájitatimiémo jainaina izói, fiénidifuemo jáinaíñeíticaí.

7 Mei jii, Cristo diga tíidimie ja íaífuemona oni jírecaide.

8 Iemona dácaíño Cristo tíilla izói dáanomo afémie diga, cai comeci fiéni óiacanafue tíide izói féitaga. Nauí daí ie diga cai tíillamona, daje izói biruillaído afémie diga cai íllana ua onódicaí.

9 Mei onódicaíza, Cristo dácaíño tíillanomona meine abido cáadimiéna jaide. Daí meine jaillano ja meine abido dánomo tííñeite. Afémie ja ménacaíño tíinide.

10 Mei Cristo ie tíillaruimo, fiénidifue dibénedo dácaíño tíide, jaca ninomo nane tííñeilla. Mei íadí afémie meine cáadena jaillano ie cáanano Juziñamuimo duide.

11 Daje izói, mai fiénidifue dibénemo tíidino izói omoí iri. Mei jíáífodo Juziñamui íena cáadinona mai omoí iri. Afemo izire comécimo mai omoí facáoiri, mei cai Ocuíraíma Jesucristomo dájena jaináidiomoíza.

12 Ie jira fiénidifuena omoí abina náamatatañeno iri; afefue omoí zííñona íñena abí ana úillemona abí omoí rairuiri. Mei Taífe comuítaga caimo ite íaífue cai abí fiéni jítainafue jíno déilla ocuíoideza. Afemona izire abí omoí rairuiri.

13 Dani omoí abina fiénidifuena finótañeno iri. Mei jíáífodo dani omoí abina Juziñamuimo omoí jaináitari; ua, tíillanomona meine cáadena jaide izóidino afémiémo omoí abí jaináitari. Ie jira nana omoí abina Juziñamui ñúefue finóllena, omoí jaináitari.

14 Ja benómona fiénidifue ómoína ana úíñeite. Mei ocuilla uai anamo ja íñedicaíza; mei jíáífodo Juziñamui cairi dúecaillafuemo itícaíza.

*Comini jacire riire rairuíllaruimona daa ráfuena caina onótate*

15 Ie mei ¿nie izói íiticaí? Mei ocuilla uai anamo íñédicaíza mei jíáífodo Juziñamui cairi dúecaillafuemo itícaíza; íemona ¿meita fiénidifue finóredicaí? Ieñedeza, finónidicaí.

16 Ñue onódiomoíza, ómoímona nágamííai riire ocuídillaímamo fecaca llezica, aféllaíma ocuíllana ñue jeire órediomoí. Daje llezica aféllaímamo izire jaináidiomoí. Bie izói caimo ite fiénidifuíai, jacire ocuídillaíma ana uilla izói, nana caina ana uite. Afemona tíillafue naga cómemo comuide. Mei íadí

Jesumo cai inua llezica jiaie cai ocuidillaima Juzinamui duidicai, comecina jaicina ñue joidimacina nagarui cai illena.

<sup>17</sup> Mei iadi omoi Juzinamuina: "Tere figura," daidicue. Mei nauí fiénidifue mo izire rairuicanona omoi illa llezica, omoimo lloga llófueinafuena ja ñue jeire otíomoiza.

<sup>18</sup> Afe fiénidifue mona oni omoi jirecailla mei, jiaie ocuiraima Juzinamui rairuicanona jaídíomoi. Iemona comecina jaicina ñue joidinona nagarui íredíomoi.

<sup>19</sup> (Ua omoi onoiga comini ráfuiaido úriticue, mei omoi ifoci déinamona bífuiaina ñue cacánidi omoi.) Nauí fiéni illáfuiaimo omoi abina jainátafiredíomoi. Nane afe baimo jiaie jamánomo fiéni abi finuamo abina finótadíomoi. Nauí daí abina omoi finota izói, mai birui comeci jaicinainafue mo abí omoi jaináitari, dama Juzinamui íena oni eneno ñue mamécanona omoi illena.

<sup>20</sup> Nai fiénidifuaimo riire rairuicanona omo illa llezica, comeci jaicina jóinafue mo jaináñediomoi.

<sup>21</sup> Nauí omoi illáfuiaina birui meáiruitíomoi. Mei aféfuiaimona ¿nie cánuafuiai otíomoi? Oñediomoiiza; tíllafue diné jaca ómoína uite.

<sup>22</sup> Mei iadi fiénidifue mona oni eneno omoi jirecaillamona, ja birui Juzinamui rairuicanodíomoi. Iemona birui afémiemo ñue jaináidíomoi. Bie izói omoi íllamona, Juzinamui íbana ñue caimare ómoína cánoite. Ua afémié íeiena ómoína oni eneno ñue fínoite. Iemona afe ícoimo zíñona illáfuena óitíomoi.

<sup>23</sup> Fiéni cai íllamona daa tíllafue óitícaí. Mei iadi Juzinamui raiñoñoño fia caimo iga raa, cai zíñona illífué. Bie zíñona cai illífué dama cai Ocuiraima Jesucristomo dájena cai jaináinamona caimo iga.

## 7

### *Íma áireinamona ringo iníreinamona daa ráfuena cai onótate*

<sup>1</sup> Amatíai, onódiomoiiza, da come dama nai ie tíñeniadi, ocuilla uai nai íemo dúide.

<sup>2</sup> Ja omoi onóigafue jino llóitícué, áfedo jiaífuena omoi onóillena. Da inírede ringo, ie ini caana llezica, ocuilla uaido ie inimo cuinaca izói jainaide. Mei ie ini tílla mei, afe íemo jainátate ocuilla uáimona afengo jae oni jirecaide.

<sup>3</sup> Afe llezica afengo jiaie ímamo inírena ñuera. Afengo daí iníreilla jiruífue. Mei iadi ie ini nai ítemo afengo jiaie íma diga illa afengo iere jiruífue.

<sup>4</sup> Cue amatíai, birui Jesucristo abímo dájena jaináidícaí; ua iníredíngo inimo jainaina izói jaináidíomoi. Afe Crísto omoi jaináinamona, ie tíllado tíidíno mamécaomoi. Ie jira ocuilla uai dibénemo tíidíno izói itícaí. Fueñe bie ocuilla uaimo, ringo inimo jaináilla izói, jaináidícaí. Mei iadi ja birui tíidíno izói cai íllamona afe ocuilla uaimo jaináñedícaí. Dama tíllanomona meine abído cáadímíena jaide Crísto jaináidícaíza. Afe bie Crísto cai jaináinana Juzinamui caimo comúitate. Ua comúitate caido ie comeci jítáinafué ñue ícoimo cai fuitállena.

<sup>5</sup> Mei nanómona comini comécimo itífué dibénemo cai ífírena llezica, afe ocuilla uai cai abímo ite fiéni óiacanafuiaina cazítate. Aféfuiai caína ana tíllíno uite.

<sup>6</sup> Mei iadi ja birui afe ocuilla uai dibénemo tíidíno izóidícaí. Fueñ afe ocuilla uai anamo riire itícaí, mei iadi ja birui afe uáimona ñue oni jirecaidícaí, Ñuera Joreño cómuena méidoga caimo itífuedo Juzinamui ocuícamacina cai illena. Jaíai cuega ocuilla uaido Juzinamui ocuícamacina ínídícaí.

*Cuomo ite íaifue cue caimare illafue llótaidote*

<sup>7</sup> Iemona ¿mei nie izóí dáiticaí? ¿Ocuilla uaina fiénidifue daíredicaí? ¡Daínidicaí! Mei íadi afe ocuilla uaido fiénidifuena onótagacue. Afe uai nai jino lloñena llezica fiénidifuena onóñedicue. Ja omoi onóigafue jino llóitacue, áfedo jíaifuena omoi onóillena. Ocuilla uai nai cuena dáíñeniadi, aino come raana óiacanana onóñedicue. Mei íadi afe daí llua mei fieni óiacanana onódicue.

<sup>8</sup> Afena cue onónamona, bie ocuilla uai llúado, cue comécimo ite naga fieni jítainana uáfodo cazítaga. Mei ocuilla uai nai cuemo lloñena llezica, fiénidifue tíide izóí uái illano figo onóñedicue.

<sup>9</sup> Nauídiruimo, ocuilla uai cúemona nai oni eneno illa llezica, cue comeci úrilla caimare ite. Mei íadi ocuilla uai ja llúaíbillado fiénidifue meine abido comuide. Afefue meine comuillamona fállena cue orede.

<sup>10</sup> Dinómona bie izóí cuemo zúide. Daje cuena ñue zíñona illífuemo úirede uailai, ñue illífuemo cuena uiñede. Mei jíaífodo cue dibénemo, cuena ana tíllanomo uite.

<sup>11</sup> Mei jíi, fueñe fiénidifue cuemo iñede daidicue. Mei íadi ocuilla uaina cue fídiamona, cuemo ite fiénidifuiaina onódicue. Afe ícoinia Juzíñamui fáiacagamiena iticue.

<sup>12</sup> Afemona onoiga, afe ocuilla uai iere ñuera. Daje izóí lletara uai jamánomo ñuera. Afe uai ñue jaícina jóidiuai.

<sup>13</sup> ¿Meita bie ñuera ocuilla uai cuena ana tíllinomo úirede? Ñue onóigaza, únide. Mei jíaífodo cuemo ite fiénidifuedo ana tíllinomo uigacue. Afemona uáfueña cítagaza, bie fiénidifue ua nahí fiénideza. Afe cuena ana uillafue ñúefuedo finoca. Daí Juzíñamui ocuilla uai, nana fiénidifuiaí jamánomo íaire nana caina onótate.

<sup>14</sup> Afe ocuilla uai Juzíñamui Ñuera Joréñomo dúidifue. Afena onódicaíza. Mei jíaífodo nanómona cue comécimo itifue Ñuera Joréñomo dúíñede. Mei izire rairuícamié izóí íaifue finuanamo fecácamié izóidicue.

<sup>15</sup> Birui cuemo íficaidifuena onóñedicue. Ñue cue comeci jítainafuena finóñedicue, mei íadi cue comeci éoillafuena áfena finófidicue.

<sup>16</sup> Mei cue comeci jítaiñenafue cue finóadi, afe cue finócafue fiéninana onódicue, mei Juzíñamui Ocuilla uai cuena áfemona rairuúdeza. Iemona afe bie ocuilla uaina nahí ñuera daidicue.

<sup>17</sup> Mei daí áfena dama finóñedicue, mei jíaífodo cuemo ite íaifue aféfuemona comuide.

<sup>18</sup> Mei onódicueza, dama cuemo ñúefuena iñede. Bíedo daíacadicue, nanómona cuemo itifue ñúeñede. Mei jíi, cue comeci ñúefue finóacade, mei íadi áfena jaca finónidicue.

<sup>19</sup> Cue jitaiga ñúefuena finóñedicue; mei íadi cue jítaiñega fiénidifuiaina finócadicue.

<sup>20</sup> Iemona cue finóacañega fiénidifue cue finóadi, dama cúeñedeza, cuemo ite fiénidifuemona comuide.

<sup>21</sup> Daí jaca bie izóí cuemo íoicaide: mei ñúefue cue finóacania, áfena baiñeno dama cuemo ite íaifuiaí báifiredicue.

<sup>22</sup> Mei jíaífodo cue comécido Juzíñamui ocuilla uaina gáidicue.

<sup>23</sup> Mei íadi afe llezica cue comécimo ite jíaíe niné cue úiacade uaina comécido onódicue. Afe uai cue ífoci úrilla ñúefuena niné féitaoide. Afe bie fieni cue rairuíoide uai cue abimo ite. Afe uai cuena llavéoide.

<sup>24</sup> ¡Nai iere íóbiñedimiedicue! Bie ana tíllamo cue uite abímona, ¿bu oni cue jírecaitalle?



<sup>25</sup> Dama Juziñamui ie Jitó cai Ocuíraima Jesucristodo bífuemona cuena oni jirecaitarede. Iemona, ja birui Juziñamuina “Iere figura” daidicue. Iemo cue illafue bie izói ite: Juziñamui ocuilla uai anamo cue itábicaillena dama Juziñamui jóonega cue comeci ñue úrillado finóredicue. Mei íadi dama cue abi dibénedo nanomo cuemo itífuedo llavécaigacue. Dinómona fiénidifue cuemo íoicaide. Ioicaillamona fiénidifuiaina jaca finóicaidicue.

## 8

### *Juziñamui Ñuera Joreño úicaigamie illafue bie izoide*

<sup>1</sup> Mei ja benómona, nana Jesucristomo dájena jaináidinomo duere finótaituiai jaca iñede. Afémaci Juziñamui Ñuera Joreño rínodo afe Joreño illa izói ífirediaíoi. Dáanomo afémaci nanómona comécimo itífuiái izói comeciñediaíoi. Daje izói nánorafuiaina náfueñediaíoi.

<sup>2</sup> Juziñamui Ñuera Joreño cai rairuilla uai, dájena Jesucristomo cai jaináinamona, caina ñue cáataite. Afe llezica caina rairuide Ñuera Joreño uai, afe nanómona cue rairuilla fiénide uáimona cuena oni jirecaitate. Afemona fiénidifue ana tíllinomo cuena úiñeite.

<sup>3</sup> Moisés ocuica uáimona finónidifueña, Juziñamui daade ie Jitó ana óriano áfena finode. Afe caimo ite fiénidifuemona oni cai jirecaillafue Moisés ocuilla uáimona finónide, mei nanómona cai comécimo fiénidifuiái íllado, afe uai rínonideza. Iemona afe uai figo jínoñede. Ie jira Juziñamui cai oni jirecaitallena, daade ie Jitó jamai cómena bie éniemo jéicitade. Afe mei, cai fiénidifuiái ícoinia cai ífomo Juziñamui ie Jitó fatátate. Bie izói daina daíacade, bíniemo ite fiénidifuiáiredino comínina íaíoi illa izói, afe izói Juziñamui ie Jitó ana bíniemo orede. Afe bie izoide ória mei, afémie abi, cáie izói eroide, mei íadi afémie íaífuenide. Afe izói ie íllamona afémie bíniemo ua nífuenidimiena jáicaillado nana caimo ite fiénidifuiaina anáfenode.

<sup>4</sup> Mei ocuica uai jeire cai óllena, afémie nana bie izói finódeza, mei ja nano cai comécimo comuídifuiáimo comeciñedicaíza. Afena ja náfueñedicaí. Mei jíáfodo Juziñamui Ñuera Joreño ífuiáimo comecioidicaí; aféfuiaina ñue náfueticaí.

<sup>5</sup> Nano comécimo fiéni comuídifuiáimo comeciídino, daa bie cai abi ífuiáimo izire comécido lícioidiaíoi. Mei jíáfodo Ñuera Joreño ífuiáimo comeciídino afe Ñuera Joreño daináuaimo izire comeci fáíoidiaíoi.

<sup>6</sup> Da bie cai abi ífuiáimo comeci izire cai lícioia, ana tíllinomo caina uite. Mei jíáfodo Ñuera Joreño daináuaimo izire comeci cai fáíoi, zíñona illífuemo caina uite. Iemo daje izói caina caimare uái illínomo uite.

<sup>7</sup> Daje bie cai abi ífuiáimo izire comeci lícioidino, Juziñamui uáitatimacina jáidiaíoi, mei afémaci, nana comíni Juziñamui ocuilla uaina gáíñediaíoi. Afémaci áfena gáíñenamona afe uai anamo ínidiaíoi.

<sup>8</sup> Ie jira nano cai comécimo comuídifuiáimo jaináidino Juziñamuina íóbitanidiaíoi.

<sup>9</sup> Mei íadi Juziñamui Ñuera Joreño ja ómoímo íllamona, comécimo fiéni itífuiáimo, cuinaca izói, izire jaináñediomoi. Mei jíáfodo Ñuera Joreño dájena iere jaináidiomoi. Cristo Ñuera Joreño iñédimie Cristo íeñede.

<sup>10</sup> Cristo ómoímo íllamona ómoímo ite joreño caade. Ua, Juziñamui anamo ñue jáicina itábicaillamona omoí joreño cazítaga izoide. Mei íadi afe llezica caimo ite fiénidifue cai abina ana tíllinomo uite.

11 Mei jiaifodo Jesucristo tíllanomona Juzíñamui Ñuera Joreño do meine abido cáadimiena jáitaga. Iemo afe Cristo cáadena jáitate Juzíñamui omoi tíifirena abina nane meine cáadena jáitaite. Ua ómoimo ite Juzíñamui Ñuera Joreño do Juzíñamui cáadena jáitagamacina ómoína fínoite.

12 Amatiai, mei daií cai comécimo fieni ífiredifuiamo coméciñellena, izire ocuícandicai.

13 Da bie omoi abi ífuiamo omoi comécioiadi, tíllinomo ana ómoína uite. Bie cai comécimo ítifue jaca fiénidifueña caina finótate. Mei íadi afe ómoína finótate fiénidifue Ñuera Joreño do omoi anáfenoíadi jaca ninomo cáaitiomoi.

14 Nana Juzíñamui Ñuera Joreño ífócamaci, Juzíñamui úruiai.

15 Mei jii, ómoimo iga Ñuera Joreño, jacire ráiruite joreñoñede. Daje izói ómoimo ite Ñuera Joreño ómoína meine jacíruiñede. Mei íadi afe ómoimo iga Ñuera Joreño Juzíñamui jítótiaína ómoína mamede. Afe Joreño Juzíñamuina “Cue Móodio” caina daiítate.

16 Da bie Ñuera Joreño caimo ite joreño diga, dájena nabáizabite “Juzíñamui jítódicai” caina daiíllena.

17 Afe daií ie jítótiaína cai íllamona, Juzíñamui raire uícodo caimo lloga feci raa izoide cáimafue maiñóredicai. Afe cáimafue dama Cristo ie, mei afémie Juzíñamui nahí Jitoza. Mei íadi ja birui áfena daane afémieoiri maiñóredicai. Afe Cristo duere zefuilla izói, daane birui duere cai zefuíadi, Juzíñamui caina cíoite. Iemona Juzíñamui ebíredifueña íemo nitalle izói, afe izói caimo nítaite.

18 Iemona ja biruíllaido duere cai zefuilla figo ráañenamo comeci facádícue. Afefue ráañenari íobidícue. Ua afe aillóñedeza áfena lloñédícue: mei afe uire caimo cómuite ñue ebíredifue jamánomoideza. Afe ebíredifue duere zefuíllafue baímo jamánomoideza, afe duere zefuíllafueña úibiñoñeiticai.

19 Nana Juzíñamui finoca cómena maméíñedinuiai, Juzíñamui jítótiai meine cáadino jaillano jino cíotalliruimo iere izire úiñoidiaíoi.

20 Ua comínimo ite fiénidifue ícoína, nana afe Juzíñamui comuítaganuai zuure fíallifueño mamécaiaíoi. Dani íaíoi jítainamona aféfuemo mámeñegaiaíoi. Mei íadi Juzíñamui daií íaíoi mamede; afe ie comeci jítaina ízoi mamécaiaíoi.

21 Mei afémie nana ie finócanona riire ocuícafueño oni jirénoiacade. Daje izói ie finócanona niné táinocaitifueño oni jirénoiacade. Afe íaíoi jirénollifueño Juzíñamui ñue comécide. Daií íaíoi oni jirecaitaite, Juzíñamui jítótiaíoiri ebire jaícina joide cáimafueña íaíoi maiñórrillena.

22 Onódicaíza, jaií fiénidifue bíniemo tainéinanomona, nana Juzíñamui finoca cáadinuiai abi izírenari murífrediaíoi. Ua jaiáimona nai biruimo, ringo úrue jocócana llezica izínaila izói, nana ie comínina mámeñega comuítaganuai izi cácadiaíoi.

23 Daa afémaci izi cácañenaza; daje izói cai izi cácaillano, afe caina jaícina ñúeitalliruido izire ocuíticai, Juzíñamui Ñuera Joreño caimo ite íadi. Juzíñamui ícoi aillo caimo fecalle caimátaillifuiamona, bie Ñuera Joreño fueñe raire uícodo caimo iga. Mei íadi nai bíniemo iere zuure murífredicai; mei Juzíñamui jítótiai maméidicai íadi, móonidiza jíáie come íena náamataja izói, cai ie náamatalliruimo ocuíticaíza. Aféruimo nana fiénidifuiamona, naa jíáie cai rairuíoide íaífuiaíri, Juzíñamui cai abina oni jirecaitaite.

24 Afe bie cai jíllollifueño úiñoidicai. Jesucristo daií caimo llogáuaimo afe jeire cai úamona, áfemo úiñoidicai. Afemo daií izire cai úiñoinado jíllotagacai. Cai úiñoga raana cai cíonamona, jae afemo úiñoñeiticai, mei jae íteza.

<sup>25</sup> Mei jíáifodo cai cióñena raamo cai úiñoiadi, ja áfemo raire járitaño uíñoedicai. Iemona Juzíñamui Ñuera Joreño, Juzíñamui jitótiaina cai maméinamo uaina nabaide.

<sup>26</sup> Daje izói Juzíñamui Ñuera Joreño mei ní fue Juzíñamuimona cai jícallena ñue caina cánuabite. Juzíñamuimona jaícina ie jitailla izói cai jícajana onóñedicai. Mei daí cai illa llezica, Ñuera Joreño come uaido jino llónide murilla uaido Juzíñamuimo caído izire jícade.

<sup>27</sup> Juzíñamui naga come comeci ífuena ñue onóillena izire jícanofiredimie. Afemona Ñuera Joreño caído daíacanána Juzíñamui ñue onode, mei Ñuera Joreño, Juzíñamuimo jaináidinodo Juzíñamui comeci jitailla izói izire íaioimo jícadeza.

*Nana zuure íaifuiamona caifófeficairedicai*

<sup>28</sup> Onódicaiza, Juzíñamui nana cómemo ífcaítifuiaina ñue jaícina mamede, nana íena izíruitino ñue íllena. Ua Juzíñamui comeci jítaína izói, ie jírigano ñue íaioi íllena, Juzíñamui illa dígamíemo cómuitifuiaina ñue jaícina zúitafirede.

<sup>29</sup> Mei Juzíñamui nana ie uícodo onóigano nanómona mamede, ie Jitó illa izói íaioi íllena. Bie izói íaioi íllamona Juzíñamui Jitó ámatiaína itíaioi. Afemona aillo ite ámatiaí cígimona Jesucristo dama námiéna jaide, Juzíñamui jaiaí uícodo mámia izói.

<sup>30</sup> Nana daí ie mamécanona, daje izói íaioina jírite. Nana ie jírganona, daje izói ie anamo ñue jaícina itábicaítate. Daje izói, nana daí ie anamo ñue jaícina itábicaítaganomo Crístomo nitaca ebíredífueña afe izói íaioimo nitade.

<sup>31</sup> ¿Bífuena nie izói dáiticaí? Juzíñamui cai dibénemo íadi, ¿mei bu caina anáfenolle? ¡Cai anáfenoitena íñede!

<sup>32</sup> Juzíñamui dama ie daade nahí Jitona cáimona rairuíñede. Mei jíáifodo nana ñue cai jíllloillena, ie daade Jitó tíallena jeruíño fecade. Iemona onódicaiza, nana jíaíe cai jitaílle ríiduana naa ie Jitóoiri nágarui caimo fecáfíreite.

<sup>33</sup> Juzíñamui nízácamacimo, ¿bu fíénidífueña nitárena? Afe izói nítaítimie íñede, mei afémaci nífuenidínona Juzíñamui jae jino uáfodo llógaza.

<sup>34</sup> Afe Juzíñamui nízácanona, ¿mei bu duere finótarena? Íaioina duere finótaitimie jae íñede, mei Jesucristo íaioi ícoínia tízaíbiteza. Afe baímo Jesucristo tíllanomona meíne abído cáadímíena jaillano, Juzíñamui nabézimo ráinazaide, dínomona Juzíñamuimona cai ie canóllífueña izire jícallena.

<sup>35</sup> Cristo cai ie izíruillana, ¿bu mei féítarena? ¿Meita duere cai zefuíadi, Cristo caina izíruillana féítaite? Féítanide. ¿Meita llotáiredífuiái caina ie izíruillana féítaite? Féítanide. ¿Meita fiení caina finóacadino caina ie izíruillana féítaite? Féítanide. ¿Meita júbietàíllafue caina ie izíruillana féítaite? Féítanide. ¿Meita ínícuironinafue caina ie izíruillana féítaite? Féítanide. ¿Meita jícafuiái caina ie izíruillana féítaite? Féítanide. ¿Meita tízaíllafue caina ie izíruillana féítaite? Féítanide.

<sup>36</sup> Juzíñamui Cuega Uai bie izói dáideza:

Nágaruillai o ícoínia tíllanomo ánozitagacai, mei íadi tííñedicai.

Daje llezica caina tíllale ovéjaiaí izói mamédiaioi.

<sup>37</sup> Mei íadi nana bie zúuredífuiamona, caina izíruitimie Jesucristodo, caifófeficaídino baímo ñue jino jáídicaí.

<sup>38</sup> Iemona ñue onódicueza, Juzíñamui cai ie izíruillana ráiruitena íñede. Naga raamo cai jíriadi Juzíñamui féítaño caina izíruioide. Cai tíllífue Juzíñamui caina izíruillana cáimona feitañeite. Daje izói bíniemo cai cáanafue caina

ie izíruillana cáimona rairuínide. Daje izói Juzíñamui abi imaci caína ie izíruillana cáimona rairuínide. Daje izói fiēni ríinorede jóriai caína ie izíruillana cáimona rairuínide. Daje izói biruido comuídifuiái caína ie izíruillana cáimona rairuínide. Daje izói uire cómuitifuiái caína ie izíruillana cáimona rairuínide.

<sup>39</sup> Daje izói Juzíñamui abi imácimona ríillaini caína ie izíruillana cáimona rairuínide. Daje izói Taífemo jaináidino ríillaini caína ie izíruillana cáimona rairuínide. Ua nana Juzíñamui finócanuiaimona buna Crístodo caimo jino cíotaga izíruillana cáimona rairuínide.

## 9

### *Juzíñamui jaiái uícodo Israel nairai nize*

<sup>1</sup> Ja birui jíáifue ómoimo llóiticue. Crístomo cue jaináinamona táinona llóñeiticue. Daje izói Juzíñamui Ñuera Joreño nabáioicaigacueza cue comeci urilla uai ñue jino deide. Afedo bie cue lollifue nahí ua ráfueza, onódicue.

<sup>2</sup> Be ñie: nana cue nairai comíniri iere zúuruiticue. Afémaci Crístomo ñinoñenamona zúufueri comécina cuidíridicue.

<sup>3</sup> Iemo mei cue dáinamona nibai afémacina jíllotareníadi, Juzíñamuina, “Mai fiēni cue faido,” nibai raire dáititcue. Mei íadi cue daína izói Juzíñamui cue faidódēna, cue nairai imácina cánoñeite.

<sup>4</sup> Afémaci jaiái Juzíñamui nizécamie Israel, méifomo comuícana jáidino. Daje izói afémacina Juzíñamui daide:

—Bimaci cue nairai, —daide. Afe mei íaiói cígimo ie íllado íemo ite áillue ebírede ríino Juzíñamui íaióimo jino cíótate. Daje izói íaióina ie ñuera finóllifuiái Juzíñamui íaióimo llote. Iemo Juzíñamui Moisédo ocuica uaina llogáiaíoi. Daje izói Juzíñamuina nahí caimátaitajana onótagaiaíoi. Daje izói Juzíñamui lloga caimare íaiói illíuái íaióimo íteza.

<sup>5</sup> Bimaci mámecina jica jalleide judíuái jaiáidigimamona comuítagano. Iirainomo íaiói náiraimona Cristo cómena jócuai biga. Bífuiamona Juzíñamui naga ráfuiái jamánomo ocuállana onódicaí. Iemona nana náiraiamona illa dígamiaí Juzíñamuina jaca ninomo fáicanocaiñeno íóbitarediaíoi. Mai daí íteza.

<sup>6</sup> Díga ñúefuiái cue náiraimo duide; mei íadi Crístona náfueñediaíoi. ¿Mei níbai? ¿Níbai Juzíñamui uícodo lloga Israelna ñuera daínauái figo déizaibíñede? Daí daíñedicueza. Jíáifodo jóide. Nana Israel náiraina maméidinomona dáarie Juzíñamui nízeñegano.

<sup>7</sup> Daje izói Abraham méifomo comuídino dáarie ie nahí úruiaíñediaíoi. Jaiái uícodo Juzíñamui Abrahana daide:

—Dama Isáacimona cómuitino o uáfueña méifomo comuídinona jaille, —daide.

<sup>8</sup> Bie uai jíáifuena cai onótateza: Dáamie ñuera náiraimo jócuado, dama áfedo “Juzíñamui jítódicue” daínide. Mei jíáifodo Juzíñamui uícodo daína uai fúitamona jocócano, dama afémaci ie uáfueña méifomo comuídinona mameina.

<sup>9</sup> Juzíñamui Abrahana uícodo daína uai be ñie: “Uire afe nauí cue mamécaruimo meine bíititcue; íemo o ai Sara jító jócoite,” daide.

<sup>10</sup> Iemo nai jíáifuena ite. Rebeca jító íaillinoí dáamiena móorediaillinoí. Íaillinoí moo cai jaiáidigima Isaac. Afe jító íaillinoí guarázaillinoí.

<sup>11-12</sup> Mei íadi íaillinoí nai jocóñeniadi, afe ménailinoí nai níifuenina illa llezica, Juzíñamui Rebécana daide: “O jító nánoramie ie méifoide ama anamo jabóidimiena íte.” Juzíñamui daí daide, bífueña cai onóillena: Afe íaillinoímona dáamiena Juzíñamui nizéllena dama Juzíñamui comeci jítaina izói mamede.

Afe Juzíñamui íaillinoimona dáamie níziafue íaillinoi finócafuemona comuñede. Dama Juzíñamui mámiamona íaillinoimona dáamie nizécamiēna jaide.

<sup>13</sup> Juzíñamui Cuegáuai bie izói daide: “Jacob cue nizécamiē, íemona cue izíruigamiē, mei íadi Esaú cue ruifíruigamiē.”

<sup>14</sup> Iemona dáarie nibai dáitiaioi: “Juzíñamui daií dáamiēna fia ruifíruillano jiáimie nizeda máñua jaícina jóiñede.” Mei íadi bie comini daináuai uáfueñede; jaícina jóiñedifuenta Juzíñamuimo jaca iñede.

<sup>15</sup> Mei Juzíñamui Moisenā ja dáideza: “Daa cómemo cue dúcaiacaniadi, afémiemo dúcaiticue. Daje izói daa cómena duéruillano riire ibana cue óiacañeniadi, íemo ibana óñeiticue.”

<sup>16</sup> Bie Juzíñamui daina uáimona onódicaiza: Juzíñamui dáamie eneno nízia afe come óiacanamona daingo comuñede. Daje izói afe come riire fínuamona Juzíñamui níziafue comuñede. Juzíñamui afémiē nízia dama cómemo Juzíñamui dúcaiacanamona comuide. Daje izói afe ímana ie canóacanamona comuide.

<sup>17</sup> Mei jii, Juzíñamui ie Cuegáuaido, Egipto illáimāna daide: “Ja illáimāna o jóneticue, cuemo ite áillue ríno jiáimacimo odo jino cíotallena. Afe llezica iere duere o cue finólledo cue mámece naga náiraiaido jica jalléitaitio,” daide.

<sup>18</sup> Ie jira onódicaiza: Juzíñamui dama ie óiacana izói, daa cómemo dúcaite; íemo Juzíñamui dama ie óiacana izói jiáie come comécina riireitaite.

<sup>19</sup> Bífuiamona daa come nibai cuena jicánoite: “Mei Juzíñamui afe ie óiacana izói finófiredeza, jiáifodo ínidicai. Iemona ¿nibái mei fiénidifue ícoina caimo nitáfirega? ¿Bu mei Juzíñamui óiacanafuena uáitarena?”

<sup>20</sup> ¡Aci! ¡Daií dainámie cacai! ¿O iere ua ímiedicue daidio, Juzíñamuimo riire júfidollena? Mei nana Juzíñamui comuítagacaiza bie jiáifue mo coméciri. ¿Mei nibai nogo, afe nogo niráingona dáite: “¿Nibái mei cuena bie izói nitio? ¡Daiíñeite!

<sup>21</sup> Nogo niraingo daingo ie comeci óiacana izói afe nogórainā nírede. Afe daje nógorafella átuedo daa ebire eroide icírūna nírede, íemo daje nógorafella enéfenemona jamai nogócirina nírede.

<sup>22</sup> Iemona daje izói Juzíñamui finócafuiai ñúeraza, onódicai. Afémiemo ínoñedinona Juzíñamui duere finótaacade, íemo ite fiénidifuenta gáñenana jino ácatallena. Afe llezica íemo ite aillo ñuera ríno jino comínimo onótaiacade. Mei íadi afémaci fiēni illafue ibana raire otátañede. Ie icírafue anamo itínomo, Juzíñamui raire comeci jaritañede. Iaiomo dúide niné táinocaitallifuenta nai are ocuñede.

<sup>23-24</sup> Daje izói Juzíñamuimo ite jamánomo ñuera ebíredinona comínimo jino onótaiacade. Iemona Juzíñamui dáarie judíuai, daje izói dáarie judíoñedinona nizeda íaiomo dúcaide. Dúcaillano íaioi fiēni illafue ibana oñeno íaioi jíllotate. Afe ie dúcaillado nizécanodicai. Afémiē jaiiai uícodo, íemo ite ebíredifuemona afe cáiena oni cai maiñóllena caina mamede. Daií fínuamona, íemo ite jamánomo ñuera ebíredifuiiai Juzíñamui caimo jino fidítate.

<sup>25</sup> Jaiiai Juzíñamui uai jino llórainā Oseas cuegánicomo Juzíñamui bie izói daide:

Cuemo jaináñede comínina “Cúeiēna” náamataiticue.

Daje izói nauí cue izíruíñega nárainā “Cue izíruigamacina” mámeiticue.

<sup>26</sup> Daje izói batí jiáie éniemo itínona Juzíñamui daina “Cue comíníñediōmoi,” aféno mo itínona “Cáataite Juzíñamui jitótiaina mamélliaioi,” —daií Oseas daide.



27-28 Mei íadi Israel nairai dibénemo Isaías daide: “Israel comini iere aillo jebuídiaioi, ua monáillai fuédamo ite facádonide guamájiaí izói, jamánomo áillomaci. Mei aillo jebuídiaioi íadi, afe náiraímo Juzíñamui raire duere finótalle mei, daa dúemacina fiébitiaioi. Dani afe dúemaci jílloitiaioi. Mei jii, Juzíñamui ie daína uai izói náiraína duere zefuúllifue jino zuítaite.”

29 Dáamie Isaías afe duere zefuúllifue uícodo llote:

Mei jamánomo ríinorede Juzíñamui, caina due méifomo cómuitinona níiriñeniadi, Sodoma íemo Gomorra diga jofue nairai niné táinocailla izói niné táinocaiticaí, —daide.

*Jesucristo caí jílloítalle ñúefue daje izói Israel comínimo dúide*

30 Cai lloga uailalai bie izói daíacade. Be ñie: Judíoñedino Juzíñamui anamo ñue jaícina íaioi illínona figo jenóñediaioi, mei íadi Juzíñamuimo íaioi íinuamona, Juzíñamui anamo ñue jaícina itátagaiaioi.

31 Mei jíáfodo afe Israel nairai, (judúuaina maméidino) Juzíñamui anamo ñue jaícina íaioi itátate ocuilla uáillaina jenódiaioi, mei íadi afe uáillaina ñue ícoímo figo dúcitañediaioi.

32 ¿Nibái mei afeno baiñediaioi? Mei Juzíñamuimo ínuado íaioi comeci ñue jaícina jóillifuena jenóñediaioiza. Dani íaioi nícidogafuaímo comécidiaioi. “Nibai aféfuiaído Juzíñamui anamo ñue jaícina íiticaí,” daídíaioi. Ie jira Juzíñamui oreca jílloítamíemo, ñie Jesumo, uíeco ríire finódiaioi; ínuano Juzíñamui anamo ñue jaícina íñediaioi. Come iodo jáiadi éicitaila izói, Jesumo éicitaidiaioi. Afémie iomo éicitaitate nofici izóidimie mei afémie ñúemie, mei íadi ruífruigamie.

33 Juzíñamui Cuegáuai afémie dibénedo bie izói úrite: Omoi cácarei, judúuai iomo éicitaitate nofici izóidimiena jóoneticue. Afemo comini éicitailano oni nibéfodo báitiaioi. Mei íadi nana íemo ínotino íena méairuíñeitiaioi.

## 10

1 Cue ámatiaí, nane ómoína dáiteticue: Cue nairai israelitas imaci jílloillena, nana cue comécido izire óiacadeticue; íemo áfena Juzíñamuimo jíacíredeticue.

2 Bie ñúefue afémacimo nitáredeticue: Juzíñamui comeci jítainafuemo nágarui iere járidofirediaioi. Mei íadi áfena ñue jaícina íaioi fidíñenamona daí táinomo járidotiaioi.

3 Comini Juzíñamui anamo ñue jaícina ie itátallifuena, íaioi ífócimo ñue denóñede. Mei jíáfodo Juzíñamui anamo itábicaíñeno dani íaioi mameca comeci ñue jaícina jóitaitifuemo járidotiaioi. Ie jira Juzíñamui lloga ñue jaícina itátaitifuena maiñóñediaioi.

4 Mei jii, Cristo billano nana íemo ínotino Juzíñamui anamo ñue jaícina itátagaiaioi. Ie jira comini Juzíñamui eróicana ñue íaioi íllena, Moisés ocuica uaimo dani íaioi níciduafuena Cristo jae féitate.

5 Ocuica uai jeire úado Juzíñamui anamo ñue jaícina caí illifue dibénemo Moisés bíena daide: “Nana ocuica uailalai dáamie ñue ícoímo fuitáadi, áfedo afémie are iite.” Mei íadi afe uáillaina ñue jeire otímiena íñede.

6 Mei jíáfodo, Jesumo caí ínogafuedo Juzíñamui anamo ñue jaícina caí illifuena Juzíñamui Cuegáuai bie izói daide: “O comeci anado bífuena daí jícanoñeno iri: ¿Bu mei caífo monamo jaille, Cristo ana caí jílloítataíbillena?”

7 Daje izói bie jíáfue daíñeno iri: ¿Bu mei ana tíidino illánomo jaille, afénomona Cristo caina caífo jílloítataíbillena?”

<sup>8</sup> Juzíñamui Cuegáuai bie izói daide. Be ñie: “Aci, Juzíñamui jíllojaja uaina ja cacáidíomoi. Ie llógamo ja comécidíomoi.” Bie uaillai ómoimo cai lloga omoi íinollífue. Be ñie:

<sup>9</sup> O fúedo jino comínimo “Jesús cue nahí Ocuíraima,” o daiíadi, nane daje llezica afémie tíllanomona meine abido cáadimiena Juzíñamui jáitagamiemo o comécido o íinoiadi, ua jílloitio.

<sup>10</sup> Mei Juzíñamui anamo ñue jaícina cai itábicaillena, afémiemo comécido íinoredícai; ie mei Jesucrístomo nahí cai jaináinafuena, cai fúedo jino comínimo llóredícai, áfedo ñue cai jílloillena.

<sup>11</sup> Juzíñamui Cuegáuai daide: “Nana íemo ínotino íena meáiruiñeite.”

<sup>12</sup> Jesucristo nana náiraimo daje uaido úrite. Judíoñedinona énenoruiñeno daje uaido íaioimo úrite, naa judíuai diga. Nana nairai Ocuíraima daade Jesucristo; nana afémiemo jicádinomo afémie jaca dúcaifirede. Ja ie jira íemo íte jamánomo ñúfuiaimona íaioimo fecáfiredede.

<sup>13</sup> Mei Juzíñamui Cuegáuai daií dáideza: “Nana cai Ocuíraima Jesucrístomo jicaitino jílloitiaioi.”

<sup>14</sup> Mei íadi Crístomo nai íaioi ínoñeniadi, ua afémiemo jicánidiaioi. Daje izói afe jíllole uai nai íaioi ñue cácañeniadi áfemona nai ínonidiaioi. Iemo afe uai jino llóraima nai íñeniadi, afe uaina ua cacánidiaioi.

<sup>15</sup> Afe izói, uai jino llóraimana nai íaioi ocuíñeniadi, afe ñúfue uaina ua jino llónide. Jira Juzíñamui Cuegáuai bie izói llote: “Núfue lluáíbitímie billa iere ñuera.”

<sup>16</sup> Mei íadi nana cue nairai imaci, Cristo daína ñúfuena jeire oñediaioi. Jaiai uai llóraima Isaías dama bie izói daide: “Ocuíraima, cai lluáíbigafuena ijaca buna ínoñena!” daide.

<sup>17</sup> Aféfuiaimona bie izói onódícai: ñúfue fidínamona comini ínotinona jáidiaioi. Iemo dáamie Cristo daína uai jino lluáíbillamona, comini afe ñúfuena fidídiaioi.

<sup>18</sup> Mei íadi jicánoticue: ¿Mei ñibai nana judíuai afe ñúfuena fidíñediaioi? ¡Ieñede! Ja fidídiaioi. Juzíñamui Cuegáuai daje izói llote:

Afefue llóraini úrilla uai nana énie náiraiáido cácacaide.

Íaioi daínauaillai nana énie fuédamo jica itínuiamo ñue jalleide, daide.

<sup>19</sup> Dánomo nane jáífuea jicánoticue: ¿Mei ñibai afe cacánafue Israel comini ífócimo nai figo déiñede? Dáamie Moisés, Juzíñamui dibénedo fueñe uai ote. Moisedo Juzíñamui daide:

Ua cominiñedimacimona ómoína úradoitaiticue.

Daje izói abina onóñede nairai ícoínia ómoína icíritaiticue, daide.

<sup>20</sup> Afe mei Isaías jacíruiñeno Juzíñamui daínafue llote. Be ñie:

Cuena jenóñedino ja cuena baitíaioi.

Cuena jicánoñedinomo dama cue abina ja onótaticue, daide.

<sup>21</sup> Israel nairai dibénemo Juzíñamui daínauai Isaías llote. Be ñie: “Nágaruillaido cue uaina náfueacañedinona uáidotícue. Mei íadi fairíoñediaioi. Daje izói cuena uáitaoidinona uáidotícue, mei íadi náfueñediaioi,” daide.

## 11

### *Israel náiraimona dáarie jílloitiaioi*

<sup>1</sup> Iemona nane jicánoticue: ¿Ja ñibai Juzíñamui ie nizeca Israel náiraina ruifíruiga? ¡Jaca íeñede! Mei cue dama Israel nairai ímiedícue. Daje izói Abraham izíedícue. Iemo Benjamín comínimona comuídícue.

<sup>2</sup> Jaiaí ninomo uícomo íeiena onoiga Israel comínina birui ruífiruiñeite. Uáfueza, uai llóraima Elías daina uaina onódiomoi. Aféuai Juzíñamui Cuegánicomo ite. Juzíñamuimo Elías jícaja llezica, Israel nairai fiēni finócafuiái íaioimo riire jitade. Daide:

<sup>3</sup> “Cue Ocuíraima, o uai jino llórainina fatíaioi. Daje llezica o íóbitalle illánuiaina niné táinocaitatiaioi. Afemona dama cue fiébilla. Iemo daje izói nane cuena titáacadiaioi,” daide.

<sup>4</sup> Mei íadi Juzíñamui ie uai fairíote: “Siete mil dígamaci eneno cúeiena ja níriticue. Afémaci afe taino juzíñamui Baal jánarai anamo caiñici ifodo dújuñediaioi, ie íóbitallena,” daide.

<sup>5</sup> Ie jira daje izói birui judíuaimona ínote dúemacina eneno mamécaiaioi. Juzíñamui nana comínimo dúecaillano daa bimácina oni eneno nizede.

<sup>6</sup> Bie níziafue Juzíñamui caimo dúecaillamona comuide. Iemona come finóacanamona comuíñede. Mei íadi cai níziafue come finóacanamona comuídeniadi, Juzíñamui caimo dúecaillafue nahí caimare dúecaillafueñede.

<sup>7</sup> Bie daináfue ¿mei nífuena cai llote? Be níie: Israel comini íaioi jenoca Juzíñamui anamo ñue jaícifueña baiñediaioi. Mei íadi Juzíñamui nizeca dúemaci afe íaioi jenócana otíaioi. Ie mei baiñédimaci Juzíñamui íaioi comécina ríiretade.

<sup>8</sup> Juzíñamui Cuegáuai daí daide: “Bimácina Juzíñamui comécina tíidino izói finode. Uina cíoiñedino izói íaioina finode. Daje izói jefona cacáiñedino izói íaioina Juzíñamui finode. Nai afémaci jaca biruíllaimo bie izói itíaioi.”

<sup>9</sup> Iemo jíai David Juzíñamuimo jícajano daide: Juzíñamui íóbitallena íaioi finoca güilláfuiái táinona finódiaioi. Afe jira Juzíñamuina daidicue: Mai duere íaioi finoiri. Iemona aféfuiai tácofo izói íaioimo jáiteza; daje izói llójeji izói jáiteza. Afe táinona finócafuiaimo éicitailano izói duere finólliaioiza.

<sup>10</sup> Daje izói uina nirídino izói mai mei íaioi jáilleza, Juzíñamui ñúefuiai íaioi ónoñeilleza.

Iemo nágarui iere baizídaitaganona íitiaioiza, daide.

### *Judíoñedino jíllofue*

<sup>11</sup> Ja birui nane jícanoticue: ¿Ja níbai judíuái íaioi éicitailamona niné nana táinocaitalliaioi? ¡Jaca íñédeza! Mei jíaífodo judíuái Juzíñamui lloga uaina cacáacañena llezica, judíoñedino aféuai cacáillano íaioi jíllloillifue maiñódiaioi. Afe íaioi máíñua Israel comínina úradoitate, afe jíllonafue otino illa izói íaioi íllena.

<sup>12</sup> Iemona judíuái ínoñenafue íirainomo nana náiraiaina canode. Afe judíuái ícoimo fuitáñeno zóofenocailafue, judíoñedinona ñue canode. Mei íadi judíuái meine abido Jesumo ínuaila llezica, nana náiraiái jamánomo ñue ézicilliaioi.

<sup>13</sup> Ja birui judíoñedinomo úriticue. Mai omoi cácarei. Mei judíoñedinomo ñúefue lluájillena Juzíñamui orécacueza, afe bie cue llócaillifue mo iere járitairidicue.

<sup>14</sup> Níbai áfemo riire cue táijnamona, cue nairai comini, omoi illa izói íacaitiaioi; afe izói íaioi íllena jítaidicue. Afemona afémacimona dáarie ñue jílllobicaitiaioi.

<sup>15</sup> Mei Juzíñamui judíuái ruífiruillamona nana jíaie nairai Juzíñamuimo comeci caimare uái illáfueña llogáiaioi. Iemo uire judíuaina íaioina Juzíñamui caimare dáanomo uáidua llezica, iere jamánomo caimare nana íiticaí. Ua aféruimo tíide meine abido cáadena caimare illa izói caimare íiticaí.

16 Mei jii, Abraham Juzíñamuimo dúinamona, nana ie anamo comuíoicaidino Juzíñamuimo dúidiaioi. Daje izói da amena jáinao Juzíñamui íeiena maméiadi, daje izói nana afe amena ícairuai Juzíñamuimo dúide.

17 Mei íadi dáarie Abraham anamo comuídino íaioi ínoñenamona Juzíñamui comínina íneillena ruifíruigaiaioi; íemo ie uai jeire omoi úamona Juzíñamui comínina itátagaomoi. Afe ruifíruigamací ifomo jae jóonegaomoi; jóoneficaillano Juzíñamui Abraham imácimo lloga ñúefuiai daje izói llínorediomoi. Ie jira judúuai ñuera olivo amena naa ie ícairuai diga izóidiaioi. Iemo omoi nano fueñe jazicí amena ícairuai izóidiomoi, mei judíoñediomoiza. Jae judúuaimona dáarie íaioi ínoñenamona amena ícairo jaitaina izói jaitácaiaioi. Afe mei omoi ínuamona afe jaitácacairuai méifomo jóonegaomoi. Ua, jaijai jaitaca ícairuai jíáie aménamona méifomo zicóllena jóonegano izóidiomoi. Birui daje moi ícoraimo jaináidiomoi. Afe ñuera olivo íjido cáadiomoi.

18 Ie jira abina ínoñeno iri. “Olívomona jaitaca ícairuai izóidimací baímo ñúeracue” daíñeno iri. Afe izói daínidíomoi, mei ñuera olivo moi ícoraíaina cáatañediomoiza; dani jáínamona zicóllena jóonega ícairuai izóidiomoi. Mei uáfueza, dani Juzíñamui nizeca comínimo birui omoi jaináinamona ie lloga ñúefuiai llínorediomoi.

19 Níbai dáamie dáíte: “Dáarie afe ñuera olivo ícairuai jaitácaiaioi, afe méifomo cue jóonellena”.

20 Jáínamona ñuera olívomo zicódiomoinia ñuera, mei íadi jaitaca izóidimací jíáifo joide: Juzíñamuimo íaioi ínoñenamona jaitácaiaioi. Dani omoi ínogafuemona jóonegaomoi. Iemona áfedo dani abina ínonidíomoi. Mei jíáífodo omoi jaitábiza abina ñue omoi rairuiri.

21 Mei Juzíñamui nano nizécanona figo íaioi ínoñenamona jizíñeno íaioina ruifíruite, afémie daje izói omoi figo ínoñeniadi, amena ícairo jaitaina izói, jizíñeno raire ómoína ruifíruiteza.

22 Mai bífuego omoi coméciri. Juzíñamui daí omoi jóoniano iere ñuera. Afedo afémie ómoimo dúecaifirenana fidídiomoi. Mei íadi nane afémie iere riire jaícina ocuídímie, mei ie uaimo náfueñedimacina afémie iere duere finode. Mei jíáífodo afémie ómoiri dúecaifirede. Iemo fáicanocaiñeno ie uaina jeire omoi oíadi, ie dúecailla dibénedo ífireitíomoi. Afefue jeire omoi óñenia, jíái ómoína afémie jáítaite.

23 Mei jíáífodo judúuai nane abido ínoia, afémací abido dáanomo jofó jóonelliaioi. Mei Juzíñamuimo meine íaioi jóonelle ríino ite.

24 Mei omo judíoñediomoiza, jica ite onínemací izóidiomoi; Juzíñamui comínimo due jiza dúíñediomoi. Daí omoi illa llezica Juzíñamuimo omoi ínuado, afémie ie comínina ómoína itátate. Ie jira nano fueñe ie nizécamacimona oni nibéfodo baídino íaioi ínoiadi, abido daje ie comínina itátallena, Juzíñamui dibénedo jamánomo juánide.

### *Iraruillado Israel nairai jilloitiaioi*

25 Amatíai, omoi cacai. Afe olivo amena ráfueña ja ómoimo llotícue, uáfodo ónoñega Juzíñamui mamécafuena comécido omoi onóillena. Juzíñamui nanómona comécido mamérrillafuena ómoína fidítaiacadicue. Aféfuena ónoillano Juzíñamui comínina omoi itátagafuedo abina ínoñeitiomoi. Juzíñamui mamérrillafue bie izói joide: Juzíñamui Israel nabémacina comécina riire finode, mei íadi nano íanori íaioi comécina riiretade. Íaioi comeci riireta

mei, Juzíñamui nana jíáie náiraina caimare uáidote, íaioimona nana Jesumo ínotino nizéllena.

<sup>26</sup> Nana Juzíñamui óiacana dieze íemo ínotimaci ofille mei, nana Israel nairai jíloizíitíai. Mei Juzíñamui Cuegáuai daí daide:

Cai Jíllotaraima dani cáimona cómuite.

Afémie Jerusalén jófuemona biite. (Afe jofue jíáfodo Sióna mameide.)

Jacob meifo igímaiai íaifuiaina afémie múiñoite.

<sup>27</sup> Iai. íéni. dí. fui. ai. oni cue dolle mei nana uícodo cue lloga ñúefuiai ñue fuite, daide.

<sup>28</sup> Nana comini jílluille uai dibénedo judúuai fairíoñediai. Iemona judúuai Juzíñamui ruifíruigaza, ie bacáuai imácina jáidiai. Ie bacáuai imácina íai. íllamona Juzíñamuimo cai nabáirillino comuide. Mei íadi Juzíñamui nai íaioina izíruite, íai. íai. dí. gí. ma. íai. ie nízia jira.

<sup>29</sup> Mei uáfueza. Juzíñamui ja ie fecaca raana abido bairóñede. Daje izói cai ie uáiduafuena jaca jíáfodo méidoñede.

<sup>30</sup> Naui Juzíñamui uaina íñoñedi. moi; mei íadi jíái birui judúuai daje izói íai. íñoñenamona Juzíñamui ómoiri dúecaizaide.

<sup>31</sup> Ja birui nano áinori judúuai Juzíñamui uaina íñoñediai, Juzíñamui ómoimo dúecailla izói íai. ómo. dúecaillena.

<sup>32</sup> Bie uáilla. ímona bífuena onódica: Nana jíáie comini ie uaina dájerize íñoñediai. Ie uaina cai íñoñenamona fiénidífui. í finófredica. Iemona Juzíñamui nana caina dájerize cai gaiga fiénidífui. ímo llaveca izóidínona jóonete. Afémie bie izói caina daide, afe méifomo afémie nana caimo dájerize dúecaillena.

<sup>33</sup> ¡Diga Juzíñamui ebírede comeci ífui. í caimo ie dúecaillena, naa ie onógafui. í diga! ¡Afémie iere ráfuena baitádimie! Uícodo ie mamérillafui. ína cai jino llónidica. Daje izói eneno dáarie comínina ie níziafui. ína, onóñedica.

<sup>34</sup> Cai Ocuíra. íma comeci úrillafui. ína buna onóñede. Daje izói afémie. ína bu llófuetimie íñede.

<sup>35</sup> Iemo jíái cai Ocuíra. ímamo raana izájitimie íñede, afe raa íba llínollena.

<sup>36</sup> Mei nana ráaniai Juzíñamui comúitaga. Nana afémie finoca; daje izói íe. íena nana finode. Jaca zííñona Juzíñamuina íóbioitaredica. Aqué izói íteza.

## 12

### *Juzíñamuimo ñue jáicina cai dúina uai*

<sup>1</sup> Cue ámatiai, birui Juzíñamui caina dúecaillamona, ómoimo izire jícadí. cue. Dani omoi mai Juzíñamui anamo itábica. íri. (Dani omoi comeci gáinafue finóñeno, mai Juzíñamui comeci jítainafue omoi finori, cai ie ocuilla izói.) Juzíñamui íóbitalle rille jai. í íemo jai. í feca izói, nai omoi caana llezica, Juzíñamui anamo dani omoi mai ñue itábica. íri, íena ie ñue facátagamacina omoi íllena. Afe llezica dama íe. íena eneno ñue finócamaci omoi íllamona, omoi ie ocuilla uai, mai jeire omoi oíri. Nana bífui. í ñue cai finuamona, cai joréñodo Juzíñamuina caimátaitadica.

<sup>2</sup> Biniemo ite comini comeci táinomo facáoidia. í. í. Mai, afe izói omoi íñeno iri. Mei jíáfodo, omoi comeci ífui. í, mai jíáfodo méidori. Daí omoi comeci ífui. í omoi méiduamona afe izói Juzíñamui nana o illafue cómofuena méidoite. Afemona Juzíñamui comeci ñue jítainafue ónoitica. í. Daje izói ie jítaina ñúefue ónoitica. í, naa ie cai íóbitallifui. íri. Daje izói ie ciona jáicina jóidífui. ína ónoitica. í.



<sup>3</sup> Juziñamui cuena dúecaillano cuemo jóonegafuedo, nana ómoína dáitiecue. Juziñamui cai fibítajafuemo da comécina facáredicai. Afedo abí cai íinolle ñuera. Mei íadi afefue baimo táinodo ínonidicai. Iemona nana ómoimona dámie, afefue baimo dama ie abina ínoñeno iri. Mei jiáifodo illa dígamie comécina ñue jaícina facárede, Juziñamui íemo lloga ie comécimo Juziñamui comuitaga ínuafue daina izói.

<sup>4</sup> Da come abimo aillo táijide ráaniai ite. (Onoi jiáifodo táijide. Daje izói idai táijina jiáifoide. Daje izói fue táijina jiáifodo joide. Daje izói jefo táijina eneno jiáifodo joide.) Mei íadi daade cai abí íadi. Naga cai abimo ite raa eneno jiáidofodo caína canode. Daje táijinamo íñediaíoi.

<sup>5</sup> Daje izói, áilloziena Jesumo ínoticai. Aillo cióidicai íadi, daade abí izóidicai. Ua, Crístomo dájena cai jaináinamona, dáamiede abina iticai. Dáamacidicai. Afe llezica dáamedicai abimo ite táijide raa izói, dani conímamo dájena jaináidicai.

<sup>6</sup> Naga cómemo Juziñamui jóonega táijinana fibíllafue jiáifodo joide. Juziñamui comeci óiacana izói, afémie naga cómemo fecade. Bie táijinana fibíllafue ñue jeire óredicai. Dáamiemo Juziñamuimona onoiga uailai jino llóllena fibítaga. Afemona áfena afémie rairuíñeno jieruirede. Nano ie ínogafue íllaze jino llófuerede.

<sup>7</sup> Jiáimaci cai canófireille fibíllafue Juziñamui caimo jóoneiadi, áfedo rairuíñeno canóredicai. Daje izói llófuiana fibítagamie, afe ie llófuefirenamo ñue járitairede.

<sup>8</sup> Afe izói jiáima comécina náiretallena fibítagamie, áfemo afémie ñue járitairede. Daje izói comini canolle raa fécafiredimie, afe íbana ie maiñóllemo comécinide. Fia íaíomimo dúecaillano fecádenia ñuera. Afe izói comini jetállifuenta ocuídime caimare abí rairuíoicana ocuírede. Duéredino canófredimie, caimare íaíoína canórede.

### *Jesumo ínotino fínórede uai*

<sup>9</sup> Táinona lloñeno conímama izírui. Íaifue bai oñeno iri, mei íadi ñúefue jeire omoi óiri.

<sup>10</sup> Jiáimana caimare nahí ama izói izírui. Afémiemona raire uícoficaiñeno iri, mei jiáifodo méifomo fiéñeno raire íena o uícodo o otátari.

<sup>11</sup> Ráiraieñeno jiere omoi iri. Ñue naire cai Ocuíraimamo omoi táijiri.

<sup>12</sup> Cai ocuírinafuemona caimare omoi ífireiri. Duere omoi zefuíadi, áfemo raire járitaiñeno, íaícana caimare úriri. Juziñamuimo úrillana jaca féitañeno iri.

<sup>13</sup> Jesumo ínotino jitailla raana, íaíoi canóllena jeruíñeno fecari. Nana omoi jofomo uáiduaíbitinona caimare uáidori.

<sup>14</sup> Omoi fiene fínódnona ñue caimátaitari. Íaíoi íbana fiene faidóñeno, íaíoi cáimafuiaí Juziñamuimona jicari.

<sup>15</sup> Caimátaidino diga caimare omoi iri. Daje izói raamo jírídino omoi dúecari. Eedino diga omo eeri, íaíoi fíralena.

<sup>16</sup> Conímama úradoiñeno iri, dájena illa dígamie mo ñue coméciri. Daje izói fiene abina ínoñeno iri, mei jiáifodo comécina mánaidino izói omoi iri. “Íere baitádimiecue” comécido daíñeno iri.

<sup>17</sup> Da come fiene omo fínóadi, afe íbana afémiena fiene fínóñeno iri. Mei jiáifodo, nana comini eróicana íba oñeno ñue o finori.

<sup>18</sup> Omoi illa dino, nana comini comeci jacíruiñenafuedo caimare uái omoi iri.

<sup>19</sup> Cue izíruiiga ámatiaí, fiénidifue comuíadi, íbana omoi oñeno iri. Mei íadi aféfuena fáicanocairi. Afémie Juziñamui duere fínólleza. Mei jii, Juziñamui Cuegáuai daide: “Duere fínóllifue cuemo dúideza. Daje izói cue íba ólleza. Daí cai Ocuídime daide.”

20 Nane dánomo daide: “O bacáuai ímie jufírui, icíñeno íena ecari. Iemo afémie jiróacaniadi, ie o jirótari. Bie izói ie o fínuamona, izire íena méaicaitaitio,” Juzíñamui Cuegáuai daí daide.

21 Fiénidifue omoi anáfenuamona abí omoi rairuiri. Mei jíáifodo ñúefue jeire omoi úado, fiénidifuena mai omoi anáfenori.

## 13

1 Nana comini omoi jamánomo ocuídillaima ocuica úiñotillaini anamo ñue omoi itábicaire, mei nana ocuídillaini Juzíñamui jónegaza. Afémie jóneñega ocuídimeña inédeza.

2 Iemona afe úiñotillaimana uáitaoidimie Juzíñamui jónegameña uáitate. Nana daí uáitatino, afe ie uáitaja ícoina afémacina Juzíñamui duere finótaitaite.

3 Mei jii, ñúefuena jeire ófiredino ocuídillainina jáciruiñeitiaioi; mei jíáifodo fiene finódino jáciruillena jónegaiaioi. ¿Meita ocuídillaimana jáciruiñedimeña íacadio? Mai ñúefuena jeire o oíri. Iemona aféllaima “Facátagamiedo” ona dáite;

4 mei afémie Juzíñamui táijitagamieza, ñúefue dibénemo o jaináillena canóllena. Mei fiénidifue o finóadi, aféllaimana jáciruiredio, mei afémie duere finótalle ríno táinomona inégaza. Uafue, afémie Juzíñamui táijitagamie nana fiene itino duere finótallena. Nana íaioi fiene finócafue íllaze ñue jáicina íaioina duere finótaitaite.

5 Ie jira ocuídillaini anamo itábicairedi omoi, daa duere omoi finobiñeillena, mei íadi daje izói Juzíñamui jónega omoi comeci úrilla uai jeire omoi óllena.

6 Afe bie izói ñue omoi íllena, ocuídillaini lloga gobiérmomo íbarede úcubena íbáfiredi omoi. Mei jii, aféllaini Juzíñamui táijitagano. Afe íaioi tájinamo izire járitaoidiaioi.

7 Iemona naga cómemo dúide raana, mai jeruíñeno ñue íemo ine. Gobiérmomo cai jaináinamona, íaioi ocuica úcube llínoraíma lloga gobiérmomo dúide úcubena mai omoi fecari. Daje izói gobierno caimo jicana oga raa, emódomo raiñócana áfena mai omoi íbari. Naga ocuídillaimamo dúide ñúefuedo jáciruioinafue, áfedo ñue íena omoi jáciruiri. Daje izói naga jamánomoidillaimamo dúide ñúefuena, mai áfena íemo omoi nitari.

8 Omoi záitaíñega íbállifuena bumo itáteñeno iri; jíáifodo daa ñue íbállifue ite. Afefue jíáimana cai izíruillifue. Afemona dani conímaíaina izíruiredicaí. Mei naga conímana izíruitimie, áfedo Juzíñamui ocuica uaina ñue jáicina fuitádeza.

9 Jáiaí Juzíñamui ocuica lletara uailai daide: “Jiruífueña finóñeno iri, cómena titáñeno iri, meríriñeno iri, jíáimamo táinona lloñeno iri, jíáimie mo ite ráaniaíri úradoíñeno iri.” Mei íadi bie ocuica uailai naa jíáie lletara uáillairi daa bie dánamo dájena itíaió: “Dama o abina o izíruilla izói, afe izói o abí cómena izíruiri.”

10 Izíruitimie ie abí cómemo fiénidifuena finóñede; íemona izíruillafuedo Juzíñamui ocuilla uailai ñue jáicina jino zuitárede.

11 Nana bífuiaímo jeire omoi ua llezica, birui cai illáruillaimo ñue mai cai uibíoilli. Ja íere abí cai rairuilliruimo ja dúcidicaí. Afemo ñue omoi comécioiri. Mei Jesucristo caína jíllotajano uire jíáiruido caína uáibiteza. Afe ie cai uáibilliruimo ja ánozide. Fueñe Jesús uaina cai ínua llezica, afe cai ie uáibillirui bai jica ite, mei íadi birui ja aféruimo itícaíza.

12 Bie énie fiénidifue árera naio izoide. Afe bie árera naio ja monáiacade. Jítinomo finoca fiénidifuiaí fínuana ja fáicanocairedicaí. Fuiríraíma ie abí

ríidua llojeco jítaja izóí, afe izóí íaifue cai fínoñeillena cai comeci rairuúllafuena jeire óredicai. Ie mei ñúefuedo, úzefomo itino izóí macáredicai.

<sup>13</sup> Ua, úzefomo itino izóí, mai ñue jaícina cai macalli. Jifáifirenafuemo mai cai íñeilli, naa fiénide aillo güillárenafuiaiíri. Afe izóí nana jiruífuiaimo mai cai íñeilli, naa jiáie comeci meáire óiacanafuiaiíri. Daje izóí dájena comécíñedimaci izóí íñeno omoi iri. Iemo jiái fiénide júfidogafuedo mai cai úríñeilli, naa úradoillafuiaiíri.

<sup>14</sup> Mei jiáfodo Jesucristo ñue illa izóí, ie cánuado afe ñue illáfuemo mai omoi iri. Omoi comécimo ite fieni óiacanafuemo, áfemo mai omoi comécíñeno iri. Daje izóí, afefue omoi finóllemono mamériñeno omoi iri.

## 14

### *O ama jánana fieni úríñeno iri*

<sup>1</sup> Juzíñamui uai como fueñe jabo ínotimiena, ñue jofu omoi cígimo llínori. Afémie ínogafuena féitaiacaniadi íena caimare uáidori. Ua, ie ínoga onóñega uáillaimo aillo omoi úridoñeno caimare íena omoi uáidori.

<sup>2</sup> Mei jii, “Naga raana íairuiñeno güiredicai,” daiífiredinona ite. Daje izóí dáarie Juzíñamuimo jabo ínotino “Rillena riñeno da ria llizíllana güiredicai,” daiífirediaíoi.

<sup>3</sup> Ie jira naga raana güítimie mai afe ríllena fímairitimiena jámairuiñeno iri. Afe izóí, fímairitimie, mai naga raana güítimiemo comeci fieni facáñeno iri. Mei Juzíñamui afe íaillinoi, íemo ínuamona, ie comínina caimare íaillinoína uáidoteza.

<sup>4</sup> Afémaci Juzíñamui ocuícamaciza, íaíoína fiénidifuedo jicánonidio, mei afémaci óieñedeza. Dani íaíoi ocuídimiemo uai orédiaíoi. Íaíoi illafue riire jicánollena dama íaíoi ocuídimiemo dúide. Ocuícamié illafue ñúenia, ie ocuide Juzíñamui uícomo méairuiñeno náidaite. Ie illafue fiénia, ie ocuide Juzíñamui duere íena fínoite. Mei íadi afémie ñúefue dibénemo féitañeno íite, mei cai Ocuíraíma Jesucristo rínoredeza, afémiena ñúefuemo jaícina jaináitallena.

<sup>5</sup> Daje izóí, dáamie nágaruillaí baímo daa illirui eneno rairuide, Juzíñamuina caimátaíllena aferui judíuaí ráfuena jira. Jiáimaci naga mona daje izóí ñúeruillaí, daídíaíoi. Illa dígamie dama ie comeci úrillafuena ñue onótaredeza.

<sup>6</sup> Daruina eneno ráiruitimie, cai Ocuíraíma íóbitallena íeiena íllamona, aféruina eneno rairuide. Daje izóí nana raana güítimie cai Ocuíraíma íóbitallena íairuiñeno güífiredé, mei afémie afe güílleri Juzíñamuina “Iere figura” dáideza. Daje izóí cai Ocuíraíma íóbitallena fímairitimie fímairillano Juzíñamuina “Iere figura” daide.

<sup>7</sup> Nana cáimona buna dama ie comeci íóbioillena ínide; daje ízoi buna dama ie comeci íóbillena tíñede.

<sup>8</sup> Cai caana llezica cai Ocuídimiemo jaináidicai. Daje izóí cai tíadi, nai íemo jaináidicai. Iemona cai caana llezica, mei nibaí cai tíilla llezica, jaca cai Ocuíraíma íédicai.

<sup>9</sup> Mei jira Cristo tíizaíbillano, meine abído cáadimiena jaide, cáadino náamata izóí, daje izóí tíidinona náamatallena.

<sup>10</sup> Mei íadi comínina náamañedio. Iemona ¿nibái mei o ama jánana fieni úrillano íena riire jicánotio? ¿Nibái mei íena izíruiñeno jámairuitio? Mei jii, nana cai Cristo uíécomo ácatallicai. Afénomo afémie caímo itífuena riire jicánoite.

<sup>11</sup> Juzíñamui Cuegáuai llote: Uáfuenta jaca ninomo cáadimiena cue íllana onódiomoíza; afe izóí uáfuenta nana comíni cuemo eróicana íaíoi cañici ífodo dújuzaíbitiaíoi.

Daje izói nana comini jino uáfodo ñúefuena Juzíñamuimo nítaitiaioi, daide.

<sup>12</sup> Iemona jae onódicaiza, cáimona illa dígamie dama ie illáfueña afe Juzíñamuimo jáanoñeno jino íemo llórede.

*O ámana ñúefuena oni nibéfodo baiítañeno iri*

<sup>13</sup> Ie jira benómoma mai conímaiaia comécido fiéni úriñeno iri. Mei jááfodo, nágarui omoi finócafuaído conímana fiénidifueño omoi baiítañeno iri áfemo mai ñue omoi mamériri. Daje izói omoi illáfuedo afémiena fiéni facátañeno iri. Afemona abí omoi rairuiri.

<sup>14</sup> Jae onódicueza, nana güille naa ríllenaiiri, dama íainideza. Ua, cai Ocuíraima Jesumo cue ínuamona, ie daína izói, cómena íáiruitaite güille íñédeza, ñue onódicue. Daa “Bíena cue güíadi cuena íáiruitaite” comécido daidímiemo, afe raana afémie güíadi íena íáiruitarede.

<sup>15</sup> Mei jááfodo, o ama comécilla rairuica güille o güíllamona o ama o rítaiadi, íena ja figo izíruiñedio. Mai daade o güíacaga güíllado, Jesumo o ínote ama íaifueño féiraitañeno iri; mei afémie jíllloillena Cristo tízaibiteza.

<sup>16</sup> Omo ite ñue finócafuaído jáímacina fiéni úritañeno iri.

<sup>17</sup> Mei jíi, daa cai güiga raado Juzíñamui comínimo jáináíñedicaí; daje izói daa cai jiroca raado afémacimo jáináíñedicaí. Mei jááfodo Juzíñamui anamo ñue jáícina cai íllamona Juzíñamui comínimo jáináitagacaí. Daje izói Ñuera Joreño caimo comuítaga caimare comeci uái illáfuedo, afe díbénemo jáináitagacaí. Daje izói íeri cai íóbioillafuedo, dájena ie comínimo jáináitagacaí.

<sup>18</sup> Cristo lloga iodo jailla llezica, nana bífuiaina jeire otímie Juzíñamuina íóbitade. Afe llezica afe izói finófiredino comini ñue facátagamaci.

<sup>19</sup> Iemona, naga come conímana caimare uái itátatifuiaina nágarui mai cai jenófireilli. Daje izói conímana Juzíñamuimo baímo izire jáináitajaí raa, mai cai jenófireilli.

<sup>20</sup> Daa o óiacaiga güíllado, daní omoi cígiri Juzíñamui comuítaga caimare dájena omoi jáináinana, mai ía táinomo fáífitañeno iri. Uafue, nana Juzíñamui finoca güille güírede, mei ja ñúeraza. Mei íadi daa o güiga güíllado jáímana ñuera íómoma oni nibéfodo o baiítaiadi, afe fiénide.

<sup>21</sup> Daje izói rille o ríamona jáímana fiénidifueño o baiítaiadi, ríllena o ríñeille, afe baímo ñuera. Afe izói vino o jíruamona íena ie ínogafue o uáitaiadi, vínona o jíróñena afe baímo ñuera. Daje izói nana o fínuafuiamona jáíma ínogafue jabo o féitaiadi, afe o finócafue fiénide. Mei íemona afefue o finóñedionia jamánomo ñuera, o ama ínogafue o féitañeillena.

<sup>22</sup> Iemona bie güíllafue, níbai güíñenafue díbénedo o ñuera ínogafue fáicanocaiñeno, Juzíñamui eróicana dama óiena ñue o mameri. O comécido mamérillamona finócafuaí díbénedo ñuera o daíreniadi, áfedo caimare ítio.

<sup>23</sup> Mei íadi dámie Juzíñamuimo figo ínoñenamona ie güille jízíreicana güíadi, afémie fiénidifueño báide. Mei Juzíñamuimo ínuamona cai onóiga íena íóbitallifue cai finoca ñuera, mei íadi nana aféfuai jínomo cai finócafuaí fiénideza.

## 15

*Dama o abina íóbitañeno o ínote ámana ñue íóbitari*

<sup>1</sup> Nane Jesumo ínotínuaíamona dámerie ñue ríinorede. Jáímaci figo comécina náinidiaioi. Cai ja comécina ríinoredinodicaí, íemona nai comécina

rínidinona canóredicai. Afefue caimo llonódacaigafue. Afedo dani cai abina ióbitanidicai.

<sup>2</sup> Cáimona illa dígamie ie ínnote ámama ióbitarede, afémie ñue íllena. Daje izói íena Juzíñamuimo aillo ínnotaredicai.

<sup>3</sup> Mei Cristo dama ie abiri ióbillena jenóñede. Mei jíáifodo Juzíñamui Cuegáuai íemo zúilla. Afe uai daide: “Afe báíñoridino Juzíñamui jíáima báíñoia cuemo baite.”

<sup>4</sup> Nana jaijai uícodo Juzíñamui Cuegáuailai cai llófuellena cuega. Aféuaimo cai comeci fírajá uai baiticai. Afe izói búuai cai facáduamona comeci járitañenafue caimo comuide. Iemona Juzíñamuimo ico cai nabáirizailliruimo ocuírídicaí.

<sup>5</sup> Juzíñamui afe comeci járidoñenafue llotímie. Daje izói afémie, cai comeci fírajano caína náiretade. Iemona omoi ie canóllena afémiemo jícadícue, illa dígamie jíáimaíari dájena caimare omoi íllena. Mei Cristo Jesús daí caína dáideza.

<sup>6</sup> Afe llezica, dájena omoi comécillena íemo jícadícue, cai Ocuíraíma Jesu-cristo Moo Juzíñamuina dáauaido omoi caimátaitallena.

### *Judíoñedíno Juzíñamui ñúefue jae llujáiga*

<sup>7</sup> Mei daí Cristo caimare cai uáidua izói, afe izói conímama caimare omoi uáidori, Juzíñamuimo ebíredí fue nitállena.

<sup>8</sup> Mei bie cue dáina uai: Cristo judíuai ñue fínuaíbite. Nana Cristo táijina fueñe judíuaimo dúide, cai nanóidígimama dáina uai ñue fuitállena. Afedo Juzíñamui ie méidoñega llogáuaina caimo jino ácatate; mei Juzíñamui afe ie dáina uai jaca jíáifodo méidofinideza.

<sup>9</sup> Daje izói judíoñedíno Juzíñamuimo ióbillena Cristo ana bíníemo bite. Iemona Juzíñamui íaioimo dúecaillari ióbidiaíoi. Juzíñamui Cuegáuai jaijai uícodo daí daide:

Ie jira afe izói judíoñede náiraíai cígiri omo caimátaiticue.

Omo ñúefue cue nitalle rua afémaci cígimo róiticue.

<sup>10</sup> Ie mei jíáinomo Cuegáuai daje izói daide:

Judíoñede náiraíai mai omoi cáimacairi, naa Juzíñamui imáciaíari.

<sup>11</sup> Nane jíáinomo Cuegáuai daje izói daide:

Naga judíoñede náiraíai, cai Ocuíraíma ióbiri.

Mei afe Juzíñamui jamánomoidímieza, íemo omoi ióbiri.

<sup>12</sup> Mei daje izói Isaías cuete:

Isaí (illáima David moo) ie méifomo comuídígimamona jamánomoidílláima cómuite.

Afémie nana judíoñedíno cígiri illáimaite.

Afe comíni afémiemo ocuírítiaíoi, daide.

<sup>13</sup> Juzíñamui caína íemo ocuírítaita. Ie jira íemo omoi ínnumamona ñue cáimafue jeire omoi óllena, afémiemo jícadícue, daje izói omoi comeci caimare uái illafue jícadícue. Afe llezica Juzíñamuimo omoi nabáirizaillena birui jabo ocuírídíomoi. Afemona Ñuera Joreño rínodo ñue izire omoi ocuírillena Juzíñamuimo jícadícue. Mai mei daí Juzíñamui ómoína ñue ézicíteza.

<sup>14</sup> Cue ámatiaí, ñue onódicueza, ñúefuíaína jeire otíomoi naa omoi fibítainafuíaíari. Daje llezica illa dígamie jíáimacína caimare llófuiana onódiomoi.

<sup>15</sup> Mei íadi bie cue cuegábedo, búuailai ómoimo iere jino uáfodo cueticue, afe uáillaína omoi féitañeíllena. Juzíñamui cuemo dúecaillano cuemo jóonenocaigafue jino lloticue.



<sup>16</sup> Bie cue táijinafue: Juzíñamui lloga cai jílloillifue ómoimo cue llujállena. Afefue ómoimo lloticue, Juzíñamui íena omoi maméillena, mei judío imáciñediomoiza. Ie mei, Juzíñamui ómoína caimare uáidoite, mei omoi ja Ñuera Joreño ñue finócaomoiza.

<sup>17</sup> Mei daií dama Jesús cue ínuamona, Juzíñamuimo cue táijinafuerei ióbillano caimare iticue.

<sup>18</sup> Dama Cristo cuedo finócafuiari llócaiticue, mei áfedo judíoñedino Juzíñamui uaina jeire otátaticueza. Jiáimie táijinafuena jaca jino llócaíñeiticue. Afe íaioi Juzíñamui uallai jeire ua, cue daína uáillaído jino ñue ícoimo fuitádicue. Daje izói cue ñue táijinado íaioína ñue jaícina ínotadícue.

<sup>19</sup> Afe izói jino cue cíotaga uaido comuítaga cíorainina ráamona íemo jiáie onóillena finócafuiari, íaioína ñue jaícina ínotadícue. Daje izói Ñuera Joreño ite ríinodo íaioína ñue jaícina ínotadícue. Bie izói cue ínuamona Jesucristodo cai jílloillifue llujállena ja ñue ícoimo fuitádicue. Ua Jerusalémona oni jica nágagobiaído aféfuena llócaidícue. Ua ícoimo Ilírico éniemo záitajidícue.

<sup>20</sup> Afe daií, nai jaca Cristo mámecina cacáñedinuaimo, afe ñuera cai jíllonafue llócaidícue. Daií oni jicado llócaidícue, jiáima jae llógamo dáanomo nane cue llóñeillena.

<sup>21</sup> Mei íadi Juzíñamui jaii Cuegáuai daína izói: Juzíñamui ífuena nai lloñéganuai afémiena ñue ónoitiaioi.

Daje izói jaca íena cacáñedino nane aféfuena como fidiitiaioi, daide.

### *Pablo Rómamo jáillena comeci facade*

<sup>22</sup> Diga icaiño omoi uáiduallena comeci facáfiredicue, íadi jaca jáinidícue. Mei como ómoimo cue lloga oni nágagobiaído cue llócaigafuemo záitaiacadícueza; bínidícue.

<sup>23</sup> Mei ja birui bígobiaído cue táijicana ja fuitádicueza. Jaii diga fimónaii omoi diga íacadícue.

<sup>24</sup> Ja birui Españamo cue jáizailla llezica ómoína méiñuaibiacadícue. Omoi cígiri cue illa llezica, iere caimare íticue. Afe mei Españamo cue jáiacana llezica, omoi cue canóllena jítaiticue.

<sup>25</sup> Mei íadi birui fueñe Jerusalemo ite ámatiai canolle raa úiticue.

<sup>26</sup> Macedonia énie imaci, naa Acaya énie comíniri, Jerusalemo ite dúeredino canolle úcube ofítallena maméritiaioi. Afe íaioi ofítaga úcube cuedo Jerusalemo óreitiaoí.

<sup>27</sup> Afe bie úcube oréllemo ñue coméidiaoí. Mei jii, afefue ñue jaícina joide. Uafue benó itímaci afémacimona aillo comeci cáimafuii ibáñeno itíaoí. Iemona birui Jerusalemo ite ínotinomo raire íballe ite. Ua judíuaimo ite Jesumo ínotino, íaioimo ite comeci cáimafuii, jae judíuaiñedinomo dájeze fecádiaioí. Iemona benó Macedóniamo ite ínotino naa Acaya ínotinori, judíuaimo ite ínotinona, afe íbana íaioimo ite úcubedo canócadiaoí.

<sup>28</sup> Bie íaioi afémaci cánua mei, afe izói íaioi jónega úcube cue izájille mei, Españamo jáiticue. Ua omoi uáidocana afénomo jáiticue.

<sup>29</sup> Ñue onódicueza, omoi cígiri cue dúcille llezica, nana Cristo uáimona comuide cáimafuii ómoimo llófueredicue.

<sup>30</sup> Amatiai, cai Ocuíraima Jesucristo mámecido izire ómoimo jicádicue. Daje izói Ñuera Joreño caimo comuítaga izíruillafuedo izire ómoimo jicádicue. Mai, cue diga dájena omoi iri, Juzíñamuimo dájena cai úrillena. Juzíñamui cue canólleza, mai izire omoi jicari.

<sup>31</sup> Dinó Judea éniemo ite ñnoñedino cue íaiói llaitáacanamona cue ie zuitálleza izire Juziñamuimo jicari. Afe llezica bie cue uiga Jesumo ñnotino canolle úcube caimare íaiói llínnolleza, daje izói Juziñamuimo omoi jicari.

<sup>32</sup> Bie Juziñamuimo omoi jicáfireillifuiái ómoimo jóonenocaidicue, Juziñamui começi jítaina izói omoi illánomo caimare cue dúcillena. Afe mei omoi cígiri nano áinori cue ílledo cue começi ñue náireite.

<sup>33</sup> Mai, começi caimare uái illáfuenta fecade Juziñamui omoi ñue nábaiteza. Daiítadeza.

## 16

### *Pablo ie onóigamací uáidote*

<sup>1</sup> Birui cai Jesumo ñnote miringo Fébena, ómoína caimare uáidotadicue. Afengo Cencrea jófuego ite Juziñamuimo gairídimaci canófiredingo.

<sup>2</sup> Cai Ocuíraima mámedido aféngona caimare omoi llínnori. Mei nana Jesumo ñnotino illa dígamie jiáimana daí caimare llínofiredeza. Daje izói nana afengo jitailla raana aféngomo omoi fecari. Afedo aféngona canóredíomoiiza, mei afengo jaiái aillo comínina canófiredeza. Iemo jiái daje izói cuena canódeza.

<sup>3</sup> Iemo Aquílamo ie ai Priscila díga, uai orédicue; mei afe íaillinoi Cristo Jesús uaimo cue tájicana llezica cuena nabáidiaillinoi.

<sup>4</sup> Jácinomona cue íaillinoi jíllotado íaillinoi illafue jacire fiébide. Aferi afe íaillinoína “Iere figura” daidicue. Dama cue daí daíñenaza, nana judíuaiñedinomona gairífirede ámatiaí daje izói “Iere figura” daidíaíoi.

<sup>5</sup> Daje izói Aquila Priscila jofomo gairífirede cai ámatiaí uáidori. Daje izói cue izíruiga nabai Epeneto uáidori. Afémie fueñe Acaya éniemona Crístomo ñnotimie.

<sup>6</sup> Afe izói ómoído iere tájifiredingo María omoi uáidori.

<sup>7</sup> Iemo llavéracomo cue llaveina llezica, cue díga llaveca cue nabai Andrónico, Junias díga, daje izói afe íaillinoi omoi uáidori. Cázie ímie íaillinoi. Jesús orécamacimona mámedina jica jalleide íaillinoi. Afe íaillinoi nai Crístomo cue ñnoñenia, raire uícodo Crístomo ñnotiaillinoi.

<sup>8</sup> Afe izói cue izíruiga nabai Amplias uáidori, mei cue izói cai Ocuíraimamo jaináideza.

<sup>9</sup> Iemo Cristo Jesumo cue tájina llezica, cue nabai Urbano uáidori. Daje izói cue izíruiga Estaquísimo uai orédicue.

<sup>10</sup> Afe izói Apeles uáidori, mei díga ícaíño Crístomo ie ñnogafuena afémie jino comínimo cíotateza. Daje izói nana Aristóbulo comíni uáidori.

<sup>11</sup> Cue nairai ímie Herodiómo daje izói uai orédicue, naa cai Ocuíraimamo ñnote Narciso comíniri.

<sup>12</sup> Daje izói Trifena ie ai Trifosa díga uáidori. Afe íaillinoi cai Ocuíraima tájinamo tájifirediaillinoi. Daje izói cai izíruiga miringo Pérsida uáidori, mei afengo cai Ocuíraima tájinamo tájifiredeza.

<sup>13</sup> Iemo mámedina jica jalleide Ocuíraimamo ñnotimie Rufo uáidori, naa ie ei díga. Afengo aillo cuena ie izíruillado cue ei izoide.

<sup>14</sup> Daje izói Asíncritomo uai orédicue. Iemo Flegonte, íemo Hermas, íemo Patrobas, íemo Hermes, daje izói íaióiri ite ámatiaí uáidotícue.

<sup>15</sup> Daje izói Filólogo, Julia, Olimpás, Nereo, naa ie miríngooiri uáidori. Iemo nana íaióiri ñnote ámatiaí uáidori.

<sup>16</sup> Mai, illa dígamie Crístomo izíruillamona conímana caimare uáidori. Daje izói benó Juziñamuimo gairíracuai imaci ómoimo uaillaí orédiaíoi.

17 Amatiai, bifue jeire omoi óllena izire jicádicue. Conímaiaina éoitadinomona abí omoi rairuiri. Afémaci jáimana fieni éicitaila izói finódiaioi, omoi ñue ñnogafue féitallena. Baimáci jáimana énenoruitaitiaioi. Bie íaioi lloga uai, nauí omoi cue llófuiafuena uáitaacadeza. Afémacimona oni jicado omoi iri.

18 Afe izóidino cai Ocuíraimo comeci jitaina izói iñédiaioi. Dani íaioi comeci gáinanomo táijidiaioi. Afe llezica íaioimo ite caimare ebírerie urilla uaido, comécina nífuenidimona jífuetiaioi.

19 Nana jáie comini Juzíñamui uai jeire omoi úana fidídiaioi. Iemona áferi ióbidicue. Iemo ñúefue dibénedo iere baitádimacina omoi íllena jitáidicue. Mei jáífodo fiénidifue finua dibénedo nífuenide onóñedimacina omoi íllena jitáidicue.

20 Mei onódicaiza, comeci caimare uái illafue llote Juzíñamui Taife uaina anáfenoiteza, omoi ie áfedoñeillena. Mei cai Ocuíraima Jesucristo ómoína ñue éziciiteza.

21 Cue diga táijiacade nabai Timoteo ómoimo uai orede. Daje izói cai nairai ímíai Lucio, íemo Jasón, íemo Sosípater diga ómoimo uailai orédiaioi.

22 Pablo ocuica rabe cúeraimadicue; cue mámecei Tercio. Daje izói Jesumo cue jainánamona uai ómoimo orédicue.

23 Benó ite Gayo ómoína uáidote. Birui afémie jofomo iticue. Daje izói nana Juzíñamuimo gairíacadinomo íaioi dúcillena, afécona nano íanori íaioimo fiende. Daje izói cai jófuego ite úcubemo tájidimie Erasto, uai ómoimo orede. Iemo cai ama Cúartona mámeceiredimie uai ómoimo orede.

24 Mei cai Ocuíraima nana ómoína ñue íllena éziciiteza. Daiítadeza.

*Iraicaiño Juzíñamuimo caimátaillafue Pablo úrite*

25 Juzíñamuimo mai cai caimátailli, mei afémie omoi ñnogafuena iere izire ínotaredeza. Cue ómoimo jino lloga cai jílluille uai daí dáideza. Daje izói Jesucristodo omoi cue llófuiafue daí dáideza. Juzíñamui jaii ie comécido mamérilla izói, ja birui judíoñedino comécina ñue náiretade. Ua, bínie nai cómuiñenia, bífuena jica ía daí comécido mamede. Ja diga fimona jaide íadi, aféfuena báinino íteza, nai jino comínimo uáfodo llóñega.

26 Mei íadi ja birui Juzíñamui uai llócaidino cáiena fieca Cuegáuaido, afefue jae jino denoca. Bifue ziiño Juzíñamui ocuilla izói caimo íficaide. Bie fueñe báinino Juzíñamui comécido mamérrillafue, ja birui nana náiraiaimo jino cíotaga, aféfuena íaioi onóillena. Daje izói afefue jae jino íaioimo cíotaga, comécido ínota afe uaimo ñue jeire íaioi óllena.

27 ¡Daade jamánomo baitade Juzíñamuimo ebírede ñúefuiai nítaiticaiza! ¡Daí afémie mo Jesucristodo ziiña jaca ninomo llóiticaiza! Mei daiítadeza; jae ñie.

# NANOIDE SAN PABLO CORINTO IMÁCIMO

## ORÉCABE

### Primera Carta del Apóstol San Pablo a los Corintios

#### *Coríntomo ite Jesucristomo ñnotinomo Pablo cuete*

<sup>1</sup> Cue Páblodicue. Ñúefue llujillena Juzíñamui comei jítaina izói Jesucristo jóonegamiedicue. Bie izói ðaina Jesucristo orécamedicue.

<sup>2</sup> Cue, cai ama Sóstenes ðiga, Corinto jófue mo ite Juzíñamuimo gairífredino uáidotícoco. Afe llezica bibe ómoimo cueticue. Omoimo Jesucristomo ðájena jaináinamona Juzíñamui iéðimoí. Juzíñamui íena omoí jáillena afémieoiri ómoína jíríte. Nágagobiaimo ite cai Ocuíraima Jesucristo mámedido jicáfredino, ðaje izói Juzíñamui íeiena uáidogaiaioí. Afe Ocuíraima Jesucristo afémaci ie, ðaje izói cáíie.

<sup>3</sup> Cai Moo Juzíñamui, cai Ocuíraima Jesucristo ðiga, íaillinoína ñue uái illifue ðibénemo ómoína jóoneiteza. ðaje izói afe íaillinoí ómoína ñue ézicíteza.

#### *Jesucristomona comuide caimare illafue*

<sup>4</sup> Nágariu ómoíri Juzíñamuina iere figura ðaífredicue, mei Juzíñamui Jesucristodo ñue caimare ómoína itátate.

<sup>5</sup> Mei jñ, Jesucristomo ðájena omoí jaináinamona, Juzíñamui nana ie cáimafuiai ómoimo orede. Nana ie caimare úrillafue Juzíñamui ómoimo llote. ðaje izói ie onóigafuiai ómoína onótate.

<sup>6</sup> Mei ðaí Juzíñamui Crístodo ðaina uai ja ómoimo bie nahífuena ite.

<sup>7</sup> Bíemona cai Ocuíraima Jesucristo cíocaizaibilliruimo nai dúciñena llezica, nana Juzíñamui lloga uaina ómoimo íteza; abi ðiné jíáie uaina jítaiñeitiomoiza.

<sup>8</sup> Afémie íco írairuimo ómoína náiretaite. Iemona cai Ocuíraima billiruimo dúcille ðino buna ñnó fiénidífue ómoimo nitáñede.

<sup>9</sup> Juzíñamui uícodo ie ðánana jaca ñue ícoimo fuitáfirede. Afe ñnofirega Juzíñamui ie jító Jesucristomo cai nabáirillena caína uáidote. Afe Jesucristo cai Ocuíðime.

#### *Crístomo gairífredino ðájena iñeno oni eneno comécidiaoí*

<sup>10</sup> Amatiai, omoí cacai. Cai Ocuíraima Jesucristo mámedido izire ómoimo jicádicue. ðájena omoí jainairi. ðaje izói eneno omoí bozíetañeno iri. Mei jíáifodo jíáimana énenaruiñeno ñue ðájena omoí iri. ðaje izói ðáafue mo comei fácaitiomoiza, íemo ðaje izói ðáafue mo omoí maméritiomoiza.

<sup>11</sup> Cue amatiai, bifue ómoína ðaídicue, mei Cloé comínimona ðáarie cuemo llotíaoí, omoí cígiri jíáimana ruifíruillano oni enénorie itíaoí, ðaí ðaíðíaoí.

<sup>12</sup> Bie izói cue cacánafuedo ómoína ðaíacade. Omoimona illa ðígamiiai jíáifodo úritiomoí. ðáarie cue Pablo iéðicue ðaíde, jíáimaci cue Apolos iéðicue ðaíde, jíáimaci cue Pedro iéðicue ðaíde, jíáimaci cue Cristo iéðicue ðaíde.

<sup>13</sup> Mei íaði nana omoí Cristo abi izóidínoðimoí. ¿Meita afe Cristo abi énenorie fecaca? ðaítañede. ¿Meita Pablo omoí méfomo cruzmo coraica? Córaíñega. ¿Meita Pablo mámedido omoí báutizagaomoí? ðaítañede.

<sup>14</sup> Cue mena come Crispo Gayo ðiga báutizadicue. Omoimona abi ðine jíáimacina báutizañedicue. Aferi Juzíñamuina “Figora,” ðaídicue.

<sup>15</sup> Iemona ómoimona buna “Cue bie Pablo mámedido báutizagacue,” ðaíñide.

<sup>16</sup> Iemo jíái ðaa Estéfanos comini báutizadicue, mei íaði cuemo úbicaiñedeza, abí ðine jíáimacina báutizañedicue.

17 Mei Cristo cuena “Comini o bántizari,” daiñede. Cuena “Cue ñuera jílona uai o llócairi,” daide. Mei íadi cue abi ñnotade comini bacácido cuena llotátañede, Cristo cruzmo tíllana cue ráifitañellena.

*Cristo llogáfuemo Juziñamui ríino ite naa ie baitácafuiari*

18 Afe bie Cristo cruzmo tíllafue, nana ñine táinomo báitino dibénemo ráifiñede taino uailai izoide. Mei íadi ñue jíloitino dibénemo, Cristo cruzmo tíllado cai comeci illafue méidorede, mei afe uaimo Juziñamui ríino íteza.

19 Jaiari Juziñamui Cuegáuaido afémie bie izói daide:

—Iere baitádino onógafuiaina ñiné táinocaitaicue.

Daje izói fibídino fibíllafuena ráifitañeiticue, —daide.

20 Ja biniemo fibídime ¿mei ñífuemo cánoite? Comini comeci ífueña ñue méidoñede. Daje izói fia fibíllafue llófueraima canóñede. Afe izói binieme ráfuiari júfidotimie canóñede. Mei nana biniemo fibíllafuiari Juziñamui ja jíáfodo méidoga. Ráifiñede taino uáillaina méidoga.

21 Juziñamui nana ie finóllifuiaina onófirede. Iemona “Fia binieme comini baitajafuedo cuena ónoñeitiomoi,” afémie daiñocaide. Mei jíáfodo Juziñamui íaioimo lloga uailai íaioi ñnuado afémacina jíllotaacade, afe bie lloga uai jíáimacimo ráifiñede taino uai izoide íaioimo cíocaiide íadi.

22 Iemo Judíuari fia dáinamona comuide cíorainina ráaniaina cíocadiaioi. Iemo judíoñedino iere baitajafue jenódiaioi.

23 Mei cai, cruzmo coraica Cristo rafue jino llófiredicai. Ie mei judíuari afefue llófuiana meáruitiaioi. Iemo judíoñedino aféfueña “Ráifiñede taino uailai,” daidíaiioi.

24 Mei jíáfodo Juziñamui jíllloillena maiñócano dibénemo afe Cristo cairi tílla llogáfuemo Juziñamui ríino ite. Daje izói afémaci íena afe llogáfuemo Juziñamui baitaca uai ite. Daa Juziñamui jírigamie judío ímie íadi, bifue afémiemo ráifide. Daje izói Juziñamui uáidogamie judíoñedime íadi, bifue dájerize íaillinoimo ráifide.

25 Mei jí Juziñamui lloga uai, ráifiñede taino uai izói comínimo cíoide, mei íadi afe uai énie comini baitácafue baimo iere baitade. Daje izói Juziñamui finócafue ríinonina izói comínimo cíoide, mei íadi comini máirie baimo jamánomo rírede.

26 Amatai, mai Juziñamui omoi jírrillafuemo uibíoicairi. Omoimona baitádinona figo íñede, mei íadi nai ie comínidiomoi. Daje izói ómoimona ríillainina figo íñedeza. Iemo ómoimona jica jalleide comínina figo íñede, mei íadi nai Juziñamui izíruigamacidiomoi.

27 Mei jíáfodo, binieme comini daína abina onóñedino Juziñamui jae nizeca, ráfuiaina baitádino méaicaillena. Daje izói binieme comini daína ríinidimaci Juziñamui jae nizeca, nana “Mairídícue” daidino meáicaillena.

28 Iemo biniemo ite jica jalléiñedino naa jámairuigamací diga Juziñamui jae nizede. Nana bie Juziñamui nizécano jamai comini. Juziñamui bie izói jamai comini nizede, abi ñnota “Aillomiedicue” daidino ríinitallena.

29 Iemona buna Juziñamui uícomo abina ñnonide.

30 Mei dama Juziñamui ómoína Cristo Jesumo dájena jaináitate. Daje izói Juziñamui, Jesucristo cai ífoci déitatimiena jóonete. Iemo Crístodo, Juziñamui anamo ñue jáicina cai íllena, afémie caimo jóonete. Afe llezica Juziñamui íeiena Crístodo caina ñue finode. Afe bie Crístodo daí jíllodicai.



<sup>31</sup> Afémie daí finode, Juzíñamui Cuegáuai daína izói jaícina jino fuitállena. Afe uai daide: “Dámie abí ñinoiacania, cai Ocuíraimado abí ñinori,” daide.

## 2

### *Dama coraica Cristo rafue Pablo comínimo llot*

<sup>1</sup> Birui ómoimo cue llua izói, afe izói nauí Juzíñamui ua rafue ómoimo cue lluaíbillaruido, cue baitaca féirede uaido ómoimo úriñedicue, “Iere ráfuiaina baitádimedio” cuena omoi dáíñeillena.

<sup>2</sup> Mei nauí omoi cigiri cue illa llezica daa Jesucristo ráfue naa ie coraíafue diga, abí diné jaíífue na ómoína onótaacañedicue.

<sup>3</sup> Aféruillaido ómoiri ríinidímie izói iticue. Ie jira benena cue jácieri cuidíridicue.

<sup>4</sup> Ómoimo jino cue llua llezica fia énie come baitaca uaido ómoína jíeruítadicue. Mei jaíífodo Juzíñamui Ñuera Joreño jíeruítadicue. Daje izói Juzíñamuimo ite ríinodo: “Bífuena omoi jíeruiri,” daidicue.

<sup>5</sup> Daí ómoína daidicue omoi ñinogafue, Juzíñamui ríino dibénemo íllena; daje izói omoi ñinogafue bínie comini onógafuemo jáinaiñeillena.

### *Juzíñamui da ie Ñuera Joreño onoiga*

<sup>6</sup> Mei íadi ómoimona Juzíñamuimo ñinogafuemo ñue móonaitinomo cue baitaca uaido úriticue. Bie cue baitaca uai bínie comini íeñede. Daje izói bínie uíñote ríillaini uáíñede. Afémaci naa íaiói uáillairi niné cíocaiñeítiaíoi.

<sup>7</sup> Jaíai uáfodo ónoñega Juzíñamui fibíllafuíaído úriticai. Afémie jaíai énie comuíacana uícodo báinino mamérrillafuedo úriticai. Aféruillaido caimo zííñona fuíñeite jíllollifue caimo mamede.

<sup>8</sup> Nana bínie uíñote ríillainimona bífuena buna onóñede. Bífuena onódiaíoi na cai ñuera Ocuíraíma Jesucrístono coraíñediaíoi. (Aféfuena íaiói onóñenado íena coraídiaíoi.)

<sup>9</sup> Mei íadi Juzíñamui cáiena mamécafue ie Cuegáuai daína izói ite. Afe uai daide:

Bínie comínimona jaca buna cíóñena ñuera raa Juzíñamui íena izíruitino íaióiena jóonete.

Afe izóidena comini jaca cacáñediaíoi.

Daje izói áfemo jaca buna comeci facáñena.

<sup>10</sup> Afe bífuiaina Juzíñamui ie Ñuera Joreño caimo llotátate, mei afe Ñuera Joreño nana Juzíñamuimo ite uáfodo ónoñega ráfuiaina onóillena izire jícanofiredeza. Iemona afémie cai fidítate.

<sup>11</sup> Bínimo ite comínimona, ¿mei níimie jáíma comeci ífue onona? Dama afémiemo ite joreño ie comeci ífuena onona. Afe izói dama Juzíñamui Ñuera Joreño Juzíñamui comeci ífuena onona.

<sup>12</sup> Bínie comini fieni comécíllafuíaí uícaíñegacai, mei íadi Juzíñamui caimo oreca Ñuera Joreño úicaigacai. Juzíñamui ie Ñuera Joreño caimo orede, aillo jeruíñeno caimo ie fecaca ráfuiaina cai onóillena.

<sup>13</sup> Juzíñamui Ñuera Joreño caimo llófuega uáillaido afe bífuiáído ómoimo úriticai. Dani cai fibíllafuemono cai onoiga uáillaido ómoimo úriñedicai. Afe daí Ñuera Joreño úicaiganomo Ñuera Joreño lloga ua ráfuiái jino ñue lloticai.

<sup>14</sup> Mei jí, Juzíñamui Ñuera Joreño uícaíñegamie afe Ñuera Joreño lloga ráfuiaina jeire oñede. Mei afémiemona bífuiái ráíñede taino uallai izóideza. Aféfuíai afémiemo jánaide, mei bífuiái cómemo dama Juzíñamui Ñuera Joreño llófuegaza.

<sup>15</sup> Mei íadi Juzíñamui Ñuera Joreñoa igámie naga ráfuiaimona nifue ñuena, nifue fiénina dairede. Mei jiáifodo Ñuera Joreñoa ínegamie afe izói daiñide. Iemona Ñuera Joreñoa ínegamie Joreñoa igámie jaca níifruena jicánonide.

<sup>16</sup> Mei Juzíñamui Cuegáuai daide: “¿Bu mei cai Ocuíraima comeci fácafuea onona? ¿Mei níimie Juzíñamuina llófuerena?” Mei íadi ie Ñuera Joreñoa Cristo ífoci úrillafue caimo ite.

### 3

#### *Dájemo táijidino izói Juzíñamui ocuica uai llujillena canódica*

<sup>1</sup> Amatiai, bie lloga Cristo comeci fácafue nai ómoimo figo jóobiñede. Iemona Ñuera Joreñoa úicaigano izói nai ómoimo úrinidicue. Mei jiáifodo Ñuera Joreñoa nai figo jaináñedino izóidiomoi. Crístomo jaináidino dibénemo nai figo onóñede úruiai izóidiomoi.

<sup>2</sup> Iemona nauí ómoimo féinino llófueticue. Nai monoi jirode úruiai izóidiomoi; jáiaide güille nai ómoimo dúíñede. Iemo afe izói ñue baitácafue nai ómoimo jaca dúíñede. Nai aféfuena jeire ónidomoi.

<sup>3</sup> Mei nai Ñuera Joreñoa jaináñena llezica jamai come izóidiomoi za. Nai birui jiáimana úradoidomoi, íemo icírafuena jenófredomoi, íemo nai jiáimana énenoruidomoi. Iemona bíniemo ite Juzíñamui Joreñoa nai ínegano izóidiomoi. Nana íaioi eneno bozíetaillafuina nai jeire otíomoi.

<sup>4</sup> Omoimona dáarie “Pablo íédicue,” daide. Jiáimaci “Apolos íédicue,” daide. Bie izói omoi illa, nai bíniemo ite Juzíñamui Ñuera Joreñoa úicaiñega comini izóidiomoi.

<sup>5</sup> ¿Mei níimie Páblona? ¿Mei jiái níimie Apólona? Coco bie daa Juzíñamui ocuicamiedicoco. Daa cócodo cai Ocuíraimamo ínotiomoi. Cai Ocuíraima cuemo jóonega táijinamo tájidicue. Daje izói Apolos dama íemo jóonegamo tájide.

<sup>6</sup> Cue bie fueñe ritímie izóidicue. Ie mei Apolos afe rigaji jáinoina riáitatimie izoide. Mei íadi afe rigaji zicótatimie daade Juzíñamui.

<sup>7</sup> Iemona cue bie fia ritímiedicue. Iemo Apolos fia riáitatimie. Bie coco jabóidimiedicoco. Mei íadi Juzíñamui jamánomoidimie, mei afémie afe rigaji zairítaiteza.

<sup>8</sup> Nana ido ritímie, afeji jáinoina riáitatimie nágaillinoi daje Juzíñamui ocuicamie íaillinoi. Mei íadi illa dígamie nano ie táijina dieze Juzíñamui íbaite.

<sup>9</sup> Coco bie dama Juzíñamui jetácamo dájemo tájidicoco. Ie mei omoi Juzíñamui riga jacafai izóidiomoi.

Nane jiáie raa izóidiomoi. Juzíñamui como nicana uiga jofo izóidiomoi.

<sup>10</sup> Cue bie jofo níraini ocuicamiedicue. Juzíñamui cue ocuilla izói, bico jáillirai riire naidánetimie izóidicue. Iemo jiáimie afe jáillirai acónimo ticáidimie izoide. Ie jira naga ticáitímie rairuídicue, fiendi ie ticáñeno ñue ie ticáilleza.

<sup>11</sup> Mei jii, abi díne jiáimie riire naidaide jáilliraina naidánenide. Afe jae riire naidánega jáillirai izóidimie Jesucristo.

<sup>12</sup> Mei naga come bie jáillirai caifófemo ie illínona nírede. Afe bíena dairede mei naga come illafue bie nillico izóideza. Dámie afe jáilliraina mameide Jesucristo caifófemo oro izóidedo ie illínona nírede, jiáimie quenírede llojefe izóidedo ie illínona nírede, jiáimie ráifide nofíciai izóidedo ie illínona nírede, jiáimie amena iedo ie illínona nírede, jiáimie fia uifízaido ie illínona nírede, jiáimie zicicai izóidedo ie illínona nírede.

<sup>13</sup> Iemo ico jíáiruido Cristo comínimo itifue riire jicánuaibilliruimo naga come ie nigano uáfori cíoite. Aféruido Juzíñamui cai táijina fácaite. Irai izóidedo naga come nigánuaí Juzíñamui fácaite.

<sup>14</sup> Irai cúaritañega raado nitímie Juzíñamui ie táijina íbaja raana jirídoite.

<sup>15</sup> Mei jíáifodo cúarirede raado nitímie minícana jiridoñeite. Nana ie táijina niné táinocaiteza; dama táinori llégiite. Mei íadi dama afémie jíllote. Ua, jofu bóoamona nana raaie uzilla mei, dama come jíllona izói, afémie jíllote.

<sup>16</sup> ¿Omoi bie Juzíñamui jofu izóidiomoi nai onóñediomoi? ¿Daje izói Juzíñamui Ñuera Joreño ómoimo íllana onóñediomoi?

<sup>17</sup> Afe bie Juzíñamui ico íaifuenidico. Iemona ómoimona dámie bie Juzíñamui jofu eneno botáadi, afe cómena Juzíñamui jíáí niné táinocaitaite. Omoi bie íaifuenidico izóidiomoi.

<sup>18</sup> Nane daa come dama abi jífueiza áfemona abí omoi rairuiri. Omoimona dámie “Bínie ráfuenta iere baitádimiedicue,” daíadi, afémie meine abido íinoñedino daína izói ráfuenta baitáñedimiena jáirede, Juzíñamuimo ite nahí rafue baitállena.

<sup>19</sup> Mei bínie comini baitácafuaí Juzíñamuimona ráifiñede taino uaillai. Ie Cuegáuai daide: “Iere baitádinona Juzíñamui dani íaíoi bífueinamo írebaimo jíilla izói jíitate.”

<sup>20</sup> Nane dáanomo daide: “Baitáдино comeci fácafuaí ráifiñenana cai Ocuíraíma onode.”

<sup>21</sup> Ie jira jíáimamo jaináillado jaca buna abina ínonide. Afe omoi dáamiemo jaináilla uai jíáifodo jóide. Nana omoi canódino ómoimo jainaide.

<sup>22</sup> Daa cómemo jáinaiñeno nana bimaci ómoimo jainaide: Pedro, Apolos diga ómoimo jainaide, cue jíáí Páblodícue ómoimo jaináidícue. Daje izói nana bíniemo ite ráaniaí Crístodo ómoiena Juzíñamui mamede. Daje izói Crístodo Juzíñamui ómoína cáatate. Iemo omoi tíadi, Crístodo afe tíllana jáciruiñeitiomoi. Iemo biruíllaido Crístodo caimare írediomoi. Iemo uire jíáiruido ómoimo ífícaítífueimo Crístodo jáciruiñeitiomoi. Nana bie ñúefuaí ómoie.

<sup>23</sup> Iemo Cristo íédiomoi, ie mei Cristo Juzíñamui ie.

## 4

### *Jesucristo orécano táijinafue*

<sup>1</sup> Iemona Cristo canódino omoi caina daíredíomoi. Daje izói uáfodo ónoñega Juzíñamui lloga uaillai jino comínimo llófuetino omoi caina daíredíomoi.

<sup>2</sup> Mei jíí, táijinana jónegamie ie ocuídímie ínofirenana afémiemo jino cíotarede; ie ocuíllana ñue ícoimo fuitárede.

<sup>3</sup> Mei íadi cúemona, omoi cuemo itifue jicánodoiari járitañedícue. Daje izói dáarie cuemo itifue jicánodoídino cuena dánana figo náfueñedícue. Afe izói cue itifue dama cue jicánoiadi áferi járitañeítícue.

<sup>4</sup> Mei cue comeci úrilla nífuena cuemo nitáñede. Mei íadi afe izói cue comeci úria, nai ua Juzíñamui eróicana ua nífuenidímiedio cuena daíñede. Mei cuemo itifue jicánotímie dama Jesucrístoza.

<sup>5</sup> Mei jira, Cristo nai biñena llezica jíáíma táijinafuenta riire omoi jicánodoiñeno iri. Daa cai Ocuíraíma jicánuaibillirui omoi ocuíriri. Aféruido afémie jíítifomo báinino itínona bai úzefomo uáfori cíotaite. Daje izói aféruido cai Ocuíraíma naga come comeci mamérrillafuaí uáfodo onótaite. Iemona Juzíñamui naga come nano ba íemo dúide díeze ñúefuaí íemo fécaite.

<sup>6</sup> Amatiai, mei ñue omoi íllena bífuiaido omoi o úriticue. Omoi canódimie Apolos ifue dama cuefue diga jae ómoimo lloticue, omoi ñue dájena coméciillifue uáfodo omoi onóillena. Bifue ómoimo lloticue ómoimo coco cíotagafuiaido Juzíñamui Cuegáuai baimo omoi coméciñeillena. Afe uai caina daide: Dáamie dibénemo gáifñeno omoi iri. Daje izói jíaimiena jámairuñeno dájeze nana íaioimo omoi íñori.

<sup>7</sup> ¿Mei nie come jíaimaci baimo ómoina ñue fínua? Nana omoi onoiga ñúfuiyai Juzíñamui fecácaza. Jaca Juzíñamui fecáñegana iñede. Iemona ¿ñibái mei dáamiedo abina íñofirediomoí? Abina íñofiredimie: “Cue comeci jítaina izói cuemo fecácaza,” daiífiredede. Mei íeñedeza. Omoi dani fécañegaza. Mei jira áfedo abina íñonidiomoí. Nana caimo ite ráaniaimona dani cai ocuilla izói iñede. Nana Juzíñamui caimo fecaca.

<sup>8</sup> Birui ja “Nana Juzíñamui caimo fecáacagafuiyai ja cai ógaza,” daí coméciidiomoí. Nana omoi jitaica ráaniai ñibai ja omoi oga. Nana omoi onóacaga ífuiaina ñibai ja ñue baitádiomoí. Ñibai ómoina cai canóñenado ja illáicomínina jáidiomoí. Mei íadi táinodo abi íñotiomoí. Iemo afe llezica cai bie jalléñedicaí. Mei íadi ómoina: “Ua illáicomínina omoi ii,” daidicue. Afe daí cai bie omoi diga dájena illáimaiticaí.

<sup>9</sup> Cai bie Cristo orécamiyai jino íirainomo Juzíñamui fiécacai. Cai bie lláviano tíitino izóidicaí. Jira cai bie nana énie nairai acárilla raa izóidinona jáidicaí. Iemona nana comini naa Juzíñamui abi imáciri caimo éroitiaíoi, mei afémaci abi fáiacaitadinodicaíza.

<sup>10</sup> Cristo rafue cai llócaillamona caina jíaimaci “Abina onóñediomoí,” daidíaíoi; mei afe llezica “Crístodo ráfuiaina baitádinodicaí,” daidíomoí. Omoi ríiredinona illa llezica, cai bie rínidinodicaí. Caina comini jámairuilla llezica ómoina ñue jacíruitiaíoi.

<sup>11</sup> Mei jaiai nai biruimo júbieri duere zefuídicaí. Daje izói cai jirole jainoi iñénari jíai duere zefuídicaí. Daje izói figo ínícuironidicaí. Daje izói comini caina fiéni finódiaíoi. Uái cai illino iñede.

<sup>12</sup> Aillo cai táijnamona iere llégidicaí. Iemo comini cairi jainónaitimaci; mei íadi íaioina Juzíñamui canolle uaido fairíoticaí. Caina fiéni finóllena racádiaíoi; mei íadi ocuídicaí.

<sup>13</sup> Cairi fiénidífuedo úritiaíoi; mei íadi afe comínina comeci mánainafuedo fáicana llófueticaí. Afe llezica oni dotaca íáirede raa dota izói, afe izói caina ráifñedinona caina mámano náfueñediaíoi. Nai biruimo cuidoda oni faiga íáirede raana caina mamédiaíoi.

<sup>14</sup> Bífuiaina omoi meáidaillena cueñédicue, mei jíáfodo omoi ñue íllena rairuúllano, lloticue, mei cúemona izíruiga jítótiaí izóidiomoíza.

<sup>15</sup> Mei cómemona facádonide Cristo ráfuenta llófuetino ómoimo ite íadi, nai omoi íñogafue tainédimie daade. Cristo Jesumo omoi íñollena, omoi moo izói omoi comuítatimiedicue, mei cai jíllona uaina ómoimo llotícueza.

<sup>16</sup> Ie jira ómoimo cue cíotaga cai ñue illífuedo omoi jáillena, izire jicádicue. Daje izói cue llogáfuedo omoi jairi daidicue.

<sup>17</sup> Afedo omoi jáillena, Crístomo cue íñotaga Timoteo ómoimo orédicue. Afémie cue izíruiga jító izóidimie. Afémie, Crístomo cue íñuamona cue lloga ñue cai illáfuenta ómoimo úibicaitaite. Afe bie afémie ómoimo llujáillifue izói, afe izói nágagobiaimo ite Juzíñamuimo íñotimacimo, cue jíai llófuefiredicue.

<sup>18</sup> Omoimona dáarie abina íñuano, daidíaíoi: “Pablo caina éroizaibiñeite,” daidíaíoi. (Afe izói dánado cue uaina uáitaacadiaíoi.)

19 Mei íadi cai Ocuíraima Jesucristo comeci jítaiadi raire omoi cue méiñuaillena ocuírídícue. Iemo cue billíruimo afe abina ínotímaci nie ñúefue jíáimacimo finódíaióiza, afefue cue onóíllena fácaítícue. Afedo íaiói ñuera ríino ite, nibai íñédeza, ónoítícue. Aillo íaiói úrilla uaina náfueñeítícue.

20 Mei jíi, fia cai úrilla uaido, Juzíñamui illáimana illáruimo jaináitañegacai. Mei jíáfodo Juzíñamui Ñuera Joreño ríinodo cai comeci itífue méiduano ie illáimana illáruimo jaináitagacai.

21 ¿Mei nie izói óiacadiomoi? ¿Mei nibai ómoína duere cue finuaíbillana óiacadiomoi? ¿Níbai izíruillafuedo comeci mánainafuedo ómoímo cue éroizaíbillana óiacadiomoi?

## 5

### *Pablo fiénide meáífue finódímie duere finóllena llote*

1 Ja birui omoi cígímo ite iere fiénide jiruífueña comíni cue fidítatíaiói. Omoímona dáamie ja ie moo ogango dama ie aina ote. Afefue iere jamánomo meáírede. Afe izoide fiénidífueña Juzíñamuina ónoñedímaci jaca rairuídíaiói.

2 Mei íadi bie izói ómoímo illa llezica jnai omoi iere abina ínofíredíomoi! (Afe izói omoi illa iere figóñede.) Mei jíáfodo áferi iere zuure íredíomoi. Daje izói áferi meáidáredíomoi. Bie izói jiruíredímie omoi cígímona mai oni ore.

3 Náamiena omoi díga dama cue íñédícue, mei íadi afefue dibénemo cue comeci facáoinana ñue onódíomoiiza. Ie jira afe bie jiruíredímie ie duere finóllena jae cai Ocuíraima Jesucristo mámecido ocuídícueza.

4 Iemona Jesucristo mámecido dáanomoi garízaiilla llezica, íemo cue comeci facáoinamo ñue omoi uibíoicailla llezica, íemo jíai cai Ocuíraima Jesucristo omoi cígíri ríinoreña llezica,

5 mai afe íimana ómoímona jino dótano Taífena náamataga comínimo íena omoi zóoferi, ie abi fiéni jítainafuiai niné táinocaitallena. Afemona cai Ocuíraima Jesús billíruimo afémie joreño jíllóbicaíteza.

6 Afe íaífue nai ómoímo illa llezica omoi ñue íáinínana illa izói abí ínotíomoi. Afe abí ínuana figóñede. “Mei daa cómemo ite íaífue aillo ie abímo itímacina íáiretaíteza.” ¿Comíni dáina uaina onóñedíomoi? Afe uai daíde: “Pan finóadi afe aillo fáitate raa tamédíaiói. Due jiza fáitatena jóonega íadi, nana afe magáfecina aillo fáitate.” Afe izói daa come finoca íaífue aillo ie abímo itímacina íaire finode.

7 Iemona ómoína fiéni finode come ómoímona oni jica oreri, mei afémie jácaie pan fáitara izóidímieza. Ie jira afe fiénide meáífue ómoímona ñue muiñori, ñue jáicina íaífuenidímacina omoi íllena. Iemona fáitatena jóoneña comue pan izóidínona ítíomoi. Ja onódícueza, afe bie izóidíno ua itíomoi, mei Cristo nana cai ícoínia fagámiena jáideza. Afémie cai ífomo fatá Juzíñamuimo fecaca oveja jiza izóidímie, caímo ite íaífue oni dóllena. Afémie pascua rafue illa llezica cai uibíoigamie. Ie jira bie íaífue oni omoi fáinocai; mei íaífue mona muiñócanona cai íllena, Cristo tíideza.

8 Iemona nágarui cai illáfuemo táinona úriñede comécido mai cai illi. Daje izói ñúefuíairede comécido mai cai illi. Afe izoide comeci fáitate raa jóoneña comue pan izoide. Mei jíáfodo íáirede comécido cai íadi, daje izói éoicaide comécido cai íadi, afe izoide comeci jácaie pan fáitate raa izoide. Afe izói mai cai íñeílli.

9 Naui ómoímo cue cuezábemo ómoína daídícue: “Bie izói jiruírede comínimo nabáiríñeno iri.”



10 Biniemo jaca jiruiredino ite, daje izói iere ráanaiacadino ite, íemo merírifiredino ite, íemo jánarai íóbitadino ite. Bimaci diga omoi nabáiriñeilla lloñédicue. Aféfuena rairuídicuena biniemo oni jáirediomoí. Mei íadi afe izói ocuñédicue. Mei íadi onódiomoíza, afémaci illa izói ínidiomoí.

11 Mei ómoína cue daiíacanafue jáífo jóide. “Crístomo ínnote omoi ámadicue” daidímie íadi afémie jiruíreniadi, afémie diga nabáiriñeno iri. Daje izói afémie iere ráanaiacania afémie diga nabáiriñeno iri. Iemo dáamie jánarai íóbitaadi, íemo afémie jáimana fienu úrifireia, ie jífaireia, íemo ie merírifireia, afe izoide “Crístomo ínnote omoi ámadicue” daidímie diga nabáiriñeno iri. Iemo jái bie izoide come diga omoi güiñeno iri.

12-13 Biniemo ite ínnoñede fiénidinomo itífue riire cue jicánolle cuemo dúñede. Mei íaioímo fienu itífuiái dama Juzíñamui riire jicánoteza. Mei jáífoodo omoi dani ómoímo jáináidinona riire jicánorediomoí. Ie jira afe bie fiénidifuiaredimie omoi cígimona oni oreri.

## 6

### *Juzíñamuimo ínnotino júfidogafuiái oni ínnoñedinomo llujínide*

1 Dani ómoímona dámie jáímamo júfidogafue comuíadi, ¿nibái mei oni jáímacimo afefue záitallena jáidiomoí? mei afémaci cai ínogafuemo jáináíñedimaci. Dani omoi cígiri ite Juzíñamuimo dúidinomo jicárediomoí, o júfidogana jáícina záitallena.

2 ¿Nai onóñediomoí Juzíñamui iédino nana bínie comíni itífuenta riire jicánoitiaíoi? Mei uire bínie comíni riire jicánoitiomoíza, ¿nibái mei omoi cígiri ite dúefuiaina raire záitanidiomoí?

3 Iemo jái, ¿nai onóñediomoíza Juzíñamui abí imaci, ángeles dainámaci, itífuiaina riire jicánoitícai? Mei uafue Juzíñamui abí imaci itífuiaina riire jicánoitiomoíza, ómoímo ite bínie ífuiái raire záitallena ómoímona juánide.

4 Bie cai illáfuemona comuide júfidogafuiái ómoímo comuíadi, ¿mei nibái mei Juzíñamuimo gairídino dibénemo iñédinomo llujífirediomoí, afefue jáícina ómoímo finóllena?

5 Bie izói ómoína daidicue omoi méaicaillena. ¿Mei nibái omoi cígiri ámatiaímo comuídfuena jáícina fínuana baitádimie iñede?

6 Ja birui da ama jáímamo júfidogafue comuíadi, Juzíñamuimo ínnoñede jáícina finóraíma uícomo llujífirediomoí. ¿Meita bie izói írede? ¡Inide!

7 Uáfodo onóigaza, nanómona daa júfidollífue omoi cígiri comuíadi, jáíie o ñue illáfuena táinomo fáífitaita. (Daje izói o júfidogafue Juzíñamui ífuena jámairuitade.) Daa cáimona dámie fienu o finóadi, afe iba o óñeille baímo ñuera. Daje izói daa come cue raa jífuiano baíróadi afe meine cue óñeille iere baímo ñuera.

8 Mei jáífoodo fiénidífue fáicanocaiñeno, dani omoi ámatiaímo fienu finódiomoí, íemo jái omoi ámatiaína jífuiano raana baírófirediomoí.

9-10 ¿Nai onóñediomoíza? nana jáímana fienu finódino Juzíñamui illáimana illíruimo dúciñeitiaíoi. Omoi jífuefiñeno iri, mei naga fiénidino Juzíñamui illáimana illíruimo jáináíñeitiaíoi. Daje izói áireiñeno jáíie ringo jetádino dúciñeitiaíoi, íemo jánaraina íóbitadino, íemo jiruífueredino, íemo jáíie íima diga fienu itímíai, íemo merírifiredino, íemo iere ráanaiacadino, íemo jífáífredino, íemo jáímamo fienu úritino, íemo jífueta baírófiredino; nana éniemo ite bie izoide comíni Juzíñamui illáimana illíruimo dúciñeitiaíoi.

11 Naui ómoimona dáarie bie izoide. Mei íadi ja birui Jesucristo ñue íainino finócaomoi. Daje izói Juzíñamui íeiena ñue mamécaomoi. Afe izói Moo Juzíñamui Ñuera Joreño, íemo jíai cai Ocuíraima Jesumo omoi ínuado Juzíñamui anamo ñue jaícina itábicaidiomoi.

*Cai abi Juzíñamui eróicana iere ñúeraza áfena íaidonidicai*

12 Comini daiífrediaíoi, “Cue bie cue comeci jitailla izói íredicue.” Afe uáfue, mei íadi naga íaíoi comeci gáinafue íaíoina ñue finóñede. Uáfueza daa come dama ie comeci jitailla izói írede, mei íadi afe comeci jitáillafue íena anáfenotanide.

13 Mei uáfueza: cai güille, cai jébegoi ie; daje izói cai jébegoi güille íena finoca. Mei íadi jíairuido Juzíñamui nágaillinoi güille naa jébegoi diga jíaífodo méidoite. Mei íadi “Bie cai abina jiruífue íena mameca,” daiñide, dáarie daií daiífrediaíoi íadi jmei afe uáfueñede! Bie cai abi cai Ocuíraima ie. Afe íbana cai Ocuíraima cai abimo dúide, cai ñue rairuíoicaillena.

14 Iemo Juzíñamui cai Ocuíraima Jesús cáadimiena jáitate. Afe daií ie fínua izói, afémie dama ie rínodo cáadimacina caina mámeite.

15 ¿Onóñediomoiza ómoimona illa dígamie ie abi dama Cristo abimo dúide? ¿Meita Cristo abimo dúidimie jiruíredingomo dájena jóoneredicue? ¡Jaca jóonenide!

16 ¿Mei nibai jíaífue onóñediomoiza, dáamie jiruíredingo diga íadi afémie abi daa afengo abi izóicaide? Mei jíi Juzíñamui Cuegáuai árenafue dibénemo bie izói daide: “Íima ie ai diga afe íaillinoi dámienna ja mameide.”

17 Afe izói dáamie cai Ocuíraimamo dájena jainíadi, afémie dájena joreño redimiena jaide.

18 Iemona mei jiruífuemona oni omoi iri. Nana jíaie cai finoca fiénidífue cai abina figo íaíñede, mei íadi áreiñeno jíaie ringo diga jiruífue cai finóadi, cai abina bácadicai.

19 ¿Mei onóñediomoiza, omoi abi Juzíñamui caimo iga ie Ñuera Joreño illano? Iemona afe Ñuera Joreño jaca omoi diga íteza. Omoi abi dani ómoieñedeza, Juzíñamui ie.

20 Mei omoi abi Juzíñamui jamánomo ráifidena íbácaza. Mei jira cai abido Juzíñamuina íobitaredicai, íemo jíai daje izói caimo ite joreño íena íobitaredicai, mei afe bie cai abi naa cai joreño diga Juzíñamui íeza.

## 7

*Pablo come árenafue llófuete*

1 Ja omoi cuemo jicánoga uailai afe íbáduai llóitícue. Uáfueza dáamie áreiacañenia dama illa figura.

2 Mei íadi aillo jiruífue íteza, naga íima árede. Daje izói naga ringo inírede.

3 Airedimie dama ie ai afémie diga íacana dieze, afémie írena. Iemo daje izói iníredingo ie ini afengo diga íacana dieze, afengo írena.

4 Iníredingo “Cue abi daingo cuemo dúide,” daiñide. Afengo abi ie ini íeza. Daje izói áiredimie “Cue abi bie dama cuemo dúide,” daiñide. Ie aimo jaináideza.

5 Íima ie ai diga íacania ráiruiño jieruiri. Daje izói ringo ini diga íacania ini ráiruiño jieruiri. Mei íadi nibai jíairuido da come ie ai diga nano nígarui iere Juzíñamuimo íaillinoi comeci facáacana llezica, aféruillaído dájena íñediaillinoina ñuera. Afe mei nane raire meine dájena írediaillinoi. Mei are dájena íaillinoi jáicañenia, abi jitáinafuena ocuíninamona fiéni íllena Taife íaillinona facátaiteza.

<sup>6</sup> Bífuiái caimare ómoie íllena lloticue. Raire lletara uai daina izói lloñédicue.

<sup>7</sup> Cúemona nana comini cue áinino cue illa izói itíaióina, ñuera. Mei íadi Juzíñamui illa dígamiaimo jíáifoide ocuilla ríino fecade. Dámie áinino dama illa ocuírede. Jíáimie áinino dama illa ocuínide.

<sup>8</sup> Ja birui áinidinomo naa fecínguai diga úriticue. Damádimie dama cue illa izói itíaióina ñuera.

<sup>9</sup> Mei íadi dámie ie abi jítaínafuena ócuiñenia afémie raire áirede. Daa come ie abi jítaínafue íena anáfenoa fiénide, íemona raire áirena ñuena.

<sup>10</sup> Mei íadi áiredino iníredino diga afémacina bie izói ocuídíicue. Iníredíngo ie inina jaca dotánide. Bie ocuilla uai dama cúeieñedeza, cai Ocuíraíma Cristo ie.

<sup>11</sup> Mei íadi iníredíngo ie ini dotáadi afengo daíngo írede; mei jíáfodo afengo afe daí íacañenia, afengo meine ie ínimo abído bírede. Daje izói áiredímie ie aina jaca fáicanocainide.

<sup>12</sup> Iemo jíáífue dibéfodo cai Ocuíraíma úriñedeza, dama cue ñue fibíllafuemona úriticue. Daa Jesumo ínotímíemo nai ínoñede ai íadi, íemo afengo nai afémie diga íacana llezica, afémie afengo diga írede. Afémie afe ie aina dotánide.

<sup>13</sup> Daje izói daa Jesumo ínotíngo ie ini nai Jesumo ínoñede íadi afémie afengo diga íacana llezica afengo afémie diga írede. Afengo afe ie inina dotánide.

<sup>14</sup> Mei jíi, Jesumo ínoñede áiredímie Jesumo ínote aimo jaináíllamona Juzíñamui ñue finócamiena jaide. Daje izói Jesumo ínoñede iníredíngo ie Jesumo ínotímíemo jaináíllamona, Juzíñamui ñue finócanona jaide. Afe izói íñeniadi, omoi jítotíai ínoñedíno úruiai izói itíaiói. Mei íadi afe izói jóoiñede. Afémaci Juzíñamui ñue finócaiaíoi.

<sup>15</sup> Mei íadi Jesumo ínoñedímie izire ie aina oni oréacania, dama daítadeza; orérede. Daje izói Jesumo ínoñedíngo izire ie ini fáicanocaiacania, dama daítadeza; fáicanocairede. Aféfuena júfidoñeno iri, mei Juzíñamui “Nágarui uái omoi ífreiri,” caína dáideza. Bie izói ífcaíadi Jesumo ínote ama naa ínote miríngo diga rairuínino afe ínoñedímíemo jaináitanide.

<sup>16</sup> Mei íadi Jesumo ínote iníredíngo cácarei. Nai ónoñegaza níbai odo o ini jíllóite. Daje izói Jesumo ínotímie cácarei. Nai ónoñegaza níbai odo o ai jíllóite.

<sup>17</sup> Iemona illa dígamie dama Juzíñamui íemo jóonia izói, afe izói nágaruillai írede. Iemo, fueñe Juzíñamuimo cai ínua llezica aféruimo cai táijina izói, afe izói nai birui táijiredícai. Bie izói nana Jesumo gairídínona ocuídíicue.

<sup>18</sup> Dámie Juzíñamuimo ínua llezica ie bacano ícoi quetátañenia, dama daítadeza; quetátañeno iri. Daje izói jíáimie Jesumo ínua llezica jaiái quetácaza dama daítadeza; jíáfodo júfidoñeno iri.

<sup>19</sup> Dámie ie bacano ícoi quetaca níbai quetañega áfena náfueñeno iri. Mei jíáfodo Juzíñamui comeci jítaínafue jeire cai olle íere ráifina.

<sup>20</sup> Illa dígamie fueñe Juzíñamuimo ie ínua llezica aféruimo ie illa izói, afe izói nai birui írede.

<sup>21</sup> Aféruimo jíáíma jeruícamiéna o ía, áfemo járitaño iri. Mei íadi afe ímmona oni o jáíllino o báia, áfena maíñori.

<sup>22</sup> Mei jíi, dámie como fueñe Juzíñamuimo ie ínua llezica, aféruído afémie jíáíma ocuífíregamie. Ja ie ínua mei Juzíñamui dibéfomo afémie bu ráiruíñegamiéna jaide, cai Ocuíraíma táijínafue ie finóllena. Mei daje izói jíáimie como fueñe Juzíñamuimo ie ínua llezica, aféruído afémie bu ráiruíñegamie. Ja ie ínua mei Cristo izire ocuífíregamiéna jaide.

<sup>23</sup> Juziñamui iere ráifidena ibácaomoiza. Iemona jiáima riire ocuífregamiena omoi iñeno iri.

<sup>24</sup> Amatiai, omoi cácarei, ómoimona illa dígamie como fueñe Juziñamuimo ie iñua llezica, nanómona ie táijina izói, Juziñamui eróicana afemo táijifireiri.

<sup>25</sup> Mei birui nahí áinidino naa inínidingotiai diga afémaci ifue llóiticue. Afémaci cue lletalle uaina cai Ocuíraima cuemo lloñede, mei íadi cue fibíllamona cue onoiga uai llóiticue. Mei Juziñamui cue cánuado cue lloga uaina iñoredeza.

<sup>26</sup> Mei birui iere jacírediruillaiza, cúemona bifue ñue cioide: daa come birui ie illa izói jiáfodo méidoñeno írede.

<sup>27</sup> Mei birui ja áredo, afe mei ánidimiena abina maméñeno iri. Mei daje izói, birui nai ánidioza, mai ringona oñeno iri.

<sup>28</sup> Mei íadi o árenia, afefue fiénidifueñedeza. Daje izói daa jitaingo inírenia, fiénidifueñedeza. Mei íadi biruillaido naga áredimie naa iníredingotiai diga íaiói illafue ánidimaci baímo iere juárede. Afe bie júaredifuiamona ómoína rairuíacadicue.

<sup>29</sup> Amatiai, ómoína cue daiíacanafue bie izói jóide. Biniemo Juziñamuina cai ióbitallirui aréñede. Ja benómona cai illífuena jiáfodo maméredicai. Birui áredimie, ánidimie izói írede, raire jiámaci jacíredifuemona cánuallena.

<sup>30</sup> Daje izói come tíllamo zúnaitino birui zúnaiñedino izói írediomoi. Daje izói caimare iráizizaidino ja birui caimátaiñedino izói írediomoi. Daje izói nana ráaniai ibáritino ja birui íaiói ibaca raana “Cáieñede” daiífrediomoi.

<sup>31</sup> Iemo bínie ráaniai fecáfredino, daje izói afe ráaniairi caimátaidino ja birui afe ráaniaimo figo járitainidiomoi. Mei bie cai ciona énie naa ie ráaniairi ja fúioicaideza.

<sup>32</sup> Omoi gágudifuiamona oni ómoína óiacadicue. Dámie nai áinina llezica, cai Ocuíraima ífuiaimo járitairede, cai Ocuíraima ióbitallena.

<sup>33</sup> Mei jiáfodo áredimie ie ai ióbitallena, bínie ráaniairi járitaifirede. Iemona afémie mena ocuidimie anamo ite izóidemona, ie finóacagafuiaina finónide.

<sup>34</sup> Ringóniaimo jiái daje izóidifue ite. Nai inínidingo cai Ocuíraima ífuiaimo járitaite. Afengo joreño naa ie abi diga Juziñamui íena iere íacade. Mei íadi iníredingo ie ini ióbitallena bie énie ráaniairi járitaide.

<sup>35</sup> Ñue omoi íllena bífuiái ómoímo llóiticue. Omoi áreiacanafuena rairuíacañedicue. Mei jiáfodo comini eróicana ñue jaícina omoi illífuena jitáidicue. Iemo jiái cai Ocuíraima Jesús ocuícafue jiziñeno jeire omoi óllena, bífuiái ómoímo llóiticue.

<sup>36</sup> Mei ómoimona daa come comécido daiía: “Cue jicánogango dibénedo ñue jaícina finóñedicue,” íemo afe llezica afengo are dinó jitáingoñeiteza, afémie comeci ñue faca izói, izire ie áreiacana izói árede. Ie jicánogango ie olle fiénidifueñedeza, afe íaillinoi árena rairuínide.

<sup>37</sup> Mei íadi jiámie jiáfodo comeci facáadi, mei afe ñuera. Ie jicánogangona ie aina ie óiacañenia daje izói afefue jiái ñuera; mei afémie ie jicánogango raire óñeillena ie comeci ñue daína izói, jica ia ñue mamédeza. Afe izóidifue íaifueñede.

<sup>38</sup> Nana búuallaimona bie izói onódicai. Jicánogango otímie ñúefue finode, íemo jicánogangona oñédimie afe baímo ñúefue finode.

<sup>39</sup> Iníredingo, ie ini nai caana llezica, ie inimo cuinaca izói jainaide. Mei íadi ja ie ini tilla mei, afengo bumo jainaiñede. Jesumo iñnote afengo gáigamiemo iníreirede.

<sup>40</sup> Mei íadi cue começi faca izói, afengo meine nane iníreñedena baimo caimare iite. Bie uai ómoimo cue llua llezica, Juzíñamui Ñuera Joreño cuemo ite izoide daidicue.

## 8

### *Jánarai éna mameca rílleniai ifue San Pablo llote*

<sup>1</sup> Ja birui omoi jicánoga jiáifue llóiticue. Jánarai ióbitallena fia fecaca rille ifue llóiticue. Iere uáfueza, bífuiaimo fibídicaiza. Mei íadi cai onóigafuemono cai abi fieni ínuana aillo comúitate. Mei jiáifodo jiáimana cai izíruillafue nana comínina náirecaitate.

<sup>2</sup> “Baitádimiedicue” daidímie Juzíñamui ie onótaacanaze nai onóñede. Nai abina onóñede.

<sup>3</sup> Mei dáamie Juzíñamui izíruia, afe ibana Juzíñamui ñue afémiemo éroite.

<sup>4</sup> Mei ja birui jánarai ióbitallena fia fecaca rille ifue llóiticue. Omoimona dáarie bie izói daidíai: “Afe rílleniaina ríri” daidíai. Jiámaci “Ríñeno iri” daidíai. Fueñe bífuiaimo omoi cácarei. Mei ñue onóigaza bie jánarai nahí ráañede, ráifiñede fia raaza. Daje izói ñue onóigaza jiáie Juzíñamui jaca iñede. Juzíñamui jaca daade.

<sup>5</sup> Mei comini, monamo aillo ite juzíñamuillai daíadi, daje izói biniemo jiái aillo juzíñamuillai ite íai: daíadi, íeñede.

<sup>6</sup> Mei íadi cámona cai Moo Juzíñamui jaca daade. Afémie baimo jiái juzíñamui iñede. Uáfueza comini juzíñamuina mameca taino juzíñamuillai aillo ite. Daje izói íai: mameca Juzíñamui jabóidillaini aillo ite. Mei íadi cai onoiga daade Moo Juzíñamui naga ráaniai finódimie. Iemo bie cai afémie éna iticai. Iemo jiái cai Ocuídímie daade; afémie Jesucrístono. Afémiedo naga raa comúitaga. Cai jiái daje izói afémiedo comúitagacai.

<sup>7</sup> Mei íadi nana comini nai bífuiaina onóñediai. Dámierie nai jánaraina ióbitajana fibídiai. Afémacimona taino juzíñamuimo fecaca güillena, “Bie güille cai juzíñamuillai ie” começi anado daidíai. Daí íai: comécilla mei áfena ritíai. Iemona afe taino juzíñamuillai güilledo íai: ífoci úrillana bacadiai, mei íai: ínogafuena nai figo baitáñediai.

<sup>8</sup> Mei uáfueza, fia cai güigado Juzíñamui caimare caina uáidoñede. Cai güia, nibai cai güíñeniadi áfena Juzíñamui lloñede. Cai güiadi, afémie éna caina caimare fínoñeite. Daje izói güíñeiticai íadi, caina fieni fínoñeite.

<sup>9</sup> Iemona ja onódicaiza rairuíño güiredicai. Mei íadi áfemona abí omoi rairuíocairi, mei dáarie íai: ínogafuena nai figo baitáñediai. Jánaraimo fecaca rille o ríana íai: fidiadi, afémacina fiénidifueмо baitatio. Afemona abí omoi rairuiri.

<sup>10</sup> Afe bie güille ráiruíñegaza onódio. Iemona jánaraimo dúide güirácomo güizájidio. Afe llezica ínogafuena nai figo baitáñedímie o güillana cióadi, afémie dáite: “Cue jiái cue güizájiticue,” dáite. Mei íadi afémie dibénemo, taino juzíñamuillaina jacíruillano afémacimo fecaca güille güite. Daí ie íllamona dama ie começi úrilla bécade.

<sup>11</sup> Iemona o ñue onóigafuedo, figo baitáñede o ama fiénidifue diné féiraitadio. Mei íadi Cristo jiái afémie jílluillena tíide. Jira o afémie féiraitalle fiénide.

<sup>12</sup> Afe jira, ínogafuena nai figo baitáñedímie fiénidifueмо afémie o ífóadi, áfedo Cristo fieni finódio.

<sup>13</sup> Ie jira rille cue ría ícoinia cue ama fiénidifueмо cue baitaiza, ja benómona jaca ríllena ríñeiticue. Daí cue illa jamánomo ñuera, afémie fiénidifueмо cue báitañeillena.



## 9

*Jesucristo orécamie buna ráiruñega*

<sup>1</sup> Ñue onóigaza, nana jiáie Jesús jiáinomo orécamiai izói, rairuñidicue. Mei cai Ocuíraima Jesuna afémaci íena ciona izói, íena jiái ciódicue. Iemo jiái omoi dani Jesumo íinogano cai Ocuíraimamo cue táijinamona comuide.

<sup>2</sup> Jiáimaci, “Bie Pablo Jesús oreñegamie” nibai cuena dáitiaoí. Mei íadi afe izói cuena dañidiomoi, ómoína cai Ocuíraimamo ja ínotadicueza. Iemona omoi dani Jesumo ínuamona, cuena bie uáfueña Jesús orécamie daítaite.

<sup>3</sup> Omoimona cue uáitatino uaina bie izói óitícue.

<sup>4</sup> Juzíñamuimo gairídino cuemo fecaca güille naa jirolle diga áfena cue llínolle bu cúemona rairuñede.

<sup>5</sup> Daje izói jítadicuena jiáie Jesús orécamie fínua izói, Jesumo ínotingona cue aina óredicue, cue diga jáicailena. Iemo afengo jitaille güille daje izói ómoimona llínoredicue. ¿Ero ua? Ua, cai Ocuíraima Jesús ámatiai naa Pedro diga, ringo ua izói, cue jiái afe izói ringona óredicue. Iemona afengo ómoimona ecárede.

<sup>6</sup> ¿Mei omoi nie izói comeci facádiomoi? ¿Nibai coco dáailinoi cue nabai Bernabé diga, nanómona coco ónoído táijinafueña fáicanocainidicoco, ñúefue coco llujillena? Mei íeñedeza.

<sup>7</sup> Mei daje izói ¿nie fuiríraima dama ie güille diga jáirena? Jáinide. Jaca afénomo ecácaza. ¿Nie come jíriconá ríadi áfemona afe llizíllajina afémie riéñede? Jaca afe izóidimie iñede; jaca afémie aféjiaina riéfirede. ¿Mei nie ovéjaiai úiñotimie ie úiñoga oveja monoi omida afémie jiróñede? Jaca afémie áfeji jirófirede.

<sup>8</sup> Fia come daina izói bífuiai cue llua daí omoi comécíñeno iri, mei jaiái Moisés cai ocuilla uai daje izói dáideza.

<sup>9</sup> Afe ocuilla uai cuiánicomo daide: Arroz izoide trigo, juráreto gájirillena záizia llezica, áfemona íaioi güilleza fue maíñeno iri. Ñue onóigaza, bífueña Juzíñamui dama juráreto jíicana daíñedeza,

<sup>10</sup> mei jiáifodo biedo Juzíñamui cai llote. Bie ocuilla uai cai ñue íllena cueba. Mei jii, jacafai tíeraima afénomona llizide raana otá güirede. Daje izói trigo gájirillena juráreto zaizítatimie áfemona otá güirede. Afemona afe íaillinoi güillena caimare ocuírídaiillinoi.

<sup>11</sup> Iemo ritímie rífirega izoide Juzíñamui uaillai ómoimo fueñe llotícue. Ie mei birui ómoimo ite bínie ráaniai abido cue maíñolle figora. ¿Mei nibai ómoimona bie áillue izói cíoide?

<sup>12</sup> Mei jiáie llófueraíni ómoimona íaioi güillena ófirediaioiza, ie mei bie cai afémaci baimo fia ecáregacai.

Mei íadi bie daina izói cai güillena ocuñedicai. Mei jiáifodo ómoimo ñúefue lluaíbitícue. Nana cue jitaiga ráaniai dama cue íbaca. Omoimona minícana fia oñédicue, cue lloga Cristo daina uaina omoi ruifíruiza daí.

<sup>13</sup> Mei jii, jiáifue ñue onódiomoiza, nana Juzíñamuimo gairíracomo táijifiredino afeco ie güilledo írediaioi. Bífue bie izói daíacade; nana Juzíñamui íóbitallena fecaca rille jobáiranomo táijifiredino, afénomo fecaca rillemona come jitáillaze otá rírediaioi.

<sup>14</sup> Mei birui cai Ocuíraima daje izói ocuide. Nana jíllona uai llócaidino, íaioi llófuega comínimona güillena otá güirediaioi.

<sup>15</sup> Mei íadi cue bie daina izói jaca finóñedicue. Daje izói bie cue cuezábedo ómoimona minícana fia jícañedicue. Güille ómoimona cue jícañenamona júbieri

tíidicuenta, afe figo cuemo ráifiñede. Raiñóñeno bie ñúefue cue llujáiri iere ióbídícue. Afe bie cue ióbillafue cue tilla baímo jamánomo ráífide.

<sup>16</sup> Jíllona uai cue llócaillado abina ínonídícue, mei afe llócaillena jóonegacueza. Bífue llócaíñedícuena jñi duere cue zefuilla!

<sup>17</sup> Ie jira, dama cue comeci jitailla izóí bífuena cue llócaíadi, Juzíñamuimona jirídoredícue. Mei íadi afe izóíñedeza. Juzíñamui cue nízano bie ñúefue cue llócaillena cue jóonete. Afena cue jaca jámairuinídícue.

<sup>18</sup> Iemona daíí cue llócailla jirídua jíáífodo jóide. Nie afe cue jirídoga daítana fia cue ióbillafue; mei raiñóñeno bie ñúefue cue llujáillari iere ióbídícueza. Nana cuemo dúide táijinana íbátáñedícue. Uai llóraíma izóí cue táijinamona, cuemo dúide ráaniai ómoimona raiñóñeno fia oñedícue. Aferi iere ióbídícue.

<sup>19</sup> Mei comínimona buna ráiruiñegacue, mei íadi nana comini ocuállimiena abí mamédícue, baímo aillo comínina Crístomo cue jaináitallena.

<sup>20</sup> Judíuai cígímo cue illa llezica, judío ímiena abido jáidícue, afémaci Crístomo cue jaináitallena. Bie izóí daína, Moisés ocuica uai anamo itínona Crístomo cue jaináitallena, afe Moisés lloga uai anamo abí jóonetícue. Mei íadi uáfueña afe ocuica uaimo dúíñedícue.

<sup>21</sup> Iemo jíáínomo, afe Moisés ocuica uai anamo íñédínona Crístomo cue jaináitallena, íaíoi izóidimiena jáidícue. Mei íadi uáfueña Cristo uai anamo cue íllamona Juzíñamui uai anamo itícue.

<sup>22</sup> Juzíñamuimo ínogafueña nai figo baitáñedíno cígímo cue illa llezica, afémaci izóí abí mamédícue, afémaci Crístomo íaíoi ínogafue cue móonaitallena. Bie izóí daína, nana comínimona illa dígamie íaíoi illa izóí íacadícue, mei níbai jíáífodo íaíoiimona dáarie cue jíllotallena.

<sup>23</sup> Nana bífuiaína finóíredícue cai jíllona uai jica jalléillena. Daje izóí bífuiaí finódícue, ñuera cai jíllotate uai caímo onótaga núefuiaína cue maíñólleza.

<sup>24</sup> Ja onóíomoiiza, jíáímacimona aillo comini áizia, illa dígamie fia jirídoga raana oñede. Dáamie jirídote. Mai riire omoi aizi, jiríдолle raa omoi jiríдолleza.

<sup>25</sup> Nana jífánuafuemo maméritino, jífánoiacana úcodo abina náínitade raana fímaidiaíoi. Afémaci iere abina fímaidiaíoi, raíre zábífirede raa íaíoi jiríдолlena. (Mei aféruillaído íaíoi jirídoga rábiaí finoína ífo icuífoí are íñeno raíre etúdeza.) Mei íadi jíáímaciri fuírienaila izóí, riire nícidotícai, jaca ninomo zábinide raa cai maíñólleña.

<sup>26</sup> Cue díbenemona únidímie izóí ebena aizíñedícue. Iere níciduano, come jana fatímie izóí táínona fañédícue, mei íadi comini ñue ínotallena riire nícidotícue.

<sup>27</sup> Mei jíáífodo abí fímailla izóí cue abina duere finódícue. Daíí abí cue rairuállamona dama cue abina ñue jíeruitadícue. Bie izóí finóicaidícue, jíáímaci cue llócailla mei, ruífruillano Juzíñamui jino cue dótañeillena.

## 10

### *Jánaraimo caimátáíredíno llea uai*

<sup>1</sup> Cue ámatiaí, bífuena ómoína fídítaacadícue. Nana cai jaiáídígíma Juzíñamui jóonega mona uílliena eroide raa anado jáioicaidiaíoi. Daje izóí nana afémaci Jáírede Monáíllaina ruica jaitádiaíoi.

<sup>2</sup> Daíí íaíoi jáíllamona afe mona uílliedo, daje izóí monáíllaido dájena Moiséoíri jaináitagaíoi.

<sup>3</sup> Daje izóí nana afémaci Juzíñamui monámona cocítaga güille güífrediaíoi.

<sup>4</sup> Iemo nana afémaci afe Juzíñamui noficimona totátaga jainoi jirófirediaioi. Mei íaioi jáioicailla llezica afe íaioi nabáioicaide jamánomo riírede nofici llócuca jiródiaioiza. Afe nofici daina Cristo.

<sup>5</sup> Mei íadi afémaci nabézie Juzíñamuina ióbitañede. Iemona zaféredizicimo tícoizitiaioi.

<sup>6</sup> Nana bífuiai cai onóillena daí íficaide, afémaci gaiga fiénidifuiaina cai gáñeillena.

<sup>7</sup> Afémacimona dámerie jánaraimo caimátailla izói omoi caimátaiñeno iri. Juzíñamui Cuegáuai íaioi finócafuena bie izói daide: “Afe comini fia ráinaillano güfirediaioi, jirófirediaioi. Afe mei náidacaillano rafue finoda záifirediaioi.” (Daí íaioi jánaraimo caimátaitiaioi.)

<sup>8</sup> Afémacimona dáarie jiruúrena izói, mai cai íñeilli. Daí íaioi jiruúrenamona afémacimona daje monado veintitrés mil dígamie titácaiaioi.

<sup>9</sup> Afémacimona dáarie Juzíñamui afémacimo raire járitañenafuena náfueño, fiéni íena facátatiaioi. Afemona díga comini Juzíñamui oreca jaio ainica íaioi tílla. Mei jira, afémaci Juzíñamui fiéni facátaja izói mai íena cai fácatañeilli.

<sup>10</sup> Daje izói Juzíñamuimo omoi ríriñeno iri. Mei afémacimona dáarie Juzíñamuimo ríriñllano úrioidino titade Juzíñamui abi ímie titácaiaioi.

<sup>11</sup> Nana bífuiai cai jaiáidigimamo íficaide, áfena cíoillano comini bífuiaimona ñue abi cai rairuúllena. Afe mei, cai onóillena Juzíñamui afe bífuiai ie Cuegánicomo cuetátate, afe izóidifuiamona cai bigímaiai ñue abi cai rairuúllena. Mei ja birui írairuúllaimo itícaiza.

<sup>12</sup> Mei áfemona, “Ñue ínotícue” daídímie daítadifuemona ñue abi rairuiri, afémaci izói cai báñeillena.

<sup>13</sup> Omoimo comuide facátaina duere zefuúllafui, daje izói nana jíaimacimo comuide, dani ómoñedeza. Mei íadi Juzíñamui jaca ínofiregamie. Mei onódicaiza, Juzíñamui caimo ite máirie baimo, riírede facátafuedo caina fácatañeite. Mei jíáfodo facátafue comuilla llezica Juzíñamui áfemona omoi jílluille iona ómoína onótate. Afemona afe facátafuena ja ñue ocuúrediomoi.

<sup>14</sup> Ie jira, cue izíruiga ámatiai, jánaraimo caimátaillamona oni omoi jírecairi.

<sup>15</sup> Ráfuena baitádinomo úrilla izói ómoimo úritícue, íemo ómoína cue daíllifuemmo dani ñue comeci omoi facari.

<sup>16</sup> ¡Cácareil! Cai Ocuúraima tíllamo cai úbicaillena, ñue finoca comunión illácurimona cai jiróadi, Cristo díena dájena caimare mamécacai. Daje izói afe illa dígamie fecaca comuniómo jainaide pan, cai güíadi, Cristo abina dájena caimare mamécacai.

<sup>17</sup> Aillomaci cai íadi, daje pan cai güíllamona daade come abina iticai.

<sup>18</sup> Mai Israel nairai finoca ráfuiaimo comeci omoi facari. Juzíñamuimo fecaca rílleniai ritino, afe fecaca ríllemo dájena mamécaiaioi.

<sup>19</sup> Bie cue dánamona jánarai ua raaza dáicañedicue. Daje izói, afe jánaraimo caimátaillena fecaca rílle, jíae rílle baimo ráfideza dáicañedicue.

<sup>20</sup> Cue daina bie izoide: Juzíñamuina onóñedino fia iga raa afe jánaraimo íaioi feca llezica, afémaci Juzíñamuimo fecáñediaioi; mei fiénide joriaimo fecádiaioiza. Afe fiénide joriai anamo dájena caimare omoi itábicairi, daíñedicue. (Daítademona ómoína rairuúacadicue.)

<sup>21</sup> Fiénide joriai ichécoimona omoi jírua llezica cai Ocuúraima ichécoimona jirónidiomoi. Daje izói fiénide joriaimo mameca rílleniai omoi ría llezica, cai Ocuúraima mameca comunióna güínidiomoi.

22 ¿Meita cai Ocuíraimana ríicaitaacadiomoi? Jaca daií íacañedicai. ¿Meita cai Ocuíraima baimo ríirediomoi, afémie duere omoi fínoñellena? Jaca daií ríinidicai.

*Crístomona comuide conímana cai izíruillafue cai rairuíninafue baimo ñuera*

23 Uáfueña daina. Dámie ie comeci jítaina izói fínuana rairuínide. Mei íadi afe izói illa cómena canóñede. Mei uafue, dámie ie comeci jítaina izói írede, mei íadi afe ie comécina mánaitallena ñue canóñede.

24 Dani omoi ñue illifue jenóñeno, jiáimaci ñue illifue jenórediomoi.

25 Fecáriracomo nana fecaca gülleniai jiáfodo o ifoci úrillado jicánoñeno uái daií omoi güiri.

26 Mei nana bínie Juzíñamuimo dúideza naa áfemo ite rílleniairi.

27 Mei jiáiruido Juzíñamuimo ínoñedimie ona: “Güizaibi” daiíadi, jaillano jiáfodo ifoci úrillado jicánoñeno nana o ie écajana uái daií güiri.

28 Mei íadi dáamie: “Bie líiciai jae jánaraimo fecácaza,” ona daiíadi, áfena riñeno iri; daií daidímie comeci fiени o fínoiza. Daje izói afémie ifoci úrilla o úaitañelleza.

29 O ifoci úrillana lloñédicueza, afémie ifoci úrilla o zánoñeillena, daií daidicue.

Mei nibai dáamie jicánoite: “¿Nibái mei jiáie come ifoci úrillado rairuícacue?”

30 Nana cue güigari Juzíñamuina: Figora cue daiía, nibái mei jiáima cue güillari fiени úrite,” daií afémie dáite.

31 Iemona bizóidifue ñuera: Omoi güilla llezica, omoi júrua llezica, nana omoi jetáacaigafue jeta llezica, mai nana afe omoi finóacaigafuiaina Juzíñamui ióbillena finori. Afe daií aillo ñúfue íemo nítaitiomoi.

32 Ninó jiáimana oni nibéfodo fiениdifue mo o illáfuedo baiítañeno iri. Ua, judíuaina baiítañeno iri, daje izói judíoñedinona baiítañeno iri. Iemo Juzíñamuimo ínotinona baiítañeno iri.

33 Cue dibénemona, nana comínina nana cue finócafuiaido ióbitaacadicue. Dama cue ñue illifue jenóñedicue, mei jiáfodo nana jiáimaci ñue illifue jenódicue, ñue íaioi jíllloillena.

## 11

1 Cristo ciótaga ñúfuedo cue jailla izói, ómoimo cue ciótaga ñue illáfuedo omoi jairi.

*Juzíñamuimo cai caimátaifrena llezica, ringóniai jaca jiáimacina lletánidiaioi*

2 Cue ámatiai, ómoimo ñúfue nítaiticue mei cuemo uibíoifirediomoi. Daje izói omoi cue llófuiana jeire uano áfedo jáifirediomoi.

3 Mei íadi ja birui jiáifuena omoi onótaacadicue. Bifue bie izoide. Cristo nana íñiaí ifoci izói Ocuídímie. Iemo nana ringo ie ini ocuica; afémie afengo ífódímie. Afe izói Juzíñamui Cristo ifode.

4 Iemona dáamie Juzíñamuimo úrilla llezica, ie ifoci ibaia, afe ie ífócina meaire finode, mei ifoci ibailla jiáie come ocuilla anamo íllana llóteza. Daje izói Juzíñamuimona onoiga uai afémie llua llezica, ifoci ibailla ie ífócina meaire finode.

5 Mei jiáfodo, daa ringo Juzíñamuimo úrilla llezica, íemo Juzíñamuimona onoiga uai llua llezica, afengo ie ifoci íbaíñenia, afe afengo ífócina meaire finode. Afe íbaíñena afengo ífo itirai nana cuidoca izoide.

6 Daa ringo ifoci íbaiacañeniadi mei dáaruido nácina cuidórede. Mei nácina cúidocana, ifoci íbaíñena daje izói meáirede. Mei íadi ringo ie ifoci naado cúiduana meáiruiadi, afengo ifoci íbaírede.

<sup>7</sup> Íñiaí íaíoi ifócina íbáinidiaíoi, mei iima Juzíñamui jánana eróideza. Daje izói iima Juzíñamui ñue ocuilla ríinona jino cíotatímieza. Mei íadi ringo iima ñue ocuilla ríinona jino cíotaite. Uáfueza, Juzíñamui íñiaí anamo íñena izói, afe izói íñiaí ringóniaí anamo íñede.

<sup>8</sup> Mei iima Juzíñamui fínua llezica, ringómona finóñedeza. Mei jíáifodo ringo ímamona finócaza.

<sup>9</sup> Ima jitailla jira ringo finoca; mei íadi ringo jitailla jira iima finóñega.

<sup>10</sup> Afe jira ringóniaí ifócina íbáirede, afengo ie ini ñue ocuícana anamo illa daíllena. Daí írediaíoi mei Juzíñamui abí imaci eróicana itíaíoíza.

<sup>11</sup> Mei íadi Crístomo cai jainaina dino iima ringónino ínide. Daje izói ringo ímanino ínide.

<sup>12</sup> Mei uáfueza ringo ímamona finoca, daje izói uáfueza naga íñiaí ringo jéciga. Iemo nana Juzíñamui comuítagacai.

<sup>13</sup> Bíemona ¿nie izói comécidiomoi? conímamo omoi daini. Ringo ifoci íbáíñeno Juzíñamuimo úriadi, meita figora, nibaí figóñede. Mai daini.

<sup>14</sup> Nanómona omoi izóidino griego imaci onógaza: Ima ífótirena baiñede; meaire cíoideza.

<sup>15</sup> Daje izói afe abina cai onónafue jíáifuena dáanomo cai llote. Ringo ífótirena ñue baite, mei áfedo aféngomo ñúefue nítaitiaíoi. Jaca afe ringo ifoci íbáillena, ie ífóti áretina comuítaga.

<sup>16</sup> Mei dáamie bizóidifue júfidoacaniadi, bie cue llógamo mai cacai, mei Cristo orécamací cue diga jíáifoidifueña náfueñedicai. Daje izói Juzíñamuimo ínotino bifue baimo jíáifo maméñediaíoi.

### *Cai Ocuíraimamo cai uibíñoga güilla rafue jíáimaci bácaca*

<sup>17</sup> Bie izói cue dáinado ómoimo ñúefuena nítañeiticue, mei omoi gairíllafuiaimo ñue íñeno, conímama fieni finódiomoiíza.

<sup>18</sup> Fueñe bifue llóiticue. Dámierie omoi illáfuena cue fídítatiaíoi. Juzíñamui cáimacaillena omoi gairilla llezica, jíáimana énenoruidiomoi, daidíaíoi. Afémaci cuemo llógana jabo ínoticue.

<sup>19</sup> Afe eneno bozíetaillafue comuífiredeza, nibézie Crístomo nahí ínotinona, nibézie ínoñedinona jino uáfodo daíllena.

<sup>20</sup> Conímama omoi énenoruillamona, bie izói zúide. Gairíllano omoi güillafue omoi bácacaza, ja birui áfena cai Ocuíraima íeñede.

<sup>21</sup> Mei güizájillamo dúcina llezica, illa dígamie dama ie atica güille güizájillena jaritáifrede. Iemo dáarie júfíruilla llezica, jíáimaci jífáizaíbitiaíoi.

<sup>22</sup> ¿Meita birui omoi jofónidiomoi, afénoimo güitá omoi jiróllena? Bie izói omoi íllado Juzíñamuimo nahí ínotinona jámairuitiomoi. Afe dáaruído güíllenidinona meáruitadiomoi. ¿Mei nie izói ómoína dáíiticue? ¿Mei ómoimo ñúefuena nitáredicue? ¡Aferi ómoimo ñúefuena nitánidicue!

### *Cai Ocuíraima íraicaiño güíllamo cai uíbicaillafue (Mt 26.26-29; Mr 14.22-25; Lc 22.14-20)*

<sup>23</sup> Uáfueza, cai Ocuíraimamo cai uibíñoga güillafue fieni omoi fínua mona, ómoimo ñúefue nitánidicue. Mei nauí ómoína cue daina izói, bie omoi cue llófuiafuena dama cai Ocuíraima llotátacagacueza. Afefue be ñie: Cai Ocuíraima Jesús afe ie Judas fécaja naío, pan llínote.

<sup>24</sup> Llínuano Juzíñamuina: “Iere figora” daide. Daina méifodo fécano daide: “Mai omoi güi. Bie cue abí; omoi ñue íllena dítaica izói ómoimo cue fecácaza. Bífuedo cuemo omoi uíbicaífireiri,” daide.



<sup>25</sup> Daje izói íaiói güilla méifomo, jiróracuri llínota daide: “Afe bie jiróracuri eromo ite iji, ómoimo cue comuítalle cómfuena ómoína onótate. Afe bie Juzíñamuimo dájena omoi jaináitalle cómfuena cue die uáfueña ífcaitate. Diga ícaíño bie íjimona omoi jiróadi áfejido cuemo omoi uíbicaifireiri,” daide.

<sup>26</sup> Nana bífuiai jira, Jesucristo nai meine ana biñena llezica, nágaruillai bie pan omoi güiadi, íemo bie jiróracuri ero iji omoi jiróadi, áfedo Jesús cai ícoínia tíllana jino uáfodo llóitiomoi.

*Afe bie cai Ocuíraimamo cai uíbicaillafue jaca ñue comécillamona finórede*

<sup>27</sup> Mei jira, nie come bie paana Juzíñamuimo ñuefuena nitáñeno güiadi, daje izói afe jirócaji afémie fiñi jiróadi, afémie cai Ocuíraima abi naa ie die diga fiñi finode.

<sup>28</sup> Ie jira, illa dígamie nai afe pan güiñena llezica ie ifoci úrillana ñue onórede; daje izói áfeji ie jiróacana llezica áfena onórede.

<sup>29</sup> Mei onóigaza afe pan Cristo abina caina onótate. Dámie aféfuena ñue náfuéñeno ebena güiadi, afe daí ie güíllamona dama Juzíñamui íena duere fínoite. Daje izói dama Juzíñamui ie duere finólliji jírua izoide.

<sup>30</sup> Daí omoi íllamona ómoimona aillo irárediaíoi. Jáie comíni náinidiaíoi. Iemo daje izói dáarie tíidiaíoi.

<sup>31</sup> Mei jíáfodo dani cai ifoci úrillana ñue cai náfueia Juzíñamui caimo riire jícanoñeite.

<sup>32</sup> Mei íadi cai Ocuíraima riire caimo jícanoíadi, afe jícanuado afémie izire caina lletade bíniemo ite Juzíñamuimo íñoñedíno diga cai duere fínoibíñeilla.

<sup>33</sup> Mei cue ámatiai, bie izóideza: Comunió gütállena omoi gairíadi, dámie raire güiñeno dájena omoi gütálleza conima omoi úñori.

<sup>34</sup> Dámie ie jufíruiadi dama ie jofomo güizájirede, fiñi omoi gairílledo Juzíñamui duere omoi fínoiza daí. Ico omoi cue eróizaille llezica, omoi jícala jíáfuijai jáicína jóoneiticue.

## 12

*Juzíñamui Ñuera Joreño illa dígamie Juzíñamuimo cai táijinana fibíllena caimo fecade*

<sup>1</sup> Amatiai, Juzíñamui Ñuera Joreño illa dígamie fecaca Juzíñamuimo táijinana fibíllena ómoína fidítaacadícue.

<sup>2</sup> Ñue onódiomoiiza, nai Juzíñamuina omoi onóñena llezica, úrinide jánarai anamo íllena cuinada zonóicaigaomoi.

<sup>3</sup> Iemona: “Bífuena omoi onóiri,” daidícue. Jesuna faidódímie jaca Juzíñamui Ñuera Joreñodo úrinide. Daje izói Juzíñamui Ñuera Joreñodo úriñedímie jaca uáfueña, “Cue Ocuíraima Jesús” daíñide.

<sup>4</sup> Illa dígamie afe fecaca jíáiforie Juzíñamuimo táijinana fibíllena ite. Mei íadi aféfuiai daade Juzíñamui Ñuera Joreño fecácaza.

<sup>5</sup> Illa dígamie jíáiforie conímána canóredícai, Juzíñamui ocuícamacína cai íllena. Mei íadi daade cai Ocuíraima anamo itícai, ie cai íóbitallena.

<sup>6</sup> Illa dígamie cai illafue ñue jáicína jóoillena, Juzíñamui diga jíáiforie caina ocuíoide. Mei íadi daade Juzíñamui nana comínína ocuíoide.

<sup>7</sup> Juzíñamui Ñuera Joreño caido jáicanána cai ónoillena facáfírena raana illa dígamie Juzíñamui fecade, nana jíáimaci cai canóllena.

<sup>8</sup> Ie jira Juziñamui Ñuera Joreño dáamie iere baitádimiena jáillena íena fibítate, jáíamací llófuellena. Iemo jáímiena daje Ñuera Joreño nimáiraima úrifirena izóí úrillena íena fibítate.

<sup>9</sup> Iemo jáíamací afe daade Ñuera Joreñodo jamánomo Juziñamuimo ínotagaiaioi, áfedo jáíe Juziñamuimo ínotino ñue canóllena. Ie mei jáíamací iráredino jíllotaraimana fibítagaiaioi.

<sup>10</sup> Iemo dáarie uaido dáinamona comuide raa fínuana fibítagaiaioi. Iemo jáínona Juziñamui daina uai uáfodo jino llóllena fibítagaiaioi. Iemo jáíamacina nie ua Ñuera Joreñodo úrillana daje izóí nie taino joriaido úrillana onóillena Juziñamui fibítate. Iemo jáíamacina nai llófueñega jáíforiede uáillaído úrillana onóillena fibítagaiaioi. Iemo nai jáíamací afe daina uailai ñue jino dobáíñuana onóillena fibítagaiaioi.

<sup>11</sup> Mei íadi nana bífuiai daade Juziñamui Ñuera Joreño fecaca. Ua dama ie óiacana izóí, illa dígamie mo jáíforiede fibíllafuina fecade.

### *Nana cai bie dáamie abimo dúidicai*

<sup>12</sup> Bífuiai nana bie izóí jóide, mei Cristo íemo ínotino díga, daade abi izóideza. Afe daade abimo jáináidinuiaina aillo ite. Mei aillo ite íadi, nai afe abi daade.

<sup>13</sup> Afe izóí aillo jáífoidinona cai íllamona, nibai judíodicai, nibai griégodicai afe jaca mámeñega. Mei daade Ñuera Joreñodo nana cai daade abina jáináitagacaiza. Daje izóí nibai rairuicanodicai, nibai ráiruiñeganodicai daje abina iticai. Ua daade Juziñamui Ñuera Joreño daade abina finóccai. Afe daade Juziñamui Ñuera Joreño úicaitagacai.

<sup>14</sup> Cai abi daje izóíñede, mei díga ráaniai daade abimo jáináinaza.

<sup>15</sup> Mei jí, come eiba: “Cue bie ónoñedicueza daje abí íñédicue,” daííadi, daí dáiñado daje abimo ie jáináinana uáitanide.

<sup>16</sup> Daje izóí come jefo: “Cue bie uíjñedicueza daje abí íñédicue” daííadi, daí dáiñado daje abimo ie jáináinana uáitanide.

<sup>17</sup> Mei cai abi nabáinino daa uíjí íadi ¿nie izóí cácaiticai? Daje izóí cai abi nabáinino daa jefo íadi ¿nie izóí jálliana cácaiticai?

<sup>18</sup> Mei íadi nana cai abimo jáináidinuiaina, afe abimo ñue baitínuiamo, Juziñamui ie comeci jítaina izóí jóonete.

<sup>19</sup> Nana cai abi dáadeniadi afe nabáíñiai illino íñede. Ua abi íñede.

<sup>20</sup> Mei íadi ja onódiomoiza, dáamiemo jáináidinuiaina aillo ite, íadi jaca ie abi daade.

<sup>21</sup> Daje izóí nane jáífue, cai ui ónoina: “Ona jítaíñedicue” daíñide. Daje izóí ífoci eíbana: “Ona jítaíñedicue” daíñide.

<sup>22</sup> Mei jáífo do cai abimo ite mairíñedino iere jamánomo jítaírede.

<sup>23</sup> Daje izóí cai abimo ite figo coméciñegano áfena iere ñue uíñotícaí. Iemo cai abimo jino uáfodo cíotanidinona, áfena íniróido ebire finode.

<sup>24</sup> Mei íadi cai abímona uáfori cíoidino cíotanidino izóí ebire finónidiaioi. Bie izóí Juziñamui cai abimo itínuiaina dájemo jofo ñue zorode, cai figo coméciñegano ñúefuena jamánomo cai nitállena.

<sup>25</sup> Juziñamui daíí zorode, cai abimo itínuiái conímama énenoruiñeillena. Mei íadi jáífo do illa dígano conímamo comeci úrede.

<sup>26</sup> Come abimo itínuiaimona daano izi cácana llezica, nana jáínuiái daje izóí duere zéfuitiaioi. Daje izóí dáanomo ñúefue nítano caimare íadi, nana jáínuiái dájena caimare itíaioi.

27 Mei jira bie izói nana omoi Cristo abídiomoi. Omoimona illa dígamiaí daa ie abímo itínuaí izóidiomoi.

28 Afe jira Juzíñamui jiáifodo tájinana dáarie íemo ínotinomo jóonete. Nano fueñe Cristo orécamaci jóonete. (Afémaci jiáifo mameina ie apóstoles.) Afe mei jiáinona Juzíñamuimona ogáfuaí uáfodo jino llotino jóonete. Afe mei nane jiáinona ie uai llófueraini jóonete. Iemo uaido dáinamona raana comuítatino jóonete. Iemo iráredino jíllotaitino jóonete. Iemo jiáimacina canófredino jóonete. Iemo jiáimacina ocuífiredino jóonete. Iemo nai llófueñega jiáizie uáillaído úritino jóonete.

29 ¿Meita cai nana Cristo orécanodicaí? Ieñedicaí. ¿Meita nana cai bie Juzíñamuimona ogáfuaí uáfodo jino llotínodicaí? Ieñede. ¿Meita nana cai ie uaina llófuetinodicaí? Ieñede. ¿Meita nana cai bie uaido raana finódinodicaí? Ieñede.

30 ¿Meita cai bie iráredinona jíllotaredicaí? Jíllotanidicaí. ¿Meita cai bie nana nai llófueñega jiáizie uáillaído úritinodicaí? Ieñedicaí. ¿Meita cai bie nana aféuai dobáiñuano jino uáfodo llóredicaí? Jaca nana llónidicaí. Dámierie dobáiñorediaíoi.

31 Mei ie jira, nana bie fibíllafuiaimona baimo ñuera fibíllafuaina Juzíñamuimona omoi óllena afe omoi nícidori. Mei íadi afe fibíllafuaí baimo, jiáie ñúefuena ómoimo llófueiticue.

## 13

### *Jiáimana cai izíruillafue*

1 Mei uáfueza, nai llófueñega jiáizie uáillaído úrillana cue fibíadi, íemo afe baimo Juzíñamui abi imaci úrilla izói úrillana daje izói fibídícue ia, mei íadi jiáimana cue íziruiñeniadi, fia taino ficírede juai izóidícue. Iemo jiáie taia ficírede lloéturu izóidícue.

2 Daje izói Juzíñamuimona ogáfuaí jino llúana cue fibíadi, íemo nana nai uáfodo onóñegafuaí llúana cue fibíadi, íemo jamánomo nimáiraímana cue jáiadi, íemo idu jáinua Juzíñamuimo ínogafue cuemo íadi, mei íadi jiáimana cue íziruiñenia, táinomo fáifíticue.

3 Daje izói, nana cuemo ite ráaniaí jiáimaci canóllena fia cue fecáadi, íemo Juzíñamui íóbitallena dama cue abi cue jobáitaiadi, mei íadi afe llezica jiáimana cue íziruiñenia, nana cue finócafuaí cuemo ráifiñede.

4 Mei jiáifodo, jiáimana izíruitimie jaca járitaiñede. Afémie dúecaifirede. Daje izói úradoifinide, íemo afémie uícofiñede, íemo fieni abí íinoñede.

5 Daje afe jiáimana izíruifiredimie meáiredifuena jaca lloñede, íemo afémie ie abina jacire maméñede, íemo afémie jaca ráicaifinide. Jiáima fiénidífue íemo finóadi, fieni comécíñeno raire féitate.

6 Afe jiáimana izíruitimie jiáimaci fiénidífuaí fínuari zúureite, mei jiáifodo ua ñúefueri íóbifirede.

7 Nana íemo comuídífuaíri caimare ocuide. Raire járitaiñeno aféfuiaímo ñue úiñoode. Juzíñamuimo izire ínuano aféfuiaíri jacínaiñeno ñue ocuírude.

8 Izíruillafue zíñona jaca záíñeite. Mei íadi Juzíñamuimona uícodo onoiga ráfuaí záite. Daje izói jiáimaci uáillaído úrilla llícaite; íemo daje izói ífócido onóigafuaí záite.

9 Mei biruíllaído cai ífócido onóigafuaí ñue ícoimo baitáñedicaíza, jabo onódicaí. Daje izói Juzíñamui uícodo onoiga ráfuaíimona due jino lloticaí, mei due onódicaíza.

<sup>10</sup> Mei íadi uire Juziñamui nana ráfuiái caimo baitálliruimo afe ícoimo ñue báitañegafuiái fáicanocaille.

<sup>11</sup> Nai cue úruena llezica úruiaimo itífuiaido úriticue. Urue comeci fácaja izói, comeci facádicue, íemo úrue ifoci úrilla izói iticue. Mei íadi ja cue móonaila llezica, úrue illa izói cue illáfuiaina fáicanocaidicue.

<sup>12</sup> Daje izói birui Juziñamui dibénemo cai onóigafuiái jaicuíbicaide. Dámie jáiara acáranimo figo cíoiñena izói afe izói Juziñamui ífuiaina birui figo baitáñedicaí. Mei íadi íco jáíruido nana ñue báitaiticaí. Birui cue ifoci úrilla figo déiñedeza, jabo onódicue, mei íadi aféruido nana ñue ónoiticue. Jií, Juziñamui cuena onona izoi ñue jaícina ónoiticue.

<sup>13</sup> Mei daíí Juziñamuimo ínogafue, íemo jiái ocuírinafue, íemo jiái izíruillafue jaca zíiñona féiñeite. Bie daámanidemona izíruillafue iere jamánomoide.

## 14

<sup>1</sup> Mei ie jira, afe izíruillafue iere jeire omoi oiri. Afe ua llezica Juziñamui Ñuera Joreño fecaca jiáíforie táijinana fibíllena izire omoi jenori. Omoi jenolle llezica, Juziñamuimona onoiga uai jino llua baímo izire jicari.

<sup>2</sup> Mei íadi dámie nai llófueñega jiáízie uaido úriadi, dama Juziñamuimo úrite. Comínimo úriñede; mei afémie úrillana buna canóñenaza. Afe ónoñega uaido úritimie Ñuera Joréñodo úrite, mei íadi afémie daina uai uáfodo onóñena báinino jóoide.

<sup>3</sup> Mei jiáífodo afe Juziñamuimona onoiga uai llotímie, comínimo úrite íaiói joreño dibéfuemo íaiói ñue móonaitallena; daje izói ñue íaiói náireillena, íemo jiái íaiói caímare fírallena.

<sup>4</sup> Afe jiáízie uaido úritimie dama ie joreño dibéfuemo móonaite; mei íadi afe Juziñamuimona onoiga uai llotímie, Juziñamuimo jaínáidinona ñue móonaitaite.

<sup>5</sup> Afe nai llófueñega jiáízie uaido úrillana nana ómoiena jitáidicue. Mei íadi Juziñamuimona onoiga uai jino omoi llóllena iere baímo jitáidicue, mei afe onoiga uai jino llua, jiáízie uaido úrilla baímo ráífide, Jesucrístomo ínnotino aillo móonaitallena. Mei íadi afe jiáífoide uaido úritimie úrilla dobáñoraíma íadi, afefue ñuera; mei áfedo nana Juziñamuimo jaínáidino daní íaiói joreño dibéfuemo daje izói ñue móonaitaíoiiza.

<sup>6</sup> Ie jira ámatiaí cácarei. Uire omoi cue uáiduaíbia omoi cígiri Ñuera Joreño úritate jiáízie uaido cue úriadi, cue úrilla ómoimo due jiza ráífiñede. Mei jiáífodo Juziñamui caímo onótagafuiaido cue úriadi afefue ómoimo ráífide. Daje izói omoi ifoci ua uaina cue déitaiadi afefue ráífide. Iemo daje izói Juziñamuimona onoiga uai ómoimo jino cue lloia afefue jiái ráífide. Daje izói omoi cue llófuia ráífide.

<sup>7</sup> Mai nana omoi rúado taiga raamo ñue coméciri, áfemona ñue onóillena. Afe raa jaca comécinideza. Be totíbacui, íemo arpa, íemo juai díga caímare ficire úrite, mei íadi jiáíma fiéni taia, áfena cacáidino afe úrilla uaina ónoñeítiaíoi.

<sup>8</sup> Daje izói comini jobáiriacana llezica, uáidua juai táíñeniadi comini figo áfemo mámeriñeítiaíoi.

<sup>9</sup> Afe izói ómoimo íficaide: dáamie jiáífoide ónonide uaido omoi llófueia ie dáinana bu onóñena. Afémie táinomo úrite.

<sup>10</sup> Uáfodo onóigaza; bie éniemo díga jiáíe nairai uaillai ite. Afe uáillaina onóidinomo nana aféuaillai ñue baite.

<sup>11</sup> Mei íadi cuemo úritimie uaina cue ónoñenia, afémiemona jicánemiedicue. Daje izói afémie cúemona jicánemie.

<sup>12</sup> Ie jira, afe Ñuera Joréñomona fecaca táijinana fibíllena omoi iere gaina llezica, mai Juzíñamuimo jaináidinona ñue móonaitallifuiaina iere izire omoi jicari.

<sup>13</sup> Afe jira nai llófueñega jiáizie uaido úritimie afe ie daina uaina ñue jino llúana fibíllena Juzíñamuimo jicárede.

<sup>14</sup> Mei jiáizie uaido Juzíñamuimo cue úriadi, ua cue joréñodo úriticue, mei íadi cue ifoci úrilla, táijiñeno oni eneno ite izoide.

<sup>15</sup> Mei íemona ¿ñifue fínoiticue? Cue joréñodo naa cue ifoci úrillado Juzíñamuimo úriredicue. Daje izói cue joréñodo naa cue ifoci úrillado afémie mo róredicue.

<sup>16</sup> Mei jii, dama o joréñodo Juzíñamuimo o úriadi o áinori ite, áfemo fibítañega cacáreidimie, Juzíñamuina figura o daiífirenafue dibénemo ínide. Mei o dainana onóñedeza.

<sup>17</sup> Mei nibai Juzíñamuina figura o daiífirena Juzíñamuimo ñue cacaide, íadi jiáimana dama ie joreño dibénedo ñue móonaitañede.

<sup>18</sup> Nana omoi baimo jiáizie uaido úriredicue. Aferi iere Juzíñamuina figura daidicue.

<sup>19</sup> Mei íadi Juzíñamuimo jaináidino gairífirena llezica, ónoñega jiáifodo jóide uailai baimo, jubeba diga ñue onoiga uai cue dainana gáidicue, jiáimaci cue llófuellena. Mei íadi diez mil féirede jiáizie uai afémaci cígimo cue úrillana gáñedicue.

<sup>20</sup> Amatiai, úruiai comeci faca izói, afe izói comeci omoi facáñeno iri. Mei jiáifodo éicomini izói comeci omoi facari. Mei íadi fiénidifue dibénemo jézinidino izói omoi iri.

<sup>21</sup> Jaiai cai ocuilla uai ciegánicomo Juzíñamui íemo cacáacañede Israel náiraina bie izói daide:

–Bie náiraina jiáie uáillaído úritinodo duere fínoiticue; onínemacido íaioi llétaiticue.

Mei íadi afe bie uaido nai cuena náfueñeitiaioi.

Daíi cai Ocuíraima daide, –aquíe izói ie uai llote.

<sup>22</sup> Mei daíi afe jiáizie uaido úrillana fibíllafue Juzíñamuimo íñoñedinomo dúide, jiáie onótate raa izói íaioina onótallena. Ínotinomo dúíñede. Mei íadi Juzíñamuimona onoiga uai jino llúana fibíllena Juzíñamuimo ínotinomo dúide, jiáie onótate raa izói íaioina onótallena.

<sup>23</sup> Mei jira nana Juzíñamuimo jaináidino dáanomo gairilla llezica, íemo nana omoi jiáizie uaido omoi úriadi ie mei áfemo fibítañega íñoñedinomo omoi cígimo bíadi, nibai “Uáiritaidino izóidiomoi,” dáititiaioi.

<sup>24</sup> Mei jiáifodo Juzíñamuimona onoiga uai jino omoi llua llezica, íemo fibítañega íñoñedimie omoi cígimo bíadi, ie comécimo ite fiénidifuena uáfodo ónoite. Nana omoi dainana cacáillano afémie dama ie comécina méiñotaite.

<sup>25</sup> Afe daíi dama ie comeci onóigafuiai jino cíocaillamona, cañícido ana dújullano Juzíñamuina cáimadoite. Iemona: “Uáfuenta, Juzíñamui omoi cígiri íteza” dáite.

### *Omoi gairilla llezica nana omo llóllifuijai jaicuíñeno jaícina lloiri*

<sup>26</sup> Mei jira, amatiai, omoi gairíllifuijai bie izói írede: Omoi gairilla llezica ómoimona dáarie Juzíñamuimo rollírua jino llóiacade. Iemo jiáimie llófueacade, íemo jiáimie Juzíñamui íena onótagafue jino llóiacade, íemo jiáimie jiáifoide uaido úriacade, íemo jiáimie afe jiáizie uaido úrilla jino dobáiñoiacade. Nana bífuiai ñuera. Mai bífuiai daíi íteza, Juzíñamuimo jaináidino ñue móonaillena, daje izói íemo nai íñoñedinomo ínotallena.



27 Jiáizie uaido omoi úriadi mena come dáaruido úrinide. Jiáimie úrilla llícailla méifomo úriri. Daámani come daí úrrede. Naga come jiáifoide uaido úrilla fuíllamo ie lloga uai dobáñorede.

28 Mei íadi uai dobáñoitimie íñeniadi, mai nie izói jiáifoide uaido daíñeno iri. Dámie úriacania dama ie comécido Juzíñamuimo úriri.

29 Daje izói afe Juzíñamuimona onoiga uai llotínomona damieámani úrrede, íadi daje llezica úrinidiaíoi. Llotímie fuilla méifomo íemo cacáreidino fairíorediaíoi, ie dáinana ja Ñuera Joréñomona comuide, nibai íeñede daíllena.

30 Mei íadi dámie uai jino lua llezica, Juzíñamui jiáie ana ráidimie mo jiáfue íena onótaiadi afémie raire fueñe úritarede. Nano fueñe úritimie ie úrillana fáicanocairede.

31 Afe daí nana omoi Juzíñamuimona onoiga uai llotino llórediaíoi. Uafue dámierie jino llórediaíoi, áfedo nana omoi onócaillena; daje izói áfedo nana omoi comeci náirecaillena.

32 Nana afe Juzíñamuimona onoiga uai llotino dani íaíoi joréñona rairuúrediaíoi, nai jiáimie úrilla fuiñena dino.

33 Mei Juzíñamui caimare uái illifue comútatimie; íemo, úrillana féitate gáguana afémie comútañede.

Nana jiáinomo ite Juzíñamuimo jainaide gairídino fínua izói birui ómoína finótaiticue.

34 Juzíñamui íóbillena omoi gairilla llezica, cígimo ite ringóniaí úrilla rairuúrede, íñiaína ie llófuellena. Juzíñamui ocuilla uai daina izói, aféngotiaí íima anamo caimare írediaíoi.

35 Aféngotiaí daa rafue onóacania, jino jofomo íaíoi inimo jicánorede. Daa ringo comini gairilla cígiri úria meaire cioide.

36 Mai cácarei, ¿Meita Juzíñamui uai dani ómoimona comuide, daí comeci facádiomoi? ¡Daíñede! Daje izói aféuaina dani ómoimo llógaza comeciñeno iri; mei diga jiáimaci íena, daje uaina jae llogaíaíoiza.

37 Daa come Juzíñamuimona onoiga uai jino llotímiedicue daíadi, bie ómoimo cue ciegáfuaí caí Ocuíraíma Jesucristo caí ocuilla uai afémie daírede. Daje izói daa come Ñuera Joréñodo úritímiedicue daíadi, afémie cue cueda dibénemo Jesucristodo caí ocuilla uai daírede.

38 Íemo afe cúegana ailli cue daina bie izói daíacañedimie mo omoi náfueñeno iri.

39 Cue ámatiaí, bíemona Juzíñamuimona onoiga uai jino lua jeire omoi oiri. Íemo da come jiáizie uaido úria, rairuúñeno iri.

40 Mei íadi afe llezica, omoi lollúuaina jaicuíñeno daje fuémoma jiáimamo meaire cíotañeno lloiri. Daje izói nana omoi jetaca raana jaicuíñeno ñue jaícina maméfireiri.

## 15

### *Jesucristo tilla meine abido cáadimie illafue*

1 Cue ámatiaí, ómoimo cue lloga jíllona uai ómoína uibíñotaacadicue. Afe uaina jae jeire otíomoi. Íemo bie uaido ñue itíomoi.

2 Daje izói cue lloga uai omoi náfueia bie Juzíñamui uai omoi úado jíllotagaomoi. Mei íadi nauí nibai táinona omoi íinoia jae jíllóñediomoi.

3 Cue onoiga jamánomoidifue nauí ómoimo lloticue. Juzíñamui Cuedaíuái daina izói, Cristo caí fiénidifuaí muiñóllena tíllafuena jae omoi llófueticue.

4 Íemo nane afe Cuedaíuái daina izói, Cristo raíga daruíamáni íllamona meine abido cáadimiena jáillana ómoína llófueticue.

5 Iemo afe Cristo Pédro mo cíocaide; afe mei nana jáie ie orécamacimo cíocaide.

6 Nane afe mei dáaruido quinientos baimo íemo ínotinomo cíocaide. Afémacimona aillo nai itíaiói, íadi dáarie jae tíidiaiói.

7 Nane afe mei Santiagomo cíocaide, íemo nane nana ie orécamacimo cíocaide.

8 Nana jáíimacimo cíocailla mei, írainomo afémie cuemo cíocaide. Iemona úrue jáífodo jocoina izóidimiedicue, mei Crísto mo cue dóbaicallafue jarire cuemo íficaideza.

9 Mei Jesús orécamacimona jofófenemo ráifidimiedicue. Juzíñamuimo jaináidino fállena cue racáfirenamona, nauí ie orécamie cuena daíínide.

10 Mei íadi Juzíñamui ñue cuemo íllado, bie izói iticue. Afémie cuemo dúecaillano afémie cue cánuana táinomo fáifitañedicue. Mei jáífodo jáie ie orécamaci baimo, iere riire tájídídicue. Mei íadi afe izói dama tájínidídicue. Juzíñamui cuemo dúecaillano cue diga jáicaillado daí tájiredicue.

11 Mei biruí, afe ñúefue ñibai cue lloga, ñibai afémaci lloga, afe llúáfue na fáueñedicue. Mei íadi bie ñúefue ja ómoimo cai llogafue, daje izói afefue omoi ínogafue.

12 Mei bie ómoimo cai llogafue Cristo tíllamona meine abído cáadimiena jailla. Afe llogafue bie izói ítena, ¿mei ñie izói ómoimona dáarie: “Tíidinomona buna meine abído cáadinona íñeite,” daídíaíoi?

13 Meita íaiói daína izói tíidinomona buna cáañenaza, daje izói meita dama Cristo cáañeite.

14 Iemo meita Cristo cáañedeza cai llócaiga uai ráifiñede. Daje izói omoi ínogafue ráifiñede.

15 Iemo afe baimo, cai bie Juzíñamui dibénemo taino llotínodicai, mei Juzíñamui Cristo meine abído cáatate daídicaiza. Meita tíidino meine cáañenaza, daje izói Juzíñamui Cristo meine cáatañeite.

16 Mei tíidino meine abído cáañeniadi, meita afe Cristo cáañeite.

17 Iemo meita Cristo cáañedeza, omoi ínogafue ómoína ñue finóñede. Nai ómoimo ite fiénidífuaímo nai jaináicaídímoí.

18 Meita íaiói daína izói Cristo cáañedeza, Crísto mo ínote tíidino táinomo fáifidiaíoi.

19 Meita Crísto mo cai ocuírinafue daa biruílláido bíníemo cai illa llezica caímo dúideza, nana comíni baimo cai duere finócanodicai.

20 Mei íadi afe izóiñede. Cristo tíllanomona meine abído cáadimiena jailla ñue onóigaza. Amena llizíllajimona jotáiritijí fueñe uaila izói, Cristo nana tíidinomona meine abído caadino ífódímie.

21 Mei bie izói daa cómemona, Adán daínámíemona tíllafue fueñe bíníemo comuídeza; daje izói tíidino meine abído cáailífue daa cómemona comuide. Afémie Jesucristo.

22 Afemona nana comíni Adamo jaináideza, tíítiaíoi; íemo daje izói nana Crísto mo jaináidino meine abído cáaitiaíoi.

23 Mei íadi nana nairai daje llezica meine abído cáañeítiaíoi. Nágamíai íaióimo dúide dieze, íaiói cáatallíruido cáaitiaíoi: raire uícodo oga llizíllají óina izói, Cristo fueñe meine abído cáadimiena jaide; afe mei Cristo billíruimo dama Cristo íédino cáaitiaíoi.

24 Iemo íraíruimo dúcíte. Aféruimo Cristo nana bíníemo ite rírede illainí naa monamo ite rínoredínuaíri ñiné táinocaitaite. Afe mei nana ie illáimana illa ríino naa ie anamo itínuaíri ie Moo Juzíñamuimo fécaite.

25 Mei jii, Cristo nai illáimana írede, Juzíñamui nana íena éoidino Cristo anamo itábicaitalle dino.

26 Come tíllafue caina anáfenoacade caina éoidimie izoide. Mei íadi afe cai titade ríinona Cristo írainomo niné táinocaitaite. Afe mei jíáie táinocaitallimiena íñeite.

27 Mei Juzíñamui nágafuiaina Cristo anamo jóonete. Cristo ñue afémaci ocuílleña. Juzíñamui Cuegáuai bie izói daiíadi, Juzíñamui Cristo anamo íñénana uáfodo onóigaza, mei Juzíñamui naga raa Cristo anamo jóonetimieza.

28 Iemo nágafuiái Cristo anamo itábicailliruimo, dama afe Cristo Juzíñamui Jitoza ie Moo anamo itábicaiteza. Juzíñamui nágafuiái Cristo anamo itábicaítimie. Aféruimo bífuiaido naga ráaniai dibénemo Juzíñamui jamánomoidimiena íite. Naga ráfuiaí naa ie comuítaga ráaniaíri ñue jaícina afémiemo dúite.

29 Nane jíáifue “Tíidinona meine cáañeite” daiífredinona dáitícue. Dáarie tíidino dibénedo báutizatatio ite. Meita tíidino meine cáañeitiaíza, ¿níbai mei daií báutizatatioí? Iemo tíidino dibénedo báutizafue ¿minícamo ráifide?

30 Iemo cue, cue nabáíñiai diga, Juzíñamui ñúefue ícoínia, nágaruillaído iere caina titáacade jácifuemo ífiredicaí. Meita tíidino meine abido cáañeiteza, daií cai íadi ¿minica caimo ráifilla?

31 Nágarui cue titállena mamédiaíza jácinomo itícue. Uáfuenta daií itícue. Cue ámatiai, cai Ocuíraíma Jesucrístomo omoi ínuari uáfuenta iere íóbídícue. Afe uáfuenta cue íóbilla izói, daje izói uáfuenta nágarui titáacagacue. Iemona tíidino meine abido caalle uáfodo onóigaza.

32 Iemo meita tíidino meine cáañeiteza, jamai cómena cue illa, Efésomo ite illáirede rille izóidimaci diga nauí cue fuiríllamona ¿minica cuemo ráifilla? Mei afe izói cue illa cuemo ráifíñede. Meita uáfuenta tíidino meine cáañeiteza, afe taino llotino ñue jaícina daidíaíoi. Afémaci daína bie izói jóide: “Mai raire cai güilli, güillano cai jirolli; mei úreitíruimo raire tíiticaíza afe mei nine íñeíticaí,” daidíaíoi.

33 Jáímamo omoi jífuefíñeno iri. Abina ñue onona uai uáfodo jóideza: “Fíénide nabáíñiai ñue illáfuiaina niné táinocaitate.”

34 Mei jíáifodo, ñue abina omoi onoiri. Omoi illafue ñue jaícina jóoneri. Fíénidífuenta finóñeno iri. Mei ómoímona dáarie Juzíñamui nai figo onóñedeza. Omoi méaicailleña bie izói ómoína daidícue.

### *Tíidino meine abido cáadinona íllena abí Pablo llote*

35 Níbai birui ja dáarie jícanoite: ¿Mei nie izói tíidino cáaitiaíoi? ¿Mei afémaci abí nie izói éroite?

36 Afe izói jícanua abina onóñedimie úrilla izoide. Mei daa rífiregají cai ríadi, afejí tíide izói énie anamo fiébirede, áfemona ie iroci zicóllena.

37 Eniemo riga raa, afénomona zicódirocíñede, mei jíáifodo dama ie ijí rína. Iemo diga jíáiforiende íjiaí rína: bellají rína, íemo mazácají rína, íemo arroz íjí daje izói rína.

38 Afe rínají zícua llezica ie ciona izói Juzíñamui comuítate. Dani aféjiaí dúina izói zicótate. (Bellájimona bellari zócaja, íemo mazácajimona mazácari zócaja.)

39 Mei afe izói naga cáadinuiaí abí jíáiforie eroide. Come abí jíáifoide, íemo rille abí jíáifoide. Daje izói féedino abí jíáifoide, íemo chámuniaí abí jíáifoide. Nana daje izói eróíñede.

40 Iemo jíái monamo ille abí ite, íemo jíái éniemo illa abí ite. Bínemo illa abí ebírede, mei íadi monamo ille abí ebire eroína jíáifoide.

<sup>41</sup> Jitoma egáinuua fiui egáinuana eróinēde; jiáifodo egáinote. Daje izói ucudu egáinuua izóineno, jitoma jiáifodo egáinote. Iemo jiái daa ucudu jiáie ucúdumona egáinuua jiáifodo cíoide.

<sup>42</sup> Tíidino meine cáailifue bie izói jóide. Rífaite íeizi éniemo raiga, íemo tíñeitinona meine abido cáate.

<sup>43</sup> Jámairuiga abi éniemo raiga, ie mei ebire cíoitaga abi meine cáate. Daje izói nane ríinide abi éniemo raiga ie mei ñue íocirede abi cáate.

<sup>44</sup> Bíníemo cai jocoina abi éniemo raiga, ie mei mona dibénemo dúide abi cáate.

<sup>45</sup> Mei daí Juzíñamui Cuegáuai llote: “Nanóidimie Adana cáadimiena íficaide. Iiraie Adán daina Cristo zíñona cáatena joréñoredimie,” daide.

<sup>46</sup> Juzíñamui dibénemo cai comuítatimie nano fueñe cómuítañega, mei jiáifodo bíníemo cai nanóidimie Adán fueñe comuítaina. Afe méifomo Juzíñamui dibénemo cai comuítatimie cíocai.

<sup>47</sup> Nanóidimie énie ie finóinaza éniemo dúide. Méifoide Adán daina Cristo mona ie. Afémie cai Ocuíraima.

<sup>48</sup> Afe énie finóinamie izói, nana bíníe comíní ie abi izóidiaioi. Daje izói Jesumo ínuamona monamo dúidino afe monámona bitímie izóidiaioi.

<sup>49</sup> Iemona énie ie finócamiena cai eroina izói, afe izói mona ímiena éroiticaí.

<sup>50</sup> Amatiai, omoi cacai, ómoína dáitícue, nana bíníe dúide cai abi die diga jaca Juzíñamui illáimana illánomo jofo jáinide. Daje izói raire táinocaitatífue zíñona illánomo dúinēde.

<sup>51</sup> Mei íadi nanómona uáfodo onóñega ráfuenta ómoína onótaacadícue: nana tíñeiticaí; mei íadi nana jiáifodo méidoficaiticaí.

<sup>52</sup> Uáfuenta, Juzíñamui íiraie vudugoi fúunua llezica, jarire ui bótacailla izói raire jiáifodo méidoficaiticaí. Afe vudugoi ficire cáacaillamona tíidino meine abido jaca tíñeilla cáatalliaioi. Afe llezica cáimona cáadimaci jiáifodo méidoficaiticaí abido tíñeilla.

<sup>53</sup> Mei caimo ite raire féitífue zíñona féiñeitífuenta méidoficairede. Daje izói cai tíite abi zíñona tíñede abina méidoficairede.

<sup>54</sup> Iemo afe bie caimo ite raire féitífue zíñona féiñeitífuenta méidoficailla llezica Juzíñamui Cuegáuai daina ñue jaícina zúite. Daje izói cai tíite abi zíñona tíñede abina méidoficailla llezica afe Cuegáuai ñue jaícina zúite. Afe Cuegáuai daina bie izói jóide:

Caímo ite tíillífue,

caína éoidimie anáfenoína izói, anáfenoga; ja táinocaide.

<sup>55</sup> Cai tíitátífue caína izi cácatafirena ríino jae ínēde.

Caína nie izói níbaiñeite,

mei ie molleroi izoide raa ja birui ínēdeza.

<sup>56</sup> Nana comínimo fiénidífuiái íllamona, tíitátífue caína jacíruitade. Iemo jaiái Juzíñamui cai ocuilla uai llúamona cai fiéni finócafuiái duere finórede. Iemona tíillífue cai anáfenuana jaca jacíruiticaí.

<sup>57</sup> Mei Juzíñamui cai Ocuíraíma Jesucrístodo áfemo caína anáfenotañenamona íena iere figora daíífredicaí.

<sup>58</sup> Ie jira, cue izíruiga ámatiai o ínogafuenta jiáifodo méidoñeno ñue jeire omoi oiri. Juzíñamui ocuica táijinafuego nágaruillaí iere omoi náfuefireiri. Mei ñue onódiomoiza, cai Ocuíraímamo dájena cai táijinafue, jaca táinomo fáíñeíteza.

## 16

*Dúerede cai ámatiai canóllena úcube eneno ofítafue*

1 Crístomo ñnote ámatiai canóllena úcube omoi jicánoga eneno ofítallifue llóiticue. Galacia éniemo ite Juzíñamuimo jaináidino cue llófuia izói, afe izói omoi ofítari.

2 Naga semana táiniaruimo, ómoimona illa dígamie omoi oga úcubemona due jiza Juzíñamui íena oni eneno jóneri. Nano omoi llínua díeze oni eneno jóneri. Daí uícodo omoi ñue eneno énofireiri, cue billíruimo afe úcube ómoído cue íraiñeillena.

3 Uire cue bille llezica omoi nizeda dani baillímiedo afe úcubena Jerusalémo óreiticue. Afe llezica omoi cuelle útimíai mámece illábedo íaióina óreiticue. Afe bie izói omoi ofítaga úcubena Jerusalémo ite ámatiaimo óreiticue.

4 Onoñegaza, cue jíruia afémaci diga dane jáiticaí.

*Pablo jáinomo jáillena mamérite*

5 Cue jáiadi Macedonia éniemo jáiacadicue. Afe méifodo daí Coríntomo dúciiticue.

6 Mei ñibai nano nié dino omoi cígiri íiticue. Ñibai ónoñegaza bie rozírediruillaina omoi cígiri záitaiticue. Afe mei oni jáinomo cue jaille llezica cuena canórediomoi.

7 Mei ómoimo fia jarire érocaillano jáiacañedicueza, cai Ocuíraima comece jítaia, omoi cígiri are íacadicue.

8 Mei íadi Pentecostés rafue dúcille dino, benó Efeso jófuego íiticue.

9 Mei iere ñue Juzíñamui uaimo cue táijilliruimo itícueza. Aillo comini birui aféuaimo jíruiacadiaoi. Mei íadi afe llezica aillo afe uaina uáitatino ite.

10 Timoteo ómoimo bíadi, mai omoi cígiri caimare íena omoi itátari. Afémiena omoi áifedoñeno iri. Mei afémie daa cai Ocuíraima ocuícamo cue izói táijideza.

11 Ie jira ómoimona buna afémiena jámairuiñeno iri. Mei jáífodo cue ie éroizaibilleza caimare afémiena omoi canori. Mei naa jáíe ñnote ámatiaioiri íena ocuítadicue.

12 Cai ama Apolos dibénemo llóiticue. Naui íemo izire jicadicue, jáíe ámatiaioiri omoi érozaillena. Mei íadi afémie birui jáiacañede. Uire ie jáiacalliruimo jáite.

*Iraicaiño uáidonocailla uai*

13 Mai abina ñue omoi onoiri. Crístomo omoi ñnogafue jáífodo méidoñeno jeire omoi oiri. Jacíruíñeno ñue íociredimie izói omoi iri.

14 Nana omoi jetáacagafuai, conímana izíruillafuedo finori.

15 Amatai, birui onódiomoiza, Estéfanas mámece redimie comini, nano fueñe Acaya éniemo ñúfuego dóbaicaidino. Dóbaicaillano jáíe Crístomo ñnote ámatiai canóllena ja maméritiaoi.

16 Jira afémaci, naa jáíe afémaci izóidinori anamo omoi caimare itábicaillena iere jítadicue. Daje izói jáinona canófireidino, naa jabo ocuítidinori anamo mai caimare omoi itábicairi.

17 Ja Estéfanas, Fortunato, Acaico diga bíllari iere íóbidicue, mei cúemona jica itíomoiza cuena canónidíomoiza. Mei íadi afémaci ómoimona féiredifue cuemo finódiaoi.

18 Afémaci cue comécina iere náiretadiaoi; daje izói ómoina náiretadiaoi. Afe izoide comínimo ñue omoi jíruiri.

19 Benó Asia éniemo ite Juzíñamuimo jaináidino ómoimo uailai orédiaoi. Daje izói Aquila ie ai Priscila diga naa íaillinoimo gairídinori, cai Ocuíraima mámeceido uai ómoimo orédiaoi.

20 Nana benomo ite ámatiai oreca uailai, mai omoi llínori. Daje izói conímana caimare uáidori.



<sup>21</sup> Cue Páblodícue. Dama bie cue ónoído cuega uai ómoimo orédícue.

<sup>22</sup> Ninó dámie cai Ocuíraima Jesucrístona izíruiacañedimie Juzíñamui faidólleza. ¡Cai Ocuíraima, mai raire biri!

<sup>23</sup> Cai Ocuíraima Jesucristo ómoína ñúefuena ézicíteza.

<sup>24</sup> Nana omoi Jesucrístomo jaináinado, ómoína cue izíruilla uai orédícue. Daiítadeza. Jae ñie.

## MÉIFODO SAN PABLO CORINTO IMACIMO ORÉCABE Segunda Carta del Apóstol San Pablo a los Corintios

### *Coríntomo ite Juzíñamuimo jaináidinomo Pablo cuete*

<sup>1</sup> Páblodicue. Juzíñamui comeci jítaina izói Jesucristo orécamiedicue. Timoteo cue diga illa llezica, Coríntomo ite Juzíñamuimo jainaide ámatiaimo bibe cueticue. Daje izói Acaya éniemo ite nana Juzíñamuimo dúidinomo bibe cueticue.

<sup>2</sup> Cai Moo Juzíñamui, cai Ocuíraima Jesucristo diga ómoina ñue éziciiteza. Afe llezica ñue uái illano dibénemo Juzíñamui Jesucristo diga ómoina jóoneiteza.

### *Pablo duere zefuillafue*

<sup>3</sup> Cai Moo Juzíñamuina ióbitaredicai, mei afémie caina dúeruite Mooza. Daje izói afe Juzíñamui iere caimo dúecaifirede. Afémie cai Ocuíraima Jesucristo Moo.

<sup>4</sup> Nana duere cai zefuilla llezica, afémie caimo dúecaifirede. Afémie caimo dúecaide, afe izói jiáie duere zefuídino cao cao dúecaillena. Afemona Juzíñamui caimo lloga dúecaillafue jiáimacimo llóredicai.

<sup>5</sup> Mei Cristo duere zefuillafue dibénemo cai nabaia izói, afe izói Crístodo caimo iere ie dúecaillafue jeire óiticaí.

<sup>6</sup> Ie jira, nibai dama duere cue zefuía, bie ómoina cue canóllena. Iemo nibai Juzíñamui cuemo dúecaiaí, áfedo daje izói dúecaillafue, naa jíllonafue diga óitio moí. Iemona daje cuemo comuide duere zefuillafue ómoimo comuíaí, raíre járitaiño áfemo fia ocuíreredio moí.

<sup>7</sup> Omoí dibénemo uáfodo onóigafuemo ñue ñnoticue, mei ñue onódicueza daje zefuillafue dibénemo omoí illa dieze, afe izói Juzíñamui fecaca dúecaillafue óitio moíza.

<sup>8</sup> Amataí, Asia éniemo cuemo comuide féiredifuiaina ómoimo fidítaiacaducue. Afénomo cuemo comuide rírede facátafue iere jamánomoideza, áfena ocuíniducue. “Ñibai bífuemona jílloño benó tíitícueza,” daííredicue.

<sup>9</sup> Aféruimo méinellena llavécamie abi izói cue abi cacaide. Mei íadi tíidino meine abido cáatate Juzíñamuimo cue ñnuana cue onóillena, afe zuufue cuemo comuide. Dama cue abí ñnoñeillena cue llófuete.

<sup>10</sup> Aféruimo Juzíñamui afe iere jacírede tíllafuemonna cuena jíllotate. Afémie nai birui jaca cuena jíllotaocaide. Daje izói uíreitiruillaído afémie aféfuemonna cue jíllotallemo ocuírcaiducue.

<sup>11</sup> Uáfueña, cuedo Juzíñamuimo omoí jicáfíreiaí afémie cuena jíllotaite. Aillo comíni cuedo Juzíñamuimo úriadi, aillo íena ióbitaitiaíoi. Juzíñamui cue ézicia ñúefuíaíri íena ióbitaitiaíoi.

### *Pablo Coríntomo jáiñenafue llote*

<sup>12</sup> Daa cue comécido onóigafueri iere ióbiducue. Afefue bie izói jóide: cue comeci úrilla uai nífuenino bíniado cue mácajana llote. Daje izói Juzíñamui eróicana jiáimana jífueño cue mácaja llote. Omoí cígiri bie izói ríre iticue. Juzíñamui caimare cue cánuado daí iticue. Dama cue fibíllafuedo daí íñédicue.

<sup>13</sup> Omoimo cue ciegábiamos báinino lloga uaina íñede. Omoí facádoia onuille raa ja uáfodo cueba.

Nane jiáífueña ñue omoí onóillemo ocuíríducue.

14 Aféfuena jabo onódiomoi. Afefue bie izói dáiiacade: Cai Ocuíraima Jesús billíruimo ómoiri caimare abi cue íinua izói, afe izói cueri caimare abi íinoitiomoi.

15 Nana bífuiai iere cue jíeruillamona, omoi eróizaillena fueñe mamériticue. Daií ménacaiño omoi cue éroizailleri ióbitiomoi.

16 Macedonia éniemo cue jaille llezica omoi jarire cue méiñonocaillena comeci facádícue. Afe mei Macedóniamona abido cue bille llezica nane dánomo omoi cue éroizaillena mamériticue. Afe daií afe méifomo judéamo cue jaille llezica cuena cánoitiomoiza.

17 Bie cue mamériffafuiai comeci cue faca llezica, ¿cuena nibai jíáifodo raire méidofiredímie izoide daidíomoi? Bie éniemo ite fiénidino mamérilla izói nibai cuena mamérite daidíomoi. Afémaci “Jii” daidíaiói; íemo méifodo daje llezica “Dama ite” daífirediaíoi.

18 Mei íadi Juzíñamui uáfueña daífiredímie illa izói, afe izói táinona “Jii,” íemo “Dama ite” dáaruído ómoína daífinidícue.

19 Mei Juzíñamui Jitó Cristo Jesús jaca táinona “Jii,” íemo “Dama ite” dáaruído daífinideza. Iemo Silvano, Timoteo, íemo cue, Cristo daína uaillai omoi cígiri llotícaí. Nana Cristo lloga uai táinoñedeza, ua uai. Ie dánana méidofinide.

20 Mei afémiedo nana Juzíñamui uícodo llogáuai ñue jaícina zúideza. Ie jira Juzíñamuina cai ióbitaja llezica, Cristo Jesudo “Daítadeza” daífiredícaí.

21 Iemo jíái Juzíñamui ómoína naa cairi Crístomo riire jaináitate, nana cai íinogafuemonona oni jíáifodo cai báíñeillena. Daje izói afémie ie táijnafuemo ñue caina jóonete.

22 Juzíñamui ie Ñuera Joreño caimo íllado caina dama íeiéna mamede. Afe ie Ñuera Joreño caimo íllamona íco jíáiruído Juzíñamui caimo fecállifueña cai llíinollena uáfodo onódicai.

23 Mei jíáifuemo omoi comécíiri. Omoína duéruitícueza, ómoína duere cue fínoñeillena, uícodo cue mamérilla izói nai ómoímo biñédícue. Juzíñamui afe bie cue uaina nabáillena jícadícue, aféuai uafue daíillena. Cue daína uai uáfueñenia, Juzíñamuina abí fatátaitícue.

24 Omoi íinogafuena riire ocuíaçañédícue, mei omoi íinogafuedo Jesu-crístomo ñue riire jaináidiomoiza. Mei jíáifodo conímamo táijina izói, omoi iere aillo ióbillena ómoína canóacadícue.

## 2

1 Ie jira omoi cue zúucaitaíbiñellena mamériticue.

2 Mei omoi zúucaitadícuena ¿mei bu cuena ióbitalle? Cue zúucaitadino dani cuena ióbitalle, mei íadi cue dínena ómoína zúucaitaacañédícue.

3 Ie jira nauí ómoímo cue cuezábemo cue daína izói cuetícue. Omoína zúucaitaíbiacañédícue. Mei jíáifodo cuena ióbitaredíomoi. Mei nauí aféruimo uáfueña onódicueza, cue caimare illarui omoi caimare íitíomoi.

4 Omoímo nauí cue orécabe cue cuia llezica, iere cue comeci zúurenari éedícue. Mei íadi omoi zúucaillena afébéna cueñédícue. Mei jíáifodo ómoína iere cue izíruillana omoi onóillena cuetícue.

*Fieni fínofíredímie ie illafue múiñua mei, meine caimare uáidua*

5 Mei íadi ómoímo riire úriacañédícueza bie izói dáitícue. Dámie fieni illa dama cuena zúunaitañedeza, mei jíáifodo cue baímo nana ómoína zúunaitade. Daií daidícue iere ríifuena jáíñeilleza.

6 Omoi gairilla llezica afe cómemo omoi mameca duere fínóllífue ja figo báiteza.

<sup>7</sup> Mei benómona afémiemo jiáifodo úrirediomoí. Nauí ie finoca fiénidífue omoí féitano caimare íena omoí uáidori. Daje izóí íena dúecairediomoí, aillo ie zúunaillamona afémie jamánomo anado fiéni jáiñeilleza.

<sup>8</sup> Ie jira ómoímo izire jicádicue, afémie omoí izíruilla meine abido íemo omoí onótallena.

<sup>9</sup> Nauí uícodo bifue dibénedo ómoímo cueticue. Nauí omoí cue llófuiana nibai jeire ótiomoí, nibai jeire óñeitiomoí; áfena cue onóillena ómoímo cueticue. Daje izóí, omoí comeci ifue onóillena afébedo ómoína facátaticue.

<sup>10</sup> Mei ja benómona, ómoína fiéni finódimie omoí caimare uáidoia, cue daje izóí caimare íena uáidotícue. Meita afémie fiéni finuado cúemona nino féitalle fiénidino íadi, aféfuena féitaticue. Uáfueza ñue ómoína canóllena Cristo eróicana aféfuena féitaticue.

<sup>11</sup> Mei afe zúunaitagamie raire abido íena caimare uáidoredicaíza, afe zúufuedo Taife raire íena ana úiñeillena. Mei Taife comínina bífuefirena uaillai ñue onódicaíza.

### *Pablo Tróasmo uái iñénafue*

<sup>12</sup> Jesucristo lloga uai Troas jófue mo jino cue lluaíbilla llezica, cai Ocuíraíma áillomaci cuena jíeruitajamona Juziñamui cue ocuilla tájinafuena uáfodo caimare fuitáredicue.

<sup>13</sup> Mei íadi Coríntomona bíacade cue ama Tito afémie cue cióñenamona cue comeci uái iñede. Mei jira Troas imácina facádonocaillano, oni Macedonia éniemo íena jénuaidícue.

### *Jesucristo cai jaináinamona buna anáfenoñegacai*

<sup>14</sup> Juziñamuina iere figura daiífiredicai; mei Cristo nana éoidinona anáfenua izóí, Juziñamui dáfeodo, Cristo diga, nágaruillaído caina úicaiteza. Afe llezica ziórede raa caimare jállia izóí, afe izóí Juziñamui Crístona onóillifuena caído nágagobiaído jica jalléitate.

<sup>15</sup> Cristo Juziñamuimo fecaca ziórede uguci izóidinodicai. Nana jíllaitinomo jallédicai, daje izóí niné féiraitinomo jallédicai.

<sup>16</sup> Afe niné féiraitinomo titade jucui izóí íaire jállecaide. Mei íadi jíllaitinomo caimare íocire cáatate jállia izóí jállecaide. Bie Juziñamui ebire mamérillafue, ¿bífuena bu mei ñue llínorena? Juziñamui cuena cánua izóí canóñenia jaca buna figo llínonide.

<sup>17</sup> Juziñamui uaillai jiáimacimo fécano úcubena llínoñedicue. Afena jaca raiñoñeno llócaidícue. Jiáimaci úcubé óllena afe uai jiáifodo méidua izóí méidoñedicue. Mei jiáifodo Juziñamui orécamie izóí, afémie eróicana jiáíma jífueñoeno uáfodo úriticue.

## 3

### *Juziñamui comue ñue fnóllífue bie izóí daide*

<sup>1</sup> Bie izóí cue úrilla, ¿ómoímona nie izóí cacaide? Nibai ¿dama cue abi íinollena meine dáanomo ñue úriticue? Mei íadi daiítañede. ¿Nibai cue ñue illánona onótatibíai ómoímo izájirede? Mei nibai jiáimaci finua izóí, ¿ómoímona cue ñue illánona onótatibíai jicárede?

<sup>2</sup> Mei daiítañedeza. Dani omoí cue ñue illánona onótatibe izóidiomoí. Omoí baimo jiáie onótatibena jítaiñedicue. Cue comécimo joide come ñue illánona onótatibe izóidiomoí. Aféuaina nana comini cúemona onórediaíoi.

<sup>3</sup> Dama Cristo cueda onótatibe izóidiomoí. Cuedo cuedaíbíai izóidiomoí, mei cuedo ñuefuena llotátagaomoíza. Jamai tintado cuedaibe izóíñediomoí; mei jiáifodo caade Juziñamui Ñuera Joréñodo úicaiganodiomoí. Daje izóí Moisés

no ficomo ciegáuai fia comini eróicana jeire oñédiomoi, mei íadi omoi comeci úrillado Juzíñamuina ióbitaacadiomoi.

<sup>4</sup> Nana afe bie ñuera cue dáiñana jacíruiño daiíredicue, mei Crístodo Juzíñamuimo daa uai fiéño inofiredicueza. Uáfueza, nana cue dáiñana afémie ómoimo zúitaiteza.

<sup>5</sup> Mei íadi nana cue jetáacagafuiai finolle riño dama cúemona comuñedeza; mei jiáfodo nana cue finócafuii Juzíñamuimona comuide.

<sup>6</sup> Ie lloga comue finóllifue cue táijillena, afémie ñue cuena riñoretade. Afe Juzíñamui comue finóllifue, jaii cueba ocuífue jeire cai úado caimo zuitánide. Mei jiáfodo Ñuera Joreño comuítaga cai comeci ziiño caátatino caimo íllado, Juzíñamui comue finóllifue caimo zuitárede. Afe cueba cai ocuilla uai cai titállena llote, mei íadi Ñuera Joreño cai comécina cáataite.

<sup>7</sup> Afe Moisés lloga ocuilla uai nofici finóinabícimo cueba. Aféuai lluaíbilla llezica, iere riire ebíredifuiado lloga. Aféruído Israel nairai, mei Moisés uiéco jiáfodo iere quenire eróideza, afémiemo eróinidiaioi. Mei íadi afe riire ebíredifue fiaicana dúioicaide. Iemona afe ícoimo cai titalle ocuilla uai lluaíbilla llezica iere ebíreia,

<sup>8</sup> Ñuera Joreño caimo lluaíbiga uai, ua afe titade uai baimo jamánomo ebírede.

<sup>9</sup> Bifue bie izói dáiacade: mei cai fiénidifuiaimona cai titállena llote ocuilla uai iere ebíreia, birui aféuai baimo nífuenino cai íllena Juzíñamui llogafue jamánomo ebírede.

<sup>10</sup> Afe ocuilla uai nau iere ebírede, mei íadi Juzíñamui como finoca jamánomo ebíredifue comuillamona, afe nanoide ocuilla uai jae figo ebínide; ja birui ráañede.

<sup>11</sup> Iemona nau lloga are iño raire záitífue ebíredenia, afe ziiño záiñeitífue nau llogáuai baimo jamánomo ebírede.

<sup>12</sup> Ie jira afe bífue mo ocuírillano, jacíruiño caimare úriticue.

<sup>13</sup> Mei íadi cue bie Moisés finua izói finóñedicue. Afémie uiéco quenire cioina are iñedeza fébicaide. Ie jira afe quenire cíoide dúillana Israel nairai cíoiñeillena, Moisés ie uiéco iníroina ibaide.

<sup>14</sup> Mei íadi dama Moisés uiéco ibaina llezica afe nairai, uina cíóñedino izói, íaioi ifoci úrilla figo déiñede. Birui afe jaii llogafue íaioi facádua llezica, afe ibaille iníroi izóidifue íaioi onóillifueña jánaide; mei afe ibaille iníroi izóidifue nai oni óñegaza. Afe jizítatífue dama Cristo oni órede.

<sup>15</sup> Nai biruimo Moisés ciegánicuai íaioi facádoia, afe ibáiraroi íaioi ifoci úrillana féitaoicaide.

<sup>16</sup> Mei íadi dáamie cai Ocuíraimamo inoia, afe ibáiraroi oni oga.

<sup>17</sup> Cai Ocuíraima afe íaioina ziiño caátate Ñuera Joreño. Afe ie Ñuera Joreño mo jíeruitimie fiénidena finuamona ráiruiñegamiena jáite. Daje izói afe Ñuera Joreño mo cai Ocuíraimamo inote come, Moisés ocuica uáimona ráiruiñegamiena jaide.

<sup>18</sup> Mei íemona cai uiéco ibáillaroi izóidifue iñedeza, uáfori cíoide acáraní izóidinodicai. Afemona, cai Ocuíraima ebíredifueña acáraní egáiñua izói, jiámamo ja cíótaticai. Afe daií cai bie Cristo izóioicaidicai, mei nágaruillado ie ebíredifueña jamánomo náamatafiredicaiza. Bifue cai Ocuíraima finócafue. Afémie Ñuera Joreño.

## 4

<sup>1</sup> Afemona cue bie jaca comécina náinidino izóiñedicue, mei Juzíñamui



cuena dúecaillano bie táijinafue cuemo jóoneteza.

<sup>2</sup> Báinino jiáima jífuefirenana ruifíruiticue naa jiáie meáiredifuiari. Daje izói jiáima caimare bífuiua uaido úriñedicue. Afe llezica Juziñamui uaina méidota jiáifodo lloñedicue. Mei jiáifodo jaca uáfuedo úriticue. Afedo Juziñamui eróicana nana comini comeci ñue úrillado afe cue lloga ua uaina íaioina jiéruitadicue.

<sup>3</sup> Mei íadi cai llócaiga jílona uai comínimona nano nígamiamo nai ónonino cacaide. Afefue daí ite, mei afémaci dani nine íaioi táinocaillifueмо jáideza.

<sup>4</sup> Mei afémaci Juziñamuimo íinoñenamona bínie naama Taife, ui nirilla izói, íaioi ifoci úrilla uaina féitate, cue lloga comini jíllotata ebírede Cristo ñúefuena íaioi ónoñeilla. Afe ñúefue ñue úzere egáñote raa izoide. Iemo afe Cristo Juziñamuina jino uáfodo ñue onótate cáadimie.

<sup>5</sup> Jino cue llócaina llezica, dama cue abi íena lloñedicue, mei jiáifodo afe Jesucristo cai Ocuíraima llócaidicue. Iemo cue dibénedo Jesuna cue izíruillamona ñue omoi íllena canódimiedicue daífiredicue.

<sup>6</sup> Mei Juziñamui énie comuitaja llezica, afémie “Mai batí jítino egáñuairi” daide. Afe daí daidímie, cue comécimo ie ñúefue egáñua izói jóonete. Afémie daí cuemo jóonete, Crístodo cuemo ácataga Juziñamui ebírede cáimafuena ñue cue onóilla.

#### *Juziñamuimo ñue cai ínuado cai illafue*

<sup>7</sup> Mei íadi afe Juziñamui ráifide cáimafue cue zíñona íñeite abido onótacue. Bie cue abi are íñeite énie niina iciru izoide; mei íadi afe ñúefuena méidotarede íino bie cue jamai abimo jóonega, afe ríino dama cúemona comuñenana omoi onóilla; íemo jiáifodo afe ríino Juziñamuimona comuilla omoi onóilla.

<sup>8</sup> Daí cue íllamona diga féirede finónidifuiari cuemo comuádi, jaca Juziñamui cánuado aféfuiari ñúeite. Daje izói aillo ónonidifuiari zuure cuemo comuádi, jaca nai ocuíríñedimie izói íñedicue.

<sup>9</sup> Mei jiáimaci cuena duere finólla cuemo racáadi, jaca zóofeñegacue. Fáinamona ana dotaca izói iticue íadi, jaca niné táinocaiñedicue.

<sup>10</sup> Náganuiaimo cue jailla llezica, Jesús íaioi fállena mámia izói maméfiregacue. Nágaruillaído afe titállena mamécamie izói cue illa llezica, afémie ñue cuena náiretade, birui ie cáananona jino comínimo cue onótallena.

<sup>11</sup> Mei nai cue caana llezica, nágaruillaído Jesús ícoina jacire titállena mamécacue, Jesús cáanana, are íñeno tíite cue abido ciotafireilla.

<sup>12</sup> Daí cue zefuillamona cue dibénedo títaigamiena jáiticue, mei íadi omoi dibénedo dáaruído omoi cáataganona jáitíomoi.

<sup>13</sup> Juziñamui Cuegáuaimo dáamie duere ie zefuíbicailla llezica daide: “Juziñamuimo ínoticue ie jira úriticue.” Mei daí cue jiáí afémie ínua izói ínoticue, ie jira Juziñamui ñúefuedo úriticue.

<sup>14</sup> Ñue onódicueza, afe tíide Cristo meine abido cáatate Juziñamui, afe cáataga Jesúsíri nane cuena cáataite; íemo daane cue, naa ómoiri, ie illánomo úite.

<sup>15</sup> Nana bífuiari ñue omoi íllena daí íficaide. Iemona nai aillo jiáie comínina Juziñamui ñue ézicite. Aillo ie ézicia izói afe dieze aillo comini jamánomo ñúefue íemo nítaítaiói.

<sup>16</sup> Mei íemona cue jaca comécina náinidino izói íñedicue. Meita cue abi náinioicaide íadi, cue comeci dinena jaca nágarui náireioicaide.

<sup>17</sup> Mei íemona bíniamo cue caana llezica duere cue zefuíllafuiari figo ráañede. Raire llícaite. Ie méifomo afe zuufue baimo ite aillo ninomo fúíñeite ebírede cáimafuiari cuemo cómuite.

<sup>18</sup> Ie jira uído cue ciónamo ébicaiñedicue; mei íadi cue cióñenafuiaimo ébicaifiredicue, mei afe ciona raana are iñeno raire táinocaiteza. Mei íadi afe cióñena raa jaca ziiñona íite.

## 5

<sup>1</sup> Ja ñue onódicueza, cue caana abi are iñeno zabide jofo izoide. Iemo jiái onódicueza, bie cue abi táinocaille llezica, Juziñamui cúeiena monamo ziiñona zábiñeítico ja nite; afeco come ónoído níñega.

<sup>2</sup> Uáfueza, cue caana abido cue illa llezica, monamo itícomo iere cue jáiacana comécido éfiredicue.

<sup>3</sup> Afénomo jaiániacadícue, mei afeco iniroi come abi jífua izói, cue joréñona ñue jífoiteza. Afemona come abimo iñede joréñona íñeíticue.

<sup>4</sup> Bie jofona mameca abimo cue illa llezica iere zúunaillano comue abina izire óiacadícue. Mei, bie cue jácaie abina, iniroi come abímona duíñua izói, cue joréñomona duiñóacañedicueza; jífoñega joreño izói íacañedicueza. Mei jiáifodo iniroi jita izói, comue cue abi cue joréñomo jitaícadícue. Daií cómuena méidoacadícue, bie cue táinocaite abi, comue cue cáaillinodo nine féitallena.

<sup>5</sup> Dama Juziñamui bie izói abi cue méidollena cuena mamede. Iemo birui ie Ñuera Joreño afémie cuemo fecade. Afe ie Ñuera Joreño cuemo íllado ñue onódicueza, nana Juziñamui cuemo fecalle ñue llínoíticue.

<sup>6</sup> Mei áfemona, comue méidoga abi cue llínollena áfena ñue cue onónamona caimare ocuítidícue. Nai bie abido cue illa llezica, onódicueza, monamo cue illícomona jino iticue. Bie izói daina cue Ocuíraíma díga íñedicue.

<sup>7</sup> Afe llezica birui fia cue ciónafuedo ínídícue, mei jiáifodo Juziñamuimo cue íinogafuedo íredícue.

<sup>8</sup> Mei jira uáfueña cue llínollena ñue cue onónamona caimare ocuítidícue. Bie cue illa abina fáicanocaiacadícue, monamo jaillano cai Ocuíraíma díga cue íllena.

<sup>9</sup> Ie jira bie éniemo afémie díga cue iñena llezica, daje izói afémie díga cue illa llezica, jaca íena cue íóbitallena jamánomo nícidotícue.

<sup>10</sup> Mei comini finócafue Cristo riire jicánoranomo nana cai afénomo ácataredicaíza. Afénomo illa dígamie bíniemo illa abido íaíoi fínua dieze, níbai ñúefue níbai fiénidífue, áfeze jirídoitiaíoi.

### *Juziñamui meine caina caimare uáiduafue*

<sup>11</sup> Ie jira afe naga come Juziñamui riire jicánollemo ñue jacíruioicana comei facadícue. Afemo cue comécillamona naga cómena Juziñamui llógamo jieruitaacadícue. Mei íadi cue illáfueña Juziñamui onode. Afe izói cue ñue illáfueña omoi onóillemo ocuítidícue.

<sup>12</sup> Dáanomo dama ñue cue illáfuedo úriñedicue. Mei jiáifodo cuedo caimare omoi úrillena bie izói ómoína daídícue. Afemona jínoidífuedo abí ínotino uai omoi ollíuai íteza. Afémaci jofo comécimo itífueña náfueñediaíoi.

<sup>13</sup> Mei níbai comínimona dáarie cuena daina izói, uáiritaidímie izói iticue íadi, Juziñamui íena daií iticue. Mei jiáifodo uáiritaiñedicueza ñue omoi íllena canódícue.

<sup>14</sup> Mei ñue onódicaíza dama Cristo dainámie nana comini meífomo tíide. Afe caina ie izíruillamo comécillano, nana afémiemo ínotino íaíoi fiénidífuaíi tíidena mámiáno áfena fáicanocaidiaíoi. Afemo cue comécillado Cristo caina izíruilla ñúefueña cuena izire llócaitate, ñue omoi íllena. (Daje izói bie Cristo caina izíruilla, ñue illáfuedo cue jáillena cuena ocuíoideza.)

<sup>15</sup> Uáfueza, Cristo nana comini meífomo tíide, nana cáadino dani íaioi jitailla izói íñeillena; mei jiáifodo, afémaci dibénedo tíllano meine cáadime Cristo comeci jitailla izói íaioi íllena.

<sup>16</sup> Ie jira bínie comini jínoidifuedo comeci faca izói, nino bumo comeci facáñedicue. Mei nauí uícodo Crístomo bínie comini comeci faca izói, comeci facádicue, mei íadi ja biruí daíí afémiemo comeci facáñedicue.

<sup>17</sup> Mei daíí, Crístomo dájena jaináitagamie comue cómena jaide. Jaiái ie illáfuiái fiénocailano nágafuiái cómofuiaina méidoga.

<sup>18</sup> Nana bífuiái Juzíñamui mámiamaona Juzíñamui dama afémiemona Crístodo meine caimare cuena uáidote, íemo jiái nana comini afémiemo meine caimare úritallena cuena ocuíñoaide.

<sup>19</sup> Bie izói daííacana: Juzíñamui ie Jitó Crístodo nana comínina íena meine caimare uáidotade. Aféruimo, comini finoca fiénidifue féitano caimare íaioina uáidote. Afe dáruido Juzíñamui meine comínina caimare uáiduafue oni llujáillena cuena jóonenocaiide.

<sup>20</sup> Afemona Cristo íena uai llotínona ómoimo biticue. Ie jira biruí ómoína cue daína uai, dama Juzíñamui ómoimo cuedo jicaca uai izoide. Mei jira Cristo dibénedo ómoimo izire jicádicue. Mai, meine abido Juzíñamui caimare uáidori.

<sup>21</sup> Afe Cristo jaca íaifuena finóñede. Mei íadi cai meífomo Juzíñamui afémiena fiénidifuiairedimie izói duere finode. Daíí íena finode, Juzíñamui anamo ñue jaícina illáfuemo cai íllena; mei ie ñue illa izói cai íllena Juzíñamui jítáideza.

## 6

<sup>1</sup> Afe daíí Juzíñamui táijinamo afémiena nabáidicue. Ie jira afémie ómoimo lloga ñuera cáimafuiái táinomo omoi fáifitañeno iri.

<sup>2</sup> Mei Juzíñamui ie Cuegáuaimo daide:

Comínimo caimare cue uáidollena cue mamécaruimo ona cacádicue.

Daje izói jíllonaruímo ona canódicue.

Ja biruí Juzíñamui caimare o uáiduaruí. Daje izói biruí o jíllonaruí.

<sup>3</sup> Iemona Juzíñamuimo cue táijina llezica, buna llótaidonidicue, cue táijinafuemo fiéní íaioi úríñeillena.

<sup>4</sup> Mei jiáifodo nana cue jetáacagafuiáido Juzíñamuimo táijidimie cue íllana ácatacadicue. Duere zefuídicue íadi comécina raire járidoñeno fia ocuídicue. Afedo Juzíñamui íena cue íllana jino ácataticue. Daje izói cue jitaica raa íñena llezica, íemo llotáiredifuiái cuemo comuilla llezica áferi járidoñeno ocuídicue.

<sup>5</sup> Daje izói cuena zechénuano llavédiaioi. Cue duere finóllena jacire lléjellejedino cígiri iticue; íemo iere rírede táijinamo iticue. Diga ícaiño raire íniana onóñedicue; daje izói jiái jufíruiticue.

<sup>6</sup> Daje izói íáinidimiena cue íllado Juzíñamuimo ñue táijidimiena cue íllana ácataticue. Iemo diga jiáifuiaido daíí cue íllana ácatafiredicue. Uafue uaina cue onónado ñue cue illáfuena cíotaticue. Iemo cue járitañenafuedo naa cue dúecaifirenafuiáido áfena cíotaticue. Iemo jiái Ñuera Joreño cuemo íllado, naa jiáimana jífueñeno cue izíruifirenado Juzíñamui íena cue íllana ácatafiredicue.

<sup>7</sup> Iemo ua uai cue llócaillado, naa Juzíñamui ríino cuemo íllado: nana bífuiáido Juzíñamuimo ñue táijidimiena cue íllana ácatafiredicue. Afe llezica jaícina joide illáfuedo jáifiredicue, mei áfedo fiénide uáillaina oni caitáredicueza. Daje izói áfedo cue abina ríidoredicueza.

<sup>8</sup> Daruúrie ñúefuiái cuemo nitádiaioi, mei jiáiruido fiénidifue cuemo jítádiaioi. Daje izói jiáiruido cuedo ñue úritiaioi, íemo jiáiruido cuena íáiruitiaioi. Iemo

dárie cuena comínina bífuetimiena daidíai; mei íadi jaca uáfuenta úricaidimie itícueza.

<sup>9</sup> Iemo dárie cuena “Bu ónoñegamedio” daidíai; iemo jáimaci “Ñuera cai cómedio” daidíai. Darúrie titácami izói itícue, íadi nai cáaoicaidicue. Iere duere finócacue íadi méineñegacue.

<sup>10</sup> Zuure itícue íadi jáífodo jaca íobidicue. Mei ráanidimiedicue íadi, aillo jáimacina ráaredino izói ráanaitadicue. Dúeredino jofófemo dúeredimie izói cue íadi, nai ráaredimie izói nana ráaniairi íobidicue.

<sup>11</sup> Coríntomo ite cue ámatiai omoi cacai. Omoi diga báinino úriñedicue, jaca uáfodo úrifiredicue. Cue comécimo itífuenta uáfodo jino ómoimo llotícue.

<sup>12</sup> Omoína iere duéruillano rairuñeno ómoína caimare uáidofiredicue. Mei íadi omoi dinena cuena ñue izíruillana ráiruiti omoi.

<sup>13</sup> Urue Moo, ie úruena izire jica izói, afe izói ómoína izire jicádicue. Omoimo uáfodo jino cue llua izói, afe izói omoi comécimo itífuenta jino uáfodo cuemo omoi llóllena izire jicádicue.

### *Caade Juzíñamui illaco izóidicai*

<sup>14</sup> Juzíñamuimo ínoñedinomo dájena omoi jaináñeno iri. Omoi jaináidi, dájena jáicina iñénafue comuídeza; ómoína jáífodo itátaite. Mei ¿nie izói jáicinaidifue fiénidifue diga dáanomo jainárede? ¡Jaca jaináinide! ¿Mei úzefo naa jítifo diga dájena nabárede? ¡Nabáinide!

<sup>15</sup> ¿Taife meita Cristo diga dájena caimare írede? ¡Jaca ínide! Juzíñamuimo ínotino ínoñedino diga ¿nífue dájena íai oimo dúina? Dáanomo dúitífue iñede.

<sup>16</sup> Mei dama Juzíñamui daina izói caade Juzíñamui illaco izóidicai. Afémie daide:

Iai oimo ítícue; íai oi cígido macácaitícue.

Cue be íai oi Juzíñamuitícue.

Afe izói cue comínina ítia oi, daide.

Iemona Juzíñamui illaco jánarai diga ¿nífue dájena íai oimo dúina? Dáanomo dúitífue iñede.

<sup>17</sup> Ie jira cai Ocuíraima bie izói daide:

Juzíñamuimo ínoñedino cígimona oni omoi jai, afénomona oni omoi ii.

Íairedifui ai dibénemo iñeno iri.

Iemona ómoína caimare uáidoitícueza.

<sup>18</sup> Afe llezica omoi Móoitícue.

Iemo dáaruido omoi cue úruiaína íti omoi.

Afe bífuenta jamánomo riírede cai Ocuide Juzíñamui daí daide.

## 7

<sup>1</sup> Cue izíruiga ámatiai, Juzíñamui jai ai uícodo lloga cámafui ai bie izói joide. Afe daí caimo íllamona nana jáíforiede cai íaifui a imona muiñócana izói oni íredicai. Abi íaifuenta daje izói cai joreño íaifuenta fáicanocairedicai. Juzíñamuina ñue jacíruillano cai comeci íaininafue ie eróicana jáicina jóoneredicai.

### *Corintio imaci comeci méidua*

<sup>2</sup> ¡Mai cuena caimare omoi uáidori! Cue bie jaca buna fiéni finóñedicue. Daje izói buna íaire finóñedicue. Iemo ómoimona jaca buna jífueñedicue.

<sup>3</sup> Bie izói cue dáinado ómoína íaire finótañedicue. Mei nauí ómoína cue daina izói, nai cue caana llezica, nágarui ómoimo cue comeci fáioidicueza. Uáfuenta dájena cue tílliruimo ómoimo cue comeci fáioidicueza.

<sup>4</sup> Omoína iere caimare ñnoticue; daje izói ómoiri ñue abi ñnoticue. Iemona diga duere zefuállafue cuemo comuilla llezica cue comeci jaca náirede, íemo jiái jamánomo caimare iticue.

<sup>5</sup> Mei daí navi cuemo comuídeza. Navi Macedonia éniemo cue jailla llezica afénomo uái cue illirui jaca ñede. Mei jiáifodo náganuiaido féiredifuiái cuemo comuide. Cuena uáitativo nárafene cue ciríoidiaioi, íemo diga jiáifuiári comécido jacínaioicaidicue.

<sup>6</sup> Mei íadi comécina náinidinona nácaitafirede Juzíñamui cuemo dúecaide; cuemo dúecaillano Tito dúcinado ñue cuena nácaitate.

<sup>7</sup> Daa ie dúcinari ióbiñedicueza, mei dánomo omoi méidoga ñue illáfuedo afémiena omoi nácaitari ióbidicue. Afémie omoi iere cuena cióacanafue cuemo llote. Iemo jiái navi omoi cígimo comuídifueri omoi iere zúnaillana Tito llote. Daje izói cueri omoi comeci llícitaillari, naa cuemo omoi jíeruicanari ióbidicue. Bífuiaina cue fidínamona jamánomo ióbidicue.

<sup>8</sup> Mei navi ómoimo cue orécabe ómoína zúucaitate íadi, birui áferi zúucañedicue. Mei nibai navi áferi zúucaidicue, mei íadi birui Tito cuemo llua izói afebe are ómoína zúucaitañenana fidídicue.

<sup>9</sup> Iemona birui ióbidicue. Omoi zúucaillari ióbiñedicue, mei jiáifodo afe omoi zúucaillafuedo omoi comeci ífuenta méiduari ióbidicue. Bie zúucaillafue ñue omoi ocuállado Juzíñamuina ióbitade. Iemona ómoimo riire cue ciegabe ómoína fiñi finóñede.

<sup>10</sup> Mei uafue, Juzíñamui ióbillá ñue cai ocuíoiga zúucaillafuiái cai comeci ífue ñúefuena méidotade. Iemo afe ñúefuena méiduado jílloticaí. Mei íadi bíniemo ite ñnoñedino zúucaillafue íaioína ana tíllinomo úite.

<sup>11</sup> Omoimo comuide zúucaillafue ñue omoi ocuállari Juzíñamui ióbide. ¡Iemo birui omoi cígimo ñue comuídifuiáimo omoi éroi! Afe zúucaillafue navi ómoimo ite fiñidífue mo riire ómoína ñue comécitade. Iemo afe zuufue omoi finoca fiñidífuenta jino uáfodo llotátate. Daje izói afe zuufue dani ómoína rícaitate; íemo ómoína jacíruitade. Afe méifomo iere cuena cióacadiomoi. Afe llezica omoi cígiri ite fiñi finódimiena duere finótaiacadiomoi. Nana bífuiaimo omoi nífueninana jino ñue cíotatiomoi.

<sup>12</sup> Mei daí afe orécabe cue cuia llezica afe fiñi finódimiemo figo comécíñedicue. Daje izói duere zefuídimiemo figo comécíñedicue. Mei jiáifodo ñue omoi illífuemo comécidicue, cuemo omoi comeci ñue fáiana, Juzíñamui eróicana, omoi onóillena. Ie jira afebe ómoimo cueticue.

<sup>13</sup> Iemona bífuiaido cuemo caimare dúecaidiomoi.

Mei íadi omoi cuemo dúecailla baimo Tito iere caimare íllari jamánomo ióbidicue. Mei nana omoi afémie ñue uái íllena íena canódiomoi za.

<sup>14</sup> Navi omoi dibéneo Títomo cue úrilla uai meáiruiño jaca ñue cuemo baite. Omoiri abi cue ínuana afémiemo lloticue. Ja birui, nana ómoína cue daína uai uáfuenta jailla izói, afe izói ómoiri Títoma cue daína uai uáfuenta jaide. Iemona navi afémiena cue daína uai táinomo omoi fáifitañenari iere ióbidicue.

<sup>15</sup> Ja birui Tito ómoína iere izíruite, mei nana ómoimo ie dánado cue ocuícáfuiái jeire omoi úamo afémie caimare uibíoideza. Daje izói jacíruioicana caimare ie omoi llínuamo nai comécioide.

<sup>16</sup> Iemona ómoína jaícina ñue cue ínuari ióbidicue.

## 8

### *Jeruñeno fecáredicaí*

<sup>1</sup> Amatíai, birui Macedonia éniemo ite Juzíñamuimo jaináidinomo afémie dúecaifirenayona íaioi jeruñeno diga raa fecáfirenafue ómoimo llóiacadicue.



<sup>2</sup> Mei íaioimo comuide féiredifuiái iere íaioina jacire facátate íadi, caimare itíaiói. Daje izói iere duérediaíói íadi, ráaredino izói raana jeruíño fecáfirediaíói.

<sup>3</sup> Mei dani íaíói comeci ñue jítaina izói nana íaioimo ite dieze jeruíño fecádiaíói, íemo afe íaíói írede úcube baímo nane fecáfirediaíói. Aféfuemo uaina nabáidicue.

<sup>4</sup> Bie Macedonia imaci Judéamo ite ámatiaí íaíói canóllena cuemo izire jicádiaíói.

<sup>5</sup> Iaioimo comeci cue faca baímo fecáfirediaíói; mei fueñe Juzíñamui comeci jítaina izói, “Juzíñamui ocuilla raíre fínoiticaí,” dainano afémiemo ñue ínotiaíói. Afe mei daje izói “O ocuilla raíre fínoiticaí,” cuena daídíaíói.

<sup>6</sup> Afémaci daíí daina jira, Títomo izire jicádicue, afémie nauí omoí cígiri taineca omoí jeruíño fecaca úcube iráiafue birui ñue ícoímo fuitállena.

<sup>7</sup> Mei nágaíuaí dibénemo iere ñue finódiomoi: ínogafue dibénemo jamánomoidiomoi. Iemo ñue llóíuiana jamánomo baitádinodiomoi, naa ífoci úrillafuiaíri. Daje izói ráiraíeño íocirenafue dibénemo jamánomoidiomoi, naa cuena omoí izíruillafueri. Daíí omoí íllamona, mai bie jeruíño raana fécafue dibénemo daje izói jamánomoidinona omoí iri.

<sup>8</sup> Bie fécafueña ómoína finótañedicue. Daa jíáimaci raíre raana fecáfírenafueña omoí onótaacadicue, áfena omoí fidínamona íaíói feca dieze raíre omoí fecállena. Afe daíí raíre omoí fecáacano omoí izíruillafueña jíáí uáfueña dáíitiomoi.

<sup>9</sup> Mei caí Ocuíraíma Jesucristo caímo dúecaíllana ñue onódiomoi. Afémie fueñe monamo illa llezica bínie comíni ráanaíll baímo jamánomo ráaredimie. Mei íadi bíniemo bíllamo caína izíruíllano dama abína dúeredimiena finode, íe dúerenado Juzíñamui dibénemo caína jamánomo caí ráanaítallena. Mei uáfueza, nauí Cristo monamo illa izói, afémie caína itátaíacade.

<sup>10</sup> Bie jíáímacímo fecáfírenafue dibénemo omoí ñue íllena, cue comécímo ite cue fácaja ñuera uai llóíticue. Nauí jaíde fimónamona nai biruímo afe jeruíño fécafueña ñue tainédiomoi. Daa due jiza fécaítino izói, tainéñediomoi, mei jíáífodo íocire caimare fecáfirediomoi.

<sup>11</sup> Jira benómona mai ñue ícoímo omoí fuitari. Nano fueñe omoí táinia llezica, omoí íocire caimare fecáfírena izói, afe izói áfena ñue ícoímo fuitari. Omoímo ite dieze, jeruíño fecáfíreíri.

<sup>12</sup> Dámie uáfueña Juzíñamuímo fecáacania, afémie Juzíñamuímo fecaca raa Juzíñamui caimare llínoite. Mei uáfueña comínímo ite dieze Juzíñamui caimare llínofíredeza. Afe baímo cómemo íñédena afémie táinona jícañede.

<sup>13</sup> Jíáímací omoí canóírenado ómoína dúeredinona finóacañedicue.

<sup>14</sup> Mei jíáífodo illa dígazie dájerize omoí ráareri, daídicue. Jíáíziena jamánomo baímo ráareri, daííñedicue. Birui íaíói jítaílla raana omoí ñue fecárediomoi. Iemo uire omoí jítaíllíruímo omoí jítaílle raana afémaci ómoímo fecárediaíói. Afe bie izóídemona afémaci naa ómoíri jaícina dájerize ráareítíomoi.

<sup>15</sup> Jaíai afe monámona Juzíñamui oreca maná daina pan izóídena dibéno Juzíñamui cúaíuai daje izói daíí dáídeza: “Aílo ofítatímiemo mínícana fíebiñede. Iemo figo ofítañedimíemo íe jítaíca raana íñede.” Iemona nana dájerize ráareítíomoi.

### *Tito naa íe nabáíñiaíri*

<sup>16</sup> Ja jíáínodo Juzíñamuína “Fígora” daíííredicue. Mei omoí ñue íllena ómoímo cue comeci úina izói, afe izói Juzíñamui Tito comécina ómoímo jóonetadeza.

<sup>17</sup> Afémiemo cue jóonenocaigana afémie ñue jíeruite. Iemo dama ie comeci ómoimo járitaifirenasona, ja birui dama ie comeci jítainado omoi eróizaide.

<sup>18</sup> Tito diga daa ñue mámecina jica jalléidimiena orédicue. Nana gairífiredé Juzíñamuimo jaináidinodo ie mámecei jica jalleide. Jíllona uaimo afémie iere ñue táijinado ie mámecei jica jalleide.

<sup>19</sup> Daa bífueñedeza, mei jíáfodo Juzíñamuimo jaináidino afe bie cai ama nizédaioi cue diga jáillena. Daje izói cue canóllena afe ñue ínotimiena nizédaioi. Afe jíáimacimo omoi dúecaille úcube cue fecállemo afémie cuena cánoite. Cai Ocuíraimamo ñuera uai nitállena bie izói finódicue. Daje izói íemo jíái omoi íocire comínina canóacanana ácatallena, bie izói mamédicue.

<sup>20</sup> Bie úcube cue iráiamo buna fiéni úriñeillena bie izói finódicue.

<sup>21</sup> Bie izói ñue jaícina uáfodo canóacadicue, Juzíñamui eróicana ñue cue íllena. Dama Juzíñamui eróicana daí íñédicueza, daje izói jíái comini eróicana daí iticue.

<sup>22</sup> Afe íaillinoído jíáie cai izói ínote ámatiaimona dáamie orédicai. Afémie íocire ie mamérrillana diga jíáfuiáido ácatate. Iemo birui ómoimo iere ñue ie íinuado, ie íocire mamérrillana jamánomo jino ácatate.

<sup>23</sup> Daa come “¿Mei bu Títóna?” daíadi, “Jadíe omoi cue cánuamo cue nabáifiredimie,” omoi daíiri. Iemo afe Títodo jaide íaillinoímo comini jícanoíadi, “Crístomo jaináidinomona orécaiaillinoí,” omoi daíiri. Afe llezica “Bie come íaillinoí ñúefue Crístomo nitáfirediaillinoí,” omoi daíiri.

<sup>24</sup> Iemona bie oreca íaioímo, uáfueña íaioína omoi izíruiñerenana ñue íaioímo ácatari, nana Juzíñamuimo jaináidino onóilleza. Afe izói bie orécamaci ñue omoi llínuado, ómoído abí cue íinuana, uafue daítaitioímoí.

## 9

### *Amatiai íena úcube iráica*

<sup>1</sup> Juzíñamuimo ínotino, cai ámatiai izóidino íaioíena úcube iráia dibenedo, ómoímo uáfueña cúenidicue,

<sup>2</sup> mei omoi fecállena raíre mamérrifirenana ñue onódicueza. Omoi Acaya énie imáciomoi. Nauide fimónamona omoi fecalle raamo raíre mamérrifirenana Macedonia énie comínimo jaca caimare llófiredicue. Macedonia comínimona nabézie, omoi íocire mamérrillana fidíillamona comécido náicaidiaioí.

<sup>3</sup> Mei íadi bie úcube iráia dibenedo ómoído cue lloga ñúefue táinomo fáíñeillena, bie cai ámatiai ómoímo orédicue. Daí íaioína uícodo orédicue, nauí cue daína izói áfemo ñue omoi finóbillena.

<sup>4</sup> Macedonia imácimona dárie cuédo jaia, nai omoi finóbiñenana baizájillena gáíñedicue. Daí omoi íllana íaioí baizájadi, afe cuena meáidaitade, mei áfedo nano uícodo omoi ñue cue íinuana táinomo fáífitaitioímoíza. Iemo jíái afémaci daí omoi íllana cíocaizaíbiadi daje izói dani ómoína meáidaitaite.

<sup>5</sup> Afe bíemona nano uícodo ómoímo bie cai ámatiai cue orelle iere jítaíredeza, daí comeci facádicue. Iemo daje izói afémaci nauí uícodo omoi mameca aillo úcube iráiana ñue ícoímo fúitana cánoítiaioí. Bimaci omoi cánuamona afe úcube iráiana fúitano, afe úcube caimare omoi fecállemo ñue finóbitioímoí. Iemona afe omoi fecalle cue riire ocuínidicue. Dáni omoi comeci ñue jítainana ácataitioímoí.

<sup>6</sup> Ja cue llollífueño omoi uibíoiri. Due ritímie jaca due jofo ote. Iemo daje izói aillo ritímie aillo jofo ote.

<sup>7</sup> Ie jira illa dígamie ie comeci caimare mamérrilla izói ie úcube írede. Jeruillano éoinamona fecánide. Daje izói jíáima ocuíoillamona ínide. Mei Juzíñamui caimare fecáfiredimiena izíruiteza.

8 Cai Moo Juzíñamuimo nana jiáifoide omoi cáimacaitade ráaniai iere aillo íteza, facádoñeno jamánomo ómoimo fecárede. Daií nana dani omoi jitaica ráaniaina ómoimo nágarui ífireite. Mei íadi dani ómoieñedeza, mei jiáifodo ómoimo aillo ite ráamona, nana jiáiforiende raado jiáimacina jeruíñeno canórediomoí.

9 Juzíñamui Cuegáuai bie izói daide:  
Dúeredinomo afémie jeruíñeno aillo fecade.  
Comínimo afémie ñue finócano jaca are iite.

10 Iemo afe daade Juzíñamui omoi ríllena jiáie ríamo llizítano ómoimo fecáfirede. Daje izói afe riga zícua mona, Juzíñamui áfemona omoi güille raana comúitano ómoimo fecáfirede. Iemona nana omoi jitailla ríllena afémie ómoimo fécaite; íemo dáanomo omoi rigánuiaina jamánomo aitátaite; áillamona jamánomo aillo óitiomoí. Daií omoi jamánomo óllemona jiáimaci canolle raa díga icaiño ómoimo íteza.

11 Afemona díga jiáiforiendena ráareitíomoí, jiáimacimo jeruíñeno aillo omoi fecáfireillena. Iemo cue uire omoi orelle úcube cue izájillamona jiáie cai ámatiaina Juzíñamuina “Iere figura” dáítaite.

12 Mei jira afe bie cánua Jerusalemite cai ámatiaimo cai feca llezica, daa íaioí jitaica ráaniai íaioimo fecáñedicaiza, mei íadi afémacina Juzíñamuina “Iere figura” daítaticai.

13 Iemona dani afémaci Juzíñamuido ñue úritiaioí, mei bie cánua Cristo ñuera uaina omoi jíeruillana íaioimo jino ácatate. Daje izói afémacimo íemo naa jiáimacimo jeruíñeno aillo omoi fécajana íaioí ciónamona, Juzíñamuimo ñuera uaina jóneitiaioí.

14 Iemona ómoína iere duéruillano, afémaci afe íbana ómoína Juzíñamuimo jícaitiaioí. Juzíñamui ómoído jino cíotaga aillo dúecaifirenmona afémaci ómoído Juzíñamuimo úrifireitiaioí.

15 Ie jira Juzíñamui afe caimo lloga áillo dúecaifirenana jamánomo ñuénamona, fia iga raa izóideza, áfena jino uaido jaícina llónidicaiza. Afe caimo dúecaifirenari Juzíñamuina “Iere figura” mai cai daílli.

## 10

### *Cristo orécamiéna íllamona Pablo ocuilla ríno ite*

1 Cue Páblodicue. Cristo caimo dúecaifiredeza, íemo jiáí afémie iere cáimamieza cue daje izói izire ómoimo jícaiticue. Ómoimo riire cue úrizaibiñeillena ja birui jícadícue. Dáarie cuena uáitatino bie izói cue díbenedo daífirediaioí: “Pablo omoi cígiri illa llezica afémie iere comécina mánaídímie, mei íadi afémie jica jíáinomo illa llezica afémie abido riire ocuídímiena dóbaicaide,” daídíaioí.

2 Mei jiáifodo, omoi cue eróizaibilla llezica, riírede uaina ómoimo cue úrizaibiñeillena izire jícadícue. Mei ómoimona dáarie cuemo fiénide uai jítaíno ite. Afe íaioí jítaica uai bie izói joide: “Nana ie finócano daa bínie comíni jítaína izói finoca,” daí daídíaioí. Iemona afémaci cue úritaja, riírede uáillaído íaioimo úriredícue. Mei íadi afe izói cuena úritaño iri.

3 Mei uáfueza, ua cómedícue, mei íadi bínie comíni fuirífirena izói fuiríñedícue.

4 Fiénidífuiaí oni cue caitalle raa, bínie comíni fuirilla raa izóíñede. Mei jiáifodo cue fuirilla raa Juzíñamui rínona rínorede, abi rídollena riire finócauai izóidena cue táinocaitallena.

5 Mei áfedo cuemo fiéni jítaícana oni caitadícue; daje izói cuena íaioí cáitajana oni féitatadícue. Nana uáitaíacadíno íaioí abi ínuano jiáimaci Juzíñamuina raíre

onóñeillena jizítafirediaioi. Ie jira nana íaioi comeci faca uailai Cristo anamo itátaiticue, afe Crístona íaioi comeci jiéruillena.

<sup>6</sup> Cue llógana omoi jiéruilla ñue ícoimo dúcille llezica, nana jiáie uáitafiredinona duere fñoiticue, íaioi jiéruañena ícoinia.

<sup>7</sup> Daa jínofene cioide ráaniaimo eróidiomoi; uáfueza, náinidimiena cue eróinamo eróidiomoi. Ninó dáme “Uáfueza cue bie Cristo iédicue,” daíadi, bífuego aféme ubicaitarede: Cristo íena ie illa izói, daje izói cue Cristo iédicue.

<sup>8</sup> Mei diga icaiño, cuemo ite ríinodo cue llóyadi nai áferi méaidañeiticue. Mei cai Ocuíraima afe ríino cuemo jóonete, áfedo Juzíñamui dibénemo ñue omoi cue móonaitallena. Omoi niné cue táinocaitallena cuemo íñega.

<sup>9</sup> Fia rabedo ómoína jácidotimie izói íacañedicue.

<sup>10</sup> Dárie cue ciegábiaido daidiaioi: “Jamánomo riire ocuífiredede; mei íadi aféme comini eróicana úrilla llezica, aféme ríimieñede. Afe llezica ie úrilla uaina iere jáimairuirede,” daidiaioi.

<sup>11</sup> Afe izói úritimie bie izói onótarede: Jicana rabedo riire cue úrilla izói, afe izói omoi cígiri cue ille llezica riire úriticue. Nane afe dáaruido afémacina riire ócuiticue.

<sup>12</sup> Afémacimona dáarie dani íaioiena ñue caimare úritiaioi. Táinomo abi ínuado úritiaioi. Afémaci illa izói jaca mamériñedicue. Dani táinomo íaioi comécillado conímamo comécidiaioi. Ñuera come daíillena dani conímamo facádiaioi. Daíí fácajamona abina onóñedimacina jáidiaioi.

<sup>13</sup> Cuemo dúñede raado abina ínoñeiticue, uai cue llócaillena mózizaillinona llotimie, Juzíñamui. Aféme ñuera uailai cue llócaillena omoi illánomo cuena dúcite. Uáfueza Corinto dinomo cuena jáitate.

<sup>14</sup> Ie jira cuemo dúide táijnafue baimo jáiñedicue. Mei nauí Cristo ñúefue fueñe ómoimo jino dénuaiibiticueza. Iemona afe omoi cígiri cue táijille cuemo dúide. Nano fueñe lluaíbiñedicuena afe táijille cuemo dúñede; mei íadi daítañede.

<sup>15</sup> Jáímaci táijnana cúeiena abimo maiñoñedicue. Afedo abina ínoñedicue. Mei jáífodo Juzíñamuimo omoi ínogafue ñue móonaille dinori, omoi cígiri jamánomo cue táijillemo ocuídide. Mei íadi cuemo dúide táijnafuedo tájifireiticue.

<sup>16</sup> Iemona afe méifomo omoi illa batífenemo jica itínomo jílona uai llujiredicue. Mei íadi afe llezica jiáima taineca táijnamo táijnaiticue, ie táijnado abí cue ínoñeillena.

<sup>17</sup> Mei jáífodo daa come abí ínoiacania, cai Ocuíraimado abí ínoiteza.

<sup>18</sup> Dama ie abido ñue úritimie, ñuera come daífirenamiena jáiñeite; mei jáífodo daa Juzíñamui ñue úrillamie, ñuera come daínamienna jaille.

## 11

### *Cristo óreñega taino llotino Pablo diga*

<sup>1</sup> Abina onóñedimie izói due jiza úriticueza. Raire cue uai oñeno fñaicana cue úrillamo ómoína cacáretaacadicue. Mai fñaicana abí cue ínuamo omoi cácarei.

<sup>2</sup> Ómoína iere uríoifiredicue. Afe omoi cue uríoilla Juzíñamuimona comuide. Dámie ie áireiacania jetañega jitaingo óllena jica ia mámano jicánote. Afe jicánogango daa afémiemo ínreirede. Mamécaruimo afengo moo aféngona izájite. Afe izói Crístomo ómoína cue izájillena ja Crístodo mamédicue. Ie jira ómoiri iere uríoide.

<sup>3</sup> Mei comini nánoidingo Evana jaio bífuiano jífuia izói, afe izói jíámaci ómoína bífuiana jacíruiticue. Afemona figo abí omoi ráiruiñenia jífuefitiomoí. Iemona Crístono ñuera comécido omoi comécillana oni jíáfodo féitaitiaioí. Daje izói Crístono nahí omoi izíruillana féitaitiaioí. Afena jacíruiticue.

<sup>4</sup> Cue llócaiga Jesús izóiñedimiena ómoimo llotíaioí. Afemo fíaicana caimare ñue cacáreidiomoí. Afemo nibai omoi ñnollena jacíruiticue. Iemo nauí ómoimo cue lloga o maiñoca Ñuera Joreño izóiñedena jíáifoide joreña abimo maiñódiomoí. Iemo jíái uícodo cúemona omoi cacana ua jíllona uai izóiñedena jíáifoide uai jeire otíomoí.

<sup>5</sup> Birui baie omoi cígido jáillamaci “Cai bie Cristo orécamaci baimo ñúemacídicaí,” daidíaioí. Mei íadi afémaci jofófenemo ráifiñedimiedicue, daí comécioidicue. Iemona ¿nibái mei cuemo cacáreñeitiomoí?

<sup>6</sup> Mei nibai cue úrilla uai figo jínoñeniadi, nai cue onoiga rafue jino llúana dibénedo iere baitádimiedicue. Nana ómoimo cue llócaillado afe bie cue onóigafuiaina jaca nágarui jino ómoimo ácatafiredicue.

<sup>7</sup> Jíllona uai ómoimo raiñoñoeno cue llúado, omoi anamo cue abina itátaticue. Daí iticue cue baimo ñúefuedo omoi jalléillena. Daí cue illa ¿nibai fiénide? Daítañede.

<sup>8</sup> Jíáie Juzíñamuimo jaináidino omoi cue canolle úcube ibádiaioí. Omoi cígiri cue íllena afe úcube cue llínua afémacimona cue bairoca izoide.

<sup>9</sup> Omoi cígiri cue illa llezica, cue jitaica raana ite. Mei íadi áfena jaca ómoimona raiñoñedicue. Aféruillaido Macedóniamona bite cai ámatiaí, cuemo ñede raana fecádiaioí. Afe daí cue abina rairuídicue, omoi cígimo nana cue finócafuiái ómoimo juare zúíñeillena. Iemo nauí cue illa izói, afe izói omoi cígiri jaca daí ífireiticue.

<sup>10</sup> Cristo ñúefue ua cue onona izói, afe izói nane jíáifuena ua onódicue. Afefue bie izói daide: Nana Acaya éñedo raiñoñoeno táijifireiticue. Afe cue táijina cue raiñoñoenari cámacaiticue. Iemo afe cuemo ite cámafue buna cúemona báiroñeite. Afena uáfodo onódicueza.

<sup>11</sup> ¿Nibái mei daí íriticue? ¿Nibai ómoína cue gáñenado daí íriticue? ¡Ieñede! Ómoína iere cue gáinana Juzíñamui ñue onode.

<sup>12</sup> Mei íadi jaca cue fínua izói finóicaiticue, cuena uáitatino abí ínotañeillena. Jaca ómoimo raiñoñoeno táijifireiticue, baie abí ínotino íaioí abí ínua raa cue bairóllena. Afémaci úcubena ómoimona izire jicáfirediaioí Cristo ua orécamiena cue illa izói íaioí íllena. Mei úcube íaioí ófirenamo ínotiaioíza, áfedo “Cristo orécanodicaí” daííllena. Ie jira afe íaioí ínoga uai oni caitáacadicue. Iemona jaca raiñoñoeno ómoína canófireiticue.

<sup>13</sup> Baie afémaci Cristo óreñega iere taino llotino. Daje izói afémaci jíámacina jífuefiredino. Iemo jíái afémaci come jifeia jíáifo eroína izói, Cristo orécamacina comínina íaioimo comécitaacadiaioí.

<sup>14</sup> Afe bie jíáfodo afémaci eróinafue cáimona jánaiñede, mei dama Taife egáñote Juzíñamui abí ímiena eróillena méidoficaideza.

<sup>15</sup> Ie jira, Taifemo táijitagano ie méidoficailla izói méidoficaifirediaioí; afe jíáifoide raa izoiñede. Iemona jifeide come eroína izói bimaci ñue ite comínina eróillena abina jíáfodo méidotiaioí. Mei íadi íaioí finócaiga fiénidifue dúina dieze afémaci táinocaitiaioí.

*Cristo orécamiena ie íllamona Pablo duere zefuide*

<sup>16</sup> Nane dáanomo ómoína dáititicue: Bie jabo abí cue ínuamona cue úrillamona bu cuena “Uáiritaidimiedio” daíñeno iri. Mei íadi daa come daí



comécido daiíadi, dama uáiritaidimie izói úriticueza fia omoi eroiri, áfedo jabo abí cue ínollena.

<sup>17</sup> Afe bie abí cue ínua uaina, cai Ocuíraimamo ite rínodo cuena daií daitañede. Mei jiáifodo dama uáiritaidimie izói úriticueza.

<sup>18</sup> Mei dani íaiói daina ñuera uaido abí ínnotinuiái aillo íteza; afe íaiói taino abí ínnuana izói, afe izói abí ínnoiticue.

<sup>19</sup> Omoi zánuano dáititue, omoi jamánomo baitádinodiomoiza, mai uáiritaidimie izói cue úrillamo caimare fíaicana omoi cácarei.

<sup>20</sup> Mei ómoína baie riire táijitatinona caimare fíaicana cacáreidiomoi. Iemo jiái ómoimo ite raana báiruabitino uaimo caimare fíaicana cacáreidiomoi. Iemo jiái ómoína náamatabitino uaimo fíaicana caimare cacáreidiomoi. Iemo jiái omoi jamairuitinomo caimare cacáreifirediomoi. Iemo omoi uiécona fatade izóidino, afe ñi ómoína fiene úritinomo fíaicana caimare cacáreidiomoi.

<sup>21</sup> Bie izói cue daina cuena meáruitade, mei íadi dama cue jamairuillado dáititue, cue bie afémaci fínua izói, cue finóllena figo ríinidicue.

Mei íadi aillo jiáie comini jacíruiño daiífírena izói, cue jiái jacíruiño dáititue, mei íadi áfedo uáiritaidimie izói úriticue.

<sup>22</sup> ¿Meita afémaci hebreo imaci? Cue jiái daje izóidicue. ¿Meita afémaci Israel nairai iédiaíoi? Cue jiái daje izóidicue. ¿Meita afémaci Abrahámona comuídino? Cue jiái afémaci izóidicue.

<sup>23</sup> ¿Meita afémaci Cristo táijitagano? Cue bie afémaci baimo Cristo ocuícamedicue. (Bie izói cue dáinado uáiritaidimie izói úriticue.) Cue bie afémaci baimo jamánomo táijidicue. Cue bie afémaci baimo zéchedogacue. Daje izói afémaci baimo llavécacue. Iemo diga ícaiño titáacagacue.

<sup>24</sup> Cinco dígcacaiño judío nairai duere cue fínua llezica, cuena zechénotadiaíoi. Nágarui duere cue íaiói fínua dáruido treinta y nueve dígcacaiño cuena zechénotiaíoi.

<sup>25</sup> Iemo dacaiñoámani cuena ragüüzido fatíaíoi. Iemo dacaiño nofíciaina cuena níjdiaíoi. Iemo dacaiñoámani cue jailla áillue nocáe buide. Iemo dacaiño cai buíllamona daa naio daa mona diga afórede monaillai cígimo iticue.

<sup>26</sup> Dáanori uái iñeno iere macáfíredicue. Iemo diga imani jacíredinuiaimo iticue, íemo jacírede meríríredino cígimo iticue, íemo dama cue comíniri jacíredifuiái cígiri iticue naa jicánemaciri. Iemo áillue jofue cígimo ite jacíredifuiái cígimo iticue. Daje izói áillue nairai jinomo ite jacíredifuiái cígimo iticue, íemo jiái monáillaimo jaci cácadicue. Iemo jiái taino ámatiaí cígimo jaci cácadicue.

<sup>27</sup> Daje izói juárede táijnamo iticue naa féiredifuiáiri. Diga ícaiño mona naio diga iníñeno táijidicue. Daje izói iere jufi cácadicue, íemo jiái jainoi iñénari duere zefuúdicue. Diga ícaiño Juzíñamuimo comeci fácano güiñeno jáicadicue. Daje izói rólliemo duere zefuúdicue. Daje izói incuironino jáicadicue.

<sup>28</sup> Nane bífuiái baimo jiáifuiái cuemo comuide. Nágaruillaído náganuiaimo ite Juzíñamuimo jaináidinomo cue comeci úcaide. Iaióina abíoidicue izói duere zefuúdicue.

<sup>29</sup> Iemona daa come figo Juzíñamuimo ie ínnoñenamona duere zefuúadi, afe cuena duere zefuúate. Daje izói dámie íaifuemo comeci ñine féiacaniadi, cue comeci ñiné féizailla izoide. Iemona afe cuena meáidaitade; daje izói cuena ríicaitade.

<sup>30</sup> Mei afémaci táinodo cuena abí ínnotaadi bie izói dáititue: Cue mairíñenana jino ácatate raado ñue cue úrillena baimo gáidicue.

<sup>31</sup> Cai Moo Juzíñamui bie cue daína ua uaina onode. Afémie cai Ocuíraima Jesucristo Moo; íemo jiái afémie jaca ninomo ióbioitaregaza.

<sup>32</sup> Nauri Damáscomo cue illa llezica afe nairai jabóidillaíma naga nazemo úñorainina jóonete, llaitada cue llavéllena. Afe nairai nahíllaíma Areta mámeciredimie.

<sup>33</sup> Mei íadi jiáie Juzíñamuimo ínotino, eróirafomona cirígaido cuena ana agúinetiaioi; mei afe jofue onífene cirínua raa caifo jicado íteza. Daí afémacimona botada jíllodicue.

## 12

### *Juzíñamui Páblomo nicaí anado ua ráfuedo úrite*

<sup>1</sup> Dáamie dama abido caimare úria minícana oñede. Ie úrilla jiáie raamo ráifiñede. Afefue ñue onódicue ia, cai Ocuíraima nicaí anado cuemo ácataga raa jino llóredicue. Afe llezica uícodo nai buna óñoñegafuiai cuemo llote.

<sup>2</sup> Afe cuemo ácataruimona ja catorce fimona jaide. Aféruimo Crístomo cue jaináinamona caifo tercera monamo Jesucristo illámonamo uigacue. Onóñegaza nibai caana abido uigacue, nibai íeizinino uigacue. Afe dama Juzíñamui onoiga.

<sup>3</sup> Cue úinaruimo nibai abí diga uigacue, nibai daa cue joreño úina, áfena onóñedicueza; dama Juzíñamui onoiga.

<sup>4</sup> Juzíñamuimo ínote tíidino jáillinomo uigacue. Afénomo Juzíñamuimona dama cuemo duide ebírede uáillaina cacádicue; afe uáillaído Juzíñamui rairuúdeza birui úrinidicue.

<sup>5</sup> Afe cuemo ácataga raado abina ínoredicue, mei íadi áfedo abina íñoñeiticue. Dama cue abina íñoñeiticue. Mei jiáifodo cue mairíñenado ñue cue úrilla iere gáidicue.

<sup>6</sup> Mei dama abido cue úriacaniadi, afe abina onóñeno úrilla izoíñede, mei jaícina uáfueña úriticue. Mei íadi áfedo úriñeiticue, mei cue ciona izoí comini cuemo comécillena jitáidicueza. Afe izoí cúemona íaioi cacana izoí áfeze cuemo íaioi comécillena jitáidicue. Afe baimo aillo jiáiforie cuemo íaioi comécillena jítaiñedicue.

<sup>7</sup> Afe cuemo jino onótaga raa iere jamánomo ebire cioide. Ie jira áfedo jamánomo abina cue íñoñeillena, duere zefuíttagacue. Afe duere cue zefuilla come abimo eedo llúina izoide. Afe eedo, Taífe come izi cácatate raa izoí, cuena duere fínuaíbite.

<sup>8</sup> Bie duere cue zefuilla raa cai Ocuíraima oni oréllena dacaiñoámani íemo jicádicue.

<sup>9</sup> Mei íadi cai Ocuíraima cuena daide: Cuemo ite o cue cáimadofirena nana omo comuide duere zefuilla o ocuíllena ñue cánoite. Mei daa come nánina llezica, cuemo ite ñuera ríino afémiedo ñue jino ácatarede,” daide. Ie jira cuena náinitade raari ióbidicue, afe daí Crístomo ite ríino cuedo jino ácatallena.

<sup>10</sup> Mei jira cue náninari ióbidicue, íemo comini cuena báíñuari ióbidicue. Daje izoí raana cue jitáillari ióbidicue. Afe izoí cue duere íaioi finóacanari ióbidicue. Iemo Cristo ícoínia féiredifuiái cuemo comuállari ióbidicue. Mei jamánomo íaioi cuena uáitaacana llezica, afe llezica Juzíñamui cue cánuado comécina jamánomo íociredimíena jáidicueza.

### *Coríntomo ite Juzíñamuimo jaináidinomo Pablo comeci úicaifrede*

<sup>11</sup> Dama cue abi ífuedo cue úricaillamona uáiritaidimíena jáidicue; mei íadi daí cue úrilla cuena ocuíoide izoí itíomoi. Mei dani omoi ja birui

cuedo ñue úrrediomoi; mei ráifiñedicue ia, omoi cígido jaide Cristo óreñega jamánomoidino jofófenemo ráifiñedicueza.

<sup>12</sup> Naui omoi cígido járitaiñeno fíaicana táijidicue. Afe cue táijicaillarui mo jáiiena onótate raana finódicue naa cíorainina ráaniairi. Afe dáaruido ebire cáimacaitate ráaniaina finódicue, nana bífuiaido Cristo ua orécamiedicue daíllena.

<sup>13</sup> Jiáie Jesumo jaináidino cígiri cue illa llezica, cue jitaica raana raiñódicue; mei íadi omoi cígiri afe izói iñedicue. Daa bífuedo jiáie ínotino jofófenemo ómoimo comécidicue. Afe ómoimo cue raiñóñena dibénedo ómoimo fieni cacáiadi áfemona meine caimare cue uáidori.

<sup>14</sup> Ja birui dacaiñoámani omoi cue eróizaibillena finóbidicue. Iemo omoi cígimo cue íllena ómoimo juare fínoñeiticue; mei ómoimo ite úcube cúeiena máiñuaibiñeiticueza. Mei jiáifodo dani omoi Juzíñamui mo ñue jaináitallena bíiticue. Mei uafue, éicomini úruiai íena úcubena ofítarena. Uruiai ie mo íena ofítanide.

<sup>15</sup> Omoi comeci ñue íllena dama cuemo ite diga caimare fúitaiticue. Daje izói ómoiri cuemo ite máriena jeruíñeno fúitaiticue. Omoina jamánomo cue izíruiaidi ¿afe íbana meita omoi jofófenemo cuena izíruirediomoi? Daiñañede mei íadi birui afe izói ómoimona dáarie cuena daí finódiaioi.

<sup>16</sup> Nana ómoina cue llótaiduaibiñedicue. Afena ñue fairíotiomoi; mei íadi afe méifomo dámerie jiáifodo daidíaioi: “Irebaimo jiita izói caina bífuiano úcube ote,” daidíaioi.

<sup>17</sup> Naui ómoimo cue orécamacimona, ¿meita cuemo izájillena dáme ómoina bífuiano úcube ote? ¡Oñede!

<sup>18</sup> Omoi méiñuaillena Tito izire jicádicue. Afémiedo daa jiáie ama orédicue. ¿Meita afe Tito úcube óllena ómoina jífuede? ¡Daiñañede! Tito, ie nabai, íemo cue, cue macáfírena izói, daje izói nana macádicaí, ¿ero ua? Dájena ñue comécillado táijifiredicaiza, ¿ero ua?

<sup>19</sup> “Caído abi ríidotio,” nibai caina comécido daidíomoi. Mei íadi afe izói jóiñede. Mei jiáifodo Juzíñamui eróicana Crísumo jaináitagame izói úriticaí. Mei cue izíruiga ámatiaidíomoi za, nana bie izói cue daína omoi comeci Juzíñamui dibénedo ñue móonaillena lloticue.

<sup>20</sup> Mei omoi díne cue bille llezica cue comeci óiacana izói iñédíomoi cue cíoizaibillena jacíruiticue. Iemo afe íbana omoi comeci óiacana izói iñedicue cue omoi baizájillena jacíruiticue. Iemo dájena ñue omoi jaináíñenamo jacíruiticue. Daje izói omoi íradoifírenamo jacíruiticue; íemo jíaimana omoi ícifírenamo jacíruiticue. Iemo afe llezica jíaimana duéruiñeno dani abí omoi úcificaiillari jacíruiticue. Iemo jíaima uaita uai omoi llófírenari jacíruiticue. Iemo jíaimaci jánari omoi úrifírenari jacíruiticue. Daje izói fieni abí omoi ínofírenari jacíruiticue. Iemo ocuícana náfueñedino izói fieni ebena omoi ífírenari jacíruiticue.

<sup>21</sup> Iemo jíai uire omoi cue éroizaibille llezica omoi daí íllari cue Juzíñamui ómoido cuena meáidaitalleri jacíruiticue. Iemo afe llezica nibai aillo ómoiri cue éeiari jacíruiticue, mei jaiai ninómona diga fíenidífuiai omoi fínuari éedicueza. Mei ómoimona aillo nai íaioimo ite íaífuiai féitañediaioiza. Daje izói íaioimo ite jírúífuena fáicanocaiñediaioi, íemo íaioi comécina jíríoide fieni finócafuaí oni nine féitañediaioi.

## 13

*Pablo íraicaiño íaioi uáidua uai, íaioimo llonódacaiga uai diga llote*

<sup>1</sup> Naui ménacaiño omoi méiñuaidicue. Ja birui nane meine omoi méiñuabiticue. Onódiomoiza, naga júfidoga rafue mena, nibai daámani uai nabáiraini daje izói úriadi, afe júfidogafue ñue záide.

<sup>2</sup> Naui méifodo omoi cue méiñuabilla llezica, nana naui uícodo fiēni itínona duere cue finóllena llonódacaidicue. Birui benó jica cue illa llezica dáanomo naui ómoina dama cue dáinana llóiticue: “Uire nane omoi cue méiñuabilla naui uícodo fiēni itínona naa ómoiri dúecaiño duere fínoiticue,” daidicue.

<sup>3</sup> Iemona omoi jenoca Cristo cuedo úrilla onótafirena raana ñue ónoitiomoi, mei áfena jenófirediomoiza. Omoiri Cristo náinidime izóineza, afēmie ríinorede, Cristo omoi diga jifánoñeza, ríiredimeza. Omoina ñue rairuíoide. Omoi cígiri íemo ite ríino jino cíotate.

<sup>4</sup> Uáfueza, Cristo náinidime izói cruzmo coraica, mei íadi birui afēmie Juzíñamui ríinodo caade. Afe daí Cristo náinina izói dájena náinidicue, mei íadi dájena afēmiemo cai jaináillado Juzíñamui ríinodo íiticue, omoi ñue cue finófireillena.

<sup>5</sup> Mai daní ñue abina omoi onoiri. Afemo, mai ñue comeci omoi facari, Juzíñamuimo ñue ínoga uai iere jeire omoi úana omoi onóillena. Omoi comeci ifue facada ñue jóonefireiri. Jesucristo ómoiri íllamo ¿meita afemo comeciñediomoi? Mei nibai jíáfodo jóide. ¿Meita táinona ínnotiomoi? ¡Afe daí íñeiteza!

<sup>6</sup> Mei uáfueza, cai bie táinona llotímieñedicue. Afemo ñue omoi comeciocaillemo ocuáridicue.

<sup>7</sup> Iemo afe llezica fiēnidifue omoi fínoñeillena Juzíñamuimo jicáfiredicue. Daa ñúefue dibénemo omoi íllena jicádicue. Mei íadi ñue jaícina llófuefiredimie cuena daíllena jicáñedicue. Dámie “Jaícina lloñedio” dáidi afena llóñeiticue. Ñúefuemo omoi ille comini cueri dáinana baimo ráifide.

<sup>8</sup> Jaca ua uai jeire omoi oíadi úaitañeiticue; ómoina lletánidicue. Mei jíáfodo afe uaina nabáiredicue.

<sup>9</sup> Ie jira ómoina cue lletáninamona náinina cue cíoiadi, áferi caimare íobidicue, mei afe llezica omoi ñue comécina náirediomoiza. Iemo nífuenino ñue jaícina omoi íllena jaca jicáofireitice.

<sup>10</sup> Nai omoi cue méiñuabiñena llezica, bibe uícodo ómoimo cueticue, uire ómoimo cue bíadi omoi diga riire cue íñeillena. Uáfueza, omoi riire cue lletalle ríino Juzíñamui cuemo iga. Mei íadi omoi cue táinocaitallena cuemo íñega. Mei jíáfodo Juzíñamui dibénemo omoi comeci ñue cue móonaitallena cuemo iga.

<sup>11</sup> Cue ámatiai, ñue ítíomoi. Dani nífuenino jaícina omoi illínomo omoi comeciiri. Bie ómoimo cue lloga uai náfuiano, conímana omoi náicaitafireiri. Conímamo dájerize caimare omoi comeciifireiri. Daje izói jíai dájena ñue uái illífuemo omoi iri. Iemo cai uái illifue comúitate Juzíñamui omoi diga ífireite, íemo ómoina ie izíruifirenana ónoitiomoi.

<sup>12</sup> Caimare conímana omoi uáidori.

<sup>13</sup> Nana benó ite dájena Juzíñamuimo ínote cai ámatiai ómoimo uai orédiai.

<sup>14</sup> Ja birui cai Ocuárama ómoina ñue fínoiteza. Daje izói Juzíñamui ómoina izíruifireiteza. Iemo Ñuera Joreño ómoina nabáioicaiteza. Daítadeza. Jae ñie.

## GALACIA ENIE IMACIMO SAN PABLO ORECABE La Carta del Apóstol San Pablo a los Gálatas

*Pablo, Galacia éniemo ite Juzíñamui uaimo ñnofiredinomo cuete*

<sup>1</sup> Cue Páblodicue. Juzíñamui ñúefue llujillena orécamiedicue. Dani comini cuena jóoniamona llujíñedicueza. Daje izói comini cue óriamona llujitagamiñedicue. Mei íadi dama Jesucristo llujitagamiedicue. Daje izói afe Jesús tíidinomona meine abido cáatate Moo Juzíñamui llujitagamiedicue.

<sup>2</sup> Nana Galacia éniemo ite Juzíñamuimo gairífiredinacimo bibe cueticue. Daje llezica nana cue diga ite ámatiai uai orédiaioi.

<sup>3</sup> Moo Juzíñamui fecaca comécina uái illafue dibénemo mai omoi iri. Cai Ocuíraima Jesucristo afe bífuiai daje izói caimo llote. Aféfuiai dibénemo mai omoi iri.

<sup>4</sup> Mei afémie, cai fiénidífuiai dóllena, titállimiena dama ie abina izájide. Daíi cai Moo Juzíñamui jitaina izói, afémie ie abina izájide, bie fiénidíruillaimona oni cai jirecaillena.

<sup>5</sup> Juzíñamui daíi cai jíllotajamona, afémiena “Jamánomo cáimamedio” mai cai daíilli. ¡Afémie jaca daíi íteza! ¡Mai!

*Abí dine cai jilloille uaina jaca ññede*

<sup>6</sup> Juzíñamuina raire omoi zóofiaila uai, cuena fáigacaitade. Zóofiano, ja jíaie táinomona lloga jíáifodo joide fia daína jíllona uaimo íacadiomoi. Aferi fáigacaidicue. Mei Juzíñamui, Cristo caina izíruillado omoi jilloillena, jae caimare ómoína uáidoteza.

<sup>7</sup> Uáfúena daíiticue: abí diné jíaie jíllona uai jaca ññede. Mei íadi dáarie ómoína áifedotimaci, cai bie Crístimomo ñnuamona cai jíllona uaina, jíáifodo feire méidoacadiaioi.

<sup>8</sup> Mei íadi jíaie come afe cai jíllona uaina uáitajano, jíáifoidí fue ómoimo llóyadi, mei dama Juzíñamui afémiena fáidoiteza. Nibai dama cue daíi jíáifodo llóyadi, Juzíñamui faidóllícueza. Daje izói monámona biite Juzíñamui abí ímie daíi llóyadi, mei Juzíñamui íena fáidoiteza.

<sup>9</sup> Naui ómoimo cue llua izói, birui nane daje izói daidicue: Dinó omoi jíáifodo llófueacadino cáimona omoi cacana jíllonafuena afémaci uáitaiadi, mei afémaci Juzíñamui faidólliaioiza.

<sup>10</sup> Bie riire cue dáinado ¿mei nibai comini bífueticue cue íaioi cáimadollena? ¡Mei íeñede! Dama Juzíñamuina íóbitaacaidicue. ¿Mei nibai comini uícori fígomiena íacaidicue? ¡Daje izói íeñede! Comini uícori fígomiena nai cue íacaiadi, mei Cristo táijitagamienna ínidicue.

*Pablo Juzíñamui ñúefuena llujitimiena jáillafue*

<sup>11</sup> Mei ámatiaína ja maméidiomoiiza, ja bífuena nane omoi uíbitaticue: Cue lloga jíllona uai comínimona comuíñede.

<sup>12</sup> Daje izói aféuaina comínimona cacáñedicue. Ua áfena bu llófueñegacue. Mei jíáifodo aféuaina dama Jesucristo onótacacue.

<sup>13</sup> Naui judíuiai ñnogafuiaiimo cue jainaina llezica, cue illáfúena jae onódiomoi. Aféruído Juzíñamuimo gairífiredinona iere duere íaioi cue finóllena riire cue rácajana fidídiomoi. Daje izói nana íaioína niné cue táinocaitallinona onódiomoi.



<sup>14</sup> Afe llezica, cue uzútiai daináuailaimo iere izire cue jaináiacanamona, judíuai ñnogafuemo baimo baitádimiema jáidicue. Aféfuemo comécina iere fígomiema jáidicue. Ua aillo cai judíuaimona, daane cue comuállagimamona baimo fibídimiema jáidicue.

<sup>15</sup> Mei íadi nai cue jócoñenia, Juzíñamui cuena nizede. Daií níziano, iere cuena ie izíruillamona, cuena uáidote. Cue ie uáidua mei, ie óiacana izói, ie Jitona cue onótate.

<sup>16</sup> Ua, ie Jitona cue onótate, afe Jitó cue onónamona Juzíñamui ñuera jállona uai judíoñedino cígimo cue llujállena. Daií Juzíñamui cue uáidotemo, bumo nífuena “Mai cue llofue” jicánoñeno, dama oni Arabia éniemo raire jáidicue.

<sup>17</sup> Ua, Jerusalemo ite nano cue uícomo uáidoga Jesús ñúefue llujájitinomo úrizaiñeno, raire oni Arábiamu jáidicue. Diga irui dinomo cue illa mei, abido Damáscomo biticue.

<sup>18</sup> Afe llezica Jerusalemo are nai jáiñedicue. Dafimonaámani dinomo cue fuita mei, Jerusalemo jáidicue, Pedro diga cue úrillena. (Afémie jíáifo mameina Cefas.) Aféruimo dama Pédróna ñue onódicue. Quince dígarui ie diga nabáiricadicue.

<sup>19</sup> Aféruillaido jíáie Jesús ñúefue llujájitimacimona dámie ciódicue; afémie Santiago, cai Ocuíraima ama.

<sup>20</sup> Juzíñamui eróicana úriticue: Bie ómoimo cue cuega nahí uáfueza, daidicue.

<sup>21</sup> Afe méifodo Siria éniemo naa Cilicia énie diga jáidicue.

<sup>22</sup> Judea éniemo ite Crístomo gairífredino nai cue uíecona onóñediaioi.

<sup>23</sup> Dáafuena fidídiaioi. Afefue bie izói daide: “Jaiái cai fállena cai racádimie, ja birui cai ñnollifue llocana uite. Jaiái jíáiruideo aféfuena afémie nine táinocaitaacade.”

<sup>24</sup> Iemona cuedo Juzíñamuimo ñúefue jóonetiaioi.

## 2

### *Jiáie Jesús orécamaci ja Pablo caimare uáidotiaioi*

<sup>1</sup> Catorce fimona fuilla mei, Bernabé diga meine Jerusalemo jáidicue. Afe dáaruido Tito uiticue.

<sup>2</sup> Juzíñamui cuena daina izói dinomo jáidicue. Dino Jerusalemo Juzíñamuimo ñnotino ocuífiredede jalléidino dáarie ite. Iaióri oni eneno fueñe dáanomo gairídicue. Dinomo judíoñedinomo cue llófirega jállona uai íaioimo jino lloticue. Bie izói íaioimo llujáidicue, nana cue llócaigafue táinomo fáifíñeillena; daje izói birui jino cue llogafue táinomo fáifíñeillena.

<sup>3</sup> Aféruideo cue nabai Títóna judíuai lloga uai izói, finóñediaioi; afémie judíoñedino íadi, ie bacano icoi quetátañediaioi.

<sup>4</sup> Afe llezica dáarie táinona llote ámatiai, báinino cai cígimo dúcidiaioi. Afémaci Tito bacano icoi quetáacadiaioi. Afémaci cai cígimo uíñodoimaridiaioi, rairuínino cai íllana onóillena. Mei ja birui Jesucrístomo cai jaináinamona, Moisés ocuica uáimona uáfodo jirénogacaiza. Afémaci nane abido áfemo caina izire rairuícana izói finóacadiaioi.

<sup>5</sup> Mei íadi íaioi llógana naado jeire oñédicai, mei oni íaioi táino llujáfuemo abina uitátañedicaiza. Daií íaioina jieruñedicaí, mei ua jállona uai jaca jeire omoi óllena, iere jitáidicaiza.

<sup>6</sup> Mei íadi afe Jerusalemo ite ocuífiredede jalléidino comue jíáifuena cuemo lloñediaioi. Afémaci jalléinafuena figo náfuñedicue, mei onódicueza: Juzíñamui, fia jinofe ífuena raire jicánoñede. Mei jíáifodo afémie naga cómemo dájerize ñue jaícina jicánoite.

<sup>7</sup> Ua, jiáie cómofuena cuemo lloñeno, dama cue llujigafue ñue jíeruitiaioi. Ñuera jílona uai, judíoñedinomo cue llócaillena Juzíñamui cuemo jóoniana como fidídiaioi. Afe uícomo daje ñuera jílona uai judíuaimo Pedro jino llócaillena fidídiaioi. Afe táijina Juzíñamui Pédro como jóonete.

<sup>8</sup> Mei uáfueza, Pedro ória izóí, cue jiái orécacue. Daje Juzíñamui Pedro judíuaimo cigimo oreca. Ie mei daje Juzíñamui judíoñedino cigimo cuena orede.

<sup>9</sup> Aféruillaído Santiago, Pedro, Juan diga nanoide ocuídino. Bie ñuera táijinafue Juzíñamui cuemo jóoniana íaioi fidínamona, cócona Bernabé diga caimare uáidotiaioi. Daí cócona finódiaioi, ja nana dáamacidicaí daíllena. Iemo, afémaci judíuaimo cigimo táijizailla llezica, coco jiái oni judíoñedino cigimo táijizairedicoco. Daí cócona daírediaioi.

<sup>10</sup> Daa rafue cócomo jicádiaioi: “Mai jaca féitaño, duéredinomo comecei ómicoi uíbifireiri,” daídíaioi. Afefue cue finóllena jaca jaritaifiredicue.

### *Antioquía jófuego Pablo Pédróna lletade*

<sup>11</sup> Mei jiáiruido Pedro Antioquía jófuego dúcia mei, íemo eróicana íena riire lletádicue, mei rairuiredifue ie finua jira.

<sup>12</sup> Fueñe afémie judíoñedino diga güizájifirede. Mei íadi Jerusalemo ite Santiágo como jaináidino dúcina llezica, afe Pedro judíoñedino diga dánomo abido güizáñede. Iaiomona jirecaillano oni eneno ífirede; mei Jerusalémona bite bacano icoi quétafue llotínona Pedro jacíruiteza.

<sup>13</sup> Afénomo Jesumo ínote jiáie judíuaimo ite. Pedro oni eneno jáillana íaioi cíoillano, afémaci daje izóí judíoñedino cigimona oni jirecaidiaioi. Iirainomo jiái Bernabé íaioi fiénide oni jirecaillamona daje izóí jirecaide. Afefue jiáimacina jífueoicaide.

<sup>14</sup> Mei íadi, ñuera jílona uai ua daina izóí íaioi iñénana cue cíoillano, nana dánomo gairídino eróicana Pédróna daídicue:

—O judío, mei íadi benomo judíoñedino illa izóí itio. Benomo judío illa izóí iñédio. ¿Níbái mei birui judíoñedínona judíuaimo illa izóí jóoneacadio? —dino Pédróna lletádicue.

### *Nana jiáie comini izóí, judíuaimo Crísto íaioi ínogafuedo jíllorediaioi*

<sup>15</sup> Cai bie jaca jocóinanomona judíuaidicaí. Juzíñamuimo comécifiredicaí. Judíoñedino Juzíñamuimo comécina facáñediaioi. Iemona fiénidifuiaredínona itíaioi. Cai afémaci izóíñedicaí.

<sup>16</sup> Mei íadi onódicaiza: Moisés ocuica uai iere ñéfinamona, buna Juzíñamui anamo ñue jaícina ínide. Mei dama Jesucrísto dánirre íaioi ínuado illa dígamie daí jaícina írede. Iemona judíoñedino izóí, cai daje izóí, Jesucrísto ínoticaí, afe íemo cai ínogafuedo Juzíñamui anamo ñue jaícina cai íllena. Uafue, Moisés ocuilla uai iere ñéfinamona buna ñue jaícina ínide.

<sup>17</sup> Birui cai judíuaimo cigimona dámie Crísto ie ínogafuedo Juzíñamui anamo ñue jaícina íacaniadi, bie izóí daírede: “Judíoñedino izóí fiénidimiena iticue” daírede. ¿Meita bífueomona “Cristo fiénidimacina caina itátate” daírede? ¡Daíñide! Mei Cristo jaca buna fiénidimiena itátanedeza.

<sup>18</sup> Mei jiáifodo, nauí niné cue táinocaitaga Moisés ocuicafue, meine abido jeire cue óiacaiadi, ua cue fiénidena uáfori jino cíotaiticue. (Mei afefue iere cue ñéfinamona Juzíñamui anamo ñue jaícina ínidecúeza.)

<sup>19</sup> Afe Moisés ocuícáfue ja cuemo dúíñede. Da afe uai jeire cue oñenamona cuena titade izói finode. Afe Moisés uaimo cue dúíñenamona, ja Juzíñamui dibénemo, tíllanomona meine cáadímie izói iticue.

<sup>20</sup> Cristo nauí cruzmo coraica tílla izói, ja birui tíde izói finócamiedicue. Iemona ja birui cue cáanano dama cúeieñede; Cristo cuemo íllado cáadicue. Afe bie éniemo ite bie cue cáanano, dama Juzíñamui Jitomo cue ínuado ófiredicue, mei afémie cuena izíruillano, dama ie abina cue meífomo cruzmo tízaideza.

<sup>21</sup> Juzíñamui cue jíllloillena caimare cue cánuafuena jaca ruiffruiacañedicue. Mei dámie Moisés ocuica uai jeire úamona Juzíñamui anamo ñue jaícina ítenia, Cristo tílla ráifiñede.

### 3

#### *Moisés ocuica uai comini ínogafue abido joide*

<sup>1</sup> Aii, Galacia comini, iere abina onóñedinona itíomoi. ¿Bu aima izói omoi bífuia, ua uaina omoi jíruíñeillena? Nauí ómoimo cue lluaruido, coraica Jesucristo jino uáfodo ómoimo fidítaticue.

<sup>2</sup> Mai bifue cuemo omoi lloíri: ¿Nífuedo afe Ñuera Joreño ómoimo ite? ¿Meita Moisés ocuica uai jeire omoi úado ómoimo ite? ¡Íñega! Mei jíáfodo, ¿omoi cacana uai omoi ínuado afe Ñuera Joreño nibai ómoimo ite? Jii, áfedo ite.

<sup>3</sup> ¿Níbái mei iere abina onóñedinona itíomoi? Jesumo omoi ínua mei, Juzíñamui Ñuera Joreño nanómona ñue omoi canode. Afémie ómoína canode ñue jaícina omoi íllena. ¿Meita ja birui afe cánuana zóofiano dama ómoimo ite rínodo nibai ñue fúitaitíomoi? ¡Jaca fuitánidíomoi!

<sup>4</sup> ¿Nana omoi duere zefuállafue jaca ómoimo nibai ráifiñede? ¿Níbái taino abiri aféfuiai ómoimo daí íficaide? Aféfuiai táinona íllamo comécíñedicue, mei daítañedeza.

<sup>5</sup> Nauí Juzíñamui ie Ñuera Joreño ómoimo fecade. Iemo Juzíñamui omoi cígiri uaido finoca cíorainina raana comúitate. ¿Mei nibái bífuiaína Juzíñamui ómoimo finode? Ocuica uai jeire omoi úamona, afémie aféfuiaína finóñede. Mei jíáfodo dama cúemona omoi cacana uai omoi ínuamona afémie bie izói finode.

<sup>6</sup> Abraham Juzíñamuimo ínote; íemo ie ínuamona comécina ñue jaícina jóidimiena Juzíñamui íena caimare uáidote.

<sup>7</sup> Ja bífuemona onóredíomoi: Nahí Abraham erófene igímaiai Juzíñamuimo ínotino.

<sup>8</sup> Juzíñamui nana uire ie finóllifuiaina raire uícodo onode. Iemona ie Cuegáuaido aféfuiaína afémie jino llote. Nana íemo uire ínotino judíoñedino íadi, Juzíñamui anamo ñue jaícina itátaillifuenta Juzíñamui raire uícodo onode. Afena ie onónamona bie ñúefuiai jaiai uícodo Abrahana daide: “Naga náiraiai ómona ñúefuemo ézicilliaioi,” daide.

<sup>9</sup> Mei daí nana Juzíñamuimo ínotino dájena Juzíñamuimo ínote Abrahámoiri ñúefuemo ézicilliaioi.

<sup>10</sup> Nana íaioi jíllloillena Moisés ocuica uaimo ínotino ja fieni faidócaiaioi. Mei daí Juzíñamui Cuegáuai dáideza: “Nana Cuegánicomo ite ocuica daínáfuenta, nágarui ñue fuitáñedino ua fieni faidócaiaioi.”

<sup>11</sup> Bífuemona ñue onódicaiza: Ocuica uai iere ñéfinamona buna Juzíñamui anamo ñue jaícina jóoneñega. Mei jíáfodo Juzíñamui Cuegáuai daide: Juzíñamuimo ie ínogafuedo Juzíñamui anamo ñue jaícina jóonegamiena jáidímie, afe daa ie ínogafuedo are zíñona íte.

<sup>12</sup> Afe Moisés ocuica uai comini ñnogafue abido joide. Bíuailaina ñue ícoimo fuitaacadime, aféuailaido írede.

<sup>13</sup> Ocuica uai cai faidóllifuemona Cristo caina oni jirecaitade, mei afémie cai ícoinia faidóbideza. Juziñamui Cuegáuai bie izói daide: “Naga aménamo agüineta fagámie faidócaza.”

<sup>14</sup> Bifue daí íficaideza, judíoñedino ñúefuemo ézicillena. Ua Juziñamui Abrahamo lloga ñuera ézicirafue daí Jesucristodo judíoñedinomo fecaca. Bifue daje izói íficaideza, Juziñamui uícodo lloga Ñuera Joreño cai ñnogafuedo caimo illena.

*Moisés ocuica uai, Juziñamui Abrahana dáinana oni caitánide*

<sup>15</sup> Cue ámatiai, naga come onóigafuemona dafue ómoimo llóiticue: Dámie contrato llínoiadi, ie mámece afébemo cuega, íemo afe ja cúgana buna oni caitánide. Daje izói afe cuega baimo buna jiáiuaina zotánide.

<sup>16</sup> Ja onódicaiza: Afe ñuera uícodo lloga uailai Abrahamo Juziñamui jaiiai llote; daje izói Abraham erófene ímiemo lloga. Aillo ie erófene igímaiaimo Juziñamui Cuegáuai daíñede, mei jiáifodo “O erófene ímiemo llóiticue” daide. Afe dainámie Cristo.

<sup>17</sup> Cue llogafue bie izói joide: Juziñamui riírede méidoñega uai Abrahamo llote. Afe llezica afefue féiñeillena Juziñamui afe uaina riire jónete. Afe lloga uai contrato izóidiuai; jiáifodo méidonideza. Ie jira cuatrocientos treinta diga fimona záilla méifodo Moisés lloga ocuica uai, uícodo Abrahamo lloga uaina oni caitánide. Daje izói méifodo ocuica uai, uícodo Juziñamui lloga uaina ráifitanide.

<sup>18</sup> Juziñamui dáinamo ie ñnuamona Abraham jíllode. Afe bie méidonide Abraham jíllouilluaina Juziñamui raiñóñeno íemo fecade. Iemona afe jíllona uai, Moisés ocuica uaimo jaináñede. Moisés ocuica uaimo jaináiadi, aféuai ja uícodo lloga jaca raiñóñeno iga raa izóiñede.

<sup>19</sup> Iemona, Moisés ocuica uai ¿niemo ráifide? Afe ocuica uai méifodo bai nabaica, comini íaioi finoca fiénidifuiaina onótallena. Afe nabaica uai are ñede. Núefuena lloga Abraham erófene ímie Cristo bíllamo, afe nabaica uai záide. Afe ocuica uai monámona Juziñamui abi imácido lloga. Iemo íaioi llua mei, Moisés aféuaina jino comínimo llote.

<sup>20</sup> Juziñamui Abrahamo úrilla llezica jiáimado Abrahamo lloñede. Dámie daí uáfodo úriadi, jiáie llóitimiena jítaiñede. Bie Abrahamo úritimie daade Juziñamui.

*Moisés ocuica uai ¿nié izói comínina canode?*

<sup>21</sup> ¿Mei nibai bifue daíacade Moisés ocuica uai, Juziñamui lloga ñúefuaina uáitaacade? ¡leñedeza! Uáitaacañede. Mei cáataite ocuilla uai ígadenia, aféuai jeire cai úado Juziñamui anamo ñue jaícina íredicai.

<sup>22</sup> Mei jiáifodo Juziñamui Cuegáuai daína izói, nana fiénidifue mo llavécanodicai. Daí Juziñamui uícodo mamede, nana Jesucristomo ñnotino jíllobicailena. Uafue, Juziñamui afe bie izói mamede Crístomo ñnotino íaioi ñnogafuedo Juziñamui lloga ñuera jíllonafuena íaioi óllena.

<sup>23</sup> Jesumo cai ñnogafuena nai jino déiñena llezica, ocuica uai caina llavécanona finode. Aféruillaido Jesumo cai ñnollifue jino déillemo ocuírivicai.

<sup>24</sup> Iemona Juziñamui afe ocuica uaina caimo mamede, cai ñue rairuillena. Ua úruiai ñue fibítatimie izói caina rairuide. Daí afe ocuica uai caina úiñeide; nai Cristo bíñeille dinó. Afe daí Cristo bíllemo afémiemo cai ñnuado, Juziñamui anamo ñue jaícina íredicai.

25 Birui ja Jesumo cai ñnollifue déideza, ja afe Moisés lloga fibítatíuui dibénemo dúñnedicai.

26 Mei Jesumo omoi ñnogafuedo, ja omoi nana Juzíñamui úruiaidiomoi, ja Cristo Jesumo dájena jaináidiomoiza.

27 Omoimona báutiza mei Cristo Jesumo dáena jainaide dieze, nana omoi afémie comeci ífueña ja jeire otíomoi.

28 Ja biruímona cai cígiri bie judíona dainámiena ñede, bie Griego dainámiena ñede. Daje izói llavécamienna ñede. Oni eneno jirénoga dainámiena ñede. Afe izói ringo iima diga oni jiáifodo mámeñega. Ja Cristo Jesumo cai jaináinamona nana cai dáamacidicai.

29 Ja Cristo íediomoiza, Abraham erófene igima izóidinona jáidiomoi. Iemona Juzíñamui Abrahamo uícodo lloga ñuera jílloillifueña, feci raa máíña izói, máíñoitiomoi.

## 4

1 Bie izói cue daiíacanafue: Daa come jitó móonaillano, ie moo tílla mei, moo raana náamatarede. Mei íadi afémie nai úruena llezica maiñónide. Afémie nai jofo eromo ocuífiregamie izoide, afémie nana afeco raana maiñóreite íadi.

2 Afémie nai úruena llezica, íena úiñotino ite, ie moo jiáifodo ie úiñotinomona oni olle dño. Daje izói ie jetállifue ocuídño ite.

3 Jaca bie izói caimo comuífiredo. Cai jílloillíuui nai déíñena llezica, nai úrue illa izóidicai. Aféruillaido aillo bínie comini nícidogafuiai anamo, izire ocuícano izói, iticai. Dáarie cómemona ocuica uáillaido llavécacai.

4 Mei íadi nana Juzíñamui mamécafuiái ñue zuilla mei, jaiái uícodo ie mámiarui dúciamu, Juzíñamui ie Jitó Jesús orede. Afémie ringómona jococa. Moisés ocuica uai anamo judío izói comuizaíbite.

5 Afémie daií bite, nana Moisés ocuica uáillaido llavécano aféuaimona oni jirecaitallena. Daií cai jirecaillamona Juzíñamui dama ie jitótiaína cai jáillena cai mámano, camare caína uáidoite.

6 Iemona, ie jitótiaí omoi íllana omoi onóillena, Juzíñamui ie Jitó Jesucristo Joreño omoi comécimo orede. Afe caimo oreca ie Joreño riire daiífiredo: “¡Cue Moo!” daide.

7 Mei daií o ja Juzíñamui jitódño. Ja riire ocuícamiñedio. Ie jitona o íllamona, ie uícodo lloga ñúefuiaína Juzíñamui Crístodo omo fécaite.

### *Pablo Juzíñamuimo ñnotimacimo comeci úide*

8 Naui Juzíñamuina nai omoi onóñena llezica, taino juzíñamuillaímo izire ocuífireganodiomoi. Afe omoi llaveina juzíñamuillaí ua juzíñamuíñede; fia jífuia juzíñamuillaí.

9 Mei birui ja ua nahí Juzíñamuina onódiomoi. Mei jiáifodo ñue daina, Nahí Juzíñamui ja ómoína onode. Ja íena omoi onónamona, ¿nié izói meine abido afe riínide jílloñenafuiaína jeire óiacadiomoi? Dáanomo íaíoi llavéinanomo ¿meita abido jáirediomoi?

10 Diga iruillaí oni jiáifodo nai comécifirediomoi. Daje izói diga fiuillaí eneno jiáifo comécifirediomoi, naa diga fimónaíari.

11 Nibaí nana omoi cígiri cue tájiaicana táinomo jifánofide izóideza áfena jacíruticue. (Afe cue comécina lícioide.)

12 Amatiaí, izire jicádícueza: Cue comeci ífue illa izói, mai meine afe izói omoi iri. Mei cue omoi illa izói jae itícueza. Mei omoi cuemo minícana fiénidífueña finóñediomoiza.



<sup>13</sup> Cue omoï cígiri nano illáfuenta onódiomoïza. Aféruillaido, cuemo comuide duícori duere cue zefuállamona afe jállona uai jino ómoïmo lloticue.

<sup>14</sup> Afe cuemo ite duico cue facátaina, mei íadi afe jira cuena jámairuñediomoï. Daje izóï cuena ruifíruñediomoï. Mei jáífodo Juzíñamui abi ímie izóï caimare cuena llínotiomoïza. Ua Jesucristo omoï llínnolle izóï cuena caimare llínotiomoï.

<sup>15</sup> ¿Nee mei afe omoï cacana cámafuiái? Afe cue irárenaruimo cuena iere izíruillano, dani omoï uijina jirénota cuemo fecáacadiomoï, íadi fecánide. Afe ñúefue omoï dibénemo nitáredicue.

<sup>16</sup> Ja ua uai ómoïmo cue llúamona ¿Meita ja birui omoï bacáuai ímiena jáidicueza? ¡Leñedeza!

<sup>17</sup> Afe baie jicana bite comini ómoïmo iere caimare comécidiaioï. Mei íadi comeci ñue jítailamo comécíñediaioï. Omoï bífuellena caimare úritiaioï. Afémaci cúemona ómoïna bairóacadiaioï, uire íaioïmo omoï jaináillena.

<sup>18</sup> Jáímacimo ñue íllena caimare comécillana ñuera. Mei íadi cue illa llezica daje izóï cue iñena llezica come comeci ñue jítailamo daí comécirede. Daítadeza. Naui omoï cígimo cue illa llezica, afe onínemacido daí jífueñediomoï; mei íadi birui omoï cígimo cue iñena llezica nágarui jaca daí jífuegaomoï.

<sup>19</sup> Cue úruiai, ringo úrue jocóacania duere zefuilla izóï, nane ómoïri duere zefuídicue. Ua Cristo comeci ifue nai omoï ñue ónoñeille dino, nai ómoïri duere zéfuiticue.

<sup>20</sup> Birui izire omoï cígiri íacadicue, jáífodo ómoïmo cue úrillena. Onóñedicueza, nié izóï ómoïri coméciticue.

### *Abraham ai Sara, ie oga jáíango Agar íainguai ñúefuena caina onótate*

<sup>21</sup> Ja birui Moisés ocuica uai anamo íacadinomo úriticue. Mai bifue cuemo omoï llone: ¿Afe ocuica uai dáinana cacáñediomoï?

<sup>22</sup> Afe uai daide: Abraham mena jítorede. Daa jító ie táijítafiregango ie. Jáíe jító ie nahí ai ie. Afengo buna ócuiñegango.

<sup>23</sup> Ocuífiregango jocócato nana biniemo ite úruiai jócua izóï jococa. Mei jáífodo nahí ai jocócato Juzíñamui uícodo daínáuai fuitállena jococa.

<sup>24</sup> Bifue cai onoiga ráamona Juzíñamui cai fidítafue. Afe mena ringo mena contrátomo táijina izóidiainguai. Iainguaïmona daa Sinaí idu ie contrato izoide. Afe ocuífiregango jítótiai ocuífireillinona jocócaiaioï. Afe ocuífiregango mámecei Agar.

<sup>25</sup> Afe Agar Juzíñamui Sinaí ídumo lloga uai izoide. Afe Sinaí idu Arabia éniemo ite. Afénomo Juzíñamui contrato comínido finode. Biruillai Jerusalén jofue afe jaiái Sinaí idu izoide, (mei Moisés dibénemo íacadino afénomo gairífirediaioïza.) Ie ocuica uai anamo llavécanona itíaiioï, naa aféfuemo jaináiacadinori. Ocuífiregango Agar úruiai izóidiaioï.

<sup>26</sup> Mei íadi monamo ite Jerusalén comini lláveñegaiaioï. Afe jofue cai ei izoide, mei cai bie afe Jerusalem jaináidinodicaïza.

<sup>27</sup> Juzíñamui Cugáuai bie izóï daide:

Oiniño, úruenidío íadi, mai caimare o iri;

Urue jócua izírenafuena onóñedingo, mai caimare o róiri.

Mei úrue jocóñena jira dotácango, ñue ogángo baïmo jítótiaireitio, daide

<sup>28</sup> Amatiai omoï cácarei, cai bie Sara jító Isaac izóidinodicaï. Juzíñamui uícodo lloga jítótiaidicaï.

29 Mei jaiai aféruillaimo íaillinoi illa izói, birui afe izói iticai. Aféruimo come comeci jítainamona jocócamie Ismael, afe Juzíñamui Joréñodo jocócamie Isaacina fiénidifuenta racade. Biruillai afe izói iticai.

30 Mei Juzíñamui Cuegáuai ¿nié izói daide? Afeuai daide: “Afe jofo ero ocuífíregangona ie jító diga oni oreri. Mei ocuífíregango jító, afe ócuiñegango jító diga dájena jofo naama feci ráaniaina maiñónideza.”

31 Amatiái, bífuemona onódicaiza: Cai bie ocuífíregango jító izóiñedicaí, mei jiáifodo cai bie buna ócuiñegango jító izóidicaí.

## 5

### *Izire ocuñena dibéfuemo omoi ífíreiri*

1 Cristo afe ocuica uáimona oni eneno jirénogacai, lláveñeganona cai íllena. Afe dibéfuemo ñue jaícina omoi iri. Meine dáanomo izire ocuilla uai anamo abina maitátaiñeno iri, mei lláveñeganona itíomoiiza.

2 Cuemo omoi cacáreiri. Omoi llotímie Páblodicue; jira ómoína dáitícue, bacano icoi quétafue jeire omoi óiadi, Cristo ómoimo ráifíñeite.

3 Nane ómoína dáanomo daíacadicue: Omoimona dámie ie bacano icoi quetátaadi, nana jiáie Moisés ocuica uáillaina ícoimo fuitárede.

4 Moisés ocuica uai jeire omoi úamona Juzíñamui anamo ñue jaícina omoi íacaniadi, jae Cristo dibénemo dúñediomoi. Daje izói Juzíñamui caina izíruillafuemona oni eneno itíomoi.

5 Mei cai jiáifodo onódicaiza: Juzíñamui Ñuera Joréñodo, daje izói ie uai ñue cai ínuado, Juzíñamui anamo ñue jaícina cai illífuemo úiñoidicaí.

6 Iemona daí Jesucrístomo ñue jaináidicaí. Iemo cai jaináyadi, afe quétafue caimo ráifíñeite. Cai quetátaiadi, nibai cai quetátaiñeniadi, daje izói ráifíñeite. Mei jiáifodo afémiemo cai ínogafue ua ñue ráifide. Afe bie cai ínogafue jiáie cómena naa Juzíñamui diga cai izíruillena canode; áfemona Juzíñamuimo cai ínogafue iere ráifide.

7 Fueñe Juzíñamuimo ñue ínofirediomoi. Mei íadi birui, ¿bu afe ua uaina ómoína fáicanocaitaga?

8 ¡Juzíñamui áfena ómoína fáicanocaitañede! Afémie ómoína caimare uáidofiredeza.

9 Bífuenta féitañeno iri: Pan finóadi afe aillo fáitate raa tamédiaioi. Due jiza fáitate raa jónega íadi, nana afe magáfecina aillo fáitate.

10 Juzíñamuimo cue ínuano, afémie ómoína ñue rairuillena onódicue. Ja onódicueza, cue daínafuemona oni jiáifodo comeci fácañeitiomoiiza. Bífuemona omoi comécina oni nibéfodo féitaitimiena Juzíñamui duere fínoiteza. Afefue llotimiena Juzíñamui raa dáifíñeite, afémie nibai illaíma, nibai jamáimie.

11 Amatiái, cúemona jiáifue llóitícue. Mei bacano quétafuena nai ocuídícuenta judíuai nibai cuena fállena rácañeitiaioi. (Mei íadi cue íaioi fállena rácana onódiomoi.) Afe izói cue llóyadi, Cristo cruzmo tílla ñuera rafue íaioína ráicaitañeite.

12 Mei íadi afe onina bite omoi gáguaibitino dani íaioi jiñíjina, comini meróniai ie ñetaina izói ñétaitiaioiza. (Afémaci méaicaillena Pablo daí daide.)

13 Amatiái, mei jiáifodo uáidogamacidiomoi, ráiruiñeganona omoi íllena. Ua ja birui ráiruiñeganona itíomoiiza, mei íadi afe o rairuñenamona, comécimo fiéni itífuiaína finóñeno iri. Mei jiáifodo afe ómoimo ite izíruillafuedo ñuera ocuífíreganona omoi iri; daí conimana cánoitiomoiiza.

<sup>14</sup> Mei nana jiáie ocuilla uailai daa bie ocuica uaimo dájena itíai*oi*. Be níu*uai*: Dama o abina o izíruilla izói, afe izói o abi cómena izírui*ri*.

<sup>15</sup> Mei íadi ómoimona daní conímana fue erodo omo*ie* éoia, daje izói úradoillano conímamo omo*ie* ríicaiadi, ómo*ina* niné táinocaitaiteza; afe izóidemon*ai* abí omo*ie* rairui*ri*.

*Come comécimo fieni itífui*ai* Juzíñamui Ñuera Joreño*mona* jiáifodo jóide*

<sup>16</sup> Omo*ina* cue dainafue bie izói jóide: Juzíñamui Ñuera Joreño dibénemo mai áfemo omo*ie* illafue jónefirei*ri*. Afedo omo*ie* comeci fieni finóacanafui*ai* fínoñeitiomoi*za*.

<sup>17</sup> Mei daní cai comécimo comuide fieni finóacanafui*ai* Juzíñamui Ñuera Joreño*na* uáitafirede. Nane abido dájena Juzíñamui Ñuera Joreño cai comeci fieni finóacanafui*aina* uáitafirede. Afe ménafue jaca conímana uáitaoifirede. Iemona omo*ie* comeci jitaina izói figo finónidiomoi*ie*.

<sup>18</sup> Mei íadi Juzíñamui Ñuera Joreño ifócaomoi*ie* íadi, Moisés ocuica uai anamo íñeitiomoi*ie*.

<sup>19</sup> Comini comécimo fieni itífui*ai* dibénemo jaináidino íai*oi* finócaigafui*ai* jino uáfodo onórede. Be nífue: Afémaci jiruifue íemo íaifue finófiredia*oi*; jiáie fiénidifue rairuilla uaina náfueñedia*oi*.

<sup>20</sup> Afémaci jánaraimo caimátaifiredia*oi*. Daje izói fue boréfuena finódia*oi*; daje izói jiáimana éoifiredia*oi*. Dájena caimare íñedia*oi*; úradoifiredia*oi*; ráaiñederi raire iere ríicafiredia*oi*. “Fueñe dama cúe*iena* fínoitícue” daiífiredia*oi*. Cominina bozíetaitatiai*oi*; jiáimana énenoruidia*oi*.

<sup>21</sup> Afémaci jiáima raari úradoifiredia*oi*. Daje izói afémaci cómena titáfiredia*oi*. Jífairedia*oi*; fieni jéerie íai*oi* güilla llezica conímamo riire lléjellejedia*oi*. Bizóidifui*aina* afémaci jaca finóicaide. Naui uícodo omo*ie* cue lloga rairuilla izói, nane birui ómo*ina* ráruitícue. Bie izóidifui*ai* finódino jaca Juzíñamui illáimana illáruimo jainaiñeitia*oi*.

<sup>22</sup> Mei jiáifodo Juzíñamui Ñuera Joreño cai comécimo bífui*aina* cómuite. Aféfui*ai* bie izói jóide: Izíruiillafue, íóbillafue, comeci uái illifue, comeci mánaicana úrillafue, comeci cámafue; jeruíñeno fecáfired*e*. Jiáima dainana raire jeire ófired*e*.

<sup>23</sup> Afémie comeci mánaifired*e*; comeci daina izói ie abi jaritaiñeno ñue fáicana ocuífired*e*. Bífui*aina* rairuide ocuilla uaina íñede.

<sup>24</sup> Nana Crístomo ja jaináidino, íai*oi* comécimo nanómona itífui*aina*, faga izói, féitatia*oi*, naa íai*oi* comeci fieni finóacanafui*airi*.

<sup>25</sup> Iemona Juzíñamui Ñuera Joreño*do* íredica*i*. Daií cai íllamona, mei nana cai jetáacagafuemo, afe Ñuera Joreño aféfuemo caina ífoiteza.

<sup>26</sup> Cai bie abina fieni ínonidica*i*. Afe izói cai íadi, coníma*iai* diga icíritica*i*, mei íadi afe izói mai cai íñeilli. Daje izói jiáimari úradoiñeno cai illi.

## 6

*Conímana omo*ie* canófireiri*

<sup>1</sup> Amatiai, ómoimona dámie fiénidifue*mo* baízaidenia omo*ie* cióadi, ómomona Ñuera Joreño dibénemo izire jaináidino afe baiídimi*ena* omo*ie* canori, meine ñúfue dibénemo ie ílleza. Jaca comeci mánainafuedo íena canori. Naga come áfemo báiredeza, ie jira illa dígamie afe baiífirenafuemon*ai* abina rairuírede. Taife cai facátafue naga cómemo comuífired*e*za.

<sup>2</sup> Illa dígamia*iai* conímana canófireiri, áfedo jiáimamo zuufue comuíadi ie comeci náirecailleza. Bie izóidedo Cristo ocuilla uaina ñue ícoim*o* fúitaitomoi*ie*.

<sup>3</sup> Jamáimie illa llezica dámie abi ínota “Jamánomo ímedicue” daiíadi, afémie dama ie abi jífujete.

<sup>4</sup> Omoimona illa dígamie dama ie abi áadori. Mei aféfuena o jíeruiadi, dama o abi ífuedo íóbitaitio; mei o illafue ñuera daiíllena jíáima illafue dibénedo abina fácañeitioza.

<sup>5</sup> Illa dígamierie dani caimo itífuiaimo náfuefireiticaí.

<sup>6</sup> Juzíñamui uáillaina llófuegamie nana íemo ite ñuera ráaniaina dieze, meine ibana afe ie llófuetimie mo írede.

<sup>7</sup> Mai jíáifueri omoi jífueñeno iri; jaca Juzíñamui buna báíñuano jífueñegaza. Naga come ie rífirega raa ríadi, afe llizíllana dama jofo óite.

<sup>8</sup> Nanómona cai comécimo itífuiaí íóbitaitifue cai finóadi, afe cai comécimo itífuiaímona cai tíllifue óiticaí. Mei jíáfodo Juzíñamui Ñuera Joréñona cai íóbitaadi, afe Joréñomona zíñona cai illifue óiticaí.

<sup>9</sup> Ie jira ñúefue cai fínua, mai cai zefuíruiñeilli. Mei afemo fáicanocaiñeno comécina náiredinona cai íadi, uire Juzíñamui mamécaruimo riga ófirena izói, ñúefuena maiñóriticaíza.

<sup>10</sup> Afe jira, ñúefue fínua llezica nana comínimo, nana cai abi ie máriedo ñúefuena finóredicaí. Iemo Juzíñamuimo ínote cai ámatiaímo, baímo aillo ñúefuena finóredicaí.

*Abí rairuúllauai, íraícaíño uáiduafue díga*

<sup>11</sup> Mai ómoímo bie jéerie cue cúegamo omoi eroiri. Afe bie dama cue ónoído cue cuela.

<sup>12</sup> Afe quétafuena omoi ocuídino ñúefuedo lloñediaíoi. Dama comíni uícomo ñue íaíoi íllena daií daídíaíoi. Daií ómoína ocuídíaíoi, Cristo tílla ícoínia jíáimaci afémaci rácaíza daií.

<sup>13</sup> Mei afe quétacano, nana Moisés ocuica uai ñue ícoímo fuitañediaíoi. Mei íadi ómoína quetátaacadíaíoi, omoi íaíoi quetátafuedo abi íaíoi ínollena. Afe quétano omoi abímo íllado íere abi ínotiaíoi.

<sup>14</sup> Mei cúemona dama cai Ocuíraíma Jesucristo tíllado abi ínoticue. Abi díne jíáfodo abi cue ínollena írede. Mei Cristo cruzmo tíllado, nana bíníemo ite fíenidífuiaí faga izói cuemo dúíñede. Afe ibana cue aféfuiaímo faga izói jaináíñedicue.

<sup>15</sup> Mei Crístomo dájena cai jaináinamona, ja afe quétafue ráííñede. Daje izói íemo cai jaináinamona quetáñenafue jíáí ráííñede. Mei jíáfodo cómuena meine abido jocócamiéna cai illa, íere jamánomo ráífide.

<sup>16</sup> Bie izói daínauai jeire otínomo comeci caímare uái illafue íteza. Daje izói Juzíñamui ómoímo dúecaíllafuemo ítiomoíza. Bie izói daínauai jeire omoi óiadi, Juzíñamui ua comínina jáitiomoí. Mai mei, Juzíñamui ie ua comínina ñúefuemo éziciíteza.

<sup>17</sup> Ja biruímona buna cuena áfeduaíbiñeno iri, daídícue. Cue abímo ite boáfíai méífuai, cai Ocuíraíma Jesús tájíitagamiéna cue íllana onótate.

<sup>18</sup> Daje Juzíñamuimo ínote cue ámatiaí, cai Ocuíraíma Jesucristo nana ómoína ñue éziciíteza. Mai daiítadeza. Jae ñíe.

## EFESO IMACIMO SAN PABLO ORECABE La Carta del Apóstol San Pablo a los Efesios

*Pablo Efésomo ite Juzíñamuimo ñnotino rabedo uáidote*

<sup>1</sup> Cue Páblodícue. Juzíñamui comeci jítaina izóí Jesucristo orécamiedicue. Bie izóí daina ñúefue llujillena, ie ocuícamedicue. Efeso jófuemo ite Juzíñamuimo jaináidino bie rabedo uáidotícue. Afémaci Jesucristomo ñue ñnotino.

<sup>2</sup> Cai Moo Juzíñamui ñue éziciga dibéfuemo omoi iri. Daje izóí ie caimare illáfuemo omoi iri. Cai Ocuíraima Jesucristo daje izóí ómoína bie ñúefuiaimo jóoneiteza.

*Crístomo cai jaináinamona cai comécina náiretatífuiái Pablo jino llote*

<sup>3</sup> Cai Ocuíraima Jesucristo Moo Juzíñamuina ióbitaiticai, mei Jesucristomo dájena cai jaináinamona, afémie monámona nana cai comécina náiretate ñúefuiaina jae caina éziciteza.

<sup>4</sup> Nai énie comuíñena llezica, Juzíñamui Jesucristodo caina nizede, ie eróicana nífuenino ñue finócamona cai íllena.

<sup>5</sup> Jaiái uícodo caina izíruillano ie comeci jítaina izóí, Juzíñamui caina náamatade Jesucristodo ie jítótaiña cai jáillena.

<sup>6</sup> Iemo ie izíruiga jítóoiri dájena cai íllamona, afémie caimo dúecaifirede. Afe jira nágarui Juzíñamuina ióbitaredicai, caimo ie dúecaillana iere figura cai daiífireillena.

<sup>7</sup> Caimo iere dúecaillano, Juzíñamui ie Jitó tíllado, ie die tóillado caina jíllotate, mei áfedo Juzíñamui cai fiénidífuiaina féitateza.

<sup>8</sup> Afémie cai ifoci ñue dénuamona, ie caina iere dúecaillafuena, afémie jamánomo ñue caina onótate.

<sup>9</sup> Juzíñamui jaiái uícodo mameca ónoñega ie comeci óiacanafue caina ja fidítate.

<sup>10</sup> Bie Juzíñamui uícodo mamécáfue ie fácaruimo dúcia, ñue ícoimo fúitaite. Aféruimo Juzíñamui dáanomo nana éniemo ite náiraiaina ie Jitó Cristo anamo itábcaitaite, naa bínemo ite rílleniai, naa jíáie ráaniairi. Daje llezica monamo ite rínoredino Cristo anamo ítiaioi naa afénomo ite jíáie ráaniairi.

<sup>11</sup> Jaiái uícodo Juzíñamui caina nizede, Jesucristomo dájena cai jaináinado ie comínina cai íllena. Nana bífuiái jica ia Juzíñamui mamérrilla izóí ñue joide. Juzíñamui ñue onona dieze, afe izóí afémie ñue finófirede.

<sup>12</sup> Ja cai bie nanómona Crístomo ñnotinodicaiza. Juzíñamui daií caina ñue nizede, aféniemo ite áillue ebíredífuiáido ñúefue íemo cai nitállena.

<sup>13</sup> Daje izóí uáfueña lloga, omoi jílluille uaina cacádiomoi. Cacáillano afe uaina omoi ñnuamona Jesucristomo jaináitagaomoi. Daje llezica Juzíñamui jaiái uícodo llua izóí Ñuera Joréñona igáomoi, dama Juzíñamui íeiediomoí daiíllena.

<sup>14</sup> Afe Ñuera Joreño caimo íllado, ico jíáiruido Juzíñamui dainafue cai maiñóllena, uáfueña onódicai. Afe ie lloga dainafue cai maiñólliruimo nai dúciñede. Mei íadi nana íemo jaináidinomo, fiénidífueño jaca due íaioi jainaiñeillífue afémie llóite. Daií ie llua mei nana afémie cáiena lloga dainafue máinoiticai. Ie jira afe Juzíñamuimo ite áillue ebíredífuiáido íena ióbitaredicai.

*Pablo Juzíñamuimo ñnotino ifoci ñue denóllena Juzíñamuimo jicade*



<sup>15-16</sup> Iemona cai Ocuíraima Jesumo omoi ñnogafuena cue fidinamona, Juziñamuimo ómoiri “Iere figura” fáicaiñeno daiífredicue. Daje izói nana Juziñamuimo jaináidinona omoi izíruillana cue fidinamona, nane figura daiífredicue. Afe llezica Juziñamuimo cue jicáfirena dáaruido ómoimo jaca uibíofiredicue.

<sup>17</sup> Juziñamui ómoimo jino llogáuaina ñue comécido omoi baitállena jicáfiredicue. Ua, cai Ocuíraima Jesucristo ebírede Moo Juziñamuimo jicáfiredicue, Juziñamuina ñue omoi onóillena.

<sup>18</sup> Daje izói Juziñamui omoi ifoci ñue denóllena jicádícue. Afemona Juziñamui uáidogano úiñoga ñue cómutifuiaina ñue ónoitiomoi. Daje izói Juziñamui omoi ifoci denóllemona íemo jaináidinomo, Juziñamui fecalle ñuera ebírede cáimafuiaina ónoitiomoi.

<sup>19</sup> Iemona bie izói ónoitiomoi: Juziñamui iere ñúefuiaina ríinoredimie. Afe bie íemo ite áillue ríino ja birui nana íemo ñnotinona ñue comécido íaioina canode.

<sup>20</sup> Naui Juziñamui, daje bie íemo ite áillue ríinona cai onóillena, Cristo tíllanomona meine abido cáatate. Dai íemo ite áillue ríinona comínimo jino iere uáfori ciótate. Afe daje ríinodo Cristo cáatajanona, monamo ie nabézimo Juziñamui íena rainade.

<sup>21</sup> Dinomo jamánomo ocuídillaimana Juziñamui íena jóonete. Iemona nana jíáie ríinoredinuiái Cristo anamo itíaiói, naa jíáie ocuífiredinuiári. Daje izói nana illaini Cristo anamo itíaiói naa jabóidillainiári. Daje izói nana mona eromo ite ríinoredinuiái, Juziñamui ie aillo ríinodo Cristo anamo dájena jóonete. Nana jíáie mameca ríinoredino cai comeci facáacana dieze, daje izói Cristo anamo itíaiói. Nana biruimo itínuiai ie anamo itíaiói, naa íco jíáiruillaído ítinuiári.

<sup>22</sup> Afe dáaruido Juziñamui nana ráaniaina Cristo anamo jóonete. Daje llezica nana Juziñamuimo dájena jaináidinomo, Juziñamui Cristo ífócina mameide. Iemona ifoci cai abi ocuilla izói afémie íaioina ocuífiredicue.

<sup>23</sup> Mei jii, Jesucristomo dájena jaináidino ja Cristo abina mamécaiaioi. Afe jira afémaci nana Cristo comeci ífuiaina iere jeire otíaiói. Mei dama Cristo nana ráfuiaina ñue ícoimo fuitátatimieza.

## 2

### *Juziñamui caína izíruillado jíllodícaí*

<sup>1</sup> Omoi fiénidifuiaimona nai tíidino izói omoi illa llezica, Juziñamui Cristo tíllamona meine abido cáatajado afe dáaruido ómoina cáatate.

<sup>2</sup> Naui afe fiénidifue dibénemo are itíomoi. Biniemo ite fiénide nairai illa izói are itíomoi. Afe llezica omoi áinodo lláifoide fiénide joreño jítaínafue finófrediomoi, mei afe joreño nana fiénide joríaí nahí ocuíraimaza. (Afe daje fiénide joreño Taife.) Juziñamuimo jíeruiñedinona afémie riire ocuíoide.

<sup>3</sup> Naui jíáiruillaído nana cai afe izói fiéni itícaí. Cai abi fiéni jítaínafuiái jeire ófredícaí. Afe nanómona cai comécimo ite cai óiacaiga fiénidifuena fáicanocaiñeno ícoimo finóicaifredícaí. Daje izói cai comeci fia fácafuiaina jeire otícaí. Iemona nana jíáimacina duere finóllemono dúina izói, Juziñamui iere duere finóllifue mono dúidícaí.

<sup>4-5</sup> Mei íadi Juziñamui iere caína dúecaillano, nai cai fiénidifuiaimona tíidino izói cai illa llezica, afémie caína izíruillano Cristo cáatajado dáanomo tíllanomona caína cáatate. Mei jii, dama Juziñamui ómoiri dúecaillano jíllotagaomoi.

<sup>6</sup> Uafue, Cristo Jesús cáataja llezica, Juzíñamui afémie diga daane caina cáatate. Afe mei Juzíñamui Cristo abimo monamo caina rainade.

<sup>7</sup> Juzíñamui daií finode, nana ico ninomo illáruillaído ítinuiaimo afémie iere caina izíruillafuena onótallena. Ua, Juzíñamui daií finode afémie Crístodo caina dúecaillafuena nana uícomo cómuitinomo fidíllena.

<sup>8</sup> Mei jii, Juzíñamuimo ite ómoína izíruillafuedo afémie iere ómoína dúecaide. Ie jira, íemo omoi ínuado jíllotagaomoi. Afe jíllonafue dani ómoímona comuíñede, mei jíáifodo afefue Juzíñamui ómoímo comuítaga.

<sup>9</sup> Ñúefuemo are cai ñéfinamona afe jíllonafue caimo fécañega. Ie jira áfedo buna abina ínonide.

<sup>10</sup> Mei jii, Juzíñamui nano fueñe comini fínua izói, afémie ie joréñodo como jéiciganona ja cai finode. Iemo ja birui, jaiai uícodo ie mámia izói, Crístodo Juzíñamui meine caina cáatate, ñúefuiai cai finóllena.

### *Ñue uái cai illífue Cristo caimo lloga*

<sup>11</sup> Iemona nauí omoi illáfuemo mai omoi comeci uibíoiri. Judío nairai íeñediomoi. Ie jira judíuai “Bacano icoi que táñegamacina” ómoína mamédiaioi. Dani afémacina cai bie “Íeizina quetácanodícai” daidíaioi; mei jaiai íaioi finófirena izói, íaioímona nágamíiai íaioi bacano icoi quetácaza.

<sup>12</sup> Nauí omoi ínoñena llezica, Crístomona oni eneno itíomoi. Israel náiraímo Juzíñamui nizécanomo jaináíñediomoi; íemona Juzíñamui íaioímo lloga ie ñuera finóllífuiai fidíñediomoi, naa uícodo ie lloga cáimaduafuiai diga. Aféruillaído Juzíñamuina onóñeno, bíniemo zuure itíomoi, mei caímare omoi ocuírillífue íñédeza.

<sup>13</sup> Nauí Juzíñamuimona iere oni jica itíomoi; mei íadi ja birui Cristo cairi tíllamona, ie die tóillamona, Juzíñamuimo áinozitagaomoi. Ja Crístomo dájena jaináidiomoi.

<sup>14</sup> Cristo jíáimana cai ícíñenafue comuítatímie, mei dama afémie judíuai judíoñedíno diga dáaziena finode. Iemona íaioi bacáuai imáciñediomoi. Nauí ómoína oni eneno itátate éoinafuena ja Cristo niné féitate.

<sup>15</sup> Dama ie abi izi cácanado, ua ie tíllado, ocuica uai ñue ícoímo fuitade. Fúitajano, áfena záitate. Afe ocuica uai iere rairuide. Ie mei Cristo mena náiraímona, judíuai judíoñedíno diga, dáaziena comue náiraína finode. Afe ménade náiraíai ja dama Crístomo dájena jaináitagaíai. Afedo afémie cai conima diga cai ícíriñenafue nana caimo comuítate.

<sup>16</sup> Afe bie izói, Cristo cruzmo ie tíllado, bie mena nairai dáamacina ínuano, nauí íaioi fuírífirenafuena záitate. Afe llezica, Juzíñamui dibénemo ñue uái íaioi illífue Cristo afémacimo jino denode. Dénuano, íaioína jeire otátate. Afemona comínimo Juzíñamui caímare eroide.

<sup>17</sup> Cristo afe ñue uái cai ille uaina nana comínimo lluáíbite. Onínemacimo Cristo afe uaina lluáíbite. Omoi afe onínemaci izóidiomoi. Daje izói áinori ite judíuaimo, afe uaina afémie lluáíbite.

<sup>18</sup> Iemo Cristo cai jíllotajamona, mei níbai judíuidícai, mei níbai judíuaiñedícai íadi, nana cai afe daje Ñuera Joréñodo, Moo Juzíñamuimo áinozifiredícai.

<sup>19</sup> Afe jira, Juzíñamui dibénemo ja onínemaciñediomoi. Daje izói dani íaioi illánomo dúíñedíno izóiñediomoi. Mei jíáifodo nana Juzíñamuimo jaináidíno jainaila izói, uafue íemo jaináidiomoi. Dájena Juzíñamui náiraídiomoi.

<sup>20</sup> Nana omoi ebírede niga jáílliraina dallíraide anáneco izóidiomoi. Cristo oréfiregamaci llófueinafuena iere baitádinona ja jáidiomoi. Ua jáíllirai jáícina

mairi naidánia izói, aféfuemo ja riire jóonegaomoi. Afe bie Cristo orécamaci Juzíñamui uai jino llóraini. Dama Jesucristo afeco nahíllirai izóidimie.

<sup>21</sup> Bie Nahílliraimo izóidimie nana afeco Juzíñamui nicana uite. Afe izói áfemo nana jofócaiai ñue jaícina jóonega. Jofócaiai dallíraidemo dúina izói, daade Jesucristo jaináidomoi. Afeco nilla fuilla mei, jae Juzíñamui ñuera irácona jáidomoi; ñuera gairíraco izóidomoi.

<sup>22</sup> Daje izói Crísto dájena omoi jaináinamona, nana jiáie Crísto ñnotinomo dájena jaináidomoi, daaco náiraina Juzíñamui íena, omoi jáillena. Iemo Juzíñamui Ñuera Joreño ómoimo íllado Juzíñamui ífírenaco izóidomoi.

### 3

#### *Jíllona uai judíoñedinomo llujíllena Juzíñamui Páblomo jóonenocai*

<sup>1</sup> Iemona Juzíñamui ómoiri iere cue comeci facáfiredicue. Omoína izíruite Páblodicue; Cristo Jesús ñúefue ómoimo cue llujílla jira llavécamedicue. Omoi judíoñedinomoi, íemo ómoína ñue íllena cue cánua jira llavécacue.

<sup>2</sup> Ja nibai Juzíñamui cuemo jóonega bie tájinana fidíidomoi. Ji, Juzíñamui ie cáimaduafuiai ómoimo cuena llotátate.

<sup>3</sup> Juzíñamui ie nai jino lloñega nanómona mamérrillafue cuena fidítate. Ie mei cuemo lluno aféfuemo iere baitádimiena Juzíñamui cuena jóonete. Afe ie mamérrillafuedo ja nano íanori due ómoimo cueticue.

<sup>4</sup> Aféfuena omoi facáduamona, afe nai jino llóñega Cristo dibene illáfuemo iere cue báitajana ónoitíomoi.

<sup>5</sup> Afe báinino comeci ie fácafue nauí jiáiruillaído bumo Juzíñamui jino lloñede. Mei íadi birui Juzíñamui ie Ñuera Joreñodo, ie eneno nizeca íainide orécamacimo aféfuena jae onótate. Daje izói jiáie ie uai jino llórainimo fidítate.

<sup>6</sup> Afe jaiai jino raire llóñegafue bie izói jóide. ¡Cácarei! Jíllona uaina ñnuamona, judíoñedino naa judíuairi daje Juzíñamui cai cáimaduafuiai dájena máiníotiaioi, mei dáamiemo jaináidíaiiza. Ua Crísto, dáaziena jaináidíaiiza. Daje izói Juzíñamui lloga Cristo Jesús caina ñue finóllifue judíuaimo dúina izói, birui judíoñedinomo ja dúide.

<sup>7</sup> Cue jamáimiedicue, mei íadi Juzíñamui dama ie ríinodo, cue canóllena mamérite. Iemona afe bie ñúefue jiáimacimo llujíllena jóonegacue.

<sup>8</sup> Nana Juzíñamui jaináidinomona iere erófenemo iticue. Mei íadi Crísto ite facádonide aillo cáimaduafuiai judíoñedinomo llujítimiena Juzíñamui mamécacue. Afe bie cue llujílle iere cuemo ráifide.

<sup>9</sup> Juzíñamui jaiai ninómona jino llóñega mamérrillafue nana comínimo jino llóitimiena dama Juzíñamui jóonegacue. Afe Juzíñamui nana ráaniai finóraima.

<sup>10</sup> Juzíñamui nana bífuaiaina daí ífícaítate, nana íemo dájena jaináidinodo, nana monamo ite ríinoredino Juzíñamui iere jamánomo naga ráfuaiaina báitajana onóillena.

<sup>11</sup> Juzíñamui jaiai ninomo uícodo comeci mamérrilla izói, nana bífuaiaina cai Ocuíraima Jesucristodo ñue ícoimo fuitade.

<sup>12</sup> Iemo Crísto dájena cai jaináinamona Juzíñamui ja ánoziredicai, mei cai ñnuamona afémiemo meáiruiñedinona itícaiza.

<sup>13</sup> Ie jira izíre ómoimo jícadícueza: Birui omoi abíri duere cue zéfuidícueza, mai náinidímaci izói omoi íñeno iri; mei jiáifodo cáimare omoi comécíioiri; mei afe ómoiri duere cue zéfuia afe ómoimo ebírede nitaina izóidífuéza.

*Cristo iere jamánomo caina izíruitimiena íemo ñnotino onóillena Pablo Juzíñamui jícade*

14 Ie jira cai Ocuíraima Jesucristo Moo anamo caiñicido ana dújullanona nana ie comini íena íemo izire jicádicue.

15 Nana éniemo ite ie comini, naa monamo itínuiái diga, afémiemona comuídiaioi.

16 Cai Moo Juziñamuimo jamánomo ñuera ríino ite. Afe ie ríinomona, ie Ñuera Joreñodo, iere omoi comeci ñue náireillena izire íemo jicádicue.

17 Afe llezica omoi ínogafuemona Cristo omoi comécimo nabáirifireillena Juziñamuimo jicádicue. Daje izói Juziñamuina iere omoi izíruillena jicádicue. Iemo afe izíruillafuemo izire omoi jaináillena jicádicue. Nane dáanomona omoi ínogafuiai jeire oga uaina ñue omoi ífócimo denóllena Juziñamuimo jicádicue.

18 Daje izói Cristo caina izíruilla omoi ónoillena jicádicue, naa jíáie íemo jaináidinori. Mei afe ie izíruillafue monáillaji aillona izóideza. Afe monáillaji ruícafene jica íllana bu onóñede. Mei íadi afémie caina izíruillafue iere ruica are illa izóinana omoi onóillena jicádicue. Daje izói áillue imani eraí iere fuiri jica illa izói, afe caimo facádonide Cristo caina ie izíruillafue omoi onóillena jicádicue. Afe izói Cristo caina izíruilla iere monáillaji ana jica afórena izoide.

19 Mei jíi, afe bie izíruillafue ñue omoi fidíillena jicádicue. Nana cai onórede aillo ráfuiai baímo, bie izíruillafue jamánomo áillue. Afefue omoi fidínamona, nana Juziñamuimo ite aillo ñúefuiaiña ñue jaícina oruíziitomoí. Mai, daí íteza.

20 Ja birui ie aillo ñuera ríino, cai comécimo ífirenamona nana cai comeci fácarenafuiai baímo, afémie iere jamánomo ñúefuiai caimo finórede. Daje izói nana cai jicárenafuiai baímo afémie iere finórede.

21 Ie jira aillo ebíredifuiai afe cai Juziñamuimo mai cai nitalli, mei Cristo Jesumo dájena jaináitagacaíza. Mai mei Jesucristodo jaca ninomo naga cómutigimado aillo ñúefuiaiña Juziñamuimo cai nitalli. Daítadeza.

## 4

### *Juziñamui Ñuera Joreñodo dáamacina maméidicai*

1 Nana bífuiaimona, omoi jaícina ñúefuedo macállena ríire ómoímo llóiticue, mei cai Ocuíraima Cristo ícoínia llavécamedicueza. Ua Juziñamui uáidogamací maca izói, omoi macállena izire ómoímo jicádicue, mei uafue ie uáidogamací itíomoíza.

2 Nana omoi, mai jiba abina ínnoñedinona omoi iri; daje izói comécina mánaidimacina omoi iri. Dani conímana izíruillano illa dígamie jíámamo comeci járitaño omoi iri. Afe izói conímana omoi dúcaifireiri.

3 Afe llezica mai Ñuera Joreño ómoímo comuítaga dájena jaináinafue ñue rairuífireiri. Ua, omoi dáaziena dani conímana comécina jacíruiñenafuedo dáamacina jaináifireiri.

4 Daa cómemo da abí illa izói, daade abí. Afe abí Cristo ie. Afe daade come abí izóidicai. Afe izói Ñuera Joreño daade. Daje izói Juziñamui nana caina daa uire ñue finóllifue mo úiñotagacai.

5 Cai Ocuíraima daade. Daje cai ínogafue jeire oticai. Daje izói dáafuemo báutizagacai.

6 Iemo Juziñamui daade; afémie nana íemo ínnotimaci Moo. Afe izói afémie nana comini Naama. Afémie nana íficaidifuiai dibénedo ie comeci jítáinafue finode; nágaifuai mo jetáfiredo.

7 Mei íadi Cristo comeci jítaina izói, cáimona illa dígamie mo jíáiforiede ñúefue finolle ríinona, Cristo caimo fecade.

8 Juziñamui Cúegáuai daí uícode daíde. Be ñie:

Caifo monamo jailla llezica aillo nauí llaveca izóidino afémieoiri uite.

Iemo fia iga jiáimaci cánuafuiaina comínimo fecade, daide.

<sup>9</sup> Afémie caifo jailla daina uai jiáifue caina onótate. Afedo nauí uícodo fueñe afémie monámona ana bíllana fidídicaí. Aféruido bie fiénidifuiairede éniemo afémie monámona iere jica ana bite.

<sup>10</sup> Afe ana bitímie, abido nana caifo ite monániaí caifófenemo jáidímie dáamiede. Dinomo jaide, afénomona nana ie finócanuiaimo illáimaillena.

<sup>11</sup> Iemo afe bie Cristo illa dígamiena ñue riinoretade jiáiforiede ñúefuiaina finóllena. Dámierie ie orécamacina afémie jóonete. Jiáimacina Juzíñamuimona oga uailai jino llóramana afémie mamede. Iemo jiáimacina cai jíllonafue uaina llotátate. Nai jiáimacimo ie comínina ñue úiñollena ocuide, íaioi llófuellena diga.

<sup>12</sup> Afe daíí cai Ocuíraima nana íeiena ñue fibítate, ie ocuica táijina ñue íaioi jetállena, íemo nana Crísto mo jaináidinona móonaitallena; mei afémaci Cristo abi izóidimaciza.

<sup>13</sup> Afemona cai íinogafue dibénemo ñue dájena maméidimacina jáiticaí. Daje izói Juzíñamui Jitona cai onona dibénemo ñue dáamacina íticaí. Afe daíí ñúefuiaina ñue izire jiéruitinona íticaí. Uafue, nana ñúefuiaina Cristo izire jiéruilla izói, afe izói ñúefuiaina rairuñeno iere jiéruiticaí. Jiéruillamona ñue móonaiticaí.

<sup>14</sup> Ja úrue izóidinona íñeíticaí. Mei íadi jífueacadino comue llófueinafue llúamona, úrue izoide nai figo baitáñedinona jífueítiaioi. Íaioi comeci ñue fácajana raire jiáifodo méidoítiaioi. Bie jífuetino ebire lloga taino lluáfuedo bie úrue izóidino ínoga ñúefuiaina niné féitátiaioi.

<sup>15</sup> Mei íadi conímama izíruillano, íemo uáfuea cai úrilla llezica, mai Cristo dieze cai móonailli. Crísto mo izire jaináillano nana ie comeci itífuaíí mai jeire cai ófireilli, mei Cristo afe cai jainaina abi ífoci dainámie.

<sup>16</sup> Afémie, ífócina íllamona, nana caina caimare ocuíoide; ñue daa cómena caina jaináitate, mei illa dígamie jiáimie mo ñue dúinaza. Nana afe Cristo dáamiena jaináitagamací caimare dani jiáimaciri táijina llezica, caimare itíaioi. Ua Crísto mo jainaide, daade abi izóidino naari conímama izíruillafuedo móonaioicaide. Móonaillano caimare ite.

*Crísto mo dájena cai jaináinamona comue illáfuedo macáredicaí*

<sup>17</sup> Iemona bie ómoína cue daííllifue izói, cai Ocuíraima mámeçido ómoímo jóonenocaidicue. Ja biruímona, Juzíñamui onóñegano illa izói, mai omoí íñeno iri. Íaioí taino comeci úrilla uai daina izói ífirediaioí.

<sup>18</sup> Íaioí comeci úrilla uai onóñeno jítifomo fiébicaidiaioí. Juzíñamui comuítaga comue illafue afémacimo íñede, mei íaioí comeci riírenamona ja abina onóñedinacina jáidiaioíza.

<sup>19</sup> Ja íaioí comeci meáífuena lloñédiaioí. Iemo nana íaífuiaí illa dinó, áfemo aillo gáinafuedo iere jeire otíaioí.

<sup>20</sup> Mei íadi afe daíí, Cristo llófueñegaomoí.

<sup>21</sup> Mei níbai, uáfuea Cristo illafue omoí cacana mei, íemo ite uafue uai dibénedo afémiedo llófuegaomoí.

<sup>22</sup> Ie jira nauí omoí fiénide illafue dibénedo izire ómoína dáititacue: Afe nanómona ómoímo itífuaíí, mai zabide iniroí oni dúiñua izói omoí meídori. Afe nauí ómoímo itífuaíí jaca ómoína fiéni finode; mei omoí fiénide gáinafuiaí jífuegaomoíza.



<sup>23</sup> Mei jiáifodo birui cómuena méidorediomo; nana omoi comeci óiacanafuiai méidorede. Nana omoi ifoci úrillafuiai méidorediomo.

<sup>24</sup> Afe llezica comue comeci itífuiái, comue iniroi jítaja izói, mai jeire omoi oíri. Afe comue itífue Juziñamui illa izói Juziñamui comuide. Iemo aféfueña jeire omoi úamona, omoi uáfueña íaidonide ñue illafue otíomo. Daje izói afe omoi comue comécimo itífuiái omoi úamona, ñue jaícina jóide illáfuedo jáitíomo.

<sup>25</sup> Iemona táinofuiai lloñeno iri. Mai jiáifodo illa dígamie conímamo uáfueña úriri, mei nana cai dáaziena daje abímo jaináidicaiza. Afe abí Cristo ie.

<sup>26</sup> Omoi icíribicaiadi, afe icírafue ana fiénidífueño ómoína uitátáñeno iri. Daje izói daarui náaruido are icíríñeno iri. Raire féitari.

<sup>27</sup> Due jiza omoi comécina Taife illáimaillemo “Jii” daiñeno omoi iri.

<sup>28</sup> Naudi meríriraíma bairódimie díga, mai abído meríríñeno iri. Mei jiáifodo zefuíruiñeno táijizairi. Iemo ñue táijiferenamona o táijina iba óitio; áfedo o jitaile ráaniai íbaitio. O iba mei, ua dúeredímacimo íaioi jitailla raa íaioímo fecáredio.

<sup>29</sup> Fiénide uáillaído íaire úriñeno iri. Mei jiáifodo ñuera uáillaído úrifireiri. Cacádinona comeci náiretalle uaido omoi úrifireiri, íaioína ñue ézicitalle uai díga.

<sup>30</sup> Daje izói Juziñamui Ñuera Joréñona zúuretañeno iri; mei afémie ómoímo íllado, jae Juziñamui íeiena mamécaomo. Ua biruímona Juziñamui íllánomo ñue jaícina ómoína jíllotallíruimo, afe Ñuera Joréñodo Juziñamui íena ñue mamécaomo.

<sup>31</sup> Nana comécimo ite éoinafuiai oni mai omoi féitari, nana ríifuiái díga. Daje izói nana icírillamona comuide riire úrillafuiai lloñeno iri, naa jíaie báíñuafuiai. Nana illa díga fiénidífuiái niné féitari.

<sup>32</sup> Iemo jiáifodo, illa dígamie jíaimíemo dúecaillano comeci mánaidimíena iri. Cristo íena omoi íllamona, Juziñamui omoi fiénidífuiái íbana oñede. Afena féitateza. Afémie féitaja izói, afe izói illa dígamie jíaima finoca fiénidífueña omoi féitafireiri.

## 5

### *Juziñamui úruiai izói cai íllena Pablo caímo llote*

<sup>1</sup> Juziñamui izíruiga úruiai omoi íllamona, mai afémie illa izói omoi iri.

<sup>2</sup> Cristo caína izíruilla izói jíaimana omoi izíruifireiri. Mei jíi, caína ie izíruíllamona Cristo cai jíainona fecácámie. Afémie Juziñamui íóbitallena tílada ía fecaca rille izóidímie. Aferi Juziñamui íóbide. (Afémie díbenemo afefue ñue ziórede uguci izoide.) Mai afe izói conímama omoi izíruíllado Juziñamuína omoi íóbitari.

<sup>3</sup> Ja bie omoi Juziñamuímo jaináidímoíza, mai ómoímona ninó dáamie áinina llezica jíaie ringona jetáñeno iri. Daje izói nana jíaie íaífuiái finóñeno iri. Jaca jíaie cómemo ite ráaniaímo úradoíñeno iri.

<sup>4</sup> Íairede méaífuiái bumo lloñeno iri. Daje izói táinodo úrillafuíaído úriñeno iri. Iemo jíaimamo fiénide llagüeroílla uaina oréñeno iri. Mei bie izóidífuiái Juziñamui úruíaimo íeñedeza. Mei jiáifodo Juziñamuína íere íigora omoi daiífireri.

<sup>5</sup> Jae cue lloga íima ringomo finoca fiénidífue bie izói jóide. Daa come nai áinina llezica, ringo jetáadi, fiénide. Daje izói ja ringo ua mei, jíaie ringo jetáadi, íigóñede. Iemo íaífue naa úradoíllafue díga finóadi, íigóñede. (Afe úradoííredímie jamai jánaraí íóbitadímie izoide.) Ja onódímoíza bie

izoide fiénidifuiái fiñuana fibídime, Cristo Juzíñamui diga illámana illíruimo jaináinide.

<sup>6</sup> Jiáimana taino uáillaído omoi jífueñeno iri. Mei afe bie fiénidifuiái fiñuamona, nana ie uaina cacáacañedinona, Juzíñamui iere duere fiñoiteza.

<sup>7</sup> Iemona, bie izói ite comini diga omoi nabáiriñeno iri.

<sup>8</sup> Naui nai omoi ñinoñena llezica, jítifomo itíomoi; mei íadi birui cai Ocuíraimamo dájena omoi jaináinamona, ja úzefomo macádiomoi. Iemona ñue uáfodo macádino izói mai omoi ífireiri.

<sup>9</sup> Cai Ocuíraima Jesucristo egáíñote raa izoide. Iemona cai comécina ñúeitete. Iemo ua uaido caína úritate. Daje izói cai jaícina ñue illífue comúitate.

<sup>10</sup> Cai Ocuíraima ñue íóbitallifuena, mai iere omoi onóicairi.

<sup>11</sup> Báinino macádino finoca tánofue dibénemo iñeno omoi iri. Mei jiáífodo afe báinino íaioi finócafueña uáfomo omoi cíotari.

<sup>12</sup> (Mei íadi afémaci báinino finócafueña izói cai úriadi, caína meáiruitate. Ie jira benomo rabedo jino ómoimo llóñeiticue.)

<sup>13</sup> Mei íadi nana íaioi illafue jino uáfodo cíotamona, afe fiénidifuiái iere íairenana nana comini ónoítiaioi, mei Cristo egáíñua úzefo, nana comínimo ua comécimo itífueña jino cíotate.

<sup>14</sup> Ie jira bie izói daína:

Ínidioza, mai cazi.

Tíidinomona mai náidacairi.

Iemona Cristo ie úzefomo ñue mácaitimiena ona jáitaite, daide.

<sup>15</sup> Mei íemona, nágarui omoi illáfuemo izire comeci omoi facáoiri. Naga fiénidifuiáimona abi omoi rairuiri. Abina onóñedino izói omoi iñeno iri, mei jiáífodo ñúefuena baitádinona omoi iri.

<sup>16</sup> Biruido aillo fiénidífue íteza, o illafue táinomo fáífitañeno iri; ñúefuíaí omoi finófireiri.

<sup>17</sup> Táinodo úritino izói iñeno iri. Cai Ocuíraima comeci jítainafueña ñue omoi baitáicairi.

<sup>18</sup> Jifáíñeno iri. Mei, afe jifáillafue come comécina aillo íaífuemo ana uitátate. Mei jiáífodo Ñuera Joreño abí omoi úicaitari.

<sup>19</sup> Illa dígamie jiáimamo Juzíñamui uáillaído caimare omoi úriri, naa Juzíñamui rúairi. Daje izói Juzíñamui Ñuera Joreño lloga rúanai omoi roíri. Daí omoi rúado cai Ocuíraimana iere íóbitaitíomoi.

<sup>20</sup> Illa dígaruillaí cai Ocuíraima Jesucristo mámecido Moo Juzíñamuina naga ráaniaíri figora omoi daíífireiri.

*Crístomo ñnotinona cai illamona Pablo cai jofo eromo cai illafue llote*

<sup>21</sup> Illa dígamie jiáima anamo caimare omoi iri, mei Juzíñamui daí cai ocúdeza.

<sup>22</sup> Cai Ocuíraima anamo cai itábicailla izói, naga ringo ie ini anamo itábicairede.

<sup>23</sup> Mei naga ringo ie ini ocuífrega, íemo jiái ie ini ñue úíñogaza. Afe izói nana Crístomo ñnotino, Cristo ocuícaiaioi; daje izói Cristo ñue úíñogaiaioi. Afémie afémaci illaíma. Daje izói afémie íaioi Jíllotaitímie. Afémiemo ñnotino íemo dájena jaináinamona, ja ie izóidiaioi; ja dáamiede abi izóidiaioi.

<sup>24</sup> Iemona Crístomo dájena jaináidinona afémie anamo illa izói, naga inírede ringo ie ini anamo írede.

<sup>25</sup> Cristo íemo jaináidinona izíruilla izói, mai naga ñima ie aina izíruiri. Crístomo jaináidinomo Cristo ie abina fecade.

<sup>26</sup> Afémie daí ie abi fecade ñue íeiena íaioi íllena. Daje llezica afémie íaioimo ite íaifuiaí jáinoimo jococa muilla izói, ie uaido íaioina muiñode.

<sup>27</sup> Cristo daí caina muiñode ñuera nífuenidina ie uícomo cai cíocaizaillena. Uafue, nana mallizaí izói abimo comuídena duano ebire eroide, lliríñede abi ígoína caina finode. Jaca due jiza fiénidifuenta fiéñede. Nana íaioina íeiena iere ñue finode.

<sup>28</sup> Afe izói naga iima dama ie abina izíruilla izói, ie aina izíruirede. Ie aina izíruitimie dama ie abina izíruite.

<sup>29</sup> Bu jaca dama ie abina éoiñede. Mei jíáfodo cai abina ñue ecádicai, ñue úiñotícaí. Afe izói Cristo íemo dájena jáináidinona ñue rairuide.

<sup>30</sup> Mei afémaci dama íeieza; ja daa ie abi izóidiaioi. Cai bie afe abimo jáináidicai.

<sup>31</sup> Bífuaímona Juzíñamui daína izói, dámie ie moo, ie ei díga, fáicanocaillano, ie ai díga dájemo jáináicaite. Jáinaicaillano, daade come abi izói itíaiillinoi.

<sup>32</sup> Bie daade come abi izói íficaillafue, jáiáimona áillue báinide rafue. Mei íadi afefue Crísto dúide; daje izói íemo dájena jáináidinomo dúite, daídícue.

<sup>33</sup> Mei íadi daje llezica ómoimona illa dígamie omoi abina izíruilla izói omoi aina izírui, daíacádicue. Iemo naga ínirede ringo ie inina ñue jacíruiredeza, daídícue.

## 6

<sup>1</sup> Uruiaí, omoi cacai. Crísto ínotinodíomoiiza, o moo uai jeire omoi olle iere jítaírede, mei afe bifue Juzíñamuimo jáicína jóideza.

<sup>2</sup> Bie lletara uai llua mei, Juzíñamui dáanomo ñue cai illifue llote. Daí nana ie lletara uáimona dama búaido Juzíñamui cai ñue illifue llote. Afe llétaja uai bie izói daide: “O moo, o ei díga, ñue jacírui, ”

<sup>3</sup> áfedo caimare o íllena, daje izói bie éniemo are o íllena.”

<sup>4</sup> Ja úruiaíredino, mai omoi cácarei. O úruiaína comécina ríicaitañeno iri. Mei jíáfodo ríire llétaja uaido ñue íaioina llófuefíreiri. Daí íaioina ñue omoi móonaitari, cai Ocuíraíma Jesumo ñue íaioi ínollena.

<sup>5</sup> Ocuífiregano, mai omoi cacai. Bíníemo ite omoi ocuídímie dáinana ñue jeire omoi oíri. Cristo ocuíllamo o táijina izói o táijitatímíemo ráairuíñeno ñue táijíiri. Afémie ocuíllana ñue jacírui. O táijitatímie uaina níbéfodo oñeno iri.

<sup>6</sup> O ocuídímie eroille llezica ñue táijíiri, daje izói afémie íñena llezica náamonaze ñue táijíiri. Dama ocuídímie eroille llezica, íocire táijídímiena íñeno iri. Afe izoide táijíide come jamai come íóbitade. Afe izói íñeno jíáfodo omoi iri. Cristo táijítaganano izói, Juzíñamui comeci jítaínaífuena izire omoi finori, afémie omoi íóbitallena.

<sup>7</sup> Comeci ñue jítaína izói caimare omoi táijíiri. Jamai come íena táijííñeno, cai monamo ite Ocuíraíma íena ñue omoi táijíiri.

<sup>8</sup> Mei ja onódiomoiiza, illa dígamie ie ñue táijífírenado cai monamo ite Ocuíraímona ñúefuena jírídoite. Rairuícámie, ráiruíñegámie díga dájéize nano íaioi táijínaze jírídoite.

<sup>9</sup> Ocuífiredino, mai daje izói omoi táijítaganomo ñue dúecaífireiri. Afémacína fiéní omoi jácídoñeno iri. Daade cai Ocuíraíma anamo nana dájena itícaíza, omoi úbicairi. O táijítaganano monamo ite Ocuíraíma anamo illa izói, o jíái daje Ocuíraíma anamo ítio. Afémie da cómena eneno maméñedeza. Illa dígamie dájéize mamede. Aféfuemo omoi úbicáífireiri.

*Jesumo ínotino comeci náireítalle abi ríidua uai Pablo llote*

<sup>10</sup> Mei ámatiaí, cai Ocuíraíma Crístomo ite ríinodo benómona mai ríire omoi iri. Cai Ocuíraíma Jesumo omoi jaináinamona ríire abí omoi mameri. Mei, afémie jamánomo ríiredeza.

<sup>11</sup> Juzíñamui lloga abí ríidua uai, ñue jeire omoi oíri, naa ie ñuera ézicigafuiaíri. Mei jii, dáarie comíni abí ríidollena ñue fuiríllena llojécuiroi jítádiaíoi. Afe íaíoi jíta izóí, nana Juzíñamui cai ríidua uai, mai jeire omoi oíri. Afe uaido Taife jífuia uaina uáitaredíomoi.

<sup>12</sup> Jamai abina mairide come diga fuiríñedícaí. Mei jíáfodo fiénide joríaí diga fuirídícaí. Afémaci caífo cai acónimo táífodo macádiaíoi. Afe cai diga fuirífirede joríaí nana bíníemo ite jítifodo jaide fiénidímacina fiéni ocuíoide. Bíníe comínina “Cáiedíomoi” daííoicaídiaíoi, mei “Omoi náamadícaí” daíífirediaíoi.

<sup>13</sup> Ie jira Juzíñamui lloga abí ríidua uáillaído abí omoi rairuiri. Afe bie uaido jobáirillaruímo ñue abina ríidoítíomoi. Daí abina ríidoítíomoi za are ñue ríinoredínona ítíomoi.

<sup>14</sup> Ie jira ríire omoi iri. Fuiríraíma círaigí ife ríire tírínua izóí jízíñeno ñue ie fuiríllena, afe izóí Juzíñamui lloga ua rafue jeire omoi oíri. Daje izóí ñue jaícina omoi íllado nágaruí ñue abí omoi ríidofireiri. Afe bie omoi jaícina illafue, fuiríraíma jogobe ríidollena jítaca llojeco izoide.

<sup>15</sup> Afe fuiríraíma fuirízailla llezica ie ídaí ico ríire maíga izóí, áfedo ríire ie naídáillena, afe izóí Juzíñamui comécina jacíruiñeno uai jeire omoi oíri. Afedo abina ríire mámano, fiénidífuena ómoína anáfenoñeíteza.

<sup>16</sup> Iemo illa dígaruillaído Juzíñamuimo omoi ínogafuena féítañeno iri, mei áfedo Taife caímo mameca fiénidífuiaína oni caítáredíomoi. Omoi ínogafue jae fuiríraíma abí ríidollena úífirega llojeco finoina escudo izoide.

<sup>17</sup> Iemo Juzíñamui lloga jíllona uai jeire omoi oíri, mei aféuai, ífo ríidollena jítaífirega ífo ico llojeco izoide. Iemo nana Juzíñamui uáillaína mai jeire omoi oíri, mei afe Juzíñamui uai, Ñuera Joreño ómoímo fecaca fuirira llojébici izóideza.

<sup>18</sup> Nana bie cue ocuícáfuaí, mai Juzíñamuimo jícano finori. Jaca Ñuera Joreñodo izire Juzíñamuimo omoi jícaífireiri. Bie izóí omoi íllena, nana bífuiaína fáicanocaiñeno ñue abí omoi rairuíocairi. Daje llezica nana Juzíñamuimo jaináidínomo Juzíñamuimo omoi jícaífireiri.

<sup>19</sup> Daje izóí jíái cuemo jícaífireiri; náiraímo cue úria, Juzíñamui cue uai nabáilleza. Iemo jacíruiñeno íocire íaíoímo cue úrillena, Juzíñamuimo omoi jícarí, nauí báinino lloga jíllona uai jino comínimo cue fidítallena.

<sup>20</sup> Bie ñuera uaido comínimo úrillena Juzíñamui orécamedícue. Afe uai ícoína, ja biruí llavécamedícue. Iemo, bífuedo ñuera llujítímie izóí jacíruiñeno naire cue úrillena, mai Juzíñamuimo omoi jícarí.

### *Iraícaíño uáidua uailái*

<sup>21</sup> Cai izíruíga ama Tíquico, cai Ocuíraíma Jesumo táíjinana fáicanocaiñeno canófiredímie. Afémie nana cuemo itífuiaína ómoímo jino llóite, naa jíáie cue finócafuaí díga.

<sup>22</sup> Jira, bímie ómoímo orédícue, cue illafue ómoímo jino llóllena. Iemo jíái áfedo omoi náirefícaíllena, íena ómoímo orédícue.

<sup>23</sup> Moo Juzíñamui, cai Ocuíraíma Jesucristo díga, cai ámatiaímo ñue comeci uái illífue ómoína ñue onótaíteza. Daje izóí Juzíñamuína ñue omoi izíruíllena

jicádicue. Ie jira Juzíñamui omoi ñnogafuena aillo mónaitaiteza daidicue, afe bífuiaí omoi maiñóllena.

<sup>24</sup> Nana cai Ocuíraima Jesucrístona féitaño izíruitinona, Juzíñamui ñue íaioina ézicíteza. Mai; jae ñie. Daií íteza.



## **FILIPO COMINIMO SAN PABLO ORÉCABE** **La Carta del Apóstol San Pablo a los Filipenses**

### *Filípomo ite Jesumo ñnotinomo Pablo llavéracomona cuete*

<sup>1</sup> Cue Páblodícue. Cue nabai Timoteo diga bibe ómoimo cuetícoco. Jesucristo táijitagamedicoco. Nana Filipo jófuego ite Juzíñamuimo jainaide ámatiaimo cuetícoco. Daa bibedo omoi cígiri ite ocuídillainimo, naa eneno mameca canódinomo, cuetícoco. Cristo Jesumo nana dáaziena jaináidiomoi.

<sup>2</sup> Cai Moo Juzíñamui ñue ézicigafuego omoi iri, naa comeci caimare uái illafue diga. Daje izói cai Ocuíraima Jesucristo ézicigafue dibénemo omoi iri, omoi ie lloga comeci caimare uái illafue diga.

### *Pablo Jesumo ñnotinori Juzíñamuimo comécido úrite*

<sup>3</sup> Naga ómoimo cue úbicaifirenaruido, cai Moo Juzíñamuina: “Iere figura” daífiredicue.

<sup>4</sup> Juzíñamuimo comécido cue úriadi, jaca nana ómoiri caimare jicáfiredicue.

<sup>5</sup> Mei fueñe tainéinaruimona ua biruimo Juzíñamui ñúfuedo dáafuego naa ómoiri táijifiredicaiza. Afena figura daífiredicue.

<sup>6</sup> Juzíñamui nauí omoi comécimo ñúfueña déitate. Afe ñúfueña déitallifue tainédime ua Jesucristo billíruimo fáicanocaiñeno déitaocaite. Afefue taino daínideza onódicue.

<sup>7</sup> Mei ómoína iere izíruillano nana ómoiri daí comeci cue fácafue iere jaícina jóide. Afe izói daje cuemo iga ézicigafue, jeire otíomoi. Llavécamiedicue íadi, omoi cúeoiri jeire oga ézicigafue, ñúfue cue lluájillena canode. Iemona cai jílloillifueña comínimo uáfueña ñue fidítaticue. Daje izói bífueña iere nahífueza daítaticue. Afe izói bie ñúfueña uáitaacadino uiécomo daa bífuedo cai jílloillifuedo jaícina ñue úriticue.

<sup>8</sup> Jesucristo ómoimo dúecaillano izíruilla izói, omoi cígiri iere cue íacanana Juzíñamui ñue onode.

<sup>9</sup> Juzíñamuimo comécido cue úrillado ómoiena jicádicue. Dani conímana aillo jamánomo izíruillana jicádicue. Daje izói nana ñue fibíllafue abina omoi onóillifue diga, jicáfiredicue. Ua daí ómoiena jicádicue, ñúfueiaí omoi níziana omoi fibíllena.

<sup>10</sup> Afe bifue jeire omoi óiadi, omoi comeci ifue íainite. Daje izói Cristo billíruimo nífuenidinona íitiomoi.

<sup>11</sup> Daí Jesucristo omoi illáfueña mámeite. Ua ria llizilla jofo úaina izói, ómoína mámeite. Ua aillo ñue finócafuiái omoi illáfueño Jesucristo mámeite. Afedo Juzíñamuimo ñúfue ebíredifue diga nítaitiomoi.

### *Cristo jítainafue cue ñnuamona cue comeci ifue ráifide*

<sup>12</sup> Amataí, omoi cácarei, cuemo zúidifuiaina omoi fidítaticue. Aféfuiaí Juzíñamui cai jílloallíuái jino llúana nahí uáfueña canode.

<sup>13</sup> Benomo cue llavénamona, nana nahíllaíma jofo abi úiñoraini, ñúfuedo cue llavénnana onódiaíoi; ua Cristo ñúfue jeire cue úamona ja llavécamiedicueza, áfena nana onódiaíoi.

<sup>14</sup> Llavécacueña íaiíoi ciónamona, ja nana ñnote ámatiaimona nabémaci iere náicaidiaíoi, Juzíñamui uai jino llóllena. Ua meáiruiñeno uáfori jino llotíaíoi. Daje izói cue llavénamona cai Ocuíraímamo jamánomo ñnotiaíoi.

15 Uáfueña dámierie cuemo úradoillano Crístodo úritiaioi. Afémaci énenoruillano cue baimo jamánomoidimiena íacadiaioi; mei íadi jíáimíaf comeci ñúefuedo jino llotíaioi.

16 Dáarie dani íaioi comeci óiacanafuiaido Crístona jíáifo úritiaioi. Cue llavébillafue baimo jamánomo raamo cuena jíiritaiacadiaioi.

17 Mei jíáimaci cuena izíruillano Juzíñamui ñúefue jino llotíaioi, mei nai benó llavéracomo cue íllana onódiaioi. Ua Juzíñamui jíllloilluiai cue uáitañena jira llavécacueza onódiaioiza.

18 Mei íadi ¿cúemona níbai? Dáarie jaícina Crístodo úritiaioi; jíáimaci Crístodo jízíreoicana úritiaioi. Mei daje ábiedo Crístodo íaioi úriadi, cuena jaca íóbitade.

Afe cue íóbilla baimo jamánomo nai íóbioicaiticue.

19 Mei nana bífuiaimona nífuenino záiticueza onódicue. Ua cueri Juzíñamuimo comécido omoi úrillado ñue jíllloiticue. Daje izói Jesucristo Joreño cue cánuado ñue jino jáiticue.

20 Jesucristodo meáiruñeno cue úrilla cue comeci jítaillafue. Afe daje bífueño iere ocuídícue. Birui cue illáfuedo jíáimaci Crístomo aillo ñúefue nitádiaioi. Afe bie nita baimo, nai jamánomo íaioi nitállena jítaidícue. Nibai cáaiticue, níbai tíiticue dama mei áfena lloñédicue. Dama Jesucristomo ñúefuina nita daidícue.

21 Nai tíñeno cue jáicaiadi, Cristo comeci jítainafue cue fínuana jamánomo naga raa baimo gáidícue. Iemona nai cue cáanafue ñuera; íemo jíái cue tílle jamánomo baimo ñuera.

22 Mei íadi bie cue abido nai cue caana llezica, cai Ocuíraima comeci jítainafue biniemo jino denóllena tájifireitícue. Meita bie mena cuemo itífueмона nífue nízedá óiticueza onóñedicue.

23 Nai feire jánaideza, bie ménafedemona nífue óiticue. Aféfuena ñue cue onuille féirede. Mei jíáfodo caifo Cristo diné cue jáillena tíiacadícue; bie izóidífue cúemona jamánomo ñuera.

24 Mei íadi jíáie izói omoi cígido bie caana abido cue jáicallena, ómoiena iere jítaírede.

25 Mei daa bífuena jaícina onódicue; omoi diga nai cue ícaillena ñue onódicue. Omoi diga cue íllena jítaírede, omoi ñue ínogafue nágarui jeire omoi cue otátallena. Ua ómoiri cue illa jítaírede, jae jeire omoi ua izói afe baimo jeire omoi óllena. Daje izói omoi ñue ínogafuedo omoi íóbioicallena, omoi cígiri cue ícaillena nai jítaírede.

26 Mei daí nana omoi cígiri íiticue. Afe uire cue bílledo Jesucristona jamánomo aillo íóbitaitiomo.

27 Cristo ñúefuiai úbicaillano, afe izói nágarui omoi illafue ñue jaícina jóneri. Nibai omoi cue éroizaiadi bifue jeire omoi úamona, omoi illa ñúefuena fidíacadicue. Daje izói ómoimona jica iticue íadi, daje omoi illa ñúefuena onóiacadicue. Afe bie izoide ñúefuena fidíacadicue: dáaziña caimare omoi jáináillana onóiacadicue. Daje izói jíllloilluaimona lloga ínogauaimo izire omoi níciduana fidíacadicue.

28 Daje izói omoi bacáuai ímíaina due omoi jáicaiñenana cuemo omoi lloiri, daidícue. Afe omoi jáicaiñenafue, níne íaioi táinocaillifuena uáfodo jino llotátate. Mei íadi daje llezica omoi jíllloillifuena uáfodo jino llote. Bie omoi onóitainafue Juzíñamui dibénemona bite.

29 Mena rafue Juzíñamui ómoimo mamede. Nánorafue daide: Cristo uaina iere jeire óredíomoiza. Nane jíáfue daide:

Cristo ñúefue jeire omoi ua méifomo, afémie ícoiri duere zefuífiredi omoi.

<sup>30</sup> Cue naa ómoiri daje fuirilla izóidifue mo iticai. Naui cue fuirídimie izóí íllana ciódi omoi. Ja birui fuirídimie izóí, nai cue jáicana ráfue na onódi omoi za.

## 2

*Cristo jamánomo uáitagami ena jaide ie méifomo Juzíñamui jamánomo ñue ébifue íemo nitade*

<sup>1</sup> Ja birui Cristo ómoina náicaitarede. Afémie ómoina izíruillano, comeci zúuren amona omoi comécina cáimacaitarede. Ie Ñuera Joreño omoi diga ite. Coním ana izíruillafue dúecaillafue diga afe díbenemo ití omoi. Nana bífuia ina omoi onón amona, mai cue omoi íóbitari.

<sup>2</sup> Ua caimare ñue omoi illífuedo cuena íóbitari. Afe izóí daje izíruillafue mo omoi jaináin amona cuena íóbitari. Afe mei dájemo comeci jítainafue jeire omoi úado cuena omoi íóbitari. Afe emódomo dáafue mo omoi comécinado cuena omoi cáimacaitari.

<sup>3</sup> Dani omoi comeci jitailla izóí mamériño eno iri. Fia abí ínuafuedo nífuena lloño eno iri. Mei íadi comeci mánainafue mo omoi mamé riri. Omoi mona illa dígamierie omoi aino cómena o baimo comécina ñuera, omoi daií fireiri.

<sup>4</sup> Dani omoi ñue illáfue na jenóño eno iri. Mei íadi nana jáíamaci ñue illáfue na omoi jenori.

<sup>5</sup> Cristo Jesús comeci mámia izóí, dájemo comeci omoi mameri.

<sup>6</sup> Nano fueñe ie illa llezica afémie daa Juzíñamui izoide. Juzíñamui izóí ie illa ríino afémiemo ite. Mei íadi ie fiénocaiga ríinona “Raíre meine cue olli” daií ñede.

<sup>7</sup> Mei íadi afémie Juzíñamui izoína llezica afe íemo ite ríinona oni eno fiénocaide. Fiénocaillanona jiba íima jécia izóí Cristo jéciga. Daií ie jécin amona fia jamai táijitagamie bie éni edo jáicana izóí jáicade.

<sup>8</sup> Jamai cómena ie illa llezica jamánomo comécina mánaidimie na abí mamede. Daií mámano ie Moo Juzíñamui daínáu ai jeire uano dama tízaide. Ua aillo meáire cruzmo tízaide.

<sup>9</sup> Ie jira Juzíñamui jamánomo aillo ñúefue íemo nitade. Ua áfemona nana jáíe mámeciaí baimo jalléidicína Juzíñamui íemo jítade.

<sup>10</sup> Daií bie mámecina Juzíñamui íemo jítade, nana comini ie anamo dújuillena. Ua afe Jesús daínacína íaíoi cacán amona nana monamo itínuaiaí, bie éniemo itínuaiaí, daje izóí énie anamo itínuaiaí cañícido ie anamo dújuitiaíoi.

<sup>11</sup> Daií dújuillano nana comini comécido íena ónuano, Jesucríston a nahí Ocuíraim ana daítiaíoi. Daií daínado Moo Juzíñamui mo ñúefue nítaítiaíoi.

*Crístomo jaináidino bínie egáíñotino izóidiaíoi*

<sup>12</sup> Mei jira, cue izíruiga ámatiaí, naui omoi cígiri cue illa llezica jaca ómoimo cue llogáuaina jeire otí omoi. Ja birui ómoimona jica itícuemo, naui omoi úana izóí, afe baimo aillo jeire omoi oírí. Dani omoi jíllonafue mo comécina mánaidimie izóí jacíruioicana áfemo omoi comécioiri. Aféfuena nana comínimo ñue jino omoi denóicairi.

<sup>13</sup> Mei Juzíñamui afe ñuera comeci óiacanafuiaí ómoimo fecádimie. Afémie dama ie comeci ñue jítainafue mo ómoina canófirede, omoi comeci ñue óiacanafuiaí jino denóllena.

<sup>14</sup> Bífuiaí jino omoi denolle llezica nana omoi jetácafuaí fiéni úriño eno omoi finori. Daje izóí áfena júfidoño eno omoi finori.

15 Iemona bie izói omoi iri ninena jáimaci ómoimo íaifue jóoneñeilla. Dai nífuenino omoi iri, áfemona íaifuenidinona omoi ílleza. Mei daií omoi íllamona, comécina íaifueмо féitate figóñede comini cígiri, Juzíñamui úruiaina mamélliomoiza. Iaiói cígiri, ucudu caifona bie jítirede énie egáñua izói, ie izói comini comeci jítirenana egáñoitio moi.

16 Afe egáñuado ziiñona cáataite uai íaioimo jino llóitio moi. Daií Cristo billíruimo ómoiri meáldaiñeno caimare abí ínoitícue. Daje izói omoi ñue illáfuedo nauí ómoiri iere cue táijinafue táinomo jifánofiñenana onódicue.

17 Nauí ñúfueña omoi ínuaruimo dani omoi illáfueña Juzíñamuimo llotíio moi. Birui nai omoi ínogafue ñue jaícina cue jóoniamona, nibai benó cue tíadi, áferi cáimacaitícue. Afe llezica omoi cánuai biga íobillafueri íobidícue.

18 Daje izói caimare omoi iri; cue cáimacailla dibéfuemo jeire omoi oíri.

### *Timoteo Epafrodito diga Filipos comínimo oréillíue*

19 Cai Ocuíraima Jesús comeci óiacania, Timotéona omoi eróizaitaitícue. Omoi illafue afémie abido cuemo lluaíbiadi, iere áferi cáimacaitícue.

20 Cue comeci faca izói, comeci facade jáie cómena íñede. Dama Timoteo cue izói comeci úrilla. Dama afémie omoi ñue illífuemo uáfueña comeci facáoi firede.

21 Nana jáimaci dani íaioi comeci jítainafue jenódiaioi. Cristo Jesús dibéfuena lloñédiaioi.

22 Afémie cuemo ráifinafueña náganuiaimo jino ciótagaza onódiomoí. Ñúfue jino cue llócaillado afémie cue diga, jító izói jáicaide. Ua moo ie jító diga táijicana izói cue diga táijicaide.

23 Cuemo ite itífuiaí jino déillana ñue cue onóadi, bie Timotéona omoi méiñoaacadícue.

24 Cai Ocuíraima ñue ínotícue. Iemona nibai ómoína raire dama eróizaibitícue.

25 Daje izói cúemona uáfodo jóideza, cue ama Epafrodito omoi cígimo jáireña. Afémie cue táijinana nabáifiredimie. Daje izói fuirilla izói cue llócaigafue nabáifiredimie. Mei íadi nauí cue jitaica raamo táijillena omoi cuemo orécamie, abido ómoimo orédícue.

26 Mei afémie nana ómoína izire cióacade. Ie irárenana omoi fidínamona afémie comeci iere járitaide.

27 Uáfueña iere irárede; tíllanomo figo dúcide. Mei íadi Juzíñamui íemo dúecaillano íena jíllotate. Dama afémiemo dúecaíñedeza; mei jái daje izói cuemo dúecaide. Ua Juzíñamui cuemo dúecaide, cuemo ite zúufuiaí baimo jáie aillo comeci zúufuiaí cuemo bíñeilla.

28 Iemona íena iere oréacadícue, raire afémiemo omoi érocaillano iere omoi íóbicaillena, cue zúucaillafue raire niné féilleza.

29 Bie Epafrodítóna mai jamánomo caimare omoi uáidori, Juzíñamuimo izire jainaide ámaza. Nana ie illa izóidimíai caimare jacíruioicana íaioimo mai omoi cacáreiri.

30 Ua afémie Crístoimo táijinafuedo tíllanomo figo dúcide. Dama ie cáanafue jacíredifueмо afémie jóonete cuena canóllena. Ua omoi bíninamona afémie cue cánuai billena iere jamánomo nícidote.

## 3

### *Uáfueña Juzíñamui íobilla cai ñue jaícina illafue*

1 Cue ámatiaí, mai cai Ocuíraima omoi íobioicairi. Cue cuezafue meine ómoimo cue llole cuena áfedua izói íñeite, mei íadi ómoína iere ñue canode.

<sup>2</sup> Íáiruiga jiba jico izói fiénidifuemo itímacimona abí omoi rairuiri. Omoi bacano icoi quetátáfirediaioi.

<sup>3</sup> Cai bie ua quetácamacinaza. Cai bie cai joréñodo Juzíñamui ióbillamacidicai. Fia jínofenemo cioide raana íñoñedicai. Cristo Jesús íeiena cai íllari caimátáidinodicai.

<sup>4</sup> Bífuiaimo aillo cue ínnoregafuiaí ite íadi, áfena lloñédicue. Cue baimo buna aféfuiaimo ínonide.

<sup>5</sup> Cue jocóinamona ocho dígarui íllamona cue bacano icoi quetádiaioi, mei nahí israelita nairai ímiedicueza. Cue bie Benjamín izíemo jaináidimiedicue. Cue jocóinanomona hebreo ímiedicue. Ua hebreo ímie jítódicue. Judíuai ocuícáfue jino cue dobáíñuamona cue bie fariséodicue.

<sup>6</sup> Jacire ocuíoídimie izói Crístomo jaináidino fállena íaioina racádicue. Judíuai ocuícáfue lloga ñue jaícina illafue dibéfuemo, jaca nífuenidimiedicue. Bu úaitañegamiedicue.

<sup>7</sup> Mei íadi nana bie nauí cúemona aillo ráifidífuiaína, ja birui aféfuiaina Cristo ícoína náfueñedicue. Ua aféfuiaina jamai ráifiñedífuiaí izói áfemo coméidicue.

<sup>8</sup> Afe baimo aillo jíáífuemo coméidicue. Cue Ocuíraíma Jesucrístona cue onóillifue, nana cuemo itífuiaí baimo aillo ráífide. Iemona cuemo itífuiaína féitaticue. Cristo ícoína naga cuemo itífuiaína cue féitaga. Ua aféfuiaina oni dotáacaiga raa izói coméidicue, afe íbana Cristo cue náamatallena.

<sup>9</sup> Daje izói cue afémiemo jaináiacadicue. Ocuícáfueña cue ínuamona ñue illáfueña llínoticue. Mei íadi afe ñue illáfuedo Crístomo jáinaiñeíticue. Jesumo ínotinomo Juzíñamui iga nahí ñue illáfuedo Crístomo jáinaiticue.

<sup>10</sup> Cue comeci jítainafue Cristo cue onóillena. Daje izói ie tíllanomona meine abido cáatate ríinona, “Cuemo iri,” daídicue. Afémie duere zefuilla izói duere zefuícadicue. Afe daí ie tíllaruimo ie illa izói íiticue.

<sup>11</sup> Afemona tíidinuaí meine cáallífuemo ocuírídicue.

*Cristo fueñe cue ocuilla izói cue jáillena, fuirilla izói izire nícídocana uiticue*

<sup>12</sup> Ja nana afe bie mamérillafue oticue daíñedicue. Daje izói comeci jaícina ñue jóidimiedicue daíñedicue. Mei íadi Cristo fueñe cue ocuilla izói íacadicue. Ie jira nágarui aféuaimo nícídocana uiticue, afémie cuena daína izói cue jáillena.

<sup>13</sup> Cue ámatiaí, bífuiaimo ja dúcidicue dama daíñedicue. Mei cue nahí finóacaigafue jíáfodo jóide. Nauí cue illáfueña féitaticue. Afe llezica nahí como cuemo déioicaiticue mo riire coméidicue.

<sup>14</sup> Aizídino raire mózizailla izóidinomo dúciacadicue. Juzíñamuimona fia jirídolle raa izoide cue llínuaibillena, Juzíñamui monámona cuena uáidote. Crístomo cue jaináinamona afe jirídolle raana máíñoíticue.

<sup>15</sup> Cáimona nana ínogafuedo ñue móonaitino, mai bie izói cai comécioilli. Jíáfodo omoi comécíadi, Juzíñamui áfena ómoína fidítaite.

<sup>16</sup> Mei íadi bifue mai cai náfuelli: cai onóigafue izói mai ñue cai illi. Daje izói ñue jaícina mai cai comécioilli.

<sup>17</sup> Cue ámatiaí, nauí omoi cígiri cue íllana cíodiomoíza, afe izói omoi iri. Omoimo cue cíotagafue jeire otinomo izire comeci omoi facáoiri.

<sup>18</sup> Ja aillo Cristo tíllafueña uáitatino íteza. Iemona díga icaiño afémacido ómoimo lloticue. Nane zuure ébicaillano dáanomo ómoimo llóíticue. Afémacimona abí omoi rairuiri.



19 Bie izói itino írairuimo niné táinocaitiaioi. Dani íaioi abi jitáinafuiaina daidíaiioi:

—Bie cue juzíñamui, —daidíaiioi. Meáirede raana meáiruñediaioi. Mei íadi áfedo abí ínotiaioi. Fia bie énie ífuemo comécidíaiioi.

20 Mei íadi cai nana caifo mona imácidícai. Cai nana, cai jíllotade Ocuíraima Jesucristo monámona bíllemo úiñotícai.

21 Cai zíññoñede abina afémie méiduaíbite, afémie ie abi ebire cíoina izói cai íllena. Afémiemo ite ríinodo naga raana náamatade. Iemoná afe daje íemo ite ríinodo cai abi ífuena méidoite.

## 4

### *Jaca cai Ocuíraimamo caimátaioicairi*

1 Cue izíruiga ámatíai, mei ómoína iere cíoiacadícue. Omoi cue íóbíoinamacídiomoi. Iemo cue jírdolle raa izóidiomoi. Ua cue izíruigamacídiomoiza; mai cai Ocuíraimamo jaícina riire omoi comécioiri.

2 Evódiana mámeceiredíngo íemo Síntique díga, izire jícadícue, dáafuemo ómingo comécíiri. Mei cai Ocuíraimamo jaináinamona ebúñona maméidiomíngoza.

3 Daje izói jíaimiemo úritícue. O, cue táijínado jaca ñue cuena nabáidío. Ua cue ínoga nabáidío. Jira bie cai miríngotíaina o canótaitícue. Mei afe íaínguai cúeoiri afe jíllona uai cue llócaínado nícidocadíaiínguai. Bíaiínguai, Clemente díga naa jíaimieoiri cúeoiri táijicadíaiioi. Nana afémaci mámecei ja Juzíñamui zíññoña íllino óitíno mámecei cúeinanicomocuega.

4 Nágaruíllaido cai Ocuíraimamo mai omoi caimátaioicairi. Nane dáanomo daidícue, mai caimátaioicairi.

5 Omoi comeci mánaina naga cómemo, mai cíotaitíomoiiza. Cai Ocuíraima bíllíruimo áinozideza. Cai áinori íteza.

6 Omoi comeci nífuemo járitaitañeno iri, mei jíáifodo naga ómoímo comuídífuiaina Juzíñamui úrilla llezica, afémiemo mai omoi lloiri. Daje izói omoi jítailla raana jícarí. Afe llezica “Íere figora” mai omoi daíífireri.

7 Ie mei Juzíñamui comeci caimare uái íllafue ómoímo íteza. Bie comeci uái íllafue comíni onoiiga táinofue baímo ñuera. Afe caimare uái íllafue omoi comécina ñue ráiruíte. Daje izói omoi comeci jarire úrillafuena ñue manánaitaite. Mei Cristo Jesumo daane jáinaitíomoiiza.

### *Ñúefuíaímo comeci omoi facáoiri*

8 Cue ámatíai, íraícaíño omoi llóitícue. Nana nahí uáfuiáímo omoi comécíiri. Daje izói nahí caimare jacíruioigafuíaímo omoi comécioiri. Daje izói nana jaícina ílláfuiáímo omoi comécíiri. Afe izói nana íainidífuíaímo omoi comécíiri. Daje izói nana íóbíllafuíaímo omoi comécíiri. Daje izói nana caimare jalléinafuemo omoi comeci uibíoiri. Nana bie ñúefuíaímo omoi comécioiri. Daje izói nana ñúefuena nitáfíreganomo afémacímo omoi uibíoiri.

9 Omoi cue llófuía izói mai omoi iri; ómoímo cue lloga lletárafuíaímo mai omoi ínori. Cue dáinana omoi cacana izói, cue finócana omoi ciona izói, afe izói mai omoi iri. Iemoná comeci caimare uái íllafue fecáfírede Juzíñamui omoi díga ífíreíte.

### *Filipo ímaci ía íecaca raa Páblomo orédíaiioi*

10 Meine nane cuemo omoi comécíillari cai Ocuíraímado iere íóbídícue. “¿Níbaí mei cuena féitátíomoi?” ómoína daííacañedicue. Cue omoi canóacana raa átiitímie íñédeza, onódícue.

<sup>11</sup> Cue ráaninari ómoína fiēni úacaiñedicue; cuemo ite raari cue ióbillana ja fibídicue.

<sup>12</sup> Duere cue íllana fibídicue. Daje izóí aillo cue jitaica ráaniai íllana fibídicue. Nifue cuemo comuíadi, afe izóidifue cue ocuállana ja fibídicue. Nibai jeíredicue, nibai jufíruiticue; afe izóí caimare cue íllana fibídicue. Güiga alla cuemo íadi, mei cuemo iñéniadi daje izóí ñuera.

<sup>13</sup> Naga cuemo eróicana comuide raana ocuíredicue; mei Cristo cuena ríiduado ocuíredicue.

<sup>14</sup> Mei íadi cue dúerena llezica cuemo omoi dúecaillamona, cue omoi cánua ñuera. Diga icaiño duere cue finóinari omoi zúunailla cuena náicaitade.

<sup>15</sup> Omoi Filipos imácidíomoi, daje izóí bífuena onódiomoi. Nano fueñe jállona uai cue llócaina llezica, daade cue canófiredinodiomoi. Ua Macedóniamona oni jíainomo cue jailla llezica daade cue canode Jesumo ínotinodiomoi. Fia fecaca ráaniai cuemo oréfirediomoi. Afemona comínimo cue feca izóí, íemo íaioimona cue llínua izóí, afe dájemo naa ómoiri táijidinodícaí.

<sup>16</sup> Nai Tesalónicomo cue illa llezica, omoi diga ícaiño, fia fecáfireiga ráaniaina cue jitaicaniaina cuemo orédiomoi.

<sup>17</sup> Fia ráaniaina cue llínoiacanamo coméciñedicue; mei íadi cue comeci jitaillafue, Juzíñamui uíécomo ómoimo aillo ii, daidicue. Iemona daí aillo omoi ofítaga raana uire maiñóritiomoi. Afemo coméciidicue.

<sup>18</sup> Mei nana jae cue llínoga. Afena cue jitaica ráaniai baímo ja llínoticue. Epafrodítodo cuemo omoi oreca ráaniai figo baite. Baímo cue jitaíllena iñede; ja aillo íteza. Cuemo fia omoi oreca ráaniai iere Juzíñamuina ióbitade. Daí cuena omoi cánuado, Juzíñamui comeci jítaina finódiomoi. Aferi Juzíñamui ióbicaillano afémie áfena jeire ote.

<sup>19</sup> Cue ínoga Juzíñamui nana omoi jitaica raana ómoimo fécaite, mei nana Cristo Jesús ebire comuítaga ráaniai Juzíñamuimo dúideza. Ie jira íemo aillo ite ráaniai izóí, afe izóí ómoimo fécaite.

<sup>20</sup> Mei ñuera ebíredifue caí Moo Juzíñamuimo jaca íoicaideza. Daítadeza.

*Tiraicaiño uáidonocaillafue*

<sup>21</sup> Cue dibénedo nana Juzíñamuimo jaináidino Jesucristo mámeçido omoi uáidori. Cue diga ite caí ámatiaí ómoimo uai orédiaíoi.

<sup>22</sup> Nana benomo ite Juzíñamuimo jaináidino daje izóí uai ómoimo orédiaíoi. Romano nahíllaíma jofomo itino iere ómoína izire uáidoiacadiaíoi.

<sup>23</sup> Caí Ocuíraíma Jesucristo nana ómoína ñue ézicíteza. Mai daítadeza; jae ñie.

## COLOSAS IMÁCIMO SAN PABLO ORÉCABE La Carta del Apóstol San Pablo a los Colosenses

### *Pablo Colósamo ite Juzíñamuimo ñnotinomo cuete*

<sup>1</sup> Cue Páblodicue. Iemo cue nabai Timoteo diga ómoína uáidotícoco. Juzíñamui comeci jítaina izói Jesucristo orécamiedicue. Afe orécamiedicue daífacana uai, Jesucristo ñúefuena llujítagamiedicue. Cue ama izóidimie Timoteo diga,

<sup>2</sup> Colosas jófuego ite féitañoño ñnofirede ámatiaimo bibe cuetícoco. Omoi daje izói Crístomo jaináidíomoi. Cai Moo Juzíñamui ómoimo caimare eróicaiteza. Afe llezica Juzíñamui dibénemo iciriñoño uái illifue Juzíñamui ómoimo fécaiteza.

### *Pablo Jesumo ñnotinona Juzíñamuimo úrite*

<sup>3</sup> Omoiena Juzíñamuimo coco úrilla llezica jaca cai Ocuíraima Jesucristo Moo Juzíñamuina “Figora” daífiredicoco.

<sup>4</sup> Mei Cristo Jesumo omoi ñnuana cócona ja fidítatiaioiza. Daje izói Juzíñamuimo jaináidinona omoi izíruillana cócomo llotíaioi.

<sup>5</sup> Afe bie izói itíomoi, mei monamo ómoimo éenoga maiñolle raamo ñue ocuiritíomoi. Afe ómoimo lloga ua uai omoi cacánamona, ñue ocuiritagaomoi. Afe lloga ua uai ñuera jílona uai.

<sup>6</sup> Afe daje lloga uai náganuiaimo llócaillado oni aillo móonaioicaide. Ua, ríganíai llizilla izói, iere jebuide. Mei daje izói afe uai omoi cacana mei, omoi cigiri aillo jebuúdeza. Juzíñamui caina izíruillana omoi cacana mei, afe izíruillana ua ráfueza ja omoi onónamona, afe ñúefue ómoimo aillo oni móonaitagaza.

<sup>7</sup> Cai izíruiga ama Epafras bie ñuera uai ómoimo llófuete. Afémie nauí cai méifomo afe uai llúamo táijide. Ie jira afémie ómoiena Cristo ñue ocuícamié, mei afe llezica afémie Crístomo féitañoño iere ñnofiredimieza.

<sup>8</sup> Afémie Ñuera Joreño ómoimo comuítaga cuena omoi izíruillafue cuemo lluaíbite.

<sup>9</sup> Jira áfena cai fidínaruimona biruimo jaca fáicanocaiñoño ómoiena Juzíñamuimo úrífiredicoco. Juzíñamui comeci jítainana ñue omoi onóillena afémie jicáfiredicoco. Daje izói nana jiaíforie ifoci úrillana omoi onótallena jicádícoco, naa Juzíñamui dibénedo onóigafuiai.

<sup>10</sup> Afe bíemona cai Ocuíraima Jesumo jaináidino illa izói, ñue íredíomoi. Mei afe izói omoi ille jítáiredeza. Daí omoi íllamona afémiena nágarui íóbitaitíomoi. Afe afémie íóbillá raa be ñie: Riga llizíllajíai aillo illa izói, omoi finoca ñúefuíaína aillo omoi jebuítallena; íemo jiaí Juzíñamuina jamánomo ñue omoi onóillena.

<sup>11</sup> Daje izói nana cai ebírede Juzíñamuimo ite ñuera ríinodo omoi ñue náireillena afémie jicáfiredicoco. Daí jicáfiredicoco nana ómoimo cómuitífuíaína járitaiñoño íaícana omoi ocuíoillena. Daje izói caimare aféfuíaína omoi ocuíoillena ómoiena jicádícoco.

<sup>12</sup> Nane daí omoi comeci náireillamona caimare cai Moo Juzíñamuina “Iere figora” omoi daífireillena jicádícue. Mei nana afémie dúidínomo ie fe-calle zííñoña illifue ómoiena batí Juzíñamui illa úzeredínomo omoi maiñóllena, afémie ómoína ñue finódeza.

13 Mei uáfueza, Taife ocuífíregá jítifomona Juzíñamui caina jíllotate. Jílluano ie izíruiга Jitó illáimána illánomo caina jóonete.

14 Mei afémie Jitó tíllado, caimo ite íaifuiái féitajano, Juzíñamui caina jíllotateza.

*Cristo tíllado Juzíñamui díga icíríñeno dájena uái itícaí*

15 Afe bie caí Moo Juzíñamui jaca cíóñenamie íadi, comini cíonamie izóí ie Jitodo ana bite; íemona afe Jitó Juzíñamui ñie ua izóidena caina onótate, naa ie comeci ífuiáiri. Afe Jitó nana comuítaga ráaniai baímo jamánomoidímie.

16 Juzíñamui ie Jitodo nana monamo itínuiaina finótate, naa éniemo itínuiáiri. Cíoide ráaniai naa cíóñena raa díga, nana afémiedo Juzíñamui finoca. Mei uáfueza, daa fiéñeno, nana afe caí cíóñena ríñoredinona naa ocuídillainiri, íemo jíái Juzíñamui abi imaci díga, dáamiedo finócaiaíoi. Nana afe ie Jitodo finoca. Daje izóí afémie íena finoca.

17 Mei afe Cristo nana ráaniai nai íñenia afémie jaca íteza. Daje izóí dáamiedo nana ie finoca ráaniai oni féiraiñeno ñue jaícina itíaiíoi.

18 Afe baímo Cristo nana afémiemo jaináidino afe ifo daínámie. Iemo nane afémiemo ínotino ie abi daínamáci. Afémie afe bie ie abi daína ínotinona zíñona cáatatímie, mei afémie tídinomona fueñe meine cáadimienaza. Afémie daí fueñe meine cáadimiena jaide, nana itífuiaí baímo jamánomoidimiená íllena.

19 Nana Juzíñamui zíñona illa izóí, nana afe izóí Cristo íllena Juzíñamui jitaide.

20 Nane daje izóí afe Cristo tíllado, Juzíñamui nana afémie comuítaganuiaina icírafuenino dájena caímare uái illífuemo jóoneacade. Mei uáfueza, nana bíniemo itífuiaí naa comini díga, íemo jíái nana monamo itínuiáiri, Cristo cruzmo tíllado Juzíñamui éoiñeno dájena caímare uái itátaacade.

21 Naui díga íaifuiái omoi fínuamona Juzíñamuimona iere jícanemaci izóídiomoi. Daje llezica omoi comécido Juzíñamuina éoidinona itíomoi. Mei íadi ja birui Juzíñamui afémie díga ómoína icírafuenino dájena uái illífuemo jóonete.

22 Cristo tízaiílla llezica ie abi izi cácanado, Juzíñamui daí ómoína caímare dájena uái illífuemo jóonete. Afémie bie izóí finode, íaifuenidinona, daje izóí níifuenidinona afémie uíécomo caí ie jóoneíllena. Uáfueza, afémie bie izóí finode íeiena caí íllena.

23 Bie izóí uáfueza omoi íllena, fáicanocaiñeno jaca íñorediomoi. Afe izóí amena ana jíca jainade ríire illa izóí, ríire írediomoi. Daje llezica ñuera jíllona uaina omoi cacánamona omoi maíñoca caímare ocuírillafuena fáinocainidiomoi. Afe bie ñuera jíllona uai ja nágagobiaído llócaíga. Iemo afe izóí afe llócaígamo cue jíái canódicue, mei afe uai llócaíllena Juzíñamui jóonenocaigacueza.

*Pablo Jesumo ínotino cánoitimiená jóonega*

24 Birui omoi ícoínia duere cue zefuílari íóbídicue. Mei áfedo Cristo abi daína afémiemo ínotinori nana uícodo lloga nai duere cue zefuílana ñue ícoímo fuitáredicue.

25 Mei omoi ñue íllena Juzíñamui cuemo jóonenocaígfuedo nana afémiemo ínotino cánoitimiená jáidicue. Mei uáfueza, Juzíñamui nana comínina llóíacaíga uai, afe uai jino cue llúana ícoímo fuitáíllena jóonenocaígcue.

<sup>26</sup> Afe bie ñuera uai jai ai ninómona ua biruimo comini figo onóñediaioi; diga igímaiaí zái la méifomo afe uai nai retáiruiga raa izói joide. Mei íadi ja biruimo íeiedinomo ja jino báifitate.

<sup>27</sup> Juzíñamui ja judíoñedinomo afe bie nauí báinino ite uai ñuera áillue cáimafuena jino ómoimo onótaiacade. Bie báinide uai daina, Cristo ómoimo illa llote. Iemo íco jíáiruideo ñue caimare omoi illífuemo omoi ocuírillena afémie jino dénoite.

<sup>28</sup> Cai bie Crístona jino uáfodo lloticaí. Afe llezica nana comínina ñue rairuídicaí. Daje izói nana ñúefuiaí ñue íaioí onóillena afémacina nana llófiredicai. Afe izói naga come Crístomo dájena jaináillamona afémie dibénedo ñue íaioí móonaillena llófiredicue.

<sup>29</sup> Bie cue fuitállena, nana Cristo cuemo iga máiriedo fúirienaila izói nágarui Juzíñamuimo izire jicáfiredicue.

## 2

<sup>1</sup> Mei bífuena ómoína fidítaacadicue. Jaca ómoíena iere fuirilla izói Juzíñamuimo riire jicáfiredicue; daje izói Laodicea jófuemo itino íena, íemo jíái nana cue uíecona cíóñedino íena riire jicáfiredicue.

<sup>2</sup> Afémaci comeci náireillena fuirilla izói Juzíñamuimo riire jicáfiredicue. Iemo afe comeci náireillamona conímána ñue íaioí izíruillena riire níciduano jicáfiredicue. Mei daí dájena omoi jainaina jira, bie nauí figo báitañega uai Cristo omoi ínua mei, omoi diga íllana ñue jaícina onóredíomoi. Afe daí uáfori jaícina afémiena ñue omoi onóillena, riire níciduano nágarui Juzíñamuimo izire jicáfiredicue. Mei jíi, nana bie riire nícidoticue, figo ónoñega Juzíñamui ñuera uaina ñue omoi onóillena; mei afe báíñega Juzíñamui uai daina dama Crístoza.

<sup>3</sup> Mei uáfueza, nana comeci jamánomo úrillafuiaí naa onóigafuiaíri afémie mo ite.

<sup>4</sup> Bu ómoína ebírede uáillaido bífueñeillena, nana bífuiái ómoimo llóiticue.

<sup>5</sup> Cue abí omoi cígiri íñede íadi, benómona jicana izire ómoimo comécidicue. Iemona daí cue fídia izói dájena caimare omoi íllari íóbidicue. Daje izói fáicanocaiñeno Crístomo omoi ínuari íóbidicue.

<sup>6</sup> Jae cai Ocuífirede Jesucrístomo ñue omoi ínuamona ie lloga iodo jáiredíomoi.

<sup>7</sup> Afe bie daíacade, amena riire jáinaja izói, Crístomo riire jaináiredíomoi. Iemo jíái daje llezica jainónide jíállirai izói omoi íllena, nágarui Cristo uailai jeire omoi ua baimo jamánomo jeire ófireiri. Mei afe izói llófuegaomoi. Iemo afe llezica nágarui Juzíñamuina “Iere figora” mai omoi daífireiri.

### *Crístomo cai jaináinamona cai comeci cómuena méidoga*

<sup>8</sup> Mei birui ñue abí omoi rairuiri, baimaci omoi jífueacadeza. Afémaci táinodo ífoci úrillado, daje izói íaioí lloga taino uáillaimo jífuebiñeno iri. Mei afémaci Cristo dibénemo íñediaioiza. Mei jíáfodo jai ai ninomo comini lloga taino uai dibénemo jaináidiaioi. Daje izói dama bínie raa dibénedo comini comécillafuiaimo jaináidiaioi.

<sup>9</sup> Mei íadi nana Juzíñamui zíñona ñue illa dieze, afe izói Crístomo nana ñue jaícina ite.

<sup>10</sup> Iemona Crístomo dájena omoi jaináinamona, Juzíñamuina oruide comini izóidiomoi. Afe Cristo nana monamo ite ocuídillainina, naa cai cíóñena ríno redinona ocuífirede.



<sup>11</sup> Iemo nane daje izói Crísto mo dájena omoi jaináinamona ja bacano icoi quetácano izóidiomoi. Mei íadi ua quétañegaomoi, mei jiáifodo nanómona omoi jocoina llezica ómoimo ite íaifuemona ja jíllodiomoi. Mei ua, bacano icoi quétaja izói, omoi fiénidifuemona quetaca izói jíllodiomoi. Afe bie quetáfirena Crísto mona comuide.

<sup>12</sup> Iemo nane jiáifuemo cacáreiri. Mei omoi báutizanamona Cristo éniemo ana raia izói ja raigáomoi. Bie nanómona omoi fiéni finócafuiái titaca izói, ja fáicanocaitiomoi za. Iemo Juzíñamui ite áillue ríinomo omoi ínuamona Cristo izói cómomiena afémie diga ja cáadimacina itíomoi; mei Juzíñamui dama íemo ite ríinodo Cristo tíide meine cáatateza.

<sup>13</sup> Naui jiáiruido ómoimo ite íaifuiamona comeci diné tíidino izóidiomoi. Daje izói quetátañena judíuainédino omoi illa llezica, omoi fiénide óiacanafue jeire omoi úamona, comeci dine ónonino tíidino izóidiomoi. Mei íadi birui Juzíñamui nana omoi fiénidifuiái féitajano, dájena Cristo diga ómoína abido cáatate.

<sup>14</sup> Caimo ite íaifue íballe raa izoide. Afe cai íbañenia tíiredicai. Mei íadi Cristo tíillado Juzíñamui cai íbácana záitate. Afe cai íbácana Juzíñamui fiébiñeno ñue íbaja Cristo cruzmo coráiado ácatate.

<sup>15</sup> Mei afe llezica Cristo cruzmo tíillado, monamo ite ocuídillainina, naa cióñena ríinoredinona afémie ríinitade. Afémie uáfori íaioi illáiena báiruado, nana afémaci baímo ie jamánomoidimie íllana ácatate.

### *Monamo ite ñúefuiaina omoi jenori*

<sup>16</sup> Mei bíemona ninó dáamie omoi güille dibénedo omoi jánana júfidoiadi, áfemo mai náfueñeno omoi iri. Daje izói omoi júrua dibénedo ninó dáamie fiéni ómoína úriadi, áfemo náfueñeno mai omoi iri. Iemo jiái dáarie judíuái lloga ráfuiamo eneno omoi comeciñenado, ninó dáamie omoi jánana júfidoiadi, áfemo mai náfueñeno omoi iri.

<sup>17</sup> Mei nana bífuiái, uire Cristo billifue dibénedo comini ñue onóillena canódeza. Mei íadi Cristo bíllamona afe cai onótatífuiái jítaiñega, mei dama Crísto mo nana uafue raa báifideza.

<sup>18</sup> Iemona nino dáamie ómoína fiéniruiadi, mei afémie táinona mánaidimiena íllana ómoimo ácatateza, áfemo náfueñeno omoi iri. Daje izói afémaci diga Juzíñamui abi imaci ómoína íobitafireiadi, áfemo náfueñeno omoi iri. Mei afémaci ónoñega nicai anado ciófirena raado úrifirediaioiza. Afémaci jiba come comeci fácafuiado abi iere ínofirediaioi.

<sup>19</sup> Afémaci Crísto mo dájena jaináineno itíaiói. Mei jiáifodo Cristo nana íemo ínotino ífódimie. Afe ífo izói mamécamie nana ie abi écaja izói comécina náiretajamona afe abina móonaitade. Afe izói nana ie abímo jaináidino conímamo dájena jaináitajamona, ie abina móonaitade. Afémie Juzíñamui mamérilla izói nana bífuiái ocuífiredi.

<sup>20</sup> Mei Cristo tíillaruiamo afémie diga tíidino izói jáidiomoi; bie daiácade nanómona omoi fiéni finócafuiái titaca izói omoi fáicanocaigaza. Afe llezica bie énie ocuífiredi cai cióñena ríinoredinomona zuitácamaci izói jáidiomoi za. Iemona ¿ñibái mei nai bíniemo dúidino izói ífirediomoi? ¿Ñibái mei ie ocuífufuemo jeire otíomoi?

<sup>21</sup> Dáarie bie íaioi ocuica fimairilla uáimona bie izói daide: “Bie riñeno iri,” íemo jiái “Afeniaina güiñeno iri,” íemo nane jiái “Baie jetáñeno iri,” daide.

<sup>22</sup> Nana bie rairuillafuiái bie éniemo ite jétamona fúioicaite güilleniainimo dúide. Jira aféfuaiamo náfuenidiomoi za. Nana afe íaioi ocuica uailái fia jiba comini daína uailái. Daje izói fia jiba comini llófuega.

<sup>23</sup> Mei uáfueza, afe bífuiai báitafuiai izói cacáreide, mei afe ocuídino, “Bie cai daina izói monamo itínona mai omoi caimátáifireiri” daí daídíaiioiza. Daje izói fia comini daina comécina mánaidinona ómoína oréacadiaioi. Iemo jiái comini íaiói abi táinona duere zefuítatíaiói. Mei íadi nana bie íaiói ocuífafuiai cai comécimo ite fiénide óiacanafuiai rairuillena canóñede.

### 3

<sup>1</sup> Iemona, Cristo diga meine abido cáatagamaci omoi illa jira, mai mei mona dibénemo ite raa omoi jenori. Mei afénomo Jesucristo Juzíñamui nabézimona illáimana íteza.

<sup>2</sup> Daje izói mona dibénemo ite raamo comécillano afemo omoi járitaifireiri. Mei jiáifodo biniemo ite ráfuiaimo izire comeci uitáñeno omoi iri.

<sup>3</sup> Mei Cristo tíllaruimo afémie diga jae tíidinona jáidiomoi. Jae omoi jaiiai fiéni finóacagafue titaca izói afe omoi fáicanocaiga. Iemo ja birui Crístomo dájena omoi jaináinamona omoi uáfueña cáatagano; íemo jiái Juzíñamui dinomo rairuícáomoi, mei Cristo daje izói Juzíñamuimo dájena jaináideza.

<sup>4</sup> Dama Cristo cai uáfueña cáatagano. Iemo afémie cíocaille llezica, afémie diga cíocaitiomoi. Afe llezica afémiemo ite jamánomo ebírede ñúefuiai mona ómoíena máíñoitiomoi.

#### *Cai jaiiai illafue méiduoano cómfuedo jáiredicai*

<sup>5</sup> Ie jira naui bie éniemo omoi jainaina jira, ómoimo diga fiéni óiacanafuiai ite. Aféfuiai titalle izói mai omoi fáicanocairi. Naga áinidimie ringo diga jaca iñeno o iri. Iemo jiái, áiredimie ie áíñedingo diga jaca iñeno o iri. Iemo daje izói jiáie cómemo íaifuiado comécíñeno omoi iri, íemo jiái omoi abímona comuide jiruífueña omoi finóñeno iri. Daje izói omoi comeci fiéni óiacanafueña jeire oñeno omoi iri. Iemo nane jiáie cómemo úradoiñeno omoi iri, mei úradoifiredimie diga raa óiacanamona jánaraimo caimátáidimie izóideza; Juzíñamui ífuiai baímo jamai binié raana izíruiteza.

<sup>6</sup> Ie jira nana bífuiaimona íemo cacáñedinona Juzíñamui iere duere finófirede.

<sup>7</sup> Iemo jaiiai Crístomo omoi íinoñena llezica, nana bie izóidífuiai finófirediomoi.

<sup>8</sup> Mei íadi ja birui nana bie fáicanocairi: Jiáimamo icíriñeno omoi iri, íemo riírede uaillai bumo lloñeno omoi iri. Daje izói jiáie fiénidífuiai finóñeno omoi iri. Iemo jiáima jánana úriñeno omoi iri. Daje izói jiáima zanóllena fiénide uáillaido íaire úriñeno omoi iri.

<sup>9</sup> Conímamo táinona lloñeno omoi iri, mei omoi jaiiai fiéni illafue jae méidogaza. Daje izói nano omoi finófirega jae fáicanocaigaza.

<sup>10</sup> Iemo ja birui comue iniroi jita izói ñue illáfueña ja méidotíomoi. Iemo afe comue illafue comuítatimie Juzíñamui. Ie jira ie illa izói afémie caina cómuena finótacana uite. Iemona afémiena ñue ícoímo ónoíticai.

<sup>11</sup> Afe jira afe cómomaci judío ímiena ie íllana náfuenidiaioi. Iemo jiái judíoñedimiena ie íllana daje izói náfuenidiaioi. Iemo jiái afémaci bacano quetácamienna ie íllana náfuenidiaioi; daje izói quetañegamienna náfuenidiaioi. Afe izói afémaci onínemaci íllana, íemo jiái onóñedino íllana, íemo jiái izire ocuífiregano íllana, íemo jiái ocuifinigano íllana náfuenidiaioi. Mei jiáifodo afémacimo Cristo iere jamánomo ráifinamona dama afémiemo náfuefirediaioi. Mei Cristo naga íemo ínotinomo ífiredeza.

<sup>12</sup> Iemona bífueño cácarei: Juzíñamui ómoína izíruite. Izíruillano afémie ómoína nize de ie íaifuenide comínina omoi íllena. Mei ie jira bie ñúefuiai izói

omoi ífireiri: Jiáimacimo dúcaifireiri. Jeruñeno canófiredimiena omoi iri. Comécina mánaidimiena omoi iri, cámafuiado úrifireiri, járidoño omoi iri.

<sup>13</sup> Conímamo jaca járidoño fiaicana omoi canori. Daa come jiámamo icíriadi afémiemo ñúfuedo omoi jicari, áfedo icírafue záillena. Omoi íaifue ícoinia Cristo oni féitaja izói, afe izói jiámie omo fieni finóadi afe ícoinia oni o féitafireiri.

<sup>14</sup> Nana bífuiái emódomo iere omoi izíruifireiri. Mei afe izíruillafue cómena dájena jaináitateza, jiámaci diga. Afe daí jiámacina cai izíruillamona, nana afe ñúfuiái jaícina caina finótate.

<sup>15</sup> Iemona Cristo comuítaga caimare uái illafue omoi ifoci úrillana ífoiteza. Mei dáamaci izói íemo cai jaináinamona afe bie izói cai íllena Juzíñamui caina uáidoteza. Afe llezica jaca Juzíñamuina “Figora” omoi daífireiri.

<sup>16</sup> Mai mei nana omoi comécido Cristo daínauai jeire óredíomoiiza. Afe mei aféuai ñue omoi onónamona conímama omoi llófueri. Iemo daje llezica áfedo conímama ñue onóicana comécina omoi náiretari. Iemo jái Juzíñamui ióbitalliruai omoi rófireiri, jáie íena caimátailliruai diga. Daí ruano omoi comécido Juzíñamuina “Figora” omoi daífireiri.

<sup>17</sup> Mei jii, nana omoi jetáacaga raa, íemo jái ómoimo ocuica caimánidifue diga, naa omoi daíillifuiári cai Ocuíraima Jesús mámecido omoi finófireiri. Afe llezica Moo Juzíñamuina afémiedo “Figora” omoi daífireiri.

#### *Crístomo ñnotinomo dúide comini diga finófirega uai*

<sup>18</sup> Daje izói bie jái llollífue omoi cácarei. Iníredíngotiai, mai omoi inítiai anamo ñue ífireiri, mei Crístomo ñnotinguaina omoi illa jira, afefue ñnoredeza.

<sup>19</sup> Daje izói inítiai omoi áitiaina ñue izíruiri; afénguaina fiéniruiño omoi iri.

<sup>20</sup> Uruiai, omoi móotiaina nágafue omoi cacáreiri, mei afe daí omoi íllamona cai Ocuíraima ióbide.

<sup>21</sup> Móotiai, omoi úruiaina ícidoño omoi iri, afémaci jacínaillamona minícana finónide daí íai: íñeillena.

<sup>22</sup> Ocuífiregano, biniemo ite omoi ocuídina nágafuaimo ñue omoi cacáreiri. Daa afémaci ñue ómoimo comécillena afémaci fia eroina llezica ñue cacáreíño, mei íadi jái daje izói afémaci éroiña llezica ñuera comécido omoi cacáreiri, mei Juzíñamuina ñúfuedo jacíruitcaiza.

<sup>23</sup> Daje izói nana omoi finóacaiga raa, ñúfuedo finori. Comini dibénedo izói táijíño, Juzíñamuimo o táijina izói omoi finori.

<sup>24</sup> Mei ja onódiomoiiza, Juzíñamui ómoimo lloga omoi jirídolle zííño illifue afémie ómoimo fécaíteza. Mei uáfueza Cristo ocuícamacina maméidiomoiiza. Afémie omoi ua Ocuíraima.

<sup>25</sup> Mei íadi fieni finódimie afe ibana ie fieni fínua dieze duere finóbite. Mei Juzíñamui jaca dáamie oni énenorie maméñede. Nana daje dieze jaícina duere fínoite.

## 4

<sup>1</sup> Ocuíraini, omoi anamo ite ocuífireganomo ñue jaícina omoi eroiri. Afémaci jitaica raamo uibóicana omoi ocuífireiri. Mei monamo omoi Ocuíraima ítena onóredíomoiiza.

<sup>2</sup> Mai fáicaíño Juzíñamuimo omoi úrifireiri. Jaca afémiemo cáoia izói úriri. Afe llezica “Figora” Juzíñamuina omoi daífireiri.

<sup>3</sup> Daje izói cáiena Juzíñamuimo omoi jicáfireiri, cai Ocuíraima uailai ñue cai llócaillena. Juzíñamui bie izói caina itátallena omoi jicari. Daje izói nauí comini

figo ónoñega Cristo dibénedo uai, uáfori cue llófuellena omoi jicari, mei daií llófueredicueza. Naui afefue cue llua jira ja birui llavébidicue.

<sup>4</sup> Mai omoi Juzíñamuimo jicari, bie ñúefue cuemo dúina izóí, onóreoicana jino cue llóllena.

<sup>5</sup> Crísto mo íñoñedino cígimo jaca ñue onódimie izóí omoi ífireiri. Nágarui Cristo illafue afémacimo raire omoi ácatafireiri.

<sup>6</sup> Nágarui cáimafuiaido úriredio. Daje izóí jaca ñue oíacanado o úriri, illa dígamie uai ñue o óllena.

*Iraicaiño uáidufue*

<sup>7</sup> Cai izíruiga ama Tíquico, cuemo birui itifue ómoimo llujite. Afémie fáicanocaiño iere cue canófiredimie. Daje izóí afémie cai Ocuíraima cue diga ocuífiregamiena ite.

<sup>8</sup> Ie jira afémiena ómoimo óreiticue, birui cai illafue ómoina onótallena; íemo jiái omoi comeci náiretallena.

<sup>9</sup> Afe llezica jiáimie Onésimo mámeciredimie Tíquico diga jáite. Afémie cai izíruiga ama, íemo jiái iere ínofiregamie. Afémie ómoimaci ie. Afe íaillinoi nana benomo ífiredifuiái ómoimo llóitiaillinoi.

<sup>10</sup> Iemo cue llavébilla llezica cue nabai Aristarco, uaillai ómoimo orede. Daje izóí Bernabé enaize Marcos uaillai ómoimo orede. Marcos dibénedo jiáie lluáfuiái ja onóíomoiza. Afémie omoi méíñuáiadi, caimare íena omoi uáidori.

<sup>11</sup> Iemo jiái Jesús ómoina uáidote. Afémie jiái Jústona mámeciredimie. Juzíñamui illaíma illano dibénedo cue táijina llezica, daa afe bimaci judíuaimona Crísto mo ínotino cue canódino. Afémaci iere daa cue íóbitadino.

<sup>12</sup> Iemo jiái Epafras uaillai ómoimo orede. Afémie ómoimaci ie. Daje izóí Cristo ocuífiregamie. Afémie ómoiena jaca izire Juzíñamuimo jicáfirede, fáicanocaiño Juzíñamuimo omoi ínollena. Daje izóí Juzíñamui dibénedo ñue omoi móonallena íemo jiái nana Juzíñamui comeci jítaina izóí jaícina ñue omoi finóllena, afémie Juzíñamuimo jicáfirede.

<sup>13</sup> Afémie iere ómoimo comécillana uaina nabáifiredicue. Daje izóí afémie jiái Laodicea jofue comínimo iere comécifirede, naa Hierápolis jofue comíniri.

<sup>14</sup> Iemo jiái izíruiga manóriraima Lucas uai orede, daje izóí Demas.

<sup>15</sup> Iemo jiái Laodicea jófuego ite ámatiai uáidori. Daje izóí Ninfas daínámie omoi uáidori, naa ie jofomo gairífiredie ínotino diga.

<sup>16</sup> Bie rabe omoi nana facádua mei, Laodicea Juzíñamuimo gairíracomo facádollena omoi oreri. Daje izóí Laodicéamo cue oreca rabe omoi diné dúciadi, nana omoi facádori.

<sup>17</sup> Jiái Arquípomo lloiri: “Mai cacai, Juzíñamui omo jóonega ie táijina mai ñue jaícina o fuitari,” daiíri.

<sup>18</sup> Cue Páblodicue. Afena uafue daiíllena, bie uáidua uai dama cue ónoído ómoimo cueticue. Onóííomoiza, cue mei llavébidicueza; ie jira Juzíñamuimo cue dibénedo úriri. Juzíñamui ñue ómoído eróiteza. Mai daiítadeza. Jae ñie.

## NANOIDE SAN PABLO TESALONICA IMÁCI MO ORÉCABE

### *Primera Carta del Apóstol San Pablo a los Tesalonicenses*

#### *Tesalónicamo ite ñnotimacimo Pablo ie nabáñiairi rabe cuetiaioi*

<sup>1</sup> Cue Páblodicue. Bie rabe Tesalónica jófue mo ite Juzíñamuimo gairide ámatiaimo cueticue. Benó cue diga ite cue nabai íaillinoi Silvano Timoteo diga dáabemo cai uai cueticue. Moo Juzíñamuimo dájena jaináidiomoi. Daje izói cai Ocuíraima Jesucristomo dájena jaináidiomoi. Cai Moo Juzíñamui ézicigafue mo camare omoi iri. Daje izói Juzíñamui fecaca comeci ñue uái illáfue mo omoi iri. Afe izói ie jító cai Ocuíraima Jesucristo comeci ñue uái illáfue mo omoi iri.

#### *Tesalónica imaci íaioi Jesumo ñnuafue ñue jino ácatatiaioi*

<sup>2</sup> Nana ómoiri Juzíñamuina “Figora” daiífredicai. Daje llezica Juzíñamuimo cai úrillamo nana ómoina uibíoidicai.

<sup>3</sup> Cai Moo Juzíñamui uiécomo ómoina uibíoidicai, jamánomo ñnuafuedo omoi táijina jira. Afe llezica aillo izíruillafuedo comínina canócana táijifrediomoi. Ie emódomo cai Ocuíraimamo omoi úiñuafue jaca fáicanocaiñediomoi.

<sup>4</sup> Cai ámatiai, Juzíñamui ómoina izíruite. Afe Juzíñamui nizécamacidiomoi za onódicai.

<sup>5</sup> Meita naui jíllonafue ómoimo cai lluaíbillaruido aféfuena fia daina uáillaido lloñédicai, mei íadi Ñuera Joreño ríinodo lloticai. Daje izói afefue uáfue ñue cue onóigamona áfena uai jizíñeno jino ómoimo lloticai. Omoi cígido cai ñue illáfue, áfede omoi comeci ñue illena onódiomoi.

<sup>6</sup> Omoimo cai jino cíotaga illafue izói ja dani ñue macádiomoi. Daje izói cai Ocuíraima Jesucristo maca izói macádiomoi. Afe llezica cai llogáuaina ñue jeire otíomoi. Ua Ñuera Joreño fecaca cámafuedo afe uai jeire otíomoi, afefue ícoinia duere finócaomoi íadi.

<sup>7</sup> Iemona ñuera illafue jino cíotatinona íficaidiomoi. Ua nana Macedonia éniemo ite ñnotimacina, daje izói Acaya éniemo ite ñnotinona fidítatiomoi.

<sup>8</sup> Mei jira Ocuíraima Jesucristo llogáuai ómoimona nana Macedóniamó énie Acaya énie diga jica jalleide. Ie mei afe baímo Juzíñamuimo omoi ñnogafue jae náganiamó jica jalleide. Ie jira jae cai jíáfodo daiíllifue íñede.

<sup>9</sup> Mei afeno imaci omoi ñue caina llínuafue llotiaioi. Ie emódomo jánaraimo omoi ñnuafue fáicanocai llano caade Juzíñamuimo omoi ñnollena llotiaioi. Afe ua caade Juzíñamuimo omoi como fueñe táijinafuedo úritiaioi.

<sup>10</sup> Ie baímo tíllanomona Juzíñamui cáataga Jító, monámona meine bíllena ie omoi úiñuafue llotiaioi. Afe meine abido cáataga Jesús, cai jíllotaraima; ua uire bíite cai íere duere finóllifue mona, aféme caina jíllotaite.

## 2

#### *Pablo Tesalónicamo táijinafue*

<sup>1</sup> Amatiai, naui ómoído cue illafue fia táinomo baíñede, dani áfena ñue onódiomoi za.

<sup>2</sup> Afe cue billa uícode Filipos jofue comíni caina baíñota duere caina finódiaioi. Mei íadi Juzíñamui cai cánuamona afe ñue jíllonafue uáfodo jacíruiñeno ómoimo jino lloticue, jíáimaci caina uáitaoidiaioi íadi. Afena onódiomoi.



<sup>3</sup> Cai comeci jífueinamona ómoimo cai llogáfuiyai lloñédicai. Daje izói fieni ómoína maméñedicai. Daje izói ómoína jífueacañedicai.

<sup>4</sup> Omoimo cai llogafue jáífodo joide. Cai fígomeillena Juzíñamui facátagamacidicai. Nue jílloñafue uai Juzíñamui ómoimo caina llotátate. Mei jira daíí ómoimo jino lloticai. Comini baimo Juzíñamuina ióbitadicai, afémie cai comeci ífuiyai eroille jira.

<sup>5</sup> Ebírede uáillaído ómoína fia bífueñedicai. Afena onódiomoiza. Iemo fia úcube cai óllena táinofuiaina lloñédicai. Juzíñamui bífueimo uai nabáiraimana afefue uáfuellena.

<sup>6</sup> Comínina ñúefuiaina caimo nitátañedicai. Mei íadi omoi onódiomoiza; daje izói jáímaci onode, cai Cristo orécamacidicai. Afemona ocuilla ríino caimo ite, omoi cai ocuállena. Aféfuemo ómoína izire cacáreitaredicai. Mei íadi afe izói ómoína ocuñedicai.

<sup>7</sup> Jáífodo ómoína iciñeno fíaicana omoi cígimo llófueticai. Ua úrue ei úruiai comuítaja úiñua izói, ómoína dúecaillano izíruiticai.

<sup>8</sup> Ómoína jamánomo izíruiticai. Iemona Juzíñamui lloga ñúefue ómoimo llóllena ñue ja finóbicai. Afe baimo nana cai comeci ífuiyai ómoimo fecáacadicai, ómoína iere cai izíruillamona.

<sup>9</sup> Amatiai, nauti cai jitaica raa cai óllena izire cai táijina, uibídiomoi. Ua daíí riire cai níciduana áfemo uibíoidiomoi. Mona naio diga táijifiredicai ómoimona bu abina jafue fínoñeillena. Mei afe llezica Juzíñamui lloga ñuera uai ómoimo jino lloticai. Afe uaina jai ínotimacidiomoi.

<sup>10</sup> Jaca omoi uíecomo íaifuenino macádicai. Daje izói buna jífueñeno macádicai. Nana omoi Juzíñamui diga áfemo uai nabáifirediomoi. Daíí buna caimo nífuena nitánidiaioi.

<sup>11</sup> Mei illa dígamie omoi comécina náiretadicai, onódiomoiza. Daje izói úrue moo ie úruemo dúecaillano fíraja izói ómoína fíradicai.

<sup>12</sup> Juzíñamui íeiena omoi maméinamona omoi jáícina nágarui ñue macállifue jitáirede. Afefue nauti ómoimo ocuídícue. Juzíñamui ie náamataganona jíríte ie illáimana illánomo omoi jáillena, afe llezica Juzíñamui ebírenafuena omoi onóillena.

<sup>13</sup> Bífuere iere Juzíñamuina “Figora” daíifiredicai. Cáimona omoi cacana Juzíñamui uai dibéñedo, “Afe uai jiba come uai” daííñediomoi. Mei íadi aféuai illa izói, dama Juzíñamui nahí uai jeire otíomoi. Afe Juzíñamui uai ja omoi ínotino comécimo ñúefuiaina déioicaide.

<sup>14</sup> Amatiai, cácarei. Omoi comínimona duere omoi finóbiadi, jae judéamo ite Juzíñamuimo gairídino izói íficaidiomoi. Afémaci Jesucrístomo daje izói jaináidiaioi; mei íadi íaioi éniemo ite judíuaimona daje duere finóinafuemo duere zefuídiaioi omoi zefuilla izói.

<sup>15</sup> Afe judíuai duere finódino cai Ocuíraima Jesuna fatíaioi. Jaiiai ninomo dani íaioi Juzíñamui uai jino llóraini fatíaioi. Afe judíuai dáarie jófuemona caina jino jiúdiaioi. Afémaci Juzíñamuina ióbitañediaioi. Daje izói nana comínina uáitaoidiaioi.

<sup>16</sup> Mei judíoñedinomo bifue cai llóiacaniadi caina rairuíacadiaioi. Daje izói aféfuemona afe judíoñedino jílloñena, cai lloi daíí caina rairuíacadiaioi. Afe ícoinia íaioi fíenidífuiyai aillo offoicaide. Mei íadi birui ícoimo aféfuiai ícoinia Juzíñamui íaioina jamánomo duere finode.

*Pablo meine Tesalónica comini eróizaicade*

<sup>17</sup> Amatiai, ómoimona nano nié dino oni jáidicai. Mei conímána cíóñedicai íadi ómoimo comeci facáoidicai. Afe jira izire ómoína cíoizaibiacadicai.

18 Omoi illánomo cai jáillena mamériticai. Cue dama diga ícaiño iere jáiacadicue. Mei íadi naga cai jáiacanaruillaido Taife llótaidogacai.

19 Mei ie jira ¿Minica mei cai úiñoigafuena? ¿Minica cai ióbillafuena? ¿Minícamona cai caimátaillafue comuide? ¿Minícamona cai comeci zuitáinafue comuide? Mei cue llófuega Juzíñamui uaina ñue ínotiomoiiza. Ie jira cai Ocuíraima Jesucristo billíruimo dani omoi, daa bie cai comeci ióbillafuena.

20 Uáfueña, omoi cai comeci zuitáinafueña, cai cáimafue diga.

### 3

1 Mei jira afe baímo are cue úiñonidicue. Ie jira benó Aténasmo dama cue illífuena mamériticue.

2 Afe llezica cai ama Timoteo ómoína eróizaitadicue. Afémie Juzíñamui ñue táijitagamie. Afémie cai diga Jesucristo ñúefue jino llúamo táijide. Omoi ínogafuemo ómoína ñue riire naire itátaite.

3 Iemona ómoímona buna baie duere omoi finóinamona omoi ínogafuena féitañede. Mei afe bie zúufuiaido duere cai finóbille jitáirede. Afena onódiomoiiza.

4 Afe emódomo nauí ómoiri cai illa llezica afe duere cai zefuúllifue ómoímo lloticai. Afe daí ómoímo ja íficaide. Ja onódiomoiiza.

5 Ie jira áfena ja iere cue ocuíñenamona, omoi ínogafuedo mácajana jicánotadicue. Mei Taife ómoína fiénidifuemo baítate izóinamona cue comeci jacíruioide. Daí cai táijina táinomo jifánofide izoide.

6 Mei íadi ja birui Timoteo Tesalónicamona meine dúcide. Afémie ñue omoi ínuafue izíruillafue diga cai lluáibite. Caína izíruillano caímo omoi uibíoinafue Timoteo lluáibite. Ie mei ómoína cai cióacana izóí caína iere cióacadiomoi; daí Timoteo caímo lluáibite.

7 Iemona aillo duere cai finóinafue illa llezica omoi ínogafuedo ñue jaícina omoi mácajana fidídicue. Aferi cai comeci iere ñue fírazite.

8 Cai Ocuíraímamo ja birui ñue jaináidíomoi. Afena cai onónamona caímo cómfuena comuide.

9 Ua ómoiri iere ióbidicai. Juzíñamui uiécomo caína iere ióbitadiomoi. Afe aillo cáimafueri Juzíñamuina íbana “Iere figora” fáicanocaiño daíredicai.

10 Mona naío diga conima uiécomo eróicana ómoímo cai úrillena Juzíñamuimo izire jicádicaí. Afe llezica omoi ínogafuemoná naí fiébide uai jaícina cai fuitállena Juzíñamuimo jicádicaí.

11 Omoi cai eróizaillena daa cai Moo Juzíñamui naa cai Ocuíraima Jesucristori cai canóllena jitáidicaí.

12 Omoi ínogafue oni móonaillena cai Ocuíraímamo jicádicaí. Afe izóí conímana omoi izíruillena jicádicaí; daje izóí naa jíáimaciaíri. Omoína cai izíruilla izóí maí nana jíáimacina omoi izíruiri.

13 Omoi comeci jaícina jónellena jicádicaí. Daje izóí cai Moo Juzíñamui uiécomo omoi nífuenillena ñue finócafue jicádicaí. Iemona cai Ocuíraima Jesús billíruimo méairuñeitiomoi. Aféruimo nana íemo jaináidíno afémie diga bené biite.

### 4

#### *Juzíñamui ióbitade illafue*

1 Cue ámatiaí, omoi cácareí. Birui cai Ocuíraima Jesús mámeçido izire ómoímo jicádicaí. Daje izóí izire ómoína llétaiticue; nauí ómoímo cai lloga Juzíñamui ióbilla illafue daí omoi iri. Aféfuena afe emódomo aillo omoi móonaitaocairi.

<sup>2</sup> Cai Ocuíraima Jesús ríifuedo ómoimo lloga llétafuena onódiomoi.

<sup>3</sup> Juzíñamui dama ie nabaina finócamacina omoi jáillena afémie jítaide. Ie jira nana omoi jiruíreñoeno iri. Dama nahí ai diga illa figona.

<sup>4</sup> Ua Juzíñamui eróicana áireri. Afengo ua mei íena jámairuiñoeno íena o izíruiiri.

<sup>5</sup> Juzíñamui onóñedino fia íaioi comeci fieni óiacanafuedo áirenaza, mei íadi afe izói omoi iñoeno iri.

<sup>6</sup> Daje izói izire ómoína dáitícue, o abi come ie áina jífueta bairóñoeno o iri. Daje izói o abi come ie inina jífueta meríñoeno o iri. Afe bie izói itínona cai Ocuíraima Jesús, afémacina iere duere finoite, ómoimo cai llua izói.

<sup>7</sup> Juzíñamui íaifuenidíno nágari cai íllena caína ocuide. Afe daí ie nabaina finócamacina cai íllena ocuide.

<sup>8</sup> Ie jira bie llogafue jámairuitimie jiba cómena jámairuiñedeza; mei íadi Juzíñamuina jámairuite. Daje Juzíñamui ie Ñuera Joreño caimo fecaca. Afe bie Ñuera Joreño Juzíñamui íeiena caína ñue finode. (Afémie íena ñue finódogacai.)

<sup>9</sup> Juzíñamui ómoína llófue conímana omoi izíruillena. Ie jira jíaie ámatiaína omoi izíruille cue llóllena jítáinide.

<sup>10</sup> Mei jii, afe daí nana Macedonia éniemo ite ámatiaína ñue izíruiomoi. Mei íadi omoi izíruillafue aillo mónaioicaillena izire jicádícue.

<sup>11</sup> Caímare ñue illáfue mo mai riire omoi iri. Daje izói daní omoi nícidogafuiai izire omoi llínori. Naui omoi cai llua izói mai ñue izire omoi tájiri.

<sup>12</sup> Afemona onínemaci omoi uáillaímo ñue cacáritiaioi. Afe llezica omoi ñue tájinamona minícana jítaiñeitiomoi.

### *Cai Ocuíraima billafue*

<sup>13</sup> Amatai, tíidino íficaillafuena omoi onóñenana jítaiñedicue. Aféfuena omoi fidíadi zúucaíñeitiomoi. Jíaie cáaillfue mo comécíñedino zuure jáitiaioi.

<sup>14</sup> Afe Jesús tíillano meine abido cáanafue mo cai únua izói, afe daje izói Juzíñamuimo ínnotino tíidiaioi íadi, Jesucristodo Juzíñamui íaioi cáatallífuemo ínnoticai.

<sup>15</sup> Ie jira cai Ocuíraima cai llófueinafue ómoimo llóitícue. Afémie billíruimo cáimona cáadímaci tíidímacimona uícoficaiñeiticai.

<sup>16</sup> Mei dama cai Ocuíraima riire ocuille uaido úricana monámona ana biite. Afe llezica Juzíñamui abi imaci illaíma uai cáacaite. Daje llezica Juzíñamui ficírede vudugoi cáacaite. Iemona Jesucristomo ínnotino tíidímaci nano fueñe cáaitaioi.

<sup>17</sup> Afe mei aféruimo caade ínnotino afe cáataga tíidino diga daane úillie cígimo itábicaíticai. Ua díno mo nana dáanomoi itábicaíticai, cai Ocuíraima Jesucristo diga caífo táifomo cai cíozaillena. Afemona cai Ocuíraima diga jaca ua nínomo zíiñoa íiticaí.

<sup>18</sup> Ie jira búaido conímana caímare omoi fírari.

## 5

<sup>1</sup> Mei íadi afe íraíruillaído cue ómoimo cuelle jítáinide.

<sup>2</sup> Afe afémie billíruina ñue onódiomoi za. Omoi due jiza úiñoillíruimo cai Ocuíraima dúciite onódiomoi za. Ua merírizaíbitimie naio billa izói biite.

<sup>3</sup> “Comeci ñue uái illafue nana caímo ite. Cai jacíruillafue iñede,” comini daina llezica niné íaioi táinocaíllífuemo ónonino íaioimo raire zúite. Ua ríngo úrue jocóacana llezica ero izírena izói, afe táinocaíllífuemo íaioimo zúite. Afemona jaca buna oni jíllonide.

<sup>4</sup> Mei íadi, ámatiai, omoi cácarei. Jítifomo iñédiomoiza, cai Ocuíraima bíllemo jáicaiñeitiomoiza. Ua, meríriraíma jacínailla izói jáicaiñeitiomoiza.

<sup>5</sup> Mei nana omoi úzefomo jaináidinodíomoi. Daje izói monánemacídíomoi. Naio imáciñedicai; daje izói jítifo imáciñedicai.

<sup>6</sup> Ie jira jaca ínínidímacidícai jíáimaci ínia izói. Afe jira cai abina ñue onónafuedo cáaoiredícai.

<sup>7</sup> Inídino jaca naio inídiaíoi. Jífaíredino jaca naio jífaífrediaíoi.

<sup>8</sup> Mei íadi monánemacina cai íllamona abina ñue cai onónafuedo cai íllana jítáirede. Jesumo cai ínuaufuedo abina dani ríidoredícai. Daje izói jíáimana cai izíruillafuedo abina dani ríidoredícai. Ua fuíriraíma ie jogóbemo jítaca llojécodo ie abi ríidua izói, afe izói bífuiaído dani cai abina ríidoredícai. Afe jíáfue, cai jílloillemo cai úñoinafue ua ífomo jítaca ríidua llojeco izoide. Afedo fuíriraíma ie ífona ríidote.

<sup>9</sup> Mei cai duere finóbillaena Juzíñamui caina maméñede. Mei íadi cai Ocuíraíma Jesucristodo jíllonafuemo cai dúcinana Juzíñamui caina mamede.

<sup>10</sup> Jesucristo cairi tíide daane afémie díga cai íllena; ua daje izói cai caadi cai tíiadi, afémie díga itícai.

<sup>11</sup> Ie jira uáillaído conímana omoi náiretari. Afe izói mai dani omoi comeci ríiretari. Ja birui afe bifue omoi finua izói, baímo omoi finóicairi.

#### *Pablo ámatiai cáimafuedo lletade*

<sup>12</sup> Amatai, omoi cígímo Juzíñamui uáillaído tájídino mai uaimo ñue omoi cacáreiri. Daí izire jicádícue. Mei afémaci cai Ocuíraíma Jesucristo uai ómoína jeire otátataíoi. Jesucristo mámedído ómoína lletádiaíoi.

<sup>13</sup> Íaíoi caímo tájínamona, íaíoi dáinana ñue cai cacáreíllena jítáirede. Daje izói íaíoiña cai izíruíllena jítáirede. Conima comécina omoi jacíruiñeno iri.

<sup>14</sup> Daje izói, ámatiai, ómoímo jíáie uai jóonenocaidícue: Afe uallaí daí bie izói ite. Tájiacañedínomo íaíoi tájilleza ríire omoi lloíri. Comécina náinidínona mai omoi náiretari. Juzíñamui uai como jabo ínnotínona mai omoi canori iere íaíoi ínollena. Naga cómemo o comeci járidoñeno mai omoi úriri.

<sup>15</sup> Dámie fiéni omoi finóadi afe íba úamona abi omoi rairuiri. Mei abído dájeicana jíáfíodo ñue omoi finori. Conímamo ñue omoi finori. Afe omoi finóllí fue izire omoi jenori. Daje izói nana jíáimíiaído ñue omoi finori.

<sup>16</sup> Jaca caímare omoi iri.

<sup>17</sup> Fáinocaiñeno Juzíñamuimo úriri.

<sup>18</sup> Nágarui ómoímo íficaide raana, mai Juzíñamuina “Figora” omoi daíri. Mei Jesucristomo ínnotímacina cai íllamona, afe izói cai daífirenana Juzíñamui óiacade.

<sup>19</sup> Juzíñamui Ñuera Joreño cómemo úritallífuena rairuíñeno omoi iri.

<sup>20</sup> Juzíñamui úritagamíai llogáfúena jámairuíñeno omoi iri.

<sup>21</sup> Nana daínáfúiai omoi facátari Juzíñamui llogafue iéniadi onóíllena. Facátajamona ñúefuena jeire omoi oíri.

<sup>22</sup> Nana figóñedífuemona mai oni omoi iri.

<sup>23</sup> Ja birui Juzíñamuimo jicádícue. Juzíñamui cai comeci ñue uái illafue caímo fecáfírede. Daje Juzíñamuimo, nana omoi ñue íeíena maméíllena íemo jicádícue. Daje izói benómona cai Ocuíraíma Jesucristo bíllemo, Juzíñamui omoi joreño, omoi comeci, omoi abi díga, nana jaca íaídoñeno ñue úñollena jicádícue.

<sup>24</sup> Omoi Ocuíraíma Jesús dáinana jaca oni jíáiuaimo únide. Afémie nana bífuiaína dúcitaite.

#### *Iraicaiño uáiduano ézicite*

<sup>25</sup> Amatiai, mai Juzíñamuido caimo omoi jicáfireiri.

<sup>26</sup> Ñue cáimaduano nana ámatiai omoi uáidori.

<sup>27</sup> Cai Ocuíraima ríifuedo ómoimo uai jónenocaidicue bie ciegabe nana ámatiaimo jino omoi facádollena.

<sup>28</sup> Cai Ocuíraima Jesucristo ómoína ñue éziciiteza. Jae nñe. Mai, daítadeza.



## MÉIFODO SAN PABLO TESALONICA IMÁCIMO ORÉCABE

### *Segunda Carta del Apóstol San Pablo a los Tesalonicenses*

*Tesalónicamo ite Juzíñamuimo ñnotimacimo Pablo ie nabáññiari rabe cuetiaioi*

<sup>1</sup> Cue Páblodicue. Bie rabe Tesalónica jófue mo ite Juzíñamuimo gairide ámatiaimo cueticue. Benó cue diga ite cue nabai íaillinoi Silvano Timoteo diga dáabemo cai uai cueticue. Cai Moo Juzíñamuimo jaináidíomoi. Daje izói cai Ocuíraima Jesucristomo jaináidíomoi.

<sup>2</sup> Ñue cai Moo Juzíñamui ézicigafuiaimo omoi iri. Daje izói Juzíñamui fecaca comeci ñue uái illáfuemo omoi iri. Cai Ocuíraima Jesucristo fecaca ézicigafuemo daje izói caimare omoi iri, ie comeci ñue uái illafue diga.

*Jesucristo billa llezica, Juzíñamui éniemo ite fiénidinona duere fñoite*

<sup>3</sup> Amatiai, ómoiri Juzíñamuina “Iere figora” daiífiredicai. Daií ómoína cai daiíllifue ñue jaícina jóide, omoi ñnogafue oni aillo mónaioicailla jira. Dani conímaiaina jamánomo ñue izíruiocaidíomoi. Iemona áferi Juzíñamuina “Aillo figora” daiífiredicai.

<sup>4</sup> Ua omoi iere ñnogafue jaíe Juzíñamuimo gairídnomo aféfuere ióbioicana úriticai. Jiáimaci, Jesumo ñnoñedino, jacire omoi duere finóllena racádiaioi. Mei íadi afe duere omoi zéfuillafue cígiri, ñue comeci jaríreiñenafue jino cíotatiomoi naa ñue omoi ñnogafuiari.

<sup>5</sup> Ja duere finótagamacidíomoi, mei íadi Juzíñamui ómoimo ñue coméide ie illáimana illíruimo ñue ñífuenino omoi dúciillena. Bífuemona Juzíñamui jicánuafe ñue jaícina jóinana jino náiraimo cíotate. Afe Juzíñamui illáimana illíruido duere finócaomoi.

<sup>6</sup> Mei Juzíñamui ñue jaícina finódime, omoi duere finódino ibana duere íaioína finótallena.

<sup>7</sup> Ua cai izói duere finócamacidíomoi, mei íadi Juzíñamui cai izói ómoína caimare ocózinaitate. Ua cai Ocuíraima Jesucristo bíniemo cíocaillíruimo, afémie caina caimare ocózinaitate. Aféruimo afémie ie jamánomo riírede abi imácri monámona cíocaitate; ua réciai izoide cígido cíocaitaioi.

<sup>8</sup> Juzíñamuina onócañedino Jesucristo íaioína duere finótaibite. Daje izói cai Ocuíraima Jesucristo ñúfuena jeire óiacañedino duere finótaibite.

<sup>9</sup> Nana afe fiénidimacina jaca ninomo jílloñoeno duere íaioína finótate. Ua cai Ocuíraima uiécomona jica ninomo dótaite. Afémie ebire illánomona jica ninomo íitiaioi. Ie ríinona ónoñeitiaioi.

<sup>10</sup> Aféruído Jesucristomo jaináidino íena “Iere figomie” dáitiaioi. Daje izói nana ie uaimo ñnotino íena caimare ióbitaite. Ja ómoimo cai llogáfue ñue ñnotiomoiza.

<sup>11</sup> Bifue jira ómoiri Juzíñamuimo comeci úrifiredicai. Omoi ñífuenino illafue Juzíñamuimo jicáfiredicai, Jesucristo jírígamacina omoi illa jira. Daje izói nana omoi comeci jitaina ñue illifue, ñue ícoimo Juzíñamui ríinodo fuitállena jicádicaí. Afe izói Juzíñamui uai omoi jeire úamona finócafuaí fuitállena Moo Juzíñamuimo jicádicaí.

<sup>12</sup> Bífue mona cai Ocuíraima Jesucristo mámeçi omoi nícidogafuedo ñue caimare úbicaitaite. Afe ibana cai Moo Juzíñamui cai Ocuíraima Jesucristo diga ómoina izíruillamona ñúefuiaí ómoimo nítaite.

## 2

### *Iere fiénidifuiaina oruídime billifue*

<sup>1-2</sup> Amatiai, birui jae cai Ocuíraima Jesucristo billífue na ómoina nauí cue fidítagafue emódomo uai nabáiacadicue. Afe izói afémiemo dáanomo cai gairíllifue emódomo ja ómoimo llóiacadicue. Dáarie taino llotino cai Ocuíraima billirui ja dúcidez daidíaiói. Afemona omoi comécinafue naire jíáfodo meídoñeilla izire jicádicaí. Daje izói jíáie taino llogafue ite. Afe taino llotino daífirediaíói:

—Cai llogafue Juzíñamui Joreño mona oga. Cristo ja bíteza, —daidíaiói; mei íadi aféfuerei jacínaiño omoi iri. Afe izói omoi cacana fia júfidogafuerei jacínaiño omoi iri. Ie emódomo nie rabe omoi llínoia cai úrilla izóidibe, aféberi jacínaiño omoi iri.

<sup>3</sup> Niémona táinofuemo jífuefiño abi omoi rairuiri. Ua Jesucristo billa uícodo, Juzíñamuina comíni uáitallifue uícodo cómuite. Aféruillaído iere fiénidifuiaina oruídime cíocaitaite. Afémie dama nine táinocaille. Daií Juzíñamui íena mamede.

<sup>4</sup> Bímie Juzíñamuina bacáuairedime. Nana Juzíñamuido mameca ráaniaina bímie uáitano niné táinocaitabite; daje izói nana Juzíñamuimo caimátaidinona anáfenuaibite naa jíáie caimátailla ráaniairi. Afémie Juzíñamuimo gairíracomo, afeco naama Juzíñamui izói, ráinazaibite. Dámie “Cue bie Juzíñamuidicue” daíille.

<sup>5</sup> ¿Nauí omoi diga cue illa llezica bifue ómoimo lloticue, íadi aféfuemo úbicaiñediomoi?

<sup>6</sup> Afe fiénidifuiairedime nai bíñeilla jizilla raana onódiomoi. Afémie billirui naire cíocaiñeilla Ñuera Joreño nai rairuide.

<sup>7</sup> Afe jíáinomo lloñega fiéni illa maméinafue bie éniemo ja comuide. Aféfuena rairuídime cai cígimona oni ógana fiénidifuiái jamánomo jebuíoicaite.

<sup>8</sup> Aféfuena rairuídime oni ollíruimo afe jamánamo íáibadime cíocaitaite. Iemo cai Ocuíraima Jesús ana billano, ie fuemo ite faidórafuedo afe íáibadimiena títaite. Ua ie billa meáirenado afémiena niné táinocaitaite.

<sup>9</sup> Afe jamánomo fiénidime Taife táijinafuedo bite. Aillo íemo ite ríino ácataite. Afedo aillo cíorainina uaido finoca ráaniaído táinona jífueite naa jíáie taino onótate ráaniai diga.

<sup>10</sup> Iemona afe íáiba naga fiénidifuiáido niné táinocaitallimacina jífueite. Jae niné táinocaitallimaci, Juzíñamui ua ñúefuena jeire óiacañedino jaca jíllóñeitiaíói.

<sup>11</sup> Afe jira Juzíñamui íaiói fiénidifue íinuamona íaíoina íáibado jífuetaite. Daje izói táinofuiaina íaíoina ínotaite.

<sup>12</sup> Mei fiénidifuiái Juzíñamuina ñúefue baimo íaiói gáinamona, Juzíñamui íaíoina duere finótaite.

### *Jíllouilla nizécano*

<sup>13</sup> Mei cai benómona jaca ómoiri Juzíñamuina “Iere figora” daífiredicaí. Jae cai Ocuíraima izíruiga daje ámatiaídicaí. Jaca jae nanómona Juzíñamui jíllouilla nizécamacidiomoi. Mei ua ñúefue omoi jeire úamona Juzíñamui ómoina nizede. Daje izói caina ñúeitae Joreño do Juzíñamui ómoina nizede.

<sup>14</sup> Afe jira cai ómoimo lloga ñuera jílona uaido Juzíñamui ómoína jírite, cai Ocuíraima Jesucristo illa ebíredifue dibénemo omoi íllena.

<sup>15</sup> Amatiai, mai bífuego jaícina omoi coméciri. Omoi cígiri dama cue llogáfuiaina, ie emódomo nana rabedo ómoimo cue cuegáuaina féitaño omoi iri.

<sup>16-17</sup> Mai birui cai Ocuíraima Jesucristo cai Moo Juzíñamui diga omoi comeci caimare náiretari. Mei jira cai Moo Juzíñamui ie comeci cámafuedo caina izíruite. Afe llezica afémie cai comeci zúurenafue cámafuenta méidofirede jaca ninomo caimare cai íllena. Daje izói Juzíñamuido ñue cai illifue cai úñoillena afémie caimo jino llote. Afe izói omoi comeci jaícina Juzíñamuimo jóillena jicádícue. Afemona bie nana ñúefuiai daíredíomoi. Daje llezica afe ñúefuiai jino comínimo ácataredíomoi.

### 3

#### *“Cairi Juzíñamuimo omoi jicari”*

<sup>1</sup> Amatiai, íraifue ómoimo llotícueza. Cairi Juzíñamuimo omoi jicari, cai Ocuíraima llogáuai nágagobiaido raire dúciiteza. Afe emodo aféuai omoi jeire ua izói, afémaci jeire ólleza.

<sup>2</sup> Juzíñamuimo mai jiáfodo omoi jicari. Bie íáirede fiénidino cígimona cai zúitailleza, mai Juzíñamuimo omoi jicari. Mei nana comínimona nai nana íñoñediaoiza.

<sup>3</sup> Mei íadi cai Ocuíraima jaícina uafue llotímie. Afémie jiáino fiénidifuego omoi báíñeillena ómoína riire jaícina mozíoide. Daje izói íaifuiamona ómoína rairuíoide.

<sup>4</sup> Cai Ocuíraima ñue ínogamie ícoina, nauí ómoimo cai ocuífuijai jeire omoi úana ñue onódicai. Iemona daje izói aféfuiaína uire nágaruillaído jeire omoi óllena ñue onódicai.

<sup>5</sup> Mai cai Ocuíraima ómoína cánoiteza, Juzíñamui ómoína izíruillafuena omoi onóillena. Daje izói Cristo comeci járidoñenafue ómoimo íllena jicádícue.

#### *Naga come dani íaio: tájinamo tájirede*

<sup>6</sup> Amatiai, birui cai Ocuíraima Jesucristo mámeçido ómoína ocuídícai. Naga tájiacañede ámamona oni omoi iri, mei afémie ómoimo cai llogáfuijai afe dibéfuemo íacañedeza.

<sup>7</sup> Mei nauí omoi cígiri ómoimo cai cíotaga tájina izói, afe izói omoi íllena onódiomoi. Cai omoi cígiri fia tájiño íñédicai.

<sup>8</sup> Daje izói omoi güíllena íbáño fia güíñédicai. Mei jiáfodo mona naio diga ocózinaiño tájifiredicai, ómoimona daa cómena cai llégitañeillena.

<sup>9</sup> Ua afe omoi caina canolle daí cai jicalle ríno caimo ite, mei íadi tájifiredicai ñue illáfuenta ómoimo fidítallena, bie ómoimo cue cíotagafue izói omoi íllena.

<sup>10</sup> Nauí omoi cígiri cai illa llezica, bie lletara uai ómoimo llotícai: Tájiacañedímie jaca güíñeiteza.

<sup>11</sup> Mei jiáimaci caimo llotíai: ómoimona dáarie tájiñediaoi. Tájiño fia illa llezica jiáie comíni illáfuiamo afémaci gágutajifrediaoi.

<sup>12</sup> Afe daí ite comínina cai Ocuíraima Jesucristo rínodo ocuídícai. Afe llezica íaioina riire daídícai: Mai ñifue lloño omoi tájiri dani omoi jitaica ráaniai omoi ólleza, daídícai.

<sup>13</sup> Amatiai, omoi jetaca ñuera raana zefuíruíño omoi ñedóicairi.

<sup>14</sup> Ninó dáme bie rbedo cai daináuaina jeire oñeniadi, bu mei afe uaina ñinoñedimienaza mai mei omoi eróiri íena onóillena. Ie mei afe cómemona ifo oni omoi fáinocairi, ie meáidalleza.

<sup>15</sup> Mei íadi afémiena uáiogai ímiena maméñeno omoi iri. Afémie ama izói ñue omoi llófueri.

*Iraicaiño Pablo afémaci caimare uáidonocailafue*

<sup>16</sup> Mai cai comeci ñue uái illafue llófirede Jesús, nágaruillaido, íemo náganuaido afe comeci ñue uái illáfueña ómoimo llóiteza. Afe izói cai Ocuíraima ómoína nabáifireiteza.

<sup>17</sup> Mai, cue Páblodicue. Bie uáidua uai dama cue ónoído cueticue; bie cueticue cue mámece diga. Nana cue ciegábiaimo dai jónefiredicue. Bie izói cúefiredicue.

<sup>18</sup> Cai Ocuíraima Jesucristo ézicigafuemo ítiomoiza. Jae ñie. Ja daiítadeza.

## NANOIDE SAN PABLO TIMOTÉOMO ORÉCABE Primera Carta del Apóstol San Pablo a Timoteo

### *Pablo Timotéomo cuete*

<sup>1</sup> Páblodicue. Jesucristo ocuícamedicue. Cai Jíllotaraima Juzíñamui cai Ocuíraima Jesucristo diga íaillinoi daina uaido orécacue. Afe Jesucristodo cai ñue illifue abi úiñoticue.

<sup>2</sup> Juzíñamui uai coco ínogafuemo nahí cue jitó izóidío. Ie jira bibe omo cueticue. Cai Moo Juzíñamui íemo ñue cai Ocuíraima Jesucristo diga o ézicillena iere jitáidicue. Daje izói afe íaillinoi omo dúecaillena jitáidicue. Iemona afe íaillinoi o comeci ñue uái íllena óiacadicue.

### *Jiáimaci íaioi taino llúafuaido o jífueñeillena abí o rairuiri*

<sup>3</sup> Naui Macedóniamo cue jailla llezica Efeso jófuemo o fiébilla izire jicádicue. Aféruido afénomo o fiénocaidicue, afénomo itínuaiaimona dáarie taino llófuiana íaioina o rairuúllena.

<sup>4</sup> Daje llezica íaioi jaiái ninomo lloga ráfuiái naa jagai diga, áfena íaioina júfidotañeitioza. Iaioi jaiáigima lloga fuiñede ráfuiái llúana ráruitioza. Nana bífuiái taino llúafuiaimo cai comécina uite. Mei íadi nana bífuiái Juzíñamui caimo jónega íemo cai ínogafuena ñue ícoimo fuitátañede.

<sup>5</sup> Juzíñamui caimo jónega llujáillifue bie izói joide: Illa dígamie conímana ñue izíruiredicai. Afe bie izíruilla íainide comécimona comuide. Daje izói afe izíruilla comeci ñue úrillamona comuide; bie izíruilla afe izói jiáimana jífueñede Juzíñamuimo ínogafuemonona comuide.

<sup>6</sup> Bie ñue izíruillafue dibénemona dáarie oni táifodo jáidiaioi. Afe taino llua ínota oni jiáifodo féiraitiaioi.

<sup>7</sup> Afémaci Juzíñamui lletara uai llófuetinona jáiacadiaioi, mei íadi dani íaioi daina uaina onóñediaioi. Iocire llófuetiaioi íadi íaioi llócaiga uaina ñue baitáñediaioi.

<sup>8</sup> Juzíñamui lloga lletara uai ñúeraza onódicai. Búaido Juzíñamui naga come lletállena mamérite. Dámie Juzíñamui mamérilla izói afe uaimo coméciadi ñuera.

<sup>9</sup> Afe lletara uai ja ñúefuiaí finófiredinomo llóñega. Afena ñue onódicai. Mei jiáifodo fiénide comínimo mameca. Bie izoide comínimo Juzíñamui lletara uai dúide. Afe comini illaíma lloga uaina uáitafirediaioi. Ocuícana náfueñediaioi. Fiénidifuena finófirediaioi. Daje izói fiéniruidinona itíaioi. Afe izói Juzíñamuina jacíruiñediaioi. Daje izói Juzíñamuimo ínogafuemo náfueñediaioi. Iemo Juzíñamui lletara uai, moo ei diga fatínomo dúide. Daje izói comínina titáfiredinomo dúide.

<sup>10</sup> Afémaci naga ringomo fiéni comeci fácajano íaire finófirediaioi, afémaci áirediaioi íadi. Daje izói jiáie ímana íaire finódiaioi. Juzíñamui lletara uai nana bie izoide comínimo dúide. Daje izói cómena llaitádinomo dúide. Táinona úrifiredinomo dúide. Daje izói uafue daiíllena táinomo Juzíñamui mámeceí llínotinomo dúide. Iemo Juzíñamui lletara uai nana jiáifodo jífueñede llófuiafuena uáitafiredinomo dúide.

<sup>11</sup> Afe bie jiáimacina jífueñede llófueinafue Juzíñamui cuemo llogafue daje izói jóoide. Juzíñamui cuemo lloga uai nana comini ñue jíllona uai. Afe uai oni comínimo cue llujáillena, iere ñuera Juzíñamui jónegacue.



### *Juzíñamui cuena dúecaillari iere figura daidicue*

<sup>12</sup> Cai Ocuíraima Jesucristona “Figora” daidicue, mei afémie ie uai jino cue llujille ríinona cuemo ígaza. Juzíñamui cuemo comécido facade: O tájinana fáicanocaiño ñue fuitáfiredio, daide. Jira bie uai llujille tájillena Juzíñamui cuemo jóonete.

<sup>13</sup> Jaiai uíecodo Juzíñamuina íaire daífiredicue. Daje izói íemo ínotinona duere finóllena racáfiredicue. Afe llezica cue uaido Juzíñamuina icídicue. Bífuiaido Juzíñamuina duere finódicue íadi, ja birui afe Juzíñamui nana bie ñúefuiái cuemo jóonete. Jaiai aféruillaído ie uaimo cue ínoñena jira Juzíñamui iere cuemo dúecaide. Daje izói cue finuafue cue onóñena jira cuemo dúecaide.

<sup>14</sup> Iemona cai Ocuíraima iere ñue cuena ézicite. Daje llezica Cristo Jesumo dájena cai jaináinado aillo íemo ínogafue naa ie izíruillafue diga caimo comuide.

<sup>15</sup> Bie izóidífue iere uafue. Nana áfemo ínoredicai. Bífue bie izói daide: Cristo Jesús fiénidino jíllotallena ana bíniemo bite. Afe fiénidinomona cue iere jamánomoina.

<sup>16</sup> Mei daí iticue íadi Juzíñamui iere cuemo dúecaide. Are íllamona Juzíñamui cuemo dúecaillado náiraímo Jesucristo ie ñue comeci mánainafue cuedo jino íaioímo cíotate. Iemona comínimo ñúefuiái ja cíotatimíena jáidicue, mei fiénidífuiáirede Páblodicuemo Juzíñamui iere dúecaideza. Jesumo cue ínuamona cue comeci ífuea méidoticue. Afena onóillamona nana zííñona illífue óiacadino, cue comeci ífue méidua izói, afe izói afémaci afémiemo ínota íaioí comeci ífue ñúefuea méidoitiaioí.

<sup>17</sup> Ie jira jaca tííñede buna cíñena Juzíñamuina íóbitaacadicaí. Afémie daade Juzíñamui, daje izói nana ráfuiaina onódimie. Afe zííñona Jamánomoidíllaimamo ñue ebírede uai jaca nágarui íemo jóoneticai. Daí jóoide.

<sup>18</sup> Cue jíto Timoteo, bifue omo jóoneticue. Ríire fuirídímie izói o iri. Naui Juzíñamui mámecido odo úritino, ñue o illífue llotíaioí. Afémaci daína izói mai birui o ínori. O comeci úrillafue ñue o jóoneri.

<sup>19</sup> Dámierie íaioí comeci úrillafuea náfueñenamona nocáe buíllamona táinocailla izói, íaioí ínogafuemona oni táinocaidiaioí.

<sup>20</sup> Himenéomo Alejandro diga afe izói comuide. Ie jira afe íaillinoí Taífemo izájidicue, Taife anamo íaillinoí daí zefuíllena. Dínomo Juzíñamui jánana úríñeillena ónoitiaillinoí.

## 2

### *Juzíñamuimo cai úrilla llufue*

<sup>1</sup> Fueñe ona dáitícue: Mai nana comíní íena Juzíñamuimo o jícáfíreiri. Afena Juzíñamuimo ínotinona o lloiri. Iemo jíái, izire comínimo ie dúecailleza mai jícarí. Daí nana comíní íena Juzíñamuimo o úrífíreiri. Afe llezica nana comínido afémíena iere figura o daífíreiri. Daí féitaño nana comínido Juzíñamuimo ñue úrífíreiri.

<sup>2</sup> Gobierno oreca omoí úínotímie íena Juzíñamuimo jícáredio, naa jíáie jaboide illainí diga. Afémaci íena izire o jícarí, áfedo nífuenino caimare cai íllena. Daje izói comeci ñue uái illáfueo íredicai. Afe daí cai jícamona nana cai illáfuea Juzíñamuimo ñue mámeíticai. Daje izói conima diga comécina ñúeíticai.

<sup>3</sup> Bífue iere ñuera, cai jíllotafirede Juzíñamuina ñue íóbitade.

<sup>4</sup> Mei afémie comeci jítaínafue nana comínina jíllori, daide. Daje izói afémacina ua ráfuea onoiri, daide.

<sup>5</sup> Cai Juzíñamui jaca dáadeza. Daje izói Juzíñamui eróicana caina ñue finódimie caído úritimie daade. Afémie Jesucristo. Afémie íaifuenidimie íadi, cai izóidimie.

<sup>6</sup> Juzíñamui mamécaruimo dúciamona Jesucristo ie abina éeruiñeno nana cai jílloillino ibana izájiga.

<sup>7</sup> Iemona nana judíoñedinomo afe Juzíñamuimo ñnolle ua ñúefue cue llófuaiillena orécacue. Daií jílloa uai llujáfiredimiena jónegacue. Crísto mo cue ñnuamona tánofue lloñédicueza, uafue lloticue.

<sup>8</sup> Ie jira nágagobiaido naga cómena: Juzíñamuimo omoi úrifireiri, daidicue. Ñue nífuenide comécido omoi jicari. Jiámamo rícañeno comécido Juzíñamuimo omoi úriri. Daje izói dani ómoimo júfidoñeno comécido íemo omoi jicáfíreiri.

<sup>9</sup> Daje izói ringóniai iniroi jítállifue llóiticue. Jabóidingo ringo jita izói, naga ringo jítaiteza. Ima jiruídollena jítaca abina cóitate iníroina, jítáñeno iri. Daje izói comini códollena ífótirai jamánomo ebire finóñeno iri. Jabo ífo jua figona. Daje izói quenírede raana aillo jiróñeno iri, naa jamánomo ráífide iniroi diga. Jámaicuro jítáoirena.

<sup>10</sup> Mei jiáfodo comínimo dúecailla ñúefuíaído naga ringo finóbiri, naa jiáie caimare uáiduafuiai diga. Mei nana Juzíñamui íeiena ñue finódogango bie izói íteza.

<sup>11</sup> Ringóniai llófueinamo uai oñeno cacáreitiaoiza. Comeci mánainafuedo afe uaina onócañtiaoi.

<sup>12</sup> Nairai cigiri ringo llófuellena rairuídicue. Ringo ímana anáfenotañedicue. Mei jiáfodo, ringo ima anamo úriñeno uái iri, daidicue.

<sup>13</sup> Mei Juzíñamui nano fueñe Adán finódeza, afe méfomo Eva finode.

<sup>14</sup> Adán jífueñega, mei íadi ringo Taife jífuega. Iemo jífuefillamona afengo fiénidífue mo baiíde.

<sup>15</sup> Mei íadi naga ringo Juzíñamuimo ñnogafue mo jeire oíadi, íemo ei ocuícáfui ñue ícoimo fuitáadi afengo jílloite. Afe llezica afengo naga cómena izíruirede. Iemo começi ñue fínua fue dibénemo írede. Daje izói ñue jaícina macállífue mo írede.

### 3

#### *Ocuídillainimo jítáirede ñue illafue Pablo llote*

<sup>1</sup> Ja cue llollifue iere ua rafue. Dámie ocuídillaimana jáiacade ñuera. Afe izói tájiacanafue ñuera.

<sup>2</sup> Ie jira afe izoide ócuitillaíma mamécamie jaícina ñue írede. Afémie nífuenino macárede. Afe daií afémie mácafue jiámie lletánide. Afémie daango ótena figora. Ménango ónide. Afémie comínimo lloga uaido jífanodoñide. Daje izói ráfuena ñue baitádimiena írede. Naga come afémiena caimare jacíruirede. Daje izói nana afémiemo mácaibitóna afémie jiáfodo comécíñeno ñue caimare uáidorede. Iemo jiámacina caimare llófuerede.

<sup>3</sup> Afémie jaca jífáinide. Daje izói afémie fuirínide. Come jífuíamona oga úcubena, afémie llínonide. Mei jiáfodo jeruñeno raana fecáfírede. Iemo começi ñue uái illafue dibénemo írede. “Aillo úcubena cue olli” daiñide.

<sup>4</sup> Dama ie jofo ero comini ñue ocuírede. Dama ie úrue ñue raire cacáfíreillena lletárede. Daje izói ie úrue jiáie eicomínina ñue jacíruitarede.

<sup>5</sup> Dámie ie jofona ocuállana ónoñeniadi, ¿mei ñie izói Juzíñamuimo gairíracona ócuíte? ¡Ocuínide!

<sup>6</sup> Ie jira como fueñe Juzíñamuimo ñnotimie, Juzíñamui ico ocuídillaimana ínide. Como fueñe Juzíñamuimo jaináitagamie raire illáimana jóoniamona afémie iere abina ñnoite. Iemo fiene abi ñnuamona, Juzíñamui Taife ana duere ñnóllifuemo dótaja izói, afe izói bímie daí zéfuite.

<sup>7</sup> Afe Juzíñamui ico ocuídillaima ñue jacíruigamiena írede. Afémie daí íllamona, Crístomo nai ñnoñedino ñue íena úritiaí; ie jánana fiene úrinidiaí. Afémie afe izói írede, meáfue dibénemo ie íñeillena; daje izói Taife uai íena jíitañeillena.

#### *Jabóidillainimo jitáirede ñue illafue*

<sup>8</sup> Daje izói comini dinena nana jabóidillaini ñue jacíruiganona írediaí. Daje izói ie úrilla uai jíáfodo méidonide. Iemo afémie jífáinide. Daje izói come jífuiamona oga úcubena llínonide.

<sup>9</sup> Afe izói cai ñnollena jino lloga ua ráfueña afémie fáicanocaiñeno jeire órede. Daje llezica afémie comeci úrilla uai nífuenino írede.

<sup>10</sup> Afémaci ñuera daíllena facátagamacina írediaí. Facata mei íaí nífuenia jabóidillainina írediaí.

<sup>11</sup> Daje izói aféllaini finódogango ñue jacíruigangona írediaí. Daje izói aféngotai jíámamo fiénidífueña íaímo llónidiaí. Iemo lloga uaido jíámamo jífánodoinidiaí. Aféngotai nana ocuica raana fáicanocaiñeno fuitárediaí.

<sup>12</sup> Afe jabóidillaini dáangona áiredena figura. Ménango ónide. Daje izói íaí úruiaína ñue ocuírede, naa íaí jofo ero comíniri.

<sup>13</sup> Naga jabóidillaima íaí táijiana ñue fuitáidino ñúefueña otíaí. Comini iere ñúefue íaímo jóoneitiaí. Daje llezica íaí Cristo Jesumo ñnogafueña jamánomo meáiruñeno llórediaí.

#### *Cai ñnoga jaiái báiino llogafue ja jino uáfodo denode*

<sup>14</sup> Raire o érozaillena comécidícue. Nai cue biñena llezica, bibe omo cuetícue.

<sup>15</sup> Mei nai are cue biñena llezica, Juzíñamuimo jaináidimie jitaiga ñue illífueña o onóillena llóitícue. Afe Juzíñamuimo jaináidino caade Juzíñamuimo ñnotino. Afémaci Juzíñamui ua ráfueña ñue riire úiñotiaí. Jofo riire mozíoide jíaíllirai izóidiaí. Ie jira afe rafue uaina oni caitánide.

<sup>16</sup> Jaiái báiino lloga cai ñnogafue iere jamánomo ebírede; nana comini ja uáfodo onoiga. Be níuai:

Juzíñamui cai cígimo cómena jéiciaibite. Ñuera Joreño afémiedo úrite; daide: Bímie comécina jaícinaidimie, daide. Afémie Juzíñamui abi imácimo ácatagamie. Díga náiraíaido ie illafue llócaide. Biniemo aillo comini íemo ñnotiaí. Afe mei afémie caífo monamo abído uiga.

## 4

#### *Juzíñamuimo ñnogafueña féitaitino ífue*

<sup>1</sup> Ñuera Joreño jino caimo uáfodo llote, íraíruillaído dámerie íaí ñnogafueña féitaitiaí. Féitajano cómena jífueje joría jítaínaíuíaí jeire óitiaí. Daje izói Taífemo jainaide fiénide joríaímona onógafueño ñnoitiaí.

<sup>2</sup> Afe izói, comeci ífueña jíáífo jóidino llógana cacáreitiaí, naa táinona úrillafuíaí. Afe bie jífueñiredino ja íaí ífoci úrillafueña ja níne féideza. Uzírede llojedamo uzide onoi cacáñena izói, bie comini itíaí.

<sup>3</sup> Bie Juzíñamuimo ñinogafuena féitate comini jiáimaci árenana rairuídiaioi; daje izói ringona: “Inireiri,” daiíñediaioi. Daje izói ñuera cai güillemona dáarie: “Güiñeno,” daidiaioi. Mei íadi afe bie güille Juzíñamui comuítaga, íemo ñinotino ecállena, naa ñúefuena onódinori. Afe güílleri íóbillano Juzíñamuina “Iere figura” íemo jaináidino daiírediaioi.

<sup>4</sup> Mei nana Juzíñamui finoca güille ñúeraza, bácanide. Iemona afémie caimo fecaca raana oni fáinidicai. Mei jiáifodo Juzíñamuina “Iere figura” daínano, nana ñue llínoredicai.

<sup>5</sup> Juzíñamui uai afe güíllena ñue finode. Daje izói íena figura cai daiífirena afe cai güíllena ñue finode.

### *Jesucristo ñue ocuícamié bie izói írede*

<sup>6</sup> Bífuiái cai ámatiaimo o llófueia Jesucristo ñue Ocuícamiéna ítío. Afe bie llófueinafue jeire o oía bie ñinofirega uai dama ñue ona comécina náiretaite. O jeire oga uaido ñue riire ítío.

<sup>7</sup> Mei íadi bie fiénide énie ie ráfuiaina náfueñeno o iri, naa jiáie taino jagai izóidifuiari. Juzíñamui illa izói o íacanamó afemo nágarui o comeci llícitairi. Afedo riire ítíoza.

<sup>8</sup> Cai abí cai riireta, daa bíníe ífueмо caína canode. Mei jiáifodo Juzíñamui illa izói íllena cai nícidoia naga ñúefueмо caína canode. Daií cai íllemona biruíllaido caína canode, íemo daje izói uire bíitífueмо jaca caína cánoite.

<sup>9</sup> Bífue iere nahí ua ráfueza, nana afemo ñinorediaioi nana cáioiri.

<sup>10</sup> Afe bifue jira iere comeci fácaiticaí. Iemo afemo zéfuidicai. Ua zegóruioicana ñéfidicai. Mei ñue cai íllena caade Juzíñamuimo ocuírídicaíza. Afe caade Juzíñamui nana comini jílloitaíbite. Iemo ñinotino ja Jíllotaimie.

<sup>11</sup> Bífuiaido nana comini o ocuífíreiri. Daje izói aféfuiaí o llófueiri.

<sup>12</sup> O fia jitócomena jira comini o llófuiáfue jiáimana jamairuitatañeno iri. Mei jiáifodo ñue Juzíñamui izói illafue Juzíñamuimo ñinotino jino cíotaitimíena ítíoza. Ñue o úrillafuedo afémacina onótaitíoza. Daje izói comini eróicana ñue o mácafuedo íaioina onótaitíoza. Iemo naga cómena ñue o izíruillado íaioina ñue cánoitíoza. Cristo izói o íllamona ñue íaioina llétaitíoza. Daje izói Juzíñamuimo izire o ñinogafuedo llófueitíoza, naa o comeci íáinidífuiari.

<sup>13</sup> Nai cue dúciñena llezica, Juzíñamui cuega uailaí comínimo o facádoíreiri. Daje izói cai ámatiaína o íociretari. Afémacimo ñue o llófueíreiri.

<sup>14</sup> Juzíñamui omo iga o fibíllafuiái fáicanocaiñeno o iri, mei nauí Juzíñamuimo garííredino ocuídillainí Ñuera Joreño daína izói, íaioi onoi omo bitádiaioíza.

<sup>15</sup> Bífuiaina fáicanocaiñeno o finóíreiri, o jamánomo jiáino baímo íaioi onóilleza.

<sup>16</sup> O illafue ñue abí o rairuiri, naa jiáino o llófuiáfueiri. Fáicanocaiñeno riire abí o mameri. Ñue ímana o comuílleza. Bie cue daína izói o íadi, o jíllotío, naa o uaimo cacáreidínori.

## 5

### *Crístomo ñinotino uíécomo ñue o illífue*

<sup>1</sup> Eicomemo lléjecaiñeno o iri. Mei jiáifodo o moomo o llófuiá izói fáicana o lloíri. Jiáie jitócomínina nahí o ama izói llófueiri.

<sup>2</sup> Ringónaína jéengotiaína dama o ei izói llófueiri. Daje izói jitáingotiaína nahí o miríngo izói o llófueiri. Iaióimo ñue comeci o facáfíreiri.

<sup>3</sup> Uáfueña raana jitaide fecíngotiaína ñue o canori.

<sup>4</sup> Mei íadi jíáie jitórede daje izói enáizeñorede fecínguai ite. Afe úruiaí íaíoi éitiaina uzúngotiaína fueñe ñue úiñorediaíoi. Daje izói nahí ie enáizeño dani íaíoi uzúngona úicairediaíoi, mei naga jitó enáizeño diga íaíoi móotiaína izírurediaíoi. Afe bie izói illáfuemo Juzíñamui ñue íóbideza.

<sup>5</sup> Ie mei cómenide ua fecingo, dango Juzíñamuimo ñue ie finóllifue ocuíríde. Daje izói Juzíñamuimo ie úrillafuena naíoi mona diga afengo fáicanocaiñede.

<sup>6</sup> Dango ie comeci gáina izói fecingo ite. Caade íadi Juzíñamui dibénemo tíide izoide.

<sup>7</sup> Bífuaína íaíoi o ocuiri, lletánidingotiaína íaíoi ílleza.

<sup>8</sup> Dámie ie nahí come úicaillana ráairuia ie íinogafue táinomo jífanofide. Dama nahí comínimo ite duéredinona úicaicañedimie, Juzíñamuimo íinoñedino fiénina baímo, afémie fiénide.

<sup>9</sup> Fecíngotiaí íena mámece illabe fínoitio. Bie izói ñuera fecíngotiaí mámece afébemo cúerena. Sesenta fimona ite fecingo mámece cúerena. Afe bie fecíngotiaí, daje izói dámierna iníredingona írediaíoi. Afe ízoidingo mámece cúerena.

<sup>10</sup> Iemo jíái ie illafue ñúeinamona jalléidingo afengo mámece cúerena. Iemo jíái úruiaí ñue comuítatingo mámece cúerena. Jicana jíáima ie jofomo dúcia caímare uáidofiredingo mámece cúerena. Iemo jíái Juzíñamuimo ínotinomo rairuíneno comeci mánainado canófredingo mámece afébemo jóonerena. Mei afengo naga jíáima cánuana ídai jócuá izóidena caímare finófiredeza. Iemo jíái duere zefuide comini canófredingo mámece cúerena. Daje izói nana jíáie ñúefuaí finódingo mámece jóonerena. Bie izóidífuaí nana daje fecingo finórede; íemona afengo mámece cúerena.

<sup>11</sup> Mei íadi sesenta fimona jofófenemo ite fecingo mámece jóoneño iri. Mei aféngotiaímona dáarie dani íaíoi comeci óiacanamona níbai Crístona zóofeitiaoíza. Zóofiano nane meine iníreiacadiaíoi.

<sup>12</sup> Daí íaíoi illa dani íaíoi ícoínia daí ite. Mei fueñe íaíoi Jesucrístodo jáillena mamérellafue ja fáicanocaidiaíoi.

<sup>13</sup> Afe baímo naga comini jofodo jáicaidiaíoi. Jáicaillamona, “Fia táijiñeno daí cue illi,” daídíaíoi. Afe llezica jíáimana úridoicana jáidiaíoi. Iaióimo dúíñede jíáimacimo itífuaímo gágutajífrediaíoi. Comínimo ñue íñedífuedo úrioífrediaíoi.

<sup>14</sup> Ie jira nai fecínaite jítaíngona daídícue: Abído iníreiri. Iníreillano úruereiri. Daje izói jofo náangona ñue o iri, Taífemo jáináidino ómoína úridoíñeilleza, daídícue.

<sup>15</sup> Mei fecíngotiaímona dáarie, Juzíñamuina féitano Taífedo jáidiaíoi.

<sup>16</sup> Crístomo ínotinomona daa cómemo úicaille fecingo íadi, afe fecíngona dama afémie úicairede. Afe fecíngona Juzíñamuimo gairífredinona úicaítaño iri. Mei afe gairífredino ua cómenide fecíngotiaína úicairediaíoi.

<sup>17</sup> Jesúmo gairídino ñue ocuide éicomini, ñue táijidiaíoi méncacíño íbárediaíoi. Daje izói ñue íaíoi táijinamona mai caímare íaíoína omoí jacírui. Íere comini ñue llófuetino, íere ñue lletáidino diga jíáie come íba baímo íbárediaíoi.

<sup>18</sup> Mei Juzíñamui Cegáuai daíde: “Arroz izoide trigo, juráreto gájirillena záizia llezica, áfemona íaíoi gúílleza fue íbáiño omoí iri.” Iemo jíáinomo jíáfodo daíde: “Naga táijitagamie ie táijinado ñue íbárede.”

<sup>19</sup> Fia da come ocuide éicomemo fiénidífue jóoneíadi, áfena náfueño o iri. Mei íadi mena níbai daámami uai nabáidimie afe izói afe cómemo llóíadi, áfemo cacáreiri.



20 Ocuide eicomínimona dáarie fiénidifue finóadi, nana comini eróicana afémiena o áadori, nana jiáie comini ñue abi jacínaifcaillena.

21 Juziñamui eróicana, daje izói cai Ocuíraima Jesucristo eróicana bifue omo jóneticue. Daje izói Juziñamui nizeca ie abi imaci eróicana omo jóneiticue. Nana bie omo cue lloga lletara uai ñue o náfuere. Nana comínimo dájerize jaícina o lloiri. Dámie oni eneno mámeñeitioza.

22 Dámie ie illafue nai figo onóñena llezica, ocuídillaimana ie o maméllena raire íemo o onoi bitáñeno o iri. Bie izói o íllado jiáimamo ite fiénidifue na raire nábaizaiñeitio. Naga íaifuiamona oni o iri.

23 Mei o ero izírefireia daa jainoi jiroñeno o iri. Iemo due vónona o jirori.

24 Nai íaioimo riire jicánoñena llezica, comínimona dáarie íaioimo ite fiénidifuiái uáfori cíoide. Iemo jiáimacimo ite fiénidifuiái íaioi duere finoille mámia méfomo onórede.

25 Daje izói jiáie cómemo ite ñúefuiái uáfodo cíocaide. Iemo jiáimacimo ite ñúefuiái cíóñena íadi, dinó íaioi diga báinino íñeite.

## 6

1 Táijitafiregano íaioi ocuídimiaina ñue jacíruirediaioi, jiáie comini Juziñamui mámeçido fieni úriñeillena. Daje izói cai llófueinafuena fieni íaioi daiñeillena.

2 Afe izói Crístomo ínote ocuífiredimiaina ñue jacíruirediaioi. Juziñamuimo ínogafuemo daje ámana íaioi maméiadi, nai ocuídime ocuícamié diga conímana caimare jacíruirediaioi. Mei jiáifodo afe Juziñamuimo ínote ámamo, jiáimaci baímo, riire táijirediaioi. Afe riire táijina ínotino, afe ocuídino izíruiga ámatiai. Afémaci dáamací. Dájena Crístomo ínotino. Bifue o llófueiri. Daje izói áfede o lletámairi.

### *Juziñamuimo cai ínogana, “Figo baite” cai dáinana canode*

3 Afe bie cai Ocuíraima Jesucristo lloga jaícina jóide llófueinafuemo coméçinedime, oni jiáifodo táinofuiái llófuete. Daje izói cai ínoga ñuera uaina afémie figo jeire oñede.

4 Daiítade come nífuena onóñedeza, táinodo abi ínote. Afémaci fia fiénide uáillaímo júfiduana iere gáidiaioi. Afe júfidogafuemono aillo úradoillafue comuide. Iemo dájena caimare íñénafue comuide, íemo jiáimana éoinafue comuide, íemo jiáimana caimare uáidoñenafue comuide.

5 Dáanomona féitañega fuiríllafuiái, jiáifodo oni coméçina jóidimacimo comuide. Bie comini ua ráfuena onóñediaioi. “Fia cai ínogafuedo iere cai ráanailli,” táinona coméçidiaioi. Bie izoide comínimona oni o iri.

6 Ua onóigaza, cai ínogafue jamánomo ráifide. Juziñamui caímo fecaca raana “Figo baite” daiídime, ie ínogafue ñue ráifide.

7 Mei jii, bíniemo fueñe cai jocoina llezica minícana atíñedicaí. Afe izói uire cai tíia minícana úiñeíticaí.

8 Mei biruimo cai caana llezica caímo ite güílleri, daje izói caímo ite iníroiri “Figo baite” daiíredicaí.

9 Mei jiáifodo aillo ráanaiacadino fieni comeci fácafue dibénemo jáidiaioi. Afémaci aillo fieni comeci óiacanafuiáimo raamo jíride izói itíaioi. Bie izoide fieni óiacanafuiái cómena fieni finode. Daje izói íaioi illafue niné táinocaitate; jofa zabilla méino izói niné táinocaitate.

<sup>10</sup> Mei jii, úcubena izíruillafue nana fiénidifuiái comuállano aféfuiái jillaci. Dáarie iere izire úcubena óiacanamona, Juzíñamuimo íaioi ñnogafuemonona oni nibéfodo jáidiaioi. Afémaci dani íaioi illáfuena táinona iere duere finódiaioi.

*Juzíñamuimo cai ñnogana, fuirilla izói riire Íredicai*

<sup>11</sup> Mei íadi o Juzíñamui nizécamedioza, bie ailli cue lloga izóidifuiáimona oni o iri. Ñue comécina jaícina illáfuemo o mamériri. Juzíñamui illa izói mai o iri. Afémiemo ñue o ñnofireiri. Jiáie comínina ñue o izíruiri. Comeci járidoñeno o iri. Comécina mánaidimiena o iri.

<sup>12</sup> Mai Juzíñamuimo ñnogafuemo fuirilla izói nágaruillaído riire o iri. Juzíñamui omo iga ziiñona illafue ñue jeire o oíri, mei áfemo Juzíñamui uáidogamedioza. Afe Crístomo o ñnogafuena comini cíoicana jino llotio. Afe bie o llúamo o uai nabáidinona aillo ite.

<sup>13</sup> Ja birui Juzíñamui eróicana ona ñue ócuiticue. Afe Juzíñamui nana bíniemo itínuiáimo íaioi cáananona fecade. Daje izói Jesucristo eróicana ona dáititcue. Afémié daje izói ñúefue jino uáfodo llote. Poncio Pilato uícomo ie illáfuena jáanoñeno llote. Daí Moo Juzíñamui, Jesucristo diga íaillinoi uícomo ona ócuiticue.

<sup>14</sup> Omo cue ocuícana, jiáifodo méidoñeno, ñue jeire o oíri. Aféfuena ñue jeire o oíri, jiáima ona llétañeiteza. Bífuiái ua Jesucristo billíruimo jeire o ófireiri.

<sup>15</sup> Juzíñamui jaiái uícodo mamécaruimo dúcia, Jesucristo cíocaizaibiteza. Afémié daade cai iere ñuera riinorede Juzíñamui. Daje izói afémié nana illáicomini ie Illáimaza. Daje izói afémié nana ocuífiredino Ocuídillaíma.

<sup>16</sup> Dama afémié jaca ziiñoza, tíñede. Afémié illano jamánomo meáire egáñoteza, buna áinozinide. Afémiena jaca bu cíñede. Caade come jaca íena cíonide. ¡Jaca ninomo ñúefuiái afe Juzíñamuimo nitácaza! ¡Aillue ñuera riino jaca ninomo afémiemo dúideza! Aquíe izói íteza.

<sup>17</sup> Bie éniemo aillo ráaredino abi íaioi ñnoñeilleza ñue o lloiri. Daje izói íaioimo ite raamo ócuiñeitiaioiza, mei afe ráaniai are íñeitiaioiza. Mei jiáifodo: Dama Juzíñamuimo omoi ocuíriri, o daíri. Mei afe Juzíñamui ua cáadimie. Afémié jeruíño nana cai jitailla raana cai cánuano caimo fecade.

<sup>18</sup> Afe ráanaitino ñue íaioi ílleza íaioimo ocuiri. “Omoi ñue fínoitífuiái ráanaitiomoiza,” íaioina o daíri. “Omoimo ite ráaniaimona jeruíño jitaíidinomo jiáifodo coméciiño fecari,” daí íaioina o daífireiri.

<sup>19</sup> Daí íaioi íllamona, ico cómuitífue nahí raana máíñoitiaioi. Afe maiñóllena comécido ñue onódiaioi. Afe dáaruído ziiñona illáfuena óitiaioi.

*Iraicaiño Timotéomo jóonenocaigafue*

<sup>20</sup> Timoteo, nana bie omo cue lloga ñúefuiái ñue o rairuiri. Bíniemo ite táinona úrioinafuiáimo cacáreiño o iri. Daje izói Juzíñamuina uáitafuemo cacáreiño o iri. Mei íaioi: “fere baitádicue,” daína uai taino uaiza.

<sup>21</sup> Mei bie izóidifuiái ñnote comini ja baie Juzíñamuimo ñnogafuiáimona oni nibéfodo jáidiaioiza.

Mai, Juzíñamui ona ñue éziciiteza. Jae ñie. Mai daítadeza.

## MÉIFODO SAN PABLO TIMOTÉOMO ORÉCABE Segunda Carta del Apóstol San Pablo a Timoteo

### *Pablo Timotéomo cuete*

<sup>1</sup> Cue Páblodícue. Jesucristo ñúefue llujillaena orécamiedícue. Juzíñamui comeci jítaina izói orécamiedícue. Daje izói uícodo lloga zíñona cai cáailífue llujitagacue. Cristo Jesumo dájena cai jaináinamona afe cáailífueña óiticaí.

<sup>2</sup> Cue izíruiga jító Timotéomo bibe cuetícueza, ona Juzíñamui ñue ézicíteza, daíacadicue. Daje izói: Juzíñamui omo dúcaíteza daídícue. Iemo: Cai Moo Juzíñamui oga comeci ñue uái illáfueño ítioza, daídícue. Nana bie ñúefuíaí cai Ocuíraíma Jesucristodo óredío.

### *Pablo Crístomo uai nabáiacade*

<sup>3</sup> Juzíñamui nágari comécido úrifiredícue. Mona naio diga Juzíñamui cue úrilla llezica omo comeci uibífredícue. Omo cue úbicaillano Juzíñamui: Iere figura, daídícue. Cue uzútiaí Juzíñamui íobitallena ie ocuífíregana ñue ínuua izói, afe izói íáinide comeci úrillafuedo ie ocuífíregana ñue ínofiredícue.

<sup>4</sup> O comeci zúcaifírenamo uibíoidícue; íemona ona iere jaca cíoiacadicue, áfemona caímare cue íllena.

<sup>5</sup> Taino lloñeno ñue Juzíñamui o ínuafueño uibíoidícue. Afe birui Juzíñamui o ínogafue nano fueñe o uzungo Loida ínoga. Daje izói o ei Eunice ínoga. Iemo bífueña o jaca ñue ínofíredíoza, ñue onódícue.

<sup>6</sup> Ie jira bie izóidena o ócutícue. Naui omo onoi cue bítajamona Juzíñamui omo lloga llófuelle ríino féitañeno o iri. Niné ona féiza afefue nágari meine ríire o uibíoicairi. Irai dúzaide meine boota izói o uibíoicairi. Afemona jamánomo o llófuelleza.

<sup>7</sup> Mei Juzíñamui comeci jacíruillafueña caímo fecáñede. Mei jíáifodo comeci meáiruiñenafue Juzíñamui caímo fecade; íemo jíáimana cai izíruillafue, íemo abina ñue cai onónafue diga, caímo fecade.

<sup>8</sup> Ie jira cai Ocuíraíma, Crístomo uai nabáillana meáiruiñeno o iri. Daje izói ie uai ícoínia llavécacueza, cuena meáiruiñeno o iri. Mei jíáifodo ñuera jíllona uai ícoínia comuide duere zefuíllafueña ruifíruíñeno o iri. Omo cómuide duere zefuíllafueña rairuíñeno o llínori. Mei Juzíñamui ite rínodo cai comécina caímare fíraíteza.

<sup>9</sup> Juzíñamui cai jaináillena afémie ñue caína jíllotate, daje izói caína uáidote, ie íaífuenide comínina cai íllena. Dani ñue cai illáfuedo Juzíñamui íena ínidicaí. Mei jíáifodo dama Juzíñamui jaiái uícodo mamérillado íeíena iticaí. Daje izói Jesucristomo cai jaináillado Juzíñamui caína izíruite. Daí caína ie izíruillado íeíena iticaí. Mei jaiái ninomo nai énie comuíñena llezica, Juzíñamui caína izíruite.

<sup>10</sup> Mei bie caína ie izíruillafue, cai Jíllotaraíma Jesucristo ana bíníemo bíllado, afefue caímo jino onótate. Afe Cristo cai tíllafueña ja jacínitade. Daje izói jíllona uai llúado, zíñona cai illafue jino uáfomo cíotate. Ua, íemo ínotino zíñona itátallena afe Juzíñamui uáfodo caímo onótate. Afe bie zíñona cai illafue buna jaca niné táinocaitainide.

<sup>11</sup> Bie ñuera uai llujillaena Juzíñamui jóonegamiedícue. Judíoñedíno llófuellena, Juzíñamui orécamiedícue.

12 Iemo afe bíedo nana bífuiai duere zefuídícue. Mei íadi áfena meáiruiñedicue. Cue ñnoga Juzíñamui comeci ífuena ñue cue onónamona, jacíruiñedicue. Mei afémie cuemo jóonenocaigafue jaca féiñeiteza. Afe bifue Juzíñamui dama Cristo billíruimo ñue úiñoite, mei afémie iere rínoredeza. Afena onódícue.

13 Naui jaícina joide llófueinafue o cue llófuia izói, áfena o llófuefireiri. Juzíñamuimo cai ñnogafuena jeire o oíri. Daje izói Jesucristomo dájena cai jaináinamona caina ie izíruillafuemo o iri.

14 Cai diga ite Ñuera Joreño canócaza Juzíñamui omo lloga ñuera rafue féitañeno o iri.

15 Ja onódioza: Nana Asia énie comini ja cuena zóofetiaíoi. Afémacimona bie mena ñma íaillinoi: Figelo, íemo Hermógenes.

16 Mei íadi bie afe jíaimie Onesíforo dibénedo nana ie comini diga, mei cai Ocuíraima afémacimo caimare dúcaiteza. Mei afémie diga ícaiño cue jitaica raana atífirede. Llavécacue íadi jaca meáiruiñeno cuemo atífirede. Iemona Juzíñamui afémie comécina náicaitaiteza.

17 Uafue, Rómamo afémie illa llezica cuena are jénua ícoinia baite.

18 Cai Ocuíraima cai comeci ífue riire jicánolliruimo afe Onesíforomo dúcairi, Juzíñamuina daídícue. Ja ñue onódioza, Efésomo cai illa llezica, afe Onesíforo diga ícaiño caina canode.

## 2

### *Jesucristo dibénemo itímie ñue fuirídímie izoide*

1 Cue jitó Timoteo, Jesucristomo dájena cai jaináinamona Juzíñamuimo ite ñúefuiaiimo iticai. Afedo ñue o náireiri.

2 Cúemona o caçánafuemo cue uai nabáidinona aillo íteza. Iemona afefue mai oni jíaie ñue ñnofiredimíaimo o jóneri. Afémaci daje izói oni jíaimacimo llófuiailleza.

3 Duere zefuillafue omo comuíadi, Jesucristo dibénemo ñuera fuiríraima izói abí riire o mameri.

4 Naga jíaimiena anáfenoacade fuiríraima fuiríllena maméridoide. Iemona uícodo nana jetáacaigafue fáicanocaite; afémie jae náamatagaza. Fáicanocaillano daa ie ocuídillaíma anamo itábicaite, afe ie jíritillaíma ióbitallena.

5 Daje izói naga jífánora raamo jífánotímie ñue jaícina jífánorede. Jífánua ocuide uai daína izói jífánorede. Afémie fiene jífánoia, minícana jíridoñeite. Táinomo jífánoteza.

6 Jacafai ríllamo izire táijidímie afe ie riga llizilla jeia llezica, afe ritímie fueñe ótena figura. Dama íeiena fueñe jofo óite.

7 Omo cue llógamo ñue comeci o facari, íemona cai Ocuíraima ona nana ñue fibítaiteza.

8 Mai tíllanomona meine abído caade Jesucristomo o úbicairi. Daje izói afe Cristo cai jaiái illaíma David úcoidígimamona comuídímie. Afémiemo ñue o coméciri. Cue lloga ñue jíllona uai aci bie izói joide.

9 Bie ñúefue ícoinia duere zefuítacacue. Jíi, fiénidífue finódino izói maíano duere finócacue. Mei íadi Juzíñamui lloga ñuera uai jaca buna llavénide.

10 Ie jira Juzíñamui nizécamací cue cánua ícoinia duere zefuídícue, mei íadi áferi zúucaíñeno jaca caimare iticue. Afémaci ñue jíllobicaillena duere finócacue. Afe Jesucristomo dájena cai jaináinamona comuide jíllonafue iere ebírede. Iemo jaca zíiñoa fúíñeite.

11 Bifue táinoñedeza, iere uafue:

Afe Cristo tílla izói cai tíadi, afémie meine abido cáadimena jailla izói, afe izói dani cai meine cáaillano afémieoiri íiticaí.

12 Afémie ícoinia duere cai zefuádi ie illáimana illánomo jáinaiticaí.

Afémiena cai jáanoiadi, afémie jáái caina jáanoite.

13 Afémiemo cai ínoñeniadi, afémie jaca ie daina izói nai finófirede;

Mei Juzíñamui dama ie abina jáanonideza.

### *Ñuera daiíllena facaca táijiraíma*

14 Bífuiamo jáímacina ñue o comécitari. Daje izói bífuiái cai Ocuíraíma eróicana íaíoi mo jóoneri. Iaíoi ráifiñede júfidofirega uáillaimo mai afémacina júfidotañoeno o iri. Afe bie izoide júfidofirenafue ráifiñedeza, buna canóñede. Afemo cacáreidinona jáífodo oni comécina jóitate. Daje izói íaíoi íinoga ua uaina niné féitateza.

15 Juzíñamui uícomo figura daiíllena facaca táijiraíma izói o iri. Iemo afe llezica jáífodo lloñoeno daje izói o illáfueña ñue jáicina o jónefireiri. Daií ñue facácamié ie meáicaillafue íñede. Daiítade come Juzíñamui ua ráfueña jáicina comínimo llófuete.

16 Bíníemo ite táinona úrioinafuemonona oni o iri. Daií táinona úrifiredino jamánomo fiénidífuiamo baídiaíoi. Anábaitagano izói íficaídiaíoi.

17 Fieni íaíoi llófueña uai raíre jica jalleide. Come abímo comuide fiénide ñozagi jarire oni móonaíocailla izói, bimaci llófueña uai oni jalleícaide. Afe bie izói ja Jimeneo Fileto diga, bimaci izói, fieni llófuétinona jáidiaíllinoi.

18 Afe íaíllinoi Juzíñamui ua uáimona oni nibéfodo jáidiaíllinoi. Juzíñamui tíidino meine abido cáaillifue dibénedo llotíaíllinoi: Ja záide, daídíaíllinoi. Daií jáíe comíni Juzíñamuimo ínogafueña uáitacana jáidiaíllinoi.

19 Mei íadi cai íinoga uai oni cáitañeíllena, Juzíñamui áfemo jáíe ríírede uaina nabaide. Iemona féitañoeno afe Juzíñamuimo ínoicaídicaí. Afemona cai bie ríire mozíoiga jáílliraí izóidicaí. Juzíñamui nabaica uai Juzíñamui dama íeíena caina mameide. Afe uai bie izói jóoide: Cai Ocuíraíma nana dama ie nahí comínina ñue onode. Iemo afe Juzíñamui nabaica uai jáífodo bie izói daíde: Nana “Cristomo jáináidícue,” daídino fiénidífueña féitano, aféfuemonona ja oni írediaíoi. (Bie ie nabaica uaido, Juzíñamuimo cai ínogafueña afémie ríire finode.)

20 Aíllue jofo eromo diga raa ite. Ráífide oro ie finoina raa ite. Daje izói ráífide plata ie finoina raa ite. Iemo jiba ráifiñede amena finoina raa ite, naa nogóramona finoca raa diga. Dáarie bie ñuera rairuica jiróracuaido jicana bitínona jirótaíredicaí. Jáíe figo jínoñede jiróracuaido jalleide illáimana ecáñedicaí.

21 Afe izói naga jáímaci canóllena Juzíñamui nizécamié, jaca comécina íaífuenino írede. Afémie jaca íaífuemonona oni írede. Iemona afe cómena Juzíñamui íeíena ñue finóbitade. Ebena ñuera táijinanomo Juzíñamui raíre íena óreite. Mei afémie íáinide ráífide oro finoina jiróraco izóidímieza.

22 Jítócomena llezica comeci fieni óiacanafuíaímonona oni o iri. Mei jáífodo come ñue jáicina illáfuedo o jairi. Daje izói Juzíñamuimo o ínofireiri, íemo jáímana o izíruífireiri, íemo comeci mánainafuedo naga cómena o uáídoífireiri. Iemo, nana comeci íaífuenino Juzíñamuimo úrifiredino diga o nabáiriri.

23 Daje izói táinomo comécilla uáíllaina náfueñoeno o iri. Mei ja onódioza, bie izoide úrillafuíaí fúirienaillafue comúitate.



<sup>24</sup> Juziñamui ocuífíregamie jaca jiáima diga icírinide, íemo jiái fuirínide. Mei jiáifodo afémie nana comini diga caimare írede. Daje izói jiáimacina caimare llófuerede. Iemo afémie jiámamo jarire úriño, fáicana úrerede.

<sup>25</sup> Daje izói Juziñamui ocuífíregamie naga ie llófueinana náfueacañedinona comeci manai fínuano, íaioina lletárede. Afémie daí íaioina lletárede, íaioi comeci ífue Juziñamui méidotalleza. Iemona daje izói ua ráfueña Juziñamui íaioina onótaiteza.

<sup>26</sup> Bie izoide llógana jámairuitino Taife írebaimo jiilla izói itíaioi. Iemo afe Taife íe comeci óiacana izói afémacina ócuite. Mei íadi ua ráfueña íaioi onónamona jíllorediaioi. Afénomo jíizaidinona oni bairórede. Afémaci inídimie como cazilla izói, abina onótiaioi; íemona Taife anámoma jíllorediaioi.

### 3

#### *Comini íirairuillaído illífue*

<sup>1</sup> Ja bífuiaina o onótaiticueza. íirairuillaído jacíredíruina caimo mónaite.

<sup>2</sup> Aféruimo comini dani íaioi abina fieni izíruitiaioi, íemo úcubena íere duéruitiaioi, íemo íere fieni abi ínoítiaioi. Daje izói “Jamánomoidimiedicue” daínano, cómena canóñede tánofuiaimo comécítiaioi. Iemo Juziñamuimo fieni úritiaioi, íemo íaioi móotiaiai ocuilla uaina náfueñeítiaioi. Iemo jiáimana “Íere figora” daííñeítiaioi. Daje izói Juziñamuimo ínogafuena náfueñeítiaioi.

<sup>3</sup> Afémaci jiáimana íziruiñeítiaioi, daje izói féitaño íaioimo duere finódimiemo dúecaiñeítiaioi, íemo jiámacimo fieni úritiaioi. Iemo íaioi comeci fieni óiacanafuena “Dama íte” daííñeítiaioi. Iemo jiáima íaioi ícíadi núéfuedo finóacañediaioi. Daje izói comínina íere izi cácataitiaioi. Nana núéfuiaina bacáu ífueña mámeítiaioi.

<sup>4</sup> Afémaci dani íaioi nahí comínina jiáie comínimo fálleña fécajífirediaioi. Iemo “Dama cue íacana izói íredicue,” daíífirediaioi; íemo tánomo comécíllano “Íere jamánomoidimiedicue,” daíítiaioi. Daje izói Juziñamui jenóño dani íaioi comeci gáínafuiaina jenoítiaioi.

<sup>5</sup> Diga jinófene íuaido “Cue bie ñuera Juziñamui uaina ínotimiedicue,” daíítiaioi. Mei íadi jofona íaioi comeci ráatailla mei, afe ínogafuemo íte méidolle ríinona jáanotiaioi.

Afe bie izoide comini diga nabáiríño o íri.

<sup>6</sup> Mei bimácimona dáarie, jiámaci jofomo jaillano comécina ríinide ringóniai jífuefirediaioi. Afe ringóniai fiénidífuiaina oruide. Afe ringóniai nana fieni óiacanafuiaina anáfenogaiaioi.

<sup>7</sup> Diga ráfuiái onóiacadiaioi mei íadi Juziñamui ua ráfueña baitánidiaioi.

<sup>8</sup> Jaiái Moisés ílláruillaído mena aima Janes, Jambres diga, Moisés daína uai uáitaiáillinoi. Afe íaillinoi uáitaja izói, bie comini íirairuillaído ua uaina uáitaitiaioi. Íaioi ífoci úrillafue oni níbéfodo jóoide. Juziñamuimo ínogafuena fáicanocaidiaioiza; áfemo ínidiaioi, tánofue ínotiaioi.

<sup>9</sup> Mei íadi bimaci are jiámacina jífuecana úíñeítiaioi. Mei íanori íllamona nana comini íaioi jífuefírenafuena fídítiaioi. Jaiái Moisés uáitate íaillinoi táinona úrilla uaina comini fídía izói, nane afe izói bimaci táinona úrilla uaina nana comini fídítiaioi.

#### *Íraicaiño Pablo Timotéomo jóonenocaigafue*

<sup>10</sup> Mei íadi o cue llófuiana ñue jeire otio. Cue maca izói jaca ñue macádio. Iemo cue mamérilla izói ñue mamérfiredio. Iemo Juziñamuimo cue ínua izói, afe izói íere ínofiredio. Cue comeci jarire úriño izói, afe izói fáicana úritio.

Jiáimana cue duéruilla izói duéruitio. Diga juáredifuiái cuemo comuide, íadi fáicanocaiñeno Juziñamui ñúefue llócadicue. Afe cue ocuilla izói ñue ocuoidio.

<sup>11</sup> Comini duere cue finóllena cuena racádiaioi, mei íadi áferi jacínaiñeno caimare iticue. Naui Antioquía jófuego duere cue zefuállana onódio; daje izói Iconio jofue, Lystra diga cuemo íaioi finócafuena onódio. Nana racada duere cue íaioi finuafuiaina onódioza. Mei íadi cai Ocuíraima nana aféfuiaimona ñue cuena jllotata.

<sup>12</sup> Uafue onóigaza, nana Jesucristomo jaináinamona ñue jaícina illáfuemo íacadino, nai ínoñedimacido duere zéfuitiaioi.

<sup>13</sup> Iemo afe llezica fiénide jiáimana jífuefiredino jamánomo fiénidifuiaimo ana jáitiaioi. Jiáimacina íaioi jífuiá llezica, dani jiáimaci íaioina jífueitiaioi.

<sup>14</sup> Mei jiáifodo omo llófuegafuiaimo riire o comécioicairi, mei aféfuiaimo iere ñue ínotioza. Iemo afe bífuiaina o llófuetimiena onódio.

<sup>15</sup> Daje izói o dúemiediomona Juziñamui ñuera Cuegáuaina fueñe onóicaidio. Aféuaimona llófuegao, jllonafue o maiñóllena. Afe jllonafue Cristo Jesumo o ínuado o oga.

<sup>16</sup> Nana Juziñamui Cuegáuái, Juziñamui afe cueraini comécimo úrilla izói ñue jaícina cuega. Bie uai iere ráifide comini ífoci déillena. Aféuaido comini llófuerega; íemo afe bíuaido táinomona lloga uaina uáitarede; íemo áfedo jiáimacina lletárede; daje izói aféuaido jaícina comini ñue illífueña íaioimo llórede.

<sup>17</sup> Afe daií Juziñamui Cuegáuaido Juziñamui ocuícamié ñue baitádimiena írede. Iemona afémie ñue finóbide, nana ñúefuiái ie finóllena.

## 4

<sup>1</sup> Juziñamui eróicana, cai Ocuíraima Jesucristo diga, Juziñamui uailái o llófireillena iere omo llonódacaidicue. Mei Jesucristo bíniemo illáimana bille llezica, afémie nana caade comínina, naa tíidino diga íaioimo itífueña riire jicánoiteza.

<sup>2</sup> Afémie riire bíacana jira, riire ona dáiticue: Nágarui Juziñamui uailái jino o llófireiri. Afemo riire o maméioiri. Comini aféfuena cacáacana llezica, daje izói aféfuena afémaci cacáacañena llezica, nana afémacina jaca daje izói Juziñamui uai riire o llófireiri. Ñue riire llófireiri Juziñamuimo nai ínoñedino aféuaina íaioi jíeruillena. Daje izói afémaci illafue figóñedeza, bíuaido íaioina lletari. Iemo ñúeodo íaioi jáillena, mai riire íaioimo lloiri. Nana bífuiaina, nana comeci járitañenafuedo fáicana o llófuefireiri.

<sup>3</sup> Afe daií llófuefireiri, mei diga irui íllamona, comini ua llófueinafuemo cácañeitiaioiza. Mei jiáifodo dani íaioi fiéni gáina izói dani íaioi cacáacana izói, íaioi llófueitinona aillo jénoitiaioiza.

<sup>4</sup> Juziñamui ua ráfuena fáicanocaillano, nana jagái izoide táinomona llogáfuiaimo náfueitiaioi.

<sup>5</sup> Mei jiáifodo o iri. Cáadimie izói ñue abina o onoiri. Zúufue omo comuíadi, áferi jacínaiñeno abi riire o mameri. Iemo jllona uai o llóllemono maméioiri. Juziñamui omo jónega táijina ñue ícoimo o fuitari.

<sup>6</sup> Ja íanori íllamona Juziñamui íóbitallena fatá fecaca rille izói, fécajigacue. Cue titáillirui ja áinozide.

<sup>7</sup> Ñuera fuiríraima izói, fiénidifue anáfenua izói táijnana jae riire ñue ícoimo fuitádicue. Iemo jífanotimacimona riire aizida goal orédimie izói,

afe izói cue táijina fuillánomo dúcidicue. Iemo Juzíñamuimo cai ñnogafuena fáicanocaiñeno, ja ñue ícoimo ñnoticue.

<sup>8</sup> Iemona ja birui cai Ocuíraima cuemo fecalle fia jirídogra raa izóidifueмо ocuírídicue. Afe ie billíruimo, Juzíñamui anamo ñue nífuenidimacimo dúide zíiñona illáfueña afémie cuemo fécaite; mei afémie comínimo itífueña ñue jaícina jicánoitimieza. Dama cuemo fécañeiteza, mei íadi daje izói nana ie billíruimo caimare ocuírídino mo jirídorede zíiñona illáfueña afémie fécaite.

*Dama Páblomo dúidifuiái Timotéomo llote*

<sup>9</sup> Timoteo, mai raire cue eróizabiri; riire áfemo o mamériri.

<sup>10</sup> Mei cue nabai Demas, bínie ráaniaina jamánomo gáinamona jae cuena zóofeteza. Zóofiana jae Tesalónica jófueмо jaide. Iemo jiáie cue nabai, Crescéntena mámeciredimie, jae Galacia éniemo jaide. Daje izói jiái Tito oni Dalmacia éniemo jae jaide.

<sup>11</sup> Dama Lucas cue diga fiébilla. O billíruimo, mai Marcos jénuailano cue diné ómicoi biri, mei afémie benó cue táijina cuena iere cánoiteza.

<sup>12</sup> Cue nabai Tíquico, Efeso jófueмо jae cue oreca.

<sup>13</sup> O billíruimo cue fieca emódomo jitáraroi o atiri. Naui Troas jófueмо ite Carpona mámeciredimie jofomo cue fieca. Daje izói cue rabenicuai o atiri. Iemo jiáie cuega rábiai féitañeno o atiri, mei afébiaina iere jitáidicueza.

<sup>14</sup> Naui Alejandro aillo fiénidifuiái cuemo nitade. (Afémie lloéfiai fínuamo táijifiredimie.) Nana fieni ie úrillafuiái dieze cai Ocuíraima afémiemo iba óite.

<sup>15</sup> Afe Alejándromona abí o rairuíoicairi, mei afémie cai lloga uaina iere uáitaacadeza.

<sup>16</sup> Nano fueñe cue abi ríidollifue, ríillaini uícomo cue llua llezica, bu cuena nabáiñede. Nana cuena zóofetiaioi. Juzíñamui afefue iba íaioimo óñeillena afémiemo jicádicue.

<sup>17</sup> Mei íadi naui abi cue ríiduaruimo cai Ocuíraima cuena canode. Afémie cuena ñue riire finode, jíllona uai oni nana judíoñedinomo cue llujállena. Afémie afe llujállafue ñue ícoimo cuena fuitátate. Afe daí cai Ocuíraima iere jacíredifueмona ñue cuena jíllotate.

<sup>18</sup> Daje izói nana jiáie fiénidifuiáimona, afémie cuena jíllotaite, íemo dama íeiena cuena ráiruite, monamo ite ie illáimana illánomo cue dúcillena. Ñuera ebíredifue jaca ninomo íemo íteza. Daítadeza.

*Iraicaiño uáiduafuiái naa ézicigafuiái diga*

<sup>19</sup> Mai, Prisca, Aquila diga caimare uáidori, naa Onesíforo comini diga.

<sup>20</sup> Erasto Corinto jófueмо fiébide. Cue nabai Trófimo ie irárenamona, Mileto jófueмо cue fieca.

<sup>21</sup> Mai raire rozírediruillai nai dúciñena llezica benó o biri. Benómona jiáimaci o mo uai orédiaioi, be nímaci: Eubulo, íemo Pudente, íemo Lino, íemo Claudia. Daje izói nana Crístomo jainaide ámatiai o uáidotiaioi.

<sup>22</sup> Cai Ocuíraima Jesucristo nágarui ómoimo nabáirifireillena Juzíñamuimo jicádicue. Daje izói Juzíñamui nana omoi ézicillena jicádicue. Mai daítadeza; jae niie.

## SAN PABLO TÍTOMO ORÉCABE La Carta del Apóstol San Pablo a Tito

### *Pablo Títomo cuete*

<sup>1</sup> Páblodícue. Juzíñamui táijitagamiedícue. Jesucristo orécamiedícue. Juzíñamui nizécanomo ínotalle uai cue llujillaena ie orécamiedícue. Daje izói cai ínoga ua uai, íaiói onóillena orécacue.

<sup>2</sup> Afe bie cai ínoga ua uai, jaca ninomo ñue cai illínomo cai ocuínanomo móirede. Nai énie cómuiñenia uícodo, Juzíñamui afe ziiñona cai cáailinona llote. Juzíñamui jaca táinona llófinide.

<sup>3</sup> Ja birui ie llóiacaga uaina, ie mamécaruimo cuemo jónega llófuecaillado caína onótate. Uafue, cai Jíllotaraima Juzíñamui afe daje uai cue llófuecaillena cue ocuide.

<sup>4</sup> Tito, daje izói Juzíñamuimo ínoticoco, ímona nahí cue jitó izóidío. Jira bibe omo cueticue. Afe llezica, cai Moo Juzíñamui cai Ocuífirede cai Jíllotaraima Jesucristo diga o ñue ézicillena jitáidícue. Daje izói omo dúecaillena jitáidícue. Afe dáaruido caimare uái ñue o íllena jicádícue.

### *Tito Crétamo llófuete*

<sup>5</sup> Monáillai cigi idu Crétamo o cue fiénocailaruido, nai figo finóbiñede raa ñue daje dine jaícina o finózillena ona fiédícue. Aféruido naga diga jofue illánuiamo ite Juzíñamuimo jainaide gairídnomo íaiói ócuitimiena o jóneri daidícue. Ñue ócuite eicomínina jenoda o jónetadícue. Afe izói navi uícodo omo llonódacaidícue.

<sup>6</sup> Naga ñue ocuide éicome nífuenino írede. Daje izói afémie daa ringo otímie írena. Daje izói ie úruiai Juzíñamuimo ñue ínorediaíoi. Afe úruiai fiénidífueña jóneñegazana írediaíoi. Ocuilla uaina náfueñedino izói índiaíoi.

<sup>7</sup> Iemo naga ócuitillaíma Juzíñamui dibénemo ocuícuaíoi. Ie jira afémie nífuenino jaícina ñue írede. Daje izói afémie “Cue bie iere ríimiedícue” daínide. Daje izói afémie comécina éoicainide. Daje izói afémie jífaifinide. Daje izói afémie illáiredimiena ínide. Daje izói afémie fia Juzíñamuimo táijnado úcube otímiena ínide.

<sup>8</sup> Mei jíáfodo, afémie ie jofomo mácaibitínona jíáfodo comécíñeno caimare llínofiredimiena írede. Afémie ñue caimare finófredimiena írena. Afe izói dama ie abina ñue ocuidimiena írena. Afe izói afémie comécina jaícina itímiena írena. Afe izói afémie Juzíñamuimo ñue jaináidimiena írena. Afe izói afémie dama ie abina lletádimiena írena.

<sup>9</sup> Afémie ñue ínofirega íemo lloga uaimo iere comécírede, jíáimaci comécina nácaitallena. Iemo jíái afémie daíí írede, nana uáitatínona uafue daítallena.

<sup>10</sup> Mei uafue, aillo ocuícana náfueñedino ite. Judíuaimo ite nabene. Afémaci táinodo úritiaíoi. Afe llezica comínina jífuetiaíoi.

<sup>11</sup> Afémaci úrilla llícaitarede, mei dáarie afézie nana íaiói ñue ínogafue dobáiñotadiaíoi. Afe llezica llófuerainina uaido llófuefirediaíoi, meáirede finuado úcube óllena.

<sup>12</sup> Afe Creta énie imácimona daade uai jino lloraima, ie nabáitiaído úrite. Daide: “Creta imaci táinofuerediaíoi, íemo jazici ie rílleníai izóidiaíoi, íemo iere güillárediaíoi, íemo jaca iere ráiraiediaíoi,” daide.

<sup>13</sup> Afémie uafue daide. Ie jira riire íaioina lletari, Juzíñamuimo íaioi ínogafuena féitañoño ñue jeire íaioi óllena.

<sup>14</sup> Iemo daje izói ñue íaioina lletari, judíuai dani uibica uáillaimo íaioi náfueneillena. Iemo jíái, ua uáimona oni jíicaidino comútaga ocuilla uaimo íaioi cácareíneillena.

<sup>15</sup> Nana comécina íaifuenidimemo naga raa íaifuenide. Mei jíáifodo íadi nana Juzíñamuimo ínoñedino íaifuiaredinomo naga raa íaifuiarede. Daje izói íaioi ífoci uibíllafue íairede, nana íaioi comeci úrilla uai diga.

<sup>16</sup> Afémaci “Juzíñamuina onódicai” daídíai, mei íadi íaioi finócado Juzíñamuina jáanotíai. Mei afémaci íáiruigamacina jáidiaioiza. Iemo náfuenedino izói itíai; íemo due jiza ñuera raana finónidiaioi.

## 2

### *Ñuera uafue llófueina uai*

<sup>1</sup> Tito, o daílle uailai ñue uafue llófueina izói jaca jaícina jóirede.

<sup>2</sup> Nana éicomini jaca jífáifinidinona írede. Daje izói ñúfuiaido jacíruiregaiaioi. Iemo, abina ñue onódimiaina írediaioi. Daje izói Juzíñamuimo íaioi ínogafuemo íránifinidimie izói írediaioi. Daje izói nágaruillaído ñue izíruicana ífirediaioi, íemo jíái jaca comécina járitaifinidiaioi.

<sup>3</sup> Daje izói eiringótiai úrioinide; íemo ñúfuedo jacíruiregaiaioi. Afe izói táinona llófnidiaioi. Iemo jíái jaca jífáirado jífáifinidiaioi.

<sup>4</sup> Daí ñue íaioi íllana ácatarediaioi, jíáie ringóniai jítaínguai afe izói íllena. Afedo íaioi ínítiaina izíruillena lollíai. Daje izói jítaíngo íaioi úruiai gáillena llófueregaiaioi.

<sup>5</sup> Afe izói íaioi abina ñue onóillena llófueregaiaioi. Daje izói íaifuiainidinona íaioi íllena llófueregaiaioi. Afe izói jofo ero finoca raa ñue úíñollena llófueregaiaioi. Daje izói illáinidíngo izói íaioi íllena llófueregaiaioi. Afe izói íaioi ini ocuícana jíeruifireillena llófueregaiaioi. Be daí írediaioi, buna Juzíñamui lloga fieni úridoíneillena.

<sup>6</sup> Daje izói jítócomini ñue íaioi íociretari, abina ñue íaioi onóillena.

<sup>7</sup> Iemo jíái, naga o jetáacaga díbenedo o ñue illa izói íaioi íllena ácatari. Íaioina o llófuelle llezica, taino jífueñoño llófuefireiri. Daje izói jífánodoíñoño lloiri.

<sup>8</sup> Daje llezica táinodo úrinidío, buna o jánari úríneillena. Afe daí o uáitaacadino meáiruítiaioi, mei ja odo fieni úrinideza.

<sup>9</sup> Iemo jíái, nana ocuícano íaioi ocuídino anamo ñue íllena o llófuefireiri. Daje izói cáimamacina íaioi íllena lloíri. Iemo uai ófireíñedinona írediaioi.

<sup>10</sup> Afe izói íaioi táijina llezica íaioi ocuídino ráaie meríñedinona írediaioi; mei jíáifodo naga táijinana jetátagamie ñue ínofiregamiena írede. Afe izói írediaioi, cai jíllotaraima Juzíñamui lloga uai iere ebíredeza, dani afémaci abido onótallena.

<sup>11</sup> Mei jíí, Juzíñamui caimo ie dúecaillana caimo cótate. Afe caimo ie dúecaillado nana éniemo itino jíllorediaioi. Afe jíllorenafue Juzíñamui jae caina onótate.

<sup>12</sup> Afe caimo ie dúecaillamo cai comécíadi fieni illafue cai fáicanocaillena caina onótate. Afe izói bie énie imaci óiacaga cai fáicanocaillena onótagacai. Iemo jíáifodo biruillaído cai illafue ñue úillena caimo llote. Jaca abí ñue cai ocuífirena caimo llote, íemo cai illafue ñue jaícina cai jóoneillena cai llote. Afe izói Juzíñamuimo dúide uaina caimare finóredicai.



<sup>13</sup> Iemo daje izói Juzíñamui uícodo lloga uai, caimare zuíllemo ocuíríoiredicai. Mei aferui iere riñoredimie Juzíñamui, cai Jíllotaraima Jesucristo caimare billíruiza.

<sup>14</sup> Afémie cai ícoinia tíllinomo uigámie, nana fiénidifuiaimona cai jíllóillena. Daje izói nana cai íaifuiái muiñóllena uigámie. Afedo afémie íena caina mamede, ñúefue iere íocire cai finóllena.

<sup>15</sup> Be nie o llófuerena uai. Nana nánide comini comécina náicaitari, íemo lletáredino omo ite ocuille riño dieze íaioina lletáfireiri. Buna ona jámairuitañeno iri.

### 3

#### *Juzíñamuimo ínotino bie izói írediaioi*

<sup>1</sup> Jesucristomo ínotino énie illaima anamo íaioi írena uibíñotari, naa ocuídinuiairi. Daje izói aféllaímai ocuica uai íaioi jíeruillena uibíñotari. Afe llezica ebena ñúefuiái fínuamo iere jícairediaioi.

<sup>2</sup> Daje izói jíáíma jánana fiéni úrinide. Afe izói afémaci comécina caimare uái itínona írediaioi, íemo illáinidinona írediaioi. Iemo daje izói nana comínina omoi uáidua llezica, comécina mánaidimiena o illa jino íaioimo onótari.

<sup>3</sup> Mánaidimiena íredicai. Mei naui uícodo daje izói cai bie jaca abina onóñedinodicaiza. Juzíñamui lloga uaimo cacáreiñedicai. Aféruimo niné féiraitino izói ífiredicai. Daje izói nana cai comeci fiéni gáinafuiaimo riire ocuícánodicai; íemo jíái cai íóbitade raamo riire llavécánodicai; jaca nágarui fiéni ífiredicai, íemo jíáímamo úradoifiredicai. Iemo comécina éoidicai, daje izói conímána éoicaifiredicai.

<sup>4</sup> Mei íadi cai Jíllotaraima Juzíñamui íemo ite cáimafue jino caimo cíotate, íemo nana náiraiaína ie izíruifirena diga.

<sup>5</sup> Afémie caina jíllotaacade, mei íadi jaca nanómona cai daína ñúefuena cai fínuamona Juzíñamui caina jíllotañede. Mei jíáfodo dama afémie caimo dúecaillado caina jíllotate. Caimo ite íaifuiái dama ie múíñuado caina jíllotate. Afe llezica Juzíñamui Ñuera Joreño afe múíñuado, meine como jéciganona caina finode. Iemona daje izói afe Ñuera Joreño como comúitaga ñúefuedo caina úcaite.

<sup>6</sup> Cai Jíllotaraima Jesucristodo, Juzíñamui ie Ñuera Joreño jeruíñeno caimo fecade.

<sup>7</sup> Afe daí Juzíñamui caina dúecaillano, nífuenidinodicai izói caimo caimare éroide. Afémie daí caina itátate, cai ocuírina zíñona cai illino cai maiñóllena.

<sup>8</sup> Bie uaillai iere uáfueza. Daje izói nana bífuiái jeire íaioi ólleza ona íaioina iere llotátaiticue. Daí ona llotátaiticue Juzíñamuimo ínotino bie ñúefuiaimo nágarui íaioi jíeruillena. Comini canóllena bífuiái nana ñuera.

<sup>9</sup> Mei íadi abina onóñedino júfidogafuemona oni o jíicairi. Daje izói jaiáidigima dibénedo lloga íaioi comuilla táinofuiaimona oni o jíicairi. Afe izói jíáimana uáitafirenamona oni o jíicairi. Iemo jíái, Moisés lloga uaimo ite féiredifuiáido fuirídinomona oni jíicairi. Nana bie izóidifuiái cómena canóñede. Daje izói bífuiái ífócina úriñedinomona comuide.

<sup>10</sup> Juzíñamuimo dájena jáináidino cigiri dámie eneno bozíetaiacania, íena uáidota ménacaíño lletari. Daí lletaca cacáacañeniadi, omoi cigimona íena ruifíruiri.

<sup>11</sup> Uáfueña íena ruifíruiri, mei ja áfemona afémie fiénidimiena onóredeza. Afémie ñúefuemona oni nibéfodo fiénidifuemona baíidimie. Iemo dama ie finoca fiénidifuedo duere finóbide.

*Pablo naa ie nabáñiairi mamérilla uai*

<sup>12</sup> Artémána mámeciredimie, nibai Tíquiconá mámeciredimie omo cue óreiadi méifomo, Nicópolis jofue illánomo raire cue eróizaibiri. Afénomo o jáillena raire mamériri, dinomo dáanomo conímamo dúciiticozoa. Mei afénomo rozírediruillai záitaiacadicueza.

<sup>13</sup> Iemo nane jáifue, Zénana mámeciredimie Apolos diga nana omo ite dieze íaillinoína canori. Afe Zena jáímado ñue úrifiredimie. Iaillinoi jaille llezica jitaica raana íaillinoimo fecari, minícana íaillinoi jítaiñellena.

<sup>14</sup> Iemo daa cai Juzíñamuimo jaináidino ñue lloíri, ñúefuiaimo íaioi tájifireilleza; daje izói jáíe come jitáadi, íaioi jitailla raana fecari. Iemona íaioi illafue ñue ráifiteza.

*Iraicaiño uáiduanó ñue íaioi íllena Pablo Juzíñamuimo jicade*

<sup>15</sup> Nana cue diga itino omo uai orédiaioi. Cai izíruiga nabáñiaí daje Juzíñamuimo ínotino o uáidori. Mei Juzíñamui nana ómoína ñúefue dibénemo itáiteza. Daiítateza. Jae nie.

## **SAN PABLO FILEMÓMO ORÉCABE** **La Carta del Apóstol San Pablo a Filemón**

### *Pablo Filemomo cuete*

<sup>1</sup> Cue Páblodicue. Cristo Jesús ícoinia llavécamiedicue. Cai ama izóidimie Timoteo cue diga illa llezica, Filemomo bibe cueticue. O coco táijinamo izíruiga nabáifiredimiedio.

<sup>2</sup> Afe llezica Juzíñamuimo ínotingo cai miringo izóidingo Apiamo cueticue, íemo jáí Juzíñamui uaimo iere cai nícidogafuemo nabáifiredimie Arquípomo cueticue. Iemo jáí Filemón jofomo gairífirede Juzíñamuimo jaináidinomo cueticue.

<sup>3</sup> Mai birui cai Moo Juzíñamui cai Ocuíraima Jesucristo diga, ñúefue dibénemo ómoína itátaiteza; daje izói caimare uái illifue ñue ómoimo itátaiteza.

### *Pablo Filemón Jesucristona izíruilla íemo ie ínuana llote*

<sup>4</sup> Juzíñamui diga cue úrilla llezica omo uíbicaidicue. Uíbicaillano, jaca Juzíñamuina “Figora” dáifiredicue.

<sup>5</sup> Mei o ñue o finócafue fidídicueza. Cai Ocuíraima Jesuna o izíruillana íemo o ínuana diga, fidídicue. Daje izói nana Juzíñamuimo jaináidinona o izíruillana fidídicue.

<sup>6</sup> Juzíñamuimo o ínuado jáímaci afémie uai jeire o otátallena Juzíñamuimo izire jicádicue. Afémaci o diga nana Cristo Jesúsmona comútaga cai ñue ínofirenafuiai, ñue onóillena jicádicue.

<sup>7</sup> Afe daí jicáfiredicue, mei ja o izíruillado íobidicueza, daje izói áfedo cue comeci íociredeza. Daí ori íobidicue, mei Crísto ínotino odo comécina fíracaiáioiza.

### *Riire ocuícami Onésimomo Filemón dúecaillena Pablo íemo jicade*

<sup>8</sup> Iemona ja birui, Cristo orécamiéna cue íllado omo dúide finolle raana riire ocuiredicue.

<sup>9</sup> Mei íadi afe izói ócuiñeiticue. Riire ocuilla baimo caimare jícana gáidicue. Iemo conímana coco izíruillamona omo jícaiticue. Ua ja cue éiromadicue, íemo jáí Cristo Jesús llavécamiedicue.

<sup>10</sup> Daí cue íllamona, daa cue onóigamiemo o dúecaillena jicádicue. Benó cue llavéjina llezica afémie cue jító izóidimiena jaide, mei afémie comécina Jesucristomo ínuua mei afémie jaináitaticueza. Afémie Onésimo. (Jesucristomo íe ráifidimiena omo íllana jaca comécíñedio.)

<sup>11</sup> Naui Onésimo omo ráifíñedimie izoide. Mei íadi birui cue o diga afémie ráifidimie izói táijirede.

<sup>12</sup> Meine abido íena omo orédicue. Afe íe cue ória cue iere izíruiga úrue ória izoide.

<sup>13</sup> Nai benomo ñúefue ícoinia cue llavébilla llezica, afémiena “Benó cue diga fiebi” uáfueña daíacadicue, o méifomo afémie cue canóllena.

<sup>14</sup> Mei íadi nai o jii dáíñenia minícana ocuícacañedicue. Daí daidicue, o cue jícajana ocuilla izói íñeillena. Mei jáífodo dama o comeci jitailla izói cue jícajana o ínuana jítáidicue.

<sup>15</sup> Nibai Onésimo naui fia nígarui fidi oni o abímona jaide, meine billano biruímona o abimo afémie jaca ninomo íllena.

16 Iemona birui riire ocuícamié izóineno, mei jiáifodo izíruiga ama izóidimiena afémie o diga írede. Afe jira nauí riire ocuícamié baimo ñúemiena o diga írede. Afe bímie iere izíruiticue, mei íadi o cue baimo íena izíruiredio. Birui daa afe ñue táijitallimie izóí íena izíruinidío, mei afe baimo cai Ocuíraimamo jainaide ámana o izíruilla izóí, afe izóí íena izíruiredio.

17 Iemona uáfueña cue nabáidimie o íadi, cue o llínua izóí, afémie o llínori.

18 Nibai nano afémie fiénide raa omo finóadi, íemo jiái nibai minica omo íbañenia, cuemo jica, cue íballena.

19 Ona uafue cue daiítallena cue ónoído cueticue: Afena íbaiticue. Cue Páblodicue. Mei jiáifodo cue ona uibíñotaredicue, dama o ñue méidoga abi cuemo dúide, mei Juzíñamuimo ona ínotadicueza.

20 Ua mií, cai Ocuíraimamo o ínuamona, afe bímie o llínuaado caimare cue itátari. Crístomo dájena jainaide ama izóí cue comeci firari.

21 Omo cueticue mei o jíeruifireña ñue onódicueza. Jiái onódicue, cue ocuica baimo finóredio.

22 Afe llezica cue iníllico uiécodo raíre finori. Mei bie izóí ocuídricue; Juzíñamuimo omoi jícallemona, Juzíñamui omoi cue eróizaibillena cuena óreite.

*Iraicaiño uáidua, caimare ñúefue dibénemo omoi itátallena*

23 Cristo Jesús ícoínia cue diga llavécamié Epafras uai omo orede.

24 Daje izóí jiáie cue táijinamo canódimaci Marcos, Aristarco, Demas, Lucas diga omo uai orédiaíoi.

25 Mai mei cai Ocuíraima Jesucristo ñúefue dibénemo ómoína itátaiteza. Daiítadeza. Jae niie.

## HEBREO IMÁCIIMO CUEGABE

*(Daa bimaci jiaífodo mameina Judíuái)*

*La Carta a los Hebreos*

*Juzíñamui ie Jitodo ja comínimo úrite*

<sup>1</sup> Jaiái ninomo cai judíuái jaiáidigimamo Juzíñamui úrite. Ua, ie uai llórainido diga icaiño, diga jiaífodo jóoide uáillaído úrite.

<sup>2</sup> Mei íadi ja birui írairuillaído Juzíñamui ie Jitodo caimo úrite. Bie Jitó uaido Juzíñamui jaiái bie éniéna naa úcuairi finode. Iemo naga raa íeiena náamatallena Juzíñamui íena mamede.

<sup>3</sup> Afe Jitó ie Moomo ite ebíredena jino cíotatimie. Daje llezica afémie jino náiraímo cíotaga; ua daje Juzíñamui izóidimie. Nana finoca ráaniaína afémie dájena jaináitano ie ñue riírede uáillaído nágarui ñue jaícina finócana uite. Bímie, cruzmo dama ie die tótajado cai fiénidifuiái ñue múñua mei, caífo monamo ite Juzíñamui nabezi dibénemo ráinazaide, dinómona nahí illáimaillena.

*Juzíñamui Jitó Juzíñamui abi imáciai baímo fígomie*

<sup>4</sup> Afémie afe jamánomo riíredinomo jáillamona, nana Juzíñamui abi imáciai baímo fígomiena jaide.

<sup>5</sup> Juzíñamui ie abi imácimona dáamie jaca “Cue jitódio” daíñede. Ua, “Cue Jitódio, ja birui illáimana o jóoneitícue” jaca daje izóí íaioína daíñede. Mei íadi ie Jitó Jesucrístona daí daide. Daje izóí ie abi imácimona dáamiéna “O moona íitícue” daíñede. Dáanomó “Cue jitóitio” daíñede. Mei íadi Jesuna daí daide.

<sup>6</sup> Ua Juzíñamui ie izoide daade Jitona bie éniemo comuítajano daide: Mai, nana Juzíñamui abi imaci, bie cue jitona jacíruioicana ñue omoí ióbitari. <sup>7</sup> Mei íadi abi imácina Juzíñamui daide: Bimaci cue abi canórainina íllamona, íaioína ocuífiredícue. Iemona jairifo raíre náidacailla izóí, bimaci cue ocuícana raíre jetáfirediaíoi. Afe izóí nana cue canófirede cue abi imaci jacírede boode iraíci izóí, íaioína ocuífiredícue, —daide.

<sup>8</sup> Mei jiaífodo ie Jitona daide: Juzíñamui o íllamona, o illáimana illírui jaca ninomo zíñona íite. Ñue comécina jaícinaíafuedo jaca illáimaífireitio. <sup>9</sup> Ua, comécina jaícinaíafuena izíruitio, mei íadi fiénidifuiáimo éoicana eróidíio. Iemona Juzíñamui, ua o Juzíñamui, jae ona ióbitade. Nana Juzíñamui uaina jíeruite o nabáñiaí cáimadua baímo, cáimatagao, —daide.

<sup>10</sup> Jáínomo ie Jitona Juzíñamui daide: O Ocuíraímadíio. Naga ráaniaí o táinia mei, bie énie finódio. Nana monamo ite naga úcuai o ónoído finócana. <sup>11</sup> Afe énie naa úcuairi niné táinocaitiaíoi, mei íadi o jaca zíñona íitio. Aféniaí jácara iníroillai zabilla izóí zábitiaíoi. <sup>12</sup> Iemo inícuíro dócoíano oni jóonia izóí, oni eneno íaioína jóoneitio. Iemona iníroi jáíroína abímo jíta izóí, bíníe naa ucúduairi méidoficaitiaíoi. Mei íadi o jaca méidoñellioza, dinó nímíeitio. Omo itífue jaca zíñona íite.

<sup>13</sup> ¿Ñíe mei ie abi ímiemo Juzíñamui llogámie:



O fairíconi o anamo cue anáfenotalle llezica mai benó cue nabézimo illaíma nabai izói ráinazaíbi?

Daí dainámiena íñede. Dama ie Jitó Jesuna daí daide.

<sup>14</sup> Nana afe Juzíñamui abi imaci Juzíñamui ocuica canófirede jóriaíai. Ua Juzíñamui orécaiaíoi, afémiedo jíllotino ñue rairuíllena.

## 2

*Cristo caimo llúaíbiga jíllona uaimo ñue úiñoredicai*

<sup>1</sup> Ie jira Juzíñamui Jitó, Jesucristo daí naga illaíma baimo jáidimiena íllamona, nana Juzíñamui mona cai cacana uaillai jeire cai olle iere jitáirede; omoi jefóniaí ñue jinéoiri. Aféuaimo ñue omoi cacáreiri, oni nibéfodo fiénidífue mo cai báíñeillena.

<sup>2</sup> Mei Juzíñamui jaiaí ie abi imácido llogáuai jaca oni caitánide. Naga aféuaina jeire oñédino naa cacáfinidínori raire iere duere finócaiaíoi. Mei afe fiénidífue fínuamona Juzíñamui íaíoi mo jaícina ibana ote.

<sup>3</sup> Mei íadi birui aféuai baimo jamánomo ñue riírede uaina cacádinodicai. Ie jira bie Crístonona cai cacana uáillaina jeire cai óñenia, ¿nífuedo jaícina iba uáfue mona jílloticaí? ¡Jíllonidicaí! Afe baimo ñue riírede uai nano fueñe Ocuíraíma Jesucristo caimo llogáuai. Ie mei ie dainana cacádinodo aféuai jae cai uafue daíllena llotátaga.

<sup>4</sup> Afe íaíoi daina uaimo onótate raado Juzíñamui ñue uai nabáitate. Iemo jaíai jacírede raado, aillo cíorainina raa díga afémie ñue uai nabáitate, íaíoi daináuaimo ñue cai ínnollena. Afe llezica Juzíñamui ie jitáinafue izói, ie Ñuera Joreño ñúefuiaí finolle ríino, illa dígamierie íaíoi mo fecade, daje izói caimo.

*Jesucristo Juzíñamui Jitó íadi afémie cai illa izói, ía cómena íficaide*

<sup>5</sup> Cai úrífirena ñuera úreitíruillaído nímie illáimaillena, Juzíñamui ie abi imácina: “Ílláina jaítio moi” daíñede.

<sup>6</sup> Mei jaíáfodo comínina illáimaitaacade. Jaiaí Juzíñamui Cuegáuaimo David Juzíñamuina daide:

¡Níi naga come Juzíñamui dibénedo jamáimíaina!

¿Níbái mei íaíoi mo comécidío?

¿Níbái mei íaíoi jitótiaímo járitaitío?

<sup>7</sup> Mei uáfue na due jiza o abi imaci jofófememo comínina comuítatio.

Íllaíma ebírenano naa ñúefue díga íaíoi mo nitáidío.

<sup>8</sup> Naga raa íaíoi anamo o itátatio.

Daí naga raa íima anamo itábicaillamona, jae minica ie anamo itábicaíñedena íñede. Mei íadi ja birui íima dibénedo naga raana náamatañega. Afe izóiñedeza; afémie nahí náamañede.

<sup>9</sup> Mei íadi jaíáfodo birui Jesuna cai onónamona íemo comécidicai. Afémie nana íanori due jiza Juzíñamui abi imaci jofófememo jónegamie. Aféruído afe Jesús nano cai jaínona, tílla onóillena facade; mei afe llezica nana comíni fiénidífue ícoínia Juzíñamui zóofegamieza. Ie mei tíide meine abído cáanamona jamánomoidimiena jaide. Afe mei afémie, illaíma izói, ñúefue na nitácamié, jae ebire finócamie, mei nauí ie tíllaruímo iere duere ie zefuíllamona. Juzíñamui caíri dúecaillano, nana comíni níne táinocaitañellena cai ícoínia Jesuna daí zefuítate.

<sup>10</sup> Juzíñamui daí ie Jitó duere finoille caímare íemo jóbide. Ie jira Juzíñamui íaíoi na jíllotaite ífódimie duere zefuíllafuedo nana cai jíllonafue na ñue fuitade. Mei jíi, naga raa Juzíñamui íeíena ie ínuamona ja birui itíaíoi. Afémie

nana comínimona aillo jitótiai jilloacade ie caimare ebírenanomo dáanomo íaiói dúcizaillena.

<sup>11</sup> Mei Juzíñamui dibénemo oni jóonetimie Jesús, nana Juzíñamui dibénemo oni jóonegamaci diga daje Juzíñamuina móorediaíoi. Iemona, cai baimo jamánomoidimie íadi, Jesús “Cue ámatiaídiomoi” daíí dáiñana meáiruiñede.

<sup>12</sup> Afémie Juzíñamuina daide:

O mámecei cue ámatiaímo jino llóiticue.

Nana omo gairídino cígiri rocana ñúefue omo nítaiticue.

<sup>13</sup> Jiáinomo Cuegáuaimo daide:

Cue Juzíñamuidio. Omo íinoiticue.

Ie mei jiáinomo daide:

Be, benó iticue, Juzíñamui cuemo iga naa úruiairi.

<sup>14</sup> Onódiomoiza, nana cai jae cómena comuítagacai. Daíí cai íllamona, daje izói Jesús dama cómena comuíbicaide. (Ua, fia come izói jéiciga.) Afe mei come abi íemo íllamona, ie tíllado cai títaite Taifena ríinitade.

<sup>15</sup> Jaiáimona nana tille jágiedo Taifemo rairuícamacidicai. Mei íadi Jesús jae cai jacíruiñeillena nane ñue cai finode. Ja ráiruiñeganona afémie daíí cai ñue orede, nana nauí cai caana llezica tíllena jacíruiticai íadi.

<sup>16</sup> Mei uáfodo onóigaza: Jesús ie bíllado Juzíñamui abi imácina cánuaibiñedeza, mei íadi cómena íficaillano nana Abrahámona comuídígimana cánuaibite naa jiáie Juzíñamuimo ínotinori.

<sup>17</sup> Afémie cai cánuaibillemona ie ámatiaí nana íaiói illa izói afémie íficaillana iere jitáiredeza, mei dúcaifirede nahí comínimona Juzíñamuimo comínido úritillaímana jáideza. Ua ínofirega Juzíñamuimo úriraímana jáiacade, afe daíí ie tíllado comínimo ite fiénidífuiaí oni muiñóllena.

<sup>18</sup> Mei Jesucristo íaífue fiéni facátafuiaímona duere zefuide, aféfuemo baíñede íadi; íemona ja birui fiéni Taife facátagamacina cánua ríino Crístomo íteza, ja caína ñue canórede.

### 3

#### *Jesús Moisés baimo jamánomoidimie*

<sup>1</sup> Ie jira, cue ñue ámatiaí, Juzíñamui uáidogamací dibénemo jaináidiomoiza, Jesumo izire comeci omoi facari; ua cai jeire oga ñúefue lluaíbitagamíemo ñue comeci omoi facari. Iemo nane Juzíñamui dibénemo caído ñue úritimíemo, mai íemo comeci omoi facari.

<sup>2</sup> Bie Jesús íena daíí mamédimie ocuica uaina jaca nágaruillaí ínofirede; ua, jaiáidimie Moisés nana íemo llogáuaina jeire ófirena izói, afe izói bímie nana íemo ocuica uaina jeire ófirede.

<sup>3-4</sup> Jae onódiomoiza naga jofo come niga; dama abina niñédeza. Mei íadi naga ráaniaí finódimie Juzíñamui. Iemo daje izói ja onódiomoiza, naga jofo niraíma afe nigaco baimo ñúemieza. Afémiemo jamánomo ñúefue jóonere de. Ie izói afe bie Jesús Moisés baimo ñúefuena nitáregamie, mei naga raa afémie comuítagaza; íemo jiáí daje izói Juzíñamuimo cai jaináinana Jesús comuítateza.

<sup>5</sup> Ua, afe Moisés nana Juzíñamui íemo llogáuai, Juzíñamui dibénemo tájjiacadimie izói, aféuaina ñue jaícina Juzíñamui eneno nizeca Israel náiraímo llotátate. Afe daíí afémie ie méifodo bite llófuellífuemo uai nabáitate.

<sup>6</sup> Mei íadi Cristo, jofona náamataga Jitó izói, nana ie anamo itínona ñue jaícina ocuíoide. (Afe daíí Cristo Moisés báífene ímienaza onódicai, mei naga jitó, jofo ero tájiraíma baimo itímienaza.) Iemona Cristo dáñana, cai

ínuafue ñue riire itífuedo are illa ícoimo jeire cai oíadi, Juzíñamui comínidicai. Afe llezica afémiemo caimare cai úiñuana jitáirede.

*Juzíñamui comini comeci caimare uái illafue*

<sup>7</sup> Ie jira Juzíñamui Ñuera Joreño jaijai Cuegáuaido daide:

Birui Juzíñamui daináuai omoi cacana llezica omoi coméciai ríiretañeno iri.

<sup>8</sup> Jaijai énie zaféredinodo Israel comini facátaruimo afémaci íaioi comeci riire fínuano Juzíñamuina uáitatiaioi.

Jii, afe izói omoi iñeno iri, daide.

<sup>9</sup> Iemo nane Juzíñamui daide:

Aféruillaído jaijai omoi uzútiai Judíuai cuemo ínoñeno fieni facátafuedo cuena facátatiaioi.

Cuarenta diga fimónado nana íaioimo cue finócafuiaina ciódiaioi íadi, cuemo fieni comécidiaioi.

<sup>10</sup> Ie jira afe bigima cuena ríicaitade.

Afémacido daidicue: “Íaioi comeci cuemo figo jaináñenamona, cue lloga io onóñeno oni nibéfodo jáidinona itíaioi.”

<sup>11</sup> Iemona áferi icírrillano riirede uaido daidicue: “Jaca cue lloga caimare comécina uái ocózinaillana óñeitiaioi,” daidicue.

<sup>12</sup> Amatiai, daje izói figóñede, ñúefuena íáiruiga ínoñede comécimona mai abí omoi rairuiri, afe izói omoi iñeilla. Mei afe izóidimie cai caade Juzíñamuimona oni eneno jica íteza.

<sup>13</sup> Mei íadi nágaruillaído, Juzíñamui ómoina nai uáidua llezica, Juzíñamui dibénemo ñue riire jainairi. Iemo dani ómoimona ñue lletari. Daí ñue omoi llóiri, fiénidífue ie abí jífuiáfuedo buna ómoimona dáamie comécina riireñellena.

<sup>14</sup> Mei nanóidemona caimo ite izire ínogafue, riire fáicanocaiñeno uáfuea cai onóíadi, jae Cristo dibénemo jaináidinodicai. Aféfuemo rairuñeno ñue omoi jieruiri.

<sup>15</sup> Juzíñamui Cuegáuai daí daide:

Birui Juzíñamui daináuaina omoi cacana llezica, jaijai Israel Juzíñamuina uáitajaruimo comeci ríirena izói, omoi comeci ríiretaneño iri.

<sup>16</sup> ¿Bu mei afe Juzíñamui uai cacáдино íadi, nane dáanomo íena uáitate? Mei nana Egíptomona Moisés bairócamaci Juzíñamuina uáitate.

<sup>17</sup> ¿Mei nímaci cuarenta diga fimona Juzíñamuina icíritate? Mei nana afe Juzíñamui uai ínoñeno fieni finódino; nii afémaci ícuruai énie zaféredinomo fiénocaiga.

<sup>18</sup> ¿Nii nárainana riirede uaido Juzíñamui daide: “Jaca cue lloga caimare comécina uái ocózinaillanomo dúciñeitioi?” Mei nana afe ie uaina cacádinona íadi aféuaina jeire oñédinona daí daide.

<sup>19</sup> Daí íaioina dainana íaioi ínoñenado jofa cáimanomo dúcinidiaioi. Ua daí ñúenomo íaioi dúciñenana onódicai.

## 4

<sup>1</sup> Ja birui Juzíñamui uafue caimo lloga caimare comécina uái ocózinaillana cai olle uai caimo ite. Aféuai nai caimo illa llezica mai ómoimona dáamie aféuai comécimo óñeilla daítadífuemona mai abí omoi rairuiri.

<sup>2</sup> Mei uafue cai bie ñúefuena llogámacidicai. Ua afe jaijai Egíptomona bairócana ñúefuena llóina izói ñúefuena llogámacidicai. Mei íadi íaioi cacana uai figo íaioina canóñede; mei ínoñediaioiza fia táinona cacádiaioiza.

3-4 Mei íadi Juzíñamui lloga caimare comécina uái ocózinainnomo nahí jofo jáidinodicaí, mei ie uaina ñue cai ñnofirenado. Birui Jesumo cai ñnuamona, caimare comeci jacíruiñenafue dibénemo jónegacaí. Jira ocózinairanomo táijíñeno cai illa izóí, jae caimare uái iticaí. Ie mei uire Juzíñamui illánomo ñue afémie diga caimare uái íticaí. Jaiaí ñnoñedinona Juzíñamui daide:

Iaioimo cue ríicaillano ñue rírede uaido daidicue, “Afe cue lloga caimare comécina uái ocózinainnomo jaca dúciñeitiaioí,” daidicue.

Daí Juzíñamui íaioina daide. Mei íadi ua íaioí caimare illifue Juzíñamui are uícomo mamécaza; mei jae are énie ie comuitajarui mona, nana Juzíñamui ie finócafuaí, naa caimare cai illífuiaíri, jae fuitádeza. Mei Juzíñamui jíainomo ie Cuegáuaimo afe ie ocózinairuido úrite; daide:

Juzíñamui seis dígarui táijide; ie táijina mei siete iruimo nana ie finócafuaímona caimare uái ocózinaide.

5 Afe mei jíáiruido ie Cuegáuaimo Juzíñamui daide:

Cue lloga caimare comécina uái ocózinainnomo dúciñeitiaioí.

6 Iemo ñúfueña nanoide cacádino ñnoñenamona afénomo jofo íaioí jáinina méifomo, áfeo nai jíáimaci jáillena túide.

7 Ie jira Juzíñamui diga fimona jailla mei, David roránicuaído comini uáiduanomeine jíáie billirui íaioimo llote. Afécuaímo, due jiza íllamona cue lloga izóí, Juzíñamui daide:

Birui Juzíñamui daínáuaina cacádíomoi za omoi comécina ríretañeno iri, daide.

8 Mei íadi Josué afe jáíáidinona nahí caimare come comeci jacíruiñenanomo uíñede. Ie jira diga fimona illa mei Juzíñamui meine abído comini caimare illíruina úrite.

9 Iemona afe nahí caimare come comécina uái ocózinailafue nai ite, Juzíñamuimo jáináidímacina daní íaioíena maíñóllena. Afe ñue caimare cai illifue ocózinairuimo cai ocózinaila izoide.

10 Mei naga afe Juzíñamuimona oga caimare illífuena maíñódímie, dama ie jíllolle naa ie nícidogano fáicanocaillano, caimare uái ite. Ua Juzíñamui naga ráaniaí ie finua fuilla mei, ocózinailano caimare uái ite. Afémie uái illa izóí caimare uái iticaí.

11 Ie jira afe caimare cai illífuena mai ñue omoi maíñori. Mai benómona daí omoi ífireiri, ómómona buna jáíairagíma bífuena íaioí ñnoñenado íaífuemo baílla izóí omoi báíñeillena.

12 Nana Juzíñamui lloga uai, jaca íocire cáadímie izoide. Afe uai jaca ninomo ríredeza, buna oni caítánide uai. Aféuai comini ífóciaímo déífirede; ua íaioí comécina zuitáfirede. Mei jíí, jáire jicaica lloéfaido abí ñeta iere jofo ícurumo raíre dúcizailla izóí, afe izóí Juzíñamui uai nana cai comeci ífuiaí onótate. Uáfueña cai comeci facáduana naa cai comeci jítaillafuaíri fídiano ñue uáfodo jáícina jino caimo onótate.

13 Nana Juzíñamui finócafuaí íemona oni retáidonide. Ua, daa Juzíñamui cióñenamiena íñede. Nana cai comécillafuaí cai finócafuaí diga, uáfori cai nahí jícánoraima ui anamo ite.

### *Jesús Juzíñamui dibénemo caído ñue úrifiredillaima*

14 Jae Juzíñamui Jító, Jesús, mona úllie illano iere caifófenemo jaillano, Juzíñamui illánomo dúcide. Dúcillano Juzíñamuimo dibénemo caído ñue raíre úriraimana jaide; ua afémie caído úrifiredillaimana jónega. Afe bie úriraima caimo íllaza, mai nana afémiemo cai comécilli; afémiedo cai ñnogafuaí fáicanocaiñeno jáícina ríre ñue íemo cai ñnoilli.

<sup>15</sup> Afe caido Juzíñamuimo úrifiredillaíma nana cai abi ríidolle ríino iñénana onode. Ua afe cai ríino iñenamona cai féiraifirenana afémie onode. Ie onónamona caimo dúcaifirede; mei afémie cai izoide cómena íficaillamona, nana fiéni facátafuiaina cai cacana izói cacade íadi afe fiénidifuiaimo baiíñede. Iemona Juzíñamui dínená jáiredicai.

<sup>16</sup> Ie jira Juzíñamui illáimana illánomo cai úrizaiilli; mai omoi jacíruiñeno afe caido úrifiredillaímado Juzíñamuimo raire úrifireiri. Daí íemo úriredicai caina ie dúcaillano cai fiéni finócafuiaí iba caimo óñeillena; daje izói afémie cai jitáilliruido cai canóllena, afémiemo úriredicai.

## 5

<sup>1</sup> Naga come dibéfodo Juzíñamuimo úritillaíma comínimona nizeda oga. Uano Juzíñamuimo comínido úrillena mamécamié. Daje izói afémie comíni dibéfodo Juzíñamui íóbitalle ráfuiái finófireillena mamécamié. Iaiói Juzíñamuimo fia iga ráaniaí afémie izájite. Daje izói íaiói fiénidifue iba otátañelle fia fállena fecaca tóica rílleniaí afémie Juzíñamuimo izájite.

<sup>2</sup> Afémie ríinide cómena íllamona, íaiói illa izói abina onóñedimacina íiaicana comecei járitañenado caimare fíraizitaite. Daje izói oni nibéfomo baiídínona comecei járitañeno llétaite.

<sup>3</sup> Mei afe nizécamié cai izói ríinidimie. Iemona dama ie íaifuiái muiñolle tóica rille jíaimaci fécajilla izói, afémie jíái fécajirede. Ua nana comíni dibéfodo izáibilla izói, dama íeiena afémie izáibirede.

<sup>4</sup> Afe iere ñuera Juzíñamuimo úriraímana íllena, buna dama ie comecei jitaina izói ínide; dama Juzíñamui jóonegamie daí írena. Afémie caimare jacíruiagamie. Jaiáidiruimo daí Juzíñamui Aarona uáidote. Uáiduanó, Juzíñamui íena nizeda úritillaímana jóonete.

<sup>5</sup> Afe izói Jesucristo Juzíñamuimo comínido úriraímana íllena raire dama uícoficaiñede. Mei íadi Juzíñamui daí úritillaímana ie jóoniacana llezica íena daide:

Cue jitódio; ja birui illáimana o jóoneiticue, daide.

<sup>6</sup> Ie mei daí dainámiena Juzíñamui jíáinomo nane daide:

Jaca ninomo Juzíñamuimo comíni dibéfodo úriraímadío. Ua jaiái ninomo Juzíñamuimo úriraíma Melquisedec izói jaca ninomo Juzíñamuimo comíni dibéfodo zíiñona úriraímana íitío.

Aquíe izói Juzíñamui ie Jitó Jesuna daide.

<sup>7</sup> Cristo cai come izói bie éniédo jáicaillaruillaído, izire éecana Juzíñamuimo comecei facade. Iemo dáaruído Juzíñamuimo izire jicade. Afémie daí íena jíllotaredimie comoécido úrite; daide: “Bie cue tíiacanafuemoná maí cue jíllota” daide. Iemo Moo Juzíñamui anamo afémie ñue itábicaillamona comoécido Juzíñamuimo ie jícajana Juzíñamui cacade.

<sup>8</sup> Daí Jesucristo Juzíñamui Jitó íadi, ie duere zefuíllafuiaído ocuilla uai anamo itábicaillana fibide.

<sup>9</sup> Afemona afémie daí nana cai jíllóillifue ñue fuitállena jamánomo jaícina fibítagamiena jaide. Ie jira nana íemo ínotimaci dibénemo Jesús zíiñona jíllotaraímana jaide. Ua zíiñona jíllonafue taínédimiena jaide.

<sup>10</sup> Mei jira Melquisedec izóidimie Juzíñamuimo comíni dibéfodo ziiño úrifireitímiena, Jesús jae Juzíñamui mamécamié.

*Cai ñnogafue meine abido cai jáanolle iere jacírede*



<sup>11</sup> Bífuiaido aillo úriacadicue, mei íadi iere cacáacañediomoi. Iemona nai figo baitáñedino izói itíomoi. Daií omoi íllamona, bífuiái ómoimo jino cue llole iere féirede.

<sup>12</sup> Naui nano Crístomo omoi ínuaruimona jae diga fimona jaide. Iemona jae oni jiáimacimo omoi llófuerizaille iere jitáirede. Mei jiáfodo ja birui meine abido Juzíñamui llogáuai tainéinafuiaina ómoimo jiáima llófuelle jitáirede. Nai monoi jirode úrue izói meine abido úruetaidiomoi; nai figo baitáñedino izói itíomoi. Ua llíciaina nai rínide izóidinona abido jáidiomoi.

<sup>13</sup> Mei jii, naga monoi jirófiredino, móonaiñena llezica nai dúetiru. Daje izói naga Juzíñamui anamo ñue jaícina caina móonaitade llófueinafue dibénemo baitáñedime nai úrue izoide. Mei afémaci nai móonaiñeno úruiaí izói baitáñediaoiza.

<sup>14</sup> Mei jiáfodo dama móonaite éicomini llíciaina rírena. Afe izói juárede llófueinafue ñue onona dama comécina ñue jéedimacimo dúide; mei afémaci aillo facáfirenamona ñúefue fiénidifue baimo ñue onónana fibídiaoiza.

## 6

<sup>1</sup> Ie jira afe nánoide Cristo dibéfodo llogáfuiái ómoimo llúana ja moziñocaidicue, jiáie cómfue ómoimo jino cue llóllena. Omóimo cue llole bie cómfue, Juzíñamui llogáuailaido ómoina ñue jaícina móonaitaite. Aféfuiaí mai jeire cai olli. Nano uícodo lloga ñúefue jillácina meine abido diga icaiño ómoina llófueñeiticue. Afe nanóidifuiái bie izói daide: “Ómoina jíllotañeite omoi nícidogafuiái fáicanocaillano ñúefuena méidori. Méiduanu, mai Juzíñamuimo omoi ínnori,” daide.

<sup>2</sup> Iemo afe nanóidifuiái báutizaafuedo úrite. Iemo dáanomo onoi cómemo bítafuedo úrite. Daje izói come tílle mei, afe tíidinomona meine abido cáaillifue llote. Afe emódomo, írairuimo Juzíñamui nana comínimo jicánolle mei zíñona duere finótallifuedo úrite.

<sup>3</sup> Nana bie nanoide llogáfuiaina meine abido llófueñeiticue. Mei íadi, Juzíñamui comeci jitaina izói, afémie cue canólledo, ñue móonaitadifuiaina omoi llófueiticue.

<sup>4-6</sup> Daií birui ómoimo llófueacadicueza, mei nanóidifuiaina uáitajano oni jiáfodo féiraitimíai íaioi illafue nano ñue ínogafuena jaca méidonide; mei afe ñúefuena nai náfueñediaoiza. ¡Mai, abí omoi rairuiri! Afe daítadimaci nauí dáaruina Juzíñamui llófuegamaci izóidiaioi; ua Juzíñamui dibénedo ífócina déitaganona itíaiioi. Daje izói, monamo ite Juzíñamui daína caimátallifueña facádiaioi. Iemo daje izói afémaci Juzíñamui Ñuera Joreño úcaillana jae facádiaioi. Afe llezica Juzíñamui ebírede daínauai cómena ñúetatífueña afe íaioi fácamona, ñúerana onódiaioi. Afe emódomo, Juzíñamui Jitó uire illáimana illirui llezica, íemo ite comini cáimadolle ríinodo jae bimaci canócaiaioi. Jae nana bie núefuiaina fibídiaioi. Mei íadi afe mei Juzíñamui ífuiaina móonaitaoiñeno, aféfuiaiana íaioi uáitaiadi ñúefuena méidofinidinona jáidiaioi; mei daií afémaci íllamona Juzíñamui Jitona cruzmo fatátatimaci illa izói afémaci dani itíaiioiza. Ua nairai uíecori íena jifánodoia izói íena meáidaitadiaioi.

<sup>7</sup> Bie izoide comini comue jacafai aiñena izoide. Juzíñamui bíitaga noci naga éniemo diga ícaiño bíide. Iemona afe éniemona ñue ria aite, afe éniemo táijidino güllena. Aféniena Juzíñamui ézicite.

<sup>8</sup> Iadi jiáinomo noci bíilla mei, daa figóñede éegiai ailla, naa zaie diga. Afe izóidinie ráifiñedeza; nibai íanori íllamona Juzíñamui fáidoite. Iirainomo afénie jobáillamo dúide, naa afénomo zicódinuairi mei figóñedeza.

*Cai úiñoigafue caina riire nabaide cai ñnogafue féiñellena*

<sup>9</sup> Mei íadi cue izíruiga ámatiaidiomoi. Jae cue lloga faidórafue baimo jamánomo ñúefuiaí dibénemo jaináidiomoi. Ua omoi jíllonafuemona comuide cáimaduafuiaí maiñófirediomoi. Aféfuena ñue onódicue.

<sup>10</sup> Juzíñamui comécina jaícina jóidimie. Iemona nana íena omoi izíruillamona omoi finoca Juzíñamui comini cánua ráaniaina, afémie féitañede. Daje izói aféfuiaimo nai birui jéruitiomoi. Ua Juzíñamui jaináidinona izíruillano, ñue afémacina riire canófirediomoi.

<sup>11</sup> Ie mei birui afe izire omoi nícidua izói, daje izói ómoimona illa dígamieriena Juzíñamuimo ocúiriri daidicue. Iemona omoi ñnogafuiaí jeire ómoína otáaacadicue, omoi úiñoigafue táinomo fáifiñellena, mei jiáifodo ñue jaícina omoi fuitállena. Afemo ómoína nágarui izire comeciiri daidicue.

<sup>12</sup> Daí izire omoi comeciioillamona ráiraiedino illa izói íñeitiomoi. Mei omoi ñue comeciillamona, jiáifodo daade Juzíñamui lloga ua caimare illafue dibénemo itino illa izói ítitiomoi. Afémaci íaioi ñnogafuedo íaioi abina ñue finóinafue Juzíñamuimona otíaioi. Ua comeci jaritaiño are illa ícoimo Juzíñamui uícodo íaioimo lloga ñúefuena maiñóroidiaioi. Íaioi illáfuemo ñue omoi comeciiri, íaioi illa izói omoi íllena.

<sup>13</sup> Mei jii, Juzíñamui iere ñnofiregamie. Jaiai Abraham illáruimo Juzíñamui uafue uai Abrahamo llote. “Aillo comini jebuítaitio” jaiai uícodo íemo llote. Llua llezica uafue daííllena Juzíñamui dama ie mámecina llínote, aféfuena Abraham ñue ñnollena. Ua Juzíñamui dama ie mámecina llínote, mei jiáie baimo jamánomoidimiena íñédeza.

<sup>14</sup> Daí Juzíñamui Abrahamana daide: “Uafue iere ona ñue caimátaitaiticue. Jae cue o jítoretallemona, o erófene ígimana jamánomo iere jebuítaiticue,” daide.

<sup>15</sup> Iemona Abraham comeci raire jaritaiño, diga fimona áfemo úiñooidie. Daí ie ocúirina mei, afe Juzíñamui lloga caimare ie nairai jebuíllifueena Abraham ñue maiñódeza.

<sup>16</sup> Bínie comini cígimona dáamie uáfuea daíacana llezica, afémie baimo riíredimie mámecido uafue daítate. Daí lloga uaina buna oni caitáñede. Nana dani íaioi júfidogana záitate.

<sup>17</sup> Daje izói Juzíñamui ie lloga finóllifue, jiáie ñue riírede uaido, aféfuena iere uafue daide. Afémie daí dáideza, mei ie uícodo lloga ñúefuena máíñoitino, afefue ua jiáifodo méidonidena jino íaioimo uáfodo llóiacadeza.

<sup>18</sup> Daí Juzíñamui mena caitánide uáillaido íaioimo llote. Afe ménacaiño ie daina dibénemo Juzíñamui táinona llónide. Afémie daí daide, áfemona cai comécina ñue íociretallena. Iemona caimo ie lloga ñue cai jíllonafuemo fáicanocaiño ñnofiredicai. Mei jii, cai Jíllotaraima Jesucristomo jarire jailano caina ie úiñotaga comeci íaifue dóllena raire íemo jicádicaí, caimo ite fiénidifue iba óñellena.

<sup>19</sup> Afémie cai jíllotallena caimare úiñooidicai. Iemona afémie caina daináuai cai comeci nífuenina ñue mozíoitade. Ua cai úiñoigafue caina riire nabaide cai ñnogafuiaí féiñellena. Daí comeci docáiño ñue riire nabáitaga jacíruiñedinodicai. Mei cai jíllotaite cai úiñoigamie Jesús, caifo monamo Juzíñamui nahí ie iránomo íteza.

<sup>20</sup> Afe Jesús, cai jáillio ifódimiena afénomo jae jaide. Daí íllamona afémie jae comínido Juzíñamuimo zíñona úritillaímana jaide. Ua, jaiai Juzíñamuimo úriraima Melquisedec izóinado, Jesús jaca ninomo caido úrite.

## 7

*Jesús, jai ai Melquisedec illa izó i comínido Juzíñamuimo úriraima*

<sup>1</sup> Afe Melquisedec Salem jofue illaima. Afe llezica afémie comíni dibéfodo jamánomoidē daade Juzíñamuimo úrifiredimie. Jai ai illáruimo Abraham jíáie aféniemo ite illáinina anáfenuaide. Iai oina anáfenuano Abraham meine bítemo, afe Melquisedec io anamo Abrahamo dúcizaide. Dúciillano Melquisedec, Abraham abi ñue finóllena Juzíñamuimo jícade.

<sup>2</sup> Afe llezica Abraham nana ie bairoca ñuera ráaniaimona, Juzíñamui íena eneno mameca ráaniaina, Melquisedécimo raiñoñoeno fia fecade. Melquisedec nanoide daina mámecei “Comécina jaícinaidillaíma” fueñe daíacade. Ie mei afémie nane jíáici ote: “Salem Illaima.” Afeci “Comíni comécina caimare uái itátatillaíma,” daíacade.

<sup>3</sup> Afe Melquisedec moo mámecei jaca onónide, naa ie ei mámecei diga. Daje izó i emóoidigima jíái ónoñega. Daje izó i afémie jocóinarui ónoñega, ie tíllarui diga. Iemona afémiena comíni “Ziñona itímie” daide. Afe Melquisedec comíni cígiri illáfuedo Juzíñamui Jitó ziñona cai dibéfodo úriraimana illáfuenta caina fidítate.

<sup>4-5</sup> Mai bífuemo ñue omoi coméciri, Melquisedécimo ite jamánomoidifuena omoi onóillena. Ua Melquisedec, cai nanoide jáiairagima Abraham baimo jamánomoidimie. Mei Abraham ie bairoca ráamona Melquisedécimo fecádeza.

Abraham enaize Jacob doce dígade jitórede. Iemo afe jitóniai cígimona Leví comuídeza. Afémie comíni dibéfodo Juzíñamuimo úrillena Juzíñamui nizeda ogámie. Ie jira nana judíuai Juzíñamuimo úriraini Leví úicoidigimamona comuítagaiaioi. Afe Juzíñamui nizeca Leví náiraina, Juzíñamui Moisés ocuica uaido daide: “Nana jíáie judíuai nairai imácimona Juzíñamuimo dúide ráaniaina órediomoi,” daide. Ua Leví náiraimo ibárede, nana jíáie Israel nairai daa Abrahámona comuídino íadi. Ie jira Leví comíni nana afe Juzíñamuimo dúide ráaniaina llínofirediaioi.

<sup>6</sup> Mei íadi afe Melquisedec, Leví nairai izié íeñede. Mei íadi afémie áfena llínoñeniadi afe Melquisedec, Leví emóoidigima Abrahámona Juzíñamuimo dúide ráaniaina uáfuenta llínote. Iemona Melquisedec Leví baimo jamánomoidimieza onódicai.

Afe ráaniai ie llínua llezica, Melquisedec Abrahamo úrite. Abraham Juzíñamui íemo ñue finóllifue, uíecodo fidítagamie. Iemo ja birui Melquisedec afémie ñue éziciano daide: “Juzíñamui ona ñue cánoiteza,” daide.

<sup>7</sup> ¿Ñibémie mei jamánomoidimiena? ¿Ézicitímie mei níbai ézicigamie? Ua, ézicitímie baimo jamánomoina. Afefue buna jáanoñega.

<sup>8</sup> Nane jíáifue llóiticue. Cai cígimona eneno nizeca Leví comíni, Juzíñamui íena nano mameca ráaniaina llínofiredino. Mei íadi afémaci fia comíniza tífirediaioi. Mei jíáifodo afe jíáie llínotímie Melquisedécina mámeceiredimie Juzíñamui Cuegáuai daina izó i, tíñeno caade izóidimie. Ie jira Melquisedec jamánomo báimoidimie. Leví imaci nai Melquisedec jofófeneidino.

<sup>9</sup> Iemo jíáifue Levído daírede. Leví Abraham erófene igíma. Mei íadi afe Juzíñamui íena eneno mameca raana llínofiredimie jai ai uícodo Melquisedécimo ie uzuma Abrahamo Juzíñamuimo dúide raana ibade. Daí Leví comíni, jai ai uíecodo Juzíñamuimo dúide raana Melquisedécimo ibádiaioi.

<sup>10</sup> Mei Leví nai jocóñena llezica ie comuíllino nai Abrahamo íteza. Ua Melquisedec ja Abrahamo dúcinaruimo, Leví jocóillino nai jaca ie nanoide uzúmamo ite.

11 Israel náiraimona eneno nizécazie Leví comini. Aféziemona nizeca nanoide Juzíñamuimo úriraima Aarón. Afémie naa ie erófene igímairi comínido Juzíñamuimo úriraini. Ie jira afe úrirainido Israel nairai Juzíñamui ocuilla uáillaina llogáiaioi. Mei íadi nana afe Juzíñamuimo úriraini finócafuiái comini ua ziiñona jilloillena figo jinoñede. Comini comécina Juzíñamui jítaina izói nahí jaícina jóoitañede. Aarón naa ie erófene igímairi finócafuiái figo jinoñena jira, jiáie afémie izóiñede baimo jamánomoidimiena jitáidicai, afémaci méifomo jóonellena. Ua Melquisedec ziiñona illa izóidimiena jítaidicai. (Ie jira afe Aarón comini meifo méidoitimiena Juzíñamui jae jino náiraimo cíotate. Afémie mámece Jesucristo. Ua Aarón comini méifomo jóonegamie Melquisedec izóidimie Jesús; afémie Aarón dibéfomo jaináiñede.)

12 Jae afe jaiaí uícomo ite Juzíñamuimo úriraini nana dáanomo jiáiena íaioi méidua llezica, afe Moisés íaioimo ocuica uailai daje izói jiáifodo méidorede.

13 Juzíñamui Cuegáuai daí dainámie cai Ocuíraima Jesucristo. Afe como jóonega Juzíñamuimo caido úriraima Jesús, Leví nairai ímieñede. Jiáziemona comuídímie. Ie nairai ímiaina jaca nizéñega, Juzíñamuimo comínido úrillena. Ua comini fia fecaca tóica rílleníai naa ráaníaí diga Juzíñamuimo izájillena, nízeñegaiaioi.

14 Ñue onóigaza cai Ocuíraima Jesús Judá náiraimona comuídímie. Moisés afe náiraimo Juzíñamuimo úrirainina íllena, jaca lloñede.

15 Afe jiáie como jóonega comínido Juzíñamuimo úriraima Jesús, jino cíóillamona, bífuiaina jino uáfodo baimo onódicai; mei dama afémie Melquisedec izóinaza.

16 Bímie dama ie ñue ziiñona ífirenamona comínido Juzíñamuimo úriraimana jaide. Mei jiáifodo Leví náiraimona jaiaí nizeca Juzíñamuimo úriraini ocuica uai dainado úrirainina jáidiaioi. Afe uai ñie náiraimona nizéllena llote.

17 Mei íadi como jóonegamie Jesuna Juzíñamui ñue riírede nabáitaja uaido daide:

“Melquisedec izói jaca ninomo Juzíñamuimo comínido ziiñona úriraimana ja birui itíoza,” daide.

18 Iemona afe uícodo ite ocuica uai jae oni caitaca, mei afe uai rínideza. Iemo jiái, aféuai comini comeci nahí duáfuenta figo jínotanideza.

19 Afe Moisés ocuica uai buna comécina nahí jaícina finóñede. Mei jiáifodo jiáie aféuai baimo, ñuera cai jíllotaite úiñoigamie Jesucristo jae caimo cíotaga. Afémiedo Juzíñamuimo ánozifiredicai, uáfodo Juzíñamuimo cai úrillena.

20 Afe Jesucristo Juzíñamui riire nabáirede uaido jóonega.

21 Ie uícodo Juzíñamuimo úrirainina jáidino, riírede uaido jóoneñegaiaioi. Mei íadi Jesús comínido Juzíñamuimo úriraimana jáillaruimo, Juzíñamui riire nabaica uaido ja daí mameca. Mei Juzíñamui ie Cuegáuaimo Jesudo úrite, daide:

“Cue Juzíñamuidicue. Bifue riire cue nabaica uaido daidicue. Cue comeci faca uai jaca jiáiuaina méidoñeiticue.

O ziiñona comínido Juzíñamuimo úriraimana itio;

Ua Melquisedec izóidimiedio,” daide.

22 Ie jira Jesucristo, Juzíñamui jamánomo ñuera caimo comue finóllifue caina ñue onótate. Ua Jesucristo aféfuemo iere uafue daide. Afe finóllifue Moisés lloga nanoide finóllifue baimo ñuera.

23 Jesucristo uícoidiruillaimo ite Leví náiraimona nizeca Juzíñamuimo úriraini ua aillo ite; mei íaioi tícoizifirenamona jaca jiáimiena méidofiregaiaioi.

24 Mei íadi Jesús cai dibéfodo Juzíñamuimo úrillana, jaca jaímiena méidonide; mei afémie jaca ninomo zíñona itímieza.

25 Iemona Jesús nana íedo Juzíñamuimo úrizaibitona, jaca ninomo jaícina ñue jíllotarede, mei afe Jesús, íaioiri Juzíñamuimo zíñona úriraimana íllaza.

26 Ua, afémie izoide Juzíñamuimo comínido úritillaimana jaiái ninómona jitáidicaí. Ñue cai jílloilífue afémie caimo ñue zúitaitímie, mei afémie nahí ñuera nífuenidímieza. Afe llezica afémie nana fiénidímaci íaifue mona oni eneno rairuícamié. Ie mei afémie mona ero úcuai illa caifomo, Juzíñamui nahí illánomo uigámie.

27 Jaiái uícomo ite Juzíñamuimo úritillaini nágaruillaído tóica rílleniaina fatá Juzíñamuimo izájifirediaíoi. Nano fueñe dani íaioimo ite íaifue ícoinia áfeniaina izájidiaíoi. Afe mei comínimo ite íaifue ícoinia áfeniaina izájifirediaíoi. Mei íadi Jesús afe izói fínuana jitáíñede. Afémie dácaíño nana comini íaifue ícoinia dama ie abi Juzíñamuimo fecade. Ua cruzmo ie duere zefuida tíllado abi fecade.

28 Afe Cristo uíecodo lloga ocuíllafuedo llotino, jíaíe jamai figo nahí jaícina finótañede comínimona Juzíñamuimo úritillainina mamédiaíoi. Mei jíaífodo, afémaci méífomo jóonega úritillaíma Jesucristo, Juzíñamui ñue riire nabaica uaido jóonega. Afémie jaca ninomo nahí jaícinaítaga Juzíñamui Jitó.

## 8

### *Juzíñamui caimo cómuena finóllífue, Jesús caimo jino denódimie*

1 Nana cai daináfuiamona llógana bie ñue nahífuena ómoimo llóiticue: Como lloga caimo ñue jóobide caído Juzíñamuimo úriraíma birui ja caimo ite. Afémie caífo monamo ite Juzíñamui nabézimo ráinazaide.

2 Dinomo Juzíñamui nahí illánomo Jesús íllamona, jamánomo ñuera Juzíñamui uíecomo Jesús caído úricabite, cai jílloilífue ñue caimo zúillena. Afe Juzíñamuimo cai nahí ánozirano comini fínoñega. Jaiái bíníemo ite Juzíñamuimo ánoziraco comini niga.

3 Naga Juzíñamuimo úritillaíma, fia iga ráaniaí, tóica rílleniái diga Juzíñamuimo fecáfireitímiena mameca. Ie jira cai dibéfodo Juzíñamuimo úriraíma Jesús, daje izói dama ie fécajille raa jitáirede.

4 Bíníemo afémie níbai abído ie bia, afémie caído Juzíñamuimo due jiza úriraímañeite, mei Moisés ocuícuaí daina izói Juzíñamuimo caído úriraíni bíníemo nai íteza. Daje izói bimaci nai benó Juzíñamuimo fia fecaca raana íemo izájifirediaíoi. (Ie jira caído ziiño úriraíma Jesús, caífo monamo Juzíñamuimo cai ie canólledo úricabite.)

5 Bíníemo ite Juzíñamuimo úriraíni aillo ráfuiáido nícidotiaíoi. Nana íaíoi nícidogafuiaí jánana mameide. Iaíoi finócafuaí caífo monamo ite Juzíñamui nahífuiaína caína fidítate. Daje izói bíníemo ite jaiái Juzíñamuimo ánoziraco, Juzíñamui nahífuena cai fidítaraco. Afena onódicaíza, mei Moisés afeco nitátaacanaruimo, Juzíñamui íena daíde:

“Caifónedumo o illa llezica omo cue ácataga afécona o ciona izói, afe izói jaícina mai o níiri,” daíde.

6 Mei íadi bíníemo ite Juzíñamuimo úriraíni nícidogafue iere afe baímo, cai caífo monamo ite úritillaíma Jesús caído jamánomo ñúefuena nícidote. Mei jíi, afe Jesucristo caímo zuitaca Juzíñamui ñuera caíri comue finóllífue, jaiái Moisés



lloga finóllifue baïmo ñuera. Mei Moisés ocuica uai baïmo, Juzíñamui uícodo lloga cómofue jamánomo ñuera uáïmona comuídeza.

<sup>7</sup> Afe Moisés lloga nanoide finóllifue, comini jílloïllena ñue jínoïadi, jíáïe uire iite ñue finolle uai jítaïñeítiaïoï. Mei íadi afe naonide uai íaïoï jíllloïllena figo jínoñede.

<sup>8</sup> Afe nano ocuica uai jeire otino nahí jaïcinaidífue mo figo dúciñediaïoï. Dúciñediaïoïmona, Juzíñamui ie Cuegáuaimo íaïoïna daïde:

“Uire jíáïruido nana Israel náïraïmo comue ñue cue finóllifue ócuiticue, naa Judá náïraïri.

<sup>9</sup> Jaïaï íaïoï uzútiaïmo cue daïna ocuica uai izóï, ócuiñeíticue.

Jaïaï aféruillaïdo Egipto éniemona afémaci billa llezica íaïoïna ífódicue:

Ua afémacina izire úicaidicue.

Mei íadi cue lloga ocuica uaina nano íanori fáicanocaïllano, áfena figo náfueñediaïoï.

Afe jira íaïoïna zóofeticue,” Juzíñamui daïde.

<sup>10</sup> Nai nane íaïoïna lluno Juzíñamui daïde:

“Uíreitiruillaïdo Israel imácimo bie izóï cue ñue comue finóllifue ócuiticue.

Aféruillaïdo cue ocuica uáïllaina íaïoï ífócimo jaïcina déítaiticue.

Ua aféuaina íaïoï comécido jeire íaïoïna otátaiticue.

Iemona afémacina dama cúeïena nane meine abïdo máïñoíticue.

Afe llezica íaïoï nahí Juzíñamuina ííticue.

Iemo cue náïraïna íítiaïoï.

<sup>11</sup> Aféruillaïdo nana afémaci uáfodo ñue cuena ónodiaïoïza, cuena íaïoï onóïllena abi diné jíáïma llónide.

Iemona ie abi ímíiaïmo buna Juzíñamuina onótanide. Daje izóï dámie ie ámamo Juzíñamuina onóïllena llóñeite; mei nana cuena ónodiaïoïza.

Naga jamáïmie, íemo jíáï naga jamánomoide ríredillaïma, nana daje izóï cuena ónoítiaïoï.

<sup>12</sup> Nana íaïoïmo cue dúecaïllamona íaïoï fiëni finócafuaïaï ibana óñeíticue.

Nana íaïoï comeci íaïfuaïaïna jaca ninomo féítaiticue.

Aféfuaïaïna úibiñoñeíticue,” dinó Juzíñamui daïde.

<sup>13</sup> Bie méífodo lloga Juzíñamui finóllifue, cómofuena méïduamona, afe uícodo Moisés lloga finóllifue jae jaiáïza feide. Afena Juzíñamui daïí uáfodo llote. Iemo naga jaïaï raa zabízaiïlamona raïre oni dotánocaïga; oni dotánocailleza cíóñelle.

## 9

*Bíniemo ite Juzíñamuïmo ánozïrano, jana izóï jíáïe monamo ite Juzíñamuïmo ánozïrano cai fídítate*

<sup>1</sup> Afe nauï nano lloga finóllifue llua llezica, Juzíñamui íemo ánozïraco nitátate. Afe nitátaja dáaruido, comini Juzíñamuina íóbitalle uailaï afémacimo daje izóï lloga.

<sup>2</sup> Afe lloga Juzíñamuïmo ánozïraco Moisés nitátaga. Afeco ere niñeno jédaciede iníroina íbaïcaco. Afe áreco ero ménaco titaca. Jinóidico Juzíñamui Ñúeco daïna. Afeco eromo áillue mechera izoide egáñora ite. Siete diga dájemona boode raa ite. Dáanomo Juzíñamui díbénemo oni énéorie rairuica pan jónerabani ite, naa afe páanaïari.

<sup>3</sup> Afe ánozïraco jofóidico Jamánomo Ñuera Rairuícaco daïna. Afe jofóidico daje izóï jédaciede iníroina ruica diné eróicana nacona íbaïca. Jédaciede jígaroi izóïdena fetaca.

<sup>4</sup> Afe fetaca jédaciroi abïmo uguci jobáïrabani ite. Bibani llíáïde órona jinófene aífítaga. Bie jofóidico eromo daa áillue ráaniaï éënorá ite. Cajona eroïde. Afe éënoraco nana jinófene órona aífítaga. Afe éënoraco eromo Juzíñamui nofici

ibícimo cuega ocuica uailai ite. Ie jira afeco nofíbícimo cuega Juzíñamui cai ocuilla éenuacona mameina. Iemo afénomo daa oro finoina nogo ite. Afégomo ite Juzíñamui monámona cocítaga güille. Afe güille mámei maná. Daa afe éenoracomo Aarón jigüida izoide radozi ite. Afe idozi jamai jazici radozi óinaza dúididozi. (Zícorede juzítufe izóíñede.) Mei íadi Juzíñamui afe idózina éniemo riñeno, fia táinomona zicótano raire ñue llizítate.

<sup>5</sup> Afe éenoraco ibáirabici emódomo mena oro finoina Juzíñamui abi imácina eroide jana naidáide. Mei íadi afe íaillinoi íáicorede. (Afe íaillinoi mámei ríaimona “Querubines.”) Afe íaillinoi conima uiécomo eróidiaillinoi. Iaillinoi naidaina cígimo Juzíñamui cíocaifirede. Afe Juzíñamuina cíóñenaza; dama ie abi egáñuana cíófirena. Afénomo faga tóinai díena recuífirediaioi. Daií recuífirediaioi, Juzíñamui meine abido comínimo dúecaillano, íaioimo ite fiénidifue iba íaioimo óñeillena, ua afe ícoinia íaioina duere fínoñeillena. Nana afe dibénemo ite duera nícidogafuiana ja birui benomo llónide.

<sup>6</sup> Afe ocuica ánoziraco nilla mei, íemo naa ie jofo ero ráaniairi fínua mei, comínido Juzíñamuimo úriraini jinóidicomo jáifirediaioi. Afénomo íaioimo ocuica comínido Juzíñamui íóbitalle ráaniai finófirediaioi.

<sup>7</sup> Mei íadi afe jofóidicomo, dama Juzíñamuimo úritillaime jáifirena. Aféllaime naga fimónaiaido dácaiño afeco jofo eromo jáirede. Faga tóinai díena jaca jofo úifirede. Dama íemo ite onóñeno finoca fiénidifue ícoinia daií díena Juzíñamuimo izájide. Ie mei nane nana comini íaifue ícoinia jáie díena Juzíñamuimo izájide.

<sup>8</sup> Bífuiaido Juzíñamui Ñuera Joreño daa jáifuenta cai fidítaiacade. Afefue daide: “Baie jinóidico nai illa llezica, jofóidicomo jiba comini jaille nai rairuírede. Ua aféruillaido jofo dama Juzíñamui illánomo jáinidiaioi.

<sup>9</sup> Nana bie Moisés illágimado nícidogafuiai birui cai onóillena canode. Ua comínimo ácatafirega raa izoide, aféruido Juzíñamuimo ánozillena nigaco, naa afe eromo íaioi nícidogafuiai, ñue jáicina caina onótate. Biruillaido judúuai aillo faga tóinai jáie fia fecaca raa diga, Juzíñamuimo nai izájifirediaioi. Mei íadi afe bíedo íaioi comeci Juzíñamuimo ñue jáicina jóitanide, mei íaioi comécimo ite fiénidifuiiai nai féitañegaza, fia ibaica izóí íteza.

<sup>10</sup> Nana afe íaioi nícidogafuiai fia jinófene ífuiiai. Níie izóí íitiaioi daide. Dárie íaioi güille, jirole diga fimairillafuedo úrite. Afe izóí fia emódoide múiñuafuedo úrite. Nana bífuiiai fia nano nié dino comínimo ocuica, mei Juzíñamui jáifuenta méidolliruimo nai dúciñedeza. Ie jira aféfuiai daa aféruillai íena ráifide.

<sup>11</sup> Mei íadi caido Juzíñamuimo úrifireitillaime Jesucristo, jae caimo dúcide. Afémiedo ñuera cáimafuiai caimo zúide, mei ua nahí Juzíñamuimo ánoziracomo afémie jaináideza. Afe jaiai biniemo ite comini niga Juzíñamuimo ánoziraco jaboide. Afécomona cai íóbillafue baimo, Jesucristo jamánomo ñuera jíllonafue, caifo monámona ana caimo zúitaibite. Afémie afe nahí Juzíñamuimo ánoziracomo dúide; afeco biniemo comini níñega. Dama ie nahico monamo ite.

<sup>12</sup> Nana comini íena, dácaiño afeco eromo ite jofóidicomo afémie jaide. Ie jailla llezica chivo die, juráreto jiza die diga uiñede; mei jáífodo dama ie die uite. Mei jii, afémie íaifuenidimiena íllamona, cruzmo cai ifomo tíllano, ie die tótado zíñona cai jíllonafue ote.

<sup>13</sup> Jaiai Moisés daina izóí, íaicaillamie íemo ite íaifue bie izóí muiñórede. Muiñoñegamie Juzíñamuimo dúide comini cígido macánide. Daje izóí afémie

Juziñamuimo nabáirinide. Ie jira faga tóinai die atírede. Iemo jiáie Juziñamuimo mameca juráreto jiza jobailla afe jízechoma atírede. Ie mei afe íaicaillamiemo aféchoma júdairede. Iemona afémie íaicaíñegamiena jaide. Mei jínofena muiñócaza. Ja Juziñamui comínimo meine abido caimare úirede.

<sup>14</sup> Mei jii, Juziñamui dáinamona afe tóinai die riírede, come jinóidifuemio muiñóllena. Afefue daiítania, ua onódicaiza. Mei Jesucristo die jamánomo riírede. Ua dama afémie ñue nífuenidimienado Juziñamuimo ie abi dama izáibite. Afe ziiño Ñuera Joreño ie cánuado Jesucristo dama ie abi Juziñamuimo izájide. Iemona ie die tótamona nana cai comécimo ite íaifuiaina muiñótate. Ua nana cai jaiáimona nícidogafuiiai caina ziiñona cáatañede. Mei íadi Jesucristo díedo cai comeci múiñua mei, ua ziiñona cáatagacai, afe jaca nahí caade Juziñamui ocuícano ráiruiñeno cai jetállena.

<sup>15</sup> Ie jira Jesucristo jae Juziñamui comue finóllifue caimo jino zúitaitimie. Afémiedo nana Juziñamui nizécano uafue uícomo lloga ziiñona cáimaduafuena maiñóritiaioi. Juziñamui daií nana comini jíllloillifue uícodo mamede, mei dama Cristo tíllado comini fiénidifuiiai Juziñamui dote. Ua jaiiai uícodo lloga nanoide finóllifue illa llezica, nana aféruimo afémaci fiéni finócafuiiai ja birui Cristo tílla jírrari, Juziñamui dote; duano, nana íemo ínotinona jíllotate. Daií Juziñamuimo ziiñona caimare nabáirillafue maiñódiaioi.

<sup>16-17</sup> Afe maiñórrillafue, come tílla méifomo íitífue izoide. Dámie tíadi ie fiébide feci raa jáimie oni llánoga. Afémie nai tíñenia, feci raa oni llánoitimie minica raana nai llánonide. Ie jira oni llánoitimie íemo dúide raa maiñóllena, afe raa naama tílla jítaírede. Daje izói Juziñamuimo caimare nabáirillafue cai maiñóllena, Cristo tílla jítaírede.

<sup>18</sup> Afe jira jaiiai uícodo lloga Juziñamui ñue finóllifue tániaruimo díena recuíñorediaioi.

<sup>19</sup> Moisés nana afe ocuica uaillai nana comínimo jino llua mei, afe uaillai cuiábicimo faga tóinai díena cuirínote. Daje izói afe mei nana comínimo cuirínote. Ua llua mei, Moisés duera “hisopo” daína raroci llínote. Llínuano, afécimo jáirede oveja itíraína maite. Iemo jáinoina jaicuica díedo afe rarócina riáitate. Ríaitano, ocuilla uai cuiábici naa comíniri díena cuirínote.

<sup>20</sup> Cuirínua llezica Moisés daide: “Juziñamui ómoiena ocuica ie finóllifue bie die uafue daiítate,” daide.

<sup>21</sup> Daje izói aféruillaído Moisés íaioi iniroi finoina Juziñamuimo ánoziracomo díena cuirínote. Daje izói nana afeco eromo ite Juziñamui íóbifirena raamo díena cuirínote.

<sup>22</sup> Ua, Moisés ocuica uai daína izói jamánomo diga raa, díedo Juziñamui dibénemo dua izói ñue finoca. Iemona die tótañegana comini comeci íaifuiiai íba jaca órede.

### *Cristo dama ie abi Juziñamuimo izájille comini fiénidifuiaina muiñode*

<sup>23</sup> Afe comini niga Juziñamuimo ánoziraco Juziñamui ocuide, naa afeco eromo ite ráaniairi. Iemona nana afeco eromo ite ráaniairi Juziñamui dibénemo ite nahífuiaína jánana cai ciona izói caina onótate. Nana bíniemo ite afeco ero ráaniai Juziñamui illánomo nahí itífuiiai jana. Ie jira bíniemo ite ráaniai dibénemo figura Juziñamui daiíllena, bie die recuille jítaírede. Mei íadi Juziñamui nahí illánomo jáifireitino dibénemo, bie die baímo ñuera Juziñamuimo

fia izájifireille raa jitáirede, afémacina Juzíñamui iere figura daiíllena. Ua tóiniaí die baimo Jesucristo jamánomo ñuera die jitáirede.

<sup>24</sup> Iemona Cristo tílla lezica, afe Cristo biniemo ite comini niga Juzíñamuimo ánoziracomo eromo jofó jáiñede. Afe bico fia nahico jana. Mei jáífodo Cristo, Juzíñamui nahí illánomo caído úrillena jae cíocaizaide.

<sup>25</sup> Afénomo Cristo dama ie abina, diga icaiño meine nane izájiñede. Mei íadi biniemo ite Juzíñamuimo comínido úritillaíma, naga fimónado faga tóiniaí die uillano, afe Juzíñamuimo jáiraco jofoidede iere ñuera rairuiredicomo jaide.

<sup>26</sup> Afémaci jáifirena izói Cristo jáifiredena figóñede. Mei nibai afémie daí diga icaiño jáiadi, íemo énie finuaruimona afémie afe izói diga icaiño meine abido tírede; mei íadi afe izóiñedeza. Afémie cai illáruillaído jaiai lloga Juzíñamui finóllifue fuilla lezica, dácaiño fia cómena íficaillano caimo cíocaizaibite. Ua afémie biniemo cai jáinona ie tízaibillado, nana caimo ite fiénidifuiái niné féillena oni dote.

<sup>27</sup> Ja onógaza, naga come biniemo dácaiño tíide. Tílla mei, íaiói illafue Juzíñamui jáicina jicánoite. Aféfuena daje izói ñue onódicai.

<sup>28</sup> Daje izói Jesucristo, comini fiénidifuiái oni dóllena dácaiño tízaibite. Ie mei uire jáiruido afémie fiénidifuiái na duáibiñeite; mei jaiai ie dógaza. Mei íadi afémie uafue meine dáanomo cíocaizaibite, nana íena izire úiñoidinona jíllotano monamo ie illánomo úillena.

## 10

<sup>1</sup> Mei jaiai Moisés ocuica uai naa ie lloga níciduairi, ico nirui bite caimare illífuiaí jana. Afe ie lloga jáiaifue nahífueñede. Moisés bie ico zúitífue cai onóillena jana uícodo llote. Iemona naga fimónaíaido faga tóiniaína íaiói úifirena, íaiói comécina figo jáicina jóitañede. Mei uáfuena, afe faga tóiniaí íaiói úifirena Juzíñamuimo ánozidino nahí íaifuenidinona jáitañedeza.

<sup>2</sup> Mei daí uafue íaifuenidinona íaiói jáiadi, nibai afe tóiniaína izájifirenana fáicanocaidiaíoi; mei jáífodo fáicanocaiñediaíoi, nai comécina jáicina jóoneñegaiaíoi za. Daje izói áfedo Juzíñamuimo ánozidino comécina íaifuenina nahí nífuenidinona jáiadi, nibai jae íaiói fiénidífue izire íaióimo iñede. Mei íadi íaiói fiénidífue jaca izire íaióimo ite. Iemona onódicai, tóiniaí fecáfirena íaifuenina figo doñede.

<sup>3</sup> Mei íadi afe fatá Juzíñamuimo izájitaga tóiniaína ciónamona, comini íaiói fiénidífue naga fimónaíaido úibicaitagaiaíoi.

<sup>4</sup> Mei jii, juráretuai, chívuaí die diga, jaca come fiénidifuiái dónide. Mei áfemo ua dolle riino iñédeza.

<sup>5</sup> Ie jira Jesucristo biniemo bíacana lezica ie Moo Juzíñamuina daide:

Omo fia fecaca faga tóiniaína gáñedioza, comínina iere figura o daiíllena. Mei jáífodo énie cómena ja cuena jéicitaitio.

Afemona cue tílledo íaióina óiena nífuenidinona jáitaiticue.

<sup>6</sup> Ua comini íaifue ícoinia jobaica tóiniaí ja birui ona ióbitañede.

<sup>7</sup> Ie jira ciegánico cuedo úrilla izói birui ona daidicue:

“Moo Juzíñamui benó biniemo o comeci jitáillafue finuaibiticue,” daide.

<sup>8</sup> Nano fueñe afémie daide, nana afe Juzíñamuimo fia fecaca tóiniaí, íaifue ícoinia jobaica tóiniaí diga Juzíñamui comécina zuitañede. Ua íena ióbitañede, nana afe nícidogafue jaiai ocuilla uai daína íadi.

<sup>9</sup> Afe emódomo Jesús daide: “Moo Juzíñamui, ja o comeci jítáillafue birui benomo fínuaibiticue.” Daií Juzíñamui nana afe jaiai ocuica nícidogafuiaina zóofete. Zóofiano, afe méifomo Cristo dama ie abi cruzmo izájillafue Juzíñamui jeire ote, ñue comínimo caimare érocaillena.

<sup>10</sup> Daií Jesucristo, ie Moo Juzíñamui comeci jítainafue izói finode. Daií ie fínua mona jae dama Juzíñamui nabaina ñue finócamacina jáidicai. Mei jii, Jesucristo dácaiño jaícina nana cai fiénidifue oni eneno féitate. Mei ninomo féiñeitena cruzmo dama ie abi Juzíñamuimo izájideza.

<sup>11</sup> Naga judío Juzíñamuimo comínido úriraima nágaruillaido naidáillano daje izói faga tóiniaina Juzíñamuimo izájifirede; mei íadi afe ríllado comini íaifuiái dónide.

<sup>12</sup> Mei jiáfodo Jesucristo dácaiño comini fiénidifue ícoinia duere zefuida, tízaibite, afe izói dáanomo íñeillena. Ie tílla mei meine abido cáailano caifo monamo Juzíñamui nabézimo ráinazaide, nana comini íaifue múiñuana fuilla jira.

<sup>13</sup> Dinomo, nana ie fairíconi ie anamo íaioi itábicaillena afémie úiñoide.

<sup>14</sup> Mei jii, Jesucristo, dácaiño ie Moo Juzíñamuimo ie abina izájide. Afe izájillafuedo, nii cruzmo ie tíllamona, nana caina ie nabaina ñue finode. Jae nana cai comeci íaifuena ñue múiñuano jaca ninomo caimo caimare érocaide.

<sup>15</sup> Aféfuemo Juzíñamui Ñuera Joreño uaina nabáide, iere uafue cai daíllena. Ñuera Joreño Cuegáuaimo daide:

<sup>16</sup> Juzíñamui daide: “Uire jiáiruillaido cue comínimo bie izói jiáie como cue finóllifue llóiticue, naa jiáie cuemo ínotinori.

Aféruillaido cue ocuica uáillaina íaioi comécimo jaícina onótaiticue.

Ua afe uallai íaioi ifócimo ñue jino denótaiticue,” daide.

<sup>17</sup> Ie mei nane emódomo daide:

“Nana íaioi fieni finócafuiái ibana otátañeiticue.

Daií oñena llezica, íaioi comécimo ite íaifuiaina jaca niné féitaredicue.”

Dinori Juzíñamui daide.

<sup>18</sup> Nana comini fiénidifuiái daií dua mei, jiái íaifue ícoinia dóllena fatá fecaca tóiniái jae jítaiñega.

### *Juzíñamuimo cai áinozillena jítáirede*

<sup>19</sup> Iemona, ámatiai, cácarei. Jae Juzíñamuimo cai jáillio uáfodo túide. Ua ie nahí illánamo, afe iere ñuera rairuícacomo caimare jacíruiñeno íemo úrizairedicai; mei Jesús cairi tízaibillano caina Juzíñamuina éoitadifue oni muiñócaza.

<sup>20</sup> Afémie tuiñoca io ñuera rairuiredico jédaciede íbáiraroido joide. Jira Juzíñamui illánomo cómena cáataite comue io Jesús tuiñuano, afe iodo afémie caina ifode. Afe io tuiñóllena dama ie abi izi cácatate, íemo cruzmo duere zefuírede.

<sup>21</sup> Iemona Jesús nana Juzíñamuimo ínotinodo Juzíñamuimo Uritillaimana jae jaide.

<sup>22</sup> Afémie ja cairi úrioinamona, mai Juzíñamuimo jacíruiñeno omoi ánoziri, mei íemo ñue cai ínuamona jae meáiruiñedinona mamécacaiza. Ie jira jífuenide comécido, mai omoi ánoziri. Ainozillano, mai íemo caimare cai úrilli. Ua táinona lloñeno mai íemo comeci cai facalli. Mei nana cai íáirede comeci ícoinia afémie jae jaícina oni féitagaza; ua come abi ñue jáinoido jocoina izói comécina muiñócacai.



<sup>23</sup> Afe uáfodo jino comínimo cai lloga Juzíñamuimo caimare cai úrillafuena, mai fáicanocaiñeno áfemo izire cai ñnofireilli, mei afefue caimo llotímie Jesús jaca ñnofiregamieza.

<sup>24</sup> Daje llezica illa dígamierie, mai conímamo ñue cai comécilli, conímama cai izíruillino cai jenóllena. Daje izói jíáimana ñúefuina rairuíño jieruillinona jenóredicaí.

<sup>25</sup> Daje izói omoi Juzíñamuimo gairífirenafuena mai féitaño iri. Dáarie aféfuena féitafirediaíoi. Daí illa fiénide. Mei jíáfodo, Jesucristo meine billirui raire dúciacanana omoi onónamona, mai conímama ñue úrillauaido comécina caimare cai náireitalli, nana cai ñnogafue féíñellena.

<sup>26</sup> Juzíñamui llogafue daide: Jaca dama Jesús tíllamo cai ñnuamona jílloredicaí. Aféfuena cai ie onótaja mei, mei íadi afe uaina nai cai ruifíruioiadi jae abi dine jíáie cai íaifue múíñoitena íñede.

<sup>27</sup> Daí ruifíruioiðimacimo jamánomo izire jácifue zúite, mei Juzíñamui duere íaíoi finóllifue mo jae ánozideza. Afémie iere íaíoi mo rícaillano iere boode jíáfodo joide iraimo íaíoi na duere zefuítaite. Ua nana Juzíñamuina bacáuaredinona irai amena cuarita izóidemo, Juzíñamui íaíoi na ðinomo zíñona duere zefuítaite.

<sup>28</sup> Moisés ocuica uaina ruifíruitimiena raire titádiaíoi. Ua, mena nibai daámani uai nabáiraini ðaina uáimona, íemo dúecaiño íena titádiaíoi.

<sup>29</sup> Mei Moisés ocuica uaina ruifíruitimiena daí duere finóbiteza, Juzíñamui Jitona ruifíruitimie mo jamánomo izire duere finóllifue, afémie mo zúiteza. Afémie Jesús ðiena jámairuitimie. Afe tíllamo totaca díedo, afémie nauí dácaíño Juzíñamuimo oni eneno nizécamienna jaide. Mei íadi Jesuna ruifíruitimie caimo dúcaífirede Ñuera Joréño na íaire daíífireðimiena jaide. Daí ítimiena iere Juzíñamui duere finórede.

<sup>30</sup> Ja birui daí ítimie fiénidifue iba ófiredimiena onóðicaí, nímie cai Moo Juzíñamuina. Afémie daide: “Afe iba ófiredimiedicue. Ua nana íaífuiaí ibana duere finótafiredimiedicue,” dáideza. Jíáinomo Juzíñamui Cuegáuai daide: “Juzíñamui ie comini comeci ífuena jáicina jícanoite. Jicánuano íaíoi mo dúide duere finóllifue ócuite,” daide.

<sup>31</sup> Daí ie úrillana cai onónamona, caade Juzíñamuimo duere finóllena izájina jamánomo jacírede.

<sup>32</sup> Mei íadi nauí íanori omoi illáfuemo uibíoiri. Aféruimo ñúefuena omoi onona mei, aillo duere zefuíðiomoi, mei íadi aféruimo omoi ñnogafue fáicanocaiñeno ñue ocuíðiomoi.

<sup>33</sup> Dáruillaído uáfori comini eróicana báíñuano duere finócaomoi. Jíáíruillaído daí finócamacimo omoi nabáillamona duere zefuítagaomoi.

<sup>34</sup> Afe llezica llaveca ámatiaímo dúcaífireðiomoi. Afe baímo, ómoímo ite ráaniaína jíáimaci báiruana caimare rairuíñeðiomoi, mei onóðiomoi za, bíniemo ite raa baímo, jamánomo ñuera jaca baíronide raa ómoiena monamo íteza.

<sup>35</sup> Ie jira nauí izire omoi ñnoga uaina mai birui omoi féitaño iri. Aféuaina ñue omoi ñnofireiri, mei ícoímo iere ñuera jíridoga ízoide raa máíñoitíomoi za.

<sup>36</sup> Juzíñamui jítainafuena omoi jíeruilla llezica raire comeci járidoño ireðiomoi. Ua, omoi ñnoga ñúefue, omoi are jáicina llocana uille mei, Juzíñamui uícode lloga caimare jíllonafuena máíñoitíomoi za.

<sup>37</sup> Mei jí Juzíñamui Cuegáuaimo daide:

“Ja íanori íllamona, uícode lloga bítimie Jesucristo, jízíño raire dúcizaíbite.

<sup>38</sup> Afémie nai biñena llezica, níñfuenidena cue mamécamié, cuemo ie íñnuado nágaruillaído camare ie illano, cuena ióbitaite.

Mei íadi afémie afe ie íñnoga uaina meine abído féitaiadi, afémieri íobiñeíticue,” dínó Juzíñamui daide.

<sup>39</sup> Mei íadi meine abído féitaino dibénemo jaináíñedícaí. Afémaci daí íaíoi íñoñenamona jíllóñeítiaíoi. Mei jíaífodo cai bie Jesucrístomo íñnotinodícaí, daí dani cai jíllotagacai.

## 11

### *Juzíñamuimo cai íñnuafue*

<sup>1</sup> Mei ¿mínica íñnuafuena? Íñnuafue Juzíñamui daina uaina jeire cai uafue. Íñnuamona cai úiñoga cáimafue jeire cai ollínona onódícaí. Daje izói Juzíñamuimo íñnuamona, ie lloga cáiena mameca ñuera raa cióñena íadi, afefue ua íllana comécido ua onódícaí.

<sup>2</sup> Ua, íñnuafuedo judíuai jaiáidígimamona Juzíñamuimo jaináidímíai, Juzíñamui comeci jítaillamacina jáidiaíoi.

<sup>3</sup> Juzíñamuimo cai íñnuamona, Juzíñamui ie úrilla uaido bíníe fínuana onódícaí. Daí ie fínuado nana bie cai ciona énie, táinomona Juzíñamui comuíate. Ua, mínicana íñédeza cióñena ráamona naga ráaniaí comuíbicaide.

<sup>4</sup> Juzíñamuimo íñnuano Abel, Caín fecaca baimo, ñuera Juzíñamui ióbitalle raa fécaíbite. Iemona Abel Juzíñamui dibénemo jaícina itímiena jaide. Juzíñamui jíeruigamiena jaide. Mei Juzíñamui Abel fécaíbiga raa llíñnuamona, Juzíñamui comeci Abelná jítainana onódícaí. Daí Juzíñamui íena jíeruillafuedo Abel jaícinaidífue mo Juzíñamui uai nabaide. Afe Abel, jaiái úicodo Juzíñamuimo ie íñnuado ñue illáfuedo jaide. Aféfuena cai fídiamona, afémie titácamié íadi, ie íñnogafue, úrillauai izói caimo úrite. “Juzíñamuimo ñue cai íñnolli,” caína daide.

<sup>5</sup> Iemo Enoc Juzíñamuimo ie íñnuado tíñeno caífo monamo uiga. Daí tíillana ie ónoñeíllena, cáanori monamo Juzíñamui uiga. Afe mei afémie bíníemo cióñenamíe, mei afémie Juzíñamui úigaza. Afémie nai úiñega Juzíñamui ióbitadímíe dainámíe.

<sup>6</sup> Mei jí, Juzíñamuimo cai íñoñenia jaca íena ióbitanidícaí. Dáamíe Juzíñamuimo ánoziacania, Juzíñamui nahí illánona úicodo ie íñolle jítaírede. Nane íemo nana izire íena onóiacadíno, ñue íbana dama ie abí ífuena íaíoi na onótaite. Aféfuemo úicodo daje izói íñnorediaíoi.

<sup>7</sup> Daje izói Noé, Juzíñamui lloga raire bíite nai cióñena duere finóllífue na fídiano Juzíñamuimo ñue íñnote. Íñnuano áillue jofóredícae finode, áfedo nana dama ie comíní daí jíllóíllena. Noé daí dama Juzíñamuimo íñnuado, nana jíaíe íñoñede comínímo duere finótatiuai jino íaíoi mo llote. Afe izói Juzíñamuimo íñnuado Juzíñamui comeci jítaina níñfuenidímíena jaide.

<sup>8</sup> Afe mei jaiáidíruimo Juzíñamui Abrahana jírite, jíaíe éníemo jaiáníllena, áfeníena íco jíáíruido íeíena maíñóllena. Abraham Juzíñamuimo íñnuamona afe jírilla uaina cacáíllano, raire ie illániemona oni jíáínomo jáizaide, ie dúcíillíno nai ónoñega íadi.

<sup>9</sup> Abraham nai Juzíñamuimo íñnuamona, Juzíñamui íemo fecáacaíga éníemo fía jícánemíena díga fímona fía íte. Ua, íniroi níina úicaífírega jofomo aféníemo are íoide. Daje izói Abraham comuítaga jíto Isaac, dínómona Jacob díga

afénomomo daje izoide iniroi nillácuaimo are itíallinoi naa ie comíniri. Juzíñamui daje éniena fecalle uaina Abrahamo llua izói, afe íaillinoimo uícodo llote.

<sup>10</sup> Ua Abraham afe jamai illácuaimo dama íeieñede éniemo caimare íoide. Afémie caimare ite, mei Juzíñamui dibénemo ite caimare táinocaitanide illínomo dúcillena afémie úiñoideza. Afe caimare illico Juzíñamui mamérillano dama ie uaido niga.

<sup>11</sup> Daje izói Abraham ai, Sara, Juzíñamuimo ínuamona, jamánomo jónaite íadi, fueñe úruerena ríino ote. Iemona daa jító jocode, mei Juzíñamui aféngona aféfuena uícodo daína uai, afengo iere ñue ínoteza. Afengo bie izói daide: Bímie ie daína uaina jíáifo méidofinidímie.

<sup>12</sup> Iemona Abraham iere jónaite íadi, iere aillo erófene igímaiaína jebuítate. Ua jamánomo diga nairai jebuide; ñi ja lloga monamo ite facádonide úcuai izói itíaiói. Nane monáillai fuédamo ite facádonide guamai izói jebuídiaíoi.

<sup>13</sup> Nana cai lloga comíni Juzíñamuimo nai íaiói ínoina llezica tídiaíoi; nana Juzíñamui uícodo lloga ñúefuiaína nai llínoñediaíoi, tíilla. Mei íadi afe lloga ñúefuiai ico jíáiruimo zúillena jícana fidídiaíoi. Fídiano caimare aféfuemo ínuano comécidiaíoi, mei bínemo ónoñega jicánemacina íaiói illa raire méaicaiñeno llotíaíoiza. Uáfuena bíniedo jaiánicana jáidiaíoi.

<sup>14</sup> Nana daí llotino, daní íaiói nahí illínomo íaiói jáiacanana llotíaíoi. Ua jíáie éniemo jáillana íaiói úiñoínana caina fidítate.

<sup>15</sup> Daí íaiói dánamona, mei ñibai jaiái íaiói illániemo comécidiaíoi. Daí íaiói coméciaíadi diga icaiño meine abido afénomomo jáirediaíoi. Mei íadi abido afénomomo jáíñediaíoi.

<sup>16</sup> Mei jíáinomo comécidiaíoi. Jíáie jamánomo ñuera illánomo, monamo ite Juzíñamuimo nabáirizaillinomo izire úiñoidiaíoi. Daí Juzíñamuimo íaiói ínuamona, Juzíñamui iere íóbite. Bie jaiánicana jáidino Juzíñamuina dáíadi: “O cue Juzíñamuidio,” daí íaiói dánari Juzíñamui méaicaiñede. Mei íaiói jofue izoide ñuera illino, dinomo Juzíñamui diga zíñona nabáirizaillena, Juzíñamui jae finócaza.

<sup>17-18</sup> Naui Isaac jocoina llezica Juzíñamui Abrahamana daide:

“O úicoitigíma bie jító Isáacimona aillo jébutiaíoiza,” daide. Diga iruillai íllamona Juzíñamui dáaruimo Abrahamana ínuafue facátate. Iemo Juzíñamui ocuilla izói, Abraham nai Juzíñamuimo izire ínuano, ie jító oni uite, tílada Juzíñamuimo fecállena.

<sup>19</sup> Mei Abraham Juzíñamuimo ñue ínuano comeci facade: “Juzíñamui jamánomo ñue ríinoredímie; tíide come meine cáataite ríino íemo ite. Cue jító tíidena Juzíñamui meine íena cáatarede,” daí Abraham comeci anado daide. Iemo, Abraham ie jítóna fáiacana llezica Juzíñamui afémiemo raire úrillano, ie daade jítóna jíllotate. Abraham ie jítóna fañede. Ie jira jíáífodo daírede, tíillanomona Abraham ie jítóna meine abido ote.

<sup>20</sup> Daje izói Juzíñamuimo ínuamona Isaac ie jító íaillinoi Jacóbomo Esaú diga uire Juzíñamui orelle caimátaillifue ua llote.

<sup>21</sup> Daje izói Juzíñamuimo ínuamona Jacob, ie tíizailliruimo José jító íaillinoimo úrite. Urillano ie enaize íaillinoimo uire Juzíñamui orelle caimátaillifue jino llote. Afe llezica ie macara jigüida llínota ie abi mozíñuano caimare Juzíñamuimo úrite, ie íóbitallena.

22 Daje izói Juzíñamuimo ñnuamona José ie tízaillirui áinozillano, Israel comini Egipto éniemona uire oni dani íaiói éniemo jáillifue llote. Afe llezica ie ícuruai aféniemo fiéñeno oni úillena, uícodo uai íaióimo jónete.

23 Diga fimona jailla mei, Egipto ríllaíma nana Israel como jéiciga jitótiaína fazítate. Mei íadi Moisés jocoina mei, ie moo íaillinoi Juzíñamuimo ñnuamona, illáimana jacíruiño Moiseneta retáidotiaillinoi. Dauíamani íena retáidotiaillinoi, afeza iere ñúezana jira.

24 Aféllaíma jiza Moiseneta náamataja mei, Moisés mónailla llezica Moisés aféngomo dúillana ruifíruite; mei aféme Juzíñamui dibénemo jaináideza. Ie jira Juzíñamuimo ñnuamona Moisés afe mámece oni faite.

25 Mei jíáfodo Juzíñamuimo jaináidino cígiri íllana, aféme jamánomo gaide, nana duere zefuídíaiói íadi. Daje izói ie comínina fiene ie zóofiamona raire féite jabo íóbillafue dibénemo íllana aféme gáíñede. Moisés Juzíñamuimo ñnuano ñue coméciide.

26 Bíedo aféme coméciide: “Nana Egipto énie ebírede ráaniai baímo, Juzíñamui dibénemo ie dáme illa jamánomo ráífide, duere aféme zefuide íadi.” Aféme daí comecií facade. Ua Moisés, Cristo ícoínia zefuillano, féitaño daí coméciíofirede; mei Juzíñamuimo ñnuamona baímo ñuera féinide raa izóidífue afe ie jíridollena aféme onódeza.

27 Iemona Moisés Juzíñamuimo ñnuamona, afe Egipto illáimamo ite ríinona jacíruiño Egiptomona botade. Ua jacíruiño afe Moisés oni jaide, mei buna cíóñena Juzíñamuimo fáicanocaiño ñue nágarui coméciífiredeza. Daí ie comécinamona, uído cíónamiemo ñnua izói, Moisés Juzíñamuimo iere ñnote.

28 Daje izói Moisés Juzíñamuimo ñnuamona, Juzíñamui lloga pascua rafue como fueñe finode. Ua Juzíñamui llua izói, Moisés íaiói jofóniaí naze fuédamo oveja díena jíritate. Daí finuamona, Juzíñamui oreca títaite abí ímie nana Israel nano fueñe jococa jitótiaíaimona buna títañede, aillo Egipto imaci jitótiaí tícoízitiaíói íadi.

29 Daje izói Juzíñamuimo ñnuamona nana Israel aillo comini “Jíairede” daína monáillai ñue zaférede iodo ruícafenemo jaitádiaíói, mei afe monáillai jainoi Juzíñamui oni gaitácaza, íaiói ruica jáillio tuiñóllena. Mei íadi Egiptomona racáidino afémaci jailla izói jáidiaíóimo, meine io jáinoina íbáibicaillari coróbaitiaíói.

30 Iemo Israel comini Jericó jofue anáfenoacadiaíói. Afe jofue ríire naídároga nofíbanina cirínoga. Iemo Juzíñamuimo ñnuamona ie daína izói, siete dígarui afe ríire íbaica jofue jinófenedo ífoína macáoidiaíói. Iemona ícoi íruimo afe caífo nitaca nofíci finoina jofue jinófene cirínuabani, Juzíñamui ana éniemo caitade.

31 Daje izói Juzíñamuimo ñnuamona nauí uícodo fiénidíngo, Rahab fañega, nana jíaíe afe jófuemo ite ñnoñedino fazícaicíói íadi; mei Juzíñamui comínimona oreca énieta ñue onóillena méiñoitinona afengo caímare cánuano jofu uáidoteza.

32 Nai jino lloñega aillo ite jíaíe jaiái Juzíñamuimo ñnofiredino. Bibedo íaiói illáfuaína cue llóllena cue abí juánideza, nana llónidícue. Fia íaiói mámeceíai jino llóitícue, íaióimo omoi ñue coméciíoillena. Afémaci Gedeón, Barac, Sansón, Jefte, David, Samuel; daje izói Juzíñamui uai jino llóraini ite.

33 Bimácimona dámerie Juzíñamuimo ñnuamona jíaíe náiraina anáfenodiaíói. Jíáimaci Juzíñamuimo ñnuano Juzíñamui jáicína jóidífueña

comínimo ocuide. Dáarie Juzíñamuimo ínnumona ie uícodo llua izói, Juzíñamui canócaiaioi. Dáarie Juzíñamuimo ínnumona riírede jánallarillaí fuena ibaica izói finode, íena íaioi ríñeillena.

<sup>34</sup> Jiáimaci uzírede iraimo dotácaiaioi ía, nai Juzíñamuimo íaioi ínnumo afe iráimona uzíñeno jino bitíaioi. Dáarie Juzíñamuimo ínnumona fuiríllafuiaimona otábiñeno jino ñue jíllodiaioi. Iemo jóbairo illa llezica Juzíñamuimo ínnumona dáarie maíriñedimíai ñue márimíaina jaide. Daí Juzíñamuimo ínnumona onina bite fuirírainina abido rainódiaioi.

<sup>35</sup> Daje izói Juzíñamuimo ínnumona dáarie ringóniaimona íaioi úruiaí tíide íadi, meine abido íaioimo cáataga.

Mei íadi jiáimaci nai Juzíñamuimo ínnuma llezica, íbátarede tíide jíllotafuena lloñediaioi, mei aféfuedo Juzíñamuina jáanotaiticaí, daídíaioi, íadi Juzíñamuina jáanotandiaioi. Ie jira iere duere zefuítano titácaiaioi. Daítadena lloñediaioi; mei afémaci meine abido caana mei, jamánomo ñuera zíñona illáfuenta méaicaiñeno maíñóacadiaioiza.

<sup>36</sup> Nai jiáimaci Juzíñamuimo ínnuma llezica, fiénide zánonafuiaimona duere finóbidaioi. Jiáimaci riíre zechénogaiaioi. Ua dáarie Juzíñamuimo íaioi ínnumona cúinajano llavécaiaioi.

<sup>37</sup> Daje izói jíaie Juzíñamuimo ínnotino nofíciaina níjicaiaioi; jiáimaci dáafemíaido amena dera izóidedo ñetácaiaioi; jiáimaci caimare taino uáillaido bífuegaiaioi, íaioi ínnuma fue facátallena, íemo lloéfaido fagáiaioi. Jíaie Juzíñamuimo ínnotino, íaioi ínroinina jira, tóica rille igórainna jítaoidiaioi. Daí fla macáoidiaioi, mei jofónidiaioiza. Ua iere ráanidiaioiza. Ie emódomo duere zefuítano iere fiéní finócaiaioi.

<sup>38</sup> Daí finócaiaioi íadi, Juzíñamuimo íaioi ínnumogafuena fáicanocaiñediaioi. Iemona bimaci Juzíñamui dibénemo iere izíruigano; mei íadi bíniemo ite ínnoñedino afe Juzíñamui uaina jeire otínona jámairuitiaioi. Ie jira ínnotino afe ínnoñedimaci cígiri íllena, ínnoñedimacimo figo dúíñede, mei ínnoñedimaci comeci iere íáiredeza. Ínotinona jámairuillano, íaioina oni jíúfirediaioi. Iemona ínnotinomona dáamierie zaféredizicimo jáidiaioi. Jiáimaci caifóneduai illánomo botádiaioi. Iaioi jaillánomo ite ífuaimo ífirediaioi, naa íduai ana ífuairi.

<sup>39</sup> Nana bimaci Juzíñamuimo ínnumona, ñue “figora” daínamacina jáidiaioi. Mei íadi nana Juzíñamui uícodo lloga caimare ñue illífuiaina figo maíñóñediaioi; jabo maíñódiaioi.

<sup>40</sup> Mei Juzíñamui jae uícodo caí canolle jamánomo ñuera cáimaduafue mamédeza. Afe jamánomo ñuera cáimaduafue Jesucristodo caí nahí caí jíllóillífue. Daí jaiái ua Juzíñamuimo ínnotino naa caí diga, birui dánomo jaiái Juzíñamui mameca nahí jíllóillífue dúcíticaí. Ua afémaci naa caí diga, Juzíñamuimo caimare nabáirillafuena jeire óíticaí.

## 12

### *Jesumo ñue jáicina omoi comécioiri*

<sup>1</sup> Ie jira, cue ámatiaí, comécido ñue omoi facari. Ua aillo jamánomo Juzíñamuimo izire ínnotino bíniemo caí uícodo macáoidiaioi. Afémaci Juzíñamui caí íóbitallífuenta caína ífode. Afémaci caí ínnumogafue mo jáicina ífoite uai nabáiraini. Caí abido ífoina itíaioi. Afémacimo caí comécillamona, nana caí jíízitacana uite fiénidífuaí maí oni caí féitalli. Ua, caimo ite fiénidífue, abi



llótaidote iniroi izói caimo jíide. Jínamona jaca caina aruire itátate. Afena fáicanocaillano, Juzíñamui ióbitallifue mo zefuíruñeno mai izire cai nícidolli.

<sup>2</sup> Afe llezica duere cai zefuállano féitano, mai Jesumo comeci cai facalli; mei afémie Juzíñamui ióbitalliodo, ínuaafuedo cai jáillena cai ifódimeza. Mei afémie ie Moo Juzíñamuina féitaño ie fáainaruimo nai íemo izire ínnoide. Daí ie ínua, afémie izói jaícina cai ínollena, afémie cai ifode. Iemona afémie cai ínogafue ñue ícoimo fuitádimie. Ua, Jesús duere zefuide, íadi afe duere zéfuilla méifomo íte cáimafue mo, afémie ñue comécide. Afemo comécioillano uái dáii cruzmo tízaide; mei áfedo nana íemo ínnotino caimare jíllobicaitiaioiza, afémie onode. Iemo afe meáirede tíllana náfueño, abido meine cáadimiena jaide. Afe daí jaillano caifo Juzíñamui nabézimo Jesús ráinazaide.

<sup>3</sup> Ie jira, cai jíánona duere zefuítagamie Jesumo mai ñue omoi comécioiri, omoi duere finóbicaillamona omoi zéfuiruñeillena. Daje izói Jesumo ñue omoi uibíoiri omoi comeci ñue náireillena. Mei afémie fáicanocaiño Juzíñamuimo ínnoicaide, fiénidino íena uáitajano duere ie finódiaioi íadi.

<sup>4</sup> Fiénidifue omoi comécina jíriode, íadi nágarui áfemona abi ráiruifirediomoi. Afemona abi rairuállano iere Juárezde. Iemona jabo duere finócaomoi. Mei íadi fiénidifue na omoi anáfenoacanamona nai tíñnediomoi. Dama Jesús ícoina jabo duere zefuídiomoi.

<sup>5</sup> Afe llezica Juzíñamui caimare llogáuaina nibai jae féitatomoi. Aféuaido Juzíñamui ie úruiaí izói, ómoina llófue; ona riire daide:

“Cue jitó, o Ocuíraima Juzíñamui omo oreca duere zefuítajafue na jámairuñeno iri, mei áfedo afémie ñue ona rairuállano lletádeza.

Daje izói fiéni o fínuamona afémie duere o finóadi, comécina riinidimie izói íño iri.

Mei jíáfodo, abi mámano, ie llétafue na ñue jeire oíri, ñúemiena o jáilleza.

<sup>6</sup> Mei Ocuíraima Juzíñamui nana ie izíruiganona fáicana lletáfiredeza, íaifuenidina íaioi jáillena.

Afe izói nana ie ua onoiga jitótiaina llorebai mailla izói due ízitate, mei afémaci dama íeieza,” daide.

<sup>7</sup> Ómoina izíruillamona Juzíñamui afe daí ómoina duere zefuítate, ómoimo llófuellena, baímo ñuera ie jitótiaina omoi jáillena. Ie jira duere zefuítagaomoi. Mei onódiomoiza, bíniemo ite moo llétañega jitó ñue móonaiñeiteza. Iemona afe moo nana ie jitótiaina llorebai mailla izói ízitate.

<sup>8</sup> Ie jira Juzíñamui ízitañegamie nibai ie nahí jitóñedeza, móonidiza; mei nana nahí ie jitótiaí izi cácatagaioiza.

<sup>9-10</sup> Afe emódomo cai bíniemo ite móotiaí nauí ñue cai móonaillena, ñue comeci íaioi fácamona, izire caina lletádiaioi. Ua nano íanori illáruillaído caina duere fínuafuedo lletádiaioi. Ua izi cácatagacai. Afe llezica nai cai moona caimare jacíruiticai; jacíruioillano ñue íaioi anamo itábicaídicaí. Daje izói cai monamo ite Moo anamo jamánomo caimare itábicairedicaí; mei afémiemo cai ínuaño, nahí ie jitótiaina comuítagaciza. Nana afémie duere cai fínuafue cai dibénemo aillo ráifide, afémie ebire ñuera illa izói, daje izói cai íllena.

<sup>11</sup> Ua, ja onódiomoiza nana izi cácatafue mo illa llezica, áfena gáñedicaí. Mei íadi afe izi cácatafue záilla mei, áfedo lletácano, Juzíñamui anamo ñue jaícina íficaillano, comécina jacíruíñedina caimare jáiticaí.

*Juzíñamui uaina ruifruilla iere jacírede*

12 Juzíñamui daií omoi llétajana omoi onónamona, mai abí omoi mame. Ja abina náinidino izói omoi iñeno iri. Omoi zúurede comeci náiretari.

13 Afe llezica omoi duere zefuillafuemo, mai bífuemo jaícina comeci facádori. Aféfuedo daiíri “Juzíñamui ióbille jitótiaina móonaitagacai.” Daií o dánamona, jiáie ómoimona Jesumo ñnogana féitaacadino, comécina caimare náiretario. Daií ie náireillamona afémie meine abido Jesús uaina izire ñnocana jeire óite.

14 Afe emódomo nana comíni cigiri, mai comeci rícaitañeno cáimafuemo omoi iri. Daje llezica, Juzíñamui ebire ñue illa izói, afe dibénemo mai omoi abí ífuiái nágarui méidocana uiri. Bie izóidifuemo omoi nai iñeniadi jaca buna Juzíñamuina cíõneille. Mei íadi comeci íaininafuemo cai íadi, íena cíoiticaí.

15 Juzíñamui caimo fecaca cai ie cánuafue aillo ite. Bifue nana jeire omoi ófireilleza izire omoi coméciri. Daií íllamona buna fiénidifuemo oni nibéfodo báíñeiteza. Daa daií oni fiénidifue dibénemo baídimie nana jiáimaci comécina fiene finode. Mei ji, duere zefuillamona Cristo dibénemo figo jaináiacañedimie, jucúrede juia izoide. Mei afe juia illemo totáa, nana áfeji jucúredijina jaide. Daiítade come nana ie aino comínina daje izói figóruiñede. Afemona abí omoi rairuiri.

16 Daje izói nana jiruírenafuiaimona abí omoi rairuiri. Afe llezica ómoimona dámie Esaú illa izói iñeno iri, mei afe Esaú jaca Juzíñamui jítainafuemo figo comécíñedeza. Aféfuena jámairuillano, afémie nánoramie íadi, íemo ite maiñórilla ríino, fia due jiza güille íbana fecade.

17 Afe Esaú illáfuena ñue onódiomoi; mai aféfuemo omoi comécioiri. Ico íirairuimo ie moo ézicirafuena Esaú maiñóacade, íadi ie moo ja íena ruifíruite. Afémie comeci ífue méiduoano écana ie moomo izire jicade; íadi “Jii” daiñede. Afe nauí Esaú jámairuillafue jaca méidonide.

18 Ja birui Juzíñamuimo caimare nabáirillanomo dúcidiomoi. Jaiaí Juzíñamui comíni áillue caifónedumo áinozidiaioi, Juzíñamui daína uaina cacáíllena. Afedu mámeceí Sinái. Afedu náaduna irai izói boode, aillo úillie diga. Afe llezica iere jacire nairíbicaide. Nairíbicaillano, jairifo riire jaiñode.

19 Aféruimo bainada izoide ficire cácacai. Afe llezica áillue come úrilla uai íaioimo ficire cácacai. Afe uai iere jacirede cacai. Afemona, áfena cacádino jiáie emódomo lletara uaina llóñellena izire jicádiaioi.

20 Afe íaioi cacana íaioimo lloga lletara uai jamánomo iere juáredeza. Aféuai daide:

“Bie óode íduna omoi jetáiñeno iri. Ninena daa rille bídumo bíadi, raire noficiaido fáiri. Daje izói ninena bídumo bite come fáiri,” daide.

21 Uafue, afe cacánafue naa cíocaidifue diga iere jacírenamona, dama Moisés uai ua: “Aferi iere jacínaiticue. Jacíruillano cuidíriticue,” daide.

22 Mei íadi, jae jiáifodo Jesucrístomo omoi ñnuamona, ja birui Juzíñamuimo ite jacínide caimare nabáirillafue dibénemo dúcidiomoi. Ie mei ícoimo monamo ite jaca caade Juzíñamui uícomo úrizaitiomoi. Juzíñamui illa jofue, “mona ero ie Jerusalén” mámeceirede. Iemo jiáifodo “Sión Caifónedu” daína. Afémiemo ja omoi caimare nabáirillamona diga íeza facádonide Juzíñamui abí imaci Juzíñamuina ióbioicana iráizitiaioi.

23 Ua, omoi ñnuamona Juzíñamui ómoína daide: “Ja cue daade Jitó Jesucristo izóidinodiomoi. Cuemo ie dúina izói, afe izói ja cuemo jaináidiomoi,” daide. Afemona nana Juzíñamui íena comuítagamacimo jae jaináidiomoi. Nana afe íemo jaináidino mámeceí jae monamo cuega. Ie jira nana Moo Juzíñamui ie comuítaganona, ñue jicánuana fibídimie izói, ñue íaioína ríidoite, mei afémie nana nairai Mooza. Jaiaí ie anamo ñue itino, jae tíidiaioi, mei íadi íaioi ñuera

joreño nai figo caimare iñediaoi. Ja biruúllaido Cristo cairi túllano caina jíllotate. Dai nana íemo ínotinona jíllotano, afe tíidino ñuera joreñuai ñue jaícina caimare itátagaiaoi.

<sup>24</sup> Uafue, Juzíñamui comue caimare caimo fecállifue caimo llóiacade. Afefue caimo lluíbitimie Jesús, mei ie cruzmo ie die tótajado caimare íafuenidinona finócacaiza. Ie jira ie die, úrilla uai izói jamánomo ñúefue cai ífócimo denode. Mei jíáfodo Abel die tóilla afe izói caimare ñúefuiai caimo lloñede.

<sup>25</sup> Nana bie caimare Juzíñamui caimo llotátagafuiaina jae onódiomoi. Afena omoi onónamona, afefue ómoimo llotímie mai omoi ruifíruíño iri. Afe íena ruifíruillamona abí omoi rairuiri. Mei jaijai bíniemo Juzíñamui jónega lletárima dáinana ruifíruitino, duere íaioi finóinamona jaca jíllloñediaoi. Afe baimo birui monámona caimo llotímie dáinana cai ruifíruíadi, daje izói ua jíllloñeiticai.

<sup>26</sup> Jaijai aféruimo ie úrilla uai éniena diga icaiño riire docáitate. Mei íadi birui afémie uafue llote: “Nane afe emódomo dáacaiño éniena riire docáitaiticue, naa caifo ite monáiairi,” daide.

<sup>27</sup> Afémie dáina “Nane afe emódomo éniena dáacaiño docáitaiticue” Juzíñamui írairuúllaido finóllifue caina daide. Aféruimo nana ie finoca raa, ranitado izírilla izói níraidoite. Afe níraíduado nana nírairede ráaniaina, afémie oni niné táinocaitaite. Mei íadi nírainide ráaniai jaca méidonide; fiébillano ziiñona íitiaoi.

<sup>28</sup> Ja birui Juzíñamui méidonide illáimana illánomo jaináitagacai. Iemona íena “Iere figura” cai daíífireilli. Afe llezica caimare úrillafuedo mai íemo cai íóbilli. Ua, ñue jacíruioicana ie uáillaimo mai ñue cai cacáreilli.

<sup>29</sup> Mei jíi, cai Juzíñamui, irai amena cuarilla izói, nana íaifueredinona jaca ziiñona íaioina duere fínoite.

## 13

### *¿Nie izói Juzíñamuina íóbitaredicai?*

<sup>1</sup> Amatiai, mai conímana omoi izíruífireiri.

<sup>2</sup> Daje izói onina bitínona mai dúecaillano ñue caimare uáidori, mei daií dárie jíáimana íaioi caimare uáidofirenamona ónonino Juzíñamui abí ímiaina jofe llínotiaoi.

<sup>3</sup> Iemo Jesumo ínuamona llavécamacimo ñue omoi úbicairi. Ua dájena llavécano izói, mai íaioimo comeci omoi facari, íaioina omoi canóllena. Daje izói duere finoca Jesumo jaináidimacimo, mai omoi ñue comécíiri, mei dani omoi abina jíáimaci duere zefuítarede; íemo bimaci diga daií zéfuitiomoiza. (Dáamacidiomoiza.)

<sup>4</sup> Daa come daje ringona áireia ñuera. Afémie dama ie ai abina onona ñuera. fima dama ie ai jeta ñuera. Mai bifue íaiño ñue omoi fímairi. Mei Juzíñamui nana jiruíredinona izire jícanuano íaioina duere fínoiteza, naa dama áireiño ringo diga ítinori.

<sup>5</sup> Daje izói omoi comeci ífuenta ñue onoiri. Ucubena aillo jitailla fiénide. Afemona abí omoi rairuiri. Mei jíáfodo ómoimo due jiza ite ráaniairi júfidoño caimare uái iri, mei Juzíñamui uafue dáideza: “Ona fáicanocaiñeiticue. Daje izói jaca ona zóofeñeiticue,” daide.

<sup>6</sup> Iemona minícana jízíreño daíredicai: “Juzíñamui cuena canófiredimie; íemona fiени cue finócadimiena jíaciruiñeiticue.”

<sup>7</sup> Iemo mai Juzíñamui uai ómoimo nano fueñe jino llófuetinomo ñue omoi uibíoiri, mei ñúeodo ómoína ifódiaioiza. Iaiomona comuide ñúefuiaimo, féitañeno mai ñue omoi comécioiri. Afémaci Jesús ícoinia titácaiaioi, mei íadi afémaci fáicanocaiñeno Jesumo ínua izói, afe izói féitañeno mai omoi ínofireiri.

<sup>8</sup> Mei jii, Jesucristo nanómona ie illa izói, ja birui jiáifodo méidoñeno dáamieoicaide. Ua afémie jaca ziiñona dáamieite.

<sup>9</sup> Ja birui diga jiáifodo cacaide onina bite ónoñega fiene llófueinafuiái ite. Aféfuiai ñúeomona oni nibéfodo omoi baiítaiacadeza; áfemona abí omoi rairuiri. Juzíñamui cairi dúecaillano cai cánuano cai comeci náirecitate. Afe ie cai comeci náiretaja ñuera. Mei íadi afe jicana lluaíbiga güille rairuínafuiaina jeire cai íadi, caina ñue cánoñeite. Daje izói afe uai jeire otínona canóñede.

<sup>10</sup> Jesucristo cai ifomo fécafue Juzíñamuimo caimare cai nabáirillena dani caimo dúide. Nana Judúuaido Juzíñamuimo úriraini, ie jaiái gairíracomo aillo Juzíñamuimo ánozille nícidogafuiái finódiaioi. Mei íadi afémaci Jesús dibénemo ite cámafuiaina llínonidiaioi.

<sup>11</sup> Judúuaimona comínido Juzíñamuimo úritillaima dáacaiño naga fimona afe faga rille die Juzíñamui icomo uite. Afe Juzíñamui icomo ite jofoidie ñue rairuícacomo comini íaifue ícoinia díena uite. Mei íadi afe faga rille, comini illácuai jinomo jobáifirediaioi.

<sup>12</sup> Afe izói Jesús Jerusalén jinomo duere zefuide, dama ie die tóillado nana comini fiénidifue oni dóllena. Daií duano íaioína Juzíñamui íena mamede.

<sup>13</sup> Ie jira nana Judúuai Juzíñamuimo ánozille nícidogafuiaina féitajano, mai dama Jesumo jaca cai ínolli. Ua, daií íemo caimare cai jaináinamona jílloíticai. Ie meáire duere zéfuilla izói, duere cai zefuíadi, áfena náfueñeno nai caimare íemo jáinaiticai.

<sup>14</sup> Ja biniemo ñuera méidoñega illano caimo íñede; mei íadi Juzíñamui finoca monamo ite méidonide cai illínomo izire úiñoidicai, caimare ziiñona ie diga cai nabáirizaillena.

<sup>15</sup> Iemo, Jesús caido Juzíñamuimo nahí úriraimana íllamona, mai Jesudo nágaruillai Juzíñamuimo ñúefue cai nitalli. Ua, cai fuemo ite uaido Juzíñamuina caimátaitaredicai. Cai Ocuíraima Jesús mámecido cai úriadi, jaca Juzíñamuina ebire íóbitaredicai.

<sup>16</sup> Daje izói nágarui jiáima canolle ñúefue jeire o úana, mai féitañeno iri. Aféruido jitáidinomo ómoimo ite raana jeruíñeno fecari; mei aféfuiaína Juzíñamui iere íóbideza.

<sup>17</sup> Omoi illaini llogáuaimo ñue omoi cacáreiri. Aféuai anamo ñue omoi itábicairi; mei omoi comeci ñue íllena aféllaini nágarui ómoína rairuífirediaioiza. Ua aféllaini ómoína rairuilla nie izói íadi, afémaci Juzíñamuimo jino llórediaioi. Ie jira íaioi táijinana omoi daidóñeno iri; mei jiáifodo ñue íaioi anamo omoi itábicairi. Afedo aféllaini Juzíñamui ocuica táijinana caimare fínoite. Mei íadi afémaci afe táijinana zúurecana finóadi, figo cánoñegaomoi.

<sup>18</sup> Mai birui caido Juzíñamuimo omoi úriri, afe Juzíñamui cai canólleza, mei cai comeci ifue íáinideza. Mei jii, nágaruillai náganuiaimo illa dígamie íaioi eróicana ñue jáicina figomiena íacadicai.

<sup>19</sup> Ua, cuedo Juzíñamuimo comécido omoi úrillena izire jicádícue, raire meine abido omoi cígimo Juzíñamui cue orélleza.

*Iraicaiño uáidota ñue ézicinoçailafue*

<sup>20</sup> Ja birui Juzíñamui ñue omoi ézicillena jicádícue; Moo Juzíñamui, comécina uái illafue comínimo fécaitimie. Iemona cai Ocuíraima Jesuna tíllanomona Juzíñamui meine abido cáatate, mei Jesús ie die tóillado nana caimo ite fiénidifuiaina muiñódeza. Múñuano zíñona Juzíñamuimo cai nabáirillafue cáiena mamede. Ua, Jesús jamánomo ñuera ovejai úñoraima izoide. Afémie ovejai rairuilla izói, caína úñofirede, comécina uái cai íllena.

<sup>21</sup> Afe bie Juzíñamuimo omoi comeci náireillena jicádícue. Ua nana ie ñuera rínodo omoi comécina ñue jaícina caimare náireillena jicádícue. Afe bie cue jicácado ie jitáinafueña ñue comini eróicana fínoitiomoi. Afe llezica Juzíñamui comeci óiacana izói dani caimo zúillena izire íemo jicádícue. Mei daí jamánomo ebírenafue Jesucristomo, ninomo fúñeítina nitáredicaiza. Mai, daí íteza.

<sup>22</sup> Amatiai, nana bie ómoimo cue cuega lletárafuiaimo járitaño fia omoi coméiiri. Afena izire ómoiena jicádícue, mei bie ómoimo cue cuegáuai íanorideza.

<sup>23</sup> Iemo jííifueña ómoimo fidítaacadícue. Jae cai ama Timoteo llavéinanomona jae jino zuitaca. Omoi dine nai jáíñeíticuemo, afémie cue illánomo raire dúciadi, nibai daane omoi éroizaíbiticoco.

<sup>24</sup> Nana omoi llófuete illáinina cuedo ñue uáidori, naa afénomo ite Jesumo ínotinori. Itáliamona benomo cai bite ámatiai ómoimo uailai orédiaíoi.

<sup>25</sup> Juzíñamui nana ñue omoi íllena ñue ézicíteza. Mai. Daítadeza. Jae nñie.



## SANTIAGO CUEGABE La Carta de Santiago

### *Ráidozitinomo Santiago cuete*

<sup>1</sup> Cue Santiágodicue. Juzíñamui táijitagamedicue. Daje izói cai Ocuíraíma Jesucristo táijitagamedicue. Israel náiraímona doce dígzazie nana éniédo ráidozitinona uáidotícue.

### *Juzíñamuimona oga onónafue*

<sup>2</sup> Cue ámatiaí cácarei, ñie facátafuiaí ómoímo jíriadi iere caímare omoí iri.

<sup>3</sup> Mei jíi omoí ínuafue facátaficaíadi áfedo baimo comécina járidoñenafuena onótalliomoi. Mei áfena onódiomoi.

<sup>4</sup> Afe comécina járidoñenafue ñue jeire omoí móonaitari. Afedo jaícina jéetagamacina ítiomoi; omoí jitáillifuena íñeite.

<sup>5</sup> Omoímona dáamie figo onóñenia, Juzíñamuimona onónafue mai o jícarí. Iemona Juzíñamui áfena afémiemo fécaite, mei jíi Juzíñamui jeruíñeno nágamiaímo onóillifuena fecáfirede. Afémie icíriñeno comínimo fecáfirede.

<sup>6</sup> Mei íadi ínuafuedo o jícarí. Daíí jitáirede; minícana o comeci anado ígicaiñeno jícarí. Naga uaina ígiciredimie jorai bagua izói jairífodo dóbaidobaicaide.

<sup>7</sup> Daítadimie Ocuíraímona minícana óllena comécimo facáñeno iri.

<sup>8</sup> Aféfuena onóigaza. Níimie birui bie raa óiacade, uire jíáiena óiacade, ñue jaícina macánide.

<sup>9</sup> ¡Ráanide ama, caímare o iri! Juzíñamui caifófenemo ona jóonelle jira.

<sup>10</sup> Ráaredimie, o anáfeficaíadi, áfena náfuéñeno caímare o iri. Mei ráaredino ráitie záfia izóideza. Afe záfia are íñeite.

<sup>11</sup> Jítoma bíllamona íena iere llirítaite. Caigáillamona afe záfia ana júide. Daíí ie ebírenano fuite. Daje izói ráaredimie ie nícidocaigafuiaí cígiri táinocaite.

### *Facátafuiaí fiénidemo baítafuiaí diga*

<sup>12</sup> Dáamie facátafuiaí járitaño llínoiadi afémie caímare ite. Facátafuemoná ñue oni jaillano ícoínia fia iga raa jíridoite, ñue facátaoicailla jira. Afe ícoínia fia iga raa ñuicirai izóidifue. Afe iga raa ua Juzíñamui ie illa zíñona cáataitinona. Ua Juzíñamuina izíruitinomo uícodo lloga zíñona cáataitinona íaioímo fécaite.

<sup>13</sup> Dámie íaifuemo baítafuena cacáadi, afe Juzíñamui orécaza comécina facáñeno o iri, mei jira afe daítadifue Juzíñamui jaca jitáíñede. Daje izói Juzíñamui bumó afe íaifuemo baítafuena comuítañede.

<sup>14</sup> Mei afefue jíáifodo bite. Dáamie dama ie comeci fiéni jítainafuiaído comeci óiadi, áfedo íaifuemo báite. Afe izói dáamie ie fiéni jítainafuiaído jífueficailla; íemo afe jífuiafuedo afémie meine íaifuemo báite.

<sup>15</sup> Afe bie comeci fiénino jítainafuiaímona íaífue comuide. Ie mei afe íaífue jae oruíbicaillamona tíllafue comuide.

<sup>16</sup> Cue izíruiga ámatiaí jífuefizaiño iri.

<sup>17</sup> Nana ñuera caímo iga raa, nana caímo jaícina jóobidifuiaí diga, caífona Juzíñamuimona bite. Afémie nana monamo ite egáiñotinona finode. Juzíñamui jaca dáamie; afémiemo jíáifodo meídogaífuena íñede.

<sup>18</sup> Afémie uáfuena úrilla uaido cáatatinona caína comuítate. Afena finode ie finócaífuiaímona como fueño oga llízíe izói cai íllena; mei ie comeci jítaina izói finode.

*Uáfueña Juziñamuimo cai comécinafue*

19 Ie jira izíruiga ámatiai cacai. Omoimona nágamiai jaca jefo jinéoiri, mei íadi fíaicana o úriri, daje izói fíaicana ríicairi.

20 Mei jii, ríicaidimie Juziñamuina ióbitañede.

21 Mei daíí nana íairedifuiái omoi fáicanocairi, jamánomo móonaioicaide fiénidifuiái diga. Omoi comécimo lloga uai Juziñamui úrilla uaina comeci mánainafuedo jeire omoi oíri. Mei jii afe úrillauai rínorede omoi joreño jilloillena.

22 Jira úrillauai ómoimo lloga ráfueña fino. Fia aféfuemo táinona cacáreiñeno. Fia táinona omoi cacáadi dani abi jífueitíomoi.

23 Afe úrillafue fia táinona cacádimie aféfuena iere cácañenia, afémie acáranimo uíeco ciona izóidimie.

24 Afémie ie izóidena ciode, mei íadi raire jailla llezica, ie izóidena féitate.

25 Cacánafueña féitañedimie jamánomo ñuera ocuífueña jeire ófirede. Afe jamánomo ñuera ocuífueña caimo rairuíñenafueña itátaga. Aféfuemo méidoñeno afémie íoide. Afe ocuífueña afémie ínota finode. Daíí finódimie nana ie finócafuiáido caimare ite.

26 Dámie Juziñamuimo comécidimie comeci facáoiadi, mei íadi fueña rairuíñeno úriadi, afémie dama abi jífueite. Afémie comécinafue táinobicaide.

27 Nífuenide comécinafue, Moo Juziñamuimo eróicana íainidifue bie izói ite; ñue Juziñamuimo comécidimie móonidizaiai íemo éinidizaiai diga, íaioina duéruillano canófirede. Daje izói fecínguaina íaioi duéruillano canófirede. Afe llezica éniemo ite Juziñamuina éoidimaci íaifuiáido ñuémie abina íaidoñede.

## 2

*Conímána énenoruiñeno iri*

1 Cue ámatiai, cai ebíruigamie Ocuíraima Jesucrístomo ínotimacidiomoi. Daíí omoi ínua llezica comínimona dáarie enénotañeno iri.

2-3 Acatagafuedo dáitícue: Omoi gairíllanomo queníredena onoi icuíforedimie, ráfide inícuero jítaoidimie bíadi, afémiena daíífirediomoi: “Bie ñúenomo ráíi.” Mei íadi afe llezica dúeredimie tíbaizarodo bíadi, afémiena jíáfodo llínota nibai dáití: “Batí naidai,” o nibai dáití: “Ana benó éniemo ráíi.” Daíí ráanaitimiena raire ñue llínotiomoi, mei íadi dúeredimie buna náfueñega.

4 Ie jira daíí dani ómoimona dáarie énenoruidiomoi. Daíí cómemo jícanotimiena dani omoi abi maméidiomoi, mei íadi fiénidemo comécinafuedo abi maméidiomoi.

5 Cue izíruiga ámatiai, bíemo omoi cácarei. Bie éniemo úcubenedinona Juziñamui nizede, íaioi ínuafue jamánomo jebuíllena. Daa afe izói íaioina Juziñamui nizede, feci raa izói ie illáimana illáruina maiñóllena. Juziñamui ie uícodo lloga uai daina izói afe illáimainanona íena izíruitimacimo fécaite.

6 Mei íadi dúeredimacina meáidaitíomoi. ¿Uáfueñede, ráaredimaci ómoína llégítáfirediaioi? Jii, uafue. ¿Ríiredimaci uícomo ómoína gugúrioicana uitíaioi? Jii, uitíaioi.

7 ¿Ñie afe ráanaitimaci Crístona íáiruioidino? Jii, nímaci. Mei íadi afémie ñue izíruiga mámedido Cristo iéidiomoi.

8 Cuegáuaimona lloga jamánomo ocuífueña omoi jíeruiadi ñue finódiomoi. Afefue daide: “O aino cómena izíruiri, dama o abina o izíruilla izói.”

9 Mei íadi conímána dámie omoi énenoruia, íaifueño baíidiomoi. Juziñamui ocuífueño omoi ícoina jae daíí ite.

10 Dáamie naga ocuícáfue iere cacáadi, mei íadi dáallegoi ocuícallegoi nai fuitáñeniadi dama afémie ícoinia daíí ite. Uafue nana ocuícáfuiái fuitáñedimie zefuille izói dáallegoi fuitáñedimie daíí daje izói zéfuite.

11 Mei daje Juzíñamui daide: “Jiruíreño iri,” afémie dáanomó daide: “Cóména titáñeno iri.” Daa come jiruireñenia mei íadi cómena fáiaí, jae ocuícáfueña iere cacáñede.

12 Jira ñue o úriri; o illafue jaícina o jóneri. Caimo rairuínénafue itátaite ocuícáfuedo jicánollícaí, ie jira ñue caí íllana jítárede.

13 Mei jii, nana jíáimacina duéruíñedino, afe íbana duéruíñeno, jicánollícaí. Mei íadi jíáimacina duéruitino nie izói níbaíñegaza ñue jáite, duéruíllafue jicánollífue baímo ñue illa jírari.

### *Ínuafue níciduafue díga jítárede*

14 Cue ámatiaí cacáí. Dáamie ñúefuena fínóñeniadi, mei íadi “Ínoticue” daííadi ¿níífueña ñuera? ¡Afe fue ñúeñeite! ¿Afe dáina ínuafue jíllotaite? Jíllotañeite.

15 Acatagáfuedo dáitícue. Inícuironide güíllenide ama miringo izóidino omoi cígimo íadi,

16 mei íadi ómoimona dáamie fia uaido daííadi: “Ñue o iri. Rólliemona jíforiri. Mai güiri,” mei íadi aféruimo ie abímo jitaica raa o fecáñeniadi, ¿nie izói ñue ite? ¡Ñúeñeite!

17 Caí ínuafuemo daje izói ite. Dáamie ie ínuafuemo níciduafuedo ácatañenia afe ínuafue jae ñine táinocaide, afe ie ínuafue nabáinina jírari.

18 Mei níbaí, dáamie cuena dáite: “Ínuafue omo ite mei íadi cue nícidofiredicue.” Mei jira cue uai óitícue: ¡O ñue níciduafue eneno o ínuafuena cuemo ácatari! Afe llezica cue ínuafuena cue ñue níciduafuedo omo cíotaitícue.

19 Daade Juzíñamui íllana ínotio. Afe dínomo o ínuafue ñue baite. Mei íadi aféfuena fiénide janábaiaí daje izói ínotiaí. Iemona afe jácierí cuidíridiaí.

20 Abina onóñedimiedio. ¿Jaícina jáidífueña onóacañedio? Dáanomó dáitícue: Ñue níciduafuedo cíotañega ínuafue jaca ñine táinocaide.

21 Caí jáiáigima ímie Abrahana ie íáfuenidimie izóinado Juzíñamui ñue íena jíéruite. Ua Juzíñamui íáfuenidimieña íena ñue llínote. Mei ie jító Isaac titada Juzíñamuimo fecaca raana izói fecáacana jira, daíí íena llínote.

22 Jira Abraham ínuafuemo bie uáfueña cíodio. Abraham ie níciduafuedo ie ínuafuena ñue jino cíotate. Daje llezica afe bie níciduafuedo ie ínuafue ñue jaícina mónaícaide.

23 Daíí Cugáuái dánana ñue fuitade. Aféuai daide: “Abraham Juzíñamuimo ínote. Ie jira Juzíñamui íemo comeci facade: Afémie cuemo ínuafue ñue baite íena íáfuenidimieña cue llínolléna, —daide.” Mei Abraham Juzíñamui nabaina mamécamie.

24 Mei áfemona come níciduafuedo Juzíñamui íena íáfuenidimieña llínuafuena ónoítio; dama ie ínuafuemoná llínoñedeza.

25 Afe bifue izói Rahábamo daíí íficaide. Afengo jiruíredingo. Mei íadi énie fidítarainí caímare llínuamona, íaíoina canode oni jíáigodo ñue íaíoi jáílléna. Afe íaíoi mo nícidua jira Juzíñamui aféngona íáfuenidíngona izói ñue llínote.

26 Mei daíí omoi ónoigafuemoná llóitícue. Naga joréñonide abí tíide, afe izói níciduafuedo nabáinide ínuafue ñine táinocaide.

## 3

*Cai fue rafue*

<sup>1</sup> Cue ámatiai cacai. Omoimona aillo llófueraimana íacadino izói iñeno omoi iri. Mei jii, nana llófueridino, cue izóidino baimo izire jicánollícaí. Afena onódiomoi.

<sup>2</sup> Nana cai aillo fiénidillegoi finódicaí. Dáamie minícana fiénidillegoi ie daínafuemo iñeniadi, afémie ñue comécina fígomie, ñue jaícinaidimie. Afémie nana ie abi rairuillana onode.

<sup>3</sup> Moziñoragai caballo fuemo cai jóoneadi caína iere íaioi íinollena, ie ifo oni datállena finóredicaí. Afemona nana ie abi diga dájade.

<sup>4</sup> Daje izói áillue jofóredicaemo comeci omoi faca. Afecae jamánomo áillue íadi, afe llezica riirede jairífodo ñuitáicaide. Mei íadi datárama duera jiza datárabeñodo ie jáiacana diné datáicaide.

<sup>5</sup> Afe izói cai fue ite. Cai abi aillona mei íadi fue duera. Mei íadi afe fueo jamánomo áillue ráfuiaí finórede. Uafue duera jiza réicimona áillue icáiena bóotate.

<sup>6</sup> Jae come fue irai izoide. Afe fuemo jamánomo facádonide íaífuaí ite. Afe bie fue Juzíñamui cai abimo finoca; mei íadi afe fue nana cai abina íaire finode. Fieni comini duere finóllirai ite; afe iráimona uneca izói cai fuemo fieni úrioidino ite. Iemona nana cai caana llezica finótagafuaí bóobicaide.

<sup>7</sup> Íimado nana riire rílleniaí tóirede, féedino, jaióniaíri, naa buináizaíri. Nana áfeniaí fibítagaiaíoi.

<sup>8</sup> Mei íadi fuena buna fibítanide. Cai fueo bite íairede raana jaca buna llícaitanide. Aillo fieni úritadino, titade juia izói cai fuemo ite.

<sup>9</sup> Afe daje fueo cai Moo Juzíñamuimo caimátaíoidicaí; ie llezica Juzíñamui finoca cómena faidódicaí. Uafue Juzíñamui dama ie eroille izói cómena finode.

<sup>10</sup> Daje fueo caimátaíllafue jino bite faidórillafuaí diga. Cue ámatiai, cacai. Bifue izói omoi iñeno iri.

<sup>11</sup> ¿Daje jainoi ifómona toráfomona ñújei eríredíji diga jino tórede? ¡Tónide!

<sup>12</sup> Cue ámatiai, cacai. ¿Noménamona comáijina órede? ¡Onide! ¿Íiriconamo cineci llizírede, meita áfena? ¡Llízínide! Afe daje izói cúeredíji naiméredíji diga daje jainoi ifómona toráfomona jaca jino tónide. (Ie jira omoi fue rairuiri, fieni úrillafue o fueo jino bíñeillena. Mei jira Juzíñamui imácidiomoi.)

*Uáfuenta ñue onónafue*

<sup>13</sup> Omoimo dáamie onódimie, ñue baitádimie íadi, afe ie onóigafue nágarui ñue ie illáfuedo ácatari. Ua ie fibíllafuedo fecaca comeci mánainafuemo ie finócafuaí cíotari.

<sup>14</sup> Mei íadi omoi comécimo izire úradoíllafue íadi, afe llezica omoi finoca ráfuiaína járidotiomoi; bie omoi fibilla abi ínuafuemo comécíñeno omoi iri. Afe izóidífuiaí táinofuaí, uáfuenta jáanote.

<sup>15</sup> Afe izoide fibíllafue Juzíñamuimona biñede, mei íadi afe fibíllafue bínie comini comeci úrillafue; Juzíñamuina éoidimaci onóigafue; dama Taife ifue.

<sup>16</sup> Aillo úradoíllafue, jarire uícodo máíñuafue diga illánomo, afénomo aillo júdaízitífue ite naa fiénidífuiaíri.

<sup>17</sup> Mei íadi Juzíñamuimona fibíllafue otímaci nano fueñe nífuenino macádiaíoi. Ie mei afémaci mánaidimaci; ríífuedo ocuínediaíoi; jáimíemo uícodo comécitadiaíoi. Afémaci dúecaíllafuenta oruídino; ñúefuenta finófrediaíoi. Afémaci uáfodo úritimaci; jífuériñediaíoi.

<sup>18</sup> Comeci ñue uái illáfuedo comuítatino afefue rigájaí izói comínido fecádiaíoi. Afemona ria llizilla izoide comeci jaícina ñúeitaitino llínotiaíoi.

## 4

*Eniemo ite Juzíñamuina éoidimacimo nabáirillafue*

<sup>1</sup> Omoimo ite fuiríllafuiai ¿ninena bite, júfiduafuiai diga? Omoí fiēni comeci óiacanafuiai mona bite. Aféfuiai omoí comécina jaca éoitade.

<sup>2</sup> Omoí daa raana jitáiyadi, áfena ómoimo llínonina jira fatíomoi. Jiáie raamo omoí úradoiyadi áfena ónidíomoi, jira fuiríllano jóbairitíomoi. Omoí jitaiga raa oñédíomoi, Juzíñamuimo jicáñena jira.

<sup>3</sup> Afémiemo omoí jicáadi llínoñédíomoi, iaire jica ícoīnia. Mei jii áfena óiacadíomoi fia omoí caimare íacanafuiai mo dotállena.

<sup>4</sup> Jiáifodo fiénidímacíomoi. Biniemo ite Juzíñamuina éoidimacimo nabáiriacadino Juzíñamui fairíconina jáite. ¿Omoí meita bífuena onóñédíomoi? Níimie éoidimacimo nabaina maméidímie Juzíñamui fairícomana dóbaicaide.

<sup>5</sup> Cuegáuai taino lloñede. Aféuai daide: “Juzíñamui ie Ñuera Joreño caimo fecade cai diga íllena. Afe Joreño uríoīna izóī caina izíruite,” daide.

<sup>6</sup> Mei íadi Juzíñamui caina ríiduafuedo baīmo caina cánuaibite. Mei jii Cuegáuai daide: “Juzíñamui afe abí ínotinona rairuide; mei íadi comécina mánaidímacina íaioīna ríiduafuedo íaioīna cánuaibite.”

<sup>7</sup> Juzíñamui anamo mai omoí itábicaīri. Taifemo omoí mameri, íemona ómoīmona oni bótaiteza.

<sup>8</sup> Mai Juzíñamuimo áinozillano caimare omoí úriri; afe íbana afémie ómoīmo caimare úrite. Íáifueredino, mai omoí comeci íaīfuiai doīri. Juzíñamuina izíruiacadino íemo dáanomo íena éoidimacina izíruitino, mai omoí comeci íáīnitari.

<sup>9</sup> Omoí zúureficaīri; omoí cáillicaīllī eeri. Omoí zadáilla jeme; jiáifodo meídocaīri. Afe izóī omoí cáīmafue zúucaīllano méidori.

<sup>10</sup> Cai Ocuíraīma Jesucristo uíécomo omoí manánaīri, íemona afémie ómoīna caīfo naídáneiteza.

*Cai ama fñócafue fiēni jicánuaifue*

<sup>11</sup> Amatiai, jiáīmana fiēni omoí úriñeno iri. Amana fiēni úritímie daje izóī ocuícafuemo fiēni úrite. Afe izóī ámana fiēni jicánotímie, daīí ocuícafuemo fiēni fairíote. Mei jira ocuícafuemo fiēni o fairíoadi, jira ocuícafuena íere cacáñedímedio. Jae jicánoraīmana íitio.

<sup>12</sup> Mei íadi daade ocuícafue llotímie; afe llezica afémie jicánoitímie. Dama afémie cai jíllotaraīma, jiáie izóī afémie cai táinocaitaraīma. Mei, o, ¿níimíedio jiáīmamo itífuiai o jicánodoīllena?

*Útreitírui mona monáillírui onónide*

<sup>13</sup> Mai bíemo omoí cacai, omoí úrilla uaina daidino. Bie izóī daīífiredíomoi: “Birui níbaī uire jítiramo jiáie jófuemo jáiticaī. Dinomo daa fimona fecárizaiticaī, úcube cai óllena,” daidíomoi.

<sup>14</sup> Mei íadi due onóñédíomoi uire jiti caimo íitifuena. Mei jii ¿mínica mei cai cáatatinona? Cai cáatatinno daallu cíocaizaibite úillie izóī. Iemona afe úillie nīne táinocaide.

<sup>15</sup> Bífue izóī omoí daīrede: “Juzíñamui jítaiadi íiticaī. Iemona aféfuena níbaī jiáīfuena fínoiticaī.”

<sup>16</sup> Mei íadi afe íbana, o dánana meídoiacañeno nai abí ínocana úritíomoi. Nana afe abí ínuafue fiénide.

<sup>17</sup> Núefuena fínuana onódimie afefue fínoñenia afémie fiénidífuemo báīide.

## 5

*Ráaredímaci llétafue*



<sup>1</sup> ¡Ráaredimaci, bífue mo omoi cácarei! Cáillicailli eeri, aillo duere finóbillifuiái ómoimo íteza. Aféfuedo duere zéfuitiomoí.

<sup>2</sup> Omoi ebírede ráaie jae rifaide. Omoi ñuera iníroillai ícuai güiga.

<sup>3</sup> Omoi úcube quenírede ráaniai diga jae éezite. Afe éeíafue fiénidífue ómoimo nítate, ie mei bie éeíafue omoi comeci duere fínoite; irai amena cuarítaoina izói ómoína fínoite. Afe birui írairuimo omoi ráaieniai jae ofítatiomoí.

<sup>4</sup> Omoi güillena óinaruillaido táijitagamací úcube jeruídíomoí. Afe jeruica úcube ómoimo riire jíáfodo dájecana úrite. Nana nairai illaima Juzíñamui bie táijitagamací éecana dáinana cacade.

<sup>5</sup> Bie éniemo jamánomo ñue ebírede ráaniai ómoimo ífírede. Dani nana omoi comeci jitailla izói ífíredíomoí. Fia güillárenamona mero izói farédíomoí. Afe llezica fazílliruimo dúcizaide.

<sup>6</sup> Nano fueñe nífuenidímacina titátatiomoí, ie mei afémacina fatíomoí. Afe nífuenidíno ómoimo abi zóofetiaíoi, mei íadi íaíoi mo dúecaiñeno fatíomoí.

### *Comeci járidoñenafue*

<sup>7</sup> Ie jira, ámatiaí, cai Ocuíraima Jesucristo billíruimo comeci járidoñeno omoi iri. Jacáfaimo táijidímie ráifide llizíllaniaina járidoñeno úiñote. Ua nano fueñeide uáici mei nai úiñoide. Iiraie uáici mei afe llizíllaniaina óite.

<sup>8</sup> Daje izói omoi járidoñeno. Omoi comeci mame; cai Ocuíraima billíruí jae ánozideza.

<sup>9</sup> Amatiaí, conímamo ríiriñeno omoi iri, jícanollímacina omoi íñeillena. Mei jíi, Juzíñamui dama jícanoraíma; afémie cai finócafuiái jícanollíruí jae ánozide.

<sup>10</sup> Cue ámatiaí, uai llórainímo comeci uibíoiri. Iaiói nágarui ñue illafue caímo ácataíteza. Juzíñamui mámecido íaíoi úrillamona iere duere zefuídíaiói, mei íadi jaca járidoñediaíoi.

<sup>11</sup> Duere zefuillafuemoná zefuí cácañedíno caímare itíaíoi daíífredícai. Jáiaigíma Job ie járidoñenafuena cacádíomoí. Afe llezica Juzíñamui íemo írainímo finócafueña onódíomoí. Mei jíi, Juzíñamui cai Ocuíraíma caímo dúecáíredíe, fiénidífuiái íba are níno mo caímo óñeite.

<sup>12</sup> Cue ámatiaí cacai. Jamánomoidífue llóitícue. Juzíñamui mámeceí uafue daíllena táíno mo llínoñeno iri; afe daíí mona mámeceí énie mámeceí diga táíno mo llínoñeno iri, ñie jíaie raana táíno mo llínuano uafue daíllena daíñeno iri. “Jíi” o daíía ñie izói íteza. “Ieñede” o daíía íeñeíteza. Afe izói maí omoi úriri Juzíñamui duere omoi fínoñeílleza.

<sup>13</sup> Omoímona dáamie duere zéfuaí afémie dama Juzíñamuímo úriri. Dáamie caímare íadi afémie ñúefue nítda róiri.

<sup>14</sup> Dáamie iráreía, gairíracó imácímona eicomínina jírizairi, afémieri Juzíñamuímo íaíoi úrillena. Afe llezica afémíemo Juzíñamui mámecido cáiredíjina jóoneítiaíoi.

<sup>15</sup> Ínuafuedo Juzíñamuímo íaíoi úriadi iráredímie jíllóbicaíte, ie mei Moo Juzíñamui íena náídacaitaíte. Íáredífuiáímo nauí ie baíadi, afe íaífuíái oni dófinamona, ñue nífuenidímíena Juzíñamui íena llínoíte.

<sup>16</sup> Ie jira omoi íaífuíái jofo conímamo omoi lloiri. Afena jáanoñeno iri. Afe mei conímamo Juzíñamuímo omoi jícarí, íemona ñue omoi jíllóilleza. Fígómie izire Juzíñamuímo úrillafue iere ríinorede.

<sup>17</sup> Uai lloraíma Elías jíba cai izóidímie. Juzíñamuímo ie úrillado noci bíñeíllena Juzíñamuímo jícade. Jícamona jae daíímonaámani átuedo éniemo nocina bíñede.

<sup>18</sup> Ie mei dáanomo Juzíñamuimo jícamona meine bízaide; áfemona énie naa llízieri zicode.

<sup>19</sup> Cue ámatiai, ómoimona dámie ua uáimona oni fienu nibéfodo jáiadi, jíáimie íena meine abido atídena ñuera.

<sup>20</sup> Bífuena omoi onóilleza. Fíénidimie ie íáirede íomona, meine atídimie afe fíénidimie joreño tíllanomona jíllotaite. Afe llezica aillo íaifuiái oni dóficaite. Jae nñe.

## SAN PEDRO NANOIDE CUEGABE

### Primera Carta del Apóstol San Pedro

#### *Jesumo ñnote ráidozitinomo Pedro cuete*

<sup>1</sup> Cue Pédrodicue; Jesucristo orécamedicue. Bibe Jesumo ñnote ráidozinaitinomo cueticue. Ua omoi éniemona oni Ponto éniemo, Galacia éniemo, Capadocia éniemo, Asia éniemo, Bitinia éniemo jae áfeniáido júdaizitagaomoi.

<sup>2</sup> Mei íadi Moo Juzíñamui nizécamacidiomoi. Jaiai ie mamérilla izói, ja ie nizécanodiomoi. Ie Ñuera Joreño jae íeiena mamécaomoi, Jesucristo uaimo iere ñue omoi cacáreillena; afe emódomo Jesucristo díedo íaifuenidimacina Juzíñamui erócana omoi jáillena, jae mamécaomoi. Mei Juzíñamui ómoína aillo éziciiteza, íemo comeci caimare uái illafue ómoímo llóiteza.

#### *Juzíñamui daina ñue uáfuea zúitífueмо caimare comécifiredicai*

<sup>3</sup> Cai Ocuíraima Jesucristo Moo Juzíñamuina mai cai ióbioitalli. Mei nano fueñe afémie jamánomo caimo dúecaide. Dúecaillano como meine nane caina jécitaacade. Ie jira Juzíñamui Jesucristona tídinuiaimona meine abido cáatate. Afe Jesús meine cáanamona Juzíñamui ua como meine jécigacai. Afe bie cai comue dáanomo jécinafue ñue Juzíñamui caimo fecállifueмо caina nágarui úiñotate. (Afefue cai zíiñona illifue.)

<sup>4</sup> Afefue amena záfia izóíñede. Amena záfia jaca llirífirede, mei íadi afefue zíiñona jaca ninomo lliríñede. Ua, Juzíñamui ómoína dainafue, monamo ite ñuera feci raa izóidena ómoína onótate. Afena Juzíñamui ómoína jóoneoide, omoi como meine jéciamona ico jáiruido omoi maiñóllena. Afe feci raa izóidena, jaca niné táinocaitanide. Daje izói afe raa jaca íaidonide.

<sup>5</sup> Juzíñamuimo omoi ñnuado íemo ite ñuera ríinodo ómoína ríidote. Ua ómoína ríidote, íemo ite jíllonafue dibénemo omoi dúciillena. Afe omoi zíiñona jíllonafue afémie ñue ñnode, írairuillaído jino ñue onótallena.

<sup>6</sup> Bífuiáido omoi jamánomo caimare itíomoi. Mei íadi dáaruirie jáífodorie duere zefuirediomoi. Afefue ñibai jabo jitáirede.

<sup>7</sup> Omoímo ite Juzíñamuimo ñnogafue, oro izoide. Naga oro iraimo facaca, bie ua oro daiíllena. Afe izói ómoímo ite Juzíñamuimo ñnogafue facárede. Caimo íficaifrede facátafuiai oro zia irai izoide. Nana bie facátafuiaimona ñbáinino ñue jino bite Juzíñamuimo ñnogafue, aillo ráifide. Ua afe ñue ñnogafue oro baimo jamánomo ráifide, mei afe oro fúiteza. Mei jira ja daií facátagamie íemo ite ie ñnogafue ñuera. Ie ñnogafue ja ñbáinino ñue jino jailla, áfemona ja figura. Jesucristo cíocaizaíbilliruimo afémie ñue facátagamiena jáite. Dáaruina Juzíñamuimo ite ebírenafue llíinoite. Daje llezica aféruimo ñúefuena Juzíñamui íemo nitárede.

<sup>8</sup> Jesucristona cíóñediomoi íadi, íena izíruiomoi. Afémiena cíóñediomoi íadi íemo ñnotiomoi. Afe omoi ñnuamona jamánomo caimare itíomoi. Afe cáimafue ñue omoi comécina zuitade. Ua afe aillo cáimafueri omoi daiílluai íñede.

<sup>9</sup> Omoi ñnogafue ícoína omoi comeci jíllona máíñoitiomoi.

<sup>10</sup> Jaiáidigima illáruillaído Juzíñamui uai jino lloraini afe bie jíllonafue riire jicánotiaioi. Afe dáaruido bie jíllonafuena uáfodo onóillena jicájicanodiaioi.

Afe uai lloraini Juzíñamui ómoimo finóllifue uícodo llote. Ua uire Juzíñamui ómoimo dúecaillano ómoimo fecállifuiyai raire uícodo llotíaiyai.

<sup>11</sup> Cristo Joreño afe uai llorainimo Cristo uire duere finóbillifue raire uícodo fidítate. Afe dáaruído Crístomo ebire nitállifueña íaiyoimo daje izói fidítaibite. Afe íaiyoimo ite Joreño íaiyoimo lluaíbigafuiyai ñue onóillena, comécido jenódiaiyai. “Bie lluaíbigafue ¿bumo dúide?” daidíaiyai. Afe emódomo: “¿Ñiruido bie llogáfuiyai zúite?” daidíaiyai.

<sup>12</sup> Iemona Juzíñamui jáífueña íaiyoimo fidítate. Afefue daide: “Íaiyai uícodo llogáuaido aféruido itínuiaina figo canóñediaiyai. Mei íadi nana caína ñue cánoítaiyai.” Daí Juzíñamui íaiyoimo llote. Jae biruúllaido ómoimo llogáfuiyai afe bie jaiyai llogáuai izói jóide. Birui ñue omoi jílloilluaina llotino, Ñuera Joreño ríinodo úritiaiyai. Afe Ñuera Joreño monámona ana oreca. Afe bífuiaina Juzíñamui abi imaci dani comécido onóacadiaiyai.

### *Juzíñamui íaifuenino cai íllena ocuide*

<sup>13</sup> Mei jira nana omoi jetáacaga raamo ñue comeci facari. Omoi comeci ñúefuedo omoi úrifireiri, mei Juzíñamui ico nírui íeiena ómoína uáidoiteza. Ua Jesucristo cíocailliruido Juzíñamui ómoimo dúecailluaimo daa áfemo izire omoi coméciri.

<sup>14</sup> Ocuíllana jieruite úruyai izói omoi iri. Jaiyai Juzíñamuina omoi ónoñena llezica ómoimo ite comeci jítáillafue izói, omoi íñeno iri.

<sup>15</sup> Mei birui jáífodo ñue omoi iri. Nana omoi jetáacagafuiaimo, jamánomo ñue íaifuenino mai omoi iri, mei ómoína uáidote Juzíñamui íaifuenidimieza.

<sup>16</sup> Mei Juzíñamui Cuegáuai daí daide: “Cue íaifuenidimiedicueza, cue izói íaifuenino omoi iri,” daí Juzíñamui daide.

<sup>17</sup> Juzíñamui illa dígamie íaiyai illáfuiyai ríire jicánoite. Ua illaicomínimo, jamáicomínimo dámie fiéñeno daje izói nana ríire jicánoite. Ja birui afe bie Juzíñamuina “Cai Moo” daidíomoi. Afemona afémiena mai caimare omoi jacírui. Ua bie éniemo omoi ille dinó bie izói omoi iri.

<sup>18</sup> Mei Juzíñamui omoi illa táinofuiaimona ja ómoína jíllotateza. Afe ómoimo ite táinofuiyai omoi jaiáidigimamona otíomoi. Afe jíllonafue ráifinana ñue onódiomoi. Bie ráifina órodo íbánide. Daje izói plátado íbánide, naa jáie úcubetunido.

<sup>19</sup> Afe jíllonafue dama Cristo ráifide díedo íbátarede. Mei Jesucristo cruzmo, íainide boáfenide ovéjatiru izóidimie, Juzíñamuimo fállena fecaca.

<sup>20</sup> Jaiyai ninomo bie énie nai cómuítañenia Cristo daí mameca, mei íadi are illa ícoimo, benó cai illa llezica, afémie cíocaizaibite ñue omoi íllena.

<sup>21</sup> Afe bie Crístodo Juzíñamuimo ínotiomoi. Tíidimacimona Juzíñamui bie Crístona meine cáatate. Afe méifodo Juzíñamui ñúefue íemo nitade. Afemona afémiedo Juzíñamuimo ínotiomoi. Afe izói ja Juzíñamuimo izire comécidiomoi.

<sup>22</sup> Ja birui ua llogáuaina Ñuera Joreñodo omoi jieruillamona omoi comeci íaifuiyai muiñódiomoi. Afe omoi comeci íaifue múiñuamona omoi ámatiaína uáfueña nahí izíruiarediomoi. Afe daí conímana mai omoi comécido, naa omoi ríinodo izírui.

<sup>23</sup> Mei jí, como meine jéicigaomoi. Come móomona meine jéicíñegaomoi mei títiaiyai. Mei íadi Juzíñamui uaido meine jéicigaomoi. Afémie uai jaca ninomo féiñeno zíñona ite.

<sup>24</sup> Jaiyai Juzíñamui Cuegáuai daje izói llote. Aféuai daide: Nana bíniemo ite náiraímona illa dígamie jaca ráitiai izoide.

Iaioi jamánomo jalléinafue ráitiai záfia izoide.  
Afe ráitiai dúifrede; dúillamona ie záfia uaide.

<sup>25</sup> Mei íadi cai Ocuídime uai féiño jaca zíño ite.  
Afe bie uai, ua ómoimo lloga ñue jíllona uai.

## 2

<sup>1</sup> Mei jira nana ómoimo ite éoicana finócafuiái fáicanocairi. Daje izói jíáimana o jífueacanafue abido oño fáicanocairi. Comeci íairena mei, emodo ífuedo comínina ñue úritime izóidifue omoi féitari. Daje izói jíámamo omoi úradoño iri. Afe mei naga jíáimana ebena úacaillafuiái mai omoi féitaziri.

<sup>2</sup> Mei afe méifodo como jococa úrue izói comece náiretaite jirolle jenori. Ua, monoí ii jírua izói Juzíñamui lloga íáinino, juánide uailai mai izire omoi jenori, nágarui áfemo omoi comécillena. Afedo ñue riire mónaitiomoiza. Daje izói aféuaido nanómona omoi íñoia, jíllaitiomoí.

<sup>3</sup> Ua daí omoi jenori, mei cai Ocuíraima comécina ñuénana onódiomoiza.

### *Jesucristo cómena zíño cáatate nofici izóidime*

<sup>4</sup> Ie jira cai Ocuíramamo mai omoi ánoziri; afémie cómena cáatate nofici izóidimeza. Afémie comínimona fiénide nofici ruifíruillano oni dotaca izóidime. Mei íadi Juzíñamui dibéndo afémie iere ráifide nizeca nofici izóidime.

<sup>5</sup> Afe izói omoi cáatate noficiái izóidimacidiomoí. Iemona Juzíñamui ómoína óiacade, ie cióñena ua ífirenaco níllena. Afemona abina omoi rairuíño iri. Daje izói Juzíñamui íeiena mameca, Juzíñamui comínido úrirainina dáaziena ómoína jóoneacade. Daí omoi jáillemona, uaido Juzíñamui íóbillena fecácafue íemo Jesucristodo fécaitiomoí. Afena Juzíñamui jeire óiteza.

<sup>6</sup> Cai Ocuíraima Jesucristo bie nofici izóidime. Ie jira Juzíñamui Cuegáuai uícodo daje izói llote; aféuaido Juzíñamui daide:

Afe cue irácomo, ñi Sión daínácomo, dámie jóneticue.

Afémie iere ráifide nizeca ñue riire mozíoide nofici izóidime.

Nana afémiemo ínotino meáidaiño tainomo fáifíñeitiaioí, daide.

<sup>7-8</sup> Ja birui afémiemo ñue ínotimacidiomoí. Omoi bie nofici izóidime jamánomo ráifide. Mei íadi afémiemo ínoñeite comíni, écitailla izói, afémiemo baídiaioí. Ua Cuegáuai benomo daína izói ja íaioimo zuide. Aféuai daide:

Afémie écitaitate nofici izói ite.

Ua áillue noficiemo écitaide baíilla izói afémie íemo ínoñedinona báitate.

Mei afe llogáuai jeire oñenamona, écitaidime izói baídiaioí. Afe íaioí baílle jaíai ninomo daí mamécacaci. Daje izói afe ñue riire nofici izóidime íaioí ínoñenamona nane jíáie daínáuai íaioimo zuide. Íaioí ínoñegamie dibéndo aféuai daide:

Jofo níraini oni dotaca nofici jae ua riire mozíoide nofici izói jaide.

### *Juzíñamui jaináidimacidiomoí*

<sup>9</sup> Mei íadi nizécaziediomoí. Afe izói Jamánomoidillaíma Juzíñamui íédiomoí. Juzíñamui ocuífrega afémiemo comínido úrirainidiomoí. Afe emódomo Juzíñamui ñue finoca ie ocuífrega náraidioí. Daje izói dama Juzíñamui jainaide comínidiomoí. Bífuiái bie izói jóide, Juzíñamui cai jíllóillena uaido jamánomo ebire finócafuiái jino comínimo omoi llóllena. Afe bíedo Juzíñamui, omoi jítifomona jino ie jamánomo ebírede úzefomo, ómoína jírite.

<sup>10</sup> Jaíai illáruido Juzíñamui ómoína daide: “Cue comíniñediomoí,” mei íadi ja birui Juzíñamui jainaide náraidioí. Jaíai ómoimo buna dúecaíñede, mei íadi birui Juzíñamui duéruigamacidiomoí.



*Afe jaináidino Juzíñamui táijitaganona itíai*

11 Izíruiga ámatiai, Juzíñamuimo ínoñedino cígiri itíomoi, jicánemaci izóidíomoi. Ie jira izire jicádicue, bie éniemo ite táinomo come abí jitailla fiénidífuiaimona mai abí omoi rairuiri, mei afe abí jítáinafuiai omoi comécimo bacáuaina íoideza.

12 Juzíñamuimo ínoñedino cígiri omoi illa dinó ñue illa dibénedo mai omoi iri. Mei birui afémaci fiénidímacidíomoi izói, ómoína uáitaoidiaíoi. Mei íadi afe ómoína uáitaoidino, omoi ñue illáfueña íaiíoi cíónamona, ñibaí íaiíoi comécimo ite fiénidífuiaí ñúefuiaína méidoitiaíoi. Iemona Juzíñamui íaiíoiña dúecaizaíbilliruimo afémaci daje izói Juzíñamui íóbioitaitiaíoi.

13 Cai Ocuíraimana ícoínia, nana comíni jónega ríimaci anamo, mai omoi itábicaíri. Daje izói jabóidíllaíma nahíllaíma anamo omoi itábicaíri. Afe nahíllaíma jamánomo ocuídímie.

14 Afe nahíllaíma oreca jabóidíllaíni, fiénidínona duere fínoitiaíoi, mei íadi ñúefue dibénemo itínona ébitaitiaíoi. Iemona íaiíoi anamo ífireíri.

15 Mei jira Juzíñamui ñue illáfueño omoi íllana jitaide, áfedo abina onóñedímaci, comécínino úritímaci díga íaiíoi táinodo úrillauai omoi fáiñocaitallena.

16 Ráiruíñegamaci izói ñue omoi macari. Mei íadi afe omoi rairuíñenafuedo fiénicana abina omoi ínoñeno iri. Dáarie afe rairuíñenafuedo abí ínuamona fiénidífue fínócadiaíoi. Afe izói omoi íñeno iri. Mei íadi Juzíñamui izire rairuica táijitaganona izói omoi macari. Daíí omoi íadi iere ñuera.

17 Dáamie jámairuíñeno nana íaiíoi íllaze ñue caímare jacíruioíri. Nana ámatiaína daje izói omoi izíruiri. Juzíñamuimo ñue izire omoi jacíruioíri. Daje izói nahíllaímana uáitañeno ñue omoi jacíruioíri.

*Cristo nauí duere zefuíllafue afe izói cai íllena caímo cíotate*

18 Táijitagamací, omoi ocuídímíiaína ñue jacíruioícana íaiíoi anamo mai omoi itábicaíri. Omoiño dúecaífrede caímare ocuídímíiaí, mai íaiíoi anamo itábicaíri. Daje izói jíaíe riire táijítate ocuídímíiaí anamo mai omoi itábicaíri.

19 Nágamíiaí taino abíri duere zefuítaadí, mei íadi afe llezica Juzíñamuimo comécínamona afémaci nai caímare ía, afe Juzíñamuína íóbitade. Juzíñamui ñue facátainafue afémacímó jóoneite.

20 Mei jíaífodo fiénidífue omoi fínóadí, íemona ómoína duere íaiíoi fínolle llezica nai járidoñeno omoi ía, onóígaza afefue figo jínoñeite. Mei íadi ñúefue omoi fínuamona ómoína duere íaiíoi zefuítaadí nai járidoñeno omoi ía, ja omoi íllafue Juzíñamui eróicana figora.

21 Ua afe daíí omoi íllena Juzíñamui mamécamacidíomoi. Mei jíí omoi ícoínia Cristo íere duere fínócaza. Afe íe duere zefuíllafue omoi fídítate, afémie ílla izói omoi íllena.

22 Afémie jaca due fiénidífue fínóñede. Daje izói jaca buna jífueñede.

23 Fiénidíuailaí Jesumo íaiíoi nita llezica, íba olle fiénidíuailaína afémie lloñede. Izire íena zefuítatiaíoiño, Jesús riire íbana otátañede; mei íadi dama afémie Juzíñamuimo dama íe uai jóonete, mei Juzíñamui ñue jaícína jóonefírede riire jicánoraímanaza.

24 Daje Cristo cruzmo ílla llezica, dama íe abído cai fiénidífuiaína abíocaíga izói uite. Ua afémie cai fiénidífuiaí uíga, aféfuiaí dibénemo tíidínuiaí izói cai íllena. (Daíí aféfuiaína fínoñeíticai.) Mei afe méífodo, nífuenino Moo Juzíñamui ío dibénemo ñue jaícína íredícaí. Afémie aílló bofécamíena jaide ñue jíllotagamacína omoi jáíllena.

<sup>25</sup> Naui úiñoñega júdaizite ovejai izói ebena macádiomoi; mei íadi birui Crísto mo ja meine abido dúciomoi. Ovejai úiñoñeima izói afémie ómoína úiñoñefrede. Afe izói afémie omoi comeci rairuítagamie.

### 3

#### *Airedino iníredino diga íaioi ñue íllena llétafue*

<sup>1</sup> Nana ríimaci anamo cai itábicailla izói, nana ómoimona iníredingotiai dani omoi inítiai anamo ñue omoi itábicairi. Mei omoi inítiaimona nibai dárie Juzíñamui llogáuaina nai íñoñediaioi; mei íadi omoi ñue illáfueña íaioi ciónamona, íaioi comeci ifue nibai ñúefueña méidotaite, jíáie uáillaina nai omoi llóñeniadi.

<sup>2</sup> Ua omoi íaioi anamo ñue íáinino itábicaillafue áfena íaioi ciónamona, daje izói Jesumo ínoitíai.

<sup>3</sup> Jamáingotiai fiérilla izói mai omoi fiériri. Mei aillo jino abimo jítaca raa izóidedo fiériñediaioi. Mei jira fia abi fiédua ráifide oro finoina raana jítáñeno omoi iri. Afe izói jamánomo féirede ífóti nílado fiériñeno iri. Daje izói aillo ráifide iníroina jítáñeno iri.

<sup>4</sup> Mei íadi omoi comécina ebire fiérilla izói ñue omoi finori. Afe omoi comécina mánainafueña járidoñenafue diga omoi fiéríta afe iere ñuera. Afe bie féiñede ebíredifue Juzíñamui eróicana jamánomo aillo ráifide.

<sup>5</sup> Afe daí jáiáidinomo ite Juzíñamuimo ínofirede íáfuenidingotiai comécina ñue fiéritadiaioi. Afe llezica íaioi inítiai anamo ñue itábicaidiaioi.

<sup>6</sup> Ua daí Sara Abraham daínafueña jeire ote. Afe daí úamona afengo íena: “Cue ocuíramadio,” uáidofirede. Ja birui nífuemo omoi jacínaiñeno, ñúefue omoi jeire oía, Sara izóidingotiaína jáitíomoi.

<sup>7</sup> Afe dánomo nana ómoimona áredimíai cácarei. Caimare omoi áitíaimo comécillano, dani íaioimo dúide ñúefueña íaioimo nitari. Mei ringóniai íima jofófemo jabóicana mairídeza. Daje izói Juzíñamui ómoimo dúecaillano fecaca zíiñona illifue, dájeze ringóniaimo fecaca. Afemona cámafuedo íaioimo úriredíomoi. Afe izói omoi iri, omoi Juzíñamuimo úrilla uai jíziñeilleza.

#### *Ñue omoi illa ícoínia duere zefuítagaomoi*

<sup>8</sup> Nana bífuiaimona daa ráifidíuaido nana ómoimo úritícue. Mai dáafuemo comeci fácano, conímana caimare omoi canori. Daje izói conímana omoi duériuri. Ua nahí ámatíai izói conímana omoi izíruiri. Come dúecaillano comécina mánaidímacina omoi iri.

<sup>9</sup> Daje izói fiénidifue comuí afe íbana oñeno iri. Afe izói báíñuafue comuí, íbana báíñoñeno iri. Mei jíáifo dájecana ñúefue íba íaioimo oíri; Juzíñamui ómoína íe ñúefue llínollena mamédeza.

<sup>10</sup> Mei jí; Juzíñamui Cuegáuai bie izói daide: Biruúllaido ñue illáfueña izíruitímie, caimare are íacadímie diga, fiéni úrillafueмона mai íe fue ráiruiteza.

Afe izói dámie caimare íllado are íacade íe fue rairuíredeza. Iemo daje izói tánofuíaína mai afémie llóñeíteza.

<sup>11</sup> Fiénidífuíai afémie fáicanocaillano mai ñúefuemo comécíteza; Iemo conímana comeci caimare uái illafue jenórede.

Afe mei afémie nágarui áfeodo jáiredeza.

<sup>12</sup> Mei cai Ocuíraíma comécina jáícina jóidímacina rairuúllano ñue úiñoñeíteza.

Daje izói afémiemo íaioi úriadi, íaioimo cacáreide.

Mei íadi fiénidifue finódinomona íe uiéco oni jíicaide.

<sup>13</sup> Jíáímamo ñue finóllino jaca izire omoi jenóadi, íraamo omoi jíritaitímiena íñeíte!

<sup>14</sup> Mei íadi omoi jaícina ñue illáfuedo omoi duere zefui daí, caimare íitíomoi. Buna jacíruiñeno iri; daje izói áfedo comeci llícítaiñeno omoi iri.

<sup>15</sup> Mei íadi Cristo omoi comécido nahí Ocuídillaimana mai omoi mameri. Mai uícomo ñue omoi finóbiri, ómoimo ite úiñogafue jicánotimaci uai omoi ólleza. Mei íadi jacíruiocana comeci mánainafuedo afe fairíoina uai omoi oíri.

<sup>16</sup> Omoi illafue ñue jaícina mameri, omoi comeci úrillafue nífuenino uái íllena. Ja Crístomo omoi ínuamona, omoi illafue ñuera. Afe omoi ñue illáfuedo fieni úritino ite. Ie jira ua omoi abi illafue ñue jaícina jónefireiri, ómoimo fieni úritino dani íaiói fieni úrilla uáillairi meáidallena.

<sup>17</sup> Juzíñamui jitáíadi ñúefue ícoinia duere omoi zefuíadi afefue ñuera. Juzíñamuina íóbitade. Mei íadi omoi fieni finócafue ícoinia duere omoi zefuíadi afefue figo jínoñede. Afefue Juzíñamuina íóbitañede.

<sup>18</sup> Mei dama Cristo cai fiénidífue ícoinia, dama abido tíñellinomo, dácaiño duere zefuíllano tíide. Afémie iere fígomie, mei íadi cai fiénina ícoinia cáiconi duere zefuízabite, Juzíñamui illánomo cai jáillena. Ie abi íeizi dibénedo titácamié, mei íadi Juzíñamui Joréñodo meine abido cáadimie.

<sup>19</sup> Ie mei Cristo ie joréñodo, nai meine caifo náidañena llezica, jíainomo íbaicoga tíidino joréñuai afémie llétajide.

<sup>20</sup> Bimaci jaiái ninomo Noé illáruido llogáuaina jíeruiñedino. Aféruillaido áillue nocáe Noé fínua llezica, fiénidino duere finólliruiamo Juzíñamui comeci raire járidoño, fíaicana áfemo úiñoide. Afe áillue nocaedo nana dane ocho dígamie jíllodiaíoi. Ua Juzíñamui izire comini duere fínuamona, afe aillo jainoi cígimona jíllodiaíoi.

<sup>21</sup> Afe jáinoimo cai uibíllano, íaiói jílluafue caina onótate. Ie jira afe jainoi báutiza jainoi izoide; mei báutiza jáinoido fiénidífue mona cai jílluana onótagacaiza. Bautismo ráifinafue fia abi íaífue duáfueñede. Mei íadi ñue íainide comeci úrillafue Juzíñamuimo cai jícafue dibénemo bautismo ráifinafue comuide. Afe íainide comeci úrillafue afémiemo jicáredicai, mei Jesucristo tíide meine cáanafuedo jíllotagacaiza.

<sup>22</sup> Afémie meine cáaillano monamo jaide. Jaillano Juzíñamui nabézimo ite. Nana Juzíñamui abi imaci, jae Jesús anamo itíaiói, naa jíaie ríimaciri. Ua nana máirimaci baímo afémie ríinorede.

## 4

### *Juzíñamui caímo fecaca eróicana, come máirie illa dieze, íemo tájiredicai*

<sup>1</sup> Mei jira, Cristo dama ie abido duere zefuilla izói, dani omoi abina Crístodo duere zefuíllena daí finóbirediomoí. Afena rairuíñeno omoi iri. Mei Cristo ícoinia abina izi cácatagamie abido fiénidífuiaina finóacañede.

<sup>2</sup> Iemona nana ie cáanaruillaido Juzíñamui comeci jítainafue izói iite. Afémie bie éniemo jaináidino comeci jítaíoinafuiaina fuitállena jénoñeite.

<sup>3</sup> Afe Juzíñamuina onóñedino gáinafuiái izói jamánomo jaiái ninomo are omoi illa ja daí itíomoiiza; meine daje izói iñeno omoi iri. Naui aféruillaido fiénidífue diné jaináidiomoí. Omoi comeci fieni jítainafuiáimo íoidiomoí. Daje izói jamánomo fiénidíji omoi jíruamona jífáifirediomoí. Omoi dáanomo aillo güilláruillaido fiénidífuiáiri faillíñafirediomoí. Daje izói jánaráimo gairífirediomoí, afe jánarái íóbitallena. Daí gairíllano aillo bie izoide íaífuiái finófirediomoí.

<sup>4</sup> Ja birui bie Juzíñamuina onóñedino, ja aillo jamánomo íaifue dibénemo itíaiói. Iemona íaiói omoi fieni nabáiñenari, fáigacaidiaíói. Iemona ómoímo fieni úritiaíói.

<sup>5</sup> Mei íadi afe fiénidímaci íaiói comeci ifue jino Juzíñamuimo llórediaíói naa íaiói finócafuiari. Ua cáadino tíidino diga afémie íanori íllamona iere riire jicánoite.

<sup>6</sup> Mei jii, Juzíñamui daina jílona uai tíidímacimo uícodo llotátaga, afe tíidino joreño dibénedo Juzíñamui illa izói íaiói íllena. Jiái íemo baimaci, nana bínie comíni tílla izói tíitíaiói íadi, ja Juzíñamui illa izói cáaitímacina írediaíói.

<sup>7</sup> Ja naga ráfuiái fuizáíllinomo ánozide. Mei jira ñúefuemo comécidímacina omoi iri. Afe izói Juzíñamuimo ñue úrillafuemo jifánodoíñeno izire omoi facáoiri.

<sup>8</sup> Omoi finoca naga jiáie raa baímo, conímana iere omoi izíruiiri; mei izíruiillafue aillo íaifuiaina enínaitaga izói niné féitateza.

<sup>9</sup> Conímaíaina ómoímo mácaíbitinona diga, omoi jofomo comécido ruifíruiñeno caímare llínofíreiri.

<sup>10</sup> Illa dígamaci Juzíñamui ómoímo iga táijina ríino daina izói jiáimana canóredíomoi. Afe izói omoi íllamona Juzíñamui ómoímo fecaca jiáifodo onóigafuiaina ñue dájerize fecáramacina ítiomoi.

<sup>11</sup> Dámie uailai jino llóiacania, comíni llófuellena, Juzíñamui daina uailai jino llórede. Dámie jiáimana canóadi, Juzíñamui fecaca ríinodo canórede. Nana omoi táijinafuedo ñúefue Juzíñamuimo nitáredíomoi. Jesucristo cai diga íllamona daí Juzíñamuina íóbitaredícai. Mei afe Crístomo nana ebirede ñúefue, daje izói ríino diga jaca afémiemo ziiñona dúideza. Aqué izói jóideza.

*Jesucristomo cai jainaina ícoínia duere fínócanodícai mei íadi meáiruiñedícai*

<sup>12</sup> Izíruiiga ámatiai, ómoímo cómuite izire facátainafueri fáigacaiñeno iri. Aféfuíaina jánaídí fue daíñeno iri.

<sup>13</sup> Mei jiáifodo aféfuemo omoi caímataíoiri; ja Cristo duere zefuíllafuiái dibénomo dúiredíomoi. Afe izói omoi íadi, Jesucristo ebire bíllana omoi cíoillemona jamánomo íóbicaítíomoi.

<sup>14</sup> Cristo ícoínia omoi íaiói báíñoia, cámafue dibénemo ítiomoi; mei Juzíñamui ebírede Joreño úcaígaomoi. Omoi báínotíno Crístori fieni úritiaíói, mei íadi omoi dibénomona ñúefuedo íemo úritíomoi.

<sup>15</sup> Omoímona dámie duere zefuíadi, come fáfiredímie, mei níbai merírífredímie dibéfuemo duere zefuíñeno iri. Daje izói íáíbadímie, jiáie come ífuemo gágutajidímie dibénemo duere zefuíñeno iri.

<sup>16</sup> Mei jiáifodo, Crístomo ínotínona omoi mameina ícoínia, duere omoi zefuíadi, áfena meáiruiñeno iri. Ua meáiruiñeno aféfuerei Juzíñamuina omoi íóbioitari.

<sup>17</sup> Mei ja Juzíñamui cai lletáílliruiimo dúcizaide. Ua dani Juzíñamuimo jánaídínomo jaícina llétafue fueñe táiniaide. Mei afe jaícina llétafue daí caímo taíneíadi, ¿nie izói Juzíñamui llogáuaina jeire onéidino, íraíruimo dúcille llezica, ítíaiói? Afémaci lletáíllí fue jamánomo riire zúite.

<sup>18</sup> Fígomaci dibénomo jíllíllí fue juare ia, Juzíñamui ñue jacíruiñedino jíllíllíno iere féirede. ¿Nie izói níbaíllíaiói? ¡Níbaíñeítíaiói!

<sup>19</sup> Ie jira Juzíñamui comeci jítaílla izói duere zefuídino, naga ñúefuiaina fínóicaírediaíói. Afe llezica íaiói comécíai Juzíñamuina rairuítarediaíói. Mei Juzíñamui méidoñeno ínofíredímieza, íaiói comuítatímieza.

## 5

*Crístomo ñnotino llóina uai*

<sup>1</sup> Omoï gairífirena cígimo ite ocuide eicomínimo cue llóina uai llóiticue; cue ja afémaci izóï eicómedicueza. Daje izóï Cristo duere zefuilla uai nabáidimedicue. Ico nírui Cristo bille llezica ie ebíredifue cíocailliruimo, afe ie ebi omoï cácaille izóï, afe izóï ie ebi cácaiticue.

<sup>2</sup> Nana omoï uai anamo itínuiái ñue íaioina omoï úíñori, oveja úíñoraíma ie ovéjaíai úíñua ízoi. Ráairuiñeno, Juzíñamui jitailla izóï, omoï comeci figónamona íaioina omoï úíñori. Jíáíma izire ocuilla izóï íaioina omoï úíñoñoño iri. Dama úcube óllena úíñua izóï íaioina omoï úíñoñoño iri. Dama omoï comeci óiacana izóï caimare omoï tájjiiri.

<sup>3</sup> Omoï uai anamo itínona ríirerie comécina éoide comini úíñotimie úíñua izóï omoï úíñoñoño iri. Mei jíáfodo omoï illafue ñue jaícina omoï mameri, omoï illa izóï íaioï illeza. Mei daíí ñue illafue fueñe íaioímo jino llotímediomoíza.

<sup>4</sup> Afe jira Nahí Uiñoraíma Cristo cíocailliruimo ebírede ñúefue ómoímo nítaite. Afefue jaca ninomo féiñeite. (Comini dibénemona cómemo fecaca raa, jamánomoidimie daíllena, fia rábiai finoina ífo icuifoï. Afécuifoï etuda niné táinocaite, mei íadi omoï maiñóredifue jaca niné táinocaiñeite.)

<sup>5</sup> Afe daje izóï, jitócomini, mai omoï ocuide éinamaci ñuera ríiuai anamo itábicaíri. Ua nana omoï conímana comeci mánaínafuedo daje anamo dájena itábicaíredímoí. Mei jaíai Juzíñamui Cuegáuai daíde:

Juzíñamui, nana fieni abí ñnotinona uáitaoide; ua íaioímona ie uiéco oni jíicaide.

Mei íadi nana comécina mánaídinona afémie dúecaífirede.

<sup>6</sup> Mei jira Juzíñamui ñue ríirede uai anamo ríiriñeno comécina mánaídimiena omoï iri. Afemona ie comeci daílliruido afémie ómoína jamánomoidimiena jóoneite.

<sup>7</sup> Nana omoï izire comeci líicidífuiaí Juzíñamuimo uáfodo lloíri; mei afémie ómoína iere rairuídeza.

<sup>8</sup> Ñue cáadimie izóï abí omoï rairuíoiri; mei cai bacáuai ímie Taífe caina jenódeza. Ua jufíruite jánallari rille jénua izóï afémie caina jenódeza. Ua jenode caina fiénidífuemo ífóllena.

<sup>9</sup> Afémiemo omoï ñnogafuedo izire uáitaoicana abí omoï mameri. Mei nágagobiaímo ite omoï ámatiaí dáafueri duere zefuíaímoíza onódiomoíza.

<sup>10</sup> Mei íadi nano íanori duere omoï zefuilla mei, Juzíñamui meine abído caimare duere zefuíñena dibénomo ómoína itátaite. Afe llezica íaífuemo comécina féitanide cómena ómoína mámeite. Ua dáaruído ómoína ríire nibáinino nabéfuena náiretataite. Afe daje Juzíñamui fiénidífuemona abí rairuíllafuena cai ite, naa jíáie canóinafuiaíri. Dámie íemo ite ziiño ebírenafuemo ebi cai cácaíllena, afémie áfemo caina mamede; mei Jesucrístomo cai jáináíllamona, áfemo ebi cácaíticaí.

<sup>11</sup> Uafue, afe Crístomo nana ebírede ñúefue, ríino díga jaca zííñoña dúide. Aquíe izóï íteza.

*Iraífuena facádua uai*

<sup>12</sup> Bie íanori cue cuegabe Silvánodo ómoímo orédicue. Afémie ñue ñnofirede ámaza comécido onódicue. Afe bibedo ñúefuemo omoï íllena omoï llófueticue. Ja aillo Juzíñamui ézicígafuiaína jeire otímoí. Iemona afémie ómoína iere izíruíteza ua onódiomoí. Aféfuedo ríire nibáinino ómoína mamédicue, uáfodo omoï onóíllena. Bífue nágarui jaícina jeire omoï oíri.



<sup>13</sup> Babilonia jófuego ite Juzíñamuimo gairídino, Juzíñamui omoi izói eneno nizécano, ómoimo uailai orédiaioi. Daje izói cuedo jáicadimie Marcos ómoina uáidote.

<sup>14</sup> Nahí ámana izíruilla izói caimare conímana omoi uáidori. Nana omoi Jesucristomo jaináidinodíomoiza, mai caimare uái omoi iri. Mai; jae n#e.

## SAN PEDRO MÉIFODO CUEGABE Segunda Carta del Apóstol San Pedro

### *Jesumo ñnotinomo Pedro cuete*

<sup>1</sup> Cue Simón Pédrodicue. Jesucristo ocuífirregamiedicue. Daje izói ie oréfirregamiedicue. Iere ráifide ñnuafue jeire otínomo bibe cueticue. Omoi ñnogafue daa cai ñnogafue izói ráifide. Aféfuena ja fairíotiomoi, mei cai Jíllotatimie Jesucristo Juzíñamui diga comécina ñue jaícina jóidimieza.

<sup>2</sup> Cai Ocuíraima Jesús, Juzíñamui diga, omoi onónamona diga éziciafuiái, daje izói comeci caimare uái illáfuiái dibénomo omoi iri.

### *Crístomo jaináidinomo ite ñie izóidifuiái*

<sup>3</sup> Nana cai comeci jitaica raa, Juzíñamui iodo caimare cai jáillena Juzíñamuimo ite ríinodo caimo fecaca. Afémie cai ie fidítamona bífuiaina caimo ite. Ua dama íemo ite ñúefuiaido afémie caina íemo ñnotade. Daje izói ie fáigacailla ebire finócafuiuido íemo caina ñnotade.

<sup>4</sup> Iemona ie jífueñeno fecalle uai caimo llote. Bie caimo llogáuái iere aillo ráifide uai. Afe uáillaído Juzíñamui illa izói íitíomoiiza. Nana comini íaifue dibénomo fiendi comeci jítainafuiuido uigámaci; mei íadi Juzíñamui ómoimo llogáuuido afe íaifuemona jae jíllodiomoi. Iemona Juzíñamui ñue illafue dibénomo íitíomoi.

<sup>5</sup> Mei ie jira omoi ñnogafuemo, nágarui Cristo ñue illáfuedo omoi íocire jáillafuena aillo nabáicana uiri; afe omoi ñue jáillafuemo caimare fibíllafue daje izói nabáicana omoi uiri;

<sup>6</sup> afe caimare fibíllafuemo, dama abina rairuíllifue omoi nabáicana uiri; afe dama abina rairuíllafuemo comeci járidoñenafue omoi nabáicana uiri; afe comeci járidoñenafuemo Juzíñamuimo caimare comécillifue dájemo nabáicana uiri;

<sup>7</sup> afe Juzíñamuimo caimare comécillafuemo ámatiaína duéruillafue dájemo nabáicana uiri; afe ámatiaína duéruillafuemo nahí izíruillafue mai izire dájemo nabáicana uiri.

<sup>8</sup> Nana bie izói daináfuiái jeire omoi óiadi, afe llezica aféfuiái ñue omoi móonaitaiadi, omoi illafue táinomo báíñeite. Daje izói cai Ocuíraima Jesucristona omoi onónafue táinoñeite.

<sup>9</sup> Mei íadi bífuiaina jeire oñédino uínidimie illa izói ite; jica cióñeno áinori ciódimie izói ite. Jaíai ie finoca fiénidifuiái dóinamo ja comécíñede.

<sup>10</sup> Mei jira, ámatiaí, Juzíñamui uáidota eneno nizécamacidiomoiiza onódiomoiiza. Iemona jíeredimaci izói omoi iri, aféfuiái omoi comécimo ríire amena jáinao izói íllena. Afe izói omoi íadi, jaca Cristo íomona oni nibéfodo jáíñeitíomoi.

<sup>11</sup> Bifue daina izói omoi íadi, cai ocuide Jíllotaraima Jesucristo zííñona illáimana illánomo, rairuíñeno caimare jofo uáidollíomoi.

<sup>12</sup> Mei íemona bífuiaimo omoi comécioitaiticue; aféfuiái onódiomoi íadi. Daje izói afe ómoimo birui ite ua uai jeire otíomoi íadi, nai jaca jaícina comécioitaiticue.

<sup>13</sup> Bie ñue llóinafue uáfodo ómoimo cue lletalle nai cue jáicana llezica, cúemona ñue jaícina cíoiide.

<sup>14</sup> Mei jíi, nauí cai Ocuíraima Jesucristo benó illa llezica, raire cue tíllano bie éniemo cue íñeillena cuena daide. Afémie cuemo llua izói ja raire íficaite.

<sup>15</sup> Ie jira birui nana cue ríinodo llófueriticue, cue tilla méifomo bífuiaimo jaca ñue omoi comécillena.

*Pedro Cristo jamánomo ñuera ébifuenta ciónana jino lote*

<sup>16</sup> Naui cue nabáñiaí cue diga cai Ocuíraima Jesucrístomo ite ñuera ríino ífuenta omoi llófueticaí, ie meine abido billifue diga. Nana afe llófueinafuiái dani cai comécimo comúidifueñede. Táinofuenta lloñédicaí, mei íadi dani cai uído ie jamánomo ñuera ébifuenta ciódinodicaí. Iemona uafue lloticaí.

<sup>17</sup> Ie Moo Juzíñamui íemo ñúefue nitana, jíaíe ebíredifue íemo fécana dani cai uído ciódicai. Juzíñamui ebire ie uaido daide: “Bie cue izíruiga jító. Afémieri iere ióbioidicue,” daide.

<sup>18</sup> Aquíe izóí monámona Moo dáinana dani cai jefodo cacádicaí; mei afe ñue eneno nizeca ídumo afe cai Ocuíraimaíori jáidicaíza.

<sup>19</sup> Bie como cai llogafue baimo, jíaíe nahí ua llogafue ite. Bie nahí uafue jaiái uícodo uai jino llóraini lloga cuezáuai. Afe cuezáuai cai llogáuaina nabaide. Bínie nai jítifomo illa llezica búuaina ráiruiñeno iere jeire órediomoi. Aféuai mechera naío bóua jítifo egáñua izoide. Ua aféuai nai mona mónañenia, jítifo egáñua izóí omoi comécina egáñote. Afe mona monailla llezica monáiracudu izóidimie billano, omoi comécina ñue jaícina déitaite.

<sup>20</sup> Mei fueñe bífuego omoi coméciri: Cuezáuaimo ite uícodo jino lloga daináfuiái dama afe uai lloráimamona llóñega.

<sup>21</sup> Mei onódicaíza, uai llóraini jaca dani íaíoí comeci jítinafuiáido úriñediaíoí. Mei jíáfodo afe Juzíñamui íeiena maiñócamaci afémie dibéfodo úritiaíoí; mei Ñuera Joreño ífócaiaíoíza.

## 2

*Táinofuiaina llófuefiredino  
(Jud 4-13)*

<sup>1</sup> Mei íadi afe dáaruillaído Israel comini cígiri táinofuiái jino llóraini ite. Afe izóí omoi cígiri táinofuiáido llófueritino íite. Afémaci dani fiéni finode ífoci úrillafuena báinino omoi llófueitiaíoí, comini Juzíñamuimo íaíoí íinogafue féitallena. Daí aféuaido íaíoína jíllotaite Ocuíraimana jáanoitiaíoí. Afemona íaíoí niné raire táinocaillifue dani íaíoímo zúite.

<sup>2</sup> Íaíoímo ite fiénidifue dibénedo aillo comini jáitiaíoí. Dani afémaci ícoínia cai ua ñue jaille iori fiéni úritiaíoí. Bie ñue ua cai jaille io Juzíñamui ñúefue.

<sup>3</sup> Íaíoí aillo úcube llínoiacanamona, táinofuiáido omoi íaíoí jífuiado úcubena llínoitiaíoí. Mei íadi íaíoí niné táinocaitaimie, íaíoí finócafuiaina cíoillano daí íaíoí táinocaillifuena fáicanocaiñeno maméoide. Mei jaiái ninomo íaíoí duere finóllena mamécaiaíoíza.

<sup>4</sup> Juzíñamui abi imácomona dáarie fiénidifuego baíidiaíoí. Afémaci íaífuena Juzíñamui doñede. Doñeno duere zefuille iraimo íaíoína orede. Jítifomo íaíoína fiénocaide. Dinomo íco izire jícanolliruimo baí óllena cuinácaiaíoí.

<sup>5</sup> Daje izóí Noé illágima llezica fiénide comini íaífuena Juzíñamui doñede. Mei íadi jamánomo áillue jáinoido afe fiénidinona Juzíñamui nana fiéñeno fuitade. Afe fiénide náiraímona dama Noéna naa siete diga ie comíniri Juzíñamui jíllotate. Afe Noé jaícina ñúefuedo íaíoína lletade íadi jamáiena faitíaíoí.

<sup>6</sup> Bifue mei, daje izóí Juzíñamui Sodoma jofue, Gomorra jofue imaci diga niné táinocaitate. Ua nana íaíoí jofue bóua mei, daa imuíciaí fiébilla. Ua daí izire niné táinocaitate, ie méifodo fiéni íitino, bífuena cíoillano, Juzíñamui fiénidino izire duere finófirede daíllena.

7 Afeno bóocuamona Lot dainámie comeci ñuénado íena jíllofade. Lot afe íairede comini fiene illáfueña ie cionamona ie comeci jamánomo zúucaide.

8 Bie comécina ñúemie Lot, nágarui fiénide comini cígiri ie íllari, íaioi fiene finócafuiaina ciode; íaioi fiene úrillafuiaina cacade. Aféfuiaie ie ñuera comécina zuure finode.

9 Daií cai Ocuíraima nana íena ñue jacíruitino íaioi comeci fiene facátafuiaimona íaioi jíllloillena ñue onode. Daje izói afémie nana fiénidino ico íraicaiño iere jicánolliruimo duere finóllena oni eneno jóoniana ñue onode.

10 Nana íaire comeci jítainafue jeire óiacadinona Juzíñamui iere duere fínoite. Cai Ocuíraima ríinona jámairuitinona daje izói duere zéfuitaitiaioi. Afémaci llétana cacáacaiñedino. Illáimana jacíruiñedino. Daje izói monamo ite jóriai izoide ríinoredinona báíñuana jacíruiñediaioi.

11 Juzíñamui abi imaci afe fiénidino baimo ríinorediaioi. Daií íaioi illa íadi, afémaci afe jóriai izoide ríinoredinona fiene daiíñediaioi. Ua cai Ocuíraima uíecori afémacina báíñuafuedo “Duere zéfuitiomoi,” daiíñediaioi.

12 Afe fiénidino rílleniaie izói abina onóñediaioi. Afe rílleniaie da ebena illáfueño itíiaioi. Ñúefue dine comécíñediaioi. Fia llaitada fállena jocócaiaioi. Bie izói itímiaie ónoñegafuedo fiene úritiaioi. Mei íadi afémaci jiba rille izói tíitíiaioi.

13 Jiáie comini duere íaioi zefuítado duere finóbitiaioi. Ianori caimátaillufuedo jiáie iere íóbitadinodicaie, daiífirediaioi. Afémaci meáidaitadimaci. Comeci fiene finode raa izói omoi cígiri itíiaioi. Daje llezica omoi finoca ráfuiado nabáiriacadiaioi ómoína íaire finóllena. Táinona jífujete caimátailla raado jífanotiaioi.

14 Afémaci nana ciona ringomo fia érocaineno llaitada jiruifue finóacadiaioi. Afémaci fiénidifue finuana iere gáidiaioi. Afena fáicanocaiacañediaioi. Comécina náinidinona bífueña íaifueño uitíiaioi. Naga raana izire máíñuana iere fibídiaioi. Afe izoide comini íaire faidócano.

15 Afémaci Moo Juzíñamui ñuera íómona oni fiénidíodo jáidiaioi. Jaiaie uai llóraima Balaam ífuedo jáidiaioi. Afe Balaam Beor jító. Afe Balaam fiénidífuiaie ie finuado aillo úcubena llínoiacade.

16 Mei jíáfodo áfemona uáinide burra Balaam fiénidífuiaie diné íena lletade. Afe burra come izói úrillano, Balaana uáiritaidimie úrilla izói rairuúllano íena úritañede.

17 Nana bie táinofueña llófueridino jainoi íñeno jainoi orano zafénailla izóidiaioi. Jairífoodo oni niné ñaitaca mona úllie izóidiaioi. Jamánomo jítrede jítinomo zíñona íllena ríire faidócaiaioi.

18 Mei aillo abi íinua uáillaide naa táino uallaie díga, ñúemacina jífuecana uitíiaioi. Íaioi íaifuiado, comini abi jítainafuiaie díga jíáimacina bífuetiaioi. Ua íaifue dibénemo itínomona uáfueña jíllodinona meine íaifueño nane bífuiadiaioi.

19 Uícode raire llotíiaioi: “Uafue ráiruiñega comini izói íitíomoi,” daiífirediaioi. Mei íadi afe daina llezica, dani afémaci íaifue dibénemo izire jaináitaganona itíiaioi. Iemona afémaci fiénidífuie finuana fáicanocainidiaioi. Illa dígamie íena anáfenode raa íena náamatade. Iemo áfemo izire jaináitagamiéna jaide.

20 Mei cai jíllotade Ocuíraima Jesucrístona onódimaci, éniemo ite íaifuiaimona oni jíllodiaioi. Bimácimona dáarie íaioi jíllua mei nauí íaioi anáfenogafueño abido íaioi baííadi, nano íaioi illa baimo, jamánomo fígoñeite.

<sup>21</sup> Juzíñamui ñuera iona íaioi onóñenia afefue afémacimona figóñede. Mei íadi ja Juzíñamui iona onona mei, íaioimo iga ñuera lletárafuiaina féitaadi, afefue jamánomo fiénide.

<sup>22</sup> Jaiai daina ua uai como afémacimo zúilla. Aféuai daide: “Jico ie cicúecana abido güízajide. Daje izói mero abina ñue jococa nane dama ie íaibimo nane jabíjabiizaide,” daide.

### 3

#### *Cai Ocuíraima billifue*

<sup>1</sup> Cue izíruiga ámatiai, omoi cácarei. Bie méifoidibe ómoimo cueticue. Ménacaiño ómoimo cue orécabedo ómoina abi jífueñeno bífuego comécitaacadicue. Ñue llófueinafuedo ómoina comécitadicue.

<sup>2</sup> Afe jira jaiai ñuera uai lloraini caimo llogáfuemo omoi uibíoiri. Daje izói Cristo orécamaci ómoimo lloga jillotate Ocuíraima lletara uaimo féitañeno áfemo omoi coméciri.

<sup>3</sup> Nano fueñe bífuego omoi uibíoiri: íco írairuillaído Juzíñamui lloga ñúefuiaina zanófredino bítiaioiza. Afémaci dani íaioi comeci fiени óiacanafuiaído itiaioi.

<sup>4</sup> Afémaci ómoimo zanoda jicánoitiaioi: “¿Ninomo ite ómoimo lloga meine bite Cristo? ¿Néemei afe? Cai jáiaigima tilla méifomo naga raa daje izói ite. Ua énie comuillarumona naga rafue daje izói jáioicaide.”

<sup>5</sup> Daií llóitiaioi, mei jaiai ninomo monana Juzíñamui ie uaido fínuafuemo coméciaañediaioiza. Afe izói Juzíñamui uaido ocuillamona, zocade raa zocai izoi, bínie jáinoimona comuide. Iemo jainoi cigido bínie Juzíñamui ie uaido riire itábicaitate. Aféfuena náfueñeno bie zanófredino onócañediaioi.

<sup>6</sup> Afe mei daje izói énie anábaitade áillue noci aféruillaído bie éniemo ite cáadinuiaina niné táinocaitabite.

<sup>7</sup> Mei íadi birui ite mona énie diga daje Juzíñamui daina uaido táinocaitalle irai íena oni jóoneoiga. Afe irai fiénidnuiaí niné táinocailliruimo íco íraicaiño iere jicánolliruimo afe bíniena naa mona diga cuarítaite.

<sup>8</sup> Izíruiga ámatiai, bie emódomo ífueña omoi féitañeno iri. Cai Ocuíramamona daa mona mil fimona izóideza. Daje izói afémiemona mil fimona daa mona izóideza.

<sup>9</sup> Cai Ocuíraima ie daináfuiái fuitálliruimo dúcia bai jáiruimo dúiñoñeite. Dámierie afémiena jáiruimo dúiñoite daiífrediaioi. Mei íadi afémie cairi járitaiñede. Afémie buna oni fáiaañede, mei jáífodo caimo ite fiénidifuiái ñúefuena méidollena afémie iere jitaide. Afémie aféruina bai jáiruimo dúiñoñeite. Féitañeno ie mamécaruimo zúite.

<sup>10</sup> Cai Ocuíraima billirui meríriraíma naio billa izói, nai due ócuiñeitiaioimo déizaibiteza. Afe billíruimo mona naa íemo ite ráaniaíri jacire niné táinoficaite; áfena iere ficire cácaite. Nana afe mona fínua ráaniaí naa úcuairi iraimo niné táinocaite. Afe llezica bínie naa íemo ite itínuaíri cúarite.

<sup>11</sup> Ja nana daií táinocaillifueña omoi fidinamona, nana íaifueña abi omoi rairuillifue iere jitáirede; benómona afémiena caimare íóbitaredicai. Ua Juzíñamui íeíena omoi illifue iere jitáirede.

<sup>12</sup> Mai Juzíñamui ie nahí illáimana cíocaizaibilliruimo omoi úíñori. Uíñua llezica, omoi onóigafuedo aféruina raire mai omoi járidori. Aféruillaído mona ero iraido niné táinocaite. Nana énie fínua ráaniaí iraimo niné íbina jáitiaioi.

<sup>13</sup> Mei íadi Juzíñamui uícodo caimo lloga comue monamo comue éniemo ocuúridicai. Afe comue éniemo mona diga, nana raa ñue jaícina jóite. Naga raa níifuenite.



<sup>14</sup> Izíruiga ámatiai, mei benómona nai bífuemo omoi úiñoína llezica, nana ómoimo ite ríinodo omoi illafue jaícina jóoneri. Daí omoi comeci caimare uái illafue dibénemo íllamona Juzíñamui ómoimo eróicaizaibilleza. Afe izói omoi comeci íaicaiñoeno nífuenino Juzíñamui ómoimo cíoizaibilleza.

<sup>15</sup> Nane jíáifuemo omoi comécioiri. Afefue daide: Cai Ocuíraima comínimo járitaiñenafue, ua cai jíllloillifue. Daa bíuai cai izíruiga ama Pablo ómoimo cuete. Juzíñamui íemo lloga comeci jaícina fibíllafuedo cúefirede.

<sup>16</sup> Nana afémie orécabiamo daa bífuiái lloite. Mei íadi dáarie ie uailái ñue onóillena iere féirede. Abina onóñedino afe féirediuaína jíáifodo mamédiaioi. Afe izói jabo ínotino aféuaina jíáifodo dobáiñotiaioi. Daje izói jíáie Juzíñamui Cuegáuai lloga uáillaína oni jíáifodo áifedotiaioi. Afemona afémaci dani abi niné táinocaitaitiaioi.

<sup>17</sup> Izíruiga ámatiai, nana bífuiaina ja uícodo onódiomoiza, mai fiénidinomona abí omoi rairuiri, afémaci jífuerillafuedo meine abido íaifuemo omoi báiza; omoi jeire oga ñúefuena niné féiza.

<sup>18</sup> Mei jíáifodo, cai jíllotate Ocuíraima Jesucrístona, mai jamánomo ñue abina omoi onoiri. Caina ie duéruillafuemo, omoi comeci ifue aillo oni móonaitaocairi. Iere ebire ñúefue dama Jesucrístomo mai birui omoi nitari. Daje izói zíñoína ebíredifue afémiemo mai omoi nitáfireiri. Mai. Jae ñie.

## NANOIDE SAN JUAN CUEGABE

### Primera Carta del Apóstol San Juan

#### *Cáatate úrilla uai*

<sup>1</sup> Nana raa nano taineina llezica itímiedo ómoimo cueticai. Afémie Jesucristo. Afémiemona cai cacánana lloticai. Dani cai uído cai ciónana lloticai. Afémiemo eróidicai. Afémiena dani cai ónoído jetádicai. Afémie Juzíñamuimona uailai lluáibitímie. Afémie uai caina cáatate.

<sup>2</sup> Afe cáatatená itímie cai onóillena caimo cíocai. Afémiena cíoillanona íemo uai faiticai. Afémie fecalle ziiñona cáananona ómoimo jino lloticai. Nanómona afémie Moo Juzíñamui diga ite, ie mei caimo cíocai.

<sup>3</sup> Jira cai cacánafue cai ciónafue diga uáfueña jino lloticai, daaco comínina omoi cai diga íllena. Ua afe izói uáfueña Moo Juzíñamuimo dájena jaináidicai. Daje izói ie Jitó Jesucristo jaináidicai.

<sup>4</sup> Jira aféfuiaina ómoimo cueticai aféuaido jamánomo caimare ñue omoi íllena.

#### *Juzíñamui nairai comeci egáioidímie*

<sup>5</sup> Bie úrillauai Jesucristo caimo llogáuai. Afena jino ómoimo lloticai: Juzíñamui comécina egáioidímie. Afémiemo jaca jítinona íñede.

<sup>6</sup> Dájena afémiemo jaináidicai cai daíadi, íadi afe llezica jítifodo cai macáadi, taino lloticai. Daje izói táinona finódicai.

<sup>7</sup> Mei íadi Juzíñamui úzefomo illa izói, daje izói úzefomo cai macáadi, ua dájena conímamo jaináidicai. Iemo ie Jitó Jesucristo ie cruzmo tíllamona, ie die tótajamona nana cai fiénidifuiái dote.

<sup>8</sup> Cai fiénidifue íñede cai daíadi, cai abi jífueticai. Táinofue firedimacidicai.

<sup>9</sup> Mei íadi Juzíñamui ñue jaícina finóllifue mo afemo íñoredicai cai fiénidifuiái jino cai llóadi, uáfueña afe fiénidifuiaina afémie dóite. Nana íemo fiéni cai finócafue ibana caimo óñeite.

<sup>10</sup> Cai fiénidifuiái finóñedicai cai daíadi, Juzíñamui táinofueredena cíotataiticai. Ie úrilla uaina uáfueña jeire oñedicai.

## 2

#### *Cristo cáiconi ñue úriraima*

<sup>1</sup> Cue jítotíai, bífuiaí ómoimo cueticue, íáiredifuiáimo omoi báíñellena. Mei íadi dámie íáiredifuiái finóadi, Moo uícomo cáiconi ñue úritímie ite. Afémie Jesucristo. Ñue jaícina itímie.

<sup>2</sup> Jesucristo cai fiénidifuiái ícoínia fagámie. Dama cai ícoíniañedeza, mei íadi nana énie comini fiénidifuiái ícoínia.

<sup>3</sup> Juzíñamui ocuífufuiái iere cai cacáreadi íena onódicaiza fídíticai.

<sup>4</sup> Mei íadi dámie “Iena onódicue” daíadi ie ocuífufuiái iere cácareñeniadi, afémie taino lloraíma, ua táinofue firedimie.

<sup>5</sup> Mei ie ibana Juzíñamui ocuífufueña finódimie, jae Juzíñamuina nabéfueña izíruite. Daíí áfedo íemo cai jaináinanana fídídicai.

<sup>6</sup> “Juzíñamuimo jaináidicue” dámie daíadi Cristo maca izói ie macállino jítáirede.

#### *Comue ocuífufue*

<sup>7</sup> Cue izíruigamací, comue ocuícáfue ómoimo cueñédicue. Afefue nanómona ómoimo itífue. Afe jaiái rafue daje omoi cacana úrillafue.

<sup>8</sup> Mei íadi ómoimo cue ciegafue comue ocuícáfue izói ómoimo íficaizabite. Bie ocuícáfue Crístomo nahí ua ráfueña ite. Afe izói bie ocuícáfue ómoimo nahí ua ráfueña íite. Afefue ua nahífue, jítino oni jáioicaideza. Jae ua comécina egáñollena ñue egáioinaza.

<sup>9</sup> Dámie “úzefomo iticue” daiíadi, íadi jiáimana nai éoia, afemie nai jítifomo ite.

<sup>10</sup> Ie ámana izíruitimie úzefomo ite. Afémiemo minícana fiénidifuiaimo baiítaitena ñede.

<sup>11</sup> Mei íadi ie ámana éoicaidimie nai jítifomo ite; ua jítifodo macade. Niné jáideza onóñede, jítino uina cíoitañena jira.

<sup>12</sup> Jitótiai, jomoi cacai! Juzíñamui Jesucristo titáinanomo omoi fiénidifuiái ibana ote. Ie jira bifue ómoimo cueticue.

<sup>13</sup> Móotiai, ómoimo cueticue, nano tainéinanomo itímiena jae omoi onona jira. Jitócomini, ómoimo cueticue, Taifena omoi anáfenua jira.

Jitótiai, ómoimo cueticue, ja Moona omoi onócailla jira.

<sup>14</sup> Móotiai, ómoimo cueticue, nano tainéinanomo itímie omoi onócailla jira. Jitócomini, daje izói ómoimo cueticue omoi riíredimacina jira; omoi comécimo Juzíñamui úrilla uai jeire omoi ua jira; Taifena omoi anáfenua jira.

<sup>15</sup> Biniemo ite Juzíñamuina bacáuairédino finócafuiaina izíruiñeno omoi iri. Daje izói íaioimo itífuiaina cacáreiñeno omoi iri. Dámie afémaci finócafuiaina izíruiadi, afe llezica Moo Juzíñamuina íziruiñeite.

<sup>16</sup> Nana íaioimona lloga ráfuiái minícana Juzíñamuimona biñede. Fia dani íaioi cígimona comuide. Comécina íáiredemona fiéni óiacanafue bite. Cai ui ióbicailla jítaillamona jiáie fiéni óiacanafue bite. Caimo ite ráaniaimona fiéni abi ínuafue bite. Nana afe billáfuiái biniemo ite Juzíñamuina bacáuairédino llóolloga.

<sup>17</sup> Afena bacáuairédino fúioicaide, naa íaioimo ite fiéni óiacanafuiái diga. Mei íadi Juzíñamui jítáinafue finódimie jaca ninomo zíñona ite.

### *Uafue tánofue diga dájemo jaináñede*

<sup>18</sup> Jitótiai, jae írairuimo dúcidez. Cristo uáitaoidimie bíllana cacádiomoi. Ja birui aillo Cristo uáitaoidino cíocaide. Ie jira birui írairuina onódicai.

<sup>19</sup> Afémaci cáimona jino jáidiaioi. Mei íadi uáfueña cáieñediaioi. Uáfueña cáiena íaioi íadi, cairi fiébite. Ua afémaci cáimona jino jáidiaioi nana cáieñeitiaoiza uáfodo daií áfede onóillena.

<sup>20</sup> Mei íadi Cristo Ñuera Joréñona igáomoi; íemona afémiedo onótagaomoi.

<sup>21</sup> Omoimo cueticue mei, uáfueña omoi onona jira. Uáfueña omoi onóñenamona cueñédicue. Uáfueña jáiie daa tánofuena comúinide. Jae onódiomoi.

<sup>22</sup> ¿Bu tánofueredimie? Jesuna Crístoñede daidímie, afemie dama tánofueredimiena. Níimie Crístona uáitaoidimie. Afemie Moo Juzíñamuina jáanote. Afe izói ie Jitona jáanote.

<sup>23</sup> Jitona jáanotimie afémiemo daje izói Moona ñede. Mei íadi Crístona jírúitímie daje izói Moona onode.

<sup>24</sup> Ie jira, nanómona omoi cacana úrillafue omoi comécimo ñue omoi jóoneoiri. Jira nanómona omoi cacánafue ñue omoi comécia Juzíñamui Jitomo dájena ítiomoi. Afe llezica cai Moori dájena ítiomoi.

<sup>25</sup> Jesús uáfueña uícodo llote, zíñona cáananona caimo fecállena.

<sup>26</sup> Omoi jífueiacadinodo bifue ómoimo cueticue.

<sup>27</sup> Mei íadi Jesucristo ómoimo fecaca Ñuera Joreño ómoimo ite. Ie jira daií buna ómoimo llófuenidiaioi.

Daje Ñuera Joreño nana ráfuiaina ómoina llófullofuede. Afémie llogafue uafue; táinofueñede. Jira daií Crísto dájena omoi iri, Ñuera Joreño ómoimo lua izói.

<sup>28</sup> Jitótiai, mai birui Crísto dájena jaináicairi, afémie cíocalliruimo ie dainana ñue cai íinollena. Daií ie bíllemo ie uiécona méairuiñeiticai.

<sup>29</sup> Ja onódiomoiza Jesucristo ñue jaícina finódime. Afemona daje izói nana jaícina finódino Juzíñamui jitótiaiza ónoitio moi.

### 3

#### *Juzíñamui jitótiai*

<sup>1</sup> Mai ¡comécimo faca! Nii jamánomo Juzíñamui caina izíruilla. Iemona ie jitótiaina maméidicai. Jae áfedicai. Ie jira éniemo ite Juzíñamuina éoidino cai izói comécíñediaioi, mei Juzíñamuina íaioi onóñena jira.

<sup>2</sup> Izíruiga ámatiai, jae Juzíñamui jitódicai. Iirairuimo cai íficaillifuenta nai caimo ácatañega. Mei íadi onódicaiza, Jesucristo cíocai afémie izói íiticaí, ie illa izói námiena cai ciona jira.

<sup>3</sup> Nana afémiemo daií comécíidimaci dani dáamací nana íaifuiamona ñue dóficaitadiaioi, mei Jesucristo íáfuenidime illa izói íiticaí.

<sup>4</sup> Mei íadi nana fiénidifue finódimaci Juzíñamui ocuícáfue uáitajano jámairuite. Mei jira fiénidifue ocuina ráfuenta uáitaoina.

<sup>5</sup> Jae Jesucristo bie éniemo cai fiénidifue oni duáibillana onódiomoi. Daje izói afémiemo ñifue iñénana onódiomoi.

<sup>6</sup> Mei jira nana afémiemo dájena jaináioicaidimaci fiéni macánidiaioi; mei íadi nana fiéni macáfiredimaci afémiena jaca cíóñediaioi; íena onóñediaioi.

<sup>7</sup> Cue jitótiai cacai. Buna ómoina jífueñellena nane dáitiecue; ñúefue finófiredimie ñúemie, Jesucristo ñúemiena illa izói.

<sup>8</sup> Mei íadi fiéni macáfiredimie Taifemo jaináidime, mei nanómona Taife fiénidifuiaredimiena ite. Uafue Juzíñamui Jitó Taife finócafui íainocaitaíbite.

<sup>9</sup> Juzíñamui jitótiaimona jaca buna figóñeno macáoicaiñede, Juzíñamui íemo iga cáanano íemo illa jira. Afémie fiénidifuenta finófinide, Juzíñamui jitoza.

<sup>10</sup> Afedo bu mei Juzíñamui úruiaínaza, bu mei Taife úruiaínaza onódiomoiza. Uafue níimierie ñúefuenta finóñena, ie ama íziruiñena, afémie Juzíñamui dibénemo itímieñede.

#### *Conímana cai izíruillafue jitáirede*

<sup>11</sup> Mei jii nanómona omoi cacana úrilla uai, be nie uai: conímana cai izíruillafue jitáirede.

<sup>12</sup> Caín izói omoi iñeno iri. Afémie Taife dibene ímie, íemona ie ama titade. ¿Ñibái mei íena titade? Caín úradoillano ie ama titade, Caín finócafui ífigóñena jira; mei íadi ie ama finócafui ñuera.

<sup>13</sup> Cue ámatiai, Juzíñamuina bacáuaredino ómoina éoinamona fáigacaiñeno iri.

<sup>14</sup> Jae tízaille íomona zíñona cáaillio mo dóbaicaidicai. Afena onódicai, Jesuna ínotinona cai izíruilla jira. Mei íadi izíruiñedime tízaillio do jaide.

<sup>15</sup> Nágamie ie abi cómena éoidime cómena titádimie izói ite. Iemo come titádimie comécimo zíñona cáanano iñénana onódiomoi.

<sup>16</sup> Jesucristo ie cáanano cáiconi iga; áfedo nana izíruillafuiaina onódicai. Afe izói cai cáananona lloñeno Jesuna ínotinori daií abina zóofredicai.

17 Dámie ie illínomo jitáirede raa ítemo, ie aino come jitaica raa iñénana cióillano, mei íadi íemona jeruide, ¿nñie izói Juzíñamuimo izíruillafue ie comécimo íteza? ¡ññede!

18 Cue jitótiai, ¡fia fuena daína uaido mai cai izíruiñeno iri! ¡Mei íadi ñue finóllifuiaido uafue izíruillafuedo mai conímana cai izíruiiri!

### *Juzíñamui uiécomo ñue íena ínofiredinodica*

19 Jira daí uáfue mo jaináidimacídicaí onódicaíza; nane aféfuemona Juzíñamui uiécomo ñue íena ínofiredinodicaí.

20 Cai comeci cai ícoínia llóiaí, Juzíñamui cai comeci baimo aillo ñúemienaza onódicaí. Afémie nágaíuaí onode. Iemona afe ícoínia caimo íbana óite.

21 Mei jira, izíruiiga ámatiai, cai comeci cai ícoínia lloñéniadi Juzíñamui uiécomo ñue íena ínofiredinodicaí.

22 Nana íemo cai jicaca raana fécaite, ie ocuícáfuiaina jeire cai úamona; ua íena cai íóbitamona áfeniaina caimo fécaite.

23 Afémie ocuícáfue daíde: “Ie Jitó Jesucristomo cai íñori. Afe emódomo cai conímana cai izíruiiri afémie cai ocuilla izói,” daí daíñocaíde.

24 Ie ocuícáfuiaina iere cacáreidimaci afémieoíri itíai. Daje izói afémie nágarui íaióiri ite. Afémie jaca caimo íllana onódicaí. Ua áfena afémie caimo iga Ñuera Joreño onódicaí.

## 4

### *Ñuera Joreño Crístona uáitafirede joríaia anáfenoacade*

1 Bie énie tánofuiái llotínona oruízaídeza. Afémaci “Juzíñamuido úriticaí,” daídíaí. Izíruiiga ámatiai, ¡omoi cácarei! Naga “Juzíñamui dibéfodo úriticaí” daídímiena íñoñeno iri. Mei íadi íaíoina facátari, nñie joreño íaíomimo íllana onóillena, Juzíñamui ie, nibai íeñede.

2 Juzíñamui Joreño itímie omoi onóillifue llóiticue. Nágamie Jesucristo ua cómena bínemo bite jino onótatímie, afe cómemo Juzíñamui Joreño ite.

3 Mei íadi daí jino onótañedímie Juzíñamui Joreñoñedímie. Afémie mo Crístona uáitafirede joría ite. Afe izóidena fiénide joría bíllena ja cacáíomoi. Mei afe jae bie éniemo ite.

4 Jitótiai, omoi Juzíñamui íédiomoi. Omoi itímie baimo ríinorenamona, afe tánofiredinona jae anáfenodíomoi, mei íaíoi daínáfuiái omoi íñoñena jira. Bínemo ite tánofiredinori itímie jabóidímie.

5 Afémaci Juzíñamuina bacáuairéinomo jaináidíno, ie jira Juzíñamuina bacáuaido úritiaí. Iemona bínemo ite Juzíñamuina íñoñedíno afémacimo cacáreidiaí.

6 Mei íadi cai Juzíñamui íédicaí. Juzíñamuina onódimie caimo cacáreide. Mei íadi Juzíñamui íeñedímie caimo cacáreíñede. Afedo uafue uaina llófueinafuena onódicaí; daje izói jífuetena llófueinafuena onódicaí.

### *Juzíñamui izíruiitímie*

7 Izíruiiga ámatiai, conímana cai izíruiilla jitáirede; izíruiillafue Juzíñamuimona bíteza. Nana izíruiillafuiairedíno Juzíñamui jitótiai. Afe llezica Juzíñamuina onódiaí.

8 Juzíñamui jamánomo izíruiillafuiaina oruídímie, ie jira izíruiillafuenidímie Juzíñamuina onóñede.

9 Juzíñamui daíde ie Jitó ana éniemo orede afémiedo cáananona caimo íllena. Afedo ie caina izíruiillafue caimo ácatate.



<sup>10</sup> Afe óriado uáfueña izíruillafueña cai fidítate. Juzíñamuina cai duéruia nahí izíruillafueñede. Mei íadi afémie caina dúecaillano cáiconi ie Jitó ória, afe nahí izíruillafue. Ua Juzíñamui cai fiénidifuiái ícoinia cai jiáinona duere finóllimiena ie Jitó orede.

<sup>11</sup> Izíruiga ámatiai, Juzíñamui daí caina izíruillamona, afe izói conímána cai izíruillafue jitáirede.

<sup>12</sup> Juzíñamuina jaca buna cióñena; mei íadi conímána cai izíruia Juzíñamui cai comécimo ite. Afe illa dáaruido Juzíñamui izíruillafue caimo ñue riire comuíoicaide.

<sup>13</sup> Juzíñamui dibénemo cai íllana, cai comécimo Juzíñamui íllana ónorede. Afena ie Ñuera Joreño caimo fecáinado onódicai.

<sup>14</sup> Moo Juzíñamui ie Jitó orede afémiedo comini jíllloillena. Iena daní ciódicai. Afena jino uáfodo lloticai.

<sup>15</sup> Nágamierie Jesús Juzíñamui Jitona onótatimie, jaca Juzíñamui diga ite. Daje izói Juzíñamui afémie comécimo ite.

<sup>16</sup> Daí Juzíñamui caina izíruillana fidítagacai. Aféfuena ínoticai. Juzíñamui jamánomo izíruillafuiaina oruídímie. Izíruillafuemo itímie Juzíñamuimo ite. Afe izói Juzíñamui afémie comécimo ite.

<sup>17</sup> Daí jamánomo ñuera izíruillafue caimo comuíoicaide. Iemona írairuimo facátalliruido ñue íena ínofiredinona íiticai. Mei Jesucristo bie éniemo ñue cáimamiena illa izói afe izói iticai.

<sup>18</sup> Izíruinafuemo jacíruillafue íñede. Mei jira ñue jaícina izíruillafue jácifueña jino orede. Mei jácifueño duere finótajano ite. Ie jira jacínaitimie ñue jaícina izíruioicaíñede.

<sup>19</sup> Cai Juzíñamuina izíruiticai, nano fueñe caina ie izíruilla jira.

<sup>20</sup> Dámie daíadi “Juzíñamuina izíruiticue” mei íadi afe llezica ie daano cómena éoia, afémie tánofueredímie. Uafue dámie ie ciona daano cómena izíruíñede, afe llezica cióñena Juzíñamuina izíruinide.

<sup>21</sup> Juzíñamui caimo iga daa ocuícáfue. Afe bie ocuícáfue daide: “Juzíñamuina izíruitimie daje izói ie aino cómena izíruiri,” daide.

## 5

### *Cai dinena bíniemo ite fiénidifuiaina anáfenoiticaí*

<sup>1</sup> Nágamie Jesús Crístona ínotimie Juzíñamui jitó. Dámie come moona izíruitimie afe izói afe moo jitótiaína izíruite.

<sup>2</sup> Moo Juzíñamuina cai izíruia, afe llezica ie ocuícáfueña cai finóadi, Juzíñamui jitótiaína cai izíruillana ja ónoiticaí.

<sup>3</sup> ¿Mínica Juzíñamuina izíruillafueña? Mei ie ocuícáfuiaina jeire cai ua. Ie ocuícáfuiái llégienide;

<sup>4</sup> mei naga Juzíñamui jitó éniemo ite fiénidifuiaina anáfenorede. Ua cai ínuafuedo éniemo ite fiénidifuiaina anáfenodicaí.

<sup>5</sup> Dama Jesús Juzíñamui Jitona ínotimie éniemo ite fiénidifuiaina anáfenorede.

### *Juzíñamui Jitomo uai nabáillafue*

<sup>6</sup> Jesucristo jainoi die diga ciócaizaíbitimie. Ie báutizaillaruiimo Juzíñamui Jitona comini fidítagaiaíoi. Afe izói ie tíizaillaruiimo, dama ie abi zóofiano, ie die tóillamona áfede comini onótagaiaíoi. Fia jáinoiñedeza, íadi jainoi die diga bite. Jesús Juzíñamui Jitónafuemo Ñuera Joreño uai nabáiraima. Ñuera Joreño llogafue uafue.

<sup>7</sup> Afe Jesús Juzíñamui Jitónafuemo damieámani uai nabáiraíma monamo ite: Moo Juzíñamui, Juzíñamuimona Uaillaí Lluáíbitimie, Ñuera Joreño diga. Bie daámani come daínáuai dáamiemo jainaide.

<sup>8</sup> Eniemo daje izói daámani uai nabáiraíma ite: Ñuera Joreño, íemo Jesús báutizaja jainoi, íemo ie tíllaruimo totaca die diga. Bie daámanide dane dáamiede.

<sup>9</sup> Comini uai nabáillafue llínofiredicai, mei íadi Juzíñamui uai nabáillafue jamánomoide, ie jira ie Jitori uai nabáillafuena cai íinolle iere jitáirede.

<sup>10</sup> Juzíñamui Jitona ínotimie bie uai nabáillafue dama ie comécido úicade. Juzíñamuimo ínoñedimie Juzíñamui táinofueredena cíotate, Juzíñamui ie Jitori uai nabáillafue daínana ie ínoñena jira.

<sup>11</sup> Afe daínáfuedo Juzíñamui daide: zíiñona cáanano afémie caimo iga. Afe cáanano ie Jitodo bite.

<sup>12</sup> Juzíñamui Jitona comécido llínotimie afe zíiñona cáanano ite. Mei íadi Juzíñamui Jitó comécido llínoñedimie afe cáanano íñede.

*Juan íraicaiño lluáfuaí fuizáillafue diga úrite*

<sup>13</sup> Ja Juzíñamui Jitona ínotimoi. Jira bifue ómoimo cueticue zíiñona cáanano ómoimo íllana omoi onóillena.

<sup>14</sup> Juzíñamui uáfue caimo cacáfirenana ínofiredicai. Daa minícana cai jicáadi ie comeci jítaina izói, afémie cai daína cacana onódicai.

<sup>15</sup> Mei jira afémiemo cai úrillana Juzíñamui cacáfirenana onódicai. Afena onónamona cai jicácana afémie caimo fécana daje izói onódicai.

<sup>16</sup> Cómena títañeite fiénidifue ite. Dámie ie aino come afe fiénidifue ínuana cíoadi, Juzíñamuimo afémieri jicari. Iemona Juzíñamui cáananona íemo fécaite. Títade fiénidifue ite. Afemo Juzíñamuimo omoi jicari daííñedicue.

<sup>17</sup> Nana fiénidifuaí íaifue; come comécina titade. Mei íadi jíaíe íaifue ite; afefue cómena títañeite.

<sup>18</sup> Juzíñamuina Móoredimie íaifuedo macáñedeza onódicai; mei Juzíñamui Jitó íena úíñoteza. Ie jira Taife íena ocuínide.

<sup>19</sup> Juzíñamui íedicaíza onódicai. Afe izói nana bínie comini Taife ocuícáfue anamo itíaioíza onódicai.

<sup>20</sup> Juzíñamui Jitó jaíai bíllana onódicai. Afémiedo ua nahí Juzíñamuina onótagacai. Afe Uámie jaináicana iticai. Afefue daíacade Juzíñamui Jitó Jesucristo dibénemo iticai. Afémie nahí Juzíñamui. Afémiemo jaináicana cai íadi zíiñona caina cáataite.

<sup>21</sup> Jitótiai, mai jánaraimo caimátaiñeno omoi iri; daje izói nana jíaíe jífujete joríaímona abi omoi rairuíri. Jae níie.

## MÉIFOIDIBE SAN JUAN CUEGABE

### Segunda Carta de San Juan

#### *Uafue íemo izíruillafue diga llóiticue*

<sup>1</sup> Ja éicomedicue; ocuíramadicue. Jae Juzíñamui nizeca cue miringo izóidingodío. Bie rabe ómoimo cueticue naa o úruiairi. (Bimaci iglesia daina Juzíñamuimo gairífredino.) Naa o diga afémacina uáfueña izíruiticue, mei dama cúeñedeza. Nana uáfueña onódino daje izói afémacina naa ori izíruitiaioi.

<sup>2</sup> Ñue uafue ícoinia ómoína izíruiticue. Afe uafue cai comécimo ite; ie mei afefue jaca ninomo cairi iite.

<sup>3</sup> Moo Juzíñamui ie Jító cai Ocuírama Jesucristo diga, ómoína cáimacaitaite. Afémie dúecaillano jamánomo izíruillafueña ómoimo llóite, naa comeci caimare uái illafue diga. Izíruillafueña uáfueña nana aféfuaiña cai onótate.

<sup>4</sup> O jitótiaimona dáarie uafue daina izói mácana fidídicue. Afefue cuena ióbitade, mei Moo Juzíñamui daí cai ocuídeza.

<sup>5</sup> Miringo izóidingo cacai. Ja birui omo izire jicádicue conímana cai izíruillena. Bie omo cuegafue comue ocuícafueñede. Mei íadi afefue nanómona caimo ite.

<sup>6</sup> Bie izíruillafue daíacade Juzíñamui ocuilla izói cai finóllena. Ja nanómona omoi cacana izói afe ocuícafue daide: “Izíruillafuedo omoi macari.”

#### *Jífueriraini ifue*

<sup>7</sup> Mei jii, aillo jífueridino bie éniado macádiaioi. Afémaci Jesucristo ua come izói bíllana uáitatiaioi. Daítadimie jífueriraima. Afémie Crístona uáitaoide.

<sup>8</sup> Afémiemona abi omoi rairuíoiri o táijinamona oga comeci ñúefue táinocaiñeillena. Iemo jiaí afémiemona abí omoi rairuiri nana o táijina iba ñue Crístonona jaícina óllena.

<sup>9</sup> Níimie Cristo llogáfuemo comeciñeno nibéfodo jáidimie, afémie comécimo Juzíñamui ñede. Mei íadi Cristo llogáuaimo comeciidimie comécimo Moo Juzíñamui ite, ie Jító diga.

<sup>10</sup> Dámie ómoína llófuiaibiadi, íemo bie Cristo llogáfueña atíñeniadi, íena uáidoñeno, jofo eromo llíñoñoño omoi iri.

<sup>11</sup> Iena uáidotimie, afémie lloga íaifue dáafueña llíñoiteza.

#### *Fuizájdíuui*

<sup>12</sup> Omoína aillo daíacádicue, mei íadi rabedo cúeiacañedicue. Omoi dani conima uíécomo cue úrizaillena úiñoiticue. Afe daí cai cáimafue jaícina íficaite.

<sup>13</sup> Omoi ebuño izoide benomo ite iglesia daina Juzíñamuimo jaináidino daje izói Juzíñamui nizécamaci. Afémaci omo uai orédiaioi. Jae ñie.

## IIRAIBE SAN JUAN CUEGABE

### Tercera Carta de San Juan

#### *Gáyodo ñuefuenta úritimaci*

<sup>1</sup> Ja éicomedicue, ocuíraimadicue. Cue izíruiga nabaimo bibe cueticue. Bímie mámece Gayo. Afémiena uáfuenta izíruiticue.

<sup>2</sup> Cue izíruiga ama, ori Juzíñamuimo jicáfiredicue áfedo nana o finócafuiái ñue móonaillena. O abi caimare náreillena jicádícue, o joreño ñue nífuenina izói.

<sup>3</sup> O ñúefuedo macáfirenafue dáarie ámatiaimona cue fídiamona, afe cuena íere íóbitade; mei ua onódícueza o jaca ñúefuedo macáfiredío.

<sup>4</sup> Ua ie baímo cue íóbillena íñede. Afe cue cacana cue jitótíai uáfue mo comécídiái; áferi jamánomo íóbidícue.

<sup>5</sup> Izíruiga ama, o illánomo ite ámatiaína o canóllena figura. Ie mei oni jíainomona bite ámatiaína o canóllena jamánomo ñuera.

<sup>6</sup> Juzíñamui mámeceido gairídímaci uícomo íaíoína o izíruillafue jino llotíaíoi. Izire daídícue: Mai íaíoi cano; íaíoi jáillíruimo jitaica raana íaíoimo ine; áfedo caimare íaíoi jáilleza. Ua Juzíñamuimo íóbilla izói íaíoi cano.

<sup>7</sup> Mei jira afémaci Jesucristo táijínafuedo jáizaidiaíoi. Afe cánuana Juzíñamuina ónoñegamacimona llínoñediaíoi.

<sup>8</sup> Ie jira íaíoi jitaica raana cai finóredícai, afémacina cai canóredícai. Afedo íaíoi uáfuenta llúana canódícai.

#### *Diótfes fénino mácafue*

<sup>9</sup> Juzíñamui mámeceido gairífiredínomomo cuegafue llua be nauí orédícue, mei íadi Diótfes cai ocuilla ríinona óiacañede, íaíoi cígímo úicofiacadímie illa jira.

<sup>10</sup> Ie jira cue jáíadi ie fieni mácafue jino uáfodo onótaiticue, nana ie fieni úrioinafue, ie táinofuerena caína uáitaoinafue diga. Ie mei afe baímo bitino ámatiaína afémie llínoñede. Afe llezica afe bitino llínoacadímacina rairuállano, afémie gairídímacimona íaíoína jino jíude.

<sup>11</sup> Izíruiga ámatiaí, fieni onótarafuiaído jáíñeno iri. Ñúefue finori. Ñúefuenta finódímie Juzíñamui ímie, mei íadi íaífuiaí finódímie Juzíñamuina jaca onóñede.

#### *Demetrio ñuera onótafue*

<sup>12</sup> Nana comíni Demétriori ñue úritiaíoi, mei afémie ñue mácafue uáfori cíóideza. Dani cai nane aféfuemo ñue uai nabáirímacídícai. Iemona uáfuenta cai daíífirenana onódiomoi.

#### *Uai Fuizájillauai*

<sup>13</sup> Ona aillo daííacádícue, mei íadi rabedo cúeiacañedícue.

<sup>14</sup> Ona raíre cíoillena úíñotícue. Aféruído conima uíécomo eróicana úritícoco.

<sup>15</sup> Comece caimare uái illáfuemo o iri. Benomo ite nabáíñiaí omo uai orédiaíoi. Izire daídícue nágamíerie coco nabáíñiaímo conima uíécomo o uáidori. Jae níe.

## SAN JUDAS CUEGABE

### La Carta del Apóstol San Judas Judas Juzíñamui uáidoganomo cuete

<sup>1</sup> Jesucristo táijitagamie Júdadícue. Santiago ámadícue. Bibe Juzíñamui mamécanomo cueticue. Ua cai Moo Juzíñamui uáidoganodiomoi, íeiena ñue finoda maiñócanomo omoi íllena. Jesucristomo omoi jaináinamona ñue eneno rairuícanodiomoi.

<sup>2</sup> Mei Juzíñamui jamánomo aillo caimo ie dúecaillafue, íemo jiái ñue uái omoi illífue, íemo jiái ñue izíruillafue, dígafue ómoimo llóiteza.

*Táinofuiaina llófuefiredino*  
(2 Pe 2.1-7)

<sup>3</sup> Izíruiga ámatiai, cai comeci jíllouillafuedo izire ómoimo cúeiacadícue; mei afe jíllouillena Juzíñamui cue ínnua izói, afe izói iere ínotíomoi. Mei íadi ómoína jiáífuedo rabedo llóredícue. Táinofuiái lluíbitino omoi jeire ogáfueña féitaiacadiaíoi; ie jira izire ómoína daidícue: Ríire abí omoi mameri. Íaiói díga fuirilla izói omoi iri, omoi ínogafue íaiói féitaiñeilleza. Afefue nani nana Juzíñamui jaináidinomo dácaíño íga.

<sup>4</sup> Mei omoi cígimo ninena dámerie táinofue lluíbitiaíoi. Afémacina Juzíñamui Cuegáuailai jaiái uícodo íaiói olle duere finóllifueña llote. Afémaci íáibaníai. Afe ííñíai daide: “Juzíñamui ñúefueña jeire óitícaí;” mei íadi afe dáinodo rairuíñeno fiénidífuena iere nícidotiaíoi. Afémaci daide cai Naama Juzíñamuina ruifíruitiaíoi. Daje izói cai Ocuíraima Jesucristo llogáuaina uáitatiaíoi.

<sup>5</sup> Mei ja onódiomoi íadi, como cue daííacanafuemo ómoína uibíotaacadícue. Juzíñamui Israel comínina Egipto éniemona oni orede. Oni uano daí nana íaióina ñue jíllotate. Mei íadi, íaiói cígimona dáarie ínoñena jírari, Juzíñamui afe ínoñedinona jiáíruido niné táinocaitate.

<sup>6</sup> Afe izói Juzíñamui abí imáimona dáarie Juzíñamui anamo ñue íaiói illáfueña fáicanocaiacadiaíoi. Afe mei dani íaiói illánona fáicanocailano oni jiáinomo jáidiaíoi. Ie jira Juzíñamui íaióina íco izire íraicaiño iere jicánollíruimo íaióina maitá jae íbaíca. Afémaci jae jítinomo iere zábiñede llójejina maigáiaíoi.

<sup>7</sup> Daje izói Juzíñamui Sodoma jofue íemo Gomorra jofue díga bóotate, naa afe áinori íte jófueñaírri. Mei afécaí comíni Juzíñamui abí imáimona fiénina jira dáarie llavécamaci izóidiaíoi. Afe bimaci jamánomo dani jofo conímari ébecotafírediaíoi. Naga Juzíñamui comínimo mameca ñue illáfueña jírúreillena uáitafírediaíoi. Daí íaiói íllamona ziiño iraimo duere finócaiaíoi. Afe bifue, afémaci izói cai íñeillena, caimo cíotaga.

<sup>8</sup> Afe emódomo bie táino lluíbitino íaiói táinomo comécíllafuíaido dani íaiói abína bácadiaíoi. Daje llezica cai Ocuíraima ríinona uáitatiaíoi. Caífo monamo íte joríaí izoide ríinoredinona íaire dáíírediaíoi.

<sup>9</sup> Mei íadi Juzíñamui abí imáimona illaíma Miguel, Taífe díga fuirízailla llezica ñúefodo úrite. Tíide Moisés abína júfidotiaíllinoi. “¿Buna náamareite?” daidíallinoi. Aféruimo Miguel íairede uaido íena faidóñede, mei íadi ía íena daide: “Ocuíraima Juzíñamui ona izire llétaíteza,” daide.

<sup>10</sup> Mei bie táinodo llotínuaí íaiói ónoñega ráfuedo fiéni úritiaíoi. Mei íadi comécina onóñede rílleníai izói ítiaíoi. Fía íaiói abí jítaina ráfuemo



comécioidiaioi. Daií comécillano áfeodo jáillamona dani íaioi niné táinocaitalliaioi.

<sup>11</sup> ¡Ñii íaioina dúerena! Caín dibéfuedo jáidiaioi. Aillo úcube óiacanamona Balaam izói oni íaifuemo baiízaidiaioi. Daje izói jaiái ite Corena mámeciredimie, Moisés dotáacanamona niné táinocaite naa íemo jaináidinori. Afe izói birui omoi cigiri ite fiénidifuiái llotino llícaitiaioi.

<sup>12</sup> Omoi finoca conímana izíruilla ráfuiai cigiri meáire finódinona itíaioi. Juzíñamuina jacíruiñeno omoi cigiri caimare güillano jifáizaibitiaioi. Jiáimacina ñue úiñoñoeno dani íaioi abi úiñotiaioi. Jairifo oni niné ñaitaca mona úillie izóidiaioi. Ríaniaimona daana llizíllaruimo dúcide íadi llizíñede zena izóidiaioi. Afe izói bie comini itíaioi. Afe amena are llizíñenia dúilla llezica aiñoda dotácaza. (Daje izói bimaci ráifiñenamona táinocaitiaioi.)

<sup>13</sup> Monáillai jacire bagua izói itíaioi. Iaiommo ite meáire fiénidifuiái bagua mulle izói, comini eróicana jino cíotafirediaioi. Daje izói úcuai íaioi iómona oni jiáiommo féiraila izói itíaioi. Jamánomo jítirede jítinomo zíiñoa íllena riire mamécaiaioi, dinomo duere zefuillena.

<sup>14</sup> Ua bimaciri jaiáidigima Enoc úrite. Adán jító dinómona ie jító, dinómona nane ie jító, siete dígafue daií illa emódomo, bie Enoc mámeciredimie jocoina. Afémie bie taino llófuetinodo uícodo úrite. Juzíñamui Joreñodo úrillano daide: “Cai Ocuíraima jamánomo aillo ie abi náirairi bíllana cíódicue.

<sup>15</sup> Afémie nana fiénide comínimo ite fiénidifuiái iere riire jicánuaibite. Daje izói nana íaioi íaire illáfuiái iere jicánuano duere íaioina finótaite. Fiénidino riire daináuaido cai Ocuíraimana uáitaoidiaioi; bífuemona daje izói duere zéfuitalliaioi.” Daií Enoc bie fiénidimacido úrite.

<sup>16</sup> Afémaci iere fiéni cáillirediaioi; ñue caimátaiñediaioi. Dani íaioi comeci fiéni jítáinafuiaí jino denólledo úritiaioi. Urillano aféfuiaína uáfuena finódiaioi. Dani abi íaioi íinua uáillaido ficire úritiaioi, “Aillo jácimacídicaí,” daiíllena. Daje izói caimare comínimo úritiaioi, íaioina bífuellena.

#### *Crístomo ínotino ñue lleta uaillaí*

<sup>17</sup> Cue izíruiga ámatiai, cai Ocuíraima Jesucristo orécamaci ómoína daináfuemo omoi coméciri.

<sup>18</sup> Afémaci ómoína daide: “Íco íirairuillaído ñúefuiaína zánoitinona íiteza. Iaiói comeci íaire óiacanafuiaído íitiaioíza.”

<sup>19</sup> Bimaci dáanomo ñue itinomona oni eneno bózietaidiaioi. Dani íaioi abi óiacanafue jeire otíaioi. Mei afémaci Juzíñamui Joreño úicaiñegaiaioíza.

<sup>20</sup> Mei íadi izíruiga ámatiai, omoi jeire Juzíñamuimona ogáfuemo riire omoi jaináicairi. Daje izói Ñuera Joreño ríinodo Juzíñamuimo omoi úrifireiri.

<sup>21</sup> Juzíñamui omoi izíruillafue dibéfuedo omoi iri. Cai Ocuíraima Jesucristo caimo dúecaillano zíiñoa cai illíruimo omoi úiñoiri.

<sup>22</sup> Nai jabóicana jizire ínotinona jáicina llóiri, ñúefuena jeire íaioi ólleza.

<sup>23</sup> Iráimona bairoca izói íaioína jíllotari. Jiáimacimo omoi dúecairi; mei íadi íaioimmo ite íaifuemo jíricaiñeno omoi iri. Afe fiénidifue íairede iniroi izoide. Iaiói abimmo jíideza; áfemona iere abí omoi rairuiri.

#### *Juzíñamuimo íraicaiño cai caimátailafue*

<sup>24-25</sup> Cai daade Juzíñamui jamánomo nágafuiái baitádimie. Afémie Jesucristodo cai jíllotaraima. Iemona cai fiénidifuedo báiiñelle rairuilla ríino íemo ite. Daje izói afémie caína íaifuenino caimare dama ie ebírede uiécomo caína izájirede. Afe Juzíñamuimo ebire ñúefuiaí íteza. Jamánomo ñuera ébifue íemo íteza. Daje izói nana ñuera ríino íemo íteza. Daje izói nana riire ocuíllafuiái íemo

íteza. Nana bífuiaina cai Ocuíraima Jesucristodo nauí, íemo biruí, íemo jíái uire daí jaca ninomo, Juzíñamuimo dúicaiteza. Mai. Jae níe.

## HIRAIRUILLAIDO ITIFUIAI JINO CIOTAINA

### Juziñamui San Juaamo Jino Ciotagafue

### EL APOCALIPSIS

### O Revelación a San Juan

#### *Jesucristo jino onóitagafue*

<sup>1</sup> Bifue uire íitifuiaí jino cíotainafue. Juziñamui bífuiaína Jesucristomo cíotate, afémie ie ocuífireganomo ácatallena. Daií Cristo uáfue na raire íficaitifue na jino íaioimo ácatate. Jesucristo ie ángel daina abí ímiedo bie jino cíotagana ie ocuífiregamie Juaamo onótate.

<sup>2</sup> Afe Juan nana ie cíonana uáfue na jino llote. Daje izói afémie Juziñamui lloga uaina nabáifirede. Afe Juziñamui lloga uai Jesucristodo ñue jaícina llócaiga.

<sup>3</sup> Bie Juziñamuimona oga uaina jíámacimo facáduana cacádino caimare itíaiói. Daje izói bie rabénicomo cueda uaina cacáillano ñue náfuetino caimare íóbitiaíói. Mei bie rabénicomo llogáfuaí zúitirui ja ánozideza.

#### *Siete dígade iglésiai daina Juziñamuimo gáirifiredinomo Juan cuete*

<sup>4</sup> Asia éniemo ite siete dígade iglésiai daina Juziñamuimo gáirifiredinomo cueticue. Cue Juáadicue. Mai Juziñamui ñúefuaí dibénemo, naa ie caimare uái illafue dibénemo omoi iri. Mei afe Juziñamui birui itímieza, íemo jaca nanómona jaiái itímieza, íemo uire jaca ninomo íitímieza. Daje izói ie ráirano uícomo siete dígade ñuera jóriai ite. Afe jóriai Juziñamui Ñuera Joreño jana. Afémie ñúefue dibénemo omoi iri.

<sup>5</sup> Iemo daje izói Jesucristo lloga ñúefuaí jeire omoi oíri. Afémie jíáifo méidofinide uai nabáiraíma. Daje izói afémie nano tíllanomoná abído meine tíñellena cáatagamie. Iemo jíái afémiemo bínie illáicomini ocuilla ríino ite. Afe Cristo caína izíruillano ie totaca díedo cai fiénidífuiaína oni dote.

<sup>6</sup> Iemo nane illáicomínina caína itátate ie Moo Juziñamuimo cai jaináillena. Daje izói comínido Juziñamuimo úrifiredinona caína jóonete. Afe Juziñamui íena jóonegacái. Ie jira jaca ninomo áillue ébifue naa ocuilla ríino díga afémie íena íteza. Aquíe izóideza.

<sup>7</sup> ¡Ero, Cristo mona uílliedo bite! Nana comini íena cíoitiaíói. Daje izói ie fatino íena cíoitiaíói. Iemo nana bínie nairaí afémie bíllana cíoillano éenaitiaíói. Jíi, uafue daiítadeza.

<sup>8</sup> Cai jamánomo riire Ocuídímie bie izói daíde: “Nana ráfuiaí naí cómuíñenia uícodo itímiedicue. Daje izói fuizájillanomo itímiedicue. Abecedario A-do táinia izói nánoramiedicue. Daje izói abecedario Z-mo fuizailla izói íiraímiedicue,” daíde. Afémie birui itímie, íemo jaca nanómona itímie, íemo uire jaca ninomo íitímieza.

#### *Ebírede Cristo nicáirilla izói ciona*

<sup>9</sup> Omoi ama Juáadicue. Omoi duere zefuilla izói daane duere zefuídícue. Daa omoi izói Juziñamui illáimana illánomo jaináidícue. Iemo Jesucristo omoi úíñotaja izói daa omoi díga úíñotagacue. Jesucristodo fairíotaga Juziñamui ñuera uai jino cue llócailla jira llavécacue. Pátmosmo mámeçirede monaillai cigí ídumo llavécamiédicue.

<sup>10</sup> Iemo afénomo cai Ocuíraima cai ocózinaitaruimo Juzíñamui Ñuera Joreño náamatagacue. Afe llezica vudugoi fúunua izoide ficírede uaina cue méifomo cacádicue.

<sup>11</sup> Afe uai cuena daide:

—Naga ráfuiái uícodo itímiedicue. Daje izói fuizájillanomo itímiedicue. Abecedario A-do taineca, íemo Z-mo fuilla izóidimiedicue. Mai nana o ciona diga daa rabénicomo cúeiri. Cuiano, Asia éniemo ite siete dígade iglésiai daína Juzíñamuimo gairífredinomo o oreri. Afe jófueniaí mámechiaí: Efeso, íemo Esmirna, íemo Pérgamo, íemo Tiatira, íemo Sardis, íemo Filadelfia, íemo Laodicea, —daide.

<sup>12</sup> Bu cuemo úrilla daiíllena abido gírecaidicue. Gírecaillano, siete dígade oro finoína mechérana ciódicue.

<sup>13</sup> Afe cígimo cómemona comuídímiena eróidena ciódicue. Afémie jitáogaroí éiba ícoimo dúcide. Ie jogóbemo lláiidife oro finoína.

<sup>14</sup> Afémie ifótirai iere úzerede, jaillíci úzerena izói úzerede. Iemo jíái nieve izói úzerede. Ie ui irai bóua izói cíoide.

<sup>15</sup> Afémie éiba ñue queníretaga bronce izói quenírede. Ua bronce iraimo ruílla llezica jamánomo quenírena izói, ie idai quenírede. Iemo aillo imánillai nofíco tua ficírena izói ie uai ficírede.

<sup>16</sup> Afémie onoi nabézimo siete diga ucudu llíide. Ie fuémoma iere jáirede llojéfaí izoide raa jino billa; afefai nágafene jáirede. Ie uiéco jitoma iere riire egáíñua izói riire egáíñote.

<sup>17</sup> Afémiena cíoillano, ie anamo tíidímie izói baíidicue. Mei íadi afémie ie nabezi cuemo bítano cuena daide:

—Jacíruiñeno o iri. Cue bie nanóidímiedicue; dáamiedicue fuizájillanomo íitímiedicue.

<sup>18</sup> Birui cáadímiedicue. Mei nauí tíidicue, mei íadi birui jaca ninomo cáaiticue. Tíilla zuitara llave izoide raa cuemo ite; daje izói tíidino illano lláveniaí cuemo ite.

<sup>19</sup> O ciona diga mai cúeiri; birui itífuiaí cúeiri, íemo uire cómuitífuiaí cúeiri.

<sup>20</sup> Cue nabézimo o ciona siete dígade ucúduai rafue nauí báinino ite. Ja birui jino uáfodo llórede; daje izói siete dígade mechera rafue llórede. Afe siete dígade ucúduai siete dígaze Juzíñamuimo gairídino uai llócaítino jana. Iemo afe siete dígade mechera siete dígaze Juzíñamuimo gairífredino jana, —daí afémie cuena daide.

## 2

*Siete dígade iglésiai daína Juzíñamuimo gairífredinomo lloíluai: Efésomo ite ínotinomo llogáuai*

<sup>1</sup> Cue cíonamie dáanomo cuena daide:

Efésomo ite Juzíñamuimo gairídino úiñoraímamo búuai cúeiri: “Afe nabézido siete dígade ucúduai llíidímie daje izói siete dígade oro finoína mechera cígido macáfírede. (Afémie mechera cígido mácafírena izói, comini ñue úiñolle jana.) Afémie afe úiñoraímama bie izói daide:

<sup>2</sup> Nana o finócafuiaina onódicue. O riiredemo táijidíioza onódicue, naa o comeci járitaiñedeza. Daje izói fiénidino fiéni illáfuiaina iere izire o rairuíllana onódicue. Iemo jíái táinona “Jesucristo orécanodicaí” daidínona facátatíioza onódicue. Afemona afémaci taino llúana baitíioza.

<sup>3</sup> Jaca o comeci járidoñedio, íemo iere cuedo o táijina llezica cue ícoínia iere duere zefuídíioza. Afe llezica zefuíruíñeno ñue táijidíio.

<sup>4</sup> Mei íadi daa figóñedifuena omo ite. Nano fueñe cue o izíruilla izói birui cuena izíruñedio.

<sup>5</sup> Ie jira ninómona oni nibéfodo baíidíza comeci uibi. Mai omo itífue méidori. Fueñe o illa izói o iri. Bífuena o méidoñenia omo raire bíiticue, omo ite egáiñote raa oni óllena.

<sup>6</sup> Mei jiáifodo, daa ñúefuena nai omo ite. Afe nicolaítas fiene finócafuiamo naa íaioi fiene jiáifodo llógamo éoicana eróidio. Cue daje izói áfena éoidicue.

<sup>7</sup> Ñuera Joreño Juziñamuimo jaináidinona dáinamo cacáacadimie áfemo cacai. Afe Ñuera Joreño bie izói daiíacade: “Fiénidena anáfenodinona jáidimacina Juziñamui nífueninanomo ite cáatate amena llizíllana güitátaiticue,” daide.

#### *Esmírnamo ite ñnotinomo llogáuai*

<sup>8</sup> Daje izói Esmírnamo ite Juziñamuimo gairídino úiñoraímamo búuai cúeiri: “Nanóidimie dáamie íraimiena ómoimo úrite. Naui bíniemo tíidimie, íemo meine abido nane cáadimiena jaide. Afémie ona daide:

<sup>9</sup> Nana o finócana onódicue. Daje izói o duere zefuúllana onódicue, naa o ráanina diga. Mei íadi uáfueza Cristo dibénedo iere ráaredio. Jiáimaci fiene omo úrillana onódicue. Afémaci, “Juziñamui nizeca Judíodicaí” daidíai, mei íadi íeñediaioi. Afémaci dani Taife dibénemo jaináidino.

<sup>10</sup> Duere o zefuúllamo jainaiñeno o iri. Mei ómoimona dámerie Taife llavéracomo llavétaiteza, nana omoi facátallena. Daií omoi comeci ifue onóillena facátallíomoi. Diez dígarui duere zefuúredíomoi. Mei íadi o tíllinomo zóofeñeno ñnofireiri. Daií o íadi zíiñona cáallena o jirídotaiticue.

<sup>11</sup> Ñuera Joreño Juziñamuimo jaináidinona dáinamo cacáacadimie mai áfemo cacai. Afe Ñuera Joreño bie izói daiíacade: “Fiénidena anáfenodinona jáidimacina nane méifodo tíllamo raamo jiriñeitiaioi,” daide.

#### *Pérgamomo ite ñnotinomo llogáuai*

<sup>12</sup> Daje izói Pérgamomo ite Juziñamuimo jaináidino úiñoraímamo búuai cúeiri: “Afe nágafene jáirede lloefai llíidimie bie izói ona daide:

<sup>13</sup> Nana o finócana onódicue. Afe izói Taife ocuícano cígimo itíoza onódicue. Afénoimo itío íadi zóofeñeno cuemo ñue o ñnuana onódicue. Daje izói cuemo o ñnuana fáicanocaiñedio. Afe izói Antipas mámeciredimie cue ñue jaícina cue uai nabáifiredimie. Afémie omoi cígiri fatíaioi. Ie fáinaruido, cuemo omoi ñnuana zóofeñedíomoi, Taife illánomo itíomoi íadi.

<sup>14</sup> Mei íadi cue lletárafuiaina ómoimo ite. Omoimona dáarie jadí Pérgamomo Balaam llófuiaina fáicanocaiacañediaioi. Afe Balaam jaiái Balacna llófuete Israel comini fiene finuaillena. Afe Balac Balaam llófuiamona Israel comínina jánaraimo fecaca rílleniaina ritátate. Afe dáaruido afémacina iere jiruúretade.

<sup>15</sup> Nane jiáie cue lletárafuena ómoimo ite. Omoi cígimo dáarie afe nicolaítas lloga uaina féitaiacañedino ite. Afémacina éoidicue.

<sup>16</sup> Ie jira mai omoi comeci ifue méidori; mei íadi omoi méidoñenia, raire omoi diga fuirízaibitícue. Uáfueza cue fuémona bite jáirede lloéfado omoi fiene finóidinona fáziaibitícue.

<sup>17</sup> Ñuera Joreño Juziñamuimo jaináidinona dáinamo cacáacadimie, áfemo cacai. Afe Ñuera Joreño bie izói daiíacade, “Fiénidena anáfenodimiena jáitimie afe báinino ite maná daina monámona cocide güillena güitátaiticue. (Bie maná Juziñamui íaioi comécina náiretaillena jana.) Iemo afémiemo úzerede nofítofena fécaíticue. Afe nofítofemo buna ónoñega comue mámecei cuelle. Dama afe nofítofe llíinoitimie áfena onuille.” Aquíe izói daide.



### *Tiatíramo ite ñnotinomo llogáuai*

<sup>18</sup> Daje izói Tiatíramo ite Juzíñamuimo jaináidino úiñoraimamo bíuai cúeiri. “Juzíñamui Jitó ómoimo úrite. Afémie ui irai bóua izoide, íemo ie éiba ñue queníretaga bronce izói quenírede. Afémie bie izói ómoína daide.

<sup>19</sup> Nana omoi finócana onódicue. Cuena omoi izíruillana onódicue, naa cuemo omoi ñnua diga. Daje izói cue dibénedo ñue omoi táijicaillana onódicue, naa omoi comeci járitaiñena diga. Fueñe omoi táinia baimo birui jamánomo finócaidíomoi.

<sup>20</sup> Mei íadi ómoimo daa cue lletárafuena nai ite. Afe Jezabel mámeciredingo llógana rairuñediomoi. Afengo, “Juzíñamui dibénedo úriticue,” daiífiredo, mei íadi fiene ie llócaigafuedo cue ocuífíreganona jífuede. Afe jífuia uaido íaioina iere jiruítetade. Daje izói jánaraimo fecaca rílleniaina íaioina ritátate áfemo caimátaillena.

<sup>21</sup> Aféngomo are úiñoidicue afengo comeci ifue méidollena. Mei íadi afengo áfena méidoacañede. Afengo ie jiruífueña fáicanocaiacañede.

<sup>22</sup> Mei jira birui afémaci afengo finócafuena fáicanocaiñenia, aféngona iere izire iráretaiticue. Daje llezica nana afengo diga jiruiredinona duere ze-fuítaiticue.

<sup>23</sup> Afengo úruiaina títaiticue. (Afe úruiai daína afengo llógamo jíruitino.) Afemona naga come ifoci úrillana, ie comeci ifue diga ñue ícoimo cue onónana, nana Juzíñamuimo gairídino fídítiaioi. Iemo ómoimona illa dígamie fiene omoi fínuaze ómoína duere fínoiticue.

<sup>24</sup> Mei íadi ómoimona Tiatíramo ite jíáimaci afe Jezabel omoi llófua fiénide uaina náfueñediomoi. Afe Jezabélmo jaináidino íaioi llófueinana daidíaiioi, “Cai llófueina uai Taife ie, iere báinide nai uáfodo ónonidífuiai,” daidíaiioi. Afe llófueinana onótañegaomoi. Iemo ómoimo ite nauí cue lloga baimo jíáiena ómoína ócuíñeiticue.

<sup>25</sup> Daa bie llóiticue: Omoimo ite ñúefuiai ñue rairuiri, nai cue bíñeille dino.

<sup>26</sup> Fiénidena anáfenodinona jáitínona náiraiai ócuitímacina jóneiticue. Afémaci cue jítainana ñue ícoimo fuitáidino. Ocuille ríino íaioimo jóneiticue,

<sup>27</sup> mei daí cue Moo cue ocuille ríinona cuemo jóneteza. Iemona náiraiaina rírede lloébici izóidedo ríire ócuitiaioi. Iaioimo cacáreaañedinona icíruai lláia jéenino llairúngotailla izói, afe izói íaioína duere fínoitiaioi.

<sup>28</sup> Daje izói monáiracudu iere ebire egáñua izói, afémacina ebire fínoiticue.

<sup>29</sup> Ñuera Joreño Juzíñamuimo jaináidinona dáinamo cacácadímie mai áfemo cacai.” Aquíe izói daide.

## 3

### *Sárdismo ite ñnotinomo llogáuai*

<sup>1</sup> Daje izói Sárdismo ite Juzíñamuimo jaináidino úiñoraimamo bíuai cúeiri: “Afe siete dígade Juzíñamui jóriairedímie, ñi afe Juzíñamui Ñuera Joreñoredímie Cristo, íemo afe siete dígade ucúduai llíidímie dáamie. Afémie bie izói ona daide: Nana o finócana onódicue. Crístomo o jainaina izóinado jica jalleide, íadi onódicueza tíidímie izói itio.

<sup>2</sup> Come cazilla izói mai abina onoiri. Nai omo due jiza fiébide ñnogafuiaina meine ríire finori, mei aféfuiai jae táinocaiacadeza. Eróidicuemo o finócafuiai cue Juzíñamui eróicana ñue jaícina jóiñedeza.

<sup>3</sup> O fueñe ñnoga íaioi llófuiamo uibíoicairi. Afena jeire o oíri. Afe llezica o comécimo itifue ñúefuena méidori. O abina ñue onóñenia, merírifiredimie ónonino billa izói, duere omo fínuaibititueza. Cue billíruina ónoñeitío.

<sup>4</sup> Mei íadi ómoimona jadí Sárdismo dáarie comécina ñúemacina ite. Afémaci iníroina íaíñedino izoide. Afémaci úzecuiruai jitada cue diga jáitiaioi, mei afe daí íaioimo dúideza.

<sup>5</sup> Fiénidena anáfenodinona jáidino úzecuirona jítaitiaioi. Iemo zíñona cáaitino mámecei cuiánicomona íaioi mámeceiaina dóñeiticue. Iemo daje izói cue Moo Juzíñamui uícomo “Bie cúemaci” dáititue; daje izói ie abi imaci ángeles daínámaci uícomo “Bie cúemaci” dáititue.

<sup>6</sup> Ñuera Joreño Juzíñamuimo jaináidinona dáinamo cacáacadimie mai áfemo cacai.” Aquíe izói daide.

### *Filadélfiamo ite ñnotinomo llogáuai*

<sup>7</sup> Daje izói Filadélfiamo ite Juzíñamuimo jaináidino úñoraímamo bíuai cúeiri: “Afe ñífuenidimie omo úrite. Afémie uáfueña úrifiredimie. Afémiemo jaiái illaíma David naze tuiñora llave ite. Afémie Juzíñamui illáimana illano tuiñóadi buna íbáinide. Daje izói afémie íbáia, buna zuitánide.

<sup>8</sup> Bímie bie izói ona daide: Nana o finócana onódicue. Buna íbáinide túide naze o uíecori jóneticue. Mei figo mairíñedio, íadi cue uaina náfuetío; cuena jaca jáanofinidio.

<sup>9</sup> Iemona Taífemo jaináidinona o anamo caiñícido ana íaioi dújutano óreiticue. Afémaci táinona úrillano bie izói daíñifrediaioi: “Cai bie Juzíñamui ñizeca judíuaidicai” daídíaioi, mei íadi íeñediaioi. Nana baimaci o anamo dújutaiticue, íemona ona cue izíruillana fídítiaioi.

<sup>10</sup> Cue ocuica uai jeire o úamona aféuai daína izói comécina járidoñedio. Ie jira nana bíniemo bite facátalliruimona ona ñue ráiruiticue. Aféruído nana bíniemo ite comini facátalliaioi.

<sup>11</sup> Raire biticue. Omo ite ñúefuai ñue rairuiri, o jirídolle raa bu báiroñeilleza.

<sup>12</sup> Fiénidena anáfenodinona jáitinona cúeiena máíñoititue. Máíñoano cue Juzíñamui gairíracomo ite mairide jáillirai izói íaioina óreiticue. Iemona Juzíñamui illánomona jaca jino jáíñeitiaioi. Íaioimo cue Juzíñamui mámecei cúeiticue. Daje izói cue Juzíñamui jofue mámecei íaioimo cúeiticue. Afe jofue mámecei “Comue Jerusalén.” Afe jofue cue Juzíñamuimona caífo monámona ana bite. Daje izói afe fiénidena anáfenodinomo cue comue mámecei cúeiticue.

<sup>13</sup> Ñuera Joreño Juzíñamuimo jaináidinona dáinamo cacáacadimie mai áfemo cacai.” Aquíe izói daide.

### *Laodicéamo ite ñnotinomo llogáuai*

<sup>14</sup> Daje izói Laodicéamo ite Juzíñamuimo jaináidino úñoraímamo bíuai cúeiri: “Uáfueña llotímie omo úrite. Afémie jáicina uai nabáíñifredimie; daje izói jaca méidoñeno uáfueña úrifiredimie. Afémie nana Juzíñamui finócana tainéraíma.

<sup>15</sup> Afémie bie izói ona daide: Nana o finócafuiaina onódicue. Ráairuillano figo o ñnoñenana onódicue. O ñnoga ñue uzírediji izoíñede. Daje izói o ñnoga caimare mánaidiji izoíñede. Ñue o uzírenana jítáidicue, ñbai jáíñifodo o mánaínana jítáidicue.

<sup>16</sup> Mei íadi jabo uzírediji izoíidio. Iemona jabo uzírediji jino tua izói ona jino dótaíticue.

<sup>17</sup> Bie izói daíñifredio: “Ráaredimiedicue,” daíidio. Iemo “Nana cue illafue ñue jóide. Cue jitaica raana íñede,” daíñifredio. Mei íadi jáíñifodo o íllana onóñedio. Juzíñamui eróicana bu cáimadoñegamiedio. Iemo daje izói iere

duere zefuíttagao, íemo iere dúeredimiedio, íemo uina cíoiñedimie izóidío. Iemo jíái inícuironino emuíromade izóidío. Afe bie izóí o íllana jaca onóñedio.

<sup>18</sup> Mei jira omo llóiticue, “Iraimo ñue finoca órona cúemona iba, uáfuenta ráaredimiena o jáillena. Daje izóí cúemona úzerede inícuirona iba, o meáire emuíromana ibáillena. Daje izóí ui manórajina cúemona iba, o uimo jóoniamona ñue o cíoillena.

<sup>19</sup> Nana cue izíruiganona lletádicue; daje izóí íaioina duere finódicue ñue íaioi íllena. Mei íemona Jesucrístomo izire o jaináicaillano, iere o íinofireiri. O comeci ífuiai méidori, ona duere cue fínoiza.

<sup>20</sup> Ero cacai, come comeci naze ízoinamo iticue. Dinómona jíiriticue. Cue uaimo cacáreitimie ie naze tuiñóadi cue llínollena, afémie illánomo jofo jáiticue. Jaillano dájena afémie diga nabáiriticue. Daje izóí conima diga caimare úriticoco.

<sup>21</sup> Fiénidena anáfenodinona jáitinona, illáimana cue ráiranomo afémiena cue diga ráitaiticue. Mei daí fiénidena cue anáfenuamona cue Moo illáimana ráiranomo ráinazaidicueza.

<sup>22</sup> Ñuera Joreño Juzíñamuimo jaináidinona dáinamo cacácadimie, mai áfemo cacai.” Aquíe izóí daide.

## 4

### *Monamo Crístomo lloga cáimafuiai*

<sup>1</sup> Bie méifomo éroidicue, monamo ite naze túinana ciódicue. Fueñe cue cacana uaina meine nane cacádicue. Afe uai vudugoi ficirena izóí cacaide. Afe uai cuena daide:

—Caifo benomo bi. Bífuiái méifomo raire cómutifuiaina omo ácataiticue, — daide.

<sup>2</sup> Afe llezica Ñuera Joreño anamo itábicaidicue. Iemona monamo ite illaíma ráiranona ciódicue. Afénomo dáamie ráiinana ciódicue.

<sup>3</sup> Afémie iere quérede ‘jaspe’ daina ráifide nofiji izóí éroide. Aféjina jíáifo daina ‘cornalina.’ Afe ráirano abido rózigüeo nágafene ífoina ite. Afe rózigüeo ‘esmeralda’ daina ráifide nofiji quenírena izóí quenírede.

<sup>4</sup> Iemo afe ráirano abido veinticuatro diga jíáie illaíma ráiranuaina nágafene ífoina íllana ciódicue. Afénuaimo veinticuatro diga mona ero ocuide éicomini ráiidiaioi. Afémaci úzerede iníroillai jítádiaioi. Iaiói ífomo oro finoina illaíma jítáfiregacuifoí jíiena.

<sup>5</sup> Afe áillue ráiranomona aillo boride. Afe llezica afénomona iere ficire mona gíría cácaide. Iemo afe ráirano uícomo siete dígade áillue bobáieniai bóoide. Afe siete diga bóoide bobáieniai Juzíñamui Ñuera Joreño jana.

<sup>6</sup> Dáanomo afe ráirano uícomo, daa monáillaina eroide illa. Afe monáillai anáfenemo ñue cíoide vidrio izoide.

Afe ráirano abido cuatro diga cáadimíai ífoina itíaioi. Afémaci erófene dibénemo aillo uíjiai ite. Daje izóí emodo dibénemo ite.

<sup>7</sup> Bimácimona daa jánallarina eroide. Iemo jíáie juráreto íitona eroide. Iemo jíáie uieco, come uiecona eroide. Iemo jíáie feede máajaiñona eroide.

<sup>8</sup> Afe cuatro diga cáadimíaimo illa dígamíemo seis diga íaicuai ite. Afe íaicuai erófenemo uíjiaína oruide; daje izóí emodo dibénemo ite. Afémaci mona naio diga llíicaiñeno úritiaioi; Juzíñamuina daííoidiaioi:

¡tere íaífuenidío! ¡tere íaífuenidío! ¡tere íaífuenidío!

¡ere ñuera cai Ocuíraimadio.

Jamánomo rínorede Juzíñamuidío.

Jaca nanómona itímiedío,

Iemo nai birui itímiedioza,  
Iemo uire jaca ninomo ziiñona íitimiedioza, —daí daiíofirediaioi.

<sup>9</sup> Illa dígacaiño afe cáadimaci, ráiiranomo ráide Moo Juzíñamuimo ebíredifue nitáadi, íemo ñúefue jóoneadi, íemo jíái figora íena dáadi,

<sup>10</sup> afe llezica afe veinticuatro diga ocuide éicomini áillue ráiiranomo ite Juzíñamui anamo dújufirediaioi. Iemo afe jaca ninomo ziiñona itímiena caimátaidiaioi. Afe llezica íaioi oro finoína illaíma ifo icuífuaí ráiirano uícomo jóonefirediaioi. Jóneta daiífirediaioi:

<sup>11</sup> Cai Ocuíraíma Juzíñamui,  
Iere ebíredifue omo nitáregaza,  
Daje izói ñúefuaí omo jóonefiregaza.  
O jamánomo ríinorenana omo nitáregaza.  
Nana aféfuiaí ona náamaredeza.  
Mei naga ráaniaí o comuítaga.  
Iemo o comeci jítaina izói itíaióiza.  
Daje izói o comeci óiacanamona finócaiaioi.  
Aquíe izói daiífirediaioi.

## 5

### *Ráidímie líiga rabénicono ciódicue naa Cordero dainámie Cristo diga*

<sup>1</sup> Afe méifomo illaíma ráiiranomo ráidímie nabézimo ite rabénicono ciódicue. Afénico ferínoga rabe. Erófenemo cuega, daje izói jinófenemo jíái cuega. Afénico siete diga sello daina ñue ibaira raado ibaica.

<sup>2</sup> Iemo riírede ángel daina Juzíñamui abi ímiena ciódicue. Afémie ficírede uaido jicánofirede; daide:

—¿Bie sello mei cuatállena bu ñuena? ¿Bumo ñue dúide binico tuiñóllena? —daide.

<sup>3</sup> Mei íadi afénico tuiñoitimiena iñede. Caífo monamo iñede. Bíníemo iñede, íemo bíníe anamo tíidino illánomo jíái daje izói iñede. Daje izói afénícomo buna eróinide afe facádollena.

<sup>4</sup> Afénico tuiñoite comécina ñuemiena baiñénamona iere éedicue. Daje izói afénico facádoitimie iñénamona, íemo jíái afénícomo eróillano ónoitimie iñénamona, iere éedicue.

<sup>5</sup> Iemona veinticuatro diga eicomínimona dámie cuena daide:

—Mai benómona ééñeno o iri, mei Judá nairai illaíma Jánallarína mamécámie, fiénidena jae ñue anáfenotateza. Afémie jaiái illaíma David erófene igímamona comuídímie. Afe ie anáfenuamona afémie binico tuiñolle ríino ote. Daje izói afe siete dígade sello cuatalle ríino íemo ite, —daide.

<sup>6</sup> Iemona afe ráiirano cígimo, íemo afe cuatro diga cáadimíai cígiri, íemo afe veinticuatro diga éicomini cígimo, Cordérona mameca Crístona ciódicue. Afémie táide, mei íadi Juzíñamuimo fia fecállena ie íaioi fáina meífo cíoide. Afe Cordero siete diga zícairede, íemo ie ui siete dígade. Afe siete dígade uíjiaí naga éniáimo oreca Juzíñamui Ñuera Joreño jana.

<sup>7</sup> Afe Cordero illaíma ráiiranomo ráidímie nabézimo ite rabénicono líínuaide.

<sup>8</sup> Afémie afénico líínua llezica afe cuatro dígade cáadimíai, íemo afe veinticuatro dígade ocuide éicomini afe Cordero anamo dújudiaioi. Afe eicomínimona illa dígamie ‘arpa’ daina rua roia taiga raa lííediaioi. Daje llezica afémaci oro finoína ugúciaina oruide ichecoí lííidiaioi. Afeniaí Juzíñamuimo jaináidino afémíemo jicara uailaí jana.

<sup>9</sup> Afe éicomini bie comue rua rotíaiói:  
 O iere comécina ñüemienamona bie rabénico llínota tuiñolle omo dúide.  
 Mei nauí Juzíñamuimo fatá fecácamedioza.  
 Caina o die tóillado Juzíñamui íena ibáðioza.  
 Uáfuenta nágaziemona,  
 Iemo nana jíáífo úritinomona,  
 Iemo naga comini jófuiamona,  
 Iemo nana náiraiamona Juzíñamui íena caina ibáðioza.

<sup>10</sup> Cai Juzíñamui ie illáinina caina jáitatio;  
 Daje izói comínido Juzíñamuimo úrifireitinona caina jónetio;  
 Iemona énie náiraiaina ócuiticai.  
 Aquíe izói rotíaiói.

<sup>11</sup> Afe mei eróidícue. Iemo aillo afe illaíma ráiiranomo ífoina ite ángeles daina Juzíñamui abi imaci úrilla uaina cacádícue. Daje llezica afe cuatro diga cáadimíai uaina cacádícue. Iemo dáaruido éicomini uaina cacádícue. Afe Juzíñamui abi imaci iere jamánomo aillo itíaiói. Ua millones y millones dáinaze itíaiói.

<sup>12</sup> Afémaci fíçirerie úritiaíoi; daidíaiói:  
 Fatá Juzíñamuimo fecaca Cordero comécina iere ñüenamona ñuera ríino maiñolle afémiemo dúide.  
 Daje izói aillo ráífide ráaniai dáamiemo dúide.  
 Iemo ifoci déillafuiai dáamiemo dúide.  
 Iemo nana ñuera máiríe dáamiemo dúide.  
 Iemo nitárega ñúefue dáamiemo dúide.  
 Iemo ñuera ébífue dáamiemo dúide.  
 Iemo aillo afémiemo caimátaille uai afe Cordéromo dúide.

<sup>13</sup> Afe llezica nana Juzíñamui comuitaganuiai úrilla uaina cacádícue: nana monamo itínuiái, daje izói éniemo itínuiái, daje izói énie anamo itínuiái, daje izói monáillaimo itínuiái, naa afénuiaímo itínuiái úrilla uaina cacádícue. Daidíaiói:  
 Nana caimátaille uailíai illaíma ráiiranomo ráide Moo Juzíñamuimo íredeza,  
 Daje izói jíái Cordéromo íredeza.  
 Afe izói ñúefue afe íaillínoímo nitáredeza, naa ñuera ébífue diga,  
 Iemo ñuera ríino íaillínoímo íredeza.  
 Nana aféfuiai íaillínoímo nana fimónaíaido, jaca ninomo zííñona daí daiírenaza.

<sup>14</sup> Iemo afe cuatro diga cáadimíai aiáirilla izói daidíaiói:  
 —¡Daiítadeza! —daiíoi-firediaíoi.  
 Iemo afe veinticuatro dígade éicomini ana dújuillano, jaca ninomo zííñona cáadimíemo caimátaióifirediaíoi.

## 6

### *Siete dígade sello daina rabénico ibaira rafue*

<sup>1</sup> Cordero afe siete dígade séllomona nánora tuiñuana ciódícue. Daje llezica cuatro dígade cáadimíaimona dáamíe dáinana cacádícue. Ie úrilla uai, mona gíría fíçirena izói fíçirede. Daide:

—Mai eróizaíbi, —daide.

<sup>2</sup> Cue eroilla llezica úzerede cabállona ciódícue. Afe emódomo ráiicaidimíe zicuirá lliicaide. Iemo illaíma ífo icuífoina ie jitádiaíoi. Jita mei afémíe naga náiraina anáfenocana jaide. Ie mei nágaruillaído afémíe íaíoiina anáfenofirede.

<sup>3</sup> Méifoide séllona Cordero cuata llezica, tórona éroide cáadimíe úrillana cacádícue. Afémíe:  
 —Mai eróizaíbi, —daide.



4 Afe llezica jáirede caballo jino bíllana ciódicue. Afe emódomo ráicaidimie fétalle ríino afémiemo iga. Afémie nana nairai caimare uái illa féitaité, comini conímana fazítallena. Afe llezica áillue lloébicina afémiemo iga.

5 Iemo Cordero nane jáie tercer daina sello cuata llezica, jáie cáadimie úrillana cacádicue. Afémie:

—Mai eróizaibi, —daide.

Jira eródicue. Eródicuemo daa jítirede cabállona ciódicue. Afe emódomo ráicaidimie mérenana onóillena facara raa llícaide.

6 Iemo cáadimiai cigimona dáamie úrilla uai cacádicue. Aféuai daide:

—Daa kilo trigo daa mona táijina fidi. Iemo daámani kilo cebada daa mona táijina fidi. Iemo aceite vino diga jaca jeruíredeza, mei afe iballe úcube iñédeza, —daide.

7 Afe mei Cordero jáie ‘cuarto’ daina sello cuata llezica, cáadimiamona íiraimie úrillana cacádicue. Afémie:

—Mai, eróizaibi, —daide.

8 Eródicuemo borárede cabállona ciódicue. Afe emódomo ráicaidimie titáfiredimie dainámie. Afémie óodana tíidino illano jana maméidimie bite. Enie cuatro diga fecácamona dáanie íemo iga, afénomo ríire ocúllena. Afénomo comínina fuiríllado íaioina tícoizitaite. Iemo daje izói júbiedo íaioina tícoizitaite. Iemo dúicuaido íaioina tícoizitaite. Iemo éniemo ite illáirede rílleniai íaioina tícoizitaite.

9 Afe mei Cordero jáie ‘quinto’ daina sello cuata llezica, ‘altar’ daina Juzíñamui caimátaitarano anamo ite, titaca comini coméciana ciódicue. Afémaci Juzíñamui uai llócailla ícoina titácaiaioi.

10 Afe bimaci ficire úritiaioi; daidíaiioi:

—Íaifuenide cai Ocuídime, uícodo o llógana méidoñoño ñue fuitáfiredio. Eniemo ite cai titádino iere jicánota duere o finóllena, ¿níé dinó nai mozíñoitio? Cai fatino iba o ollirui, ¿nigarui nai bai dúíñoitio? —daidíaiioi.

11 Mei jira afe altar anamo itímaci úzecuiruaina igáiaioi. Afe llezica nai nano íanori ocózinaitagaiaioi. Mei nana íaioi tílla izói uire titállino, Juzíñamui mámianomo nai dúciñede. Afe titállino, nauí íaioi titaca ámatiaí izói, Cristo uaimo táijifirediaioi.

12 Cordero nane jáie ‘sexto’ daina sello cuata llezica, eródicuemo, énie iere jacire docaide. Iemo jítoma zúunaillana, jítaca jítiroi izói éroide. Afe llezica fui náauina jáirede die izói méidoficaide.

13 Afe dáaruído mona ero ucúduai cocídiaioi. Ua, higuera daina amena llizilla, jairifo ríire begüíñuamona cócia izói, afe izói ucúduai ana bíñiemo cocídiaioi.

14 Afe llezica, rabe jofó ferírioicailla izói, mona ferírioicaide. Iemona cióbicaíñena. Iemo dáaruído nana caifóneduai naa monáillai cigi íduai íaioi illánomona oni jírecaide.

15 Iemona nairai illaini caifóneduai anamo ite ífuaímo, naa jéerie nofíciái cigiedo retáiritiaioi. Afénomo jamánomoidino daje izói retáiritiaioi. Iemo aillo ráanaitino, íemo fuiríraini illáicomini, íemo iere ríiredinuaí, íemo nana jacire rairuícano, daje izói buna ráiruiñegano, nana afénomo retáiritiaioi.

16 Afémaci caifóneduaina jéerie nofíciaina daíifirediaioi:

—¡Mai caímo bai! Mai caina jiita, baie illaíma ráíranomo ráíide Juzíñamui mona caina rétaido. Cordero finolle jacire cai duere finóllifuemona caina rétaido, —daíifirediaioi.

17 Mei jii, iere jacire comini duere finóllirui jae dúcidez. ¿Bu mei áfena moziñorena?

## 7

### *Israel náiraimona náamana onóillena cuegamaciai*

<sup>1</sup> Bie méifomo bínie fuédaiaimo cuatro dígade ángeles daina Juzíñamui abi ímíai, naidáienana ciódicue. Afémaci nágafeniaimona jairifo jáiñuana moziñotiaioi. Afe éniemo jairifona jaiñótañediaioi, daje izói monáillaimo jaiñótañediaioi, íemo jíái aménaiaimo jaiñótañediaioi.

<sup>2</sup> Iemo jíáie Juzíñamui abi ímiena mona móimona bíllana ciódicue. Afémie caade Juzíñamui íeie daiíllena sello daina jónelle raa llícabite. Afémie ficire úrite. Enie fuédaiaimo cuatro diga naidáidimíaimo úrite. Afémaci bínie fieni íaioi finolle, naa monáillai diga ríinona igámaci. Afémacina bímie daide:

<sup>3</sup> —Cai Juzíñamui ocuífireganomo, íaioi ozócimo náamana onóillena mámecí nai jóoneñena llezica, nai bíniena duere finóñeno iri. Daje izói monáillai naa aménaiai raire duere finóñeno iri.

<sup>4</sup> Jóonia mei, nígamaci náamana onóillena mámecina jónegano íaioi númeroa cacádicue. Nana Israel náiraímo itíziaimona afe cuegano ciento cuarenta y cuatro mil dígade.

<sup>5</sup> Judá izíemona doce mil diga cúefide.

Iemo Rubén izíemona doce mil diga cúefide.

Iemo Gad izíemona doce mil diga cúefide.

<sup>6</sup> Iemo Aser izíemona doce mil diga cúefide.

Iemo Neftalí izíemona doce mil diga cúefide.

Iemo Manasés izíemona doce mil diga cúefide.

<sup>7</sup> Iemo Simeón izíemona doce mil diga cúefide.

Iemo Leví izíemona doce mil diga cúefide.

Iemo Isacar izíemona doce mil diga cúefide.

<sup>8</sup> Iemo Zabulón izíemona doce mil diga cúefide.

Iemo José izíemona doce mil diga cúefide.

Iemo Benjamín izíemona doce mil diga cúefide.

### *Aillo dáanomo úzecuiruai jítada gairídino*

<sup>9</sup> Afe méifomo eróillano jamánomo aillo comínina ciódicue. Nana náiraiaimona dáanomo bitíaioi. Daje izói nágaziemona bitíaioi. Iemo daje izói jíáifo úritinuaiaimona bitíaioi. Iemo daje izói naga jófuaiaimona bitíaioi. Nana bimaci illaíma ráirano uícomo naidáidiaioi. Daje izói Cordero uícomo naidáidiaioi. Afénomo aillo itíaioiza buna facádonide. Nana afémaci úzecuiruai jítáoidiaioi. Daje llezica afémaci rafóruai llíediaioi.

<sup>10</sup> Nana fíicirerie daidíaioi:

Cai jíllonano, illaíma ráiranomo ráide cai Juzíñamuimona comuide.

Daje izói cai jíllonano Cordéromona comuide, daidíaioi.

<sup>11</sup> Afe llezica nana Juzíñamui abi imáciai, illaíma ráirano onido ífoina naidáiediaioi. Daje izói veinticuatro dígade éicomini onido ífoina naidáiediaioi. Iemo jíái cuatro diga cáadimíai onido ífoina naidáidiaioi. Afémaci afe ráiranomo ráidimie anamo éniemo fuego diné bíjicaidiaioi. Bíjicaillano Juzíñamuimo caimátaidiaioi.

<sup>12</sup> Daidíaioi:

¡Bie izóideza! Ñúefuai nitalle cai Juzíñamuimo dúide, ñue ebíredifuai diga.

Daje izói nana ñue onógafue íemo dúide, naa figora daiífirena diga.

Daje izói aféniemo nitárede ñúefue dáamiemo dúide, naa áillue máiríe diga.

Nana bífuiai cai Juzíñamuina jaca ninomo ziiñona daií daiírenaza.  
Aquie izóideza, —daidíaiói.

<sup>13</sup> Afe mei afe eicomínimona dáamie cuemo jicánote:

—¿Baie buoi úzecuiruai jitáoina? ¿Afémaci mei ninena bitíaiói? —daide.

<sup>14</sup> Jira íena daidicue:

—Afena onóñedicue. O ñue onódio, —daidicue.

Iemo afémie cuena daide:

—Bimaci aillo duere zefuilla ícoimo jino bitino. Afémaci comécina iere íaifuenino íaiói íllena ja Cordero díedo muiñócaza. Afémaci iere úzecuiro inícuiro illa izói itíaiói.

<sup>15</sup> Ie jira Juzíñamui ráirano uícomo itíaiói. Afe llezica nágaruillai, mona naio diga, Juzíñamui gairíraco ero ie ocuállana finófrediaíoi. Iemo afe ráirano mo ráide Moo Juzíñamui, íaiói diga íllado jácífuemona íaióina ráiruite.

<sup>16</sup> Afémaci jaca júbiemona duere finóbiñeitiaíoi. Daje izói jiróacanari duere zéfuiñeitiaíoi. Iemo jitoma íaióina jíai úzitañeite. Daje izói uzíredirui mo uzírena íaióimo uzire cácañeite.

<sup>17</sup> Mei illaíma ráirano abimo ite Cordero, ovejai uíñua izói íaióina uíñoiteza. Afe llezica ñuera jainoi jino toránuaído íaióina ifóicaite. Afe jainoi ziiñona cáatatiji. Iemo afémaci éeadi Juzíñamui íaiói ui jeme nana oni dóite.

## 8

### *Iraie sello cúatajana cioide, oro finoína uguci uillítara diga*

<sup>1</sup> Iemo Cordero llíga rabénicomo ite íraie sello daina ibáioide raa cuata llezica, daa hora átuedo mona tii daiíñoaide.

<sup>2</sup> Afe mei siete dígade Juzíñamui abi imaci Juzíñamui uícomo naidáienana ciódicue. Afémaci siete diga vudugoi izoide raana igáiaíoi.

<sup>3</sup> Afe mei jíaie ángel dainámie Juzíñamui abi ímie oro finoína uguci uillítara llícabillana ciódicue. Afémie altar daina Juzíñamui caimátairano uícomo naidaide. Iemo aillo ugúciai afémiemo fecácaza, áfena Juzíñamuimo uillítallena. Mei nana Juzíñamuimo jaináidino afémiemo íaiói jicáfírena uaillai llua llezica, bímie dáanomo afe ugúciai Juzíñamuimo uillítaiteza.

Afe Juzíñamui ráirano uícomo ite oro finoína ie caimátairanomo, bímie afe ugúciai jutade; íemo afe llezica afe Juzíñamuimo jaináidino jicáfírena uaillai llócaigaza.

<sup>4</sup> Afe uguci uillie, Juzíñamui abi ímie áfena altarmo juta mei, Juzíñamui uícomo caífo uillíoicaide, nana Juzíñamuimo jaináidino jicáfírena uaillai diga.

<sup>5</sup> Afe mei Juzíñamui abi ímie uguci uillítara raa llínote. Llínuano altármona oga caade iráiciaína áfena orúitate. Daií fínuano ana éniemo dotade. Afe dota llezica mona jacire giride naa ficíriede raari. Iemo aillo améuai llairide. Iemo énie jacire docaide.

### *Siete dígade vudúgoína eroide raa*

<sup>6</sup> Iemo afe siete dígade vudúgoína eroide llíide Juzíñamui abi imáciai afe vudugoi fúunollena maméritiaíoi.

<sup>7</sup> Nanóidímie fúunua llezica, jéerie nocíjiaí éniemo cocítate. Afe dáaruido réici diga die taméricaide éniemo cocítate. Afe cóciamona éniemona jarífenie boode. Daje izói nana aménaíaimona jarífenaíai boode. Daje izói nana caade ráitiaimona jarífene boode.

<sup>8</sup> Afe meifo Juzíñamui abi ímie ie vudugoi fúunua llezica, boode áillue íduna éroide raa monáillajimo dotaina. Iemona monáillajimona jarífeido díena jaide.

<sup>9</sup> Afemona nana afénomo ite caade chámuniaimona jarífeniai aillo tícoizitiaioi. Daje izói afénomo ite jéerie bárconiaimona jarífenedo aillo niné táinocaidiaioi.

<sup>10</sup> Iemo jíáie Juzíñamui abi ímie ie vudugoi fúunua llezica, áillue ucudu monámona éniemo baiíde. Afe ucudu bobaie izói boode. Afe bóodicudu nana imánillaimona jarífemanimo baiíde. Daje izói éniemona jainoi jino toránuaismo baiílla.

<sup>11</sup> Afe ucudu mámece Eríredicudu. Iemona nana imánillaimona jarífemanillaie eríriede. Iemona afe jainoi erire jáillamona aillo comini tíidiaioi.

<sup>12</sup> Ie mei nane jíáie Juzíñamui abi ímie ie vudugoi fúunua llezica, jítómamona jarífetomado jítirecaide. Daje izói fiuímona jarífeuido jítirecaide. Iemo jíái ucúduaimona jarífecududo daje izói jítirecaide. Ie jira nana afémacimona jarífenedo jítirecaide. Naga mona naio diga jarífemonana egáiñoñediaioi.

<sup>13</sup> Afe méifomo caifo monamo éroidicue. Afe mona erodo feede Juzíñamui abi ímiena cacádicue. Afémie ficire úrioicaide. Daide:

—Aii. Eniemo ite comini nii dúerena; mei Juzíñamui abi imácimona daámani nai fiévide vudugoi fúunollena. Afémaci fúunua llezica énie imaci, ¡Nii duere zéfuitiaioi! —daide.

## 9

<sup>1</sup> Iemo nane jíáie Juzíñamui abi ímie ie vudugoi fúunua llezica, daa ucudu monámona éniemo baiíllana ciódicue. Iemo fiénide joríaie ibáirafo zuitara llave afe ucúdumo iga.

<sup>2</sup> Afemona afécudu aféfona tuiñode. Tuiñuamona aféfomona jacafai bóua uíllia izói caifo uillide. Aféfomona caifo uillide uíllie jítómana dúitate. Afe llezica mona erona jítire finode.

<sup>3</sup> Afe uílliemona bíniedo feede fiúai comuide. Afémaci, éniemo ite acáiduai izói molléroirediaioi.

<sup>4</sup> Afémaci ráitie güíllena rairuícaiaioi. Daje izói nana amena rábiaina guitatañegaiaioi, naa jíáie mócore zicode ráaniaie diga. Daa comini duere finóllena orécaiaioi. Mei íadi dani Juzíñamui ie daiítate mámece ozócimo cúeñegana, afe fiúai duere finoitiaioi.

<sup>5</sup> Mei íadi afe fiúai comínina títatañegaiaioi. Mei jíáifodo afémaci cinco diga fiui comínina izi cácataitiaioi. Afe fiúai mailla, acaido come mailla izói izíreite.

<sup>6</sup> Iemona aféruillaido comini, “Raire cue tílli” dáitiaioi, mei íadi tíñeitiaioi. Iere tíiacaitiaioi íadi, titáfirede raa afémacimona oni jica jáite.

<sup>7</sup> Afe fiúai jóbairzaillena mamérilla cabállona eróidiaioi. Iaioi ifócimo oro finoina illaíma ifo icuífoina éroide jíina. Iemo íaioi uiéco come uiécona éroide.

<sup>8</sup> Iaioi ifótti ringo ifótiina éroide. Iaioi ízie ‘león’ daina jánallari ízierna éroide.

<sup>9</sup> Iemo llojécuiroi izoide abi riidote icogi íaioi jogóbemo jíide. Iaioi féeoína jamánomo ficírede. Uafue, jóbairzailla caballo zonóicaiga ‘cárronia’ ficírena izói ficírede.

<sup>10</sup> Iemo afémacimo ite ooda açaido ooda izói molléroirede. Afe óodamo cinco diga fiui comini duere finolle riino ite.

<sup>11</sup> Afe fiúai illaíma ite. Afémie fiénide joríaie ibáirafo úiñotimie. Afémie mámece hebreo uaido Abadón; íemo griego uaido Apolión. Afeci daiíacade “Niné táinocaititimie.”

<sup>12</sup> Nanoide jacire izi cacánafue jae záaide. Mei íadi nai mena fiévide.

<sup>13</sup> Iemo nane jíáie Juzíñamui abi ímie ie vudugoi fúunua llezica, Juzíñamui uícomo ite oro finoína altar daína afémiemo caimátairanomona úrilla uaina cacádícue. Afe uai afe caimátairanomo ite cuatro dígade caifo fáide zicai cígimona cácaide.

<sup>14</sup> Afe uai jae vudugoi fúunote Juzíñamui abi ímiena daide:

—Afe cuatro dígade Eufrates imani abimo cuinaca ángeles izóidino mai zuitari, —daide.

<sup>15</sup> Jira zuitácaiaioi, nana comíni jarífenairaido titállena. Mei aféruimo dúcinamona bai óllena eneno mamécaiaioi. Daje izói biruimo dúcinamona mamécaiaioi. Daje izói bie fiui íena mamécaiaioi. Iemo daje izói bie fimona íena mamécaiaioi.

<sup>16</sup> Afe cuatro díga ángeles ocuállino aillo ite. Nana afémaci cabálloniai emódomo ráiiediaioi. Iemo afémaci dígadiaoí daínana cacádícue. Afémaci doscientos millones dígadiaoí.

<sup>17</sup> Bie izói éroide cabálluai nícaido ciona izói ciódícue. Afe cabálluai emódomo ráiidino jogóbiaimo llojeco jitáoidiaioi. Afe llojécuiromo jáire, mócore, borare cuega. Iaiói cabálluai ifo ‘leon’ daína jánallari ifona éroide. Afémaci fuémona irai izói jino bite, íemo uíllie bite, íemo daje fuémona nairai iere uzire cónaitalle raa jino bite.

<sup>18</sup> Afe cabálluai fuémona bite daámani jacire táinocaitate ráamona aillo nairai fuite. Uafue, nana comínimona jarífenairai tíidiaioi.

<sup>19</sup> Daje izói afe cabálluai óodamo jacire títaite ríino ite, mei afe ooda jaiona eróideza; ifóredeza. Afedo comínina ainízicana uite.

<sup>20</sup> Mei íadi tíidinomona fiébidino, baie daámani jacíredemona tíínedino, íaiói finófireiga fiénidífuiaí féitaacañediaioi. Daje izói fiénide joríaímo caimátaitajana fáicanocaiñediaioi, naa jíáíforie finoca jánaraíaina. Dáarie afe jánaraíai oro finoína, jíáie plata finoína, jíáie bronce finoína; íemo jíáie nofici finoína, íemo jíáie amena finoína. Nana bie jánaraíai jaca cióñede; daje izói minícana cacáñede, íemo daje izói macáñede.

<sup>21</sup> Afe fiébidino jíáimaci méiniana fáicanocaiñediaioi. Daje izói jíáima fue gáiana fáicanocaiñediaioi. Daje izói íaiói jiruírenana féitañediaioi. Daje izói íaiói merírifirenana féitañediaioi.

## 10

### *Daa ángel daínámie Juzíñamui abi ímie duera rabénico llíide*

<sup>1</sup> Afe méifodo ríirede Juzíñamui abi ímie monámona ana bíllana ciódícue. Afémie uíllie cígido bite; íemo afémie ifomo rózígüeo izoide jíina. Ie uíeco jitoma egáíñua izói quenírede. Iemo ie idai boode jíaíllirai izói éroide.

<sup>2</sup> Afémie daa duera rabénico tuiñoda llíide. Ie idai nabezi monáillaimo bitade, íemo ie jarífezi éniemo bitade.

<sup>3</sup> Iemo jánallari ficire irilla izói ficire úrite. Afémie úrilla mei, mona siete dígacaiño gíríde; ie gíría come úrilla izói cácaide.

<sup>4</sup> Afe siete dígacaiño mona gíría llíicailla mei, íaiói daína uillaí cúeiacadícue. Mei íadi cúeiacadícuemo monámona daa uai cuemo úrillana cacádícue; daide:

—Afe siete dígacaiño mona gíría uillaí rabemo cueñeno iri; báinino comécimo o jóoneri, —daide.

<sup>5</sup> Afe mei afe monáillaimo naidaide, éniemo naidaide Juzíñamui abi ímie, ie onoi nabezi monamo zitáoide.



<sup>6</sup> Afe llezica ziiñona ite Juziñamui mámecei lliñuano riire úrite. Afe dáaruido énie comuítatimie mámecei, daje izói monáillai comuítatimie mámecei, íemo nana afénomo ite cáadinuiai comuítatimie mámecei lliñota riire daide:

—Benómona jaca ja móziñoñelleza.

<sup>7</sup> Jabe siete dígademonas íraimie Juziñamui abi ímie ie vudugoi fúunolliruimo dúcille llezica, Juziñamui jaca ía comécido báinino mamécáfue, ñue ícoimo zaite. Daí Juziñamui íe uai jino llórainimo jaiái uícodo llote. Afémaci dani íe ocuífíregano, —aquíe izói daide.

<sup>8</sup> Naui monámona cue cacana uai nane meine cuemo úrite. Cuena daide:

—Afe éniemo monáillaimo naidáidimie ónoimo ite túide duera rabénico mai lliñuái, —daide.

<sup>9</sup> Jira afe Juziñamui abi ímiemo afe duera rabénico jícajidicue. Jicádicuemo afémie cuena daide:

—Lliñota mai güi. Afe duera rabénico o fuemo cíji naimérena izói cácaite, mei íadi o jébemo erire cácaite, —daide.

<sup>10</sup> Mei jira Juziñamui abi ímie ónoimona afe duera rabénico lliñota güitícue. Güitícuemo cue fuemo cíji izói naimere cácaide. Mei íadi afe ja cue güilla méifodo cue jébemo erire cácaide.

<sup>11</sup> Afe mei cuena daidíaioi:

—Juziñamui daína aillo comini jófuiaimo cómutifuiái, meine dáanomo llóredioza. Daje izói aillo náiraiaina Juziñamui daínana llóredioza. Iemo daje izói jíáiforie úritinona Juziñamui daínana llóredioza. Iemo jíái aillo illáinina Juziñamui daínana llóredioza, —aquíe izói daidíaioi.

## 11

### *Uai nabáifrede íaillinoi*

<sup>1</sup> Afe mei árera rázina cuemo itíaioi. Afezi jofo facáradozina eroide. Afezi cuemo fécano cuena daidíaioi:

—Mai náidacaillano dama Juziñamui gairíraco nie dinóride fácaji. Daje izói Juziñamuimo caimátairano o fácaji nie dinóride. Afe llezica afénomo nieze afémiemo caimátaidimacina ite mai fácado.

<sup>2</sup> Mei íadi afeco jinófebiri facáñeno o iri; mei afeno jicánemacimo dúideza. Afémaci Jerusalén daína íaifuenide jófuenta cuarenta y dos díga fúido fieni anáfenoitiaioi.

<sup>3</sup> Iemo cue dibénedo úrilla uai nabáifrede íaillinoína óreiticue; come zuure ía jítaca jíticuro, jítaitiaillinoi. Afe íaillinoi mil doscientos sesenta dígaruillai cuedo úritiaillinoi. (Afe mil doscientos sesenta dígarui, cuarenta y dos díga fíui.)

<sup>4</sup> Bie cue uai nabáifrede íaillinoi ménade olivo amena izóidiaillinoi. Daje izói afe íaillinoi bínie comuítate Juziñamui uícomo jónega mena boode áillue lámpara izóidiaillinoi.

<sup>5</sup> Dáamie íaillinoína fieni finóacaniadi, afe íaillinoi fuémona irai orédiaillinoi, afe íaillinoi fáiacadinona náamiéna cuarítallena. Nana íaillinoína fieni finóacadinona daí titaiteza.

<sup>6</sup> Bie cue uai nabáifrede íaillinoimo monámona noci bítañede ríino ite. Afe íaillinoi Juziñamui dibénedo úricaille dinó, nocina bítañeitaillinoi. Daje izói jainoi díena ória ríino íaillinoimo ite. Iemo jíái comini duere fínoite nana jacírede duico comuítaja ríino afe íaillinoimo ite. Afe íaillinoi comeci óiacana dinori comínina duere finórediaillinoi.

<sup>7</sup> Mei íadi afe íaillinoi táijina fuilla mei, iere jacire éroide caade rille afe fiénide jóríai íbáirafomona jino bite. Jino billano afe íaillinoi diga fúirite. Fuiríllano íaillinoína anáfenoite. Anáfenua mei íaillinoína títaite.

<sup>8</sup> Iaillinoi tílle mei, cai Ocuíraima coráinanomo, nii afe Jerusalemo, afe áillue jofue cigi iomo, íaillinoi tíide abi fiénocaigaiaillinoi. Afe jofue mámece, fiéni íllana onótate uaido Sodoma daína. Daje izói jíai Egípto daína.

<sup>9</sup> Iemo daruíamani átuedo diga jófuiái nairai afe íaillinoi abi tíllamo acáritiaioi. Iemo íaillinoi abina raitátañeitiaioi. Daje izói dígazie íaillinoi abi bínamo acáritiaioi, naa jíáfodo úritinuiari.

<sup>10</sup> Bíníemo ite comíni afe íaillinoi tíllari iere íóbidiaioi. Daje izói caimare íitiaioi. Afe caimare íaioi íllamona conímamo ráaniána raiñóñeno fécaitiaioi. Mei afe íaillinoi Juzíñamui dibénedo úricailla llezica, bimácina iere duere zefuítatiaillinoiza.

<sup>11</sup> Mei íadi daruíamani átuedo jailla méifomo Juzíñamui afe íaillinoína meine abido cáatate. Iemo meine abido íaillinoína macátate. Iemona íaillinoímo acáritino jamánomo jacínaitiaioi.

<sup>12</sup> Afe mei afe uai nabáfirede íaillinoi monámona ficírede uaina cacade. Aféuai íaillinoína daide:

—Caifo bené bi, —daide.

Jira íaillinoína éoidino éroidemo, caifo mona uílliedo monamo jáidiaillinoi.

<sup>13</sup> Afe íaillinoi jailla llezica énie iere riire docaide. Afe riire docáillamona afe áillue jofue diez díganodemona dáagobe nana jáicoizite. Afemona siete mil comíni tícoizitiaioi. Afemona fiébidino iere jacínaitiaioi. Jacínaillano monamo ite Juzíñamuina caimátaidiaioi.

<sup>14</sup> Méifoide iere jácifue ja záide, mei íadi íiraie bille ja raírede.

*Siete dígade vudugoi fúunotinomona ja íraímie fúunote*

<sup>15</sup> Siete dígade ángeles daínamaci Juzíñamui abi ímíai mona íraímie ie vudugoi fúunote. Fúunua llezica, monámona diga ficire úrilla uailai cácailla; daidiaioi:

—Nana bíníe illaini illáimaillano naa íaioi ocuicanuiari ja dájena cai Juzíñamuímo, íemo ie Crístomo jaináitaga.

Iemo afe Cristo jaca ninomo zíñona ócuífireite, —daidiaioi.

<sup>16</sup> Iemona Juzíñamui uícomo ráide veinticuatro dígade éicomíni íaioi illaíma ráiranomona ana bíjicaidiaioi. Uáfueza, afe úrilla llezica éniemo fueco diné bíjicaillano, Juzíñamuina caimátaidiaioi.

<sup>17</sup> Iena daidiaioi:

Ona figora daidicai.

Jamánomo ocuide Juzíñamuidioza.

Birui ítimiedioza, íemo jaiái nanómona ítimiedioza, íemo jíai jaca ninomo zíñona ítimiedioza.

Figora ona daidicai, mei o áillue ríino maiñódioza.

Máínuano ja nane como ocuízaidioza.

<sup>18</sup> Náiraiái ícírinaizitiaioi, mei íadi íaioi duere o finólliruimo ja dúcizaide.

Daje izói tíidino iere riire o jicánolliruimo ja dúcizaide.

O dibénedo úrite o ocuífiriganomo íaioíena o mameca ñúefuiána íaioímo fécaítio.

Daje izói o uaina ñue ínofirede ñue finócanomo íaioímo dúide ñúefuiána fécaítio;

íemo daje izói o mámeceína jífánodoiñeno ñue llínotinomo íitio.

Uáfueza, jamánomoidímiemo,

daje izói jamáimemo íaioimo dúide raana íaioimo ífiredio.

Daje izói bínie ñúemacina fiénruitadino o táinocaitalliruimo ja dúcizaide.

Aquíe izói afe éicomini daidíaiói.

<sup>19</sup> Iemona monamo ite Juzíñamui gairíraco túijicaide. Afénomo Juzíñamui comini diga caimare úrira raa uáfori cíocaide. Afe úrira raa emodo órona íbaica caja. Afe eromo Juzíñamui lloga uallai éenotiaíoi. Afe gairíraco túijicailla llezica améuai riire llairide, íemo ficíriede ráaniai cacaide; íemo mona ficire giride; íemo énie iere riire docaide; íemo iere maíride nocíjiai cocide.

## 12

### *Ringo íemo jacírede zicínaimana eróidimie diga monamo cíocaide*

<sup>1</sup> Afe mei monámona jacírede onótate raa cíocaide. Afénomo iníroido ferínua izói, jitómado ferínoga ringo cíoina. Afengo idai anamo fiui cíoina, íemo afengo ífomo doce dígade ucudu illácuifoí, illaíma jitáfíregacuifoí izoide jitáoi.

<sup>2</sup> Afe ringo úrue jocóacade izínailla. Afe iere izírenari caillícade; mei afengo úrue jéiciacana llezica iere duere zefuídeza.

<sup>3</sup> Afe méifodo jíáie jacírede onótate raa monamo cíocaide. Afénomo áillue jíairede jacírede zicínaimana eróidimie cíocailla. Afémie siete diga ífórede. Iemo afémie diez diga zícairede. Afe ífóciaímo illa dígcimo illaíma jitáracuifoí jíina. Daa ie mámece Taife.

<sup>4</sup> Ie óodado monamo ite úcuaimona jarífecuduna aillo dánomo jainánote. Jainánuano afécuduaina ana éniemo dotade. Afe ‘dragón’ daína zicínaimana éroidimie, afe úrue jocóacade ringo uíécomo jóoneoide, afe ie jocóacaga úrue jócu llezica raire ríllena.

<sup>5</sup> Iemo afe ringo íza jocode. Afémie uire móonaia nana náiraiaína llojébici izóidedo riire ócuífreite. Afe úrue jócu méifodo Juzíñamui baíroca. Baíroda ie illáimana ráiranomo uiga.

<sup>6</sup> Afe llezica afe ringo táizicimo botade. Afe dinomo afengo retáirillino uícodo Juzíñamui finoca. Afénomo mil doscientos sesenta diga mona afengo ecáecaille.

<sup>7</sup> Afe méifodo áillue fuiríacana caífo mona eromo comuide. Afénomo Juzíñamui abí imaci illaíma Miguel naa jíáie Juzíñamui abí imáciarí afe dragón diga fuirídíaiói. Daje izói afe dragón naa ie abí imáciarí fuirídíaiói,

<sup>8</sup> mei íadi afémaci Miguel náiraina anáfenondíaiói. Iemona dragón imaci illino monamo íñede.

<sup>9</sup> Afe ie illino íñena jira afe riírede dragón monámona ja jino dotaca. Afe jaiaí ninomo ite jaio daínámie jíáfodo mameina Taife, íemo Satanás, íemo dáamie nana náiraina jífuefiredimie. Afémie naa ie abí imáciarí ana éniemo dotácaíaiói.

<sup>10</sup> Afe méifomo monámona ficírede uaina cacádicue. Afe uai daide:

—Cai Juzíñamui bínie comini jíllloillena mámiarumo ja dúcide. Daje izói íemo ite ríino facálliruimo ja dúcide. Iemo daje izói illáimana ie illíruimo ja dúcide. Daje izói ie jitó Cristo riire ocuálliruimo ja dúcide. Mei cai ámatiaímo fiénidífue nitáfíredimie ja jino dotácaza. Afémie nágaruillai, mona naio diga cai Juzíñamui uíécorí afémacimo fiénidífue nitáfírede.

<sup>11</sup> Cai ámatiaí Cordero díedo fiénidífueana anáfenodíaiói. Daje izói íaioí jino meáiruiñeno lloga Juzíñamui uáillaido caifófeficaidíaiói, mei jaca tíllana jacíruiñediaíoi; mei jíáfodo jaca tíllemo ñue finóbidíaióiza.

<sup>12</sup> Iemona, mona naa afénomo ite cáadinuiairi mai omoi ióbiri. Mei íadi éniemo itino nñ dúerena, naa monáillaimo itínuiari, mei Taife ómoimo ana iere icírillano jáideza. Afémie nano íanori ie íllena onódeza.

<sup>13</sup> Afe dragón ana éniemo ie dótajana onóillano, nauí íza jocódingo racade.

<sup>14</sup> Mei íadi afe ringo mena áillue máajaiño íáicono iga, áfedo afe jaio dainámie dragómona jica táizicimo afengo féellena. Afénomo daámani fimona átuedo afengo ecáecaiga.

<sup>15</sup> Iemo jaio dainámie áillue jainoi ie fuémoma orede, imánina comúllena, mei afe imánido afe ringo coróbaitallena.

<sup>16</sup> Mei íadi énie ringona ríidote, mei afe dáaruido énie bócocaillano, afe dragón fuémoma oreca imánina naítateza.

<sup>17-18</sup> Afe bíemona afe dragón ringomo iere ríicaide. Ríicaillano aféngomona fiébide ie erófene igímaiai diga fuirízaiide. Afémaci Juzíñamui ocuica uaillai jeire otíai. Daje izói afémaci Jesucristo lloga ua ráfuenta fáicanocaiño nágari jeire ófirediaoi.

## 13

### *Mena áillue jacire eroide rille cíocaide*

<sup>1</sup> Monáillai fuédamo cue naidáillano monáillaimona iere jacire eroide rille caifo bíllana cíodicue. Afémie ifo siete dígade, daje izói afémie diez diga zícairede. Afe illa diga zícáimo illaíma jitáracuifoi jíina. Afémie ifóciaímo Juzíñamuina fieni daína mámecei cúeina.

<sup>2</sup> Afe cue ciona jacírede rille jánallarina eroide. Ie ídaiai oso ídaína eroína, íemo ie fue león fuena eroide. Bímiemo dragón íemo ite ríino naa ie illáimaillano diga afémiemo fecade. Afe llezica ríire ocuífírenafue afémiemo lloga.

<sup>3</sup> Afe jacírede rille ifóciaímona daaci titade áillue boáfena eroide illa. Mei íadi afe titáacade áillue boafe raíre jacaide. Iemona nana énie náiraiai áferi iere jacínaitiaoi. Jacínaillano afémiemo ínotiaoi.

<sup>4</sup> Afémaci dragón uícomo éniemo fueco diné bíjicaillano íemo caimátaidiaoi, mei dragón ríire ocuille ríino afe jacírede ríllemo ígaza. Iemo daje llezica jacírede ríllemo caimátaidiaoi. Caimátaillano daidíai:

—¿Bu mei bie jacírede rille izoina? ¿Bu mei afémie diga fuirírena? ¡Afémie anáfenonide! —daidíai.

<sup>5</sup> Afe llezica afe jacírede rille afémie úrilla bu llétañega. Iemona Juzíñamuina íaire daína uaina llote, naa fieni abi ínuafuiairi. Afe izói cuarenta y dos diga fui, daí ie ocuilla buna ráiruiñega.

<sup>6</sup> Iemona afémie bie izói finode; Juzíñamuina uáitano, ie mámeceina íaire daíoi. Daje izói Juzíñamuimo úriranona íaire daíoi. Iemo monamo itínuiaina daje izói íaire daíoi.

<sup>7</sup> Iemo jíai daje izói Juzíñamuimo jaináidino diga ie fuirilla buna ráiruiñega. Daje izói afémaci ie anáfenolle buna ráiruiñega. Iemo nágazie ocuille ríino afémiemo fecaca. Daje izói nana comíni jófui ícuífíreite, íemo daje izói nana jíáfodo úritínuiai ícuífíreite, íemo daje izói nana náiraíaina ócuíte.

<sup>8</sup> Nana bíniemo itino afe jacírede ríllemo caimátaidiaoi. Afémaci mámeceiai zíñona ítino rabénicomo cúeñega. Ua énie taineina llezica baimaci mámeceiai afénicomo cúeñega, mei afémaci íñoñena jira. Afénico nauí titaca Cordero ie.

<sup>9</sup> Bífuomo cacáacádimie mai bíemo cácarei.

<sup>10</sup> Jiáimacina maitá uitino méifodo nane maitá uille. Iemo jiái lloéfaido jiáimacina titádino méifodo afémie daje izói lloéfaido titalle. Mei jira Juzíñamuimo jaináidino comécina járidonidiaioi; daje izói jiái ñue ñnorediaioi.

<sup>11</sup> Afe méifodo jiáie jacire eroide rille éniemona caifo bíllana ciódicue. Afémiemo mena zicai ite; cordero zicaina eroide. Mei íadi afémie dragón úrilla izói úrite.

<sup>12</sup> Naui monáillaimona bite nanoide jacire éroide ríllemo ite riire ocuille ríino, daje izói bie méifoidimie ite. Iemo nanoide jacirede rille uícori, bímie íemo ite ríino ácatate. Ie ríino ácata llezica afémie nana éniemo itínuiái, nanoide jacirede ríllemo caimátaillena ocuide. Afe nanóidimie ifomo ite áillue boafe raire jacáidimie.

<sup>13</sup> Iemo afe méifoidimie daje izói iere jácimie daiítate raana cíotate. Mei uafue, afémie nana comini eróicana monámona iraicí ana éniemo cocítate.

<sup>14</sup> Iemo afe nanoide jacirede rille uícomo buna ráiruiñega ie finócaigado nana bíniemo itínuiaina jífujete. Afémacina jífuiano afe aillo bofédaite jacirede ríllena eroide jánaraina afémacina finótate. Afe bofédaite jacirede rille lloéfaido aillo bofeca, mei íadi nai caade.

<sup>15</sup> Iemo afe méifoide jacirede ríllemo, afe jánarai cáatalle ríino íemo iga. Iemona afe jánaraina cáatano, afémie afe jánaraina úritade. Daje izói nana afe jánaraimo camátaiñedinona afe jacirede rille jánarai íaioina fatátate.

<sup>16</sup> Nana afe baimo, nana náiraiaina bie izói itátate; nana jabóidimaci naa jamánomoidimíiai díga, nana ráaredino naa dúeredino díga, nana ráiruiñegano naa rairuícano díga, íaioi onoi nabézimo daa onótate número jóonetade. Afe onótate número nabézimo jóoneñenia íaioi ozócimo jóonerede.

<sup>17</sup> Naga afe onótate número cúeñegamie jaca íbárinide, daje izói raana fecánide. Afe número nanoide jacirede rille ie. Afe número afémiemo dúide mámecei daiíacade.

<sup>18</sup> Bífue onóillena iere báitajamo dúide. Afena onóidimie, mai afe jacire eroide rille número faca. Afémie número iima ie. Afe número seiscientos sesenta y seis.

## 14

### *144,000 dígado roga rua*

<sup>1</sup> Afe méifomo Cordero Sión mameina idu emódomo naidáinana ciódicue. Afénomo afémie díga ciento cuarenta y cuatro mil comini naidáiede. Afémaci ozócimo Cordero mámecei naa ie Moo mámecei díga cúeina.

<sup>2</sup> Iemo monámona ficirede raana cacádicue. Afe ficirena aillo imánillai nofíco tua ficirena izoide. Jiái riire mona giria ficirena izoide. Iemo jiái aillo arpa daína, rua roia taiga ráaniai ficirena izoide.

<sup>3</sup> Afe llezica illaíma ráirano uícomo afémaci comue rua rotíaioi. Daje izói cuatro díga cáadimíiai, íemo écomini uícomo rotíaioi. Afe rúana jaca buna ónide. Dani afe ciento cuarenta y cuatro mil díga éniemona jíllode comini afe rúana onona.

<sup>4</sup> Afe bimaci ringomo jíriñedino, mei afémaci jaca íaifuenidino; dani íaioi abi rairuídíaioi. Daje izói afémaci Cordéromo jaináitagamaci. Afémaci cominimona jíllotagamaci, Juzíñamuimo nanóidino ie dúidimacina íaioi íllena. Daje izói Cordéromo nanoide dúidino itíaioi.

<sup>5</sup> Afémaci jaca táinona úriñediaioi, mei afémaci Juzíñamui illáimana ráirano uícori íaifuenino itínoza.

*Daámani ángeles daínamací Juzíñamui abí ímíiai llócaiga uai*



<sup>6</sup> Afe mei jiáie Juzíñamui abi ímie mona dáafenedo féiana ciódicue. Afémiemo zíñona jílloliuai illa, bíniemo itínomo llóllena. Nana énie náiraiaimo llórede, íemo nana jiáziemo. Daje izói nana jiáfodo úritínomo llórede, íemo daje izói nana comini jófuiado.

<sup>7</sup> Afémie ficírede uaido daide:

—Juzíñamuina ñue omoi jacírui; ñúefuiaina afémiemo omoi nitari, mei afémie iere riire jicánolliruimo ja dúcidez. Mai mona finódimie, daje izói énie finódimie, íemo monáillai finódimie, íemo éniemona jainoi jino torano finódimie; afémiemo omoi caimátaifireiri, —daide.

<sup>8</sup> Iemo nane jiáie Juzíñamui abi ímie méifodo cícaide; afémie daide:

—Ja jáicoizite, ja jáicoizite. Afe áillue Babilonia jofue jáicoizite. Mei aillo fiénide jiruífuiái izoide íaifuiái omoi finófirenado, nana nairai jifáidino izói itátatiomoiza, —daide.

<sup>9</sup> Afe méifodo íraie Juzíñamui abi ímie ficire daíioicaide:

—Dáamie jacírede ríllemo caimátaiaidi, íemo jiái afe jánaraimo caimátaiaidi, íemo daje izói afe rille mámecei ozócimo ninena ónoimo cuetátaiaidi,

<sup>10</sup> afe izóidino Juzíñamui lloga jamánomo duere finóllinomo orélliaioi. Mei afe izóidinomo afémie iere rícaide; rícaillano afémie duere íaioi finolle, féiñellena riire íaioimo mamécaza. Iemo Juzíñamui abi imaci uícomo, daje izói Cordero uícomo, iraido íaioina iere izi cácatalliaioi. Iemo daje izói nairai iere uzire cónaitalle raado afe izóidinona iere izi cácatalliaioi.

<sup>11</sup> Duere íaioi zefuítate irai uíllie jaca ninomo llícañeno caifo uillíioide. Afe jacírede ríllemo caimátaitino mona naio diga afe duere finóinamona jaca ócozinaiñeitiaioi. Afémaci naa afe ríllena eroide jánaraimo caimátaidinori, íemo jiái ie mámeceina onótate número otino diga nana jaca ócozinaiñeitiaioi.

<sup>12</sup> Mei jira Juzíñamuimo jainaide ie ocuica uaimo jíeruitino, naa Jesudo fáicanocaiñede jáidino diga, coméceina járidonidiaioi.

<sup>13</sup> Nane afe méifomo monámona daa uai cuemo úrillana cacádicue; daide:

—Bie cúeiri: “Benómona cai Ocuíraimamo ínote títino caimare íitiaioi.” Afena Juzíñamui Ñuera Joreño “Jii” dáidez, mei afémaci íaioi tájñamona ocózinaitiaioiza. Daje izói íaioi finócano, jiáima diga nabáirilla izói féitañegaza, —daí daide.

*Ria llizilla óina izói, énie comini jofo ollíruimo dúcidez, Juzíñamui duere íaioi finóllena*

<sup>14</sup> Afe mei eróillano úzerede mona ero uílliena ciódicue. Afe uíllie emódomo Nanoide Hima Jitona Jesuna éroidimie ráina. Ie ífomo oro finoina illaíma jítaracuifoí jíina. Daje izói hozna mámeceirede arroz izoide llízie ñetara llíide. (Afe raa jofo icuífoina néfide jáirede lloefai izoide.)

<sup>15</sup> Iemo nane jiáie Juzíñamui abi ímie ie gairíracomona jino billa. Afémie ficírede uaido uíllie emódomo ráiidimiena daide:

—O llíga llízie ñetara raado tájjiiri. Ja jeede diga mai jofo ono. Ja jofo ollíruimo dúcidez. Enie comini finócafuiái ja jeede ríaniai izói fiénidifuenta iere oruídeza, —daide.

<sup>16</sup> Afe mei uíllie emódomo ráiidimie ie llíga llízie ñetara raado énie comínimo tájizaide. Afedo fiénidifuenta oruídino jofo ote.

<sup>17</sup> Afe mei jiáie Juzíñamui abi ímie monamo ite Juzíñamui gairíracomona jino bite. Daje izói afémie jáirede llízie ñetara raa llíicabite.

<sup>18</sup> Afe llezica jíáie Juzíñamui abi ímie Juzíñamuimo caimátairanomona jino bite. Afémiemo jobáitale ríinona ite. Iemo afémie, jáirede ñetara raa llíidimiena ficire jírillano daide:

—Mai omo ite jáirede ñetara raado táijiri; éniemo ite jírigoillai ollíruimo ja dúcideza. (Afe jírigoillai fiénide comini jana.) Mai jofo ono, mei afe jírigoillai ja iere jiduúdeza, —daide.

<sup>19</sup> Iemo afe jíáie Juzíñamui abi ímie, ie jáirede ñetara raado énie comínimo táijizaide. Afedo éniemo ite jeede jírigoillai izoide fiénidino jofo ote. Uano áillue iduíriraco izóidino jofo dite, afénomo riire iduúllena. Bie iduilla Juzíñamui bie izói duere afémacina finolle jana.

<sup>20</sup> Afe jírigoillai izoide fiénidino áillue comini jofue jinomo iduica. Afe iduíracomona aillo díena tote. Afórede imani izoide; áfeji caballo táia ie fue illa dinori afórede. Daje izói áfeji trescientos kilómetros dinó tote.

## 15

### *Iraie siete dígade jacírede duere finóllifuiái Juzíñamui abi imaci mameca*

<sup>1</sup> Iemo monámona jíáie jacínaitade áillue raa jánana ciódicue. Siete dígade Juzíñamui abi imaci íraie siete dígade jacírede duere finóllifuiái lluáibitiaíoi. Afedo Juzíñamui ríicaillana záaite.

<sup>2</sup> Daje izói, vídriona finóinana eroide monáillajina ciódicue. Afeji réici diga taméricaide; daíí eroide. Jacírede ríllena anáfenodino afe fuédamo naidáiediaíoi; daje izói ie jánaraina anáfenodino; íemo jíái afe ie número mámecina ozócimo cúeñegano diga. Nana dáanomo afe vídriona eroide monáillai fuédamo naidáiediaíoi. Nana bimaci Juzíñamui íaíoiimo fecaca ‘arpa’ daina rua roia taiga raa llíiediaíoi.

<sup>3</sup> Afémaci Juzíñamui jaiaí ocuífregamie Moisés rua rotíaíoi. Daje izói jíái Cordero rua rotíaíoi. Aférua bie izói daide: Ocuíraíma, nana o finócanuiaí iere ebíriede.

Jamánomo ríinorede Juzíñamuidio.

Náiraíai Illaíma, nana o jáifirena io uáfueña jaícina jóide.

<sup>4</sup> Ocuíraíma, ona ñue jáciruiñeitimiena iñede.

Daje izói omo ñúefueña jóoneñeitimiena iñede.

Mei dama o íaífuenidimienaza.

Naga náiraíai omo caimátaizaíbitiaíoi, mei o jaícina finófiregafuiaina ciódiaíoiza.

Aquíe izói rotíaíoi.

<sup>5</sup> Bie méifodo, monamo ite Juzíñamui gairíraco tújicaillana ciódicue. Afeco nofíbicimo cuela Juzíñamui ocuica uailalai éenorano.

<sup>6</sup> Afécomona Juzíñamui siete dígade abi imaci jino bite. Afémaci siete dígade jacírede duere finóllifuiái uite. Afémaci ráifide íáinide queníredicuiruai jítáoidiaíoi. Iaíoi llaitáoiga oro finoína craigi ífe jogóbemo dúcide.

<sup>7</sup> Ie mei cuatro dígade cáadimíaimona dáamie afe siete dígade Juzíñamui abi imácimona illa dígamiemo oro finoína ichecoí fecade. Aféhecoí jaca ninomo zíñona ite Juzíñamui ocuica duere finóllifueña oruide.

<sup>8</sup> Iemo afe Juzíñamui gairíraco uúllena oruide. Afe uúllie Juzíñamui jamánomoidimiena íllamona, daje izói ie iere ríinorenayomona comuide. Afe llezica afécomo buna jofo jáinide. Nai afe siete dígade Juzíñamui abi imaci siete dígade jacírede duere finóllifuiái záíñena llezica buna jofo afécomo jáinide.

## 16

### *Juzíñamui duere finóllifuenta oruide ichécuai*

<sup>1</sup> Afe mei Juzíñamui gairíracomona jino bite ficírede uaina cacádícue. Afe uai siete dígade Juzíñamui abi imácina daide:

—Juzíñamuimona bite siete dígade duere fínuana oruidichecuai ana éniemo tótaji, —daide.

<sup>2</sup> Nanoide Juzíñamui abi ímie jaillano, afémiemo itechecoí ana éniemo totade. Afemona nana jacírede rille mámecina ciegánomo jacírede duico comuide. Afémacimo izírede jílloñede ñozagí izoide duico comuide, daje izóí afe rille jánaraimo caimátairédinomo.

<sup>3</sup> Iemo méifoide Juzíñamui abi ímie afémiemo itechecoí monáillaimo totade. Tótamona afe monaillai jainoi tídimie die izóí jaide. Iemona nana monáillaimo ite cáadinuai tícoizite.

<sup>4</sup> Iemo nane jiáie Juzíñamui abi ímie afémiemo itechecoí imánillaimo, daje izóí éniemona jainoi jino toránuaimo totade. Iemona afeno jánoillai díena jaide.

<sup>5</sup> Afe mei jainoi fiendi finótate Juzíñamui abi ímie dáinana cacádícue; daide:  
—Ocuíraima, íaifuenide Juzíñamuidio. Bie izóí comini duere o finóllena iere comécina jaícina jóidimedio.

<sup>6</sup> Mei omo jaináidinona títano íaioí díena nauí totádíaoíza. Daje izóí o dibénedo úritino díena totádíaoíza. Iemo birui afe ibana o afémacina díena jirótatio, mei daíí afémacimo dúideza.

<sup>7</sup> Afe mei nane Juzíñamuimo caimátairanomona dámie dáinana cacádícue; daide:

—Jíí, uáfueza, cai Ocuíraima, o jamánomo riírede Juzíñamuidio. Uáfuenta ñue jaícina iere riire jicánotio, —daide.

<sup>8</sup> Ie mei nane jiáie Juzíñamui abi ímie afémiemo itechecoí jitómamo totade. Afemona afe jitoma comini cóonaitalle ríino iga.

<sup>9</sup> Iemona nana comini jamánomo cóonaitaíaoí. Mei íadi íaioí comeci itífuiaina méidoñediaíaoí. Daje izóí Juzíñamuimo caimátaiñediaíaoí. Mei jiáífodo afe jacírede duere finóllifuiái ocuidimiena faidófirediaíaoí.

<sup>10</sup> Iemo nane jiáie Juzíñamui abi ímie afémiemo itechecoí jacire eroide rille illáimana ráiranomo totade. Afe llezica afémie náamataga illano jítirecaide. Iemona nana comini afe uícodo íaioímo comuide duícuai izírenari daní abi ainízitiaíaoí.

<sup>11</sup> Mei daíí itíaíaoí íadi, íaioí finoca fiénidifuiái fáicanocaiñediaíaoí. Mei jiáífodo, izi íaioí cácana ícoínia, daje izóí jacire íaioí ñozánaillamona, monamo ite Juzíñamuina íaire daidíaíaoí.

<sup>12</sup> Iemo nane jiáie Juzíñamui abi ímie afémiemo itechecoí áillue Eufrates mámecirede imánimo totade. Afemona afe imani zafénaite, áfedo illaini raire ruica bille io tuiñóllena. Aféllaini naa íaioí fuirírainiri jitoma caífo biránomona bitíaíaoí.

<sup>13</sup> Afe mei dragón daínámie fuémoma, daje izóí jacire eroide rille fuémoma, daje izóí taino uai jino llófiredimie fuémoma daámanide cúuraícina eroide fiénide joríaí jino bíllana ciódícue.

<sup>14</sup> Afe daámanidino Taife joríaí. Afémaci ciórainina raana ciótafiredino. Bie damieámanidino nana énie illaini naa íaioí fuirírainiri dáanomomo gairítaite, jamánomo riínorede Juzíñamui díga fuiríllena. Aferui Juzíñamui aillo íba ollirui.

<sup>15</sup> Aféruido monámona Cristo úrillana cacádicue; daide:

—Ero, cacai. Merízai bitimie billa izói, comini nai cuemo comécifñediaioimo déizai biticue. Cue bille llezica iníñeno cuemo comeci facáoidimie caimare íte. Daje izói emuíroma mácañeillena iníroina ñue úíñotimie izói, íaifuemona abina ráiruitimie méairuñeite, —daide.

<sup>16</sup> Iemo afe daámanide fiénide jóriai, nana illáinina dáanomo gairítate. Afeno mámecei hebreo uaido daina Armagedón.

<sup>17</sup> Iemo siete dígademona íraie Juzíñamui abi ímie afémiemo itíchechoi caifo táifomo totade. Tota llezica monamo ite gairíracomona ficírede uai cácaide. Afe uai illaíma ráiranomona jino bite; daide:

—Ja fuite, —daide.

<sup>18</sup> Afe méifodo, améuai llairilla. Mona gíría naa ficíriede ráaniai diga cácaide. Afe llezica énie iere riire docaide. Nanómona biniemo comini ía docáifirena baimo, jamánomo riire docaide.

<sup>19</sup> Iemon afe áillue comini jofue daámani dieze bójicaide. Jiáie biniemo ite jofue jáicoizite. Afe llezica Juzíñamui áillue Babilonia jófueмо úbicaide, duere íaioina finóllena. Afe duere finóllifue comini títaite ríiji jírúa izói íte. Afémie ríicaillano daí íaioina fínoite.

<sup>20</sup> Afe dáaruido nana monáillaji cigi íduai naa jiáie caifóneduairi niné táinocaide.

<sup>21</sup> Afe llezica aillo jéerie nocíjiaina monámona comínimo cocide. Aféjiaimona dáarie cuarenta kilos méerece. Iemon afe áillue nocíjiái cóciari Juzíñamuina íaire daidíaiói, mei afe bimaci duere fínua iere jamánomoideza.

## 17

### *Jamánomo jiruúredingo duere finóinafue*

<sup>1</sup> Afe méifomo siete dígachecoí llíide Juzíñamui abi imácimona dáamie cuemo úrizai bite. Cuen a daide:

—Erózaibi. Jamánomo jiruúrede izoide íaifueredingo duere finóinana omo ácatatitcúe. Afengo monáillajillaimo ite. Afe bie izói daííacade aillo nairai afengo anamo itíaiói.

<sup>2</sup> Bínie illaini afengo diga aillo fiénide íaifuiái finófirediaioi. Iemo bínie comini afengo íaifuerenamona jifáifiredino izói íaire jáidiaioi, —daide.

<sup>3</sup> Afe mei Juzíñamui Ñuera Joreño nicáirilla izói cuemo ácataja llezica, daa Juzíñamui abi ímie táizicimo cue uite. Aféno daa ringo jáirede jacire eroide rille emódomo ráinana ciódicue. Afe ríllemo diga Juzíñamui íaire daina uallai cúeina. Afe rille siete diga ífócirede, daje izói afémie zicai diez dígade.

<sup>4</sup> Afe ringo jitáoigacuiro jáirede, íemo morádona eroide. Afengo oro finoina íena ebire finóbide, íemo ráifide ñue finoca noficiaína, íemo ‘perla’ daina zíriona finóbide. Iemo afengo oro finoina ichecoí llíide. Aféchechoi íairede raana oruide, íemo jíái afengo jiruúrena llezica finoca íaifuiaina oruide.

<sup>5</sup> Afengo ozócimo cuetá jónega ónonide mámecei illa. Afeci bie izói daide: “Aillue Babilonia jofue, nana fiénidifuiái jillaci, aféfuíai ei daina izói mameide. Iemo nana biniemo ite éoigafuiái ei daina izói mameide.”

<sup>6</sup> Iemo diga Juzíñamuimo jaináidino afe ringo ícoina fazícaiaioi. Afémaci Jesús uai llócaína jira afengo titácaiaioi. Iaiói fazícanori afengo, come jifáifirena izói, iere ióbide. Afena cíoillano iere jacire fáigacaidicue.

<sup>7</sup> Ie jira Juzíñamui abi ímie cuena daide:

—¿Minicari jacínaitio? Afe ringo ónonino daiíacanafue jino omo onótaiticue. Daje izói afengo uífirede jacírede rille maméinafuena omo onótaiticue. Afe rille ifo siete dígade, íemo diez diga zícáirede.

<sup>8</sup> Afe o ciona jacírede rille jaiái nino itímie, mei íadi ie tílla mei jae íñede. Mei íadi afémie íraicaiño ie tílle uícodo meine abido fiénide jóríai íbáirafomona caífo biite. Mei íadi billano zíñona ie duere finóllinomo orelle. Eníemo ite comínimona zíñona ille rabénicomo énie taineina llezica mámecina cúeñegano, afe ríllena cíoillano iere jacínaificaitiaioi, mei afémie jaiái íteza, íemo birui jae íñe deza, íemo meine abido uire bíteza.

<sup>9</sup> Birui cai uaina féiruiñedinomo nai benó jíáie llollífuena ite: Cácarei. Afe siete dígade ifóciai baie ringo ráina siete dígade caifóneduai jana.

<sup>10</sup> Iemo afe llezica afe siete dígade ifoci daje izói siete dígade illáini jana. Afe siete dígade illáinimona cinco diga ja dotácaiaioi. Afe mena fiébidemona daa nai illáimana ite. Iemo jíáimie nai illáimaizaibiñede. Afémacimona íraillaíma bíadi are íñeno táinocaite.

<sup>11</sup> Naui caade íocirede rille, tíide íadi, nane birui caade illaíma. Afémie siete dígademona afémaci emódoidillaíma. Mei íadi afémie siete dígademona dáamie. Afe mei afémie íraicaiño ie tíllinomo jáite.

<sup>12</sup> Afe o ciona diez dígade zicai, diez dígade nai illáinina jáiñedino jana. Mei íadi jacírede rille diga dáaruido afémaci nano íanori dieze illáini ocuífírena ríino llínoítiaioi.

<sup>13</sup> Bie diez dígade illáini conímamo daje izói comécidiaioi. Iemo íaioimo ite ocuille ríino jacírede ríllemo fécaítiaioi.

<sup>14</sup> Iemona Cordero daína Jesucristo diga fúiritiaioi; mei íadi Cordero íaioina anáfenoite. Mei afémie nana ocuídinomona Jamánomo Ocuídímieza. Daje izói afémie nana illáinimona Jamánomoidillaímaza. Afémie diga jáicadino Juzíñamui nízedá jíirigano. Daje izói afémaci fáicanocaiño Juzíñamuimo ñue íinofiredino, —daií afémie cuena daíde.

<sup>15</sup> Juzíñamui abí ímie nane dáanomó cuena daíde:

—O ciona monáillajillai, níi afe íaífueringo illano, afe monáillajillai aillo jófueniaí jana. Daje izói aillo comíni jana, íemo jíáíforie úritino jana, íemo aillo náiraíai jana.

<sup>16</sup> Jacire eroide ríllemo o ciona zícainiaí jíáie illáimaíai jana. Afémaci bie jíruíredingona éoitiaioi. Eoillano aféngona zóofeitiaioi, íemo jíáí aféngona emuírogi óreitiaioi. Afe mei afengo íeizina ríítiaioi. Iemo jíáí aféngona iraimo cóonaitaitiaioi.

<sup>17</sup> Juzíñamui comeci jítaina izói afe ringona duere íaioi finóllena ónonino íaioi comécimo úrite. Ie jira dájena comécidiaioi íaioimo ite jacire ocuille ríino jacírede ríllemo fecállena. Iemona afémie jamánomo ríirede. Daií Juzíñamui daína uáillaína fuillíruimo dúcia llezica finófirediaioi. Iemona afémie daína uaina ñue ícoímo záitaitiaioi.

<sup>18</sup> Afe nauí o ciona jíruíredingó, nana énie jamánomo ocuífíredillaíma illágobe jana, —aquíe izói daíde.

## 18

*Babilonia jofue táinoicailla*



<sup>1</sup> Bie méifodo monámona jíáie ángel dainámie, Juzíñamui abi ímie ana bíllana ciódicue. Afémie aillo ríino diga bite. Afe llezica ie quenire bóodedo bínie egáíñote.

<sup>2</sup> Afe llezica afémie ficire úrite; daide:

—Aillue Babilonia jofue ja jáicoizite, ja táinocaide. Taife ocuífirregano illánona jaide. Daje izói nana jáíforiede íáirede jóríai uíñoracona jaide. Afe izói nana íáire féedino jilláillinona jaide, naa jíái cai éoiga féedinuairi.

<sup>3</sup> Mei aillo fiénide íaifuiái afengo finófirenado, nana nairai jífáidino izói itíaióiza. Iemo naga énie illaini afengo diga aillo jiruifue izoide íaifuiaina finófirediaíoi. Bíníemo ráaniai fecáfiredino iere úcuberedinona jáidiaíoi. Mei uafue, afe áillue jofue comini izire jicaca táinomo faitátate ráaniai íaiói jícáfírenamona bimaci aillo úcubenaídiaíoi.

<sup>4</sup> Afe mei monámona jíáie uaina cacádicue; daide:

—Omoi cúeiediomoiza bie jófuemona oni omoi jai; íaiói finoca fiénidifue afémaci fínua izói omoi fínoñeilleza. Daje izói íaióimo zúite jacíredifuiái ómoímo jíriñelleza.

<sup>5</sup> Mei afémacimo ite fiénidifuiái ofilla ja monamo dúcidez. Íaiói finoca fiénidifuiáimo Juzíñamui ja uíbicaideza.

<sup>6</sup> Iemo Juzíñamuina daide:

—Jíáimacimo íaiói feca izói, afe izói íaióimo fecari. Íaiói fiéni fínua izói, afe baimo ménacaiño afémacimo finori. Afémaci ñúemacimo eríredena jóneta jirota izói duere íaióina finódiaíoi. Afe íaiói fínua izói, afe íbana ménacaiño afémacimo riire duere íaióina finori.

<sup>7</sup> Aillo táinodo abi íaiói ínua dieze, íemo cómena canóñedemo fáifífirena dieze, áfeze afémacina duere finori; afe izói íaióina duere zefuítari. Mei bie ringo izoide jofue comini afengo ie comécido daíífiredeza: “Benomo illáingona ráidicue. Jaca fécinaiñeíticue; jaca dúeníticue,” —afengo daide.

<sup>8</sup> Ie jira bie izói úrillamona, dáaruido omo dúide jacíredifuiái cómuite: tíilla íemo duere zefuilla, íemo júbie. Iemo iraimo cónaitio. Mei o duere finótate Juzíñamui jamánomo ríinoredeza. Afémie jaca cai Ocuíraíma.

<sup>9</sup> Afengo diga jiruírede bínie illáicomini, daje izói afengo diga cómena canóñedemo fáífidino aféngori iere éenaitiaíoi. Mei uafue, afengo cónailla uíllíena cióillamona aféngori cáillicailli éeítiaíoi.

<sup>10</sup> Afengo iere duere finóinari jacínaillamona oni jica íítiaíoi. Afemona dáíítiaíoi:

—¡Aíi, níi o dúerena! Jamánomo riirede Babilonia jófuedio, ¡níi duere o zefuilla! ¡Mei raire dáaruido o duere finoina comuíbicaide! —dáíítiaíoi.

<sup>11</sup> Bínie ráaniai fecáfiredino aféngori cáillicailli éenaitiaíoi, mei ja íaiói atíca ráaie íbaitino íñede.

<sup>12</sup> Íaiói atífirega ráaniai, be níie: Oro, plata, ráífide noficiai, ‘perla’ daina ráífide zírío, ráífide úzecuiro, íemo jáírede ‘sédacuiro,’ morádonna eroide seda diga, íemo jíái diga jíáifodo zióriede aménaíai, íemo ebírede ‘marfil’ daina elefante zicai finoina ráífide raana, íemo ráífide amena finoina raa, íemo ‘bronce’ daina borárede lloébici finoina raa, íemo jamai lloébici finoina raa, íemo ‘marmol’ daina nofici finoina raa,

<sup>13</sup> daje izói ‘canela’ daina güíllemo faíga raa, íemo jíáíforie ráífide ziórede raa, íemo ziórede uguci, íemo ‘mira’ daina ziórede raa, íemo come abi jilláiraniai, íemo ‘vino’ daina jirórají, íemo cáíredíjii, íemo ñuera pan finófirena harina, íemo trigo, íemo daje izói abífirede cáadino, íemo ovéjaíai, íemo cabálluai, íemo ‘carros’

daina arínellaiai, daje izói jacire rairuica comínina fecádiaioi. Bie izói daina cáadino ima ringo diga jiáimacimo fecádiaioi riire íaioi ocuúllena.

<sup>14</sup> Afe jofue comínina dáitíiaioi:

—¡Baie omoi gaiga caimárede amena llizíllaniai izoide ráaie jae ñede. Nana omoi ofítaga ebíriede ráaniai ja táinocaide! —dáitíiaioi.

<sup>15</sup> Afe ráaniai fécajano iba úcube ófiredino bie áillue jofue comínimona otíaioi. Uano aillo úcuberediaioi. Mei íadi aféruído afe jofue iere duere finóinari jacínaillamona oni jica íitíiaioi. Afénomona aféngori cáillicailli éeítiaioi.

<sup>16</sup> Iemo dáitíiaioi:

—¡Aii. Aillue jófuedio nii dúerena! Naui ñuera ráifide úzecuiro jítádingo izóidio. Daje izói o comíni jíairede ráifide iníroi, íemo morádonna eroide ráifide iníroi jítáfirediaioi. Afe llezica oro íena finóritiaioi; daje izói ráifide nofici finoina raana finóritiaioi, íemo jíai ‘perla’ daina zíriona jítáfirediaioi.

<sup>17</sup> Iemo dáaruído naado aillo ráaniai niné táinocaide.

Daje izói nana ‘barco’ daina áillue nocáe ocuúdllaini, naa afécaedo jáidino diga, áfena jacíruillano oni jícarie itíaioi; daje izói afécaedo táijidinori naa jíáfodo monáillajimo táijide comíniri oni jícarie itíaioi.

<sup>18</sup> Iemo afe jofue bóua úilliana cióillano caillídiaioi:

—Bie izoide naui áillue jófuenta, ¿Ninomo cióitícaí? Bie izoide jofue jaca ñeíte, —daídíaioi.

<sup>19</sup> Iere zúucaillano íaioi ífomo énie júdaidiaioi. Daí ñiano cáillicailli éediaioi. Daídíaioi:

—¡Aii! ¡Aillue jofue nii dúerena! Nana monáillajido ráaniai fecáfiredino afe ráaniai o comíni úamona afémaci aillo úcuberediaioi. ¡Mei íadi dáaruído afe áillue comíni jofue ja niné táinocailla! —daídíaioi.

<sup>20</sup> Afe mei áfena ciódimie daide:

—Monamo itínuaí, mai afe áillue jofue táinocaillari omoi íóbiri. Uáfueza, Jesucristo orécana, naa Juzíñamui dibénedo úritinori mai íóbiri, naa Juzíñamuimo jaináidino diga. Mei Juzíñamui afengo niné táinocaitajado, omoi duere zefuítaja ñue jaícina iba ote, —daide.

<sup>21</sup> Afe mei riírede Juzíñamui abi ímie áillue nofici caifo raiñode. Afeci áillue ‘molina’ daina trigo llaira mérede nofici finoina eroide. Caifo ráiñuano afécina monáillajimo dotade. Dótajano daide:

—Afe bie izói áillue Babilonia jofue ana cáicoizite, íemona jaca ninomo meine cíoñeille.

<sup>22</sup> Benómona jaca o cígido joide iomo ‘arpa’ daina rua roia taiga raa rúaniaina meine cácaiñeille. Daje izói totíbacui uai naa bainada uai diga ja meine cácaiñeille. Afe izói nana jíáiforie táijiana baitádinomona buna fiébiñena. Iemo daje izói dobérilla ficírena izói ‘molina’ daina nofici uaina cácaiñeille.

<sup>23</sup> Afe daje llezica o jófuíai eromo bóofiredo mechera izói boode ráaniai abido bóoñeíte. Iemo aféruímo áirena llezica iráizie caimare ficírerie íaioi úrilla uáillaina meine jaca cácaiñeille. Mei naui omoi ite ráaniai fecáfiredino bínie comínimona jamánomoidiaioi íadi, ja birui afe caimárede uailai cácaiñeille. Naui aféruímo aima bífuefirena uai izóidedo náiraiaina jífuefiredio; mei íadi afe jífuefirena ona nabáiñede.

<sup>24</sup> Mei uafue, afe o jofue cígimo Juzíñamui dibénedo úrifiredino díena ciona. Daje izói Juzíñamuimo jaináidino naa jíaie bíniemo fagano díena afénomo ciona. Afe ciona die, afe jofue comíni jíáimaci títaja ícoínia daí illa jana, —daide.

## 19

<sup>1</sup> Afe bie méifomo monamo ite aillo comini ficírede uáillaina cacádícue. Daidíaiói:

¡Aleluya! Cai jíllonano cai Juzíñamuimo dúide.

Daje izói iere ebíredífue afémiemo mamérede, íemo naa ñuera ríino diga.

<sup>2</sup> Mei afémie ñue jaícina ua uaido iere riire jicánofiredeza.

Afe iere jiruíredingona afémie riire duere finótateza.

Afengo iere ie jiruírenado énie comínina íaire finode.

Juzíñamuimo táijitagano tilla iba aféngomo oga, daidíaiói.

<sup>3</sup> Nane dáanomo daidíaiói:

—¡Aleluya! mei afengo jobailla uíllie jaca ninomo llícañeno uillíoite, — daidíaiói.

<sup>4</sup> Afe llezica veinticuatro dígade éicomini, íemo jíái cuatro diga cáadimíaii diga, ana éniemo bíjicaillano, Juzíñamuimo caimátaidíaiói. Illaíma ráíiranomo ráiide Juzíñamuimo caimátaillano daidíaiói:

—¡Daítadeza! ¡Aleluya! —daidíaiói.

<sup>5</sup> Nane afe mei illaíma ráíiranomona jíáie uaina cacádícue; aféuai daide:

—Cai Juzíñamuimo nana afémie ocuícano afémiemo ñúefuiai omoi mameri.

Daje izói íena caimare jacíruitino, illáicomini naa jiba comíniri, ñúefuiai afémiemo jónefireiri.

### *Cordero daína Cristo áirena rafue*

<sup>6</sup> Nane daje izói aillo comini uaillai izóidena cacádícue. Afe uaillai aillo imánillai ficírena izói ficírede, íemo jíái afe uaillai ficire mona gíría ficírena izói ficírede. Afe uaillai daide:

¡Aleluya! Jamánomo riírede cai ocuide Juzíñamui nane meine como ócuite.

<sup>7</sup> Mai cai íóbilli; daje izói iere caimare cai illi.

Afémiemo ebíredífue cai mamelli.

Mei Cordero áirena izóidíruimo ja dúcidez.

Afémie ai izóidinona jáitino ja ñue finóbidaíaiói. Afémaci Crístomo ua ínotímaci.

<sup>8</sup> Ráífide úzecuirona jítáredíaiói.

Mei uafue, íáinino queníredíroi Juzíñamui afémacina jítátaga.

Mei afe ñuera ráífide úzecuiro Juzíñamuimo jaináidino comécina jaícina jóoina jánaza.

<sup>9</sup> Iemo Juzíñamui abi ímie cuena daide:

—Mai cúeiri: Cordero áirena ráfuego uáidogano ja caimare itíaiói, —daide.

Nane cuena daide:

—Bíuai Juzíñamui lloga ua uai, —daide.

<sup>10</sup> Iemona afe Juzíñamui abi ímiemo cue caimátaillena ie anamo dújudícue. Mei íadi afémie cuena daide:

—Cuemo daíí íñeno, mei o izói cue Juzíñamui ocuícamedícueza. Jíí, Jesús llócaiga ua uaimo féitañeno ínote o ámatíai izóidícue. ¡Cuemo caimátaíñeno; Juzíñamuimo cáimataí! —daide.

Mei afe Jesús llócaiga ua uai, Juzíñamui dibénedo lloga uaillai jino llotino comeci úritade.

### *Uzerede cabállomo ráicaídímie*

<sup>11</sup> Nane afe méifomo mona tuíñuana ciódícue. Afénomo úzerede caballo cíocaide. Afe emódomo ráicaídímie mámecei “Fiel” íemo jíái “Verdadero” daínámie. Mei afémie ñue jaícina illáfuedo ocuúdeza; daje izói áfedo fiénidino diga fuirítateza.

<sup>12</sup> Ie ui irai bóua izói quere cíoide. Ie ifócimo diga illaíma jítáracuifoi jítáoide. Daje izói afénomo dama ie onoiga mámecei cúeina.

<sup>13</sup> Afémie jítácacuiro díemo mutácaroi. Afémie mámecei Juzíñamui Uai.

<sup>14</sup> Afe llezica nana monamo ite Juzíñamui ocuica fuirídino afémie óodana jáidiaioi. Afémaci ráifide úzecuiro jítáoidiaioi. Aferoi jaca íáinide. Baie nana afémiedo jáidino úzerede cabállomo ráicaidiaioi.

<sup>15</sup> Afémaci ifódime fuémoma jáirede lloefai jino bite, áfedo nana nairai boféllena. Afe llezica afémie lloébici izóidedo náiraiaína ócuite. Vino finóacanomo úvaiaí iduállena riire záizia izói, afe izói afémie afémacimo iere riire jicánoite. Iemo jamánomo ríinorede Juzíñamui ráicaillamona cómuite iere duere finóillifue, vino jirótaja izói afémacina duere finótaiteza.

<sup>16</sup> Ie inícuero emódomo jítácacuiromo cuega mámecei illa. Daje izói ie riáizimo cuega. Afeci daide: “Nana illáinimona Jamánomoidillaíma,” íemo jíái “Nana Ocuídinomona Jamánomo Ocuídime.” Afémie níi cai Ocuíraíma Cristo.

<sup>17</sup> Afe mei Juzíñamui abi ímie jítoma riire egáíñuanomo naidáinana cíódicue. Afémie nana mona erodo féedinuiaí ficire jíríte; daide:

—Juzíñamui finoca áillue güille nana dáanomo omoi riáibi,

<sup>18</sup> mei benomo illáini íeizi ríitiomoiza, naa fuiríraíni illáicomini íeizi diga. Dáanomo íocirede fuiríredino íeizi ríitiomoi, naa caballo íeizi diga. Daje izói afe emódodo ráicaidino íeizi ríitiomoi. Iemo nana fiébidino íeizi ríitiomoi. Buna ráiruiñegano, daje izói jacire rairuícano, íemo jíái jamáimaci íeizi, naa jamánomoidimaci diga daje izói ríitiomoiza, —daide.

<sup>19</sup> Afe mei afe jacire eroide ríllena cíódicue naa bínie illáicomini naa íaioi fuiríraíniai diga. Nana bimaci fuiríllena dáanomo ofídiaioi. Afémaci afe úzerede cabállomo ráicaidime diga fuirízaíbitiaioi. Afémie “Juzíñamui Uai” daínámie. Daje izói afémie canode fuiríraíni diga fuiríllena maméritiaioi.

<sup>20</sup> Afe mei afe jacirede rille, taino uai jino llócaidime diga ja llaveca. Afe taino uai jino llotímie, jacirede rille eróicana, jacínaitade cíórainina raa cíótate. Aféfuiaido afe taino uai jino llotímie, nana afe jacirede rille mámeceina cuetátaganona jífuete. Daje izói afe jacirede rille jánaraimo caimátaidinona afémie jífuete. Iemona ‘monstruo’ daína jacire eroide rille, daje izói taino uai jino llotímie, cáanori dáanomo duere finolle jorai izoide bóodimo dotácaiaillinoi. Afe jorai izoide duere finóllino iere uzire boode.

<sup>21</sup> Nana áfemona fiébidino úzerede cabállomo ráicaidime fuémoma bite lloéfaido titácaiaioi. Iemona nana féedinuiaí bie titácano riáibillano íaioi íeiziri jéirediaioi.

## 20

### *Mil diga fimona dino comini caimare íitiaioi*

<sup>1</sup> Bifue méifomo ángel daínámie Juzíñamui abi ímie monámona ana bíllana cíódicue. Afémie afe fiénide jóríai íbáirafo zuitara llave naa áillue llójeo diga llíicabite.

<sup>2</sup> Afe bie Juzíñamui abi ímie ‘dragón’ daína jáiaira áillue jaio lláitano anáfenode. Afe jaio jíáfodo mameina Taife, dáamie Satanás. Anáfenuano afémiena mil diga fimona llaveca.

<sup>3</sup> Ana fiénide jóríai íbáirafo íoriano íena llavede. Lláviano afe nazemo ‘sello’ daína “buna zuitánide” daide raa jónete. Daíí finoca náiraiaína mil diga fimona dinori jífueñeillena. Afe mil diga fimona jaille méifomo, afémie nano íanori zuitalle.

<sup>4</sup> Afe mei illaini ráiranuaina ciódicue. Afénomo ráiedino iere riire jicánolle ríinona igáiaioi. Afe dáaruido ifóciaina jáicoicano coméciana ciódicue. Afémaci Jesús jáicina lloga Juzíñamui uai íaioi llócailla ícoinia ifócina jaitácaiaioi. Afémaci afe jacire eroide ríllemo caimátaiñediaioi; daje izói afe jánaraimo caimátaiñediaioi. Daje izói afémaci ozócimo ie mámecei cuetátaiñediaioi, íemo daje izói íaioi ónoimo. Afémaci abi meine abido cáaillano mil fimona dino Cristo diga illáimaitiaioi.

<sup>5</sup> Afe bie meine abido cáadino, nanóidino meine cáailliruimo abido cáaitiaioi, jae cai daina Cristo diga illáimaillena. (Mei íadi jíáie tíidino mil diga fimona záíñena dino meine abido cáaiñeitiaioi.)

<sup>6</sup> Nana afe nanoide cáailliruimo meine abido cáaitino caimare itiaioi. Daje izói afémaci Juzíñamui ñue finócano. Afe meífoide tulle afémacimo jaca jíriñeite. Mei íadi afémaci comínido Juzíñamuimo úrifireitinona íitiaioi; daje izói Cristo íeiena zííñona íitiaioi. Iemona mil fimona dino afe Cristo diga illáimaitiaioi.

<sup>7</sup> Afe mil diga fimona záilla méifomo, Taife ie llavéinafomona zuitalle.

<sup>8</sup> Jáillano nana énie náiraiaina jífueite. Aféruido “Gogna” mámeceirede náiraina jífuaite, “Magog” daina náiraina diga. Afe náiraiai fúiritinuiaina Taife dáanomo jofo óite, íiraicaiño fuiríllena. Afémaci monáillajimo ite guamai dígadeza facádonidiaioi.

<sup>9</sup> Afemona énie náiena afémaci iere oruíbicaite. Iemona Juzíñamuimo jáináidino illánona nágafene fállena cirínotiaioi. Afe illano Juzíñamui izíruiga Jerusalén daina jofue; áfena cirínotiaioi. Mei íadi Juzíñamui monámoma irai afémacimo orede. Afe iraido fiébiñeno cóonaitiaioi.

<sup>10</sup> Afe llezica afémaci jífueoicaide Taife boode jóraimo dotaca. Afe jorai iere uzire boode. Afe dáanomo jacire eroide rille, íemo jíái taino uai jino llócaidímie nauí dotaca. Afénomo mona naio diga jaca ninomo zííñona iere duere finócaiaioi.

*Aillue úzerede ráirano illaíma ie, íemo afe uícomo iere riire jicánollino cioina*

<sup>11</sup> Afe méifodo áillue úzerede ráirano illaíma íena ciódicue. Iemo afénomo ráiidímiena ciódicue. Afémie uícomona nana énie mona diga niné cióbicaíñena. Afe mona énie diga illino jae íñede; jae niné táinocaidiaioi.

<sup>12</sup> Daje llezica Juzíñamui uícomo nauí Juzíñamuimo íñoñeno tíidino naidáienana ciódicue. Afeno jamánomoidinori naa jamáimaciri dáanomo naidáiediaioi. Afe llezica comini finócafuaí cuiánicuaí túide. Daje izói afénomo jíáie zííñona íitino mámecei cuiánico túide. Bie tíidino íaioi finócafuaí íllaze riire jicánogaiaioi, mei afe íaioi finócafuaí cuiánicomo cúeina dieze riire jicánogaiaioi.

<sup>13</sup> Afe llezica monáillajimo báide tíidino meine abido Juzíñamui uícomo caífo náidacaitagaiaioi. Daje izói nana jíáíforie tíidinuaí íaioi tíillanomona meine abido Juzíñamui uícomo caífo náidacaitagaiaioi. Afe nana náidacaitagano íaioi finócafuaí íllaze afémacimo riire jicánogaiaioi.

<sup>14</sup> Afe mei ‘muerte’ daina comini tíillafue boode jóraimo dotaca, ie mei niné táinocaide. Daje izói dáanomo nauí tíidino íbáinaco afénomo dotaca. Dotaca mei niné táinocaide. Afe bie boode jorai, íiraie tíillana mameide.

<sup>15</sup> Iemo afe zííñona ítino mámecei cuiánicomo mámeceina cúeñegano afe boode jóraimo dotácaiaioi.

## 21

*Comue mona comue énie diga*



<sup>1</sup> Afe méifodo comue mona, comue énie diga ciódicue. Mei nanoide mona nanoide énie diga ja niné cióbicañenaza. Daje llezica monaillai jae iñede.

<sup>2</sup> Afe llezica comue Jerusalén daina íaifuenide jofue, Juzíñamui uícomona monámona ana billana ciódicue. Afena ciódimiedicue, Júaaducue. Afe jofue, óllena jicánoga ringo ebire finóbina izói ebire cíoide.

<sup>3</sup> Iemo monámona ficire dáinana cacádicue. Afe uai daide:

—Ero, comini cigiri birui Juzíñamui illa. Afémaci diga ífireite, íemo afémaci afémie comínina íitiaíoi. Ja birui dama afémie afémaci cigiri íite, afémaci Juzíñamuina ie íllena.

<sup>4</sup> Juzíñamui afémaci ui jémene zafénaitaite. Aféruimo tílle íñeite. Daje izói eia íñeite, íemo jíái duere zefuillamona eia íñeite. Daje izói comini abi izírena íñeite, mei jaiái itífuiaí jae záaideza.

<sup>5</sup> Iemo illaíma ráiiranomo ráiidimie cuena daide:

—Ero. Nana cómuena méidotucue.

Iemo nane daide:

—Bie uai iere ua uaiza, mai cúeiri. Daje izói bie uai iere ínofiregaza, —daide.

<sup>6</sup> Nane afe mei cuena daide:

—Ja ñue ícoímo finócaza. Cue bie naga ráfuiaína nai cómuñenia uícodo itímiedicue. Daje izói dáamiedicue fuillínomo itímiedicue. Abecedario A-mona táinia izóidimiedicue. Daje izói abecedario Z-mo fuizajilla izóidimiedicue. Jáinoina jiróacadimie ñúejina jirótaja izói, afe izói ñúefuiaí dibénemo íacadimie mo rainóñeno afémie mo zíñona illáfueña ífireitucue.

<sup>7</sup> Fíénidena anáfenodimie nana bíena feci raa fia máíñua izói, máíñoite. Afe llezica afémie Juzíñamuitucue, íemo daje llezica afémie cue jítóite.

<sup>8</sup> Mei íadi nana ínoñedino dibéfodo duere zefuille afémacimo dúide. Uáfueza, ñúefueña jacíruitino daje izói ínoñedino, íemo jíáimana éoidino, íemo jíáimana titádino, íemo jíái jiruífueña finófredino, íemo jíáima fue gáiana fibídino, íemo jíái jánaraimo caimáaidino, íemo nana táinona úritino; nana bie izóidino boode jóraimo dotárediaíoi. Afe jorai iere uzire boode. Afe bie boode jorai íiraie tíllana mameide, mei afénomo dotácana jaca ninomo Juzíñamuimona oni eneno duere finócanona íitiaíiza.

### *Comue Jerusalén*

<sup>9</sup> Afe mei siete dígade ángeles dainámaci Juzíñamui abi imácimona daa cuemo úrizabite. Afémie nauí Juzíñamui ocuica siete dígade íiraie jacírede duere fínuana oruide ichecoí uitímie. Afémie cuena daide:

—Ero, Cordero aí izóidena jáitinona o ácatatucue, —daide.

<sup>10</sup> Iemo Juzíñamui Ñuera Joreño bie izóidena nicai anado cuena cíotate. Afe Juzíñamui abi ímie áillue caifónedumo cue uite. Afénomo monámona Juzíñamui uícomona ana bite jamánomo ñuera Jerusalén jofue cuemo ácatate.

<sup>11</sup> Juzíñamui abi ebire quenírena izói afe jofue quenírie cíoide. Daje izói iere ráifide nofici quenírena izói queníriede. ‘Jaspe’ daina nofici vidrio enéfecomo cíoina izói cíoide.

<sup>12</sup> Afe jofue jinófenodo nágafene áillue cirínuabairo raa ite. Afe cirínogamo doce dígaze naze ite. Iemo illa diga nazemo Juzíñamui abi ímie naidaina. Iemo afe náziaimo doce dígade Israel nairai mámeiciaí cúeina.

<sup>13</sup> Afe jofue náziaimona, fuirífenemo dazeámani ite. Iemo jíáie dazeámani onífenemo ite; íemo jíáie dazeámani féifenemo ite; íemo jíáie dazeámani afáifenemo ite.

<sup>14</sup> Afe jofue jinófene cirínua anamo nofici finoína mozioidibani doce dígade. Illa dígabanimó Cordero nágagobiaimo orécano ‘apóstoles’ daínamací mámeciaí cúeina.

<sup>15</sup> Afe cue díga úrite Juzíñamui abí ímie, oro finoína facáradozi llíide, afe jofue facállena. Daje izóí ie náziaí facállena, íemo jíái afe jinófene cirínua facállena.

<sup>16</sup> Afe jofue fueda nagaámariede; nágafene daje dinóriede. Ie árera díbene daje dinóriede; íemo ie ruica díbene daje dinóriede. Afe Juzíñamui abí ímie ie llíiga radózido jofue facade. Facádemo dos mil doscientos kilómetros árera. Daje izóí ruica diné eróicana dos mil doscientos kilómetros. Iemo caifo diné eróicana jíái daje izóí dos mil doscientos kilómetros. Nágaífeniaí daje dinóriede.

<sup>17</sup> Afe mei jinófene cirínuabani facade. Facádemo sesenta y cuatro metros caifo ite. Afena Juzíñamui abí ímie come facáfírena izóí facade.

<sup>18</sup> Afe jinófene cirínuabani ‘jaspe’ daína nofici finoína. Afe jofue íáinide oro niina. Ñue enéfecómo cíoide vídriona eroide.

<sup>19</sup> Jinófene cirínua anamo mozioidibanillai nana jíáíforiede ráífide noficiáido ebire ñue finoica. Nanóidibani ‘jaspe’ daína noficiado ebire ñue finoica, íemo jíáíibani ‘zafiro’ daína noficiado ebire ñue finoica, íemo jíáíibani ‘ágata’ daína noficiado ebire ñue finoica, íemo jíáíibani ‘esmeralda’ daína noficiado ebire ñue finoica,

<sup>20</sup> íemo jíáíibani ‘ónice’ daína noficiado ebire ñue finoica, íemo jíáíibani ‘cornalina’ daína noficiado ebire ñue finoica, íemo jíáíibani ‘crisólito’ daína noficiado ebire ñue finoica, íemo jíáíibani ‘berilo’ daína noficiado ebire ñue finoica, íemo jíáíibani ‘topacio’ daína noficiado ebire ñue finoica, íemo jíáíibani ‘crisoprasa’ daína noficiado ebire ñue finoica, íemo jíáíibani ‘jacinto’ daína noficiado ebire ñue finoica, íemo jíáíibani ‘amatista’ daína noficiado ebire ñue finoica.

<sup>21</sup> Afe doce dígade naze íbáirabici áillue perla. Illa dígaze daa perla ie finoína. Afe jofue cígido joide áillue macárao íáinide oro finoína. Afe macárao enéfecómo ñue cíoide vídriona eroide.

<sup>22</sup> Afe jofue eromo Juzíñamuimo gairíracó jaca ninó daa cíofñedicue; mei jamánomo ríinorede Juzíñamuimo ebena nágaífeniaimo caimátaidiaíoi. Afémiena jíáííodo daína caí Ocuíraíma. (Afe jofue gairíracó Juzíñamui abíza. Daje izóí jíái Cordero abíza.)

<sup>23</sup> Afe jofue jítómado egáíñuamo dúíñede; daje izóí fíuido egáíñonide. Mei afe jofue Juzíñamui abímo ite ebírede quenírededo egáíñogaza. Daje izóí jíái Juzíñamui Cordero afe jofue egáíñogaza.

<sup>24</sup> Nana jíllotaga nairai afe jofue egáíñuado mácaítiaíoi. Bíníe nairai illaini afe jófuemo íaíoi mo ite aillo ebíriede illaíma daíllena ráaniaína átítiaíoi. Atiano Juzíñamuimo, íemo jíái Crístomo izájítiaíoi. Daje llezica afe jofue ocuídímie íaillínoímo aillo ñúefuena mámeítiaíoi.

<sup>25</sup> Afe jofue naze jaca monari íbaiñelle. Iemo afénomo jaca mona náuíñeite. Jira náziaí íbáíllíruí íñeite.

<sup>26</sup> Eníe náraíai íaíoi mo ite ebíriede ráaniaína afénomo átítiaíoi. Daje izóí afénomo aillo ñúefuaí mámeítiaíoi.

<sup>27</sup> Mei íadí comécina íáiredíno jaca afénomo jofo jáinide. Daje izóí comécina éoidíno díno mo jofo jáinide, naa taino llotínori. Dama zííñona ítíno mámeí cueránícomo mámeína cuegámaci daní afénomo jofo jaille. Afénico Cordero daína Jesucrístomo ite.

## 22

<sup>1</sup> Afe mei Juzíñamui abi ímie íáinide imánina cue ácatate. Afémani jainoi cómena zíñona cáatate. Afeji vidrio enéfenemo uáfori cioina izói cíoide. Afe imani Juzíñamui illáimana ráiranomona tote. Afe ráirano daje izói Cordero ie.

<sup>2</sup> Afe jofue cígido áillue macárao illa. Afe macárao dáafenedo comínina zíñona cáatate aménaiai riina. Daje izói afénomo ite imani fuédado nágafene daje ie aménaiai riina. Afe aménaiai illa diga fiui llizífirede. Iemo jíái afe aménaiai íbiai nairai ñue manóllena ite.

<sup>3</sup> Aféruillaído afénomo faidórafuena jae íñeite. Juzíñamui illáimana ráirano afe jófuemo ite; daje izói Cordero ráirano afénomo ite. Ie ocuífiregano daa afémiemo caimátaitiaioi.

<sup>4</sup> Afe llezica afémaci Juzíñamuimo, meáiruiñeno jofu conímamo éroitiaioi. Afémaci ozócimo afémie mámecei cúeina.

<sup>5</sup> Afénomo mona jaca náuiñeite. Afénomo itino mechera izoide egáñuana jítaiñeitiaioi. Daje izói jítoma egáñuana jítaiñeitiaioi, mei cai Ocuide Juzíñamui íaioina egáioite. Iemo afémaci jaca ninomo zíñona illáimaitiaioi.

### *Jesucristo billirui ja ánozide*

<sup>6</sup> Afe méifomo Juzíñamui abi ímie nane cuena daide:

—Bie uai iere ua uaiza. Daje izói bie uai iere ínofiregaza. Afe cai Ocuíraima nauí Juzíñamui uai jino llóraini comécimo úritimie. Afémie birui ie abi ímie orede, ie ocuícamacimo raire cómutifuiaina onótallena, —daide.

<sup>7</sup> Iemo Jesucristo daide:

—¡Raire biticue! Binícomo cuega Juzíñamui uáillaina jíeruitimie caimare ite, —daide.

<sup>8</sup> Cue Juáadicue. Bífuiaina cacádicue, daje izói bífuiaina cíódicue. Bífuiaina cacáillano, íemo daje izói cue ciona méifomo, cuemo ácatate Juzíñamui abi ímie anamo dújudicue afémiemo caimátaillena.

<sup>9</sup> Mei íadi afémie cuena daide:

—Jadí izói cuemo íñeno. O izói Juzíñamui ocuícamiedicue. Daje izói Juzíñamui dibénedo úrifirede o ámatiai izóidicue. Iemo jíái binícomo cuega uáillaina náfuetino izóidicue. Cuemo caimátaiñeno; dama Juzíñamuimo caimátaiñeiri, —daide.

<sup>10</sup> Nane dáanomo cuena daide:

—Binícomo cuega Juzíñamui uaina báinino o comécimo jóoneñeno o iri. Mei bífuiái ícoimo ñue fuizájillirui ja ánozideza.

<sup>11</sup> Nai bie fuiñena llezica, fiénidimaci íaioi finófirega fiénidifuenta dama íaioi finócaza. Fia eroi, mei afe izói íaioi íllado jamánomo duere finólliaioiza. Daje izói comécina íáiredino dama comécina íáireoicaideza. Fia eroi, mei áfedo duere finólliaioiza. Mei íadi ñue itino íaioi illa baímo ñue iri. Daje izói Juzíñamui íena ñue finócamie fáicanocaiñeno afémie íena ífireiri, —daide.

<sup>12</sup> Iemo Jesucristo daide:

—Jíi, raire biticue. Illa dígamíemo cue fecalle fia jíridoga izoide raa atídicue. Illa dígamíemo afémie finoca díeze fécaiticue.

<sup>13</sup> Nanóidimiedicue. Iemo jíái íraimiedicue. Daje izói naga ráfuiái uícodo itímiedicue. Daje izói fuizájillanomo itímiedicue. Iemo jíái abecedario A-mona táinia izóidimiedicue. Daje izói abecedario Z-mo fuizájilla izóidimiedicue.

<sup>14</sup> Íaioi ínirina jocófiredino izói, comeci ífue ñuérana méidotino caimare itíai. Íemona cáatate amena llizíllana gürediaioi. Afe bie izói daíacade zíñona íaioi íllena. Daje izói íaioi ínirói ñue jócuamona, afe jofue nazedo Juzíñamui illánomo jofu jáirediaioi.

<sup>15</sup> Mei íadi comécina íáiredino afénomo jofo jáinidiaioi. Iemo daje izói jiáima fue gáiana fibídino, íemo daje izói nana jiáiforiede jiruifue finódino, daje izói cómena méinetino, daje izói jánaraímo caimátaidino, daje izói jiáie comínina iere jífuefiredino, naa afe izoide fibíidinori; nana bie izoide comini afe jófuego jofo jáinidiaioi; jáiñeno jino fiébitiaioi.

<sup>16</sup> Cue Jesúsicue. Juziñamui uo jáináidinomo nana bífuiaí jino llóllena cue abi ímie ja cue oreca. Jaiái illaíma David comuilla moi ímiedicue; daje izói afémiemona jebuídino comuítagamiedicue. Iemo iere egáiñote monáiracudu izóidimiedicue, —daide.

<sup>17</sup> Iemona Juziñamui Ñuera Joreño daide:

—Mai bi, —daide.

Daje izói Cordero ai daína afémiemo ua jáináidino íena daide:

—Mai bi, —daide.

Daje izói bíuailaina cacádino afémiena:

—Mai bi, —omoi daíri.

Iemo Cristo daide:

—Jiróacaitimie ziiñona cáataite jáinoina íbáñeno mai fia júruaíbiri. Afe bie izói daíacade ziiñona illáfueña óiacadimie mai cuemo bi; raiñóñeno omo fécaíticueza.

<sup>18</sup> Nana binícomo cuega Juziñamui uaimo cacáreidinona bie izói llétaiticueza, cacai: Dáamie bie ráfueña baímo zotáadi, Juziñamui binícomo cuega jacírede duere finuaniaína afémiemo jóoneite.

<sup>19</sup> Daje izói binícomo cuega Juziñamui uáimona dáamie daa uai oni óiadi, Juziñamui afe ziiñona cáaitino mámecei cuiánícomo cuega afémie mámeceína oni óite. Daje izói binícomo lloga nífuenide jófuego Juziñamui afémiena jofo jáitañeite.

<sup>20</sup> Bífue jino llotímie nane dáanomo llote:

—Jii, raíre biticue, —daide.

Afemona Juan daide:

—Aquíe izóideza. ¡Cai Ocuíraíma Jesús, mai bi!

<sup>21</sup> Cai Ocuíraíma Jesucristo nana ómoina ñue fínoíteza. Daíítadeza. Jae níie.